




150.5 - Choctaw

GUACANAGARI	PONTIAC	BLACK HAWK
MONTEZUMA	CAPTAIN PIPE	KEOKUK
GUATIMOTZIN	LOGAN	SACAGAWEA
POWHATAN	CORNPLANTER	BENITO JUAREZ
POCAHONTAS	JOSEPH BRANT	MANGUS
SAMOSET	RED JACKET	COLORADAS
MASSASOIT	LITTLE TURTLE	LITTLE CROW
KING PHILIP	TECUMSEH	SITTING BULL
UNCAS	OSCEOLA	CHIEF JOSEPH
TEDYUSKUNG	SEQUOYA	GERONIMO
	SHABONEE	



TO PERPETUATE THE HISTORY
AND DEVELOPMENT OF THE
PEOPLE REPRESENTED BY THE
ABOVE CHIEFS AND WISE MEN
THIS COLLECTION HAS BEEN
GATHERED BY THEIR FRIEND
EDWARD EVERETT AYER

AND PRESENTED BY HIM
TO
THE NEWBERRY LIBRARY
1911




421

C484(R)

B406

1854






42

C4

B4

183



Wright-and Byington.

42

C4

B4

185

THE
NEW TESTAMENT
OF
OUR LORD AND SAVIOUR JESUS CHRIST,
TRANSLATED INTO
THE CHOCTAW LANGUAGE.

PIN
CHITOKAKA PI OKCHALINCHI CHISVS KLAIST
IN TESTAMENT HIMONA,
CHAHTA ANUMPA ATOSHOWA HOKE.

NEW YORK:
AMERICAN BIBLE SOCIETY,
INSTITUTED IN THE YEAR MDCCCXVI.

1854.

42
C4
B4
18

CONTENTS.

Mahlu	Page. 5
Mak	109
Luk	174
Chan	286
Apostel isht Anumpa	369
Loman	467
I. Kolinhljan	513
II. Kolinhljan	557
Kaleshan	586
Efeshan	601
Filippian	615
Koloshan	625
I. Hlessalonian	635
II. Hlessalonian	644
I. Timohli	649
II. Timohli	662
Titus	671
Filemon	677
Heblu	680
Chemis	713
I. Pita	725
II. Pita	738
I. Chan	746
II. Chan	758
III. Chan	760
Chute	762
Nan Otzni	766

2d Edition.



UBANUMPA MAHLU

VT HOLISSOCHI TOK.

CHAPTA I.

Chisvs Klaist a haknip imma isht ai in tikba vhleha, 1. 18 Shilombish Holitopa yak osh ik yohmi ai ahni pulla na, Chisvs vt ohoyo himita hatak haleli keyu Meli hohchifo mako im ai vtta.

1. EBLAHAM isht ai unchululi, Lewi a Ushi, Chisvs Klaist vtta tok isht annoa holisso hoke.

2. Eblaham vt Aisaak a tobachi tok; atuk o Aisaak vt Chekob a tobachi tok; atuk o Chekob vt Chutas micha itibapishi vhleha aiena ka tobachi tok;

3. Atuk o Chutas vt Fales, micha Sala aiena ka Tama ya a tobachi tok; atuk o Fales vt Eslom a tobachi tok; atuk o Eslom vt Elam a tobachi tok;

4. Atuk o Elam vt Aminatab a tobachi tok; atuk o Aminatab vt Naason a tobachi tok; atuk o Naason vt Salmon a tobachi tok;

5. Atuk o Salmon vt Boas a Lakab a a tobachi tok; atuk o Boas vt Obet a Luti a a tobachi tok; atuk o Obet vt Chessi a tobachi tok;

6. Atuk o Chessi vt miko Lewi a tobachi tok; atuk o miko Lewi vt Solomon a Ulias tekchi a tok a a tobachi tok;

7. Atuk o Solomon vt Loboam a tobachi tok; atuk o Loboam vt Abia ya tobachi tok; atuk o Abia vt Esa ya tobachi tok;

8. Atuk o Esa vt Chosafat a tobachi tok; atuk o Chosafat vt Cholam a tobachi tok; atuk o Cholam vt Osias a tobachi tok;

9. Atuk o Osias vt Choahlam a tobachi tok; atuk o Choahlam vt Akas a tobachi tok; atuk o Akas vt Esekias a tobachi tok;

10. Atuk o Esekias vt Manasses a tobachi tok; atuk o Manasses vt Amon a tobachi tok; atuk o Amon vt Chosaias a tobachi tok;

11. Atuk o okla ha Babulon ishtia hosi foka ma, Chosaias vt Chekonias micha itibapishi vhleha aiena ka tobachi tok;

12. Atuk o okla ha Babulon ishtona haya, Chekonias vt Salahliel a tobachi tok; atuk o Salahliel vt Solobabel a tobachi tok.

13. Atuk o Solobabel vt Abiut a tobachi tok; atuk o Abiut vt Eliakim a tobachi tok; atuk o Eliakim vt Aso ya tobachi tok;

14. Atuk o Aso vt Satok a tobachi tok; atuk o Satok vt Akim a tobachi tok; atuk o Akim vt Eliut a tobachi tok;

15. Atuk o Eliut vt Eleasa ya tobachi tok; atuk o Eleasa vt Mattan a tobachi tok; atuk o Mattan vt Chekob a tobachi tok;

16. Atuk o Chekob vt Meli, yummak o Chisvs vt a tobvt vttatuk osh Klaist hohchifo ka, i hatak Chosof a tobachi tok.

17. Yohmi hatok o Eblaham a ai vhlit it ai unchululit mihinti kvv Lewi a ant ai vhlit kvv moma kvv it ai unchululi auah ushta hoke: yohmikma Lewi a ai vhlit mihinti kvv okla ha Babulon ishtia tok a ant ai vhlit kvv it ai unchululi auah ushta hoke; yohmikma okla ha Babulon ishtona tok a ai vhlit mihinti kvv Klaist a ant ai vhlit kvv it ai unchululi auah ushta hoke.

18. Chisvs Klaist vttahpi ka ilvppak osh a yakohmi tok; ishki Meli vt Chosof a im vllhpa tok vt, ik it im ono kisha ho, Shilombish Holitopa ya vlla i shali tuk osh otvni tok.

19. Yohmi ma i hatak Chosof vt hatak achukma hatuk osh, nana vllhpisa vt onvtula hi a ik ahno mvt, lumvt kancha hi vt im anukfila tok.

20. Yohmi kia ilvppa puta ka anukfihinli tuk osh holh-pokuna ma, Chihowa im enchil vt ant i haiaka cha, Chosef Lewi ushi chia ma! chi tekchi Meli a ishi ik chi nukwiyo kashke; Shilombish Holitopa ak atuk mak o yvmmak okvt toba hosh afoyuka hoka.

21. Yohmi ka vlla-nakni o sholikma, hohchifo ha Chisvs ish hochifa hi oke; yvmmak osh im okla talaia ai im ashv-chika puta ma ai i hlakoficha hi oka, achi tok.

22, 23. Chihowa hvt hopaii ya isht ai anumpulit, Ohoyo himita hatak haleli keyu hosh chakalit vlla nakni o shola he; mikma hohchifo ha Immanuel, yvmmtv tosho-wak mvt, Chihowa hvt piba foka, achi mak o okla hochifa hi oke, achi tok mak o ont ai ahla chi ho, ilvppa moma kv yvm mohmi tok.

24. Yohmi ma Chosef vt nusi tuk vt okcha mvt, Chihowa im enchil vt ai i miha tuk mak o yvmohmi mvt, tekchi a ilauei tok.

25. Yohmi kia ik it apoto kisha ho, vlla-nakni ishi ahpi kv sholi tok: mihma hohchifo ha Chisvs hochifo tok.

CHAPTA II.

Fochik in tikba hika ho hatak hopoyuksa vhleha hvt hvshi akochaka imma mintit Chelusalem a vla cha, 11; vlosi Chisvs a aiokpvchi, 14 micha i yakni a falamvt ilhkoli. 15 Chosef vt Echip ia chi ka enchil osh im anoli. 16 Helot vt Chisvs a hot vbi bvna; vlla chipota moma Behlehem a ai vbi. 23 Chosef vt Chutea yakni falamvt ia chi ka enchil osh im anoli no Nasalet ak o ont ai anta.

1. CHISVS vt Helot miko ai ahanta nitak o Chutea yakni Behlehem tmaha ha ai vta ma hatak hopoyuksa vhleha hvt hvshi akochaka imma mintit Chelusalem a ai vla mvt,

2. Chu okla i miko vta tuk mvt katimak o ituyula cho? i fochik a hvshi akochaka imma ya il a pihisa tuk osh aiokpvchit il itvnowa hatuk oke, achi tok.

3. Miko Helot vt ilvppa puta ka haklo mvt, Chelusalem okla moma aiena kvt komunta tok.

4. Micha na holitempa isht asha pehlichi puta, micha okla nan i holissochi vhleha moma ka itahobit taiyahli mvt, kanima yo Klaist vt ai vtta hinla hatuk a im a ponaklo tok.

5, 6. Mihma Chutea yakni Behlehem ak oke; hopaii holissochi kvv, Behlehem chia Chuta yakni ish talaia hokvt Chutea i miko vhleha aiasha ka moma chik a lauwo ho ke-yushke; chishno ak o miko vt chi atoba hosh vm okla Islael oka ish pehlicha he mak oke, achi tok oka, okla im achi tok.

7. Yohmi ma Helot vt hatak hopoyuksa vhleha ha lumvt pit hoyo cha, kaniohmi fehna kash o fochik vt haiaka tuk a achukmalit im a ponaklo tok.

8. Micha Behlehem a pit tihleli mvt, Oh ia cha, vloši atukma achukmalit hvsh hoyashke; atuk osh hvsh ahayuchikmvt, anonti ant hvs svm anoli na vno mvt ivt ont ai okpvchi li ak inlashke, achi tok.

9. Mihma miko a haklot in taha mvt, okla ilhkoli tok: yohmi ma fochik hvshi akochaka imma a pihisa tuk ash o itikba takalit mahaya mvt, vloši ai itola ka paknaka ya ont takali tok.

10. Fochik a okla pisa mvt, nayukpa aiahli fehna mak osh okla na yukpa tok.

11. Micha aboha okla ont abeha mvt, vloši, micha ishki Meli aiena ka pisa mvt, aka hlipkvchit, yvmmak ash o okla aiokpvchi tok; micha im vlbihpo a tiwichi mvt, yvmmak ash o tvi-holisso-lakna, micha filakinsen, mikmvt mvh aiena ho okla habenvchi tok.

12. Mihmvt holhpokuna ho falamvt Helot a okla ik im ono ka hi a, Chihowa hvv i miha hatuk o, hina inla ho vlvhtot i yakni atuk akinli ho okla ilhkoli tok.

13. Mihma ai ilhkolit taha ma, Chosef vt holhpokuna ho, Chihowa im enchil vt ant i haiaka mvt, Tani cha, vloši mikmvt ishki aiena ka ishit malelit Echip a ish ona cha, yvmmak o ish ahanta tuk o, anumpa ishit chim aya lashke; Helot vt vloši a vbi bvnvt hoyo chi hoka, achi tok.

14. Mihma tani mvt, vloši micha ishki aiena kash ninak o pehlichi cha, Echip a ia tok.

15. Chihowa hvv hopaii isht ai anumpulit, Echip ak o

svso ha a hoyo li tuk, achi tok a ont ai ahla chi ka, yvm-mak o ahashwa na Helot vt illi tok.

16. Yohmi ma Helot ash osh, hatak hopoyuksa vhleha hvt ik ahobalo ho pisa mvt, anukhobela fehna cha, pit on tihlelit, vlla chipunta Behlehem, micha auet a bilika maya kvt afvmmi tuklo ai vhlit ola minti, hatak hopoyuksa vhleha ha achukmalit im aponaklo tok vt pit ai it vlhpesa ka, mominchit vbit tahli tok.

17, 18. Yvmohmi hoka Chelemaias hopaii vt anumpohonlit, Lama ya a yaiya, micha nishkin okchi minti, mikmvt nukhaklo chinto, Lechel vt im vlla vhleha hvt iiksho hatuk oka ishit yahaya mvt, hopohla hi a ik ahno ka, takali na haiyaklo tok oke, achi tok a ont ai ahli tok.

19, 20. Yohmi tok kia Helot vt illi haya, Chihowa im enchil vt, Chosef vt holhpokuna ho Echip a im a haiaka mvt, Tani cha, vlozi micha ishki aiena ka pehlichich cha, Israel okla i yakni a ish iashke ; vlozi im ilhfiopak a hoyo tok vt illi hoka, achi tok.

21. Yohmi ma tani mvt, vlozi micha ishki aiena kash pehlichich cha, Israel okla i yakni a vla tok.

22. Yohmi kia Akelavs vt iki vlhtobvt Chutea ya i miko na haklo mvt, yvmma ona nukshopa tok: yohmi nana kia holhpokuna ka Chihowa hvt nana i miha hatuk oka, fullo-tvt Kalili i kaniohmi ho ona tok.

23. Yohmi ka hopaii vhleha hvt anumpulit, Yvmmak okvt Nasalet hatak vtta hohchifa hi oke, achi tok a ont ai ahla chi ka, vmaha Nasalet hohchifo ho ona cha, ahanta tok.

CHAPTA III.

Chan Baptist vt vba anumpa ha Chutea yakni haiaka isht anumpohonli, mihmvt baptismohonchi, 1. 13 Chisvs vt Chan ak o im a baptismo ; mihma Shilombish Holitopa yvt vba mintit onvtula.

1. NITAK yvmma foka ma Chan Baptist vt Chutea yakni haiaka ya vbanumpa isht ai anumpohonlit aya tok ;

2. Mihmvt, Uba apehlichika yvt olanlosi vla hoka, hvsh ilekostoninchashke, ahanchi tok.

3. Ilvppak o hopaii Esaias vt isht anumpulit, Achvfa hosh yakni haiaka ya ai anumpohonlit, Chihowa ataya hi a apoksiachit, i hina puta ka hvsh apissvlehashke, ahancha hi oke, achi tok mak oka.

4. Mihmvt Chan yemmak okvt im anchi yvt Kamel hishi yosh toba ma, na-hakshup chuhlafa vskufvchi yo vskufaiyachi tok; mihmvt im ilhpak vt hawa micha foi-bila aiena kak a tok.

5. Yohmi ma Chelusalem, micha Chutea pit a moma, mikmvt Chatan auet a bilika yakni moma ka asht a kohchvt ivt;

6. Yemmak ash o im ai onvt, nan im aiashvchika puta ilanolit, Chatan a ai im a baptismo tok.

7. Yohmi kia Falisi vhleha mikmvt Satusi vhleha aiena kvv lau hosh im a baptismot ai vla na pisa mvt, yemmak ash o, Sinti chilita isht-atiaka hvchia ma! na palvmmi mihinti ka hvsh i hlakofa hi okvno kvta hosh hvchim anoli tuk oh cho?

8. Yohmi hokvt ilekostininchi ai itvlhpesa mak o vnit hvsh wayashke;

9. Mich a, Eblaham ak osh piki oka, acha hi okvno hvch ik il anukfillo kashke; Chihowa hvv tvi yak aiasha ka Eblaham im vlla ya chi ka ai ikba hinla hoke, hvchim achi lishke.

10. Yohmikma himak ak kia iskifa yvt iti puta akishtvla ya itonla hoke; yohmi hatuk o iti yvt vni achukma ho vnit waya keyu kvv moyumvt chayvt akakoha cha, luak pit itokaha chatuk oke.

11. Vno yokvto hvsh ilekostinincha chi mak o, oka ya ishit hvchi baptismochi li ho mvhlshke; yohmi kia auet siakayvt mihinti hokvto vno a shaiyahli, yemma i shulush a isht im aya hi o si ahoba keyu hoke; yemmak osh Shilombish Holitopa, micha luak aiena mak o ishit hvchi baptismocha hi oke.

12. Yemmak osh i nan-isht-mvshahchi yvt ibbak a foyuka; yohmi hokvt i nan-anibichi yatuk ma achukmalit kashofit tahli cha, onush atuk ma kanchak a pit ashacha hi oke;

yohmi kia hakhlopish okvno luak moshola hi keyu mak o ishit hukma hi oke, im achi tok.

13. Yohmi ma Chisvs vt Kalili a vttvt minti hosh Chan a im a baptisma chi hosh Chatan a ai im ona tok.

14. Yohmi kia Chan vt yvmmak ash o im alvmmi mvt, Uno ak osh chishno a chim a baptismo la he si vllhpiesa ka, anonti vno ak o is svm vla cho? achi tok.

15. Mihma Chisvs vt afalaminchii mvt, Himak okvno yakohma hi oka ish ahnashke: ai yakohmi hosh pana ai vllhpiesa puta ka mominchit il aiahlichia he pim vllhpiesa hoke, im achi tok. Yohmi ma vllhpiesa, im ahni tok.

16. Yohmi na Chisvs vt baptismo mak inli hosh oka ya ai vttvt kocha ia tok; yohmi ma vba shutik vt auet in tiwa tok; mihma Chihowa imi Shilombish vt pvchi yoshuba chiyuhmi hosh aka mihintit, yvmmak ash o ant o binili tok.

17. Yohmi ma vba shutik a auet ai anuhumpa kvv, Ilvp-pak osh svso a holitopa yo ilvppak o nan isht a sai yukpa mak oke, achi tok.

CHAPTA IV.

Shilomish osh Chisvs a ilauelet yakni haiaka isht ona: mihma nitak pokoli ushta ka nahullochi; micha Setan ak osh imomaka pisa: enchil vllheha hvv ant nan isht im anta, 1. 12 Kapenavm a Chisvs vt ai anta: mihmvt ile kostinicha he isht anumpohonli tok. 18 Pita, Antilu, Chemis, Chan aiena kvv nan im aithvna ya chi ho, Chisvs vt atokolechi. 23 Chisvs vt Kalili yakni a nan im avvchit a hlopullit, abeka puta atuk ma hlakofihinchii.

1. YUMOHMI ma Setan vt imomaka pisa chi ka, Shilombish vt Chisvs a yakni haiaka isht ia tok.

2. Atuk o yvmmak ash osh ik impo hosh nitak pokoli ushta cha ninak pokoli ushta aiena ho anta tuk osh, misha pila mvno hohchvfo tok.

3. Mihma imomaka pisa yash osh im vla mvt, Chihowa Ushi chia hokmvt, tli yak maya kvv pvaska toba chi ka i mihā, im achi tok.

4. Yohmi kia yvmmak ash osh afalaminchii mvt, Hatak vt pvaska yak bano ho ai okchaya he keyu; amba anumpa

moyuma kv̄t Chihowa itih akohoncha kak a hi ɔ, holisso tok oke, achi tok.

5. Yohmi ma Setan ash osh ilauelet tvmaha holitopa ya ont isht chukowa cha, tempel wishakchi yɔ ont ɔ hilechi tok.

6. Mihmvt, Chihowa Ushi chia hokmvt, aka pit ish ile pilashke; chi apesahancha ch̄i ka im enchil vhleha h̄a atoh-no na ibbak a isht vba takalihinchit chisht aya na nitak kaniohmi kia chiyi ya t̄vli isht chik ai isso ka hi a, holisso tok oka, im achi tok.

7. Mihma Chisvs ash osh, Chitokaka Chin Chihowa hoka imomaka chik peso kashke, achi kv̄t holisso tok ak inli hoke, im achi tok.

8. Mihma anonti Setan ash osh ilauelet nv̄nih chaha fehna h̄o isht oiya cha, yakni apelichika moma, mikmvt nan-isht-im-aholitopa aiena ka pit pisachi tok;

9. Mihmvt, Aka hlipiv̄t is si aiokp̄rchi hokma, ilv̄ppa moma ka chima lashke, im achi tok.

10. Mihma Chisvs ash osh, Setan vt kanima iashke: chin Chitokaka Chihowa hak ɔ ish ai okpahanchikmvt, yvmmak illa h̄o ish im antiashke, achi kv̄t holisso hoka, im achi tok.

11. Yohmi ma Setan ash osh i filv̄m̄mi ma, enchil osh ai vla cha, okla ant nan isht im anta tok.

12. Yvmohmi tuk ɔ Chisvs vt, Chan vt aboha kv̄llo f̄oka na haklo mvt, Kalili a ia tok.

13. Atuk osh Nasalet a issvt ia mvt, Kapenavm yvm̄mvt Sabulon yakni, micha Neftalim yakni aiena ont ai v̄hli okhv̄ta lapalika ak ɔ ont ahanta tok.

14, 15, 16. Yakohmi kv̄t hopāi Esaias anumpulit, Sabulon yakni, micha Neftalim yakni okhv̄ta lapalika, Chatan misha, Chentail okla i Kalili vt aiokhlileka āsha tuk vt tohwikeli chinto pisa tuk; mihma isht aīlli yakni, micha isht-aīlli i ho-shontika maya tuk a tohwikeli hv̄t i kohchvt takalishke, achi tok a ont aiahla he mak a tok.

17. Yvm̄ma foka aiv̄h̄lit mihinti ma, Chisvs vt vba isht anumpulit, Oh ilekostoninchi; vba apelichika yvt olanlosi vla hoka, ahanchit ishtia tok.

18. Atuk osh Chisvs vt Kalili okhvta lapalika nowvt aya tuk osh, itibapishi tuklo, Saimon Pita hohehifo, anonti nakfish Antilu itatuklot nvni-hokli atuk osh nvni-isht-hokli a okhvta pit okvchi hosh ashwa na pisa tok.

19. Mihmvt yvmmak ash o, Hvs siakaiyashke, mikma hatak hokli o hvch ikbi lashke, im achi tok.

20. Yohmi ma mih makinli ho i nvni-isht-hokli a issa cha, yvmmak ash o iakaiyvt okla tok.

21. Mihma yvmmak ash vttvt ia hosh aya mvt, anonti itibapishi tuklo inla, Sebete ushi Chemis, micha nakfish Chan itatuklo kvv iki Sebete a apihvt nvni-isht-hokli a apoksia hosh peni alhto na pisa tok; micha pit i howa tok.

22. Yohmi ma mih makinli ho peni, micha iki aiena kash o issvt, yvmmak o iakaiyvt okla tok.

23. Mihma Chisvs vt Kalili a mominchit ayvt, i sinakak puta ka nan ai im avrchit, apelihchika isht anumpa hanta ya isht anumpohonli; micha okla hvv abeka, micha haknip ik in chukmo im asha tuk a mominchit hlakofihlinchi tok.

24. Mihma isht annoa kvv Silia moma ka ont hlopulli tok; mihma okla hvv abeka ilaiyuka puta isht issikkopa hatak; micha nan isht-ahullo okpulo ai i foka hatuk; mihmvt tasimbo yatuk; micha palsi isht abeka yatuk moyuma ka okla isht im ai ona tok; mihma yvmmak ash hlakofolichi tok.

25. Yohmi ma okla chinto Kalili minti, mikmvt Tekapolis minti, mikmvt Chelusalem minti, mikmvt Chutea minti, mikmvt Chatan misha minti aiena kvv iakaiya tok.

CHAPTA V.

Chisvs vt nvni chaha ya ai anumpuli. Yohmi kvv kvna hosh nan isht ilaiyukpa anoli, 11. 13. Klaist i yimmi vhleha hvv yakni i hvpi: 14 yakni a im a tohwikelika; tmaha yosh nvni ai o talaia ka chohmi; 15 pva ha chohmi. 17 Chihova i nanvlhpisa ya Chisvs vt aiahlichia chj hosh vla. Kaniohmi hosh nanvlhpisa isht hannali ka kobvffi ka anoli. 27 Kaniohmi hosh nanvlhpisa isht untuklo ka kobvffi ka anoli. 33 Anumpa kvv isht ile onochi im olvbbi. 38 Nukchintot nana ik achukmo ka a pim ahleka he pi miha. 43, pin tvnvp puta ka il i hulla he; 45 mikmvt nan ai alila he pim anukfila he aiena ka pi miha.

1. YOHMI ma okla chito ka pisvt, nvnih chaha yō pit oiya tok ; atuk osh ont binili ma, nan im ai ithvna vhleha hvt im ai ona tok.

2. Mihma itih hā wakvmmi cha, yvmmak ash im abvchi mvt,

3. Chukvsh ilbvsha vhleha yokvto vba apelihchika yak osh immi hokvt nayukpvshke.

4. Nanukhaklo vhleha yokvto hopohla hi okvt nayukpvshke.

5. Anukhobela iksho vhleha yokvto yakni a isha he vlv-pesa hokvt nayukpvshke.

6. Ahopoyuksaka aiahni vhleha hvt hochahāfo, itukshihinla aiena hokvto, kaiya hi okvt nayukpvshke.

7. Nan i nukhaklo vhleha yokvto ilap ma i nukhaklo na pisa hi okvt nayukpvshke.

8. Chukvsh kashofa vhleha yokvto Chihowa ya pisa hi okvt nayukpvshke.

9. It i nanaiyvchi vhleha, yvmmak okvto Chihowa ushi hohchifa hi okvt, nayukpvshke.

10. Ahopoyuksaka pulla hatuk mak o isht i palvmmi vhleha yokvto, vba apelihchika yvt immi hokvt nayukpvshke.

11. Ūno atuk pulla mak o hatak puta kv isht hvchi yopulvt, hvchi ilbvshachit, ahli keyu kia nana okpulo ilaiyuka puta ka isht hvchi mihahanchikma, na hvchi yukpvshke.

12. Nayukpvt hvchi yukpa fenashke : isht hvchim vltoba hi vt chinto hosh vba ya asha hoka ; hopaii vhleha hvchin tikba aiasha ka yakohmichit ilbvshachi tok mak oka.

13. Yakni i hvpi hvchia hoke ; yohmi kia hvpi hvt homi kv i kunia hokmvt, nanta hak o isht a homa hinla cho ? yvmmak okvt himmakma nana hō isht ai vlvpiesa he keyu ; amba kocha pit hlava na hatak puta iyi yosh ahvhlhineha he ak o pulla hoke.

14. Yakni in tohwikeli hvchia hoke. Temaha chito yosh nvnih chaha ai on talaia hokvt luma he keyushke.

15. Mikma hatak vt pva hā pulalikmvt, tanchi isht vlvpiesa nutaka yō talali chatuk keyu ; amba pva ai-o-hikia yō ai o

hilechi chatuk; yohmikma aboha anukaka maya ka mominchit tohwikelichi chatuk oke.

16. Hvchi pula hvt hatak puta itikba ya ik a tommi pulla na inla asha kvv nana hvsh akaniohmi hochukma puta ka pisa cha, Iki vba binili ka holioblashke.

17. Nan vlvpisa, micha hopaii puta im anumpa aiena ha tok a okpvnit aya li tuk a, ik hvchim ahobo kashke; okpvni la hi osh aya li tuk keyu; amba aiahlichi la he mak a tok.

18. Ahli mak o hvchi miha lishke, Yakni, mikmvt vba shutik aiena hokvto ont ik ai iksho kia, vba nan vlvpisa yvt moma ont ik a lauwo achvfona nana kia a kaniohmit aiokpuloka iksho mak osh, momvt ont aiahla he mak oke.

19. Yohmi hoka kvna hosh vba nan vlvpisa ik a lauwo ilvpa puta ka achvfona ka kovvfi cha, hatak puta kvv ai yvmihcha chi ho im avvchi hokmvt, vba apehlichika aiasha ka moma ik a lauwo hohchifa he; amba kvna hosh mihma holiobli cha, inla ma isht im avvchi hokvto, mihi yosh vba apehlichika ya chito ont a hohchifa hi oke.

20. Hvchi aivlvpiesa kvv na-holissochi vhleha, micha Falisi vhleha aiena ka i shahli ho keyukmvt, nana hosh a kaniohmi kak o vba apehlichika ya ont hvsh chukowa he keyu hoke, hvchim achi lishke.

21. Nitak tikba aiasha kvv, Kvna kia ish bi na: kvna hosh inla vbi hokvt nan vlvpisa yo isht im ahlekashke; achi tok a hvsh haklo chatuk.

22. Amba vno vto, Kvna hosh nana hosh a kaniohmi keyu ho, itibapishi ha i nukkilli hokmvt, nan vlvpisa yo isht im ahlekashke: mikma kvna hosh itibapishi ha, Ik chi ahobo, im achi hokmvt, nan vlvpisa kvvlo i shahli ho isht im ahleka he: amba kvna hosh, Im anukfila iksho chia hoka, im achi hokvto aiokpuloka luak o ont isht im ahleka hi oke.

23. Yohmi hoka vba chi nan-isht-aiokpvchi ya ieshit alta ya ish ona kvv, ish itibapishi ha nana ish i kaniohmi tuk a asha ka ish ithaiyana hokmvt;

24. Uba chi nan-isht-aiokpvchi ash alta itikba yo ish bohli cha, ivt tikba ish itibapishi ak o ont ish it i nanaiya ha yosh, vlvv, vba chi nan-isht-aiokpvchi ash pit isht ish aiokpvchashke.

25. Nan vllhpisa chi onochi yatuk ma apchvt ish may takla kak osh, tushpvt ish it ibai achvfashke; keyukma nitak kaniohmi kash inli ho nan vllhpisa chi onochi yash osh chisht nan apesa ibbak a chi fohkikma, anonti nan-apesa yash osh nanvltoka ibbak a chi fohki na aboha kullo ya ish fohka he mak oke.

26. Ahli mak o chi miha lishke, Ont ishtaiyopi fehna ka atobbit ish kaiyanchi ho keyukmvt, kaniohmi kak osh yvmak atuk a ish kohcha he keyu mak a hi oke.

27. Nitak tikba aiasha kv, Hvsh it in lumaka na; achi tok a hvsh haklo chatuk.

28. Amba vno vto, Kvna hosh ohoyo ha i nukpvli hosh pisa hokvt, chukvsh anukaka ya isht in lumaka mashko hoke, hvchim achi lishke.

29. Micha chi nishkin isht impak-imma yvt chi ibetvblichihokma, halvllit kohchit ish kanchashke: chi nana achvfona hosh okpulo kia, chi haknip vt momvt aiokpuloka ik aiyo ka he ak osh chim vllhpesa hoke.

30. Mikmvt chibbak isht impak-imma yvt chi ibetvblichihokma, bvshlit tvplit ish kanchashke; chi nana achvfona hosh okpulo kia, chi haknip vt momvt aiokpuloka ik aiyo ka he ak osh chim vllhpesa hoke.

31. Kvna hosh tekchi a kanchikmvt, it i kvnia holisso ha imashke; achi tok a takalishke.

32. Amba vno vto, Kvna hosh tekchi vt lumaka tuk o keyu ho kanchikmvt, havi ikbicha he: yohmikma kanchi haya kvna hosh itauwayakmvt, havi toba mak a hi oke, hvchim achi lishke.

33. Micha anonti, nitak tikba aiasha kv, Anumpa kullo ish ile onochi tuk vt chik kovffo kashke: amba anumpa kullo ish ile onochi tuk okvt Chitokaka ya ish im aiahlichia hi oke; achi tok a hvsh haklo chatuk.

34. Amba vno vto, Anumpa kullo chik ile onochi kvmohmashke; vba shutik ak kia pit isht chik ai a miho kashke; yvmak okvt Chihowa im aiasha mak oka:

35. Mikmvt yakni vt iyi im ai-o-heli mak oka, yvmma isht chik ai a miho kashke; anonti Chelusalem a isht chik ai a

miho kashke; yummak okvt Miko chito in tmaha chito yoka :

36. Micha chi noshkobo ak kia isht chik ai a miho kashke ;
chi pashi achvfa kia ish tohbichikmá, ish lusachikmá, nana
he keyu hokvt :

37. Amba chim anumpa hvt Ome, ome ; Keyu, keyu ;
achi aiena kak ashke : ilvppak o nana kvv ont atampa hokvt
o nana ik vlhpeso mak o a minti hoke, hvchim achi lishke.

38. Nishkin atuk ma, nishkin makinlashke, mikmvt noti
atuk ma, noti makinlashke ; achi tok a hvsh haklo chatuk :

39. Amba vno vto, Nan ik vlhpeso ka chik i sanalo
kashke ; amba kvna hosh chitisopi isht impakimma ya issok-
ma, in tvnvp ma pit ish i weli makinlashke.

40. Micha hatak nana kia nan vlhpisa chi onochi cha, chim
ilefoka ya chim ai ishikma, chim anchi ma ik ishi, ish im
ahni akinlashke.

41. Micha kvna kia awant ivt kowi achvfa ka ish ona
pulla hi a chim ahnikma, awant ivt tuklo ho ish onashke.

42. Nana chim asilhhakma, ish imashke : mikmvt chim a
pota bvna hoka, chik i shanaiyo kashke.

43. Chin chukapanta hatak a ish i hullo cha, chin tvnvp
okvno ish i nukkillashke ; achi tok a hvsh haklo chatuk.

44. Amba vno vto, Hvchin tvnvp vhleha ha hvsh i hullo
cha, nana okpuloka hvchim anukfillit miha aiena ka, nana
achukma ho im ahnit hvsh mihashke ; hvchi nukilli ma ai
achukma hi o isht hvsh i yvmohmikmvt, hvchi kanimachit,
hvchi ilbvshachikma, vba isht hvsh anumpohonlashke.

45. Yakohmi hosh hvch Iki vba binili ka im vlla hvchia
hi oke : yummak okvt i hvshi atuk ma nan ik vlhpeso, micha
na-hochukma aiena ka i kohchihinchikmvt, kocha umba ka
nan-aiqli hochukma, mikmvt nan ik ahlo aiena ka auct i
pihinla chatuk oka.

46. Hvchishno a hvch i hullo ho hvsh i hullo hokvt, nanta
hosh isht hvchim vlhtoba ho ? pvblikan vhleha ak kia
yummak okvno yohmi akinli chatuk keyu ?

47. Micha hvsh itibapishi vhleha ak bano ho hvsh aiokpv-
chi hokmvt, inla asha ka nantak o isht i shahlichu hosh

hvechi yvmohmi hō? pūblikan vhleha ak kia yohmi ak inli chatuk keyu?

48. Yohmi hoka aiahli hvechi achukma kv̄t, hv̄ch Iki vba binili kv̄t aiahli achukma kak inli hō hv̄sh chiyuhmaskhe hv̄chim achi lishke.

CHAPTA VI.

Chisvs vt nvnih chaha ai anumpuli tuk vt a moma. Yohmi kv̄t na habenvchi, 1, 5 anumpa ilbvshvt asilhba, 14 nan ai-ashvchi puta ka i kashofa he, 16 na hollochi aiena ka isht anumpuli, na pim ilayak kanima yō il a boyula hi a pim anoli, 24 i shahli hā tuklochit il ai okpvcha he keyu ka miha, 25 yakni paknaka nana a kaniohmi ka ai isht im anukfilvt isht ik ilbvsho hosh, 33 amba Chihowa apchlichika yak o na tikba e hoyā hi a miha.

1. **AHAH!** hv̄sh aiahnit na hv̄sh habenvchi kv̄t, hv̄chi pisa chī ka, hatak puta itikba yō hv̄ch ik a yvmihcho kashke; yvmmak keyukmv̄t hv̄ch Iki vba binili ka im a hv̄chim vltoba hi o keyu hoke.

2. Yohmi ka na hv̄sh habenvchi kv̄t, isht-pufa ya chī tikba yō ai olachit, nan-ilahobi vhleha hokvto hatak puta kak o im a holitopa chī hosh sinakak anykaka, micha ai itvnova puta ka a yvmohmi chatuk oka, hv̄ch ik chohmo kashke: ahli mak o hv̄chim achi lishke, yvmmak okvto im vltomba chatuk oke.

3. Amba nana ish habenvchi hokmv̄t, chibbak isht impakimma yvt nana kaniohmi ka, chibbak vlvfbeka yvt akostinicha hi a chik im ahno kashke.

4. Yohmi na nan ish habenvchi ka a lumakashke; yohmikma Chiki alumaka a pisa yvt ilap inli hosh otvnichi achukma hosh chim atobba hi oke.

5. Micha vba pit ish anumpuli hokvt, nan-ilahobi vhleha hokvno chik chohmo kashke; yvmmak okvto, hatak vt pisa chī ka, sinakak anykaka, ai itvnova ai itai okhvnkvechi aiena kak o hiohmayvt vba pit anumpuli kak osh im achukma chatuk oka; ahli mak o hv̄chim achi lishke, yvmmak okvto im vltomba chatuk oke.

6. Amba chishno vba pit ish anumpula chi hokvto, chim abohushi pit ish chukowa cha, okhissa ya pit ish akummik-mvt, Chiki ai-alumaka ai ahanta yatuk ma pit ish im asilh-hashke; yohmikma Chiki alumaka apisa yvt otvnichi achukma hosh chim atobba hi oke.

7. Yohmi kia vba pit hvsh anumpuli hokvt it vlbillit mih-
iha kv, oklushi nan ik ithano ak okvno hvch ik chohmo
kashke; yummak okvto anumpuli fehna kak o, hakla hinla,
im ahoba cha tuk oka.

8. Yohmi hoka yummak oka hvch ik holbo kashke; nana
a hvchi bunna puta hokvt hvch ik im asilhho kisha kak inli
ho, hvch Iki vt ithana hoke.

9. Yohmi hoka yakohmichi hosh vba hvsh anumpu-
lashke: Piki vba ish binili ma! Chi hohchifo hvt holito-
pashke.

10. Ish apelihchika yvt vlashke. Nana ish ai ahni ka
yakni pakna ya a yohmi kv, vba yakni a yohmi mak o
chiyuhmashke.

11. Himak nitak ilhpak pim ai vlhpesa kako ish pi
ipetashke.

12. Mikmvt nana il aheka puta ish pi kashofi kv, pish-
no vt nana pim aheka puta il i kashofi chatuk a ish chiyuh-
michashke.

13. Mikmvt anukpvlika yoka ik ia chik pim aiahno hosh,
amba nan-okpulo a ish pi a hlakofihinchashke: Apehli-
chika, mikmvt nan-isht-aiahli, micha isht aholitopa aiena
kv chimmi a bilia yoke. Amen.

14. Hatak nan ai ashvchika puta ka hvsh i kashofi
hokma, hvch Iki vba binili kv hvchishno ma hvchi kashofa
hinla ak inli hoka.

15. Amba hvchishno vt hatak nan ai ashvchika puta ka
hvsh i kashofi keyu hokma, hvch Iki vba binili kak kia na
hvchim ai ashvchika puta ka hvch i kashofa he keyu
hoke.

16. Yohmikmvt anonti, nana hvsh hullochi kv nashuka
ilapissa, nan ilahobi vhleha hoka hvch ik chohmo kashke;
yummak okvto na hullochi kv hatak puta im otvna chi

42
C4
B-
18

kvt, nashuka ya ilapissachi chatuk oka. Ahli mak o hvchi miha lishke, yvmmak okvto im vltomba hoke.

17. Amba chishno vto nan ish hullochikmvt, chi noshkobo ish ahvmmi cha, chi nashuka ma ish achifashke.

18. Yohmi cha hatak puta kano na hullochi ho chik i holbo hosh, amba ai alumaka ai ahanta Chiki ak illa ho ish im otvnashke; yohmikma Chiki ai alumaka a pisa yatuk mvt, otvnichi achukma hosh chim atobba he mak oke.

19. Hvchim ilayak puta ka yakni paknaka nanilayak shushi, micha na-lakna aiena kvt ai okpni chatuk, micha hukopa puta yvt tiwit isht chukowvt a hukopa ya hvchik ai atahlo kashke.

20. Amba hvchim ilayak puta ka vba yakni nanilayak shushi, micha na-lakna aiena kia ai okpni keyu, mikma hukopa puta kia tiwit isht chukowvt a hukopa keyu ak o hvsh ai atahlashke.

21. Kanima yo hvchim ilayak vt itonla hokma, hvchi chukvsh ak kia mihi yo pit takanla hinla ak inli hoka.

22. Haknip a i pvla hvt nishkin ak oke. Yohmi hatuk o chi nishkin vt achukma hokma, chi haknip vt momvt tohwikelit alotowa hinla hoke.

23. Amba chi nishkin vt ik achukmo hokma, chi haknip momvt okhlilit alotowa he. Yohmi ka tohwikeli chi foyuka, yvmmak atuk vt ont okhlieli hokma, okhlili yvmvt chinto fehna nana mak ahinla keyu?

24. Hatak nana kia i shahli ha tuklochit holitobla he keyu; achvfalit i nukkilli cha, achvfa yak o holitobla hinla; keyukmvt achvfalit pit halanli cha, achvfa yak o kanimancha hinla hoke. Chihowa micha Mammon it aieninchit hvsh holitobla he keyushke.

25. Yohmi hoka hvchi ai okchaya hi a nana ho hvsh pa he, micha nana ho hvsh ishka he aiena; mikmvt hvchi haknip ma nana ho hvsh fohka hi a anukfillit isht hvch ik ilbvsho kashke, hvchim achi lishke. Ilhfipak vt ilhpak a i shahlikma, anonti haknip vt nafohka ya i shahli ho keyu cho?

26. Hushi vba itvnova ho ho pesa: yvmmak okvt nana

h_o hokchi keyu, anonti vmot, kanchak kia pit ashachi h_o keyu; yohmi kia vba hvch Iki vt yvmma ipehinta hoke. Holitopa kvt yvmma hvsh i shahli fehna h_o keyu?

27. Hvsh katima kak osh anukfihinlit isht ilbvsha kvt hvchi chaha ka kubit achvfa kia hvsh il achakala hinla cho?

28. Micha nanta katiohmi h_o na fohka ya anukfihinlit isht hvsh ilbvsha cho? Na pakanli hochukma lilli oktak aiasha kvt kaniohmit offo hoka anukfihinlit ho pesá: yvm-mak okvt toksvlit a hoyvbli keyu, anonti nana h_o shvnni keyushke.

29. Yohmi ak inli kia Solomon ak kia nan-isht im a holitopa moma isht a shema kvt ilvppa achvfona kia chohmi tok keyu, hvchim achi lishke.

30. Yohmi ka hvshuk himak nitak ano oktak aiasha tuk osh onna h_a apalvska vlpita ch_i kia, Chihowa hvt she-mvchi kvt yvmihchi kvto, hvchishno a i shahlichí hosh ik hvchi shemacho ka hinla cho? na yimmi fehna keyu hvchia ma!

31. Yohmi hoka anukfihinlit isht ilbvshvt, Nantak o e pa ch_i? mikmvt nantak o iloh ishka ch_i h_o? micha nantak o eho fohka ch_i cho? hvch ik acho kashke.

32. Ilvppa puta kak o okla nan ik ithano vhleha hvt hoyo chatuk oka; ilvppa moma ka a hvchi bvna hokvno vba hvch Iki vt ithana hoka.

33. Amba Chihowa apehlichika, micha nan isht im ai vlpiesa aiena kak o tikba hvsh hoyashke; yohmikma ilvppa moyuma kvt hvchim aiena he mak oke.

34. Yohmi hoka onna ha ya hi a nana pit anukfihinlit isht hvch ik ilbvsho kashke; onna ha yokvto ilapo inli nan isht il ai anukfihinlit isht ilbvsha hi oka. Nana ik ai achukmo itonla kak osh nitak oka im vlpesa hoke.

CHAPTA VII.

Nvni^h chaha Chisvs vt anumpuli tok osh a moma; yohmi kvt himakfokalechit inla ya na mihacha ch_i ka imolvbi, 1; 6 micha nana kvt holitompá hokvto ofi puta, keyukmvt shukha aiena ka pit ik in hlatapo ka he miha, 7 anumpa ilbvsha ishit asilhha

ka miha, 13 okhissa iskvtinosi, micha hina ik pvtho, mikmvt okhissa chito, micha hina pvtha isht anumpuli. 15 Hopaii ilahobi ya ahah! im ahna he, 21 vbanumpa haklo illa he keyu, amba im antia he; 24 tvli chito chuka yvt ai itvbana chatuk a chohmi; mikma kvna hoh kia i yimmi keyu hokvt chuka yvt shinuk o ai itvbana chatuk a chohma hi a miha.

1. HUCHISHNO a nana ik hvch i mihacho ka chi ka, inla ya nana hvch ik mihacho kashke.

2. Kanimihchit inla ya nana mihachi hosh hvsh mihachi tuk ma, hvchishno ma isht hvch i mihacha he; mikmvt isht vlpisa nana ho isht hvsh apesa tuk mvt, hvchishno mvt isht hvchim vlpisa he akinli hoka.

3. Micha nanta katiohmi ho na hishonluk iskvtinosi kv ish itibapishi nishkin a foka na ish pisa ho kak osh, anonti iti chito yvt chi nishkin ak inli foka kano chik akostincho cho?

4. Micha katiohmi ho iti chito yvt chishno chi nishkin ak inli ho foka ka, ish itibapishi ha, Na-hishonluk iskvtinosi ka chi nishkin a ai ishit ak kohchi, ish im acha hinla cho?

5. Nan ilahobi chia hoka, chishno chi nishkin ak o tikba iti chito a ish a kohchashke; yohmikmak osh ish pisa achukma cha na hishonluk iskvtinosi ka ish itibapishi nishkin a foka tuk a ish a kohcha hinla hoke.

6. Nana kv holitompa hokvno ofi puta ma pit hvch ik imokmvt, anonti hvch i na holitopa puta hatuk ma shukha itikba ya hvch ik ashacho kashke; yummak keyukma yummak ash o iyi isht a hvhlichu cha, anonti filemvt hvchishno ash o hvchi okpvna hinla hoke.

7. Hvsh asilhhakma, hvch ima he; hvsh hoyokmvt, hvsh ahayucha he; hvsh sokohakma, hvchin tiwa he oke.

8. Asilhha aiyuha hokvto ishi bano hoke: mikma kvna hosh hoyo hokvto, ahayuchi hoke; mikma kvna hosh sokoha hokvno, in tiwa pulla hi oke.

9. Yohmi ka hatak hvsh katima kak osh, ushi osh pvska im asilhha ka, tvli yo isht ima hinla ho?

10. Keyukmvt nvi yo asilhhakma, sinti yo isht ima hinla cho?

11. Yohmi ka nan ik ai vlhpeso hvchia kia hvchim vlla ya na hochukma isht ima kv̄t hvchimponna chatuk a, im asilhha hoka hvch Iki vba binili kv̄t na hochukma isht ima kv̄t i shahlichī ik fehno ka hinla ho?

12. Yohmi hoka nan-okluha ka hatak puta kv̄t hvchim a yvmohma hi a hvsh aiahni hosh, mih mak o hvsh ai i yvmohmi mak inlashke: ilvppak o nan vlhpisa, micha hopaii puta aiena kv̄t miha hoka.

13. Okhissa iskv̄tinosi ak o hvsh ai abehashke; okhissa yvt chito cha, hina mvt pv̄tha hosh aiokpuloka ya ona hatuk o, yv̄mma ai abeha kv̄t laua hoke.

14. Okhissa yvt iskv̄tinosi cha, hina mvt ik pv̄tho hosh ai okchaya ya ona hatuk o, ik lauwo hosh yv̄mmak oka aha-yuchi hoke.

15. Hopaii ilahobi v̄hleha chukfulhpoba i na fohka fohka hosh hvchim ai v̄la kia, anykaka yokv̄to nashoba isikopa v̄hleha mak oka, ahah! hvsh im ahnashke.

16. Ilap vni kak o isht hvsh akostininchi pulla hi oke. Hatak vt kv̄ti hak o paki a ai vmo chatuk o? micha fik a shumvti ak o ai vmo chatuk oh cho?

17. Yv̄mmak inli ho chohmit iti hochukma moma kv̄t vni hochukma ho vni chatuk; amba iti okpulo yokv̄to vni yvt okpulo yo vni chatuk.

18. Iti achukma yvt vni okpulo yo vna he keyukma, anonti iti okpulo vt vni achukma ho vna he keyushke:

19. Iti vt vni achukma ho vni keyu hokv̄to momvt chayvt akakoha cha, luak itokaha chatuk oke.

20. Yohmi hoka ilap vni ak o isht hvsh akostininchi pulla hi oke.

21. Chitokaka ma! Chitokaka ma! vm achi kak osh momvt vba yakni a chukowa hi o keyushke; amba Aki vba binili nan aiahni ka yvmohmi tuk mak a hi oke.

22. Nitak yv̄mma fehnakma Chitokaka ma! Chitokaka ma! chi hohchifo ha nan isht anumpulit, chi hohchifo ha nan-ishtahullo okpulo puta isht kocha welit, anonti chi hohchifo ha na fehna lawa ka isht il a yvmihchi tok keyu cho? vm achi kv̄t laua hi oke.

23. Yohmikma otnichit, Nitak nana ashō hvch ithana li tuk keyu, nan ik vhlpeso yohmi hvchia hvt a filvmmit mishah oh ia chá, im achi la hi oke.

24. Yohmi hoka kvna hosh v̄m anumpa ilvppa puta hatuk ma haklo cha, mihma yvmohmi ka, hatak hopoyuksa yosh tvli paknaka yō in chuka a talali tok a it apesa lashke.

25. Yohmi tuk o umba hatuk mvt aka ituyula na okchitot v̄la ma, anonti mahli hvt mahli cha, chuka yvmmak ash ai ihiso ka, tvli paknaka yō ai itvbana hatuk okvt, ik akamo ki tok.

26. Yohmikma kvna hosh v̄m anumpa ilvppa puta hatuk ma haklo cha, mihma ik yvmohmo hokvto, hatak ik hopoyukso yosh in chuka yā shinuk paknaka yō a talali tok a it vhlpisashke.

27. Yvmohmi tuk o umba hatuk mvt aka ituyula na okchitot v̄la ma, anonti mahli hvt mahli cha, chuka yvmmak ash ai ihiso ma, akama tok; micha okpuloka kv̄t aiahli tok oke, ahanchi tok.

28. Atuk o yakohmi tok; Chisvs vt ilvppa ahanchit ont in taiyaha ma, nan isht im av̄vchi tuk a okla hvt anukhlakancha tok.

29. Im ai vhlpesa mak osh nana im av̄vchi tok; amba na holissochi v̄hleha hokvno ik chohmo ki tok.

CHAPTA VIII.

Chisvs vt leposi vbi yā hlakofichi, 1. 5 Mikmvt sintuliyv̄n in tishu ha hlakofichi. 14 Chisvs vt Pita tekchi ishki, micha inla aiena ka hlakofichi. 18 Mahli chito yā yokopvchi. 23 Micha kaniohmi hosh il iakaya hē pim anoli: 28, nan isht ahullo okpulo v̄hleha hā Chisvs vt kocha weli ma; nan isht ahullo okpulo v̄hleha hash osh shukha laua yā iba chukowa.

1. **ATUK** osh nv̄nih chaha yā v̄ttvt akowa ma, okla chinto kv̄t iakaiya tok.

2. Mihma leposi vbi yosh v̄lvt ant aiokpvchi mvt, Chitokaka ma! vhlpesa ish ahni hokmvt, is s̄a kashofa hinlvshke, achi tok.

3. Mihma Chisvs vt ibbak a pit weli cha, potoli mvt, Vlhpesa ahni lishke; chi kashofashke, achi tok. Yohmi ma leplosi yash osh ashalika i kashofa tok.

4. Yohmi ma Chisvs vt, Ahah! ish ahni cha, hatak nana kia chik im anolo kashke; amba okla isht im otvna chi ka, Moses nana apesa tok vba isht aiokprchi a isht ivt, na holi-tompa isht asha ak o ont ish ile haiakachashke, im achi tok.

5. Atuk osh Chisvs vt Kapenavm a ont chukowa ma, sintuliyv vt mintit im vla tok.

6. Micha im asilhhvt, Chitokaka ma! an tishu hvt palsi isht abeka hosh issikkopa fehna kvv chuka ya itonlvshke, achi tok.

7. Mihma Chisvs vt, Ia lish ont hlakofichi lashke, im achi tok.

8. Mihma sintuliyv ash osh afalaminchi mvt, Chitokaka ma! vm aboha ya ant ish chukowa he si vlpesa keyu hoke; amba anumpa illa ho ish anumpuli kia, an tishu hatuk mvt hlakofa hinlvshke.

9. Uno yokvt hatak tvshka chipota vhleha pehlichit i shahli nutaka ahanta chatuk sia hoke; yohmi kvv ilvppak atuk ma, Ia, im achi likma, ia hoke: mikmvt inla ho, Minti, achi likma, minti hoke: mikmvt an tishu ha, Ilvppa yakoh-michi, im achi likma, yvmihchi chatuk oke.

10. Chisvs vt ymma haklo kvv nukhlakancha mvt, apihvt aya kash o, Ahli mak o hvchi miha lishke; Israel okla ak oh kia nayimmi chinto yakohmi ka ak a pesoshke.

11. Yohmi ka, Hvshi akochaka, mikmvt hvshi a opiaka aiena ka a minti kvv laua hosh vba apehlichika ya ai vlvv Eblaham, micha Aisaak, mikmvt Chekob aiena ka ant ai itv-pehvt binohla hi oke, hvchim achi lishke.

12. Yohmi ka ilvppa apehlichika im vlla yatuk okvno kocha aiokhlilika ka pit kampila he; yvmmak oka a yahayvt noti ma ahampa hi oke, im achi tok.

13. Mihmvt Chisvs vt sintuliyv ash o, Ish iashke: yoh-mikma isht a chi yimmi hatuk oka, mih mak osh a chi yvmohmashke, im achi tok. Mihma in tishu hatuk vt hvshi kanvlli vlpisa mih mak inli ho hlakofi tok.

14. Atuk o Chisvs vt Pita in chuka ya ont chukowa mvt, ymma tekchi a ishki vt yvnht abeka hosh itonla na pisa tok.

15. Mihmvt ibbak a pit potoli ma, yvnha kvt shipvchi tok: mihma ymmak ash osh wakaya mvt, nan isht im vtta tok.

16. Atuk o opivt taha ma nan isht ahullo okpulo ai i foka puta kvt laua ho isht im ai ona tok; yohmi ma shilombish okpulo puta kash im anumpa hak o isht kocha weli mvt; abeka yatuk a mominchit hlakofichi tok.

17. Ymmvt hopai Esaias vt anumpulit, ilap ak inli hosh nan isht ik pi ai iksitopo puta ka pim ai ishit, nan isht pi abeka a puta ma isht pi kanchishke, achi tok a ont ai ahla chi mak a tok.

18. Yohmi ma okla chito fehna kvt apehvt ai asha na Chisvs vt pisa mvt, misha in tvnvp ak o ilhkola hinla ka miha tok.

19. Mihma na holissochi achvfa hosh vla mvt, Nan ithv-nanchi ma! kanima yo chik aya kia, chiakaiya la chi mak oke, im achi tok.

20. Mihma Chisvs ash osh, Chula puta kvt chiluk vt im ashakma, vba hushi puta kvt vlpichik vt im asha hoke; amba Hatak Ushi okvto noshkobo ha kanima a bohla hi vt ik im iiksho hoke, im achi tok.

21. Mihma nan im ai ithvna vhleha hash osh achvvt, Chitokaka ma! vmmona kano ivt, aki a ont hohpi la hi a, vhpesa is svm ahnashke, im achi tok.

22. Yohmi kia Chisvs ash osh; Is siakaiyashke; yohmikma illi ak osh ilap bika illi yokvno hohpashke, im achi tok.

23. Mihmvt peni chukowa ma, nan im ai ithvna vhleha hvt iakaiya tok.

24. Atuk o mahli kvlo fehna kvt okvta ha a tovt kocha ma, peni ash o oka banvtha kvt isht ompohomo tok; yohmi kia ymmak ashot nusi hosh itonla tok.

25. Mihma nan im ai ithvna vhleha hvt im ai vlvnt ant okhvli mvt Chitokaka ma! ish pi okchalinchashke; pilli mak oke, achi tok.

26. Mihma yvmmak ash o, Na-yimmi fehna keyu hvchia ma! na katihmi ho hvchi nukshopa cho? im achi tok. Micha tani mvt, mahli mikmvt okhvta aiena kash im alvm-mi tok; mihma yokopa ai ahlit talaia tok.

27. Yohmi ma hatak ash osh okla nukhlakancha mvt, Ilvppvt hatak katiohmi hatuk okak o, mahli micha okhvta aiena hokak kia im antia cho? im achi tok:

28. Atuk o misha in tvnrvp Kekesenes yakni a ona ma, nan isht ahullo okpulo ai i foka kvt tuklo hosh anuksho-munta fehna hatuk o, hatak nana kia yvmma imma ka ont ia he keyu chatuk o, hatak illi aiasha ya ashvvt kohchvt minti hosh ont afama tok.

29. Mihmvt tahpvt okla mvt, Chisvs, Chihowa Ushi chia hvv nanta ho isht ish pi ahalaia cho? ik ai ono kisha ho, ish pilbvshacha chi hosh ilvppa ish la hoh cho? achit okla tok.

30. Yohmi ma shukha laua kvt impa hosh auct i hopaki ka ai asha tok.

31. Yohmi hatuk o nan isht ahullo okpulo vhleha hash osh im asilhha mvt, Ish pi kocha weli hokmvt, ivt shukha laua ya ont il abeha he ak o ish pim ahnashke, achi tok.

32. Mihma, Hvsh iashke, im achi tok; mihma kocha wiha mvt, shukha laua yash o, ont abeha tok; mihma shukha laua yash osh momvt yihlepa fehvt okhvta sakti chaha yo pit ai oka kahvt ok ai illit taha tok.

33. Mihma apesvchi vhleha hatuk vt yihlepvt, ilhkolit tvmaha ona cha, nana ka mominchit anoli tok; micha nan isht ahullo okpulo ai i foka tuk vt nana im a kanihmi tuk a aieninchit anoli tok.

34. Yohmi ma tvmaha hash osh momvt Chisvs a afamvt ilhkoli tok; atuk osh yvmmak ash o okla pisa mvt, i yakni a a kohchvt aya hinla ka okla im asilhha tok.

CHAPTER IX.

Chisvs vt palsi isht abeka ya hlakofichi, 1. 9 Chisvs vt Mahlu i howa; micha Falisi vhleha ha Mahlu im ai impa asha mvt ai it im anumpuli. Chisvs vt Chan nan im ai ithvna vhleha na hullochi imma ka isht anumpuli. 18 Chisvs vt na pehlichu ushetik vt illi tuk a okchalinchit tanichi: micha ohoyo hvv issish umbokafa isht abeka tuk a hlakofichi. 27 Michu hatak nishkin lopa tuklo ho i fatummi. 32 Chisvs vt hatak ik anumpolo nan-isht ahullo okpulo ai i foka yatuk a im achukmali: mikmvt okla puta kash i nukhaklo.

1. YOHMI ma yvmmak ash osh peni o pit chukowa mvt, pit tanvbi cha, ilap in tmaha ak inli ho ona tok.

2. Mihma hatak vt palsi isht abeka hosh potvlhpo pakna itonla ho okla isht im vla tok; mihma Chisvs vt okla na yimmi ka pisa mvt, palsi isht abeka ash o, Svso ma! chi yukpashke; na chim ai-ashvchika puta kvv chi kashofa hoke, im achi tok.

3. Yohmi ma na holissochi vhleha kaniohmi kvv, Hatak ilvppvt nan ik ahobalot anumpulishke, chukvsh anykaka okla ahni tok.

4. Yohmi ma Chisvs vt okla im anukfila ha ithana hatuk osh, Nanta katiohmi ho hvchi chukvsh a nan okpulo ishit hvsh anukfilli cho?

5. Na chim ai ashvchika puta kvv chi kashofa hoke, achi kak okma, keyukmvt, Tani cha nowa, achi kak okma, kati-mampo kak osh ahchiba kvv ik lauwo cho?

6. Yohmi kia Hatak Ushi yvt yakni paknaka anta kvv nan ai ashvchika puta ka kashofa hi vt im ai vlhpesa hatuk a, hvsh akostinincha chi kak oka, palsi isht abeka ash o, Tanit chi potvlhpo ishi cha, chi chuka ish iashke, im achi tok.

7. Mihma yvmmak ash osh tani cha in chuka ia tok.

8. Yohmi ma okla chinto kvv pisa mvt, nukhlakanchvt, hatak a nan-isht im ai ahli yohmi ka ima tok Chihowa ash o ai okpahanchi tok.

9. Mihma Chisvs vt yvmmak ashv vttvt ia mvt, hatak vt Mahlu hohchifo hosh, tvli holisso ai itahoba ya binili ho ont

pisa tok; mihmvt yvmmak ash o, Is siakaiyashke, im achi tok; mihma wakaya mvt iakaiya tok.

10. Atuk o yakohmi tok; Chisvs vt impa hosh aboha anuka asha ma, publikan vhleha, mihmvt nan ashvchi vhleha aiena kvt laua hosh ai vlt yvmmak ash, micha nan im ai ithvna aiena ka ant takla binohli tok.

11. Mihma Falisi vhleha hvt pisa mvt, yvmma nan im ai ithvna vhleha hash o, Katiohmi ho nan hvch ithvnanchi vt publikan, micha nan ashvchi vhleha aiena ka it ibai impa cho? im achi tok.

12. Yohmi kia Chisvs vt yvmma haklo mvt, Haknip im achukma hokano alikechi a ai im ai vhlpiesa keyu chatuk, amba abeka yok mak oh chatuk oke.

13. Uba isht-ai okpvchi ak okano ak aiahno; amba nan i nukhaklo ak o aiokpanchi li hoke, achi yvmmak osh nana hokma, ont oh ithvna; hopoyuksa vhleha ak o hoyot aya li ha tok keyu; amba nan ashvchi vhleha hvt ile kostininha chi mak a tok oke, im achi tok.

14. Yohmi ma Chan nan im ai ithvna vhleha hvt im ai vla mvt, Katiohmi ho pishno, micha Falisi vhleha il aiena kvto nukhaklot nan e hullochi fehna ma, amba nan chim ai ithvna vhleha hvt nukhaklot nan ik hullocho cho? achi tok.

15. Mihma Chisvs vt, Hatak himona ohoyo itauwaya tuk vt takla anta moma ka i kanomi vhleha hvt nukhakla hinla cho? yohmi kia hatak himona ohoyo itauwaya tuk ash ant im ai isha he nitak vt ai ona he; yohmikmak o okla hvt nukhaklot na hullocha hi oke.

16. Hatak nana kia anchi sipokni a nantvna hlilafa himona ya lapalichi chatuk keyu; vhlkvta lapali kash osh anchi ash hlilvfit ishikma, i shahlit hlilavt okpulo chatuk oke.

17. Mikma hatak puta kvt oka-paki himona ya shukcha sipokni yo apitta chatuk keyu; yvmmak keyukma shukcha yvt mitahli na oka-paki yvt hlayakma, shukcha yvto okpulo chatuk; amba oka paki himona ya shukcha himona yo apit-takmak o, tuklot nan ik okpulo chatuk oke, im achi tok.

18. Ilvppa puta ka isht im anumpulik fehna, hatak na

pehlichí achvfa hosh vla cha, ant aiokpvchi mvt, Himonasi ak kia svso-tek vt illi mak osh itonlvshke: yohmi kia minti cha, chibbak ant isht ish umbitepa hokma, okchaya hinla hoke, achi tok.

19. Mihma Chisvs vt wakaya cha, iakaiyvt ia ma, nan im ai ithvna vhleha aiena kvv yohmi ak inli tok.

20. Yvmohmi tuk o ohoyo hvv issish umbokafa isht abeka tok afvmmi auah tuklo hosh, yvmmak ash im ashaka ya mayvt ona cha, im anchi aposhokvchi a pit potoli tok.

21. Im anchi ak illa ho ak potoli kia, sa hlakofa hinlvshke, ahnit im anukfila hatuk osh.

22. Yohmi kia Chisvs vt filemvt yvmmak ash o pisa mvt; Svso-tek ma! na chi yukpa achukmashke; na chi yimmi pulla hosh chi hlakofichi hoke, achi tok. Mihma hvshi kanvlli vlvpisa yvmma fehna ho ohoyo yvmmak ash osh hlakofi tok.

23. Mihma Chisvs vt hatak na-pehlichí in chuka yash ona cha, oskula olachi vhleha, micha okla yaiya aiena ka ont pisa mvt,

24. Oh iti kanvlli; ohoyo himita yvt illi keyu hoka, amba nusi hoke, im achi tok. Mihma isht yopulvt okla i yukpa tok.

25. Yohmi kia okla hvv kocha wihvt taha ma, pit chukowa cha, ibbak a ont halvli ma, ohoyo himita yash osh tani tok.

26. Yohmi ma ilvppak atuk vt annovt yakni yvmma mo-ma hlopulli tok.

27. Atuk o Chisvs vt yvmmak ash vttvt ia ma, hatak lvpa tuklo kvv iakaiyvt ayvt, tahpahanlvv, Lewi ushi chia ma! ish pi nukhklashke, ahanchi tok.

28. Mihma yvmmak ash osh aboha ont chukowa ma, hatak lvpa atuk vt im onvt okla tok: mihma Chisvs vt, Ilvppa yakohmichi la hinla ka hvchi yimmi cho? im achi ma, Yau, Chitokaka ma! im achit okla tok.

29. Yohmi ma nishkin a pit potoli mvt, Na hvchi yimmi tuk pulla mak osh isht a hvchim vlvpesashke, achi tok.

30. Mihma nishkin vt i fatumvt okla tok: yohmi ma

Chisvs vt kvllochi fehna hosh i mihvt, Ahah! hvsh ahni na hatak nana kia ik akostinincho kashke, achi tok.

31. Yohmi tuk kia itiachi mvt, yvmmak ash o yakni yvma mominchit ai im annowachi tok.

32. Yvmmt a kohcha ma, hatak ik anumpolo nan isht ahullo okpulo ai i foka ho okla isht im vla tok.

33. Atuk o nan-isht ahullo okpulo yash osh a kohcha ma, ik anumpolo yash osh anumpuli tok: yohmi ma okla laua yash osh nukhlakancha mvt, Himonna kia Israel okla ha a yakohmi na kvna hosh pisa chatuk keyushke, achi tok.

34. Yohmi kia Falisi vhleha hash osh, Ilvppvt nan-isht ahullo okpulo puta ka nan-isht ahullo okpulo i miko yak o isht kocha weli hoke, achi tok.

35. Yohmi ma Chisvs vt tmaha moma, micha tvmahushi puta aiena ka mominchit ayvt, i sinakak puta kak o nan im ai abahanchi, mihmvt vba afehlichika isht anumpa hanta isht anumpohonli, mihmvt abeka moma ka hlakofihinchit, haknip ik in chukmo okla im asha tuk a mominchit hlakofihinchi tok.

36. Yohmi tuk kia okla laua yash osh hoyvbli cha, it a fimimpvt aiasha, chukvlpoba yosh apesvchi ik im iksho ho, chohmi na pisa hatuk osh i nukhaklo tok.

37. Yohmi mvt nan im ai ithvna vhleha hash o, Nahoya hi okvto laua ho mvhli, amba toksvli vhleha hak osh ik lauwashke.

38. Yohmi hoka na-hoya hi okvt Chitokaka immi hoka nan im ahoya hi a toksvli vhleha ha auct tihlela chi ka, hvsh im asilhashke, im achi tok.

CHAPTA X.

Chisvs vt nan im ai ithvna auah tuklo kvvbanumpa ha isht anumpohonla chi ka, micha na fehna puta ka ai yvmohma chi aiena ka kanompit tihleli, 1. 5 Micha nana ka ithvnanchi. 40 Micha Chisvs a holitobli kvv nan isht il ai yukpa he miha.

1. YUMOHHI tuk osh nan im ai ithvna auah tuklo kash o itahobit tahli mvt, nana im ai ahlit, nan-isht ahullo

okpulo puta imaiyvt, ymmak atuk ma kocha welit abeka ilaiyuka puta, micha hakhnp ik in chukmo ilaiyuka moma hlakoficha hi a im apesa tok.

2. Yohmi ka vbanumpeshi auah tuklo hohchifo kvv ya-kohmi kak oke: vmmona Saimon atuk osh Pita hohchifo tok; mihma itibapishi Antilu ak a tok; Sebete ushi, Chemis ak osh, nakfish Chan itatuklo tok:

3. Mihma Filip, micha Bahlolomu; Tamas, mikmvt pblikan hatak Mahlu; Alfevs ushi Chemis, micha Lebevs osh hohchifo apunta kvv Tatevs a tok.

4. Mihma Kenan hatak Saimon, micha Chutas Iskaliot ak atuk osh ymma haksichi tok ak inli ka aiena tok.

5. Auah tuklo ilvppak o Chisvs vt pit tihleli mvt, nan im apesvt, Chentail aiasha pilla hokvno hvch ik aiyo kashke, mikmvt Samalia okla in tmaha ha ont hvch ik chukowo kashke.

6. Amba Israel in chuka-chvfa chukvvlhpoba tvmoa pulla kak o hvsh im ai onashke.

7. Michā ia hosh hvsh itvnowa kvv, vba isht anumpo-honlit, Uba apehlichika yvt olanlosi vlvshke, hvsh ahanchashke.

8. Mikmvt abeka ya hlakofichit, leplosi vbi puta ka i kashofit, illi puta ka tanichit, nan-isht ahullo okpulo puta ma hvsh kocha welashke: pilla ho hvsh habena hatuk okvt, pilla ho hvsh imashke.

9. Hvchi shukcha atuk ma tvi holisso lakna, micha tvi hvta, mikmvt tvi lakna nana kia fohkit hvch ik ieshokmvt;

10. Anonti nowvt hvsh aya hokvt bahta kia, ilefoka lumbo tuklochit, shulush aiena ma tuklochit, tvi nana kia hvch ik iesho kashke; hatak toksvli yvt ilhpita he ak o vlhpesa hoka.

11. Michā tmaha, keyukmvt tmaha chito yokmā nana ho ont hvsh chukowa chi kvv, kvna hosh vlhpesa kvv ymma anta ka, hvsh ponaklashke; micha ymmak o hvsh asha tuk osh a kohchvt hvsh iashke.

12. Michā chuka yo ont hvsh chukowakmvt, hvsh ai okpvchashke.

13. Yohmikma chuka yatuk mvt vlhpesa hokma, na yukpa he hvsh im ahni tuk a onvtulashke: amba vlhpesa keyu hokmvno, na yukpa he hvsh im ahni tuk a hvchi falamashke.

14. Micha kvna kia ik hvchi aiokpacho, micha hvchim anumpa ma haponakla he keyukma, chuka yokmá, tmaha hokmá, nana hatuk a hvsh a kohchakmvt, hituk tohbi hvch iyi asha hatuk ma hvsh tahtulashke.

15. Ahli mak o hvchi miha lishke, Nan-vlhpisa chinto nitak okvno Sotom, micha Komola aiena kvv im ahleka hoh kia, pit im vlhpisa kvv tmaha yvmmak a tok a i shahla hi oke.

16. Inta! chukfulhpoba yo chohmichi hosh nashoba itintakla pit tihleli lishke; yohmi hoka kostini kvv sinti ak o hvsh chiyuhmi cha, nuktaiyala mvt pvchi-yoshuba ak o hvsh itilauashke.

17. Yohmi kia hatak puta ka ahah! hvsh im ahnashke: yvmmak okvv ishit nan apesa vhleha ibbak a hvchi fohokikma, i sinakak puta ka a hvchi fahama he mak oke.

18. Micha na pehlichí vhleha, mikmvt miko puta, Chen-tail okla aiena ka, na hvsh im ai atokola chi ka, vno pulla hatuk mak o yvmma puta ka itikba hvch isht ohona hi oke.

19. Yohmi kia hvch isht ohona ka, kanimihchit, micha nana ho hvsh anumpula he aiena kvv hvch ik anukfillo kashke: nana ho hvsh anumpula hi a hvshi kanvlli vlhpisa yvmmak inli ho hvchi anukfohka hi oka.

20. Hvchishno ak osh hvsh anumpula hi o keyu, amba hvch iki imi Shilombish yvmmak osh a hvchi anumpula hi oka.

21. Mikma itibapishi hatuk vt itibapishi ha illi issakma, anonti iki atuk vt vlla ya illi issa he: yohmikma vlla puta kvv iki ishki aiena hatuk ma i nukkilli cha, illi issa hi oke.

22. Mikma sa hohchifo pulla hatuk mak o momvt hvchi nukkilli he: yohmi kia kvna hosh achunanchit mahayvt ai vlli ka ona hok mak osh okchaya hi oke.

23. Yohmi kia tmaha chito ilvppa a hvch issikko-

palikma, yihlept inla yo hvsh onashke. Ahli mak o hvchi miha lishke, Israael okla in tumaha puta ka hvch il hlopullo kisha ho, Hatak Ushi yvt vla hi oke.

24. Nan-ithvna yvt nan-ithvnanchi ya imaiya keyukma anonti tishu hvt i shahli ha imaiya ho keyu chatuk.

25. Nan-ithvna yvt nan-ithvnanchi ya itilauikma, anonti tishu hvt i shahli hatuk ma itilauikmak osh im vlpessa hoke. Chuka-chvfa pehlichika ya Beelsebvb okla hochifo tuk vt in chuka-chvfa ya i shahlichu kvt katiohmichi hosh hochifa hinla cho?

26. Yohmi hoka yummak oka hvch ik i nukshopo kashke. Nana kvt ompoholmo tuk osh ik otano ka hi vt iksho ma, anonti nana kvt luma tuk osh ik annowo ka hi vt iksho hoka.

27. Nana ka okhlilika yo a hvchim anoli li ka a tohwikelika yo hvsh ai anolashke: micha nana ka haksobish tikelichi hosh hvsh haklo kvt, yummak ash aboha pakna yo hvsh ai anolashke.

28. Mikmvt haknip a vbi kia, shilombish a illicha he keyu yummak okvno hvch ik i nukshopo kashke: amba shilombish micha haknip it aieninchit aiokpuloka ai ilbvshala hinla kak pulla ho hvsh i nukshopashke.

29. Hushi chipunta yvt tuklokmvt sint achvfa iklvna itatuklo vltoba chatuk keyu? mikma yummvt, hvch iki vt ahni keyukma, achvfona kia aka itula hi o keyu hoke.

30. Amba pashi hvchi noshkobo o hikia kak kia momvt holhtinvt taha yoke.

31. Yohmi hoka ik hvchi nukshopo kashke; holitopa kvt hushi chipunta laua kia hvsh i shahli hoke.

32. Yohmi hoka kvna hosh hatak puta itikba ya si ai ahninchu tuk ma, vno ak kia ilapa Aki vba binili ka itikba ya ai ahninchu la hi oke.

33. Amba kvna hosh hatak puta itikba ya ik si ai ahnincho tuk ma, vno ak kia ilapa Aki vba binili ka itikba ya ak ai ahnincho ka hi oke.

34. Yakni pakna ya nanaiya yo bohliit aya li tok ik

hvechim ahobo kashke: nanaiya yō a bohliit aya li tok keyu, amba bvshpo falaia ak a tok.

35. Hatak a iki ik it im vlhpesachot, ushetik a ishki ik it im a vlhpesachot, ipok atuk ma ipokni a ik it im vlhpesachot aya li ha tok.

36. Mikma hatak in tnvvp puta kv̄t ilap in chukachufa ash inla hi oke.

37. Kvna hosh iki yokmá, keyukmvt ishki yokmá, nana hō i hullo kv̄t vno a im i shahli hokvt, vmmi ha he vlhpesa keyu hoke: mikmvt ushi yokmá, keyukmvt ushetik okmá, nana hō holitobli kv̄t vno a im i shahli hokvt, vmmi ha he vlhpesa keyu mak inli hoke.

38. Yohmikma kvna hosh im iti-taiyukhvna ya sholi cha, siakaiya keyu hokvt, vmmi ha he vlhpesa keyu mak oke.

39. Kvna hosh im ilhfiopak a ahayuchi tuk mvt i kvnia he: mikma kvna hosh vno pulla hatuk mak o im ilhfiopak vt i kvnia hokmvt, ahayucha he mak oke.

40. Kvna hosh hvchi aiokpvchi hokvt, vno a si aiokpvchikma; anonti kvna hosh vno a si aiokpvchi kv̄t, auct sa kanchi tok ma aiokpvchi hoke.

41. Kvna hosh hopaii ya hopaii atuk mak o aiokpvchi hokvt, hopaii im ai vlhtoba mak o isha he: yohmikma kvna hosh hatak ahli achukma ka, ahli achukma atuk mak o, aiokpvchi hokvt, hatak ahli achukma im ai vlhtoba mak o isha hi oke.

42. Mihma kvna hosh chipota vhleha ilvppa achvfona kia, nan ithvna yatuk mak o ishka chi ka oka kapvssa isht-ishko achvfa illa hō ipeta kia, yvmmvt kaniohmit nan-vlhtoba hv̄t i hlakofa he keyu, ahli mak o hvechim achi lishke, achi tok.

Chisvs vt vba isht anumpohonli kv̄t a moma; Chan a pit ponaklo tuk a Chisvs vt afalaminchit im anoli, 1, 7 micha, Chan Baptist a aiahliit isht anumpuli. 20 Chisvs vt tomaha kanimi ka na palvmmi kv̄t onvtula chi ka anoli, yvmmak oka na felna laua ka ai yv-

mihinchi tuk kia, okla ik ile kostinincho hoka. 25 Chisvs vt Chihwa pit aiokpvchi mvt, Iki vt nan okluha ka ibbak ifoyuki tuk a achi: 28 mikmvt a foha chi kvv hoyvbli puta kvv im ai ona chi ka i miha.

1. ATUK o yakohmi tok; Chisvs vt nan im ai ithvna auah tuklo kash nan im apesvt in taiyaha mvt, in temaha puta ka nan ai ithvnanchi, micha vba isht anumpuli aiena chi hosh yvmma vttvt ia tok.

2. Atuk o Klaist vt nan-isht-anta puta ka Chan vt aboha kullo anukaka ya a haklo mvt, nan im ai ithvna vhleha tuklo ho pit tihleli tok.

3. Mihmvt yvmmak ash o, Chishno ak osh aya he tok mak o chia hokma, ak chu? inla yo e hoyokma, nanta chi cho? pit im achi tok.

4. Mihma Chisvs vt a falaminchi mvt, Anonti hvsh ia cha nana ka hvsh haklo, micha hvsh pisa aiena tuk vt Chan a ont hvsh im anolashke.

5. Lepa yvt hopokoyo ma, imomokpulo yvt nowa; leplosi vbi okla hvv i kashofa; mikma ik haponaklo yvt haponaklo; illi tuk vt tani; mihma ilbvsha puta ka vbanumpa hvv isht im anuhumpvshke.

6. Yohmi ka kvna hosh vno a ik si ai ibetvblokmvt, na yukpa he mak oke.

7. Mihma itiachi ma, Chisvs vt okla laua ya im anumpulit ishtia mvt, Chan ak o miha hosh, Nanta ho hvsh pisa chi hosh yakni haiaka ya hvsh ilhkoli tok o? Kushak vt mahli na faiokvchi kak atuk o?

8. Amba nanta ho pisvt hvsh ilhkoli tok o? Hatak nafohka lapushki fohka kak atuk o? nafohka lapushki abehkvchi hokvto miko in chuka puta kak o aiasha hoke.

6. Amba nanta ho pisvt hvsh ilhkoli tok o? Hopaii atuk o? ahli, yohmi ka hopaii ak kia imaiya hoke, hvchim achi lishke.

10. Vm anumpeshi ya chi tikba chvffichi li hoka, mihv yosh chi hina ya tikbanli apoksiacha chi hoke, achit isht ho lisso tok a ilvppak osh mih mak oke.

11. Ahli mak o hvchim achi lishke, Ohoyo ho a tobt

aiasha ka itintakla hikia kv̄t Chan Baptist a imaiya chatuk keyushke : yohmi nana kia moma ik lauwo hosh vba apehlichika ya anta kv̄t, yv̄mma imaiya hoke.

12. Yohmi ma Chan Baptist vt ahanta nitak atuk a ai vhlit mihinti ka, vba apehlichika ya ishi bvn̄na kv̄t achilita fehna, yohmikma achilita puta kv̄t onvtulvt ih̄ishi na himakv̄shke.

13. Hopaii v̄hleha moma micha vba nan v̄lhpisa aiena kv̄t na tikbanli anoli kv̄t, Chan ak o ant im ai v̄hli hoka.

14. Michā hv̄chi yimma hinla hokma, ilv̄ppak osh v̄la he tok Elias mak oke.

15. Kv̄na hosh isht haponakla he haksobish vt i hinlik-mvt, haklashke.

16. Amba himak okla aiasha ilv̄ppak okv̄no nantak o itapesa la chi cho? Ulla yosh ilhpak a kanchi yo binohmaya hosh ilap bika iti howvt,

17. Oskula h̄a e hv̄chim olachi ka, hv̄ch ik hehloshke; e hv̄chi yaiya ka, hv̄ch ik yaiyoshke, achi h̄o itilauishke.

18. Chan vt ik impo, micha nan ik ishko aiena hosh aya ma, Yv̄mma nan-isht ahullo okpulo il ai eshi hoke, okla achishke.

19. Hatak Ushi yvt ihimpa, mikmvt nan ih̄ishko aienvt aya ma, Yakeh! hatak isikopa, oka-p̄aki ishko shahli, p̄v̄likan micha nan ashv̄chi v̄hleha aiena ka i kana yoke, achishke : yohmi kia Ahopoyuksa yokv̄to im v̄lla v̄hleha h̄a isht im a holitopa hoke, im achi tok.

20. Yohmi mvt t̄maha na-fehna ka a yvmihinchi fehna tuk puta kash, okla ilekostininchi keyu hatuk o, nan isht a mihachit ishtia tok.

21. Kolasin ma! na ch̄i palv̄mmi mak oke : Betsaita ma! na ch̄i palv̄mmi mak oke; na-fehna puta kv̄t hv̄chishno ya hv̄chim a yvmohmi tuk vt Taia, micha Saiton aiena ka a yvmohmi ha tok okma, hopaki kash inli h̄o na pashi t̄v̄nna anchit hituk chubbi banot mayvt ilekostinincha he a tok oke.

22. Yohmi kia nan v̄lhpisa chinto nitak okv̄no Taia micha Saiton aiena kv̄t im ahleka hoh kia pit im v̄lhpisa kv̄t hv̄chishno yokv̄no i shahla hi oke, hv̄chim achi lishke.

23. Yohmikma Kapenavm chia shutik ak o ont ish talaia

tuk vt, akitv ai okpuloka mak o ish ona hi oke: na-fehna
puta kvv chishno ya chim a yvmohmi tuk vt Sotom a a
yvmohmi ha tok okma, himak nitak ak kia talaia hi a tok
oka.

24. Yohmi kia nan vllhpisa nitak okvno Sotom yakni vt
im ahleka hoh kia, pit im vllhpisa kvv, chishno yokvno i
shahla hi oke, hvchim achi lishke, achi tok.

25. Nitak yvmma fehna ma Chisvs vt anumpuli mvt,
Aki, shutik micha yakni aiena in Chitokaka ma! na yakoh-
mi puta ka na kostini, micha nan ithana aiena kvno ish in
luhmi tuk osh, vlosi puta ho ish im otvnichi hoka, yak oke,
chim aiahni lishke.

26. Vllhpeshake, Aki ma! yvmmak osh chim vllhpiesa
hatuk oka, achi tok.

27. Aki vt nan okluha ka svbbak fohkishke: yohmi ka
Ushi ya hatak nana kia ik ithano ho, amba Iki ak banoshke;
mikma Iki a hatak nana kia ik ithano ho, Ushi ak illa,
micha Ushi ak osh kvna ho im otvnichi hok mak bano
hoke.

28. Toksvlit ahantvt hoyvbli, micha shapoh i weki puta
hvchia mvt, momvt hvs svv ai vla na hvchi fohvchi lashke.

29. Vm ikonla abana yak o isht hvsh il abanali cha, vno
ak o hvs svv ai ithvnashke: vno ak osh chukvsh yohbi,
micha chukvsh akanlosi aiena sia hoka: yohmik mak osh
hvchi shilombish puta a foha hi a hvsh ahayucha he mak
oke.

30. Vm ikonla abana ya il abanali ka im vllhpiesa, micha
a shapoh hvv shohvla hoke, im achi tok.

CHAPTA XII.

Nan im ai ithvna vllcha hash osh nitak hullo yo onush a hlehilit vpa tuk
a, vllhpesa, Chisvs vt im alni, 1. 9 Chisvs vt ibbak bvshi yatuk a
achukmali tuk o, Falasi vllcha hvv vbi bvna. 22 Shilombish ok-
pulo ai i foka tuk a Chisvs vt hlakofichi; 31 mihmvt Shilombish
Holitopa ya ik ahobalot anumpuli kvv i kashofa he keyu miha. 38
Falasi vllcha hvv Klaist a nan-isht-atokowa im a hoyo. 46 Koma
hosh Klaist a i kanomi hoka isht annoa.

1. NITAK ymma foka ma Chisvs vt nitak hullo nitak o osapa hlopullit aya ma, nan im ai ithvna vhleha hvt hohchvfo hatuk osh, onush a hlehli cha, vpvrt ishtia tok.

2. Yohmi kia Falisi vhleha hvt pisa mvt, Yakeh! nana ka nitak hullo nitak a a yohma he vhpesa keyu ka, na chim ai ithvna vhleha hvt yohmishke, im achi tok.

3. Yohmi kia yummak ash osh, Lewi micha apehvt aya tok aiena kvv hohchvfo mvt, kaniohmi tok,

4. Chihowa im aboha hatuk a ont chukowa cha, pvska otvni yummak oka ilap vt, micha apehvt aya tok aiena kvv vpa he ai im vhpesa keyu, amba naholitompa isht asha ak illa hatuk a vpa tok a, holisso ha hvch ik ai it im anumpulo chatuk oh cho?

5. Yummak keyukmvt na-holitompa isht asha vhleha hvt nitak hullo nitak puta ma tempel anukaka ya nitak hullo a kobahafi kvv ashvchi ha tok keyu ka vba nan vhpisa holisso ha hvch ik ai it im anumpulo chatuk oh cho?

6. Yohmi kia, Achvfa hosh tempel a imaiya kvv ilvppa anta hoke, hvchim achi lishke.

7. Yohmi kia, Uba isht-aiokpvchi ya ak ahnincho, amba nan i nukhaklo ak o ai okpanchi li hoke, achi ilvppak osh nana ho miha hatuk a hvsh akostininchi hatuk okmvt, ashvchi keyu ka anumpa hvsh onocha he tuk keyu chishke.

8. Hatak Ushi yvt nitak hullo ak kia in Chitokaka ak inli hoka, im achi tok.

9. Micha yummak ash vtvt ia mvt, ymma i sinakak ak o ont chukowa tok.

10. Yohmi ma hatak vt ibbak shulla yosh asha tok. Yohmi ma ilvppak ash o nan vhpisa onocha chi hosh okla im ponaklot, Nitak hullo nitak a na hlakoficha he vhpesa cho? achi tok.

11. Yohmi ma yummak ash osh, Hatak hvchi katima kak osh chukvhlhpoba yvt achvfa hosh im anta tuk vt, nitak hullo nitak o yakni kula pit itula ka, pit halvllit ik kohocho ka hinla cho?

12. Yohmi ka hatak vt holitopa kvv chukvhlhpoba ya katiohmi ho isht i shahli ho? Yohmi hoka nitak hullo

nitak a nana achukma ka yohma he vhpesa hoke, im achi tok.

13. Yohmi mvt hatak ash o, Chibbak a chisemochi, im achi tok. Mihma chisemochi tok: yohmi ma falanvt achukmvt taha mvt, in tnnvp akinli ho chohmi tok.

14. Yohmi ma Falisi vhleha hvt kocha wila mvt, kani-mihchit vba he vt isht it im anumpulit maya tok.

15. Yohmi kia Chisvs vt ilvppa akostinichi mvt, ymmak ash a kohchvt knia tok: mihma okla chito hvt iakaiya ma, yummak ash o mominchit hlakofichi tok.

16. Yohmi mvt ilap a okla ik otvnineho ka hi a kvloochit i miha tok.

17, 18. Yohmi ma, hopai Esaias vt anumpohonli mvt, An tishu hano ai atokoli li tuk o holitopa, sa shilombish vt isht ai yukpa fehna ka ho pesa: ilvppak o vmi Shilombish o onochi likma, yummak osh Chentail okla ha vba nan vhpisa ya im otvnicha hi oke.

19. Yummak okvt ik it im paknokmvt, anonti ik tahpvlo ka he; mikma tmaha ai itahoba puta ka im anumpa ha hatak nana kia a haiyakla he a keyu ka he.

20. Kushak kushkoa kia ik tilohlecho ka he, mikmvt pva i homula lua shobulli ka ik mosholicho hosh, vba nan vhpisa ya fihimit isht imaiyacha he.

21. Yohmikma Chentail vhleha hvt ymma hohchifo ho anukchiet he, achi tok a ont ai aiahli tok mak oke.

22. Ymma foka ma achvfa hosh nan-isht ahullo okpulo ai i foka hosh lvpa, micha ik anumpolo aiena ho isht im vla tok: yohmi ma yummak ash o hlakofichi na lvpa micha ik anumpolo aiena tuk vt anumpuli, micha pisa aiena tok.

23. Mihma okla hvt momvt nukhlakancha mvt, Ilvppvt Lewi ushi ash keyu ho? achi tok.

24. Yohmi kia Falisi vhleha hvt haklo mvt, Hatak ilvppvt nan-isht-ahullo okpulo a kocha weli ho keyu, amba nanisht-ahullo okpulo i miko Beelsebv ak o ishit kohchi hoke, achi tok.

25. Mihma okla im anukfila ha Chisvs vt akostinichi hatuk osh, Apehlichika puta kv it a kashapvt ilap bika it i sanali hokvt, ont ai okpulo kv taha chatuk: anonti tmaha

chito, keyukmvt chuka puta kvt it a kashapvt ilap bika it i sanali hokvt, talaia he keyu hoke.

26. Yohmi hoka Setan osh Setan a kohehi hokmvt, ilap o inli il i sanali hoke; yohmi ka katiohmi hosh im apehlichika yvt talaia hinla cho?

27. Micha vno vt Beelsebvb ak o nan-isht-ahullo okpulo a ishit kocha weli li hokma, kvt hak o hvchim vlla vt yvma ishit kocha weli chatuk oh cho? yohmi hoka yvmmak osh na hvchim apesa yashke.

28. Amba vno yvt nan-isht-ahullo okpulo a Chihowa imi Shilombish o ishit kocha weli li hokma, yohmi hokmvno Chihowa apehlichika yvt hvchim vla mak oke.

29. Keyukmvt katiohmi hosh achvfa kvt hatak hlampko in chuka ya ont chukowa cha, im ilayak a wehpula hinla? hatak hlampko ak o tikba takchi ha yo keyukmvt; amba yvmmak okmvt in chuka ya wehpula hinla hoke.

30. Kvna hosh vno a svbafohka keyu kvt, a sanali hoke; mikma kvna hosh svba hoyo keyukmvt, na fimmi yoke.

31. Yohmi hoka, Hatak vt nan im ai ashvehika il ai yuka moma, micha Chihowa ik ahobalot anumpuli moma kvt i kashofa he; amba Shilombish Holitopa yo ik ahobalot anum-puli tuk okvto hatak vt ik i kashofo ka hi oke.

32. Micha kvna hosh Hatak Ushi ak o na mihachit anum-puli tuk okvto i kashofa he: amba Shilombish Holitopa ak o na mihachit anum-puli tuk okvto yakni ilvppak inli, micha yakni inla mihinti aiena ka ai i kashofa he keyu hoke.

33. Iti vt achukma ho hvsh ikbi hokma, vni ak kia achukma he: keyukmvt iti vt okpulo yo hvsh ikbi hokma, vni ak kia okpula he: iti vt ilap vni ak inli ho isht otvni chatuk oka.

34. Sinti chilita isht-ai-unchululi hvchia ma! ai vllhpiesa keyu hvchia kvt, katiohmi hosh nana achukma puta ka hvsh anum-pula hinla cho? chukvsh a alotowak mak o, itih hv kohehit miha chatuk oka.

35. Chukvsh anukaka ya na holitopa kvt asha kak o, hatak achukma kvt nana achukma puta ka a yvmohmi chatuk: mikma chukvsh anukaka ya nana ik achukmo kvt asha

kak o, hatak ik vlpeso kv̄t nana ik achukmo puta ka a yvmohmi chatuk oke.

36. Yohmi kia anumpa ik vlpeso puta hatak vt anum-puli tuk okmvt, nan vlpisa nitak okvno yvmmak atuk a nan isht il anola hi oke, hvchim achi lishke.

37. Chishno chim anumpa atuk ak o isht chi ai vlpiesa he: mikmvt chishno chim anumpa atuk ak o nan isht chim vlpisa hi oke,

38. Yvmma foka ma na holissochi vhleha kaniohmi, mi-cha Falisi vhleha aiena kv̄t anumpuli mvt, Nan ithvnanchi ma! nan-isht-atokowa e chi pisa hinlvshke, achi tok.

39. Yohmi kia afalaminechi mvt, Nan ik vlpieso, mi-cha havi aiena okla hash osh nan-isht atokowa ya okla hoyo: yohmi kia nan-isht-atokowa nana hosh in takala he keyu, amba hopaii Chonas nan-isht-im atokowa ak illa hi oke.

40. Chonas vt nitak tuchina micha ninak tuchina aiena ho nvi chito ikfoka anykaka ya foka tok a; yvmmak inli ho chohmit Hatak Ushi vt nitak tuchina micha ninak tuchi-na aiena ho yakni chukvsh anykaka yatuk ma foyuka hi oke.

41. Nana vlpisa chinto nitak okvno Ninefeh hatak vt okla ilvppa ai apihvt hiqli cha, anumpa onocha hi oke; yvmmak okvt Chonas vt vbanumpa isht anumpohonli ma, okla ilekostininechi tok okvt; atuk o Chonas a imaiya mak osh ilvppa ahantvshke.

42. Nana vlpisa chinto nitak okvno oka mahli ohoyo miko vt okla ilvppa awant hikia cha, anumpa onocha hi oke: yvmmak okvt yakni ont ai vhli pilla minti kv̄t Solomon isht im a hopoyuksaka ya haklot aya tok okvt: yohmi tok o himak a Solomon a imaiya mak osh ilvppa ahan-tvshke.

43. Shilombish okpulo yvt hatak a akohchakmvt, afoha he hoyo kv̄t oka ik ai iksho puta ka hlopullit aya kia, ik ahayucho chatuk;

44. Yohmikmvt, An chuka ai vtta kohchvt a minti li kash osh falamvt ia lashke; achi tuk osh onakmvt, yvmmak

ash k_{va} iksho h_o, pashpovt, shemvt taiyaha cha likia h_o, ont pisa hoke.

45. Yohmikmvt shilombish okpulo untuklo inla yvt ilap a i shahli h_o ivt ont pehlichit vla ma, yvmmak ash okla pit abeha cha ai asha chatuk; yohmikma hatak yvmmtv ont ishtaiyopi kak o okpulo kv_t vmmona tuk a i shahli chatuk oke. Yohmi ka yvmmak inli h_o okla nan ik vlhpeso ilvpvt chiyuhma ch_i hoke.

46. Okla ha im anumpuli kv_t moma h_o, ishki micha itibapishi v_hleha aiena kv_t it im anumpuli bv_{nn}a hosh kocha ya hinli tok.

47. Yohmi ma achvvt, Yakeh! chishki micha ish itibapishi vlheha aiena kv_t chit im anumpuli bv_{nn}a hosh kocha ya hiohmayvshke, im achi tok.

48. Yohmi kia afalaminchi mvt, nan im anoli yash o, Hvshki ak osh kv_ta h_o? mikma itibapishi li v_hleha ak osh kv_ta hoh cho? im achi tok.

49. Mihmvt nan im aiithvna v_hleha aiasha ka imma yo ibak a pit weli mvt, Hvshki, micha itibapishi li v_hleha ha pisá;

50. K_{va}na hosh Aki vba binili nan aiahni ka yvmohmikmvt, yvmmak osh itibapishi li, micha an tek, mikmvt hvshki aiena mak oke, achi tok.

CHAPTA XIII.

Na hokchi nan isht vlhpisa; mikma nana a kaniohmi kak o Chisvs vt nan isht vlhpisa h_o isht ithvnanchi, 1. 18 Na hokchi nan isht vlhpisa h_o otvnichi; 24 onush micha haiyukpulo ita tuklo ka isht vlhpisa, 31 mvstvt nili; 33 micha nan isht shatvmmichi ita tuklo ka nan isht vlhpisa: micha na kaniohmi h_o Chisvs vt nan isht vlhpisa bano h_o isht anumpohonli. 36 Onush micha haiyukpulo ita tuklo nan-isht vlhpisa h_o otvnichi; 44 na holitopa luma kv_t itu-yula, 45 micha nan chumpa, 47 mikmvt nvni isht hokli aiena ka nan isht vlhpisa; 53 Chisvs vt falamvt i yakni ak inli h_o ona tuk o, okla hv_t kanimanchi.

1. MIHMVT Chisvs vt nitak yvmmak inli ka aboha ya a kohchvt ia mvt, okhvta lapalika yo ont binili tok.

421
C484
B406
1854

2. Yohmi ma okla laua fehna kvt ant im ai itahoba, yohmi ma peni yo pit chukowa cha binili tok; mihma okla laua yash osh momvt oka vhli ha hiohmaya tok.

3. Mihma nana laua ka nan isht apesa hosh isht im anumpohonli mvt, Inta! na hokchi vt na hokchit ia tok.

4. Atuk osh hokchi ma, na nihi kanimi kvt hina lapalika yo kaha tok; atuk o hushi puta kvt ant vptv tahli tok.

5. Kanimi kvt tvli foka yakni asha fehna keyu ho kaha tok; atuk osh yakni vt i suko keyu hatuk okvt, chekosi fehna offo tok;

6. Atuk o hvshi vt kohcha ma, anakshua tok; yohmi kvt hakshish vt ik im iksho hatuk okvt, bvshit taha tok.

7. Yohmi ma kanimi kvt kvti foka yo kaha tok; atuk o kvti vt offo mvt, olvbbit ishi tok.

8. Amba inla ka yvt o yakni achukma ho kaha: yohmi tuk mvt achvfa tuk kia kanimi kvt tahlepa achvfa; kanimi kvt pokoli hanali; kanimi kvt pokoli tuchina aiena ho vnit waya tok oke.

9. Kvna hosh isht haponakla he haksobish vt i hinlikmvt, haklashke, achi tok.

10. Mihma nan im ai ithvna vhleha hvv im ai ona mvt, Nanta katiohmi ho nan isht vhpisa ho isht ish im anum-puli cho? im achi tok.

11. Mihma afalaminchi mvt, Hvchishno yokvto nan ik otano vba apelihchika ahalaya puta ka hvsh ithana hi okvt hvchim vhpisa ha tok; amba yvmmak okvto im vhpisa keyu hoka.

12. Kvna hosh ishikma, mihi yo ima he; mikma in laua kvt i shahla hi oke: amba kvna hosh ishi keyuk mvno, ishi tuk ash kia im ai isha hi oka.

13. Okla pihisa hokak osh, pisa keyu; mikmvt hahaklo hokak osh, haklo keyu; micha akostininchi keyu aiena hatuk; yohmi kak o nan isht vhpisa ho isht im anum-puli li hoke.

14. Mihma Esaias vt nana tikbanli anoli kvt, Hahaklo hokvno hvsh haklo kia, hvch ik akostinincho ka he; mikmvt pihisa hokvno hvsh pisa kia, hvch ik ithano ka he.

15. Okla ilvppa chukvsh atuk mvt niyv taiyaha, mihma haksobish a isht haponahaklo kvv in takobi mvt, nishkin atuk ma okla okhishtvshke; yvmmak keyukmvt nitak kani-ohmi kia nishkin atuk ma isht pisvt, haksobish a isht haklo cha, chukvsh ma isht akostininchit ilekostininchi na hlakofichi la hinla kak o, yohmi achi tok a okla ilvppak o ont isht aiahli hoke.

16. Amba hvchi nishkin okvto pisa; mikma hvchi haksobish atuk mvt haklo aiena hokvt na yukpvshke.

17. Ahli mak o hvchi miha lishke, Hopaii yvt lava, micha hatak hochukma aiena kvv nana hvsh pisa ka pisa bvna tok kia, okla ik peso tok; micha nana hvsh haklo ka haklo bvna tok kia, ik haklo tok oke, achi tok.

18. Yohmi hoka na hokechi isht vlvhisa hatuk ma hvsh haklashke.

19. Kvna kia apelihika isht anumpa ha haklo cha, ik akostinincho, yohmik ma nan okpulo yosh vlvv, chukvsh anukaka nana im a holokchi tuk ash yichiffit ishit kanchi chatuk. Ilvppak osh hina lapalika yo na nihi ai ishi tok mak oke.

20. Amba tvli foka yo na nihi ai ishi tok okvto vba anumpa ha haklo mvt, na yukvvt ashalika ishi kak oke.

21. Yohmi kia hakshish vt im a toba keyu hatuk osh, imoma na hopaki keyu chatuk; vba anumpa pulla hatuk mak o isht issikkopali, micha isht hofahyali aienakma, chekosi mak inli ho ibetvbli chatuk.

22. Mikma kvv foka yo na nihi ai ishi kak kia vbanumpa ha haklo kak oke; yohmi tuk o yakni ilvppak inli nana ai anushkunna, micha nan in lava bvna kvv isht ashvchi aiena kvv vbanumpa hatuk ma ai olvbbit ishi na ik vno toba kak oke.

23. Amba yakni achukma yo na nihi ai ishi vto vbanumpa ha haklo mvt, akostininchi kak oke: micha yvmmak ash osh vnikmvt, achvfa tuk kia kanimi kvv tahlepa achvfa, kanimi kvv pokoli hannali, kanimi kvv pokoli tuchina, yohmi hosh isht waya hoke, achi tok.

24. Mihmvt nan-isht vlvhisa inla yo in takalichit yak

421
C480
B406
1854

ahanchi mvt, Ūba apelihichi ka yvt hatak osh im osapa ya
na nihi achukma hō hokchi tok a holba hoke.

25. Yohmi tuk kia hatak puta kvt nusi hosh maya takla
ma, in twnp vt vla cha, onush ash haiyukpulo yo ant
hokchichi cha, knia tok.

26. Yohmi tuk o offot vpi toba cha, waya ma, haiyuk
pulo ak kia otvni tok.

27. Yohmi ma chuka-chufa pehlichichi in tishu vhleha hash
osh ona cha, Pi shahli ma! na nihi achukma yo chim osapa
ya ish a hokchi tok keyu hō? katiohmi hō anonti haiyuk
pulo vt asha cho? im achi tok.

28. Mihma, Twnp osh ilvppa yvmihchi tok, im achi ma,
tishu vhleha hash osh, Yohmi ka ivt yvmmak atuk ma ont
aiot il itahoba hi a, ish ahni cho? im achi tok.

29. Yohmi kia yvmmak ash osh, Keyu; yvmmak
keyukma haiyukpulo a aiot hvsh itahobi takla kvt, onush
a aieninchit hvsh lobba hinla hoke.

30. Itapihvt hiohmayvt avsha onashke: atuk o avsha
onak mak o na-bvshli vhleha ha, Haiyukpulo ak o tikba
aiot itahobit hvsh sitohli cha, hvsh hukmashke; yohmik-
mvt onush ak okvno a kanchak ak o pit hvsh ai itahob-
bashke, im achi lashke, achi tok.

31. Nan-isht vlpisa inla yo in takalichi mvt, Ūba
apelihichika yvt mvstvt nihi achufa hō hatak vt ishi cha,
im osapa ya hokchi tok a holba;

32. Yvmmak okvt iskitini kvt na nihi moma ka ik lauwo
ho mvhli; yohmi kia offot hofantikmvt, haiyukpulo puta ka
moma imaiya cha, iti o toba; yohmi na vba hushi puta kvt
naksish atuk ma ant a binohli chatuk oke, achi tok.

33. Anonti nan isht vlpisa inla yo isht im anumpuli mvt,
Ūba apelihichika yvt puska shatvmmiechi yo ohoyo hvst ishi
cha, tanchi pushi vlpisa tuchina hō ibafohki tuk o, momvt
shatvmmi tuk a, holba hoke, achi tok.

34. Ilvppa puta ka nan isht vlpisa bano hō Chisvs vt
okla laua yatuk ma isht im anumpohonli tok.

35. Hopai vt anumpuli mvt, Nan-isht vlpisa hō svtih ha
isht anumpohonli lashke; yakni toba tok taiyakla ka na lu-

ma asha chatuk puta ka anohonli lashke, achi tok a ont aiahla chi ka, nan-isht vllhpisa ho keyukma im anumpuli tok keyushke.

36. Yohmi mvt Chisus vt okla laua ya kanompit tihleli mvt, aboha ont chukowa tok; mihma nan im ai ithvna vhleha hvt im ai ona mvt, Haiyukpulo osapa anuka asha tok nan-isht vllhpisa ka achukmalit ish pim anolashke.

37. Mihma afalaminci mvt, Na nihi achukma yo hokchi kvv Hatak Ushi ak oke.

38. Osapa vt yakni moma kak oke: nihi achukma yvt vba apehlichika im vlla ak oke; amba haiyukpulo vto nan okpulo im vlla ak oke.

39. Tuvv vt yvmma hokchi tok vt Setan ak oke: avvsha ona kvv yakni ont im ishtaiyopi kak a he; mikma na bvshli vhleha hvt enchil vhleha ak oke.

40. Yohmi ka haiyukpulo yvt itahoba cha, luak isht holokmi chatuk a, yakni ilvppvt ont im ishtaiyopikmvt, yvmmak inli ho chiyuhma hi oke.

41. Hatak Ushi vt im enchil vhleha ha atohonokma, na yoshubi, micha nan ik vllhpeso yohmi vhleha aiena ka mominehit im apehlichika atuk ma ai ishit kocha wela he;

42. Mikmvt yvmmak atuk ma tvli a bila luak chinto ho pit ai ashacha he: yohmikma yaiya micha noti ahampa aiena hosh yvmmak oka aiasha hi oke.

43. Yohmikma hopoyuksa vhleha hokvt shohpakali kvv, hvshi ak o chiyuhmi hosh iki im apehlichika atuk ma aiasha hi oke. Kvna hosh isht haponakla he haksobish vt i hinlikmvt, haklashke.

44. Anonti, Vba apehlichika yvt na holitompa luma hosh osapa anuka itonla tuk o, hatak vt yvmmak ash o ahayuchi cha, luhmi mvt, na yukpa fehna hatuk osh ia mvt, nana im asha tuk vt mominehit kanchi cha, osapa yvmmak ash o chumpa kak o chohmi hoke.

45, 46. Anonti, Vba apehlichika yvt hatak nan chumpa yosh tvli holitompa hochukma hoyot ahanta; yohmi tuk osh tvli holitompa achvfa kvv vllhtoba chinto ahayuchi mvt, ivt

421
C484
B406
1854

nana im asha tuk vt mominchit ont kanchi cha, chumpa ka
o chohmi hoke.

47. Anonti, Uba apehlichika yvt nuni-isht hokli yo okhvt
okvchi na ilaiyuka puta pehli;

48. Atuk o alota ma, okla halvllit oka vhli isht ona mvt
aka binohli cha, hochukma ka aiov nan aivlbeha pit apitt
mvt, amba okpulo yvno kampila kak o chohmi hoke.

49. Yakni vt ont im ishtaiyopikma yvmmak inli ho chi
yuhma he; enchil vhleha hvt kohchvt ayakmvt, hatak haks
vhleha hvt hopoyuksa vhleha ha ibvlhto tuk a filamohlich
he:

50. Mikmvt yvmmak ash o tvli a bila luak chito ka pi
ito-ashacha he; yohmikma yahaya, micha noti ahampa aien
hosh yvmmak oka aiasha hi oke, im achi tok.

51. Mihmvt Chisvs ash osh, Ilvppa puta ka mominch
hvsh akostininch cho? im achi ma, Yau, Chitokaka ma
okla im achi tok.

52. Yohmi ma, Na holissochi aiyyuka vba apehlichika isht
im vlvchi kv, hatak chuka-chvfa pehlich yosh nan im aia
sha ya nana kv himona, micha hopaki aiena ho ai isht
kohchi ka chomi hoke, im achi tok.

53. Atuk o yakohmi tok; Chisvs vt nan isht vlvpi
ilvppa puta ka ont taiyali mvt, kohchvt ia tok.

54. Atuk osh ilap i yakni ak inli ka vla mvt, i sinakak
nan ai im abahanchi; yohmi ma okla nukhlakanacha mvt,
Hatak ilvppvt nan ithana, micha na fehna aiena ka yvmi
chi kv, katimak o ai im vltaha tok oh cho?

55. Ilvppvt chuka ikbi ya ushi keyu? ishki vt Meli hoh
chifo keyu? mikma itibapishi vhleha mvt Chemis, mich
Choses, mikmvt Saimon micha Chutas aiena kak keyu?

56. Mihma in tek vhleha hvt momvt hvpi takla may
keyu? Yohmi ka hatak ilvppvt katimak o nan ilvppa m
ma ka airm vltaha tok oh cho? achi tok.

57. Mihmvt yvmmak ash o okla isht ai ibetvbli tok. Yoh
mi kia Chisvs vt, Hopai vt ik holitopo keyu hosh ahanta
kia, ilap i yakni ak inli, micha ilap in chuka kak illa hoh
chatuk oke, im achi tok.

58. Yohmi mvt okla nan ik i yimmo hatuk mak o yvm-mak atuk ma na fehna ka lauachit a yvmihchi tok keyushke.

CHAPTA XIV.

Chan Baptist vt nan ai ahli fehna hatuk osh Helot a nan i miha hosh aboha kullo pit fohka, 1, 3 micha noshkobo tupa tok. 13 Chisvs vt pvska lumbo tahlapi, micha nuni tuklo aiena ho hatak tahlapa sipokni tahlapi ho ipeta tok. 22 Chisvs vt vba pit anumpula chi hosh nvnih chaha pit oiya; atuk osh ninak a mahli fehna ma ok-hvta paknaka a nowvt nan im ai ithvna vhleha ha im ia; micha Pita yvt oka kvnia he tuk a okchalinchi. 34 Chisvs vt Kenesalet ona mvt, abeka puta tuk a hlakofichi.

1. YOHMI ma nitak yvmma foka ma, miko Helot vt Chisvs vt annohowa ka, haklo tok.

2. Mihmvt in tishu vhleha hash o, Ilvppvt Chan Baptist mak oke; illi tuk vt falamvt tanishke: yohmi hatuk o na fehna puta kv yvmmak atuk ma ai isht il otvniinchishke, im achi tok.

3. Helot vt itibapishi Filip a tekchi Helotias ak atuk pulla mak o, Chan a hoklit, ishit takchi cha, aboha kullo ya fohki tuk a tok.

4. Chan vt, Yvmmak oka ish itauwaya he chim vlhpesa keyushke, im achi hatuk o.

5. Yohmi kak o yvmma vbi bvna kia, okla laua yak o i nukshopa tok: yvmmak oka hopaii, okla ahni hatuk oka.

6. Yohmi tuk kia Helot vt ai vta tok nitak a holitoblit maya ma, Helotias ushetik vt itikba ya a hihla ma, Helot vt yukpa tok.

7. Yohmi kak osh anumpa kullo isht ai il onochi hosh nana ho asilhha hokma, ima hi vt miha tok.

8. Mihma ishki vt tikbanli i miha hatuk oka, Chan Baptist noshkobo vt amphvta chito fohka ho, ilvppak fehna ant is si ai vmashke, achi tok.

9. Mihma miko vt nukhaklo tok; yohmi nana kia anum-pa kullo atuk pulla, micha okla ibai-impvt maya tuk aiena hatuk mak o, yvmmak atuk ma ima hi a apesa tok.

421
C484
B406
1854

10. Micha pit atohno na aboha kvilo anyakaka yak o Chas noshkobo ya a tvbli tok.

11. Mihma ymma noshkobo hvt amphvta chito fohka ho isht vla cha, ohoyo himita yash ima tok; mihma ymmak ash osh ishki a isht im ona tok.

12. Yohmi ma nan im ai ithvna vhleha hvt haknip a onl ishi cha, hohpi mvt, ivt Chisvs a ont im anoli tok.

13. Chisvs ash osh haklo mvt, nan im ai ithvna vhleha bano ho ai itapihvt ymma vttvt ia kv, peni vltot yakni haiaka yo ilhkoli tok; atuk o okla hvt ymmak ash haklo mvt, aka itvnowa hosh tmaha puta ka ashvt okla pit iakai ya tok.

14. Atuk o Chisvs vt kohcha cha, okla laua ya pisa mvt i nukhaklo felna cha, abeka im asha tuk a hlakofichi tok.

15. Atuk o opivt taha ma, nan im ai ithvna vhleha hash osh im ai vla mvt, Ilvppak okvt yakni haiaka yoke; mikni himak a shoba hosit tahvshke; okla laua ya pit ish tihleha na tmahushi taloha ka ilhpak vpa chi kv okla a chum-pashke, achi tok.

16. Yohmi kia Chisvs ash osh, Okla ik aiyo mak kia, im pa chi ka hvsh ipetashke.

17. Yohmi ma, Pvska tahlapi, micha hvni tuklo aiena illa hosh ilvppa pim ashvshke, okla im achi tok.

18. Mihma, Ilvppak o isht oh vm vla, achi tok.

19. Mihmvt okla laua yvt aka hvshuk ai om binohla cha ka apesa tok; mihmvt pvska tahlapi cha hvni tuklo aiena kash o ishi cha, vba pit vba-chakali mvt, ai okpvchi cha tushahlichit, pvska yash o nan im ai ithvna vhleha ha im na nan im ai ithvna vhleha hash osh okla laua ya pit ipeta tok.

20. Mihma okla momvt impvt kaiya tok; mihma boshull atampvt asha ka kishi alota auah-tuklo ho okla ishi tok.

21. Yohmi ka okla impa tuk vt, ohoyo vlla aiena kvta asha ho, hatak tahlepa sipokni tahlapi foka tok.

22. Yohmi ma mih mak inli ho Chisvs vt ilapvt okla laua ya tishelichi taklakma, nan im ai ithvna vhleha hvt peni pit abecha cha, tikba misha tmvnp a ilhkola chi ka i miha tok.

23. Micha okla laua yash tishelichit tahli mvt, vba pit anumpula chi hosh ilap illvt nvnih chaha yo pit oiya tok: atuk osh opivt taha ma ilap bano hosh yvmma anta tok.

24. Amba peni vto okhvta iklvna ya, mahli ak osh a sanali hatuk o, oka banvtha ka takakanlit aya tok.

25. Atuk o ninak isht vlhpisa ont isht ai ushtak fehna, Chisvs vt okhvta ha a nowvt ayvt im ona tok.

26. Mihma okhvta a nohowvt aya na nan im ai ithvna vhleha hvv pit pivt, komunta mvt, Shilup oke, achi tok; mihmvt nukshopa cha, tahpva tok.

27. Yohmi kia Chisvs ash osh ashalinka pit im anumpu- lit, Hvchi nuktanla achukmashke; vno ash sia hoke; ik hv- chi nukshopo kashke, achi tok.

28. Mihma Pita yvt afalaminchi mvt, Chitokaka ma! chishno ash chia hokmvt, oka ya a nowvt mayvt chim ona la hi a is sa mihashke, im achi tok.

29. Mihma, Minti, achi tok. Yohmi ma Pita yvt peni ash pit akowa mvt, oka ya a nowvt Chisvs a im ia tok.

30. Yohmi tuk kia mahli hvv kullo fehna ho pisa mvt, nukshopa tok; micha oka kvpivt ishtia mvt, tahpvlvt, Chi- tokaka ma! si okchalinchí, achi tok.

31. Yohmi ma Chisvs vt ashalika ibbak a pit welit halvli mvt, Na yimmi fehna keyu chia ma! nanta katiohmi ho chi anuktuklo tuk oh cho! im achi tok.

32. Atuk o peni a ant vlhto ma, mahli hvv yokopa tok.

33. Yohmi ma peni anukaka maya tuk ash osh yvmmak oka ant aiokpahanchi mvt, Chishno ak osh Chihowa Ushi a chia ho mvhlshke, achi tok.

34. Atuk o yvmmak ash o hlopulli mvt, Kenesalet yakni o okla ona tok.

35. Yohmi ma hatak yvmma asha tuk vt yvmmak ash o akostininchi mvt, inla tohnot yakni yvmma fullota ka mom- inchit pit tihleli na abeka yatuk vt momvt ai im ona tok.

36. Mihma im anchi aposhokvchi ak illa kia okla potola hinla ka im asilhha tok; yohmi ma laua kvv kanihmi hosh potoli tuk okvt hlakofi aiahli tok.

421
C484
B406
1854

CHAPTA XV.

Chisvs vt na holissochi vhleha micha Falisi vhleha aiena kv̄t anumpa kochanli i nan vlpisa puta kak o alminchi kv̄t, Chihowa i nan vlpisa puta ka i shahlichī ka nan i miha tok, 1: 11 micha nana puta nana hosh hatak a okpaiyani kv̄t asha ka anoli. 21 Chisvs vt Kenan ohoyo hō ushetik a hlakofichi, 30 micha okla laua kv̄t im ona na hlakofihinchī tok; 32 micha pvska lumbo untuklo, micha nvni chipunta kanomosi aiena hō hatak tahlepa sipokni ushta ka ipeta.

1. YUMOHMI ma na holissochi vhleha, micha Falisi vhleha aiena kv̄t, Chelusalem minti hosh Chisvs a im ai v̄la mvt,

2. Nanta katiohmi hō na chim ai ithvna vhleha hv̄t hatak tikba vhleha anumpa kochanli isht i nana vlpisa ha tok a kobvfi cho? okla ibbak achifa keyu hosh pvska vpa kv̄t, achi tok,

3. Yohmi kia yummak ash osh afalaminchi mvt, Nanta katiohmi hō hv̄chishno mvt, Chihowa i nan vlpisa ya anumpa kochanli chī nana vlpisa ka isht hv̄sh kobvfi cho?

4. Chihowa yvt apihisa kv̄t, Chiki micha chishki aiena ka ish holitoblashke; yohmikma, Kvna hosh iki okmá, keyukmvt ishki okmá, nana hō na mihachikmvt, illi mak o illashke, achi tok oka.

5. Amba hv̄chishno vt, Kvna kia iki, keyukmvt ishki okma nana kash o vm isht ish aiypuka he tuk a, Vba-ish aiokpvchi oke, im achi: yohmi cha iki okmá, ishki okmá, nana ka ik holitoblo kia nan ik i kanihmo ka hi oke, hv̄sh achi.

6. Yohmi hosh Chihowa i nana vlpisa ya anumpa kochanli chī nana vlpisa ya isht hv̄sh ai okpvnichishke.

7. Nan-ilahobi hv̄chia ma! Esaias vt tikbanli nan ish hv̄chi anohonli hosh,

8. Okla ilvppvt itih hokvno a bilikasi isht v̄la mvt, itiv̄l ma ishit sa holitoblishke; yohmi kia chukvsh okvto auet hopakishke.

9. Nana abvchi kv̄t hatak ī nana v̄lhpisa yō ithananchi hokv̄t, nana v̄lhpesa keyut okla si aiokpahanchishke, achi tok, im achi tok.

10. Yohmi mvt okla laua yash ō itahobi cha, Haklot, hv̄sh ithaiyanashke;

11. Nana kv̄t itih h̄a pit chukowa kak osh hatak ā okpv̄ni hō keyu: amba nana hv̄t itih h̄a a kohcha, ilvppak osh hatak ā okpv̄ni hoke, im achi tok.

12. Yohmi ma nan im ai ithv̄na v̄hleha hash osh im ai ona cha, Falisi v̄hleha hv̄t anumpa ilvppa haklot issa mvt, ik im v̄lhpieso tuk ā ish akostininchi cho? achi tok.

13. Yohmi kia yv̄mmak ash osh afalaminchi mvt, Na holokchi moma kv̄t Aki v̄ba binili hosh hokchi tok keyu hokv̄no, tehvt taha hi oke.

14. Ant ik maya, l̄vpa yosh l̄vpa pehlichī okla hoke: yohmi ka l̄vpa yosh l̄vpa ȳa ilauei kv̄t tuklot yakni kula ȳa pit kaha hi bano hoke, achi tok.

15. Yohmi ma Pita yvt afalaminchi mvt, Nan isht v̄lhpisa ilvppa achukmalit pim anolī, achi tok.

16. Mihma Chisvs ash osh, Hv̄chishno ak kia nana ik akostinincho kv̄t hv̄chi moma hato?

17. Nana kv̄t itih h̄a fohka cha ia kv̄t takoba ȳa ont fohka tuk osh, anonti ont kohcha chatuk ā, hv̄ch ik akostinincho moma cho?

18. Amba nana puta kv̄t itih h̄a akohcha hokv̄to chukv̄sh ak ō a minti; micha yv̄mmak osh hatak ā okpv̄ni chatuk oke.

19. Chukv̄sh ak ō im anukfila okpulo puta, hatak bika v̄bi, haui toba, ohoyo ik im iksho micha hatak ik im iksho it ī lumaka puta, hukopa, anumpa ik ahlo isht atokoli, Chihowa ik ahobalot anumpuli puta kv̄t a toba hoka.

20. Ilvppa puta kak osh hatak ā okpv̄ni hoke; amba ibbak ik ahchifo yō isht impa hokv̄no hatak ā okpv̄ni keyu hoke, achi tok.

21. Yohmi ma Chisvs vt yv̄mmak ash v̄ttvt ia mvt, Taia micha Saiton aiena yakni ī kaniohmi hō ona tok.

22. Mihma Kenan ohoyo hosh yv̄mmak inli hō v̄ttvt aya

tuk vt vla cha in tahpula mvt, Chitokaka Lewi ushi chima! is sa nukhaklashke; svso-tek vt nan-isht-ahullo okpulo ai i foka isht issikkopa fehna hoke, achi tok.

23. Yohmi kia ilap vt anumpa achufa kia isht ik im afalaminchio ki tok. Yohmi ma nan im ai ithvna vhleha hash osh ona cha, Tahpult hvp iakaiya ka, kanompit ish chuffi chashke, achit im asilhha tok.

24. Yohmi kia yvmmak ash osh afalaminchio mvt, Inla yokvno im aya li ha tok keyu; amba chukfvlhpoba tvmoa Israe! in chuka-chufa ak a tok oke, achi tok.

25. Yohmi ma ohoyo hash osh mintit ant aiokpvchi mvt Chitokaka ma! si apelvchi, achi tok.

26. Yohmi kia afalaminchio mvt, Vlla im pska ya ish cha, ofi puta ka pit ipeta he vlhpesa keyu hoke, achi tok.

27. Mihma yvmmak ash osh, Ahlishke, Chitokaka ma yohmi kia ofi puta kvv boshulli osh im pushnayo im ai-impa a chilofa kvno vpa hoke, achi tok.

28. Yohmi ma Chisvs vt afalaminchio mvt, Ohoyo ma na chi yimmi kvv chintoshke; chishno ish ai ahni tuk fehna mak o chim ai yvmohmashke, im achi tok. Mihma hvsh kanvlli vlhpisa yvmmak fehna ho ushetik atuk vt hlakofi tok.

29. Yohmi ma Chisvs vt yvmmak ash vttvt ia mvt, Kalil okhvta bilika yo ona tok; mihmvt nvni chaha yo pit oiy cha, yvmmak o binili tok.

30. Mihma okla chinto fehna kvv hanali okpulo, ik hopo nayo, ik anumpolo, imomokpulo puta, mikmvt inla mvt lau ho il ai ishit im ai ona mvt, Chisvs iyi ituma ya ont ashach tok; mihma yvmmak ash o hlakofichi tok.

31. Yohmi na okla laua kvv, ik anumpolo atuk vt anumpuli, imomokpulo atuk vt hlakofi, hanali okpulo atuk v nowa, ik hoponayo atuk vt pisa aiena ho okla pisa mvt nukhlakanacha tok; micha Israe! in Chihowa ak o okl aiokpahanchi tok.

32. Yohmi ma Chisvs vt nan im ai ithvna vhleha hash ohoyo cha, Okla laua si apehvt maya na himak nitak tuchin ka nana vpa hi vt ik im iksho hatuk o, i sa nukhakloshke yohmi hatuk osh nan ik po moma hokvno tishelichi la b

keyu, yummak keyukma takla ya okla tikamba hinla hoka, im achi tok.

33. Mihma nan im ai ithvna vhleha hash osh, Yakni haiaka ya katimak o pvska laua ka il ahayuchi na okla chinto yohmi fehna kvt kaiya hinla cho? im achi tok.

34. Mihma Chisvs ash osh, Pvska yvt katohmi ho hvsh ishi ho? im achi tok. Mihma, Untuklo, micha nuni chipunta kanomosi hosh aiena, im achi tok.

35. Yohmi ma okla laua yvt aka binohla hi a apesa tok.

36. Mihmvt pvska untuklo, micha nuni aiena kash o ishi cha, vba isht aiokpuchi mvt, tushtoli cha, nan im ai ithvna vhleha ha ima na nan im ai ithvna vhleha hash osh okla laua ya ipeta tok.

37. Mihma momvt okla impvt, kaiya tok: mihma boshulli atampvt asha ka kishi alota untuklo ho okla ishi tok.

38. Mihma okla impa tuk vt, ohoyo vlla aiena hokvto asha ho, hatak tahlepa sipokni ushta tok.

39. Mihma okla laua yash o tishelichi mvt, peni fohka cha, ivt Maktala yakni a ona tok.

CHAPTA XVI.

Falisi vhleha hvt, Chisvs vt nan isht atokowa ya vba ya ai im otvni-cha hi a ahni, 1; 6 micha nan im ai ithvna vhleha hvt, Falisi vhleha hvt nana ithvnanchi ka i nuktahlvt ahah! ahna he i miha tok. 13 Pita yvt Chisvs a Chihowa okchaya Ushi, aiahnit yimmi kvt miha. 21 Chisvs vt iti-taiyukhvna ai illa he, atuk mvt nitak ont atuchinakma falamvt tana he aiena kvt tikbanli anoli; 24 anonti Chisvs a im antia vhleha hvt okla ile kaiyanchi, mikmvt tikba na yukpa ai im vltoba he takanli kak o isht ai ilbvsha he mak o achi.

1. **FALISI** vhleha micha Satusi okla aiena kvt ai vla cha, yummak ash o imomaka pisa hosh nan isht atokowa ya vba ya auet ai im otvnicha hinla ka, im ahni tok.

2. Mihma afalaminchi mvt opiaka yokma, Shutik vt humma hoka, kocha yvt achukma chishke, hvsh achi.

3. Mikmvt qnnahinli yokma, Shutik vt humma cha hosh-

ontichi fehna hokvt, kocha yvt okpula chishke, hvsh achi. Nan ilahobi hvchia ma! shutik pisa yosh kaniohmi hokeno hvsh akostininchi kv, anonti himak nitak isht ai vllpisa kvno hvch ik akostinincho ka hinla cho?

4. Hatak haksi micha havi aiena okla ash osh nan isht atokowa ya pisa ka ahnishke: yohmi kia nan-isht atokowa nana hosh im otvna he keyu; amba hopaii Chonas a nan-isht im atokowa kak illa hi oke, im achi tok. Mihmvt yvmmak ash o issvt ia tok.

5. Atuk o nan im ai ithvna vhleha hvt misha in tennvp a ona mvt, pvska okla isha he tuk vt imihaksi tuk a tok.

6. Yohmi ma Chisvs ash osh, Falisi vhleha, micha Satusi vhleha aiena im pvska isht-shatvmmi ya i nukhtlvvt ahah! hvsh aiahnashke, im achi tok.

7. Yohmi ma yvmmak ash osh, Pvska kil esho kak oka, achit ilap bika it im anumpulit maya tok.

8. Mihma Chisvs vt yvmmak ash o akostininchi mvt, Na yimmi fehna keyu hvchia ma! na katihmi ho pvska ya isht hvch ik ayo ke tuk ak osh isht it im anumpulit hvsh maya cho?

9, 10. Pvska tahlapi ho tahlepa sipokni tahlapi tuk a, kishi kanohmi ho hvsh ishi tok vt, micha pvska yvt untuklo ho, tahlepa sipokni ushta tuk a, kishi kanohmi ho hvsh ishi tok aiena kv; hvch ik ithanot hvch ik akostinincho moma ho?

11. Katihmi ho Falisi vhleha, micha Satusi vhleha aienim pvska isht-shatvmmi ya ahah! hvsh aiahna he, yvmmvvt pvska imma yo isht hvch im anumpuli li tuk keyu ka hvch ik akostinincho cho? im achi tok.

12. Yohmi ma pvska isht-shatvmmi hak o ahah! im ahna hi o i miha hatuk keyu; amba Falisi vhleha, mikmvt Satusi vhleha aiena nan-isht ai ithvnanchi ak atuk a okla akostininchi tok.

13. Atuk o Chisvs vt Sesalea Fillippi yakni a ona mvt, nan im ai ithvna vhleha im ponaklot, Hatak vto, Hatak Ushi sia ha, kvta ho si achi cho? achi tok.

14. Mihma, Kanimi kvto, Chan Baptist chia ho mihakma;

kanimi kuto, Elias; mikma inlaka yvto Chelemaias; keyuk-mvt hopaii a tok achvfona mak o chia ho miha hoke, achi tok.

15. Mihma, Amba hvchishno vto kuta ho hvs si achi cho? im achi tok.

16. Mihma Saimon Pita yvt afalaminchi mvt, Chihowa okchaya Ushi, Klaist chia mak oke, achi tok.

17. Mihma Chisvs vt afalaminchi mvt, Saimon Ba Chona chia hvt na chi yukpvshke: nipi micha issish aiena hosh yvmma chim otvnichi ho keyu hoka, amba Aki vba binili kak oke.

18. Yohmi ma anonti, Chishno vt Pita chia, yohmi ka tvli ilvppak o an chvch atuk ma ai ikbit hilechi la hi oke: yoh-mikma aiokpuloka okhissa puta kvt yvmmak atuk ma ik imaiyacho ka he mak oke.

19. Micha vba apchlichika ishit-tiwa puta ka chishno ak o chima lashke: mikma nana ho yakni paknaka ya ish a takchi hoka, vba yakni ma a talakcha he: mikmvt nana ho yakni paknaka ya ish ai i hotofi hoka vba yakni ma ai i hotofa he mak oke, chim achi li akinlishke, achi tok.

20. Yohmi mvt ilap ak osh Chisvs Klaist mak atuk a hatak nana kia okla ik im anolo ka hi a, nan im ai ithvna vhleha hash kvloochit i miha tok.

21. Nitak yvmma ai vhlit maya kak o Chisvs vt ilapvt Chelusalem a ona cha, hatak hochitoka vhleha, micha na holitempa isht asha pehlichich vhleha, na holissochi vhleha aiena ka nan isht im ai ilbvsha in laua he, micha illichit tuk ma, nitak ont atuchinakma falamvt tana he aiena ka nan im ai ithvna vhleha ha im anolit ishtia tok.

22. Yohmi ma Pita yvt ilaelit ishi cha, im alvmminchit ishtia mvt, Na yakohmi kvt chi mishemashke, Chitokaka ma! ilvppak okvt a chi yvmohma he keyu hoke, achi tok.

23. Yohmi kia yvmmak ash osh filema mvt, Pita yash o, Setan chia hvt vm ashaka yo ish hikiashke; chishno ak osh is si ataklvmmichishke: nana kvt Chihowa ya ahalaya kak o ish ahninchit keyu, amba nana kvt hatak o ahalaya hok mak bano hoka, im achi tok.

24. Yohmi mut nitak ymma foka ma Chisvs vt nan im ai ithva vhleha hash o, Hatak nana hosh siakaiya bunna hokmut, ile kaiyanchi cha, im iti-taiyukhva ya sholi hosh siakaiyashke.

25. Kvna kia ilap im ilhfiopak a okchalinchi bunna hokvto, i kvnia hi oke: yohmikma kvna kia vno pulla hatukmak o im ilhfiopak vt isht i kvnia hoh kia, ahayucha hi oke.

26. Hatak vt yakni a ai ila mominchi hosh ahanta na ilap imi shilombish ash osh i kvnia hokma, nanta ho ai-isht ilaiyukpa hinla cho? yummak keyukmut hatak vt nanta ak o ilap shilombish a isht atobba hinla cho?

27. Hatak Ushi vt enchil vhleha ha pehlichich cha, Iki isht aholitopaka ya il aieshi hosh aya hi oka; yohmikmak osh hatak moma ka ilap nana akaniohmi tok aiyuka mak o isht im atobba hi oke.

28. Ahli mak o hvchim achi lishke, Ilvppa hiohmaya kvkanimi kv ik illo hosh ahanta cha, Hatak Ushi vt im apehlichika il aieshit minti ka, pisa hi vt asha hoke, im achi tok.

CHAPTA XVII.

Chisvs vt inlv toba, micha Moses Elias ita tuklo kv im vla na it im anumpuli, 1. 14 Chisvs vt nvni chaha vttvt akowa mut, haiochichi tuk a hlakofichi; 22 micha illa he atuk mut falamut tana he tikbanlit anoli. 24 Chisvs vt tvi holisso holitopa ka tempel a nan isht im ai atahla chi ho ima tok.

1. YUMOHMI tuk o nitak hannali ont ia ma, Chisvs vt Pita, Chemis, mikmut itibapishi Chan aiena ka ilap bano ho pehlichich cha, nvni chaha yo pit oiya tok.

2. Mihmut itikba ya ai inla tobt hikia tok; mihma nashuka yvt shohpakali kv hvshi ak o chiyuhmi ma, im anchi vt tohbi kv tommi hak o itilau tok.

3. Yohmi ma Moses micha Elias itatuklo hosh yummak ash ant it im anumpuli hosh im otvni tok.

4. Yohmi ma, Pita yvt anumpuli mut, Chitokaka malilvppa il asha kv pim achukmvshke; vlvpesa ish ahni hok-

ma, ilvppa vlhtipo tuchina ka il ai ikbashke; achvfa kvf chishno ak o chimmi hokma, anonti achvfa kvf Moses ak o immi hokma, anonti achvfa kvf Elias ak o immi hashke, Chisvs a im achi tok

5. Yvmmvt anumpohonli moma ho, hoshonti tohbi kvf ant o hoshontikachi tok; mihma anumpa hoshontika auet a kocha kvf, Ilvppak osh Svso a holitopa yo, nan-isht a sai yukpa fehna hoke; hvsh i haponaklashke, achi tok.

6. Mihma nan ithvna vhleha hash osh haklo mvt, hlipvt kaha cha, okla nukshopa fehna tok.

7. Mihma Chisvs vt vlt ant tebli mvt, Ho tani; ik hvchi nukshopa kashke, achi tok.

8. Yohmi ma okla vba chakali mvt, hatak nana kia ik peso, amba Chisvs ak illa tok.

9. Yvmohmi tuk o nvni chaha ya asht akowvt okla minti ma, Chisvs vt yvmmak ash o nan i mihvt, Nana hvsh pisa tuk vt hatak nana kia hvch ik im anolo mak o, Hatak Ushi vt illit falamvt tani hayashke, achi tok.

10. Mihma nan im ai ithana vhleha hv im ponaklot, Yohmi ka katihmi ho na holissochi vhleha hv, Elias ak osh tikba vla pulla he, okla achi cho? achi tok.

11. Mihma Chisvs vt afalaminchi mvt, Elias ak osh tikba vla cha, nan okluha ka falaminchit achukmalit taiyahla he tuk o mvhli:

12. Yohmi ka Elias vt himonasi ak kia vla mashko hoke; mihma yvmma okla ik ithano cha, amba nana ho okla alni tuk mvt, yvmmak atuk ma i yvmihchi tok; yohmi ka Hatak Ushi ak kia mih mak o, chiyuhmit im ai issikkopa chi hoke, hvchim achi lishke, achi tok.

13. Yohmi ma Chan Baptist ak o yvmmvt isht anumpuli hatuk a nan ithvna vhleha hv akostinichi tok.

14. Atuk o okla laua aiasha kash vlt taha ma, hatak achvfa hosh im vla cha, ant i hvchukbihlept hikia mvt,

15. Chitokaka ma! svso ha ish i nukhaklashke: yvmmak okvt haiochi atuk osh himonna luak a itatohonla fehna, mikmvt oka ma himonna oka itohonla fehna aiena hatuk osh issikkopa fehna hoke.

16. Yohmi hō nan chim aiithvna vhleha hā isht im vla li tuk a, okla hlakoficha he keyu tuk oke, achi tok.

17. Mihma Chisvs vt afalaminchi mvt, Na yimmi iksho, micha na shanaiya fehna okla hvchia ma! hvchi takla ahanta li katiohmi foka chi cho? nana ka isht ak hvchi ahno hō katiohmi foka chi cho? Ilvppak o isht hvs sv̄m vlashke, achi tok.

18. Mihmvt Chisvs vt nan-isht ahullo okpulo ya im alvm-mi ma, yvmmak ash a kohcha tok; yohmi ma vlla yash osh hvshi kanvlli vlpisa mih makinli hō hlakofi tok.

19. Yvmohmi tuk o Chisvs vt ilap bano ma, nan ithvna vhleha hvt im ona cha, Katiohmi hō pishno vto yvmma e kohcha he keyu tuk oh cho? achi tok.

20. Mihma Chisvs vt, Nan ik hvchi yimmo kak atuk oka; ahli mak o hvchim achi lishke: Na yimmi kv̄t mv̄stv̄t nihi achvfa yak o chohmi hosh hvchi nukfoka hatuk okmvt, nvnih chaha ilvppa, Ilvppak atuk ma a kanvllit yvmmak o ish onashke, hvsh im achi hoka, yvmmv̄t kanvlla hinla hoke: mikma nana hosh hvchi na fehna hi vt iksho ka hinla hoke.

21. Yohmi kia ilvppa chohmi hokvt vba pit anumpuli, micha nahullochi aiena kak o keyukma kohcha chatuk keyushke, im achi tok.

22. Atuk osh Kalili a okla maya hō, Hatak Ushi a ishit okla ibbak a fohka chi hoke.

23. Yohmikma yvmmak ash o okla vbi tuk ma, anonti nitak ont atuchinakma falamvt tana hi oke, Chisvs vt im achi tok. Yohmi ma okla nukhaklo fehna tok.

24. Yvmohmi tuk o Kapenavm a okla ai vla ma, vba isht ai okpvchi tvli holisso a sholi vhleha hvt Pita ya im ona mvt, Na hvch ithvnanchi vt vba isht aiokpvchi tvli holisso a bohli chatuk keyu hō? achi tok.

25. Mihma yvmmak ash osh, Ahli; achi tok. Michā aboha ya ont chukowa ma, Chisvs vt tikbanli, Saimon vt katiohmi ish ahni cho? miko vhleha yakni pakna aiasha kv̄t ilap im vlla yak okmá, keyukmut hatak inla yak okmá, nanta hō vlpoyak i nan vlpisa tvli holisso, micha nosh-

kobo chumpa tvli holisso, aiena ka im a hoyo chatuk o? achi tok.

26. Pita yash osh, Hatak inla vhleha ha, im achi tok. Mihma Chisvs vt, Yohmikma im vlla yokvto yvmma ik aha-laiyo ho tumvshke.

27. Yohmi kia kil ibetvblecho ka chi ka, ivt okhvta ona cha, nvni isht-vlbi ya pit okvchi; atuk osh nvni tikba koh-cha ho ish ishashke: micha itakha ya ish wakvmmikmvt, tvli holisso tushafa kvf foka na ish pisa chi hoke; yvmmak o ish ishi cha, vno, micha chishno, il ita tuklo isht vltoba mak o yvmma ont ish imashke, im achi tok.

CHAPTA XVIII.

Chisvs vt pim anukfila hvt akanlosa he, 1, 7 micha ilap i yimmi ahli vhleha hoka e shiteleva he keyu ka pi miha: 12 anonti i yimmi vhleha ha i hullo kvf isht anoli mak osh chukvfhlpoba kvnia isht apesvt anumpuli: 15 micha itibapishi iksa ibafohka yatuk osh na-na ka pim okvni hokma, il i kaniohma hi oka pi miha: 20 anonti kvna hoh kia i hohchifo ha kania yo ai it afama ka ai ibafoka hi vt achi. 21 Chisvs vt hatak okvt pana ka ai it i kaniohmi hokvt, peh it i kashofa he tuk nan isht apesa hosh anumpuli.

1. YOHMI ma yvmmak fehna akinli ka nan ithvna vhleha hvt Chisvs a im ai vla mvt, Kvta hosh vba apehlichika ya ibafoka kvf moma i shahli cho? achi tok.

2. Mihma Chisvs vt vlla iskitini o i howa cha, yvmmak ash intinlakla ya hilechi tok.

3. Mihmvt, Ahli ho hvchim achi lishke; Inlvt toba cha, vlla chipunta yo chiyuhmi ho keyukmvt, vba apehlichika ya hvsh chukowa he keyu hoke.

4. Yohmi hoka kvna hosh ile akanlosichi kvf vlla iskitini ilvppak o chiyuhmi hokmvt, mihi yosh vba apehlichika ya ibafoka kvf moma i shahla hi oke.

5. Mikma kvna hosh vno a hohchifo hatuk mak o vlla ilvppa chohmi achvfa ka ahninch i hokmvt, vno ak o ahninch i hoke.

6. Amba kvna hosh a yimmi chipunta yakohmi achvfona

kia ibetvblichi hokmvt, yvmmak ash o ilap ak o tvli tanchi botoli osh ikunla ya atakanli ho, okhvta ahofobi fehna yo oka illi hok mak osh im vlpiesa he tuk mak a hi oke.

7. Nan-isht-ai ibetvbli ak pulla tok mak o yakni vt nan palvmmi hoke: nana ai ibetvbli okakanto kaniohmi kia ik takalo ka wa: yohmi kia hatak nana ho ai ibetvbli vt isht a tobtv minti hatuk okvno i palvmmi mak oke.

8. Yohmi hoka chibbak okma, chiyi yokma, nana hosh chi ibetvblichi hokma, hokofit ish kanchashke; hanali okpulo, keyukmvt imomokpulo yokma, nana hosh ai okchaya ya ont ish chukowa kak osh ibbak vt tuklo, keyukmvt iytv tuklo, kanima hosh luak ataha iksho ma ish itokvnia he tuk a chim i shahla hi oke.

9. Mikmvt chi nishkin vt chi ibetvblichi hokma, kohchit ish kanchashke; nishkin vt im achvfa hosh aiokchaya ya ont ish chukowa hok mak osh nishkin tuklo hosh aiokpulo ka luak a ish itokvnia he tuk a chim i shahla hi oke.

10. Ahah! aiahnit chipota vhleha ilvppa achvfona kia hvch ik kanimancho kashke: yvmmak oka im enchil vhleha vba yakni aiasha kvv, Aki vba binili ka nashuka ya pisa na bilia hoke, hvchim achi lishke.

11. Hatak Ushi vt okpulot taha yak o okchalinea chi hosh aya hatuk oke.

12. Katiohmi hvsh ahni cho? Hatak vt chukfulhpoba tahlepa achvfa hosh im asha tuk osh, achvfonvt yoshubvt kvnia ka, pokoli chakkali akocha chakkali kash ashachi cha, ivt yoshubvt kvnia tuk a hoyot, nvnihi foka ya hikikia cha tuk keyu cho?

13. Atuk osh ahayucha he yoba tuk osh yohmi hokmvt, achvfa yvmma isht a na yukpa kvv, yoshubvt ik tvmoov ke tuk pokoli chakkali akocha chakkali ka im i shahli chatuk oke, ahli mak o hvchim achi lishke.

14. Yohmi ka chipota vhleha ilvppa achvfona kia okpulot taha hi a, hvch iki vba binili kvv ik ahno kvv, yvmmak inli ho chiyuhmi hoka.

15. Yohmi ka ish itibapishi hvv nana ka chim ashvchi hokma, ivt chishno, micha ilap hvsh ita tuklo bano ho nana

ai ashvchi tuk a ish im anolashke: chi haponaklo hokma, ish itibapishi hatuk a falaminchit ish im aiyubacha he mak oke.

16. Amba chi haponakla he keyu, yohmi hok mvno, himmakma achvfá, keyukmvt tuklokma, nana ho pehlinchit ish ia na nan anoli tuklo, keyukmvt tuchinakmá nana itih ho anumpa puta mvt isht ai ahlashke.

17. Yohmikma yvmmak atuk ma i haponakla he keyukma, chvch a ish im anolashke: yohmi kia chvch atuk ma i haponakla he keyu hokmvt, yvmmak atuk mvt Chentail hatak, micha pvblikan aiena mak o chim ai itilauashke.

18. Ahli mak o hvchim achi lishke, Nana ho yakni pakna ya hvsh a takchi hoka, vba yakni ma a talakcha he; mikmvt nana ho yakni pakna ya hvsh ai i hotofi hoka, vba yakni ma ai i hotofa he mak oke.

19. Anonti hvsh tuklo hosh nana ka asilhha he imma ho yakni pakna ya hvsh ai it im achvfa hokma, Aki vba binili kvv ai im aiahlichia he mak oke, hvchim achi lishke.

20. Kanima yo tuklokmá, tuchinakmá, nana hosh sa hohchifo ha isht ai itvnaha hoka, yvmma ai ikvnna hikia li hoka, achi tok.

21. Yohmi ma Pita yvt im ona mvt, Chitokaka ma! itibapishi li hvv katohmi ha yo vm ashvchi ka, i kashofi la hinla cho? untuklo haya hi o? achi tok.

22. Mihma Chisvs vt, Untuklo ha ya hi o ak chim achoshke: amba, Pokoli untuklo bat untukla hi oke, chim achi lishke, im achi tok.

23. Yohmi hoka vba apeshlichika yvt miko yosh in tishu vhleha ha aheka i hotihmvt pisa bvna ho chohmi hoke.

24. Atuk osh i hotihmvt ishtia ma, achvfa hosh talent tahlepa sipokni pokoli hosh aheka im asha tuk o, ilauelit im vla tok.

25. Yohmi kia isht atobba hi vt ik im iksho hatuk o, i shahli hash osh yvmmvvt, tekchi, micha im vlla vhleha, mikmvt nan im asha tuk moma aiena kvv kvnia na aheka yvt vltoba hinla ka apesa tok.

26. Yohmi hatuk o tishu hash osh aka hlipia cha,

aiokpahanchi mvt, Chitokaka ma! is svm svlaha hokma mominchit chim atobbi lashke, achi tok.

27. Yohmi ma tishu ymma i shahli yatuk vt i nukhaklo cha, i hotofi mvt, aheka atuk a i kashofi tok.

28. Yohmi tuk kia tishu ymmak ash inli kvt kohchvt i mvt, tishu ilapa ai itilau yvt achvfa hosh, aheka iskvli table pa achvfa hosh in takanli hatuk a ont pisa tok: mihmvt ymmak ash o hoklit ishi cha, nukthliffi mvt, Aheka chin takali kvt is svm atobbashke, achi tok.

29. Mihma tishu itilau yatuk ash osh iyi ituma aka yv hlipia cha, Is svm svlaha hokma, mominchit chim atobbi lashke, achit im asilhha tok.

30. Yohmi kia vhpesa ik ahno ki tok: amba aheka yv atobbi pulla chi mak o, ymmak ash o aboha kvlo pit fohki tok.

31. Yohmi ma tishu bika vhleha hvt nana kvt yvmohmi na pisa mvt, okla nukhaklo fehna cha, ivt nana a kaniohmi tuk a mominchit i shahli ha okla ont im anoli tok.

32. Yohmi tok a i shahli hatuk vt ymmak ash o pit hoyo cha, Tishu haksi chia ma! chishno vt is svm aiahni ma, aheka ymma mominchit chi kashofi li tuk.

33. Yohmi ka chishno ak kia tishu chi bika ya ish i nukhaklo kvt, vno vt chi nukhaklo li tuk a, ish chiyuhma hvt tuk keyu cho? im achi tok.

34. Mihmvt i shahli hatuk vt anukhobela mvt, aheka in takanli tuk vt, mominchit atobbi pulla chi mak o, issikkopali vhleha ha im issa tok.

35. Yohmi ka hvchishno hvsh moma kvt hvsh itibapishi nana ai ashvchi ya hvchi chukvsh ak o isht hvsh i kashofi keyukma, ymmak inli ho ohmichit Aki vba binili kvt hvchi yvmihcha he akinli hoke, achi tok.

CHAPTA XIX.

Falisi vhleha hvt Chisvs a nan im ponaklo ma, Chisvs vt afalamin chi mvt, a hatak vt tekchi iti kvnia ka ik vhpeso ka miha, 3. 13

Chisvs vt vlla chipunta hoka ibbak a onochi cha, vba isht anur

puli. 16 Chisvs a hatak himita yosh, Nantak o katiohmi li kak osh ai okchayvt bilia yoka ona la hinla cho? im achi ma, Chisvs vt isht im anumpuli: 23 nan in laua yvt ai okchaya yoka palvmmi ho chukowa he achi: 27 anonti ilap i yimmi ahli vhleha ha yukpala hi vt miha.

1. **ATUK** o yakohmi tok; Chisvs vt ilvppa puta ka ahanchit tahli mvt, Kalili a vttvt ivt, Chatan misha Chutea yakni ai vhli ho ona tok.

2. Mihma okla chito yvt iakaiya tuk o, yvmmak o a hlakofohlichi tok.

3. Mihma Falisi vhleha hak kia im ai vla cha, yvmmak ash o imomaka pisa hosh, Nana hosh a kaniohmi mak inli ho hatak vt tekchi a kancha hi vt im ai vlpesa hoh cho? im achi tok.

4. Mihma yvmmak ash osh afalaminchi mvt, Ummona hokvno yvma ikbi hokvt, nakni micha tek itatuklo ho ikbi tok.

5. Mihmvt, Ilvppa pulla hatuk mak o hatak vt iki micha ishki aiena ka issa cha, tekchi ak o it asitia hi oke: yohmikma tuklo yvmmak atuk vt haknip achvfa hi oke; achi tok holisso ha hvch ik it im anumpulo chatuk oh cho?

6. Yohmi hoka yvmmak okvt himmakma tuklo mak a hi o keyu, amba haknip achvfa hoke. Yohmi hoka Chihowa hosh nana ka ita halvlichi ha ya, hatak vt ik iti filvmmicho kashke, im achi tok.

7. Mihma okla hash osh, Yohmi ka katiohmi ho iti kvnia holisso ha ima cha, ohoyo ha kancha hi a, Moses vt apesa tok oh cho? im achi tok.

8. Mihma, Hvchi chukvsh vt kullo pulla hatuk mak o, hvchi tekchi hvsh kancha hi a, Moses vt hvchim ahni tok: amba vmmona a mihinti kvno yohmi tok keyushke.

9. Yokmi kia vno vt, Kvna hosh tekchi a inla itinlumaka tuk keyu ho, kanchi cha, inla itauwaya hokmvt, havi toba mak oke: mikma ohoyo kanchi tuk ash o kvna hosh itauwayakmvt, havi toba hoke, hvchim achi lishke, im achi tok.

10. Mihma nan im ai ithvna vhleha hash osh, Hatak vt

tekchi a isht im a yakohma hinlakma, itauwaya ka achukma keyushke, im achi tok.

11. Yohmi ma yummak ash osh, Hatak moma kv̄t anum pa ilv̄ppa aiokp̄vcha he keyu, amba kv̄na hō isht ai im v̄lhpe sa ak illa hinla hoke.

12. Kanimi kv̄t ishki ikfoka anyka ak inli hō yohmi hosh atobvt v̄tta tuk yunv̄k vt aśha; mikma kanimi kv̄to hata osh yunv̄k ikbi tok o, yunv̄k vt aśha: yohmi ma kanimi kv̄to v̄ba apēhlichika pulla hatuk mak o, ilap inli hosh yunv̄k ikbi tok vt, yunv̄k vt aśha hoka. Kv̄na hosh ilv̄ppa aiokp̄vcha hinlakmvt aiokp̄vchi mak inlashke, im achi tok.

13. Yemma foka ma yummak atukma ibbak a v̄lla chi punta ya isht umbitepa cha, v̄ba pit anumpula chi ka isht im ai v̄la tok: mihma nan ithv̄na v̄hleha hv̄t okla hā im alummim chi tok.

14. Yohmi kia Chisvs vt, V̄lla chipunta yvt v̄m v̄la hi hv̄sh im ahni cha, hv̄ch ik im alammo kashke: ilv̄ppa chi yuhmi kak osh v̄ba apēhlichika mak oka, achi tok.

15. Mihmvt yummak ash o ibbak a isht umbitepvt tab mvt, yummak ash a kochevt ia tok.

16. Yohmi tuk o achv̄fa hosh ayvt ona mvt, Nan ithv̄na chi achukma ma! ai okchayvt bilia yoka pisa la hi v̄to na achukma nanta hak o yemohmi la hinla cho? im achi tok.

17. Mihma yummak ash osh, Katiohmi hō achukma is achi cho? achukma kv̄t iksho hō amba achv̄fa illa, yumm Chihowa ak oke: yohmi kia ai okchaya yoka ont ish chukwa he ish ahni hokmvt, nan v̄lhpeisa puta mak o ish holiblashke, im achi tok.

18. Mihma, Katima kak o? im achi ma, Chisus vt, Kv̄t kia chik bo kashke, Chik itinlumako kashke, Chik hukol kashke, Anumpa ik ahlo isht atokolit chik anto kashke.

19. Chiki micha chishki aiena ka ish holitoblashke: m mvt, Chin chukapanta hatak a ish holitobli kv̄t, chishkin akinli ka chim itilauashke, achi tok.

20. Hatak himita yash osh, V̄lla sa tomba mak inli hō nana ilv̄ppa moma ka holitoblit isht mihinti li tok mak ok nanta hosh ik sv̄m ono moma cho? im achi tok.

21. Mihma Chisvs vt, Aiahli kak o ish ahni hokmvt, ia cha nan chim asha ka kampilvt, ilvsha vhleha ha ish i hopelashke; yohmikmvt na holitompa kvt vba yakni ya chin tonla he mak oke: mikmvt ish la cha, ant is siakai-yashke, im achi tok.

22. Yohmi kia hatak himita yash osh anumpa ymma haklo mvt, nan in laua fehna hatuk okvt, nukhaklo fehna hosh kanvllit ia tok.

23. Yohmi ma Chisvs vt nan im ai ithvna vhleha hash o, Ahli mak o hvchi miha lishke, Hatak nan in laua yvt vba apelihchika ya palvmmi ho chukowa hi oke.

24. Mikma anonti, Kamel vt chofak ushi nishkin a hlo-pulli ka palvmmi kvt, hatak nan in laua yosh Chihowa apelihchika pit chukowa hokvno, ik lauwo ka he hvchim achi lishke, achi tok.

25. Mihma nan im ai ithvna vhleha hvt okla haklo mvt, nukhlakancha fehna tok: mihmvt, Yohmikma kuta hosh okchaya hinla cho? achi tok.

26. Yohmi kia Chisvs vt ymmak ash o atokolit pisa mvt, Hatak okmvno ilvppvt yohma he keyu, amba Chihowa hokmvno nan okluha kvt yohma he bano hoke, im achi tok.

27. Yohmi ma Pita yvt afalaminchi mvt, Yakeh! pishno vt mominchit il issa cha, e chiakaiya tuk; yohmi kvt nanta hak o il isha chi cho? im achi tok.

28. Mihma Chisvs vt, Ahli mak o hvchi miha lishke; Si apahrt hvsh itvnowa tuk vt, nan okluha kvt himonvt tobak-ma, Hatak Ushi yvt im aholitopaka ya aiasha holitopa ai om binilikma hvchishno ak kia aiasha holitopa auah tuklo ka hvsh a chieyvt, Israel oklushi auah tuklo ka na hvchim apesa hi oke.

29. Yohmikma chuka puta, mikmvt itibapishi vhleha, micha in tek vhleha, keyukmvt iki okma, ishki okma, tekchi okma, keyukmvt vlla yokma, yakni okma, nana ho sa hoh-chifo pulla hatuk mak o issvt aya tuk vt momvt ymmak atuk a ohmi tahlepa achvfa ka pisa tuk mvt, anonti ai okchayvt bilia ma iesha he mak oke.

30. Yohmi kia tikba tuk vt ont ishtaiyopa hi vt lauakma anonti ishtaiyopi atuk vt tikba hi vt asha hi oke.

CHAPTA XX.

Na plesa vhleha hvt nitak achvfa ka hvshi kanvlli vllhpisa ilaiyuka ho pakvpi a holokchi ilhkoli tok nan isht vllhpisa. Nan isht vllhpisa ilvppak o Chisvs vt ilap im antia vhleha aiahli ka ai ilaiyukachi im atobba hi vt ai isht apesa, 1. 17 Chisvs vt anonti illa chi kvt tikbanlit anoli; 20 mihma Sebete ushi ishki vt Chisvs a nan in asilhha, mihma afalaminchit i miha. 30 Chisvs vt hatak lva tuk ho hopokoyochi.

1. ŪBA apelihchika yvt, hatak chuka-chvfa pehlichi osh i pakvpi aholokchi a toksvla chi ka, tohna chi hosh onna hinli fehna ia ho, chohmi hoka.

2. Atuk osh yummak ash osh ilhtohno vhleha ha nita achvfa ka iskvli achvfa chi ho it im apesa cha, pakvpi aholokchi a pit tihleli tok.

3. Atuk osh hvshi kanvlli vllhpisa ont atuchina foka b kohchvt aya mvt, inla yvt nan-isht vta ik im iksho hosh ilhpak a kanchi a hiohmaya na pisa tok,

4. Mihmvt yummak ash o, Hvehishno ak kia pakvpi aholokchi a pit hvsh abehashke; atukma kaniohmi kak osh vllhpesakma, hvch ima lashke, im achi na okla ilhkoli tok.

5. Atuk o anonti hvshi kanvlli vllhpisa isht hannali, mihmvt ont isht chakkali aiena ka kohchvt aya mvt, yummak ash inli ho chohmichi tok.

6. Atuk osh hvshi kanvlli vllhpisa isht auah achvfa fok ho kohchvt ia mvt, anonti inla yvt nan-isht vta ik im iksho hosh hiohmaya na pisa cha, Katiohmi ho nan isht vta hvchim iksho hosh hvsh hiohmaya na shoyubi cho? im achi tok.

7. Mihma yummak ash osh, Amba hatak nana kia nan pi tohno kvno, im achi tok: mihma yummak ash o, Hvehishno ak kia pakvpi aholokchi a pit hvsh abeha ak inlashke atuk ma kaniohmi kak osh ai vllhpiesakma, mih mak o hvsh ishashke, im achi tok.

8. Yvmohmi tuk o ont opirt taha ma, pakvpi aholokchi in talaia atuk ash osh nan im apesvchi ashq, Na pilesa vhleha ha i howa cha, vlhtoba ha imá: ishtaiyopi tuk ak o ai ishtia hosh tikba tuk a ont ish tahlashke, im achi tok.

9. Atuk o hvshi kanvlli vlhpisa ont isht auah achvfa foka ho tohno tuk ash o okla ai vla mvt, hatak achvfa kvv iskvli achvfa aiyuka ho ishi tok.

10. Amba tikba tuk vto ai vla mvt, i shahli ho okla isha chi kvv im ahoba tok: atuk o yvmmak ash kia hatak achvfa kvv iskvli achvfa aiyuka ho ishi tok.

11. Micha yvmma okla ishit tahli mvt, chukachvfa peh-
lichi hatak ash o nanumachit maya mvt,

12. Ishtaiyopi tuk yakohmi kvto hvshi kanvlli vlhpisa achvfa illa ho toksvli tuk a pishno nitak lvshpa ho toksvli kvvlo ka isht il ahanta tuk a, ish pi ai itilauechishke, achi tok.

13. Yohmi kia afalaminchi mvt, achvfa ho, A kana ma! nan ik vlhpeso nana ho a chi yvmohmi li keyushke: chishno vt iskvli achvfa hi o il it im apesa tuk keyu?

14. Chimmi mak o ish ishi cha, ish iashke: ishtaiyopi tuk ilvppak kia chishno a it ilauechit ima la chi hoke.

15. Vno vmmi hatuk vt vno nana aiahni li hosh kanimih-
chi la hi vt vm vlhpesa keyu? vno ak osh si achukma kak o, chi nishkin vt ik vlhpeso hoh cho? achi tok.

16. Yohmi ka yvmmak inli ho chiyuhmit ishtaiyopi tuk vt tikbakma, tikba tuk vt, ishtaiyopa hi oke; im annoa hokvto laua; amba vlhtoka kak osh achafoka hoka, achi tok.

17. Atuk osh Chisvs vt Chelusalem a ia hosh aya mvt, takla ya nan im ai ithvna vhleha auah tuklo kash pehlichit naksika isht ona mvt,

18. Inta! Chelusalem a, iloh ivshke; yohmi ka Hatak Ushi ishit na holitompa isht asha pehlichi vhleha, mikmvt na holissochi vhleha aiena ka ibbak fohkikma, yvmmak ash osh illa hi a okla im apesa chi hoke.

19. Yohmikma yvmmak atuk ma ishit yopula chi, micha fvmmi, mikmvt ititaiyukhvna ahonvhllichit vbi aiena chi

mak o, Chentail okla ha ibbak fohka chi hoke: yohmi tuk
kia nitak ont atuchinakma falamvt tana chi hoke, im achi
tok.

20. Yohmi ma Sebeta ushi vhleha ishki osh ushi a peli-
linchit im ona cha, aiokpahanchi kv, nana achvfa ho im
asilhha tok.

21. Mihma ohoyo hash o, Nanta hak o ish aiahni hol
cho? im achi ma, yummak ash osh, Svso tuklo ilvppvt ish
apehlichika ya achvft chibbak isht-impakimma ya ont a
binilikma, anonti achvfa kv vlvfbekimma ya asha hi a ish
im apesashke, im achi tok.

22. Yohmi kia Chisvs vt afalaminchi mv, Nana ho hvsh
asilhha hokvt hvsh akostininchi keyushke. Hvchishno vt
isht-ishko ai ishko la chi, yumma hvsh ai ishka hinla cho?
anonti baptismo isht a sa baptismo ka isht hvchi baptismo
hinla cho? im achi ma, yummak ash osh, Pi yvmohma hinla
hoke, im achi tok.

23. Mihma yummak ash o, Um isht-ishko yoka hvsh a
ishka chi ho mvhli; mikmv baptismo isht a sa baptismo ka
isht hvchi baptisma chi ho mvhli hoke; yohmi kia svbbat
ishtimpakimma, micha vlvfbekimma aiena aiasha hokv
vno yosh ima la hi o keyu, amba Aki vt kva ho im atali
tok mak illa hi oke, achi tok.

24. Yohmi ma pokoli kash osh haklo mv, itibapishi tuk
kash o isht ik i yukpo fehna tok.

25. Yohmi kia Chisvs vt yummak ash o i howa mv
Chentail miko vhleha hv ai i shahlit pehlich chatuk, mik
ma i hochitoka vhleha hv nana im ai vlpesa hatuk osh i
ai yvmihchi chatuk a hvsh ithaiyanvshke.

26. Amba hvchishno yokvno ai yvmohma he keyushke
amba kva hosh ai i shahlit hvch itintakla ya anta bvnna
hokmv, yummak osh hvchin tishu hashke.

27. Mikma kva hosh holitopa i shahli bvnna hosh hvch
itintakla ahantakmv, yummak osh nan isht hvchim vt
yashke.

28. Hatak Ushi vt ilapo ak o nan isht im vtta chi ho
ha tok keyu: amba nan isht vtta chi, mikmv laua ho ila

im ilhfiopak a isht chumpa chi aiena hosh aya tok a, mih mak o hvsh chiyuhmashke, achi tok.

29. Yohmi ma Cheliko a asht ilhkoli ma, okla laua fehna kvv yvmmak ash o iakaiya tok.

30. Atuk o hatak lpa tuklo kvv hina lapalika yo chiya tuk osh, Chisvs vt ont ia ho haklo mvt, pit tahpvlvt, Chitokaka Lewi ushi chia ma! ish pi nukhaklashke, achi tok.

31. Yohmi ma okla laua yash osh, yvmmvv nukchinta chi ka, im alvmmi tok; yohmi kia yvmmak o i shahlichit tahpvlvt, Ish pi nukhaklashke, Chitokaka Lewi ushi chia ma! achi tok.

32. Mihma Chisvs vt lumvt hikia cha, yvmmak ash o pit i howa mvt, Nanta hak o a hvchi katimichi la he a hvsh aiahni cho? achi ma,

33. Pi nishkin vt fatuma he ak oke, Chitokaka ma! im achit okla tok.

34. Yohmi ma Chisvs vt i nukhaklo cha, nishkin ash pit potoli tok: yohmi ma mih mak inli ho nishkin ashot fala-mvt pisa ma, yvmmak ash o iakaiyvt okla tok.

CHAPTA XXI.

Chisvs vt kaniohmi hosh Chelusalem a chukowa, 1; 12 anonti nachumpa vhleha, micha na-kanchi vhleha aiena ka tempel a a kocha weli. 18 Micha iti vlhpoba fik achi nan ik vno a bvshit illa he im ahni; mikmvt na yimmi micha anumpa ilbvsha anumpuli aiena ka nan isht im aiahli ka ya pim anoli. 23 Kanimi kvv nan isht ai vlhpesa nana ho isht ai yvmohmi hatuk a a ponaklo tuk kia, yvmmak ash o Chisvs vt im a tvblich, 28 micha hatak ushi tuklo, 33 micha na-pilesa vhleha pakvpi a holokchi i pota tuk nan isht apesa hosh Chu okla nan im ai ashvchi a isht otrnichi.

1. YUMOHHI tuk o Chelusalem pit bilika okla onvt Alif nvni Betfachi ak o ai ona ma, Chisvs vt nan ithvna tuklo ho pit tihleli tok.

2. Mihmvt, Tvmahushi hvchi chapaka auet talaia ka hvsh onashke; yokmikmvt mih mak inli ho issuba hakso-bish falaia ushi ilauei kvv asinta ho hvsh pisa chi hoke: yvmma hvsh i hotofi cha, isht hvs svv vlashke.

3. Micha kva kia nana ka hvchim achi hokma, Chitoka-
ka yak osh bvna hatuk oke, hvsh im achashke: yohmikma
mih mak inli h_o auet pila ch_i hoke, im achi tok.

4, 5. Hopaii vt anumpohonlit, Saion ushetik a, yakeh
ch_i miko chukvsh yohbi achukma, issuba haksobish fa-
laia a toba tok issubushi haksobish falaia y_o om binili hosh
ayvt chim vlvshke, hvsh im achashke, achi tok a ont aiahla
ch_i mak o ilvppa moma kv_t a yakohmi tok.

6. Mihma nan ithvna yash osh itiachi mvt, Chisvs vt
miha tuk mak o ont yvmohmit okla tok.

7. Micha issuba haksobish falaia, mikmvt ushi aiena kash
o isht vla ma, im ilefoka ya om pulit tahl_i cha, yvmmak
ash o okla om binilichi tok.

8. Yohmi ma okla chinto fehna hosh hina ya im anchi a
okla puli tok; kanimi mvto iti naksish o vmot hina ya puli
tok.

9. Yohmi ma okla chito tikba itvnowa tuk, mikmvt iakai-
ya aiena kash osh, tahpvlvt, Lewi Ushi a Hosanna im ahanchashke. Chitokaka i hohchifo h_o il ai eshi hosh aya ho-
kv_t holitopa mak oke. Shutik tvbokaka fehna ma, Hosanna
ai ahanchashke, achi tok.

10. Atuk o Chelusalem a ant chukowa ma, tmaha hash
osh momet nukhlakancha mvt, Ilvppvt kvta hoh cho? achi tok.

11. Mihma okla laua yash osh, Ilvppak osh Kalili yakni
Nasalet a i hopaii Chisvs mak oke, achi tok.

12. Yohmi ma Chisvs vt ivt Chihowa in tempel a ont
chukowa mvt, tempel anukaka ya nana a kanchi, micha a
chumpa aiena maya tuk ash mominchit kocha pit tihleli
mvt, ai impa tvli holisso ai itatoba puta, mikmvt pvchi vlv-
poba akanchi abinohli aiena kash halvllit filemohlit kinahli-
chi tok.

13. Mihmvt, Vm aboha hv_t vba pit ai anumpuli chuka
y_o hohchifa he, achi hosh holisso tok; yohmi kia hvchish-
no vto na-hukopa vhleha in chuka y_o hvsh ikbishke, im
achi tok.

14. Mihma lva, micha hanali okpulo puta kv_t tempel
anukaka ya im ai vla ma, yvmmak oka hlakofichi tok.

15. Mihma na holitempa isht asha pehliche vhleha, mi-cha na holissochi okla aiena kv̄t, yummvt na fehna puta ka yvmihchi, mikma tempel anukaka ya vlla vt Lewi Ushi a Hosanna im ahanchashke, achi aiena ka pisa mvt, okla isht ik i yukpo fehna tok.

16. Mihmvt yummak ash o, Ilvppvt nana achit maya ka ish haklo cho? im achi tok; Mihma Chisvs vt, Yau, vloši mikmvt pishi puta itih ha Chihowa hv̄t a holitopa he ish apesa tok achi holisso ka, himonna kia hv̄ch ik it im anum-pulo chatuk oh cho? im achi tok.

17. Mihmvt yummak ash o issvt tmaha a kochevt ia mvt, Betani a ona cha, yummak o ont nusi tok.

18. Atuk osh onnahinli ma falamvt tmaha ia hosh aya mvt, hochevfo tok.

19. Micha fik vpi vt tikba ya hikia na pit pisa mvt, yvm-mak ash o ona; yohmi kia nana kia takanli na ik ahayucho; amba hishi ak illa tok; mihmvt, Himak a pilla ma nitak na-na vni yvt ik eli a tobo kashke, im achi tok. Mihma che-kosi mak inli ho fik vpi vt bvshit taha tok.

20. Yohmi ma nan ithvna yvt pisa cha, okla okokko! aiahni mvt, Chekosi fehna ho fik vpi vt bvshit taha chá, achi tok.

21. Mihma Chisvs vt afalaminchi mvt, Ahli mak o hv̄chi miha lishke, Na yimmi kv̄t hv̄chi anukfoyuka, micha ik hv̄-chi nukwiyo hokmvt, fik vpi nana a kanimihchi ilvppak bano ho hv̄sh yvmihcha hi o keyu, amba, Nv̄nih chaha ilvppa kanvllit ivt okhv̄ta hak o pit ish okvtulashke, hv̄sh im achi aienakma, yvmohma hinla hoke.

22. Micha hv̄chi yimmi hosh nan okluha ka nana ho anumpa ilbvsha isht hv̄sh asilhha hokvt, hv̄sh isha hi oke, im achi tok.

23. Atuk osh tempel a ona cha, nan ithvnanchi hosh ahanta ma, na holitempa isht asha pehliche vhleha, mikmvt okla i hochitoka vhleha aiena kv̄t im ai vla cha, Nan isht ai vlpesa nanta mak o ilvppa puta ka isht ish yakohmichi cho? micha kv̄ta hosh nan isht ai vlpesa ilvppa chima tok oh cho? achi tok.

24. Mihma Chisvs vt afalaminchi mvt, Uno ak kia na achvfa ka a hvchim asilhvchi lashke; yvmmak o hvs su anoli hokma, vno vt yvmmak inli ho chohmit nan isht vhlpesa nana ho ilvppa puta ka ishit yakohmichi li hatuk hvchim anoli lashke.

25. Chan i baptismo vt katimak o a minti ha tok oh cho vba yakni okmá, hatak okmá, nanta ha tok oh cho? achi tok. Yohmi ma, Uba yak o minti ha tok: il achi hokma, Yohmi kak o katiohmi ho yvmma hvch ik i yimmo tok oh cho? pim acha hinlvshke.

26. Yohmi kia moma kvf Chan a hopaii o okla ahni tuk oka, Hatak ak a tok: achi kvf okla ha il i nukshopshke; achit ilap bika it im anumpulit maya tok.

27. Micha Chisvs ash o im afalaminchi mvt, Kil ithanvshke, im achi tok. Mihma yvmmak ash osh, Yohmi vno ak osh nan isht ai vhlpesa nana ho ilvppa puta ka ish yakohmichi li hatuk vt ak hvchim anoloshke, achi tok.

28. Yohmi kia katiohmi ho hvsh ahni cho? Hatak achvshosh ushi vt in tuklo tok; atuk osh tikba yash o, Svso himak nitak a a pakvpi a holokchi a ont ish toksvlashke ont im achi tok.

29. Mihma afalaminchi mvt, Yohmi la he ak ahnosha achi tok: yohmi tuk kia i himmakma inlanhit anukfilli chia tok.

30. Yohmi ma anonti atukla kash yvmmak inli chohia ka ont i miha tok. Mihma afalaminchi mvt, Ia lashke, shahli ma! achi; yohmi tuk kia ik aiyo ki tok.

31. Tuklo yvmvt katimampo kak osh iki nan aiahi ta a yvmohmi tok oh cho? im achi tok. Mihma, Tikba yata á, im achi tok. Mihma Chisvs vt, Ahli mak o hvchim adilshke, Pvblikan vhleha, micha havi puta kvf hvchi tikl Chihowa apchlichika ya pit abehiha hoke.

32. Chan vt ai vhlpiesa ataya mak osh hvchim vla yvmma hvch ik i yimmo tok: yohmi kia pvblikan vhleha micha havi puta kvto i yimmi tok: mihma hvchishno yvmmak atuk ma hvsh pisa ha yvt, yvmma hvchi yimma vt i himmak a inlanhit hvch ik anukfillo tok, im achi tok.

33. Nan isht vhpisa inla ka hush haklashke; Hatak chuka-chufa pehliche achufa hosh pakvpi a hokchit tahli cha, kvti apushi isht a holitvchit apakfobli mvt, oka-paki ai vhto a yvmma anukaka ya a kulli cha, chuka chaha ya ikbit tahli mvt, hatak na pilesa vhleha ho pota cha, yakni hopaki ho ia tok.

34. Atuk osh nan vni waya ai ona hosi ma, yvmmak ash vni waya ka ont isha chi ho, in tishu vhleha ha hatak na pilesa vhleha hash pit in tihleli tok.

35. Atuk o hatak na pilesa vhleha hvt in tishu vhleha hash o hoklit ishi cha, achufa ka boli mvt, anonti achufa ka vbi cha, anonti achufa ka tvli isht boli tok.

36. Atuk o anonti inla laua kv tikba atuk a i shahli ho pit tihleli tok: yvmmak ash kia yvmmak atuk mak inli ho okla itilauechi tok.

37. Yohmi kia ont ishtaiyopi fehna ma, Svso ha holitobla chi hoke, achi mvt, ushi ak o pit i pila tok.

38. Yohmi tuk kia hatak na pilesa vhleha hash osh ushi ash o pisa mvt, Ilvppak osh immi mak oke: kiloh vbi cha, immi yatuk a kiloh ai ishi, ilap bika it im achi tok.

39. Mihmvt yvmmak ash o okla iti hoklit pakvpi a holokchi a ishit a kohchi cha, vbi tok oke.

40. Yohmi ka pakvpi a holokchi immi atuk vt onak-mvt, hatak na pilesa vhleha yvmmak atuk a nanta hak o katimihcha hinla cho? im achi tok.

41. Yohmi ma, Hatak haksi vhleha yvmmak atuk ma issikkopalit tumoli cha, pakvpi a holokchi yash hatak na pilesa vhleha inla yvto ont ai vhpiesakma na waya ka ihima he fehna ho, i pota he mak oke, im achi tok.

42. Mihma Chisvs vt, Tvli yvmma chuk-ikbi vhleha hvt shitilema yash o, yvmmak ash fehna hosh chukbika nutaka in tola holitopa i shahli ho tobvshke: ilvppa Chihowa hosh yvmihchi ho, pi nishkin a i na fehnvshke, achi ka Baibil a himonna kia hvch ik ai it im anumpulo chatuk oh cho?

43. Yohmi hoka Chihowa apehlichika ya mokofit hvchim ai ishi cha, yvmmak atuk ma isht a waya he fehna oklushi o ima he mak oke, hvchim achi lishke.

44. Micha kva hosh teli ilvppa onvtulakmvt, litoa h
 amba ilap ak osh kva ho onvtula hokmvt, botolichit ka
 cha hi oke, im achi tok.

45. Mihma na holitempa isht asha pehlich vhleha mich
 Falisi vhleha aiena kv, yummvt nan isht apesa ka haklo
 tahli mvt, yummvt ilap ak o isht anumpuli hatuk a ok
 akostininchi tok.

46. Yohmi kia yummak oka hopai ak o okla ahni hatu
 oka, yummak ash o iti hoklit ishi bvnna tuk kia okla chi
 ak o i nukshopa tok.

CHAPTA XXII.

Itauwayachi ai impa he tok ik itvnaho ki tok nan isht vlhpisa,
 12 ai itauwaya aya he i nafohka ya ik fohko hosh i palvmma
 im vlhpisa; 15 Chisvs vt Falisi vhleha, micha Helotian okla aie
 kv Sesa ya teli holisso im itahobi ka vlhpesa chishba, ahni
 ponaklo, mihma Chisvs vt afalaminchit nana i miha. 23 Chisvs
 Satusi vhleha hv illi yvt falamvt tana hi oka ik yimmo chatuk
 isht anumpuli; 34 nan vlhpisa chinto moma i shabli, 41 kaniob
 kak osh Klaist vt Lewi in Chitokaka yvt, anonti Lewi ushi ahni
 ka, Chisvs vt a ponaklo.

1. MIHMA Chisvs vt anonti nan isht vlhpisa ho is
 im anumpulit,

2. Uba apehlichika vt hatak miko yosh ushi ohoyo itau
 waya chi ho, impa im atahli ho chohmi hoke.

3. Micha im annoa tuk vhleha ha ont i howvt itauway
 ai impa ka isht vla chi ho, in tishu vhleha ha pit tihleli tok
 yohmi kia okla minta hi a ik ahno ki tok.

4. Mihma anonti tishu inla yo pit tihleli mvt, Inta! a
 tvbokoli impa ha atahli lishke; a wak-hobvk, micha nan
 vlhpitvt nia puta kv illi ma, nan okluha kv vltahvshke
 itauwaya ai impa ka hvsh mintashke, achit im annoa tu
 vhleha ha hvsh im anolashke, im achi tok.

5. Yohmi tok kia yummak ash o nan-isht ik ahno hos
 kanima pit ilhkolit, achvvt im osapa ia ma, anonti achvvt
 im ai itatoba ia tok.

6. Yohmi ma akashampa kvto in tishu vhleha hatuk ash
iti hoklit ishi cha, kanimanchi fehnvt, polaka okla ilichi
tok.

7. Atuk o miko vt yummak ash o haklo mvt, anuksho-
munta fehna tok: mihmvt in trshka chipota laua ka pit
tihlelit, hatak vbi vhleha yummak ash o vbit tahli mvt, in
tumaha ha hukmit tahli tok.

8. Yohmi mvt in tishu vhleha hash o, Itauwaya ai impa
hamo vlhtahvshke; yohmi kia im annoa tuk vhleha hash
osh ahalaia hi o keyu tuk oke.

9. Yohmi hoka hina ai itafamoa puta ka itvnowvt, laua
kvt kaniohmi ho hvsh pisakmvt, moyumvt itauwaya ai impa
ka aya he hvsh im anolashke, im achi tok.

10. Yohmi ma tishu vhleha yummak ash osh ilhkoli mvt,
hina ai itafamoa puta ka itvnowvt, okpulo, mikmvt hochuk-
ma aiena laua kvt kaniohmi ho pisa mvt, mominchit hoyot
itahobi tok: yohmi ma itauwaya ai impa yash osh im annoa
tuk vhleha ha isht alotvt kenia tok.

11. Atuk o im annoa tuk vhleha hash pisa chi hosh
miko vt ant chukowa mvt, hatak vt ai itauwaya aya he i
nafohka ya ik fohko hosh yumma asha na pisa tok.

12. Micha yummak ash o, A kana ma! katiohmi ho ai
itauwaya aya he i nafohka vt iksho ho ilvppa ant ish chu-
kova tuk oh cho? im achi tok. Mihma yummak ash osh
nan ik acho ki tok.

13. Yohmi ma miko vt in tishu vhleha hash o, Ilvppa
ibbak, mikmvt iyi aiena ka ho takchi cha, isht ivt kocha
aiokhlilika ya ont hvsh kanchashke: yummak oka yahaya,
mikmvt noti ahampa aiena mak osh aiasha hi oke, im achi
tok.

14. Im annoa hokvto laua kia, amba vlhtoka kak osh
achafoa hoka, achi tok.

15. Yumma foka ma Falisi vhleha hvv ilhkoli mvt, kani-
ohmit yummak ash ilap im anumpa ho isht a yukacha hinla
kvt isht anumpulit maya tok.

16. Mihmvt ilap nan im ai ithvna vhleha ha, Helotian
iksa ai itapeha ho pit in tihleli mvt, Nan ithvnanchi ma!

chishno vt aiahli chia achukma chatuk; mikmvt Chihowa y
hina aiahli mak o ish ithvnanchi chatuk, hatak nana kia ma
isht ik chim ahobo chatuk; mikmvt hatak vt chim it i sh
shohli keyu chatuk a il ithaiyanvshke.

17. Yohmi hokvt kaniohmi ho chim anukfila hokmvt i h
pim anolashke: noshkobo isht chumpa tvli holisso a Se
yak o ima he ai vlhpesa hokma, keyukma, nanta cho? Im
achi tok.

18. Yohmi kia yvmmet im anukfila ai vlhpesa keyu at
a, Chisvs vt akostininchi mvt, Katiohmi ho nan ilabo w
vhleha hvchia hvt imomaka hvs sa pesa cho?

19. Noshkobo isht chumpa tvli holisso a ho ha haie in
vchi, achi tok. Mihma iskeli achvfa ho okla isht im ac
tok.

20. Mihma yvmmak ash o, Ilvppvt kvt hak o hol ok
toba ho, mikmvt kvt ho a hohchifo ho? im achi ma,

21. Sesa yak oke, okla im achi tok. Yohmi ma yvmm ai
ash osh, Yohmi hoka nana kvt Sesa yak o immi hokm
Sesa yak o hvsh imashke: mikmvt nana kvt Chihowa y v
o immi hokmvno, Chihowa yak ashke, im achi tok.

22. Yohmi ma okla haklo mvt nukhlakancha cha, yv
mak ash o issvt, okla ilhkoli tok.

23. Mih nitak mak inli ka Satusi vhleha hvt, illi yvt fal
mvt tana he keyu, achi chatuk osh im ai vla cha, ant i p na
naklot,

24. Nan ithvnanchi ma! Hatak vt vlla yvt ik im iksh ch
hosh illi hokma, nakfish vt tekchi atuk a itauwaya cha, ch
bapishi hatuk a vlla isht im ai ikbashke, Moses vt achi to bl
25. Yohmi tuk o itibapishi hvt untuklo hosh pitintak i s
ya maya tok: atuk o akni hash osh ohoyo itauwaya tuk o
illi tok: mihmvt vlla yvt ik im iksho hatuk okvt, tekchi at
a nakfish ak o im a tosholichi tok.

26. Atuk o atukla kak osh yohmi ak inli tuk o, anonti CI
atuchina kvt mihinli ma, mahaya mvt isht untuklo kash o ch
yohmi tok.

27. Atuk o ont ishtaiyopi fehna ma, ohoyo hash kia i ac
ak inli tok.

28. Yohmi ka ymma momvt okla itauwaya tok oka, illi yvt falamvt tani kano, untuklo ka katima mak o tekchi mak a hi oh cho? achi tok.

29. Mihma Chisvs vt afalaminchi mvt, Baibil, mikmvt Chihowa nan im aiahli aiena ka hvch ik ithano hatuk osh hvsh ashvchishke.

30. Illi yvt falamvt tani hokvt okla itauwaya he keyu mvt, anonti itauwaya he im vlhpisa he keyu, amba Chihowa im enchil vhleha vba aiasha kak o, chiyuhma hi oke.

31. Amba illi yvt falamvt tana he ymmak okvno, Chihowa hvt hvchim anumpohonli mvt,

32. Uno ak osh Eblaham in Chihowa sia, mikmvt Aisaak in Chihowa sia, micha Chekob aiena ka in Chihowa sia hoke, achi tok holisso ka hvch ik it im anumpolo chatuk oh cho? Chihowa hvt illi ak o in Chihowa keyu, amba okchaya ak oke, im achi tok.

33. Yohmi ma okla laua yvt ilvppa haklo mvt, nan isht ai ithvnanchi ka anukhlakancha tok.

34. Amba Falisi vhleha hokvto, ymmak ash osh Satusi vhleha ha nana acha he keyuchi tok a haklo mvt, okla itahoba tok.

35. Yohmi ma achvfa hosh ymmvt vba nan vlhpisa ithvnanchi yosh, imomaka pisa hosh nan i ponaklot.

36. Nan ithvnanchi ma! vba nan vlhpisa katima kak osh nan vlhpisa holitopa kvv moma i shahli cho? achi tok.

37. Mihma Chisvs vt, Chitokaka chin Chihowa hoka chi chukvsh a mominchit, mikmvt chi shilombish a mominchit, anonti chim anukfila ha mominchit isht ish holitoblashke;

38. Achi ilvppak osh nan vlhpisa in tikba, mikmvt moma i shahli mak oke.

39. Mikma atukla kvv ymmak inli ho chohmi hoke; Chin chuka-panta hatak a ish holitobli kvv chishno ak inli chim itilauashke, achi kak oke.

40. Nan vlhpisa tuklo ilvppak o nan vlhpisa moma, micha hopaii holissochi tok aiena kvv a shaiyahli hoke, im achi tok.

chim ai ithvna achvfa kia ikbi hvchi bvna kv̄t, okhvta
cha yakni aiena ka hvsh v̄lhfullihinchi hoka: atuk o ym
mak ash osh tobakma, anonti aiokpuloka im v̄lla fehna
hvchishno a chohmi tuklo h̄o hvsh ikbi hoke.

16. Kvna hosh anumpa kv̄llo a tempel ak o isht ai a mi
hokvno nana keyu; amba kvna hosh tv̄li holisso lakna te
pel anukaka asha kak o anumpa kv̄llo isht ai a miha h
mvto, nan il aiahlichia he v̄lhpesa, hvsh achi, na pehli
lvpa hvchia ma! na hvchi palvmma he mak oke.

17. Nan im anukfila iksho, micha lvpa aiena hvchia
ka, tv̄li holisso lakna yak okmá, keyukmv̄t tempel a tv̄li
lisso lakna yv̄t isht a holitopa kak okmá, nanta hosh i sh
h̄o?

18. Michā kvna hosh anumpa kv̄llo a alta yak o isht
a miha hokvno nana keyu; amba kvna hosh v̄ba pit
aiokpv̄chi vt yv̄mma pakna onvtonla kak o, nan il aiahli
he v̄lhpesa, hvsh achi.

19. Nan im anukfila iksho, micha lvpa aiena hvchia
v̄ba pit isht aiokpv̄chi ak okmá, keyukmv̄t alta ya v̄ba
isht aiokpv̄chi vt isht a holitopa kak okmá, nanta hosh
shahli h̄o?

20. Yohmi hoka kvna hosh anumpa kv̄llo a alta yak
isht ai a miha hokmv̄t, yv̄mmak ash o, micha nana
yv̄mma onvtonla ka mominchit anumpa kv̄llo a isht
miha hoke.

21. Michā kvna hosh anumpa kv̄llo a tempel ak o isht
a miha hokmv̄t, yv̄mmak ash o, micha yv̄mma anukaka
asha aiena kak o anumpa kv̄llo a isht ai a miha hoke.

22. Yohmikma kvna hosh anumpa kv̄llo a v̄ba yak o
ai a miha hokmv̄t, Chihowa im aiasha, micha yv̄mma om
nili hatuk ma aieninchit anumpa kv̄llo a isht ai a miha h

23. Na holissochi v̄hleha, micha Falisi v̄hleha, nan ilah
bi hvchia ma! na hvchi palvmma he mak oke: mint, m
mv̄t anise, micha kv̄mm̄in aiena kv̄t ont isht pokoli kash
hvchi kv̄nia hoka; yohmi mv̄t nan v̄lhpisa kv̄llo i sh
nana ai v̄lhpiesa, micha nana i nukhaklo, mikmv̄t na ym
aiena hokvno hvsh a haksichishke: ilv̄ppa puta hoka h

yumohma he vhpesa hatuk, yohmikmvt yummak ash kia hvsh a haksicha he tuk keyu hoke.

24. Na pehlichei lpa ma! shushi ya hoiyvchit hvsh kohchi tuk osh, kamel okvno ishit hvsh nanvbli hoke.

25. Na holissochi vhleha, micha Falisi vhleha, nan ilahobi hvchia ma! na hvchi palvma he mak oke: isht-ishko mi-cha ampo aiena ka paknaka yokvno hvsh kashofi hoka; yohmi kia anukaka yokvto na wehpuli micha nan ik vhpeso aiena hosh isht alotowa hoke.

26. Falisi lpa chia ma! isht-ishko ampo aiena ka anuka-ka yak o tikba ish kashofi ha yo, paknaka yokak heto kashofa mak inlashke.

27. Na holissochi vhleha, micha Falisi vhleha, nan ilahobi hvchia ma! na hvchi palvma he mak oke: sepulka tohbit vltaha yak o hvsh chiyuhmi hoka; yummak okvt paknaka yokvto pisa ka aiokli fehna ho mvhli chatuk; yohmi kia anukaka yokvto hatak illi foni, micha nan liteha okpulo moma kvt isht alotowa chatuk oke.

28. Yohmi ka hvchishno ak kia paknanli vt vhpiesa ho hatak a hvsh im ahoba; yohmi kia anukaka yokvto nan ilahobi, micha nan ik vhpieso aiena bano hosh ishit hvchi alotowa kv, yummak inli ho hvsh chiyuhmi hoke.

29. Na holissochi vhleha, micha Falisi vhleha, nan ilahobi hvchia ma! na hvchi palvma he mak oke: hopaii vhleha, i sepulka ya hvsh im ikbi mvt, anonti hopoyuksa vhleha ha tok isht ithaiyana he sepulka ya hvsh aioklichei chatuk,

30. Mihmvt, Pin tikba vhleha aiasha nitak ak o il ashwa tok mak osh, hopaii puta im issish hlatvbli ka il ibatakla he tok keyu, hvsh achishke.

31. Yohmi hatuk osh hopaii puta vbi tok vhleha ha in chipota hvchia hatuk vt, hvchishno inli kak osh hvsh il ai atokolishke.

32. Yohmi hokvt hvchin tikba vhleha nan isht im vhpisa ya hvsh alotolashke.

33. Sinti hvchia, sinti chilita isht unchululi hvchia hv, katiohmi kak osh aiokpuloka ai ilbvsha he vhpisa ya hvsh i hlakofa hinla cho?

34. Yohmi hoka, Yakeh! hopaii vhleha, micha hata hopoyuksa vhleha, mikmvt na holissochi vhleha aiena ka hvchin tihleli lishke; yohmi ka kanimi ka hvsh ba he, mvt, iti-taiyukhuna hvsh a honahlichei aiena he; mikm kanimi ma hvchi sinakak puta hvsh a fummikmvt, ilbvshachi kvt tumaha puta ma isht hvsh aya hi oke.

35. Yohmi hokvt hvchishno ak o hopoyuksa puta issish yakni pakna a hlatahampa tok, hatak hopoyuksa a im issish a tok ai vhlit mihintit, Sakalias, Balakias ymma tempel, micha alta aiena itintakla ya hvsh ai vbi im issish ant ai vhli kvt, momvt hvchi onvtula hi oke.

36. Ahli mak o hvchim achi lishke, Ilvppa moyuma osh okla himonasi ilvppa asha ka onvtula he mak oke.

37. Chelusalem, Chelusalem, hopaii vhleha vbi, auet chi kanchi tuk ma tvli ishit boli chia ma! akaka ushi vhleha ha sinahchi nuta ya pit ai itahobi chatuk o, chiyuhmit chim vlla vhleha ha itahombi la he ahni nana kia, hvchishno ak osh vlhpesa hvch ik aiahno hokv

38. Inta! hvchin chuka yvt hvchin chukillissvt taiyal mak oke.

39. Himak a pilla ma, Hvs sa pisa chi keyu; amba, tokaka i hohchifo hq mihatit hokvt holitopa mak oke, acha chi hok mak a hi oke, hvchim achi lishke, im achi

CHAPTA XXIV.

Chisvs vt ishtaiyopi mak o tempel a kohcha tuk osb, yvmvt pula he, tikbanli anoli: 3 micha ilap okvt mihintikma, nan atokowa kvt yvmohma he, micha na palvmmi kvt ibafoka miha: 32 mikmvt nana a mihia kvt ont aiahla hi oka, iti vllp fik achi kvt hishi toba chi hosh bokobli chatuk a nan isht anumpuli: 42 micha ahah! ahnit im vltaha he im apesa.

1. YUMOHMI mvt Chisvs vt kohcha mvt, tempel issvt kanima ia tok: mihma nan im ai ithvna vhleha tempel vt toba kvt kaniohmi puta ka pisacha chi hosh im vla tok.

2. Mihma Chisvs vt, Na yakohmi puta moma ka hvch

peso cho? ahli mak o hvchim achi lishke, Ilvppak oka tvli vt achvona kia aka ik itolo ke tuk osh, it on tvlkanchit itonla kvv iksho ka hi oke, im achi tok.

3. Yvmohmi tuk o yvmmak ash osh nvnih chaha Alif paknaka ya asha ma, nan ithvna vhleha hvv lumvt im ai ona mvt, Nitak kanihmikmak o nana kvv ai yakohma hi o, micha ish minta he, mikmvt yakni vt ont ai hvli aiena chi isht atokowa kvv nanta hi o? ish pim anolashke, achi tok.

4. Mihma Chisvs vt afalaminchi mvt, Ahah! hvsh aiahni na hatak nana kia ik hvchi yoshublecho kashke.

5. Lawa hosh sa hohchifo ha ishit hohchifo kvv itvnova cha, Klaist sia hoke, acha hi oka; mikmvt lauachit yoshub-
lichia he oka.

6. Yohmikma tvnvp asha, micha tvnvp asha he annoa aiena ka hvsh hakla hi oke: ahah! hvsh aiahni cha ik hvchi komunto kashke: ilvppa puta kvv moyumvt ont a yvmohmi pulla hi oka: yohmi kia ont ai ishtaiyopi kvno keyu kisha hi oke.

7. Okla achvfa kvv okla mak inli ka it amokvfa he, mikmvt apehlichika achvfa kvv apehlichika mak inli ka it amokvfa hi oka: yohmikma hohchvfo chinto, micha ililli puta, mikmvt yakni winakvchi aiena kvv yakni kaniohmi ka ai itulvt aya hi oke.

8. Ilvppa puta kak osh nanukhaklo ai ishtia vmmona mak oke.

9. Yohmikma hvch issikkopa chi ka hvch ishit okla ibbak hvchi fohki, mikmvt hvch illichia hi oke; micha sa hohchifo pulla hatuk mak o oklushi moyumvt hvchi nukkillla hi oke.

10. Yvma fokakma ibetvbli kvv laua he, micha ilap bika hatuk kia ishit okla ha im issa, micha ilap bika iti nukkillla hi oke.

11. Mikma hopai ilahobi vt hiohli kvv laua cha, laua o yoshublichia hi oke.

12. Mikma nan ik vlhpeso bieka hatuk mak o i hullo hatuk vt kapvsvt taha kvv laua hi oke.

13. Yohmi kia kvna hosh achunanchit mahayvt ai hvli ka ona hok mak osh mihi yosh okchaya hi oke.

14. Yohmi ka vba apeshlichika isht anumpa hanta ilvppa oklushi moyuma ka isht im ai atokowa he mak osh yak mominchit ai annoa he: yvmohmi mak o ont ishtaiyopi k vba hi oke.

15. Yohmi hoka nan okpni a i nukkilli vhpesa hopaii Taniel vt isht anumpuli tok a, aholitopaka ya a hika na hvsh pisa hokma, kuna hosh ilvppa it im anumpa hokmvt, akostininchashke.

16. Yohmikma kuna hosh Chutea, ya maya tuk nvnih chaha puta ka pit ik o yihlepá;

17. Aboha pakna yo anta tuk vt akowvt, im aboha nana kia ont kohchit ik esho kashke;

18. Mikma osapa anuka yo anta tuk mvt, falamvt im foka ya ont ik esho kashke.

19. Yohmikma nitak yvmma fehna ka kuna hosh foka hatuk, micha pishechi atuk aiena hokvto i palvmma mak oke.

20. Yohmi kia hvsh yihlepa hi a hvshsula yokmá, ukmvt nitak hullo nitak okmá, ik nano ka hi a vba pit asihhlashke.

21. Yvmma fehnakma na palvmmi kvv chinto fehna takanla he, yakni vt toba vmmona tok ai vhlit mihim himak a ai vba ka, yvmma chohmi kvv takali chatuk mikmvt himmakma nitak nana yvmma chohma he keyu hi oke.

22. Yohmi ka nitak yvmma chohmi ka ik falaiachok keyukma, hatak nana hosh okchaya he keyushke: yoh kia nan vltoka vlheha ak pulla tuk mak o nitak yvmm puta kvv ik falaio ka hi oke.

23. Yvmohmikma hatak nana kia, Yakeh! ilvppa vt antvshke, achi; keyukmvt yvmma antvshke, hvchim hoh kia, ik hvchi yimmo kashke.

24. Klaist ilahobi vhlheha, micha hopaii ilahobi aiena kvv hiohlit nan isht atokowa chinto puta, mikmvt fehna puta aiena ka okla otvnicha he; yvmohmi yvmmvt yohma hinlakma, nan vltoka, vhlheha fehna kia yoshublichia hi oke.

25. Yakeh! tikbanli hvchim anoli lishke.

26. Yohmi hoka, yakeh! yummvt yakni haiaka ya anta hoke, hvchim achi hoh kia, kohchvt hvch ik aiyo kashke: micha, yakeh! vba potvlhpo a lumaka yak o yummvt anta hoke, hvchim achi hoh kia, ik hvchi yimmo kashke.

27. Malvtha kv hvshi akochaka imma yo a kohchakmvt, hvshi aiokvtula ya pit tohwikelichi chatuk oka, Hatak Ushi vt minti kak kia yummak inli ho chiyuhma hi oke.

28. Kanima yo nan illi vt itonla hokma, mihi yo ossi puta mvt ai itahomba hi oke.

29. Na palvmmi nitak yummak atuk a in chekosikma, hvshi vt okhlilikma, anonti hvshi ninak aya mvt ik tommo ka he: mikma fochik puta kv vba ya asht aka fohopakma, nan isht aiahlika puta vba shutik ash osh faiokahancha hi oke.

30. Yumma fokakma, Hatak Ushi a isht atokowa kv vba ya auet a haiaka hi oke: yohmikma oklushi moma yakni paknaka aiasha kv yahaya he, mikma Hatak Ushi vt nan isht aiahlika, micha isht a holitopaka chinto aiena ka il ai eshi hosh vba hoshonti anukaka ya mihinti na okla pisa hi oke.

31. Atuk ma yummak ash osh im enchil vhleha ha isht-pufa ola chinto ieshi ho tihlihinlikma, ilap atokoli tok vhleha ha a mahli ushta shutik ont ai vhli achvfa ka vhlit ivt in tvnnvp pit a fullota ka a hoyot itahohomba hi oke.

32. Yohmi ka fik vpi nan isht vlhpisa ka hvsh ai ithv-nashke. Yummak okvt hishi toba chi hosh bokoblit tahakma, tofa yvt olanlosi vla ka hvsh ithana chatuk:

33. Yohmi hokvt na yakohmi puta ka hvsh pisakmvt, ai vla hosi, okhissa ak kia ai itukonofa hoka, hvsh ithanashke.

34. Ahli mak o hvchim achi lishke. Himak a okla asha ilvppvt ont ik taho kisha ho, na yakohmi puta kv ont aiahla chi hoke.

35. Vba shutik micha yakni aiena kvto ont ai iksho ka he, amba vno vm anumpa puta hatuk vto ont ai iksho ka he keyu hoke.

36. Yohmi ka nitak yummak a he, micha hvshi kanvlli

vlhpisa a he aiena hokvno, hatak nana hosh, mikmvt enob
puta vba aiasha mak osh pit ithana keyu ho, amba Aki
bano hoke.

37. Yohmi ka Noah hvt ahanta nitak a kaniohmi
ma, Hatak Ushi vt mihinti kak kia yummak inli ho
yuhma hi oke.

38. Oka falama yvt ik aiyo kisha nitak foka ma, im
micha nan ishko, itauwaya mikmvt itauwaya he im vlhp
aiena hosh aiasha na Noah hvt peni chukowa he nitak
ona tok,

39. Yohmi ma ik ithano hosh okla aiasha na oka falan
yvt vla cha, mominchit ishit kaiyanchi tok a, Hatak U
vt mihinti kak kia yummak inli ho chiyuhma hi oke.

40. Ymma fokakma tuklo kvt osapa ya ashwa tuk m
achvfa ho ai eshi na achvfa kvto anta he.

41. Ohoyo tuklo kvt nana a botoli a botoli hosh ash
tuk ma ; achvfa ho ai eshi na achvfa kvto anta hi oke.

42. Yohmi hoka hvchishno vt hvchin Chitokaka yvt
vla he hvshi kanvlli vlhpisa ha hvsh ithana keyu kvt, okch
hvsh hoyashke.

43. Yohmi kvt hatak chuka-chvfa pehlichi yatuk m
hvshi kanvlli vlhpisa kaniohmi kak o na hukopa yvt
hinla ka ithana hatuk okmvt, okcha pulla cha, im abo
yatuk mvt tiwa hi a ahna he tuk keyu, ilvppa hvsh itha
ashke.

44. Yohmi hoka hvchishno ak kia hvchim vlhtahash
yummak a he hvch ik aiahno hvshi kanvlli vlhpisa takla
Hatak Ushi vt vla hi oke.

45. Yohmi ka kvta hak osh tishu aiahli, hopoyuk
achukma aiena tuk o, i shahli hvt ilap in chuka chvfa
apesvchit ont ai vlhpiesakma ilhpak ipihinta chi ka, atok
tok oh cho ?

46. Ymmohmi hosh ahanta ho, i shahli hatuk vt vla
ant pisa chi ka, tishu yummvt na yukpa hi oke.

47. Ahli mak o hvchi miha lishke, Yummak atuk
nana im asha ka moma apesvchi mak o ikba hi oke.

48. Yohmi tuk kia tishu ik vlhpeso yo kvto chuk

anukaka, A shahli hvt ai vla he tuk vt vbanvblichishke, achi ;

49. Yohmi cha tishu bika vhleha hash o bolit ishtia, yohmi mvt ishkot haksi vhleha ha it ibai impvt ibai ishkot ahanta hokmno ;

50. Tishu ymma i shahli hatuk vt, ymmak ash osh vla chi ik ahno nitak, mikmvt ik akostinincho i hvshi kanvlli vlpisa ho vla hi oke.

51. Yohmikmvt ymmak ash o chanlit ita hokofi cha, nan ilahobi vhleha isht ai im vlhtoba mak o ibafohkit im apesa he : ymmak oka yahaya micha noti ahampa aiena he mak oke.

CHAPTA XXV.

Chisvs vt nitak ishtaiyopi vla hi oka isht anumpuli : yohmi kvtt, ohoyo himita hatak haleli keyu pokoli, 1 : 14 micha talent aiena ka nan isht apesvt anumpuli. 31 Chisvs vt vla cha nana apesa hi okvt isht anumpuli.

1. YUMMA fokakma vba apelihchika yvt ohoyo himithoa hatak ik halelo pokoli hosh pvla sholit, hatak himona itauwaya chi ka afamvt ilhkoli tok o chohma he.

2. Mihmvt tahlapi hosh hopoyuksa yokma, anonti tahlapi kvto ik hopoyukso ya tok.

3. Ik hopoyukso vhleha hatuk ash osh pvla ha okla ishi kia, bila yano okla ik esho ki tok.

4. Amba hopoyuksa hatuk okvto bila yvt aivlhto a abeha ho pvla ha aieninchit okla ishi tok.

5. Hatak himona ohoyo itauwaya chin tuk ash osh ile svlahachit anta na nosilhhvt taha cha, okla nusi tok.

6. Atuk o ninak ont iklvna ma tahpahanla kvtt, Inta ! hatak himona ohoyo itauwaya chin tuk ash osh mintishke, ivt ont oh afama, achi tok.

7. Yohmi ma ohoyo himithoa ymmak ash osh momvt tanit i pvla ha okla aiskiachi tok.

8. Mihma ik hopoyukso vhleha hash osh hopoyuksa

vhleha hash o, Pim pva hv mosholi hoka, hvchi bila hvsh pipetashke, im achi tok.

9. Yohmi kia hopoyuksa vhleha ash osh afalamino mvt, Yohma he keyu; yummak keyukma, pishno mich hvchishno aiena ka hvpm ona he keyu hoka: amba kanchi vhleha hak o ont hvsh in chumpa he, hvsh ali he vlhpeshvshke, achi tok.

10. Atuk o chumpvt ilhkoli takla ma, hatak himo itauwaya chin tuk ash osh vla tok; mihma im vltat tuk vhleha hash osh apihvt ai itauwaya ya pit abeha okhissa yvt vlhkuma tok.

11. I himmak o anonti ohoyo himithoa kashapa kash o ai vla mvt, Chitokaka ma! Chitokaka ma! ish pin tiwashke achi tok.

12. Yohmi kia yummak ash osh afalaminechi mvt, Almak o hvchim achi lishke, Hvch ithanali keyushke, achi tok.

13. Yohmi ka Hatak Ushi vt ai vla he nitak, mikm hvshi kanvlli vlhpisa aiena hoka pit hvsh ithana keyu hoka okchvt hvsh hoyashke.

14. Uba apchlichika yvt, hatak osh yakni hopaki now aya chi hosh in tishu vhleha ha itahobi cha, nana im ash tuk vt ibbak fohki tok o chohmi hoka.

15. Mihmvt achvfa ho talent tahlapi ho ima mvt, anoni achvfa ka tuklo ho ima, anonti achvfa ka achvfa ho ima tok; hatak vt kanimihcha hinla ai yuka ka ai vltokowa ma o ima tok; micha mih mak inli ho nowvt aya tok.

16. Yohmi ma talent tahlapi ishi tuk ash osh ia mvt yummak ash o isht itatobvt, anonti talent tahlapi mak ia ka isht ikbi tok.

17. Mihma tuklo ho ishi tuk ash kia, yummak ash inli chohmit tuklo mak inli ka isht ahayuchi tok.

18. Amba achvfa ho ishi tuk okvto ia mvt, yakni o chohmit kulli cha, i shahli in tvi holisso atuk ash luhmi tok.

19. Atuk o hopakit taiyaha ma tishu vhleha yummak shahli hash osh vla cha, yummak ash i hotinv pisa tok.

20. Yohmi ma talent tahlapi ishi tuk ash osh, anoni

talent tahlapi mak inli ka aieninchit isht vla mvt, Chitokaka ma! yakeh! talent tahlapi hō is soma tok: yummak atuk a talent tahlapi mak inli ka isht ahayuchi li tuk oke, achi tok.

21. I shahli hash osh, Ulhpievshke, tishu aiahli achukma chia ma! nana kanomosi ka aiahli chi achukma hoka, nana lawa pehlichī a chikbi la chī hoke: chī shahli nan isht im ilaiyukpa ya ish chukowashke, im achi tok.

22. Mihma talent tuklo hō ishi tuk ash kia vla mvt, Chitokaka ma! yakeh! talent tuklo hō is soma tok: yummak atuk a talent tuklo mak inli ka isht ahayuchi li tuk oke, achi tok.

23. I shahli hash osh, Ulhpievshke, tishu aiahli achukma chia ma! nana kanomosi ka aiahli chia achukma hoka, nana lawa pehlichī a chikbi la chī hoke: chī shahli nan isht im ilaiyukpa ya ish chukowashke, im achi tok.

24. Yohmi ma talent achvfa hō ishi tuk ash osh vla mvt, Chitokaka ma! hatak palvmmi chia chatuk; chishno ak osh ish hokchi keyu kia, ish ai vmo chatuk; mikmvt chishno ak osh ish mvshlichī tuk keyu kia, ish pehli chatuk oke, Shithanali tuk:

25. Yohmi hatuk osh sa nukshopa cha, ivt chin talent a yakni anuka yō luhmi li tuk oke: yakeh! chimmi hatuk vt yak chin tonlvshke, achi tok.

26. Mihma i shahli hash osh afalaminchi mvt, Tishu aksi nan intakobi chia hvt, vno ak osh hokchi li tuk keyu ia ai vmo likmvt, anonti vno ak osh a mvshlichī li tuk keyu ia, a pehli li chatuk a, ish ithana;

27. Yohmi hokvt an tvli holisso a tvli holisso abohli ya ont ish bohla he tuk: yohmi tuk ma minti li kvv vmmi atuk nicha ushi atuk a aieninchit ishi la hi atuk oke.

28. Yohmi hoka talent a oh im ai eshi cha, talent pokoli shi kak o oh imá.

29. Kvna hosh ishi hok mak o ima na lauvt im aiasha i oka: amba ik im iksho hatuk okvno ishi tuk ash kia, im i isha he oke.

30. Mikmvt tishu ik ahobo yokvno kocha aiokhlilika mak

o pit hvsh kanchashke: yummak oka yahaya micha ahampa aiena mak a hi oke, im achi tok.

31. Hatak Ushi vt, enchil vhleha moma kvv apiha ilap isht aholitopaka il ai ishit vla he, yohmikmvt im ai binili holitopa yatuk ma om binila he oke.

32. Yohmikma itikba ya oklushi moma kvv ai itab he: yohmikma yummak ash osh yvmma achafolichit filamohlichit kvv, chukvvhpoba apesvchi vt chukvvhpoba isi kosoma iti filamohlichit chatuk mak o chiyuhma he.

33. Mikmvt chukvvhpoba ya im ibbak isht-impak yak o ashachikmvt, amba isi kosoma yokvno vvhfvbekim yo ashacha he.

34. Yohmikmvt Miko ash osh im ibbak isht-impak asha kash o, Aki i holitopa hvchia ma! ho minti, apelihika yakni vt ik tobo kisha mak o hvchim vlv tok vt hvsh ai ahantashke.

35. Vno vt sa hohchvfo ma, ilhpak a hvv svpeta tok tukshila ma, nana ho hvv svshkochechi tok: hatak ik it sia hatuk a, aboha ya ik chukowa, hvv svv aiahni tok:

36. Sa nipi bano ma, nana hvv sa fohkichi tok: si ma, ant hvv sa pesa tok: vno vt aboha kvvlo foka li ma, hvv sa nowa tok okvt, im acha he.

37. Yohmikma hopoyuksa vhleha hash osh im afalar chi kvv, Chitokaka ma! katiohmi kash o chishno hohchvfo tuk a, e chi pisa cha nana e chipeta tok o? chi tukshila tuk a, nana e chishkochechi tok o?

38. Katiohmi kash o hatak ik ithano chia hatuk a pisa cha, aboha ya ik chukowa, e chim aiahni mihmvt chi nipi bano tuk a, nana e chi fohkichi tok o?

39. Micha katiohmi kash o chi abeka, mihmvt kvvlo ish foka aiena tuk a, e chi pisa cha, a chi nowa oh cho? acha he.

40. Mikma Miko vt afalaminchikmvt Ahli mak o miha lishke, Itibapishi li vhleha yakohmi ka moma ik achvfo ka katiohmi ho hvsh ai i yvmohmi tuk okvt ak o hvv sa yvmohmi mak atuk oke, im acha hi oke.

41. Yohmikmvt ibbak vvhfvbeka imma asha tuk ash

Issikkopa he vllhpesa hvchia hvt, a filvmmmit luak ataha
iksho, Setan micha imi shilombish okpulo vhleha aiena im
vllhtaha tok mak o, hvsh ilhkolashke.

42. Uno vt sa hohchvfo ma, ilhpak nana kia hvch ik
sapeto ki tok: sa tukshila ma, nana kia hvch ik svshkochecho
ki tok: hatak ik ithano sia hatuk a, aboha ya ik chukowa
hvch ik sum ahno tok: si abeka, micha aboha kvlllo foka li
aiena ma, ant hvch ik sa nowo ki tok okvt, im acha he.

44. Yohmikma yvmmak ash kia afalaminchi kv, Chito-
kaka ma! katiohmi kash o chi hochaiyafo, mihmvt chi
tukshila, micha hatak ik ithano chia, mihmvt chi nipi bano,
chi abeka, mihmvt aboha kvlllo ish foka aiena ka e chi pisa
cha ke chi apelacho ke tuk oh cho? acha hi oke.

45. Yohmikma yvmmak ash osh afalaminchikmvt, Ahli
nak o hvchi miha lishke, Yakohmi ka moma ik lauwo
chvfoa kia katiohmi ka a hvch ik i yvmiicho tok mvt,
mo ak o hvch ik sa yvmiicho tok mak oke, acha hi oke.

46. Yohmikma yakohmi kash osh ai issikkopa bilia mak
pit ilhkola he, amba hopoyuksa yokvto aiokchayvt bilia
o ia hi oke.

CHAPTA XXVI.

a pehlich vhleha hvt it afama cha, Chisvs a vba chi kvt isht anum-
puli. 1. 6 Ohoyo hosh nan-ahama ya Chisvs noshkobo isht im
a hvmmi. 14 Chutas Iskaliot vt Chisvs a tvli hvta pokoli tuchina
ho ishit kanchi. 17 Chisvs vt nan im ai ithvna vhleha ha nan vban-
vblit ontia it ibai impa; 26 mihmvt opiaka na holitopa impa isht
vllhpisa ka apesa, 30 mihmvt kohchvt nvni chaha Alif a ona;
mihmvt Pita yvt ik ithano miha chi ka tikbanlit anoli. 36 Chisvs
vt Ketsemane osapushi ont chukowa cha, vba pit anumpuli. Chu-
tas Iskaliot vt hatak na-halupa sholi bieka ho pehlich cha, Chisvs
a ont ishi. 57 Okla hvt Chisvs a ishi mvt na holitomp isht aha
pehlich in chuka holitomp isht ona mvt, okla hash osh kalakshichit
on tuftua. 69 Pita yvt in Chitokaka ya ik ithano il ahobi: yohmit
ashvchi tok vt nukhaklo.

1. ATUK o yakohmi tok; Chisvs vt anumpa ilvppa
noma ka ahanchit ont in taiyaha mvt, nan im ai ithvna
hleha hash o,

2. Nitak tuklokma vbanvblit-ontia impa hvt asha mikma Hatak Ushi vt iti-taiyukhena ahonvhlvt illa chi o, ishit okla ibbak fohka chi ka hvsh ithaiyanvshke, im tok.

3. Yumma foka ma na holitompa isht asha pesh vleha, mikmvt na holissochi vleha, mikmvt okla hochitoka vleha aiena kvt na holitompa isht asha pesh Kaiafas hohchifo ho im aboha holitopa ya ai itunaha tok.

4. Mihmvt haksichi hosh Chisvs a okla ishi cha, vba la kvt it im anumpulit maya tok.

5. Yohmi kia, Impa chito asha nitak ak o keyu yummak keyukma okla hvt i sanali fehna hinla yoba achi tok.

6. Atuk o Chisvs vt Betani a Saimon leplosi vbi a chuka ya asha ma,

7. Ohoyo pash-ahama holitompa fehna alabasta itom shi achefa ho ishi kvt im ona mvt, impa hosh asha ma, kobo a ont o fohobli tok.

8. Yohmi kia nan im ai ithvna vleha hash osh pisa okla ik im vlhpeso fehna mvt, Katiohmi mak o yakohmit okpulo cho?

9. Pash-ahama ilvppvt lawa kia isht vlhtoba cha, vleha ha i holhpela hinla tuk oka, achi tok.

10. Chisvs vt akostininchi mvt, Nanta katiohmi ho ha hvsh ataklvmmichi cho? ilvppak okvt nan achi mak o isht vm ai yvmihchi hoka.

11. Ilbvsha yokvto hvchim asha bilia cha tuk: amba yokvto hvch ibatakla li bilia keyushke.

12. Pash-ahama ilvppa sa haknip a o fohobli hollopa chi kak o vm atahli hosh yvmihchi hatuk oke.

13. Ahli mak o hvchi miha lishke, Yakni moma ka ima fehna yo vbanumpa ilvppvt isht ai anuhumpakma, ka ohoyo ilvppvt yakohmichi tuk a yummak ash ithaiyana hi a, anohwa hi oke, im achi tok.

14. Yumma foka ma auah tuklo tuk ash achvft Iskaliot hohchifo hosh ivt na holitompa isht asha vleha hash o im ona tok.

15. Mihmvt, Yummak oka ishit hvchim issa la chi ka nanta ho hvs suma hinla cho? yummak ash o im achi tok. Mihma tvli hvta boshulli pokoli tuchina hi o okla i kahli tok.

16. Yohmi ma nitak yumma ai vhlit mahaya ka yummak ash o kaniohmichit ishit im issa he akostininchi bahana tok.

17. Yohmi tuk o pska ik shatvmmo vpa nitak vmmona ho nan ithvna vhleha hv Chisvs a im ai ona mvt, Ubanvblit-ont ia ish impa chi ka, katima yak o ont e chim ai atahla hi a ish ahni cho? im achi tok.

18. Mihma yummak ash osh, Ivt tmaha ha hvsh onak mvt, hatak yummak o hvsh im ona cha, Nan ithvnanchi vt, Nitak vt vm ai ona hosishke: chin chuka ak o nan vm ai ithvna vhleha ha pehlichit vbanvblit-ontia ya a holitobli la chi hoke, achi kano, hvsh im achashke, achi tok.

19. Yohmi ma nan ithvna vhleha hash osh, Chisvs vt ai im atokoli tuk mak o yvmohmi tok; micha vbanvblit-ontia ya okla atahli tok.

20. Yohmi ma ont opivt taha ma, auah tuklo kash o pehlichich cha impa chi hosh binili tok.

21. Atuk osh okla impvt maya ma, Ahli mak o hvchi miha lishke, Hvsh achvfona kv svshit okla ha hvsh im issa chi hoke, achi tok.

22. Mihma okla nukhaklo fehna mvt, achvfaiyukvt momvt, Chitokaka ma! vno ak oh cho? im achi tok.

23. Mihma yummak ash osh afalaminchi mvt, Kvna hosh ampo a ibbak a pit svb ai okvchikmvt, mihi yosh svshit okla a im issa chi mak oke.

24. Kaniohmit isht holihiso tok mak o Hatak Ushi vt a yvmohmi hoke: amba Hatak Ushi a ishit inla ya im issa hatak okvto i palvmma chi mak oke; hatak yummak okvt ik bobo tok okmak osh im achukma hi atuk oke achi tok.

25. Yohmi ma ishit inla ya im issa Chutas ash osh afalaminchi mvt, A shali ma! vno ak oh cho? achi ma, Ahli, sh mihvshke, achi tok.

26. Mihmvt okla impa hosh maya ma, Chisvs vt pska ya shi cha, vba pit aiokpvchi mvt, tushahlichich cha, nan ithvna

vhleha hash o pit ima mvt, Ilvppvt sa haknip mak ohu
ishit oh vpa, achi tok.

27. Mihmvt isht-ishko ya ishi cha vba pit aiokpuchi
yvmmak ash o pit ima mvt, Hvsh moma kvh hvsh ba
kashke.

28. Ilvppak okvt svssish nan isht vlpisa himona,
kvh nan ai ashvchika puta isht i kashofa he mak o, hlatsi
hatuk oka.

29. Yohmi kia himak a pilla ma pakvpi vnit waya ilv
ak ishko mak atuk osh himonvchit Aki apelhichika
hvch ibai ishko la he nitak mak a hi oke, hvchim achi
ke, achi tok.

30. Mihma vba isht taloa ya okla talovt issa mvt, Al
kohchvt nvnih Alif a pit ilhkoli tok.

31. Yohmi ma Chisvs vt yvmmak ash o, Himak nima
vno ak atuk mak o hvsh moma kvh hvch ibetvbla chi he
Chukfvlhpoba apesvchi a issot kanchi likma, chukfvlhpob
atuk vt itafimimpvt aya he, achi hosh holisso hatuk oka.

32. Yohmi kia falamvt tani li ha yokvto, hvchi tikba
lili a ona la chi, im achi tok.

33. Pita yvt afalaminchi mvt, Moma kvh chishno ak
mak o isht ai ibetvbli kia, vno yokvto nitak nana si a ibe
la he keyushke, im achi tok.

34. Mihma Chisvs vt, Ahli mak o chi miha lishke, Hi
ninak a akaka yvt ik olo kisha ho, hituchina ha chik svtsa
ka ish miha chi hoke, im achi tok.

35. Pita yash osh, Chi awant sulla chi ik nana kia
chithano miha la he keyushke, im achi tok. Mihma h
ithvna vhleha hvh momvt yvmmak inli ho miha tok.

36. Yvmma foka ma Chisvs vt yvmmak ash o pelli
cha, yakni Ketsemane hohchifo ho ona mvt, nan im ai
na vhleha hash o, yvmma ivt ont vba pit anumpuli li tok
ka, ilvppak inli ho hvsh chiyashke, im achi tok.

37. Mihmvt Pita, micha Sebate ushi tuklo aiena
pehlichia cha ia tok; mihmvt nukhaklo fehnvt i wekit
tok.

38. Yohmi mvt yvmmak ash o, Sa shilombish vt nukh

lo fehna, illa he ak kia chiyuhmishke : ilvppak inli ho chiyvt
 hvs svb ai okchashke, im achi tok.

39. Mihmvt achakalit ivt misha ituma ona mvt, hlipvt
 titula cha, vba pit anumpuli mvt, Aki ma! yohma hinla yo-
 ba hokma, isht-ishko ilvppvt a kanvllashke : yohmi kia vno
 ak osh ahni li kak keyu, amba chishno ish ahni kak ashke.

40. Mihmvt mintit nan ithvna aiasha kash o vla mvt, nu-
 shi hosh maya na ant pisa cha, Pita yash o, Hvs svb ai okcha
 na hvshi kanvlli achvfa ka ona hinla keyu mak oh cho?

41. Okchvt vba pit hvsh anumpohonli cha, ayoshuba ya
 hvch ik iba chukowo kashke : shilombish okvto im vlhtaha
 ho mvhli, amba nipi ak osh tikambishke, im achi tok.

42. Anonti atukla ma ia cha, ont vba pit anumpuli mvt,
 Aki ma! isht-ishko ilvppa ai ishko li ha yo keyukma, a
 kanvlla he keyu hokma, chishno nana ish aiahni ka yvmoh-
 nashke, achi tok.

43. Micha vla mvt, anonti nusi hosh maya na ant pisa
 hok : nishkin ak osh weki hatuk okvt.

44. Mihma anonti issvt ia mvt, ont atuchina ma vba pit
 anumpuli kv, anumpa yvmmak ash inli ho miha tok.

45. Yohmi mvt nan im ai ithvna aiasha kash o vla mvt,
 Himmak mak o mayvt nusit hvsh fohashke ; inta! hvshi
 kanvlli vlhpisa hv ai ona mak oke ; yohmi ka Hatak Ushi
 a haksichit nan ashvchi vhleha ibbak sa fohka chi mak oke.

46. Ho tani, kiloh ilhkolí, yakeh ! sa haksichit okla ibbak
 fohka chi hokvt olanlosi vlshke, im achi tok.

47. Mihma anumpohonli moma ho, auah tuklo atuk achvfa
 Chutas vt na holitompa isht asha pehliche vhleha micha okla
 a hochitoka vhleha aiena im anumpa ho okla chinto bvshpo
 alaia puta, mikmvt iti tvptua aiena sholi ho, pehliche cha
 tok.

48. Yohmi kv haksichit okla ibbak fohka chi, yvmmak
 kv isht akostinincha hi a im anoli kv, Kvna ho ont i suk-
 sowa likma, yvmmak osh mih mak a chi hoke ; kellochit
 kvsh ishashke, achi tok.

49. Mihmvt yvmmak ash osh Chisvs a im ona mvt, A
 shahli ma! na chi yukpashke, achi mvt, i suksowa tok.

50. Mihma Chisvs vt, A kana hvt katiohmi hō ish la dūb im achi tok. Yohmi ma okla ai onvt Chisvs ash o iti hō ishi tok.

51. Yohmi ma Chisvs a apēhvt aya tuk vt achvfa lat ibbak atuk ma i bvshpo falaia ya pit ishit shufi mvt, na ah litompa isht asha pehlichī in tishu hō isht fahamvt, haksoko a chanlit tvbli tok.

52. Yvmma foka ma Chisvs ash osh, Chim bvshpo fma a falaminchit afohka ya pit ish fohkashke : kva hosh buk falaia yō ishi hokvto, bvshpo falaia yō isht illa he hoka.

53. Himonasi ak kia Aki a pit im asilhha li hok ma, ach lika enchil vhleha lechvn auah tuklo atampa ka auet tol hinla ka ik chim ahobo cho?

54. Yohmi hokma katiohmi hosh yakohma hi a toho Baibil vt ont aiahla hinla cho? im achi tok.

55. Chisvs vt hvshi kanvlli vhlpisa yvmmak inli hō ke laua yash o, Hatak hukopa yō ayvt i kohcha hō chiyu ho bvshpo falaia, mikmvt iti tvptua aiena sholi hosh hvstol chi kvv hvsh itvnowa cho? tempel anukaka ya nana ai Hi nanchit nitak moma hvch itintakla binili li ka iti hoklit ba sasho chatuk oke, im achi tok.

56. Yohmi kia hopaii vhleha hvt holissohonchi tok mi aiahla chi mak o, ilvppa moma kvv yakohmi tok. Ytol ma nan ithvna vhleha hatuk vt momvt yvmmak ash o isihlepa tok.

57. Yohmi ma Chisvs a iti hoklit ishi tuk vhleha bo osh yvmmak ash o ilauelet ivt na holitompa isht asha na chi i shahli Kaiafas a isht im ona tok; yvmmak o na phin sochi vhleha, mikmvt hochitoka vhleha aiena kvv ai itumvt maya hatuk oka.

58. Yohmi ma Pita yvt auet i mishemanchit pit iakmi yahayvt na holitompa isht asha pehlichī i shahli im al holitopa hatuk ma ont chukowvt, ont ishtaiyopi ka pisalit hosh tishu vhleha ha takla ont binili tok.

59. Mihma na holitompa isht asha pehlichī vhleha, nich hochitoka vhleha, mikmvt nan-apesa moyuma kvv Chis

erba chi kv̄t, anumpa ik aḥlo isht atokola hi a hoyot aiasha tok.

60. Yohmi kia ik ahayucho tok. Anumpa ik aḥlo isht atokoli hokv̄to lauv̄t ai ahanla mv̄hli kia, ai v̄lhpesa hi a ik ahayucho tok. Ont ishtaiyopi ma anumpa ik aḥlo isht atokoli vt tuklo hosh v̄la tok;

61. Mihmv̄t, Ilvppvt Chihowa in tempel a okp̄vni li tuk mv̄t, anonti nitak tuchinakma ikbit tahli la hinla hoka, achi kv̄no, achi tok.

62. Yohmi ma na holitompa isht aḥsha pehlich̄i i shahli vt wakaya mv̄t, afalaminchit, Afalaminchit nana kia chik acho cho? nanta mak o yakohmit isht chi atokoli cho? im achi tok.

63. Yohmi kia Chisv̄s vt nana ik acho ki tok. Mihma na holitompa isht aḥsha pehlich̄i i shahli vt anumpuli mv̄t, Chishno ak osh Klaist Chihowa Ushi chia hatuk okmv̄t, keyukma nana hatuk okmv̄t, ish pim anola he mak o Chihowa okchaya pulla ka isht a chim apesa lishke, im achi tok.

64. Mihma Chisv̄s vt, V̄lhpesa ish mihv̄shke: yohmi kia, Himak a pilla ma Hatak Ushi vt nan okluha im aiya im ibbak-ishtimpakimma ya binili, micha v̄ba hoshonti anukaka minti aiena ho hv̄sh pisa hi oke, hv̄chim achi lishke, im achi tok.

65. Yohmi ma na holitompa isht aḥsha pehlich̄i i shahli ash osh im ilefoka, im anchi aieninchit ita hlileffi mv̄t, Chihowa ik ahobalot anumpa ha anumpulishke; himmakma nan-isht ai atokowa katiohmi ho iloh ahna hinla cho? inta! Himak okv̄no Chihowa ik ahobalot anumpuli ka hv̄chishno vt hv̄sh hakloshke.

66. Katiohmi hv̄chim anukfila cho? achi ma, okla afalaminchi mv̄t, Illa he ak o v̄lhpesa hoke, achi tok.

67. Yohmi ma nashuka ya on tuftua ma, ibbak a bonulit isht isso tok, kanimi kv̄t ibbak a isht pasalich̄i mv̄t,

68. Klaist chia ma! kv̄na hosh chisso hokma, akostininchit pin anoli, achi tok.

69. Yohmi ma Pita yvt aboha holitompa kocha ya aḥsha

tok: mihma ohoyo himita yosh yummak ash o vla m
Chishno ak kia Chisvs Kalili vtta ya awant ish aya kan
achi tok.

70. Yohmi kia moma itikba yatuk ma ik ithano ilahobit
Nana ish miha hoka, ak akostininchoshke, achi tok.

71. Micha kohchvt ivt apishia ona ma, ohoyo himita
yosh pisa mvt, yumma maya kash o, Ilvppak kia Chisvs
salet vtta ya awant aya kamo, im achi tok.

72. Mihma anonti anumpa kullo isht il onochit ik ithano
ilahobit, Hatak yumma ithana li keyushke, achi tok.

73. Atuk o in chekosi ma bilikasi hiohmaya tuk ash o
ai vla mvt, Pita yash o, Chishno ak kia okla yumma ish
ai achufa yatuk o pullvshke; chim anumpa hvt chi otv
hoka, im achi tok.

74. Yohmi ma yummak ash osh, Hatak yumma ithano
keyushke, achit ik ahobalot anumpulit anumpa kullo ish
onochit ishtia tok. Mihma chekosi mak inli ho akaka
ola tok.

75. Yohmi ma Pita yash osh, Akaka yvt ik olo kisha
hituchina ha chik svthano ish miha chi hoke, im achi
Chisvs im anumpa hash pit ithaiyana tok. Mihmvt ko
ia cha, yahaya fehna tok oke.

CHAPTA XXVII.

Na holitompa isht asha pehlichi vhleha hash osh Chisvs a Pailat
man i miko ak o isht im ona, 1; 3 mihma Chutas Iskaliot
nuksiteli. 19 Pailat tekchi vt Chisvs a nana ik kanimihcho hok
im ahni; yohmi kia na holitompa isht asha vhleha hvt nan
kak o vhpesa im ahni cha, 26 Balabas ak o peh i hotof
Chisvs vto illa chi mak o miha. 27 Loman tvshka chipota
vt Chisvs a ishi cha, kvti halupa yo noshkobo ha isht iachuko
32 Tvshka chipota yvt Chisvs a ishit Kalkohla ona cha, im
yash na shoeli isht apesvt im ishi mvt, Chisvs ash iti-taiyuk
ahonvhlichi ma; 50 Chisvs vt chitoli fehnvt tahpva mvt, illit
illi ma na fehna kv ai yvmohmi. 57 Chosef Alimahlea
yak osh, Chisvs vt iti-taiyukhva takali tuk a ishit akvch
cha hatak illi ai asha himona ilap immi ak inli ho fohkit

62 Na holidompa isht asha pehlichu vheha hak osh asihhla ma,
Pailat vt tvshka chipota ya atoinchi na Chisvs ahollopi a atoni.

1. ONT onnvt taha ma na holidompa isht asha pehlichu
vheha hvt moma, micha okla i hochitoka vheha aiena kv
Chisvs a vba chi kv isht it im anumpulit maya tok.

2. Micha yvmmak ash o okla takchi mvt, ilaueht isht ivt,
nahullo miko Pantivs Pailat ibbak a ont fohki tok.

3. Yvmma foka ma yvmma ishit okla ha im issa tuk Chutas
ash osh yvmma illi issa na pisa mvt, inlv im anukfla cha,
tuli hvta boshulli pokoli tuchina kash o falaminchit na holi-
dompa isht asha pehlichu vheha micha hochitoka vheha
aiena ka isht om ona mvt,

4. Nan ashvchi keyu issish o ishit okla ha im issa li ho-
kv ashvchi lishke, achi tok. Mihma, Yvmmvt nanta isht pi
ahalaia cho? yvmmak okvno chishno ak inli hosh ish pisash-
ke, achi tok.

5. Mihma tuli hvta boshulli a tempel anukaka ya pit foho-
bli cha, kocha ia mvt, ont ile nuksiteli tok.

6. Yohmi ma na holidompa isht asha pehlichu vheha hash
osh tuli hvta boshulli ash ishi mvt, Tuli holisso ai itahoba
holidompa ya pit fohka he vhpesa keyu, issish o isht vltoba
hatuk oka, achi tok.

7. Yohmi mvt okla isht im anumpulit maya cha, oklushi
inla hatak puta ka a hollopa hi vt shuti-tvna im osapa yo
isht chumpa tok.

8. Yvmohmi hatuk o osapa yvmmvt, Osapa issish hoh-
chifo tok vt himak nitak a moyuma hoke.

9. Yvmohmi ma hopaii Chelemaias vt anumpuli mvt, Is-
lael ushi vheha hvt ai vltoba he okla apesa tok mak o ai
vltoba he vhpesa tuk vltoba tuli hvta boshulli pokoli tu-
china ka okla ishi tok.

10. Micha Chitokaka yvt vm apesa tok mak o, shuti-tvna
atuk im osapa yo isht atobbi tok; achi tok a ont aiahli tok.

11. Mihma Chisvs vt nahullo miko itikba ya hikia tok;
mihma nahullo miko vt yvmmak ash o i ponaklot, Chish-
vno ak osh Chu okla ha i miko chia mak oh cho? achi

tok. Mihma Chisvs vt, Uhpesa ho ish mihvshke, im illa
tok.

12. Atuk o na holitompa isht asha pehlich vhleha, na
mvt hochitoka vhleha aiena kv nan isht mibachi ka, na
kia ilapvt afalaminchit ik miho ki tok.

13. Yohmi ma Pailat ash osh, Nana lawa ka isht a
atokoli ka chik haklo ho tuma? im achi tok.

14. Yohmi ma yvmmak ash osh anumpa achvfa
im afalamincho ki tok; yohmi hatuk o nahullo miko ash
nukhlakancha fehna tok.

15. Micha vbanvblit ontia impa ashakma, kvna ho
ahnikma, nahullo miko vt yukvt talakchi atuk a okla
hotofi chatuk a tok.

16. Atuk o yvmma fehna ma annohowa fehna
yukvt talakchit Balabas hohchifo hosh okla ha im anta

17, 18. Yohmi hatuk o Pailat ash osh yvmma okla ish
i yukpo kak osh ishit okla ha im issa hatuk a, ithana
osh, okla itvnavt taiyaha ma, Kvta mak o hvchim
la he a hvsh aiahni cho? Balabas ak okma, keyuk
Chisvs osh Klaist hohchifo kak okma, katimampo kak
cho? im achi tok.

19. Mihmvt nan-apesa aiasha ya ont binili ma, teko
pit im anolit, Yvmmak atuk mak o himak nitak a si hol
kunvt nana isht ik svm ai achukmo kv an laua hatuk ok
tak ghli achukma yvmma nana chik kanihcho kashke, achi

20. Yohmi kia na holitompa isht asha pehlich vhl
micha hochitoka vhleha aiena hokvto Balabas ak o okla
ha cha, Chisvs ak o vba chi ka, okla laua ya atohnochi

21. Nahullo miko ash osh afalaminchi mvt, Tuklo
timampo hvchim i hotofi la hi a hvsh aiahni cho? im
ma, Balabas ak o, okla achi tok.

22. Pailat ash osh, Yohmikmvt Chisvs osh Klaist
chifo kvno, nanta hak o katimihchi la hinla cho? im
ma, Iti-taiyukhva yak o ahonvhlvt illashke, momvt
achi tok.

23. Mihma nahullo miko ash osh, Katiohmi ho?
pulo nanta mak o yvmohmi tuk oh cho? achi tok,

kia i shahlichit tahpvlvt, Iti-taiyukhvna yak o ahonvhlvt
llashke, okla achi tok.

24. Pailat ash osh ilapvt na kanihma he keyu, amba ya-
hapa kak osh i shahlit toba pulla hi a akostininchit mvt, oka
kapvssa ya ishi cha, okla itikba ya ibbak ai achifa mvt, Ha-
tak ahli achukma ilvppa im issish a isht si ahalaia keyu mak
oke: hvchishno ak osh isht hvsh ashashke, im achi tok.

25. Yohmi ma okla momvt afalaminchi mvt, Im issish vt
pishno, micha pim vlla aiena kak o onvtonlashke, im achi
shok.

26. Yohmi ma yvmmak ash osh Balabas ak o okla ha imi
otofi tok: micha Chisvs ash o fvmmit issa mvt, iti-taiyuk-
hvna ahonvhla chi mak o im issa tok.

27. Yvmma foka ma nahullo miko in tvshka chipota
hleha hash osh Chisvs a ishtivt nana ai apesa yo isht ona
mvt, tvshka chipota vhleha ha mominchit ont im itvnahli tok.

28. Mihmvt nafohka ya i shoeli cha tvshka chipota peh-
ichi i nafohka humma yo ishit fohkvchichi tok.

29. Micha kvti iachuka ho okla tvnvt tahli mvt, noshko-
kobo ha iachukolichi cha, anonti ibbak isht impakimma ya
kushak o pit fohki tok: mihmvt itikba ya okla i hvchukbihl-
epa cha, isht yopulvt, Chu okla i miko ma! na chi yuk-
ashke, achi tok.

30. Mihmvt yvmmak ash o okla on tuftua, micha kushak
ash ishi cha, noshkobo ha isht boli aiena tok.

31. Mihmvt yvmmak ash o okla ishit yopulvt issa mvt,
tvshka chipota i nafoka humma yash o i shufi cha, ilap i
nafoka yash inli ho fohkvchichi mvt, iti-taiyukhvna ahonvh-
leha chi hosh ilauelet ishtia tok.

32. Atuk osh okla ont kocha wiha fehna mvt, Saileni
atak Saimon hohchifo ho okla pisa tok: mihmvt im iti-
taiyukhvna ya yvmmak osh shola he a okla atohnochi tok.

33. Atuk osh yakni Kalkohla hohchifo yvmmt, Nosh-
kobo foni aiasha, achi mak o ona ma,

34. Yvmmak ash o ishka chi ka wineka yosh basunlvsh
okchi yvt ibvlhto ho ipeta tok: mihma yvmmak ash o ish-
kot pisa mvt, ishka he keyu ki tok.

35. Mihma yummak ash o iti-taiyukhvna okla ahonv hok
chi mvt, na shoeli o im ilefoka yatuk ash isht iti hopela
hopaii vt, anumpuli mvt, Um ilefoka yatuk puta ka oklmvt
hopela mvt, anonti vm ilefoka lumbo atuk a okla nan-ist
shoelishke, achi tok vt aiahla chi mak a tok.

36. Micha okla hash osh yummak o aka binohli
yummak ash atoni tok.

37. Mihmvt noshkobo paknaka anumpa onvtula hokchi
hvt, ILUPPAK OSH CHISVS CHU OKLA I MI
MAK OKE, achi ho takalichi tok.

38. Yohmi ma hatak hukopa tuklo hosh apihvt iti
yukhvna ahonvhla tok; achvfa kvt ibbak isht impakim pak
yo takali ma, anonti achvft vlfvfbekimma yo takali tok mil
39. Mihma yumma bilikasi ont ihiya kvt yummak as bal

ik ahobalot pit i yuchunukli beka tok.

40. Mihmvt, Tempel a okpni cha, anonti nitak tuchit put
ma ikbit tahli chia hvt, ish ile okchalinchashke, Chihow
Ushi chia hokmvt, iti-taiyukhvna ya auet akowá, achi to ah

41. Na holitompa isht asha pehlichi vhleha ak kia ya
holissochi vhleha, micha hochitoka vhleha ai itapeha
yummak ash o ishit yopulvt,

42. Inla yokvno okchalinchichi hatuk okak osh, ilap ai
kvto ile okchalinchia he keyushke. Iluppak osh Israel Ilu
miko yatuk okmvt, himonasi ak o iti-taiyukhvna ya aue ach
akowá, yohmikmak o iloh i yimmashke.

43. Chihowa ya anukcheto atuk oka, yummak osh i
hatuk okmvt, himonasi a ant ik hlakofichi; Chihowa au
sia hoke, achi hatuk oka achi tok.

44. Hatak hukopa tuklo yumma apihvt iti-taiyukhvna
ahonvhla tuk kak kia ik ahobalo kvt, yummak inli ho, ch
michi tok.

45. Yohmi ma hvshi kanvlli vlpisa ont isht hamv vt
fehna ai vhlit ivt, hvshi kanvlli vlpisa isht chakkali ona ith
yakni moma ka ai okhlilit kvnia tok.

46. Yohmi ma hvshi kanvlli vlpisa ont isht chab as
foka ma, Chisvs vt chitoli fehna hosh tahpulvt, Eli, vt
lama sabakhlani? achi tok; yummvt an Chihowa ma

Chihowa ma! nanta, katiohmi ho is sa kanchi cho? achi hoke.

47. Mihma yumma hiohmaya tuk vt kanimi kvt haklo mvt, Hatak iluppt Elias a pit i howvshke, achi tok.

48. Mihma mih mak inli ho achvvt malelit ia mvt, na shatvmmi o ont ishi cha wineka alotoli mvt, kushak o takalichi cha, yummak ash o ishka chi ka pit ipeta tok.

49. Mihma inla ka yash osh, Ik ashá, Elias vt okchalin-ehit aya hinlakmá, nanakmá, keho pesá, achi tok.

50. Mihma Chisvs vt atukla ma chitoli fehna hosh tah-pvla mvt, fiopissa tok.

51. Yohmi ma nantvna tempel anukaka takali tuk vt paknaka ak o a hlilavt ia mvt, aka ont taha cha tuklo tok: mihma yakni vt winakahanchi ma, tvli hochito puta kvt bakahli tok.

52. Mihma hatak ahollopi puta kvt tiwa ma, vbanumpuli puta haknip mayvt nusi tuk vt lava kvt tani tok.

53. Atuk osh Chisvs vt illi tuk vt falamvt tani ma, ahollopi puta ka akohcha wihvt ia mvt, tmaha holutopa ya onvt lava ka i haiaka tok.

54. Sintulion micha apihvt mayvt Chisvs a apesvchi tuk aiena kash osh yakni winakvchi, mihmvt nana kvt ai yakohmi puta na pisa mvt, okla nukshopa fehna mvt, Ilvppak okvt Chihowa ha Ushi yo mvhli tuk pullvshke, achi tok.

55. Yokmi ma ohoyo lava Chisvs a apehvt Kalili a asht, mintit yumma nan im atahli yatuk vt yumma maya cha, auet mishema ho pit pisa tok.

56. Yumma takla maya kvt, Meli Maktalene micha Meli, Chemis, mikmvt Choses aiena ishki, mikmvt Sebete ushi vhleha ha ishki ak osh aiena tok.

57. Ont opivt taiyaha ma hatak nan in laua Alimahlea vttta Chosef hohchifo hosh, yummak kia Chisvs a nan im ai ithvna ak inli tuk osh vla tok.

58. Michá ia mvt, Chisvs haknip a Pailat a ont im asilhha tok. Yohmi ma haknip atukma ima he a, Pailat vt miha tok.

59. Mihma Chosef vt haknip atuk a ishi mvt, mak ash o nantvna kashofa linen achukma ho a bo tok.

60. Mihmvt yummak ash o ilap i sepvka himona chito yo a kulli hosh ikbi tuk osh ont fohki tok: mih sepvka okhissa ash o tvli chito yo tonolichit pit akamali cha, ia tok.

61. Mihma Meli Maktalene, micha Meli achvfa itat kvt sepvka i chapaka ya chiya tok.

62. Yohmi ma nana ai vltaha nitak atuk auet achah nitak o na holitompa isht asha pehlichy vhleha, micha vhleha aiena kvt Pailat a ant im ai itvna cha,

63. Pi shahli ma! na haksichi yummvt okchaya ahanta mvt, Nitak ont atuchinakma falamvt tani la hi achi tok a il ithaiyanvshke.

64. Yohmi hoka ish apesa na sepvka vt kvllo vlt na nitak atuchina ka onashke; yummak keyukma nan ithvna vhleha hvt ninak a ai vlt hukopvt ishit kvnia Illi tuk vt falamvt tanishke, okla ha im acha hinla yohmikma ishtaiyopi ka isht haksi kak osh ik ai vltpeso vmmona tuk a i shahla hinla hoke, achi tok.

65. Mihma Pailat ash osh, Nan atoni vt hvchim ke: oh ilhkoli cha, kanimihchit hvsh a kvllocha hinla hvsh yvmihchashke, im achi tok.

66. Mihma ilhkoli mvt, tvli ash o in chunli cha, nan a ashachit, sepvka ash a kvllochit kaiyanchi tok.

CHAPTA XXVIII.

Nitak ont atuchina onnahinli fehna ohoyo tuklo kvt Chisvs tuk a ona; ymma enchil vt ai afama, 1; 2 micha Chisvs tuk vt falamvt tani tuk a, im anoli; mihmvt nan im ai vhleha ha ia cha, ont im anola chi ka i miha. 11 Kaniohmi Chisvs ahollopi ya atonit aiasha tuk vt falamvt tmaha chito ona cha, ahollopi nana a kaniohmi tuk a na holitompa isht pehlichy vhleha ha im anoli. 15 Chisvs vt nan im ai ithvna achvfa ka Kalili ak o ai i haiaka, 19 micha vbanumpa ha okl puta ka isht im anumpohonlit itvnohowa he a im apesa.

1. YUMOHMI tuk o nitak hullo vt ont taba tuk wek
nitak ummona chi hosh onvvt mihinti ma, Meli Maktalene,
nichu Meli achufa itatuklo kvv sepuvka yash pisvt aya hosh
tonachi tok.
2. Yohmi ma yakni vt winakvchi fehna tok: Chitokaka
m enchil osh vba mintit vla cha, tvli okhissa onvtula tuk a
zanompit tonolichi cha, paknaka ya on asha ha tok,
3. Mihma haknip vt malvtha ak o chiyuhmi ma, im
lefoka yvt tohbi kvv okti pushi ak o chiyuhmi tok.
4. Mihma nan atoni vhleha hatuk vt yvmma i nukshopa
vt vwnihinchu mvt, illi yo chiyuhmi tok.
5. Yohmi ma enchil vt anumpuli mvt, ohoyo hash o,
ftitaiyukhvna ahonvhlvt illi tuk Chisvs ak o hvsh hoyo ka
avchim ithanali hoka, ik hvchi nukshopo kashke.
6. Ilvppa ikshoshke; miha tuk okvt falamvt tani tuk oke.
Mintit Chitokaka yvt ai itola tuk a ant ho pesa.
7. Michu tushpvt irt, illi tuk vt falamvt tani cha, hvchi
tikba Kalili a ia chi ka, yvmmak o ont hvsh a pisa chi hoke,
nan im ai ithvna vhleha ha ont hvsh im anolashke: inta!
hvchim anoli li mak oke, im achi tok.
8. Yohmi ma nukshopa, mikmvt nayukpa fehna aiena
hosh sepuvka ya ashvvt tushpvt itiachi tok; mihmvt nan
im ai ithvna vhleha hatuk a anumpa isht im ona chi kvv
tihlahaya tok.
9. Atuk o nan im ai ithvna vhleha ha im anolit ia hosh
ayvt okla ma, Chisvs vt afama cha, Na hvchi yukpashke;
achi tok. Mihma irt yvmmak ash o iyi a ont halvlli cha,
aiokpahanchit okla tok.
10. Yohmi ma Chisvs ash osh, Ik hvchi nukshopo kash-
ke: Oh ia cha, itibapishili vhleha ha ont hvsh im ano-
likma, Kalili a okla ai onvt yvmmak o a sa pesashke, im
achi tok.
11. Yohmi na itiachi hosh ayvt okla ma, nan atoni
vhleha hatuk kaniohmi kvv tmaha ha ona cha, nana kvv
kaniohmi tuk a mominchit na holitompa isht asha pehlichu
vhleha ha im anoli tok.
12. Mihma yvmmak ash osh hochitoka vhleha ai itapihvt

itvnaha cha, it im anumpulit okla in taiyaha mvt, tva
chipota vhleha hash o tvli holisso lawa ka ima cha,

13. Nan im ai ithvna vhleha hvt ninak o ai vla cha,
hosh e maya takla ma, ant hukopvt ishit knvia tuk
hvsh achashke.

14. Yohmikma ilvppak atuk mvt nahullo miko hakso
a afohka hokma, yvmmak oka e hopohlvchi cha, e h
hlakofichashke, achi tok.

15. Yohmi ma tvli holisso ash o okla ishi mvt, na
abvchi tok mak o okla ai yvmohmi tok: yvmohmi t
anumpa ilvppvt himak nitak ak kia Chu okla itintakla
annghoa hoke.

16. Yohmi ma nan ithvna auah achvfa kash osh
a ilhkolit, nvnih chaha Chisvs vt ai im atokoli tok m
ona tok.

17. Micha yvmmak ash o pisa mvt, okla ai okpah
tok: yohmi kia kanimi kvto anuktuklo tok.

18. Yohmi ma Chisvs vt vla cha, ant im anumpuli
Uba yakni, micha yakni ilvppa aiena nan-isht im ai
puta moma kvv vmmi toba hoke.

19. Yohmi hoka hvsh ilhkoli cha, oklushi 'moma ka
ithvna ikbit, Iki, micha Ushi, mikmvt Shilombish Hol
aiena ho isht a hochifochit hvsh baptismo honchashke:

20. Nan okluha ka nana ho hvchim apesa li tuk a
tobla he mak o hvsh im abahanchashke: yohmikma ya
vno vt hvchi awant aya li bilia ho, yakni vt ont ai
oke, achi tok oke. Amen.

UBANUMPA MAK.

VT HOLISSOCHI TOK.

CHAPTA I.

Chan Baptist vt vbanumpa isht anumpohonli 1; 9 Chan vt Chisvs a baptismochi; 12 atuk o ymmak atuk a i himmak ma Setan vt Chisvs ash o imomaka pisa. 14 Chisvs vt Kalili a vbanumpa isht anumpohonli; 16 mihmt Saimon, micha Antilu, mikmt Chemis, micha Chan aiena ka nan im aiithvna toba chi ka i miha. 23 Nitak hullo ya Chisvs vt nan ithvnanchi, micha shilombish okpulo kohchichi aiena mt; 29 Pita tekchi ishki, 32 micha hatak abeka inla yvt laua ho hlakofichi; 35 Chisvs vt vba pit anumpula chi hosh onmt ik taho kisha ho tani; 39 atuk osh i himmakma Kalili vbanumpa isht ai anumpuli, 40 leposi vbi yo hlakofichi.

1. CHISVS Klaist Chihowa Ushi im vbanumpa ai ishtia ummona kv, 2. Yakeh! vm anumpeshi ya chi tikba chevichi li hoka nihi yosh chi hina ya tikbanli apoksiacha hi oke.
3. Achvfa hosh yakni haiaka ya a pahaya kv, Chitokaka ataya hi a apoksiachit i hina puta ka oh apissvlichí, ahanchishke, achit hopaii vhleha i holisso ha a holisso tok ak o ni itilauí tok.
4. Chan vt yakni haiaka ya a baptismohonchi mvhli tok: mihmt ai ashvchika puta ka isht a kashofa chi ka, ile kosininchit baptisma hi a isht anumpohonli tok.
5. Yohmi ma Chutea yakni ai asha tuk, micha Chelusalem ai asha tuk aiena kv, momvt ymmak ash o im ai ona cha, nan im ai ashvchika puta ka il anohonlit, Chatan okhina yak o ai im a baptismo tok.
6. Mihmt Chan vt kamel hishi nafohka fohka cha, na-

hakshup vskofvchi yo vskofaiyachi tok: mihmvt hawa, cha foi-bila kowi anuka asha yak o vpa beka tok.

7. Mihmvt vbanumpa isht anumpohonli mvt, Uno shahli fehna hosh auet siakaiyvt minti, yvmmak okvno vt i shulush isht-talakchi yak kia a hlipivt hotofi la ahoba keyu hoke.

8. Uno vto oka yo isht hvchi baptismochi li mvhli hamba yvmmak okvto Shilombish Holitopa yo isht baptismocha chi hoke, achi tok.

9. Atuk o nitak ymma foka ka yakohmi tok: Chisv Nasalet Kalili talaia ka vttvt mintit vla cha, Chatan Chan a ai im a baptismo tok.

10. Micha oka ya ai vttvt kocha ia mak inli ho, vba tik vt auet tiwa na Shilombish Holitopa yvt pvchi-yoshi chiyuhmi hosh vba mintit yvmmak ash o ant o binili tok.

11. Yohmi ma vba ya anumpa hvv auet takali Chishno ak osh Svso a holitopa chia hoke; chishno nan-isht chi a sai yukpa hoke, achi tok.

12. Atuk o chekosi mak inli ho Shilombish Holitopa yakni haiaka ya pit chvffichi tok.

13. Yohmi na yakni haiaka ymma nitak pokoli ushta ahanta na Setan vt imomaka pihisa tok; mihma napo pulo puta ka itintakla ahanta tok; mihma enchil hosh nan-isht im anta tok.

14. Chan vt aboha kvllo fohka ha yo, Chisv vt vla cha, Chihowa apelhichika isht anumpa hanta ya anumpohonli tok.

15. Mihmvt, Nana kvv ont aiahlit taha na Chihowa liehika yvt olanlosi vlvshke; ile kostininchit, vbanumpa ho yimmi, ahanchi tok.

16. Atuk osh Kalili okhvta lapalika ya aya mvt, Saim vt itibapishi Antilu itatuklot, nvni-hokli yatuk okvt, isht-hokli a okhvta pit okvchi hosh ahashwa na pisa tok.

17. Mihmvt Chisv vt, Mintit vno ak o hvs si apeha hatak hokli yo hvch ikbi lashke, im achi tok.

18. Yohmi ma mih-makinli ho i nvni-isht-hokli yash cha, iakaiyvt okla tok.

19. Mihma yvmmak atuk a ivt mishema ona mvt, Sebete ushi Chemis, micha itibapishi Chan itatuklo kak kia, peni anyuka ya nuni-isht-hokli aiskiachi hosh chiya na pisa tok.

20. Mihmvt mih makinli hō yvmmak ash o pit i howa tok; mihma yvmmak ash osh iki Sebete vt hatak ilhtohno vhleha hō iba taklvt peni ash foka na issvt, pit iakaiyvt okla tok.

21. Atuk o Kapenavm ak o okla ai ona tok: atuk o chekosi ma nitak-hullo nitak o sinakak a ont chukowa cha, nana abahanchi tok.

22. Yohmi ma nan isht ai im avchi ka okla anukhlakan-cha tok: yvmmak okvt nana kvv ai im vhlpiesa hosh nana im abahanchi kia, na-holissochi vhleha yak okvno ik holbo ki tok.

23. Yohmi ma sinakak yvmma hatak vt shilombish okpulo ai i foka hosh asha tuk osh, tahpvt,

24. Ikikke! Chisvs Nasalet ai vta chia ha nanta hō isht e chi ahalaia cho? kvna hō chia hoka chithana li, Chihowa i na-holitopa chia mak oke, achi tok.

25. Mihma Chisvs vt yvmmak ash im olvbbit, Nukchin-tot yvmma ish a kohchashke, im achi tok.

26. Mihma shilombish okpulo ash osh yvmmak ash o haiochechi cha, chitolit tahpva mvt, yvmmak ash a kohcha tok.

27. Yohmi ma momvt, okokko! aiahni fehna; yohmi cha, Ilvppvt nanta mak osh yakohmi cho? ilvppak osh nan-isht avchi himona nanta mak oh cho? ai im vhlpiesa hosh yvmmak ash osh shilombish okpulo vhleha hak kia nan im apesa ma, im antivshke, achit okla it im a ponaklot maya tok.

28. Yohmi ma chekosi makinli hō yvmmak ash isht annoa kvv Kalili a folumpa yakni moma ka hlopulli tok.

29. Atuk o sinakak a ashvt a kohcha makinli hosh Chemis, Chan itatuklo ka ai it apihvt Saimon, micha Antilu itatuklo in chuka yo okla ont abeha tok.

30. Mihma Saimon tekchi ishki yvt-yvna hosh itonla tuk o, ashalika yvmmak ash im anoli tok.

31. Mihma ona cha ibbak a halvillit, tanichi tok; mihma yvnha hash osh ashalika shipa na nan isht im vtta tok.

32. Atuk o ont opia hvshi vt okatula ma, haknip chukmo puta, mihmvt nan-isht-ahullo okpulo ai i foka tuk a, mominchit okla isht im ai vla tok.

33. Mihma tmaha okla hash osh momvt okhissa ya ai itahoba tok.

34. Mihma haknip ik in chukmo ilaiyuka isht abeka lau laua ho hlakofichi mvt, nan-isht-ahullo okpulo mvt laua kocha weli tok: mihmvt nan-isht-ahullo okpulo yvt okla ithana hatuk o, ik anumpuli ik im ahno ki tok.

35. Atuk osh ont onnahnli, onmvt ik taho kisha pilla tani cha, kohchvt ivt haiaka ona cha, vba pit anumpuli

36. Mihma Saimon, micha apeha tuk ash aiena kut iakaiyvt ilhkoli tok.

37. Atuk osh yvmmak ash ont pisa mvt, Hatak mo chi hoyoshke, okla im achi tok.

38. Mihma auet apanta tmaha maya kak o kil ohom yvmmak ma vba isht ai anumpohonli lashke, yvmmak mak osh aya li ha tok okvt, im achi tok.

39. Atuk osh Kalili fullota i sinakak puta ka vba isht anumpohonlit, nan-isht-ahullo okpulo puta ka kocha tok.

40. Mihma leplosi vbi yosh ayvt im ona cha, i hvt bihleptv im ilbvsha mvt, Ulhpesa ish ahni hokmvt, is shofa hinlvshke, im achi tok.

41. Mihma Chisvs vt i nukhaklo cha, ibbak a pit weli toli mvt, Ulhpesa ahni lishke; chi kashofashke, im achi

42. Mihma anumpulit ont issa makinli ho, leplosi asht ashalika i kvnia na yvmmak ash osh kashofa tok.

43. Mihma ik annoo ka hi a kvlochi fehna hosh yvm ash i mihvt taiyahli cha, ashalika kanima pit chvffichi;

44. Yohmi mvt ahah! aiahnit hatak kvna kia na chit anolo kashke; amba chi hlakofi hokvt okla ha nan im kowa chi ka, ia cha, na-holitompa-isht vtta yak o ont imi haiakvchi cha, nana puta ka Moses vt apesa tok ish yvmihchashke, im achi tok.

45. Yohmi tuk kia yummak ash osh ia mvt, anoli fehnvt, ana kash kanima moma ai im annoachi, yohmi na Chisvs vt yummakma ile haiakvchit ayvt tvmaha ha chukowa he keyu osh, amba kochvt yakni haiaka yak o vtvt aya tok: yohmi ia kanima moma a mintit im ai ohona tok.

CHAPTA II.

hisvs vt hatak palsi isht abeka yo hlakofichi, 1: 13 Chisvs vt Mahlu vt nan im ai ithvna toba chi ka i miha; 15 micha pvblikan vhleha mikmvt nan ashvchi vhleha aiena ibai impa ka nan isht mihachi ma kaniohmi ho yohmi hatuk vt anoli. 18 Mihmvt nan im aiithvna vhleha ha nan ik hullocho hoka nan isht mihachi; mihma yummak ash osh ik yohmo kvv im ai vhpesa atuk a miha mvt; 23 nan im aiithvna vhleha ha nitak hullo kovvfi ho nan isht mihachit asha ma, yummak okvt nitak hullo kovvfi hatuk o keyu ka miha.

1. ATUK o nitak kanohmi ma, anonti Kapenavm a ont chukowa tok: mihma aboha anyka asha ka annoa tok.

2. Yohmi ma ashalika lawvt ant itahoba, yohmi na aiasha i vt iksho ma, okhissa itikba yash kia a hikia hi vt iksho ki ok, mihma vbanumpa ha isht im anumpohonli tok.

3. Yohmi ma hatak vt palsi isht abeka ho ushtvt it i hoyulit, isht im vla tok.

4. Micha okla itakantvli ka, i bilika okla ona he keyu mvt, a hikia ka paknaka ya isht hulmo ya tiwi tok; atuk osh tiwit tahli mvt, palsi isht abeka yvt ai onvtola topa yash okla aka pit bohli tok.

5. Okla na yimmi ka Chisvs vt pisa mvt, palsi isht abeka atuk ash o Svso ma! na chim aiashvchika puta kvv chi ka ashofa mak oke, im achi tok.

6. Yohmi kia na-holissochi vhleha kanimi kvv yumma binohmaya tuk vt, chukvsh anykaka isht anukfillit,

7. Na katihmi ho hatak ilvppvt yakohmichit Chihowa ik ahobalot anumpuli cho? Kvta hosh nan ai aiashvchika puta ka kashofa hinla ho? Chihowa ak illa keyu?

8. Mihma yakohmichit okla im anukfila ka Chisvs vt ilap chukvsh ak inli ka isht akostininechi mvt, ashalika, Na katih.

mi ho ilvppa puta ka hvchi chukvsh anykaka isht
anukfila cho?

9. Palsi isht abeka atuk a, Na chim ai ashvchika
kvt chi kashofa hoke; im achi kak okmá, keyukmvt,
kayvt, chi potvlhpo a sholi cha, nowá, achi kak okmá,
ma kak osh ahchiba kvt ik lauwo cho?

10. Yohmi kia Hatak Ushi vt yakni paknaka nan
chika puta ka kashofa hi vt ai im vlhpiesa hatuk a
akostininha chi kak o.

11. Palsi isht abeka yash o im anumpulit, Tanit,
tvlhpo a sholi cha, chin chuka ish iashke; chim achi
im achi tok.

12. Mihma ashalika yvmmak ash ot tanit, potvlhpo
sholi cha, okla momvt pisa na kochevt ia tok: yohmvt
momvt nukhlakancha mvt, Nitak nan ash ilvppa cho
e pisa chatuk keyushke, ahanchit Chihowa ya pit
chi tok,

13. Atuk o anonti kochevt ia mvt, okhvt lapalika
tok: mihma okla laua yvt momvt ant im ai itahoba
im abahanchi tok.

14. Atuk osh ont ia hosh aya mvt, Lefai Alfevs
tvli-holisso abohli a asha na pisa mvt, yvmmak ash
siakaiyashke, im achi tok.

15. Atuk o yakohmi tok: Chisvs vt yvmma im
anuka ya impa hosh asha ma, publikan micha nan-
vhleha aiena kvt laua hosh Chisvs, micha nan im ai
vhleha aiena ka takla binohmaya akinli tok: yvmmak
laua hatuk osh, okla apihvt aya tuk a tok.

16. Michá na-holissochi vhleha, micha Falisi vhleha
kvt, yvmmt publikan vhleha, micha nan ashvchi
aiena ka it ibai-impá na pisa mvt, nan im ai itvna
hash o, Katiohmi ho publikan vhleha, micha nan-
vhleha aiena kvno it ibai impvt nan it ibai ishko
achi tok.

17. Mihma Chisvs vt haklo mvt, Haknip im
hokvto, alikchi a bvnna keyu, amba abeka kak oke:
ashvchi ik im iksho vhleha ho hohoyot aya li tok

amba, nan-ashvchi vhleha yosh ile kostinicha chi kak a tok, im achi tok.

18. Mihma Chan, micha Falisi vhleha aiena nan im ai ithvna vhleha hvt na hullohonchi beka tok: atuk osh ai vla mvt, Nanta katiohmi ho Chan micha Falisi vhleha aiena nan im ai ithvna vhleha hvt na hullohonchi ma, amba chishno na chim ai ithvna vhleha hvto nan ik hullocho cho? im achi tok.

19. Mihma Chisvs vt, Hatak himona ohoyo itauwaya tuk vt takla anta moma ka, i kanomi vhleha hvt nukhaklot na hullocha hinla cho? Hatak himona ohoyo itauwaya tuk vt im asha takla hokvt okla nahullocha he keyu hoke.

20. Yohmi kia hatak himona itauwaya yash ot ai i filvma he nitak vt ai ona he; yohmikmak o nitak yvmma fokakvno okla nukhaklot nahullocha hi oke.

21. Hatak nana kia nantvna hlilafa himona ka anchi ilipa ya isht akvlli chatuk keyu: yvmmak keyukma, na hlilafa himona vlvkvt atuk vt sipokni ash hlilvffi na i shahlit hlilavt okpulo hoke.

22. Mikma hatak nana kia oka-paki himona ya shukcha sipokni yo apitta chatuk keyu: yvmmak keyukma, oka-paki himona yash ot shukcha yash mitahlich na hlayakma; shukcha yash ot okpula hinlvshke: amba oka-paki himona vt shukcha himona yo vlvpitta pullashke, im achi tok.

23. Atuk o yakohmi tok; nitak-hullo nitak o osapa lopullit aya tok: mihma nan im ai ithvna vhleha hvt onush hlinlit itvnowa tok.

24. Mihma Falisi vhleha hvt, Yakeh! na-katihmi ho nitak-hullo nitak o nana kvv ai vlvpesa keyu ka, okla yvmohini cho? im achi tok.

25. Mihma, Lewi vt ilap, micha apehvt aya tuk aiena kvv tohchvfo mvt, nana ka bvnna cha, a katiohmi tok:

26. Mich a holitomp a isht vtt a i shahli Abaiahla vt hanta nitak a Chihowa im aboha ya pit chukowa cha, yvmma ai vpa he vlvpesa hatuk keyu, amba na-holitomp a isht asha vhleha kak a he tuk a, pvska holitopa ya vpa mvt,

anonti apehvt aya tuk ma ipeta tok a himonna kia ho
hveh ik it im anumpulo chatuk oh cho? im achi tok.

27. Mihmvt nitak-hullo vt hatak ak o im vlhpisa a
hatak ak osh nitak-hullo ak o im vlhpisa tok keyushke

28. Yohmi hoka, Hatak Ushi vt nitak hullo ak
Chitokaka yoke, im achi tok.

CHAPTA III

Chisvs vt hatak ibbak shila hlakofichi, mihma yvmmak o Falisi
ha hvt vbi bvna hatuk o Chisvs vt kochvt kvnia, 1; 10
okla laua apehvt ilhkoli na lauachit hlakofichi. 13 Mihmvt
peshi auah tuklo ho atokoli. 20 Chisvs a i kanomi vhleha hvt
bo ho im ahoba, 22 mihma Falisi vhleha hvt Chisvs a ik ah
anumpuli; yohmi ma yvmma okla miha ka ahli keyu ka
im anoli. 31 Kvna hosh Chihova nana aiahi puta ka
hokvt Chisvs a i kanomi fehna mak oke.

1. ATUK osh anonti sinakak a ont chukowa ma,
ma hatak vt ibbak shilvt illi yosh asha tok.

2. Mihma nitak-hullo nitak a hlakofichikmá, nana
nan-vlhpisa onocha hi vt ahnit okla apesahanchi tok.

3. Mihma hatak ibbak shilvt illi yash o Iklvnnaka ya
kayvt a hikiá, im achi tok.

4. Mihmvt, Nitak-hullo nitak a nan achukma ho yv
mi, keyukmvt achukma keyu ho yohmi kak okmá;
pak okchalinchi, keyukmvt vbi kak okmá, nanta kak
ai vlhpesa cho? im achi tok. Yohmi kia nan ik ach
maya tok.

5. Mihma okla chukvsh kvllo ka isht nukhaklot,
vlhpiesot filemvt pisa mvt, hatak ash o, Chisemochi, im
tok. Mihma chisemochi tok; yohmi ma ibbak ash o
lamvt hlakofit in tvnnv ak inli ho chohmi tok.

6. Mihma Falisi vhleha hvt kocha wiha mvt, ash
Helotian vhleha aiena kv yvmmak ash vba hi vt isht
anumpulit maya tok.

7. Yohmi kia Chisvs ash ot nan im ai ithvna vhleha

behlichí cha, filvmmít okhvta ía tok: mihma Kalili, micha Chutea aiena minti,

8. Michá Chelusalem minti, anonti Itumea, micha Chan mish-tvnnvp minti, micha Taia, micha Saiton a fullota minti aiena okla chinto kv́t nan aiyaka fehna ka yvmihchi q okla haklo mvt, íakaiyvt okla chinto fehnvt im ai ona ok.

9. Mihma okla laua hokvt ik atehlefo ká ch́i kak o, peni t im vlhtaha ch́i kv́t, nan im ai íthvna vhleha há í miha tok.

10. Lauachit hlakofichi hatuk; yohmi hatuk oka, nan í alummit aiasha atuk vt momvt yvmmak ash haleli bvnvt kla a hvhlihíochi tok.

11. Mihma shilombish okpulo puta kv́t yvmmak ash pisa kv́t, itikba aka hlipkvchi mvt, táhpahanlv́t, Chishno ak osh Chihowa Ushi chia mak oke, achi tok.

12. Mihma yvmmak ash ot ilap a ik otv́nincho ka ch́i ka, ymma kv́llochit im apesa tok.

13. Mihmvt nv́nih chaha yó ont oiya cha, kv́na hq ilap íahni hosh hoyo na, okla im ai ona tok.

14, 15. Mihma tohno na yvmmv́t ilapa apehvt aya cha, íanumpá íisht ahanta he; micha abeka puta hlakofichit, ían-íisht-ahullo okpulo kocha wela he aiena kv́t, ai im ílhpesa h́i ka auah tuklo hq atokoli tok.

16. Mihmvt Saimon atuk a Pita hochifo tok.

17. Mihmvt Sebete Ushi Chemis ítibapishí Chan ítatuklo, yvmmak ash o Boaneches hochifo, yvmmv́t Híloha ushi, íhi hoke.

18. Mikma Antílu, mikmvt Fíllip, micha Bahlolomu, íikmvt Mahlu, micha Tamas, micha Alfevs ushi Chemis, íikmvt Tatevs, micha Kenan hatak Saimon aiena,

19. Mikmvt yvmmak ash íshit ínla im íssa tok Chutas íkalíot vt aiena tok: mihma chuka chukowa tok.

20. Mihma okla laua yash osh anonti ant ai ítahoba na ípak ak ía okla vpa he keyu ka chohmi tok.

21. Yohmi ma í kanomi vhleha hv́t haklo mvt, Tasim-o hoke, achi cha, hokla ch́i hosh okla ílhkoli tok.

22. Atuk o na-holíssochi vhleha Chelusalem minti tuk

ash osh, Beelsebub ak o il ai ishi hosh, nan-isht-ahullo pulo puta ka isht kocha weli hoke, achi tok.

23. Yummak ash o hoyo mvt, nan-isht-vlhpisa ho pulit, Katiohmi kak osh Setan vt Setan a kochha hinla

24. Micha apehlichika achvfa kvit it a kashapvt ilap inli it im i sanali hokmvt, apehlichika achvfa yummak at talaia he keyu hoke.

25. Mihma chuka achvfa vt it a kashapvt ilap ash im i sanal kmvt, chuka achvfa yummvt talaia he keyu

26. Mikma Setan vt ilapo inlit it a sanalit ahanta a kashapa hokmvt, kvllot hikia he keyu, amba ont iksh he bano hoke.

27. Hatak nana ak osh hatak hlampko in chuka chukowa cha, im ilayak puta ka wehpula he keyu: hak o hatak hlampko yak o takehi ho keyukmvt; yummak okmvt in chuka ya wehpula hinla hoke.

28. Ahli pulla ho hvehim achi lishke. Hatak im ai ashvchika yvt okluha, micha kaniohmit Chihov ahobalot anumpuli a puta kvit i kashofa hi oke.

29. Amba kuna hosh Shilombish Holitopa yak o balot anumpuli hokvto nitak nana i kashofa he iksho, issikkopvt bilia mak osh im vlhpisa hi oke, im achi tok

30. Yummvt nan-isht-ahullo okpulo yo il ai ishi okla achi ha tok oka.

31. Yohmi ma itibapishi vhleha, micha ishki aiena vla cha, kocha ya ont hiohmayvt, inla atohnot yumm pit hoyo tok.

32. Mihma okla laua vt a fuloblit binohmaya mak ash osh, Yakeh! chishki micha chitibapishi aiena kvit kocha hiohmaya hosh chi hoyoshke, im ach

33. Mihma afalaminchit, Hvshki micha itibapishi ha aiena kak osh kvta hoh cho? achi tok.

34. Mibmvt filemvt i bilikasi binohmaya kash Hvshki micha itibapishi li vhleha aiena ka ho pesa.

35. Kuna hosh Chihowa nana aiahni ka yummohm mvt, yummak osh svtibapishi, micha an tek, mikmvt aiena mak oke, achi tok.

CHAPTA IV.

Na hokchi nan isht vllpisa; micha kanihmi kak o Chisvs vt nan isht vllpisa ho isht anumpuli, 1; 14 na hokchi isht vllpisa yvt atokovrt annoa. 21 Kvna hosh Chihowa im anumpa ha ithana hokvto, ai ithana kvrt inla asha ka im avvcha he tuk: 26 vbanumpa hanta hatak chukvsh a fohka hokvt na-nihi yakni a holokchi yvm-mak oka yakohmi hosh ahni keyu kia, offot mahayvt waya cha, vmo ona chatuk a chiyuhmi hoke: 30 micha mvstvt nihi ak o it vllpisa akinli. 35 Chisvs vt kocha umba, mahli kvllo ka im anumpulit yukobli.

1. ATUK osh anonti okhvta lapalika ya nan ai im avvchit ahanta tok; yohmi ma okla chinto fehna kvrt im ai ita-roba: yohmi na yvmmak ash ot peni yo pit chukowa cha, okhvta paknaka yo binili ma; okla laua yash ot okhvta alaka ik inli ho maya tok.

2. Mihma nana ka lauachit nan-isht vllpisa ho isht im bahanchi tok: mihmvt nan isht im avvchi kvrt;

3. Inta! ho haponaklo; na-hokchi vt na-hokcha chi hosh a tok oke.

4. Atuk o hokchi ma, yakohmi tok; kanimi kvrt hina lapalika yo kaha tok; yohmi tuk o vba hushi puta kvrt ant pvt tahli tok.

5. Mihma kanimi kvrt tvli foka yakni asha fehna keyu ho kaha tok; atuk osh yakni vt i suko keyu hatuk okvt, che-cosi fehna offo tok.

6. Yohmi kia hvshi vt kohcha ma, anakshvvt hakshish vt ksho hatuk okvt, bvshit kvnia tok.

7. Mihma kanimi kvrt kvti foka yo kaha tok: atuk o kvti vt offo cha, ai olvbi na ik wayo ki tok.

8. Mihma inlaka yvto yakni achukma yo kaha tuk osh, offot i shahlit mahayvt, vnit waya mvt, kanimi kvrt pokoli tuchina ma, kanimi kvrt pokoli hannali, anonti kanimi kvrt tahlepa achvfa vnit waya tok.

9. Mihmvt, Kvna hosh haksobish isht haponakla hi vt i hinlikmvt, haklashke, im achi tok.

10. Atuk o ilap banot asha ma, yvma aiasha tuk vt

auah tuklo kash it apeha cha, nan-isht vlhpisa hash ponaklo tok.

11, 12. Hvchishno ak okvto Chihowa apehlichika otano ka hvsh ithana hi vt a hvchim vlhpisa hoke; kocha maya kak okvno pisa hokvno pisa kia ik ithano haklo hokvno haklo kia ik akostinincho ka he mak o, puta kvv nan-isht vlhpisa hō ai im vlhtaha hoke: keyukma nitak kanima ka chukvsh vt inlvv toba cha, ai ashvchika puta kvv i kashofa hinla hoke, im achi tok.

13. Mihmvt, Nan-isht vlhpisa ilvppa hvch ik ithano mih kvto katiohmi hosh nan-isht vlhpisa puta mom hvsh ithvna hinla cho? im achi tok.

14. Na-hokchi vt vbanumpa hak o hokchi hoke.

15. Yohmikma kanima yo vbanumpa hvv a holokchi yakohmi kak osh ai itvnowa lapalika kaha mak oke: tuk kia, chekosi mak inli hō Setan vt vlvv chukvsh im lokchi tuk vbanumpa hash ishit kanchi hoke.

16. Yohmikma anonti, yakohmi kak osh tvli foka holokchi mak oke: yvmmak okvt vbanumpa hā haklo ashaliika na-yukpvt ai okpvt hoke.

17. Yohmi kia ilap hakshish vt ik im iksho, yohmi chekosi takla kak bano hō kvllot hiohmaya hoke: vbanumpa pulla hatuk mak o nan ilbvsha, keyukmvt lvmmi kvv ashakma, chekosi mak inli hō ibetvbli chatuk

18. Mikma yakohmi kak osh kvv foka yo a holokchi oke.

19. Vbanumpa hā haklo; yohmi tukmvt yakni nan isht im anukfila, micha nan in laua bvna kvv isht chi, mikmvt nana inla puta ai anushkunna aiena kvv alota cha, vbanumpa hash ai olvbit ishi na ik vno toba oke.

20. Mikma yakohmi kak osh yakni achukma a hol mak oke; vbanumpa hā haklo mvt, yvmmak ash yimmit vnit wayvt, kanimi kvv achvfa tuk vt pokoli tuchinak kanimi kvv pokoli hannali; anonti kanimi kvv tahlepa fa ona hoke, im achi tok.

21. Mihmvt, Pēla hā tanchi isht-vlhpisa nutaka, kvv

mtv topa nuta yokmá, nana hō talali cha, ai-ō hikia ik o hi-
lecho ka hi o toba hō?

22. Nana kv̄t ik otano ka hi osh luma kv̄t ikshokma,
anonti nana kv̄t ik haiako ka hi osh luma tuk vt iksho, amba
haiaka he ak o bano hoke.

23. Hatak nana hosh haksobish isht haponakla hi vt i
hinlikmvt, haklashke, im achi tok.

24. Mikmvt, Nana hvsh haklo kv̄t ahah! hvsh aiahnash-
ke: nan-isht v̄lhpisa nana hō isht hvsh apesa tuk mvt, hv-
chishno vt isht hvchim v̄lhpisa hi oke; mikma na haponaklo
hvchia hoka i shahlit hvchim ibvlhta hi oke.

25. Kv̄na hosh ishi hokmvt, mihi yosh im ibvlhta he;
mikma kv̄na hosh ik im iksho tuk ma, mihi yō ishi tuk ash
kia im ai isha hi oke, im achi tok.

26. Mihmvt, Chihowa apehlichika yvt hatak osh na-nihi
yakni anuka pit hokchi:

27. Yohmi cha ninak a nusit, nitak ma tahanikma, na-
nihi ash ot offot hofantit taiyaha ka, yakohmi kak osh ik
yahhno;

28. Yakni ak osh ilap inlit wayachi hoka: vmmona ka
opi atuk mvt, okshonli, yohmi ha mak osh waya chatuk.

29. Yohmi kia vni vt a lakna hokvno, ai-vlmo ona hatuk
oka, ashalika isht-vlmo isht iba chukowa chatuk ak o chi-
yuhmi hoke, achi tok.

30. Mihmvt Chihowa apehlichika ya nanta hak o ohmi-
shit, nan-isht v̄lhpisa nanta mak o il ai itilauecha chi
ho?

31. Mvstvt nihi yvmmak okvt yakni anuka a holokchi
vt, na-nihi yakni paknaka moma ka iskitini kv̄t ik lauwo;

32. Yohmi kia holokchi mvt, offot isht mahayvt, chito
vt haiyukpulo moma imaiya ma, naksish vt hochitot fila-
nohli: yvmohmi na vba hushi puta kv̄t hoshontika nutaka
nusi ka chiyuhmi hoke.

33. Mihmvt ai akostinincha hinla ka, anumpa hash nan-
isht v̄lhpisa ymma chohmi ka lauachit isht ai anumpohonli
oka tok.

34. Amba nan-isht v̄lhpisa hō keyukmvno ik im anum-

pulo; micha ilapo banot maya hokma, nan im ai it
vleha ha nana moma ka achukmalit im anoli
tok.

35. Atuk osh nitak yvmmak atuk vt ont opirt taha
yvmmak ash o, Misha tnnvp ak o pit keho hlopuli
achi tok.

36. Mihma okla laua kash kanima pit yuhli mvt,
mak ash o peni fohka tuk vt moma na okla isht ia
Yohmi ma peni inla ak kia apehvt aya tok.

37. Atuk o mahli okpulo chinto kvt kocho: yoh
oka banvtha kvt peni ash ai-issot pit vlpiphinta ma, po
alota tok.

38. Mihma yvmmak ash osh nusi hosh peni asha ka
ho vlpishi on itonla tok: atuk o okla ont okchvli
Nan ithvnanchi ma! pilla chi ka nan-isht chik ahno
im achi tok.

39. Mihma wakaya cha, mahli hash im alvmmitt
hash, Nuktanlvit lumvt ish talaishke, im achi tok.
mahli hvt issa na yokopa achukmvt talaia tok.

40. Mihma, Na katihmi ho hvchi nukshopa fehna
na katihmi ho na-yimmi kvt ik hvchim iksho cho? im
tok.

41. Yohmi ma okla nukshopa fehna mvt, Ilvppvt
katihmi mak atuk a mahli, micha okhvta aiena kak
antia cho? im achit maya tok.

CHAPTA V.

Chisvs vt nan-isht-ahullo okpulo laua ho kohchichi, 1; 13 mi
shukha aya achvfa ho ont abeha chi ka im ahni. 25 Chisvs vt
ushetik a ont hlakoficha chi ho Chailvs vt im asilhha: mih
tuk osh takla ya ohoyo issish ont ia isht abeka yo hlak
35 mihmvt Chailvs ushetik vt illi tuk a falaminchit tanichi.

1. ATUK osh okhvta hash mish tnnvp pit tan
Katalenes yakni a okla ona tok.

2. Mihma yvmmak ash ot peni kohchvt ia kash o che
ma, hatak vt shilombish okpulo ai i foka hosh, yvm

okvt hatak illi aiasha ak o takla vttvt aya yosh hatak illi
aiasha ya a kohchvt afama tok.

3. Yohmi ka yvmmak oka hatak nana hosh tvli itatakvli
voka isht takcha hi o keyu tok.

4. Yvmmak okvt iyi isht talakchi, micha tvli itatakvli
aiena ka isht talahakchi kv, tvli itatakvli ya hokohlichit,
anonti iyi isht talakchi a kobahlihinechi; yohmi hoka hatak
nana hosh yvmmak oka kostininecha he keyu ya tok.

5. Mihma ninak, nitak moma ka nvnihi foka, micha hatak
illi aiasha aiena kak o vttvt ayvt bilia cha, yahayvt tvli puta
ka isht ile boli beka tok.

6. Yohmi tok kia Chisvs vt mishema ho minti na pit pisa
mvt, malelit ont aiokpvehit,

7. Chitoli hosh anumpulit, Chisvs, Chihowa nana moma
maiya Ushi chia ka nanta ho vno vt isht chi ahalaia li
cho? chik svlvshacho ka chi ka Chihowa pulla ho isht a
chim apesa lishke, achi tok.

8. Yvmmak ash ot, Shilombish okpulo chia hvt hatak
yvmma ish a kohchashke, im achi ha tok.

9. Mihmvt i ponaklot, Chi hohchifo hvt nanta hoh cho?
achi tok. Mihma afalaminchi mvt, Pi laua hoka, sa hoh-
chifo hvt Lechvn oke, achi tok.

10. Mihmvt yakni ashwa tuk ash a kohchit kanima pit ik
tihlelo ka chi ka im asilhha fehna tok.

11. Yohmi ma yvmma nvnihi foka pit bilika ho shukha
laua vt impa hosh maya tok.

12. Mihma nan-isht ahullo okpulo ash ot momvt im ilbv-
shvt, Shukha laua ak o pit ish pi on tihleli na yvmmak o ont
il abehashke, achi tok.

13. Mihma Chisvs ash ot mih mak inli ho vhpesa im
ahni tok. Yohmi ma nan-isht ahullo okpulo vhleha hash ot
a kohchvt ilhkoli mvt, shukha laua yash ont abeha tok:
mihma shukha laua yash osh, yvmvt tahlepa sipokni tuklo
foka tuk osh, yihlepa fehvt sakti chaha yo okhva ha pit ai
oka kahvt oka ai illi tok.

14. Mihma shukha laua ya impvehit maya tuk ash ot
yihlept, tmaha, micha haiaka asha tuk aiena ka ont okla

anoli tok: yohmi ma nana mak osh yvmohmi tuk okma tok
chi hosh ilhkoli tok.

15. Atuk osh Chisvs a okla im ai ona mvt, nan ash
ahullo okpulo ai i fokvt Lechvn il ai eshi tuk ash ot na
fohka cha, im anukfila mvt achukma hosh asha na, okla
tok; mihmvt okla nukshopa tok.

16. Mihma okla pisa tuk ash ot nan-isht-ahullo
ai i foka tuk vt im a kaniohmi hatuk; mihma shukha
yvt a kaniohmi tuk aiena kash okla im anoli tok.

17. Mihma i yakni a kohevt aya hinla ka, yvmak
o okla im asihila tok.

18. Yohmi na peni a ont chukowa ma, nan-isht-ah
okpulo ai i foka tuk ash osh awant aya hinla kv im
tok.

19. Yohmi kia Chisvs vt vlhpesa ik im ahno hosh,
Chin chuka ia cha, Chitokaka yvt chi nukhaklo
chinto febna ka a chim ataiyahli tuk a chi kanomi
ha ish im anolashke, im achi tok.

20. Mihma flemmit ia mvt, na chinto nana mak o
vt im a tahli tuk a Tekapolis a ai anohonli tok. Yohmi
okla momvt nukhlakancha tok.

21. Mihma Chisvs ash ot peni fohka cha okhvt in
nvp ash inli ho pit tanvbi ma, okla laua hosh im
tok; mihma okhvt pit bilika ho anta tok.

22. Mihma sinakak apesvchi vhleha achvfa Chailvs
chifo hosh vla cha, yvmak ash ant pisa mvt, iyi itumi
hlipvt,

23. Im ilbahasha fehvt, Suso tek iskitini vt illi mak
itonlvshke: ish ona cha, hlakofa he mak o chibbak a
isht ish umbitepa hokbano chim ahni lishke: yohmi
okehaya he banoshke, im achi tok.

24. Mihma Chisvs vt awant ia tok: mihma okla laua
a hahlihinchit apevt aya tok.

25. Atuk o ohoyo achvfa hosh yvmvt issish ont ia
tok a afvmmi auah tuklo;

26. Yohmi hatuk o alikehi lava ka nan isht i palvmm
im a pivt, nana im asha tuk vt moma kampilvt tahli; yoh

kvt achukma hi vt iksho, amba okpulo kvt i shaht ia bano tok.

27. Atuk osh Chisvs a haklo mvt, okla itakanteli ka asha ka imma yo ont chukowvt, im anchi ya ont potoli tok.

28. Yohmi kvt im anchi ak illa ho ont ak potoli kia, sa hlakofa hinla hoke, ahnit im anukfila hatuk osh.

29. Mihma issish a mitafa yash osh ashalika shipa tok: mihma ililli yvmmak atuk a a hlakofi kvt ilap haknip anuka ak inli ka isht akostininchi tok.

30. Mihma Chisvs ash osh isht-a-hlakofi vt im a koheha kvt mih-makinli ho akostininchi hatuk osh, okla laua itin-takla ash a filemort, Kvt hosh vm anchi ya potoli cho? achi tok.

31. Mihma nan im ai ithvna vlheha hvt, Okla laua hvt chi a kantvilit kvnia ka ish pisa kvt, Kvt hosh sa potoli cho? ish achi ha cha, im achi tok.

32. Mihma yvmma yvmihchi tuk ash o pisa bvna kvt filemoa tok.

33. Yohmi ma ohoyo hash osh nana kvt ai i kaniohmi tuk vt ithana hatuk osh, nukshopvt vvnihinchii hosh vlvvt, itikba ya ant hlipia mvt, ai ahli mak o im anoli tok.

34. Mihma yvmmak ash osh, Svso tek ma! na chi yimmi yak osh chi hlakofichi hoke; nuktaiyalvt, micha ililli hatuk a ai i hlakofit ish ayashke, im achi tok.

35. Anumpuli kvt isht anta moma na kaniohmi kvt sinakak apesvchi in chuka minti hosh ai vla mvt, Chiso tek vt illishke; na katihmi ho nan-ithvnanchi a ish im ahchibali na himak a cho? achi tok.

36. Chisvs vt anumpa hvt anumpa na haklo makinli hosh, sinakak apesvchi ash o, Chi komunta na; amba na chi yimmi kak illashke, im achi tok.

37. Mihmvt hatak nana kia apehvt aya hi a ik ahno mvt, amba Pita, micha Chemis, mikmvt Chemis itibapishi Chan aiena kak illa tok.

38. Atuk osh sinakak apesvchi in chuka ash vla mvt, okla yahapa, micha nishkin okchi minti, mikmvt chitolit yaiya fehna aiena hosh maya na pisa;

39. Yohmi cha pit chukowa mvt, Na katihmi ho yakob and yahapvt, yaiyvt hvsh aiasha cho? ohoyo himita vt ilmil keyu, amba nusi hoke, im achi tok.

40. Mihma ishit yopulvt olvli tok. Yohmi kia ymm ash o mominchit kocha welit tahli mvt, ohoyo himita micha ishki itatuklo, mikmvt apehvt aya tuk ash aien vhl pehlichu cha, kanima ohoyo himita vt ai itola kash pit bar kowa tok.

41. Mihmvt ohoyo himita yash ibbak a ont halvli ka Talihla kumi, im achi tok; ymmvt toshowa kv, Ohibb himita ma! tani, chim achi lishke, achi hoke.

42. Yohmi ma ohoyo himita yash ot ashalika tani aia nowa tok, vta tok afvmmi auah-tuklo hatuk okvt. Ynar ma nukhlakancha chinto fehna okla nukhlakancha tok.

43. Yohmi ma ymmak oka hatak nana kia ik akos ka cho ka hi a i miha tok; mihmvt nanasi kia i hoyo na hinla ka miha tok.

CHAPTA VI.

Chisvs vt vbanumpa isht anumpohonli: yohmi ma im ai okla yvt kanimanchi, 1. 7 Vbanumpa isht anumpula chi ka im an shi auahtuklo ka pit tihleli mvt, nan-isht-ahullo okpulo puta is chi ka im apesa. 14 Helot vt Chan a aboha kello fohki; atul tekchi ash osh anukfohkichi ho, noshkobo tvbli tok. 30 Im a peshi vhleha hvf falamvt Chisvs a im ai ona: 34 Chisvs vt tahlepa sipokni tahlapi ho nan im avrchit ahanta mvt, prska tahlapi, micha nvi tuklo aiena tuk a okla ha impvchi.

1. ATUK osh ymmak ash vttvt ia mvt, ilap i yak N inli ho ona; yohmi ma nan im ai ithvna vhleha hvf apkv aya tok.

2 Atuk o nitak-hullo nitak ai ona ma, sinakak an yo nana ai ithvnanchi tok; mihma ymma haklo mvt, al nukhlakancha mvt, Katima yak o hatak ilvppvt na yak ka ai ithaiyana tuk o? mikma isht a hopoyuksa ilv m nanta hokak osh ymmvt anukfohka tuk o, nafehna yak h puta kvf ibbak atuk ma isht ai yvmohmi cho?

3. Ilvppvt Meli ushi, Chemis micha Choses, mikmvt Chuta anonti Saimon aiena ka itibapishi chuka ikbi yash keyu ho? mikma in tek vhleha mvt ilvppa pi takla maya keyu ho? achi tok. Mihmvt yummak ash o okla isht ai ibetvbli tok.
4. Yohmi kia Chisrs ash ot, Hopaii vt ik holitopo hosh ahanta keyu kia, amba ilap i yakni ak inli, micha i kanomi vhleha, mikmvt in chuka-chvfa aiena takla ahantak mak bano chatuk oke.
5. Mihmvt yummak oka na-fehna nana ka ik ai yvmihcho ka hi vt ahni tok: amba hatak abeka kaniohmi kak illa ho libbak isht umbiteptv blakofichi tok.
6. Mihmvt okla na yimma he keyu kak oka, okokko! aiahni tok. Mihmvt tvmahushi taloha ka fullokvehit ayvt nan-ithvnanchi tok.
7. Atuk osh auah-tuklo kash o hoyo cha, tuklo aiyyukachit kanima pit tihleli mvt, nan-isht-ahullo okpulo vhleha ha ai imaiya he mak o im apesa tok;
8. Mihmvt itvnowvt aya kvv nana kia isht ik ayo, amba tvbi ak illa he; bahta vt iksho; pvska mvt iksho; tvli ho- lisso kia i shukcha ya ik foko ka he;
9. Amba shulush ak o honla he; mikmvt nafohka lumbo tuklochit ik fohko ka chi ho im apesa tok.
10. Mihmvt peh kanima yo aboha ya ont hvsh chukowak- mvt, yummak o hvsh ai ahashwa tuk osh a kohchvt hvsh ayashke.
11. Mikma kvna kia ik hvchi aiokpacho, micha ik hvchi haponaklo aienakma, yummak ash a kohchvt hvsh iakmvt, nan-isht im atokoli mak o hvchi iyi pvtha nuta hituk tohbi asha ka hvsh tahtolashke. Ahli mak o hvchim achi lishke, Nan-vlhpisa chinto nitak ma Sotom micha Komola aiena kvto pit im vlhpisa kvv tvmaha yummak atuk a i shabla hi oke im achi tok.
12. Mihma ilhkoli mvt, hatak puta kvv ile kostininha he ak o isht anumpohonli tok.
13. Michu nan-isht-ahullo okpulo a lauachit kocha weli mvt, anonti abeka yatuk ash lauachit bila isht a hvmmichit blakofichi tok.

14. Mihma miko Helot vt yumma pit haklo, (hobash kvt kanima annoa kvt a mominchi hatuk oka;) mihma Chan Baptist vt illi tuk vt tani hoka: yohmi hatuk hini fehna puta kvt yummak ash o ai isht il otnihinchishker tok.

15. Kanimi kuto, Elias ak oka, achi ma: kanimi kuto paii oka: keyukmvt hopaii vhleha ha tok achvfons lap chohmi hoka, achi tok.

16. Yohmi kia Helot ash ot yumma haklo mvt, (i noshkobo tvbli li chash oka: illi tuk vt tani hoke, tok.

17. Helot vt itibapishi Filip a tekchi, Helotias ak mvt pulla mak o, ilap inlit pit on tihlelit, Chan a ishit tok mvt, aboha kullo fohki tok: yummak oka itauwaya okvt.

18. Chan vt Helot a, Chitibapishi tekchi a ish itauwaya hi a chim vllhpesa keyu hoke, im achi tuk a tok.

19. Yohmi hatuk o Helotias vt yummak ash o i mvt cha, vbi ka ahni; yohmi kia na kanihma he keyu ki tok o

20. Helot vt Chan yummak okvt hatak ai vllhpiesa, ai ahli achukma hoka ithana hatuk osh, holitoblit nanta kanihmo ka hi a ahni tok; mihmvt yummak ash im a bu naklot, nana ka lauachit ai yvmohomi, mihmvt na yul haponaklo beka tok.

21. Atuk osh ont ai vllhpiesa nitak vt-ai ona ma, tok vt ilap ai vtta tok nitak o i hochitoka vhleha, kvpitvbel chito, mikmvt Kalili i holitompa vhleha aiena ka opiaka pa im ikbi tok.

22. Atuk o Helotias yummak ash ushitek vt ant chit cha, hihla ma, Helot micha apehvt binohmaya tuk au kash ot na-yukpa ma, miko yash ot ohoyo himita ash, os nana ho ish ahni cha is svm asilhhakma, chima lashke a achi tok.

23. Mihmvt anumpa kullo im isht il ai onochit peh ka ho is svm asilhhakma, apehlichei li iklvna hatuk ik au kia, chima lashke, im achi tok.

24. Mihma yummak ash ot kohchvt ia mvt, ishki as

Nanta hak o asilhha la chi cho? ont im achi ma, yummak osh osh, Chan Baptist noshkobo hak o', achi tok.

25. Mihma tushpvt chekosi makinli ho ont chukowvt, miko ash im ona mvt, Chekosi mak o, Chan Baptist noshkobo yosh ampo fohka ho, is sema he ak o ahni lishke, achit m asilhha tok.

26. Mihma miko ash ot nukhaklo fehna tok: yohmi kia lap vt anumpa kvllo ikbi tuk pulla, micha apehvt binoh-naya hatuk pulla mak o ik im ai ahlo ka hi a ik ahno t, i tok.

27. Mihmvt miko ash ot ashalika nan-atoni pit chvffichi mvt, noshkobo ya isht vla hi a im apesa tok; mihma ia mvt, aboha kvllo anukaka akinli ho noshkobo ya ont a tvbli t tok.

28. Mihmvt noshkobo hash ampo fohkit isht vla cha, ohoyo himita yash o ima na, ohoyo himita yash ot ishki a mvt ima tok.

29. Yohmi ma nan im ai ithvna vhleha hash ot yumma mvt, okla ai vltv illi haknip ash ishit, hatak illi aiasha tok o bohli tok.

30. Mihma anumpeshi vhleha hash ot Chisvs a ant im ai antahoba cha, nana ka a kaniohmi tuk, micha nan abvchi tuk a puta ka mominchit im anoli tok.

31. Mihma yummak ash o, Hvchishno banot filvmmi aiaka oh ia cha, chekosi takla ka mayvt ho fohá, im achi tok; lauvt ai ahanla ma, anonti ilhkohonli aiena hatuk o, eh maya cha impa kak kia impa he keyu chohmi tok.

32. Mihma lumvt peni pit vlhto cha, a haiaka ka pit lhkoli tok.

33. Mihma ilhkoli ka okla pisa ma, anonti ithana kvk tua tok: micha tmaha puta ka a kohchvt aka itvnova sh, osh yummak ash pit yihlepa tuk osh, yummak ash o imai-hka cha, ont im itvnaha tok.

34. Atuk o Chisvs ash ot ont kohcha cha, okla laua fehna ho pisa mvt, chukvulhpoba yosh apesvchi iksho ho itik au hatuk o i nukhaklo tok: mihmvt himona nana ka laua-hit im abvchit isht ia tok.

35. Atuk o nitak ash ot ont shohba hosi ma, nan ithvna vhleha hash osh im ai ona mvt, Ilvppak okut haiaka, anonti nitak mvt shohbit mahayvshke.

36. Kanima pit ish tihleli na yakni auet i bilika shi puta ka itvnowvt, nana vpa hi vt ik im iksho hatuk pvska okla chumpashke, im achi tok.

37. Mihma, afalaminci mvt, Ilimpa ha oh ipeta achi tok. Mihma, Ivt pvska iskvli tahlepa tuklo ont e chumpa cha, ilimpa ha il ipeta chi hoh achi tok.

38. Mihma, Pvska katohmi ho hvsh ishi ho? ont sa, achi ma; okla pisa mvt, Tahlapi cha, nuni tuklo aienvshke, achi tok.

39. Mihma it a kvshkolit mominchit hvshuk okla ai o binohliha chi ka, im apesa tok.

40. Mihma tahlepa achvfa, anonti pokoli tahhapi mit it a kvshkovt binohli tok.

41. Mihma pvska tahlapi, micha nuni tuklo aiena ishi cha, vba pit chakalit aiokpvchi mvt, pvska yash lichy cha, okla ha in talohla chi ho, nan im ai ithvna hash o ima tok: mihmvt nuni tuklo kash o okla in tushtuli tok.

42. Yohmi ma momvt impvt okla kaiya tok.

43. Mihma boshulli vt nuni pit aiena kvv kishi ho ishi tok.

44. Yohmi ka pvska ya okla vpa tuk vt hatak sipokni tahlapi foka tok.

45. Mihma ilap vto okla ha kanima pit tihlelit ma, nan im ai ithvna vhleha hash osh peni pit tikba ivt mish tennvp Betsaita okla ona chi ka, kinli ho i miha tok.

46. Atuk osh okla hash kanima pit tihleli mvt, anumpula chi hosh nvnih chaha yo pit oiya tok.

47. Atuk o ont opivt taha ma, peni ashot okhvta ya aya ma, ilap bano hosh haiaka ya anta tok.

48. Atuk o mahli ak osh a sanali hatuk o peni fehnvt aiasha na pit pisa tok: atuk osh ninak isht

ont ai ushta foka ho okhvta paknaka ya a nohowvt, ayvt im ona, yohmi kvv ont ia hi a aiahni tok.

49. Yohmi kia yvmmvt okhvta paknaka ya a nohowvt aya na okla pisa mvt, shilup atuk o okla im ahoba mvt, tah-pula tok.

50. Momvt okla pisa hatuk osh komunta ha tok. Mihma ashalika pit im anumpulit, Hvchi nukshanla achukmashke. Uno ash sia hoke, hvchi nukshopa na, im achi tok.

51. Mihmvt peni ash ont ibachukowa ma, mahli hash osh issa tok: mihma okla nukhlakancha atampa fehna mvt, okokko! aiahni tok.

52. Yohmi kvv okla ak osh chukvsh kvullo hatuk osh, puska yatuk ash okla pit ik anukfillo kak a tok.

53. Atuk osh yvmmak ash pit tanvblit Kenesalet yakni a okla ai vla mvt, vhlh ha ont ataiyvli tok.

54. Mihma peni ash okla a kocha wiha ma, mih makinli ho yvmmak ash okla pit ithana tok.

55. Mihmvt yihlepvt yakni auct a bilika ka mominchit ilopullit ayvt, abeka puta tuk ash topa onochit sholit, yvmmak ash osh kanima yo anta na haklo mvt, isht itvnowa tok

56. Mihmvt tvmahushi, okma, keyukmvt, tvmaha chito yokma, yakni kocha yokma nana peh kanima yo ona hoka, abeka ya okla ai itvna ya ashachi mvt, yvmmak ash o im lefoka a aposhokvchi ak oh kia okla potola hinla ka, okla m asilhha tok: mihma yvmmak ash okla potonli aiyuka tokvto, momvt hlakofi tok.

Chisvs nan im ai itvna vhlaha hvv ibbak ik achifo hosh isht impa ka, Falisi vhlaha hvv nan isht mihachi, 1; 8 mihma ilap ak osh anum-pa kochanli nan vllpisa tikba in tonla cha, Chihowa i nan vllpisa ha isht kobvffi hatuk a Chisvs vt atokolit im anoli: 14 yohmi kvv nana hosh hatak chukvsh a a kocha ilvppak osh hatak a okpni hoke, achi, 24 Chisvs vt Silofenisan ohoyo ushetk a hlakofichi mvt; 31 hatak vt ik haponaklo, micha anumpuli anuktuklot aiena tuk a, hlakofichi.

1. YOHMI ma Falisi vhleha, micha na-holissochi pu
nohmi Chelusalem minti tuk aiena kv̄t ant im ai ita
tok.

2. Atuk osh nan im ai ithvna vhleha kanimi kv̄t, K
liteha yo, yvmmvt ibbak ik ahchifo kak o miha, puska
vpa hosh maya na pisa mvt, nan isht a mihachi tok. ru

3. Yohmi kv̄t Falisi vhleha, micha Chu okla moma
kv̄t in tikba vhleha nan im vlpisa halanli fehna hatu
achukmalit ibbak achifa ha yo keyukmvt, impa keyu
tok.

4. Mihmvt ilhpak ai-itatoba mintit vla kv̄t, ibbak
ha yo keyukmvt, impa keyu beka tok. Michā nan
ishtishko, micha ampo, mikmvt asonak lakna, anonti
achifa aiena ka a puta chohmi nan-isht-a hullocha
vlpisa tok vt lauvt āsha hoke.

5. Yohmi mvt Falisi vhleha, micha na holissochi
aiena kash osh, i ponaklot, Na katihmi hō na
ithvna vhleha hv̄t pin tikba vhleha nan im vlpisa ya
lanlo hosh, amba ibbak vt ahchifa keyu hō puska ish
cho? achi tok.

6. Mihma afalaminchī mvt, Nan ilahobi hvchia ha
esa hō tikbanli Esaias vt isht hvchi anohonli tuk
ilvppvt iti-elbi yokvno isht sa holitobli kia, chukvsh
auct a hopakishke.

7. Yohmi kia nana avchi kv̄t hatak i nan-vlpis
ithvnanchi hokvt, nana vlpesa hi o keyu hō okla si
hanchishke, achit holissochi tok.

8. Yohmi kv̄t Chihowa i nan-vlpisa hoka nak
hvsh bohli chā, hatak i nan-vlpisa, ampo, micha
ishko aiena achifa hō hvsh halanlishke; yohmikmvt
yemma ai itilauī ka hvsh a yvmohmi kv̄t lauvshke, im
tok.

9. Mihmvt hvchishno hvchi nan vlpisa ya hvsh
cha chī kv̄t, Chihowa i nan-vlpisa ya aiahli hosh hvsh
lemvshke.

10. Moses okvto, Chiki, micha chishki aiena ka ish
toblashke: yohmikma, Kvna hosh iki okmā, keyukmvt

okmá, nana ho shitilemvt na mihachikmvt, illi mak o illi pullashke, achi tok.

11. Yohmi kia hvchishno vto, Hatak vt iki, keyukmvt shki okmá nana kash o vm isht ish ai yukpa he tuk a Kolban oke, yvmma achi hokmvt, vba-isht aiokpvchi isht ilhpisa hoke, achi mak okvt nan ik i kanihmo kashke, avsh achi;

12. Yohmikmvt himmakma iki, ishki ita tuklo ka nana ia isht im vta hi a hvch ik im ahnot,

13. Hvchin tikba vhleha i nan-vlhpisa isht hvsh abvchi pulla hosh Chihowa im anumpa ha hvsh akshochishke; nicha nana yvmma ai itilau ka a hvchi yvmohmi kv lau-shke, im achi tok.

14. Micha okla hash mominchit hoyot itahobit taiyahli mvt, Hvsh moma kv hvsh sa haponaklot, hvsh akostinin-shashke.

15. Nana hak osh kocha mayvt hatak a itih fohka kv, okpvna hi vt ikshoshke: amba nana kv a kohcha hokvto, yvmmak osh hatak a okpvni hoke.

16. Hatak nana hosh haksobish isht haponakla hi vt i inlikmvt, haklashke, im achi tok.

17. Atuk o okla aiasha kash vttvt, aboha ont chukowa na, nan im ai ithvna vhleha hash osh nan-isht vlhpisa kash isht im a ponaklo tok:

18, 19. Mihma, Hvchishno ak kia na hvch ik akostinin-cho fehna akinli ho? peh nana hosh kocha mayvt hatak a itih fohka kv okpvna he keyu, chukvsh ak o pit chukowa o keyu hokvt, amba takoba yak o ont chukowa tuk mak sh, anonti a hlopulli kv ilhpak moma ka ai it im vlhp-cha vchi ka hvch ik akostinincho cho? achi tok.

20. Mihmvt, Nana kv hatak a a kohcha yvmmak osh hatak a okpvni hoke.

21. Hatak haknip anuka chukvsh ak o im anukfila okpulo, haui puta, ohoyo ik im iksho, micha hatak ik im ksho it in lumaka:

22. Hatak bika vbi, hukopa, inla nan im anushkunna, nan i nukkilli, haksichi, haui anukfohka, nishkin isht ik ai

vlhpeso, Chihowa ik ahobalo, ilefehnvchi, im anukfila i
puta kv̄t a kohcha hoke.

23. Nan ik vlhpeso ilvppa puta moma kv̄t anukaka
o asht kohcha hosh hatak a okpuni hoke, achi tok.

24. Mihmvt yvmmak ash asht wakaya mvt, iut
micha Saiton aiena yakni vhli ha ona cha, aboha ont
kova mvt, hatak nana kia ik akostinincho ka hi a ahni
yohmi kia kaniohmit luma he keyu ki tok.

25. Ohoyo hv̄t ushetik himita vt na shilombish ok
ai i foka hatuk o, yvmmak ash pit haklo mvt, ont
ituma ya hlipia tok oka.

26. Ohoyo hv̄t Klik osh Silofenisian im okla ai ad
a tok: mihmvt ushetik a na-shilombish okpulo
ishit i kohcha hinla ka yvmmak ash o im as
tok.

27. Yohmi kia Chisvs vt, Vlla vhleha ak osh tikba
ha yo; vlla vhleha i pv̄ska ya ishi cha ofi puta ka pit i
he vlhpesa keyu hoka, im achi tok.

28. Mihma afalamинchi mvt, Ahlishke Chitokaka
yohmi kia ofi puta kv̄t ai impa nuta ya vlla vhleha im
boshulli yak o ai vpa chokvmo, im achi tok.

29. Mihma yvmmak ash o, Anumpa ilvppa pulla
mak o ish iashke; chiso tek a nan-isht-ahullo okpulo
kohcha hoke, im achi tok.

30. Atuk o ilap in chuka yash ona mvt, nan-isht-ah
okpulo vt a kohcha tuk o, ushetik ash osh topa pav
itonla na ont pisa tok.

31. Mihma anonti Taia micha Saiton itatuklo yakni ka
issvt ia mvt, Tekapolis yakni a iklv̄nna hlopullit ayut
okhv̄ta ha ona tok.

32. Mihma achv̄fa hosh ik haponaklo, micha anuk
anuktuklo aiena hatuk o yvmmak ash isht im v̄la; y
mvt yvmmak ash o ibbak a isht umbitepa hinla ka, ha
im asilhha tok.

33. Mihma yvmmak ash o okla laua ya a kohchit
sika isht ona cha, haksobish a ibbak ushi pit hiehlich
tofa cha, isunlv̄sh a pit halelich tok.

34. Mihmvt, pit vba chakalit pisa mvt, hihvt, Effahlá, im achi tok: yvmmut ish tiwashke, achi hoke.
35. Mihma yvmmak ash osh ashaliika haksobish vt wakama ma, anonti isunlvsh isht talakchi vt yuhapa na kohchi achukmvt anumpuli tok.
36. Yohmi ma hatak nana kia okla ik im anolo ka chi ka, im apesa tok. Yohmi kia i shahlichit im apesa kak o, anonti okla anoli kvv isht i shahli fehna tok.
37. Mihmvt nukhlakancha kvv atampa fehna mvt, Yvm-mak okvt nan okluha kvv vhpesa bano ho yvmihchishke: ik haponaklo atuk a haponaklochi mvt, anonti ik anumpulo atuk a anumpuli ikbishke, achi tok.

CHAPTA VIII.

Chisvs vt pvska lumbo untuklo, micha nvní chipunta kanomosi aiena tuk a hatak tahlepa sipokni ushta impvchi, 1; 11 Falisi vhleha ha nan isht ai atokowa ya i haiakvchi ik bvnno; 14 mihma nan im ai ithvna vhleha hvv Falisi vhleha, micha Helot aiena i na-pvska ishit-shatvmmi a ahah! okla im ahna chi ka i miha. 22 Betsaita ya hatak lva yvt anta tuk o, Chisvs vt hoponayochi. 27 Pita yvt, Chishno ak osh Klaist chia mak oke, atokolit achi ma, Chisvs vt im aiokpanchi; ilap ak o il im antia hosh ile kaiyanchit nana palvmmi puta ma e pihisa chi hokvto ik pi nukwaiyo ka hi a, Chisvs vt pim abahanchi.

1. NITAK yvmma foka ma okla hvv laua fehna, micha vpa hi vt nanasi kia ik im iksho ma, Chisvs ash osh nan im ai ithvna vhleha hash hoyo mvt,
2. Okla laua vt si apehvt maya na himak nitak tuchina ka nana vpa hi vt ik im iksho hatuk o, i sa nukhakloshke.
3. Yohmi kvv okla ik impo ho in chuka ya pit yuhli li hokma, kanimi kvv mishema ho minti hatuk okvt, takla tikamba hinlvshke, im achi tok.
4. Mihma nan im ai ithvna vhleha hash osh, Yakni haiaka ilvppa katima yak o hatak vt pvska ya ai ishi hosh okla ilvppa fihobla hinla ho? im achi tok.
5. Mihma i ponaklot, Pvska yvt katohmi ho hvsh ishi ho? im achi ma, Untuklo, achi tok.

6. Mihma okla hvt binohla chi ka apesa tok; micha p
 untuklo kash ishi cha, vba pit aiokpvechi cha boshullich
 okla ha itikba in talohla chi ho nan im ai ithvna v
 hash ima ma, yvmmak ash osh okla hash itikba in talohli

7. Micha nvni chipunta kanomosi ka okla isht aya sh
 atuk o yvmmak ash o vba pit isht aiokpvechi mvt, yvm
 ma itikba in talohla chi ka apesa tok.

8. Yohmi na okla impvt kaiya tok: mihma ilhpak na
 shulli atampvt asha ka kishi untuklo ho okla ishi tok.

9. Mihma okla impa tuk vt tahlepa sipokni ushta
 tuk a tok; yohmi ma okla hash kanima pit yuhli tok

10. Mihmvt ashalika nan im ai ithvna vhleha has
 apihvt peni pit fohkvt ia mvt, Talmanuhla yakni a kani
 ho ona tok.

11 Mihmi Falisi vhleha hvt ayvt ai vla cha, imomaka
 hosh, nan isht ai atokowa vba minti ka okla ai im a
 hosh himona isht it im anumpulit aiasha tok.

12. Mihmi chitolit chukvsh ai anukaka hiha mvt, Na
 tihma ho hatak himonasi aiasha ilvppvt nan isht atokow
 okla hoyo cho? Ahli mak o hvchim achi lishke, H
 himonasi aiasha ilvppa nan-isht atokowa nana hosh in
 he keyu mak oke, im achi tok.

13. Mihmvt issvt ivt, peni ash o anonti chukowa
 mish-tvnnvp o ia tok.

14. Mihma nan im ai ithvna vhleha hvt pvska okla
 he tuk vt immihaksi, yohmi mvt peni a foka kvt pvska
 ka ont ia keyu ho okla isht aya tuk a tok.

15. Mihma yvmmak ash osh achukmalit nan i
 Falisi vhleha i pvska isht-shatvmmi, micha Helot i
 isht-shatvmmi aiena ka im il anuktahlvt ahah! ahnit
 pihisashke, achi tok.

16. Mihma ilap bika it im anumpulit, Pvska vt ik
 iksho kak oka, achi tok.

17. Mihma Chisvs vt akostininchi mvt, Na katihm
 pvska vt ik hvchim iksho kak atuk a hvsh miha cho?
 ik akostinincho, mikmvt hvch ik ithano aiena kvt moma
 hvchi chukvsh vt kello kvt moma ho tuma!

18. Hvchi nishkin vt asha kvv hvch ik peso cho? micha hvchi haksobish vt hinli kvv, hvch ik haponaklo hq? mikmvt hvch ik ithano cho?
19. Pvska tahlapi hq hatak tahlepa sipokni tahlapi ka in ushahlichu li ma, boshulli vt kishi alota katohmi hq hvsh shi ha tok o? im achi ma, Auah-tukló, okla achi tok.
20. Anonti tahlepa sipokni ushta ma, untuklo tuk a a boshulli vt kishi alota katohmi hq hvsh ishi ha toko? achi ma, Untuklo, im achi tok.
21. Yohmi ma, Katiohmi hq na hvch ik akostinincho boh cho? im achi tok.
22. Atuk osh Betsaita vla; yohmi ma hatak lva yo okla isht im ona mvt, yvmmak ash potola chi ka im asilhha tok.
23. Mihma hatak lva yash o ibbak a halvli cha, tvmaha a ishit kohcha; yohmi mvt nishkin a im on tofa cha, ibbak isht umbitepa mvt, Nanasi kia ish pisa cho? achit i po-
haklo tok.
24. Mihma vba chakali mvt, Hatak vt iti yak o chohmi tokak osh itvnowa hq pisa lishke, achi tok.
25. Yohmi ma anonti nishkin ash o ibbak isht umbitepa mvt, vba chakalichu tok: mihma hlakofi cha, hatak moma a pisa achukma tok.
26. Mihma in chuka pit chvffichi mvt, Tvmaha ha ont shik chukowokmvt, anonti tvmaha asha ka achvona kia chik im anolo kashke, achi tok.
27. Mihmvt Chisvs vt nan im ai ithvna vhleha ha ai ita-
pehvt kohchvt ivt, tvmaha Sesalea Filippi ya ona tok:
mihmvt takla ya nan im ai ithvna vhleha hash i ponaklot,
Okla hvto kvta sia hq miha cho? im achi tok.
28. Mihma afalaminechi mvt, Chan Baptist; yohmi kia kanimi mvt, Elias ak o achi; kanimi kvto Hopaii vhleha ha tok achvona mak oka, achi hoke, achi tok.
29. Mihma, Amba hvchishno vto kvta hq hvs si achi hq? im achi ma, Pita yvt afalaminechi mvt, Chishno ak osh Klaist chia mak oke, im achi tok.
30. Mihma yvmma hatak nana kia ik im anolo ka chi ka kvullochit i miha tok.

31. Mihmvt Hatak Ushi vt nan-isht ai ilbvsha in laumicha hochitoka vhleha, mikmvt na-holitompa isht pehlich i vhleha, anonti na-holissochi vhleha aiena ka a kvlakshit illa he; atuk mvt nitak atuchinakma anonti hi a isht im avvchit isht ia tok.

32. Mihmvt anumpa yvmmak ash o haiakvchit anumi honli tok. Mihma Pita yvt halvli cha, im alvmmit isht tok.

33. Yohmi ma yvmmak ash osh filemvt nan im ai ilbvshleha hash pisa mvt, Pita yash im alvmmit, Setan chivm ashaka yo ish hikiashke: chishno vto Chihowa anukfila hano ish ahninch i keyu, amba hatak ai im aniyok mak oka, achi tok.

34. Mihmvt okla ha, micha ilap nan im ai ithvna aiena kash hoyot itvnahli mvt, Kvna hosh siakaiyvt aya mvt, ik ile holitoblott im ititaiyukhvna ma sholi cha, yashke.

35. Kvna hosh ilap im ilhfiopak a okchalinechi ka hokvt i kvnia he; amba vno pulla, micha vbanumpa pulla ho kvna hosh im ilhfiopak a kanchi hokvto, mihi okchalinecha hi oke.

36. Hatak vt yakni a mominchit immi ikbi hoh kia, ilap im ishilombish ash osh i kvnia kvtt, nanta ho isht achukma hinla cho?

37. Keyukmvt, hatak vt nanta hak o ilap shilombish atobba hinla cho?

38. Yohmi hoka haui shahli, mikmvt nan-ashvchi aiena aiasha ilvppa kvna kia vno, micha vm anumpa ka ai i hofahya atukma, mihi yo Hatak Ushi vt Iki im topa il ai ishit, enchil holitopa vhleha aiena pehlich i vlakmvt, i hofahya ak inla hi oke, im achi tok.

CHAPTA IX.

Chisvs vt nvni chaha oiyvt pakna ont hikia mvt inlvtt
11 mikmvt Elias vt vla he achi chatuk a, Chan Baptist ak
mak atuk o anoli; 14 mihmvt hatak achvfa hosh shilombish

pulo anukfohka kvt ik haponaklo, micha anumpula he keyu ka aiena tuk o hlakofichi; 30 mihmvt ititaiyukhva a takalit illi tuk mvt, anonti falamvt tana hi vt atuklanchit anoli; 33 nan im ai ithva vhleha hvt nafehna bvnvt asha ka, Chisvs vt nan isht i miha, 38 mihma kva hosh nan isht ahullo okpulo ya ilap hohchifo ak o isht kocha weli hoka ik ataklmo ka hi a i miha; 42 na yimmi im anukfila ik hochito puta yoshubli ka ai vhpesa keyu ka miha.

1. MIHMVT, Ahli mak o hvchim achi lishke, Ilvppa hioh-naya ka kanimi kvt ik illo hosh Chihowa aephlichika yvt an-isht ai ahlika ya ai it ishit vla na pisa chi kvt, asha hoke, im achi tok.

2. Atuk osh yvmmak atuk a nitak hannali ma, Chisvs vt Pita, micha Chemis, mikmvt Chan aiena ka yvmmak bano o pehlichika cha nvni chaha yo pit oia tok: mihmvt inlv obvt itikba hikia tok.

3. Mihma im ilefoka yvt shohmalali tohbit knia kvt, okti vushi ak o chiyuhmi tok: yohmi hatuk o nantvna tohbichi pana ak osh i shahlichit tohbicha he keyu ki tok.

4. Mihma Elias, micha Moses itatuklo hosh ant i haiaka ok: mihmvt yvmmak ash osh Chisvs a it im anumpulit ikla tok.

5. Yohmi ma Pita yash ot anumpuli mvt, Chisvs ash o, i shahli ma! ilvppa e maya kvt pim achukmvshke: yohmi ta vltipo tuchina kak o il ikbi na achvft chimmi hokma, anonti achvft Moses ak o immi hokma, anonti achvfa kvt Elias ak o immi hashke, im achi tok.

6. Yohmi ka okla nukshopa fehna hatuk o nana a miha k ithano ha tok.

7. Yohmi ma hoshonti hvt ant im okhlilichi tok: mihma hoshonti anukaka ya auet anumpuli kvt, Ilvppak osh Svso holitopa mak oke, hvsh i haponaklashke, achi tok.

8. Mihma ashalika filemvt okla hopokoyo kvt, hatak nla nana kia ik peso; amba Chisvs ash bano ho ai it apiha tok.

9. Atuk o nvni asht okla akowvt minti ma, nana ka okla pisa tuk vt hatak nana kia ik im anolo mak o, Hatak Ushi vt illi tuk vt tani ha ya hi a, i miha tok.

10. Atuk o anumpa yummak ash o ilap illvt okla ithva
 Illi tuk osh tani kv̄t nanta hak oh chishba? ahnit ilap
 it im a ponaklot itvnova tok.

11. Mihmvt im a ponaklot, Na katihmi hō na-holisso
 v̄hleha hv̄t, Elias ak osh tikba v̄la pulla he, okla achi
 achi tok.

12. Mihma afalaminchi mvt, Ahli, Elias ak osh tikba
 cha, nan-okluha ka ant falaminchit apoksiacha he; mik
 Hatak Ushi vt kaniohmit nana l̄awa ka isht ai ilbusba
 micha nan isht ik ahobo ka he aiena ka isht a holisso
 oke.

13. Yohmi kia, Isht a holisso tok mak oka Elias
 ahli ho mv̄hli: yohmi na okla kanimihchi b̄v̄nna kv̄t
 mak ash o im ai yvmihchi tuk oke, hv̄chim achi lishke
 achi tok.

14. Atuk osh nan im ai ithvna v̄hleha aiaasha ka ona
 okla chinto fehna kv̄t aiaasha ma, anonti na-holissochi
 hv̄t yummak ash o nan im asilhhv̄chit maya na ont pisa

15. Mihma okla hv̄t yummak ash o pisa mvt, mih
 hō okla nukhlakancha feh̄mvt, yihlepv̄t im ai onvt, okla
 pv̄chi tok.

16. Mihma na-holissochi v̄hleha hash o i ponaklot, Na
 mak o hv̄sh it im asilhhv̄chi hatuk o cho? achi tok.

17. Yohmi ma okla laua yash osh achv̄vt afalam
 mvt, Nan-ithvnanchi ma! s̄uso hv̄t na-shilombish ik
 pulo yō il ai eshi hatuk o ishit chim v̄la lishke.

18. Yohmi ka kanima yō ai ilhkolichikmvt, haiochi
 chi chatuk: mikma itukpokpokit noti ahampvt, chun
 taha chatuk; yohmi hō na chim ai ithvna v̄hleha h̄a yun
 kohcha ch̄i ka im anoli li tuk ak o, okla kohcha he keyu
 tuk oka, achi tok.

19. Mihma afalaminchi mvt, Na yimma he keyu ish
 unchululi hv̄chia ma! hv̄chi takla ahanta l̄i katiohmi foka
 cho? nana ka isht ak hv̄chi ahno hō katiohmi foka ch̄i
 Isht h̄vs sv̄m v̄lashke, achi tok.

20. Mihma yummak ash o okla isht im ona tok: mih
 yummak ash pisa ma, na-shilombish ash osh mih mak

ho haiochichechi tok; mihma aka itula cha, shalali mvt itukpokpoki tok.

21. Mihma iki ash o i panaklot, Katiohmi foka kash o ilvppvt ai yakohmi tok o? achi ma, Ulla tomba mak a tok.

22. Yohmi ka vbi benna kv luak, mikmvt oka aiena ka it a kanchi beka tuk oke: yohmi kia nana ho ish kanimihcha hinlakmvt, ish pi nukkaklo cha, ish pi apelashe, achi tok.

23. Mihma Chisvs ash osh chi yimma hinla hok ma, nayimmi hokvno nan okluha kv ai i yvmohma hinla hoke, im achi tok.

24. Mihma vlla ya iki yash ot mih makinli no nishkin okchi mihinti hosh chitolit, Chitokaka ma! sai yimmishke; nan-isht ik a sai yimmo ya is svm apelvchashke, achi tok.

25. Mihma okla hv yihlepv ant ai itahoba ka, Chisvs vt pisa mvt, na-shilombish okpulo ash o im alvmmi, Na shilombish ik anumpulo, mikmvt ik haponaklo aiena chia hv ilvppa ish a kohcha cha, mikmvt himmakma chik chukowo ka he mak o chim apesa lishke, im achi tok.

26. Mihma na-shilombish ash osh tahpvvt, yvmmak ash o haiochichechi fehna cha, a kohcha tok: mihma yvmmak ash ot illi yo chohmi tok: yohmi hatuk o, Illishke, achi kv laua tok.

27. Yokmi kia Chisvs ash osh ibbak a halvli cha, taniehi ma; yvmmak ash ot wakaya tok.

28. Atuk o aboha ont chukowa ma, nan im ai ithvna vhleha hash ot ilap banot im a ponaklot, Na katihmi ho pishno vto ymma e kohcha he keyu ke tuk oh cho? achi tok.

29. Mihma, Ilvppa chohmi kv nana ho isht kohcha hi vt iksho, amba vba pit anumpuli, micha na-hullochi aiena hok mak bano hoke.

30. Mihma yvmmak ash asht okla ilhkoli mvt, Kalili a okla hlopulli tok: mihma hatak nana kia akostinincha hi oka, ik ahno ki tok.

31. Yohmi kv nan im ai ithvna vhleha ha nan im avvchi kv, Hatak Ushi vt hatak puta ibbak a fohka hoka, okla

aiokpochit imomaka pisa: 28 mikmut kvna hosh ilap ak o holle pulla hosh nan okluha ka issvt aya tuk okvno im atobba hi vt ha: 32 ilap vt ititaiyukhrna a takalit illi tuk mut anonti, falan tana hi vt himmakma Chisvs vt anoli: 35 Chemis Chan ita te kvt, Chisvs a nana im asilhha; mihma Chisvs vt ilap ma nana im achi mut; 46 ik hoponayo Batimers a hoponayochi.

1. MIHMA yummak ash o asht wakayvt minti Chatan hlopullit mish-tvnnvp a ayvt Chutea yakni a tok: mihma okla hvt im ai itahoba na ai yakohmi yan okvt, anonti nan im avchit ahanta tok

2. Mihma Falisi vhleha hvt im ai vla mut, imomaka p hosh, Hatak vt tekchi a kancha he vllpesa hoh cho? ad i ponaklo tok.

3. Mihma yummak ash osh afalaminchi mut, Moses nanta hak o hvchim apesa tok o? im achi tok.

4. Mihma, It i kvnia holisso hak o ikbi cha, kancha i Moses vt ahni tok, achi tok.

5. Mihmut Chisvs vt afalaminchi mut, Hvchishno hvt chukvsh kvlllo pulla kak o nan vllpisa ilvppa hvchim i tok.

6. Amba nan okluha toba vmmona ka Chihowa hvt ni, tek ita tuklo ho ikbi tok.

7. Ilvppa pulla hatuk mak o hatak vt iki, micha i aiena ka issa cha, tekchi ak o asitia hi oke.

8. Yohmikmut tuklo yummak atuk vt haknip achvfa oke. Yohmi ha mut i himmakma tuklo mak a hi o kvt amba haknip achvfa hoke.

9. Yohmi hoka, Chihowa hvt nana ka it a halvllichi ya, hatak nana kia ik it i filvmmicho kashke, im achi tok

10. Atuk o aboha anukaka maya ho nan im ai ita vhleha hash osh anonti na mihi yash inli ho i ponaklo t

11. Mihma kvna hosh tekchi a kanchi cha, inla yo it a waya hokmut, haui tobtv yummak ash o isht ik vllpisa hoke.

12. Mikma ohoyo hvt i hatak a kanchi cha, inla yo waya hokmut, haui toba hoke, im achi tok.

13. Mihma yummak ash ot potola chi ho vlla chipa

ya okla isht im ai vla tok : atuk ak o nan im ai ithvna vhle-
ha hvt nan isht ai vla yvmmak ash o im alvmmi tok.

14. Yohmi kia Chisvs vt yvmma pisa mvt, ik im vlpieso
fehna cha, Vlla chipunta yvt vm ai vla hi a hvsh ahni cha,
hvch ik im alammo kashke : ilvppa chohmi kak osh Chiho-
wa apehlichika mak oka.

15. Ahli mak o hvchim achi lishke, Kvna hosh vlla iski-
tini ak o chiyuhmit Chihowa apehlichika ya aiokpvchi ho
keyukmvt, yvmmak oka chukowa he keyu hoke, im achi
tok.

16. Mihmvt yvmmak ash o ishit sholi cha, ibbak a isht
umbitepa mvt, yukupali tok.

17. Mihmvt kohevvt ivt hina ont fohka ma, achvvt mal-
elit mintit ant i hvchukbihlepa mvt, Nan-ithvnanchi achuk-
ma ma ! ai okchayvt bilia ya pisa la he vlpesa kvto nanta
hak o yvmohmi la chi cho ? achit i ponaklo tok.

18. Mihma Chisvs ash osh, Na katihmi ho achukma is si
achi cho ? achukma vt iksho ; amba achvfa kak illa : yvm-
mvt Chihowa ak oke.

19. Anumpa vlpisa, Haui chik tobo kashke : Kvna kia
chik bo kashke : Nana kia chik hukopo kashke : Anumpa
ik ahlo isht atokolit chik ahanto kashke : Kvna kia chik
haksicho kashke : Chiki, chishki aiena ka ish holitoblashke,
achi puta ka ish ithanvshke, im achi tok.

20. Mihma afalaminch i mvt, Nan ithvnanchi ma ! vlla sa
tomba kash inli hosh ilvppa puta ka holitoblit isht mihinti
li tuk oke, im achi tok.

21. Yohmi ma Chisvs vt pisa kvv i hullo : mihmvt, Nana
achvfa hosh ik chim onoshke ; ish ia cha, nana hosh chim
ashakmvt, ish kampila cha, ilbvsha puta ka ish imashke :
yohmik mak osh na holitompa kvv vba yakni ya chin tonla
he mak oke : mikmvt mintit ititaiyukhvna ant ish eshi cha,
is siakaiyashke, im achi tok.

22. Mihma yvmvvt nan in laua fehna hatuk osh anumpa
yvmma haklo mvt, nukhaklot, kanima ia tok.

23. Mihma Chisvs vt filemvt hopokoyo mvt, nan im ai
ithvna vhleha hash o, Na palvmmi nana kvv a fehna ho nan

in laua vhleha hvt Chihowa ap ehlichika ya chukowa hi im achi tok.

24. Mihma nan itvna vhleha hash osh anumpa yun achi ka okla nukhlakancha tok. Yohmi kia Chisvs ash anonti anumpuli mvt, Ulla vhleha ma! im ilayak ai an chieto hosh ahanta kvto Chihowa ap ehlichika ya chuk kuno palvmmi kv katiohmi fehna hoh chishba!

25. Kamel vt chofak ushi nishkin a hlopulli ka palv kv, hatak nan in laua yosh Chihowa ap ehlichika chuk ka ik lauwohke, im achi tok.

26. Mihma okla nukhlakancha atampa fehna mvt, Y mikma kvta hosh okchaya hinla cho? ilap bika it im a maya tok

27. Mihma Chisvs vt atokolit pisa mvt, Hatak ok yohma he keyu kia, amba Chihowa hokvno ai yohmi Chihowa yak okmuno nan okluha kv aiahli chatuk achi tok.

28. Yohmi ma Pita vt, Yakeh! pishno vto mominch issa cha, e chiakaiya tuk oke, im achi tok.

29. Mihma Chisvs vt afalaminchi mvt, Ahli mak o chim achi lishke, Hatak nana hosh vno pulla, micha numpa aiena hatuk mak o, in chuka, keyukmvt itibap vhleha, in tek puta, iki, ishki, keyukmvt tekchi, mikm micha yakni aiena ka issvt aya hokvto,

30. Mihi yosh okchaya takla kv chuka, itibapishi ch micha in tek vhleha, mikmvt ishki, micha vlla, anonti aiena kv mihi atuk a ohmi tahlepa achvfa ho pisa he; mvt nan ishtai i palvmmi mvt im aiena tukmvt, anonti inlakma aiokchayvt bilia ya pisa hi oke.

31. Yohmi kia tikba yatuk vt ont ishtaiyopa hi vt la ma, anonti ishtaiyopi atuk vt tikba ya hi vt lauvt ash oke, achi tok.

32. Micha Chelusalem ilhkoli hosh hina vlhtot ash ma, Chisvs vt tikba hikvt ia ma, okokko! okla ahni iakaiya kv nukshopvt okla itvnowa tok. Mihma auah-ta kash o i howa cha, ilap nana im a kaniohma chi kv anolit,

33. Inta! Chelusalem a iloh ilhkolishke; yohmi ka Hatak Ushi vt na-holitompa isht asha pehlichy vhleha, micha na-holissochi vhleha aiena ka ibbak fohka chi; mikma illa he anumpa onochi cha, Chentail okla ho ibbak fohka chi hoke.

34. Mikmvt yvmmak ash o okla ishit yopula, micha fvm-mi, mikmvt on tuftua aiena cha, okla vba chi hoke: atukma nitak ont atuchinakma falamvt tana hi oke, achi tok.

35. Mihma Sebate ushi Chemis, micha Chan ita tuklo kvt im ona mvt, Nan-ithvnanchi ma! nana ho il ahnikma, ish pim aiahlichy hokbano il ahnishke, achi tok.

36. Mihma, Nanta hak o hvchi yvmihchi la hi a hvsh ahni cho? im achi tok.

37. Chim a holitopa ya achvft chibbak isht impak-imma ashakma, anonti achvft vlvfbekimma asha hosh, e chiya li ak o ik yohmi ish ahnashke, im achi tok.

38. Yohmi kia Chisvs ash osh, Nana ho hvsh asilhha hokvt hvsh akostininchy keyushke: isht-ishko vno vt ai ishko la chi ka hvsh ai ishka hinla cho? mikmvt baptismo a vno vt isht baptismo li ka hvchishno vt isht a hvchi baptis-ma hinla cho? im achi tok.

39. Mihma, Pi yvmohma hinlvshke, im achi tok. Mihma Chisvs ash osh, Isht-ishko vno vt ai ishko li ka hvsh ai ish-kokmvt, anonti baptismo vno vt isht a baptismo li aiena ka isht a hvchi baptisma chi ho mvhli hoke.

40. Amba sabbak ishtimpak imma, micha vlvfbekimma aiena asha hi okvno ima la hi o keyu; amba kvna ho im vlttaha mak a he oke.

41. Mihma pokoli kash ot haklo mvt, Chemis, Chan ita tuklo kash okla isht ik i yukpo fehna tok.

42. Yohmi kia Chisvs vt yvmmak ash o hoyo cha, Chen-tail okla i miko vhleha hvt ai i shahlit pehlichy chatuk: mikma i hochitoka vhleha hvt nana kvt im a vlvpiesa mak osh okla ha i yvmihchi chatuk a hvsh ithaiyanvshke.

43. Yohmi kia hvchishno yokvto hvchi yvmohma he key-ushke: amba hvchi kanima mvt i shahli bvna hosh hvch ibafoka hokmvt, nan-isht hvchim vta ya he.

44. Mikma hvchi kanima hosh moma i shahli hvchi bo
nakmvt, moma in tishu hvchia ha hi oke.

45. Hatak Ushi ak kia nan isht im vtta hi o, aya
keyu : amba ilapo ak osh nan isht vtta he, anonti lawa
isht a hlakofa hi a ilap im ilhfiopak a isht atobba he mak
tok oke, im achi tok.

46. Mihma Cheliko a okla ai vla tok : atuk osh nan im
ithvna vhleha, micha okla lawa fehna aiena ho pelichi
Cheliko ash a kohchvt ia ma, Timevs ushi Batimevs
yvt hina lapalika yo a binilit nan asilhha tok.

47. Atuk osh yvmmak ash ot Chisvs Nasalet minti
o haklo mvt, tahpvt, Chisvs Lewi ushi chia hvt is sa
haklashke, ahanchi tok.

48. Mihma nukchinta chi ka, i miha kvv laua tok : y
kia yvmmak o i shahlichy fehvvt tahpvt, Chisvs Lewi
ma ! is sa nukhaklashke, ahanchi tok.

49. Mihma Chisvs vt hikia cha, yvmmak ash o hoyo
miha tok. Mihma hatak lupa yash o ont hoyot, Chi
tanla achukmashke, auct chi hoyo hoke ; wakaya, im
tok.

50. Mihma im anchi ash o kanima pit bohli mvt, w
yvt, Chisvs a ima ona tok.

51. Mihma Chisvs vt afalaminchi mvt, Nanta mak o
yvmihchi la hi a ish ahni cho ? im achi tok : mihma
lupa yash osh, A shahli ma ! hoponayo la hi a, im achi

52. Mihma Chisvs ash ot, Ish iashke ; na chi yimmi
chi hlakofichi hoke, im achi tok. Mihma ashalika hopon
mvt, hina fohkvvt Chisvs a iakaiya tok.

CHAPTA XI.

Chisvs vt issuba haksobish falaia himita om binili cha, Chel
ont chukowa, 1. 12 Fik vpi yo nitak nana ik ano ka hi a
vt im apesa : 15 mihmvt nan-itatoba vhleha tempel anyaka
tuk a kocha pit tihleli. 27 Kanimi kvv nan isht ai vhpesa
ho isht ai yvmohmi hatuk a a ponaklo tuk kia, yvmmak ash
svs vt im a tvblichy.

1. ATUK osh Chelusalem bilika Betfachi, micha Betani ita tuklo, Alif nvnih fehna ho ai vla ma, nan im ai ithvna vhleha hash tuklochit tihleli tok.
2. Mihmvt, lvt tmahushi hvchi chapaka auet talaia ka hvsh onashke: yohmikmvt yvmma ont hvsh chukowa mih makinli hosh, issuba himita hatak vt ik om binilo kisha yvt asinta na hvsh pisa chi hoke: yvmma i hotofit isht hvsh lashke.
3. Yohmi ka hatak nana kia, Na katihmi ho ilvppa hvsh yvmihchi ho? hvchim achi hokma, Chitokaka yak osh bvnna hatuk oke, hvsh achashke: yohmikma mih makinli ho auet pila chi hoke, im achi tok.
4. Mihma it iachi mvt, hina tuklot ant ai it afama ho, issuba himita yvt okhissa kocha ya asinta na ont pisvt okla cha, i hotofi tok.
5. Mihma yvmma hiohmaya tuk vt kanimi kvt, Nanta mak o hvsh katiohmi hosh issuba himita ya hvsh i hotofi cho? im achi tok.
6. Mihma Chisvs vt nan apesa tuk ash o i miha tok: mihma peh ik ilhkoli okla im ahni tok.
7. Mihma issuba himita yash o Chisvs a isht im vla cha, im anchi puta ka om pulli na yvmmak ash osh o minili tok.
8. Mihma hina ya im anchi puta ka pulli kvt laua ma, anonti kanimi kvt iti naksish o vmot hina ya pulli tok.
9. Mihma tikba ilhkoli, micha pit iakaiya aiena tuk vt, chitoli hosh, Hosanna, Chitokaka i hohchifo il ai eshi hosh minti kvt holitopa mak oke.
10. Piki Lewi apehlichi vt Chitokaka i hohchifo il ai eshi hosh aya kvt, holitopashke; shutik tvbokaka fehna, Hosanna ai ahanchashke, achi tok.
11. Mihma Chisvs vt Chelusalem a ont chukowvt, tempel a ont chukowa tok: micha nana puta kash filemvt pisvt in taha, mihma opivt taha aiena hatuk o, auah-tuklo kash o pehlichi cha, pit kohchvt Betani a ia tok.
12. Atuk osh ont onna ho, Betani a asht okla minti na, yvmmak ash osh hohchvfo tok.
13. Micha fik vpi vt hishi asha hosh, mishema ka hikia

hō pit pisa tok; mihmvt yvma nana kia ahayuchi li yō hinla kā, ahni cha, ona tok; atuk osh ona mvt, fik vt a nu ik ai ono kisha hatuk o, nana kia iksho hō, amba hishi bano na ont pisa tok.

14. Mihmvt Chisvs vt anumpuli mvt, Himak a pilla hatak nana kia vni isht ik chi ai vpo hō biliashke. Mih nan im ai ithvna vhleha hvt haklo tok.

15. Atuk osh Chelusalem a okla ai vla tok: mihma svs vt tempel a pit chukowa mvt, tempel anukaka ya a kanchi, micha a chumpa aienvt maya tuk ash koche yuhli mvt, anonti tuli holisso a bohlt itatoba ai-impā, pvechi vllhpoba kanchi vhleha im ai om-binili aiena tuk halvllit filemohlit kinahlichī tok.

16. Mihmvt hatak nana kia ai vlbeha ya tempel hlopulla hi a ik im ahno ki tok.

17. Mihmvt nan im avrchit, Ūm aboha ya oklushi kvt vba pit ai anumpuli chuka hochifa hi oke, achi hosh lisso hō keyu? yohmi kia hvchishno yokvto na vhleha in chuka yō ish ikbishke, achi tok.

18. Mihma na-holissochi vhleha, micha na-holitompā asha pehlichī vhleha aiena kvt haklo mvt, okla ak osh mvt, yvmvt nan isht im avrchi ka ai im anukhlakan hatuk o i komunta mvt, kanimihchit vbi ka ahni tok.

19. Atuk o opivt taha ma, tmaha hash a kohchvt ia

20. Atuk o onnahinli ma, fik vpi ash ot ak-isht-vla vhlit bvshit kvnia tuk o pit pivt ont ilhkoli tok.

21. Mihma Pita vt pit anukfilli mvt, Yakeh! a sh ma! fik ik ano ka hi o ish im apesa kash bvshit kvnia im achi tok.

22. Mihma Chisvs vt afalaminchī mvt, Chihowa ak o i yimmaskhe.

23. Ahli pulla hō hvchim achi lishke, Kvnia kia chaha ilvppa, Kanvllit, okhvta hak o pit ish okvtulash im achi cha, chukvsh mvt anuktuklochi ik im iksho, nana hō miha tuk vt ont aiahla hi a yimmi hokm aiahla hi oke.

24. Yohmi hoka vba pit hvsh anumpulikmvt, hvsh as

kvt hvsh isha hi vt hvchi yimماشke, yohmik mak osh hvchim aiahla hi oke.

25. Micha vba pit anumpulit hvsh hikiakmvt, nana a hvchi kaniohmi tuk ashakma, hvsh i kashofashke: yohmi na hvchishno na hvchim aiashvchika puta ka Iki vba binili kvt hvchi kashofi makinlashke.

26. Amba hvsh i kashofi keyu hokmwno, hvch Iki vba binili kvt hvchishno a na hvchim aiashvchika puta ka hvchi kashofa he keyu akinli hoke, im achi tok.

27. Atuk o anonti Chelusalem a okla ai vla tok: mihma ymmak ash ot tempel anukaka ya nowvt hikikja ma, naholitompa isht-asha pehlichhi vhleha, micha na-holissochi vhleha, mikmvt hatak hochitoka vhleha aiena kvt im ai vla tok.

28. Mihmvt, Nan isht ai vlpesa mak o ilvppa puta ka ish yakohmichi cho? micha ilvppa puta ka ish yakomichi ka nan isht ai vlpesa ka kvta hosh chim apesa tok oh cho? im achi tok.

29. Mihma Chisvs vt afalaminchi mvt, Uno ak kia nana achvfa ka hvchi ponaklo likma, hvs svm anolashke; yohmikma, vno vt nan-isht-ai-vlpesa kaniohmi ho ilvppa puta ka isht ai yakohmichi li hatuk vt hvchim anoli lashke.

30. Chan i baptismo vt vba yakni a minti hokma, keyukmvt hatak akinli hokma, nanta tuk oh cho? oh vm anoli, im achi tok.

31. Mihma ilap bika it im anumpohonlit, Vba yak a tok: il achi hokma, Yohmik mak o katiohmi ho hvch ik i yimmo tuk oh cho? acha hinla.

32. Amba, Hatak ak a tok; il achi hokma, achi mvt, okla moma kvt Chan a hopaii fehna hoke, ahni hatuk o, okla hak o i nukshopa tok.

33. Mihmvt afalaminchi mvt, Chisvs ash o, Il anola he keyushke, im achi tok. Mihma Chisvs vt afalaminchi mvt, Uno vt nan isht ai vlpesa kaniohmi ho ilvppa puta ka isht ai yakohmichi li tuk vt ak hvchim anoloshke, achi tok.

CHAPTA XII.

Pak-vpi a holokchi yō hatak toksvli ai vhpesa keyu vhleha i tok o isht vhpisa, 1. 13 Falisi vhleha hvt Sesa tvli holisso im itak ak o Chisvs a isht i ponaklo hō, anumpa falama ima. 18 Sesa vhleha hvt hatak illi falamvt tana hi ak o, Chisvs a isht i a ponaklo hō, im anoli: 28 anumpa vhpisa puta kv̄t kanima kak osh mō i shahli hatuk a Chisvs vt im anoli: 35 Klaist vt kv̄na hak o ahinla ka, ponaklo: micha nan im ai ithvna vhleha hā ahah ahna chī ka, i miha. 41 Ohoyo ilbvsha i hatak illi yosh mait hō tvli holisso abohli yā ont apitta hō, Chisvs vt im ahninchit.

1. MIHMVT nan-isht-vhpisa hō isht im anumpa ahanta mvt, Hatak osh pak-vpi aiasha yā hokchi cha, apushi isht a holihtvehit apakfobli cha, oka-paki ai vlt yā kulli cha, chuka chaha yō ikbi mvt, hatak toksvli vhl hō i pota cha, yakni hopaki hō ia tok.

2. Atuk osh waya he ai vhpesa ma, pak-vpi aholob nana waya ka, hatak toksvli vhleha hash ot ipeta chī hatak toksvli vhleha hash o tishu hā pit in chvffichi tok.

3. Atuk ak o yvmmak ash o okla it i hoklit boli cha, ma kia iksho hō pit chvffichi tok.

4. Mihma anonti tishu inla hō pit in chvffichi tok: o yvmmak ash o tvli isht bolit, noshkobo hā mitvffit hō yalichi fehna cha, okla pit chvffichi tok.

5. Mihma anonti inla hō pit chvffichi tok: mihma y mak ash o okla vbi tok: mihma inla yvt laua hō pit y kash kia, pit aieninchit kanimi ka boli mvt, anonti ma vbi tok.

6. Yohmi hatuk o iso achvfa, i holitopa fehna yosh anta moma mvt, Svsō hokvno okla holitobla chī hoke, mvt, ishtaiyopi mak o yvmmak ma pit chvffichi tok.

7. Yohmi tuk kia hatak toksvli vhleha hash ot Ilvpi osh immi mak oke; inta! kiloh vbi na immi hatuk pimmi hashke; it im achit maya tok.

8. Micha yvmmak ash o it i hoklit vbi cha, pakvpi a lokchi a ai ishit kocha pila tok oke.

9. Yohmi kvno, pak-vpi aholokchi immi atuk vto nanta hak o katiohma chi cho? Yvmmak ash ot vla cha, hatak toksvli vhleha hash o vbit tahlikmvt, pakvpi a holokchi ash inla ho im issa chi hoke.

10, 11. Yohmi ka, Tvli ymma chuk-ikbi vhleha hvt shiti-
lema chash o, yvmmtv chukbika nutaka in tola holitopa i
shahli ho tobvshke. Ilvppa Chitokaka yvt yvmihchi ha
tok o, hvpi nishkin a i na-fehvvshke, achi Holisso Holitopa
ilvppa hvch ik it im anumpolo chatuk oh cho? im achi tok.

12. Mihma nana isht apesa hosh ilap ak o isht anumpuli
tuk a okla ithana hatuk osh, yvmmak ash o hoklit ishi bvna
hokak osh, okla ak o i nukshopa tok: mihmvt yvmmak ash
o issvt filamohlit taha tok.

13. Mihmvt ilap im anumpa akinli ho isht ai isht kanv-
pacha chi ka, Falisi vhleha kanimi, micha Helotian iksa
aiena ho pit on tihleli tok.

14. Atuk o yvmmak ash ot ai vla mvt, Nan-ithvnanachi
ma! chishno yokvt aiahli chia, mikmvt hatak nana kia nan
isht ik chim ahobo; hatak nashuka yak o ish pisa ho keyu
hatuk okvt; amba Chihowa nana aiahni ak o aiahlit ish
ithvnanchi chatuk a il ithaiyanvshke. Noshkobo isht
chumpa tvli holisso ya Sesa yak o ima he ai vhpesa hok-
ma, keyukma, nanta cho?

15. Pi kvniakma, ik pi kvniokma nanta chi cho? im
achi tok. Yohmi kia okla nan ilahobi ka ithvna hatuk osh,
Na-katihmi ho vmomaka hvs sa pesa cho? iskvli isht hvs
svm vla na pisa lashke, im achi tok.

16. Mihma okla isht im vla tok. Mihma, Ilvppvt kvta
hak o holvt toba ho, mikmvt kvta ho a hohchifo ho? im
achi tok. Mihma Sesa yak oke, okla im achi tok.

17. Mihma Chisvs vt afalaminci mvt, Nana puta kv
Sesa yak o immi hokma, Sesa yak o hvsh imashke; mikmvt
nana puta kv Chihowa ak o immi hokma Chihowa ak o
hvsh imashke, im achi tok. Mihma okla i nukhlakancha
tok.

18. Yohmi ma Satusi vhleha hvt, Illi yvt falamvt tana he
keyu; achi mak osh im ai vla cha, i ponaklot,

19. Nan-ithvnanchi ma! Kuna hoh kia itibapishi hvt tekchi asha hosh vlla vt iksho hō illikma, itibapishi ash tekchi atuk a itauwaya cha, itibapishi im vlla ai ikba hi Moses vt holisso pim ikbi tok.

20. Atuk o itibapishi hvt untuklot asha tok; mihma ak osh tekchi asha tuk osh, vlla iksho hō illi tok.

21. Mihma iakaiya kash osh itauwaya tuk osh, anō vlla vt iksho hō illi tok: mihma ont atuchina kvt mih tok.

22. Mihma untuklo kash osh okla itauwaya ka, vlla iksho ki tok: ont ishtaiyopi ma ohoyo hash kia illi tok.

23. Yohmi ka illi yvt falamvt tanikma, okla tanik mō untuklo hosh itauwaya tok a ymma katima ai yukali mak tekchi mak a hi oh cho?

24. Mihma Chisvs vt afalaminchi mvt, Holisso Holito misha Chihowa nan isht im aiahli ka ajena ka hvch ik itah hatuk osh hvsh ashvckhi hō keyu?

25. Illi tuk vt tani hokvto, okla ik itauwayokma, anō auwaya he i bohli kia iksho ka hi oka; amba enchil vhlē vba yakni aiasha kak inli hō chiyuhma hi oke.

26. Mikma illi ymmak okvto tana he ak o miha hō Chihowa hvt bufaha anuka a kaniohmit im anumpuli mō Vno ak osh Eblaham in Chihowa sia, mikmvt Aisaak Chihowa siakmvt, anonti Chekob in Chihowa sia hō achi tok a Moses i holisso hā a hvch ik peso chatnk oh ch

27. Ymmak okvt illi ak o in Chihowa keyu, amba chaya ak o in Chihowa yoke: yohmi hoka hvchishno ak o hvsh ashvchi fehna hoke, im achi tok.

28. Mihma na-holissochi vhlēha hvt achvvt vla ch okla it im anumpulit maya ka haklot, ymmak ash vhlpesa fehna isht i miha na akostininchī mvt, Nan-vlhpesa moma i shahli katima kak osh vmmōna fehna boh ch achit i ponaklo tok.

29. Mihma Chisvs vt afalaminchit, Nan vhlpisa moma shahli vmmōna fehna kvt, Israel vhlēha ma! ho hak Chitokaka hvpin Chihowa vt Chitokaka achvfa hoke.

30. Micha Chitokaka chin Chihowa ya chi chukvsh

mominchit, chi shilombish a uhvlinchit, mikmvt chim anuk-fila ha mominchit, anonti chim ishtlampko ma a mominchit isht ish holitoblashke, achi ilvppak osh nan-vlhpisa moma i shahli vmmona hoke.

31. Mikma atukla kvt yvmmak inli ho chohmi hoke, Chin chuka-panta hatak a ish holitobli kvt, chishno akinli ka chim itilauashke, achi hoke: nan vlhpisa inla vt ilvppa i shahli kvt ikshoshke, im achi tok.

32. Mihma na-holissochi ash ot, Vlhpesa nan-ithvnanchi ma! aiahli mak o ish mihvshke; Chihowa hvt achvfa; yohmi ka inla mvt iksho ho yvmmak illvshke;

33. Mikma yvmmak ash o chukvsh a mominchit, im anukfila ha mominchit, anonti shilombish a mominchit, im isht-hlampko ma mominchit isht holitoblikmvt, in chuka-panta hatak a holitobli kvt ilapa ai itilauachi kak osh vba isht aiokpvchi nana achvfa nipi vt momvt lua puta ka, micha vba isht aiokpvchi aiena ka moma i shahlishke, im achi tok.

34. Mihma yvmmt vlhpesa fehna miha na Chisvs vt pisa mvt, Chihowa apchlichika ya auet ish i hopaki ke-yushke, im achi tok. Mihma yvmmak ash i himmakma hatak nana kia ik nukwiyot nana ik im asilhho ki tok.

35. Mihma Chisvs vt tempel anukaka nan avchit ahanta mvt, anumpulit, Katiohmi ho na-holissochi vhleha hvt Klaist vt Lewi a ushi achi cho?

36. Lewi vt ilapo inli kak kia Shilombish Holitopa pulla kak o Chitokaka yvt an Chitokaka ya, Svbbak ishtimpak-imma ya ish binili na chin tvnvp vhleha ha chiya ai-o-hikia ya iki lashke, im achi kvo, achi tok.

37. Yohmi kvt Lewi vt ilapo akinli kvt yvma Chitokaka hochifo tok; yohmi ka katiohmi kak osh yvmmt ushi yoh cho? achi tok. Mihma hatak holitempa keyu kvo momvt i haponaklo kvt na-yukpa tok.

38. Mihma nan isht ai im avchit ahanta kvt, Na-holissochi vhleha na-fohka hofaloha abehkvchit itvnova kvt im achukma, micha ilhpak a kanchi ya ai it aiokpvchi aiena kak osh im achukma;

39. Mikmvt sinakak a aiasha holitopa i shahli, mikmvt impa chito asha ka aiasha holitopa i shahli aiena kak im achukma;

40. Micha ohoyo i hatak illi puta in chuka a wehp mikmvt peh vbanumpuli ilahobi kvt anumpa ilbvsha fal chit itvnova yoka, ahah! hvsh im ahnashke; yumm okvto nana palvmmi kvt i shahli hosh im vlpisa hi oke, achi tok.

41. Mihmvt Chisvs vt tvli holisso abohli i chapaka ashvt okla hv tvli holisso tvli holisso a bohli pit apitta pisa tok. Mihma nan in laua atuk vt lauachit pit ap kvt laua tok.

42. Mihma ohoyo i hatak illi ilbvsha achvfa hosh mvt, mait tuklo yummvt sint achvfa ik ono ho pit ab tok.

43. Mihma nan im ai ithvna vhleha hash o hoyot, mak o hvchim achi lishke, Ohoyo i hatak illi ilbvsha pak osh tvli holisso abohli pit apittvt aiasha ka mom shahlichit fohkishke.

44. Moma kvto nan in laua im atampa hatuk osh bohli hatuk: amba yummvt ilbvsha yatuk vt ishi tuk mominchit pit bohli, isht okchaya he tuk ash kia mom chishke, im achi tok.

CHAPTA XIII.

Tempel, micha Chelusalem aiena kvt aiokpulokvt taha hi a vt tikbanli anoli: micha nana kvt ont ik a yakohmo takla ka kvt isht ahoba kvt kaniohma he, 1; 14 micha na-palvmmi k kaniohma he aiena ka anoli: 24 mihmvt ilapvt aya chik nana kvt ai yakohma chi ka, ai onvt mahaya hi a anoli: 32 kaniohmi, hvshi kanvlli nana ho ai yakohma hi a, hatak nana ithana keyu hatuk o, moma kvt il anuktahvt vba pit an honlit im vltahvt maya chi ka, miha.

1. MIHMVT tempel a a kohchvt iak fehna, nan im ithvna vhleha hv achvft, Nan-ithvnanchi ma! tvli bo

puta, micha chuka hochito puta aiena kvt a kaniohmi hosh yak aiasha ka, pisá, im achi tok.

2. Mihma Chisvs vt afalaminechi mvt, Chuka hochitoka yak hiohmaya ka ish pisa cho? tvli vt achvfa kia aka ik itulo ka hi vt it on tvlkanchit itonla kvt iksho hoke, im achi tok.

3. Atuk osh tempel in chapaka Alif nvni paknaka ya asha ma, Pita, micha Chemis, mikmvt Chan, anonti Antilu aiena kvt lumvt i ponaklot,

4. Nitak katiohmik mak o ilvppa puta kvt yohma hi o, micha ilvppa puta kvt ont aiahla chikma, nanta hosh ai isht atokowa hi oh cho? ish pim anolashke, achi tok.

5. Mihma Chisvs vt afalaminechi mvt, Ahah! hvsh aiahni na hatak nana kia ik hvchi yoshublecho kashke.

6. Sa hohchifo isht hohchifo kvt itvnova cha, Klaist sia mak oke, achi kvt laua he, micha lauachit yoshublichia hi oke.

7. Yohmikma tvnvp asha, micha tvnvp asha he annoa puta aiena ka hvsh haklokmvt, ik hvchi komunto kashke: ilvppa puta kvt moyumvt ont a yvmohmi pulla hi oke; yohmi kia ont ai-vhli kvto ik ai ono kisha hoke.

8. Okla achvfa kvt okla makinli ka it amokvfa he, mikmvt ap ehlichika achvfa kvt ap ehlichika mak inli ka it amokvfa hi oka; yohmikma yakni ilaiyuka ka yakni vt a winakvcha he: mikma hohchvfo, micha okla ik it im ai achukmo aiena kvt takala hi oke: yakohmi kak osh nanukhaklo ai ishtia vmmona mak oke.

9. Yohmi kia ahah! hvsh il aiahnashke; okla hvch ishit nan apesa vhleha ibbak a hvchi fohka he: mikma sinakak anukaka ma a hvchi a bohova he: micha atokowa hvsh im anola chi ka, vno pulla hatuk mak o na pehlichika vhleha, mikma miko puta aiena itikba ya hvch ishit ohona hi oke.

10. Yohmikma vbanumpa hak osh tikba oklushi moma ka isht ai im anuhumpa pulla hi oke

11. Amba okla hvch ishit, ivt okla ibbak a hvchi fohkikma, nana hvsh anumpula hi vt tikbanli hvch ik anukfillokmvt, anonti tikbanli anukfillit ik hvchim vltaho kashke:

amba hvshi kanvlli yvmma fehna ka nana ho hvchi nukilla kikma, yvmmak o hvsh anumpulashke: hvchishno ak hvsh anumpula hi o keyu, amba Shilombish Holitopa ya hi oke.

12. Mikma itibapishi hatuk vt itibapishi hash illi issak anonti iki atuk vt iso ha illi issa he; mikma vlla vhleha iki, ishki ita tuklo ka i nukkilli cha, illi issa hi oke.

13. Yohmikma vno pulla hatuk mak o hatak moma hvchi nukkilli hi oke: yohmi kia kvna hosh aiahlit mahai ai vhl i ka ona hok mak osh, mihi yosh okchaya hi oke.

14. Yohmi kia hopaii Taniel vt isht anumpuli tok okpni a i nukkilli vhpesa kvv a hikia he keyu kvv hikia hvsh pisakmvt, (kvna hosh ilvppa it im anumpulika akostininchashke,) yohmikma Chutea ya asha tuk mvt nih chaha pit a yihlepashke.

15. Mikma kanima hosh aboha paknaka ahanta tuk aboha ya akowa cha in chuka ya nana kia ai ishit koba chi kvv, ont ik chukowo kashke.

16. Yohmikma osapa anukaka yo anta tuk mvt, i fohka ya isha chi kvv, falamvt ik aiyo kashke.

17. Yohmikma nitak yvmma foka ka kvna hosh shanli hatuk, mikmvt vlla pishechi atuk aiena hokvto palvmma he mak oke.

18. Micha hvstula yo hvch ik yihlepo ka hi vt vbi hvsh anumpohonlashke.

19. Nitak yvmma foka na-palvmmi kvv nana toba vna na Chihowa hvv nan ikbi tok ai vhlit mihinti ka yvmm chohmi kvv iksho chatuk: mikmvt yvmma chohma he ka hi oke.

20. Micha Chihowa yak osh nitak yvmma foka ka kohlich i tuk o keyukma, hatak nana hosh okchaya he keyushke: amba nan-vlhtoka ilap vt atokoli tok pulla mak o nitak yvmma hokohlich i tok oke.

21. Micha yvmma fokakma hatak nana hosh, Yakh Klaist vt ilvppak o antvshke, keyukmvt yakeh! yvmm antvshke, hvchim achi hoh kia, ik hvchi yimmo kashke.

22. Klaist ilahobi vhleha, micha hopaii ilahobi vhl

aiena tobtv hiohli kvv nan isht atokowa puta, micha nafehna puta aiena ka otvnihinchit, yohma he yobakma, nan-vlhtoka vhleha nana kia yoshublichia hi oke.

23. Yohmi kia yakeh! nan okluha ka tikbanli hvchim anoli li tuk oke, ahah! hvsh aiahnashke.

24. Amba na-palvmmi yvmmak atuk a misha foka nitak okvno, hvshi vt okhlilikma, anonti hvshi ninak aya mvt ik tommo ka he.

25. Mikma vba fochik puta kvv aka fohopakma, vba shutik nana aiasha puta kvv winakvcha hi oke.

26. Yvmma fokakma, Hatak Ushi vt nan-isht-aiahlika chinto, micha isht a holitopaka chinto aiena ka il ai eshi hosh hoshonti anykaka mihinti na okla pisa hi oke.

27. Yvmma fokakma yvmmak ash ot im enchil vhleha ha pit tihleli na ilap i nan-vlhtoka vhleha ha a mahli ushta yakni atahaka ya ai vhlit shutik ont ataha pit ai vhlia ka a hoyot itahoba hi oke.

28. Inta! fik vpi nan isht vlhpisa ka hvsh ai ithvnashke; Yvmmak okvt hishi toba chi hosh bokoblit tahakma, toffa chi kvv olanlosi ka hvsh ithana hoke.

29. Yohmi hokvt hvchishno vt yvmmak o hvsh chiyuhmi; na-yakohmi puta kvv ont aiahli na hvsh pisakmvt, ai vla hosi, okhissa ak kia ai itukonofa hoka hvsh ithanashke.

30. Ahli mak o hvchim achi lishke, Himak a okla maya ilvppv ont ik taho kisha ho, nana ilvppa puta kvv a yvmohma chi hoke.

31. Vba shutik, micha yakni aiena kvto ont ai iksho ka he, amba vm anumpa puta hatuk vto ont ai iksho ka he keyushke.

32. Yohmi kia nitak yvmmak a he, micha hvshi kanvlli isht vlhpisa yvmmak a he aiena hokvno, hatak nana hosh pit ithana keyu, enchil vhleha vba aiasha, mikmvt Ushi aiena kak kia pit ik ithano, amba Iki ak bano hoke.

33. Ahah! aiahnit okchvt vba pit hvsh anumpohonlashke: nitak ont ai vlhpesa hi a hvsh ithana keyu hoka.

34. Hatak Ushi vt hatak osh anowa hopaki ia hosh, in chuka issvt ia mvt, in tishu vhleha hash o chuka apesvchi

atokoli mvt, mominchit a toksvli aiyuka im apesa okhissa atoni ash o ahah! ahnit okcha chi ka, im apesa tok o chohmi hoka.

35. Yohmi hoka ahah! ahnit hvchi okchashke: chvfa pehlichy vt opiakmá, keyukmvt ninak iklvna hok akaka ohonla kak okmá, keyukmvt, onnahinli kak oh nana ho vla hi a hvsh ithana keyu hokvt.

36. Yvmmak keyukma ashalika vla cha, nusi hosh hv maya na ant hvchi pesa hinla hoke.

37. Yohmi hoka nana ho hvchim achi li kvv moma o Ahah! ahnit hvchi okchashke, im achi li hoke, achi oke.

CHAPTA XIV.

Na-holitompa isht asha micha na-holissochi vhleha aiena kvv Chisv a illichy chi kvv anumpa it im achvfa, 1: 3 micha ohoyo hosh shi ahama Chisvs noshkobo yo o fohopli. 10 Chutas Iskariot Chisvs a ishit okla ibbak a fohka chi kvv inla nan isht it im apesa 12 Chisvs ak osh miha ho, nan im ai ithvna vhleha hvv vbanvli ont ia isht-vlhpsa ha atahli: mihma Chisvs vt ibai impa hosh haksichi a atokolit bhlibli; 22 mihmvt Chitokaka im ai-impot a hi a apesa; 27 nan im ai ithvna vhleha hvv issvt tvmoa he, 33 mvt Pita yvt ilapa ik ithano miha he puta ka Chisvs vt tikhe anoli. 32 Chisvs vt Ketsemane a ont chukowa cha, vba pit anu puli; micha nan i palvmmmit ahanta. 43 Chutas vt vla cha Chisv a ant yukachit ishi ma, nan ai ithvna vhleha hvv issvt tamoa Chisvs a Kaiafas a okla isht im ona mvt, ik ahobalo fehna, mihv illi issa; 66 Pita yvt i shahli ha ik ithano miha tuk osh anonit lamvt nukhaklo.

1. YVMMAK atuk o i nitak tuklo ma, vbanvblit ont i micha pvaska ik shatvmmo aiena kvv asha tok: mihma v holitompa isht asha pehlichy vhleha, micha na-holissochi okla aiena kvv yvmmak ash o kaniohmit haksichit okla a cha, vbi bvnvvt maya tok.

2. Yohmi kia, Impa holitopa maya nitak ano keyu kvv ke, yvmmak keyukma, okla hvv isht ik ai vvhpesot gv hinla hoke, okla achi tok.

3. Mihma yvmmak ash osh Betani twmaha Saimon leplo-si-vbi a tok in chuka yo impa hosh asha ma, ohoyo hv spiknat nan-ahama toba ho alabasta kotobushi vhto, holi-topa fehna ho ishi hosh vla tok: mihmvt kotobushi ash o koli mvt, yvmmak ash o noshkobo ha o fohopli tok.

4. Yohmi ma kanimi mvt chukvsh anukaka isht ik im vhpeso fehna kv ash tok; mihmvt, Na katihmi ho nan-ahama ilvppvt yakohmit okpulot kvnia cho?

5. Ilvppvt iskvli tahlepa tuchina atampa kia aivbi cha, ilbvsha vhleha ha i holhpela hinla tuk oka, achi tok. Mih-mvt ohoyo hash o okla nan isht mihachi tok.

6. Mihma Chisvs vt, Ik asha, nanta katiohmi ho hvsh achibvchi hosh? nana achukma fehna mak o a si ai yvmih-chi hoke.

7. Yohmi hoka ilbvsha yak okvto hvchim asha bilia cha-tuk: yohmi hokvt yvmmak okvno peh nitak katiohmi ho hvchishno hvsh ahnikmvt, nana achukma ka hvsh i yvmih-cha hinla hoke; amba vno vto hvchi takla anta li bilia key-ushke.

8. Ilvppak ashot nana ka ai yvmihcha hinla kvto yvmih-chi hoke: sa nipi vt hollopa chi ka, tikbanli ahvmma chi hosh vla ha tuk oke.

9. Ahli mak o hvchim achi lishke: Ubanumpa ilvppvt yakni moma ka kanima fehna ho ai anuhumpakma, nana ai yakohmichi tuk ilvppak ash kia yvmmak ash o isht ithai-yana hi a, anohova hi oke, achi tok.

10. Mihma auah-tuklo kash achvvt Chutas Iskaliot vt yvmmak ash o ishit na-holitompa isht asha pehlich vhleha ibbak fohka chi hosh im ona tok.

11. Mihma yvmma okla haklo mvt, na-yukpa mvt, tvli holisso ima he apesa tok. Mihma katiohmi kak osh ai vhpesa na yvmmak ash o ishi cha, yvmma ibbak fohka hinla kv anukfihinli tok.

12. Atuk o pvka ik shatvmmo nitak vmmona ka vbanv-blit ontia ya okla ai vbi ma, nan im ai ithvna vhleha hash osh, Katima yak o il ia cha, il atahli na vbanvblit ont ia ya ish impa hinla kv ish ahni cho? im achi tok.

13. Mihma nan im ai ithvna vhleha hash o tuklochit tihleli cha, Tvmaha ha ont hvsh chukowashke: mikma tak vt lukfi kotoba oka vlhto ho sholi kvv hvchi afama hoke: apihvt hvsh iashke.

14. Mihma kanima yo ont chukowakma, chuka vmta hatak ash o, Nan-ithvnanchi vt, Ubapotvhlpo ai aboha hvv katima yak o talaia ho, nan vm ai ithvna ha pehlichit vbanvblit ont ia ya it ibai impa la chi achishke, hvsh im achashke.

15. Mikma vba-potvhlpo yosh chito, nana vltaha ma ho hvchim anola chi hoke: yummak o hvsh a pim lashke, im achi tok.

16. Mihma nan im ai ithvna ash osh ivt, tvmaha chukovvt okla mvt, nana ai im anoli tuk ash ai vhpies pisvt okla tok: micha vbanvblit ont ia ya atahlit okla tok.

17. Atuk o ont opia ma yummak ash ot auahtuklo o pehlich cha, ona tok.

18. Mihma binohmayvt impa ma, Chisvs ash osh mak o hvchim achi lishke; Svbai imvvt hvsh maya hvsh achvfona mvt, svshit inla ibbak hvv sa fohka chi achi tok.

19. Mihma okla nukhaklo fehna mvt, achvf-aiyukvt ak oh cho? im achi ma, anonti inla mvt, Vno ak oh achit isht mahaya tok.

20. Mihma afalaminch i mvt, Auah tuklo kvv achvfot po achvfa ho a svbai impa kak oke.

21. Hatak Ushi yokvto isht a holihiso tok mak o mvlhishke: amba Hatak Ushi a ishit inla ibbak fohki mak okvto i palvmma chi mak oke: hatak yummak tobo tok okmak osh im achukma hatuk mak a chi achi tok.

22. Mihma impa hosh maya ma, Chisvs vt pvskā ya cha, vba isht aiokpvchi mvt, tushahlich i cha, yummak o ima mvt, Ishit oh vpā, ilvppvt sa haknip mak oke tok.

23. Anonti isht-ishko ya ishi cha, vba pit aiokpvchi mvt, yummak ash o ima tok: mihma momvt okla ishko

24. Mihma, Ilvppvt svssish nan-isht-vlhpisa himona hosh lawa ka i fohopa mak oke.

25. Ahli mak o hvchim achi lishke, Pakvpi a waya ka himmakma ak ishko mak atuk osh himonvchit Chihowa apelhchika yak o ai ishko la he nitak mak a hi oke, im achi tok.

26. Mihma vba-isht-taloa ya okla taloa mvt, kohchvt Alif nvni ha pit ilhkoli tok.

27. Mihma Chisvs ash osh, Hvsh moma kvv himak ninak a vno pulla kak o hvsh ibetvbla chi hoke: Chukvvlhpoba apesvchi a issot boli likma, chukvvlhpoba vt it a fimimpa hi oke, achit holisso hatuk oka.

28. Yohmi kia tani li ha mvto, hvchi tikba ivt Kalili a ona la chi hoke, im achi tok.

29. Yohmi kia Pita ash osh, Moma kak osh ibetvbli ik nana kia, si yvmohma he keyu, im achi tok.

30. Mihma Chisvs vt, Ahli mak o hvchim achi lishke, Himak nitak peh himak ninak akinli, akaka yvt hitukla ha ola takla ka hituchina ha chik svthano ish miha chi hoke; im achi tok.

31. Yohmi kia Pita ash ot i shahlichit kullochit anum-pulit, Chi awant sulli hokmvt, kaniohmi kak osh ak chitha-no ka miha la he keyushke, achi ma, momvt yvmak inli ho miha tok.

32. Mihma osapushi Ketsemane hohchifo talaia ho okla ai ona tok: mihma nan im ai ithvna vhleha hash o, Uba pit anumpuli la chi takla ka ilvppak inli ho ho chiyá, im achi tok.

33. Mihmvt Pita, micha Chemis, mikmvt Chan aiena ka pehlinchit ia mvt, okokko! ahni fehna mvt, anonti nukhak-lot isht alotowa tok.

34. Mihmvt yvmak ash o, Sa shilombish vt nukhaklo atampvt illi hoke: ilvppakinli ho okchvt hvsh chiyashke, im achi tok.

35. Mihmvt itikba ivt olanlosi ona mvt, aka ont hlipia mvt, yohma hinla hokma, hvshi kanvlli ai vlhpisa atuk vt i kanvlla hinla ka, asilhha tok.

36. Mihmvt, Aki Abba ma! nan okluha kv̄t a chim an bano hoke; isht-ishko ilv̄ppa is sa kanv̄llichashke: ik y mi kia v̄no ak osh nan ahni li kak keyu, amba chishno osh nana h̄o ish ahni mak ashke, achi tok.

37. Micha v̄la mvt, nusi hosh maya na ant pisa cha, ash o, Saimon chia hv̄t chi nusi h̄o? hv̄shi kanv̄lli v̄l̄y achv̄fa takla ka chi okcha he keyu cho?

38. Okchvt v̄ba pit hv̄sh anumpv̄lashke, yvmmak key mvt anukpuli h̄o ish iba chukowa hinlv̄shke. Shilom okv̄to im v̄lhtaha ho mv̄hli kia, amba haknip ak osh t̄ib bi hoke, im achi tok.

39. Mihmvt anonti kanima ia cha, v̄ba pit anumpuli anumpa mihi ash inli h̄o miha tok.

40. Micha falamvt v̄la ma, nishkin ak osh weki hatuk anonti nusi hosh maya na ant pisa tok: mihma nana okla im acha hi vt ik ithano ki tok.

41. Atuk o ont isht atuchina v̄la mvt, Himmak mayvt nusit hv̄sh fohashke: ont ai v̄hli hoke, hv̄shi k̄v̄ v̄lhpisa hv̄t ai onv̄shke: yakeh! Hatak Ushi a ishit ashv̄chi v̄hleha ibbak a fohka ch̄i mak oke.

42. Ho tan̄i; kiloh ilhkoli, sv̄shit okla ibbak sa ch̄i hokvt olanlosi v̄lv̄shke, im achi tok.

43. Yohmi ma mih makinli h̄o anumpuli moma na tuklo atuk achv̄fa Chutas vt okla chinto na-holitompa asha pehlich̄i v̄hleha, micha na-holissochi v̄hleha aiena ka a minti hosh bv̄shpo falaia, micha iti tv̄ptua aiena h̄o it apehvt v̄la tok.

44. Yohmi kv̄t ishit okla ibbak fohka ch̄i yvmmak nana apesvt, Kv̄na h̄o i suksowa likma, yvmmak osh mak ach̄i hoke; yvmmak o hv̄sh ishi cha, achukmalit hv̄sh iashke, im achi tuk a tok.

45. Atuk osh v̄la makinli hosh, yvmmak ash o apis̄ ivt im ona mvt, A shahli ma! A shahli ma! achi suksowa tok.

46. Mihma yvmmak ash o ibbak onochit okla tok.

47. Mihma bilikasi hiohmaya tuk vt achv̄fvt bv̄shpo

yo ishit shufi mvt, na-holitompa isht asha pehlichi in tishu ha ishit fahamvt haksobish a chanlit tvbli tok.

48. Mihma Chisvs vt anumpuli mvt, Hatak hukopa yo ayvt i koheha ho chiyuhmit bvshpo falaia, micha iti tvptua aiena sholi hosh hrs svsha chi kvt hvsh itnowa cho?

49. Nitak moma ka tempel anukaka ya hvchi takla antvt, nan ithvnanchi li ka, hvch ik sasho chatuk: yohmi kia Holisso Holitopa yvt ont aiahli pulla chi kak o hvsh yakoh-mishke, im achi tok.

50. Mihma momvt yummak ash o issvt yihlepa tok.

51. Mihma hatak himita achvfa nipi bano hosh linen anchi kvt, yummak ash iakaiyvt aya tuk o, hatak himita vhle-ha hv it i hokli tok.

52. Mihma linen anchi ash o kanchi cha, nipi bano hosh mokofit mvlelit i kvnia tok.

53. Mihma Chisvs ash o na-holitompa isht asha i shahli yo okla isht im ia tok; mihma yumma na-holitompa isht asha pehlichi vhleha, micha hochitoka vhleha, mikmvt naholissochi okla aiena kvt momvt im ai itvnahvt maya tok.

54. Yohmi ma Pita yvt auet mishemanchi hosh pit iakai-yvt maya mvt, na-holitompa isht asha i shahli im aboha holitopa yak kia ona tok: mihmvt tishu vhleha ha takla ashtv luak libesha tok.

55. Mihma na-holitompa isht asha pehlichi vhleha, micha nan-apesa moma aiena kvt Chisvs a nan isht im ai atokowa na vba chi kvt, okla akostininch i bvna tuk osh, ik akosti-nincho ki tok.

56. Yohmi ka yumma nan isht atokoli ilahobi hokvto laua kia, nan isht atokoli kak osh ai it im achvfa keyu ki tok.

57. Mihma kanohmi hosh wakaya mvt, nan isht im atokoli ilahobit,

58. Ilvppvt ibbak o, isht toba tok tempel ilvppa okpuni lish, nitak tuchinakma, inla yosh ibbak o isht toba keyu ho ikbi la chi hoke, achi ka e haklo tuk oke, achi tok.

59. Yohmi kia yummvt okla nan isht atokoli kvt ont ik itibai achvfo akinli tok.

60. Mihma na-holitompa isht asha i shahli ash osh ik na wakayvt hikia mvt, Chisvs ash o i ponaklot, Afalot chit nana kia chik acho cho? yakohmi kv̄t nan isht chikoli ka katiohmi hatuk oh cho? achi tok.

61. Yohmi kia nana ik acho hosh lumvt asha Mihma anonti na-holitompa isht asha i shahli ash ot naklot, Chishno ak osh Na-holitopa ya Ushi Klaist chiah oh cho? im achi tok.

62. Mihma Chisvs vt, Mih sia mak oke: yohmi ka Ushi vt nan-okluha imaiya ibbak ishtimpakimma ya mikmvt vba hoshonti anukaka minti aiena ho hvsh pis mak oke, achi tok.

63. Mihma na-holitompa isht-asha i shahli yash ot fohka ya it a hlileffi mvt, Na katihmi ho himmakma natatokowa ka iloh ahna hinla cho?

64. Chihowa isht ik ahobalo anumpa ha hvsh haklot nanta hvchim anukfila cho? achi tok. Mihma illa pesa kak o, momvt okla anumpa onochi tok.

65. Mihma kanimi kv̄t on tuftua mvt, anonti nashv ompohomo cha, ibbak bonunta isht isso cha, Akostian anoli, achi tok: mihma tishu vhleha hv̄t ibbak pvt okla isht pvsaha tok.

66. Mihma Pita yvt nutaka aboha holitopa anukasha na ohoyo himita na-holitompa isht asha i shahli svli vhleha hv̄t achv̄vt v̄la tok.

67. Mihma Pita yvt libisha hosh asha na ont p̄ atokolit pisa tok: mihmvt Chishno vt Chisvs Nasav ya awant ish aya tuk akinlishke, achi tok.

68. Yohmi kia Pita yvt ik ithano ilahobit, yemma li keyu; mikmvt nana ish miha kak kia ak chim ak choshke, aeki tok. Michā kohchvt apishia ya ona ka yvt ola tok.

69. Atuk o anonti ohoyo himita yosh yemma ash mvt, bilikasi hiohmaya kash o, Iluppak osh yemma achvfa mak oke, im achi tok.

70. Mihma anonti yemma ik ithano, miha tok. atuk a in chekosi ma bilika hiohmaya tuk ash ot ano

yash o, Chishno ak kia okla ymma ish ibai achvfa yatuk o pulleshke: Kalili hatak chia hatuk osh, chim anumpa hvt pit ai achvfa hoke, im achi tok.

71. Yohmi kia Pita yash ot, Hatak ilvppa isht anumpulit hvsh maya ka ithana li keyushke, achit ik ahobalot anumpulit anumpa kvlo isht ile ononchit ishtia tok.

72. Mihma atukla ma akaka vt ola tok. Mihma Pita ash osh, Akaka yvt hitukla ha ik olo kisha ho hituchina ha chik svthano ish miha chi hoke, im achi tok Chisvs im anumpa hash pit ithaiyana tok. Mihma ymma anukfeli mvt, yahaya tok.

CHAPTA XV.

Chisvs a okla takchi cha, Pailat ibbak fohki, 1; 15 na-holitompa isht asha vhleha hvt Pailat a anukfohkechi na Balabas ak o i hotofi cha Chisvs okvno ititaiyukhvna ahonvhlvt illa chi ho im issa: 17 mihma tvshka chipota vhleha hvt ymmak ash o kvti tvnna yo iachukolichi cha, isso: 20 mihmvt ititaiyukhvna ahonvhlila chi mak o ilauei ia. 21 Chisvs a Kolkohla ya okla isht ona mvt, hatak hukopa tuklo itin takla yo a tak alichit ititaiyukhvna ahonvhlichi; 29 mihma na-holitompa isht asha vhleha, micha okla puta kvt ishit yopula: 33 hvshi vt okhlilit kvnia ma, Chisvs vt Chihowa ha pit in tahpahanlvit illi. 38 Nantvna holitompa tempel anykaka takali tuk vt it a hlilafa; Sintulion vt, Chisvs vt Chihowa ushi pulla tuk achi; Chisvs vt ititaiyukhvna a takali ka, ohoyo kanimi kvt pisa. 42 Chosef vt Chisvs haknip ititaiyukhvna takali tuk a ishit akvchi cha, sepvka himona ilap i hikia tuk vt fohki.

1. ATUK o onnahnli makinli ho na-holitompa isht asha pehlichi hash osh hochitoka vhleha, micha na-holissochi okla, mikmvt nan-apesa vhleha moma aiena ho nana ai it im apesvt maya cha, Chisvs a takchi mvt, isht irt, Pailat ibbak ont fohki tok.

2. Mihma Pailat ash ot i ponaklot, Chishno ak osh Chu okla ha i miko chia mak oh cho? achi tok. Mihma Chisvs vt, Uhpesa ho ish mihvshke, im achi tok.

3. Mihma na-holitompa isht asha pehlichi vhleha hvt

yummak ash o nana ilaiyuka laua ho isht onochi
yohmi kia nanasi kia ilapvt afalaminehit ik miho ki tok.

4. Mihma Pailat ash osh anonti i ponaklot, Nana
acho ha cha? yakeh! nana ka isht a chi atokoli ka
fehnvshke, achi tok.

5. Yohmi kia Chisvs ash ot nana ik acho moma
Yohmi hatuk o Pailat ash osh, okokko! aiahi tok.

6. Mihma vbanvblit ont ia impa asha ka ilap mak
kanima yo okla ahnikma, yukvt talakchi atuk a achvfa
i hotofi chatuk a tok.

7. Mihma achvfa hosh, Balabas hohchifo kvv nan-vlh
ya itibai i sanalit ahashwa cha, nan-vlh-pisa i sanali kvv
tak vbi tuk vt ai it apehvt talakchi hosh itonla tok.

8. Atuk o okla laua yash ot chitolit tahpvlvt, nana
i yvmihchi bilia yatuk vt yvmihcha chi ka okla im ahni
9. Yohmi kia Pailat ash osh afalaminehi mvt, Chu
Miko ak o hvchim i hotofi la chi ka hvsh ahni cho? im
tok.

10. Yummak okvno na-holitompa isht asha pehliche
ha hvv i nukkilli kak osh ishit ibbak fohki tuk a ithana
tuk okvt.

11. Yohmi kia na-holitompa isht asha pehliche
hash ot Balabas ak o im i hotofi pulla chi ka okla ha
nukfohkichi tok.

12. Mihma anonti Pailat ash ot afalaminehi mvt, Yoh
ka Chu okla i Miko hvsh achi yummak amo nanta ho
michi la he ak o hvsh ahni cho? achi tok.

13. Mihma atuklanchit chitoli hosh, Ititaiyukhvna
ahonvhlvchi, achi tok.

14. Yohmi ma Pailat ash ot, Nanta katiohmi ho
achukmo nanta mak o yvmohmi tuk oh cho? im achi
Mihma yummak o okla isht i shahliche fehnvt tahpvlvt
taiyukhvna ak o ahonvhlvchi, achi tok.

15. Yohmi ma Pailat ash ot okla ha yukpali bvna
Balabas ak o im i hotofi tok: micha Chisvs ash o fe
mvt, ititaiyukhvna ahonvhlvt illa chi mak o, yummak
ishit okla hash ibbak fohki tok:

16. Mihma tvshka chipota vhleha hash ot yvmmak ash o halellit isht iut nan ai apesa Pletolium hohchifo hō isht ona tok : mihmvt aya achvfa tuk ash o momint hoyot itvnali tok.
17. Mihmvt na-fohka hummakbi hō ishit fokvchi mvt, kvti tnnvt iachuka ikbi cha, iachukolichi tok.
18. Mihmvt aiokpvchit, Chu okla i Miko ma ! na chi yuk-pashke, achi tok.
19. Mihmvt noshkobo ha kushak ishit isso mvt, on tuf-tut, anonti hvchikbihleptv hikia cha, aiokpvchi aiena tok.
20. Mihmvt yvmmak ash o okla ishit yopula hayosh na-fohka hummakbi ash o i shufi cha, ilap i na-fohka yash inli hō okla fohkvchi mvt, ititaiyukhvna ahonvhlichā chī mak o kocha isht ia tok.
21. Mihma Saimon Silinian hatak Aleksanta, micha Lufvs aiena iki vt yakni kocha vttvt minti hosh aya ma, im ititai-yukhvna ya shola chī ka okla atohnochi tok.
22. Mihma yvmmak ash o yakni Kolkohla, yvmvt to-showakma, Noshkobo foni aiasha achi hō okla isht ona tok.
23. Mihmvt ishka chī ka oka-paki osh mvt it-ibvlhto hō okla ipeta tok ; yohmi kia ik ishko ki tok.
24. Mihmvt yvmmak ash o okla ititaiyukhvna ahonvhli-chi mvt, hatak achvfa kvt kaniohmi aiyuka isha chī kvt nan isht a shoelit mayvt, i na-fohka yash okla it i hopela tok.
25. Yohmi kvt hvshi kanvlli vlvhvisa ont atuchina hō ititaiyukhvna ya okla ahonvhlichī tok
26. Mihma anumpa isht ai onvtula hatuk holisso kvt pak-naka ya CHU OKLA I MIKO YOKE, achi hosh a ho-
lisso tok.
27. Micha hukopa tuklo hō achvftv ibbak ishtimpak-imma takali ma, anonti achvftv im vlvhvbekimma takali hō it aieninchit ititaiyukhvna ahonvhlichī tok.
28. Mihma holisso holitopa yvt achi kvt, Micha nan-
vlhvvisa kobvffi vhleha hō iba holhtiena tok achi hatuk vt ont aiahli tok oke.
29. Mihma itvnowvt aya mvt, yvmmak ash o ik ahobalot
pit i yuchunuklit, Tempel a okpvni cha anonti nitak tuchi-
nakma ikbi chia hash osh,

30. Chishno ak inli kak osh ile okchalinchit ititaiyukhna ya auet akowá, im achi beka tok.

31. Mihma na-holitompa isht asha pehlichi vheha, ma na-holissochi vheha aiena hash kia ishit yopula akinlit, yokvno okchalinechi hatuk o kak osh, ilap inli hokvto ile chalincha he keyushke.

32. E pisa cha pi yimma chi ka, himonasi ak o Ishe miko Klaist vt ititaiyukhna ya vttvt auet ik akowá, achit maya tok. Mihma apehvt ititaiyukhna ahonkash kia yummak ash o na-mihachi tok.

33. Atuk o hvshi kanvlli vhpisa isht hannali kvv ma, okhlili hvv yakni mominchit takali na hvshi kanvlli pisa ont isht chakkali ka ona tok.

34. Mihma hvshi kanvlli vhpisa ont isht chakkalik f Chisvs ash ot chitoli hosh tahpvt, Eloí, Eloí, lama hlani, yummvt toshowa kvv, An Chihowa ma! an Chihowa ma! nanta katiohmi ho is sa kanchi cho? achi hoke.

35. Mihma bilika biokmaya tuk vt kanimi kvv haklo Yakeh! Elias ak o i howvshke, achi tok.

36. Mihma achvvt malelit vt na-shatvmmi o winaka alotoli cha, kvshak o takalichit ishka chi ka pit ima ashá, Elias vt vla cha ant ishit akvchikmá nana chi keho pisá, achi tok.

37. Mihma Chisvs ash osh chitoli hosh anumpuli fiopa issa tok.

38. Mihma nantvna tempel anukaka takali kash naka ai it a hlilavvt ia mvv, aka ont taha cha tuklo tok.

39. Mihma Sintulion vt im a chapaka hikia tuk vt mvv chitolit makachi cha, fiopa issa na pisa mvv, ilvppvt Chihowa Ushi yatuk o pulla mvhlishke, achi

40. Mihma ohoyo aiena hosh mishema ho pisvt hie ma, Meli Maktalene, micha Chemis iskitini, mikmvv Ch aiena ishki Meli, mikmvv Salome aiena kak osh takla hie

41. Yohmi kvv Kalili a anta ma, ohoyo ilvppak apehvt avvt, nan isht im ashwa tok: mihma apehvt Chelusalem a ai vla tuk vt ohoyo inla yvt laua hosh okluha tok.

42. Atuk o ont opirt taha ma, nana il ai atahli nitak, yummvt nitak hullo vt onnvt asha ho,

43. Chosef Alimahlea vta, nan-apesa holitompa hosh, yummak kia Chihowa apehlichika hohoyo hosh anta hatuk osh, nukwaya ikshot Pailat ash o ont iba chukowa cha, Chisvs haknip a im asilhha tok.

44. Mihma Pailat ash ot mihi ash takla illi hotuma, ahni kvv nukhlakancha tok, micha Sintulion a hoyo mvt, illi tuk a ahchibakma, nana tuk a, i ponaklo tok.

45. Micha sintulion a isht ai akostininchii mvt, haknip ash Chosef a im issa tok.

46. Mihma yummak ash ot linen lapushki yo chumpa mvt, yummak ash ishit akvehi cha, linen a a bonulli cha, sepulka tvli yosh kulvt toba ho ont bohli cha, tvli yo tonolichit sepulka okhissa yash pit o bohli tok.

47. Mihma Meli Maktalene, micha Meli Choses ishki ita tuklo kvv yummak ash a bohli ka pisvt okla tok.

CHAPTA XVI.

Enchil osh Chisvs vt falamvt tani tuk a ohoyo im anoli, 1. 9 Chisvs vt falamvt tani ha yvt Meli Maktalene a im otvni tuk osh, 12 nan im ai ithvna vhlaha ha tuklot i haiaka: 14 atuk osh i himmakma auah-chvfa kash ont im otvni: yohmi mvt na yimma he keyu tuk a nan isht i miha; 15 micha vbanumpa ya kanima moyuma isht ai anumpohonla chi ka im apesa; 19 mihmvt vba ya ia ma, vba isht anumpa hvv anuhumpa.

1. **ATUK** osh nitak hullot issa ma, Meli Maktalene, micha Chemis ishki, mikmvt Salome aiena kvv vt yummak ash o ont ahvmma chi kvv, na-balama okla chumpa tok.

2. Atuk osh wek chukowvt ia nitak vmmona onnahinli fehna hvshi kohcha ho sepulka yash okla ona tok.

3, 4. Mihmvt, Kvta hosh tvli vt chito fehna kash o sepulka okhissa a pim a kanvllicha chi ho? ilap bika it im achi tok: mihmvt okla pit hopokoyo kash osh, a kanvlli tuk a, okla pit pisa tok.

5. Micha sepulka ya okla pit chukowa mvt, hatak himita

yvt na-fohka tohbi falaia fohka hosh, ishtimpak imma vt nvp a binili ho, okla pisa cha, nukhlakancha tok.

6. Mihma yvmmak ash ot, Ik hvchi nukshopo kash Chisvs Nasalet vta yvt ititaiyukhvna ahonvha tuk ash hvsh hoyoshke: tani tuk oke: ilvppa ikshoshke: okla bohli tuk a, pit ho pesa.

7. Yohmi kia hvsh ia cha, nan im ai ithvna vhleha, P aiena ka, yvmmak okvt hvchi tikba Kalili a ia he tuk a hvsh im anolashke: yvmmak o hvchi miha tuk mak a yvmmak o hvsh a pisa chi hoke, im achi tok.

8. Mihma tushpvt pit okla kohcha mvt, sepulka ashvvt pit yihlepa tok: nukhlakancha, wvnihinchi, nukshopa aiena hatuk osh, kvna kia nanasi kia okla pit im acho ki tok.

9. Micha Chisvs vt wek chukovvt ia nitak vmmoma nahinli fehna ho tani tuk vt, Meli Maktalene, yvmmak nan-isht-ahullo okpulo untuklo ka a kohchi tuk ash tikba i haiaka tok.

10. Mihma yvmmak ash osh ivt apelvvt itvnowa yatuk nukhaklot yaiya hosh maya ma, ont im anoli tok.

11. Mihma yvmmak ash okchaya na yvmvt tuk a okla haklo mvt, ik yimmo ki tok.

12. I himmakma yvmmak ash osh, tuklo hosh itvnow ayvt, yakni kocha itonachi ma, anonti ai inlv i haiaka tok.

13. Mihma itiachi cha, kashapa kash o ont im anoli tok mihma yvmmak ash kia okla ik i yimmo ki tok.

14. Atuk o i himmakma auah-chefa hash osh impa maya ho ont i haiaka cha, tani ha ya inla yvt pisa tuk okla ik i yimmo hatuk oka, na yimma he keyu, micha kvsh kvlo aiena ka nan isht ai i miha tok.

15. Mihmvt, Yakni moma ka ivt, vbanumpa ha hatak kia puta isht hvsh im anumpohonlashke.

16. Kvna hosh yimmi cha baptismokmvt, okchaya bi ok amba kvna hosh ik yimmo hokvto, issikkopvt bilia im vlvps hi oke, im achi tok.

17. Micha na-yimmi vhleha hokvno nan-isht atokova kohmi kak osh a takanlit aya hi oke. Uno sa hohchifo

nan-isht ahullo okpulo puta isht kocha welikmtv, anumpa ilaiyuka anumpula hi oke.

18. Micha sinti chilita puta ka peh okla aiowa he, mik-mvt ishkot illi nana kia ishko hoh kia, nan ik kaniheho ka he: abeka ya ibbak isht umbitepakma, hlakofa he bano hoke, im achi tok.

19. Yohmi mvt Chitokaka yvt ant im anumpuli mvt, vba ivt vba yakni a ont chukowa cha, Chihowa im ibbak ishtimpak-imma ya a binili tok oke.

20. Mihma Chitokaka yvt apelahanchit anumpa ha nan isht atokowa kvv a takanlit aya hatuk ash isht aiahlichi ma, kanima moma ka vba isht ai anumpohonlit itvnowa tok oke. Amen.

ЎBANUMPA LUK

ЎT HOLISSOCHI TOK.

CHAPTA I.

Luk vt Hliopilvs a pit im anumpuli, 1. 5 Enchil vt Sakalias a o
otvni: 13 mihmvt ushi asha hi a i miha; 24 Elisabet vt vlla
cha, ile luhmi. 26. Enchil vt ohoyo himita Meli a ont i h
yohmi mvt Shilombish Holitopa yosh nan anukfilli ho, Klaist
a toba pulla hi a i miha. 39 Meli vt Elisabet a ont i nowa m
ita tuklo kvv Chihowa ya aiokpahanchi. 57 Chan vt vta cha
shup tpa mvt hohchifo: 64 mihma Sakalias vt falamvt anu
mvt, 67 na tikbanli anolit Chihowa ha aiokpahanchi.

1, 2. NANA ka isht a pi yimmi ahli fehna vmm
isht auchinchi ka nishkin isht pisvt, nana ka isht ahast
tuk vt ymma pim anohonli tok mak osh lava kvv ymm
atuk a isht anumpa holisso ha ikbi tuk o,

3, 4. Ŭno ak kia nan vmmona isht-auchinchi ka nana
akaniohmi tok puta ka mominchit asilhhit achukmalit ab
tininchi li tuk vt, chishno vt nana ka isht chim annoa to
aighli ka ish ithaiyana chi ka, nan-annoa ma it iakaiya
hosh pit chi holissochi la hi vt vm anukfila tuk oke; Hli
lvs holitopa fehna ma!

5. Chutea i miko Helot vt ahanta nitak a, na-holito
isht vta achufa Sakalias hohchifo kvv, Abia apehlichila
ibafohka yosh anta tok: mihma tekchi vt Aalon ush
vleha isht-atiaka yosh, hohchifo kvv Elisabet a tok.

6. Mihi yosh ymmvt tuklot Chihowa yvt pisa ho a
biekvv, anumpa vllhpisa puta, mikmvt nan-vllhpisa ilaiya
Chihowa yvt apihisa tok a moma ka i shanaiya iksho
ahashwa tok.

7. Yvmohmi hosh Elisabet ak osh ushiksho yatuk o, vlla yvt ik im iksho ket okla hosh, tuklot sipoknit taiyaha tok.
- 8, 9. Atuk o yakohmi tok : ilap ai itvpeha yvt ont im ai vllpiesa ma, yvmmvt na holitompa isht asha Chihowa itikba ya isht ai ahanta chi ka, na holitompa isht asha nan im vllh-pisa chatuk mak o, Chihowa in tempel a ont chukowa cha, na-balama luacha hi vt nashoeli ho isht im vllhpisa tok.
10. Yvmohmi ma okla laua yvt na balama lua takla ka vba pit anumpuli hosh kocha ya aiasha tok.
11. Yvmohmi ma Chihowa im enchil vt na-balama a lua alta ishtimpak imma tnnvp o hikvt i haiaka tok.
12. Mihma Sakalias vt pisa mvt, nukhlakanehvt nan-nukshopa mvt anukfoyyuka tok.
13. Mihma enchil ash ot, Sakalias vt chi nukshopa na ; vba pit ish asilhha tok vt chim vllhpesa mak oke : yohmi ka chi tekchi Elisabet vt vlla nakni o chi shala he ; mikma yvmma Chan ish hochifa he ;
14. Yohmikmvt na chi yukvt chim achukma fehna he ; yohmikma yvmmvt vta ka na yukpa kvv laua hi oke.
15. Yvmmak okvt Chihowa ya i holitopa fehna he : mikmvt oka-paki, micha oka homi nana kia ik ishko ka hi oke : micha ishki ikfoka a kohcha mak inli hosh Shilombish Holitopa isht anukfohkvt alotowa hi oke.
16. Yvmohmikmvt yvmmak okvt Israel isht-aiunchululi vhleha ha lauachit in Chitokaka Chihowa ya im antia hi a anukfohkicha he mak oke.
17. Mikmvt iki vhleha chukvsh a falaminchit vlla puta ka ai it ibafohkit it in nanaiyachikmvt, anonti nan ik yimmo puta ma hopoyuksa vhleha ha im anukfila ha pit ai ibafohkit, okla ha anukfohki na Chihowa hoka im vllhtaha chi ka, Elias im anukfila chinto il ai eshi hosh Chitokaka itikba ya ia hi oke, im achi tok.
18. Mihma Sakalias vt, Nanta hosh katiohmi na iluppa isht akostinichi la chi cho ? vno vt hatak sa sipokni, yohmikma sa tekchi mvt sipoknit taiyaha kvno, enchil a im achi tok.
19. Mihma enchil ash ot afalaminchi kvv, Vno vt Chiho-

wa itikba hikia Kebliel sia mak oke: mih hosh ant chi anumpulit, nan annoa achukma ilvppa chim anoli la hi vlhtoka tuk oke.

20. Yvmohmi tuk o vm anumpa ha ont im ai vlhpies mvt aiahla hi oka ik chi yimmo; yohmi hokvt ik anump ish toba cha, ish anumpula he ik chim vlhpeso mak o, kash ot ont aiahli nitak a onak mak a hi oke, im achi tok

21. Mihma okla hash ot Sakalias a pit hoyot aiasha tempel anukaka ya anta na hopaki hatuk o, katiohmi okla ahni tok.

22. Atuk o yvmmak ash ot kohcha mvt, okla hash anumpula he keyu ki tok: peh abahanchi mvt, anump he keyu hosh hikia hatuk o, tempel anukaka ya nana pisa tuk a, okla akostininchi tok.

23. Atuk o yakohmi tok; ilap na-holitompa isht ai ahe he nitak atuk vt ont taha makinli ma, in chuka ia tok.

24, 25. Atuk o nitak yvmmak atuk a i himmak ha tekchi Elisabet vt vlla i fohka cha, Hatak puta itintak hofahya kvt a takali tuk a isht kancha chi hosh, achi pihisa nitak vt Chitokaka yvt ilvppak o a yakohmichi oke; achi mvt ile luyuhmi na hvshi tahlapi tok.

26, 27. Atuk o hvshi ont isht hannalik fehna ohoyo ita yvt hatak Chosef hohchifo hosh, Lewi in chuka isht atiaka yo, im vlhpoa hosh ohoyo himita hohchifo Meli osh, Kalili yakni tvmaha Nasalet hohchifo ho anta Chihowa yvt Kebliel a pit i chvffichi tok.

28. Yvmohmi na enchil ash ot im aboha ha ant chis mvt, Holitopa fehna chia hvt na chi yvkpashke; Chih hvt chi halvli hoke, holitopa kvt ohoyo puta moma imaiyvshke, achi tok.

29. Mihma yvmmak ash ot pisa mvt, yvmvnt nana chi ka nukhlakancha mvt, nan isht aiokpveli katiohmi yakohma hinla cho? ahnit im anukfila tok.

30. Mihma enchil ash ot, Meli vt ik chi nukshopo ke; Chihowa ish i holitopa hi vt chim vlhpesa tuk oke

31. Yohmi kvt yakeh! vlla yvt chi fohka cha, vlla o ish ishikmvt, hohchifo ha Chisvs ish hochifa he mak o

32. Yvmmak osh Chitokaka tobtv ahantvt, Nana moma i shahli Ushi hohchifa he; yohmikma Chitokaka Chihowa yvt iki Lewi im ai om binili holitopa ya ima hi oke.

33. Yohmikma yvmmak osh Chekob in chuka chvfa isht atiaka pehlich na bilia he: yohmikma yvmma apehlichika ya ont ataha he mvt iiksho ka he mak oke, im achi tok.

34. Mihma Meli ash ot, Hatak kia ithana li keyu hatuk ano, katiohmit ilvppvt yakohma chi cho? enchil ash o im achi tok.

35. Mihma enchil ash osh anonti afalaminchit, Shilombish Holitopa yak osh chim aya he; yohmikma Nana moma i shahli nan isht im aiahlika yvt chi o hoshontikacha hi oke; yohmi hoka na-holitopa kvv chim vtta hi vt yvmmak kia Chihowa Ushi hohchifa hi oke.

36. Micha yakeh! chi kanomi Elisabet vt ushiksho hohchifo chatuk kia, sipoknit taiyaha hosh vlla nakni i fohka tuk a himak vt hvshi ont isht i hannali hoke.

37. Chihowa ak okvto nana kvv ik im aiahlo ka hi vt iksho hoka, im achi tok.

38. Mihma Meli ash osh, Chitokaka immi ohoyo sia ka is sa pesashke: chim anuhumpa tuk mak o nana kvv vm ai vhpiesashke, im achi tok. Mihma enebil ash ot issvt ia tok.

39. Mihma nitak yvmma foka ma Meli ash ot wakaya cha, tushpvt ivt, Chuta yakni nvnihi foka tmaha chito mvt talaia ho ona tok.

40. Yohmi mvt Sakalias in chuka ya ont chukowa cha, Elisabet a aiokpvchi tok.

41. Mihma yakohmi tok; Meli vt aiokpychi na Elisabet vt haklo ma, vlla yvt ikfoka anuka ilhkoli tok; yohmi ma Elisabet vt Shilombish Holitopa isht anukfohkvv alotowa tok.

42. Mihmvt chitoli hosh anumpulit, Holitopa kvv ohoyo puta moma ka ish imayeshke: mihma chikfoka anuka a toba mvt holitovshke.

43. An Chitokaka ishki vt ayvt vm vla ilvppvt katiohmi ho a yakohmi cho?

44. Yakeh! is si aiokpvchi ka anumpa hvv olvt sa hak-

sobish a ant fohka mak inli ho, vlla yvt na yukpa kvt sak-foka anuka ya ilhkoli kano.

45. Chitokaka yvt ymma nana ho im anoli tuk a ont aiahli taiyaha hi oka, na yimmi tuk ymmvto na yukpsh-ke achi tok.

46. Mihma Meli ash ot, Sa shilombish vt Chitokaka ya holitobli,

47. Yohmi ma sa chukvsh vt Chihowa si okchalinchi a ai isht ilaiyukpshke.

48. Ymmak okvt in tishu ohoyo ilbvsha ya i nukhaklot pisa tuk oke: yohmi hoka himak pillvt ia ka hatak isht ai unchululi puta kvt na-yukpa sia hochifa hi oke.

49. Ymmak osh nana moma imaiya mak osh nafehma chinto ka a yvmiheli tuk oke: yohmi kvt hohchifo hvt holitopa yoke.

50. Micha hatak it ai unchululi ia puta ka ilapa im antia vhleha ha ymmvt i nukhaklo kvt ai in takali mak oke.

51. Ymmak okvt ilapo shakba isht imaiyachi chatuk: ilapunla vhleha hvt ilap chukvsh nan isht im anukfilvt mayakma, ymmak okvt it a fimibli chatuk oke.

52. Ymmak okvt hochitoka vhleha im aiasha puta tuk a ai isht akakohlikmvt, anonti ilbvsha vhleha ak o holitobli-chi chatuk oke.

53. Hohchifo ya ymmak okvt na hochukma puta ka isht fihoblikmvt, anonti nan in laua yano nana kia ik im iksho-chit kanom pit tihleli chatuk oke.

54, 55. Eblaham, mikmvt ymma isht ai unchululi ka i nukhaklot a bilia hi vt pin tikba vhleha ha pim anumpoholi tok vt ithaiyana mvt, in tishu Israel a apelahanchi chatuk oke, achi tok.

56. Mihmvt Meli vt ymma awant anta na hvshi tuchi-na foka mvt, falamvt in chuka ona tok.

57. Yohmi ma Elisabet vt vlla in tonla hi vt ont ai im vhlpiesa mvt, vlla nakni o sholi tok.

58. Mihma in chuka panta asha, micha i kanomi vhleha aiena kvt, Chitokaka yvt ymma i nukhaklo fehna tuk a okla haklo mvt, ibai yukpa tok.

59. Atuk o yakohmi tok: nitak ont isht untuchina ma ulla ya hakshup teblit itnowa tok; atuk osh iki a hochifochit yummak ash Sakalias hochifo tok.
60. Mihma ishki ash osh anumpuli mvt, Yohma he keyu; amba Chan ak o hohehifa chi hoke, achi tok.
61. Mihma Chi kanomi hvt kanima mvt hohchifo ilvppa isht a hohehifo kvt iikshoshke, okla im achi tok.
62. Mihmvt iki ak osh nana ho hohehifa hi a ahnik mak a chi ka, okla pit abvchi tok.
63. Mihma yummak ash ot aholissochi a hoyo cha, Hohchifo hvt Chan oke, achit holissochi tok. Mihma, Na katihi ho? momvt okla ahni tok.
64. Mihma yummak ash ot itih hvt ashalika wakama ma, isunlush vt yuhapa na anumpuli mvt, Chihowa ya aiokpahanchi tok.
65. Yvmohmi ma ymma ai i bilika fullota aiasha tuk ash ot momvt nukshumpa tok: yohmi ma ilvppa yakohmi tuk vt momvt annovt Chutea yakni nvnihi foka yash mominchit a hlopulli tok.
66. Mihma okla ymma haklo tuk vt moyumvt, Ulla katioma chi hosh ilvppvt yakohmi cho? ahanchit chukvsh anukaka okla isht anukfihinli tok. Mihma Chitokaka ibbak vt yummak ash o apelahanchi tok.
67. Mihma iki Sakalias ash ot Shilombish Holitopa isht anukfohket alotovvt, tikbanli nana anolit pit aiokpahanchit,
- 68-71. Israel in Chitokaka Chihowa hvt holitopashke: yummak okvt yakni toba tok taiyakla ka i hopaii hochukma aiasht isht-auehinchil ka itih isht ai anumpohonli tok mak osh, pishno vt pin tenvp vhleha, mikmvt pi nukkilli vhleha ibbak ma mominehit il ai o hlakofa hi o, im okla talaiia ka i nukhaklot pihisa cha, nan isht vlttoba he im atahlit, isht ai-okchaya chinto fehna ka ilap in tishu Lewi in chuka-chvfa a pi hilechi tok.
- 72-75. Yohmi kvt pishno vt pin tenvp vhleha ibbak ma il ai in hlakofikmvt, pi okchayvt nitak il ai ahanta kvt, nukshumpa iksho hosh nan-ashvchi ikshot ai vhlpiessa hosh im antivt, itikba ma il ahashwa he mak o, avet pim aiahna hi vt

ilap i nan-vllhpisa holitopa anumpa kullo aiena ka pin tikba Eblaham a isht ai im il onochi tok vt ithaiyana cha, anonti nan i nukhakla he anumpa ha pin tikba vhleha ha ihima tok vt aiahlichi mak oke.

76-79. Yohmikma, Vlla chishno vt Chitokaka yvt ataya chi puta ma apoksiachit, anonti hvpin Chihowa nan-isht i nukhaklo chinto pulla hatuk mak o, ilap nan im ai ashvchika yvt i kashofa hosh isht-ai okchaya ma im okla ha ish ithu-nahancha chi hosh Chitokaka itikba ish ia chi hokvt, Moma imaiya i hopaii chi hohchifa hi oke. Yvmmak atuk pulla mak o ai okhlilika, mikmvt ai-illi ai o hoshonti aiena anukaka aiasha tuk a in tohwelicha chi, mikmvt hvp iyi yvt ai itin-nanaiya hina foyuka chi ka apelvcha chi mak o onna tohwikeli vba minti kvt auct pi on tommishke.

80. Yvmohmi tuk o vlla yash ot asvnot ivt, im anukflla mvt kllot i shahlit ia; yohmi hosh yakni haiaka ya ahanta na Israel a i haiaka he nitak vt ai ona tok.

CHAPTA II.

Chisvs vt Behlehem ak o ai vtta cha, vllhpoba ai-impia peni yo fobla
1. 8 Chukfvlhpoba apesvchi vhleha Behlehem bilika asha tuk o Chisvs vt vtta ka, enchil osh ont im anoli; 13 mihma enchil vhleha hvt laua hosh ai vla cha, ibai achvvt Chihowa ha okla aiokpahant chi. 21 Chisvs vt hakshup tupa; yohmi ma tempel anukaka yak o Chitokaka ya pit ai im issa ma, Simeon, micha Anna aiena kvt ayvt okla hosh tempel a ont chukowa; yohmi cha hatak okchalit chi himona vtta tuk a pisa mvt, Chihowa ha pit aiokpahant 40 Chisvs vt afvmmi auah-tuklo ka ona mvt, 46 tempel o nan ai im avvchi vhleha puta ka i haponaklo, nan im asilhvchi aient anta: 51 atuk osh falamvt Nasalet ona cha, iki, ishki aiena ka im antia hosh ahanta.

1. MIHMA yakohmi tok: nitak ymma foka ma, yakni yvmmt oklyuhvt holissa hi a Sesa Akstvs vt apihisa tok.
2. Yakohmi ka Silenivs vt Silia i mikot ahanta mak o okla holissa he ilvppv vt vllhpisa vmmona tok.
3. Mihma momvt ilap in tmaha aiyuca a holissa chi hosh ilhkoli tok.

- 4, 5. Mihma Chosef ak kia, yummvt Lewi in chuka-chufa
yo isht-ai-unchululi hatuk okvt, Kalili yakni Nasalet tumaha
ha vtvtv kohchvt ia mvt, Chutea yakni Lewi in tumaha
Behlehem hohchifo hq tekchi vllhpoa Meli vt vlla in tola hosi
hq, it iba holissa chi hosh ona tok.
6. Atuk o yakohmi tok: yumma ont ahashwak fehna,
yummvt vlla in tola he nitak vt ont ai vllhpiesa tok.
7. Mihmvt ishi ahpi kvv vlla nakni osh in tola cha, yvm-
mak ash na-hlilahli o a bonulli mvt, aboba anuka yano aiasha
yvt iksho hoka, issuba ai-ilhpita yo fohkit bohli tok.
8. Yohmi ma yakni yummak inli ka chukfulhpoba apesv-
chi vllleha hvv vllhpoba apesvchi hosh ninak a haiaka yo
aiasha tok.
9. Yumohmi tuk o Chihowa im enchil vt ayvt im vla na
Chihowa im a tohwekali chinto kvv ai on tommit talaia ma,
okla nukshopa fehna tok.
10. Mihma enchil ash ot, Hvchi nukshopa na; vno vt
anumpa na-yukpali a chinto fehna okla moyuma ka im aya
he mak o isht hvchim aya li hoke.
11. Himak nitak a nan-okchalanchi, yummvt Klaist Chito-
kaka mak osh Lewi in tumaha ha a hvchim ai vtvshke.
12. Yohmi ka atokowa kvv ilvppak o yakohmi ha chi
hoke: Vllosi vt nahllilahli o a bonunta hosh, issuba ai
ilhpitta yo fohkvv itonla hq ont hvsh pisa chi hoke, im achi
tok.
13. Yohmi ma i mih-makinli hq enchil okla chinto yvt
enchil ash o ant okla apeha cha, Chihowa ya aiokpvchit,
14. Chihowa yvt vba chaha moma i shahli ya ik a holi-
topa; mikmvt yakni paknaka ma ik a nanaiva: mikmvt ha-
tak a nana achukma im anukfilli aiena kvv ik ai ituyula,
ahanchi tok.
15. Mihma yakohmi tok: enchil okla hash osh issvt vba
ya ivt taha ma, chukfulhpoba apesvchi vllleha hash osh, Inta!
Behlehem fehna ka kiloh ia cha, nana kvv a yumohmi tuk o,
Chitokaka yvt hvvim anohonli tuk ilvppa ont eho pisashke,
it im achi tok.
16. Mihmvt tushpvt itvnowvt ona cha, Meli, Chosef ita

tuklo ka, micha v^losi atuk mvt issuba ai ilhpitta y^o fohkut itonla aiena h^o okla pisa tok.

17. Yakohmit ont pisa mvt, vlla ymma nana ka okla nan isht im annoa tuk ash ot mishema a mominchit ai anoli tok.

18. Yohmi ma na yakohmi ka chukv^lhpoba apesvchi v^lheha hvt im anoli na okla haiyaklo tuk vt momvt, okokko! aiahni tok.

19. Yohmi kia Meli vto nana yakohmi kash mominchit chukvsh anukaka isht ithaiyanvt, anukfihinli tok.

20. Mihma chukv^lhpoba apesvchi v^lheha hash ot nana kv^t im ai annoa tuk ash fehna ka oklv^lhinchit haklo, micha pisa aiena mvt, Chihowa y^a holitoblichit aiokpahanchit, fala mvt okla ilhkoli tok.

21. Yvmohmi tuk o nitak ont isht untuchina ma, vlla y^a hakshup wishakchi tvbla hi a ai ona hatuk o, ikfoka anuka ik foko kisha mak o, enchil vt ymmak o hochifo tok oka, ymmak ash ot Chisvs hohchifo tok.

22-24. Yvmohmi tuk o Moses vt nana apesa tok a, ishi ash ot na-hullochi nitak vt ont in taha mvt, ishi alpi ka nakni osh vta hokvto moyumvt Chitokaka ma pit im a holitopa he mak o, Chitokaka i nan-vlhpisa ha a holihiso hatuk oka, ymmak ash Chitokaka ima chi, micha nan-isht aiokpvchi vt pvchi yoshuba tuklo, keyukmvt pvchi himita yosh tukla hi o, Chitokaka i nan-vlhpisa yvt abanchi hatuk oka, isht aiokpvcha chi hosh Chelusalem a itelachi tok.

25. Yvmohmi ma yakeh! hatak Simeon hohchifo hosh Chelusalem a anta tok: yohmi kv^t ymmak okvt hatak vlhpiesa, Chihowa ma holitobli aiahli hosh Israel okla na yukupali a pit hohoyo hosh anta tok: yohmi ma ymmak oka Shilombish Holitopa yvt anukfoyuka tok.

26. Yohmi kv^t ymmak okvt Chitokaka i Klaist a ik pessa kisha hokvto, illa he keyu ka, Shilombish Holitopa yvt tik banli im anoli tok.

27. Yvmohmi tuk o Shilombish Holitopa yosh ymmak ash o anukfoyuka h^o ayvt tempel a ant chukowa tok: ant

o ai yvmohma he nan-vlhpisa ha isht ai yvmihcha chi hosh iki, ishki ita tuklo kvt vllosi Chisvs a sholi cha, ant chukowa;

28. Yohmi ma yvmmak ash ot ibbak ishit sholi cha, Chihowa ya pit aiokpahanchi mvt,

29. Chitokaka ma! chishno chim anumpa ha tok pulla mak o, himak okvno chin tishu hvt na-yukpa hosh ia hi a im aiahni:

30—32. Chi nan-ai-okchaya na-tohwikeli yvt oklushi nan ik ithano vhleha ha isht in tohwikela chi, micha chim okla vhleha Israel mvt isht a holitopa chi ka, okla moma itikka ish ai atahli tok a, sa nishkin vt pisa hoke, achi tok.

33. Yohmi ma yvmmak ash o ishki, Chosef ita tuklo kvt yemma nana kvt isht anumpa ka, anukhlakancha tok.

34, 35. Mihma Simeon ash ot, yvmmvt ai yukvt okla hi a, im aiahnit vba isht asilhha; yohmi mvt ishki Meli ash o, Yakeh! vlla ilvppvt Israel okla hvt isht ai akakoha, mikma anonti a tana he aiena kvt lawa he: micha nan-isht-atokowa ka i sanalit isht anumpohonli na chukesh lawa nan isht im anukfila puta mvt ai otaiyana he mak o isht ai vltoka hoke; ahli, mikmvt chishno chi shilombish ma aieninehit bvshpo falaia yvt a hlopulla hi oke; im achi tok.

36. Yohmi ma ohoyo hopaii Anna hohehifo Ase isht ai unchululi, Fanuel ushetik osh, himitasit hatak auwaya tuk o, afvmmi untuklo ma illi tuk o, antvt sipoknit kenia tok.

37. Yohmi kvt vltaklvv hikia tuk a afvmmi pokoli untuchina akocha ushta foka hosh, yvmmak okvt tempel a issvt ik aiyo hosh, nitak, micha ninak aiena ka na-hullochi, micha vba pit anumpuli aiena hosh Chihowa ma isht a holitoblit ahanta tok.

38. Atuk osh yvmmak ash ot yvmmak fehna ma ant chukowa mvt, Chihowa ha, yakoke, achit aiokpvchi akinli tok: mihmvt isht ai okchaya hi a Chelusalem a hoyot aiasha tuk puta ka yvmmak ash ai isht im anumpohonli tok.

39. Yvmohmi ma Chihowa i nan-vlhpisa hatuk ash momechit nana ka ont aighlichit taiyahli mvt, falamvt, Kalili yakni ilap o in tmaha Nasalet a it onachi tok.

40. Atuk o vlla yash ot asenot ia mvt, im anukfila hvt hopoyuksvt alotvt kullot i shahlit mahaya; yohmi ma Chihowa nan isht ahniechi ka mvt ai anukfoka tok.

41. Ubanvblit ont ia nan-ai-impā holitopa ashakma iki, ishki ita tuklo kv̄t afummikma Chelusalem a itiachi beka tok.

42. Atuk osh impā holitopa isht aśha yvmmak oh chatuk mak osh ont ai v̄lhpiesa ma, yvmmak ash ot afummi auah tuklo h̄o, Chelusalem a ilhkoli tok.

43. Atuk osh nitak v̄lhpisa hatuk vt ont in taha cha; falamvt itiachi ma, vlla Chisvs ash ot olbvlaka Chelusalem a anta hokak o; Chosef, micha ishki ita tuklo kv̄t ik akostinicho ki tok.

44. Amba okla it apehvt asht aya ka takla aya he ak o im ahombvt, ayvt nitak achufa nowvt okla tok: mihmvt yvmmak ash ilap i kanomi v̄hleha, micha ai it ithvnaka puta itin takla ya a hoyo tok.

45. Atuk osh yvmmak ash ik ahayucho mvt, hoyo kv̄t falamvt Chelusalem a itiachi tok.

46. Atuk ak o yakohmi tok: nitak ont atuchina h̄o yvmmak ash ot tempel anukaka ya hatak nan-ithvnanchi v̄hleha i haponaklo, micha nan im a ponaklo aiena hosh takla aśha na ont ahayuchit okla tok.

47. Mihma yvmmv̄t nan-ithana, micha anumpa afalaminchit miha imponna aiena ka okla haklo mvt, momvt okokko! aiahni tok.

48. Mihma yvmmak ash ot ont pisa mvt, nukhlakanchev̄t okla tok: mihma ishki ash ot, Svso hvt nanta katiohmi h̄o ish p̄i yakohmichi na ch̄iki ita tuklo li kv̄t nukhaiyaklot ch̄i hoyo li cho? im achi tok.

49. Yvmohmi ma yvmmak ash ot, Nanta katiohmi h̄o h̄vsa hoyo hosh? Aki nan isht im a katiohmi ka isht ahanta la he v̄lhpiesa kv̄no, hv̄ch ik ithano cho? im achi tok.

50. Mihma anumpa yvma, yvmmv̄t isht im anumpu ka, ik ai akostinicho kit okla tok.

51. Mihma yvmmak ash ot awant ia cha, falamvt Nasale a ona mvt, im antia achukma hosh ahanta tok: yohmi h̄v

ishki ash ot anumpa ymmak atuk ash mominchit ilap chu-
kush ma isht il anukfokhit ieshi tok.

52. Mihma Chisus ash ot ahopoyuksvt asvnot mahaya
mvt, Chihowa, micha hatak puta aiena ka im a holitopa kv
i shahlit mahaya tok.

CHAPTA III.

Chan Baptist vt vbanumpa isht anumpohonli, 1: 15 Klaist a ato-
kova anoli; 20 anonti aboha kello fokha. 21 Chisus vt baptismo,
yohmi ma ymmak okvt Chihowa ha Ushi pulla hatuk vt annoa.
23 Alvm ak o isht ai unchululit mihinti ho, Chisus vt hatak a toba
tok a vltokova annoa.

1. TIBELIUS Sesa yvt miko tobtv ahanta tok afvmmi
ont isht auah tahlapik fehna, Pontivs Pailat vt Chutea yak-
ni apehlich ma, Helot vt Kalili ak o apehlich ma, anonti
itibapishi Filip vt Itulea, micha Hlakonitis yakni aiena ka
apehlich ma, Lisanas mvt Abilene ak o apehlich ho,

2. Annas, micha Kaiafas ita tuklo kv na-holitompa isht
asha i shahli yosh ashwa ho, Chihowa im anumpa lvt Chan
Sakalias ushi a yakni haiaka yo im ai ona tok.

3—6. Yvmohmi ma hopai Esias im anumpa holisso ha a
holihiso kv, Achefa hosh yakni haiaka yo ai anumpohonlit,
Chitokaka ataya hi a apoksiachit, i hina puta ka oh apissv-
lech: kolukbi puta mvt momvt ik alotá: mikma nvni,
micha nvni hochito aiena moma kv akanlosit ik tahá: hina
fullota atuk kia apissvt ik tobá: yohmi ma ai itilau iksho
ke tuk vt itilauit tahashke: yohmikma hatak moma kv Chi-
howa i nan okchalinch i pisa he mak oke, achishke; ahan-
chi tok mak o, ymmak okvt ai ashvchika puta ka isht a
kashofa chi ka, ile kostininchit baptisma hi a isht anumpo-
honlit Chatan a bilika yakni a mominchit aya tok.

7. Mihmvt im a baptisma chi hosh okla laua yvt ai vla
ma, Sinti chilita isht-atiaka hvchia ma! na palvmmi mihinti
ka hvsh i hlakofa hi a, kvta hosh hvchim anoli tuk oh
cho?

8. Yohmi hokvt ile kostininchi ai it vhpesa mak o vnit hvsh wayashke; micha, Himona Eblaham ak osh piki yoke, acha hi okeno hvch ik il anukfillo kashke; Chihowa hvv teli yak aiasha ka, Eblaham im vlla ya chi ka ai ikba hinla hoka, hvchim achi lishke.

9. Yohmikma himak ak kia iskifa yvt iti puta ak-isht-va ya ai itonla hoke; yohmi hatuk o iti yvt vni achukma ho vnit waya keyu hokvto, moyumvt chayvt akakoha cha, luak a pit itokaha hi oke, im achi tok.

10. Yohmi ma okla hash osh i ponaklot, Yohmi kvno nanta hak o e katiohma chi ho? achi tok.

11. Mihma afalamnichi kvv, Kvna hosh na-fohka yvt in tuklokmt, kanima hosh ik im ikshokma ik in chvfali; mikma kanima hosh ilimpa hvv im asha kvv, yohmi makinlashke, im achi tok.

12. Yohmi ma pvblikan vhleha hak kia baptisma chi hosh ai va mvt, Nan-ithvnanchi ma! nanta hak o e katiohma chi cho? im achi tok.

13. Yohmi ma, Nana hvchim vhpisa tuk vt atamblit hvch ik hoyo kashke, im achi tok.

14. Yohmi ma tvshka chipota vhleha hak kia i ponaklot, Mikma pishno ak osh nanta hak o e yvmohma chi ho? achi tok: yohmi ma yvmmak ash o, Hatak nana kia hvch ik o mahlantokmt, anonti kvna kia a holvbit hvch ik vhpulo kashke; yohmikmt na hvchim ai vltoba ma, Vhlpiesa akinli hvsh aiahnashke, im achi tok.

15. Okla hvv nana ka pit hohoyo hosh asha hatuk, atul osh hatak moma kvv, Chan a yvmmak osh Klaist mak okma, keyukma, nanta ho chishba? ahnit chvksh a isht anukfieli okla aiasha ma,

16. Chan ash ot mominehit im anumpullit, Vno yokvto oka yo isht hvchi baptismochi li mvhli; yohmi kia achvfa kvv a shabli fehna hosh mihinti ka i shulush isht-talakchi a vno vt hlitoli la hi o si ahoba keyu hoke; yvmmak osh Shilombish Holitopa, micha luak aiena ho isht hvchi baptismocha hi oke.

17. Yummak osh i nan-isht meshahchi yvt ibbak a foyuka: yohmi kv̄t i nan-anihechi yatuk ma achukmali fehnvt kashofa he; mikmvt onush atuk ma kanchak a pit asha-chikmvt, amba hakhlopish okvno luak vt moshola he keyu a isht hukma hi oke, ahanchi tok.

18. Micha okla ha nana inla mvt laua ho isht ai i mihi-hvt, vbanumpa ha isht im anumpohonli tok.

19. Yohmi kia Helot miko yvt ilap itibapishi Filip tekchi Helotias atuk, micha Helot vt nan ik vhpeso puta ai yvmohmi chatuk ash, pit a mominchit atokowvt nan isht ai i miha hatuk o.

20. Nana ik ai vhpesachio ke tuk moma kv̄t ilvppakma isht ai ibafohki hosh Chan a aboha kv̄llo fohkit im okhishta tok.

21. Okla moyuma kv̄t baptismot taha ma, yakohmi tok: Chisvs ak kia baptismo cha, vba pit asilhha ma, vba yvt auet tiwa,

22. Yohmi ma Shilombish Holitopa yvt nipi asha hosh puchi-yoshuba chiyuhmit vba mintit im vla ma, vba ya anumpa hvt auet takali kv̄t, Chishno ak osh svso a holitopa chia hoke; chishno ak o nan isht chi a sai yukpa mak oke, achi tok.

23. Mihma Chisvs vt afvmmi pokoli tuchina ka ona foka hosh, peh im ahoba kvno, Chosef ak o ushi a tok: mihma yvmvt Heli ak o ushi a tok.

24. Mihma yvmvt Mahlat ak o ushi a tok: mihma yvmvt Lefai ak o ushi a tok: mihma yvmvt Melchi ak o ushi a tok: mihma yvmvt Channa ak o ushi a tok: mihma yvmvt Chosef ak o ushi a tok.

25. Mihma yvmvt Mattahlias ak o ushi a tok: mihma yvmvt Amos ak o ushi a tok; mihma yvmvt Navm ak o ushi a tok; mihma yvmvt Esli ak o ushi a tok: mihma yvmvt Nakke ak o ushi a tok:

26. Mihma yvmvt Maath ak o ushi a tok: mihma yvmvt Mattahlias ak o ushi a tok: mihma yvmvt Semei ak o ushi a tok: mihma yvmvt Chosef ak o ushi a tok: mihma yvmvt Chuta ak o ushi a tok:

27. Mihma yummvt Choanna ak   ushi a tok : mihma yummvt Lehesa ak   ushi a tok : mihma yummvt Solobabel ak   ushi a tok : mihma yummvt Salahliel ak   ushi a tok : mihma yummvt Neli ah   ushi a tok :

28. Mihma yummvt Melchi ak   ushi a tok : mihma yummvt Alli ak   ushi a tok : mihma yummvt Kosam ak   ushi a tok ; mihma yummvt Elmolam ak   ushi a tok : mihma yummvt El ak   ushi a tok.

29. Mihma yummvt Chose ak   ushi a tok : mihma yummvt Eliesel ak   ushi a tok : mihma yummvt Cholim ak   ushi a tok ; mihma yummvt Mathlat ak   ushi a tok : mihma yummvt Lefai ak   ushi a tok.

30. Mihma yummvt Simeon ak   ushi a tok : mihma yummvt Chuta ak   ushi a tok : mihma yummvt Chosef ak   ushi a tok : mihma yummvt Chonan ak   ushi a tok : mihma yummvt Eliakim ak   ushi a tok.

31. Mihma yummvt Melea ak   ushi a tok : mihma yummvt Menan ak   ushi a tok : mihma yummvt Mattahla ak   ushi a tok : mihma yummvt Nahlan ak   ushi a tok : mihma yummvt Lewi ak   ushi a tok.

32. Mihma yummvt Chesse ak   ushi a tok : mihma yummvt Obet ak   ushi a tok : mihma yummvt Boos ak   ushi a tok : mihma yummvt Salmon ak   ushi a tok : mihma yummvt Naason ak   ushi a tok.

33. Mihma yummvt Aminatab ak   ushi a tok : mihma yummvt Alam ak   ushi a tok : mihma yummvt Eslom ak   ushi a tok : mihma yummvt Fales ak   ushi a tok : mihma yummvt Chuta ak   ushi a tok.

34. Mihma yummvt Chekob ak   ushi a tok : mihma yummvt Aisaak ak   ushi a tok : mihma yummvt Eblaham ak   ushi a tok : mihma yummvt Hlala ak   ushi a tok : mihma yummvt Nachol ak   ushi a tok.

35. Mihma yummvt Saluk ak   ushi a tok : mihma yummvt Lakau ak   ushi a tok : mihma yummvt Falek ak   ushi a tok : mihma yummvt Hebeh ak   ushi a tok : mihma yummvt Sala ak   ushi a tok.

36. Mihma yummvt Kainan ak   ushi a tok : mihma

yvmmt Alfaksat ak o ushi a tok: mihma yvmmt Sem ak o ushi a tok: mihma yvmmt Noah ak o ushi a tok: mihma yvmmt Lamek ak o ushi a tok.

37. Mihma yvmmt Mehlusala ak o ushi a tok: mihma yvmmt Enok ak o ushi a tok: mihma yvmmt Chalet ak o ushi a tok: mihma yvmmt Maleleel ak o ushi a tok: mihma yvmmt Kainan ak o ushi a tok.

38. Mihma yvmmt Enos ak o ushi a tok: mihma yvmmt Seth ak o ushi a tok: mihma yvmmt Alam ak o ushi a tok: mihma yvmmt Chihowa ak o ushi a tok.

CHAPTA IV.

Chisvs vt, nan-isht-ahullo okpulo yosh imomaka pihisa ma, ik impo ho nitak pokoli ushta mvt, nan-isht ai imomaka pisa puta ka imai-yachi, 1. 14 Chisvs vt falamvt Kalili a ona cha, vba isht anumpohonli; 16 atuk osh Nasalet a ona cha, nitak hullo yo sinakak a nan ai ithvnanchi: 28 mihma okla hvt ik im vlpeso mvt, vbi bvna; 31 Chisvs vt Kapenavm a ona cha, nitak hullo ya nan ithvnanchit ahanta mvt, 33 nan-ishtahullo okpullo ma kohchichi; 38 Pita tekchi ishki a hlakofichi; 40 mihmt nan abeka ilaiyuka laua ka isht ahullo fehna kia ai yvmihchit ahanta mvt, 43 Kalili fullota ka vbanumpa ya isht ai anumpohonli.

1. CHISVS vt Shilombish Holitopa isht anukfohkvmt im alotowa hosh, Chatan vttvt falamvt ia ma, Shilombish ash ot im aiahni na ayvt yakni haiaka ont chukowa na,

2. Nitak pokoli ushta ka Setan vt imomaka pisa tok. Mihma nitak ymma fehna ka nanasi kia vpa tok keyu: atuk osh yvmmt ont taha na misha pilla mvno hohchvfo tok.

3. Yohmi ma Setan ash ot, Chihowa Ushi chia hokmvt, teli ilvppvt pvska toba chi ka i mihá, im achi tok.

4. Yohmi ma Chisvs vt afalaminchi mvt, Hatak vt pvska yak bieka ho ai okchaya he keyu; amba Chihowa im anumpa moma kak ashke; achi kvv hollisso hoke, im achi tok.

5. Mihma Setan ash ot yvmmak ash ilauelit nvni chaha

yo isht oiya cha, yakosi itin takla fehna ho miko apehliche puta yakni aiasha ka mominchit i haiakvechi tok.

6. Mihmt Setan ash ot, Nan im aiahlika, micha im a holitopaka aiena ilvppa mominchit chima lashke; yvmmvk okvt vno ak o vmmi toba tok: yohmi ka kva ho vno ahni li hok mak osh ima li hoke.

7. Yohmi hoka chishno vt aka hlipvt is si aiokpvchi hokma, moma kv chimmi hashke, im achi tok.

8. Mihma Chisvs ash ot afalaminchit, Setan chia hv vt ashaka yak o ish hikiashke; Chitokaka chin Chihowa yak o i hvchukbihleptv ish aiokpahanchashke; micha yvmmak illa ho holitoblit ish im antiashke; achi kv holisso hoka, im achi tok.

9. Mihma yvmmak ash ot Chisvs ash o ilauelit Chelusa-lem a ont isht chukowa cha, tempel wishakchi yo ont o hilechi mv, Chihowa Ushi chia hokmv, aka pit ish ile pilashke:

10, 11. Chishno a chi apesahancha chi ka, im enchil vheha ha atohno na ibbak a okla vba isht takalihinchit chisht aya na nitak kanima kia chiyi ya teli isht chik ai isso ka hi a, achi hosh holisso tok oka, im achi tok.

12. Mihma Chisvs ash ot afalaminchi mv, Chitokaka chin Chihowa ya imomaka chik peso kashke; achi tok a ashvshke, im achi tok.

13. Mihma Setan ash ot nan isht ai imomaka pisa puta kash o isht im anukfillit ont tahli mv, yakosi takla kvo i filvmmi ia tok.

14. Yohmi ma Chisvs ash ot Shilombish nan-isht im aiahli ka yvt anukfoyuka hosh falamvt Kalili a ona tok: mihma yvma isht annoa kv yakni yvma a bilika a mominchit hlopulli tok.

15. Mihma yvma i sinakak a puta ka nan ai ithvnan-ehit ahanta ma, momvt ahninchit tok.

16. Yohmi ma ai vtvtv hofanti tok Nasalet mak o vla tok; mihmv a yohmi atuk okvt, nitak hullo nitak a sinakak a ont chukowa cha, holisso it im anvpula chi hosh vakayvt hikia tok.

17—19. Mihma hopaii Esaias i holisso ho ant ima tok: yohmi ma holisso hash wakummi mvt, yemma a holisso kv, Ilbusha puta ka vbanumpa isht im anumpuli la hi a yvm-mak osh nan isht si ahvmmi tuk okvt, Chitokaka im i shi-lombish vt si onvtuyula hoke: chukesh nukhaklo puta ha-tuk kia hopohlvehit, yuka vhleha hatuk ma isht a hlakofa he; mikma lpa puta yatuk mvt isht a hoponaya he, micha issikkopa puta kvt asha tuk a isht a mokofit, Chitokaka yvt aiokpahanchi afvmmi ma isht anumpohonli la hi o, si a tohno tuk oke, achi ho ahayuchi tok.

20. Mich a holisso hash akamvli mvt, falaminchit sinakak nan-isht aivtta yash ima cha, aka binili tok. Mihma sinakak aiasha tuk ash ot momvt nishkin isht aiokchifeli tok.

21. Mihma yvmmak ash ot, Holisso ilppvt himak nitak a hvchi haksobish a isht hvsh haklo kv ont aiahli hoke, im achit isht ia tok.

22. Yohmi ma moma kv nan ia atokowa ma pisvt, anum-pa hochukma kv itih ha a kohoncha ka okokko! aiahni tok: mihmvt, ilppvt Chosef ushi keyu ho? okla achi tok.

23. Mihma, Alikehi a chishno inlit ile hlakofichi: nana kv Kapenavm a a yvmohmi na e haklo tuk okma, chi yakni ilppak inli ma a yvmihchi, achi anumpa isht vlpisa ilvp-pak o hvs svm achi pulla chi hoke, im achi tok.

24. Mihmvt, Ahli pulla ho hvchim achi lishke, Hopaii nana ak osh ilap i yakni ak inli hoka ai a holitopa chatuk keyushke, achi tok.

25. Yohmi kia aiahli mak o hvchim anoli li: Elias vt ahanta nitak a vba vt ai okshilitvt kemia na afvmmi tuchina hvshi hannali; yohmi na hopoa chinta fehnvt a hlopulli ka, Israel okla ha ohoyo i hatak illi vt lauvt aiasha tok.

26. Yohmi kia yemma achvfona kia im aya hi vt Elias vt ik vltoko: amba Saiton yakni Salepta tmaha, ohoyo i hatak illi yvmmak illa tok.

27. Mich a hopaii Elisevs vt ahanta nitak a Israel okla ha leplosi vbi kv lauvt aiasha tok: yohmi kia yvmmak ash ot achvfona kia ik hlakofa ho, amba Naaman Silian hatak ak illa tok.

28. Mihma sinakak aiasha tuk vt ilvppa puta ka haklo mvt, momvt anukhobelvt knia tok.

29. Mihmvt okla wakaya cha, ymmak ash o tumaha ha kohcha pit chvffichi mvt, itehpelvt aka pit kancha chi hosh ilauehit, in tumaha ai on talaia sakti ont on talaka fehna isht ona tok.

30. Yohmi tuk kia ymmak ash ot okla hash itin takla a hlopullit kanima ia tok.

31. Mihmvt Kapenavm tumaha Kalili yakni a ona cha, nitak hullo nitak puta ka okla nana ithvnanchi tok.

32. Yohmi ma im anumpa hvt a na-fehna hatuk o, nana ithvnanchi ka okokko! okla aiahnit im anukfila tok.

33. Yohmi ma sinakak a hatak vt shilombish okpulo yut isht ai i foka hosh anta tok: atuk osh ymmak ash ot chitolit tahpvlvt,

34. Ikikke! Chisvs Nasalet minti chia ha nanta ho isht e chi ahalaia cho? ish pissikkopala chi hosh ish la hoh cho? kna ho chia hoka chithana li, Chihowa i holitopa yak oke, achi tok.

35. Mihma Chisvs ash ot ymmak ash im olvbbit, Nukchintot ymma ish a kohchashke, achi tok. Yohmi ma shilombish okpulo ash ot okla ai itintaklvchit ai akvchi mvt, nan ik kanehiho hosh a kohcha tok.

36. Yohmi ma okla moyuma mvt nukhlakanchvt, ilap bika it im anumpulit, Ilvppvt anumpa nanta hokak osh yakohmi cho? nan im vlhpisa, nan aiahlika aiena ho shilombish okpulo puta ka nan isht im ai apihisa hoka, okla kocha wihvshke, achi tok.

37. Yohmi ma ymma ai isht annoachi ka yakni auet a bilika aiasha ka moyuma a hlopulli tok.

38. Mihma sinakak a vttvt kohchvt ia mvt, Saimon in chuka ont chukowa tok: mihma Saimon tekchi ishki vtyvha fehna tuk o, pisa hinla ka okla im aiahni tok.

39. Mihma ymmak ash o wakayvt hikia mvt, yvha hash im olvbbi: yohmi ma ymmak ash o yvha hvt ai issvchi tok; mihma ashalika tani cha, okla hash nan isht im vttv tok.

40. Yohmi hatuk o hvshi vt okvtula ma, ililli ilaiyuka isht abeka im asha tuk puta kvt momvt yummak ash o im ai ona tok; yohmi ma ibbak vt aieninchit mominchit isht umbiteptv hlakofihinchit tok.

41. Mihma nan-isht-ahullo okpulo puta kvt laua ka a kocha wiha mvt, chitoli hosh mihvt, Chishno ak osh Chihowa Ushi Klaist chia hoke, ahanchi tok. Mihma yummak ash im olvbbi mvt, ilap ak osh Klaist atuk a ithvna ka, yumma ik mihá, ik im ahno ki tok.

42. Atuk osh ont onnvt taha ma, kohchvt ivt yahni haika ya ona tok: mihma okla hvt hoyot itvnowvt im ai ona mvt, ai i filummit kanima ik aiyo ka chi ho, im olvbbi tok.

43. Mihma tmaha inla ak kia Chihowa apelhichika ya isht im anumpohonli la chi hoka, yummak a he mak osh aya li ha tok okvt, im achi tok.

44. Mihmvt sinakak pta Kalili aiasha ka vbanumpa isht ai anumpohonli tok.

CHAPTA V.

Chisvs vt Saimon i peni yo fohkvt asha hosh okla ha nan-ithynan-chi, 1: 4 Saimon vt, Chisvs osh i mihvt nan anukfilli pulla ho, himona ka nvni lawa fehna hokli: 11 mihma Saimon, Chemis, micha Chan aiena kvt Chisvs a apeha. 12 Chisvs vt leposi vbi yo hlakofichi: 16 atuk osh vba pit anumpula chi hosh haika ia; 17 mikmvt hatak palsi isht abeka yatuk a hlakofichi; 27 Chisvs vt Leifai nan im ai ithvna toba chi ka i miha: 29 micha pvblikan vhleha mikmvt hatak nan-ashvchi vhleha aiena ka yummvt ai vhpesa ho ibai impa hatuk vt miha; 33 ilap nan im ai ithvna vhleha hvt kanichmit nan i palvmma he anoli.

1. **ATUK** o yakohmi tok; okla hvt Chihowa im anumpa ha hakla chi kvt yummak ash atehlifichit kaiyanchi ho, Chenesalet hohtak lapalika yo hikia;

2. Yohmi cha peni tuklo kvt hohtak lapalika ya takohnli na pisa tok: yohmi kia hatak nvni vbi vhleha hatuk vto a kocha wiha tuk osh nvni isht-hokli achvfa hosh maya ha tok.

3. Mihmvt peni achvfallit Saimon ak o immi yo pit chuk-

owa mvt, oka alaka takali tuk a kanvlichit mishemanchit pit takalicha hinla ka, im ahni tok. Mihmvt binili cha, peni yo fohkvt asha hosh okla ha nan ithvnanchi tok.

4. Anumpuli kvt ont issa mvt, Saimon ash o, Ahofombika pit takalichi cha, nvni isht-hokli puta ka okvchit ish hoklashke, im achi tok.

5. Mihma Saimon ash osh afalaminchi mvt, A shahli ma! ninak a isht il asha na oyunna kvt nana ke hoklo ke tuk: yohmi kia chishno chim anumpa atuk oka, nvni isht-hokli a pit okvchi li mak inlashke, im achi tok.

6. Micha ilvppa okla yvmihchi mvt, nvni lawa fehna ho hokli na i nvni isht hokli vt mitafa tok.

7. Yohmi ma im itapela vhleha hvt peni achvfa ya asha tuk vt vla cha, ant apela hinla ka, okla pit im avvchi tok. Mihma okla ai vla cha, peni ash it aieninchit okla alotoli: yohmi hoka yvmmak ash ot okbilhvvt isht ivt okla tok.

8. Saimon Pita yvt yakohmi na pisa mvt, Chisvs iyikalar ha ya pit tikinlit aka hlipivt, Hatak nan-ashvchi sia hoka a filvmmitt, kanima ish iashke, Chitokaka ma! achi tok.

9. Himonna okvchit kohechi kvt, nvni yvt yohmi ho hokli kvt, ilapo, micha inla apchvt aya tuk vt momvt nukhlakan cha tok.

10. Mihma Saimon im itapela, Sebete ushi, Chemis, mi cha Chan ita tuklo kak kia yvmohmi tok. Mihma Chisvs vt Saimon a, Chi nukshopa na, himak pilla ha hatak ak o ish hokla chi hoke, im achi tok.

11. Mihma i peni ash vli ha okla ant itaiyali mvt, nana moma kvt asha na issa cha, yvmmak ash okla iakaiya tok.

12. Atuk o yakohmi tok; yvmmak ash ot temaha karri ohmi ho anta tuk o, hatak vt leplosi isht ai vbi fehna hosh anta tuk osh, Chisvs a pisa mvt, hlipivt itola cha, im ilbvshvt Chitokaka ma! chishno vt vlvpesa ish ahnikmvt, sa kashofa hinlvshke, im achi tok.

13. Mihma ibbak pit welit potoli mvt, Vlvpesa ahni lish ke; chi kashofashke, im achi tok. Yohmi ma leplosi ash o ashalika a mokofvt kvnia tok.

14. Mihma hatak nana kia ik im anolo ka chi ka i miba

mtv, amba ivt na-holitompa isht vtta yak o ont im ile haia-kvchi cha, na chi kashofa ka nan-isht-ai im atokowa mak o Moses vt nan apesa tok a, nana ka ish bohlayshke, im achi tok.

15. Yohmi kia yohmi ha yak o isht i shahlit kanima moma ka yvmak o ai annoa tok: yohmi ma im a haponakla chi, micha haknip ik achukmo puta kv a hlakofa chi hosh okla chinto-fehmt ai itvnaha tok.

16. Mihma ilap illvt ai i mokofvt, yakni haiaka ona cha, vba pit anumpohonli tok.

17. Atuk o yakohmi tok: nitak kaniohmi ho nana ithv-nanchi hosh ahanta ma, Falisi vhleha, micha nan-vlhpisa ithvnanchi vhleha aiena kv Kalili yakni tmaha aiasha moma, micha Chutea, mikmt Chelusalem aiena ka asht kohchvt aya kv yvma binohmaya tok: yohmi ma Chito-kaka nan-isht im aiahlika yvt okla ma hlakoficha chi kv ai iklvmt takali tok.

18. Yohmi ma hatak kanohmi kv hatak vt palsi vbi yo potvlhpo ai it i sholit isht vla tok: mihmt kaniohmit yvma pit isht chukowa cha, itikba ya ont bohla hinla kv, okla akostininchi bvna tok.

19. Mihmt okla hak osh laua fehna hatuk o, kaniohmit pit isht chukowa hinla kv ik akostinincho mvt, aboha pak-naka yo okla pit oiya cha, pit hlopullichit in topushi ash fokit iklvna ka Chisvs itikba ya pit bohli tok.

20. Mihma okla na yimmi ka pisa mvt, Hatak chia kv na chim ai ashvchika yvt chi kashofa hoke, im achi tok.

21. Mihma na-holissochi vhleha, micha Falisi vhleha aiena kv, Ilvppvt kvta hokak osh Chihowa ik ahobalot anumpuli cho? Kvta hosh nan-ai ashvchika ya kashofa hinla? Chihowa ak illa keyu? aiahnit okla im anukfvt aiasha tok.

22. Yohmi kia yvma im anukfila ha Chisvs vt im akostininchi mvt, anumpulit, Nanta mak o hvchi chukvsh anuk-kaka isht hvchim anukfila cho?

23. Na chim ai ashvchika puta kv chi kashofashke, achi

kak okmá, keyukmvt, Tani cha nowá : achi kak okmá, katimampo kak osh ahchiba kv̄t ik lauwo cho ?

24. Yohmi kia Hatak Ushi vt nan ai ashvchika puta kashofa hi vt yakni paknaka ya ai im v̄hpieša hatuk a hvsh akostininha ch̄i kak oka, im achi mvt, palsi vbi ash, Tanit chin topushi a ish ishi cha, chin chuka ish iashke, chim achi lishke, im achi tok.

25. Mihma okla momvt pisa na tanit ai onvtola tuk ash ishi mvt, Chihowa ya holitoblichit aiokpahanchit in chuka ia tok.

26. Mihma okla momvt nukhlakancha fehmv̄t, Chihowa ya holitoblichit aiokpahanchi mvt, nukshopa fehna hosh, Himak nitak oka nana kv̄t inla fehna hō eho piesvshke, achi tok ;

27. Atuk o nana kv̄t a yakohmi ha ya kohchvt ia mvt, publikan vt Lefai hohehifo hosh tvli holisso abohli ya asha na ont pisa mvt, Is si akaiyashke, im achi tok.

28. Mihma nana moma kv̄t asha na issvt wakaya mvt, iakaiya tok.

29. Mihmv̄t Lefai ash osh ilap in chuka akinli hō ym-mak ash o impa chinto fehna im ai ikbi tok : mihma publikan v̄hleha, micha inlaka aiena kv̄t laua hosh iba takla binoh-maya tok.

30. Yohmi kia i na-holissochi v̄hleha, micha Falisi v̄hleha aiena kv̄to ymma nan im ai ithvna v̄hleha hā lumvt nana mihachit, Nanta katiohmi hō publikan v̄hleha, micha nan-ashvchi v̄hleha aiena ka it-ibai impvt, nan it ibai ishkv̄t hvsh aiasha cho ? achi tok.

31. Mihma Chisvs vt afalaminchi mvt, Haknip im achuk ma hokv̄to alikchi a bunna keyu ; amba abeka mak oh cha-tuk oke.

32. Hopoyuksa v̄hleha ak o hoyot aya li ha tok keyu : amba nan-ashvchi v̄hleha hv̄t ile kostininha ch̄i kak atuk oke, im achi tok :

33. Yohmi ma, Nanta katiohmi hō Chan nan im ai ithvna v̄hleha hv̄to chekosikma nahullochit, vba pit anumpuli aient ahashwa, mikma Falisi v̄hleha nan im ai ithvna v̄hleha ak

kia yvmohmi akinli hokak o, amba chimmi hvto impvt nan-ishkot aiasha cho? okla im achi tok.

34. Mihma hatak himona ohoyo itauwaya tuk vt takla anta moma ka, i kana vhleha hvv nukhaklot nahullocha hinla, hvsh im apesa vhlpesa cho?

35. Yohmi kia hatak himona ohoyo itauwaya tuk ash ot ai i filvma he nitak vt ai ona he: yohmik mak o nitak yvmma fokakmvno okla nukhaklot nahullocha hi oke.

36. Mihmvt nan isht vhlpisa hq aieninchit isht im anum-puli mvt, Hatak nan ak osh na-fohka himona a hlilafa ka na-fohka sipokni a akvlli chatuk keyu: yvmmak keyukma himona yvt hliluffikmvt, anonti himona ya a hlilafa tuk okvt sipokni a ai it im vhlpesa he keyu hoke.

37. Mikma hatak nan ak osh oka paki himona ya shukcha sipokni yo pit vni chatuk keyu: yvmmak keyukma oka paki himona yash ot shukcha ya mitahlich cha hlayakma, anonti shukcha yash ot okpulo chatuk.

38. Amba oka paki himona yvt shukcha himona yo vltto hok mak osh tuklot nan ik kanihmo chatuk oke.

39. Michka hatak nan ak osh oka paki siponki a ishko ha yvt ashalika himona ma bvna chatuk keyu: sipokni ak, osh achukma kvv i shahlishke, achi hokvt, im achi tok.

CHAPTA VI.

Nana kvv achukma he okvno nitak hullo kia isht anta he ai vhlpesa hatuk a, Chisvs vt anoli, 1: 8 mihmvt ibbak shila yatuk a hlakofichi. 12 Chisvs vt ninak a vba pit anumpohonli na onna mvt, vbanumpeshi avah-tuklo ka atokoli; 17 yohmi mvt hatak abeka lava ka hlakofichi. 20 Hatak kaniohmi hosh holitopa he, mikma hatak kaniohmi hq na-palvmmi kvv onvtula he puta ka, Chisvs vt otv-nichi. 27 Pin tvnvp vhleha kia e holitoblit, nan isht ai achukma he puta ma il i yvmohma hi a Chisvs vt pi miha; mikmvt okla moyuma ka il i kana hi ak o, pim ahni; 37 hatak inla asha ka nan ik achukmo imma hokvno im anukfillit kil anumpulo ka hi a, pim avvchi. 43 Iii a ilap vni akinli kak o isht ithvna chatuk: mikma hatak a ilap nana a kaniohmi kak o isht akostininichi chatuk.

1. YUMOHMI tuk osh vbanvblit ont ia yatuk nitak atukla ka ai isht nitak-hullo vmona ho, yummak ash ot osapa taloha ha hlopullit aya tok: yohmi ma nan im ai ithvna vhleha hash ot onush vni ya teptulit ibbak isht koyuhlit okla vpa tok.

2. Mihma Falisi vhleha kaniohmi kv, Nanta katiohmi ho nana ka nitak hullo nitak a a yohma he vhpesa keyu keno hvchi yvmohmi cho? im achi tok.

3. Mihma Chisvs ash ot afalaminci mvt, Lewi vt ilapo, micha apehvt aya tuk aiena kv hohchvfo mvt, nana a kaniohmi tok;

4. Yohmi kv kaniohmit Chihowa im aboha ha pit churkowvt, prska otvni a ishi cha vpa mvt, apehvt aya tuk ash kia ipeta tok: yummak oka ai vpa he vhpesa keyu, amba na-holitompa isht asha ak illa ha tok oka, ilvppak kia holisso ha hvch ik a peso chatuk oh cho? achi tok.

5. Mihmvt Hatak Ushi vt nitak-hullo a in Chitokaka akinli hoke, im achi tok.

6. Atuk o anonti yakohmi tok: nitak-hullo inla ho sinakak ont chukowa cha, nana ithvnanchi tok: mihma hatak vt ibbak ishtimpak imma yvt shila yosh yumma asha tok.

7. Mihma na-holissochi vhleha, micha Falisi vhleha aiena kv nan vhpisa onocha chi hosh, nitak-hullo nitak a na hla-kofichikma, nanta chi chishba? ahnit apesvchi tok.

8. Yohmi kia ilap vt okla im anukfila ha im ithana hatuk osh, hatak ibbak shila yash, Wakaya cha, iklvnnaka ya ont hikia, im achi tok. Mihma yummak ash ot wakaya mvt ont hikia tok.

9. Mihma Chisvs ash ot okla hash, Nana achvfa ho hvchi ponaklo lashke: Nitak hullo nitak a nana achukma kak o a yvmohmi kak okma, keyukmvt nana ik vhpeso yak o a yvmohmi kak okma, ilhfiopak a okchalinci kak okma, keyukmvt tvbli kak okma, nana kak osh ai vhpesa hoh cho? im achi tok.

10. Mihmvt filemvt okla hash o mominchit pisa mvt hatak ash o, Chibbak a chisemochi, im achi tok: mihma yv

mihchi tok: yohmi ma ibbak ash osh falamvt achukmvt taha mvt, in tannvp akinli hō chiyuhmi tok.

11. Mihma okla hvt anukhobela fehna tok: yohmi mvt Chisus a nana hō kuniheha chi kvit it i mihvt aiasha tok.

12. Mihma nitak yvmma foka ka, yakohmi tok: vba pit anumpula chi hosh kohchvt nvnih chaya yō ont oiya tok;

micha ninak a Chihowa pit im asilhvvt ahanta na onna tok.

13. Mihmvt ont onnvt taha ma, ilap nan im ai ithvna vhleha hash hoyot itahobi tok: mihmvt yvmmak ash auah-tuklo hō ai atokoli mvt, yvmmak ash vbanumpeshi hochifo tok.

14. Saimon yvmmakma ilap ak osh Pita yō hochifo, mikmvt itibapishi Antilu, Chemis, micha Chan, Filip, mikmvt Bathlolomu,

15. Mahlu, micha Tamas, Alfevs ushi Chemis, Saimon Selotes hochifo:

16. Michā Chutas Chemis itibapishi, mikmvt Chutas Iskaliot, yvmmak osh na haksichi yosh aiena tok.

17, 18. Mihmvt yvmmak ash ot awant akowa cha, yakni matali yō ant hikia ma, nan im ai ithvna yvt lawa, mihmvt okla chinto fehna Chutea yakni moma, Chelusalem aiena ka a minti; mikma okhvta lapali ka Taia, micha Saiton aiena asht minti; mihma shilombish okpulo yō isht issikkopa yatuk aiena kvit yvmma im a haponakla chi, micha haknip ik in chukmo puta atuk vt im a hlakofohla chi hosh im ai vltv hlakofohli tok.

19. Mihma okla chito ash ot momvt, nan-isht a hlakofi vt yvmmak o a kohcha hosh mominchit hlakofichi hatuk oka, yvmma potoli bnna tok.

20. Mihma ilap nishkin ash nan im ai ithvna vhleha ha isht on talohli mvt, Ilbvsha hvchia ma! Chihowa apehlichika yak osh hvchimmi hokvt na hvchi yukpvshke.

21. Himonasi hokvno hohevvtot aiasha hvchia mvt, hvchi kaiya hi okvt na hvchi yukpvshke. Himonasi hokvno yahayvt hvsh aiasha mvt, hvsh yukpa hi okvt na hvchi yukpvshke.

22. Hatak Ushi pulla atuk mak o hatak puta mvt hvchi

nukkillit, ilap ai itapeha ya isht a hvch il a filamohlichit, na hvchi mihachit, hvchi hohchifo ma nan okpulo yo ai itilauechit kahancha hi oke: yohmikma na hvchi yukpvshke.

23. Yakeh! nan-isht-vlhtoba hv chinto hosh vba ya hvchin tonla hokvt, nitak yemma felnakma, na ho yukpa: na hvchi yukpt hvsh mvlashke: yemma in tikba vhleha hv hopaii puta ka yummak inli ho i yvmihchi beka tok oke.

24. Amba nan in laua hvchia hvto nan-isht a hvchi yukpa ma hvsh pisa hokvt, na hvchi palvmmi mak oke.

25. Kaiya hvchia hvto hvchi hohchvfa hi okvt na hvchi palvmmi mak oke. Himonasi a hvchi yukpa hokvt hvchi nukhaklot hvsh yahaya hi okvt na hvchi palvmmi mak oke.

26. Hatak moma kv ahninchit isht hvchi anumpohonlikma, na hvchi palvmmi mak oke: in tikba vhleha hv hopaii ilahobi puta ka yummak inli ho i yvmihchi tok oka.

27. Amba hvsh haklo hvsh puta kvno hvchin tnvvp vhleha ma i hullot, hvchi nukkillikma nana achukma ho hvsh i yvmohmashke.

28. Nan ik vlhpeso isht hvchim anukfillit na hvchi miha-chi ya na-yukpali hosh anumpulit, anonti anumpa isht hvchi a holvbechikma, vba pit isht hvsh anumpohonlashke.

29. Micha kvna hosh chitisukpi a issokma, in tnvvp ma pit ish i weli makinlashke: mikmvt kvna hosh chim anchi a chim ai ishi ka, chi na-fohka lumbo ma isha chi ka, chik i halanlo makinlashke.

30. Kanima hosh nan chim asilhha ka ish imashke; micha kvna hosh nana ka chim ai ishikma, falaminchit chik i hoyo kashke.

31. Micha hatak puta kv hvchishno a a hvchi yohma hi a, hvsh aiahni hok mak osh, hvchishno ak kia mih-mak o hvsh ai i yvmohmi makinlashke.

32. Micha hvchishno a hvchi hullo na mihi yo hvsh i hullo hokvt, nanta ho isht a hvchi yukpa cho? nan-ashvchi vhleha hv, kanima hosh ilap a i hullo hokvno i hullo chatuk akinli hoka.

33. Micha kanima kv hvchishno a nana achukma ka isht a hvchi yvmohmi ho hvchishno mvt nan achukma ka isht

hush ai i yvmohmi hokvto, nanta hō isht hvchi yukpa cho? nan-ashvchi vhleha ak kia yvmmvno yohmi chatuk oka.

34. Micha yvmmvt hvchim atobba hinla ka hvchim ahoba hokmak osh hvsh i-pota hokvto, nanta hō isht a hvchi yukpa cho? nan-ashvchi vhleha ak kia yvmmak atuk ash inli ohmi hō isha chī kv̄t, nanashvchi bika ya i pota chatuk oka.

35. Amba hvchishno vto hvchin tv̄vp puta ka hvsh i hullo, mikmt nana achukma hō hvsh yvmohmikmt; anonti nana kia isht ai vltoba hi a ik aiahno hosh hvsh i potashke: yohmikma isht a hvchim vltoba hokvto chinta he; micha Nana moma imaiya im vlla hvchia ha hi hōke. Yvmmak okv̄t ilap a ik aiokpacho, micha nan vlpesa keyu vhleha aiena ka i kana achukma yoka.

36. Yvmohmi hoka hvchishno mvt na hvchi nukhaklo bano kv̄t, hvch̄ Iki vt nan i nukhaklo bano yoka yvmmak inli hō hvsh chiyuhmashke.

37. Inla ya ik vlpesachot nan hvch ik apeso kashke. Yohmik mak osh nan ik hvchim vlpiso ka he mak oke: isht a hotopa he anumpa ha hvsh onochi ná; yohmikmak osh hvchishno vt isht a hotopa he anumpa hv̄t ik hvchi onv̄tulo ka hi oke: inla ya i kashofit hvchim i haksashke; yohmikmak osh hvchishno mvt hvch̄i kashofa hi oke.

38. Hvsh ihmashke: yohmikmak osh hvchishno mvt hvsh habihina hi oke: vlpisa achukma, vltetekv̄chit, mikmt faiokv̄chit it ai isso hosh ont atampv̄t hlahaya ho, hatak vt hvch̄ il ai vskofv̄chi anykaka ya pit hvchim apitta hi oke. Nan isht vlpisa hvchishno vt isht hvsh apesa tuk a, yvmmak inli hosh hvchishno ma isht hvchim vlpisa hi oke, hvchim achi lishke.

39. Mihmvt nan isht apesv̄t anumpulit, Lupa yv̄t lupa ya halv̄llit isht aya hinla? tuklot yakni chiluk kia pit ik kaho ka hinla hō?

40. Nana ithv̄na vt nan ithvn̄n̄chi a i shahli chatuk keyu: amba nana ka imponv̄t aiahli hok mak osh moma kv̄t nan-ithvn̄n̄chi ak o ai itilaua hi oke.

41. Micha nanta katihmi hō na hishonluk iskv̄tinosi kv̄t

ish itibapishi nishkin a foka na ish pisa hokak osh, anonti iti chito yvt chi nishkin akinli ka foka kvno chik akostinincho cho?

42. Keyukmvt anonti katiohmit ish itibapishi ha, Itibapishi li ma! na hishonluk iskvtnosi kvv chi nishkin a foka ka ak chi kohchi, ish acha hinla cho? chishno chi nishkin akinli kvno iti chito yosh foka ka chik peso kvv; nan-ilahobi chia hoka, iti chito yak o tikba ishit chi nishkin a ish a kohchashke; yohmikmak osh ish pisa achukma hosh ish itibapishi nishkin a nahishonluk iskvtnosi kvv foka ka ish kohcha hinla hoke.

43. Iti achukma kvv vni vt okpulo yo vnit waya chatuk keyu: yohmikma iti okpulo mvt vni achukma ka vnit waya keyu chatuk oke.

44. Iti puta kvv ilap vni yak o isht il ai otvvinchi chatuk: hatak vt kvv hak o fik a ai vmo chatuk keyu: yohmikmvt bissvpi ak o paki a ai vmo chatuk keyushke.

45. Hatak achukma yvt chukvsh a nana achukma kvv i foka hatuk osh, nana kvv achukma ho ai ishit kohonchi chatuk: mikma hatak vlpesa keyu kvvto chukvsh a nana okpulo yosh i foka hatuk osh, nana kvv vlpesa keyu ho ai ishit kohonchi chatuk: chukvsh vt isht alotowakmak o itih hvv kohchit anumpuli chatuk oke.

46. Na katihmi ho nana ka hvchi mihha li ka hvsh yohmi keyu kak osh, Chitokaka ma! Chitokaka ma! hvv si achi cho?

47. Kvna kia vm vlvv, nana mihha li ka haponaklo cha, ai yvmohmi kvv, kvna ho holba ka hvchim anoli lashke.

48. Hatak vt chuka ya ikbi kvv, yakni a kullit, hofobichit, teli yo nutaka in tola ya ai om bohli tuk mak o chiyuhmi hoke: yvmohmi tuk o okchito hvv aya mvt, chuka yvmmak ash yanvlli hvv kullot ai isso fehna tok: yohmi kia teli yo a toba ha tok oka, ik winalecho ki tok.

49. Amba kvna hosh haklo cha, mihma ik yohmo hokvto, hatak vt nutaka in tonla yvt iksho ho yakni yak o chuka ya ai on talali tok mak o chiyuhmi hoke: yvmohmi tuk o yvmmak ash yanvlli hvv kullot ai isso fehna tok; yohmi ma

chekosi makinli ho kinafa mvt, chuka yummvt okpulo kvt ai okluha tok, im achi tok.

CHAPTA VII.

Chisvs vt Kapenavm a ona cha, Sintulion na-yimmi ka ahninchí mvt, 1; 10 in tishu ha hlakofichi. 11 Nain a ona cha, ohoyo i hatak illi ushi illi tuk a falaminchit tanichi. 18 Chan vt aboha kvlo foka mvt, yummak osh Klaist mak okma, keyukma, nana hatuk ma Chisvs a pit i ponaklo: 22 mihma ilap vt nana kvt a fehna kia yummichi tok puta kvt Chisvs vt im anoli: 24 mihmvt Chisvs vt Chan a isht anumpulit atokowa ka anoli. 37 Ohoyo hvt nanashvchi yo ik yohmi, im aiahni na iyi ya nan-ahama a hvmmi; mihma ohoyo hash hopohlvchit nan im ai ashvchika ya i kashofi.

1. OKLA hvt haponaklot aiasha na nana ka mihvt ont in taiyaha mvt, Kapenavm a ont chukowa tok.

2. Mihma Sintulion achvvt in tishu, yummvt i holitopa chatuk osh, abeka cha, illa hosi tok.

3. Atuk osh Chisvs a pit haklo mvt, vla cha, in tishu hash hlakoficha hinla ka, pit im aiahni hosh, Chu okla in tikba vhleha ha pit in tihleli tok.

4. Atuk o yummak ash ot Chisvs a im ai ona mvt, im asilha kvt achilita fehnvt, Ilvppa ai i yvmihcha he vhpiesa fehna;

5. Yummak okvt pim okla talaia ha pi holitoblit sinakak a pim ikbi tok oka, achi tok.

6. Mihma Chisvs vt awant ia tok. Atuk osh chuka atuk ash ona hosit taha ma, Sintulion ash osh i kana vhleha ha pit in tihleli mvt, Chitokaka ma! ayvt ik chim ahchibo kashke: chishno vt vm aboha ya ant ish chukowa he si ahoba keyu hoka.

7. Yohmi kvt anonti vno akinli hosh ayvt ont chi pisa la he si ahoba keyu kvt vm anukfila atuk oke: amba anum-pa bano ho ish mihakma, an tishu hatuk mvt hlakofa hinlvshke.

8. Vno ak kia hatak tvshka chipota vhleha pehlichit i shahli nutaka ahanta chatuk sia hoka: yohmi kvt achvfa ka, lá, im achi likma, ia hoke: mikmvt inla ma, Mintí, im achi

likma, minti hoke: mikmvt an tishu hā, Ilvppa yakohmichi, im achi likma, yvmihchi chatuk oke, pit im achi tok.

9. Mihma Chisvs vt ilvppa puta ka haiyaklo mvt, pit im aiokpanchi fehmvt, filemvt hikia cha, apehvt aya tuk okla hash, Israel okla hā kanima kia na yimmi chinto yakohmi ka ak a pesoshke, hvchim achi lishke, im achi tok.

10. Mihma yummvt yakohmit itvnova tuk vt chuka ash falamvt, tishu abeka tuk vt hlakofi tuk o ont pisa tok.

11. Atuk o ont onna ma yakohmi tok: tmaha Nain hohchifo hō ia tok; mihma nan im ai ithvna laua, micha okla laua aienvt apehvt ilhkoli tok.

12. Atuk osh tmaha okhissa ya i bilika vla ma, hatak vt ohoyo i hatak illi yō ushi yosh, ishki a yummak osh i bano chatuk osh illi na okla sholit kohcha tok; yohmi ma tmaha okla hvt laurt ymma apehvt aya tok.

13. Mihma Chitokaka yvt ishki atuk a pisa mvt, i nukha-klo cha, Ish yaiya nā, im achi tok.

14. Mihmvt yummak ash ot ai onvtola kash ant potoll tok: mihma sholi tuk vt lumvt hieli tok. Mihma, Hatak himita chia hvt ish tanashke, chim achi lishke, achi tok.

15. Mihma illi yatuk yummak ash ot tanit binili cha, anumpuli tok; mihma yummak ash ishki a pit ima tok.

16. Mihma okla moma ka nanukshopa kv̄t ai anukfoyuka tok: mihmvt Chihowa ya holitoblichit aiokpahanchit, Hoppai chinto kv̄t pitintakla ya a tobtv̄t hikiushke; micha Chihowa yvt im okla hā i nowvt ayvshke, okla achi tok.

17. Mihma yakohmit Chisvs isht ai annoa kv̄t Chutea yakni a mominchit, anonti yakni inla auet a bilika aiasha ma moma a hlopulli tok.

18. Mihma Chan nan im ai ithvna vhleha hvt nana kv̄t a yakokmi tuk a mominchit im anoli tok.

19. Mihma Chan ash ot ilap nan im ai ithvna ya tuklot hoyo cha, Chisvs a pit in tihleli mvt, Chishno ak osh aya he tuk mak o chia hokmā, ak chu? himmak pilla hak o inla yō e hoyo chi cho? achi tok.

20. Hatak ash ot ayvt im it onachi mvt, Chan Baptist vt, Chishno ak osh aya he tuk mak o chia hokmā, ak chu?

himmak pilla hak o inla yo e hoya chi cho? achi hosh auet pi tihleli tuk oke, achi tok.

21 Mihma hvshi kanvlli vhpisa yvmmak fehna ka haknip ik in chukmo, mikmvt ililli isht ai ilbvsha, micha shilombish okpulo ai i foka puta aiena kvt laua ho hlakofichi tok: mihmvt lva vt laua atuk a hoponayochi tok.

22. Mihmvt Chisvs vt afalaminchu mvt, Oh ia cha, nana ka hvsh pisa tuk, mihmvt hvsh haklo tuk aiena kvt Chan a ont oh im anoli; lva yvt hoponayo, imomokpulo yvt nowa ma, leposi vbi vt i kashofa, ik haponaklo vt haponaklo ma, illi mvt falamvt tani, mihma ilbvsha ya vbanumpa hvt isht im anuhumpvshke.

23. Yohmi ka kva hosh vno a ik si ai ibetvblokmvt, mihi yosh na yukpa hoke, achi tok.

24. Mihma Chan im anumpa isht aya tuk vt a falamvt, itiachi ma, okla ha Chan ak o isht im anumpulit, Nanta ho hvsh pisa chi hosh yakni haiaka yvno hvsh ilhkoli tuk oh cho? Kushak osh mahli na winakvchi kak atuk o?

25. Amba nanta ho hvsh pisa chi hosh hvsh ilhkoli tuk o? Hatak na-fohka lapushki fohka kak atuk o? Yakeh! na-fohka holitopa ishit shemvt, ilimpa hochukma in laua hokvto, hatak miko vhleha in chuka ak o aiasha cho kmo.

26. Amba nanta ho hvsh pisa chi hosh hvsh ilhkoli tuk o? Hopaii ak atuk o? Ahlishke, micha holitopa kvt hopaii ya i shahli fehna hoke, hvchim achi lishke.

27. Ish ataya he chi tikba ai apoksiahancha chi mak o v m anumpeshi a chi nashuka itikba ma chuffichi lishke, achit holisso tok a, ilvppak osh mih mak oke.

28. Ohoyo ho a tobt ai vta tok puta ka hopaii chito kvt Chan Baptist a imaiya kvt ilkshoshke, hvchim achi lishke; yohmi ik nana kia moma ik lauwo hosh Chihowa apelhlichika yvno anta kvt, Chan a imaiya hoke.

29. Yohmi ma Chan a okla im a haponaklo tuk vt moyuma, micha publikan vhleha aiena kvt Chan a i baptismo ya isht a baptismot, Chihowa ya im aiahlichik tok.

30. Amba Falisi vhleha, micha nan-vhpisa ithvnanchi

vhleha aiena kvto ilapo yokvtō yummak ash o ik im a baptismo, Chihowa nana im ajahni tuk a ik aiahlecho hokvt.

31. Mihma Chitokaka yvt, Yohmi kvno hatak himaka aiasha ka nanta hak o pit it apesa la chi cho? yohmi ka nanta hak o okla pit hoyulba cho?

32. Ulla yosh ilhpak a kanchi yo binomaya hosh ilap bika it i howvt, Oskula ha e hvchim olachi ka, hvchik hel-loshke; illi isht taloa isht e hvchi yaiya ka, hvch ik yayiosh-ke, ahanchi ho chiyumishke.

33. Chan Baptist vt pvska yo ik po, mihmvt oka paki ma ik ishko yosh aya; yohmi ma, Nan-isht-ahullo okpuli il ai ishishke, hvsh achi.

34. Hatak Ushi yokvto impa, micha nan ishko aiena hosh aya: yohmi ma, Yakeh! hatak isikopa, micha oka paki ishko shahli, publikan vhleha mikmvt nan ashvchi puta ka i kana yoke, hvsh achishke.

35. Yohmi kia Ahopoyuksaka yokvto ilap im vlla vhleha ha mominchit ai isht aiahli chatuk oke, achi tok.

36. Mihma ibai impa hinla ka Falisi achvft im ahni tok: yohmi ma Falisi in chuka yash ont chukowvt, impa chi hosh binili tok.

37. Yohmi ma ohoyo nan-ashvchi yosh tvmaha ymma anta tuk osh, Falisi in chuka ya Chisvs vt asht impa na akostinichi mvt, alabasta kotoba nan-ahama balama vlhto ho isht ona mvt,

38. Im asha-ka iyi pit a chiya ka ont hikivt yahaya cho, iyi ash nishkin okchi yak o isht achivt, anonti ilap noshko-bo pashi akinli ho ishit kasholochi mvt, iyi a i suksobvvt, nan ahama balama ash o isht a hvmmi tok.

39. Mihma Falisi vt yummak ash o hoyo tuk ash ot, ymma pisa mvt, Hatak ilvppvt hopaii atuk ok mvt, kvno hosh, micha ohoyo kaniohmi chatuk osh potoli ka, ik akosti-nincho ka heto; ohoyo ilvppvt nanashvchi yoka, ahnit ilapo inli il im achi tok.

40. Mihma Chisvs ash ot afalaminchit, Saimon a nana chi miha la hinla kvv vm ashvshke, im achi tok. Mihma

yvmmak ash ot, Nan ithvnanchi ma! ish mihashke, achi tok.

41. Mihma, Hatak nan-ahekvchi achvfa yvmma aheka im in takohnli kv̄t tuklo tok: achvfa kv̄to aheka yvt iskvi tahlepa in tahlapikma, anonti achvfa kv̄to pokoli tahlapi ha tok.

42. Atuk osh isht atobba hi vt nana kia ik im iksho kit okla ma, it aieninchit pilla h̄o yvmmak ash ot i kashofi tok. Yohmi ka, Ūm anoli; katimampo kak osh yvmma i hulle kv̄t i shahlichā hinla cho? achi tok.

43. Saimon ash ot afalaminchi mvt, Laua i shahli tuk o i kashofi kak a hinla, ahni li, achi tok. Mihma, Pit v̄lhpesv-chit ish anukfilli mv̄hlishke, im achi tok.

44. Mihmvt ohoyo a hikia ka pit filema mvt, Ohoyo ilvppa ish pisa cho? chim aboha ant chukowa li ma, chishno vto saiyi isht achifa he oka kapvssa kia chik samo ke tuk: amba ilvppak okvto nishkin okchi ȳo saiyi ya isht achifa mvt, ilap noshkobo pashi ak o isht kasholihin-chishke.

45. Chishno vto chik sa suksowo ke tuk: amba ohoyo ilvppak okvto, ilvppa ant chukowa li tuk takla ka, saiyi ya i suksohowa kv̄t ik iesoshke.

46. Chishno vto sa noshkobo ha nan-ahama isht chik sv̄m a hv̄mmo ke tuk; amba ohoyo ilvppak okvto saiyi ya nan-ahama isht ahv̄mmishke.

47. Yohmi hokvt, Nan im ai ashvchika yvt laua tuk vt kashofa hoke: mihi yosh nan i hullo fehna hatuk okvt, chim achi lishke: amba ik lauo hosh i kashofa hok mak osh mihi yosh nan i hullo kv̄t a fehna keyu chatuk oke, im achi tok.

48. Mihmvt ohoyo hash o, Chim ai ashvchika puta kv̄t chi kashofa mak oke, im achi tok.

49. Mihma it apelv̄t asht impa tuk yvmmak ash ot, ilvppet kv̄ta hokak osh nan-ai ashvchika puta kak kia kashofi hoh cho? ahnit ilapo inli okla im anukfila tok.

50. Mihma ohoyo hash o, Na chi yimmika yvt chi okchalinchishke: na-yukpvt ish ayashke, im achi tok.

CHAPTA VIII.

Chisvs vt im anumpeshi vhleha, micha nan-isht im vtta vhleha ohoyo aienvt apihvt aya hq, vbanumpa isht anumpuli, 1. 4 Na hokechi isht vllpisa anumpa; 6 micha yvmmak atuk vt vlbivt achukma annoa. 16 Pela tohwikeli isht vllpisa; 21 kva hosh Klaist im anumpa puta ka im antia hokvto, yvmmak o i kanomi felna mak oke. 22 Chisvs vt kocha umba mahli kvlllo ka yukobli; 26 mihmvt nan-isht-ahullo okpulo lava hq hatak achvfa ka a kocha weli: yohmi ma, shukha lokoli achvfa hq ont abeha chi ka, vllpesa im ahni; 43 ohoyo issish ont ia vbi yatuk o hlakofichi; 49 mihmvt Chailvs ushetik illi tuk a falaminchit tanichi.

1. **ATUK** osh i himmakma yakohmi tok: tmaha, micha chuka lokoli puta aiena ka mominchit a hlopullit ayvt, vbanumpa isht anumpohonli; micha Chihowa apeblichika ai isht ilaiyukpa anumpa ha otvninchit isht anumpohonli tok: mihma auah tuklo kash ot apehvt aya ma,

2. Micha ohoyo kanohmi, yvmvvt shilombish okpulo puta, micha haknip ik in chukmo puta aiena tuk osh a hlakofi tok, Meli Maktalene hohchifo yvmmak o nan-isht-ahullo okpulo untuklot a kohcha tok.

3. Mihmvt Choanna Helot a nan-isht im vtta Chusa a tekchi, micha Susanna, mikmvt inlaka mvt laua hosh nana im gsha tuk vt, Chisvs a isht apelvchi tuk vt apehvt aya akinli tok.

4. Okla lava fehnvt tmaha moma ashvt minti kvv im ai itvnaha ma, nana isht apesa hosh im anumpuli tok.

5. Na hokechi vt i nanihi hokehit ia tok; atuk osh hokechi ma, kanimi kvv hina lapalika yo kaha tok: atuk o a hvlbichi; yohmi na hushi puta vba itvnova kvv ant aiowvt vpa tok.

6. Mihma kanimi kvto tvli yo ai o kaha tok: atuk osh offo mak inli hosh a shummi takanli kvv ik im iksho hatuk okvt, bvshit kvnia tok.

7. Anonti kanimi kvto kvti foka yo a kaha tok: atuk o kvti ash ot awant offo cha, olvbbit ishi tok.

8. Yohmi ma inla kvto yakni achukma hō ai o kaha tuk osh offot, nihi achvfa tuk kia tahlepa achvfa vnit waya tok: ilvppa puta ka achit ont in taiyaha mvt, Kvna hosh isht haponakla he haksobish vt i hinlikmvt, haklashke, chitoli hosh achi tok.

9. Mihma nan im ai ithvna vhleha hash ot, Ilvppvt nan-isht vlpisa katiohmi ha hinla hoh cho? achit i ponaklo tok.

10. Mihma, Hvchishno ano Chihowa ap ehlichika ya nana kvt ik otaiyano ke tuk a hvsh akostinincha he mak osh hvchim vlpisa hoke: amba inla ka yokvto pisa kia, pisa he keyu; mikmvt haklo kiā, ik akostinincho ka chi hō nan-isht vlpisa anumpa ha chi ha tok.

11. Nan-isht vlpisa kvt ilvppak oke. Na-nihi ak osh Chihowa im anumpa mak oke.

12. Hina lalalika kaha kv, anumpa ha haklo kak oke: yohmi ma Setan vt ayvt, okla yimmit ik okchayo ka chi ka, anumpa ha chukvsh ash a kohchit im ishi chatuk oke.

13. Teli yo ai o kaha kvto, anumpa ha haklokmvt, na yukpa hosh ahninchik kak oke; yakohmi kak osh hakshish vt iksho; yohmi hosh chekosi takla hokvno yimmi tuk osh, nana kv ont a palvmmikma, mokohli hoke.

14. Mikma kvti foka yo a kaha kvto, anumpa ha haklo tuk kia, yakni pakna ahantvt nan-isht a kaniohmi puta, mikmvt nan in laua bunna, micha na-washoha puta isht a nukfoyu ka kak osh ai im olubbi na vnit ahlit ik wayo kak oke.

15. Amba yakni achukma yo ai o kaha kvto, yvmmvt chukvsh achukma aiahli mak osh anumpa ha haklokmvt, ieshit achunanchi cha, vnit waya kak oke.

16. Hatak nan ak osh pva ha luachi mvt, nan-aihlto yo isht ompohomokmā, keyukmvt topa nutaka yo pit tala-likmā, nana chatuk keyu; amba kvna hosh ant chukowakmvt tohwikeli ka pisa chi ka, pva ai-o-hikia yak o o hilechi chatuk oke.

17. Na luma nana hatuk osh ik otaiyano ka hi vt iksho:

mikma nana hosh luma tuk ak o ik akostinincho ki, ik otano ka he mvt iksho hoke.

18. Yohmi hoka nana ka hvsh haklo kv, Ahah! hvsh ahnashke; kvna hosh ishi hokmak o, mihi yo ima hi oke: mikmvt kvna hosh ishi keyu tuk mvno, mihi yo ishi ahomba tuk ash kia aieninchit im ai isha hi oke, achi tok.

19. Yohmi ma ishki, micha itibapishi vhleha aiena kv im ai vla kia, okla hak osh atehlevt kvnia hatuk o, a hikia ka ona he keyu ki tok.

20. Mihma, Chishki, micha chitibapishi vhleha aiena kv ch i pisa bvna hosh, kocha ya hiohmavvshke, achit im anoli tok.

21. Mihma yvmmak ash ot afalaminchi mvt, Chihova im anumpa ha haponaklo cha, mihi yo ai yvmohmi vhleha ilvppak osh vshki, micha itibapishi li vhleha aiena mak oke, im achi tok.

22. Atuk osh nitak kaniohmi ho yakohmi tok: nan im ai ithvna vhleha hash ai it apchvt peni ont chukowa tok; mihmvt, Okhvta mish-tvnnvp ak o pit eho tanvblashke, achi tok. Mihma peni ash okla oka tobli tok.

23. Atuk o yakohmit peni a asht itvnova ma, yvmmak amo nusi tok: atuk o mahli chito kv okhvta hash on itv yula; yohmi ma oka yvt ibai alota na ai isht-kvnpvt ai i palvma he pullvt aiasha tok.

24. Yohmi cha okla onvt yvmmak ash okchvli mvt, Pithvnanchi ma! Pithvnanchi ma! pilli mak oke, achi tok. Mihma yvmmak ash ot tani cha, mahli micha oka poakvchi aiena kash im alvmmi tok: mihma yvmmak ash ot yokopa na chulusvt talaia tok.

25. Mihma yvmmak ash ot, Na hvchi yimmika mvto? im achi tok. Mihma okla nukshopa hatuk okvt, nukhlakanche, ilvppvt hatak katiohmi mak oh cho? ilvppvt mahli, oka aiena kak kia nan i miha ma, im antivshke, it im achit maya tok.

26. Atuk osh Katalenes okla i yakni Kalili auet i chapo ka talaia ka, okla ont ataiya tok.

27. Yohmi na yvmmak ash ot pit kohchvt ia ma, hatak achvfa kv nan-isht-ahullo okpulo puta kv ai i foka tok ho

paki hosh, na fohka kia fohka chatuk keyu, mihmvt chuka yo ai vta chatuk keyu, amba hatak illi aiasha yak o ai vta chatuk osh, tumaha ha a kohchvt aya hosh afama tok.

28. Mihmvt Chisvs a pisa mvt, chitolit tahpva mvt, yvmmak ash itikba ya aka hlipvt chitoli hosh anumpulit, Chisvs Chihowa nana moma imaiya Ushi chia ha, vno vt nanta ho isht chi ahalaia li cho? chik svlvshalo ka chi mak o, chim asilhha lishke, achi tok.

29. Yvmmak-okvt shilombish okpulo vt hatak ash a kohcha chi ka, im apesa ha tok. Yvmmak okvt himonng hak-sinchit hohokli beka tok; yohmi hatuk a yvmmak okvt teli ita-takeli, micha iyi ai vlpitta teli aiena isht talakehi ho okla apesvchi ha tok: yohmi kv isht a kamvssa yatuk a kobvffikma, nan-isht-ahullo okpulo ash osh chvffichi na yakni haiaka a kvnia beka tok.

30. Yohmi hatuk o Chisvs ash ot i ponaklot, Chi hoh-chifo hvt nanta ho? achi tok: mihma yvmmak ash ot nan-isht-ahullo okpulo vt laua hosh pit ai abeha hatuk oka, Lechvn sia, achi tok.

31. Yohmi ma kohchvt ahofobika ai-ilbvsha mak o okla ia hi a ik im apeso ka chi ka, okla im asilhha tok.

32. Yohmi ma nvnihi pillu yvmmak oka shukha laua yvt ai impa hosh aiasha tok: yohmi ma yvmmak o okla ont abeha chi ka vlpesa, im ahna chi ka, im asilhha tok. Yohmi ma vlpesa, im ahni tok.

33. Yohmi ma-nan-isht-ahullo okpulo puta kash ot hatak ash a kocha wihvt ia mvt, shukha yash o ont chukowa tok. Yohmi ma shukha laua yash osh nvnihi chakpatali ka asht aka pit yihlepa fehvt, okhvt ont ai oka kahvt, nuksakkit illi tok.

34. Yohmi ma yvma apesvchi vhleha hvt nana kv ai yvmohmi ka pisa mvt, yihleptv itv, tumaha mikmvt haiaka aiasha tuk aiena ka ai im anoli tok.

35. Yohmi ma nana kv ai yvmohmi tuk ash okla pisvt ilhkoli tok. Atuk osh Chisvs ash im ai vta cha, hatak nan-isht-ahullo okpulo puta kv a kocha wiha tuk ash, ilefoka fohka cha, im anukfila mvt hopoyuksa achukma hosh,

Chisvs iyi ituma ya binili ho okla pisa tok: yohmi mvt okla nuksropa tok.

36. Yohmi ma nan-isht-ahullo okpulo puta ai i foka tuk vt kaniohmit a hlakofi na okla pisa tuk ash kia im anoli tok.

37. Yvmohmi ma Katalenes yakni ai i bilika tuk vt okla laua kvt nanukshopa chinto kvt ai onvtuyula hatuk osh, yvmmak okvt i filemma hinla ka, momvt okla im asilhha tok. Yohmi na yvmmak ash ot oiyvt peni ash pit chukowa mvt, falamvt aya tok.

38, 39. Mihma nan-isht-ahullo puta kvt a koche wiha tuk hatak ash ot awant aya hinla kvt, im asilhha tok: yohmi kia Chisvs ash ot, Chin chuka yak o falamvt ish ona cha. Chihowa hvt nana chinto nana mak o a chi yvmihchi tuk a, ont ish anolashike, achit pit chvffichi tok. Mihma yvmmak ash ot ia mvt, nana chinto fehna nana mak o Chisvs vt i yvmihchi tuk a, tomaha hash mominchit ai anoli tok.

40. Atuk o yakohmi tok; Chisvs ash ot falamvt ela ma okla hvt momvt hoyo hosh aiasha tuk okvt, okla na yukpvt aiokpvtchi tok.

41. Yohmi ma hatak vt Chailvs hochifo hosh, sinakot apesvchi yosh vla tok; mihmvt Chisvs iyi ituma ya aha ant hlipia cha, in chuka ya ona hinla ka, im asilhha tok.

42. Yvmmak okvt ushetik vt achvfa illa hosh, afemmo auah-tuklo foka tuk osh, illa hosi hosh itonla ha tok. Yohmi ma yvmmak ash ot ia hosh aya ma, okla chinto kvt ai a folublit kvnia tok.

43. Yohmi ma ohoyo hvt issish um-bokafa tok afemmo auah-tuklo hatuk osh, nana im asha tuk a mominchit alikot puta kak o ai ataiyaha kia, achvfona ma a hlakofa he mvt iksho hosh, aya tuk osh,

44. Im ashaka ona cha, im anchi aposhokvchi ya potoli tok: yohmi ma ashalika issish ont ia tuk vt i hokofa tok.

45. Mihma Chisvs vt, Kva hosh sa potoli cho? achi tok Kena hatuk keyu ka momvt miha ma, Pita yvt, micha hvt aya tok aiena kash ot, Pi shahli ma! okla chito vt chv folublit chi atehlifichi fehna hokak o, Kva hosh sa potoli ish achi cha? achi tok.

46. Mihma Chisvs ash ot, Kvna hosh sa potoli tuk, nanisht aiahlika yvt a si a kohcha ka akostinichi li hoka, achi tok.

47. Yohmi ma ohoyo hash ot ilapvt luma keyu kv akostinichi mvt, wvniinchit ona mvt, itikba ya aka ont hlipia cha, nana kaniohmi ho yvmmak oka potoli tuk, micha kaniohmit ashalika hlakofi tuk aiena kvt okla moma itikba ya ai im anoli tok.

48. Mihma yvmmak ash ot, Svsotek ma! na chi yukpa achukmashke; na chi yimmika yak osh chi hlakofichi hoka, na-yukpa biega anukfoyuka hosh ish ayashke, im achi tok.

49. Yvmmak okvt anumpuli moma ho, sinakak apesuchi in chuka ya achvvt minti hosh vla mvt, Chiso-tek vt illishke; nan-ithvnanchi ma chik im achibalo kashke, im achi tok.

50. Yohmi kia Chisvs vt pit haklo mvt nan i mihvt, Ik chi komunto kashke; pilla ik chi yimmí, mikma yvmmak okvt hlakofa chi hoke, im achi tok.

51. Atuk osh aboha yash ont chukowa mvt, hatak nana kia ik chukowá, ik aiahno; amba Pita, micha Chemis, mikmvt Chan, micha ohoyo himita ya iki, mikmvt ishki itatuklo kak illa tok.

52. Yohmi ma moyumvt ilbvshvt isht yahaya tok: yohmi kia yvmmak ash ot, Hvsh yaiya ná; illi keyu; pilla nusi hoke, achi tok.

53. Mihma yvmmak okvt illi hoka, okla ithana hatuk osh, yvmmak ash ik ahobalot olvli tok.

54. Yohmi ma yvmmak ash ot mominchit kohchichit tahlí mvt, yvmmak ash ibbak a halvli cha, i howvt, Ohoyo himita ma! tani, achi tok.

55. Mihma shilombish vt falamvt im vla cha, yvmmak ash ot ashalika tani tok; mihma nan-ilimpa i hoyá hinla ka, miha tok.

56. Mihma iki, ishki itatuklo kash ot nukhlakancha fehna tok. Yohmi ma nana kv a yvmohmi tuk ash hatak nana kia ik im anolo ka hi o i miha tok

CHAPTA IX.

Chisvs vt im anumpeshi auah-tuklo ka vbanumpa isht anumpula chi, micha nana kv̄t isht ahullo fehna kia yvmihchi a puta hosh im ai vhlpesa hatuk vt otnincha chi ho, pit tihleli, 1. 7 Helot vt, Chisvs a pisa br̄nna. 17 Chisvs vt pska lumbo tahlapi, micha nani chipunta tuklo aiena tuk a, hatak tahlepa sipokni tahlapi ka im-uchi: 18 micha ilapa kv̄na hak o okla im ahoba hatuk a ponaklo tok; 22 micha ilap vt illi tuk osh, anonti salamvt tana he aiena kv̄t tikbanli anoli: 23 yohmi mvt nan im ai ithvna vhleha ilapa holi tobli pulla kv̄t, ile kaiyancha he, micha na-palvmmi puta ma pisa chi aiena kv̄t im vltaha hi a, i miha. 28 Chisvs vt vba pit anumpula chi hosh nvnih chaha pit oiya atuk osh, vba pit anumpula ahanta moma hosh pisa ka inlv̄t toba. 37 Vlla yosh nan-isht-ahullo okpulo isht abeka tuk a Chisvs vt hlakofichi: 43 mihmvt anonti ilap i palvmmi illa hi vt tikbanli anoli; 46 nan im ai ithvna vhleha hv̄t ilap na-fehna br̄nna im anukfila puta ka im oktv̄li: 51 Sa malia okla hv̄t Chisvs a ik aiokpacho kv̄t okla illit taha chi ka Chemis, Chan, Ita-tuklo kv̄t ahni ma, Chisvs vt nan isht i mihm, 57 hatak kaniohmi kv̄t chukvsh a mominchit isht im antia he kv̄t ashv̄t kv̄t asha hatuk o, nan i miha.

1. YUMOHI mvt ilapo nan im ai ithvna vhleha auah-tuklo kash hoyot itahobi mvt, nan-isht-ahullo okpulo puta imaiyvt, mikmvt abeka ilaiyuka puta ma hlakofihincha chi ka, nan aiahlika ya isht im apesa tok.

2. Yohmi mvt, Chihowa apeshlichika yoka isht anumpula honlit, anonti abeka puta ma hlakofihincha chi mak o pit tihleli tok.

3. Yohmi mvt, Itvnowvt hvsh aya kv̄t tvbi kia, mikmvt shukcha, micha pska, anonti tvi holisso, ilefoka lumbo mvt tuklo aiyuka, peh nanasi kia hvch ik isho kashke.

4. Mikmvt chuka nana ho ont hvsh chukowakmvt, yvmi mak o hvsh ahashwa tuk osh, kohchvt hvsh iashke.

5. Michi kv̄na kia ik hvchi aiokpachokma, tmaha yvmi ma a kohchvt hvsh iakmvt, nan-isht im atokowa mak o hituk tohbi ka hvch iyi ya tahtulit hvsh a kanchashke, achi tok.

6. Mihma okla ivt tmaha puta ka hlopullit ayvt, vba

numpa isht anumpohonlit, kanima moma ka abeka a hlako-fichit itnowa tok.

7, 8. Helot miko ash ot, yummvt nana puta ai yvmihchi ka haklo tok; yohmi mvt kanimi kvrt, Chan ak osh illi tuk vt falamvt tani tuk, achi ma; anonti kanimi kvrt, Elias ak osh ant haiaka, achi: mihma inlaka mvt hopaii vhleha tikba ya tok ak osh achvvt falamvt tani hoke, achi hoka, katiohmi ahnit ik im vhpiesot im anukfila tok.

9. Mihmvt Helot ash ot Chan ano noshkoba ha tvbli li chamo: amba na yakohmi puta a hahaklo li ka yvmmak osh kvta hoh cho? achi tok. Mihmvt yvmmak ash pisa bnna tok.

10. Mihma vbanumpeshi vhleha hash ot falamvt ai ona mvt, nana ai yvmihchi tuk vt mominchit okla im anoli tok. Mihma yvmmak ash ot pehlinchit il a lumvt, naksika tmaha hohchifo Betsaita ai i bilika yakni haiaka yo ia tok.

11. Mihma okla hv akostinichi mvt, yvmmak ash o pit iakaiya tok; mihma yvmmak ash ot im aiokpahanchit, Chihowa apehlichika isht im anumpohonlit, yvmmak okvt hlakofi bnna hokvno hlakofihinchi tok.

12. Atuk o nitak ash ot ont shohbit mahaya ma, auah-tuklo kash ot ai vlv, Yakni haiaka yo il aiasha hoka, okla laua ya ish in tohno na ilhkolit tmaha puta, micha a kocha chuka hiohli yakni auct a bilika fullota aiena ka ont a nusit, ilhpak ma ahayuchit mayashke, im achi tok.

13. Yohmi kia yvmmak ash ot, Impa oh ipeta, im achi tok. Yohmi ma, Pvska tahlapi, mikmvt nvni tuklo aiena misha keyu hosh pin chiyvshke; kanima yo irt okla moma ilvpa ilhpak a kil in chumpo hokmvt, okla achi tok.

14. Yohmi ka hatak vt tahlepa sipokni tahlapi foka ha tok. Yohmi ma nan im ai itvna vhleha hash o, Pokoli tahlapi aiuyukt ia ho ho binohlichí, im achi tok.

15. Yohmi ma yvmihchit, mominchit okla binohlichí tok.

16. Yohmi ma yvmmak ash ot pvska tahlapi, micha nvni tuklo aiena kash o ishi cha, pit vba chakalit aiokpvchi cha, tushahlichí mvt, okla laua ya in talohla chi ho, nan im ai itvna vhleha hash pit ima tok.

17. Mihma okla impvt momvt kaiya tok; mihma okla im atampa tuk a, boshulli yvt kishi auah-tuklo hō okla aiowa tok.

18. Atuk o yakohmi tok: nan im ai ithvna vhleha ak illa hosh apiha hō antvt, vba pit anumpuli tok: atuk osh yvm-mak ash o i ponaklot, Okla hvto vno vt kvta sia hō achi hō? achi tok.

19. Yohmi ma afalamинchi mvt, Chan Baptist; amba kaniimi kvto, Elias ak o achi: mikma inlaka yvto, Hopaii vhle-ha tikba ya tok ak osh achvvt falamvt tani hoke, okla achish-ke, achi tok.

20. Amba, Hvchishno vto vno vt kvta sia hō hvsh achi hō? im achi ma, Pita yvt afalamинchit, Chihowa i Klaist s, achi tok.

21. Yohmi ma yvmma hatak nana kia okla ik im anolo ka chi ka, achukmalit kvloochit i miha mvt,

22. Hatak Ushi yokvt nan isht ai ilbvsha kv in laua chi, yohmikmvt hochitoka vhleha, micha na holitompa isht asha pehlichy vhleha, mikmvt na holissochi puta aiena mvt ik i yimmot ik aiokpachot vbi tuk ma, nitak ont atuchinakma falamvt tana hi oke, achi tok.

23. Yohmi mvt mominchit i miha kv, Kvna hosh siakai-ya he, ahni hok mvt, ilapo yvt ik ile holitoblo hosh nitak moma ka im iti-taiyukhvna atuk ma ieshi hosh, vno a siakai-yashke.

24. Kvna kia ilap im ilhfiopak a okchalinchy bvna hok mvt, i kvnia hi oka; amba kvna hosh vno pulla hatuk mak o im ilhfiopak vt isht i kvnia hokmvt, mihi yosh il im okchal-lincha hi oke.

25. Hatak vt yakni a il a mominchit ieshi hosh, anoni ilapo fehna yash il okpvnichit il issikkopalit kaiyanchy hok mvt, nanta hō isht ilaiyukpa hinla cho?

26. Kvna hosh vno, micha vm anumpa puta aiena ka i hō fahya tukma, mihi yō Hatak Ushi vt ilapo, mikmvt Iki, mik-cha enchil hochukma vhleha a puta nan-isht aholitopa ka i aieshit ayvt vlakmvt, i hofahya hi oke.

27. Yohmi kia Chihowa apelhlichika ya pisa ha keyuk

mtv, illa chi keyu kvv ilvppa kanimi mvt hiohmaya hoke :
ahli mak o hvchim anoli lishke, achi tok.

28. Ilvppa puta ka ahanchi tuk ash nitak ont isht untu-
china foka ma, Pita, micha Chan, mikmtv Chemis aiena ka
pehlichia cha, nvnih chaha yo vba pit anumpula chi hosh ia
tok.

29. Atuk osh vba pit anumpuli ma, nashuka yvt inlv
toba ma, i na-fohka yvt tohbit shohmalili tok.

30. Yohmi ma hatak tuklo kvv, yvmmtv Moses, micha
Elias ita-tuklo mak osh yvmmak ash ant im anumpulit okla
tok.

31. Yvmmak okvt nan-isht a holitopa ahli ka il aieshi
hosh ant otaiyanit okla cha, yvmmak okvt Chelusalem a ai
illa hi a, isht anumpohonlit okla tok.

32. Yohmi kia Pita, micha inlaka aiena yvma apehvt
aya tuk ash ot nosilhha fehna tok : atuk osh okla ont okchvt
taha mvt, isht-a holitopaka yash, micha hatak tuklo kvv
apehvt hiel tuk ash aiena ka okla pisa tok.

33. Atuk o yakohmi tok ; yvmmak ash ot ai i filvmmitt
tamovt okla ma, Pita yash osh Chisvs ash, Pi shahli ma !
ilvppa e maya kvv pim achukmvshke : yohmi ka vltipo
tuchina ka il ikbashke, achvfa kvv chimmi hokma, anonti
achvftv Moses ak o immi hokma, anonti achvfa kvv Elias
ak o immi hashke, achi tok : yvmmak o miha li, ahni keyu
hosh :

34. Yvmmak ash ot yakohmichit anumpohonli moma na
hoshonti aya kvv, ant o hoshontikachi tok ; yohmi ma ho-
shonti anyakaka ya pit chukovvt ia kvv, okla nukshopa tok.

35. Yohmi ma hoshonti anyakaka ya auct ai anumpa kvv,
Ilvppak osh Svso a holitopa mak oke, hvsh i haponaklashe,
achi tok.

36. Atuk o anumpa hash ot ont taha ma, Chisvs ak illa
hosh hikia na okla pisa tok. Yvmohmi ma nana yakohmi
hash okla nana ik achot, nana ho pisa tuk vt achvfonvchi
mtv hatak nana kia nitak yvma foka ka ik im anolo beka tok.

37. Atuk o yakohmi tok : ont onna ma nvnih hash okla
asht akovvt minti ma, okla lava kvv ont afama tok.

38. Yohmi ma okla ha takla aya tuk vt hatak achvrt
chitolit mihvt, Nan-ithvnanchi ma! svso ha ish pisakbano
chim ahni lishke, vm vlla yvt yvmmak bano hatuk oke.

39. Yohmi ho shilombish okpulo yvt ishikma, ashalika
tahpahanla hoke; mikmvt haiochichechit itukpokpokihin-
chi beka hoke: yohmi kvt kaniohmit i filvmma he keyu
chohmit, haknip litolit hotopahanlishke.

40. Yohmi ho na chim ai ithvna vhleha hak o yvmma
kohchicha hinla ka, im asilhha li tuk ak o, okla yvmihcha he
keyu ketuk oke, achi tok.

41. Mihma Chisvs ash ot afalaminchi mvt, Na yimmi ik-
sho, micha nan-ahli ai i shanaia fehna okla hvchia ma! hvch
iba takla ahantvt, nana ka isht ak ahno ho katiohmi foka
chi cho? Chiso ha ilvppa ishit minti.

42. Mihma ishit minti hosh aya ma, nan-isht-ahullo okpulo
yash ot aka pila cha, haiochichechi tok. Mihma Chisvs vt
nan-isht ahullo okpulo yash im alvmmi cha, vlla yash hla-
kofichit, iki ibbak ash falaminchit fohki tok.

43. Yohmi ma Chihowa nan isht im aiahli chinto fehna
ka momvt okla isht nukhlakancha tok. Yohmi kvt nana ka
Chisvs vt ai yvmihchi tuk puta kash momvt, okokko! okla
aiahnit maya takla ma, yvmmak ash osh ilap nan im ai
ithvna vhleha hash,

44. Anumpa ilvppa puta kvt hvchi haksobish atuk ma ik
a fohoka, hvsh alnashke; Hatak Ushi yokvt hatak puta
ibbak a i foyuka hi oke.

45. Yohmi kia anumpa ilvppa okla ik akostinincho ki tok:
mihma na miha kash ik im ai otano; yohmi hoka yvmmak
ash okla ik ai ithaiyano ki tok: mihmvt anumpa yvmmak
ash im asilhvhchi okla nukwia tok.

46. Yohmi ma, Katima kak osh holitopa kvt moma i
shahla hinla hoh chishba? ahnit okla isht im ai anukilvt
maya tok.

47. Mihma okla chukvsh nan im anukfila ha Chisvs vt im
akostininchi mvt, vlla yo ishit, il a bilikvchit binilichi tok.

48. Mihmvt, Kvna hosh vlla ilvppa vmmi hohchifo ha
ahninchi hokvto, vno ak o si ahninchi hoke; mikmvt kvna

hosh vno a si ahninchí hokmvt, yummvt auet sa kanchi tok ma pit ahninchí hoke: kanima hosh moma ik a lauwo kvt hvchi takla ahanta hokvto, mihi yosh moma i shahla hi oke, im achi tok.

49. Mihma Chan vt afalaminchi mvt, Pi shahli ma! achvfa hosh chí hohchifo ha nan-isht-ahullo okpulo puta ka ishit kocha weli hosh anta hō e pisa tuk: yohmi kia yvm-mak okvt ik piba fohko hatuk o, il im alvmmi kano, achi tok.

50. Mihma Chisvs ash ot, Hvch ik im alammo kashke: kva hosh pi sanalit anta keyu hokvto, pibai achvfa hoke.

51. Atuk o yakohmi tok: yvmmak ash o aiokpanchit vba ya isht ia chí nitak vt ont vlpiesa hatuk o, Chelusalem a ia chí kvt ai anukfoyukvt nashuka ya pit filimmi tok.

52. Mihmvt nan ont im atahla chí ho, anumpa shali vhle-ha ha tikba pit tihleli tok: yohmi na okla ivt Samalitan okla in tmahushi o ont chukowa tok.

53. Yohmi ma yvmmak okvt Chelusalem a ia hō fehna nashuka yatuk o, okla ik aiokpacho ki tok.

54. Yohmi na nan im ai ithvna Chemis, micha Chan ita tuklo kvt yakomi ka pisa mvt, Chitokaka ma! Elias vt yvmhichi tok akinli hō chohmichit, pishno mvt luak vba minti kvt aka itula cha, okla ilvppa hushmit tahla chí ka il im apesa hinla ka, ish ahni cho? achi tok.

55. Mihma yvmmak ash ot filemvt im alvmmi mvt, Hv-chi chukvsh ai im anukfila a kaniohmi hosh hvsh aya kvt hvch ik ithanoshke.

56. Hatak Ushi vt hatak puta ka vba chí hosh aya ha tok keyu, amba okchalíncha chí ha tok oke, achi tok. Mih-ma ilhkolit tmahushi inla yō ona tok.

57. Atuk o yakohmi tok; ia hosh okla itvnowa ma, takla ya hatak achvft, Chitokaka ma! kanimak fehna chik aya kia, vno vt chiakaiya la chí hoke, im achi tok.

58. Mihma Chisvs ash ot, Chula puta kvt chiluk vt im ai ashakma, vba hushi puta kvt vlpichik vt im asha hoke: amba Hatak Ushi okvto noshkobo ha kanima a bohla hi vt ik im iiksho hoke, im achi tok.

59. Mihmvt inla yō, Is siakaiyashke, im achi tok. Yoh-

mi kia yvmmak ash ot, Chitokaka ma! vllpesa, vm ahni na ivt, aki ak o tikba ont ak holpi ha yosh; im achi tok.

60. Mihma Chisvs ash ot, Illi ak osh ilap bika illi yokuno hohpashke: amba chishno vto ivt, Chihowa apehlichika ya isht ish anumpohonlashke, im achi tok.

61. Mihma anonti inla mvt, Chiakaiya la chi mak oke; yohmi kia ivt an chuka maya kak o tikba ont aiokpvchi la hi a, is svm ahnashke, achi tok.

62. Mihma Chisvs ash ot, Hatak nana kia yakni isht patafa ya ibbak a isht ishi ha yvt, olbulaka a pit hopokoyo kvv, Chihowa apehlichika ya ahalaia he vllpesa keyu hoke, achi tok.

CHAPTA X.

Chisvs vt nan im ai ithvna vhleha pokoli untuklochit vbanumpa isht anumpula chi, micha nana kvv a fehna kia yvmihchi puta hosh im ai vllpesa hatuk vt otvnicha chi mak o a tohno, 1: 17 kaniohmi kak o okla na yukpa he isht ai vllpesa hatuk a, Chisvs vt im anoli; 25 Chisvs vt nan-vllpisa ithvnanchi hatuk a vba yakni hina ya isht it im anumpuli: yohmi hosh hatak achukma Samalitan vt kaniohmi tok nan-isht vllpisa yvmmak o, ilapvt in chuka panta hatak puta ka isht ithana he mak o isht im anumpuli.

1. NANA kvv a yakohmi ha ya, Chitokaka yvt inla yosh pokoli untuklo ho atokoli akinli cha, tuklo aiyyukachit temaha puta, mikmvt kanima yo ilapo vt ai ona hinla kvv, tikbanli pit tihleli tok.

2. Yvmohmi hatuk osh na-waya yvt ai-vlmo-ona hokvto laua mvhli ho, amba na-toksvli vhleha hak osh chvbehassishke: yohmi hoka na-waya yvt ai-vlmo-ona ka in Chitokaka ya hvsh im asilhhahanchi na na-toksvli vhleha ha i na-waya yvt ai-vlmo-ona ka pit apittashke.

3. Hvsh itvnowashke: yakeh! chukfulhpoba ushi yosh nashobo ai itintakla maya ho, ohmichi mak osh pit hvchi tihleli li hoke.

4. Tvli holisso ai-vlhto, micha bahta, mikmvt shulushi

aiena ka isht hvch ik ayo kashke : micha hina takla ya hatak nana kia hvch ik aiokpacho kashke.

5. Mikmvt chuka nana ho ont hvsh chukowa kvt nan tikba, Na-nanaiya kvt chuka ilvppa ant iba fokashke, ahnit hvsh mihashke ;

6. Mikma na-nanaiya ushi vt ymma anta tukma, nan-isht hvsh il a nanaiya mvt ai onvtuyulashke : amba keyukmuno, nan-isht hvsh il a nanaiya yvt hvchi falama hi oke.

7. Mikmvt chuka ymmak ash inli ho ahashwvt, peh nana hoh kia hvch ipetakma, vpt hvsh ishkashke : toksvli vt im vltoba he ak osh im ai vlpesa hoka. Chuka vbaiyvchit hvch ik itvnowo kashke.

8. Mikmvt tmaha nana ho ont hvsh chukowa ka, okla hvchi aiokpvchikma, impa nana hosh hvchi tikba talaia hokma, hvsh pashke.

9. Yohmikmvt abeka yvt ymma ashakma, ho hlakofichi : yohmikmvt Chihowa apelhchika yvt hvch i bilika vlvshke, hvsh im achashke.

10. Amba tmaha nana ho ont hvsh chukowa na ik hvchi aiokpachokma, ymmak ash a kohchvt ivt, hina bvshkvchi puta ka hvsh ona cha,

11. Hvehin tmaha i hituk tohbi vt pi a lapali tuk a, hvchi o kashofit e kanchishke : yohmi kia Chihowa apelhchika yato hvch i bilika vla hoka, hvsh ithaiyanashke, hvsh im achashke.

12. Yohmi kia nitak ymma fehnakma Sotom vt im ahleka hoh kia pit im vlpisa kvt, tmaha ymma i shahla hi oke.

13. Kolasin ma ! na chi palvmmi mak oke ; Betsaita ma ! na chi palvmmi mak oke ; na-fehna puta kvt hvchishno ya a hvehim a yvmohmi tuk vt Taia, micha Saiton ita-tuklo ka a yvmohmi ha tok okma, hopaki kash inli ho na-pashi tvnna fohka cha, hituk chubbi anuka binoh-mayvt ile kostininha hi a tok oke.

14. Yohmi kia nan ai-vlpisa chinto nitak okvno Taia, micha Saiton ita-tuklo kvt im ahleka hoh kia pit im vlpisa kvt, hvchishno a i shahla hi oke.

15. Yohmikma Kapenavm chia hv́t shutik ak o ont ish talaia tuk vt, aka ivt ai-okpuloka mak o pit ish a kvnia hi oke.

16. Mikma kvna hosh hv́chi haponaklokmvt, vno a a ha-ponaklo hoke : mikma kvna hosh hv́chishno a hv́chi shitile-makmvt, vno a sa shitilema hoke : mikmvt vno a sa shitile-makmvt, auet sa kanchi tok a shitilema hoke.

17. Yvmohmi tuk o pokoli untuklo kash osh na yukpa hosh falamvt ai vla mvt, Chitokaka ma ! chi hohchifo pulla kak o nan-isht-ahullo okpulo puta kak kia pim antihyvshke, achi tok.

18. Mihma yvmmak ash ot, Setan vt malvtha kv́t vba vtvtv aka minti chatuk a, chiyuhmi ho pisa li kvno.

19. Yakeh ! sinti chilita puta, mikmvt halambia puta aie-na ka hvsh a hv́hlihinchí : micha na trnv́p nan-isht ai im ahli ka ma mominchit a hvsh imaiya chí mak o nan isht aiahlika ya hvch ima lishke : yohmi ka nana hosh a kaniohmit hvchi hotopala hi vt iksho ka hi oke.

20. Yohmi kia shilombish okpulo puta kv́t hv́chim antia ilvppak okvno nan ik hvchi yukpo kashke ; amba hvchi hohchifo puta kv́t vba ya a holisso, yvmmak o na hvchi yukpa vlvhesa hoke, im achi tok.

21. Hvshi kanvlli vlvpisa yvmma fehna ma Chisvs vt chukvsh na yukpa mvt, Aki, vba, mikmvt yakni ita-tuklo in Chitokaka ma ! na yakohmi puta ka na kostini, micha nan-ithvna aiena kvno ish in luhmi tuk osh, vlosi puta ho ish im otv́ninchí hoka, yak oke, chim aiahni lishke, vlvpie-svshke, Aki ma ! yvmmak osh chim vlvpiesa hatuk oka :

22. Nan oklvha ka Aki vt svbbak a a fohkishke ; yohmi ka kvna hosh Ushi yoka hatak nana kia ik ithano ho, amba Iki vt ak illa hoke : mikmvt kvna hosh Iki yoka kvna kia ik ithano ho, amba Ushi vt ak illa ; micha Ushi vt kvna ho im otv́ninchí mak bano hoke, achi tok.

23. Yohmi mvt nan im ai ithvna vhleha a hielí ka pit file-ma mvt, yvmmak ash bano ho, Nishkin vt hv́chishno nana hvsh pisa ka pisa kvto na yukpvshke.

24. Hopaii vhleha, micha miko vhleha aiena kv́t laua hosh

hvehishno nana hvsh pihisa ka pisa bvna tuk osh, ik peso ki tok: misha hvehishno nana hvsh hahaklo ka haklo bvna tuk osh, ik haklo ki tok o, hvchim anoli lishke, achi tok.

25. Yohmi ma yakeh! nan-vlhpisa ithvnanchi achvfa hosh wakayvt hikia mvt, imomaka pisa bvnvt, Nan-ithvnanchi ma! ai okchayvt bilia ya pisa la hi okvto, nanta ho kati-ohmi la chi cho? achi tok.

26. Mihma yvmmak ash ot, Nan-vlhpisa holisso ha kati-ohmit a holisso ho? kati-ohmi ho ai ish it im anumpuli ho? im achi tok.

27. Mihma yvmmak ash ot afalaminchi mvt, Chi chukvsh mominchi hosh, chi shilombish ma mominchit, chim isht-hlampko a mominchit, mikmvt chim anukfila ma mominchi hosh Chitokaka chin Chihowa ya isht ish holitoblashke; mikmvt chin chuka panta hatak ma ish holitobli kv, chishno akinli chim itilauashke, im achi tok.

28. Mihma yvmmak ash ot, Ulhpesa, ish miha mvhlishe: ilvppak o ish yvmihchashke: yohmi hokmak osh chi okchaya hi oke, im achi tok.

29. Yohmi kia yvmmak ash ot il ai achukmali bvna kv, Chisvs ash, Yohmi ka kvta hak osh an chuka panta hatak o? im achi tok.

30. Mihma Chisvs ash ot afalaminchi mvt, Hatak achvft Chelusalem vttvt Cheliko ia tuk osh, hatak hvkopa vhleha ont iba chukowa na i nafohka ya im apoyua cha, isskkopalit boyuhli na illa hosit itonla ho, issvt ilh-koli tok.

31. Atuk o yakohmi tok; na-holitompa isht vta yosh hina yvma minta he mak yoba tuk osh, yvmmak ash ant pisa mvt, apakfompvt hina in tnnvp o ant ia tok.

32. Mihma Lefait hatak ak kia yvmmak ash vlt ant pisa kia, yvmmak ash inli ho apakfompvt hina in tnnvp o ant ia tok.

33. Amba Samalitan hatak osh nowvt aya tuk osh, yvm-mvt ai itola kash, vlt pisa mvt, i nukhaklo tok.

34. Mihmvt ai-itola kash vla cha, ai okpunlo tuk a na-

bila, micha okapaki aiena ka isht ahvmmit, afohliit in tahl
cha, ilap im issuba hatuk ash o binlichit isht ayvt, a-foha
chuka yo isht ona cha, apesvchi tok.

35. Atuk osh ont onna ma ia chi mvt, iskvli tuklo ka
ishit kohchit, afoha chuka apesvchi yash ima mvt, Ilvppa
ish apistikelashke: micha atampa kvv kaniohmi hosh chi
kvenia tuk mak heno, falamvt aya likmvt, chim atobbi lash-
ke; im achi tok.

36. Yvmohmi ka tuchina ilvppa katima kak osh hatak
hukopa vhleha ont im isht kanvpa tuk a in chuka panta ha-
tak a tok o, chim ahoba cho? achi tok.

37. Mihma yvmmak ash ot, I nukhaklo tok á, achi tok.
Mihma Chisvs ash ot, Ia cha, chishno mvt yvmmak inli ho
ish chohminchashke, im achi tok.

38. Atuk osh yakohmi tok; ia hosh okla itvnowvt aya
ma, yvmmak ash ot vmahushi achvfa ho pit chukowa tok:
mihma ohoyo achvfa, Mahla hohchifo hosh, aiokpvchit im
aboha ya isht chukowa tok.

39. Mihma yvma itibapishi hvv Meli hohchifo hosh
anta tuk osh, yvmmak ash kia Chisvs iyi ituma ya binilit,
im anumpa ha haklo tok.

40. Amba Mahla vto nan-isht vta in lavvt isht ik im ai
vlhpieso mvt, yvmmak ash o im ai vlvv, Chitokaka ma! sa
nakfish vt si apela hi a ik ahno ho, vno ak bano hosh nan-
isht anta li ka, nan isht chik ahno cho? yohmi hoka nan-
isht ik svbai vttá, ish i mihashke, ant im achi tok.

41. Mihma Chisvs ash ot afalamинchi mvt, Mahla ma!
Mahla ma! nana ka ahalaivt im anukfila isht ik chim vlhpi-
eso kvv chin lavvshke.

42. Yohmi kia nana ai vlhpiesa hokvto achvfa hoke;
yohmi ka ai im ai isha he keyu nana achukma mih mak o
Meli yokvto ai apissali tuk oke, im achi tok.

CHAPTER XI.

Chisvs vt nan im ai ithvna vhleha ha vba pit anumpuli im avvchi, I;
14 nan-isht ahullo okpulo kohchichi: 28 mikmvt kvna hosh Chihv-

wa im anumpa ha im antia hokvto holitopa ka anoli; 37 Falisi okla nana ka ilahobi, yummak oka nana palvmmi onvtula he puta ka atokowa anoli.

1. **ATUK** o yakohmi tok: a kaniohmi ho antvt vba pit anumpuli tuk osh ont issa ma, nan im ai ithvna vhleha ha achvvt, Chitokaka ma! Chan vt nan im ai ithvna vhleha ha im avvchi tok a, chohmit pishno ma vba pit anumpuli ka, ish pim avvchashke, im achi tok.

2. Mihma yummak ash ot, Vba pit hvsh anumpulikmvt, Piki vba ish binili ma! Chi hohehifo hvt holitopashke. Ish avehlichika yvt vlashke. Nana ish aiahni ka vba ya a yohmi kvv yakni ilvppak ma a yohmi makinlashke.

3. Nitak moma ilhpak vt a pim vlvpiesa mak o nitak osh nitak ma ish pihimashke.

4. Mikmvt il ai-ashvchika puta ka ish pi kashofashke: pishno mvt kvna kia aheka pin takalikma, il i kashofi bano hoke: micha anukpvlika imma hokvno ik iba chukowá, chik pim ahno kashke; amba nanokpulo ya ish pi a hlakofihinchashke, hvsh achashke, im achi tok.

5, 6. Mihmvt yummak ash ot, Hvsh katima kak osh chi kana hvt asha tuk osh, ninak iklvna ho ayvt ish onvt, A kana hvt nowvt aya tuk osh vm vla ho, nana kia itikba ma talali la hi vt ik svm iksho hoka, pvksa tuchina ka is sam potashke, a kana ma! ish im achi;

7. Yohmikma aboha anukaka ya auet ai afalaminchi kvv, Chik svm ahchibalo kia, himak ano okhissa vt vlvkama ho, vm vlla vt si apihvt topa ha kahvt maya ka, tani lish chima la he keyushke, auet chim achi;

8. Yohmi tuk kia i kana hatuk ak osh tani cha, ipeta he tuk keyu kia, amba yummak ash osh im ahchibvchi fehna kak o tani cha, laua kvv kaniohmi ho bvvnnakma, ima hinla hoke, hvchim achi lishke.

9. Yohmi ka hvsh asilhhakma, hvch ima he: hvsh hokyomvt, hvsh ahayucha he: hvsh sokohakma, hvchin tiwa hi oke.

10. Asilhha aiyuka hokvto habena hoke; mikma kvna

hosh hoyo hokvto, ahayuchi hoke: micha kvna hosh soko-hakma, in tiwa pulla hi oke, hvchim achi lishke.

11. Hvsh kanima kvv iki atuk o, ushi vt pvska im asilhhakma, yvmmak ash tuli yo ima hinla? keyukmvt nvni yo asilhhakma, nvni a he tuk ash sinti yo ima hinla ho?

12. Yvmmak keyukmvt, akak-ushi lobunchi yo asilhhakma, halambia ho ima hinla ho?

13. Yvmohmi ka hvchishno vt hvchi ai vhpesa keyu kia, hvchim vlla ya nana achukma puta ka isht ima hokvto hvchimonna ka, hvch iki vba binili kvv i shaiyahlit, kvna hosh im asilhhakma, Shilombish Holitopa ya ima hinla keyu cho? im achi tok.

14. Mihma yvmmak ash ot ik anumpulo yo nan-isht ahullo okpulo ya a kohchit anta tok. Atuk o yakohmi tok: nan-isht ahullo okpulo vt a koheha mvno, ik anumpulo ash ot anumpuli tok; mihma okla hvv anukhlakanacha tok.

15. Yohmi kia kanimi kvto, Ilvppv nan-isht ahullo okpulo puta i miko Beelsevvb ak o nan-isht ahullo okpulo puta ka isht kocha weli hoke, achi tok.

16. Mihma inlaka mvto imomaka pisa kvv, nan-isht-ato-kowa kvv vba a minta hi a im a hoyo tok.

17. Yohmi kia yvmmak okvt nana im anukfila puta ka ithana hatuk osh, Apehlichika achvfa kvv it a kashapvt ilapo ash inli it im i sanali hokvt, ont aiokpulokvt taha hoke: mikma chuka yvt ita kashapvt ilapo ash inli it im i sanali hokvt, akvma hoke.

18. Setan ak kia ita kashapvt ilapo ash inli it im i sanali hokmvt, im apehlichika yvt katiohmi hosh talaia hinla cho? vno vt Beelsevvb ak o nan-isht ahullo okpulo puta ka isht kocha weli li ho hvsh miha hoka,

19. Yohmi ka vno vt Beelsevvb ak o nan-isht ahullo okpulo puta ka isht kocha weli li hokma, hvch iso vbleha hvto kvta hak o yvma isht kocha weli cho? Yohmi hoka yvmmak osh na hvchim apesa yashke.

20. Amba vno vt Chihowa ibbak-ushi o nan isht ahullo

okpulo puta ka isht kocha wihinli li hokma, yohmi hok-muno, Chihowa apehlichika yvt hvchim vla mak oke.

21. Hatak hlampko yosh na-halupa ai im vltaiyaha hosh in chuka apesvchi hokvno, nana kvv ai yubaka hoke.

22. Amba kvvlo kvv ilapo a i shahli hosh ant i kohchvt, imaiyachi hokmak osh, i na-halupa ai anukchieto tuk ash mominchit im ai eshi cha, nana immi hatuk ash inla im it a kvshkoli chatuk oke.

23. Kvna hosh vno a svb ai achvfa keyu kvv vm i sanali hoke: mikma kvna hosh svba hoyo keyu hokvto na fimmi yoke

24. Shilombish okpulo yvt hatak a a kohchakmvt, a foha he hoyot haiaka oka ik ai iksho puta ka hlopullit aya kia ik ahayucho mvt, An chuka ai vttvt kohchvt a minti li kash osh falamvt ia lashke, achi hoke.

25. Atuk osh onakmvt, yvmmak ash ot pashpovt shemvt taiyaha cha hikia ho, ont pisa hoke.

26. Yohmikmvt shilombish okpulo untuklo inla yvt ok-pulo kvv ilapo a i shahli ho ont pehlichit vla na, yvmmak ash okla pit abeha cha, aiasha hoke; yohmikma hatak yvm-ma nana kvv ont ai-isht im aiypa kak osh ik achukmo kvv vmona tuk ash i shahli hoke, im achi tok.

27. Atuk o yakohmi tok; ilvppa anumpohonli moma ho, ohoyo achvft okla takla hikia tuk vt chitoli hosh mihvt, lkfoka yvt yvmmak osh chisht aya tuk, mikma i pishi ma ish a pishishi tuk a aiena kvto holitovshke, im achi tok.

28. Yohmi kia yvmmak ash ot, Ahli, na-yukpa aighli kvto Chihowa im anumpa ha haklo cha, im antia hak oke, achi tok.

29. Atuk o okla hvv itahobvt ant a laua fehvt taha ma, Hatak himonasi asha ilvppvt ai vlvhesa keyushke; nan-isht atokowa okla hoyo; yohmi kia nan-isht atokowa nana hosh in takala he keyu, amba hopaii Chonas nan-isht im atokowa kak a hi oke.

30. Chonas vt Ninefeh okla ha isht ai im atokowa tok a, Hatak Ushi mvt hatak himonasi asha ilvppa ai in chiyuhmi makinla hi oke.

31. Nana vllhpisa chinto nitak okvno oka-mahli ohoyo miko vt hatak himonasi asha ilvppa awant hikia cha, atokowt anumpa onocha hi oke; ymmak okvto yakni ont ai vchi pilla vttvt minti kv, Solomon isht im a hopoyuksaka ya haklot aya tok okvt; atuk o yakeh! Solomon a imaiya mak osh ilvppa ahantvshke.

32. Nana vllhpisa chinto nitak okvno Ninefeh okla hv hatak vt himonasi asha ilvppa iba takla wakayvt hiohmayvt, atokowt anumpa onocha hi oke; ymmak okvto Chonas vt vbanumpa ont isht im anumpohonli ma, ile kostininchi tok okvt; atuk o yakeh! Chonas a imaiya mak osh ilvppa ahantvshke.

33. Hatak nana ak osh pula ha pulali kv a lumaka ho talali chatuk keyu, keyukmt tanchi isht-vllhpisa nutaka yo talali chatuk keyu, amba kvna hoh kia ant chukowakmt tohwikeli ka pisa chi ka, pula ai-o hikia ak o o hilechi chatuk.

34. Haknip a i pula hv nishkin ak oke: yohmi hoka chi nishkin vt achukmakma, chi haknip ak kia momvt tohwikeli alota hoke; amba chi nishkin vt okpulo yokmuno, chi haknip ak kia ai okhlilikvt kvnia hoke.

35. Yohmi ka ahah! ish aiahni na na tohwikeli kv a chi foyuka ymmvt ik okhlilo kashke.

36. Yemohmi ka chi haknip vt im a kanima kv ai okhli- lika iiksho hosh tohwikeli banot alotowa hokma, moma kv tohwikelit alotowa kv, pula lua achukma kv chim a tohwikelichi chatuk a a chiyuhma hinla hoke, achi tok.

37. Yemohmit anumpohonli moma na Falisi achefvt, ymmak ash ot ont ibai impa hinla ka im ahni tok: mihma ont chukowa cha, impa chi hosh binili tok.

38. Yohmi ma Falisi ash ot pisa mv, ik impo kisha kv ibbak ik ahchifo ke tuk a, okokko! aiahni tok.

39. Mihma Chitokaka ash osh, Falisi hvchia hv isht-ishko micha ampo aiena ka paknaka yokvno hvsh kashofishke; amba hvchi anukaka yvto na wehpuli, micha nan ik ai vlt peso banot isht hvchi alotovshke.

40. Nan anukfila iksho hvchia ma! nana ka paknaka ya ikbi mv, anukaka yak kia ikbi akinli tok keyu cho?

41. Amba yohmi kia nana hvchim asha kvv hvsh habenv-chashke: yohmikma yakeh! nana puta kvv a hvchim vlvh-pesa bano hoke,

42. Amba Falisi hvchia ma! na hvchi palvmmi mak oke, mint, micha lu, mikmvt haiyukpolo ilaiyuka puta waya it a kashkoa ont isht pokoli kak osh hvchi kvnia, mikmvt nana ai-vlhpiesa ka, micha Chihowa holitobli aiena hokvno hvsh vbanvbli hoka: ilvppak o a hvchi yvmohmi ha yosh, anonti yvmmak ma hvch ik a haksecho ka hetuk oke.

43. Falisi hvchia ma! na hvchi palvmmi mak oke, sinakak puta anykaka aiasha holitopa puta, mikmvt ilhpak a kanchi ai it aiokpvchi aiena kak o hvchim ai achukma hoka.

44. Na-holissochi vvhleha, micha Falisi okla aiena nan-ilahobi hvchia ma! na hvchi palvmmi mak oke; a-hollopi vt otani keyu ho, hatak vt a nowvt vbanopoli kia, yvmvvt ik akostinincho chatuk a hvch itilau hoka, im achi tok.

45. Mihma nan-vlhvisa ithvnanchi vvhleha hvv achvfvf afalaminchit, Nan-ithvnanchi ma! ilvppa yak ish achi kvv pishno a aieninchit nan isht chik pi ahobaloshke.

46. Mihma yvmmak ash ot, Nan-vlhvisa ithvnanchi hvchia ma! hvchishno ak kia na hvchi palvmmi mak oke; nana weki shali ka palvmma hinla ho hatak a hvsh shalihinchit mvt, hvchishno yak okvto nana weki ash hvch ibbak ushi achvfvna kia ishit hvch ik potolo hoka.

47. Na hvchi palvmmi mak oke: hopaii puta ka hvchin tikba vvhleha hvv vbi tok a i sepvka yo hvsh ihikbi hoka.

48. Hvchin tikba vvhleha hvv yvmmak oka ahambi mvhli ma, hvchishno vt i sepvka puta ma hvsh ihikbi kvv, hvchin tikba vvhleha hvv nana a kanihmi tok a hvsh im ahninchit kvv isht atokowa mak o hvsh ieshi mvhlshke.

49. Yvmohmi ka Chihowa i hopoyuksaka yak kia yak achi tok. Hopaii vvhleha, micha vbanumpeshi vvhleha aiena ka pit in tihlihinli likma, kanima ka vbikmvt, anonti issikko-pali aiena he;

50. Yohmi na yakni vt toba tok taiyakla ka hopaii vvhleha im issish vt hlatahampa tok moyuma ka, himonasi hatak abashwa ilvppak o im a hoya hi oke.

51. Ebel a im issish a tok a ai vhlit mihintit Sakalaia
alta micha tempelitin takla ai vbi tok issish ak o ant ai
vhlit yummak o himonasi hatak aiasha ilvppak o im a hoya
he mak oke, aiahli mak o hvchi miha lishke.

52. Nan-vlhpisa ithvnanchi hvchia ma! na hvchi palvmmi
mak oke; nan-ai-ithvna isht tiwa ya ishit hvsh kanchi hoka:
hvchishno ak kia pit hvch ik chukowokmvt, inla yvt pit
abeha he tuk a hvsh ataklahamishke, achi tok.

53. Ilvppa puta ka isht im ahanchi moma na na holissochi
vhleha micha Falisi vhleha aiena kvv a tushpalechit,
yummvt nana ilaiyuka miha he tuk, okla achibvchi hq fehna
mvt,

54. Nana kia itakha a kohevvt miha na haklot nan-vlhpisa
isht onocha he bvna hosh okla im aiechi tok.

CHAPTA XII.

Chisvs vt nan-im ai ithvna vhleha ha nana ka peh ilahoba he imma
hokvno ahah! okla ahna chi ka i miha, 1; 13 yohmi mvt nan im
ai ithvna vhleha hvv chvkvsh a nan ilaiyuka isht ik asitio ka chi
ka, hatak nan in laua yosh nana ai isht ilaiyukvvt ahanta tuk o
nan illi hvv ashalika a mokofit ishi tok, nan isht vlhpisa ha isht im
anumpuli. 22 Chisvs vt nan im ai ithvna vhleha ha yakni palvmmi
nana a kaniohmi puta hokvno chvkvsh isht ik anushkunno ka hi a
i miha; 31 micha hatak shilombish okchaya he ak o na tikba anuk
fihinli; 36 yohmikmvt Chitokaka yvt aya hi a, tikbanli im vhlitah
he puta ka isht im anumpuli. 54 Chisvs vt okla ha, ilap ak osh
Klaist mak atuk a ik akostinincho ka, nan isht i miha; yohmi mvt
Chihowa ha iti nanaiya pulla hi a i miha.

1. YUMOHMI ai itin takla ma, okla laua kvv atampa
fehna hosh itvna, yvmohmi cha ilap bika okla it i hvhlit
chi ma, yummak ash ot nan im ai ithvna vhleha hash, Falisi
vhleha i pvksa isht shatvmmi, yummvt nan-ilahobi yak okla
ik kaniohmi kia ahah! hvsh aiahnashke.

2. Nana kvv ompoholmo tuk vt ik wakamo ka he, mikna
nana kvv luma tuk vt ik otaiyano ka he aiena kvv iksho ka
hi oke.

3. Yvmohmi hoka nana ho aiokhlilika ya hvsh ai anum-pohonli tuk ma, a tohwikeli yo a hakla he; mikmvt hakso-bish ont tikelichit abohushi anukaka yo hvsh ai anum-pohonli tok ma, aboha paknaka puta ma ai annoa hi oke.

4. Yohmi ka a kana hvchia ma! Haknip a vbi kia, him-makma nana ho a kaniohma he mvt ik im iksho yummak okvno hvch ik i nukshopo kashke, hvchim achi lishke.

5. Amba kvna ho hvsh i nukshopa he okvno hvchim anoli lashke; Illichi ha mvt, ai-okpuloka ya pit kancha hi vt im vlpiesa yummak o hvsh i nukshopashke; ahli, Yvmmak o hvsh i nukshohompashke, hvchim achi lishke.

6. Hushi chipunta tahlapi kvv sint tuchina ho ai vbi chatuk keyu? Yohmi kvv yummak okvt achvfona kia Chihowa itikba ya ai a haksi keyu chatuk oke.

7. Yohmi ka hvchishno hvchi pashi puta noshkobo ai o hiel kak kia moyumvt holhtinvv taha yoke. Yohmi hoka ik hvchi nukshopo kashke; holitopa kvv hushi chipunta lau ka hvsh i shahli hoke.

8. Kvna hosh vno a hatak itikba ya Klaist oke, si achit si ahninchit tuk ma, mibi yo Hatak Ushi vt Chihowa im enchil puta itikba ai ahninchit, Vm antia yoke, achit aiokpv-cha he akinli hoke.

9. Amba kvna hosh hatak puta itikba vno a ik si ahnie-cho, Ahalaia li keyu, achi tuk ak o, mihi yo Chihowa im enchil itikba ya ik ahniecho ik ahalaio ka hi oke.

10. Mikma kvna hosh Hatak Ushi a na mihachit anum-puli tuk okvto, i kashofa he; amba kvna hosh Shilombish Holitopa ak o ik ahobalot anum-puli tuk okvto, i kashofa he keyu kvmoohmi hoke.

11. Micha sinakak puta, mikmvt miko vhleha, mikmvt nan apesa puta ka hvch isht im ai onakma, kaniohmi hosh, micha afalaminchit nana ka hvsh anum-pula he aiena kvv hvch ik anukfillo kashke.

12. Nana ho hvsh acha he vlpesa ka Shilombish Holitopa ak osh hvshi kanvlli yummak fehna akinli ka hvchim anola hi oke, hvchim achi lishke, im achi tok.

13. Mihma okla hash ot achvvt, Nan-ithvnanchi ma!

itibapishi li ha ish i miha na, nana kv̄t v̄lhtoshowvt pibbak a p̄i fohka tuk a a kashv̄blashke, im achi tok.

14. Mihma yummak ash o, Hatak chia ha, kv̄ta hosh nana hrehim apesa yokmá, keyukm̄v̄t nana hv̄chi itakv̄shkoli yokmá, nanta h̄o sakbi tok oh cho? im achi tok.

15. Mihm̄v̄t, Ahah! hv̄sh aiahni cha, nan in laua bunna ya hv̄ch ik ahalaiyo kashke: hatak vt nana kv̄t laua h̄o il aieshi kak o im ilh̄fiopak vt takali h̄o keyu hoke, im achi tok.

16. Mihm̄v̄t okla hash nan-isht v̄lhpisa h̄o isht im anum-pulit, Hatak nan in laua achv̄fa hosh im osapa yvt nana waya fehna tok.

17. Mihm̄v̄t, Nana a waya puta ka kanima ai ashachi la hi vt ik sv̄m iksho kv̄to, nanta ak o katiohmi la ch̄i cho? achit il anukfilli tok.

18. Mihm̄v̄t, Ilv̄ppak o yakohmi lashke; an tanchi in chuka yak o yuhli lish, chito i shahli h̄o ikbi lashke: micha yummak o a nan a waya, micha na hochukma puta ka minchit ashachi lashke.

19. Mikm̄v̄t sa shilombish a, Sa shilombish ma! na hochukma laua kv̄t afummi laua taha he v̄lhpesa ka achukmalit ashachit chin tablishke; peh nan ik pilesot fohvt, impt̄, nan-ishkot, nan isht ish ilaiyukpashke, im achi lashke, achi tok.

20. Yohmi kia Chihowa yokv̄to yummak ash, Ik hopoyukso chia ma! chi shilombish a falaminchit himak ninak a chim a, hoyā ch̄i hoke; yohmikm̄v̄no nana ish atahli tuk amo kv̄ta h̄o immi ha ch̄i cho? im achi tok.

21. Yohmi ka kv̄na hosh na hochukma puta ma ilap inli isht im atahlit ahanta hosh, anonti Chihowa ai imma hokv̄no nana kv̄t im v̄lhtaiyaha tuk keyu kv̄t yummak o chiyulmi hoke, achi tok.

22. Mihm̄v̄t nan im ai ithv̄na v̄hleha hash, Yvmohmi hoka hv̄chi ai okchaya hi a nana h̄o hv̄sh pa he; mikm̄v̄t hv̄chi haknip ma nana h̄o hv̄sh fohka hi a anukfillit hv̄ch is ilv̄sho kashke, hv̄chim achi lishke.

23. Okchaya kv̄t holitopa kv̄t ilhpak a i shablikma, anonti haknip vt holitopa kv̄t na fohka ya i shahli hoke.

24. Fela chito puta ka anukfillit ho pesá: yummak okvt nana kia hokchi cha vmo hō keyu: mikmvt yummak okvt vlpoyak in chuka, micha kanchak aiena kia im asha keyu hō, Chihowa ak osh ipeta hoke. Holitopa kvto hushi puta ka katiohmit isht hvsh i shahli hō?

25. Yohmi ka hvsh katima kak osh anukfihinlit isht ilbvsha kv hvchi chaha ka kubit achvfa kia hvsh il achakala hinla cho?

26. Nana kvv moma ik a lauwo hoka hvsh yvmihcha he keyu kvv, nanta katiohmi hō inla yokak heno anukfillit hvsh pisa cho?

27. Lilli puta kvv kaniohmit offot hofantit mahaya ka anukfillit ho pesá; yummak okvt toksvlit a hoyubli keyu: anonti nana hō shenni keyushke: yohmi kia Solomon vt nan isht im a holitopa moma isht a shema kvv ilvppa achv-fona kia chohmi tok keyu, hvchim achi lishke.

28. Yohmi ka Chihowa hvv hvshuk himak nitak a kowi hā hiohmaya tuk osh, onna hā apalvska pit vlpita chī kia, shenvvchi kvv yvmihchi kvto, hvchishno a i shahlichī hosh ik hvchi shemacho ka hinla cho? na yimmi fehna keyu hvchia ma!

29. Yohmi hoka nana hvsh impa he, mikmvt nana hvsh ishka he aiena kvv hvch ik hoyo kashke; mikmvt komuntvt ik hvchim anukfilo kashke.

30. Ilvppa chohmi puta kak o oklushi yakni paknaka aiasha kvv hoyo chatuk mak oke: ilvppa chohmi puta ka a hvchi bvna hokvno hvch Iki vt ithana hoke.

31. Yohmi kia amba Chihowa apelihchika yak o hvsh hoyashke; mikmvno ilvppa moyuma kvv a hvchim ibakaha hi oke.

32. Apehlichika ya hvch ima kvv im achukma hoka, chukvvlhpoba aya ik lauwo hvchia mvt, ik hvchi nukshopo kashke.

33. Na hvchim asha kvv hvsh kanchi cha, ilbvsha ya hvsh habenvchashke: teli holisso i shukcha yummak okvt nitak nana ont a sipokna he keyu, na-holitompa nitak nana taiyaha he keyu vt vba itonla; hukopa nana hesh ai i bilin-

cha he keyu, mikma shushi mvt okpvna he keyu, yak o isht hvsh il atahlashke.

34. Kanima yo hvchim ilayak vt itonla hokma, hvchi chukvsh ak kia mihi yo pit takanla hinla akinli hoka.

35. Il ai-vskufvchi ma isht il ai vskufvchit im vltahvt, pula puta mvt hvchin lihimbashke.

36. Yohmikmvt hvchishno ak kia hatak osh i shahli hv oboyo ipetvchi ia tuk osh falamvt vla chi, atuk osh vla cha sokohakma, ashalika in tiwa chi cha, pit hoyo hosh aiasha ho hvsh chiyuhmashke.

37. Chitokaka yvt ayvt vltv, okchvt asha na ont pisa ka, tishu vhleha yvmmt na-yukpa mak oke: ahli mak o hvchim achi lishke, Ilap ash osh nan isht il ai vskufvchit tahli cha, yvmmak osh impa chi ka binohlichikmvt, wakayvt nan isht im vta hi oke.

38. Micha ninak kashapa ont atukla ho ayakma, keyukmvt ont atuchina ho ayakma, nana cha yvmohmit aiasha ho ont pisa ka, tishu vhleha yvmmt nayukpa hi oke.

39. Hatak chuka chvfa pehlich i vt in chuka ahanta kv hvshi kanvli vlpisa kanihmi kak o hukopa yvt vla hi o akostininch i hokmvt, atoni tuk osh in chuka yvt okpulot ik in tiwo ka hetuk a, ileppa hvsh ithaiyanashke.

40. Yohmi hoka hvchishno mvt, hvchim vltahashke: yvmmak a he hvch ik aiahno hvshi kanvli vlpisa takla kia Hatak Ushi vt vla hi oke.

41. Mihma Pita yash ot, Chitokaka ma! nan-isht-vlpisa ileppa pishno ak okma, keyukmvt peh moma kak o isht ish im anumpulikma, nanta cho? im achi tok.

42. Mihma, Yohmi kvno kvta hak osh nan-apesvchi aiahli, mikmvt hopoyuksa achukma aiena tuk o, mihi yo i shahli hv ont ai-vlhpiesakma nan-upa hv ai immi ba he vlhpesa ka, ipihinta chi ka, ilap in chuka chvfa yash pehli chi ikba chi cho?

43. I shahli hv ayvt vla kv, yakohmi hosh ahanta na ant pisa ka, tishu yvmmt na yukpa mak oke.

44. Ahli mak o hvchim achi lishke: Nana im asha ka moma apesvchi o ikba hi oke.

45. Yohmi tuk kia tishu yummak ash osh chukvsh anuk-aka, A shahli hv̄t ai v̄la he tuk vt v̄banv̄blichishke, achi cha, hatak toksuli puta, micha ohoyo toksuli puta aiena kash bolit, imput, nan-ishkot, okishkot haksi aiena hosh ahanta tok m̄vno ;

46. Tishu yumma i shahli hash ot ilapvt yumma pit hoyo nitak keyu, micha ik akostinincho ai itin takla hv̄shi kanv̄lli v̄lhpisa fehna h̄o ayvt v̄la cha, chanlit ita hokofit, nan ik yimmo v̄hleha yak o ai iba foyuka ch̄i ka im apesa hi oke.

47. Yohmikma i shahli nan ahni tuk a akostininchi hosh, ik il atahlokmt, nan-ahni tuk ash kia yumihechi keyu ke tuk tishu yummak ash ot fahama lawa isht boa hi oke.

48. Amba ik akostinincho hosh nana ka isht a fuma he v̄lhpesa ka yumohmi hokm̄vto, fahama ik lauwo h̄o isht fuma hi oke : k̄vna h̄o lauachit ima tok ma, mihi ȳo laua h̄o im a hoya hi oke : micha kanima h̄o hatak vt lauachit ibbak fohki tuk ma, mihi ȳo laua i shahli h̄o im a hoya hi oke.

49. Yakni paknaka ya luak o ai ȳo bohyuli la ch̄i hosh aya li tok : atuk osh himonasi ak o lua hatuk bano, nana ka ai ahni lishke.

50. Yohmi kia baptismo isht a baptismo la ch̄i kv̄t vm asha : yohmi ka yumm̄v̄t ont ai yumohma ch̄i takla hok̄vno a palv̄m̄mi feh̄v̄shke.

51. Yakni paknaka ya a nanaiȳv̄cha ch̄i hosh aya li tok o, hv̄chim ahoba cho ? Keyushke ; ita kv̄shkoli kak illa hoke, hv̄chim achi lishke.

52. Himak pilla ma chuka ch̄v̄fa ka tahlapit ashvt it a kashapa cha, tuchina kv̄t tuklo ka i sanalikma, anonti tuklo kv̄t tuchina ka i sanala hi oke.

53. It i kanimachi cha, īki vt ushi a i sanalikma, anonti ushi atuk vt īki a i sanalikma ; ishki vt ushetik a i sanalikma, anonti ushetik atuk vt ishki a i sanalikma, anonti ipokni vt ipok a i sanalikma, ipok atuk vt ipokni a i sanala hi oke, achi tok.

54. Mihm̄v̄t anonti okla hash, Hv̄shi ai-okvtulaka hoshon-
tit kocha na hv̄sh pisakm̄v̄t, ashalika, Umb̄v̄t mihintishke,
hv̄sh achi chatuk ; atukma yohmi mv̄hli chatuk.

55. Micha oka-mahli hosh mahlikma, Lvshpa chishke, hvsh achi chatuk; atuk ma ont yvmohmi chatuk oke.

56. Nan ilahobi hvchia hoka, shutik, micha yakni aiena kvt pisa kaniohmi hokvno nan isht hvsh ai akostininchi hokak osh, amba katiohmi hq himak okvno nana ka hvch ik akostinincho cho?

57. Ahli, micha nanta katiohmi hq hvchishno akinli kvt nana vlpesa kvno hvch ik ithano cho?

58. Nan-vlhpisa chi onochi ya awant miko ish im ona chi hosh ish aya kvt, takla ya, ai i hlakofi bnna kvt ish achunanchashke: yummak keyukma chi halvllit nan-apesa ya isht chi ai onakma, anonti nan apesa yash ot tishu ha ibbak a a chi fohki na tishu hash ot aboha kvlo ya chi foh-ka hinla hoke.

59. Iskvi ont isht aiyopi fehna ka ish atobbi hq keyuk-mvt, yummak oka ish kohcha he keyu hoke, chim achi lish-ke, achi tok.

CHAPTA XIII.

Chisvs vt ile kostininchit il aiasha he ak o pi miha, 1. 6 Fik vpi vna he keyu nan isht-vlhpisa. 10 Nitak hullo yo Chisvs vt nan ithe-nanchit ahanta hosh ohoyo iksitopo ilbvsha ya hlakofichi; 15 mi-cha vba yakni apelihika ya mvstvt nihi, micha pvska isht shatvmnich i aiena kak o isht it apesa; 24 okhissa iskvtnosi yumma chukova bnna kvt achunancha hi a, okla ha i miha. 31 Chisva a Helot vt vbi bnna hatuk o, kohchvt kvnia hinla ka, okla im ahni ma, nana hq im achi; anonti Chelusalem vt ont aiokpulokvt taha chi ka, itukonofvt mihinti ka, Chisvs vt tikbanli anoli mvt, isht yahaya.

1. YUMMA fehna ma kanimi kvt yumma asha tuk vt, Pailat vt Kalili hatak issish a okla vba pit isht aiokpvchi a ai itaiomi tuk a, im anoli tok.

2. Mihma Chisvs ash ot afalaminchi mvt, Kalili hatak osh yakohmi hokvt nan-ashvchi kvt Kalili okla ha moma i shalii atuk osh na yakohmi ka isht ai ilbvsha tuk o, hvchim aboha cho?

3. Keyushke; amba hvehishno ak kia hvsh ile kostininchik keyukmt, hvsh moma kv ilbvshvt hvch illi akinla chi ka, hvchim anoli lishke.

4. Yvmmak keyukmt Siloam a chuka chaha hikia tuk vt auah untuchina ka o kinafvv vbi tok a, yvmmak osh nan ashvchi kvv hatak Chelusalem asha moma ka i shahli ha tok a, hvchim ahoba cho?

5. Keyushke; amba hvehishno ak kia hvsh ile kostininchik keyukmt, hvsh moma kv ilbvshvt hvch illi akinla chi ka, hvchim anoli lishke.

6. Nan-isht-vlh-pisa ilvppakma isht anumpuli tok: Hatak achvfa hosh fi k vpi vt osapushi anukaka ya im a hollokechi tuk osh ona cha, vni a a hoyo tuk osh, ik ahayucho ki tok.

7. Mihmt im osapushi apoksiachi ash o, Inta! ilvppvt afvmmi atuchina mak o fi k vpi ilvppa vni a hoyo kvv aya li hosh ak ahayucho bekvshke: chanlit akvchi; nanta katiohmi ho hikivt yakni a ai okpvnnichi cho? im achi tok.

8. Mihma yvmmak ash ot afalaminchi mvt, Chitokaka ma! himak afvmmi achvfa takla hokvno ant hikia na, kullit apakfoplit, yakni achukmali ya isht apolichit tahli li hayashke.

9. Yohmi na vnit waya hokmvno, vlhpesa: amba keyukmvno, yvmma misha pilla mak o chanlit ish akvchashke, im achi tok.

10. Mihmt nitak hullo yo yvmmak ash ot nan ithvnan-chi hosh sinakak achvfona ka anta tok.

11. Mihma ohoyo hvv shilombish okpulo nan iksitopochi yvt ai i foka tuk a afvmmi auah untuchina hosh, kochofvv kvnia, kaniohmit il apissalecha he keyu kvmo hmi hosh anta tok:

12. Atuk o Chisvs vt yvmmak ash pisa mvt, pit i howa cha, Ohoyo chia ma! nan ik chi ai iksitopo ka ish ai i mokofa mak oke, im achi tok.

13. Mihmt yvmmak ash o ibbak a ita tuklonchit isht umbitepa tok: mihma yvmmak ash ot mihmakinli ho apissvt taha mvt, Chihowa ha holitoblichit tok.

14. Mihma sinakak a apesvchi ash ot, Chisvs vt nitak

hullo yō hlakofichi ka im okpulo fehna hatuk osh, okla hash, Nitak hannali kak o hatak vt a toksvla he vlpesa kvo ashvshke: yohmi ka nitak hullo ak a he tuk keyu; yohmi hoka ymma ai itintakla kak o ai vlt hvchi hlakofashke, im achi tok.

15. Yohmi ma Chitokaka yash ot afalaminchi mvt, ymmak ash, Peh nana ilahobi chia hoke: hvsh moma kvt nitak hullo a chi wak toksvli okmá, keyukmvt chim issuba hakso-bish falaia okmá, nana kvt ai ilhpitta ya talakchit hikia tuk a i hotofi cha, halvllit oka ipetvt ish ia chatuk keyu?

16. Yohmi ka ohoyo ilvppvt Eblaham ushetik atuk o, Setan vt takchit ishi tok a, ilvppvt afvmmi auahuntuchina hatuk a, nitak hullo ya isht talakchi tuk vt ai i holhtofa he vlpesa keyu cho? im achi tok.

17. Mihma ilvppa ymmak achi ma, i sanali vhleha hash ot momvt hofahya tok; mihma nan isht a chinto a puta ka ymmihinchi ka okla hvt momvt na yukpa tok.

18. Mihma ymmak ash ot, Chihowa apchlichika yvt nanta hak o hoyulba? yohmi ka nanta hak o isht it apesa la chi cho?

19. Mvstvt nihi achvfa ho hatak vt ishi cha, im osapushi a pit a pila tok o, offot hofantit mahayvt, iti chito tobt hikia tok: yohmi na vba hushi puta kvt naksish puta ka ant ai o binohonli tok mak o chiyuhmi hoke, achi tok.

20. Mihmvt anonti Chihowa apchlichika ya nanta hak o isht it apesa la chi cho?

21. Pvska shatvmmichi yo ohoyo hvt ishi cha, tanchi pushi isht vlpisa tuchina ho a ymvslichi tuk o, momvt shatvmmit taiyaha tuk mak o holba hoke, achi tok.

22. Mihmvt tmaha puta, micha tmahushi aiena ka hlo pullit avvt nan ithvnanchit, Chelusalem imma ia hosh gya tok.

23. Mihma achvft, Chitokaka ma! Achafoa kak illa hosh okchaya hi oh cho? im achi tok.

24. Mihma ymmak ash ot, Yichina fehnvt okhissa ishtini a chukowa hvchi bvnashke; chukowa bvnvt pisa kiti nan ik kanihmo ka chi kvt laua hoke, hvchim achi lishke.

25. Chuka chvfa pehlichy yvt kaniohmi hō wakayvt, okhissa ya okhishta ha ma, kocha ya hvsh hiohmayvt, okhissa ya sokohvt, Chitokaka ma! Chitokaka ma! ish pin tiwashke hvsh achi kia, yummak ash ot afalaminchit, Yummak o minti, ahnit hvch ithana li keyu kv, hvchim acha hi oke.

26. Yumma fokakma hvchishno ash ot, Chi tikba ya ai impvt, nan ishkot il aiasha chatuk: yohmi ma chishno vt pin tmaha itin takla ya nana ish ai ithvnanchi tok mak oke, hvsh acha he.

27. Yohmi kia yummak ash ot, Yummak o minti, ahnit hvch ithana li keyu hoka, nan ai vhpesa keyu puta ka a yohmi hvchia hv, momvt hvš sa filvmmashke, hvchim achi lishke, acha hi oke.

28. Yohmikma hvchishno yokvno kocha hvchi kanchi na, Eblaham, micha Aisaak, mikmvt Chekob, micha hopaii puta ka a moyuma hokvto Chihowa apchlichika ya auet aiasha na hvsh pisa he, yumma fokak mak osh yahayvt noti a vpt hvsh aiasha hi oke.

29. Mikma hvshi akochaka imma, micha hvshi ai okvtula ka, mikmvt falvmmi, micha oka mahli aiena ka a mihintit Chihowa apchlichika im ai-impā ya ai a binohla hi oke.

30. Mikma yakeh! ishtaiyopi tuk vt mihi yosh na tikba hi oke, mikma na tikba tuk vt mihi yosh ishtaiyopa hi oke.

31. Mih-nitak fehna akinli ka Falisi kaniohmi kv ai vla cha, Ilvppa a kohchvt kanima ish iashke; Helot vt chiba he ahna hinla hoka, achi tok.

32. Mihma yummak ash o, Oh ia cha, chula yumma ont oh im anoli; Himak nitak, micha onna ha aiena kvno nanisht ahullo okpulo puta kocha weli, micha haknip ik in chukmo puta ka hlakofichi aienvt ahanta li tuk osh, nitak ont atuchinakma, nana ka aighlit ont vm ataiyaha hok mak a hi oke.

33. Yohmi kia himak nitak, micha onna ha, anonti nitak ont atuchina kvno, nowa li pullashke; hopaii atuk vt Chelusalem keyu ka ai illa he keyu hoka.

34. Chelusalem, Chelusalem hopaii vhleha vbi, micha auet

chin tihleli tuk a twli ishit boli chia ma! akaka yosh ushi
vhleha ha sanahchi nuta ya pit ai itahobi chatuk mak o,
chiyuhmit chim vlla vhleha ha itahohombi la he, aiahni li tuk
nana kia, hvchishno ak osh vhpesa hvch ik aiahno hokvno,

35. Yakeh! hvchin chuka yvt hvchin chuk-illissvt taiyaha
mak oke. Yohmi hoka aiahli mak o hvchi miha lishke;
Chitokaka i hohchifo mak o aya kvv hohitovvshke, hvsh
acha chi ka, ont ai vhpiesa keyukma, hvch ik sa peso ka
chi hoke, im achi tok oke.

CHAPTA XIV.

Chisvs vt, nitak hullo nitak o hatak nipi shofohli isht abeka ya hlako-
fichi, 1: 7 hatak im anukfila kvlo vhleha hvv im anukfila ha akan-
losecha hi a, micha nan in laua vhleha hvv ilbvsha ya i kana he
aiena ka im avvchi. 15 Opiaka impa chito asha tok isht vhpiesa.
25 Chisvs a nan im ai ithvna e toba chi hokmvt, yvmmak o e ho-
litobli hatuk mak osh pishno vt ile kaiyanchit, nana fehna hatuk
kia il issa hinla hatuk puta ka, yvmmak okvt nan isht vhpiesa ilai-
yuka ho isht a pim avvchi.

1. ATUK o yakohmi tok; nitak hullo yo impa chi Fa-
lisi miko vhleha achvfa ka in chuka yo pit chukowa ma,
okla apesvchi tok.

2. Yohmi ma hatak achvfa kvv haknipp oka atoba ililli ho
isht abeka kvv itikba ya asha tok.

3. Mihma Chisvs ash ot na mihvt, nan-vhpiesa ithvnanchi
vhleha, Falisi okla kash im anumpulit, Nitak hullo ya
na hlakoficha he ai vhpiesa hoh cho? achi tok.

4. Mihma nan ik achot maya tok. Mihma yvmmak ash
ishi cha, hlakofichi mvt, kanima ia chi ka, im ahni tok.

5. Mihmvt okla hash im anumpulit, Hvsh katima kak osh
hvchim issuba haksobish falaia okma, keyukmvt wak tokvli
okma, nana kvv yakni chiluk hofobi o pit itula ka, ashalika
nitak hullo nitak a halvllit hvch ik kohcho ka hinla cho?
achi tok.

6. Yohmi ma anonti ilvppa puta ka okla ai isht im afala-
mincha he keyu ki tok.

7. Mihma im annoa tuk vhleha hvt aiasha holitompā kak o hoyot a binohli na pisa mvt, nan-isht vlpisa hā takalichit,

8. Ohoyo ipetvchi ish aya hi a, kvna hosh chim anoli tuk ma, aiasha holitopa i shahli ka chik binilo kashke; hatak holitopa kvt chishno a chi shahli kia yvmmak ash ot im anoli tuk a hinla hoke.

9. Atuk o chim anoli tuk, anonti ymma im anoli tuk yvmmak ash ot ita tuklot vla cha, Hatak ilvppak osh ik aiashā, chim achikma, chi hofahyvt aiasha ik a lauwo kak o ish a binila hinla hoke.

10. Amba chim annoakmvt ivt, aiasha ik a lauwo kak o ish a binili tuk o, na chim anoli tuk ash ot vlakmvt, A kana hvt chaha i shahli kak o pit oiyā, chim acha hinla hoke: yohmikma chibai impvt maya ymma ish ai i holitopa he mak oke.

11. Kvna hosh ilefehnvchi hokvto aka ona he; anonti kvna hosh ik ile fehnacho hokvto holitopa hi oke.

12. Yohmi mvt ilapa hoyo tuk ash kia, Tvbokoli impa yokmā, keyukmvt opiaka impa yokmā, nana hō ish ikbi kvt, chi kana vhleha, micha ish itibapishi vhleha, mikmvt chi kanomi vhleha, chin chuka panta hatak nan in laua puta kia chik hoyo kashke; yvmmak keyukma, ilapo mvt chishno a chi hoyā hinla hoke: yohmikma nana hō, ish yvmihchi tuk a ai itilavit chim vltoba hi oke.

13. Amba impa chito ish ikbikmvt, ilvsha, imomokpulo, kinafa, lvpā aiena kak o ish hoyashke.

14. Yohmikmak osh na chi yukpa hi oke: yvmmak okvto chishno ma afalaminchit ai itilauechit chi yvmihcha he keyu hoka: hatak vlpesa illi puta kvt tanik mak o yvmmak atuk a falamvt pit ai itilavit chim vltoba hi oke, im achi tok.

15. Mihma ai ibai impvt maya tuk ash o achvft ilvppa puta ka haklo mvt, Chihowa apelhlichika ya pvska ai vpa kak osh mihi hosh na yukpa hi oke, im achi tok.

16. Mihma yvmmak ash o, Hatak achvfa hosh opiaka impa chito fehna ka ikbi cha, laurt aya chi ka, im anoli tok.

17. Atuk ash opiaka impa ont ai vlpesa ma, im annoa

tuk vhleha hash, Himak ano nana moma kvt vltahvshke, ho minti, im acha chi ho, in tishu ha cheffichi tok.

18. Mihma moyumvt im anukfila achefa ohmit taha mvt, okla nan isht ile mihachit isht ia tok. Ummona kvt, Osapa iskitini yo chumpa li tuk osh, ymma pisvt ia la he vlpesa hoke; vno yokvno ik ayo mak kia ba is svm ahna hi a chim asilhha lishke, im achi tok.

19. Mihma inla mvt, Vno vt wak toksvli y o k tahlapi ho, chumpa li tuk osh, ivt kaniohmi hatuk okma pisa la chi hatuk oka, vno yokvno ik ayo mak kia ba is svm ahna hi a chim asilhha lishke, achi tok.

20. Mihma anonti inla hosh, Vno vt ohoyo itauwaya li; yohmi hatuk osh aya la he keyushke, achi tok.

21. Yumohmi ma tishu yvmmak ash ot vla cha, i shahli ha ilvppa puta kash ant im anoli tok. Mihma chuka ymma pehlichit ash ot im okpulo mvt, in tishu hash, Tushpvt kohchvt ivt tmaha itin takla hina hochito, chit punta aiena ka ayvt, ilbvsha, micha imomokpulo, mikmvt kinafa, micha lva aiena ka pehlichit ilvppa isht ish lashke, im achi tok.

22. Atuk o tishu hashot, Chitokaka ma! chishno nana ish ai apesa tuk ano, ont aiahlit taha akinli kia, aiasha vt asha momvshke, achi tok.

23. Mihma i shahli ash ot tishu hash, Kohchvt ivt, haier ka hina bvshkvchi, mikmvt kvti holihta anukaka aiena puta ka ayvt, ilvppa vla chi ka, ish atushpalechi na an chuka vt alota mak inlashke,

24. Im annoa tuk vhleha hatuk yvmmak amo achufa kia vm opiaka impa ya iskitinosi kia ai vpa he keyu mak oka, hvchim achi lishke, im achi tok, im achi tok oke.

25. Atuk o okla lava fehna hosh apehvt aya ma, yvm mak ash ot filema cha;

26. Kvna hosh ayvt vm vla kvt, iki, micha ishki, mik mvt tekchi, mikmvt im vlla, anonti ilap itibapishi, mik mvt in tek vhleha aiena, mikmvt im ilhfiopak akinli aiena kak kia, i nukkilli keyu hokvto, nan vm ai ithvna a he kv yushke.

27. Micha kva hosh im iti-taiyukhena ya shoyuli cha, siakaiya keyu hokto, nan vm ai ithvna a he keyushke.

28. Hvsh katima kak osh chuka chaha ikba he ahni kv, vmmona ka aka binilit, Tahli la hinlakmá, nanta cho? ahnit ai-vlhtoba he ma hotinvt ik peso ka hinla cho?

29. Yvmmak atuk keyukmvt nutaka in tola ya bohli ha yosh, anonti atahla he keyukma, yvmmak atuk ash pisa kv momvt isht itukhlakavt,

30. Hatak ilvppvt itvbvnnit isht ia tuk ak osh, atahla he keyu ke tuk, acha hinla hoke.

31. Yvmmak keyukmvt miko nanta ak osh miko inla yo it in tanampa chi kv, vmmona ka aka binilit, ilapvt tahlepa sipokni pokoli ishi kv, tahlepa sipokni pokoli tuklo pehlich hosh i kohcha ka, amokvfa he vlhpesakmá, nana kv anuk-filit ik peso ka hinla cho?

32. Yvmmak keyukmvt, achvfa yash ot hopaki pilla auct takanli moma kak inli ho itin nanaiya ka ahnit, anumpa shali a pit chvfficha hinla hoke.

33. Yohmi ka yvmmak o chiyuhmit, hvchishno vt hvsh moma kv nana ho hvchim asha tuk vt mominchit hvsh issa keyukmvt, nan vm ai ithvna hvchia ha he keyu hoke.

34. Hvpi vt achukma hoke: yohmi kia hvpi hash ot homi tuk vt i kvniakmvt, katiohmi kak osh anonti homa hinla cho?

35. Yvmmvt yakni, micha nan i yvlhki yakni isht achuk-mvli aiena kak kia isht ai im vlhpesa he keyu; amba hatak vt kocha pit kanchi chatuk oke. Kva hosh isht haponakla he haksobish vt i hinlikmvt, haklashke, im achi tok.

CHAPTA XV.

Chukvvlhpoba kvnia nan isht vlhpisa, 1; 8 mikmvt toli hvta tushaft kvnia nan-isht-vlhpisa aiena. 11 Hatak himita ik hoyoyukso nan isht vlhpisa.

1. YUMMA foka ma pvblikan vhlaha, micha nan-ashv-chi okla aiena kv i haponakla chi kv, momvt auet a kavvli tok.

2. Yohmi ma Falisi vhleha hvt micha na-holissochi vhleha aiena kash ot lumasi na-mihachit, Hatak ilvppot nan-ashvchi vhleha hvt ilapa ai ibafohka chi ka ahninchit, it ibai impa yoke, achi tok.

3. Mihma yvmmak ash ot nan-isht-vlhpisa ilvppa isht im anumpuli mvt,

4. Hatak hvsh katima kak osh chukfvlhpoba tahlepa achvft im asha tuk osh, achvft i knia hokmvt, pokoli chakkali a kocha chakkali kash ot yakni haiaka ya maya na issvt, knia tuk yvmmak ash o hoyot hikikvt ahayuchik mak a hinla keyu?

5. Atuk osh ahayuchikmvt, na yukvt isht iabvnali;

6. Atuk osh in chuka yash vla mvt, i kana vhleha, micha in chuka panta hatak puta ka hoyot itahobi cha, An chukfvlhpoba yvt knia tuk ash ahayuchi li hoka, na hvsvbvi yukpashke, im achi hoke.

7. Yohmi ka yvmmak inli ho chohmit, Nan-ashvchi achvfa hosh ile kostininchikma, vba ya na yukpa asha kt hatak vlhpesa pokoli chakkali akocha chakkali kt nan ile kostinichi yvt ai im ahalaiya he keyu, yvmmak oka i shahla hi oke, hvchim achi lishke.

8. Yvmmak keyukmvt ohoyo nanta hak osh tvli hvta tushahli pokoli kt im asha tuk osh, tushafa achvft i kni-akmvt, pula ha pulali cha, aboha ya hvshpolit achukmalit hoyot hikikvt ahayuchik mak ahinla keyu?

9. Atuk osh ahayuchikmvt, i kana puta, micha in chuka panta asha tuk aiena kash hoyot itahobi cha, Tvli hvta tushafa a knia tuk ash ot ahayuchi li hoka, na hvsvbvi yukpashke, achi hoke.

10. Yohmi ka nan-ashvchi achvft ile kostininchikma, Chihova im enchil vhleha aiasha ka na yukpa kt yvmma akinli ho chiyuhmi chatuk oke, hvchim achi lishke, achi tok.

11. Mihmvt, Hatak achvfa hosh ushi vt in tuklo tok.

12. Atuk o nakfish ash ot iki a, Aki ma! nana kt vmmi ha he tuk ash is svmashke, im achi tok. Mihma nan isht ai okchaya yash o im it a kashvbi tok.

13. Mihma yvmmak atuk a nitak kanohmi keyu ho, ushi nakfish ash osh mominchit itahobit taiyahli cha, ivt yakni hopaki fehna ho ona cha, nan isht aya tuk puta kash yvm-mak o isht a yopomot ahantvt kampilvt taiyahli tok.
14. Yohmit mominchit kampilvt tahli ma, yakni yvmma hohchfo chinto fehna kvt a kohcha tok; mihma yvmmak ash ot nana kvt ik im iksho kit isht ia tok.
15. Mihmvt yakni yvmma hatak ont iba fohka tok; atuk o yvmmak osh shukha laua ipeta beka chi ka im osapa puta ka pit chvffichi tok.
16. Atuk o yvmmak ash ot shukha laua yvt nanvni ai vpa beka tok yvmmak o vput kaiya bvna beka tok: yohmi kia kva kia yvmma ik ipeto beka tok.
17. Atuk o yvmmak ash ot ont il akostininchit mvt, Aki im ilhtohno vhleha hvt laua kvt katiohmi hosh pska yvt laua kvt im vhpesakma, anonti atampa mvt asha chatuk ak o, vno ilvppa a hohchvot sulli cho?
18. Wakayvt ivt, aki im ona lish, Aki ma! Chihowa im ashvchit, mikmvt chi tikba ya a sai yoshuba tuk.
19. Yohmi kvt himak a pilla ma, chiso sa hohchifa he si ahoba keyushke; chim ilhtohno vhleha achvfa kak o is si ai itilauchashke, im achi lashke, achi tok.
20. Mihmvt wakaya cha, iki a im ia tok; atuk osh auet hopaki pilla minti kak inli ho, iki ash osh pit pisa mvt, i nukhaklo cha, chvft ivt, yvmmak ash ikunla ont vbnaiyvt i suksowa tok.
21. Mihma ushi ash ot, Aki ma! Chihowa im ashvchit, mikmvt chi tikba ya a sai yoshohumba tuk; yohmi kvt himak a pilla ma chiso sa hohchifa he si ahoba keyushke, im achi tok.
22. Yohmi kia iki ash ot im ilhtohno vhleha hash, Na-fohka holitopa moma i shahli kak o ishit kohchit ant ho fohkvchi cha, ibbak ma ibbak-ushi-fohka ant fohkit, iyi ma shulush hvsh holochashke;
23. Micha wak ushi ilhpitvt nia ya ilvppa isht vlv, oh vbi na impvt na-yukpvt kiloh aiasa;
24. Svso ilvppvt illi tuk osh, falamvt okchaya hoke;

knia tuk osh haiaka hoke. Mihma na yukptv okla aiasha tok.

25. Yohmi ka ushi akni hvto osapa anta tok: atuk osh minti cha, chuka yash bilikasi vla mvt, vhlepa ola, micha hihla aiena ka pit haklo tok.

26. Mihmvt ilhtohnv vhleha hash achvfalit pit i howa cha, Katiohmi hosh yakohmi cho? achit i ponaklo tok.

27. Mihma yummak ash ot, Chi nakfish ak osh vla hosh achukmakvt ayvt vla hō, chiki vt pisa kak osh wakushi ilhpitvt nia ya vbi hatuk oke, im achi tok.

28. Mihma yummak ash ot hvshaya cha, ont chukova ik bunno ki tok: yohmi hatuk o iki ash ot kohchvt ivt, ont i howa tok.

29. Mihma afalaminchi mvt, iki ash o, Inta! afummi kanohmi ilvppa chi yuka chiyuhmit isht chim ahanta li mvt, chim anumpa ma himonna kia ak kobvffoshke; yohmi kia a kana vhleha ai isht it ibai yukpa la chi ka, isi kosomushi kia chik samo chatuk,

30. Amba chiso ilvppvt havi puta ai iba fohkvt ayvt, nan isht ish ai okchaya he tuk ash isht yopomot tahlī cha vla ma, mih makinli hō wak ushi ilhpitvt nia ya ish im vbishke, im achi tok.

31. Mihma yummak ash ot, Svso ma! nitak moma ka si awant ish ahantvshke, yohmi kvv nan okluha vm asha kvv chimmi hoke.

32. Chi nakfish ilvppak okvt illi tuk osh, anonti falamvt okchaya; micha knia tuk osh haiaka hoka, impa ikbit na yukptv il aiasha he vlhpesa hatuk oke, im achi tok oke; achi tok.

CHAPTA XVI.

Nan-apesvchi ik aighlo nan-isht-vlhpisa, 1; 14 Chisvs vt Falai vhleha hvv ilap a okla ishit yopula ma, nana ka peh ilahot vhleha hatuk a nan isht i miha. 19 Hatak nan in laua, micha Lasalvs ita tuklo nan-isht-vlhpisa.

1. **MIHMVT** yvmmak ash ot nan im ai ithvna vhleha ha, Hatak nan in laua achvfa hosh nan-apesvchi vt im anta tok : atuk o yvmmak ash ot nana immi puta kash isht i yopomot tahlí hō, im annoa cha haklo tok.
2. Mihmvt yvmmak ash o i howa cha, Katiohmi hō iluppa isht a chi haklo li cho? nan ish apesvchi yatuk vt achukmalit ish ai il anolashke : himak a pilla ma nan apesvchi chia ha chī keyu hoke, im achi tok.
3. Yohmi ma nan apesvchi yash osh, Nanta hak o katiohmi la chī cho? a shahli hvt nan ai apesvchi li ash si a kohchichikma, okchahli la he keyukmvt, nan asilhha ma sa hofahyvshke.
4. Nan ai apesvchi li ash sa kohchichikma, in chuka yokvno chukowa la hi a okla vm ahna chī ka, nana hō katiohmi la chī kvt ithaiyana lishke, achi tok.
5. Mihmvt i shahli ha aheka im asha tuk vhleha hash mominehit hoyo mvt, Ummona ka a shahli hō aheka katohmi hō ish in takanli cho? im achi tok.
6. Mihmvt yvmmak ash ot, Na-bila vhlpisa tahlepa achvfa, achi tok. Mihma, Chim aheka holisso ha ishi cha, tushpvt aka binilit, pokoli tahlapi hō takalichí, im achi tok.
7. Mihma anonti inla hō, Mikma chishno vto katohmi hosh aheka yvt chim asha cho? im achi tok. Mihma, Onush vhlpisa tahlepa achvfa, achi tok. Mihma yvmmak ash o, Chim aheka holisso ha ishi cha, pokoli untuchina hō takalichí, im achi tok.
8. Yohmi ma nan-apesvchi nan ik ai vhlpeso ash ot kostoni fehnvt yvmohmi hatuk o, i shahli hvt im ai okpahanchi tok : yakni iluppa im vlla vhleha hvt ilap bika nan it im a katiohmit hopoyuksa kvt, a nitaki im vlla vhleha ha i shahli hoke.
9. Yohmi ka, Nan-ai-vhlpesa keyu mammon a hvchi kana vhleha ha hi a isht hvsh ikbashke, hvchim achi lishke : yohmi tukma ont hvch ai illikma, ai vtta bilia ya ik chukowá, hvchim aiahna hi oke.
10. Kvna hosh nana kvt moma ik a lauwo hō aiahli achukma achukma yatuk mvt, nana kvt ik aiaka kia aiahli achukma

akinli chatuk; yohmikma kvna hosh nana kv̄t moma ik a lauwo h̄o aiahli achukma atuk keyukm̄v̄t, nana kv̄t ik aiaka kia, aiahli achukma chatuk keyu akinli hoke.

11. Yohmi ka nan-ai-vlhpesa keyu mammon a isht a hv̄ch ik aiahlo ke tuk ma, kv̄ta hak osh na holitopa ahl̄i ya hv̄sh apesv̄cha hi a hv̄chi tohna hinla cho?

12. Micha inla yo nana kv̄t immi hatuk a isht hv̄ch ik aiahlo ke tuk mv̄no, kv̄ta hosh nana kv̄t chimmi fehna ya chima hi o?

13. Tishu yuka nana kia i shahli tuklochit im antia he keyushke; achv̄falit i nukkilli cha, achv̄fa kamo holitoba hinla; keyukm̄v̄t achv̄falit halanli cha, anonti achv̄fa kamo a haksicha hinla hoke. Chihowa, micha mammon it aienin-chit hv̄sh im antia he keyushke, im achi tok.

14. Mihma Falisi vt tv̄li holisso anuksitia fehna v̄hleha hatuk osh, ilv̄ppa puta ka haiyaklo m̄v̄t, isht ik imi ahno ki tok.

15. Mihma yvm̄mak ash o, Hv̄chishno ak osh hatak itik-ba ya ai il achukm̄v̄li hv̄chia mak oke: yohmi kia Chihowa hv̄t hv̄chi chukv̄sh puta ka ithaiyanv̄shke: nana kv̄t hatak a im a holitopa fehnakma, Chihowa hv̄t ai i nukkilli mak oke.

16. Nan-vlh̄pisa, micha hopai v̄hleha i holisso aiena kv̄t aiashv̄t mihinti tuk o Chan vt v̄la tok: yvm̄mak a tok takla kv̄no Chihowa apēlichika yak osh anuhumpa na hatak puta kv̄t yichinv̄t pit v̄lbih̄v̄shke.

17. Micha v̄ba shutik, mikm̄v̄t yakni aiena hokv̄to ont ik ahobot ik ai iksho ka hinla kv̄t, nan-vlh̄pisa iskitinosi kv̄t moma ik lauwo hosh ont ik ai iksho ka hi a ik lauwo ka hi oke.

18. Kv̄na hosh tekchi a kanchi cha, inla itauwayakm̄v̄t, havi toba hoke; mikma kv̄na hosh i hatak vt kanchi tok o itauwaya hokm̄v̄t, havi toba hoke, im achi tok.

19. Hatak nan in laua achv̄fa hosh na-fohka hummakhi h̄o anonti linen lapushki aiena h̄o foyuka m̄v̄t, nitak moma nan-v̄pa in chitot nan isht ilaiyukpa hosh anta tok.

20. Yvm̄ohmi ma hatak ilv̄v̄sha yosh Lasalv̄s hobchifo

hosh lihpo bieka ho, yvmma i holihta okhissa ya ont bohyuli na ituyula tok.

21. Yohmi kv̄t hatak nan in laua im ai-imp̄a yō boshulli vt a chilofa kak o habenvt vpa ka aiahni ha tok; yohmi ma of puta nana kia ai vlv̄t lihpo a i holahakshi tok.

22. Atuk ash o yakohmi tok: hatak ilv̄sha yash ot illi ma, enchil v̄hleha hosh ant isht i vt, Eblaham shakba pohloma ka ont fohki tok. Mihma hatak nan in laua yash kia illi cha, hollopi tok.

23. Atuk osh yvmmak ash osh aiokpuloka ya ont ai issikkopa cha, v̄ba chakali mvt, Eblaham vt hopaki pilla ka auet asha ma, Lasalvs vt shakba pohloma ka foka na pisa tok.

24. Mihmvt tahpahanlv̄t, Aki Eblaham ma! auet a nuk-haklot Lasalvs a auet chv̄ffichi na ibbak-ushi wishakchi a oka kapv̄ssa ik oka hilechi cha, sasunlv̄sh a ant ik kapv̄s-v̄lli: a libbi ilv̄ppa vm a palv̄m̄mi kv̄t atampa fehnv̄shke, achi tok.

25. Yohmi kia Eblaham ash ot, Sv̄so ma! chi okchaya taklv̄t ish ahanta kv̄t, na hochukma puta ka ish pihisa tok: yohmi ma Lasalvs ak kia nana kv̄t a palv̄m̄mi puta ka pihisa tuk a, ish ithaiyanashke: yohmi tuk kia yvmmak ash ot himak okv̄no hopohlvt na yukpa ma, anonti chishno v̄to chim a palv̄m̄mi fehnv̄shke.

26. Micha ilv̄ppak osh ai v̄hli keyu; a hvp̄ itin takla ya kolukbi chito fehna hosh bachaya hoke: yohmi hatuk o ilv̄ppa ai asht ia kv̄t tanv̄blit yvmma a chim ona he tuk mak osh, na kanihma he keyu; yohmikma anonti yvmma asht minti kv̄t hlopulli cha pim v̄la he keyu akinli hoke, achi tok.

27. Yohmi ma yvmmak ash ot, Yohmi hoka aki ma! yvmmak oka aki in chuka ya pit ish chv̄fficha he mak o chim asilh̄ha lishke.

28. Yohmi ka itibapishi li hvt tahlapit asha hoka, atokowa ka ont ai im anoli na ai issikkopa ilv̄ppa yvmmakmvt ai v̄la yoba ná, achi tok.

29. Eblaham ash ot, Moses micha hopaii puta im anumpa

hvt in tonla hokvt, yvmmak o okla i haponaklashke, im achi tok.

30. Yohmi ma yvmmak ash ot, Aha! aki Eblaham ma! illi atuk ak osh achvfvt ayvt im ona hokmvno, okla ile kostinicha hinla hoke, achi tok.

31. Mihma yvmmak ash ot, Moses, micha hopaii puta im anumpa ha haklo keyukmvt, illi tuk osh achvfvt tani mak o, yimma hi vt anukfoyuka he keyu hoke, im achi tok.

CHAPTA XVII.

Chisvs vt nan im ai ithvna vhleha hvt ahah! ahni cha, inla ya ik yoshublecho ka he, 1, 3 micha ilap bika yvt nana ka it i kashofa he aiena ka i miha: 6 na yimmi aiahlika yokvt na fehna ka anoli: micha Chihowa ha holitobli kvv nana ho ik yvmohmi kia im anuk-fila mvt akanlosi bieka hi a, i miha; 11 leplosi vbi a hatak pokoli ho hlakofichi; 20 Chihowa apeshchika yvt hatak chukvsh anuka-ka ak o fohka: micha kvena hosh yvmmak oka nan isht ik ahno tuk okvto momvt ont ai okpulokvt taha pulla hi a, anoli.

1. YOHMI mvt nan im ai ithvna vhleha hash o ik ka-niohmi hoh kia nana isht ai ibetvbli okvt iksho ka chi keyu pulla hoke; yohmi kia kvena ho yvmvt isht a tobakma, mihi yosh nan i palvmmi mak oke.

2. Chipunta ilvppa achvfona ka ibetvblich i hokmvt, ilap ak o ikunla ya tvli chito na botoli ak osh a takanli ho, okhv-ta ha pit okvchi kak o, vlpesa kvv im i shahli hoke.

3. Ahah! hvsh il aiahnashke. Ish itibapishi hvt chi yoshuba hokma, im alvmmi nana ish i mihashke: yohmi na yvmmak ash ot nukhaklot ile kostinichi hokma, kashofit ish i kanchashke.

4. Mich a nitak achvfa ka untuklo ha chi yoshuba cha, anonti nitak achvfa ka untuklo ha yo filemvt, Sa nukhaklosh-ke, achi hokma, ish i kashofa he mak oke.

5. Mihma vbanumpeshi vhleha hash ot Chitokaka yash, Na pi yimmi ka i shahlichit ish pi nukfohkashke, im achi tok.

6. Mihma Chitokaka yash osh, Na hvchi yimmi kvv mvtvt nihi achvfa ka chohmi hosh hvchi anukfoka hok-

mtv, bihi vpi ilvppa hakshish fehna ai isht alobafvt okhvt
hak o ont ish a holokchashke, hvsh im achikma, hvchim
antia hinla hoke.

7. Yohmi ka hvsh katima kak osh yuka hvt im anta tuk
vt yakni patvffi hokmá, keyukmtv wak ipeta hokmá, nana
hosh anta tuk osh osapa mintit vla makinli hq, lvt ont binili
cha, impá, im acha hinla?

8. Amba yvmmak o keyukmtv; Nana hq opiaka impa la
chi ka atahli cha, il ai-vskofvchit chin taha cha, nan isht is
svm anta na impvt nan ishko aienvt issa li ha yo, himmak o
impvt nan ish ishkashke, im acha hinla keyu?

9. Micha yuka yvmmak ash ot nan ai im vlpisa atuk ash
ot yvmihchi ma, yak oke! im ahni hq? keyu ka, vm aho-
bvshke.

10. Yohmi hoka yvmma chiyuhmit hvchishno mvt, nana
kvt a hvchim vlpisa tuk vt mominchit ont hvsh ataiyah-
likmtv, Nana hq isht ai yukpa hi o keyu tishu pia: nana
ka isht il ai vtta hi a pim vlpesa tuk mak osh e yvmih-
chishke, hvsh achi makinlashke, achi tok.

11. Atuk o yakohmi tok: yvmmak ash ot Chelusalem ia
hosh aya mvt, Samalia micha Kalili ajena ka iklvna hlo-
pullit ia tok.

12. Micha tvmahushi achvfa hq ont chukowak fehna, ha-
tak pokoli kvt leplosi vbi yosh ant afama cha, mishemanchit
auct hiel tok.

13. Mihmtv chitoli hosh okla anumpulit, Chisvs pi shahli
ma! ish pi nukhaglashke, achi tok.

14. Mihma yvmmak ash ot pit pisa mvt, Oh ia cha, na-
holitompa isht asha vhleha hak o ont hvsh im ile haiakv-
chashke, im achi tok. Atuk o yakohmi tok: ilhkoli hosh
asht aya mvt, okla hlakofi tok.

15. Mihma yvmmak ash ot achvftv hlakofi kvt ile pisa
mvt, falama cha, chitoli hosh anumpulit, Chihowa ha holi-
toblich tok.

16. Mihmtv yvmmak ash iyi ituma yak o hlipia cha, yak
oke! ahnit aiokpvchi tok: yohmi kvt yvmmtv Samalatan ha-
tak a tok.

17. Yohmi ma Chisvs ash ot anumpuli mvt, Pokoli hosh hlakofi tuk keyu? amba chakkali mvt?

18. Falamvt Chihowa ha holitoblichit aya kut iiksho ho, amba oklushi inla hatak ilvppak ilvshke, achi tok.

19. Mihmvt yvmmak ash o, Ish wakaya cha, ish iashke; a chi yimmika yak osh chi hlakofichi hoke, im achi tok.

20. Yvmohmi ma Falisi vhleha hvt Chihowa apehlichika yvt, Katiohmi kak o aya hi o? ahnit i ponaklo ma, afalaminci mvt, Chihowa apehlichika yvt ai im akostininchi ho aya he keyu.

21. Micha Yakeh! ilvppak oke: keyukmvt, Yakeh! yvmmak oke; achi kak okma, kanimampa he keyu hoke. Chihowa apehlichika yvt hvchi chukvsh anukaka foyuka hoka, achi tok.

22. Yohmi mvt nan im ai ithvna vhleha hash o, Hatak Ushi i nitak o achvfalichit pisa ka hvchi benna fehna kia, hvch ik peso ka hi a nitak vt ai ona pulla hi oke.

23. Yohmi ka Yakeh! ilvppak oke; keyukmvt, Yakeh! yvmmak oke; hvchim achikma, nana hi oke. Yohmikma ivt hvch ik im onokmvt, hvch ik iakaiyo kashke.

24. Malvtha kv shutik nutaka kanima ho a malvthachit kohchakmvt, shutik nutaka bakapa tnnvp ma pit on tommy chatuk a, Hatak Ushi i nitak vt ont ai vlpiesakma, yvmmak inli ho chiyuhma hi oke.

25. Yohmi kia ik a yvmohmo kisha ka, isht ai issikkopa mvt in laua he; mikma hatak himonasi asha ilvppv ik i yimmot ik ahnincho ka hi mak oke.

26. Mikma Hatak Ushi i nitak mvt, Noah vt ahanta nitak a a kaniohmi tok mak o, a chiyuhmi makinla hi oke.

27. Okla impvt, okla nan ishkot, ohoyo okla itauwayvt, okla itauwaya hi vt im vlpowvchit aiasha tuk o, Noah vt peni chito a pit chukowa nitak fehna ma, oka falama vt aya cha, mominchit vbit taiyahli tok.

28. Lat ahanta nitak a a kaniohmi tok mvt, okla impvt okla nan ishkot, okla na chumpvt, okla na kanchit, okla na hokehit, chuka okla ikbi aienvt aiasha tok.

29. Yohmi tuk kia Lat vt Sotom a a kohchvt ia nitak

fehna ma, luak, micha hituk lakna aiena kv̄t v̄ba ȳa auet ai umba cha, mominchit v̄bit taiyahli tok.

30. Yakohmi tok a chiyuhmit Hatak Ushi vt ont haiaka nitak fehnakma, yvmohma he akinli hoke.

31. Nitak ymma fehnakma kv̄na hosh aboha paknaka anta na im v̄lh̄poyak vt aboha an̄ka asha tuk ma, akowvt apoyvt isht ik aiyo kashke; yohmikma anonti kv̄na hosh osapa anta tukm̄vt, falamvt ik aiyo akinlashke.

32. Lat tekchi a tok a hv̄sh ithaiyanashke.

33. Kv̄na hosh ilap im ilh̄fiopak okchalinch̄i b̄v̄na hokv̄to, kaiyancha he; mikma kv̄na hosh im ilh̄fiopak a ik i hullo hokm̄vt, okchalinch̄a hi oke.

34. Ninak ymma fehnakma topa achv̄fa ka hatak tuklot kaha tuk ma, achv̄fa ka ai eshi na achv̄fa hosh itonla he.

35. Ohoyo tuklo hosh nan it iba botoli hosh ashwa tuk ma, achv̄fa kash o ai eshi na achv̄fa hosh anta he.

36. Hatak tuklo hosh osapa ȳa ashwa tuk ma, achv̄fa kash o ai eshi na achv̄fa hosh anta hi oka, hv̄ch im anoli lishke, im achi tok.

37. Mihma okla afalaminchi m̄vt, Chitokaka ma! katima yak o? im achi tok. Mihma ymmak ash ot, Kanima ȳo illi hakn̄ip vt ituyulakma mihi ȳo ossi puta m̄vt ont ai ita-hoba hi mak oke, im achi tok.

CHAPTA XVIII.

Nan apesa ai ah̄lich̄i keyu, micha ohoyo i hatak illi nan asilh̄ha achu-nanchi aiena nan isht v̄lh̄pisa, 1; 9 Falisi, micha p̄v̄blikan ita tuklo nan isht v̄lh̄pisa. 15 Chis̄vs vt v̄lla chipunta ȳa h̄olitobl̄it ishit sholi. 18 Chis̄vs vt hatak pehlich̄i himita nan in laua ȳo Klaist okm̄a, nan laua im asha kak okm̄a, nanta kak osh h̄olitopa kv̄t im i shahli chishba? ah̄nit imomaka pisa. 31 Chis̄vs vt ilapvt ititai-yukh̄na ahonv̄h̄vt illa he, atukm̄vt nitak ont isht atuchinakma falamvt tana he, anonti tikbanli anoli.

1. MIHM̄VT ymmak ash o, Hatak vt v̄ba pit anum-pohonli kv̄t bilia cha, ik in takobo ka he tuk a, nan isht v̄lh̄pisa h̄o isht anum̄pult achi m̄vt,

2. Tumaha ho nan apesa vt ahanta kv̄t, Chihowa ya i nukshompa keyukm̄vt, anonti hatak ma nan-isht ik im aho-bo ya tok.

3. Yohmi ma tumaha yv̄mma ohoyo i hatak illi yosh anta tok; atuk osh yv̄mmak ash o im ai v̄la cha, Nan v̄lhpisa si onochi tuk a nan ahli achukma ka isht is sv̄m ai apesashke, achi tok.

4. Yohmi ma yakosi takla kv̄no yv̄mihcha he ik ahno ke tuk osh, amba himmak o nan il anukfilli kv̄t, Chihowa ya i nukshompa li keyu m̄vt, anonti hatak ma nan isht v̄m ahom-ba keyu hatuk nana kia,

5. Ohoyo i hatak illi ilv̄ppvt si ataklaiyami hoka, nan ahli achukma ka isht ai im apesa lashke; yv̄mmak keyukma, mihinti bekakm̄vt, an takobicha hinlv̄shke, achi tok.

6. Mihma Chitokaka yash ot, Nan apesa ai v̄lhpesa keyu vt nana achi tuk a, ho haiyakl̄o.

7. Yohmi ka Chihowa hv̄t ilap osh ai atokoli tok mak o nitak, micha ninak aiena ka pit in tahpahanla ka, im ile sv̄laha tuk mak osh, nan ai ahli achukma ka ik im apeso ka hinla cho?

8. Chekosi makinli ho nan ai ahli achukma ka isht ai im apesa hi oka, hv̄chim achi lishke. Yohmi kia amba Hatak Ushi vt ayakm̄vt, yakni paknaka ya na yimmi kv̄t asha na pisa hi oh cho? achi tok.

9. Mihm̄vt kanimi kv̄t ile yimmit, ilap ak osh ai v̄lhpesa mak o im ahobvt, inla asha kv̄no ik ahobalo v̄hleha hatuk ash nan-isht-v̄lhpisa ilv̄ppa isht im anumpuli m̄vt,

10. Hatak tuklo kv̄t v̄ba pit anumpula chi hosh tempel a pit chukowvt okla tok: achv̄fa kak osh Falisi okma, achv̄fa kv̄to pv̄blikan a tok.

11. Falisi ash osh hikia cha, v̄ba pit isht il anumpuli m̄vt, Chihowa ma! hatak inla asha na-wehli; nan ik ai v̄lhpieso; haui puta; mikm̄vt pv̄blikan ilv̄ppak kia ak chohmo kv̄t, yak oke! pit chim aiahni lishke.

12. Nitak hullo achv̄fakma hitukla na hullochi likm̄vt, nan v̄m asha puta kv̄t ont isht pokoli kv̄t a kv̄nihiyushke, achi tok.

13. Yohmi ma publikan ash ot auet mishema yak inli ho hikvt, i holhponayo ak kia vba chakalinski keyu hosh, peh ikkishi ak o isso mvt, Nan ashvchi sia hoka, Chihowa hvt is sa nukhakashke, im achi tok.

14. Yohmi kvv hatak ilvppv nan im aiahli achukma kvv achvfa yash i shahli hosh in chuka ona tok a hvchim anoli lishke: kvna hosh ile fehnvchikmvt, aka ona he; mikma kvna hosh ile akanlosichi hokmvt, holitopa hi oka, achi tok.

15. Yohmi ma vloshi puta kia, yvmmak ash ot potola hinla ka okla ishit im ai vla tok: yohmi kia nan im ai ithvna vhleha hash ot pisa mvt, okla im alvmmi tok.

16. Yohmi kia Chisvs vto yvmmak ash o pit hoyo cha, vlla chipunta vt vm ai vla hi a hvsh ahni cha, hvch ik im alammo kashke; ilvppak o chohmi hosh Chihowa avehlichika ya aiaha hoke.

17. Ahli mak o hvchim achi lishke; Kvna hosh vlla iskitini ak o chohmit Chihowa avehlichika ya aiokpvchi ho keyukmvt, kaniohmi kak osh yvma chukowa he keyu hoke, achi tok.

18. Mihma hatak pehlich i achvvt i ponaklot, Nan-ithv-nanchi achukma ma! nantak o katiohmi li kak osh ai okchayvt bilia yato vmmi ha hinla cho? achi tok.

19. Mihma Chisvs vt yvmmak ash o, Na katihmi ho vno a achukma is si achi cho? achukma kvv iksho ho, amba achvfa kak illa, yvmvvt Chihowa ak oke.

20. Nan vlvhvisa, Haui ish toba na: Kvna kia ish bi na: Na chik hukopo kashke; Anumpa ik ahlo isht atokolit chik anto kashke; Chiki, micha chishke aiena ka ish holitoblashke; achi puta ka ish ithanvshke, im achi tok.

21. Mihma yvmmak ash ot, vlla sa tomba kash inli hosh ilvppa puta ka holitoblit isht mihinti li tok a ant a himak vshke, achi tok.

22. Mihma Chisvs vt ilvppa puta ka haklo mvt, Yohmi kia nana achvfa ho isht chik ai onoshke; nana chim asha kvv mominchit ish kampila cha, ilbvsha ya ishit it a kvsh-koachi, yohmik mak osh vba ya chim ilayak vt asha hi oke; micha ant is siakayashke, im achi tok.

23. Mihma yvmmak ash ot ilvppa haklo mvt, nan in laua fehna hatuk osh, nukhaklo fehna tok.

24. Yohmi ma nukhaklo fehna ho Chisvs vt pisa mvt, Nana in laua vhleha hokvto palvmmi fehna nana ho Chihowa ap ehlichika ya chukowa he;

25. Kamel vt chofak ushi nishkin a hlopulli ka palvmmi kv t hatak nan in laua yosh Chihowa ap ehlichika chukowa hokvno ik lauwo shke, im achi tok.

26. Mihma yvma okla haklo mvt, Yohmikma kvta hak osh okchaya hinla cho? achi tok.

27. Mihma yvmmak ash ot, Hatak okmno nana kv t ai yvmohma he keyu kia, Chihowa yak okmno ai yvmohmi hoke, achi tok.

28. Yohmi ma Pita yash ot, Yakeh! Pishno vto momin- chit il issa cha, e chiakaiya kvno, achi tok.

29. Mihma yvmmak ash ot okla hash, Ahli mak o hvechin achi lishke; Hatak vt Chihowa ap ehlichika pulla hatuk mak o in chuka, iki, ishki, itibapishi vhleha, tekchi, im vlla puta aiena ka a kanima kia issvt aya hokvto,

30. Yakni ilvppak inli ka nana laua kv t yvmmak atuk a im i shahli tuk mvt, yakni inla mihintikma, ai okchayvt bilia ya ik peso ka hi vt iksho hoke, im achi tok.

31. Yohmi mvt auah-tuklo kash hoyo cha, Inta! Chelu- salem ak o iloh ivshke; yohmi ka hopaii vhleha hv t Hatak Ushi ak o holisso ha ishi ai ikbichi tok a puyuta kv t ont ai abla chi hoke.

32. Yvmmak oka ishit Chentail okla ibbak fohki na ishi yopulvt, itukhlakavt hofahyalichit, on tuftua chi:

33. Micha okla fvmmi cha, vba chi hoke; atukma nitak ont a tuchinakma falamvt tana hi oke, im achi tok.

34. Yohmi ma ilvppa puta ka achi kia okla ik akostinin- cho ki tok: mihma anumpa ilvppv t im a luma na nana kv t anumpa tuk ash kia okla ik ithaiyano ki tok.

35. Atuk o yakohmi tok; yvmmak ash ot Cheliko bil- kasi ka vla ma, hatak lypa achvfa kv t hina lapalika yo binlik nan asilha tok.

36. Atuk osh okla laua vt ont ihiya ka haklo mvt, Katiohmi hosh yakohmi cho? achit a ponaklo tok.

37. Mihma, Chisvs Nasalet ai vtta ak osh aya hatuk a, okla im anoli tok.

38. Mihma yummak ash ot tahpvlvt, Chisvs, Lewi Ushi chia hvt is sa nukhakhlashke, achi tok.

39. Mihma tikba asht aya tuk ash ot, nukchinta chi ka, i miha tok: yohmi kia yummak o isht i shahlichy fehnvt tahpvlvt, Lewi Ushi chia hvt is sa nukhakhlashke, achi tok.

40. Mihma Chisvs vt hikia mvt, yummak ash o isht im vta hinla ka miha tok: atuk osh yummak ash ot i bilikasy vta ma, i ponaklot,

41. Nanta hak o a chi katimichi la hi a, ish ahni cho? achi tok. Mihma yummak ash ot Chitokaka ma! hoponayo la hi a, achi tok.

42. Mihma Chisvs ash ot, Ish hoponayashke, a chi yimmi yak osh chi okchalinchishke, im achi tok.

43. Yohmi ma yummak ash ot ashalika hoponayo cha, yummak ash o iakaiya mvt, Chihowa ya holitoblichy tok: mihma okla hvt pisa mvt, Chihowa ya pit aiokpahanchy tok.

CHAPTA XIX.

Sakevs vt vbanumpa anukfohka tok a isht anumpa, 1. 11 Hatak holitompa hosh miko tobyt ia hosh, in tishu vhleha ha tvli holisso ibbak fohki. 25 Chisvs vt issuba haksobish falaia himita yo o minilit aya hosh Chelusalem a ont chukowa; 45 Chisvs vt tempel a ont chukowa cha, nan itatoba vhleha maya tuk a kocha pit tiheli.

1. MIHMA Chisvs vt Cheliko ont chukowvt a hlopullit ia tok.

2. Mihma hatak vt publikan vhleha pehlichy yosh Sakevs hohchifo kv, nan in laua hosh anta tok.

3. Atuk osh yummak ash ot, Kvta hoh chishba? ahni mvt, Chisvs a pisa bvna tok: atuk ak osh okla a fohopa fehna hatuk o, ik chaho hatuk osh na kanihma he keyu ki tok.

4. Mihmvt yvm-imma ont ia chi hatuk o, pisa chi hosh tikba pit malelit, bihi iti o ont oiya tok:

5. Atuk o Chisvs ash ot yvmmak ash o vla mvt, pit vba chakalit yvmmak ash o pisa cha, Sakevs ma! tushpvt akowá; himak nitak a chin chuka ya anta la chi hatuk oke, im achi tok.

6. Mihma yvmmak ash ot tushpvt akowa cha, na yukpa fehna hosh yvmmak ash o ilaelit ilap in chuka isht chuko-wa tok.

7. Mihma okla hvt pisa mvt, momvt lumasit na mihachit, Hatak nan ashvchi yo kak o ont ibai vta chi hosh ia tuk, achi tok.

8. Mihma Sakevs ash osh hikia cha, Chitokaka yash, Inta! Chitokaka ma! vm ilayak a iklnnachat ilbvsha ya im issa lishke; yohmi kvv hatak nana kia nanasi ka anumpa isht a holabi hosh im ishi li tuk okmvt, yummak atuk a ohmi ushta ho i falamichi lashke, im achi tok.

9. Mihma Chisvs ash ot, Ilvppak kia Eblaham ushi akinli hatuk oka, himak nitak a ai-okchaya yvt chuka ilvppa vlvshke.

10. Hatak Ushi vt okpulot taha tok mak o hoyot okchal lincha chi hosh aya tok oka, achi tok.

11. Mihma ilvppa puta ka okla haklo ma, achakalinchit mvt, Chelusalem a ona he, micha Chihowa avehlichika yvt chekosi otvna hinla ka, okla im ahoba aiena hatuk oka, nan isht-vlvpisa ho isht anumpuli tok.

12. Yohmi hatuk osh, Hatak holitompa achvfa hosh miko ont vltoka cha, falamvt aya hi osh yakni hopaki ka ia tok.

13. Mihmvt in tishu pokoli ka hoyo cha, tvli holisso vekli pokoli ka ibbak fohki mvt, Nan isht hvsh itatomba tuk o, vla lashke, achi tok.

14. Atuk ak o i yakni achvfa okla hash ot i nukkilli cha, Hatak yummak okvno ik pi pehlichí, il ahna he keyu, achit anumpa shali a iakaiyachit pit chvffichi tok.

15. Atuk o yakohmi tok; yummak ash ot miko ont vlt tokvt im vlttaha cha, falamvt vla; yohmi mvt nana isht itatoba kvv hatak achvfa aiyuka kvv kaniohmi ho ahayuchi

tukma, akostininha hinla kv̄t, tishu v̄hleha ilv̄ppa tv̄li holisso ima tok ash, yv̄mmv̄t im annoa cha, im ai v̄la ch̄i ka, apesa tok.

16. Mihma tikba v̄la kv̄t, Chitokaka ma! chin tv̄li holisso weki achv̄fa tuk ash osh weki pokoli h̄o isht il ahayuchi li tuk oke, achi tok.

17. Mihma yv̄mmak ash o, V̄lhpesa, tishu chi achuk-mv̄shke; nana kv̄t ik lauwo fehna kia aiahli chi achukma tuk okv̄t, tv̄maha pokoli h̄o ai i shalhit ish pehlich̄a ch̄i kv̄t a chim v̄lhpiesashke, im achi tok.

18. Mihma atukla kv̄t v̄la mv̄t, Chitokaka ma! chin tv̄li holisso weki achv̄fa tuk ash ot weki tahlapi h̄o isht il ahayuchi li tuk oke, achi tok.

19. Mihma yv̄mmak ash kia, Chishno mv̄t, tv̄maha tahlapi h̄o ish pehlich̄a ch̄i kv̄t a chim v̄lhpiesashke, im achi tok.

20. Yohmi ma inla yosh v̄la mv̄t, Yakeh! Chitokaka ma! chin tv̄li holisso weki achv̄fa kash nantapv̄ski ȳo a bonullit bohli li tuk o, yak itonlv̄shke.

21. Nana ka chishno ak osh ish bohli tuk keyu kia, ish ishi; yohmikmv̄t ish hokchi tuk keyu kia ish mo chatuk; hatak p̄lv̄mmi chia hatuk oka ch̄i sa nukshopa tuk oke, im achi tok.

22. Mihma yv̄mmak ash o, Tishu haksi chia ka chishno chitih a kohcha kak inli h̄o nan isht chim apesa la ch̄i hoke. Hatak p̄lv̄mmi sia nana ka v̄no yak osh bohli li tuk keyu kia ishi li; mikmv̄t hokchi li tuk keyu kia v̄mo li chatuk a, ish ithana;

23. Yohmi ho kak osh na katihmi h̄o an tv̄li holisso weki achv̄fa kash tv̄li holisso a bohli a chik bohlo ke tuk o, v̄la li kv̄t v̄mmi hash a chelichi hosh ak hoyo cho? im achi tok.

24. Mihmv̄t bilika hiohmaya kash o, Yv̄mma tv̄li holisso weki achv̄fa kash oh im ishi cha, tv̄li holisso weki pokoli h̄a ishi kak o oh im̄a, im achi tok.

25. Mihma, Chitokaka ma! yv̄mmak okv̄to tv̄li holisso weki pokoli ka ishishke, okla im achi tok.

26. Kv̄na hosh ishi hok mak o ima he; amba ik im iksho

hatuk okvno ishi tuk ash kia, im ai isha hi oka, hvch im achi lishke.

27. Amba a nukkilli vhleha hv t i miko la he tuk a, vli- pesa ik ahno ke tuk yummak okvno ilvppa isht vla cha, sa tikba ya oh ai vbi, achi tok oke, achi tok.

28. Micha ilvppa yakohmichit anumpuli mvt, tikba hikvt Chelusalem a pit oiyvt ia tok.

29. Atuk o yakohmi tok; Betfachi, micha Betani aiena ka auct bilika nvni chaha Alif hohchifo ho vla mvt, nan im ai ithvna ya tuklochit pit tihleli mvt,

30. Ivt tumahushi hvchi chapaka talaia ka hvsh onashke: yumma ont hvsh chukowak fehna kv issuba himita hatak vt ik o minilo kisha yosh talakchit hikia na hvsh pisa chi hoke; yumma hvsh i hotofi cha, isht hvsh lashke.

31. Mikma hatak nana hosh hvchim ponaklot, Nanta katiohmi ho hvsh i hotofi cho? achikma, Chitokaka yak osh bvna hatuk oke; hvsh im achashke, im achi tok.

32. Mihma vltoka tuk ash ot itiachi mvt, yumma nana ai i miha tuk ash yohmi fehna mvhli ho ont pisvt okla tok.

33. Micha issuba himita yash i hotofi hosh ahashwa ma, yvmvt immi atuk ash ot, Nanta katiohmi ho issuba himita ya hvsh i hotofi cho? im achi tok.

34. Mihma, Chitokaka yak osh bvna hatuk oke, achi tok.

35. Mihmvt yummak ash o Chisvs a isht im ona; yohmi ma issuba himita yash anchi puta ka om pelli cha, Chisvs a okla o minilichi tok.

36. Micha ia hosh aya ma, hina ya im anchi puta ka okla pelli tok.

37. Atuk osh yummak ash ot ona he Alif nvni ha pit okvtanowvt mahaya ma, nan im ai ithvna vhleha okla chito ash ot moyumvt na fehna puta kv yvmohmi na okla pihisa tuk vt, na yukvt chitolit tahpvt, Chihowa ya pit aiokpa- hanchi tok.

38. Chitokaka i hohchifo ho aya kv miko yvmvt holi- topvshke; vba ya nanaiya achukmakma, achaha moma i shahli ma Chihowa vt ik a holitopa, achi tok.

39. Mihma Falisi vt okla laua takla asht aya tuk vt kani-

mi kv̄t, Nan ith̄nanchi ma! na chim ai ith̄na v̄hleha h̄a im al̄um̄mi, im achi tok.

40. Mihma ȳmmak ash ot afalaminchi m̄vt, Yakohmi kv̄t ont yokopa hokma, tv̄li puta kv̄t chekosi fehna tah̄p̄v̄lt anumpula hinla hoka, hv̄ch im anoli lishke, im achi tok.

41. Atuk osh bil̄ika ona cha, tmaha hash pit pisa cha, isht yayia m̄vt,

42. Chishno akinli fehna kv̄t a ch̄i nitak il̄v̄ppa fehna kak kia nana isht chi ai yukpa he ai v̄lhpesa ka ish ith̄aiyana tok okbato; amba himak ok̄v̄no ch̄i holhponayo h̄a ai in lum̄vt k̄v̄nia hoke.

43. Chin t̄v̄vp̄ v̄hleha hv̄t yakni kullit on talaka holihta k̄v̄llo ai ik̄biehit isht chi a fol̄tblit a chim ok̄tv̄bli bieka na anukaka ȳa ish foyuka hi a nitak v̄t chim aya hi oke.

44. Yohmikma a ch̄i now̄vt aya he nitak a chik ith̄aiyano ke tuk oka, chishno, mik̄m̄vt chim v̄lla chi anukaka asha aiena ka yakni ak o ai itilauechit aka chi bohla he; mik̄m̄vt tv̄li ach̄v̄fona kia it v̄lant̄vt kaha hi a, ik chim ahno ka hi oke, achi tok.

45. Mihma tempel a ont chukowa cha, anukaka ȳmma nana a kanchi, micha nana a chumpa aiena maya tuk ash kocha pit yuhli m̄vt,

46. An chuka ȳvt v̄ba pit ai anumpuli chuka yoke: achi hosh holisso tok okak o, hv̄chishno yok̄v̄to na hukopa v̄hleha in chuka ȳo hv̄sh ik̄bishke, im achi tok.

47. Yohmi m̄vt nitak moma tempel anukaka ȳa nana im ai abahanchi tok. Yohmi kia na holitomp̄a isht asha pehli-chi v̄hleha, mik̄m̄vt na-holissochi puta, micha hatak hochi-toka v̄hleha aiena kv̄t v̄bi b̄v̄n̄vt aiasha tok.

48. Yohmi kia okla mom̄vt im a haponaklo kv̄t im achukma feh̄v̄t aiasha hatuk o, nana a kaniohma hinla kv̄t ik ith̄aiyano ki tok.

CHAPTA XX.

Kan̄imi kv̄t, Klaist kaniohmit isht im ai v̄lhpesa hosh ȳvmohmi hatuk v̄t atokowa anola chi ka, im ahni hatuk o nan anoli, 1. 9 Pa-kv̄pi a hollokechi isht v̄lh̄pisa. 20 Isk̄v̄li it̄v̄nali v̄t Sesa ak o im

itahoba he ai vhpesa hatuk a Chisvs vt otninchi. 27 Chisvs vt hatak illi falamvt tana he ilvppa Satusi okla ha isht it im anumpuli mvt, anumpa ha i kobrffi. 41 Klaist vt a katiohmi kak osh Lewi a ushi okmvt, anonti Lewi a in Chitokaka ya hinla chishiba ? achit Chisvs vt ponaklo tok.

1. ATUK o yakohmi tok: nitak ymma foka ma tempel anukaka ya okla nana im avvchi, micha vbanumpa isht anumpuli aiena hosh ahanta ma, na-holitompa isht asha pehlich i vhleha, micha na-holissochi vhleha, mikmvt hochi-toka vhleha aiena kv ai it apihvt ant i kohcha tok.

2. Mihmvt im anumpulit, Nan-isht ai vhpesa nana ho ilvppa puta ka isht ish yakohmichi, micha kuna hosh nan isht ai vhpesa ilvppa chima tok a ish pim anolashke, achi tok.

3. Mihma ymmak ash ot afalaminchi mvt, Vno ak kia nana achvfa ka hvchi ponaklo la chi hoke, mikma is sum anolashke.

4. Chan baptismo vt vba yak o a minti hokma, keyuk-mvt hatak ak o a minti hokma, nanta ha tok o ? im achi tok.

5. Mihma ilap bika nan it im achit maya mvt, Vba yak o a minti tok ; il achi hokma, Nanta katiohmi ho ymma hvch ik i yimmo ke tuk oh cho ? acha hinla.

6. Amba anonti, Hatak ak o a minti tok ; il achi hokma, Chan vt hopaii a tok a okla yimmi hatuk okvt, okla momvt tvli isht pi bola hinla hoke, achi tok.

7. Mihmvt afalaminchit, Kanimampo kak a tok a kil itaha-noshke, okla im achi tok.

8. Mihma Chisvs ash ot, vno ak kia nan isht ai vhpesa nana ho ilvppa puta ka isht yakohmichi li hatuk vt ak hvchim anolashke, im achi tok.

9. Mihmvt nan-isht vhpisa ilvppa okla ha isht anumpulit isht ia tok: Hatak achvfa hosh pakvpi a hokchit tahl cha, hatak toksvli vhleha ho i pota cha, yakni hopaki ho nowvt aya na ahehiba tok.

10. Atuk osh a waya ont vhpesvt taha ma, pakvpi a hollokechi a waya ka okla ipeta chi ho, ymmak ash ot tishu

ha hatak toksvli vhleha hash pit i chvffichi tok: yohmi tok
kia hatak toksvli vhleha hash ot yvmmak ash o boli cha,
nana ik im iksho ho kanima pit chvffichi tok.

11. Mihma anonti tishu inla ho pit chvffichi tok; atuk o
yvmmak ash kia okla bolit hofahyalichi fehna cha, nana ik
im iksho ho kanima pit chvffichi tok.

12. Mihma anonti ont atuchina ma pit chvffichi tok; yoh-
mi ma yvmmak ash kia okla bolit ai okpvninchu cha, kocha
pit pila tok.

13. Yohmi ma pakvpi a hollokchi vt immi hatuk ash ot,
Nanta ho katiohmi la chi cho? svso a holitopa yak o pit
chvffichi lashke; yvmmak okmvo okla pisakmvt, holitobla
hinla yoba ka, achi tok.

14. Yohmi tuk kia hatak toksvli vhleha hash ot yvmmak
ash o pisa mvt, Ilvppak osh immi ha he mak oke; inta!
kiloh vbi, atuk mvt nan im ai vlttoshova he tuk vt hvvim-
mi ha hinla hoke, ilap bika it im achit maya tok.

15. Mihma yvmmak ash o pakvpi a hollokchi a ishit a
kokechi cha, okla vbi tok: yohmi kvno pakvpi a hollokchi vt
immi hatuk ash ot yvmmak ash o nanta ho katimihcha hinla
cho?

16. Yvmmak ash ot ayvt vla cha, hatak toksvli vhleha
ilvppak ash vbit tahlikmvt, pakvpi a hollokchi ash inla yo
i pota hi oke, achi tok. Mihma okla haklo mvt, Yohma
hi a Chihova yvt ik ahno kashke, okla achi tok.

17. Mihma okla ha atokolit pisa mvt, Yohmi ka tvi ya
chuk-ikbi vhleha hvv shitilema yash o mihi ash inli hosh
chukbika nutaka in tola holitopa i shahli ho tobvshke, achi
holisso ilvppvt katiohmi hoh cho?

18. Kvna hosh tvi yvma onvtulakmvt, kobahla he;
amba yvmmak ash ot kvna ho onvtula hokmvt, litolit kai-
yancha hi oke, achi tok.

19. Yohmi ma hvshi kanvlli vlvpisa yvmmak fehna ka
na-holitompa isht asha pehliche vhleha, micha na-holissochi
vhleha aiena kvv, yvmvvt nan-isht-vlvpisa ilvppa ilap ak o
isht anumpuli hatuk a okla akostininchu hatuk osh, yvmmak
ash ishi bvna hokak osh okla hak o i nukshopa tok.

20. Mihmvt okla apesvchi beka ; yohmi mvt hatak vhlpe-sa ilahobi cha, yvmmak ash ilap im anumpa akinli hō ai isht onochi : yohmi hokmak osh yvmmak ash ishit hatak pehli-chi ibbak a ont fohki na nana im apesa hinla ka, na pisa vhleha hā tohno tok.

21. Mihmvt yvmmak ash ot okla i ponaklot, Nan ithv-nanchi ma ! nana kv̄t ai-vlhpiesa hō ish miha, mikmvt ish ithvnanchi, yohmi kv̄t hatak mvt a chim it i shahsholi keyu, amba Chihowa i hina ai ahli mak o ish ithvnanchi chatuk a il ithaiyanvshke.

22. Noshkobo isht chumpa teli holisso a Sesa yak o ima he ai vlhpesa hokmá, keyukmá, nanta cho ? pit achi tok.

23. Yohmi kia yvmmak ash ot okla nan-ilahobi ka akos-tininchī hatuk osh, Nanta katiohmi hō imomakachit hvs sa pisa cho ?

24. Iskvli a oh a haiakvchi. Kvtā hak o holv̄t toba hō, mikmvt kvtā hō a hohchifo hō ? im achi tok. Mihma afal-aminchi mvt, Sesa yak oke, okla im achi tok.

25. Mihma yvmmak ash ot, Yohmi hoka nana kv̄t Sesa yak o ai immi hokma Sesa yak o hvsh imashke ; mikma nana kv̄t Chihowa yak o ai immi hokmvno Chihowa yak ashke, im achi tok.

26. Yohmi ma okla itikba ya im anumpa hā ai isht ono-cha he keyu mvt, yvmvt nana miha ka anukhlakancha cha, nana ik acho ki tok.

27. Yohmi ma Satusi vhleha kanimi kv̄t, Illi yvt fala-mvt tana he keyu, achi chatuk osh im ai v̄la cha, i ponaklot,

28. Nan-ithvnanchi ma ! hatak nana kia itibapishi hv̄t illi kv̄t tekchi vt asha hosh, vlla yvt iksho hō illi hokma, itibapi-shi hatuk ak osh tekchi atuk a ilauei cha, itibapishi hatuk a vlla isht im ai ikba hi oka, Moses vt holissochit pi bolli tok.

29. Yohmi tok o itibapishi hv̄t untuklo hosh asha tok : atuk o akni ak osh ohoyo itauawa tuk osh, vlla yvt iksho hō illi tok.

30. Mihma atukla kash ot yvmmak ash ilauei tuk osh anonti vlla yvt iksho hō illi tok.

31. Yohmi ma ont atuchina kash ot ilauei; yohmi tok o ont isht untuklo kash kia yummak ash inli ho chomit ilauei; yohmi kvt vlla kia iksho ho illi tok.

32. Ont isht aiyopi fehna ma ohoyo hash kia illi tok.

33. Yohmi ka untuklo kash ot yumma tekchi ikbit ilauei tok okno, illi yvt falamvt tanikma, katima kak o tekchi mak a hi oh cho? achi tok.

34. Mihma Chisvs vt afalaminchit, Yakni iluppa vlla yokto itauwaya, mikmvt vlpowvchit itauwayvchishke.

35. Amba yakni yumma pisa he, micha illi tok vt falamvt tana he aiena kvt ai im vlpesa tuk yummak okto itauwaya he keyu, micha it im apobvchit itauwacha he keyu hoke,

36. Mikmvt himmakma illa he keyu; yummak okvt enchil vhleha hak o ai itilau hokvt, micha falamvt tani tok okla hokvt Chihowa im vlla mak oke.

37. Illi yvt tana he, Moses ak kia bufaha anykaka ya ai otvminchi mak osh Chitokaka yvt Eblaham in Chihowa, mikmvt Aisaak in Chihowa, micha Chekob in Chihowa aiena ka hochihifo tok.

38. Yummak okvt illi ak o in Chihowa yo keyu, amba okchaya yak oke; yummak o moma kvt ai okchaya hoka, im achi tok.

39. Mihma na-holissochi vhleha kanimi kvt afalaminchit, Nan ithvnanchi ma! vlpesa fehna ho ish mihvshke, achi tok.

40. Mihmvt yummak atuk o i himmakma okla nan i ponaklo kvt nukwia tok.

41. Mihma yummak ash ot okla hash, Katiohmi ho Klaist vt Lewi a Ushi okla achi cho?

42. Mihma Lewi vt ilap inli kvt ataloa holisso ha, Chitokaka yvt an Chitokaka ya, Svbbak isht-impakimma ya ish binili na,

43. Chin tvnvp vhleha ha chiyi yvt ai-o-hikia yo ikbi lashke, im achi tok, achishke.

44. Lewi vt yumma Chitokaka achi, yohmi ka katiohmi hosh ilap ushi oh cho? im achi tok.

45. Yohmi mvt okla momvt haklo na nan im ai ithma vhleha yash,

46. Na-holissochi vhleha nafohka holitopa hofvloha ho abehkvchit itvnowa bvnna, micha ilhpak a kanchi ai it-aiokpuchi yak o, micha sinakak puta anukaka ma ai-o-minili holitopa i shahli puta kak o, mikmvt impa chito asha ka aia-sha holitopa i shahli puta kak o ai im achukma vhleha;

47. Ohoyo i hatak illi vhleha in chuka puta ka a wehpuli, micha peh ilahobi kvt vba pit anumpuli aiena kvt falaiachi vhleha ha ahah! hvsh im aiahnashke; yvmmak okvto na palvmmi chito i shahli ho pisa he mak oke, im achi tok.

CHAPTA XXI.

Ohoyo i hatak illi yosh Chitokaka ya na kvtnosi pit isht aiokpuchi ho, Chisvs vt ahninchii fehna, 1. 5 Tempel vt ont aiokpulokvt taha hi a, anonti Chelusalem vt ont aiokpulokvt taha cha, chukillissvt talaia hi a isht anumpuli; 25 micha ilap vt vla chikma, nan isht atokowa puta kvt kaniohma hi a anoli.

1. MIHMVT vba chakalit hopokoyo mvt, hatak nan in laua vhleha hvt tvli holisso abohli holitopa yo in tvli holisso ya pit apittvt maya ho pisa tok.

2. Mihmvt ohoyo i hatak illi ilbvsha yosh mait tuklo ho yvmma pit apitta ka, pisa akinli tok.

3. Mihmvt yvmmak ash ot, Ahli mak o hvchim achi lishke, Ohoyo i hatak illi ilvppvt moma i shahlichit pit fohkishke.

4. Ilvppak okvto moma kvt nan in laua hatuk osh ai im atampa kvt Chihowa isht aiokpuchi abohli ya pit apittvshke; amba yvmmak okvto ilbvsha yosh isht ai okchaya he vt in tonla tuk vt lushumit pit abehlishke, achi tok.

5. Yohmi ma kanimi kvt tempel vt tvli hochukma, micha na hvlbena puta ishit shema fehna ka okla isht anumpulit maya ma, yvmmak ash ot,

6. Ilvppa puta hvsh pisa ka, tvli achefona kia aka ik itolo ke tuk osh, it o tvlkanchit itonla kvt ai iksho ka he nitak vt vla hi oke, achi tok.

7. Mihma okla i ponaklot, Nan-ithvnanchi ma! katiohmi fokak mak o ilvppa puta kvt ai yvmohma hi oh cho? micha ilvppa puta kvt ont a yvmohma chik ma, nan-isht atokowa nanta hosh otaiyana hi oh cho? achi tok.

8. Mihma yvmmak ash ot, Ahah! hvsh ahni cha; ik hvchi yoshubo kashke; sa hohehifo ha isht hochifo kvt, Uno ak osh Klaist sia hoke, achit aya kvt laua hi oka; ai yohma he nitak vt ik hopakoshke: yohmi kia yvma hvch ik iakaiyo kashke.

9. Tuvvp asha, micha nana ik it im achukmo fehna ka hvsh haklo kia, ik hvchi nukshopo kashke: yvma puta kak osh tikbanli ai yvmohma hi oka; amba ont ishtaiyopi kvt chekosa chi keyu hoke.

10. Yvma fokakma oklushi achvfa kvt oklushi inla ya it in tanampa he; yohmikma miko apelihi achvfa kvt miko apelihi inla ya it in tanampa hi oke.

11. Yohmikma kanima ai ilaiyukachit yakni vt winakvchi chinta he; mikma hohevfo chinto, micha abeka okpulo aiena kvt asha he; yohmikma nana pist ai i nukshopa he fehna, micha nan isht atokowa chinto aiena kvt vba ya auet a haiaka hi oke.

12. Yohmi kia ilvppa puta kvt ik a yvmohmo kisha ka, sa hochifo pulla hatuk mak o okla hvtt ibbak a hvchi onochi cha, hvch issikkopala he; yohmi kvt miko vhleha, micha hatak pehlihi a puta itikba ya isht hvchi ai onvt, sinakak puta isht hvchi ai ona, mikmvt aboha kvlo a hvchi fohka hi oke.

13. Mikma yvmmak ash osh nan isht a hvchim atokoli mak a hi oke.

14. Yohmi hoka afalaminchit nana ho hvsh miha hi vt tikbanli hvch ik anukfillo ka chi kvt, hvchi chukvsh ma hvsh il anukfoyukashke.

15. Uno ak osh itih, mikmvt im anukfila hopoyuksa aiena ka hvch ima likma, yvmmak o hvchi nukkilli vhleha hvtt i sanalit miha, mikmvt a kanimancha he kia iksho ka hi oke.

16. Michu hvch iki, hvch ishki, mikmvt hvsh itibapishi

vhleha, hvchi kanomi vhleha, micha hvch i kana vhleha aiena kvt hvch ishit, okla ibbak a a hvchi fohka he: mikmvt hvsh kanima mvt, yummak osh ai ahni ho, hvch illa hi oke.

17. Micha vno sa hohchifo pulla hatuk mak o hatak moma kvt isht a hvchi nukkilli hi oke.

18. Yohmi kia hvchi noshkobo pashi vt achvfa kia ai okpuloka he keyu hoke.

19. Nuklanlvt achunanchit hvsh ahanta pulla hosh hvchim ilhfiopak atuk ma hvsh il ai eshashke.

20. Micha Chelusalem a tvshka chipota puta ka isht apakfoyupa na hvsh pisakmvt, yummvt aiokpulokvt taha chi ka, atukonofa ka hvsh ithaiyanashke.

21. Yumma fokakma Chutea ya aiasha tuk vt nvnih chaha foka pit yihlepakma; anonti yumma ai iklvna aiasha tuk vt a kocha wihashke; mikma kocha foka tvmahushi maya tuk okvto yumma pit ik vlbeho kashke.

22. Nana puta holihiso tok vt ont ai ahla chi mak o, ilvppvt na palvmmi chinto kvt isht ai im vlhpisa he nitak a hi oke.

23. Amba nitak yumma foka ho vlla shanli, micha pishinchi aiena hoketo i palvmma he; na komunta chinto kvt yakni a ai onvtuyulakma, vba auet i nukkilli mvt okla ilvppa onvtula hi oke.

24. Yohmikma bvshpo falaia yo isht akakoha he; micha yuka tobtv oklushi moma ai im ohona he; mikma Chelusalem a Chentail okla hosh aka a hvhlihinchu na Chentail okla nana im ai vlhpisa atuk vt ont ai ahlik mak a hi oke.

25. Yohmikma hvshi, micha hvshi-ninak-aya, mikmvt fochik puta aiena ka nan isht atokowa kvt aiasha he; mikma oklushi puta a kaniohmi ik ithanot isht a komunta yvt yakni paknaka ya ai onvtuyulakma, okhvta oka bvnvtha kvt fohompa he;

26. Ilvppa puta kvt yakni a ai onvtuyula chi ka hohgyo tuk vt hatak chvksh puta kash ot nukshopvt illa hi oke; vba nan isht aiahli ka puta asha kash ot winakahancha hi oke.

27. Yumma fokakma Hatak Ushi vt nan-isht-aiabhlika,

micha isht a holitopa chinto aiena ka il ai eshit a hoshonti anukaka minti na okla pisa hi oke.

28. Mikma nana ilvppa puta kv̄t ont aighlit isht ia, yoh-mikma a hv̄chi hlakofa ch̄i kv̄t atukonofvt taha hoka, v̄ba pit hopokoyot hv̄chi noshkobo h̄a hv̄sh v̄ba chakalichashke, im achi tok.

29. Mihmvt nan-isht v̄lhpisa h̄o okla hash isht im anum-pulit, Fik v̄pi, micha iti puta ka ho pesá.

30. Yvm̄mvt bokoplit koheha na hv̄sh pisakmvt, hv̄chish-no akinli kia toffa vt olanlosi ant takanli ka hv̄sh ithana chatuk oke.

31. Yohmi kv̄t yvm̄mak inli h̄o chiyuhmit nana ilvppa puta kv̄t ont aighli na hv̄sh pisakmvt, Chihowa apchlichika yvt auct olanlosi v̄la ka hv̄sh ithaiyanashke.

32. Ahli mak o hv̄chim achi lishke; Himak a hatak asha ilvppvt ont ik ai ikshot ik kv̄nio k̄isha h̄o, momvt ont aighli ha ch̄i hoke.

33. Uba shutik, micha yakni aiena hokvto ont ik ai iksho ka he; amba v̄no v̄m anumpa puta hatuk vto ont ik ai iksho ka he keyu hoke.

34. Michā ahah! hv̄sh il aiahnashke; yvm̄mak keyuk-mvt kanima kash inli h̄o isikopa, micha na homi ish̄kot haksi, mikmvt yakni ilvppa antvt nana ai okchaya he anuk-foyuka fehna aiena kak osh hv̄chi chukvsh ma isht alotvt atvpa, yohmi na hv̄ch ik akostinincho h̄o, nitak yvm̄mvt ayvt ant hv̄ch̄i koheha hinla hoke.

35. Yvm̄mak okvt nan-isht hokli o chiyuhmit ayvt, yakni pataiya ai abashwa tuk a mominchit i koheha hi oke.

36. Yvm̄ohmi hoka il a nuktahlvt v̄ba pit anumpohonlit hv̄sh biliashke: yohmi tuk osh nana kv̄t a yakohma ch̄i puta ka mominchit ai i hlakofit, Hatak Ushi itikba ya hioh-maya hi vt a hv̄chi v̄lhpesashke, im achi tok.

37. Mihmvt nitak okvno tempel anukaka yak o nana ithv̄nanchit anta tuk osh, ninak ano kohev̄t ia mvt, nvnih chaha Alif hohchifo h̄o ont antvt on onna tok.

38. Atuk o onnahinli fehna i haponakla ch̄i kv̄t, okla hv̄t momvt tempel a im ai ona tok.

CHAPTA XXII.

Chutas Iskaliot vt Chisvs a ishit na-holitompa isht asha pehlich
 vhleha ha ibbak fohka chi kvt nan it im apesa, 1. 7 Pita, Chan
 ita tuklo hosh ont ai vbanvblit isht vlpisa ka atahli ho, Chisvs vt
 anah-tuklo yash it ibai impa mvt, 19 opiaka na holitopa impa isht
 vlpisa ka apesa. 31 Pita na-yimmi im anukfila hatuk vt i knia
 chi keyu, amba hituchina ha yo ilapa ik ithano chatuk vt miha chi
 ka, Chisvs vt im anoli. 39 Nana kvt im a palvmmi, miha vba
 pit anumpohonlit osapushi anykaka ya anta; 47 Chisvs a okla isht
 ia na na holitompa isht asha pehlich a im ona. 54 Pita yvt hitu-
 china ha yo Chisvs a ik ithano ka miha tuk osh, i himmak o nuk-
 haklot yahaya fehna, 63 mihma Chisvs a okla ik ahobalot na
 mihachi. 66 Chisvs a ilauelet nan ai apesa ya isht ona na illa chi
 im vlpisa.

1. MIHMA vbanvblit ont ia achi, pvska ik shatvmmo
 impa hvt ai ona he tok.

2. Yvmohmi ma okla hak o i nukshopa hatuk osh, na-
 holitompa isht asha pehlich vhleha, miha na-holissochi
 puta kash ot yvmma kaniohmichit vba hinla kvt akostinin-
 chi bahana tok.

3. Yohmi ma Setan vt Chutas Iskaliot hohchifo, anah-
 tuklo ka ai iba holhtina hatuk ash ont chukowa tok.

4. Mihma yvmmak ash ot ia mvt, kaniohmichit isht
 ibbak fohka hinla kvt, na-holitompa isht asha pehlich
 vhleha, miha kvpitvni vhleha aiena ka ont isht it im anum-
 puli tok.

5. Mihma okla na yukpa mvt, yvmmak ash tvli holisso
 ima chi kvt im apesa tok.

6. Mihma, Yohma hinla kvt miha mvt, okla laua yvt ai
 iksho ma atakvchit ishit, ibbak a fohka hinla kvt ai vlpesa
 hi a hoyo tok.

7. Atuk o pvska ik a shatvmmo ka he, miha ai vban-
 vblit ont ia illa he nitak vt ai ona tok.

8. Mihma Chisvs vt Pita, Chan ita tuklo ka pit tihelit,
 Ivt ai vbanvblit ont ia ya hvsh pim atahli tuk o, iloh im-
 pashke, achi tok.

9. Mihma yvmmak ash ot, Katima yak o il ai atahla hinla ka ish ahni cho? im achit okla tok.

10. Mihma, Yakeh! tumaha ha ont hvsh chukowakma, hatak vt lukfi kotoba oka vlhto ho sholi kvv hvchi afama chi hoke; yvmmak o apihvt aboha kanima yo pit chukowakma, hvsh chukowashke.

11. Mikmvt hatak chuka ymma ai vta yatuk ash, Nanthvnanchi vt, Katima ko ai impa aboha yvt talaia ho, nan vm ai ithva vhleha ha pehlichit ai vbanvblit ont ia ya ai it ibai impa la chi cho? auet chim achi kvno; hvsh im ahashke.

12. Yohmikma yvmmak ash ot vba potvlhpo chito hosh nana ai vlhtaha achukma ho hvchi pisacha chi hoke; yvmmak o hvsh ai atahlashke, im achi tok.

13. Mihma itiachi tuk osh, yvmvvt nana ai i miha hatuk ash ont ai vlhpiesa na pivt okla tok; yohmi mvt ai vbanvblit ont ia ya ai atahlit okla tok.

14. Atuk o hvshi kanvlli vt ai ona ma, vbanumpeshi auah-tuklo kash ot apiha ho, binili tok.

15. Mihmvt, Ik si ai ilbvsho kisha takla kak osh ai vbanvblit ont ia ilvppa a hvch ibai impa ka ahni kvv ahni li fehna tuk oke.

16. Himak a pilla ma ymma ak ai vpo mak o, Chihowa apelhichika yak o ai isht aihla chi mak oke, hvchim achi lishke, im achi tok.

17. Mihmvt isht ishko a ishi cha, vba pit aiokpvchi mvt, Ilvppa oh ishi cha, hvsh ita kashkoashke;

18. Pakvpi a waya ka ak ai ishko mak o, Chihowa apelhichika yvt vla chi mak oke, hvchim achi lishke, im achi tok.

19. Mihmvt pvska ya ishi cha, vba pit aiokpvchi mvt, tushalichi cha, yvmmak ash o ima mvt, Ilvppvt sa nipi yosh hvchishno yak o isht hvchi vlhtoba mak oke, isht hvsh svthaiyana chi mak osh ilvppa hvchi yvmohmashke, achi tok.

20. Impvt issa ma, isht ishko ma aieninchit, Isht ishko ilvppvt nan vlhpisa himona yosh vm issish vt hvchishno atuk mak o hlatapa ka isht a toba mak oke.

21. Yohmi kia yakeh! svshit inla ibbak fohka chi ibbak vt si awant ai impa ya ashvshke.

22. Yohmi ka Hatak Ushi yokto ai im vlpisa tok mak osh yohmi mvhli; amba ishit inla ibbak fohki yvmmak okto ai i palvmmi mak oke.

23. Yohmi ma, E katima mak osh ilvppa a pi yakohma chi hatuk oh cho? ahnit il im asilhvchit maya tok.

24. Atuk osh anonti, E katima kak osh moma i shahli ha hinla chishba? ahnit ai ita-chaport maya tok.

25. Yohmi ma yvmmak ash ot, Chentail okla i miko vhleha hak osh i na-hullo ho tobt, nana ho ahnikmt, ai i yvmihchi chatuk; micha ymma ai i shahlit nan im ai vlpisvt antakmt, nana achukmali yo hohchifo chatuk.

26. Amba hvchishno vto hvchi yvmohma he keyu hoke; mikma kvna hosh moma i shahli kv hvch ibafoka hokmt, yvmmak osh himmak o chohmashke; mikma na pehlichy yokmt, nan-isht im vta yo chiyuhmashke.

27. Ashvt impa kak okma, nan isht im anta kak okma, nanta kak osh i shahli yo? ashvt impa kak keyu? yohmi kia vno vto nan isht im vta mak o chohmi hosh hvchi ibafoka lishke.

28. Isht ai imomaka sa pesa a puta ka hvchishno ak osh hvs si apeha beka tuk mak oke.

29, 30. Yohmi ka a pehlichy li a vm ai impa ai impvt, ai ishkot, aiasha holitopa ka chieyvt, Israel hatak isht-ai-un-chululi auah-tuklo ka nana hvsh im apihisa chi mak o, apehlichika ya hvch im apesa li kv, vno a Aki vt ai vm apesa tok a chiyuhmichi lishke, im achi tok.

31. Mihmvt Chitokaka yash ot Saimon, Saimon, yakeh! Setan vt chishi cha, mvshlichit onush o chiyuhmichi ka bvna tuk.

32. Yohmi kia na chi yimmi tuk vt ik chi kvnio ka chi ka, vba pit isht chi anumpuli li tuk; yohmi ka a filemvt ish ile kostininchikmt, ish itibapishi vhleha ha ish hlampko-chashke, achi tok.

33. Mihma yvmmak ash ot, Chitokaka ma! aboha kvlo,

micha ai-illi aiena ka chi awant ona la hi vt vm vltaha hoke, im achi tok.

34. Mihma, Pita chia ha chim anoli lishke, himak nitak a akaka yvt ik olo kisha ho, hituchina ha chik svthano ish miha chi hoke, achi tok.

35. Mihmvt, Tvli holisso i shukecha, micha bahta pinak ai-vlhto, mihmvt shulush aiena kvk iksho ho pit hvchi tihleli li chash, nanasi kia isht ik hvchim ai ono ke tuk o? im achi tok; mihma, Nanasi kia ik pim ai ono ke tuk keyu, okla achi tok.

36. Mihma, Amba himak okvno, kvna hosh tvli holisso i shukecha yvt in tonla tukmvt, ishi cha, anonti bahta pinak-ai-vlhto ma mihinlashke; yohmikma kvna hosh bvshpo falaia yvt ik im iksho ke tuk mvt, im anchi a kanchi cha, achvfa ka chumpashke.

37. Yohmi kvk yvmmak ash ot, Nan-vlhvisa kobvfi vhleha ho ai iba holhtina tok, achi holisso tok ilvppvt vno ak o ant si ai isht ai ahla chi ka pulla' moma hoke; nana kvk vno ak o vsht anumpa tok okvto ont ai vhlha chi mak oke, im achi tok.

38. Mihma, Yakeh! Chitokaka ma! bvshpo falaia yvt tuklo hosh yak chiyvshke, achi tok. Mihma, Yvmmak oh kia vhpesa hoke, im achi tok.

39. Mihmvt yvmmak o yohmi chatuk okvt, kocha ia mvt, Alif nvnih chaha ya ona ma, nan-im ai ithvna vhleha hash kia iakaiya tok.

40. Mihma yvmmak ash ot yvmma ont anta mvt, A yoshuba ya hvch ik iba chukowo ka chi kvk vba pit hvsh anumpohonlashke, im achi tok.

41. Mihmvt ai i filvmmitt teli bohpoa ont ai itola ho tuk ohmi foka ho, ont hvchukbihlepvt hikia cha, vba pit anum-pulit,

42. Aki ma! vhpesa ish ahni hokmvt, isht-ishko ilvppa is sa kanvlichashke: yohmi kia vno ak osh ahni li kak o keyu; amba chishno ish aiahi kak o ai yvmohmashke, achi tok.

43. Mihma enchil vba minti kvk ant i haiakvt hlampko-honchi tok.

44. Mihma i palvmmi kv̄t a fehna hatuk okv̄t, i shahli-chit a chilitv̄t v̄ba pit asilhha tok: mihma laksha kv̄t issish hlatapa chinto aka fohompa h̄q chiyuhmi tok.

45. Atuk osh v̄ba pit asilhha tuk ash ot wakaya cha, nan im ai ithv̄na v̄hleha aiasha ka v̄la mvt, nukhaklo kv̄t nusi tuk osh aiasha na pisa mvt,

46. Nanta katiohmi h̄q hv̄chi nusi cho? ai-ashv̄chika ȳa hv̄ch ik iba chukowo ka ch̄i kv̄t, tanit v̄ba pit oh asilh̄h̄a, im achi tok.

47. Mihma yv̄mmv̄t anumpuli moma h̄q, auah̄tuklo ai iba holhtina Chutas hohchifo hash ot okla l̄awa ka in tikba hikv̄t aya tuk osh, i suksowa ch̄i kv̄t Chisvs a atukonofv̄t ia tok.

48. Yohmi kia Chisvs ash ot, Chutas ma! na suksowa hak o Hatak Ushi a isht haksichit ishit inla ibbak a ish fohki hoh cho? im achi tok.

49. Mihma apeha atuk ash ot nana kv̄t a kaniohma hinla ka pisa mvt, Chitokaka ma! bv̄shpo falaia ȳo isht e fahama ch̄i cho? im achi tok.

50. Mihma achv̄fv̄t na-holitompa isht asha pehlich̄i i shahli in tishu h̄q fahama cha, ishtimpak imma haksobish a tv̄bli tok.

51. Mihma Chisvs ash ot anumpulit, Yv̄mmak okv̄no ant ik a yohmi na hv̄sh aiahnashke, achi tok. Mihmv̄t haksobish ash i potoli mvt, hlakofich̄i tok.

52. Mihmv̄t Chisvs ash ot na-holitompa isht asha pehlich̄i v̄hleha, micha tempel i kv̄pitv̄ni v̄hleha, mikmv̄t hochitoka v̄hleha aiena kv̄t ai im v̄la tuk ash, Na-hukopa ȳo ayv̄t i kohcha h̄q chiyuhmit bv̄shpo falaia, mikmv̄t iti tv̄ptua aiena ka sholi hosh hv̄sh itenowa cho?

53. Nitak moma hv̄chi takla tempel a anykaka ȳa ahanta li kv̄no; ibbak nana kia hv̄ch ik si o welo ke tuk; yohmi kia himak okv̄to hv̄chishno, micha aiokhlilika nana im aighli aiena ka hv̄ch̄i nitak mak okv̄t, im achi tok.

54. Yohmi ma yv̄mmak ash o okla ishi mvt, isht irt na holitompa isht asha pehlich̄i i shahli in chuka ȳo ont ishit chukowa tok. Mihma Pita yv̄t auct i mishemanchit iakaiya tok.

55. Atuk o kvsbi aboha ai itin-takla talaia tuk a ai ik-lenna ka okla luak ai oti cha, binohlit taha ma, Pita yvt takla binili tok.
56. Atuk o yummvt luak bilika ont binili ka, ohoyo himita achvvt pisa cha, atokolit pisa fehna mvt, Hatak ilvppak kia yumma awant aya kamo, achi tok.
57. Mihma ik ithano ilahobit, Ohoyo ma! yumma ak ithanoshke, achi tok.
58. Atuk o anonti in chekosi ma, inla yosh yummak ash pisa mvt, Chishno vt yumma ai achvfa chia akinli, achi ma; Pita ash ot, Hatak ma! mihi yo sia keyushke.
59. Atuk o yummak atuk a i hvshi kanvlli achvfa foka ma, inla hosh kullochi fehnt miha mvt, Ilvppak kia yumma awant aya yatuk vt aiahli hoke; ilvppv Kalili hatak oka, achi tok.
60. Mihma Pita yash osh, Hatak ma! nana ho ish miha ka ak ithanoshke, achi tok. Mihma ashalika anumpohonli noma na akaka yvt ola tok.
61. Mihma Chitokaka yvt filemvt Pita ya pisa tok. Mihma Pita yash ot, yummvt, Akaka yvt ik olo kisha ho, hituchina ha chik svthano ish miha chi hoke, im achi tuk Chitokaka im anumpa hash ithaiyana tok.
62. Mihmvt Pita yvt kohcha cha, yahaya fehna tok.
63. Mihma Chisvs ash apesvchit maya tuk hatak ash ot ik ahobalot na-mihachi mvt, boli tok.
64. Micha nishkin a okla ompohomot, nashuka ya isso mvt, kvt hosh chisso ho? akostininchit anoli, achit i ponaklo tok.
65. Mihmvt ik ahobalo fehnt nan ilaiyuka isht im i sanalit mihachi kvt lauachi tok.
66. Atuk o onvt taha mak inli ho, hochitoka vhleha, mcha na holitempa isht asha pehlich vhleha, mikmvt naholissochi vhleha aiena kvt itahoba cha, yummak ash ilauelit im ai-apesa aboha ya ishit chukowa mvt,
67. Chishno ak osh, Klaist mak o chia hoh cho? pim anoli, im achi tok. Mihma, Hvchim anoli li mak o, hvchi yimma he keyu.

68. Micha vno mvt na hvchim asilhha li mak o, afalamin-chit hvs svm anumpula he keyukmvt, anonti ant ik i hotofa, hvs svm ahna he keyu.

69. Himak a pilla ma Hatak Ushi vt Chihowa nan okluha imaiya im ibbak isht impak imma ya a binila he mak oke, im achi tok.

70. Mihma momvt, Mih-kvto chishno ak osh Chihowa Ushi chia ho? okla achi tok. Mihma yvmmak ash ot, Mihi yo sia mak atuk o hvsh mihvshke, im achi tok.

71. Mihma, Hvpishno akinli hosh ilap itih fehna iloh a haklo kv, himmakma nan isht atokowa ka iloh ahna hinla cho? okla achi tok.

CHAPTA XXIII.

Chisvs a okla ilaelit Pailat ak oisht im ona ma, 1, 13 Pailat ash ot, okla ak osh ymma im ahni fehna hatuk o, Chisvs vt ititaiyukhvna ahonvha chi ka, im issa cha, Balabbas ak o i hotofi. 26 Chisvs vt iti-taiyukhvna ahonvha chi ho okla isht ia mvt, Saimon ak osh iti-taiyukhvna ya iba shola chi ka atohno; 33 hatak hukopa tuklo hosh apihvt iti-taiyukhvna ahonvha ak inli; achvfa kvto Chisvs vt ymma takanli moma ho, i yimmit aiokpchi. 44 Chisvs vt illi. 50 Chosef Alimahlea minti osh Chisvs haknip a ishi cha, hohpi.

1. MIHMA okla laua yvt momvt wakaya cha, yvmmak ash ilaelit Pailat a isht im ona tok.

2. Yohmi mvt, Hatak ilvppvt Klaist miko yo ile mihvt, Sesa ya noshkobo isht chumpa tvi holisso im itahobi chatuk a im alvmminchit ahantvt, pim okla talaia ka okpvnit ahanta ho, e pisa tuk oke, achit anumpa okla onochi tok.

3. Mihma Pailat vt yvmmak ash o i ponaklot, Chishno ak osh Chu okla ha i miko chia mak oh cho? achi tok. Mihma afalaminchi mvt, Mih-mak atuk ish mihvshke, achi tok.

4. Yohmi ma Pailat ash ot, na-holitompa isht asha pelt-lichi vhleha, micha okla puta kash, Hatak ilvppa nan ik ai vlpeso nana kia ak ai akostininchoshke, im achi tok.

5. Mihma okla isht i shahlit a chilitvt, Ilppvt vmmona ka Kalili ak o ai isht ia hosh Chu okla aisha ka mominchit a hlopullit nana im abvchit, okla ha ai okpvnichit isht aya hosh ilppa vla hoke, achi tok.

6. Mihma Kalili achi na Pailat vt haklo mvt, Kalili hatak okmá, nanta hatuk ba? achit ponaklo tok.

7. Atuk osh Helot apchichi yak o ai iba fohka atuk o akostinichi makinli hosh, Helot ak kia ilapvt nitak ymma fehna ma Chelusalem a ant anta hatuk o, pit i chvffichi tok.

8. Yohmi na Helot vt Chisvs a pisa mvt, na yukpa fehna tok: yohmi kvv ymma isht ai annoa ka habaklo ka laua hatuk osh, pisa bvnna fehna tuk a hopaki tok; yohmi hatuk osh nana a fehna kaniohmi kia a yvmihchi na pisa chi kvv ahni tok.

9. Mihmvt anumpa lauachit nana isht im asilhhvchi tok: yohmi kia yvmmak ash ot afalaminchi kvv nana kia ik im aho ki tok.

10. Mihma na-holitompa isht asha pehlichí vhleha micha, na-holissochi vhleha aiena kash ot kvlluchi fehntv anumpa onochit hiohmaya tok.

11. Mihma Helot ash ot in tvshka chipota vhleha hash o pehlínchi cha, yvmmak ash o na-keyukechi fehntv isht itukhlakafvt ik ahobacho ke tuk: mihmvt na-fohka tohbi holitompa ho fohkachechi cha, salaminchit Pailat a pit i chvffichi tok.

12. Mihma tikba hokvno ai it i nukkilli yoh chatuk ak osh, nitak ymma fehna ka Pailat, micha Helot itatuklo kvv ai iti kana toba tok.

13. Mihma Pailat ash ot na-holitompa isht asha pehlichí vhleha, micha hochitoka vhleha, mikmvt okla a puta kash hoyot itahobi mvt,

14. Hatak ilppvt okla ha i miko a isht ai iti filamolichi yoke, achi hosh isht hvs svv vla tuk: mihma yakeh! hvchi tikba ya nana ka ai im asilhhahanchi li kvv, anumpa isht hvsh ai onochi tuk imma ka, nana ik ai-vlhpeso kvv hatak ilppa ai a takali ka ak im akostininchoshke.

15. Mihma Helot vt mihinli tuk; yvmmak o pit hvchi a tihleli li; yohmi ka nana ka isht ai illa he vhpesa ma a takali keyushke.

16. Yohmi hoka fvmmi lish, i hotofi la chi hoke, im achi tok.

17. Yohmi kvv ai-vbanvblit ont ia impa asha ka achv-falichit ai i hotofa hi a vhpesa ha tok.

18. Mihma himonna achefa momvt tahpvlvt, Hatak ilvppuno kanima isht ia cha, Balabbas ak o ish pi kohchi-chashke, achi tok.

19. Yvmmak okvt tmaha ha antvt i miko a ik im antio ka chi ka okla ha anukfohkichi, micha hatak vbi aiena hatuk o, aboha kvlllo a pit a fohki tuk a tok.

20. Yohmi hatuk o Pailat vt Chisvs ak o i hotofi ka ahni hatuk osh, himmak ma okla ha im anumpuli tok.

21. Yohmi kia okla tahpvlvt, Iti-taiyukhvna yo ahonvh-lvchi, iti-taiyukhvna yo ahonvhlich, ahanchi tok.

22. Mihma ont atuchina ma, Nanta katiohmi ho? nan ik ai vhpeso nanta mak o yvmohmi tuk oh cho? nana ka isht ai illa he vhpesa ka vno vt ak im akostininchoshke; yohmi hatuk osh fvmmi lish, i hotofi la chi hoke, im achi tok.

23. Mihma okla a chilita fehvt chitolit anumpuli hosh, yvmvtv iti-taiyukhvna ahonvhla hinla ka asihihlha tok: mih-mvt ymma, micha na-holitompa isht asha pehlchi vhleha aiena im anumpa hak osh imaiyachi tok.

24. Mihma Pailat ash ot okla hvv nana asilhha tuk mak o vhpesa chi ka apesa tok.

25. Mihma yvmmak o okla asilhha tuk oka, i miko ik im antio ka chi ka anukfohkvchichi, micha hatak ma vbi aiena hatuk o aboha kvlllo a pit a fohki tuk a tok ash, i kohchichi tok: amba Chisvs ak okvno nana ho okla ahna chi ka, im issa tok.

26. Mihma yvmmak ash o kanima isht ivt itvnova mvt, Silinian hatak Saimon osh haiaka vttvt minti ho okla halvllit ishi; yohmi mvt yvmmak osh Chisvs a iba shola chi ka, iti-taiyukhvna ya om bohli tok.

27. Yohmi ma okla lava fehna kvv iakaiyvt itvnova ma,

ohoyo aiena tuk osh yvmmiak ash o isht nukhaklot chitolit yahaya tok.

28. Yohmi kia Chisvs ash ot pit filema mvt, Chelusalem ushetik hvchia ma! vno ak okvno vsisht yayvt nishkin okchi hvch ik hlatvblo kashke: amba hvchishno inli kak o isht ile yayvt nishkin okchi hvsh hlatvblikmvt, hvchim vlla aiena kak ashke.

29. Yakeh! vlla ik im iksho, micha oshvto nana a foyuka keyu, mikmvt i pishik vt na pishechi keyu aiena hokvto im achukmushke, okla acha he nitak vt mihintishke.

30. Yvmma fokakma nvnih chaha puta ka, Pi o kinahli, im achikmvt, nvnih chipunta ya, Hvsh pi ompohomashke, achit isht ia hi oke.

31. Yohmi ka iti vt okchaki o ilvppa okla ai yvmichi tuk mvno, anonti shila yokvno nanta mak osh a katiohma hi oh cho? achi tok.

32. Yohmi ma hatak haksi tuklo hosh illit okla chi ho, ai apehalinchit isht aya tok.

33. Atuk osh Kalfali hohchifo yvmmak atuk ash okla ai vla mvt, yvmmak ash, mikmvt hatak haksi tuklo aiena kash ot achvvt ibbak isht-impak imma yo takali ma, anonti achvvt vlvfbeka tvnvp o takali ho, iti-taiyukhvna ya ai ahonvlichit tok.

34. Yohmi ma Chisvs ash ot, Aki ma! ish i kashofashke: nana ka kaniohmi kvv okla ithana ho keyu hoka, achi tok. Yohmi ma i na fohka ya ita kvshkolit mayvt na-shoeli tok.

35. Mihma okla hvv pisvt hiohmaya tok: mihma hochitoka vlvleha mvt ik ahobalot, Inla ya okchalinchit yatuk okvt, ilap ak osh Chihova i hovitopa Klaist atuk okmvt ilap inli kak osh ik il okchalinchit, achi tok.

36. Mihma tvshka chipota vlvleha ak kia ai im vlvv, ishit yopulvt, anonti wineka ipeta mvt,

37. Chishno ak osh Chu okla ha i miko chia hokmvt, ish il okchalinchashke, achi tok.

38. Yohmi ma Klik, micha Latin, mikmvt Hebli aiena anumpa ho isht a holisso kvv, ILUPPAK OSH CHU OKLA HA I MIKO MAK OKE, achi hosh paknaka ya takali tok.

39. Mihma hatak haksi tuklot vba takohli tuk ash ot achvvt yvmmak ash ik ahobalot mihachit, Chishno ak osh Klaist chia hokmvt, il okchalinchu cha, pishno ma ish pi okchalinchashke, achi tok.

40. Amba achvfa kvto afalaminchit im alvmmi, Chishno ak kia na chim vllhpisa kvta a miha achvfa hokak osh Chihowa ha chik i nukshopo cho?

41. Micha pishno ak okvto pim ai vllhpisa ho mvhli; pishno nana il a kaniohmi tuk isht ai vllhtoba he vllhpisa mak o e pisa hoka; amba hatak ilvppak okvto nana ho okpvni tuk keyushke, achi tok.

42. Mihmvt Chisvs ash, Chitokaka ma! ish apeshlichika ya ont ish chukowakmvt, is svthaiyanashke, im achi tok.

43. Mihma Chisvs ash ot, Himak nitak a si awant palatais a ish anta chi hoke, ai ahli mak o chim achi lishke, im achi tok.

44. Yohmi ka yvmvt hvshi kanvlli vllhpisa ont isht han-nali foka tok; mihma yakni moma ka ai okhlilit kenia na hvshi kanvlli vllhpisa ont isht chakkali tok.

45. Yohmi ma hvshi vt okhilli ma, nan-tvna tempel anukaka takali atuk vt iklvna ita hlilafa tok.

46. Mihma Chisvs vt chitoli hosh anumpuli mvt, Aki ma! sa shilombish a chibbak pit a fohki lishke, achi tok: mihmvt yakohmichit miha mvt, fopissa tok.

47. Mihma nana kvta ai yvmohmi na Sintulion vt pisa mvt, ilvppvt hatak ahli achukma yatuk o pulla mvhlishke, achit Chihowa ya holitoblichu tok.

48. Mihma okla ymma pisvt ai itahoba tuk ash ot, nana kvta ai yvmohmi ka pisa mvt, momvt ilap ikkishi ha isso cha, falamvt ilhkoli tok.

49. Mihma ymma ai it ithanaka puta, micha ohoyo Kalili a asht ai apeshvt minti tuk aiena kash ot mishema ho auet hielit, na yakohmi puta ka pihisa tok.

50. Mihma hatak vt Chosef hohchifo nan-apesa, micha hatak ahli achukma hosh anta tok.

51. Okla nana im anukfila, micha a kaniohmit maya aiena ka ilvppvto ik ibafohko ki tok: ilvppvt Chu okla in tvnaha

Alimahlea ak o ai vta hosh yvmmak kia Chihowa apehlichika ya pit hohoyo ya tok.

52. Hatak iluppak ash ot ivt, Pailat a im ona cha, Chisvs haknip a asilhha tok.

53. Micha yvmmak ash ot akvehi cha, na-lapushki linen o a bonullit sepvka vt tvi yosh kulvt toba ho, yvma hatak nana kia ik a fohko yatuk o fohki tok.

54. Mihma yvmvt ai atahli nitak atuk o, nitak hullo vt atukonovt mihinti tok.

55. Mihma ohoyo Kalili a asht ai apehvt aya tuk ash kia, iakaiyvt ilhkoli cha, sepvka, micha haknip ash ot kaniohmit itola aiena ka achukmalit pisa tok.

56. Mihmt falamvt ilhkoli cha, na-balama, micha nanahama aiena ka atahlit maya tok: mihmt anumpa vlpisa yoka nitak hullo yokvno foha tok.

CHAPTA XXIV.

Chisvs vt falamvt tani tuk a enchil tuklo hosh ohoyo hash sepvka ak o ai im anoli, 1. 13 Chisvs nan im ai ithvna vheha tuk vt tuklot Emmavs a itiachi hosh ayvt okla; 38 il otvniehi, nan im ai ithvna vheha hatuk vt chiya moma na Chisvs vt itintakla ant hikia: 47 yohmi cha Chelusalem ak o vmmona ka ai isht ia hosh vbanumpa ya okla isht anumpula chi ka, im apesa. 51 Chisvs vt vba a holitopa ya ia.

1. ATUK osh wek nitak vmmona onnvt okhlilinchii fehna ho na-balama atahli tuk vt ishit, inla ka ai itapihvt, sepvka yash okla ai ona tok.

2. Mihma tvi vt sepvka ya kanima pit tonoli tuk o okla pisa tok.

3. Mihmt okla pit chukowa tuk osh, Chitokaka Chisvs haknip ash ik peso ki tok.

4. Atuk o yakohmi tok; okla nana a kaniohmi ik ai ithano fehmt maya ma, yakeh! hatak tuklo kv i na-fohka shohmalali hosh itumasi a hinli tok.

5. Mihma okla nukshopvt, aka pit yochonoli ma, yvmmak

ash ot, Nanta katiohmi ho okehaya illi aiasha ak o hvsh hoyo cho?

6. Ilvppa ikshoshke; amba tani tuk oke; Kalili a anta moma mvt hvchim anoli kvt;

7. Hatak Ushi vt hatak nan ashvchi vhleha ibbak a a fohka cha, iti-taiyukhvna ai ahonvha tuk osh, nitak ont atuchinakma falamvt tana hi oke, achi tuk a hvsh ithaiya-nashke, im achi tok.

8. Mihma im anumpa ha tok ash okla ithaiyana tok.

9. Micha sepvka yash asht falamvt ilhkoli mvt, auah-achvfa kash, micha inla moma aiena ka na yakohmi puta tuk ash mominchit ont im anoli tok.

10. Meli Maktalene, micha Choanna, mikmvt Meli, Chemis ishki, micha ohoyo inla ka yvmma apehvt aya tuk aiena kak osh vbanumpeshi vhleha ha na-yakohmi puta tuk a ont im anoli tok.

11. Mihma yvmma im anumpa hvt annoa ik ahlo yak o ai im itilau i cha, okla ik yimmo ki tok.

12. Mihma Pita yvt wakaya cha, malelit sepvka ya onvt, pit aka chonoli mvt, lin en nan-tvna ak bano hosh asha na pisa cha, ia mvt, nana kvt ai yvmohmi tuk ash, okokko! ahni tok.

13. Atuk o tuklo kvt nitak mih-makinli ka tumahushi Emmavs hohchifo hosh, yvmmvt Chelusalem a auct i kovi untuchina foka hatuk o itiachi tok.

14. Mihmvt nana kvt ai yvmohmi tuk ilvppa puta kash isht it im anumpohonli tok.

15. Atuk o yakohmi tok; it im anumpulit nan it im asilbhahanchi kash ot moma ho, Chisvs akinli kvt sakki cha, takla aya tok.

16. Yohmi kia ik ithano ket okla chi ka, nishkin vt mo-choli ho chiyuhmi tok.

17. Mihma yvmmak ash ot, Ilvppak osh anumpa katiohmi mak o isht it im anumpohonlit hvsh aya cha, hvsh ilapissa cho? im achi tok.

18. Mihma achvft Kleopas hohchifo hosh afalaminchit; Hatak kanima minti chishno ak hosh Chelusalem a ish anta

kvt himak nitak choñmi yvmmā nana kvt a kaniōhmi ka chik akostinincho ke tuk oh cho? im achi tok.

19. Mihma yvmmak ash ot, Nana nanta hō? achi ma, Chisvs Nasalet hatak nan im a kaniōhmi tuk a, yvmmak okvt hopaii yosh Chihowa, mikmvt okla puta aiena itikba ya nana a kaniōhmi, micha anumpuli aiena kvt a chinto fehna tuk;

20. Yvmohmi tuk o na-holitompa isht asha pehlichī vñleha, micha pi hochitoka vñleha aiena kvt, yvmvvt illa chi hosh im vñhpisa chi ka, kaniōhmichit ishit inla ibbak a fohki na iti-taiyukhvna ahonvñlichī tuk.

21. Yohmi kia yvmmak osh Islael okla ha hlakoficha he tuk mak atuk a pi yihimmi tuk; yvmohmi tuk kia keyushke; micha yvmmak bano keyu, nana kvt a yakohmi tuk a himak nitak vt nitak ont isht atuchinvshke.

22. Michā anonti ohoyo il ai itapeha tuk a a kanimi kvt onnahinli fehna sepvka ya ont maya tuk vt,

23. Yvmmā hāknip a ik peso hosh ai vñ mvt, anonti en-chil mvt i haiaka na pisa ma, Yvmmak ash ot okchaya hoke, achi tuk achi cha, okla pi nukhlakvshli tuk oke.

24. Yohmi ma il ai itapeha tuk a a kanimi kvt sepvka ya ona, yohmi mvt ohoyo nana a miha tuk a vñhpesa hō ont pisa tuk; yohmi kia yvmmak amo okla ik peso ke tuk oke, im achi tok.

25. Mihma yvmmak ash ot, Im anukfila iksho, hopaii vñleha hvt anumpuli tok moma ka chukvsh isht yimma he vñlaha hvchia ma!

26. Klaist vt na yakohmi puta ka pisa ha yosh a holito-paka ya chukowa he vñhpesa ha tok keyu cho?

27. Mihmvt Moses, micha hopaii puta aiena tok ai vñli kak o isht ia hosh, Holisso Holitopa ya a mominchit ilap a isht ai annoa ka achukmalit im anohonli tok.

28. Mihma tvmahushi itiachi yvmmak atuk ash ot itona-cha hosi tok; yohmi ma yvmmak ash ot ont ia hinla ka, ile chohmichi tok.

29. Yohmi kia im a chilita fehvt okvt, Nitak vt shohbit ont opivt mahaya hoka, pi takla ish antashke,

achit okla tok. Mihma takla anta chi hosh ont chukowa tok.

30. Atuk o yakohmi tok; yvmmak ash ot takla imput binili mvt, pvska ya ishi cha, vba isht aiokpvchi mvt, tush-tolit, yvmmak ash o ipeta tok.

31. Mihma nishkin vt i fatumvt okla cha, yvmmak ash ithanvt okla tok; yohmi ma yvmmak ash ot i holhponayo ha ai i kvninihya tok.

32. Mihma, Ilvppvt takla ya a pim anumpuli, micha Holisso Holitopa aiena ka achukmalit a pim otvninchi ma, pi chukvsh vt libisha tuk keyu? it im achi tok.

33. Mihmvt hvshi kanvlli vlpisa mih-makinli ho wakaya cha, falamvt Chelusalem a it vlahi mvt, auah-achvfa kash ot, micha ai itapeha tuk aiena kv, itnaha mvt,

34. Chitokaka yvt falamvt tani pulla mvhli tuk osh, Sai-mon a i haiaka kvno, achit maya ho ant pisvt okla tok.

35. Mihmvt yvmmak ash osh hina takla ya nana kv a kaniohmi tuk, micha yvmvt pvska tushalichit ashvt kani-ohmit im otaiyani tuk aiena kash anolit okla tok.

36. Mihma yakohmichit anumpohonli moma ho, Chists vt ilap fehna hosh ai iklvna ont hikia cha, Nanaiya kv hv-chimmi hashke; im achi tok.

37. Yohmi kia yvmmak ash ot komuntvt nukshopa fehna mvt, Shilup o pisa ka, im ahoba tok.

38. Yohmi ma, Na katihmi ho hvchi komunta cho? mi-cha, Na katihmi ho hvchi chukvsh anukaka ya na hvchim anukfila anuktuklo kv takali cho?

39. Subbak, saiyi aiena ka ho pesa; vno sia hash inli hoke; sa pvsholit ho pesa: shilup vto nipi, micha foni puta aiena asha, vno vt si yvmohmi na hv sa pisa ka, chohmi keyu hoka, im achi tok.

40. Mich a ilvppa yakohmichit anumpuli mvt, ibbak, mi-cha iyi aiena kash i haiakvchi tok.

41. Mihma okla na yukpa kak osh yimmi keyu kisha, mi-cha okokko! aiahni aienvt maya takla ma, yvmmak ash ot Ilvppa nan-ilhpak nana kia hvchim asha cho? im achi tok.

42. Mihma nwni vhpusha tushafa, micha foi-bila aiena hō okla ipeta tok.
43. Mihma ishi cha, okla itikba ya ai vpa tok.
44. Mihmvt, Nan okluha kvt isht a si annovt Moses, mi-cha hopaii vbleha aiena i holisso, mikmvt ataloa holitopa aiena ka ai o holisso tok vt ont aighli pulla chi mak o, hvchi takla anta li moma kvt anumpa ilvppa puta ka isht hvchim anumpuli li tok oke, im achi tok.
45. Mihmvt Holisso Holitopa ya ithaiyana chi ka, im anukfila nan-isht akostininchi a in tiwi tok.
46. Mihmvt, Klaist vt yakohmi hosh i palvmmmit, illi tuk osh, anonti nitak ont atuchinakma illi tuk vt tana hi a, isht ai vhpiesa tok.
47. Michā ile kostininha he, mikmvt ai ashvchika puta isht a kashofa he aiena kvt ymma hohehifo hō isht anumpa kvt, vmmōna ka Chelusalem ak o ai isht ia hosh, oklushi moma isht im anumpa hi oke, achi hosh yakohmit holihiso hoke.
48. Yohmi hō hvchishno ak osh na yakohmi puta ka ai-atokowvt anoli hvchia mak oke.
49. Yohmi ka yakeh! Aki vt nana ka hvch ima hi vt miha tok mak o, hvchishno a hvchi o kaiyanchi lishke: yohmi kia Chelusalem tmaha hak o hvsh aiashvt, nana aighli vba minti kvt ont hvchi anukfoyuka kak mak ashke, im achi tok.
50. Yvmohmi tuk osh yvmmak ash pehlichit kohehvt ivt Betani yokvno isht ona tok: mihmvt ilap ibbak ash vba pit wieli cha, yvmmak ash holitoblit aiokpvchi tok.
51. Atuk o yakohmi tok: yvmmak ash holitoblit aiokpvchi ai itin takla mvt, ai i filvmmmit vba pilla pit a kvnia tok.
52. Mihma yvmmak ash okla pit holitoblichit aiokpvchi cha, na-yukpa fehna hosh falamvt Chelusalem a ai vla tok.
53. Yohmi mvt Chihowa ya in talovt holitoblichit pit aiokpahanchit tempel anukaka ya aiasha beka tok. Amen.

UBANUMPA CHAN

VT HOLISSOCHI TOK.

CHAPTA I.

Anumpa achi Chisvs Klaist yvmmak osh vmmona fehna ka Chihowa ha iba chvfa, 1; 6 Nan-tohwikeli ai ghli kvv achvfa illa ilvppak atuk a atokowa anola chi mak osh Chan vt aya hatok. 15 Chan vt Klaist a nan vltokowa isht ai anoli. 35 Chan nan im ai ithena yatuk vt tuklot Chisvs a apeha toba; yvmmak atuk vt achvft An tilu ak osh itibapishi Pita ya ilaulet Chisvs a isht im ona.

1. UMMONA ka Anumpa hvt ahanta mvt, Anumpa hvt Chihowa ya ai iba chvfa tok: mihmvt Anumpa hash ot Chihowa ya tok.

2. Yvmmak inli hosh vmmona ka Chihowa ya ai iba chvfa tok.

3. Yvmmak atuk mak o nan okluha kvv toba tok; yohmi ka nana kvv toba tok vt yvmmak o keyu hokvno ik tobo ki tok.

4. Yvmmak oka isht ai okchaya yvt asha tok: yohmi ka isht ai okchaya yvmmak ash ot hatak puta ka in tohwikeli ya tok.

5. Mihmvt tohwikeli hash ot ai okhlilika ya a tohgmni: yohmi ka okhlilika yvt yvmmak ash o ik akostinineho ki tok.

6. Hatak Chan hohchifo hosh, Chihowa nana aiahni ho aya tok.

7. Yvmma pulla tuk mak o hatak vt momvt yimma hi o yvmmak ash osh nan atokoli osh Nan-tohwikeli ash atokowa anola chi hosh aya tok.

8. Yvmmak osh Nan-tohwikeli mih mak a tok keyu; an

ba Nan-tohwikeli yumma atokowa anola chi mak osh aya tok.

9. Yakni pakna hatak vt ai vta hoka mominchit in tohwikeli, yummak osh Nan-tohwikeli ahli mak a tok.

10. Yummak atuk mak o yakni vt toba tok o, yakni a ai ahanta ma, yakni vt yummak ash ik ithano ki tok.

11. Yummak okvt ayvt ilap immi vhleha ho im vla ma, immi vhleha hash osh ik i yimmo ki tok.

12. Amba laua kanihmi hosh ahninchit, ilapo hohchifo ha i yimmi hokvno, Chihowa ushi vhleha toba chi mak o isht ai vhpesa ka ima tok;

13. Issish ak o keyu, mikmvt haknip nan ahni keyu, mi-cha hatak osh nan ahni keyu ho, yummak okvt toba tok; amba Chihowa yak a tok.

14. Micha Anumpa hash ot nipi yo toba cha, nan isht i kana, misha nana aighlika aienvt isht alotowa hosh pi takla ahanta tok: yohmi na isht a holitopa ya, Iki a Ushi vt achvfa illa cha ai isht a holitopa chatuk mak o, chiyuhmi ho e pihisa tok.

15. Chan vt yummak oka atokowa anoli hosh, chitolit anumpulit, Auet siakaiyvt mihinti kak osh sa tikba ahanta tok mak okvt, yummak ash holitopa kv vno a a shahli ho, isht anumpohonli li tuk a ilvppak atuk mak oke, achi tok.

16. Micha yummvt isht alotowa hatuk ash e moma kv nan isht i kana yvt ai itvlbitkvchi ho, e pisa tok.

17. Nan-vlhpisa yokvto Moses ak atuk mak o vlhpihisa tok: amba nan isht i kana, misha nan-aighlika aiena hokvto Chisus Klaist ak o a minti tok.

18. Hatak nana hosh Chihowa ya nitak nan ash o pisa tok keyu: Ushi holitopa achvfa illa Iki shakba ya afoyuka, yummak atuk okvto yummak oka otvninchi tok oke.

19. Mihma yummak ash o, Kvta chia hoh cho? achit ont i ponakla chi ka, Chu okla hv na-holitopa isht asha, misha Lafait okla aiena ka Chelusalem a a kohchit pit tihleli na Chan vt atokowa anoli tok a ilvppak oke.

20. Yohmi kv yummak ash ot atokolit anoli kv, Mih sia

hoke, achi tok keyu; amba atokolit, Ūno ak osh Klaist o sia keyu hoke, achi tok.

21. Mihma okla i ponaklot, Mih kvto kvta hak o? Elias ak o chia ho? achi tok: mihma, Mih sia keyu, achi tok. Hopaii mih mak o chia ho? achi ma; afalaminchi mtv, Keyu, achi tok.

22. Mihma, Kvta chia hak o? ish pim anoli na auet pi tihleli tuk vheha ha anumpa falama ka ont il imashke: chishno akinli kvto, Kvta ho ish ile miha cho? im achi tok.

23. Mihma yvmmak ash ot, Achvfa hosh yakni haika yo ai anumpohonlit, Chitokaka ataya hi a oh apisselich, ahanchi ho hopaii Esaias vt isht anumpohonli tok mak o mih sia mak oke, achi tok.

24. Mihma okla vltokvt ilhkoli tuk ash ot Falisi vheha ha tok.

25. Atuk osh yvmmak ash o okla i ponaklot, Chishno ak osh Klaist mih mak o chia keyu; Elias a chia keyu; anont hopaii mih mak o chia keyu hokak osh, nanta katiohmi ho ish baptismochi cho? im achi tok.

26. Chan ash osh yvmmak ash o im afalaminchi mtv, Ūno vto oka yo ishit baptismochi lishke; amba achvfa kvv hvchi takla hikia yvmmak okvno hvch ik itha-noshke.

27. Yvmmak osh siakaiyvt minti kvv holitopa kvv a shahli ka, i shulush isht-talakchi a hotofi la he si ahoba keyu mak oke, achi tok.

28. Chatan misha Behlabala yvmmak o Chan vt a baptismochi hosh ahanta hatuk o, ilvppa puta kvv ai yakohmi tok.

29. Atuk o ont onna ma Chan vt, Chisvs vt i minti na pisa mtv, Chihowa in Chukfvlhpoba ushi, yvmmak osh yakni im ai-ashvchika isht kanchi a, ho pesa.

30. Hatak vt auet siakaiyvt minti kvv, yvmmak osh a tikba ahanta tuk osh holitopa kvv a shahli hoke; achi li tuk a ilvppak osh mih mak oke.

31. Yohmi kvv ilvppa ithana li tuk keyu; yohmi kia

ilvppak osh Israel okla ha im otvna chi kak o, vno vt oka ya ishit baptismochit aya li hatuk oke, achi tok.

32. Mihmt Chan vt atokowa anolit, Shilombish okvto puchi yoshiba yo chiyuhmi hosh vba ya vttvt mintit, yvm-mak ash ant o binili na pisa li tok.

33. Yohmi ka yvmmak ash o ak ithano ki tok; yohmi kia oka ishit baptismochi la chi ho, sa tohno tuk yvmmak osh, Kena ho Shilombish ak osh aka mintit ant o binili na ish pisa chi ka, mihi yosh Shilombish Holitopa ya ishit baptismocha chi mak oke, im achi tok.

34. Atuk o, Ilvppak osh Chihowa ha Ushi pulla hatuk a pisvt, atokowa anoli li tuk oke, achi tok.

35. Anonti ont onna ma Chan vt ilap, nan im ai ithvna tuklo aientvt hinli tok.

36. Michi Chisvs ash ot nowvt aya na pisa mvt, Chiho-wa in Chukfvlhpoba ushi a ho pesa, im achi tok.

37. Mihma nan im ai ithvna tuklo kash ot, yvmmak ash ot anumpuli na haklo mvt, Chisvs a iakaiyvt okla tok.

38. Mihma Chisvs ash ot filema cha, iakaiyvt okla kash o pisa mvt, Nanta ho hvsh hoyo cho? im achi ma, Labbai ma! yvmmt vltoshowakmvt, nan-ithvnanchi ma! achi, Katima ko ish ai vta yoh cho? im achi tok.

39. Mihma, Mintit ant ho pesa, im achi tok. Mihma itvlachit kanima ai-vta yatuk a ant pisvt okla mvt, hvshi kanvlli vlpisa ont isht pokoli foka hatuk oka, nitak yvm-mvno apchvt ashwa tok.

40. Tuklot Chan vt anumpuli na haklo cha, yvmma iakaiyvt okla tuk ash, achvfa kv Antilu, Saimon Pita itiba-pishi ha tok.

41. Yvmmak ash ot na tikba ilapo itibapishi akinli Saimon ak o pisa mvt, Messias ash, yvmmt vltoshowakmvt, Klaist achi ho il ahayuchishke, im achi tok.

42. Mihma yvmmak ash o ilaulet Chisvs a im vla tok. Mihma Chisvs vt yvmmak ash o pisa mvt, Chona ushi Saimon chia hv Sefas, yvmmt toshowakmvt, tvi achi hoke, yvmmak o chi hohchifashke, achi tok.

hoke, achi tok keyu; amba atokolit, Uno ak osh Klaist o sia keyu hoke, achi tok.

21. Mihma okla i ponaklot, Mih kvto kvta hak o? Elias ak o chia ho? achi tok: mihma, Mih sia keyu, achi tok. Hopaii mih mak o chia ho? achi ma; afalaminchi mtv, Keyu, achi tok.

22. Mihma, Kvta chia hak o? ish pim anoli na auet pi tihleli tuk vheha ha anumpa falama ka ont il imashke: chishno akinli kvto, Kvta ho ish ile miha cho? im achi tok.

23. Mihma yvmmak ash ot, Achvfa hosh yakni haaka yo ai anumpohonlit, Chitokaka ataya hi a oh apisselich, ahanchi ho hopaii Esaias vt isht anumpohonli tok mak o mih sia mak oke, achi tok.

24. Mihma okla vltokvt ilhkoli tuk ash ot Falisi vheha ha tok.

25. Atuk osh yvmmak ash o okla i ponaklot, Chishno ak osh Klaist mih mak o chia keyu; Elias a chia keyu; anont hopaii mih mak o chia keyu hokak osh, nanta katiohmi ho ish baptismochi cho? im achi tok.

26. Chan ash osh yvmmak ash o im afalaminchi mtv, Uno vto oka yo ishit baptismochi lishke; amba achvfa kvv hvchi takla hikia yvmmak okvno hvch ik itha-noshke.

27. Yvmmak osh siakaiyvt minti kvv holitopa kvv a shahli ka, i shulush isht-talakchi a hotofi la he si ahoba keyu mak oke, achi tok.

28. Chatan misha Behlabala yvmmak o Chan vt a baptismochi hosh ahanta hatuk o, ilvppa puta kvv ai yakohmi tok.

29. Atuk o ont onna ma Chan vt, Chisvs vt i minti na pisa mtv, Chihowa in Chukfvlhpoba ushi, yvmmak osh yakni im ai-ashvchika isht kanchi a, ho pesa.

30. Hatak vt auet siakaiyvt minti kvv, yvmmak osh a tikba ahanta tuk osh holitopa kvv a shahli hoke; achi li tuk a ilvppak osh mih mak oke.

31. Yohmi kvv ilvppa ithana li tuk keyu; yohmi kia

ilvppak osh Isael okla ha im otvna chi kak o, vno vt oka ya ishit baptismochit aya li hatuk oke, achi tok.

32. Mihmt Chan vt atokowa anolit, Shilombish okvto puchi yoshuba yo chiyuhmi hosh vba ya vttvt mintit, yvm-mak ash ant o binili na pisa li tok.

33. Yohmi ka yvmmak ash o ak ithano ki tok; yohmi kia oka ishit baptismochi la chi ho, sa tohno tuk yvmmak osh, Kena ho Shilombish ak osh aka mintit ant o binili na ish pisa chi ka, mihi yosh Shilombish Holitopa ya ishit baptismocha chi mak oke, im achi tok.

34. Atuk o, Ilvppak osh Chihowa ha Ushi pulla hatuk a pisvt, atokowa anoli li tuk oke, achi tok.

35. Anonti ont onna ma Chan vt ilap, nan im ai ithvna tuklo aientvt hinli tok.

36. Michi Chisvs ash ot nowvt aya na pisa mvt, Chiho-wa in Chukfvlhpoba ushi a ho pesa, im achi tok.

37. Mihma nan im ai ithvna tuklo kash ot, yvmmak ash ot anumpuli na haklo mvt, Chisvs a iakaiyvt okla tok.

38. Mihma Chisvs ash ot filema cha, iakaiyvt okla kash o pisa mvt, Nanta ho hvsh hoyo cho? im achi ma, Labbai ma! yvmmt vltoshowakmvt, nan-ithvnanchi ma! achi, Katima ko ish ai vta yoh cho? im achi tok.

39. Mihma, Mintit ant ho pesa, im achi tok. Mihma itvlachit kanima ai-vta yatuk a ant pisvt okla mvt, hvshi kanvlli vlpisa ont isht pokoli foka hatuk oka, nitak yvm-mvno apchvt ashwa tok.

40. Tuklot Chan vt anumpuli na haklo cha, yvmma iakaiyvt okla tuk ash, achvfa kv Antilu, Saimon Pita itiba-pishi ha tok.

41. Yvmmak ash ot na tikba ilapo itibapishi akinli Saimon ak o pisa mvt, Messias ash, yvmmt vltoshowakmvt, Klaist achi ho il ahayuchishke, im achi tok.

42. Mihma yvmmak ash o ilaulet Chisvs a im vla tok. Mihma Chisvs vt yvmmak ash o pisa mvt, Chona ushi Saimon chia hv Sefas, yvmmt toshowakmvt, tvi achi hoke, yvmmak o chi hohchifashke, achi tok.

43. Atuk osh ont onna ka Chisvs vt Kalili a ia hi atuk osh Filip a pisa mvt, Is siakaiyashke, im achi tok.

44. Filip vt Antilu, micha Pita ita-tuklo in tvmaha Bet-saita yak o ai vta ya tok.

45. Filip vt Nahlanael a pisa mvt, Chisvs Nasalet vta, Chosef ushi, yvmmak o nan vlpisa ya Moses vt, micha hopaii puta kvt isht a holissohonchi tok mak o, e pisvshke, im achi tok.

46. Mihma Nahlanael ash osh, Nana achukma kvt Nasalet a ai itoltv kohcha hinla ho? im achi ma, Filip ash osh, Minti cha, ant pisá, im achi tok.

47. Chisvs vt Nahlanael vt i minti na pisa mvt, Yakeh! Israel hatak ahli fehna kvt nana ilahobi keyu mak oke, achi tok.

48. Mihma Nahlanael ash ot, Katiohmit is svthana cho? im achi ma, Chisvs vt afalaminchi mvt, Filip vt ont ik chi hoyo kisha ho, fik vpi nuta ya ish asha kak o, chi pisa li kamo, im achi tok.

49. Mihma Nahlanael ash ot afalaminchi mvt, Labbei ma! chishno ak osh Chihowa Ushi chivshke; chishno ak osh Israel okla i miko chivshke, im achi tok.

50. Chisvs vt afalaminchi mvt, Fik vpi nuta ya ish asha ho chi pisa li tuk achi li kak o, chi yimmi há cha? nana kvt ilvppa i shahli fehna ka ish pisa hi oke, im achi tok.

51. Mihma, Ahlishke, ahli mak o chim achi lishke, Himak a pilla vba yvt tiwa na Chihowa im enchil vbleha hvv Hatak Ushi a auet ai akohowa, anonti vba pit ai ibiya aiena ka, ish pisa hi oke, im achi tok.

CHAPTER 11.

Kana ak o nan-itauryvchi asha ho Chisvs vt oka kapvssa atuk a oka paki ikbi, 1; 12 Chelusalem a ona cha, na chumpa vbleha, micha na kanchi vbleha aiena tempel anykaka aiasha tuk a kocha pit yuhli; 23 yohmi ma Chisvs vt na fehna yvmihinchí ho pisa hatuk mak osh lavt i yimmi.

1. ATUK o nitak ont atuchina ma Kalili yakni Kana a nan-itaawayvchi vt asha tok: mihma Chisvs ishki vt ymma ont anta tok.
2. Mihma Chisvs, micha nan im ai ithvna vhleha aiena kvv nan-itaawayvchi a aya hi a, im annoa tok.
3. Atuk o oka paki vt ont ai ik im ikshot taha ma, Chisvs ishki vt ymmak ash o, Oka paki vt okla ik im ikshoshke, im achi tok.
4. Chisvs ash ot, Ohoyo ma! vno vt nanta isht a chi aha-lala li cho? hvshi kanvlli vm ai vlpisa hvv ik ai ono kisha hoke.
5. Ishki ash ot nan-isht asha vhleha hash, Nana ho hv-chim achikma, hvsh yvmihchashke, im achi tok.
6. Mihma Chu okla ai yvmohmi yatuk osh isht il ai achi-fa ya tuk, tvli shuti oka ai-vlbeha hannali kvv, fvkin tuk-lokmá, tuchinakmá nana ai vlhto aiyuka hosh ymma ta-lokmaya tok.
7. Atuk o Chisvs ash ot, Shuti oka ai-vlbeha ya oka oh alotoli, im achi tok. Mihma ymmak ash o okla alotolit iti-vlbi vhlichi tok.
8. Mihma, Inta! ho bicheli cha impa pehlichi ya ishit oh im iá, im achi tok. Mihma okla ishit im ia tok.
9. Mihma impa pehlichi ash ot oka oka paki toba tuk ash ishkot pisa cha, kaniohmi hosh toba tuk a ik akostinincho mvt, yohmi kia nan-isht asha vhleha oka ochi tuk okvto ithana ho, impa pehlichi ash ot himona ohoyo itauwaya ash hoyo tok.
10. Yohmi mvt, Hatak moma kvv vmmona ka okapaki achukma ka talohli chatuk; atuk osh hatak vt ishkot fiho-pak mak o, okpulo yak oh chatuk; amba chishno vto oka paki achukma ya ish il atomba na himak atoshke, im achi tok.
11. Na fehna yvmihchit isht ai vmmona kvv ilvppak o Chisvs vt Kalili yakni Kana yak o ai yvmihchit, ilap im a holitopa ya otvvinchi tok; mihma nan im ai ithvna vhleha hvv i yimmi tok.
12. Ai yakohmi ha ya, ymmak ash ot, ishki, micha iti-bapishi vhleha, mikmvt nan im ai ithvna vhleha aienvt Ka-

penavm a ilhkoli tok; atuk osh nitak kanohmi keyu ho ont maya tok.

13. Mihma Chu okla i nan-vbanvblit ont ia yvt ai ong hosi hatuk o, Chisvs vt Chelusalem a ia tok.

14. Atuk osh tempel anukaka ya wak, chukfvlhpoba, micha pvchi vlpoba aiena kanchi vhleha, mikmvt teli holis-so itatoba aiena kv binohmaya na pisa tok.

15. Mihmvt aseta chipunta yo isht fuma ikbi cha, yvm-mak ash, chukfvlhpoba, micha wak puta aiena kash mom-inchit tempel a a kocha weli tok; mihmvt teli holisso itatoba vhleha in teli holisso ash aka fohopli mvt, anonti ai-impv teli holisso ai-itatoba puta kash kinahlichit tok.

16. Mihmvt pvchi yoshuba vlpoba kanchi vhleha hatuk ash o, ilvppa kanima ishit oh ia cha, Aki in chuka yano na ai-itatoba chuka hvch ik ikbo kashke, im achi tok.

17. Mihma, Chin chuka i hullo pulla kak osh vm anuk-fila vhlinchit ai ishit kaiyanchishke, achi hosh holisso ha tok a, nan im ai ithvna vhleha hv ithaiyana tok.

18. Mihma Chu okla hash ot afalaminchi mvt, Nan isht atokowa nanta ho ish pim otvninchi hosh ilvppa puta ka ish yakohmichi cho? im achi tok.

19. Mihma Chisvs ash ot afalaminchi mvt, Tempel ilvppa oh okpvn; atuk ma nitak tuchinakma falaminchit ikbit hilechi lashke, im achi tok.

20. Yohmi ma Chu okla hash ot, Tempel ilvppvt afvmmi pokoli ushta akocha hannali ho tobt vltaha tok: yohmi ka chishno vto nitak tuchina ho falaminchit ikbit ish hilecha hinla cho? achi tok.

21. Yohmi kia yvmmak okvt ilap haknip tempel ak o isht anumpuli ha tok.

22. Yohmi tok o yvmmak ash ot illi tuk vt falamvt tani ma, ilvppa im achi tok a, nan im ai ithvna vhleha hv ithaiyana tok; mihmvt Holisso Holitopa, micha Chisvs vt anumpv anumpuli tok aiena ka okla yimmi tok.

23. Vbanvblit ont ia isht ashvt impvt maya nitak o yvmvvt Chelusalem a anta cha, na-fehna puta ka yvmhinchit na okla pisa mvt, laurt i yimmi tok.

24. Yohmi kia Chisvs vt hatak moma ka ithana hatuk okvt ik i yimmo ki tok.

25. Micha nana hosh hatak a anukfoyuka ka ithaiyana hoka, kuna kia hatak a isht atokolit im anola he vhpesa keyu ki tok.

CHAPTA III.

Chisvs vt Nikotemvs a it im anumpuli; yohmi hosh atuklanchit vta hi oka ai vhpesa hatuk, 1; 14 micha kaniohmi kia ilapvt ititaiyuk-hva a takalit illa hi a ai vhpesa hatuk aiena; 16 mikmt Chihowa hvt hatak a i hullo ka, 18 micha Chihowa ik im antio vhleha hvt nan i palvmma he aiena ka anoli. 22 Chan vt Klaist nan-isht a holitopa ya, micha ymma i yimmi hatuk okvto ai okchaya he.

1. **HATAK** vt Falisi yosh Nikotemvs hohchifo hosh, Chu oka pehlichy yosh ahanta tok.

2. Atuk osh yummak ash ot ninak o ayvt Chisvs a im vla cha, A shahli ma! chishno ak osh nan ithvnanchi yosh Chihowa ak o ish a minti ka il ithanvshke; Chihowa ak osh ik apalachokma, hatak nana hosh na-fehna ilvppa puta ish yvmihinchy ka, yvmihcha he keyu hoka, im achi tok.

3. Chisvs vt afalaminchi mvt, Ahlishke, ahli mak o chim achi lishke, Hatak vt atuklant vta keyukmvt, Chihowa apchlichika ya pisa he keyu hoke, im achi tok.

4. Nikotemvs ash ot, Hatak vt sipoknit taiyaha kvv kati-ohmi kak osh vta hinla ho? atukla ma ishki im oshvto ya pit chukowa cha, vta hinla ho? im achi tok.

5. Chisvs vt afalaminchi mvt, Ahlishke, ahli mak o chim achilishke, Hatak vt oka, micha Shilombish ita-tuklo kak o isht ai vta keyu hokvto, Chihowa apchlichika ya chukowa he keyu hoke.

6. Nipi yo a tobt vta hokvto, nipi yoke; mikma Shilombish o a tobt vta hokvto, shilombish oke.

7. Atuklanchit hvsh vta pullashke, chim achi li tuk a, okokko! chik ahno kashke.

8. Mahli hvt kanima yo pit ai im vhpesakmvt, pit mahlit fokka hokvno ish haklo kia, yummak o a minti hosh, anonti

yummak o ia, ish ai ahni keyu ka, Shilombish ak o a tobt vtta hokvto yummak inli kak o chiyuhmi bano hoke, im achi tok.

9. Nikotemvs ash osh afalaminchi mvt, Katiohmi kak osh ilvppa puta kvv yvmohma hinla cho? im achi tok.

10. Chisvs vt afalaminchi mvt, Isael okla ha nan-ithv-nanchi chia hokak osh, ilvppa puta ka chik ithano cho?

11. Ahlishke, ahli mak o chim achi lishke, Nana ka il ithana mak osh il anumpuli: mikmvt e pisa tuk mak osh atokolit il anoli hoke; yohmi ka nana atokolit il anoli ka ik hvchi yimmoshke.

12. Nana kvv yakni paknaka asha yo isht a hvchim anoli li ha ya tuk a, ik hvchi yimmo ke tuk vt, anonti nana kvv vba asha ho isht a hvchim anoli li hok mak o, katiohmit hvchi yimma chi cho?

13. Yohmi ka hatak nana hosh vba ya ia tuk keyu; amba vba ya mintit vla tok Hatak Ushi vba ya asha yummak ilvshke.

14. Yohmi ka Moses vt sinti a kovi anukaka ya vba tak-aliehi tok a, yummak inli chiyuhmit Hatak Ushi vt vba takali pulla hi oke:

15. Yohmi na kvna hosh yvma i yimmikmvt, ik illo hosh, amba ai-okchayvt bilia yo pisa hi oke.

16. Chihowa yvt yakni a i hullo fehna kvv, kvna hosh yvma i yimmikmvt ik illo hosh, amba ai okchayvt bilia yo pisa hi o, Ushi achvfa illa holitopa ya auet ima tok.

17. Yakni ak o ilbvshacha chi ho, Chihowa yvt Ushi a auet ima tok keyu hoka; amba yummak atuk mak o yakni vt isht ai okchaya hi a tok;

18. Kvna hosh yvma i yimmi kvto, isht ai ilbvsha he anumpa hvv onvtula keyu hoke: amba kvna hosh i yimmi keyu hokvto, Chihowa Ushi achvfa illa holitopa hohchifo hatuk a i yimmi keyu kvv, isht ai ilbvsha he anumpa hvv onvtula mashko hoke.

19. Yohmi ka tohwikeli hvv yakni a ant iba chukowa ma, ilap nana a kaniohmi ai vhpesa keyu hatuk okvt, hatak vt ai okhlilika yak osh im ai achukma kvv atohwikinli ka,

im i shahli, ilvppak o isht ai ilvusha he anumpa hvt onvtula hoke.

20. Nan ik ai vlhpeso ya a yohmi aiyukali vt atohwikinli ka i nukkillikmvt, anonti ilap nana a kaniohmi yvt otvnt ik hofahyalo ka hinla ka, atohwikinli ka ik ono chatuk oke.

21. Amba kuna hosh nan-ai ahlika yo a yohmi yokvto, ilap nana a kaniohmi yvt Chihowa yak atuk mak o isht a yvmohmi tuk vt otvna chi ka, atohwikinli ka ona chatuk oke, im achi tok.

22. Nana kvv ai yakohmi ha ya, Chisvs vt nan im ai ithvna vhleha ha it apihvt Chutea yakni a ai vla tok; mihma takla yvmmak o antvt baptismochi tok.

23. Mihma Chan ak kia Salim i bilika Enon yvmmak o oka vt laua hatuk o, baptismochit ahanta tok: mihma okla hvt ai vltv baptismo tok.

24. Chan vt aboha kvllo ik fohko kisha ha tok.

25. Yohmi ma Chan nan im ai ithvna vhleha kanimi, micha Chu okla aiena kvv na-baptismo a isht ai it im asilhvchit maya tok.

26. Mihmvt Chan a ai im ai vltv, Nan-ithvnanchi ma! Chatan misha ya a chi awant aya tok yvmmak o nana ai atokowa isht ish anohonli kash, yvmmak fehna kvv baptis-mohonchi ho, okla momvt im ai itahohombvshke, im achi tok.

27. Chan ash ot afalaminci mvt, Uba yak o auct ai ima ho keyukma, hatak vt nana ho ilap inli kvv isha he keyu hoke.

28. Uno vt Klaist mak o sia keyu: amba itikba aya a si vltoka hatuk oke; achi li tok a hvchishno fehna akinli kvv ai atokowa ka hvs svm ithanvshke.

29. Ohoyo himona hatak auwaya ka ilauei kak osh, yvm-mvt hatak himona ohoyo itauwaya mak oke: amba himona ohoyo itauwaya i kana hokvto himona ohoyo itauwaya anumpuli pulla kak o hikivt i haponaklot isht a yukpa chinto hoke: yohmi ka na sai yukpa ilvppvt isht aighli mak oke.

30. Yvmmak okvto isht i shahlit mahaya he vlhpesakma, amba vno vto ak a lauwof mahaya la he vlhpesa hoke.

31. Uba ya a minti yummak okvto moma ka i shahli hoke: yakni yak o a minti hokvto yakni yakinli; mikmvt yakni yak o ai isht anumpuli hoke; vba ya a minti yummak okvto moma ka i shahli hoke.

32. Micha nana ka pisa tuk; mihmvt haklo tuk aiena mak osh yummak ash atokolit anumpuli hoke; yohmi kia nan ai vltokowa anohonli ka, hatak nana kia ik yimmoshke.

33. Kuna hosh, yummvt nan ai vltokowa anoli ka yimmit aiokprchi hokvto, Chihowa yvt aiahli ka, aiahlich hosh yimmi hoke.

34. Chihowa yvt atohno tok a, yummak okvt Chihowa im anumpa ho anumpohenlishke; yummak oka Shilombish vt vlpisa ho Chihowa yvt ihima keyu hoka.

35. Iki vt Ushi a i hullo kvt nan okluha ka yumma ibbak o fohkishke.

36. Kuna hosh Ushi a i yimmi hokvto ai-okchayvt bilia ya pisa hoke; mikma kuna hosh Ushi a i yimmi keyu hokvto, ai-okchaya ya pisa he keyu; amba Chihowa nan-isht ai i nukkilli yak osh onvtuyula hoke, achi tok.

CHAPTA IV.

Chisvs vt Samalia ohoyo ho ai okchaya oka ak o isht im anumpuli hosh 1, 26 ilap ak osh Klaist mak atuk vt il anoli; 28 mihma ohoyo hash ot falamvt tmaha ha ona cha, yummak atuk a okla ha im anoli; 39 mihma okla hash ot na yimmi. 43 Chisvs vt falamvt Kalili a ona tuk osh Kana ak o anta hosh, hatak holitempa ushi vt abeka hosh Kapenavm ak o itonla ka, pit hlakofichi.

1. CHISVS vt nan ithvna vhleha ikbit baptismochi kv, Chan a i shahlich ka, Falisi vhleha hv haklot maya ka, Chitokaka yvt akostininchi hatuk osh,

2. Chisvs vt ilap inli kvto baptismochi keyu ho, amba nan im ai ithvna vhleha hak atuk ak o,

3. Chutea yash issvt Kalili yash inli ho anonti ia tok.

4. Yohmi kv Samalia ya pit hlopullit maya he vlpesa tuk a tok.

5. Atuk osh Chekob vt ushi Chosef a osapa ima tok ia

laia ka bilika, Samalia yakni tumaha Saika hohchifo ho, vla tok.

6. Yohmi ma Chekob i kvli hvt yumma hikia tok; yohmi hatuk o Chisvs vt nowvt ayvt hoyvbli mvt, hvshi kanvlli isht vllpisa ont hannali foka hatuk o, kvli yummak ash yakohmit a bininli tok.

7. Atuk o Samalia ohoyo hvt oka ochit aya hosh yummak ash o vla ma, Chisvs ash ot, Svpeta na ak ishkó, im achi tok.

8. Nan im ai ithvna vhleha hamo ilimpa ehumpvt tumaha ilhkoli tuk a tok.

9. Yohmi ma Chu okla hvt Samalia okla ha nan ai itim ahalala keyu chatuk oka, Katiohmi ho Chu chia hokak osh, vno vt Samalia ohoyo sia ha oka is sum asilhha cho? im achi tok.

10. Chisvs ash ot afalaminchi mvt, Chihowa i na-hvlbena ha, micha kva hosh, Svpeta na ak ishkó; chim achi aiena ka ish ithana hatuk okmvt, ilapo ak o ish im asilhha na yummak okvt oka okchaya yo chipeta he tuk oke, im achi tok.

11. Mihma ohoyo hash ot, A shahli ma! isht ish qcha hi vt nana kia ik chim iksho ho, anonti kvli hvt hofobishke; yohmi ka katimak o oka okchaya yumma ish ai ishi hosh?

12. Chishno ak osh piki Chekob vt ilapo inli, micha im vlla vhleha, mikmvt i wak aienvt ai ishko yatuk vt kvli ha pima tok a ish imaiya hotuma! im achi tok.

13. Chisvs vt afalaminchi mvt, Kva hosh oka ilvppa ishko tukmvt, anonti itukshila he;

14. Amba kva hosh oka ya ipeta la chi yummak o ishko hokvto, nitak nana itukshila he keyu; amba vno ak osh oka ya ipeta la chi hokvno, yummak atuk ma a foyukvt tobonhli na nitak bilia hi oke im achi tok.

15. Ohoyo hash ot, A shahli ma! oka ilvppa is svpeta na ik svtukshilokmvt, anonti ochit aya kvv ilvppak o ak lo kashke, im achi tok.

16. Chisvs ash ot, Ia cha, chi hatak a ont i howvt vlá, im achi tok.

17. Mihma ohoyo hash ot afalaminchi mvt, A hatak vt ikshoshke, achi ma, Chisvs vt, A hatak vt iksho, ish achi kvt, vhpesa ish mihvshke.

18. Hatak vt tahlapi hosh chim asha tuk osh, anonti himonasi a chim asha kvt, chi hatak atuk o keyu hoka, yvmak okvno aighli mak osh ish mihvshke, im achi tok.

19. Ohoyo hash ot, A shahli ma! hopaii chia hatuk o chi akostininchi lishke.

20. Pin tikba vhleha hvt nvni ilvppak o asht Chihowa pit aiokpahanchi tok: a tok ak o hvchishno vto Chelusalem a asht hatak puta kvt Chihowa pit aiokpahancha he vhpesa hatuk a ish mihvshke, im achi tok.

21. Mihma Chisvs ash ot, Ohoyo chia mvt is sa yim-mashke; nvni ilvppa, micha Chelusalem aiena kak kia mayvt Iki a pit hvsh aiokpvcha he keyu ka hi a hvshi kanvli vhpisa hvt mihinti hoke.

22. Hvchishno vto yvmak o hvsh ahni keyu hosh pit hvsh aiokpvchishke; isht-ai-okchaya hi vt Chu okla immi hoka, pishno vto nana ho pit il aiokpvchi hokvt il ithana hoke.

23. Yohmi kia Chihowa pit aiokpvchi aighli vhleha hvt shilombish, mikmvt aighli aiena mak o isht aiokpahancha hi a, hvshi kanvli at vhpisa hvt mihinti ho, anonti himonasi a vla hoke: ymma chohmi hosh ilapa aiokpvcha he ak o Iki vt hoyo hoka.

24. Chihowa yvt Shilombish oke: yohmi ka kva hosh ymma pit aiokpvchi hokvt shilombish, mikmvt aighli aiena mak o isht aiokpvchi pullashke, im achi tok.

25. Ohoyo hash ot, Messias, Klaist hohchifo kvt, vla hi a ithana lishke, yvmvt vla hok mak osh, nana moma ka pim anola hi oke, im achi tok.

26. Chisvs ash osh, Vno vt chim anumpohonli li kak osh mihi yo sia hoke, im achi tok.

27. Mihma nan im ai ithva vhleha hash ot ilvppa atak-lama ma ai vla cha, yvmvt ohoyo ha it im anumpuli tuk a, okla anukhlakanacha tok: yohmi kvt hatak achvfa kia. Nanta ho ish hoyo hosh? Katiohmi ho ymma ish it im anumpuli cho? achi kia iksho ki tok,

28. Yohmi ma ohoyo hash ot isht-ochi ash talali cha, irt tumaha ont chukowa mvt, hatak puta kash,
29. Yakeh! hatak vt nana ho a kaniohmi li tok a mominchit vm anoli ka ant ho pesá, ilvppvt Klaist mak o keyu ho? achi tok.
30. Mihma tumaha hash a kohchvt irt, yvmmak ash okla im ai ona tok.
31. Yohmi takla ma nan im ai ithvna vhleha hash ot, Pi shahli ma! impá, achit im asilhha tok.
32. Yohmi kia, Ilhpak vpa la chi kvv vm asha yvmmak oka hvch ik akostininchoshke.
33. Yohmi hatuk o nan-ithvna vhleha hash ot, Upa chi ka hatak nana kia isht im vla tuk atuk o? it im achit maya tok.
34. Chisvs ash ot, Auet sa kanchi tok nan ahni kak o a yvmohmi, micha i na-toksvli atahli aiena kak osh vm ilhpak oke.
35. Na-hoyo ai vhlpesa chi ka hvshi ushtvt asha moma, hvsh achi keyu ho? yakeh! oh vba chakali cha, osapa puta kvv himonasi ak kia a hoyá he ai ona kvv tohmibi ka ho pesá, hvchim achi lishke.
36. Na-hokchi, micha nan vmo ita-tuklo kvv itibai yukpa chi ka, nan vmo yash ot vltoba ha ishi hosh ai okchayvt bilia na-wayá ya hoyo hoke.
37. Yohmi ka achvvtv hokchi okma, anonti achvfa hosh vmo, achi tok a yvmvvt aighlishke,
38. Hvchishno vt hvsh a toksaiyali tok keyu kvv hvsh ai vma chi ka, pit hvchi tihleli li tuk: hatak inla yosh toksvli tuk o, im a toksvli yash pit hvsh chukowa tuk oke, im achi tok.
39. Mihma ohoyo hvv nana vltokowa ka anolit, Nana ho a kaniohmi li tok a mominchit vm anolishke, achi ka Samalia okla tumaha asha tuk vt lavv yvmmak ash isht ai i yimmi tok.
40. Yohmi hatuk osh Samalia okla hvv yvmmak ash im ai vla mvt, takla anta hinla ka im asilhha tok; mihma yvma anta na nitak tuklo tok.

41. Mihma ilap fehna akinli im anumpa hatuk o himakma yimmi ket laua tok.

42. Mihmt ohoyo hash o, Himak ano pi yimmishke, chishno ak osh nan ish anoli kak o keyu; pishno akinli hosh il ai i haponaklo cha, ilvppak osh Klaist, yakni okchalinchi mak atuk pulla ka il akostininchishke, im achi tok.

43. Nitak tuklo ont vbanvpa ma yvmmak ash kohchvt ia mvt, Kalili a ona tok.

44. Chisvs akinli ket hopai vt ilap i yakni akinli ka a holitopa hi vt ik im iksho ka, vltokowa anoli tok.

45. Micha Kalili ash vla ma, Kalili okla hvt yvmmak kia impa holitopa ya itvnova hatuk osh, impa holitopa isht asha yvmmt Chelusalem a nana puta ka a yvmihchi tuk mo minchit pisa tuk okvt, yvmmak ash o okla aiokpvchi tok.

46. Yohmi hatuk o Chisvs ash ot Kalili yakni Kana yvm-mak o oka ya okapaki ai ikbi tok ash ot, anonti ona tok. Mihma hatak holitopa achefa hosh ushi vt abeka ket Ka-penavm a itonla tok.

47. Atuk osh, Chisvs vt Chutea ya a kohchvt ayvt Kalili vla ka, haklo mvt, yvmmak ash im ona cha, ushi vt illa hosi hatuk o, ivt ont hlakofich hinla ka, im asilhha tok.

48. Yohmi ma Chisvs ash ot, Nan isht atokowa, micha na-fehna aiena ho hvsh pisa ho keyukmvt, hvchi yimma ha keyushke, im achi tok.

49. Mihma hatak holitopa hash osh, A shahli ma! vnm vlla vt ik inlo takla ish onashke, im achi tok.

50. Mihma Chisvs ash ot, Chiso hvt okchaya hoke; ish iashke, im achi tok. Mihma hatak ash ot, Chisvs vt im anumpuli ka anumpa ha yimmi cha, ia tok.

51. Atuk osh ia hosh aya ma, nan isht im asha vhleba hvt afama cha, Chiso hvt okchayvshke; achit im anoli tok.

52. Mihma hvshi kanvlli vlpisa yvt kaniohmi kak o pit nuktanvt isht ia tuk a im a ponaklo tok. Mihma, Pila-shash hvshi kanvlli vlpisa ont isht untuklo kak o yvna hvt shipa tuk, im achi tok.

53. Yohmi ma iki ash ot, Chisvs vt, Chiso hvt okchaya hoke, im achi tuk hvshi kanvlli vlpisa vt yvmmak fehna

akinli tuk a ithana tok; mieha ilapo fehna, mikmvt in chuka chvfa yvt a momvt yimmi tok.

54. Chisvs vt Chutea ya a kohchvt ayvt Kalili a vlt, anonti na-fehna ka ai yimihchi kvt ilppvt ont atukla ha tok oke.

CHAPTA V.

Chisvs vt Chelusalem a ona tuk osh, nitak hullo nitak o Behlesta oka talaja ho hatak vt abeka tok a afvmmi pokoli tuchina akocha untuchina tuk a a hlakofichi, 1. 10 Chu vhleha hvt, Chisvs vt nitak hullo yo na hlakofichi hatuk o, vbi bvna ma; 17 Chisvs ash osh ilapvt Chihowa ya Ushi yatuk okvt yvmmak oka yvmihcha he im ai vhpesa-hosh yvmihchi tuk vt anoli. 32 Chisvs vt ilapvt Chihowa Ushi pulla hatuk a, Chan vt atokolit anoli ma, 36 atukla ma ilapo inli kvt nana kvt a fehna kia yvmihchini ka isht otrni; 39 Baibil vt yvmma atokolit anoli akinli hoke.

1. ILUPPUT ai yakohmi ha ya, Chu okla impa holitopa hvt asha tok: mihma Chisvs vt Chelusalem a ia tok.

2. Yohmi ka Chelusalem a chukvrlhpoba a kanchi i bilika yvmmak o ai-yupi vt Heblu hohehifo hosh Behlesta yosh i hoshontika tahlapi hosh talaya hoke.

3. Yakohmi ka hatak iksitopo, ik hoponayo, imomokpulo, nipi vt ikshot kvnia puta aiena kvt laua fehna hosh oka piakvcha chi ka, im aiehchi hosh kahvt maya tok.

4. Enchil vt kaniohmikma ayvt, ai yupi ash oka ont piachichi hatuk o; yohmikma kvna hosh oka vt piakvchikma, tikba pit okvtulakmvt, abeka nana ho isht abeka hatuk kia hlakofi beka tok.

5. Yohmi ho hatak achvfa kvt iksitopo ik nowo tok a afvmmi pokoli tuchina akocha untuchina hosh yvmma itonla tok.

6. Yvmmak ash ot itonla na Chisvs vt pisa mvt, ai yvmohmi tok vt hopaki fehvt taha ka ithana hatuk osh, yvmmak ash o, Chi hlakofa hi a ish ahni cho? im achi tok.

7. Mihma hatak iksitopo ik nowo yash ot afalamini mvt, A shahli ma! hatak nana kia oka yvt piakvchikma, ai-yupi a pit si okvcha hi vt ik sum ikshoshke; yohmi hatuk o maya

li taklakma, inla yosh sa tikba okvtula beka hoke, im achi tok.

8. Chisvs ash ot, Tanit, chi potvlhpo ya ishi cha, nowá, im achi tok.

9. Yohmi ma ashalika fehna hatak ash ot hlakofi cha, i potvlhpo ash ishi mvt, nowa tok; mihma nitak yumma fehna kvt nitak hullo ya tok.

10. Yohmi hatuk o Chu okla hvt na hlakofi tuk yummak ash o, Nitak hullo yoke; chi potvlhpo a isht ish aya he ai vlhpesa keyu hoke, im achi tok.

11. Mihma yummak ash osh afalaminechi mvt, Na sa hlakofichi yummak osh, Chi potvlhpo ya ishi cha, nowá, im achi tuk oke, im achi tok.

12. Mihma yummvt, Hatak nanta hosh, Chi potvlhpo ya ishi cha, nowá, chim achi tuk oh cho? achit okla im asilhhvchi tok.

13. Yohmi ma okla laua yvt yumma asha hatuk o, Chisvs vt lumvt a kenia tuk atuk a, na hlakofi tuk ash ot kva ak atuk a ik ithano ki tok.

14. I himmakma Chisvs vt yummak ash o tempel angka-ka ya a pisa mvt, Yakeh! chi hlakofi hokvt, nan okpulo i shahli kvt ik chi onvtulo ka chi kvt, himmak mvno ik chi yoshubo kashke, im achi tok.

15. Mihma hatak ash at kohchvt ia mvt, hlakofichi tuk vt Chisvs ak atuk a, Chu okla ha ont im anoli tok.

16. Yohmi hatuk o Chu okla hash osh, Chisvs vt nitak hullo nitak o yumma yvmihchi tuk o, yummak ash i nukkil- lit vbi bvnvt maya tok.

17. Yohmi kia Chisvs vt, Aki vt toksahanli na himak a kak o, vno vt toksvli li hoke.

18. Yohmi ka yummvt nitak hullo ya kobvfi kak o illa keyu, amba Chihowa yak osh Iki yo mihvt, Chihowa ya ilapinli kvt itilau i ho isht il ilapissa aiena hatuk o, Chu okla hvt yummak ash vbi bvnna kvt i shahlich i tok.

19. Mihma Chisvs ash osh afalaminechi mvt, Ahlishke, ahli mak o hvchim achi lishke; Ushi yvt ilapo inli hokvto nana kaniohma he keyu, amba nana ho Iki vt yvmihchi ho,

pisa tuk mak oh chatuk oke; nana ho yvmmak osh a yohmik mak o. Ushi yak kia yvmmak o ai yohmi akinli hoke.

20. Iki vt Ushi a i hullo hatuk osh, ilapvt nana ho a kaniohmi kvt mominchit yvmma im otvninchi chatuk; yohmi kvt hvchi nukhlakancha chi ka, nana kvt ilvppa i shahli fehna ka im otvnincha hi oke.

21. Iki vt illi a tanichit okchalinechi chatuk a, Ushi vt yvmmak inli ho chohmit kvna ho ilap ahni hosh okchalinechi hoke.

22, 23. Iki vt hatak kvna kia nana ka im apesa keyu hoka; amba hatak vt momvt Ushi a holitobli kvt, Iki a holitobli kak inli hosh ai itilauecha chi ka, nan-vlh-pisa he puta ka mominchit Ushi ak o im issa hoke. Kvna hosh Ushi yash ik holitoblokmvt, yvmma auet kanchi tuk Iki ash ik holitoblo hoke.

24. Ahlishke, ahli mak o hvchim achi lishke; Kvna hosh vm anumpa ha haklo cha, auet sa kanchi tok a pit i yimmi hokvto, ai-okchayvt bilia ya ahayuchi; mikmvt isht ai ilbvsha he anumpa hvk ik onvtulo ka hi oke: amba ai-illi ha a kohchvt ai-okchaya yo ona hoke.

25. Ahlishke, ahli mak o hvchim achi lishke; Illi yvt Chihowa Ushi im anumpa ha hakla he hvshi kanvlli ai vlhpisa kvt mihintit, himonasi ak kia vlvshke; yohmi ka haklo hokvto, yvmmvvt okchaya he mak oke.

26. Iki vt ilapvt kaniohmit ai-okchaya ya ilap inli il ai ishi hokvt, yvmmak inli ho chohmit Ushi vt ilap inli il ai isha chi ka, im apesa hoke:

27. Micha yvmmak okvt Hatak Ushi atuk oka, nan apesvt ahanta he isht ai vlhpesa ka im apesa hatuk oke.

28. Hvshi kanvlli ai vlhpisa kvt mihinti yvmmak okvno a-hollopi ya vlbehvt maya kvt, momvt yvmma im anumpa ha haklo cha, kocha wiha he;

29. Kvna hosh ai vlhpiesa ho yvmohmi tok okvto okchaya chi mak osh tana he; anonti kvna hosh aivlhpesa keyu ho yvmohmi tok okvto, nan isht ai i palvmma chi mak osh tana hi oka, ilvppa hvch ik anukhlakancho kashke.

30. U'no akinli hokvto nana ho kaniohmi la he keyu; na-

na ka haklo lik mak osh apesa li; yohmi kv̄t vno v̄m anuk-fila h̄o hoyo li keyu, amba Aki auet sa kanchi tok im anuk-fila ak oka, nan apesa li kv̄t ai v̄lhpiesa hoke.

31. Vno akinli hosh nan il atokolit anoli li hokmvno, nan il atokolit anoli li kv̄t ik āhlo hoke.

32. Na si atokowa anoli kv̄t inla hosh asha kv̄t, yvmmv̄t nan atokowa isht si anoli ka nan v̄lhtokowa aiahli mak oka ithana lishke.

33. Chan a nan i ponakla ch̄i ka, pit hvsh tibleli ma, yvmmak ash ot aiahli ka atokolit anoli tok.

34. Yohmi kia hatak osh nan atokowa anoli h̄o, hoyo li keyu hoke; yohmi kia hvchishno yak osh a hvchi okchaya ch̄i kak o, ilvppa puta ka achi li hoke.

35. Yvmmak okvt p̄la lua yosh shohmalalit tohwikeli ya tok: yohmi ma hvshi kanv̄lli v̄lhpisa achvfa kv̄no in tohwi-kinli ka nan isht il aiyukpa ka hvsh ahni tok.

36. Yohmi kia nan atokowa si anoli kv̄t Chan a i shahli-chi kv̄t asha hoke; na toksv̄li atahli la hi o Aki vt v̄m apesa tok o, na toksv̄li h̄o isht ahanta li ka yvmmak osh, Aki vt auet sa kanchi tok o mv̄hli ka, atokowa si anohonli hoke.

37. Mihma Aki vt auet sa kanchi tok vt, ilapvt ai atokowa ka si anohonli tok. Nitak kaniohmi kash o yvmma im anump̄a ha hvsh im antia tok keyu mv̄t, anonti kaniohmit otaiyani ka hvsh pisa tok keyushke.

38. Mihma im anumpa hv̄t hvchi anukfoka keyu hoke: auet sa kanchi tok ash yvmma hvsh i yimmi keyu hoke.

39. Holisso Holitopa ya achukmalit asilhhit ho pih̄is̄a: yvmmak o ai okchaya yvt a hvchin takali ka hvchim ahoba hatuk okvt, micha yvmmak osh ai-atokowa ka si anohonli mak oke.

40. Yohmi ka v̄m v̄lvt ai-okchaya ya hvsh pisa hi vt hvch ik ahno kv̄mohmishke.

41. Hatak o ai im a holitopa hi ano ahni li keyushke.

42. Yohmi kia Chihowa holitobli kv̄t hvchi anukfoka keyu ka, hvch ithana lishke.

43. Vno vt Aki i hoehifo h̄o aya li ma, hvch ik si ahni-

choshke; inla yosh ilap i hohchifo akinli ho aya hokmuno, yummak o hvsh ahnicha hinlvshke.

44. Ilap bika ai it im aholitopa yak o hvsh aiahni cha, Chihowa ak illa ai im a holitopa hi ano hvsh ahni keyu kv, katiohmi kak osh hvchi yimma hinla cho?

45. Anumpa hvchi onochit Aki a im anoli la hinla ka, ik hvchim ahobo kashke; amba hvsh anukchieto tuk Moses ak osh anumpa hvchi onochi hoke.

46. Moses a hvsh i yimmi tok okmvt, vno a hvs sa yimma he tuk oke; yummvt vno ak o isht a sa holissochi tok oka.

47. Amba yummvt holissohunchi tok a ik hvchi yimmo hokmvt, katiohmit vm anumpa hak o hvchi yimma hinla cho? im achi tok.

CHAPTA VI.

Chisvs vt pvska lumbo tahlapi, micha nuni tuklo aiena tuk a batah tahlepa sipokni tahlapi ka impchi, 1. 14 Nan-ithvna vhleha ash ot okhvtta ilhkoli tuk osh, mahli okpulo itafama; yohmi tuk kia okhvtta paknaka ya a nowvt maya hosh Chisvs vt ona. 27 Hatak vt imi shilombish ak o ilhpak im atahli bunnvt maya hi a i miha mvt, 32 ilap ak osh ai okchaya pvska mak atuk vt miha. 65 Laua hosh ik im vlpeso mvt, issvt i filvmmi; 66 Pita yvt anah tuklo nan im anukfila ka anoli hosh, Chisvs vt Chihowa ak o Ushi pulla ka yimmi ka anoli.

1. NANA kv ai yakohmi ha ya, Chisvs ash ot Kalili okhvtta, yummvt Tibelias okhvtta ho pit tanvli tok.

2. Mihma abeka puta hatuk a nana ka ai i yvmihchit anta na pisa tuk ak osh okla laua fehnvt pit iakaiya tok.

3. Yohmi ma Chisvs vt nvnih chaha yo pit oiya cha, yummak o nan im ai ithvna vhleha hash pehlinchit binili tok.

4. Mihma vbanvblit ont-ia Chu okla im impa holitopa yvt ai ona hosi tok.

5. Yohmi ma Chisvs ash ot vba chakalit, okla laua fehna

hosh im ai vla na pisa mvt, Filip ash o, Katima ko pus-
ka ya il a chumpa na okla ilppvt impa chi cho? im achi
tok.

6. Ilapvt nana a kaniohma hinla hokvto ithana hatuk osh,
yvmmak o imomaka pisa hosh ilppa achi tok.

7. Mihma Filip ash ot afalaminechi mvt, Pvska yvt iskeli
tahlpa tuklo vltoba mak osh, momvt isketinosi aiyuka ho
isha hinla kia, vlpesa he keyushke, achi tok.

8. Nan im ai ithvna achvvt, Antilu, Saimon Pita itiba-
pishi hash osh,

9. Ulla himita yvt bali palvska tahlapi, micha nuni chi-
punta tuklo aiena ho ishi kv ilppa ashvshke; yohmi mak
osh laua fehna hoka, na katihma heto, im achi tok.

10. Mihma Chisvs ash ot, Okla ha ho binolichi, achi tok.
Yumma hvshuk vt asha fehna tok. Yohmi hatuk o hatak
holhtina kv tahlpa sipokni tahlapi foka hosh aka binohli
tok.

11. Mihma Chisvs vt puska yash ishi cha, vba pit aiok-
pvchi mvt, nan im ai ithvna vhleha ha ima ma, nan im ai
ithvna vhleha hash ot aka binohli tuk ash ima tok: mihmvt
nuni mvt kaniohmi ho okla bvna hinla tuk a yvmmak atuk
ash inli ho okla chohmichi tok.

12. Mihma okla hash ot kaiyvt taha ma, nan im ai ithvna
vhleha hash o, Boshulli vt atampvt asha ka oh itahobi, na-
nasi kia ik kvnio kashke, im achi tok.

13. Yohmi na yvmmak ash ot bali palvska tahlapi ka
okla ai vpa ma im atampa tuk boshulli asha ka, aiowvt ita-
hobi mvt, kishi auah tuklo ka okla alotoli tok.

14. Yohmi ma Chisvs vt na-fehna ho yvmihchi na okla
pisa mvt, Ilppak osh hopai yakni ilppa vla he tuk mak o
pulla mvhlishke, achi tok.

15. Yohmi hatuk osh okla mintit iti halvllit ishit, miko
ikba hinla ka, Chisvs vt akostininechi mvt, filvmmitt ilap bieka
hosh nvni chaha yo anonti ia tok.

16. Atuk o opivt taha ma, nan im ai ithvna vhleha hash
ot pit okvtahvt okvta ho ona tok.

17. Michi peni ont vlbheha mvt, Kapenavm imma ia hosh

okhvta ha asht aya tok. Atuk o ont okhlilit taiyaha ka, Chisvs ash ot ik im ayo kisha tok.

18. Mihma mahli chito yosh mahli hatuk o, okhvta hash ot poakahanchi tok.

19. Yohmi hatuk o peni ash okla mofi kv, kowi tuchi-nakmá, keyukmvt ushtakmá, nana foka hō ona mvt, Chisvs vt okhvta paknaka a nohwa hosh peni ash i bilika ona na okla pisa tok; yohmi mvt okla nukshopa tok.

20. Yohmi kia yvmmak ash ot, Hvchi nukshopa ná, vno sia hash oke.

21. Mihma okla na yukpa fehnvt yvmmak ash o peni ash ik chukowá, okla im ahni tok; atuk o peni ash ot chekosi fehna okla ai ona he tuk ash yakni a ont ataiya tok.

22. Ont onna ma okla okhvta mish tnnvp hiohmaya kv, peni inla mvt ymma iksho hō, achvfa yvmmak illa tuk o nan im ai ithvna vhleha hv vlbeha tuk; yohmi ka Chisvs vt nan im ai ithvna vhleha hā takla peni ont ik chukowo hō, amba nan im ai ithvna vhleha ak bano hosh ilhkoli tuk a, pisa mvt;

23. Yohmi kia Chitokaka yvt pvška vba pit ai isht aiok-puchi na okla ai impa tuk a pit bilika Tibelias a a minti kv peni inla kanohmi hosh vla tok.

24. Yohmi hatuk a Chisvs, micha nan im ai ithvna vhleha aiena kash ot yvmmak ash iksho hō okla akostinichi mvt, yvmmak kia peni inla kanohmi kash vlbeha cha, Chisvs a hoyot, itenowvt Kapenavm a okla ai vla tok.

25. Mihmvt okhvta hā mish in tnnvp o anta na okla ont pisa mvt, Pi shahli ma! katiohmi kash o ilvppa ish la tuk oh cho? im achi tok.

26. Chisvs vt afalaminchi mvt, Ahlishke, ahli mak o hv-chim achi lishke; Nana a fehna puta ka yvmihchi li hō hvs sa pisa tuk ak osh hvs sa hoyo kak keyu, amba pvška ya hvsh pvt, hvchi kaiya tuk ak oke.

27. Ilhpak vt okpula hi okvno ahnit hvch ik toksalo kashke; amba ilhpak vt ik taho hosh ai-okchayvt bilia ya ona hinla, ymma Hatak Ushi vt hvch ima he yvmmak ash-

ke: yummak o Iki Chihowa yet ai atokolit ai im aiahlich
hatuk oke, im achi tok.

28. Yohmi ma okla afalaminchi mvt, Nanta ak o e kati-
ohmi hosh Chihowa i na toksli ha e toksla hinla cho? im
achi tok.

29. Chisvs vt afalaminchi mvt, Auet sa kanchi tok ym-
mak o hvch i yimmi ilvppak osh Chihowa i na toksli mak
oke, im achi tok.

30. Yohmi hatuk o okla hash ot, E pisa cha, e chi yimma
chi kno, na-fehna nanta ho ish yvmihchi ho? nanta hak o
isht ish ahanta cho?

31. Pin tikba vheha hvt chukushmi foka ya manna yo
ai ahampa tok; okla vpa chi ka pska vba minti ho ipeta
tok, achi kvt holisso tok oke, im achi tok.

32. Yohmi ma Chisvs ash ot, Ahlishke, ahli mak o hv-
chim achi lishke, Pska vba minti yumma Moses ak osh
hvch ipeta ha tok keyu; yohmi kia Aki ak osh pska aiahli
vba minti ka hvch ipeta hoke.

33. Vba mintit vla cha, yakni a ai-okchaya ihima kak
osh, yummvt Chihowa i pska mak oke, im achi tok.

34. Yohmi ma, Chitokaka ma! Pska ilvppak o ish pipi-
hinta na biliashke, im achi tok.

35. Mihma Chisvs ash ot, Vno ak osh ai-okchaya pska
ya sia mak oke: kna hosh vno ak o vm vla hokvt nitak
nana hohchefa he keyu; miha kna hosh vno a a yimmi
hokvt nitak nana itukshila he keyu hoke.

36. Yohmi kia hvchishno vto hvs sa pisa kvt ik hvchi
yimmo ka, hvchim anoli li tuk oke.

37. Aki vt vma hokvno momvt vm vla li oke; mikma
kna hosh vm vla hokvno, ik kaniohmi kia falaminchit kocha
pit tobli la he keyu hoke.

38. Vba ya mintit vla li kvt, vno akinli nana vm anukfila
tok nan im anukfila ha he tok.

39. Yohmi kvt auet sa kanchi tok Aki vt vma tok moyu-
ma ka achefa kia ik sa kno hosh, amba nitak ont ishtaiyo-
pikma falaminchit tanichi la he ilvppak o im anukfila hoke.

40. Micha Ushi a pisa cha, yvmmak ash i yimmi hokvto, momvt ai-okchayvt bilia ya pisa he, ilvppak o auct sa kanchi tok vt aiahni hoke; yohmi ka nitak ont ishtaiyopikma yvmmak ash o falaminchit tanichi la hi oke.
41. Yvmmtv, Uno ak osh pska vba minti tok mak o sia hoke, achi hatuk o, Chu okla hash ot yvmmak ash o lumasiit na-mihachit maya tok.
42. Mihmtv, Ilvppvt Chisvs, Chosef a Ushi yoh chokvsh keyu? mikma iki, micha ishki aiena ka iloh ithana keya ho? yohmi hokak osh katiahmi ho vba mintit vla li tok, achi cho? achi tok.
43. Yohmi hatuk o Chisvs vt afalaminchi mvt, Lumasiit nan itiba mihvt hvch ik mayo kashke.
44. Hatak nana kia vm vla he keyv, amba auct sa kanchi tok Aki ak osh halvli hok mak a hi oke: mikma nitak ont ishtaiyopikma falaminchit tanichi la hi oke.
45. Mihmtv momvt Chihowa yak o nan im ai ithvna he, achi kvv hopaii puta i holisso ha a holisso tok. Yohmi hatuk o hatak vt Aki a im a haponaklot, nana ka im ai ithvna aiyuka hokvto, vm ahanla hoke.
46. Hatak nana hosh Aki ak o pisa chatuk o keyu; Chihowa yak o a minti tok ak bano yvmmvto Aki a pisa chatuk oke.
47. Ahlishke, ahli mak o hvch im achi lishke, Kvna kia a yimmi hokvto ai-okchayvt bilia ya pisa hoke.
48. Uno ak osh ai-okchaya pska sia mak oke.
49. Hvchin tikba vhlcha hvv chukushmi foka ya manna ai ahampa tok vt illi tok.
50. Pska ilvppak o hatak vt ai vpa cha, ik illo ka hi o, vba ya mintit vla tok mak oke.
51. Uno ak osh pska okchaya vba minti tok a sia mak oke; hatak nana hosh pska ilvppa vpa hokmvt, okchaya na bilia he; yohmikma pska ipeta la he, yvmmtv vno sa nipi yakni vt ai okchaya hi o, isht atobbi la chi kak oke, im achi tok.
52. Yohmi hatuk o Chu okla hash ot, Hatak ilvppvt

katiohmi kak osh ilap nipi ya pipeta na e pa hinla ho?
achit itachowvt maya tok.

53. Mihma Chisvs vt, Ahlishke, ahli mak o hvchim achi
lishke; Hatak Ushi nipi ya vpt, im issish ma hvsh ishko
keyu hokmvt, ai okchaya hi vt hvchi anukfoka keyu hoke.

54. Kvna hosh sa nipi a vpa cha, svssish ma ishko ho-
kvto, ai-okchayvt bilia ya pisa hoke; atukma nitak ont
ishtaiyopikma falaminchit tanichi la hi oke.

55. Sa nipi vt ilhpak o fehnakma, svssish a ishka hi o
fehna hoke.

56. Kvna hosh sa nipi a vpa cha, svssish ma ishko hokvt,
vno a a subai achafakma, anonti vno mvt ilapa ai ibachafa
li hoke.

57. Aki okchaya yvt vno a auct sa kanchi tok o, Aki ak
o vno vt ai okchaya li hatuk a, kvna hosh vno a vpa hokvt,
yvmak inli ho chohmit vno ak o si ai okchaya hi oke.

58. Ilppak osh pvsa vba minti tok mak oke; hvchin
tikba vhleha hvt manna ya vpa tuk osh anonti illi tok a
a chohmi ho keyu; kvna hosh pvsa ilppa vpa hoketo
okchayvt bilia he mak oke, im ahanchi tok.

59. Kapenavm a nan ai ithvnanchit ahanta mak osh sina-
kak anukaka ya ilppa puta ka ai ahanchi tok.

60. Yohmi hatuk o nan im ai ithvna vhleha hvt ilppa
haklot in taha mvt, lava kv, Ilppvt anumpa kvlo feh-
nvshke, kvta hosh haponakla hinla cho? achi tok.

61. Nan im ai ithvna vhleha hvt yvma lumasit nan isht
a miha ka, Chisvs vt ilapo inlit akostininchi mvt, Ilppvt
hvchi ibetvblichi hoh cho?

62. Yohmi kvto Hatak Ushi vt tikba ma ai vta tok vba
ya ia na hvsh pisa hok mto?

63. Okchalnchi vt shilombish ak oke; yohmikma nipi
vto nana ho isht ai vlpesa keyu hoke; anumpa hvchin
anumpuli li yvmak osh shilombish okmvt, anonti isht ai-
okchaya yoke.

64. Yohmi ka hvsh katiohmi mvt ik yimmo kv hvsh
ashvshke, im achi tok. Ummonvt isht auchinchi kak inli
ho kvna hak osh ik yimmo ka he, mikma kvna hak osh

ilapa ishit inla ibbak fohka he aiena ka Chisvs vt ithana tuk a tok.

65. Mihmvt, Yohmi hatuk o Aki ak osh anukfohkichi ho keyukma, hatak nana hosh vm vla he keyu hoke, hvchim achi li kvno, achi tok.

66. Yvmmak fehna kak o nan im ai ithvna vhleha hvt laurt filamovt taha mvt, i himmak ma apehvt ik itvnowo ki tok.

67. Yohmi ma Chisvs ash ot auah-tuklo kash o, Hvchishno ak kia filvmmmit aya hi a hvchim anukfila cho? im achi tok.

68. Mihma Saimon Pita yvt afalaminchu mvt, Kvta hak o il im ia hinla cho? chishno ak osh ai okchayvt bilia isht anumpa ha ish ieshishke.

69. Micha chishno ak osh Chihowa okchaya Ushi, Klaist mak o chia pulla ka il ithanvt, pi yimmi fehna hoke, im achi tok.

70. Chisvs ash ot, Auah-tuklo ho hvchi atokoli li tok o, hvsh achvfona kvv nan-isht-ahullo okpulo yo chia keyu? im achi tok.

71. Yvmmak osh auah-tuklo ka ai iba chvfa yatuk osh, yvmmak ash ishit inla ibbak fohka chi ha tok oka Saimon, ushi Chutas Iskaliot ak o isht anumpuli ha tok oke.

CHAPTA VII.

Chisvs vt luma chohmi hosh ayvt Chelusalem a ona ma, Chu vhleha hvt yvmmak ash pisa bvnvt aiasha mvt, nan isht anukfilli kvv im ilaiyukvt aiasha, 1. 14 Chisvs vt tempel a ont chukowa cha, nan ithvnanchit ahanta. 37 Hatak vt itukshila hoketo, ilap ak o im ai onvt nan ishka hi a, ahnit Chisvs vt hoyo.

1. NANA kvv ai yakohmi ha ya, Chisvs vt Kalili yakni ak o ahanta tok: Chu okla hash osh yvmmak ash vbi ka bvnvt maya hatuk o, Chu i yakni yokvno ahanta he ik ahno ha tok.

2. Mihma Chu okla chishako vltipo nuta ai impa holi-topa yoh chatuk nitak vt a tikeli tok.

3. Yohmi hatuk *o* *i* kanomi vhleha hvt yvmmak ash *o*, Ilvppa issvt ivt, Chutea yakni yak *o* ish ona na nan chim ai ithvna vhleha hak kia na-fehna puta ish ai yvmihchi ka pisashke.

4. Ilapo vt otvni achukmvt annoa hi *a* ahni hokvt, hatak vt ai alumaka *ho* nana ka yvmihchi chatuk vt iksho hoke. Ilvppak oka a chi yvmohmi mvhli chatuk okmvt, yakni *a* ish il ai im otvninchashke, okla im achi tok.

5. *I* kanomi vhleha hak kia ik *i* yimmo hatuk osh.

6. Mihma Chisvs ash ot, Uno vt ia la he ai vlhpiesa kvt ik ai ono kisha hoke; amba hvchishno vto hvsh ia hi vt hvchim vlhpiesa bieka hoke.

7. Yakni vt hvchishno yokvno hvchi nukkilli *he* keyu: amba vno vto yvmma nana a kaniohmi kvt ai vlhpiesa keyu ka atokolit anoli li hatuk *o*, vno yokvno *a* nukkilli hoke.

8. Ai-impa holitopa asha ilvppa hvsh iashke; vno yovkvt ai vlhpesa kvt ai ona fehna keyu kisha hoka, ai-impa holitopa asha ilvppa himonasi kvno ia la chi keyu hoke, im achi tok.

9. Anumpa ilvppa puta ka im ahanchit in taha mvt, Kalili yakni akinli *ho* anta tok.

10. Yohmi tuk kia *i* kanomi vhleha hash ot ivt taha tuk *o*, ilap ash kia ile haiakvchi fehna keyu, amba luma chohmit ayvt, ai-impa holitopa asha kash ona tok.

11. Yohmi ma Chu okla hvt yvmmak ash ai-impa holitopa asha ka hoyot, Mih mvt katima yak *o* hikia cho? achi tok.

12. Mihmvt kanimi kvt, Yvmmvvt hatak achukma hoke, achi ma, inlaka yokvto, Keyu, amba okla *ha* haksiechi yoke, achi hatuk *o* yvmmak ash lumasit isht anumpulit, ilap bika itachowa fehmvt maya tok.

13. Yohmi kia Chu okla *ha* *i* nukshopa hatuk osh, hatak nana kia haiakvchit yvmma isht anumpuli kvt iksho ki tok.

14. Atuk *o* ai-impa holitopa asha ka iklenmvt taha foka

ma, Chisvs ash ot tempel a pit chukowa cha, nana ithv-nanchi tok.

15. Mihma Chu okla hvt nukhlakancha cha, Hatak ilvppvt katiohmi kak osh ithvna tok keyu kvto, holisso ha imponna hoh chishba? achi tok.

16. Chisvs vt afalaminchi mvt, Nan isht ai ithvnanchi li kvv vno vmmi ho keyu, amba auct sa kanchi tok ak o immi hoke.

17. Hatak nana hosh, yvmmvt nana ai ahni tok mak o ahninchit yvmihchi hokmvt, nan-isht-ithvnanchi ka Chiho-wa ak o a minti hokmá, keyukmvt peh vno ahni li hosh anumpuli li hokmá, nana hatuk ma akostininha hi oke.

18. Kvna kia peh ilap ahni hosh anumpuli hokvto ilap isht a holitopa he ak o aiahni chatuk; amba auct kanchi tok vt nan-isht a-holitopa he ak o aiahni hokvto, yvmmak osh aiahli, mikma nana ik ai vhpeso nana kia ai a takali keyu hoke.

19. Moses vt vba-nan-vlhpisa ya hvch ima tok keyu ho? a tok ak o hvchi achvfona kia vba-nan-vlhpisa mvno hvch ik holitobloshke. Nanta katiohmi ho svbi bvnvt hvsh itvno-wa cho?

20. Okla hash ot afalaminchi mvt, Nan-isht-ahullo okpulo yo il ai eshi chia hoka, kvta hosh chibi bvnvt itvnowa hoh cho? okla achi tok.

21. Chisvs vt afalaminchi mvt, Nana achvfa ho ai yvmih-chi li, yvmohmi ma momvt okokko! hvsh ahnishke.

22. Yohmi ka Moses vt hakshup tupa ka hvchim apesa tok. Moses ak osh yvmma tikbanlichu tok keyu, amba in tikba vhleha ak a tok: a tok kia hvchishno vto nitak hullo nitak o hatak hakshup hvsh in taham-blishke.

23. Moses i nan-vlhpisa yut ik kobafu ka chi ka, hatak vt nitak hullo nitak o hakshup in tvptohwa ma, vno vto nitak hullo nitak o hlakofichit kaiyanchi li kak o, hvs sa nukkilli cho?

24. Nana kvv a katiohmi ahoba kak o isht ik hvchim a-

nukfilokashke; amba nana kv̄t isht v̄lhpisa kv̄t ai-v̄lhpiesa mak ǝ isht hv̄chim anukfilashke.

25. Mihma Chelusalem a asha tuk vt kanimi kv̄t, Okla vbi b̄v̄nvt maya beka tuk a ilvppak osh mih mak ǝ keyu?

26. Yohmi kia nukwaya iksho hosh anumpohonli ma, nan ok ik im achoshke. Ilvppak osh Klaist fehna mak ǝ m̄hli kv̄no, hatak pehlich̄i v̄hleha hv̄t akostininchi hoh chishba?

27. Yohmi kia hatak ilvppvto kanima yǝ a minti ka iloh im ithanvshke; amba Klaist ak osh v̄la hokma, kanima yǝ a minti ka hatak nana hosh akostinincha he keyu hoke.

28. Mihma Chisvs vt tempel anukaka ya nana ai ithv̄nan-chi hosh anta tuk ash osh chitolit, V̄no a hv̄s sv̄thana mvt, anonti kanima yǝ a minti li tuk ma hv̄sh ithanvshke; yohmi ka vno akinli ahni li hosh aya li keyu, amba auet sa kanchi tok yvmmak osh aiahli mak atuk ǝ yvmma chik ithanoshke.

29. Amba vno vto yvmmak ǝ a minti li tuk okvt, yvmma ithana li hoke; yvmmak osh auet sa kanchi tok mak oke, achi tok.

30. Mihma okla ishi b̄v̄nna tok; yohmi kia hv̄shi kanv̄lli isht ai im v̄lhpisa kv̄t ik ai ono k̄isha hatuk oka, hatak nana kia ibbak a ik onoch̄o ki tok.

31. Mihma okla lav̄vt yvmmak ash i yimmi mvt, Klaist ak osh v̄la hokmvto, na-fehna puta ka yvmihchi kv̄t, hatak ilvppvt ai yvmihchi tuk puta ka i shahlich̄a hinla ho? okla achi tok.

32. Okla hv̄t lumasiť yakohmichit yvmma isht anumpulit maya ka, Falisi v̄hleha hv̄t haklo tok; micha Falisi v̄hleha, mikmvt na-holitompa isht asha pehlich̄i v̄hleha aiena kash ot yvmmak ash isha ch̄i ka, tishu v̄hleha h̄a pit tihleli tok.

33. Mihma Chisvs ash ot, Chekosi itintakla kak ǝ hv̄chi takla anta li moma ch̄i; atuk mvt anonti auet sa kanchi tok a im ia la ch̄i hoke.

34. Hv̄s sa hoyo kia, hv̄ch ik sa peso ka ch̄i; mikmvt kanima yǝ ai ahanta likma, yvmma hv̄sh ai ona he keyu hoke, im achi tok.

35. Mihma Chu okla hash oshi ilapo b̄ika it im ach̄i, Katima kǝ ia ch̄i hokak ǝ, keho pesa ka ch̄i hoh chishba?

ita-fimimpvt Chentail okla ibvlhkahvt asha hak o im ayvt,
Chentail okla ha nan ithvnancha chi ho?

36. Ilvppak osh anumpa nanta mak o, Hvs sa hoyo kia,
hvch ik sa peso ka chi; mikmvt kanima yo ai ahanta likma,
yymma hvsh ona he keyu hoke, achi tok.

37. Nitak ont ishtaiyopi na holitoblit ai-imp nitak chinto
yymmak fehna Chisvs vt hikia cha, tahpahanla mvt, Hatak
nana hosh itukshila hokmvt, vno ak o vm ai vlt ik ishkó.

38. Kena hosh vno a a yimmikma, yymmak o, Holisso
Holitopa yvt achi hatuk oka, oka okchaya okhina yvt chu-
ksh a a yanvllit a kokoncha chi hoke, achi tok.

39. Yohmi kia ilapa i yimmi vhleha hvt Shilombish a
habena he yymmak o isht anumpuli hosh ilvppa miha tok:
Chisvs vt ont ik a holitopo kisha hatuk o, Shilombish Holi-
topa yvt ik ayo kisha ha tok.

40. Yohmi hatuk o anumpa ilvppa haklo mvt, okla hash
ot laurt, Ilvppak osh hopaii mih mak o fehna ho mvhlshke,
achi tok.

41. Kanimi mvt, Ilvppak osh Klaist mak oke, achi ma,
amba kanimi kvto, Klaist vt Kalili yakni a vttvt a kohchvt
aya hinla ho?

42. Klaist vt Lewi Ushi ai isht atiaka ho, micha Behle-
hem tmaha Lewi vt ai ahanta tok mak o ai vtta alpa hi a,
Holisso Holitopa yvt achi hatuk keyu? achi tok.

43. Yohmi hatuk o yymmak atuk mak o okla hvt isht ai
ita kashapvt maya tok.

44. Mihma kanimi kvv yymmak ash ishi ka ahni tok;
yohmi kia hatak nana hosh ibbak a ik onochó ki tok.

45. Yohmi ma tishu vhleha hash osh na holitompa isht
asha pehlichí vhleha, micha Falisi vhleha aiena kash im ai
ona tok; mihma yymmak ash osh, Nanta katiohmi ho yym-
mak ash isht hvch ik lo cho? im achi tok.

46. Mihma tishu vhleha hash ot, Hatak nana hosh
anumpuli kvv hatak ilvppa chohmi chatuk keyushke, achi
tok.

47. Mihma Falisi vhleha hash ot afalaminchi mvt, Hv-
chishno ak kia hvsh i haksi hotuma?

48. Hatak hochitoka, keyukmvt Falisi vhleha aiena kvt kanimi mvt, ymma i yimmi tuk o?

49. Yohmi ka nan-vlhpisa kia ithana keyu okla ilvppeto nan isht i palvmma he vlhpeshke, achi tok.

50. Nikotemvs, yummvt ninak o ayvt Chisvs a im ona tok ash ot, ymma ai ibachvfa hatuk osh,

51. Nan vlhpisa pin tonla kvt hatak a ai i haponaklot, nana ho a kanihmi hatuk ma ai akostininchi keyu kisha kvt, nan im apesa chatuk oh cho? im achi tok.

52. Mihma okla afalaminchi mvt, Chishno ak kia Kalili hatak chia hatuk o? achukmalit hoyot pisá: hopaii vt Kalili yakni a ai vttvt kohchvt aya hi vt iksho hoka, im achi tok.

53. Yohmi ma hatak ash ot momvt in chuka aiyuka ilhkolit taha tok.

CHAPTA VIII.

Falisi vhleha hvt, ohoyo hosh havi tobtv ahanta na yummak osh nan im apesa chi ho, isht im ona, 1. 12 Chisvs vt ilap ak osh yakni in tohwikeli; yohmi ka yummvt im aiahli ka Iki vt atokolit anoli chatuk aiena ka miha. 30 Chu okla hvt Chisvs a i sanali; yohmi hatuk o ilapvt Eblaham ak okvno isht atiaka ho mvhli akinli kia, nan ai ashvchika yokvno i yuka vhleha; micha nan isht ahullo ok pulo a im vlla vhleha aiena hatuk a, Chisvs vt im otvninchi.

1. CHISVS vt Alif nvni hq ia tok.

2. Atuk osh onna-hinli fehna falamvt tempel ash ant chukowa ma, okla momvt im ai itvnaha tok: mihma aka binilit nan itvnanchi tok.

3. Mihma na-holissochi vhleha, micha Falisi vhleha aiena kvt, ohoyo hvt lumakvt anta tuk o, isht im ona tok; micha ai ikvnna ka okla binilichi mvt,

4. Nan-itvnanchi ma! ohoyo ilvppvt lumakvt anta, ai yakohmi fehnvt haiaka na ishi tuk oke.

5. Yohmi ka Moses vt ilvppa chohmi hokvt teli isht hoo hi o, nan-vlhpisa ya isht a pim apesa tok; yohmi ka chishno vto nantuk ish achi cho? im achi tok.

6. Ilap ak o anumpa onocha hi vt ahnit, imomaka pisa hosh ilappa okla achi tok. Yohmi kia Chisus ash ot ik i haponaklo ho chohmit, aka pit waihaput, ibbak-ushi a yakni a isht ai o holissochi tok.

7. Yohmi ka okla i ponaklo kash ot a moyuma ma, wakaya mut, Kanima hosh ai ashchika ik im iksho kut hvchi takla hikia hokmut, yvmak osh na tikba teli ya isht ik boli, im achi tok.

8. Mihmut anonti aka pit waihaput yakni a ai o holissochi tok.

9. Mihma okla haklo tuk ash ot, ilap chukvsh akinli ka nan isht ai il akostinichi mut, holitopa i shahli tuk ak osh tikba achwa aiyukvt kohchvt ihiya mut, ik a lauwo ke tuk vt momvt ont taiyaha tok; mihma Chisus ak bano hosh hikia ma, ohoyo hash osh ai iklunna ash hikia tok.

10. Chisus ash ot wakaya mut, inla yvt iksho ho, ohoyo ak bano ho pisa mut, Ohoyo chia ma! anumpa chi onochi vhleha mut? hatak nana kia anumpa ik chi onochi ke tuk oh cho? im achi tok.

11. Mihma, Hatak nana kia anumpa ik si onochoshke, Chitokaka ma! achi tok. Mihma Chisus ash ot, Uno ak kia anumpa chi onochi li keyushke, ia cha, himmakma ik chi hakso kashke, im achi tok.

12. Mihmut Chisus ash ot anonti okla ha im anumpuli mut, Uno ak osh yakni im a tohwikeli sia mak oke; kuna hosh vno a siakaiya hokvt, ai okhlilika yo aya he keyu; amba ai okchaya tohwikeli hv in takala he mak oke, im achi tok.

13. Yohmi hatuk o Falisi vhleha hash ot, Nan ish ai atokoli kut chishno akinli hosh ish il ai-anoli hokvt, nan ish ai atokoli ka ahli keyushke, im achi tok.

14. Chisus ash ot afalaminchi mut Atokoli kut vno akinli hosh il ai anoli li akinli kia, nan ai atokoli li ka ahli hoke: vno ak okvto kanima yo a minti li tuk: mikmut kanima yo atia la he aiena kut ithanali hoka; amba hvchishno vto kanima yo a minti li tuk, micha kanima yo atia la he aiena ka hvsh akostinicha he keyushke.

15. Haknip nan isht a kaniohmi chatuk mak o nana hvsh apesvshke; vno vto hatak nana kia nana ak im apesoshke.

16. Yohmi kia nana ka apesa li hokma, nan apesa li ka aiahli hoke; vno ak illa keyu hoka, amba vno vt auet sa kanchi tok Aki a itatuklo li hoke.

17. Hatak tuklo hosh nana atokolit anoli ho aiahli hi a hvchi nan-vlhpisa yak kia a holihiso hoke.

18. Nan isht a si atokowa anoli kvv vno akinli kak osh mihi yo sia hokma, anonti auet sa kanchi tok Aki ak osh nana atokowa ka si anoli hoke.

19. Yohmi ma Katima ko Chiki vto asha hosh? okla im achi tok. Chisvs vt afalaminci mvt, Vno, mikmvt Aki ita tuklo li ka hvch ik pithanoshke; vno a hvs svthana hatuk okmvt, Aki ma hvsh ithana he tuk akinli hoke, im achi tok.

20. Anumpa ilvppa Chisvs vt tempel anykaka ya nana ai ithvnanchi hosh ahantvt, vli holisso abohli yo hikja hosh anumpuli tok: hvshi kanvli isht ai im vlhpisa kvv ik ai ono kisha hatuk o, hatak nana kia ibbak a ik onochi ki tok.

21. Anonti Chisvs ash ot, Kanima ia likma, hvs sa hoyo kia, nan ai-ashvchika puta kak o isht hvchi ai illa hi oke: kanima yo ai ona li ka, hvchishno vto hvsh ona he keyu, im achi tok.

22. Yohmi ma Chu okla hash ot, Kanima yo ai ona li ka, hvchishno vto hvsh ona he keyu, achi kvv ilap inli kak osh ile ba chj hoh cho? achi tok.

23. Mihma, Hvchishno vto aka yo a minti hvchia hokma, vno vto vba yo a minti li hoke; hvchishno vto yakni ilvppak o ai ibachvfa hvchia hokma, vno vto yakni ilvppa ai ibachvfa sia keyu hoke.

24. Yohmi ka na hvchim ai-ashvchika puta kak o isht hvchi ai illa hi oke, hvchim achi li hokvno; vno ak osh mihi mak o sia ka ik hvchi yimmo hokmvt, na hvchim ai-ashvchika puta kak o isht hvchi ai illa hi oka, im achi tok.

25. Mihma, Chishno ak osh kvta hak o chia ho? okla im

achi tok. Mihma Chisvs ash ot, Ummona ka nana ho hvchim anoli li kash mih mak o sia hoke.

26. Nana ka hvchi mihvt, nan isht apesa la hi vt laurt vm ashvshke. Yohmi kia auet sa kanchi tok yvmmak osh aiahli mak oke; mihma vno vt yvmmak o nana ka ai im a haklo li tuk mak osh yakni a isht im anumpuli li hoke.

27. Iki ak o isht im anumpuli hatuk a, okla ik akostinincho ki tok.

28. Mihma Chisvs ash ot, Hatak Ushi a vba hvsh takalichi hok mak osh, vno vt mih mak sia hatuk; micha vno akinli vm anukfila hosh nanasi ka ai yvmohmi li keyu; amba Aki ak osh nan svthrnanchi tuk mak o ilvppa puta ka anumpuli li hatuk a hvsh akostinincha hi oke.

29. Micha auet sa kanchi tok vt sa takla aya hoke; Aki vt ilap illvchit sa kanchi tok keyu; nana kvv yvmma yukpali pulla kak o yvmohmi kvv a sa bilia chatuk oke, im achi tok.

30. Anumpa ilvppa puta ka anumpohonli ma, i yimmi kvv laua tok.

31. Yohmi ma Chisvs ash ot i yimmi tuk vhleha Chu okla hash o, Vm anumpa ha hvsh halvlli kvv hvch ik issokmvt, nan vm ai ithvna ghli fehna hvchia mak a chi hoke.

32. Mikmvt nan-aiiahli ka hvsh ithana he; mikma nan-aiiahlika yash ot yuka keyu hvch ikba hi oke, im achi tok.

33. Okla afalaminchi mvt, Eblaham ak o isht atiaka pia, yohmi kvv nitak nan ash o hatak nana kia ai i yuka hosh il anta tok keyu ka, katiahmi ho, Yuka keyu hvchi toba hi oke, ish achi cho? im achi tok.

34. Chisvs ash ot afalaminchi mvt, Ahlishke, ahli mak o hvchim achi lishke, Kvna hosh nan ai ashvchika ya ai yohmi hokmvt, nan-ai-ashvchika ya i yuka mak oke.

35. Yohmi ka yuka hokvto chuka ya ai ahantvt bilia chatuk keyu; amba Ushi yokvto ahanta na bilia chatuk oke.

36. Yohmi hoka Ushi yak osh yuka keyu ka hvch ikbi hokma, yuka keyu ahli mak o hvchia ha hi oke.

37. Eblaham ak o isht atiaka hvchia hokvno hvchim

ithana li; yohmi kia vm anumpa hak osh hvchi chukvsh a ai anukfoyuka keyu kak o, svbi hvchi bnnvshke.

38. Aki a ai iba pisa li tok mak osh vno vt nana ka isht anumpuli li hoke; mihma hvchishno vt hvch iki a hvsh ai iba-pisa tok mak osh a hvchi yvmohmishke, im achi tok.

39. Mihma okla afalaminci mvt, Eblaham ak osh piki oke; im achi tok. Chisvs ash ot, Eblaham ak o ushi hvchia hatuk okmvt, Eblaham vt nana a kaniohmi tok mak o, hvsh yvmohma he tuk oke.

40. Amba Chihowa ya nana ai im a haponaklo li tuk vt nan ai ahlika mak o hatak hvchim anoli li ka, svbi hvchi bnnvshke; Eblaham vt ilvppa yakohmi tok keyu hoke.

41. Hvch iki vt nana a kaniohmi tok mak o hvsh yvmohmishke, im achi tok. Mihma, Iki, ishki ita tuklo kv ai vli-pesa keyu ho a toba hosh il vta tok keyu: Piki vt achva, Chihowa ak oke, im achi tok.

42. Chisvs ash osh, Chihowa ak osh hvch Iki atuk okma, hvs sa hulla he tuk oke; vno vt Chihowa yak o a kohevvt aya li hosh vla li ha tok oka; yohmi kv vno vm anukfika akinli hosh vla li tok keyu; amba yvmmak osh auct sa kan-chi tok oke.

43. Nanta katiohmi ho vm anumpa ha hvch ik sum akostinicho cho? vm anumpa ha haponaklo ik hvchi bunno kak okvt,

44. Setan hvch iki ak o hvsh a toba hatuk osh, hvch iki nana ai-ahni kak o ai yohma hi a hvchim anukfleshke; yvmmak okvt vmmona kash inli ho hatak vbi a tok; miha ilap ak osh nan aighli kv anukfoka keyu hatuk osh, nan ai ahlika ya a hikia keyu hoke. Holabit anumpuli kv ai immi ka mak okvt anumpuli hoke; ilap ak osh holabi yokvt anonti na-holabi iki mak oke.

45. Yohmi hatuk o ai ahlika yo hvchim anoli li hatuk o hvch ik sa yimmoshke.

46. Hvsh katima kak osh nan ai-ashvchi li tuk a hvs atokola hinla cho? Ahli mak o miha li hok mak hemo nanta katiohmi ho hvch ik sa yimmo cho?

47. Kena kia Chihowa ya immi hokmvt, Chihowa

anumpa ha haklo hoke; yohmi hoka hvchishno vto Chihowa immi hvchia keyu hokvt hvch ik hakloshke, im achi tok.

48. Mihma Chu okla vhleha hash ot afalaminechi mvt, Chishno vt Samalitan hatak chia hosh, nan-isht-ahullo ok-pulo a ish il ai eshi hatuk a, e chi achi kvt vlpesa ho e miha keyu cho? im achi tok.

49. Chisus vt afalaminechi mvt, Nan-isht-ahullo okpulo il ai ishi li keyushke: amba Aki a holitobli li hatuk o, hvchishno vto vno a hvch ik sa holitobloshke.

50. Micha vno akinli isht a sa holitopa hi o ahni li keyu; yvmma aiahni cha, nan apihisa kvto achvfa hosh asha hoke.

51. Ahlishke, ahli mak o hvchim achi lishke; Hatak vt nana mihiha li ka vm antia hokmvt, nitak nana ai-illika ya pisa he keyu hoke, im achi tok.

52. Mihma Chu okla hash ot, Nan-isht-ahullo okpulo a ish il ai eshi hatuk a, himak vno il akostininchishke; Eblaham, mikmvt hopaii vhleha aiena kvv illi tok: yohmi ka ha-illika ya pisa he keyu, ish achishke.

53. Piki Eblaham illi tok a ish i shaiyahli cho? mihma hopaii vhleha aiena kvv illit taha tok. Chishno ok ash kvta hak o ish il ai apesa hoh cho? im achi tok.

54. Chisus vt afalaminechi mvt, Vno akinli hosh ile holitobli li hokma, na sa holitopa he mak keyu hoke. Hvchin Chihowa hvsh miha tuk Aki yvmmak osh sa holitobli hoke.

55. Yohmi kia hvchishno vto yvmma hvch ik ithanoshma ak ithano hoke; achi li hokmvt, holabi hvchishno akinli ho chohmi la chi hoke; yohmi kia yvmmak oka ithana li mvt, nana ahanchi ka holitobli lishke.

56. Hvch iki Eblaham vt ai ahanta li nitak a pisa hi okvt na yukpa tok; atuk osh pisa cha, na yukpa chinto fehna tok, achi tok.

57. Mihma Chu okla hash ot, Sipokni kvv afvmmi pokoli tahlapi ka chik ono kisha hokak osh, Eblaham a ish pisa tok oh cho? im achi tok.

58. Mihma Chisus vt Ahlishke, ahli mak o hvchim achi

lishke, Eblaham vt iksho kisha ma, anta li tok oke, im achi tok.

59. Yohmi ma ishit bola chi kv, twli a okla aiowa tok: yohmi kia Chisvs ash ot lumvt okla ai iklvnnaka ya hlopul-lit ayvt tempel a a kohchvt ont ia tok.

CHAPTA IX.

Hatak vt lpa yosh vta tok a, Chisvs vt hoponayochi, 1: 13 hatak ash o ilauct Falisi vheha ha isht im ona ma, Falisi vheha hash ot hatak ash sinakak a a kohchichi. 35 Chisvs vt ilap ak osh Chihowa ha Ushi mak atuk vt hatak yvmmak ash im il otvnnichi ma, hatak ash ot i yimmi cha, aiokpvchi.

1. MICHA Chisvs vt ont ia cha aya mvt, hatak vt lpa imoma yosh vta tok osh asha na pisa tok.

2. Mihma nan im ai ithvna vheha hv, Pi shahli ma! hatak ilvppak okma, keyukmvt iki, ishki itatuklo ka a kati-ma kak osh nan ashvchi tok o, hatak ilvppvt lpa imoma yosh vta tok oh cho? achit i ponaklo tok.

3. Chisvs ash ot afalaminechi mvt, Hatak ilvppak okma, keyukmvt iki, ishki ita-tuklo ka a kanima kak osh nana ashvchi tok o keyu hoke; amba Chihowa nan-isht im ai ahlika yvt ilvppak o isht ai otvna he mak o, ai yakohmi tok oke.

4. In toksuli la he mak o auct sa kanchi tok oka nitaki moma kak o isht im ahanta li pullashke; ninak vt vla ha yokmvo, hatak nana kia pilesa he keyushke.

5. Yakni a ai ahanta li takla hokvto, yakni a in tohwikel sia hoke, im achi tok.

6. Ilvppa mak achit ont issa mvt, yakni a on tofvot, luki a itukchi ishit ymvsliit tahli mvt, hatak lpa nishkin a luki ash o isht im apolusli tok.

7. Mihmvt, Oka talaia Siloam, yvmvt toshowakmvt, Pila, achi ho ia cha, ont okami, im achi tok. Yohmi ma ia cha ont okami mvt, pisa hosh vla tok.

8. Yohmi hatuk o chuka panta hatak vheha, micha yvmvt lpa yo tikba ka pisa beka tuk vheha yvmmak ash ot Ilvppvt ashvt nana asihihla chokvsh mak o keyu? achi ma

9. Kanimi kv̄t, Il̄ppv̄t mihi yoka, achi ma, inla mvt, Peh holba hoka, achi tok: yohmi kia ilap vto, Mihi yō sia hoke, achi tok.
10. Yohmi hatuk o, Katiohmi hosh chi nishkin vto fatuma tuk oh cho? im achi tok.
11. Mihma afalaminchi mvt, Hatak Chisvs hohchifo kak osh lukfi a ymv̄slit, sa nishkin a isht vm apolusli cha, Oka talaia Siloam a ia cha, ont okamī, vm achi ma, ivt ont akami li hosh, hoponayo li tuk oke, achi tok.
12. Mihma, Atuk osh mih mvtō? okla im achi ma, Ak akostininchoshke, achi tok.
13. Mihma l̄pa yō beka tuk yvm̄mak ash o ilaunlit Falisi v̄hleha h̄a isht im ona tok.
14. Yohmi ka nitak hullo nitak o Chisvs vt lukfi a ymv̄sli cha, nishkin a i fatummi tuk a tok.
15. Yohmi hatuk o anonti Falisi v̄hleha hvt kaniohmit hopanayo tuk a, im asil̄hv̄chi akinli tok. Lukfi ymv̄ska yō sa nishkin a isht a lapohlechi na okami li tuk osh, hoponayo lishke, im achi tok.
16. Yohmi hatuk o Falisi v̄hleha kanimi kv̄t, Hatak yvm̄mvt nitak hullo nitak a holitobli keyu hokvt, Chihova ak o a minti keyushke, achi tok. Inlaka yokvto, Hatak vt nan ashv̄chi atuk vt katiohmi hosh na-fehna puta yakohmi ka yumīcha hinla cho? achi tok: yohmi mvt ilap b̄ika okla ai ita kashapvt maya tok.
17. Hatak l̄pa yatuk ash o anonti, Chishno vto chi nishkin a ch̄i fatummi tuk a, yvm̄mak oka nanta isht ish achi cho? okla im achi ma, Yvm̄mak ash ot hopaī yoke, achi tok.
18. Yohmi kia Chu okla hash ot hoponayo tuk ash īki, ishki ita tuklo ka hoyot ik im asil̄hachō kisha kv̄t, yvm̄mvt l̄pa yatuk osh hoponayo tuk a, ik yimmo ki tok.
19. Atuk osh yvm̄mak ash o okla ī ponaklot, Il̄ppv̄t hv̄chiso l̄pa yosh vtta tok hv̄sh achi chokv̄sh oh cho? Yohmi hokak osh katiohmi hō himak ano hoponayo cho? okla achi tok.
20. Īki, ishki ita-tuklo kash ot afalaminchi mvt, Il̄ppv̄t piso, micha l̄pa yosh vtta tok okvno il ithanv̄shke.
21. Amba nana hosh kaniohmi hō himak ano p̄isa kvno,

kil akostininchoshke; mikmvt kvna hosh nishkin a i fatummi tuk aiena kvno, kil ithanoshke; vlla keyu hoka, ilap ak o hvsh i ponaklokma, ilap inli hosh isht il ai anumpula hinla hoke, achit okla tok.

22. Hatak nana hosh, yvmmtv Klaist oke, achi hokmvt, sinakak a a kohcha hi o, Chu okla hvv ai it ibachvvtv taha mashko hatuk o, iki, ishki itatuklo kvv Chu okla hak o i nukshopa hatuk osh, anumpa ilvppa achit okla tok.

23. Yohmi hatuk osh iki, ishki itatuklo kash ot, Vlla keyu hoka, ilap ak o oh i ponakl6, achit okla tok.

24. Yohmi ma atukla ma hatak lva yatuk ash o okla hoyo mvt, Chihowa yak o pit holitoblichí, hatak ilvppak okvto nan ashvchi a il im ithana hoke, im achi tok.

25. Mihma afalaminchi mvt, Yvmmak okvt nana ashvchi yokmá, keyukmá, nana hokvno ak im ithanoshke; nana achvfa kvno ithana li; yohmi kvv lva sia ha tuk kia, himak ano hoponayo li kak oke.

26. Mihma anonti, Nanta ho a chi katimichi tuk o? Katimichí hosh chi nishkin a fatummi tuk oh cho? okla im achi tok.

27. Mihma im afalaminchi mvt, Hvchim anolit taiyahí li kia, hvch ik haponaklo ke tuk vt, nanta katiohmi ho atuk-lanchit haklo ka hvsh ahni cho? hvchishno ak kia nan im ai ithvna toba hvchi bvna ho? achi tok.

28. Yohmi ma okla ishtukhlakavt, Chishno ak osh yvmma nan im ai ithvna chia hoke; amba pishno vto Moses ak o nan im ai ithvna pia hoke.

29. Moses ak okvno Chihowa yvt im anumpuli beka tok a il ithana; amba ilvppak okvto kanima yo a minti ma, il ai im ithana keyushke, okla im achi tok.

30. Mihma hatak ash osh afalaminchi mvt, Yvmmtv kanima yo a minti tuk a hvch ik im akostinincho ho, anonti sinishkin a a fatummi hoka, ilvppv na-fehvvshke.

31. Mihmvt Chihowa yvt nan ashvchi vhlcha hokvno i haponaklo keyu chatuk; amba hatak nana hosh Chihowa ya aiokpvchi, micha nan ahni ka im antia aiena yok mak o mihi yo i haponaklo chatuk a iloh ithanvshke

32. Yakni vt toba tok a taiyakla ka lupa imoma yosh vtta tok a hatak nana kia nishkin ash i fatummi tok a annoa chatuk keyushke.

33. Hatak ilvppvt Chihowa yak o a minti hatuk keyuhokmvt, nana ho yvmiheha he keyushke, im achi tok.

34. Mihma okla afalaminchi mvt, Nana ai ashvchika bieka mak osh ish vtta tok ak naka nan ish pim avvchi hotuma? im achi mvt, a kohchichi tok.

35. Yvmma a kohchichi tuk a, Chisvs vt haklo tok; atuk osh yvmmak ash o pisa mvt, Chihowa Ushi a ish i yimmi cho? im achi tok.

36. Afalaminchi mvt, Chitokaka ma! i yimmi la hinla yvmmak osh kvta ho? achi tok.

37. Mihma Chisvs ash osh, Yvmmak oka ish pisa tuk o, anonti mihi yosh chit im anumpohonli hoke, im achi tok.

38. Mihma, Chitokaka ma! sai yimmishke, achi mvt, yvmmak ash aiokpvchi tok.

39. Ik hoponayo atuk vt hoponayo yokma, anonti hoponayo tuk vt lupa yo toba he, yakohmit nan isht im vlpisahi o, yakni ilvppa aya li hatuk oke.

40. Mihma Falisi vhleha kanimi kv yvmma apeha tuk ash ot anumpa ilvppa puta ka haklo mvt, Pishno ak kia lupa pia hoh cho? im achi tok.

41. Chisvs ash ot, Lupa hvchia hatuk okmvt, nan ai ashvchika yvt ik hvchim iksho ka he tuk; amba, E hoponayo, himak a hvsh achi; yohmi hokvt hvchim ai ashvchika vvt takanli moma hoke, im achi tok.

CHAPTA X.

Chisvs ak osh okhissa, mikmvt yvmmak osh chukfollpoba apesvchi achukma yatuk osh chukfollpoba ya vltobvt illi, 1. 19 Okla hvt Chisvs a nan isht ai im anukfila kv ilaiyuka, 24 Chisvs vt Chihowa hak o a minti tuk a ilap nana ai isht ahanta kak inli hosh otvnnichi ka im anoli; 39 Chu okla hvt vbi benna kia im a hlakofit kocha. 40 Chisvs vt ia mvt Chatan misha tnnvp o ona ma, okla laua hosh i yimmi.

1. AHLISHKE, ahli mak o hvechim achi lishke, Kena hosh chukfulhpoba i holihta okhissa yak o ik a chukowo hosh, amba naksika kanima yo pit oiyvt o walvbli hokvto, yvmmvt hukopa, mikmvt na wehpuli mak oke.

2. Amba okhissa yak o pit a chukowa hokvto, yvmmak osh chukfulhpoba ya apesvchi mak oke.

3. Yvmmak o okhissa apesvchi atuk vt in tiwikma, itih ola ka, chukfulhpoba yvt ithana; yohmi hatuk oka in chukfulhpoba atuk ash hohchifo aiyuha hochifot pehllichit kohcha chatuk.

4. Atuk osh in chukfulhpoba yash kocha welit tahlilmvt, tikba im iakma, itih ola ka, ithana hatuk okvt, chukfulhpoba yash ot apehvt ia chatuk.

5. Yohmi kia inla itih ola hokvno ik ithano hatuk osh, apihvt ia he keyu hosh, amba i filvmmit yihlepa chatuk oke, im achi tok.

6. Nan-isht-vlhpisa ilvppak o Chisvs vt okla ha isht im anumpuli tok: yohmi kia nana ho yvmmvt isht ai im anumpuli hatuk a, okla ik akostinincho ki tok.

7. Yohmi hatuk o Chisvs ash ot atuklanchit, Ahlishke, ahli mak o hvechim achi lishke, Vno ak osh chukfulhpoba im okhissa sia hoke.

8. A sa tikba aya tok puta kvto hukopa, mikmvt na wehpuli bano ha tok: yohmi hatuk o chukfulhpoba yvt yvmmak okvno ik i haponaklo ki tok.

9. Vno ak osh okhissa sia hoke: hatak nana hosh vno ak o si a chukowa hokvto, okchaya he: micha pit chukohvvt, anonti kohonchvt, ai-impva ya ahayuhoncha hi oke.

10. Na-hukopa yvt hukopa, micha vbi, nan okpvi aiena he ak bieka hosh aya chatuk; amba ai okchaya ya okla ahayuchikmvt, anonti laua kvv i shahli fehna ho pisa he mak o, vno vto aya li ha tok.

11. Vno ak osh chukfulhpoba apesvchi achukma sia mak oke; chukfulhpoba apesvchi achukma yvt chukfulhpoba ya ilap im ilhfiopak a a kaiyanchi hoke.

12. Amba peh ilhtohnno, chukfulhpoba apesvchi keyu hatuk, micha chukfulhpoba yvt immi atuk keyuk mvto, na-

shoba vt minti na pisakmvt, chukfvlhpoba ya issvt chvfa hoke; yohmi ma nashoba yvt yvmmak ash ant hoklit, chukfvlhpoba yash it ai yuhli hoke.

13. Ilhtono hvt peh ilhtohno atuk okvt, chukfvlhpoba ya nan isht ik ahno hatuk mak osh chvfa hoke.

14. Uno ak osh chukfvlhpoba apesvchi achukma sia hoke; an chukfvlhpoba ya ithaiyana li hoke; mikma anonti vmmi hvt vno a svthana hoke.

15. Aki vt svthana ka, vno mvt Aki a ithana li akinli koke; yohmi hosh chukfvlhpoba ya isht vltoba ho vm ilhfiopak a aka bohyuli lishke.

16. Yohmi kvv chukfvlhpoba inla mvt ilvppa ashaka ai achvfa keyu kvv vm asha hoke: yvmmakma pehlichit vla likma, vm anumpa ha hakla hi oke: yohmikma aiasha vt achvafakma, anonti chukfvlhpoba apesvchi vt achvfa hi oke.

17. Vm ilhfiopak a falaminchit ishi la hinla hosh aka bohyuli li; yohmi hoka Aki vt sa holitobli hoke.

18. Hatak nana hosh vm ishi ho keyu: amba vno akinli ahni li hosh aka bohyuli li hoke. Aka bohyuli la hi vt isht vm ai vlpesakmvt, anonti falaminchit ishi la hi vt isht vm ai vlpesa hoke. Nan-vlhpisa ilvppak o Aki a im a habena li tok, im achi tok.

19. Yohmi hatuk o anonti Chu vhleha hash ot anumpa ilvppa isht ai it a kashapvt maya tok.

20. Yohmi mvt, Nan-isht-ahullo okpulo il ai ishi hatuk osh tasimbo hokvto, nanta katiohmi ho hvsh i haponaklo hosh? achi kvv lau ma,

21. Inlaka yokvto, Ilvppak okvt nan-isht-ahullo okpulo il ai ishi ho im anumpa keyushke. Nan-isht-ahullo okpulo vt lpa nishkin a fatumma hinla ho? achi tok.

22. Hvshula yo tempel a himonvchit Chitokaka pit im issa impa hosh Chelusalem a asha ho, yohmi tok.

23. Mihma Chisus vt tempel anukaka Solomon im api-shia nutaka ya hikikia tok.

24. Mihma Chu vhleha hash ot vltv yvmmak ash o ant a folubli cha, Ik ai ithano chohmit il aiasha na katiohmi foka

chi ho ish pim ahni cho? Chishno ak osh Klaist chia hok-mvt, achukmalit ish pim anolashke, im achi tok.

25. Mihma Chisvs ash ot afalaminchi mvt, Hvchim anoli li ka, ik hvchi yimmo hoke: nana ka Aki hohehifo ho isht a yvmihinchi li kak o, yvmmak osh ai vlhtokowa ka si anohonlishke.

26. Yohmi kia ik hvchi yimmoshke; yvmmak o hvchim achi li hatuk oka, an chukfulhpoba keyu hvchia hatuk okvt.

27. An chukfulhpoba vto vm anumpa ha haklokma, anonti vno vt ilap ma ithana li ho, a si apeha chatuk.

28. Mikma ai-okchayvt bilia ya yvmma im issa li; yohmi ka nitak nana ilbvshvt illa he keyukma, anonti kvna kia yvmmak ash subbak a a kohchit isha hi vt iksho hoke.

29. Aki yvmma vma tok vt moma i shahli; yohmi ka kvna kia yvmmak ash Aki ibbak a a kohchit isha hi vt iksho hoke.

30. Vno, Aki itatuklo li kvt il it ibai achvfa hoke, achi tok.

31. Mihma anonti Chu okla hash ot tvli ishit bola chi kvt tvli a okla aiowa tok.

32. Chisvs vt afalaminchi mvt, Isht il apelvchi vt Aki a minti pulla na na hochukma lava ka isht a yvmihinchi li hvsh pisa tuk a, na-fehna yvmma puta tuk ash katima kak o tvli a isht hvs sa bola chi mak oh cho? im achi tok.

33. Mihma Chu okla hash ot afalaminchi mvt, Na fehna achukma yvmmak atuk ak o tvli a ishit e chi bola chi mak o keyu; amba ik ahobalot anumpulit, anonti hatak chia hokak osh, Chihowa ish il apesa aiena kak oke, im achi tok.

34. Chisvs vt afalaminchi mvt, Chitokaka vhlcha hvchia hoke, achi li tok, achi kvt hvchi nan-vlhpisa holisso ha a holihiso keyu cho?

35. Chihowa im anumpa hvv ayvt ai im ahanta yo yvmmak o Chitokaka vhlcha hohehifo tok okma, anonti Holisso Holitopa yvt kobafa hi o keyushke:

36. Iki vt na-holitopa ka isht a im atokoli cha, yakni a auet kanchi tok o, Chihowa Ushi sia hoke, achi li tuk ak o. Nan ik ahobalot ish anumpuli, hvsh achi hoh cho?

37. Aki vt nana a kaniohmi ak o ak yvmihcho hok mak o, hvchik sa yimmo kashke.
38. Amba yvmihchi li hokmyno, vno ak okvno hvchik sa yimmo hoh kia, nana kvv a kaniohmi yvmmak o hvchi yimmi cha, Aki vt auet a si achgafakma, anonti vno vt ilap a pit ai achafa li ka, akostininchit hvchi yimmashke, im achi tok.
39. Yohmi hatuk o anonti okla ishi bvnna tok: yohmi kia ibbak a im a hlakofi tok.
40. Mihmvt anonti ivt, Chatan misha Chan vt a baptis-mochi vmona tok yvmmak o ona cha, ahanta tok.
41. Mihma okla lavvt im ai itahoba mvt, Chan vto nafehna nana kia yvmihchi tok keyu; yohmi kia Chan vt hatak ilvppa isht anumpohonli tok a, momvt aighli ha tok, achi tok.
42. Yohmi ma yumma ashvt ai i yimmi kvv laua tok.

CHAPTA XI.

Lasalvs vt abeka na in tek vhleha hvv Chisvs a pit im anoli, 1; 17
 Chisvs vt Betani a vla, mihmvt Lasalvs a falaminchit tanichi. 45
 Laua hosh Chisvs a i yimmi kia, kanimi kvv Falisi vhleha ha ont
 im anoli; Chisvs vt kohchvt ia mvt, tmaha Efilhaim, ont anta.

1. HATAK achvfa Lasalvs hohchifo, Meli micha itibapishi Mahla itatuklo in tmaha Betani ak o vta yosh abeka tok.
2. Meli yvmmak osh Chitokaka ya pashi ahama isht a hvmmi cha, iyi ma ilap pashi yo isht i kasholichi tok mak o i nakfi yosh Lasalvs vt abeka ha tok.
3. Yohmi hatuk o in tek tuklo kash ot yvmmak ash pit im anolit, Yakeh! Chitokaka ma! ish holitobli chatuk vt abekvshke, achi tok.
4. Mihma ilvppa Chisvs vt haklo mvt, Nan abeka ilvppvt isht ai illa hi o keyu hoke; amba Chihowa vt isht a holitopa na Chihowa Ushi vt yvmmak o isht a holitopa chi mak oke, achi tok.
5. Mahla, micha itibapishi, mikmvt Lasalvs aiena ka Chisvs vt holitobli tok.

6. Yohmi hatuk osh yummvt abeka tuk a haklo ha yvt, ai vta tuk ash inli hō ahanta na nitak tuklo tok.

7. Atuk osh ymma ont vbanvpa ma nan im ai ithvna vhleha hash, Anonti Chutea yakni ya iloh iashke, im achi tok.

8. Mihma nan im ai ithvna vhleha hash ot, Pi shahli ma! Chu okla hvt chekosi kash o tvli a ishit chi boli bunna tuk a, anonti ymma ish ia chi hō? im achi tok.

9. Chisvs vt afalaminchi mvt, Nitak achvfa ka hvshi kanvli vlvpa auah-tuklo chatuk keyu cho? Hatak nana hosh nitak o nowvt aya hokmvt, yakni ilvppa ai in tohwikeli ka pisa hatuk osh ik ibetvblo hoke.

10. Amba hatak vt ninak o nowvt aya hokmvt, tohwekeli kvt ik im iksho hatuk osh, ibetvbli hoke, achi tok.

11. Ilvppak o achi tok: yohmi ha yosh i himmak o, Hvpi kana Lasalvs vt nusishke; yohmi kia nusi tuk a ont okchvli la chi mak osh ia li hoke, im achi tok.

12. Yohmi ma nan im ai ithvna vhleha hvt, Chitokaka ma! nusi hatuk okmvt, hlakofa chi hoke, achi tok.

13. Yohmi kia yummvt illi kak o Chisvs vt miha ha tok; amba nusit foha kak o miha ka, okla im ahoba tok.

14. Yohmi ma Chisvs vt achukmali fehvt, Lasalvs vt illi tuk oke.

15. Yohmi ka vno vt ymma ont ak anto ke tuk vt, hvchishno na hvchi ymma chi ka, hvchishno ak atuk mak o sai yukpvshke; yohmi kia ymma iloh im ai onashke, im achi tok.

16. Mihma Tamas, yummvt Titimvs hohchifo hosh ymma nan im ai ithvna ai itilavi vhleha hash, Pishno ak kia iloh ia cha, apihvt hvv illashke, im achi tok.

17. Atuk o Chisvs ash ot ona mvt, yummak ash ot hollopi tuk a nitak ushta tuk o, ont akostininchi tok.

18. Betani vt Chelusalem a pit i bilika kowi tuklo foha tok.

19. Mihma i nakfi illi Mahla, micha Meli itatuklo ka hohpohlva chi hosh Chu okla hvt lauvt im ai itahoba tok.

20. Atuk o Mahla ash osh, Chisvs vt minti ka, haklo

makinli hosh, ivt ont afama tok; amba Meli vto aboha anu-
ka yash asha moma tok.

21. Mihma Mahla vt Chisvs ash o, Chitokaka ma! ilvp-
pa ant ish anta tuk okma, a nakfi vt illa hetuk keyushke.

22. Ik yohmi kia himonasi mak o Chihowa ya nana ho
ish im asilhha hoka, Chihowa yvt chima hinla ka ithana
lishke, im achi tok.

23. Mihma Chisvs vt, chi nakfi vt falamvt tana chi akinli
hoke, im achi tok.

24. Mihma Mahla ash ot, Nitak ont ishtaiyopi illi vt fala-
mvt tani yvmmak okvno falamvt tana hi oka, ithana lishke,
im achi tok.

25. Chisvs vt, Vno ak osh illi a falaminchit tanichi, mik-
mvt ai-okchaya aiena ka sia mak oke. Kvna hosh vno ak
o a yimmi hokvto, ik illi tuk nana kia, okchaya he mak oke.

26. Micha kvna hosh okchayvt ahanta hosh vno a a yim-
mi hokvto, nitak nana illa he heyu hoke. Ilvppa chi yim-
mi cho? im achi tok.

27. Ahli, Chitokaka ma! chishno ak osh Chihowa Ushi,
Klaist yakni ilvppa aya hi a tok mak o chia ka sai yimnish-
ke, im achi tok.

28. Ilvppa yakohmichit miha mvt, ivt itibapishi. Meli a
lumasit ont i howvt, Nan-ithvnanchi vt vla cha, chi hoyosh-
ke, achi tok.

29. Yvmma haklo makinli hosh, ashalika wakayvt ivt ont
afama tok.

30. Chisvs vt tmaha ha ant ik chukowo kisha hosh,
Mahla yvt ai afama tuk ash akinli ho hikia ha tok.

31. Mihma Chu okla hvt apehvt aboha anuka ya mayvt
hopohlveli tuk ash ot, Meli vt tushpvt wakayvt kocha ia na
okla pisa mvt, Ahollopi yvmmak o ont a yaiya chi hosh ia
hoka, achi mvt iakaiya tok.

32. Atuk o Meli ash ot Chisvs a hikia kash ona cha, pisa
mvt, iyi ituma ya ont hlipia cha, Chitokaka ma! ilvppa ant
ish anta tuk okma, a nakfi vt illa he tuk keyushke, im achi
tok.

33. Yvmmtv yahaya ma, anonti Chu okla yvmma apihvt

ai vla tuk aiena kv̄t yahaya akinli na Chisvs vt pisa hatuk osh, chukvsh anukaka isht a nukhaklo fehnvt ik im v̄lhpieso ki tok.

34. Mihmvt, Katima yak o hvsh bohli tuk oh cho? achi ma, Chitokaka ma! minti cha, ant pisá, okla im achi tok.

35. Chisvs vt nishkin okchi minti tok.

36. Mihma Chu okla hash ot, Yakeh! i holitopa fehna tuk o mv̄hli, achi tok.

37. Mihma kanimi kv̄t, Lupa yatuk a hoponayochi tuk vt, hatak ilvppak kia ik illo ka hinla ka, a kanimihcha he tuk keyu chishba? okla achi tok.

38. Yohmi ma Chisvs ash ot anonti chukvsh anukaka isht anukhaklo fehnvt ayvt ahollopi a ona tok. Yakni chiluk o vt yosh isht v̄lhkvma ha tok.

39. Chisvs ash osh, Tvli ya ishit ho kanv̄lichí achi, ma, Mahla illi tuk a in tek ash osh, Chitokaka ma! illi tuk a nitak ushta hokvt himak foka ma shua hoke, im achi tok.

40. Mihma Chisvs vt, Chi yimmi hokmvt, Chihowa isht a holitopaka ya ish pisa hinla hoke, ak chim acho ke tuk oh cho? im achi tok.

41. Mihma illi ai itola tuk ash tvli ya okla ai ishit kanv̄lichí tok. Mihma Chisvs vt nishkin a pit vba chakalichí mvt, Aki ma! is sa haiyaklo hatuk a yak oke, chim aiaimi lishke.

42. Yohmi kv̄t is sa haiyaklo a bilia chatuk a ithaiyama li kv̄no; yohmi kia okla ilvppa hiohmaya kv̄t, chishno ak osh auet is sa kanchi tok a ai yimma chi kak o, yv̄mma achi li tuk oke, achi tok.

43. Yakohmichit anumpulit ont in taha mvt, chitoli hosh anumpulit, Lasalvs ma! auet kohchá, achi tok.

44. Mihma illi atuk ash ot ibbak, iyi aiena ka ahollopi ishit shema yvt isht v̄lhfova ho ant kohcha tok; mihma nashuka yano nantapvski yosh isht v̄hlfoyuka tok. Mihma Chisvs vt, Oh i hotofi na ik iá, im achi tok.

45. Yohmi ma Chu okla Meli a im ai itahoba tuk osh, Chisvs vt nana ka ai yvmihchi na pisa mvt, laua hosh i yimmi tok.

46. Yohmi kia kanimi hokvto falamvt ivt, Falisi vhleha ha im ona cha, nana ka Chisvs vt ai yvmihchi tuk ash okla im anoli tok.

47. Yohmi ma na-holitompa isht asha pehlich i vhleha, micha Falisi vhleha aiena kash ot hatak hochitoka nan apesa vhleha ha itahobi mvt, Hatak ilvppvt na-fehna lawa ka yv-mihchi ka, nanta mak o katiohmi hosh iloh aiasha cho?

48. Ilvppa ant ik yohmi, iloh im ahni hokma, hatak mo-ma kv t i yimma chi hoke; yohmikma Loman okla hvt vla cha, pi yakni, micha pim okla talaia aiena kash ai okpvnich a hinla hoke, achi tok.

49. Mihma achvvt Kaiafas hohehifo hosh afvmmi yvm-ma fehna ka na holitompa isht asha pehlich i shahli a ai ibafohka hatuk osh, Nana ka hvch ik akostinincho kvmoh-mishke.

50. Mikmvt hatak achvfa hosh okla ha vltobvt illi na okla talaia kash ot momvt ik illo ka hi a, a hvpm vlvpiesa hatuk a hvch ik anukfiloshke, im achi tok.

51. Yohmi kv t ilap nana aiahni hosh ilvppa anumpuli ha tok keyu; amba afvmmi yvmma fehna ka na-holitompa isht asha pehlich i shahli hosh anta hatuk okvt, Klaist vt okla yvmma vltobvt illa he.

52. Yohmi kv t okla yvmmak bana hi o keyu; amba Chi-howa im vlla vhleha kanima ai it afimimpvt asha tuk aiena ma hoyot a miha chvfa ho ai itahoba he ak o, tikbanli anoli ha tok.

53. Yvmohmi hatuk o nitak yvmma ai vhlit mihinti ka, yvmma vba chi kv t nana it im apesvt okla maya beka tok.

54. Yohmi hatuk o Chisvs vt himmakma haiaka fehvnt Chu okla itintakla ya ik a hikikio ki tok; amba yvmmak ash vttvt ia mvt, yakni haiaka pit a bilika tmaha Efihaim hohehifo ho nan im ai ithvna vhleha ha pehliechit ahanta tok.

55. Atuk o Chu okla nan im vbanvblit ont ia yvt ai ona hosi tok; mihma ilap nan ai il atahlit maya chi kv t, nan-vbanvblit ont ia yvt ik ai ono kisha ho yakni yvmma asht Chelusalem a ia kv t laua tok.

56. Atuk osh Chisvs ash okla hoyot, tempel anukaka ya hiohmayvt, Impa holitopa asha ka ik lo ka chi hokma, nana ka hvchim ahoba cho? it im achit maya tok.

57. Na-holitompa isht asha pehlichy vhleha, mikmvt Falisi vhleha aiena kash ot, yvmmvvt kanima yo anta ka hatak nana hosh akostininchi hokmvt, anoli na okla isha hinla kvv anump-pa vlvhvisa ka bohli tuk a tok oke.

CHAPTA XII.

Meli vt Chisvs iyi ya nan-ahama im ahvmmi ma, yvmmvvt ai vlvhvisa ho yohmi hatuk a Chisvs vt miha, 1. 12 Chisvs vt issuba nashoba yo om binili hosh Chelusalem a ona. 20 Klik kanimi kvv Chisvs a pisa brnna: 23 Chisvs vt ilapvt kaniohmit illa he, anoli; 27 Chisvs vt chukvsh anukaka nan isht nukhaklo in chito mvt, vba pit anumpuli; 37 Hatak pehlichy vhleha hvv lau hosh Chisvs a i yimmi: yohmi kia Chisvs a isht anumpuli nukwia.

1. **ATUK** o nan vbanvblit ont ia isht asha chi ka nitak hannalit takanli moma ho, Chisvs vt Betani ak o Lasalvs vt ai illi tuk o falaminchit tanichi tuk a yvmmvvt yvmmak o ai vttta chatuk o, ona tok.

2. Mihma yvmmak o opiaka impa yo okla ai im atahli tok; mihma Mahla ak osh nan ai isht im anta ma, amba Lasalvs vto ibai impa hosh maya kak o iba takla asha tok.

3. Yohmi ma Meli vt spiknat nan-ahama holitopa fegna weki achvfa ka ishi cha, Chisvs iyi ya ishit a hvmmi mvt ilap pashi akinli ho iyi yash isht i kasholichi tok: mihma nan ahama balama kvv aboha yash alotowa tok.

4. Mihma nan im ai ithvna vhleha achvfa Saimon ushi Chutas Iskaliot vt yvmmak oka inla ibbak fohka he mak osh,

5. Nanta katiohmi ho nan ahama ilvppvt iskeli tahlepa tuchina kia isht ik vlbi cha, ilbvsha ya ik i holhpelo ke ruk oh cho? achi tok.

6. Ilbvsha yak o i nukhaklo kak osh ilvppa achi tok keyu; amba hukopa yatuk osh, micha yvmmak osh shuk.

cha ya işhi hatuk osh, nana kv̄t yv̄mma ai v̄lbeha h̄o shaiyali yatuk ak a tok.

7. Mihma Chisvs vt, Ant ik yvmihchī, ish im aiahnashke, a sa hollopa chī nitak mak a hi o, ilvppa ilatomba hatuk oke.

8. Ilv̄sha yak okv̄to hv̄chim asha na bilia chatuk; amba vno ak okv̄to hv̄chim anta lī a bilia he keyushke.

9. Yohmi ma yv̄mma ant anta ka Chu okla hv̄t laurt akostininchi tok: mihmvt Chisvs ak bano kak o keyu, amba Lasalvs, yv̄mmvt illi tuk o, falaminchit tanichi tuk ash it aieninchit pisa chī hosh okla ai v̄la tok.

10. Yohmi kia na-holitompa isht asha pehlichi v̄hleha hokv̄to Lasalvs ak kia aieninchit illicha hinla kv̄t, isht it im anumpulit maȳa tok.

11. Yv̄mmak atuk pulla mak o Chu v̄hleha laua kv̄t yv̄mma itv̄nowvt, Chisvs a ai i yimmi kak a tok.

12. Nitak ont atukla ma okla laua kv̄t ai-imp̄a holitopa ya itv̄nowa tuk vt, Chisvs vt Chelusalem a v̄la chī hosh minti na okla haklo mvt,

13. Pa m̄ vpi naksish a ishit, kohchvt afamvt okla ia mvt, chitolī hosh, Hosanna, Israel i m̄ko Chitokaka i hohchifo h̄o il ai eshi hosh aya hokv̄t holitopa mak oke, okla achi tok.

14, 15. Saion ushetik chia hv̄t chi nukshopa ná, chī m̄ko vt issuba haksobish falaia himita ya on talaia hosh minti hoke, achi hosh holisso hatuk oka, Chisvs ash ot issuba haksobish falaia himita yo pisa mvt, yv̄mmak ash on talaia tok.

16. Vmmona kv̄no nan im ai ithv̄na v̄hleha hv̄t ilvppa ik ai akostinincho ki tok; amba Chisvs vt ont a holitopa ha yak o, nana kv̄t yakohmi hosh yv̄mma isht a holisso tok a, anonti okla hv̄t nana kash ai i yvmihchi tok aiena ka ithaiyana tok.

17. Mihma yv̄mmvt Lasalvs a ahollopi ai i howvt kohchit illi tuk a falaminchit tanichi ka, okla apihvt aya tuk ash osh ai v̄lhtokowa ka anohonli tok.

18. Yv̄mmvt na-fehna ilvppa yvmihchi tuk a okla haklo tuk atuk osh, ilvppak atuk pulla kak o okla mak kia ont afama ha tok.

19. Yohmi ma Falisi vhleha hash ot, Nana hvsh kanihma he keyu kvto hvsh akostininchi cho? yakeh! okla puta hash ot yummak o pit a kanvllishke, ilap bika it im achit maya tok.

20. Mihma Klik vhleha kanimi kvv vba pit aiokpuchit ayvt, ai impa holitopa asha ka ai vla tuk vt takla maya tok.

21. Yohmi hatuk osh yummak ash ot Kalili yakni Bet-saita tmaha a minti tuk, Filip ash im ai ona mvt, Pi shahli ma! Chisus a pisa pi bunvshke, achit i ponaklo tok.

22. Mihma Filip ash osh ivt, Antilu a ont im anoli tok; atuk o anonti Antilu ash osh Filip a ita tuklo cha Chisus a im anoli tok.

23. Mihma Chisus vt afalaminchi mvt, Hatak Ushi vt a holitopa he tuk a hvshi kanvli vhpisa kvv ai onvshke.

24. Ahlishke, ahli mak o hvchim achi lishke, Onush nivi vt yakni anukaka yo itola cha, illi ho keyukmvt, ilap ash biekvt itonla hoke; amba illi hokmvt, waya fehna chatuk oke.

25. Kena hosh ilap im ilhfiopak a i hullo fehna hokvto, i knia hi oke; amba kena hosh yakni ilvppa ahanta kvv ilap im ilhfiopak a i nukkilli hokvto, mihma ieshit okchayvt a bi lia hi oke.

26. Hatak nana hosh vm antia hokmvt, siakaiyashke; mikmvt kanima yo ai ahanta likma, yummak o an tishu hol kia anta hi oke; hatak nana hosh vm antia hokma, yummak o Aki vt holitobla he mak oke.

27. Himak oka sa shilombish vt ik im ai vhpeshoshke; yohmi ka, Aki ma! hvshi kanvli ai vhpisa takali ilvppa ai isht is sai i hlakofichashke, achi likma, nanta chi cho? yohmi kia ilvppak a he mak o hvshi kanvli vhpisa takali ilvppa im aya li ha tok oke.

28. Chi hohchifo ha ish holitoblichashke, Aki ma! achi tok. Yohma ma vba ya auet ai anumpa kvv, Yummak oka holitoblich i li tuk osh, anonti himmakma holitoblich i la chi akinli hoke, achi tok.

29. Yohmi hatuk o okla hvv bilika hiohmaya tuk vt, yum-

ma haklo mvt, Hilohvshke, achi tok. Mihma kanimi kv, Enchil osh auet im anumpuli hoke, achi tok.

30. Chisvs ash osh afalaminchit, Uno ak atuk mak o anumpa ilvppvt auet takali ho keyu, amba hvchishno pulla kak oke.

31. Himak okvno yakni vt nana im ai vlpisa mak oke: himak okvno yakni ilvppa ai i shahli nan im aiyahanchi ash ot issvt kohcha he mak oke.

22. Uno vt yakni a a mokofvt vba takali li hokmvt, hatak moma ka halvllit il a kanvllichi la hi oke, achi tok.

33. Ai-illi kaniohmi ho isht illa he ak osh anoli hosh ilvppa achi ha tok.

34. Mihma okla hash ot afalaminechi mvt, Klaist vt ahanta na bilia ho nan-vlpisa holisso ha okla il a haklo chatuk; yohmi ka katioghi ho, Hatak Ushi vt vba ya takala hi o ish achi cho? Hatak Ushi ilvppak osh kvta hokak o? okla im achi tok.

35. Mihma Chisvs vt, Himonasi takla kak o tohwikeli hv hvch in takanli hoke. Tohwikeli hv hvchin takanli takla kak osh hvsh nowashke, yvmak keyukma okhlili hv hvchi onvtula hinla hoke. Kvna hosh okhlili ho nowvt aya hokvto, kanima yo ia kv ithana keyu hoke.

36. A tohwikeli hv hvchin takanli takla kak osh a tohwikinli vlla hvchia ha chi kv, a tohwikeli ha hvsh i yim-mashke, im achi tok. Ilvppak o Chisvs vt anumpohonli mvt, ai i filvmmiit kvnia cha, ik i haiako ki tok.

37. Na-fehna laua ho itikba ya yvmak ash ot ai yvminchi hoh kia, okla ai i yimma he keyu ki tok.

38. Yohmi kv hopai Esaias vt anumpuli mvt, Chitokaka ma! nana il anoli ka kvta hosh pi yimmi cho? micha kvta hak o Chihowa i shakba mvt i haiaka tuk oh cho? ahanchi tok a ont aiahla chi mak a tok.

39, 40. Anonti Esaias vt i himmakma, Nishkin a isht ik peso, mikmvt chvksh ma ik akostinincho kish, chvksh himona ik anukfoyuko ki, ak hlakoficho ka chi ka, nishkin a im akvmmi mvt, anonti chvksh ma i kvlochishke; achi tok oka, okla yimma he keyu ki tok.

41. Yumma im isht a holitopa ya pisvt yumma pit isht anumpuli mak osh Esaiaš vt ilvppa puta ka achi tok.

42. Yohmi kia nan apesa hochitoka vhleha hut i yimmi kvt laua akinli tok: yohmi kia sinakak a a kohchicha hinla hatuk o, Falisi vhleha pulla kak o yummak ash i yimmi hatuk vt okla ik otvnincho ki tok.

43. Hatak ai im aholitopa yak o im achukma kvt, Chihowa ai im a holitopa ka im i shahli hatuk osh.

44. Chisvs vt chitoli hosh, Kuna hosh vno a a yimmi kvt vno ak o a yimmi ho keyu, amba auet sa kanchi tok yummak o i yimmi mak oke.

45. Micha kuna hosh vno a sa pisa hokmvt, auet sa kanchi tok ma pisa mak oke.

46. Kuna hoh kia vno a a yimmi hokvt ai-okhlilika ya ik ai ahanto ka chi mak o, nan-tohwikeli mak osh ayvt yakni a vla li ha tok oke.

47. Yohmi kia hatak nana hosh vm anumpa ha haklo cha, ik yimmo hokma, nan im apesvt ilbvshali la hi o keyushke; yakni ak o nan im apesvt ilbvshali la hi osh aya li tok keyu; amba yakni a okchalnchi la chi ha tok oke.

48. Kuna hosh vno a sa shitilema cha, vm anumpa ha ik ahnincho hokvno, achvfa hosh nan im apesvt ilbvshali kuto aha hoke; anumpa anumpohonli li tuk ash fehna akinli kak osh nitak ai ishtaiyopikma nana im apesvt ilbvshala he mak oke.

49. Vno akinli hosh nana ka ahnit anumpuli li tuk keyu hoka; amba auet sa kanchi tok Aki ak osh nana ho achi la he, mikmvt nana ho anumpuli la he aiena ka nana vm apes sa ha tok.

50. Yohmi ka i nan-vlhpisa vt ai-okchayvt bilia yoha ithaiyana lishke; yohmi hatuk osh nana ho anumpohonli li ka, yummvt Aki vt vno a a miha tok a mih mak o anumpuli li hoke, achi tok.

CHAPTA XIII.

Chisvs vt nan im ai ithvna vhleha ha iyi im achifa, 1. 18 Chisvs vt Chutas ak osh ishit inla im issa chj hatuk a, nana kvv isht vllpisa ho isht im atokoli. 31 Chisvs vt ilap nan isht a holitopa hi anoli, mihmvt nan im ai ithvna vhleha hvv it i hulla chj ka, i miha mvt, 36 Pita yvt hituchina ha yo ilapa ik ithano miha chj ka, tikbanli im anoli.

1. NAN vbanvblit ont ia ai-impv holitopa kvv ik ai ono kisha ho, Chisvs vt ilapvt yakni ilvppa ai issvt, Iki a im ia chj hvshi kanvlli vllpisa kvv ai ona ka ithaiyana mvt, immi hvv yakni paknaka asha ka i hullo hatuk vt, yvmma i hullo kvv imomvt ont illi tok.

2. Yohmi ka okhlili ai-impv yvt ont vltaha yvmma fehna ma, yvmmak ash ishit inla im issa chj ka Setan vt Saimon ushi, Chutas Iskaliot chjvsh a anukfokkichi hatuk o;

3. Chisvs vt, Iki vt nana moma ka ilap ak o ibbak a fohki tok, micha ilapvt Chihova hak o a minti ha tok osh, anonti Chihova hak o im ia chj kvv ithaiyana mvt,

4. Okhlili impv asha tuk vt wakayvt, im anchi ash o naksika pit bohli mvt, tikba takali ishi cha, isht il ai vsko-fvchi tok.

5. Yohmi ha yosh oka ya ampo pit vnit ishi cha, nan im ai ithvna vhleha iyi yash achivvt isht ia mvt, tikba takali isht ai il ai vskofanchi tuk ash o ishit isht i kasholichi tok.

6. Atuk osh Saimon Pita yash o ont a hikia tok; mihma Saimon Pita yash ot, Chitokaka ma! saiyi ya ish achifa chj hoh cho? im achi tok.

7. Chisvs vt afalaminchii mvt, Nana ka yvmihchi li ka himonasi kvno chik akostininchoshke; yohmi kia himmak o ish akostininha hi oke, im achi tok.

8. Pita yash ot, Saiyi yak okvno nitak nana chik svm achifo kashke, im achi tok. Chisvs vt afalaminchii mvt, Ak ish achifo hokma, is si ahalaia keyu hoke, im achi tok.

9. Saimon Pita yash ot, Chitokaka ma! saiyi ak bano

keyu kashke, amba svbbak, micha sa noshkobo pit aieninchi hosh, im achi tok.

10. Chisvs vt, Vlhchifa tuk okvto himmak ma ik vlhchifo hō iyi ak bano kia, momvt kashofa chatuk; yohmi ka hvchishno vt hvchi kashofa akinli kia, hvsh moma keyushke.

11. Kvna hosh ilapa ishit inla ibbak fohka chī hoka ithana, yohmi hatuk osh, Momvt hvchi kashofa keyushke, achi tok.

12. Yohmit iyi ya im achifvt taiyahli mvt, im anchi ash ishi cha, falamvt aka binili mvt, Nana ka hvchī yvmihchi li ka hvsh ithana cho?

13. Uno a, Na pithvnanchi, pin Chitokaka hvs si achi; yohmi ka mih sia hō mvhli hoka, vhpesa hvsh mihvshke.

14. Yohmi kia vno vt hvchin Chitokaka, micha na hvch ithvnanchi sia hatuk osh, hvch iyi ya hvchim achifa li hatuk okma, hvchishno ak kia hvchishno bika iyi ya hvsh it im achifa he vlvhpesa hoke.

15. Uno vt a hvchī yvmihchi li tuk mak o hvsh a chī yuhmicha he mak o, na hvchim avvchi li hatuk oke.

16. Ahlishke, ahli mak o hvchim achi lishke; Tishu hv i shahli ha imaiya chatuk keyu; mikma nan-vlhtoka yosh aya kvv nan-atokoli tuk a imaiya chatuk keyu hoke.

17. Ilvppa puta ka hvsh ithana cha, yvmmak o hvsh yvmihchi hokmvt, na hvchi yukpa mak oke.

18. Moma kak o isht hvchi anumpuli li hō keyushke: kanima kak o vno vt atokoli li tok okvto ithana lishke; yohmi kia Holisso Holitopa yvt, Pvska svbai vpa kash ot iyi kotoba ya isht a sai o wakelishke, achi ha tok a yvmvvt ont ai ahla chī mak oke.

19. Yvmmak ash ot ont ai yvmohmi ha ma, vno ak atuk a hvchi yimma he mak o, ik ai ono kisha hō himak ano hvchim anoli lishke.

20. Ahlishke, ahli mak o hvchim achi lishke, Kvna kia vno ak osh nan tohno li hō aya ka ahninchī hokvt, vno ak o si ahninchī hoke; micha kvna kia, vno a si ahninchī hokmvt, auct sa kanchi tok mak o ahninchī hoke; im achi tok.

21. Chisvs vt yakohmiechit anumpuli mvt, chukvsh angakaka ai ik im vllhpieso mvt, atokolit anolit, Ahlishke, ahli mak o hvehim achi lishke, Hvsh achvfona kvv svshit inla ibbak o hvs sa fohka chj hoke, achi tok.
22. Mihma nan im ai ithvna vhleha hash ot kanima kak o miha hatuk a ik ai akostinincho mvt, filemvt okla iti pisa tok.
23. Yohmi ma nan im ai ithvna vhleha hā achvfa ka Chisvs vt holitobli yatuk o, Chisvs ikkishi hā vtayvt asha tok.
24. Yohmi tuk o yummak ash osh kva hak o miha hatuk ma a ponakla chj ka, Saimon Pita yvt i yuchunukli tok.
25. Mihma Chisvs ikkishi hā vtayvt asha hosh, Chitokaka ma! kvta hak o cho? im achi tok.
26. Mihma Chisvs vt afalaminchi mvt, Itih fohka achvfa ka pit okvchit kohchi li kvv, kanima hō pit ima likma, yummak osh mih mak a chj hoke, achi tok. Atuk osh itih fohka achvfa ka pit okvchit kohchi mvt, Saimon ushi Chutas Iskalot ak o ima tok.
27. Mihma itih fohka achvfa ishi ma, Setan vt yummak ash ont ekukova tok. Mihma Chisvs vt, Nana ka ish yvmohma chj kvv tushpvt ish yvmihchashke, im achi tok.
28. Nana ka a kanihoma hi o, ilvppa im achi ka, impvt maya tuk vt hatak achvfa kia ik akostinincho ki tok.
29. Chutas ak osh shukcha yā ishi hatuk oka, ai impa holitopa asha takla ka nana hō pi bvna hinla ka chumpakmā, keyukmvt ilbvsha vhleha yak o nanasi kia i hopela hinlakmā, nana hō Chisvs vt i miha hatuk a, kanimi kvv im ahoba tok.
30. Mihma itih fohka achvfa ka. ishi makinli hosh kocha ia tok; mihma yummvt ninak a tok.
31. Yummak ash ot kocha ia ma, Chisvs vt, Himak okvno Hatak Ushi vt ai ahlit holitopakma, anonti Chihova yvt yummak o isht a holitopa ai ahla chj mak oke.
32. Chihova yvt yummak o isht a holitopa ai ahli hokmvt, Chihova yvt anonti ilap inlit yummak ash o ai isht il

a holiloblichî ai aĥla çî aĥinli: miĥa chekosi fehna yvm-mak ash o holiloblichî ai aĥla çî mak oke.

33. Chipota vĥleha ma! chekosi takla kak o hvĥi takla aĥa lishke; yohmi ka hvs sa hoya çî hoke; Chu okla ĥa, Kanima yo ai ia li hoka, hvsh ona he keyushke, im achi li tuk mak osh anonti hvĥishno ma himonasi a hvĥim achi lishke.

34. Hvsh it i ĥullo kvĥ, vno vt hvĥi ĥullo li tuk a ohmi-çî hosh hvĥishno yak kia hvsh it i ĥulla he mak o, nan vĥlpisa himona ka hvĥ ima lishke.

35. Hvĥishno bika yvt hvsh it i ĥullo ilvppa pulla kak o nan vm ai ithvna hvĥia hatuk a, hatak moma kvĥ isht ithaiyana he mak oke, achi tok.

36. Saimon Pita yash ot, Chitokaka ma! katima ko ish ia çî hoh cho? im achi ma, Chisvs vt afalaminchî mvt, Kanima yo ia li hoka, himonasi kvno pit is siakaiya he keyushke; yohmi kia i himmak o pit is siakaiya hi oke, im achi tok.

37. Pita yash osh, Chitokaka ma! Na katihmi ĥo himonasi akinli kvno pit ak chiakaiyo ka hinla cho? çishno a pulla kak o vm ilĥfopak a aka bohyuli lashke.

38. Chisvs vt afalaminchî mvt, Vno a pulla kak o chim ilĥfopak aka ish bohyula çî cho? Ahlishke, aĥli mak o chim achi lishke; Akaka yvt ik olo kisha ĥo, hituchina ĥa çik svthano ish miha çî hoke, im achi tok.

CHAPTA XIV.

Chisvs vt nan im ai ithvna vĥleha ĥa pehlichit impvt aĥa moma hosh, apihvt vba yakni a ont okla aĥa hi a, i miha, 1; 13 miĥa ilap hoĥchifo ĥak o nan isht asilĥvt anumpuli hokvno moma im aiahlichî hi vt miha. 15 Chisvs vt nanuktalali inla auet ima hi vt miha.

1. HVCHI çĥvksh vt nana ik hvĥi kaniohmo kashke; Chihowa ĥa, oh i yimmi ĥa, vno ma oh a yimmi.

2. Aki in çuka ya aiasha yvt laua hoke: ik yvmohmo

hatuk okma, hvchim anoli la he tuk oke, aiasa ya hvchim apoksiachit atahli la chi hosh ia li hoke.

3. Yohmi kv̄t ont apoksiachit hvchim atahli li hokmvt, anonti salamvt vla lish, vno vt kanima yō ai ahanta likma, hvchishno mvt yvmak o hvsh ai ahashwa hi a, ant hvch ishit ai vta li ka ona la hi oke.

4. Yohmi hokvt kanima yō ia li hoka pit hvsh ithana; mikmvt hina ya hvsh ithanvshke, im achi tok.

5. Tamas ash osh, Chitokaka ma! kanima yō ish ia hoka il ithana keyu: yohmi kv̄t katiohmi hosh hina yano il ithana hinla cho? im achi tok.

6. Mihma Chisvs ash ot, Uno ak osh hina, micha ai ahlika, ai okchaya aiena sia mak oke: vno ak o keyukma hatak nana hosh Aki a im ai ona he keyu hoke.

7. Uno a hvs svthana hatuk okmvt, Aki ma hvsh ithana akinla he tuk oke: atuk kia hvsh pisa tuk okvt himak ai vhlit ia hokvno hvsh ithaiyanvshke.

8. Filip ash osh, Chitokaka ma! Chiki a ish pi haiakvchashke, yohmikma pim vlpesa hinla hoke, im achi tok.

9. Mihma Chisvs vt, Chi takla ahanta li hopakit taiyaha ka, Filip vt chik svthano kisha tuk oh cho? kvna hosh vno a sa pisakmvt, Aki a pisa hatuk; yohmi ka katiohmi ho, Chiki a ish pi haiakvchashke, ish achi cho?

10. Uno vt Aki ibai achafa likma, anonti Aki vt vno a a svbai achafa ka ik chi yimmo cho? anumpa hvchim anum-pohonli li kv̄t vno akinli vm anukfila hosh anumpuli li keyushke; amba Aki svbai achafa yvmak osh nana ka ai yvmihchi hoke.

11. Uno vt Aki a ibai achafa likma, anonti Aki vt auet svbai achafa ka hvs sa yimmashke; keyuk mak heto nana kv̄t a katiohmi tuk yvmak pulla kak o isht ai hvs sa yimmashke.

12. Ahlishke, ahli mak o hvchim achi lishke, Kvna hosh a yimmikmvt, vno nana ai yvmihchi li tuk ash yvmihchi akinla hi oke: yohmikmvt vno vto Aki a im ia li hatuk oka, nana kv̄t a fehna ilvppa puta ka i shahli ho yvmihcha hi oke.

13. Micha a hohchifo pulla ho nana ka isht hvsh asilhha hokma, Iki vt Ushi a ai isht a holitopa ai ahla hi a, mihi yo yvmihchi la hi oke.

14. A hohchifo pulla ho nana ka isht hvsh asilhha hokma, ai yvmihchi la hi mak oke.

15. Hvs sa hullo hokmvt, vm anumpa vlhpisa puta ka hvsh holitoblashke.

16. Mikma Aki a im asilhha likma, yvmmt a hvchi takla ahanta na bilia he mak o hvchi nanuktalali inla ya auet hvch ima hi oke.

17. Yvmmt Shilombish ai ahli, yvmmak oka yakni okvto pisa keyu, micha ithana keyu aiena hatuk osh, ahninha he keyu mak oke; yohmi kia hvchishno yokvno hvchi takla ahanta tuk osh, anonti hvchi anukfoyuka chi hoka hvsh ithana hoke.

18. Hvchi vltakla ho hvch issvt aya la he keyu; hvchim aya la hi oke.

19. Chekosikma yakni vt sa pisa chi keyu hoke; amba hvchishno vto hvs sa pisa hi oke; yohmi ka sai okchaya hoka, anonti hvchi okchaya he akinli hoke.

20. Uno vt Aki a ibai achafa likma, anonti hvchishno vt vno a hvs srbai achafa na hvchishno ma hvch ibai achafa li aiena ka, nitak ymma fehnakma hvsh akostininha hi oke.

21. Kvna hosh vm anumpa vlhpisa vt in tonla cha, holitobli hokmvt, yvmmak osh sa holitobli mak oke; micha kvna hosh vno a sa holitoblikmvt, Aki ma i holitopakma, vno mvt holitoblit il im otvninchi la hi oke.

22. Chutas vt Iskalot ak keyu hosh, Chitokaka ma! katiohmi ho pishno ano ant ish pim ile haiakvchi hokak osh, yakni ano chik im ile haiakvcho ka chi hoh cho? im achi tok.

23. Chisvs vt afalaminchi mvt, Hatak vt a hullo hokmvt, vm anumpa ha holitobla he; yohmikma Aki vt ilapo ma holitoblikma, il im aya cha, il ibai vta he mak oke.

24. Uno a a hullo keyu hokvto, vm anumpa ha ik holitoblo hoke; micha anumpa ilvppa hvsh haiyaklo ka vm anumpa keyu, amba auet sa kanchi tok Aki ak o immi hoke.

25. Hvchi takla ahanta li takla hatuk mak osh ilvppa puta ka isht hvchim anumpohonli lishke.

26. Yohmi kia nanuktalali, yummvt Shilombish Holitopa. mak o a hohchifo pulla hatuk mak o Aki vt auet kancha chi hoka, yummak osh nan okluha ka hvch ithvnanchit, nana ho hvchim ahanchi li tuk ma, moma falaminchit hvchi anukfohka hi oke.

27. Nanaiya ya hvchi bohli lishke: a nanaiya ya hvch ima lishke: yakni vt ima chatuk a chohmi keyu ho hvch ima lishke. Hvchi chukvsh vt ik kaniohmokmvt, anonti ik nukshopo kashke.

28. Ia li tukmvt, anonti falamvt hvchim aya ia hi oke, hvchim achi li ka hvsh haklo kvno. Hvs sa hullo hatuk okmvt, Aki ak o im ia li hoke, achi li tuk a na hvchi yukpa he tuk; Aki vt vmaiya hatuk oka.

29. Micha ont ai ahlikma, hvsh i yimma he mak o, himonasi ik ono kisha ho hvchim anoli li tuk oke.

30. Yakni ilvppa ai i shahli yatuk mvt, nana ho isht a si ahalaia keyu hosh minti hoka, himak a pilla mvno hvch it im anumpuli li fehna chi keyu mak oke.

31. Yohmi kia Aki a holitobli li ka, yakni vt ithaiyana chi ka, Aki vt nana ho vm apihisa tok a, mih mak o yvmihchi li hoke. Ho wakaya, kiloh ilhkoli.

CHAPTA XV.

Chisvs vt paki vpi yosh naksish puta aiena hosh nan isht vlpisa ilvppak o hatak vt ilap ak o pit ai achafa pulla hosh vnit waya ka chohma he ai vlpesa hatuk a anoli, 1: 9 micha ilapvt nan im ai ithvna vhleha ha i bullo fehna hatuk vt anoli mvt, 12 anonti yvm-makmvt it i bullo kvv yummak inli ho chohma hi a in tohno; 19 yakni ilvppak okvt ilap, micha Iki ita-tuklo ka ik ahnicho yatuk okvt yummakma i nukkillit ilbvshacha hi a im anoli.

1. VNO ak osh pak-vpi ahli sia hokma, anonti Aki ak osh apoksiachi oke.

2. Naksish vno ak o a sai offo hosh vni keyu hokma, mo-

minchit ishit kanchi hoke: mikmt naksish vt vni hokvto, isht i shahlit vna chi ka, achukmalit apoksiachi hoke.

3. Anumpa isht hvchim anumpohonli li tuk pulla ho himonasi a isht a hvchi a kashovshke.

4. Vno a ho svbai achafa; mikma vno mvt hvch ibai achafa lashke. Naksish vt vpi ak o pit a hikia ho keyukmt, ilap illa kvv vna he keyu chatuk a, yvmak i chiyuhmit hvchishno ak kia vno a hvs svbai achafa ho keyukmt, nana hvsh kanihma he keyushke.

5. Vno ak osh pakvpi sia hokma, hvchishno vto naksish hvchia hoke. Kvna hosh vno a svbai achafa na anontii ilap ma ibai achafa li hokma, mihi yosh vni fehna chatuk oke: vno ak o keyukma nana hvsh kanihma he keyu hoke.

6. Kvna kia vno a svbai achafa keyu hokma, naksish mak o ai itilauechit kanchi na hvshi chatuk; yohmikma hatak put a mvt yvmak ash aiowvt luak a pila na lua chatuk oke.

7. Vno a hvs svbai achafa na vm anumpa mvt hvchi anukfoyuka hokma, nana ho hvsh aiahni cha hvsh asilhma hokvt, hvchim ai ahla hi oke.

8. Hvsh vni fehna yvmak okmak o, Aki vt isht a holi-topa ai ahla he; yohmikma nan vm ai ithvna hvchia mak a hi oke.

9. Vno a Aki vt a hullo tok mak o, ai itilauechi hosh hvchi hullo li hoke; a sa holiobli kvv hvsh biliashke.

10. Vm anumpa vlvvisa puta ka hvsh im antia hokmt, a sa holiobli kvv a hvchi bilia he: vno vt Aki a im anumpa vlvvisa puta ka im antia li kvv, ai i hullo mvt a sa bilia tok mak o hvsh chiyuhma hi oke.

11. Hvchishno pulla atuk mak o nan isht vm ilaiyukpa hatuk mvt hvchin takali bilia na, na hvchi yukpa kvv alotowa chi mak o, ilvppa puta ka isht hvchim anumpohonli li hoke.

12. Vno vt hvchi hullo li tok mak o, chiyuhmichit hvsh it i hulla he, ilvppak osh vm anumpa vlvvisa mak oke.

13. Hatak vt i kana vhleha ha i hullo kvv im ilhfiopak a aka bohyuli hoka, hatak nana kia yvma i shahlichit it i hulla hi vt ikshoshke.

14. Nana ho hvchim apesa li ka hvsh yvmohmi hokmvt, a kana hvchia mak oke.
15. Himak pilla kvno ilthohno hvchi achi la he keyu; ilthohno yokvto, i shahli hvv nana ho isht ahanta ka, akostinichi keyu chatuk; amba nana ho Aki a im a haklo li tuk vt okluyuha hvchim anoli li hatuk okvt, a kana vhleha hvchi achi lishke.
16. Hvchishno ak osh hvs si atokoli tok o keyu; amba itmowvt vnit hvsh waya he ak atuk oke; yohmikma hvchi a waya kvv aiasha na Aki a nana ho a hohchifo pulla kak o isht hvsh im asilhakma, hvch ima he mak o, vno ak osh ai atokolit hvchim apesa li hatuk oke.
17. Hvsh it i hulla he mak o, ilvppa hvchim apihisa li hoke.
18. Yakni vt hvchi nukkilli hokmvt, ik hvchi nukkilli ki-sha hosh vno a a nukkilli tok a hvsh ithaiyanvshke.
19. Yakni ak o hvsh ai achvfa hatuk okmvno, yakni vt immi hatuk okvno holitobla he tuk; amba yakni a hvsh ai achvfa keyu; amba vno ak osh atokolit yakni a a kohchit hvch ishi li hatuk; yohmi hatuk o yakni vt hvchi nukkilli hoke.
20. Tishu hvv i shahli ha imaiya chatuk keyu, hvchim achi li tok anumpa yvma hvsh ithaiyanashke. Vno a okla selvshachi tok okmvt, hvchishno ma hvch ilbvshacha he akinli hoke; vm anumpa ha im antia tok okmvt, hvchim anumpa ha im antia he akinli hoke.
21. Yohmi kia auct sa kanchi tok a pit ithana keyu hokvt, vno pulla hatuk mak o ilvppa puta ka hvchi yvmihcha hi oke.
22. Vno ak osh ayvt vlvv ant ak im anumpulo hatuk okmvno, ai ashvchika yvt okla ik im iksho ka he tuk; amba himak okvno nan im ai ashvchika ya isht ompoholma hi vt okla ik im ikshoshke.
23. Kvna hosh vno a a nukkilli hokvt, Aki ma i nukkilli akinli hoke.
24. Vno vt na-fehna puta ka, hatak inla nana kia ai yvmihchi chatuk keyu ka ai itintakla ma vno vt ai yvmihchi li

tuk keyu hokmvno, nan ai ashvchika yvt okla ik im iksho ka
he tuk; amba himak okvno pisa cha, anonti vno, mikmv
Aki ita-tuklo ka i nukkilli tuk oke.

25. Yohmi kia na kaniohmi keyu ho okla a nukkillishke,
achi anumpa hvt i nan vlpisa holisso ha a holisso tok vt
ont ai ahla chi kak o, ilvppv ai yakohmi tok.

26. Yohmi kia nanuktalali, yvmmak okvt Shilombish ghi,
Aki a a kohchvt aya mak o, Aki a im ai isht auet hvchi
kanchi li vla hokmvt, yvmmak osh ai atokowa ka si anolonis
he mak oke.

27. Yohmikma hvchishno vt nana vmmona ka si apchvt
hvsh aya tuk okvt, nan ai-atokowa ka hvsh anoli akinla hi
oke.

CHAPTA XVI.

Chisvs vt anonti nan im ai ithvna vhleha ha okla hvt ilbvshala chi
puta ka im anoli, 1: 7 mihmvt nanuktalali, yvmvvt Shilombish
Holitopa mak o auet ima hi vt miha. 16 Falamvt tani ha yvt
ilapvt i nowvt aya pulla he im anoli; 23 ilap hohchifo pulla ho
Chihowa ha nan isht im asilhha hokvto im anumpa hvt holitopa
pulla hi a miha.

1. IK hvchi ibetvblo ka he mak o, ilvppa puta ka isht
hvchim anumpohonli li hoke.

2. Sinakak puta ka okla a hvchi kohchicha he; ghi
kvna hosh hvchibi hokmvt, Chihowa ha holitoblichi mak o
im ahoba he nitak vt mihinti hoke.

3. Yohmi kvv Aki, mikmv vno il ita-tuklo ka ik pithana
hatuk mak osh, ilvppa puta ka hvchi yvmihcha hi oke.

4. Yohmi kia nitak yvmvvt ai ona hokma, yvmmak osh
hvchim anoli li tok a hvsh ithana he mak o, ilvppa puta ka
hvchim anoli li hoke. Yohmi kvv vno vt hvchi takla anta
hokvt, nana vmmona hokvno ilvppa puta ka ak hvchim achi
ki tok oke.

5. Yohmi tuk osh himonasi yokvno auet sa kanchi tok
mak o falamvt im ia la chi hoke; yohmi na hvsh kanima kin
Katima yo ish ia chi cho? achit hvchik sa ponakloshke.

6. Amba ilvppa puta ka hvchīm achi li kak o, nanukhāklo kv̄t hvchi chukvsh a alotolishke.

7. Yohmi kia ahli mak o hvch im̄ anoli lishke. V̄no vt ia li hok mak o nan isht a hvchīm v̄lhpiesa chī hoke; v̄no vt ia li keyu hokmv̄no, nanuktalali vt hvchīm aya he keyu: amba ia li hokmv̄to, yv̄mma auct hvchī kanchi la he mak oke.

8. Yohmikma yv̄mmak osh v̄lakmv̄t, ai ashvchika, micha nan ai v̄lhpiesa, mikmv̄t nan-v̄lhpisa aiena ka okla puta ka, anukfokhicha hi oke.

9. V̄no a okla a yimmi hatuk keyu hoka, nan im ai ashvchi hatuk a im otv̄nihincha he;

10. V̄no vt Aki a im ia li; yohmi na himmakma hvch ik sa peso hatuk oka, nan ai v̄lhpiesa hatuk a im otv̄nihincha he:

11. Yakni a ai i shahli hv̄t nan im v̄lhpisa hatuk oka, nan-v̄lhpisa ma im otv̄nihincha hi oke.

12. Na hvchīm achi la he yokv̄to v̄m āsha moma akinli kia, himonasi okv̄no yv̄mmak oka hv̄sh akostinincha he keyushke.

13. Yohmi kia Shilombish ahli, yv̄mmv̄t v̄la hok mak osh, nan ai ahlika puta ma hvch ithv̄nancha hi oke; yv̄mmak okv̄t ilap nana aiahni hosh anumpula he keyu hokv̄t; amba nana h̄o haklo tuk mak osh mihi ȳo anumpula hi oke; mikmv̄t nana a kaniolma he puta ka hvchīm otv̄nihincha hi oke.

14. Yv̄mmak okv̄t v̄no ak o v̄m ai ishi cha, hvchīm otv̄nihincha hi okv̄t, v̄no a sa holitoblich̄a he mak oke.

15. Nana moma Aki vt im āsha kv̄t v̄m̄mi hoke; yohmi hatuk mak o, v̄no ak o v̄m̄r ai eshi cha hvchīm otv̄nihincha he, hvchīm achi li tuk oke.

16. Chekosikma h̄vs sa pisa chī keyushke; atukmv̄t anont̄i Aki ak o im ia li hatuk oka, chekosikma h̄vs sa pisa hi oke, im achi tok.

17. Yohmi ma nan im ai ithv̄na v̄hleha kaniolmi kv̄t, Chekosikma h̄vs sa pisa chī keyushke; anont̄i Aki a im ia li hatuk oka, chekosikma h̄vs sa pisa chī hoka hv̄pim achi ka, ilv̄ppak osh katiohmi hoh cho? ilap bika it im achit maya tok.

18. Yohmi hatuk osh, Chekosikma, achi ilvppvt nanta hak oh cho? nana ho miha ka kil im akostininchoshke, okla achi tok.

19. Ilapa okla i ponaklo bnna ka Chisvs vt im ithana hatuk osh, Chekosikma hvs sa pisa chi keyushke: atuk osh anonti chekosikma hvs sa pisa chi oke, achi li tuk yvmak ash isht ai it im a ponaklot hvsh maya cho?

20. Ahlishke, ahli mak o hvch im achi lishke; Hvchishno yokto nishkin okehi mintit hvsh yahaya chi hoke; yohmikma yakni vto na-yukpa chi hoke: mikma hvchi nukhaklo fehna he; yohmi kia na hvchi nukhaklo kash ot falamvt isht a hvchi yukpa hi oke.

21. Ohoyo hvt vlla in tonla chikmvt, hvshi kanvli vlpisa hvt im ai vla hokvt ilbvsha hoke; yohmi tuk kia hatak osh tobtv yakni a ai ituyula ka, na yukpa kvv, vlla yvt in tola makinli hosh na palvmmi tuk a imi-haksi hoke.

22. Yohmi ka hvchishno vt himonasi kvno hvch ilbvsheshke; yohmi kia himmakma hvchi pisa la chi akinli; yohmikma hvchi chukvsh vt yukpa he, mikma na hvchi yukpa ka hatak nana hosh ishit hvchi kancha wa.

23. Mikma nitak yvmma fehnakma nana kia hvch ik sa ponaklo ka hi oke. Ahlishke, ahli mak o hvch im achi lishke, Uno a hohchifo ho nana ka Aki a isht a hvsh im asilhhakma, hvch ima he mak oke.

24. Tikvvt a mihinti hokvno a hohchifo ha nana ka isht hvch ik asilhho ke tuk; oh asilhhá; yohmikmvt na hvchi yukvvt isht alotowa chi ka, hvsh habena he mak oke.

25. Nana ilvppa puta ka nan isht vlpisa ho isht hvchishno anumpuli lishke; yohmi kia himmakma nan isht vlpisa ho isht ak hvchim anumpulo hosh, amba otvvinchi achukmvt hosh Aki a isht a hvchim anohonli la he nitak vt milian hoke.

26. Nitak yvmak okvno a hohchifo ha nan isht a hvch asilhha hi oke: yohmikma Aki a hvch isht im a ponaklo ka hi oke; hvchim achi li keyushke.

27. Hvchishno vt hvs sa hullo, mikmvt Chihowa ak o s

kochvt aya li hatok a hvchi yimmi tuk: yohmi hatuk o Aki
vt ilapo akinli kvv hvchi hullo hoka.

28. Aki ak o a kochvt aya hosh yakni a vla li tok osh;
anonti yakni ash issvt, Aki a im ia li hoke, im achi tok.

29. Nan im ai ithvna vhleha hash ot, Inta! himak okvno
achukmalit isht pim anumpuli cha, nan-isht vlpisa ho chik
anumpuloshke.

30. Nan oklyha ka ish ithaiyana ka, hatak nana hosh
nana ka a chim a ponakla hi o keyu ka himak okvno il akos-
timinchishke; Chihowa ak o a kochvt ish aya tok pulla ka
ilvppak o isht a pi yimmishke, okla im achi tok.

31. Chisvs vt afalaminchi mvt, Himak ano okla hvchi
yimmi cho?

32. Inta! hatak vt ilap in chuka aiyukali ka ai ita fimim-
pet ilap banochit hvs sa filvmma chi ka hvshi kanvlli ai
vlpisa kvv mihinti tuk osh, anonti himak okvno ai ona
hoke; yohmi kia Aki ak osh si ahina hoka, vno ak illa he
keyushke.

33. Vno pulla ho nana anuktanla ka hvsh iesha he mak
o. ilvppa puta ka isht hvchim anumpuli lishke. Yakni pak-
naka yokvno na palvmmi puta kvv a hvchim aiasha he;
yohmi kia hvchi nuktanla achukmashke; vno vt yakni a
imaiyachi li tuk oke, im achi tok.

CHAPTA XVII.

Ishit inla ibbak fohka chi ninak a Chisvs vt vba pit anumpuli kvv,
ilapvt illi tuk vt falamvt tani ha ya, Chihowa hvv nan im ai ithvna
vhleha ha apelahanchi na im anukfila hvv ai it achvfa he, 1; 20
Chihowa, Ushi ita tuklo ka im anukfila pit ai itachvfa he; 24 yoh-
mi cha ilap vt vba yakni a holitopvt ahanta ka ont ahevvt maya
he puta ka vba isht anumpohonli.

1. ANUMPA ilvppa puta ka Chisvs vt anumpohonli
mvt, vba pit vba chakali cha, Aki ma! hvshi kanvlli vlpisa
yvt ai onvshke. Chiso ha ish holitoblich na anonti chiso
mvt chi holitoblich akinlashke.

2. Lava kvv kaniohmi ho ish im ihisa tuk ma, yvmmak

ash ai okchayvt bilia yo yummak ash ot ima hi vt, hatak puyuta ma ai imaiya he mak o, ish im apihisa tok oke.

3. Yohmi ka Chishno ak illa kak osh Chihowa ahli chia ka, micha Chisvs Klaist auet ish kanchi tok ma okla ithaiyana he ak o ilvppak osh ai-okchayvt bilia yoke.

4. Yakni paknaka ya a chi holitoblichishke. Natoksvli isht ahanta la hi o is svm apesa tok a, atahli lishke.

5. Yohmi ka, Aki ma! yakni vt iksho mak o na holitopa ka isht chiba holitopa li ya tok mak o, himak a chishno a ai il a aieninchit is sa holitoblichashke.

6. Hatak puta ka yakni ak o ai ishit is soma hatuk a, chi hohchifo ha im otvinnichi li hokvno; yummak okvt chimmi hatuk o, is soma hatuk oka, chim anumpa ha okla holitobli tuk oke.

7. Nana ka is soma tok oklyuha kvt chishno ak o a minti hatuk a himak okvno okla akostininchishke.

8. Anumpa is soma chash yummak o ima li hokvno; mihma yvma okla aiokpvechi mvt, vno vt chishno ak o a chi a minti li hatuk a, okla akostininchichi, micha chishno ak osh auet is sa kanchi tok aiena ka okla yimmi hatuk oke.

9. Yummak o isht chim ilbvshvt anumpuli lishke; yakni ak o isht chim ilbvshvt anumpuli li keyu, amba ilvppak o is soma tok a, yvmvt chimmi vhleha hoka, isht chim ilbvshvt anumpuli lishke.

10. Yohmi ka vmmi hvt momvt chimmi hokma, anont chimmi hvt vno a vmmi makinli hoke: yohmi hoka vno vt yvma isht a sa holitopa hoke.

11. Himak okvno yakni paknaka ya himmakma ik si ai iksho mak oke; yohmi kia ilvppak okvto yakni a ai ahagshva na vno vt chim aya li mak oke. Aki holitopa ma! is soma tok vhleha ilvppak oka chishno chi hohchifo pulla hatuk mak o ish apesahanchi na yummak mvt ai itibai achvfa kvt pishno a chiyuhmashke.

12. Pehliechit yakni paknaka ai ahanta li moma kvto chi hohchifo pulla ho isht ai apesahanchi li tok: is soma tok vhleha yummak oka apesahanchi li ma, achvfa kia ik kvno

hə, amba Holisso Holitopa vt ont ai əbla chi kak o, nan-ok-pvni ushi ak illa tuk oke.

13. Yohmi ka vno pulla hatuk mak o a nan-isht ilaiyukpa ma ilap inlit okla il ai esha hi o, ilvppa puyuta ka yakni paknaka isht ai anumpohonli li, yohmi tuk osh himak okvno chim aya li mak oke.

14. Chim anumpa ha ima li tuk oke: yohmi ma yvm-mak okvt yakni a ai immi keyu kv, vno vt yakni a ai immi sia keyu kak inli hə chohmi hatuk o, okla i nukkilli hatuk oke.

15. Yakni ak o a kohchit ish isha hi o chim asilha li keyu; amba apesahanchit nan-okpulo ak o ishit chik ahalai-yacho ka he ak oke.

16. Yakni a ai immi keyu kv, vno vt yakni a ai immi sia keyu kak inli hə okla chiyuhmi hoke.

17. Yvmmak oka na chim ai əhlika pulla kak o isht ish i kashofichashke; chim anumpa hak osh nan ai əhlika yoke.

18. Chishno vt yakni paknaka ya auet is sa kanchi tok mak o, chohmichit vno mvt ilvppak ma yakni paknaka ya a tihleinli lishke.

19. Micha ilap ak kia nan-ai əhlika ya ai isht a kashofa chi ka, vno vt ilvppak pulla hatuk mak o ile kashofichi li hoke.

20. Micha ilvppa illa hə isht asihhla li keyu; amba ilvppa pulla im anumpa hatuk mak o a yimma he aiena kak oke.

21. Moyumvt ai itib achvfa kv, Aki chia hv vno a is sbai achafakma, anonti vno mvt a chibai achafa li kak inli hə okla chiyuhmi cha, yvmmak mvt pishno a a pibai achafashke: yohmi na chishno ak osh auet is sa kanchi tok a okla moma kv ithaiyanashke.

22. Yohmikma ilvppvt ai itib achvfa kv pishno il itibai achvfa kak inli hə chohma hi a, nan-isht aholitopa is svma tok a ilvppa ima lishke.

23. Vno vt ilvppa ai ibachafa likma, anonti chishno mvt auet is sbai achafa; ai yakohmi hə yvmmak osh ont ai əhli achvfa ka tobashke; yohmikma chishno ak osh auet is sa

kanchi tok; a tok osh ilvppak oka ish i hullo kvv vno a is sa hullo kak inli ho ish chohmichi ka, yakni vt ithaiya-nashke.

24. Aki ma! is suma tok vhleha hak kia kanima yo ai ahanta likma, si apihvt asha cha, nan-isht vm aholitopa ymma is suma tok a pisa he ak o, ahni lishke: yakni vt ik tobo kisha mak o is sa holitobli tok mak oke.

25. Aki ahli achukma ma! yakni vt ik chithanoshke, yohmi kia vno vto chithana li; mihma chishno ak osh auct is sa kanchi tok a ilvppak okvto akostininchi hatuk oke.

26. Yohmi na ilvppak o chi hohchifo ha isht im anohonli li tuk osh, anonti anohonli la chi hoke: yohmikma na-holitobli ai isht is sa hullo hatuk vt ilvppak ma anukfoyuka m, anonti vno mvt ai ibachafa lashke, achi tok.

CHAPTA XVIII.

Chisvs vt osapushi yo ont chukowa, 1; 6 Chutas vt Chisvs a isha chi hosh ai vla na, Chisvs vt anumpuli ma, falamvt obvlpelvt aka ont fohopa; 10 Pita yvt Malkvs haksobish a chanlit hokv. 12 Chisvs a okla takchi cha isht ia mvt, Annas ak o isht im ona tuk osh achakalinchi mvt, Kaiafas ak o okla isht im ona; 15 mvt ma Pita yvt Chisvs a ik ithano miha. 29 Chisvs a Pailat ak a okla isht im ona ma, Pailat ash osh achukmalit nan im a ponale.

1. CHISVS vt ilvppa puta ka ahanchit in taiyaha mvt nan im ai ithvna vhleha pehlinchit Kitlon bokushi a paitanvblit osapushi vt ymma talaia tuk o, nan im ai ithvna vhleha hash ai it apihvt ont chukowa tok.

2. Yohmi ka Chisvs vt nan im ai ithvna vhleha ha pehlichit ymma ai ona fehna chatuk a ishit inla im issa tok Chutas ak kia ymma pit ai ithana tok.

3. Yohmi hatuk osh Chutas ash ot hatak ai-itapeho achefa, i kvpitvni vhleha aiena ka na-holitompa isht asha pehlichit vhleha, mikmvt Falisi vhleha aiena ka ai im ai shi mvt, pula afohka, mikmvt na shimahli pula, micha na halapa aiena ka sholi hosh ymmak ash ai vla tok.

4. Yohmi ma Chisvs vt nana hosh ilapa ai onvtuyula chi

puta moma ka ithana hatuk okvt, ivt ont afamvt, Kvta ho hvsh hoyo cho? im achi tok.

5. Mihma, Chisvs Nasalet minti ak oke, okla im achi ma, Chisvs ash osh, vno ak osh mih sia mak oke, im achi tok. Mihma ishit inla im issa tok Chutas ash kia yvmma takla hikja tok.

6. Atuk o, Vno ak osh mih sia mak oke, im achi makinli ho, okla obvlhpelvt ivt aka ont kaha tok.

7. Mihma atuklanchit i ponaklot, Kvta hak o hvsh hoyo cho? achi tok. Mihma, Chisvs Nasalet minti ak oke, okla achi tok.

8. Chisvs vt afalaminchi mvt, Vno ak osh mih sia hatuk vt hvchim anoli li kvno; yohmi hoka vno ak o hvs sa hoyo hatuk okmvt, ilvppak okvno asht ik itvnowá, hvsh im ah-nashke.

9. Yohmi na yvmmak o isht anumpuli hosh, Is svma tok vhleha hokvt achvfa kia ik sa kvnioshke, ahanchi tok a ont ai aghlashke, achi tok.

10. Yohmi ma Saimon Pita yvt bvshpo falaia shanli tuk osh halvllit shufi mvt, na holitompa isht asha pehlichí i shahli in tishu ho isht fahamvt, haksobish isht impak imma ya chanlit hokofi tok. Tishu hohchifo hvt Malkvs a tok.

11. Mihma Chisvs vt Pita yash o, Chi bvshpo falaia ya i shukcha pit fohki; isht ishko Aki vt auet vma tok a ak ai ishko ka hinla cho? im achi tok.

12. Yohmi ma hatak aya achvfa, micha kvpitvni, mikmvt Chu okla nan vltoka vhleha aiena kash ot Chisvs ash ishi cha, takchi tok.

13. Mihmvt yvmmak osh Kaiafas vt afvmmi yvmma feh-na ka na holitompa isht asha pehlichí i shahli yatuk o, yvmma ipochi yatuk oka Annas ak o tikba okla isht im ona tok.

14. Kaiafas ilvppak osh hatak achvfa hosh okla hoka vhllobvt illa he ak o ai vlpiesa ka, Chu okla ha it im apesa tuk a tok.

15. Mihma Saimon Pita yvt Chisvs a pit iakaiyvt aya ma, anonti nan im ai ithvna achvfa yvmmak oka na-holi-

tompa isht asha pehlichi i shahli hvt ithana hatuk o, Chisvs a awant na-holitompa isht asha pehlichi i shahli i nan-ai-apesa ya ont chukowa tok.

16. Amba Pita vto okhissa kocha yak o hikia tok. Yoh-mi ma nan im ai ithvna achvfa na-holitompa isht asha pehlichi i shahli hvt ithana hatuk, yvmmak ash ot kobchvt ivt, ohoyo okhissa apesvchi yash ont im anoli cha, Pita ya ilauelet chukowa tok.

17. Mihma ohoyo himita okhissa apesvchi yash ot Pita ya, Chishno ak kia hatak ilvppa nan im ai ithvna chia keyu? im achi ma, Mih sia keyushke, im achi tok.

18. Mihma kapvssvchi hatuk o, ilhtohno vhleha, micha nan vltoka vhleha aiena kash ot tobaksi yo oti cha, libisha hosh hiohmaya tok; mihma Pita yvt takla hikvt libisha tok.

19. Na-holitompa isht asha pehlichi i shahli ash ot Chisvs a nan im ai ithvna vhleha, mikmvt nan isht im avt-chi aiena ka ai im asilhhvchi tok.

20. Chisvs vt afalaminchi mvt, okla puta ka ai im otvni achukma hosh anumpohonli li hatuk; Chu okla hvt ai itvnaha bilia sinakak, micha tempel aiena yvmmak o nana ai ithvnanchi li chatuk; yohmi kvv luma chohmi hokvto nana ak achoshke.

21. Na katihmi ho vno ak o is svma ponaklo cho? nana im achi li ka haklo chatuk vhleha hak o ish i ponaklashke: yakeh! yvmmak osh nana achi li chatuk a okla ithana hokvto achi tok.

22. Ilvppa yakohmichit anumpuli ma, nan-vltoka vhleha hvt achvftv bilikasi hikia tuk osh, Chisvs ash ibbak isht pasalichi mvt, Na holitompa isht asha pehlichi i shahli ya yakohmichi hosh ish im anumpuli cho? achi tok.

23. Chisvs vt afalaminchi mvt, Ik vlvpeso ho anumpuli li hokma, nan ik vlvpeso mak o isht ish atokolashke: amba vlvpesa tuk mvno, katiahmi ho is svssso cho? achi tok.

24. Yvmmak ash ot talakchi na Annas vt na holitompa isht asha pehlichi i shahli Kaiafas a pit pila tuk a tok.

25. Mihma Saimon Pita yvt libisha hosh hikia tok : yohmi ma, Chishno vt ymma nan im ai ithvna vheha ha ish ibai achvfa tuk keyu ? okla im achi ma, ik ahlo mihvt, Uno yokvt mih sia keyushke, achi tok.
26. Na holitomp isht asha pehlich i shahli im ilhtohno vheha achvvt Pita yvt haksobish tvbli tuk ash i kanomi hosh, Chishno ak osh ymma awant osapushi a ish anta ho, chi pisa li tuk keyu ? achi tok.
27. Mihma Pita yvt ik ahlo kash inli ho miha tok : mihma chekosi fehna akaka yvt ola tok.
28. Yohmi ma Chisvs ash Kaiapas a im ai ishit ivt, nan ai apesa yo okla isht ona tok : yummvt onnahinli ha tok ; yohmi kvv nan-vbanvblit ont ia ya ai impa he tuk vt, im ai okpuloka hinla hatuk osh ilapo ak okvto nan ai-apesa ya okla pit ik chukowo ki tok.
29. Mihma Pailat vt kohchvt ona mvt, Hatak ilvppa anumpa nanta mak o hvsh ai ikbichi cho ? achi tok.
30. Mihma okla afalaminchi mvt, Ilvppvt nanokpvi keyu hatuk okma, chibbak oka ant e chi fohka he tuk keyu hoke, okla im achi tok.
31. Mihma Pailat vt, Isht oh ia cha, hvchi nan-vhvpisa mak o isht oh ai im apesa, im achi tok. Yohmi hatuk o Chu okla hash osh, Hatak nana kia illa he il im apesa he vt a pim vhpesa keyu hoke, okla im achi tok.
32. Yohmi ka Chisvs vt kaniohmit ai-illi yo ai illa hi vt anumpohonli tok a, ont ai ghla he mak a tok.
33. Mihma Pailat vt atuklanchit nan-ai-apesa yash ont chukowa cha, Chisvs a i howa mvt, Chishno ak osh Chu okla i miko chia mak oh cho ? im achi tok.
34. Mihma Chisvs vt afalaminchi mvt, Chishno akinli hosh, keyukmvt, inla yak osh vno a isht a chim anolikma, nanta tuk o ilvppa ish achi cho ? im achi tok.
35. Pailat vt afalaminchit, Uno vt Chu sia ho ? chishno chim okla ash inli, mikmvt na holitomp isht asha pehlich vheha aiena kak osh chishit vbbak a fohki tuk oke. Nanta mak o ish katiohmi tuk oh cho ? achi tok.
36. Chisvs vt afalaminchi mvt, Apehlich li ka yvt yakni

ilvppak inli keyushke. Apehlichli li ka yvt yakni ilvppak inli hatuk okma, Chu okla ibbak ak a fohko ka chi ka, an tishu vhleha hvt itihimba he tuk: amba himak okvno apehlichli li ka yvt ilvppak inli ho keyushke, achi tok.

37. Yohmi hatuk o Pailat ash osh, Mih kvto miko chia akinli hotuma? im achi ma, Chisvs vt afalaminchit, Miko sia mak atuk o ish mihvshke. Nan ai ahlika atokolit anoli la he ilvppak osh sa toba cha, anonti ilvppa pulla hatuk mak o ayvt yakni a vta li tuk oke. Nan ai ahlika yo anukfoyuka aiyyukali hokvto, vm anumpa ha haponaklo bano hoke, achi tok.

38. Pailat ash osh, Nan-ai ahlika yak osh nanta ho? im achi tok. Mihmvt ilvppa achi mvt, falamvt kohchvt Chu okla hash im ona mvt, Nan ik ai-vlhpeso nana kia a takali ka ak im akostinincho kvmohmishke.

39. Yohmi kia nan-vbanvbli ont ia isht asha hokvno, achvfalichit a hvchim i hotofi la he ai vlhpesa chatuk vt ashvshke: yohmi hoka Chu okla i miko ak o a hvchim i hotofi la hi a hvsh ahni cho? im achi tok.

40. Mihma anonti momvt chitoli hosh, Hatak ilvppena keyu ho, amba Balabbas ak ashke, okla achi tok. Yohmi ka Balabbas vt hatak hukopa ya tok.

CHAPTA XIX.

Pailat vt Chisvs ash fvmmit issa ma, tvshka chipota vhleha hvt kvttenna yo iachokolichi, 1: 4 hlakofichi bvnna kia, Chu okla nan ahkak o im antia hatuk osh, yvmmvvt ititaiyukhvna ahonvha chi mak o, im issa: 17 tvshka chipota vhleha hvt i nafohka yatuk a hopela: 26 Chisvs vt ishki yatuk a achukmalit apelahancha okka, nan im ai ithvna i holitopa yatuk a i miha cha, ili. 31 Tvshka chipota vhleha hvt, Chisvs naksi a tvli halupa ishit bahli. 38 Chisvs sef Alimahlea minti, miha Nikotemvs ita tuklo hosh Chisvs hoknip a ishi cha, hohpi.

1. YOHMI hatuk o yvma foka ma Pailat vt Chisvs i ishi cha, fvmmi tok.

2. Mihma tvshka chipota vhleha hvt kvtti tvnvt iachnab

ikbit, noshkobo ha iachukolichi mvt, na tishepa na fohka holitopa yo ishit okla anchichi tok.

3. Mihmvt aiokpuchi mvt, Chu okla i miko yosh nan ik yukupá, achi mvt ibbak okla isht isso tok.

4. Yohmi ma anonti Pailat ash ot ia cha, Yakeh! nana ik ai-vlhpeso nana kia ai a takali na akostininchi li keyu ka hvsh akostinincha chi mak o, ilauehit hvchi kohchi lishke, im achi tok.

5. Mihma Chisvs vt kvti iachuka ha iachukoli cha, natishepa na-fohka holitopa fohka hosh auet kohcha tok. Mihma Pailat ash osh, Yakeh! hatak atukma ho pesá, okla ha im achi tok.

6. Yohmi ma na-holitompa isht asha pehlichí vhleha, mikmvt nan-vlhtoka vhleha aiena kash ot yvmmak ash pisa mvt, chitoli hosh mihvt, Ititaiyukhvna ak o oh ahonvhlichí, ititaiyukhvna ak o oh ahonvhlichí; ahanchi ma, Pailat ash osh, Oh ishi cha, ititaiyukhvna ak o oh ahonvhlichí; vno yokvto nana ik ai-vlhpeso nana kia ai atakali ka ak im akostinincho hoke, im achi tok.

7. Chu okla hv afalaminchi mvt, Nan-vlhpisa hv pin tonla: yohmi ka ilvppak okvt Chihowa Ushi ilapissa batuk okvt, pi nan-vlhpisa pulla kak o isht illa he vlhpesa hoke, im achi tok.

8. Yohmi hatuk o Pailat vt anumpa yvma haklo mvt, nukshopa kv isht i shahli tok.

9. Mihmvt anonti nan ai apesa yash ont chukowa cha, Chisvs ash o, Katima ko ish minti tok oh cho? im achi tok. Yohmi kia Chisvs ash ot nana ik im acho ki tok.

10. Yohmi ma Pailat ash ot, Chik svv anumpulo mak oh cho? vno vt ititaiyukhvna ya a chi ahonvhlichí la hi vt vm vlhpesa, anonti chi hotofi la hi vt vm vlhpesa aiena ka chik ithaiyano cho?

11. Chisvs vt afalaminchi mvt, Chishno yokvt vba ak o auet a chima ho keyukma, vno yoka nana ho is sa kanihcha hi vt chim vlhpesa keyushke: yohmi hoka svshit ayvt chibbak a ant sa fohki tuk a yvmmak osh nan-ashvchi kv ai in chinto hoke, achi tok.

12. Yohmi ma yvmma ai vhlit minti ka Pailat vt yvmmak ash i hotofi bunnvt im anukfihinla tok: yohmi kia Chu okla hvt chitolit anumpulit, Hatak ilvppa ish i hotofi hokmvt, Sesa ya i kana chia ha he keyu. Kvna hosh miko il apesakmvt, Sesa ak o i sanalit anumpuli hoke, okla achi tok.

13. Yohmi hatuk o Pailat vt anumpa yvmma haklo mvt, Chisvs ash ishit kohchi cha, ilap vto nan ai-apesa ai-o-minili om binili tok, yvmmvt Tvli potvlhpo hohchifo ho, amba Heblu ano Kabbahla hohchifo ha tok.

14. Mihma nan vbanvblit ont ia asha chi ka, ai il atahlit maya nitak, mihmvt hvshi kanvlli vlpisa yvt ont isht han-nali foka aiena; yohmi hatuk o Chu okla hash o, Hvchi miko ya ho pesa, im achi tok.

15. Yohmi kia okla chitoli hosh anumpulit, Kanima isht oh ia cha, kanima isht oh ia cha, ititaiyukhvna oh ahonvhlitchi, achi ma, Pailot ash ot, Hvchi miko ya ititaiyukhvna ahonvhlitchi la chi cho? im achi ma, na holitompa isht asha pehlitchi vhleha hash ot, Pi miko vt iksho, Sesa ak banoshke, im achi tok.

16. Yohmi ma polaka yvmmak ash ot ititaiyukhvna ahonvhlvt illa chi mak o, ibbak i fohki tok. Yvmma foka ma Chisvs ash o okla ishi cha, halvllit kanima isht ia tok.

17. Yohmi ma im ititaiyukhvna yash o sholi cha ivt yakni hohchifo noshkobo foni aiasha yo, anonti Heblu yokno yvmmvt Kalkohla hohchifo ho ona tok.

18. Mihma yvmmak ash, micha inla yvt tuklo ho aienin chit ititaiyukhvna okla ai ahonvhlitchi tok: Chisvs ak ash iklvna yo takali na achvfa bikvt ita hlaklaka takohli tok.

19. Mihma Pailat vt nan anoli holisso ha holissochit ititaiyukhvna ya a lupalichi tok. Yohmi ka holisso kvv, CHI-SUS NASALET MINTI CHU OKLA I MIKO YOKE, achi ha tok.

20. Yohmi na Chisvs vt ititaiyukhvna ai ahonvhlvt illi yvmmvt tumaha ha i bilika ha tok: yohmi ka holisso kvv Heblu, Klik, mikmvt Latin aiena anumpa hosh isht a holisso hatuk oka, nan anoli holisso ilvppak ash Chu okla laua kvv pisa tok.

21. Yohmi ma Chu okla na holitompa isht im asha peh-
lich vhleha hash osh Pailat a, Chu okla i miko, achit chik
holissocho kashke; amba Chu okla i miko sia hoke, achi
chatuk yummak o ish holissochashke, okla im achi tok.
22. Mihma Pailat ash ot, Nana ho holissochi li kvv holis-
sochi li mak atuk oke, im achi tok.
23. Yohmi ma tvshka chipota vhleha hvv Chisvs a ititai-
yukhvna ahonvhlchi mvt, i na fohka yatuk a ishit ita kvsh-
koa ushtali cha, tvshka, chipota vt i kashampa aiyuka tok;
mihmvt i na fohka lumbo ash kia aieninchi tok: na fohka
lumbo yvt ahchuwa yo keyu, paknaka yak o a tvnmvt maya
hosh ont taiyaha ha tok.
24. Yohmi hatuk o, Ilvppak okvno keho hlilvffo hosh,
amba kva hosh immi ha chi ka, na shoelit kil oh ashá, ilap
bika it im achit maya tok; yohmi ka Holisso Holitopa vt,
Um ilifoka ya okla iti hopela mvt, a na fohka lumbo yoka
na shoeli isht aiasha kvno, achi ka ont aighla chi mak a tok;
yohmi hatuk o tvshka chipota vhleha hvv ilvppa okla yakoh-
mi tok.
25. Mihma Chisvs ititaiyukhvna a takali ka ituma ya ish-
ki, micha ishki nakfish, mikmvt Meli Kleofas tekchi, mikmvt
Meli Maktalene aiena hosh hiohmaya tok.
26. Yohmi hatuk o Chisvs vt ishki, micha nan im ai ithv-
na yumma i hullo beka tuk mak osh itatuklot hinli na pisa
mvt, ishki ash o, Ohoyo ma! chiso ha ish pisashke, im achi
tok.
27. Mihmvt nan im ai ithvna yash o, Chishki a ish pi-
sashke, im achi tok. Mihma nan im ai ithvna yummak ash
osh hvshi kanvlli vlpisa yummak fehna ai-vhlit ia ka, ohoyo
hash ilauevit ilap in chuka akinli ho bohli tok.
28. Yakohmi ha ya, nan okluha kvv ont ai vltaha ka,
Chisvs vt ithana hatuk osh, Holisso Holitopa yvt ont ai aghla
chi ka, Sa tukshilvshke, achi tok.
29. Yohmi ma nan-ai-vlhto wineka alota kvv talaia tok;
atuk o na-shatvmmi yo wineka yash alotolit hissop o ta-
kalichit itih ha pit tikelichi tok.
30. Yohmi hatuk o Chisvs vt wineka yash ishkot pisa

mtv, Ulhtaiyahvshke, achi tok; yohmi cha aka yuhchu-nukli mvt, fopissa tok.

31. Yohmi hatuk o nan il ai atahli nitak atuk oka, nitak hullo ya haknip vt ititaiyukhvna ya ik a takohmayo ka chi ka, nitak hullo yummvt nitak holitopa hatuk oka, Chu okla hash osh yumma hanali ak osh kobahli na ishit kanima na hinla ka, Pailat a im asilhha tok.

32. Yohmi na tvshka chipota vhleha hash ot ivt, ititai-yukhvna ai iba honvhlvt okla kash achvfalit tikba hanali ha kobahlichy mvt, anonti achvfa yash kobahlichy tok.

33. Amba Chisvs vt a takali tuk a okla ona mvt, yummvt illi mashko tuk o pisa cha, yummvno hanali ha ik kobahle-cho ki tok.

34. Yohmi kia tvshka chipota vhleha yash ot achvft naksi a na halupa ho ishit bahli na ashalika issish, micha okla aiena hosh auct fohopa tok.

35. Yohmi ka yumma pisa tok mak osh atokowa ka anoli: yohmi ka yummvt atokoli ka ai ahli hoke: yohmi ka hichishno vt hvchi yimma chi ka, ai ahli mak o miha kvit itah-na hoke.

36. Holisso Holitopa yvt, Foni vt ik pakoto ka he, achi kvit ont ai ghla chi mak o, nana kvit a yakohmi tok.

37. Micha anonti Holisso Holitopa ai anumpa inla mvt. Yumma okla bahli tuk vt yummak ash pisa hi oke, achishko.

38. Micha ai yakohmi ha ya, Chosef Alimahlea minti vt Chisvs a nan im ai ithvna akinli kia, Chu okla ha i nukshopa kvit il aluma beka tuk osh, Chisvs haknip a isha hinla kvit. Pailat a ont im asilhha tok: mihma Pailat vt vhpessa, ahni tok. Yohmi hatuk o ivt, Chisvs haknip ash ont ishit tok.

39. Yohmi ma Nikotemvs vt nan vmmona ka nimak a ayvt Chisvs a pisa tok yummak ash kia vla cha, mvt micha aloes itibvlhto kvit weli tahlepa achvfa foka ho isht vla tok.

40. Yohmi ma Chisvs haknip ash o ishit okla cha, Chisvs okla hvit hohpi kvit yvmihchi chatuk mak o, yummak ash linen osh na-balama pit aiena ho isht a bonulli tok.

41. Ititaiyukhvna ahonvhlvt ai illi yumma osapushi osh na

laia tok: mihma osapushi anukaka ya sepvka himona, ha-tak vt ik a hollopo kisha yo, hikja tok.

42. Yohmi hatuk o Chu okla nan il ai atahli nitak a tok; yohmi hatuk o sepvka yvt yvmma auet i bilikasi hatuk oka, yvmmak o Chisvs a bohli okla tok.

CHAPTA XX.

Meli Maktalene vt sepvka yash ona, 1. 2 Pita, Chan itatuklo kvv tushpvt ivt, sepvka yash it onachi akinli. 11 Meli Maktalene ash ot sepvka ya falamvt ona, atuk o i himmak o Chisvs fehna kash osh yvmmak ash inli ho ont i haiaka. 19 Mih nitak akinli opivt taha ho nan im ai ithvna vhleha hvv itvnavt chiya ma, Chisvs vt im ona; 25 Wek inla hosh ont taha ho nan im ai ithvna vhleha hvv Tamas a pit a momvt itvnavt chiya ho, Chisvs vt anonti i haiaka.

1. WEK chukowvt iahpi onnahinli fehna okhlilinchii moma ho, Meli Maktalene vt sepvka yash ona cha, tvi yash osh sepvka ya a kanvli tuk o, pisa tok.

2. Yohmi ma maleli hosh vlvv, Saimon Pita, micha nan-ithvna achvfa Chisvs vt holitobli yatuk ita tuklo ka, Chitokaka ya sepvka ya ai ishit kohechi cha kanima yo ont bohli tuk a chini ho, kil akostininchoshke, im achi tok.

3. Yohmi ma Pita yvt, micha nan-ithvna achvfa yash ita tuklo cha ivt, sepvka ya it onachi tok.

4. Yohmi kvv tuklot pit tihlaiya tok; atuk o nan-ithvna achvfa yash ot Pita ya imaiya cha, tikba sepvka ya ona tok.

5. Yohmi cha ont a hlipvt pit hopokoyo mvt, linen vto kahvt maya na pisa akinli kia, pit ik chukowo ki tok.

6. Yohmi ma Saimon Pita yash ot auet iakayvt vla mvt, sepvka yash pit chukowa cha, linen vt kahvt maya ka pisa tok.

7. Yohmi ma nantapvski noshkobo isht afoa tuk vto linen a ik ibafoko hosh, amba pohlvv taha cha, ilapissa yo itonla tok.

8. Mihma nan-ithvna achvfa na tikba sepvka ya ona tuk ash kia pit chukowa cha, pisa mvt, yimmi tok.

9. Yemma foka mvno illi tuk vt falamvt tana hi oka, Holisso Holitopa ya ik ai akostinincho kishvt okla tok.

10. Yohmi mvt nan-ithvna ash osh ilap in chuka atuk akinli ho itiachi tok.

11. Yohmi kia Meli vto sepvka a kocha ya nishkin okchi mihintit hikja tok: atuk osh nishkin okchi mihintit pit aka chunulit, sepvka anukaka ya pit hopokoyo tok.

12. Mihmvt enchil tuklo i na-fohka tombi kvv Chisvs haknip ai itola tuk a, achvvt noshkobo imma yatuk ak o asha ma, achvvt iyi pilla hatuk ak o asha na pisa tok.

13. Mihma, Ohoyo chia hvv na katihmi ho ish yahaya cho? im achit okla ma, An Chitokaka ya okla ishit kvnia tuk a chini ho, kanima yo a bohli tuk a ak ithano kak oke, im achi tok.

14. Micha ilvppa mak achi mvt, im ashak-imma pit filema mvt, Chisvs vt hikja na pisa kia, yvmmak osh Chisvs ash atuk a ik ahno ki tok.

15. Chisvs ash ot, Ohoyo chia hvv na katihmi ho ish yahaya cho? Kvta ho ish hoyo cho? im achi tok: mihma osapushi apesvchi mak o im ahoba mvt, A shahli ma! chishno ak osh yvmmak ash ai isht ish ia tuk okmvt, kani-ma yo ont ish bohli tuk mvt, is svm anoli na ont ishit minti lashke, im achi tok.

16. Chisvs ash ot, Meli, im achi ma, pit-filema mvt, Labboni, yvmvt nan-ithvnanchi ma! achi hoke, im achi tok.

17. Chisvs vt, Vba ivt Aki a ak im ono kisha hoka, is sa potoli na; amba ivt itibapishi li vhleha aiasha kak o ona cha, Aki, mikmvt hvch Iki, an Chihowa, mikmvt hvchin Chihowa im ia li ka, ish im anolashke, im achi tok.

18. Meli Maktalene ash osh vla cha, Chitokaka ya pisa tuk, yohmi na ilvppa puta ka im ahanchi tuk a, nan-ithvna vhleha hash im anoli tok.

19. Atuk o nitak yvmmak ash inlit ont shohbi wek chukovvt iahpi nitak atuk o, Chu okla ha i nukshopa hatuk osh nan-ithvna vhleha ai itvnavt chieya ka, okhissa yvt

vlhkma ho, Chisvs ash ot vlvv iklvna ant hikia cha, Hvchi nuktanlashke, im achi tok.

20. Ilvppa mak achi mvt, ibbak iti chaplinchit, naksi ajena ka i weli tok. Yohmi ma nan-ithvna vhleha hash osh Chitokaka ya pisa kvt na yukpa tok.

21. Yohmi ma Chisvs ash ot atuklanichit, Hvchi nuktanlashke; Aki vt na sa tohno tok mak o, ai itilauechi hosh hvchishno ma na hvchi tohno li hoke, im achi tok.

22. Micha ilvppa makachit in taha mvt, o fiopa mvt, Shilombish Holitopa ya oh ishi.

23. Kuna im ai ashvchika yo hvsh i kashofi hoka, i kashofa he mak oke; mikmvt kuna im ai ashvchika yo hvch ik i kashofa hokma, ik i kashofa ka he mak oke, im achi tok.

24. Yohmi kia Chisvs vt vla ka, auah-tuklo yatuk a achvfa, Titimvs hohchifo Tamas vt takla asha tok keyu.

25. Yohmi tuk o nan-ithvna vhleha inla yash osh, Chitokaka ya e pisa kvno; im achi tok. Yohmi kia, Ibbak chofak ai ahonvha tuk a pisa lish, chofak pit a hika tuk a svbbak ushi pit maiachi lish, anonti naksi a svbbak pit hilechi li ho keyukmvt, sai yimma he keyushke, im achi tok.

26. Atuk o anonti nitak isht untuchina ma nan im ai ithvna vhleha hash osh aboha anuka aiasha ma, Tamas vt takla asha tok; yohmi ma okhissa yvt vlhkma ho, Chisvs vt vla cha, iklvna ya ant hikivt, Hvchi nuktanlashke, achi tok.

27. Mihmvt Tamas ash o, Chibbak ushi a auct welit, svbbak a pisá; mikmvt chibbak ma auct welit sa naksi a pit hilechi: yohmi cha, na yimmi iksho hosh ish anta ná, amba chi yimmi kvt a chim alotowashke, im achi tok.

28. Mihma Tamas vt afalaminchi mvt, An Chitokaka ma! an Chihowa ma! im achi tok.

29. Chisvs ash ot, Tamas is sa pisa hatuk mak osh chi yimmishke: pisa ho keyu kia, yimmi tok vhleha hokvt na yukpa mak oke, im achi tok.

30. Micha na-fehna inla kvt laua ho, Chisvs vt nan im ai ithvna vhleha hvt pisa na yvmihchi mvhli tok a holisso ilvppa ik a holissoshke.

31. Amba Chisvs vt Chihowa Ushi Klaist mak a tok a,

hvechi yimma he; micha hvechi yimmi pulla hosh yumma
hohechifo hatuk mak o okchayvt bilia ya hvsh ahayucha he
mak o, iluppa puta kvv holisso hatuk oke.

CHAPTA XXI.

Chisvs vt, nan im ai ithvna vhleha hvv Tibelias okhvta ha nvi hokli
hosh maya ho, ont im otrni, 1; 12 yohmi cha nan-isht-hokli a nvi
im alotoli cha, anonti itibai impa. 15 Chisvs a i hullokmvt in
chukfelhpoba, micha in chukfelhpobushi aiena ka im ipeta hi a
hituchina ha Pita ya i miha; micha Pita yvt na palvmmi isht illa
hi a tikbanli im anoli. 24 Chan vt ilap nana anohonli ka aighi,
micha Chisvs vt na fehna ka yvmihchi tok a, inla yvt lavvt asha
hosh ik holisso ka, miha.

1. ILUPPUT ai yakohmi ha ya, anonti Chisvs vt nan
im ai ithvna vhleha ha Tibelias okhvta hak o ont a im ile
haiakvchi tok: mihmvt iluppak o ai yakohmi hosh ile hai-
akvchi tok.

2. Saimon Pita, micha Tamas Titimvs hohechifo, mikmvt
Nahlanael Kalili yakni Kana vta, micha Sebete ushi tuklo,
anonti nan im ai ithvna inla tuklo aiena kvv ai itapehvt ma-
ya tok.

3. Saimon Pita yash ot, Nvni vbit ia lishke, im achi ma,
Pishno ak kia chi apihvt il ivshke, im achi tok. Okla koh-
chvt ivt chekosi makinli ho peni a ont vlbeha tok; atuk osh
ninak yumma nana kia okla ik hoklo ki tok.

4. Atuk o ont onvvt taha ma, Chisvs vt alaka ya hikia
tok; yohmi kia nan-ithvna vhleha hvv Chisvs ash atuk a ik
ithano ki tok.

5. Yohmi ma Chisvs ash ot, Ulla vto ilimpa hvchim asha
cho? im achi ma, afalaminchit, Ikshoshke, achi tok.

6. Mihma, Peni ishtimpak-imma yak o nvi-isht-hokli a
oh okvchi, micha hvsh ahayuchashke, im achi tok. Yohmi
hatuk o pit okvchi mvt, anonti nvi yvt laua fehna ka, ha-
lvli kvv okla na kanihma he keyu ki tok.

7. Yohmi ma nan-ithvna Chisvs vt holitobli yatuk, yvm-
mak ash ot, Chitokaka mak oke, Pita ya im achi tok.

Mihma yummvt Chitokaka mak atuk o, Saimon Pita yvt haklo mvt, nipi bano tuk osh nafohkvv nvn hokli yatuk ash o ishit il ai vskofvchi mvt, okhvta hash pit okatula tok.

8. Mihma nan-ithvna vhleha inla ka yvto alaka ya pit i hopaki keyu, amba k u b i t tahlepa tuklo foka ho asha hatuk okvt, pen-ushi ash o alhtot nvn-isht-hokli nvn alota ka halvli-lit isht ia tok.

9. Atuk osh alaka ya okla ona makinli ho, tobaksi luak vt ymma asha ma, nvn ymma itotonla ma, pvska ak kia itonla na okla pisa tok.

10. Chisvs ash ot, Nvn himonasi hvsh hokli tuk vt, ishit ho minti, im achi tok.

11. Saimon Pita yvt pit chukowvt nvn-isht-hokli ash nvn hochito tahlepa achvfa pokoli tahlapi cha, akocha tuchina aienvt alota ho halvllit, alaka isht ona tok: laua hokvto yakohmi nana kia nvn-isht-hokli ash ot ik okpulo ki tok.

12. Chisvs ash ot, Mintit ant oh impa, im achi tok. Mihma yummvt Chitokaka mak atuk a ithana hatuk osh, nan-ithvna vhleha hvv achvfa kia i ponaklot, Kvta chia ho? achi kia iksho ki tok.

13. Mihma Chisvs ash ot onvt, pvska ya ishi cha, i hopela mvt, nvn ma yvmihchi akinli tok.

14. Chisvs vt illi tuk osh falamvt tani ha yvt, ilvppvt ont atuchina mak o nan im ai ithvna vhleha ha im ile haiakvchi tok.

15. Atuk o impvt okla issa ma, Chisvs ash ot Saimon Pita ya, Saimon, Chonas ushi chia hvv is so hullo kvv, ilvppa puta ka chim i shahli cho? im achi ma, Ahlishke, Chitokaka ma! chi hullo li hoka chishno vt ish ithanvshke, im achi ma, An chukfulhpoba ushi puta ka pehlichit ish ipihintashke, im achi tok.

16. Anonti atukla ma, Saimon, Chonas ushi chia hvv is sa hullo cho? im achi ma, Ahlishke, Chitokaka ma! chi hullo li hoka, chishno vt ish ithanvshke, im achi tok: mihma, An chukfulhpoba puta ka pehlichit ish ipihintashke, im achi tok.

17. Ont atuchina ma, Saimon, Chonas ushi chia hvv is sa

hullo cho? im achi ma; ont atuchina mak o, Is sa hullo cho? im achi hatuk o, Pita yash osh nukhaklot taha tok. Yohmi mvt, Chitokaka ma! nan okluha ka ish ithanvshke, chi hullo li hoka chishno vt ish ithanvshke, im achi tok. Mihma Chisvs vt, An chukfulhpoba puta ka pehlchit ish iphintashke, im achi tok.

18. Ahlishke, ahli mak o chim achi lishke, Chi himita mvto chishno inlit il ai vskofachechit, chishno ish ahni hosh kanima ish aya beka tok: yohmi kia ont a chi sipokni hayokmvto, chibbak a ish wakeli na inla hosh chi vskofachechi cha, kanima ish aiahni keyu kia, chisht aya hi oke, im achi tok.

19. Ai illi kaniohmi ho Chihowa ha isht a holitoblicha he ak o, anoli hosh ilvppa anumpuli tok. Mihmvt ilvppa anumpuli mvt, Is siakaiyashke, im achi tok.

20. Mihma Pita yvt filemvt, nan-ithvna achvfa Chisvs vt holitobli chatuk opiaka impvt maya ka ikkishi ha pit vtayvt ashvt, Chitokaka ma! chishit inla ibbak chi fohki kvto, kaitima kak oh cho? achi tok ash osh awant aya na pisa tok.

21. Pita yvt yvmma pisa mvt, Chisvs ash o, Chitokaka ma! yohmikmvno hatak ilvppak amo katioma chi cho? im achi tok.

22. Chisvs ash osh, Uno ak osh ahni li hokma, ilvppak okvt ahanta tuk o vla la he, yvmmvt nanta isht chi ahalaia cho? Is siakaiyashke, im achi tok.

23. Yohmi ma itibapishi vhleha hvt, nan-ithvna yvmmvt ik illo ka he yatuk a, it im anolit maya tok; yohmi kia Chisvs vt, Yvmmvt ik illo ka hi a i miha tok keyu; amba vno ahni li hokma, ahanta tuk o vla la he, yvmmvt nanta isht chi ahalaia cho? achi tok.

24. Nan-ithvna ilvppak a tok mak osh ilvppa puta ka atokoli cha, anonti yakohmi ka holissochi tok: yohmi ka yvmmvt nana atokolit anoli ka ai ahli ka il ithaiyanvshke.

25. Micha nana inla Chisvs vt a kaniohmi tok a lauvt asha, yvmmak osh momvt holisso hokma, holihiso kvv yakni ak oh kia holisso hvt ai itola hi vt iksho ka hinla, vno ahobvshke. Amen.

CHISVS KLAIST

IM APOSTEL VHLEHA HVT NANA A KANIOHMI TOK.

CHAPTA I.

Klaist vt illi ha ya tok a isht annoa kaniohmi kv̄t vlbitvt annoa, 1. 9
Yvmmvt vba ia isht annoa. 15 Chutvs vltoba hō achvfa ka ato-
kola hi a, Pita yvt isht anumpuli.

1, 2. **TIAFILUS** ma! Chisvs vt v̄mmona, nana puta
a kaniohmit nan im av̄vchit isht mahaya tok osh, vba anum-
peshi v̄hleha ha ilapo akinli atokoli tok vt, nana v̄lhpisa ka
Shilombish Holitopa pulla hō isht ai ih̄ma tok osh, vba ia
tok nitak fena ka, holisso tikba kash o, isht ai ikbi li tok.

3. Yvmmak okvt ilbvsha hayvt okchaya kv̄t, nana ahli
isht ikhaiyana he lava ka, yvmmak ash o ai isht im ile hai-
akv̄chi cha, nana kv̄t Chihowa ap̄ehlichika ya, pit ai ahalaia
puta ka isht anumpohonli ka, okla p̄isa na nitak pokoli ushta
tok.

4. Micha itahobit taiyahli mvt, Chelusalem a okla issvt ik
aiyo hosh; amba Iki vt nana miha tok, Yvmma hvs sv̄m
a haklo tuk vt, pit hoyot hv̄sh chieyashke; achit im apesa
mvt,

5. Chan ak okvto oka yō isht baptismochi mv̄hli tok;
amba hv̄chishno vto himmak pila ha, nitak kanohmi keyuk-
ma, Shilombish Holitopa yak o isht hv̄chi baptisma ch̄i hoke;
achi tok.

6. Yvmohmi na okla itahobvt chieya mvt, nan i ponaklot,
Chitokaka ma, himak foka hokvno ap̄ehlichika ya falamin-
chit Israel a ish ema ch̄i cho? achi tok.

7. Mihma, Nitak, micha av̄m̄mi puta ka, Iki vt ilapo ib-
bak akinli hō fohkit ieshi ka hv̄sh ithana v̄lhpesa keyu hoke.

8. Amba Shilombish Holitopa yvt ayvt hvchim vla ha muno, nana ai ahlika ya, hvsh esha he: yvmohmikmvt Chelusalem, micha Chutia moma, micha Samelia, micha yakni afolota ont ai vhli fena aiena ka, atokolit a na si anoli hvchia ha he mak oke; im achi tok.

9. Mihma nana yakohmi ka anumpulit ont in taiyaha ma, oklat pisa na, vba ishtia ma, hoshonti hv i holhponayo ha ant im a luhmit ishi tok.

10. Mihma vba ia na, pit aiokchifelit shutik pilla ka pit hopokoyot hiel ma, hatak tuklot nafohka tohbi fohka hosh i bilikasi hiel tok.

11. Mihmvt yvmmak ash osh, Kalili hatak hvchia hv, nanta katihmi ho shutik pilla ka pit hopokoyot hvsh hiel cho? Chisvs ilvppak ash fehna akinli kv hvchim eshit vba ishtia ka, kaniohmit vba ia ho hvsh pisa tuk a yvmmak inli ho chohmit ayvt vla hi oke; achi tok.

12. Yvmohmi ma, nvni chaha Alifit hohchifo ho, yvmmak okvt Chelusalem a pit bilika nitak hullo anowa vhpesa ho asht falamvt Chelusalem a okla vla tok.

13. Mich a okla ant chukowa mvt, vba potvlho ya yvmak o Pita, micha Chemis, micha Chan, mikmvt Antilu, Filip, micha Tamvs, Bahlolomu, micha Mahlu, Chemis, Alfius ushi, mikmvt Saimon Selotis, micha Chutvs Chemis itibapishi aiena kv ai asha tuk o pit oiyat taha tok.

14. Ilvppak osh momvt ohoyo puta, micha Meli Chisvs ishki, micha itibapishi vhleha hatuk aiena ka ai itapehvt im anukfila ai achvvt vba pit anumpulit, nana asilhha aiena kv ik isso hosh aiasha tok.

15. Atuk o nitak yvma foka ma! nan ithvna vhleha hohchifo holhtina kv tahlepa achvfa cha pokoli tuklo foka hosh itenahvt chieya ho, Pita yvt iklvna wakayvt hikia cha,

16. Hatak itibapishi li vhleha ma! Shilombish Holitopa yvt tikbanli, Lewi ash itakha ai isht Chutvs a isht anumpulit tok o, Chisvs okla ishi ka in tikba hika tuk a, ik kaniohmi kia holisso ilvppvt ai ahli tuk pulla hoke.

17. Yvmmak okvt hvv iba holhtiena cha, anonti nan isht vtta ilvppa pit ahalaia ka ieshi hatuk,

18. Micha hatak ilvppvt yoshoba isht vlhtoba tuk a osapa yo ishit chumpa tuk; micha itihpelvt akiyt, iklvna mitafana, iskuna puta kashot momvt kocha pit fohopa tok.

19. Yvmohmi ka Chelusalem okla aiasha kvt momvt akostininchi tuk; yohmi hatuk o osapa yvmmvt ilap im anumpa ya, Esiltama hohchifo, yvmmvt osapa issish achi hoke.

20. Micha ataloa holisso ha a holisso kvt, Yvmmvt ai ahanta yatuk a ik chukilissá, yohmikma hatak nana kia yvmak ash ik ai ahanto kashke; micha, Nana ai isht vtta yatuk a, inla yosh ishashke; achishke.

21, 22. Yvmohmi hoka, Chitokaka Chisvs vt pi takla vttvt aya, Chan a im a baptismo chash, vhlit mintit a hvpim eshi na vba ia nitak fehna ai vla ka, hatak yakohmi kvt pi apehvt, aya na bilia tok okvt, yvmmvt falamvt tani tuk a, atokowa pib ai anola chi kvt, achvft vlhtoka pullashke; achi tok.

23. Mihma hatak tuklot, Chosef osh Basabvs hohchifo hosh, hohchifo apunta kvt Chvstvs o, anonti Mathlaivs aiena ho, okla hiohlichí tok.

24. Micha okla vba pit anumpuli mvt, Chitokaka hatak moma chukvsh a ithaiyana chia hokvt, tuklo ilvppa kani-mampo kak o, ish atokoli hatuk okmvt ish otvninchi na,

25. Nan isht vtta ilvppa, micha vba anumpa isht vtta pit ahalaia aiena, yvmmak atuk o, Chutvs vt ilap ai vtta ya ia chin cha, yoshoba cha issa tuk oka, ieshashke; okla achi tok.

26. Micha okla nashoeli bohli tok; mihma nashoeli ash ot Mathlaivs ak o onvtula na, yvmmak osh vbanumpeshi auahchufa kash iba holhtiena tok oke.

vbanumpeshi vhleha hvt Shilombish anukfohka fehna mvt, anumpa ilaiyuka anumpuli, 1. 14 Pita yvt vbanumpa isht anumpuli.

1. **ATUKO** Pentekost nitak vt ont vlpiesvt taha ma, momvt im anukfila ai achvft mih achufa yo chieya tok.

2. Yvmohmi ma ashalika mahli kullo chinto chiyuhmit, vba ya fopa hosh mintit vla cha, aboha anuka okla aiasha tuk ash ant alotolit kaiyanchi tok oke.

3, 4. Yvmohmi ma, isunlvsh chuhlahli kvv luak o chiyuhmi hosh ant i haiaka, micha achvafaiyuka ant onvtoyula tok; yvmohmi na, moyumvt Shilombish Holitopa yvt isht anukfohkvv alota ma, anumpa inla puta anumpula hi o Shilombish vt apelahanchi na, okla anumpulit ishtia tok oke.

5. Yvmohmi ma Chelusalem a Chu vhleha, hatak hopoyuksa puta, oklushi moma shutik nuta ka aiasha ka a minti hosh, aiasha tok.

6. Mihma ilvppak ashot annovt takakanli ma, okla lana yvt ant itahoba cha, ilap im anumpa aiyuka yo, ai anumpulit maya na, hatak momvt haklo hatuk osh, okla anukhlakancha tok.

7. Micha momvt okla nukhlakancha mvt, okokko! ai ahni mvt, ilvppa anumpulit maya kvv momvt Kalili okla keyu ho?

8. Micha nanta katiohmi ho hatak moma kvv il a toba tok pim anumpa akinli ho, e hahaklo cho?

9. Patia okla, micha Mit okla, micha Ilam okla, mikmvt Mesopotemia, micha Chutia, anonti Kapatoshia micha Poutvs mikmvt Asia,

10. Fichia micha Pafilia Echip, mikmvt Libya pilla Saelini foka aiena aiasha puta, micha Chu vhleha, mikmvt aibellito puta, Lom mintit itvnowvt aya,

11. Klit okla, micha Alabia okla puta kashot, Chihowai na fehna ka, pishno pim anumpa ho okla isht anumpuli na eho haiyakloshke; itim achit maya tok.

12. Micha okla momvt nukhlakancha mvt, ik ai akostinicho chohmi cha ilvppvt, Katiohma hinla hosh yakohmi ho? itim achit maya ma,

13. Anonti inla ka mvt isht yopulvt, Hatak yakohmi kvv oka paki himona yo yvmmi hoka; achi tok.

14. Yohmi kia Pita yashot, auah chvfa kash ibafohkvv hikia cha, im anumpa vba takalichit, Chutia hatak huchia,

micha Chelusalem aiasha hvchia, hvsh moma kv̄t, ilvppa oh ithaiyana cha, v̄m anumpa ha hvsh haponaklashke.

15. Yakohmi kv̄t nan ishkot haksi h̄o keyu, chishno yokv̄to yohmi h̄o hvchim ahoba kia nitak hvshi isht v̄lhpisa ont atuchina hoka.

16. Amba ilvppv̄to hopaii Choel vt isht anumpo-honlit,

17. Nitak himmaka pilakma yakohma hi oke: Nipi puyuta ka v̄mi shilombish ma ai isht o fohohompli la hi oke: yohmikma hvch iso nakni v̄hleha, micha hvch iso tek puta kash ot v̄ba anumpa isht anumpulikma, anonti hatak hvchi himithoa puta kash ot nan isht ahoba pihisa he; yohmikma hatak hvchi sipokni puta kv̄t holhpokunna ma holhpokohuna hi oke.

18. Micha nitak yv̄mma fokakma, an tishu v̄hleha, micha ohoyo an tishu moyuma ka v̄mi shilombish a o fohohombli la he; yohmikma v̄banumpa isht anumpula hi oke.

19. Micha v̄ba shutik a nana fehna ka a haiakahanchi lik-mvt, anonti aka yakni ma nan isht ahoba, issish, micha luak, anonti shobulli yobota aiena ya hi oke.

20. Chitokaka i nitak chinto holitopa kv̄t ik lo kisha h̄o, hvshi ash ot okhlili h̄o tobakma, hvshi ninak aya ash ot issish toba hi oke.

21. Micha yakohma hi oke, Kv̄na kia Chitokaka hohchifo ha pit hochihifokmvt okchaya he mak oke; Chihowa yvt ahanchishke: ahanchi tok mak oke.

22. Israel hatak hvchia hv̄t, anumpa yakohmi ka hvsh haiyaklashke; Chisvs Nasalet ai v̄tta, Chihowa yvt ai ahnie-ehi hatak osh, hvch itintakla ahanta ma, yv̄mmak o Chihowa yvt isht ahullo, nana fehna, micha nan isht ahoba puyuta ka isht hvch itintakla ma, a yv̄mihinchī tuk a, hvchishno akinli kak kia hvsh ithainayvshke.

23. Yv̄mma Chihowa yvt nan tikbanli pit akostininchī, micha ik kanihmi kia yohma he ma im anukfila cha, issa tok pulla hatuk mak o, hvsh ishi cha, ibbak haksi yash isht iū taiyukhva a takalichit hvsh bi tok.

24. Yv̄mma Chihowa yvt illi na-hotopa puta ka hotoffi

cha, tanichi tok: yummak oka yummvt a foka he vhpesa keyu hatuk oka.

25. Lewi yvt ymma isht anumpuli mvt, Chitokaka yvt sa nashuka itikba ya hikia na, pit pihisa li chatuk. Ik sa kanvillo ka hi a, yummak okvt subbak isht impak imma ya hikia hoka:

26. Yohmi hatuk o, sa chukvsh vt na yukpa ma, anonti sa sunlvsh vt yukpa tok: yohmikma sa nipi ak kia nan ahni iksho hosh foha hi oke.

27. Umi shilombish a aiokpuloka ya ish a kancha he keyu hokvt, anonti chi Holitopa tuk ash kia ant toshbit ik tahā, ish im ahna he keyu boke.

28. Chishno yvt ai okchaya hina puta is sum otvnihi tok; chishno vt chi nashuka ya, isht yukpalit is si alotola hi oke; ahanchi tok.

29. Hatak il itibapishi vhleha ma! nukwaya ikshot hatak iki chinto Lewi atuk osh illi cha hollopi aiena tok o, im aholopi yvt hvp itin takla ya hikia na himak a nitak fehna hatuk a, isht hvchim anumpohonli lashke.

30. Yomohmi ka hopai atuk, micha Chihowa yvt, nipi okvto ymma isht atia ka yo, Klaist a ai ikbit ymma im ai asha holitopa tuk ash, ai o binila chi mak o, hilecha hi vt anumpa kullo isht ai im il apihisa tok a, ithaiyana tok oke.

31. Ilvppa tikbanli akostininechi hatuk osh, Klaist vt falsamvt tana hi a isht anumpuli mvt, ilap imi shilombish a aiokpuloka ya ik im a kancha ma, anonti nipi yvt toshbit ik tahā ki tok aiena ka, miha tok oke.

32. Chisvs ilvppa Chihowa yvt tanichi tuk o, ymma atokowa nan anoli pi bieka mak osh e hielishke.

33. Yohmi ka Chihowa im ibbak isht impak imma a binilit holitopa, micha Shilombish Holitopa im ihisa tuk ash, iki ya im ai ihishi aiena hatuk makosh, ilvppa auct fohohomibina, himonasi ka mihmak o hvsh pisa, micha hvsh habakloshke.

34. Lewi yvt vba shutik a ona tok keyu hoka; yohmi iki ilapinli kv, Chitokaka yvt an Chitokaka ya, Subbak isht impak imma ya ish binili na,

35. Chin tenvp vhleha ha chiyi ai o hikia ikbi lashke; im achi tok, ahanchi tok.
36. Yvmohmi hoka, Israel okla moma kvt, Chisvs iti itai-yukhvna hvsh a takalichi chash fehna ka, Chihowa yvt yvm-mvt Chitokaka, micha Klaist aiena mak o, ikbi tok a, ithai-yana pullashke; im achi tok.
37. Yohmi ma ilvppa okla haiyaklo mvt, chukvsh vt nuk-haklo fena mvt, Pita, micha vbanumpeshi inla aiena kash o, Hatak il itibapishi vhleha ma! nantak o e katioma chi cho? im ahanchi tok oke.
38. Yvmohmi ma Pita yashot, Hvsh moma kvt ile kosti-ninchit, nan ai ashvchika puta isht kashofa chi ka, Chisvs Klaist hohchifo ha, im a hvchi baptismashke; yohmikmvt Shilombish Holitopa holhpila ka hvsh isha he mak oke.
39. Anumpa hvt hvchishno, micha chim vlla puta aiena, micha auct hopaki pilla aiasha ka moma, peh laua kvt ka-niohmi ho Chitokaka hvpin Chihowa yvt pit hoyu hi a, im aya hoka; im ahanchi tok oke.
40. Michu anumpa inla mvt laiawa ho, isht im anumpu-lit, anonti atohnohonchi mvt, Aivhpesa iksho isht ai unchu-luli vhleha ilvppa hvsh ai ile mokofashke; ahanchi tok oke.
41. Yvmohmi ma im anumpa ha na yukvvt ihishi tuk puta kvt baptismo tok; yvmohmi na nitak yvmmak inli ka hatak tablepa sipokni tuchina fokvt ibvlhkaha tok oke.
42. Yvmohmi cha vbanumpeshi vhleha im anumpa hash, micha iti hullo aiena, micha pvska boshullichi, mikmvt vba-pit anumpuli aiena kvt kullo fenhvt ahashwa tok.
43. Yvmohmi ma hatak moma ka nukshopa hvt onvtu-yula tok; mihma nana fehna, micha nan isht ahoba laua aiena kvt vbanumpeshi vhleha hash isht a yvmohmi tok.
44. Yvmohmi ma na yimmi tuk vhleha hvt momvt ai it achvfa mvt, anonti nana puta ka ai i moma hosh ai asha tok.
45. Michu im osapa puta, vlpoyak aiena kash okla kam-pela cha, hatak mominchit hatak vt nana ho bvna hatuk aiyuka ka, i hopela tok.
46. Michu im anukfila mvt ai achvvt, Tempel anukaka ya, nitak moma ai ahashwa, michu chuka taloha puta ma,

pvska a boshullichit itvnowa aiena mvt, chukvsh ai ahlit na yukvrt im ilhpak ma vprt aiashvt,

47. Chihowa ya ai okpahanchi ma, okla moyuma kv ahniechi tok. Yvmohmi ma okchaya he puta kano, Chitokaka yvt nitak moyuma ka vbanumpuli iksa ya isht ibakanli tok oke.

CHAPTA III.

Pita, Chan ita tuklo kv hatak imomokpulo hlakofichi tok q isht anoa, 6.

1. YOHMI ma Pita, Chan ita tuklo kv hvshi kanulli isht vlpisa chakkali hq, vba pit ai anumpuli hvshi kanulli hatuk q, tempel a itiachit ont chukowa tok.

2. Yvmohmi ma hatak vt imomokpulo yosh vtta tok q, yvmma okla iti sholit, tempel a, okla ont a chukowa ka, nanasi kia im asilhha chi hq, nitak uha tempel okhissa, yvmmvt hohchifo mvt aiukli achi hq, ont okla bohyuli beka tok q;

3. Yvmmak ashot, Pita, micha Chan ita tuklo kv tempel a pit chukowvt okla chi hq, pisa mvt nanasi kia asilhha tok.

4. Mihma Pita yvt Chan ash awant yvmmak ash aiokchifelit pihisa mvt, Auet pi pesa, achi tok.

5. Yohmi ma yvmmak ashot nana hq im a habena chi ka, im ahoba mvt im atia tok.

6. Mihma Pita yashot, Tvi holisso, micha tvli holisso lakna aiena hokvto ik svm ikshoshke: amba nana hq ishi i kvto chima lishke: Chisvs Klaist Nasalet ai vtta hohchifo pulla ka, wakaya cha nowa, achi tok.

7. Mihmvt ibbak im ishtimpak imma ya halvli cha, wakeli tok: mihma ashalika iyi, micha iyi imoksak tont puta aiena kash ot hlampkot toba tok.

8. Mihma yvmmak ash ot balaklit tanit hikia cha, nowa tok: mihmvt nohovvt, anonti mvlit, Chihowa ma pit aiokpahanchit, yvmmak ash awant Tempel a ont chukowa tok.

9. Mihma okla momvt yummvt nohowa, micha Chihowa pit aiokpahanchi aiena ka, piesa tok.

10. Mihmvt yummak osh na habena chi hosh tempel okhissa aiukli a asha beka tuk a, okla ithana tok: nana kv ai i yakohmi tuk a, okla okokko! ahnit anukhlakanchvt kmia tok.

11. Micha hatak imomokpulo hlakofi tuk ash ot Pita, micha Chan ita tuklo ka halanli ma, okla moma kashot okokko! ahni fehvt, o yihlept Solomon im apishia achi ho nutaka ya, ont ai itahoba tok.

12. Yumohmi na Pita yvt pihisa mvt, okla hash im anumpulit, Israel hatak hvchia hvt, nanta katihmi ho ilvpa isht hvchi anukhlakancha cho? Micha nanta katihmi ho pishno nan isht a pim ahlika akinli hokma, keyukmvt pi achukma hokma, nana tuk osh hatak ilvpa e nowvchi tuk o chiyuhmit aiokchifeli fenvt hvsh pi pihisa cho?

13. Eblaham micha Aisak, mikmvt Chekob in Chihowa, micha hvp iki vhleha in Chihowa yvt Ushi Chisvs a holitobli tok; yummak oka Pailat vt ant ik ia, im ahni vlhpiesa tuk a hvchishno vt itikba hielit kanchit ibbak hvsh fohki tok oke.

14. Micha Holitopa, mikmvt Aiahli aiena tuk ash hvsh kanchi cha, hatak vbi yak osh a hvchim vlhpiesa chi kv, hvsh asihhla tok.

15. Micha Aiokchaya i miko ya hvsh bi tok o, yummak ash illi tuk a, Chihowa yvt tanichi tok o; yumma atokowa anoli vhleha pia mak oke.

16. Yumma hohchifo, hohchifo yumma a yimmi pulla hosh hatak ilvpa hampkochi tuk o, hvsh pisvt hvsh ithaiyanvshke: ahli, yumma ai i yimmika pulla hosh haknip achukma aiahli ilvpa, hvsh moma hvchi tikba ya a im ataiyahli hoke.

17. Yohmi ka itibapishili vhleha ma! na hvchik ithaiyano kak osh hvsh yumohmi tok; micha hatak hvchi pehlichivhleha ak kia yohmi akinli tuk a, himak a ithaiyana lishke.

18. Yohmi kia Klaist vt ilbvsha he a, Chihowa yvt tikba

ma i hopaii puta itih ha, nana ymma puta ka isht anohonli tuk vt, yvmihchit ai ahliehi tok oke.

19. Yvmohmi hoka ile kostininchit im anukfila inla hvchi anukfohkashke; yvmohmi na nitak hochukma Chitokaka itikba a mihinti kvt ahanlakma, nan hvsh ai ashvchika puta kvt hvchi kashofa hi oke.

20. Yvmohmikma tikba kash isht hvchim anumpa tok Chisvs Klaist a auet chvfficha hi oke.

21. Yvmmak oka vba shutik vt ieshi pulla na, nana okluha Chihowa yvt nitak tikba pilla mihinti ka, i hopaii hochukma puta itih ha isht anumpohonli tok vt, ont ai ahla he vllpiesa hoke.

22. Moses okvt hatak pin tikba vhleha ha, Chin Chitokaka Chihowa yvt hvsh itibapishi hatuk a hopaii, vno chohmi ka ikbit hvchi hilecha he: yvmmak o nan okluha nana hvchim ahanchikma, hvsh haiyakla hi oke.

23. Yohmikma, yakohma hi oke: kva hosh Hopaii ymma i haponakla he keyukmvt, okla ai ibafohka tuk vt ai okpulo kvt kva hi oke; im ahanchi mvhli tok.

24. Ahli, micha hopaii moma, Samuel ai vhlit mnti, micha ola takla ha asht isht auehinchit anumponli kvt mvt, nitak yakohma hi oka, tikbanlit anoli akinli tok.

25. Hvchishno vt, hopaii vhleha, micha Chihowa yvt hvpin tikba vhleha ha, nan it im apesvt Eblaham a, chishno isht chi ai unchululi ho, oklushi puta yakni paknaka aiasha kvt ai isht ilayukpa hi oke; im ahanchi tok, anumpa ha ushi hvchia hoke.

26. Chihowa yvt ushi Chisvs ikbit hilechi mvt, hvchishno ak o mominchit nan im ai ashvchika ya ai isht filvmmichit a chi yukpala chi ka, tikbanli auet chvffihinchit tok oke; achi tok oke.

CHAPTA IV.

Pita, Chan ita tuklo kvt aboha kvlo vhlpitta tok, 1. 8 Pita yvt nukwaya iksho tok. 18 Vbanumpeshi vlheha hvt anumpa kvlo im vllpisa tok.

1, 2. MICHA okla ha im anumpulit ahashwa ma, na holitempa ish vtta vhleha, micha tempel atoni, mikmvt Satusi vhleha aiena kv̄t, yummvt hatak illi puta tana hi oka, Chisvs atuk mak o okla ha nan ikhvnanchi, micha isht anumpohonli kak o, ik im vhpieso hatuk osh, ant i kocha tok.

3. Micha okla ibbak isht ieshit, aboha kv̄llo apitta na onna tok, opia hosi tok oka.

4. Yohmi kia anumpa ha hahaklo tuk vt, laua hosh yimmi tok; yvmohmi ma hatak holhtina kv̄t tahlepa sipokni tahlapi foka tok.

5. Ont onna ma yakohmi tok; Okla i pehlichika vhleha, micha hatak hochitoka vhleha, micha na holissochi vhleha,

6. Mikmvt Annas, na holitempa isht asha pehlichi, micha Kaiafus, mikmvt Chan, micha Aliksanta, micha na holitempa isht asha pehlichi i kanomi vhleha moma aienvt, Cheluselem a ai itahoba tok.

7. Micha yummak ash o ai iklvna hiohlechi mvt, Kv̄ta hosh nan apesa tuk o, keyukmvt nanta hohchifo ho ilvppa isht hvsh ai yakohmi tuk oh cho? achit ponaklo tok.

8. Yohmi ma Pita vt Shilombish Holitopa isht anukfohka fehna mvt, Okla pehlichi vhleha micha Israel i hochitoka vhleha hvchia ma!

9. Hatak iksitopo vt nan isht il ayukpa yvt im vltaha tuk a, kanihmi ho isht a hlakofi tuk a, himak nitak a pishno ak o pi ponaklo hatuk oka,

10. Hvchishno vt hvsh moma, micha Israel okla moma kv̄t hvsh ithaiyanashke; Chisvs Klaist Nasalet ai vtta hohchifo pulla, yumma iti itaiyukhvna hvsh a takalichi tok o illi tuk a, Chihowa yvt tanichi tok: yummak fehna kak o, hatak ilvppvt isht a hlakofi cha hvchi tikba ya, yak hikia hoke.

11. Tuli ilvppak o, chuk-ikbi vhleha hvchia hv̄t, ik aho-balot hvsh kanchi tok mak o, yummak ash ot chukbi ka nutak intola fehna toba hoke.

12. Micha ai okchaya mvt inla kia iiksho: shutik nutaka ya hohchifo inla ma hatak puta ka auet ai ima tok o, mihi yo il ai okchaya he vhpesa kv̄t iksho hoka; im ahanchi tok.

13. Yohmi ma Pita, micha Chan ita tuklo kvt nukwaya iksho ho okla pihisa, micha yvmmvt hatak holisso imponna keyu, micha nan ik ithano aiena yatuk a, akostininchi mvt, okokko! okla aiahni tok; micha yvmmvt Chisvs a apelvt aya tuk a, okla im akostininchi tok.

14. Micha hlakofi tuk hatak ashot ibafokvt hikia na, okla pisa hatuk osh, yvmma okla nan isht a miha he keyu tok.

15. Amba ai itvnaha ka a kohcha chi ka, okla im apesa ha yokvto, ilap bika it im anumpulit mayvt,

16. Hatak ilvppa nanta ko eho katimihcha chi ho? na fehna ithana hinla mak o, yvmma ai isht yvmohmi muhli tuk a, Chelusalem ai asha kvt momvt akostininchi hoka; anonti pishno vt ik ahlo, e miha he keyushke.

17. Amba okla ha ibai a chukowvt i shahlit isht ik airo ka he a, i nokowa fehnvt, himmak a pilla ma, hatak nana kia hohchifo ilvppa isht ik im anumpulo ka hi a, iloh im apesashke; ahanchi tok.

18. Mihmvt okla pit i howa cha, Chisvs hohchifo ha isht ik anumpulo kvmohmikmvt, anonti nan im avchit ik ahashwo ka chi ho, im apesa tok.

19. Yohmi kia Pita, micha Chan ita tuklo kash ot, afala minchi mvt, Hvchishno ak o a hvchi haponaklo kvt, Chihowa ya, i shahlichu kak okma, nanta kosh Chihowa itikba ya ai vhpiesa ho anukfillit ho pesa.

20. Nana ka e pisa tuk, micha e hahaklo tuk aiena kvt isht kil anumpulo ka he keyu hoka; im achi tok.

21. Yvmohmi ma okla hatuk pulla mak o, kanimihchit a fvmma hinla kvt, ik akostinincho hatuk osh, achakalit nan i mihvt tahli mvt, ant ik ayá, okla im ahni tok; nana kvt a yvmohmi tuk a, hatak moma kvt, Chihowa ya pit isht holi tobli hatuk o.

22. Hatak vt hopahki kvt afvmmi pokoli ushta ka atampa ho na fehna nahlakofichi ilvppvt ai i yvmohmi hatuk oka.

23. Ant ik ayá, im ahni mvno, ivt ilap ai itapeha ai asha kash itonachi tok; micha na holitompa isht vta vhleha, hohchitoka aiena kvt nana im achi tuk ash mominchit anoli tok.

24. Mihma yvmma okla haklo mvt, im anukfila ai achefot,

Chihowa ya okla pit im anumpuli mvt, Chitokaka ma!
chishno akosh Chihowa chia hosh, vba shutik, micha yakni,
mikmvt okhvt, micha nana moma yakohmi aiasha ka ikbi
tok chia hvt;

25. Lewi chim vlla itih ha isht ish ai anumpuli mvt, Nan-
ta katihmi ho okla nan ik ithano yvt nokowa ma, anonti okla
hvt nana tok keyu ka anukfillit ai asha tok oh cho?

26. Yakni miko vhleha hvt hiel ma, yohmi na pehlich
vhleha hvt Chitokaka, micha i Klaist aiena ka i sanalit ita-
homba tok, ish achi tok.

27, 28. Ahli mvhlishe, chiso holitopa Chisvs, yvmmak o
chishno vt ish il a hvmmichi tuk ash, Helot vt Pashis Pailat
a ita tuklot, okla nan ik ithano vhleha, micha Israel okla
aiena ka itapehvt i sanalit nana hosh kanihoma hi a, chibbak,
micha chim anukfila aiena kvt, tikbanlit aiahni tok a, yv-
mihcha chi mak osh, okla itahohomba tok oke.

29, 30. Yvmohmi ka himonasi a, Chitokaka yvt okla im
anumpa palvmmi a ish ithaiyanashke, micha hlakoficha chi
kvt, chibbak a auet ish wihinli; micha nan isht ahoba puta,
anonti na fehna puta aiena kvt chiso holitopa Chisvs hoh-
chifo pulla ka isht a yvmohmi na, chin tishu vhleha hvt nuk-
waya iksho hosh chim anumpa ha isht anumpohonla chi ka
auet ish im aiahnashke; achi tok.

31. Yvmohmit vba pit anumpulit okla in taiyaha ma, itv-
nahvt okla a chieya tuk ash winakahanchi tok: yohmi ma
momvt Shilombish Holitopa yvt anukfohkv kania mvt, nuk-
waya iksho hosh Chihowa im anumpa ha okla isht anumpo-
honli tok oke.

32. Okla laua na yimmi tuk vhleha hashot chukvsh achv-
fa mvt, Shilombish mvt achvfa hosh ai asha tok; micha
achvfona kia nana im aiasha kvt kanihmi ka ilvppa vno vm-
mi fena, achi tok keyu; amba nana moma ai i moma hosh
atasha tok.

33. Vbanumpeshi vhleha hash ot nan ahlika chinto ka il
aieshi hosh, Chitokaka Chisvs vt tani tok a atokowa okla
anohonli tok: yvmohmi ma ayukpa chinto kvt mominchit
onvtoyula tok.

34. Micha achvfona kia nana kv̄t ik im iksho mvt ibafoka tok keyu; amba osapa, micha chuka kia in talohmaya aiyu-kali atuk vt, kampila cha, nana hosh nana kanchi ka it vlt-toba tuk puta ka, okla isht ai vla tok.

35. Micha yvmmak ash vbanumpeshi vhleha iyi ituma ya, ant ashachi tok; yohmi na hatak vt nana ka banna ka aiyu-kali tuk a isht i holhpila tok oke.

36. Yohmi ma Choses atuk o, vbanumpeshi vhleha hvt Banabas hochifo tok, yvmmtv toshowakmvt Nana im abv-chi ushi achi hoke, Lefait hatak Saipivs yakni vta vt,

37. Osapa in talaia tuk osh, kanchi cha, tvli holisso a isht vla cha, vbanumpeshi vhleha iyi ituma ya, ant ashachi tok oke.

CHAPTA V.

Ananaivs, Safaila itatuklo kv̄t, Pita yvt nan i miha ma, illit aka kaha,
1. 12 Vbanumpeshi vhleha hvt na fehna puta yvmihinchī tok.

1. YOHMI kia hatak achvfa Ananaivs hohchifo hosh, tekchi Safaila itatuklot, osapa kanchi,

2. Micha isht vlttoba tuk ash kashvblit ishi tok; tekchi ak kia im akostininchī ho; micha a kashampa ho isht vla cha, vbanumpeshi vhleha iyi ituma ant bohli tok.

3. Yohmi ma Pita yashot, Ananaivs, nanta katiohmi ho Shilombish Holitopa ya ish i holabi cha, osapa isht vlttoba tuk a kashvblit ish isha chi ka, Setan vt chi chukvsh a anuk-fohki tok oh cho?

4. Talaya moma mvt, chishno ak o chimmi ha tok keyu? micha yvmmtv kvnia ha ya, chishno chibbak o foka tuk keyu? nanta katiohmi ho, ilvppa chi chukvsh anukaka isht chim anukfiela tuk oh cho? Hatak o ish i holabi tuk keyu, amba Chihowa ak atuk oke; achi tok.

5. Yvmohmi ma, Ananaivs ashot anumpa ilvppa habaklo mvt, aka itulvt fiopissa tok; yohmi ma na yakohmi ka baklo kv̄t momvt nukhlakancha fehna tok.

6. Mihma hatak himita vhleha yosh wakayvt, nan abo-nullit isht kohcha cha, ont okla hohpi tok.

7. Mihma yummak atuk a hopaki kvt hvshi kanvlli isht vhpisa tuchina foka ho, tekchi vt nana kvt yvmohmi tuk a, ik akostinicho hosh ant chukowa tok.
8. Mihma Pita yvt im anumpuli mvt, Yakohmi ho osapa ya hvsh kanchi tuk okma, nanakmvt, is svm anolashke; achi tok, mihma, Yau, yummak okvno; achi tok.
9. Mihma Pita yashot, Katiohmi ho Chitokaka imi Shilombish a imoma ka hvsh pisa chi kvt, hvchim anukfila hvt ai achvfa tuk oh cho? Chi hatak a hohpi tuk, micha chish-no ma isht chi koheha chi vhleha iyi vt okhissa ya asha ka, pisá; im achi tok.
10. Yohmi ma mih makinli ho yummak ash ot iyi ituma ya ont itula mvt fopissa tok; mihma hatak himita vhleha yash ot ant abeha cha, yummvt illi tuk o pisa mvt, ishit koh-cha cha, i hatak ont apotulit hohpi tok.
11. Mihma vbanumpuli ikxa yvt moma, micha kaniohmi hosh na yakohmi ka haklo tuk vt momvt nukshopa fena tok.
12. Yvmohmi ma vbanumpeshi vhleha ibbak a nan isht ahoba, micha na fehna aiena laua kvt okla itintakla ya isht a yvmohmi tok. Mihma momvt im anukfila hvt ai achvft Solomon im apishia nutaka chieya tok.
13. Mihma inla hokvto nukwia kvt hatak achvfa kia ik ibafohko ki tok; yohmi kia okla hokvto yvmma ahninchitok.
14. Mihma na yimmi vhleha hatak nakni, micha ohoyo puta aiena kvt, laua hosh Chitokaka ya ai ibvlhkaha kvt i shahlit ia tok.
15. Yohmi hatuk o Pita yvt ayvt ont iakma shilombish ak illa kia kaniohmi ka pit o hoshontikacha hi a, abeka puta ka isht kohchvt hina puta isht onvt topa, micha topushi aiena paknaka ont okla o kahpulli tok.
16. Mihma auct abilika tmaha talohmayvt fullota ka asht minti kvt laua hosh abeka puta, micha na shilombish okpulo puta isht issikkopa vhleha hatuk aiena isht ayvt, Cheluselem a ai vla tok; mihma momvt hlakofit taiyaha tok.
17. Yohmi ma na holitompa isht asha pehlichi, micha apeha tuk vt, (yummvt Satusi ikxa yatuk osh,) momvt wa-kaya mvt, anukhobela fehna tok.

18. Mihmt vbanumpeshi vhleha ha, okla ibbak isht ieshi cha, okla moma im aboha kullo ya pit apitta tok.

19. Yohmi tuk kia Chitokaka im enchil vt ninak a aboha kullo okhissa ya ant tiwit tahli cha, pehlichit kohcha mvt,

20. Oh ia cha, ai okchaya ilvppa isht anumpa ha mom-inchit tempel anukaka ya ont hielit okla ha isht hvsh im anumpohonlashke; achi tok.

21. Mihma yvmma okla haklo mvt, onnahnli fehna tempel a ont abeha cha, nan ithvnanchit ahashwa tok. Yohmi kia na holitempa isht asha pehlichit vt apeha tuk ash aient ai vla mvt, nan apesa vhleha, micha Israel okla i hochitoka moma i howvt itahobi mvt, yvmmak ash isht vla chi ho, aboha kullo a pit tihleli tok.

22. Yohmi tuk kia nan vltoka vhleha hash ot ai vla cha, aboha kullo anukaka ya, yvmmak ash ant ik a peso mvt okla falamt ont anolit,

23. Aboha kullo yokvto vkhkama achukma bano, yohmi ma apistikeli yvt okhissa puta itikba kocha ya hiel ho, ont e pisa ho mvhli tuk, yohmi kia e tiwi mvt, hatak nana kia anukaka ya asha na ke peso kano; ahanchi tok.

24. Yvmohmi ma na holitopa isht asha pehlichit i shahli micha tempel atoni, mikmt na holitempa isht asha pehlichit vhleha aiena kv, na yakohmi ka haklo mvt, nana ak o ilvppvt ont ai vlpiesa hinla ka, ik ai akostininchot okla aisha tok.

25. Yohmi ma achvfa kv ayvt okla hash ant im anohonli kv, Yakeh! hatak aboha kullo pit hvsh apitta tuk ash o tempel anukaka ya hielit, okla ha nan im abahanchishke, achi tok.

26. Yohmi ma nan atoni ash ot, nan vltoka vhleha hash itvpeha cha ia mvt, okla ha i nukshopa, yvmmak keyukmt, tvli okla isht boa hinla hatuk osh, yvmmak ash o nan ik kan-ihecho hosh ont pehlichit vla tok.

27. Ont okla pehlichit vla mvt, nan apesa vhleha itikba ya hiohlichit tok: yohmi ma na holitempa isht asha pehlichit yvt im a ponaklot,

28. Hohchifo ilvppa isht im avchit hvchik abanto ka hi

a, kullochi fehntv okla e chim apesa tuk keyv ? Yohmi ka-sh o Cheluselem a hvchim anumpa isht ai alotolit hvsh kai-yanchi ; yohmi mvt hatak ilvppa im issish a pishno ak o isht pi onochi hvchi bvnvshke ; ahanchi tok.

29. Yohmi ma, Pita, micha vbanumpa isht vtta vhleha inla aiena kashot afalaminchi mvt, Chihowa yak o il im antia kvv hatak a, il i shahlicha he tuk oke.

30. Hvpin tikba puta in Chihowa yvt, Chisvs yvmma iti a takalichit hvsh bi tuk a, tanichi tok.

31. Yvmmak o Miko, micha Nan okchalinihi aiena cha, ilekstininchi Israel a anukfohki, micha ai ashvchika aiena ma kashiofa chi ka, Chihowa yvt ilap ibbak ishtimpak imma ya isht holiobli tok oke.

32. Yvmohmi ka pishno ak osh nan ilvppa puta ka isht im a atokovvt anoli pia ; yohmikma Shilombish Holitopa, yvmma Chihowa yvt im antia vhleha ha ima tok a, yohmi akinli hoke ; achi tok.

33. Yvmma haklo mvt, okla anukhobela fehna mvt, vba chi kvv, isht anumpulit maya tok.

34. Mihma achvvt Falisi hatak, Kameliel hohchifo, nan vhpisa ikhananchi, okla momvt i holitopa cha tuk o, nan apesa vhleha itin takla ya hikia mvt, vbanumpeshi vhleha hash, chekosi takla ka kocha pit ashacha chi ka, miha tok.

35. Yvmohmi mvt, Israel okla hvchia hvv hatak ilvppa imma yo, nana kanihcha chi ka, hvsh aiahni hokvto, ahah ! isht hvsh il aiahnashke.

36. Himak nitak takla ka, Hlutas vt ilap ak osh hatak fehna mak o, mihvt ahanta na yvmma hatak holhtina kvv tahlepa ushta fokvt iba kaha tok o ; yvmmak ash o vbi ma, im antia vhleha hatuk ash ot momvt, ita fimimpvt, ont aiok-pulokvt taha tok.

37. Chutvs Kalili hatak osh hatak ilvppak ash achkvv, okla holhtinvt maya nitak ash ahanta cha, okla lava ka isht il akanvllichi tok osh, yvmmak ash kia illi tok : yohmi ma kanihmi hosh im antia tuk vt, momvt itatiapvt taha tok.

38. Yvmohmi hoka, Hatak ilvppa nan isht hvchik ahalaio ho, peh asht ik itvnowa ; chim ahanchi lishke Anumpa, mi-

cha, nan isht vtta aiena ilvppvt hatak atuk okma, ont aiok-pulokvt taha chi hoka.

39. Amba yvmma Chihowa yak atukmvo, ai okpenit hvsh kancha he keyushke. Yvmmak keyukmvt, Chihowa yak o itibi hosh hvsh ahashwa na hvchi ahayucha hinla hoke; im ahanchi tok.

40. Mihma, vhpesa okla im ahni tok. Micha vbanumpa isht vtta vhleha hash i howa cha, fvmmit ashachi mvt, Chisvs hohchifo ha okla isht ik anumpolo ka chi ka, im apesvt taiyahli cha, kvnompit tihleli tok.

41. Yohmi ma yvmma hohchifo pulla ho na hofahya ka isht ile pisa he a, ont ai vhpiesa tuk vt, na yuhukpvt nan apesa vhleha itikba ya asht okla ia tok.

42. Micha nitak moma tempel anukaka, micha chuka taloha moma ka, nan im avvchi, micha Chisvs Klaist isht anumpuli aiena kvv okla ik isso tok.

CHAPTA VI.

Vbanumpeshi vhleha hvv hatak ilbvsha ithana, micha anumpa ha isht anumpuli aiena, 1. 5 Hatak vltoka untuklot vltoka tok.

1. NITAK yvmmak foka, nan ithvna vhleha hvv laua kvv isht i shaht taha ma, im ohoyo vltakla puta ka nitak moma nana iti hopela ya ahaksichi beka hatuk o, Klik okla hvv Hebhu okla ha nanumachit aiasha tok.

2. Yohmi ma auvhtuklo kashot nan ithvna vhleha laua kash itahobi cha, Chihowa im anumpa ha il issa cha, ai im pa yak o isht il ai ashwa he, vhpesa keyushke.

3. Yohmi hoka il itibapishi vhleha ma! hvsh ai itvpeha ya hatak untuklo annoa achukma chatuk, nan imponna, micha Shilombish Holitopa anukfohka aiena ho hvsh atokoli ma yvmmak o nan ai isht vtta ilvppa e hiohlehashke.

4. Amba pishno ak okvto, vba pit anumpuli, micha anumpa isht vtta aiena kak o, kil isso kvvmohma chi hoke; achi tok.

5. Yohmi ma okla laua kash ot momvt anumpa ha aiok-

panchi tok. Yohmi mvt Istefn hatak na yimmi, micha Shilombish Holitopa yvt anukfohka fehna, micha Filip, micha Pokolvs, mikmvt Naikena, micha Taimon, micha Pamina ho, okla atokoli cha,

6. Yvmma puta kash o vbanumpeshi vhleha itikba hiohlechi tok. Mihma okla vba pit anumpuli mvt, ibbak isht umbitepa tok.

7. Yohmi ma Chihowa im anumpa hvt isht i shahlit ia ma, Cheluselem a nan ithvna vhleha holhtina laua kvt i shahlit ishtia fehna tok; yohmi ma na holitompa isht asha laua fena kvt ayimmika ya im antivt aiasha tok.

8. Mihma Istefn vt ayimmika, micha isht ai ahlika aiena kvt isht alota mvt, nan isht ahoba chinto, micha nafehna aiena ka, okla itin takla ya a yvmihinchit tok.

9. Yvmohmi ma sinakak Laibatin okla i sinakak achi ho, asha yatuk, micha Sailini okla, micha Aleksantia okla, mikmvt Silisia, micha Asia minti aiena kaniohmi kvt, Istefn a itim anumpulit hielit tok.

10. Yohmi kia chukvsh, micha ahopoyuksaka aiena ho isht ai anumpuli hatuk ash, okla nan isht a miha he keyu tok.

11. Yohmi mvt hatak lumvt tohno na, Yvmmak ashot Moses, micha Chihowa aiena ka ik ahobalot isht anumpohonli ka, e haklo kano; achi tok.

12. Michas okla puta, mikmvt i hochitoka vhleha micha holissochi vhleha aiena kash okla ilhkoliinchit na, okla i koheha cha yvmmak ash ishi mvt, nan apesa vhleha ha isht im ona tok.

13. Michas hatak nana aholvbi ya hiohlechi na, yvmmak ash ot, Hatak ilvppvt aholitopaka ilvppa, micha nan vhpisa aiena ka, anumpa ik ahobalo isht mihachi kvt ik issoshke.

14. Chisvs Nasalet ai vttat ilvppvt ilvppa okpvna he, micha nan vhpisa puta Moses vt hvp ima tok a inlvcha he, ilvppvt achi ho, okla e haklo kamo; achi tok.

15. Yvmohmi ma, itvnavht maya kash ot momvt yvmmak

ash aiokchifeli fehnvt pisa ma, nashuka mvt enchil nashuka
yō chiyuhmi na, pisa tok oke.

CHAPTA VII.

Istefin a im asilbhvchi hatuk o isht il anumpuli.

1. YUMOHMI ma na holitompa isht asha pehlich ashot, Nana kv yakohmi ho mvhli cho? achi tok.
2. Mihma yvmmak ashot, Hatak itibapishi li vhleha, mi-cha an tikba puta ma! hvsh haiyaklashke. Pin tikba Ebla-ham vt Chalan a, ont ik vtto kisha hosh, Mesopotemia ak o anta moma ma, Chihowa holitopa yvt ant i haiaka tok.
3. Mihmvt yvmmak ash o, Chi kanomi vhleha i filvmmi, chi yakni a a kohchvt ayvt, yakni chi pisachi la chi ka, ish lashke; im achi tok.
4. Mihma Kaltia okla i yakni ash a kohchvt minti cha, Kalan ak o ant ai ahanta tok. Atuk o iki vt illi ma, yvm-mak ash o a wihachit yakni ilvppa himonasi hvsh ai ahashwa ka, isht vla tok.
5. Ulla yvt ik im iksho kisha ma, ilap micha isht ai-un-chululi aiena ka, yvmmv immi ha he mak o, ima hi okvt, i miha tok nana kia, a binila hi a peh iyi pvtha a habli achela kia, ilap a ik emō ki tok.
6. Micha Chihowa yvt yakohmichit anumpuli tok: Yvm-ma isht ai unchululi vhleha hv yakni inla ai itvnova he, yohmikma okla yukachit ilbvshahanchi na, afvmmi tablepa ushta he.
7. Yohmikma oklushi nana ho i yukvt ahashwa tukma yvma na kanichi la hi oke; yohmi ha mvno, okla kochi wiha cha, ilvppa ant a si aiokpahancha hi oke; Chihowa yvt achi tok.
8. Mihmvt hakshup tupa nan vlvpisa ka ima tok. Atuk o Eblaham vt Aisak a ikbi cha, nitak isht untuchina ma hakshup tvbli tok. Atuk o Aisak vt Chekob a ikbi tok o Chekob vt hatak piki hochitoka auah tuklo ka ikbi tok.
9. Yohmi tuk o, hatak iki hochitoka yash ot Chosef a i

nukkilli hatuk osh, nan isht chumpvt Echip a pit kanchi tok; yohmi kia Chihowa yvt awant anta tok.

10. Micha nan isht im a palvmmi puta ka mominchit ai isht kohchi cha, Echip miko Feleo a itikba ya aholitopa, mi-cha nan imponna aienvt ahanta chi ka, ima tok; yohmi na yvmmak ashot Echip yakni, micha in chuka moma pehlich i iki tok.

11. Yvmohmi ma Echip yakni moma, micha Kenan aiena ka na hohchvfo, micha na palvmmi chinto aiena kvv onvtu-yula tok; yohmi ma hvpin tikba vhleha hashot nan ilimpa nana kia ik ahayucho ki tok.

12. Yohmi kia Echip a tanchi vt asha na Chekob vt ha-klo mvt, hvpin tikba vhleha ak o vmmoma ka pit tihleli tok.

13. Atuk o ont atukla kak o, Chosef vt itibapishi vhleha ha im il anoli tok. Yohmi ma Chosef i kanomi vhleha ha-tuk vt Feleo a im annoa tok.

14. Yohmi ma Chosef vt iki Chekob, micha i kanomi vhleha moma kvv, hatak pokoli untuklo akucha tahlapi ho, pit hoyo-hosh, pit chvffichi tok.

15. Yohmi na Chekob vt Echip a ona tok osh, ilap ash, micha hvpin tikba vhleha aienvt illi tok.

16. Yvmohmi na ishtivt Saikam a isht ona cha, Eblaham vt ahollopi Saikam iki, Ema ushi vhleha ha teli holisso isht in chumpa tok a, ont fohki tok.

17. Yvmohmi kash o Chihowa yvt anumpa kvvlo Ebla-ham a nan isht ai im apihisa tok, nitak vt ai ona het ma-haya ma, okla hashot Echip a a laua kvv i shaht isht maba-ya na,

18. Miko inla Chosef a ithana keyu hosh hikia tok.

19. Yvmmak ash osh hvpi kanomi vhleha ha haksichi mvt, hvpin tikba vhleha hash o ilbvshachi, yvmohmi cha okcha-yvt ik mayo ka chi ka, im vllosi a isht kampila beka tok.

20. Yvmmak foka ma Moses vt vta mvt, aiukli fehna, yvmohmi cha iki in chuka ya hvshi tuchina ho, a pishi tok.

21. Yvmohmi tuk o koeha kanchi ma, Feleo ushetik vt eshi cha, ilap ushi a chi ho hofantichi tok.

22. Yvmohmi ma, Moses vt Echip okla nan ai ithana

puta ka mominchit ithaiyana, yvmohmi mvt anumpa puta, micha na fehna puta aiena ka isht anta imponna tok.

23. Yvmohmi tok osh hopaki kvt afvmmi pokoli ushta ont vllhpiesa mvt; itibapishi Israel ushi vhleha ha i nowvt aya hi oka, chukvsh anukfoyuka tok.

24. Yvmohmi tok osh, achvvt nan vllhpesa keyu ho isht ilbvsha na pisa mvt, yvmmak ash apelvchi, yohmi cha, issik kopa tuk a atobbit, Echip hatak ash vbi tok.

25. Yvmma ibbak ak o Chihowa yvt isht hlakoficha li a itibapishi vhleha hvt okla akostininchi hatuk a, im ahoba hatuk kia, okla ik akostinincho ki tok.

26. Yvmohmi tuk o nitak ont atukla ma itibi hosh ashwa ma, yvmmak ashot ont i haiaka cha, itin nanaiyvcha chi hosh, Hatak, itibapishi hvchia hoke; na katihi ho hvsh iti okpni cho? ahanchi tok.

27. Yohmi kia in chuka panta hatak okpni tuk ashot. Kva hosh na pi pehlich, micha na pim apesa aiena ka chikbi tuk o?

28. Pilashash Echip hatak ish bi tuk vt, is sa chomicha chi ho? achi mvt, naksi ka pit tobli tok.

29. Yohmi ma ilvppa ahanchi ka, Moses vt kvnia cha, hatak nowvt aya yosh, Matian yakni ya ahanta hosh, yvmmak o ushi tuklo ka ai ikbi tok.

30. Atuk o afvmmi pokoli ushta kvt ont taha ma, Chitokaka im enchil vt yakni haiaka nvni chaha Saina ya bafaha anyka luak libbi ho, ant im a haiaka tok.

31. Moses vt yvmma pisa mvt, na pisa kvt okoko! aiahni tok; micha akostinincha chi hosh bilika ona ma, Chitokaka im anumpa hvt im vla kvt,

32. Vno akosh chin tikba vhleha ya in Chihowa sia, Eblham a in Chihowa, micha Aisak ma in Chihowa, micha Chekob a in Chihowa sia mak oke; ahanchi tok. Yohmi ma Moses vt wvnhinchi mvt, atokowvt pisa nukwia tok oka.

33. Yvmohmi ma Chitokaka ashot, Shulush a chihi ish a shuelashke; ish a hikia yvmvvt yakni holitopa hoka.

34. Vm okla vhleha Echip ai ahashvvt ilbvsha ka pisa kvt pihisa li: micha okla yahaya ka hahaklo li chatuk;

yvmohmi cha kocha weli la chi hosh aka minti lishke. Yohmi ka minti, chishno ak o himonasi a Echip a pit chi chvffichi lashke; im achi tok.

35. Moses ilvppa, okla shitilema cha, Kvta hosh na peh-
lich, micha nan apesa aiena ka chikbi tok o? ahanchi tok
ash fena akinli ka, na pehlich, micha na hlakofichi aiena
ka, enchil bvfaha anyka ai i haiaka ka ibbak o, Chihowa yvt
isht a pit chvffihinchu tok.

36. Mihma na fehna, micha nan isht ahoba puta aiena ka,
Echip yakni, micha okhvta humma, mikmvt afvmmi pokoli
ushta ho yakni haiaka ya, isht a kaniminchu hosh, yvmma
pehlichit kohcha tok.

37. Moses ilvppak osh Israel ushi vhleha ha, Chihowa
hvchin Chitokaka yvt hvsh itibapishi hatuk a, hopaii vno
chohmi ho, ikbit hvchi hilecha he; yvmmak o hvsh i ha-
ponakla hi oke; im ahanchi tok oke.

38. Ilvppak osh yakni haiaka okla ai itvnaha ka ibafohka,
enchil vt nvni chaha Saina ya ai im anumpuli ka awant
anta; micha hvpin tikba vhleha ma ibafohka tok; yvmmak
osh isht ai okchaya, nan vlpisa puta ka hvv ima chi kvv,
ishi tok mak oke.

39. Yvmmak o hvpin tikba vhleha hvv im antia he keyu
hosh, amba naksi ka pit tobli cha, chukvsh vt falamvt Echip
a ia mvt,

40. Alon ash o Pi tikba ilhkola chi ka, Chitokaka puta
ka, pim ikbi; Moses ilvppa pi pehlich Echip yakni ai isht
pi kohchi ano, nana mak osh isht a kaniohmi tuk chishba,
kil ithaiyano hoka, im ahanchi tok.

41. Michu nitak yvmma foka ma, wak ushi okla ikbi cha,
na holba toba yash nan isht aiokpvchi ya, isht im ai vla
cha, ilap ibbak nan ikbi tuk a isht il ai yukvvt aiasha tok.

42. Yohmi ma vba fochik puta ka, okla aiokpvcha chi
mak o, Chihowa yvt issvt i filvmmi tok. Hopaii vhleha i
holisso ha a holihiso kvv, Israel in chuka achvta vhleha
hvchia ma! afvmmi pokoli ushta ka yakni haiaka, nan
vlpoba nipi puta, micha nan isht ai okpvchi puta aiena ka,
isht hvv svv ahanla cho?

43. Amba Molak im vltipo a, micha Limfan chin Chihowa i fochik aiena, na holba hvsh aiokpvcha chi mak osh, hvsh ikbi tok vt shoyulit hvsh aya cha tok. Yvmohmi hoka wihachit Babulon misha pilla, hvch isht aya la hi oke, achi hoka.

44. Yvmmak okvt Moses a i mihvt, kaniohmi ho pisa tuk vt, holba ho ikba he o, apesa tok mak o, hvpin tikba vhleha hvt yakni haiaka ya isht ai atokowa vltipo vt in takali tok.

45. Atuk o hvpin tikba vhleha hak kia, yvmma ishi tok osh, Choshua a apehvt oklushi nan ik ithano, yvmmak o Chihowa yvt pin tikba vhleha itikba ya a kohchit tihlihni tok, i yakni a isht chukowa tok o, ituyula na, Lewi vt ahanta nitak a oyuna tok.

46. Mihma yvmmak osh Chihowa itikba ai isht il ayukpa ahayuchi, yvmohmi cha, Chekob in Chihowa ya aboha im atahli bunna tok;

47. Yohmi tuk kia Solomon ak osh chuka ya im ikbi tok.

48. Yohmi kia Moma i shahli hvt tempel puta ibbak o isht ikbi yokvno, ai ahanta cha tuk keyu;

49. Uba yvt vm aiasha okma, yakni vt saiye ai o hilia yoke. Chuka nanta ho hvs svm ikba chi ho? mikma a foha li ak osh nanta ho?

50. Uno subbak ak osh nana ilvppa moma ka ikbi tok keyu cho? Chitokaka yvt achishke; hopaii vt achi hoka.

51. Ikunla kvllo, micha chukvsh mikmvt haksobish aiena wishakchi ik tapo hvchia hvt, Shilombish Holitopa ya i ssnalit hvsh bilia. Hvchin tikba vhleha hvt yohmi tok a hvsh chiyuhmishke.

52. Hopaii vhlia ha katima kak o hvchin tikba vhleha hvt ik ilbvshacho ki tok o? Micha Aiahli vt aya hi a, tikbanli anoli vhleha, yvmma okla vbi tok o mihi o himak a hvchishno vt na haksichi, micha nan vbi aiena hvsh a toyuba tuk oke.

53. Micha enchil vhleha hosh nan vlpisa ya auct tosholi

na, hvsh eshi tok; yohmi kia hvchik holitoblo cha tuk oke: achi tok oke.

54. Yohmi ma na yakohmi ka okla haiyaklo mvt, chukush vt nvhla tok; micha yvmmak ash noti isht o shakan-
liehi tok.

55. Yohmi kia yvmmak okvt Shilombish Holitopa anuk-
fohkvvt knia hatuk osh, vba ya pit ai okchifeli fehnvt
hopokoyo mvt, Chihowa im aholitopaka, micha Chisvs vt
Chihowa im ibbak ishtimpak imma ya hikia aiena ho, pisa tok.

56. Michā, Uba yvt tiwa, micha Hatak Ushi vt Chihowa
ibbak isht impak imma ya auet hikia aiena ho, pisa lishke;
achi tok.

57. Yohmi ma chitoli fehnvt okla tasali mvt, haksobish a
akvmmi cha, achvfa chohmit o yihhleptv tvnaha ha ishit a
kohchi cha, tvli ishit boli tok.

58. Yohmi ma nana atokowa anoli vlheha hashot, ilap
anchi a hatak himita Sal hochehifo ho, iyi ituma ont ashachi
tok.

59. Michā Istefin vt pit im payvt, Chitokaka Chisvs ma!
Sa shilombish a ish ishashke; ahanchi na, okla tvli ishit
boli tok.

60. Yohmi ma hvchukbihleptv hikia cha, chitoli hosh,
Chitokaka ma! ai ashvchika ilvppa isht ish onochi ná; achi
tok. Michā ilvppa ahanchi mvt, nusit knia tok oke.

CHAPTA VIII.

Filip vt Samelia ya vbanumpuli iksa ahilichi, 5. 26 Ehliopia hatak
anumpeshi yo baptismochi.

1. YUMMUT illi ka Sal vt vlhpesa ahni tok. Michā
nitak yvma foka ma, vbanumpuli iksa Cheluselem ashwa
tok a i palvmmichi fehna tok; yohmi ma momvt ita fimim-
ptv Chutia yakni, micha Samelia aiena a mominchi na, vba-
numpeshi vhlheha hash illa tok.

2. Yohmi ma hatak hochukma yosh Istefin a hohpit
taiyahli mvt, okla isht yaiya fena tok.

3. Yohmi ma Sal vto, vbanumpuli iksa ya okpunit, chuka moma iba chukowa cha, hatak puta, ohoyo puta aiena ka halvllit ishit, aboha kello pit apihinta tok.

4. Yvmohmi hatuk o ita fimimpa tuk vhleha hash ot, anumpa ha isht anumpulit kanima moma itvnova tok.

5. Yohmi ma Filip vt Samelia tmaha ha ona cha, Klaist a isht im anumpohonli tok.

6. Mihma okla hvt, yvmmt na fehna yvmihinehi ka haklo, micha pihisa aiena mvt, im anukfila ai achvvt Filip vt nana ahanehi puta ka, haponaklo tok.

7. Shilombish okpulo puta a foyuka tuk vt chitolit tab-panlvt lawa ka a kocha wiha hatok o; micha palsi isht abeka lawa tuk, micha imomokpulo aiena tuk vt hlakofi tok.

8. Yvmohmi ma tmaha ymma a yukpa chinto tok.

9. Yohmi kia hatak achvfa Saimon hohchifo hosh, tikha ma tmaha ymmak inli ka ai isht ahullot ahantvt, ilap ak osh hatak na fehna mak o, mihija cha, Samelia okla ha nukhlakvshli tok.

10. Ymmak o, chipunta, micha asvno aiena kvt momvt, Hatak ilvppvt Chihowa nan isht im ai ahlika chinto mak oke; ahanchi mvt, okla im antia tok.

11. Mich a ymmak osh isht ahullot, isht nukhlakahashli tok hopaki hatuk o, okla im antia beka tok.

12. Yvmohmi tuk kia, Filip vt Chihowa aphehlichika, micha Chisvs Klaist hohchifo aiena nana puta ka isht ai anumpohonli na, okla yimmi mvt, hatak, micha ohoyo puta aiena kvt baptismo tok.

13. Yohmi ma Saimon vt ilap ash kia yimmi akinli tok, micha baptismo mvt, Filip a ibafokvt ayvt, na fehna, micha nan isht ahoba puta aiena kvt a kaniohmi na pisa mvt, nukhlakancha tok.

14. Yohmi ma vbanumpeshi vhleha Cheluselem maya tuk vt, Samelia vt Chihowa im anumpa ha ishi tuk o, haklo mvt, Pita micha Chan aiena ka okla pit in tihleli tok.

15. Atuk o, ymmak ashot itonanchi mvt, okla Shilombish Holitopa anukfokha chi ka, vba pit isht anumpulit oklat tok.

16. Yvmma foka ma, achvona kia yvmmvt ik onvtulo kisha ha tok; Chitokaka Chisvs hohehifo ha isht a baptismo tuk ak illa ha tok.
17. Yohmi mvt okla hash ibbak isht umbitehimpa ma, Shilombish Holitopa yvt okla anukfohka tok.
18. Yvmohmi ma Saimon vt vbanumpeshi vhleha ibbak isht umbitepa ka, Shilombish Holitopa yvt ai anukfohka ho, pisa mvt tvli holisso ant i weli cha,
19. Vno ak kia nan isht im ai ahlika ilvppa hvs sama na, kuna ho vno vt svbbak isht umbitepa likma, Shilombish Holitopa yvt ai anukfohkashke, ahanchi tok.
20. Yohmi kia, Pita yvt, Chihowa yosh nan ima ya, tvli holisso yvt isht vltoba hinla ka, chim ahoba tuk oka, chin tvli holisso yvt chi awant aiokpuloka pit kniashke.
21. Chi chukvsh vt Chihowa ya itikba ya ai vhlpiesa keyu hokvt; nan ilvppa kaniohmi kia, micha ahalaia kia ik chim ikshoshke.
22. Yvmohmi hoka, nan isht ik chi ai vhlpeso ilvppa ish ile kostininchashke; micha Chihowa pit ish im asihila na, yohma he yobakma, chi chukvsh im anukfila yvt chi kashofa hi oke.
23. Chishno vt basunlvsh homi, micha nan ai ashvchika abonunta aiena chia hatuk o, akostininch i hoka; im achi tok.
24. Mihma Saimon vt afalaminchit, Chitokaka ya pit im ilbvshvt isht hvs si anumpuli na, na yakohmi hvsh anumpuli tuk a achvona kia ant ik si onvtulo kashke; achi tok.
25. Mihma yvmmak ash ot, Chitokaka im anumpa ha atokowvt anolit, isht anumpohonli cha falama mvt, Samelia okla in tumahushi lawa ka vbanumpa isht ai anumpohonlit, Cheluselem a itvlachi tok.
26. Yvmohmi ma, Chitokaka im enchil vt Filip a im anumpulit, Wakaya cha, oka mahli pila ivt, hina Cheluselem vtvvt, Kesa ia bachaya chukushmi foka yvmma ish onashke, im achi tok.
27. Mihma wakaya cha ia tok. Atuk o Ehliopia hatak, Kantisi ohoyo Ehliopia okla i miko im anumpeshi holitompa

hosh, yvmmak osh tvli holisso a mominchit i shoyuli yosh vba pit aiokpvcha chi hosh, Cheluselem a vla tok osh,

28. Falamvt ia kvv im iti chanvlli anvkaka binilit, Esaias hopai i holisso ha itim anumpvli tok.

29. Mihma Shilombish vt, Filip a, Bilika ona cha, iti chanvlli ilvppa ont ibafohka; im achi tok.

30. Mihma Filip vt pit o malelit ona cha, Esaias hopai i holisso itim anumpuli ka haklo mvt, Nan ish itim anumpuli kvv ish akostinichi cho? achi tok.

31. Mihma, Katiohmi li kak osh, hatak nana hosh vva abvchi ho keyukma? achi tok. Mihmvt, Filip vt pit oya cha, awant asha hinla ka; ahni tok.

32. Anumpa holisso holitopa ai itim anumpuli ka ilvppak a tok. "Chukfi vlpoba chohmi ho yvmma ai illi bullat ishtia tok; micha chukfi vlpovo-ushi yosh hishi im vmo in tikba hikia kvv, nan ik ayo chatuk a chohmit, yvmvut itih ha ik wakvmmo ki tok:

33. "Ilvsha fena ma, nan ai vlvpiesa ka im ishi tok Im ilhfiopak a yakni a ai ishi tok oka; im ai itilavi kvv ahasha tok a, kvv hosh anola hinla cho?"

34. Mihma anumpeshi vto, Filip a afalaminchi mvt, Chi ponaklo lishke; Kvva ho hopai vt ilvppa isht anumpuli ho? Ilapo akinli hokma, keyukmvt hatak inla yokma, nanta ho? achi tok?

35. Mihma Filip vt itih ha wakvmmi cha, holisso mih ash inli ho ai isht vtv, Chisvs a isht im anumpohonli tok.

36. Yvmohmit hina fohkvv mahayvt okla mvt, oka nama kia ont a hiel tok. Mihma anumpeshi ashot, Yakeh! oka yoke; baptismo la hi a nanta kosh ai atakvmmi cho? achi tok.

37. Mihma Filip vt, Chi chukvsh mominchit ishit chi yimmi hokma, vlvpiesvshke, achi tok. Mihma afalaminchi mvt, Chisvs Klaist vt Chihova ya ushi yoka, sa yimmishke, achi tok.

38. Mihma iti chanvlli vt lumvt hikia chi ka, miha tok; micha Filip vt anumpeshi ash ita tuklot pit okvtahvt oka ya itonachi na, yvmmak ash baptismochi tok.

39. Yumiohmi ma oka yash ai ashwvt kochvt okla ma, Chitokaka imi Shilombish vt Filip a isht ia na, anumpeshi ash ot himmakma ik peso ki tok: micha na yukpa hosh i hina fohkvt ia tok.

40. Amba Filip vto Asotvs ak o antvt haiaka tok; micha a hlopullit aya mvt, tmaha moyuma ka vba isht ai anum-pohonlit ayvt Seselia ya vla tok oke.

CHAPTA IX.

Sal vt Tamaskvs pilla ia hosh aya ho, Klaist vt im anumpuli, 1. 10 Ananiavs vt ayvt im ona ma, baptismo tok. 20 Pal vt nukwaya iksho hosh Klaist a isht anumpohonli.

1. YUMOHMI ma, Sal vt Chitokaka i nan im ai ithana vheha ha i nokowa, micha vbi aiena he fiovt kohonchi kvv imoma mvt, na holitompa isht asha pehlich i ona tok.

2. Mich a sinakak puta, Tamaskvs asha ka, nakni okmá, keyukmvt ohoyo hokmá nana hosh, ilvppa chohmi kvv asha na, ahayuchikmvt talakchi o Cheluselem a pehlichit vla hinla kvv, ymma puta pit holisso ha, im ikba hi a, im asilhha tok.

3. Atuk osh ia hosh aya mvt, Tamaskvs pit bilika ona tok; mihma tohwikelit vba minti kvv yvmmak ash o asha-lik a tommit a folupli tok.

4. Yohmi ma aka ont itula tok; micha anumpa hvv, Sal, Sal, nanta katihmi ho is svlvshali cho? im ahanchi na haklo tok.

5. Mihmvt, Chitokaka ma! kvta chia hoh cho? achi tok. Mihma Chitokaka ashot, Vno akosh, Chisvs ish ilvshahanli ka sia mak oke, Na halupa puta asvvalinchit ish hahaghli kvv chi palvmmi hoke; achi tok.

6. Yohmi ma yvmmak ashot nukhlakanchvt wvnihinchi mvt, Chitokaka ma! nanta hak o katiohmi la hi a, si svm achi cho? achi tok. Mihma Chitokaka yvt, Wakaya cha, ivt tmaha ha ont ish chukowakmak o, nana ish kaniohma chi kvv, chim annoa chi hoke; im achi tok.

7. Yohmi ma hatak apehvt aya tuk ashot anumpa kmo haklo kia, hatak nana kia ik peso mvt, ik anumpolo hosh hiel tok.

8. Atuk o, Sal vt aka itolv tani tok: micha nishkin vt fatuma mvt, hatak nana kia ik peso ki tok. Yohmi ma ibbak a halvli cha ishtivt, Tamaskvs a okla isht chukowa tok.

9. Yohmi ma ik hoponayo mvt, anonti ik impo, nan ik ishko aienvt ahanta na nitak tuchina tok.

10. Yvmohmi ma hatak nan ithva achefa, Ananaivs hohchifo kv Tamaskvs a anta tuk o: yvmmak ash o holhpokuna ka, Chitokaka yvt, Ananaivs, im achi tok; mihma, Yak anta lishke, Chitokaka ma! achi tok.

11. Mihma, Wakayvt ivt hina Apissa hohchifo ka ish ona cha, Chutvs in chuka ya, Tasvs hatak Sal hohchifo ka, ish aponaklashke; yvmmak ash osh vba pit anumpohonli hoka.

12. Micha holhpokuna kv, hatak Ananaivs hohchifo hosh ant chukowa cha hopokoya chi ka, ibbak a ant isht um bitepa na, pisa tuk oke: Chitokaka yvt im achi tok.

13. Yohmi ma Ananaivs ashot afalaminci mvt, Chitokaka ma! hatak ilvppvt, chi holitopa vhleha Cheluselen aiasha ka kaniohmit nan isht okpvi ka, laua ho a haklo li chatuk.

14. Micha chi hohchifo pit hochifo vhleha mominchit takcha chi ka, na holitopa isht asha pehlich vhleha yvt im apesa tuk o, ilvppa anta hoke: achi tok.

15. Yohmi kia Chitokaka ash ot, Ia, nan isht vm vta holitopa, sa hohchifo ha shoyulit, miko vhleha micha okla ma ik ithano puta, micha Islael ushi vhleha aiena itakba ya hikia hi oka.

16. Micha vno sa hohchifo pulla ka, na palvmmi hochito kaniohmi kia isht ilvsha chi ka, im anoli la chi hoka; im achi tok.

17. Mihma Ananaivs ash ot, ivt aboha ya ont chukowa tok; micha ibbak a isht umbitepa mvt, Itibapishi li Sal ma! ish minti ma, hina takla ya a chi haiaka tuk, Chitokaka Chisvs vt chishno vt ish hopokoyo cha, Shilombish Hol-

topa yvt chi anukfohka chi ho, auet sa chvffichi tuk oke; achi tok.

18. Yohmi ma chekosi makinli ho, na hakhlobish atuk o chohmit nishkin a mokohlit aka itula tok; yohmi ma asha-liko hopokoyo mvt, wakaya cha baptismo tok.

19. Micha nana impvt in taha mvt hlampko tok; yohmi mvt Sal vt nan-ithvna vhleha Tamaskvs maya ka awant anta na nitak kanohmi tok.

20. Micha in chekosi makinli ho, Klaist a yvmmt Chi-howa Ushi atuk a, sinakak puta ka, isht ai anumpohonli tok.

21. Yohmi ma okla haklo kvt momvt anukhlakancha mvt, ilvppak osh na hohchifo ilvppa pit hochifot Cheluselem ai asha tuk a ilbvshahanli cha, ilvppa aya kvt, yvmmt talakchi yo, na holitompa isht asha pehlichu vhleha, isht im ona chi mak atuk keyu? achi tok.

22. Yohmi kia Sal vto hlampko kvt isht i shahlit ishtia, yohmi mvt atokowvt, ilvppak osh Klaist fehna mak oke; ahaya mvt, Chu okla Tamaskvs asha tuk a imaiyvchi tok.

23. Yvmohmi kash o nitak kanohmi kvt taha ma, Chu okla hut, ymma vba chi kvt isht anumpulit maya tok.

24. Yohmi kia okla nan ahnit maya ka, Sal vt akostinin-chi tok; mihma vba chi kvt nitak, micha ninak moyuma holihta okhissa puta ka okla atoni tok.

25. Yohmi ma nan ithvna vhleha hut nitak o ishit, kishi fohkit teli holihta lapalint aka pit bohli tok.

26. Yvmohmi na Sal vt Cheluselem a vla mvt, nan ithvna vhleha ha ibafohka bunna tok. Yohmi kia momvt okla i nukshopa tok; micha yvmmt nan ithvna yo ik im ahobo ki tok.

27. Yohmi kia Banabas ato eshi cha, ilauelit vbanumpeshi vhleha ya isht im vla tok; micha hina takla ya kanohmit Chitokaka ya pisa tok, yohmi na im anumpuli tok, micha kanohmit nukwaya iksho hosh, Chisvs hohchifo ha Tamaskvs a isht ai anumpohonli tok aiena ka, im anoli tok.

28. Yohmi ma Cheluselem a asht kocha, micha ant abeha aiena ka takla ahanta tok.

29. Micha nukwaya iksho hosh, Chitokaka Chisvs hoh-

chifo ha isht anumpohonli cha, Klik okla ma itim anumpohonli tok; yohmi kia vbi bennet okla aiasha tok.

30. Yohmi na itibapishi vheha yvt akostinichi mvt, ilauelet Seselia isht vla cha, Tasvs a pit chvffichi tok.

31. Yohmi na Chutia yakni vt moyuma, micha Kalii, micha Samelia aiena ka, vbanumpuli iksa puta kvv nuktania mvt isht i shahlit ia tok; mihma Chitokaka i nuksboyupa, micha Shilombish Holitopa ya isht ilai yukpa aienvt itunova kvv, lauvt isht i shaiyahli tok oke.

32. Yakohmi tok; Pita yvt mominchit hlopullit aya mvt, vbanumpuli vheha Litti ai asha tuk ash kia, im vla tok.

33. Mihmvt yemma hatak achvfa, Enias hohehifo kvv palsi isht abeka hosh topa itoyula na afvmmi untuchina tuk o, ont pisa tok.

34. Micha Pita yashot, Enias ma! Chisvs Klaist vt chi hlakofichishke. Tani cha, chishno inlit chin topa ha patali, im achi tok. Mihma chekosi tani tok oke.

35. Yohmi ma Litti, micha Salon aiena asha tuk vt mvt yemma pisa mvt, filemvt Chitokaka ya im ai ona tok.

36. Yohmi ma nan ithvna achvfa Tabihla hohehifo, ymmvt toshowakmvt Takvs achi ho, Chappa ya anta tok: ohoyo ilvppvt nan achukma a yvmohmi, micha na habenvchi aiena biekvt ahanta tok.

37. Atuk o nitak yemma foka ma yakohmi tok; ymmvt abeka cha illi tok; yohmi ma yvmmak ash okla achivvt tabii mvt, vba potvlhpo ya boyuhli tok.

38. Mihmvt Litti yvt Chappa ya pit bilika hatuk, micha nan ithvna vheha hvv, Pita yvt yemma anta ka, okla hoklo tuk osh anukwaya im vla hinla ka, pit im ahnit hatak tuklo ka pit tihleli tok.

39. Atuk o, Pita yash ot vakaya cha avant ia tok. Atuk osh vla ma, ilauelet vba potvlhpo ya okla ishit chukova tok: mihma ohoyo vltakla vheha yvt momvt apehvt hiohmayva yayia mvt, nafohka, micha anchi chohmi, Takvs vt avant anta moma mvt ikbi tok a, haiakahanchi tok.

40. Yohmi kia Pita yvt mominehit kocha weli cha, hvv chukbihlepvt hikia mvt, vba pit anumpuli tok; mihmvt hak-

nip ai ittola ka pit filema mvt, Tabihla, tani, achi tok; yohmi ma nishkin a fatummi cha Pita ya pisa mvt, tanit binili tok.

41. Mihma ibbak pit ima cha wakayvchi tok. Micha vba pit anumpuli vhleha, micha ohoyo vlhtakla puta aiena kash hoyo cha, okchaya ho ima tok.

42. Yohmi ma Chappa okla hvt momvt yumma akostin-inchi tok; yohmi mvt lawvt Chitokaka ya i yimmi tok.

43. Mihma yakohmi tok; Saimon wak hakshup hummvchi ya awant Chappa ya ahanta na nitak kanohmi tok oke.

CHAPTER X.

Kanilis vt Pita ya pit hoyo, 1. 34 Pita yvt vbanumpa isht anumpuli. Shilombish Holitopa yvt haponaklo vhleha ha onvtoyula.

1. HATAK achvfa Seselia ya ahanta kvv, Kanilis hohchifo hosh tvshka chipota aya achvfa, Itili okla achi ho, i kpituni ha tok.

2. Hatak achukma, micha in chuka-chvfa moma aienvt Chihowa ya i nukshompa cha, okla ha na habenvchi fehna mvt, Chihowa ya pit im anumpohonli na bilia tok.

3. Yummak ashot holhpokuna chohmit pisa ka nitak hvshi kanvlli isht vhpisa ont isht chakkali foka ho, Chihowa im enchil vt haiaka achukma hosh mintit ant iba chukowa mvt, Kanilis, im achi tok.

4. Yohmi ma yummak ash atokowvt pisa mvt nukshopa cha, Chitokaka ma! nanta hoh cho? achi tok; mihma, Uba pit ish anumpohonli, micha nan ish hopela puta aiena ka, Chihowa yvt ithaiyana he mak o vba ibiya hoke.

5. Yohmi hoka himak a, Saimon, Pita hohchifo ka pit hoyot, hatak a Chappa pit ish tilhleshke.

6. Yummak okvt Saimon wak hakshup hummvchi in chu-ka mvt okvta lapali ka yo talaia ho, awant anta hoke; yummak osh nana ho ish kaniohma he tuk ma, chim anola hi oke; im achi tok.

7. Mihma enchil, Kanilis a im anumpohonli tuk ash ot ia

ma, chuka nan isht im ai vta ya tuklo, micha tvshka chi-pota nan isht im ai ashwa bilia ya ahli achukma achofa ho aieninchit hoyo tok.

8. Micha nan okluha kash mominchit im anolit taiyali mvt, Chappa ya pit tihleli tok.

9. Ont onna ma okla itvnowvt mahaya mvt, tumaha bash pit bilika ona ma, hvshi kanvlli isht vlpisa ont isht hannali foka ho, Pita yvt vba pit anumpula chi hosh aboha pakna pit oiya tok.

10. Atuk osh hohchvfo fehmt taiyaha cha, impa he tuk osh; amba okla atahlit isht maya ma, holhpokuna ho chochmi tok.

11. Micha shutik vt tiwa, yohmi ma, nan ai vlpitta yosh nan tohbi chito wishakchi ushtvt ita shekonopa ho chohmit hosh aka i mintit, yakni ant onvtoyula ho, pisa tok.

12. Mihma anukaka ya nan-vlhpoa puta, hanalushta ilia-yuka yakni aiasha kvv moyuma, micha napoa puta, micha nana aka a balvlli puta, micha vba hushi puta aiena kvv ai-asha tok.

13. Yvmohmi ma anumpa kvv mintit im vla kvv, Pita tani cha, vbit vpa; achi tok.

14. Yohmi kia Pita ashot, Yohma he keyushke, Chitokoka ma! nana kvv ai vlpesa keyu, kashofa keyu hokvno li-monna kia, vpa li chatuk keyu hokvt; achi tok.

15. Yohmi ma anonti anumpa kvv atukla ma, im anumpula kvv, Nana ho Chihowa yvt kashofi tuk a, yvma vlpesa keyu, chik hochifo kashke; achi tok.

16. Hituchina ha yo ilvppa yakohmi tok; yohmi ma ma ai vlpitta kash ot falamvt vba ia tok.

17. Pita yvt holhpokuna chohmit nana pisa tuk, yvma nana isht akaniohmi hatuk a ik akostinincho chohmi ai takla ma, hatak Kanilis vt pit tihleli tuk ash, Saimon in choka ya a ponaklo tuk osh okhissa itikba ya hieli tok.

18. Mihmvt tahpva cha a ponaklot, Saimon, Pita hohchvfo kvv, yvmak o antakma, nanta cho? achi tok.

19. Pita yvt holhpokuna tuk ash o anukfihini feha, Saimon lombish vt, Yakeh! hatak tuchina kvv chi hoyoshke.

20. Yohmi hoka tanit pit akowa cha, nana kia isht ai anuktuklo iksho hosh awant ish iashke, yvmma vno ak osh auet tihleli li tuk oka; im achi tok.

21. Yohmi ma Pita yash ot akowvt ivt, Kanilis vt auet in tihleli tuk hatak ash im ona mvt, Yakeh! vno ak osh hatak hosh hoyo hatuk a sia mak oke. Nanta hosh a katiohmi ho avt hvsh la cho? achi tok.

22. Mihma, Kanilis Kvpitvni hatak ahli, micha Chihowa ya i nukshohumpa cha tuk, micha Chu okla moyuma ka ai im annoa achukma hosh ahanta chatuk, yvmmak osh in chu-ka ya ish ona chi ka, chi hoyo cha, anumpa ha chi a hakla chi ka, Chihowa yvt enchil holitopa ya isht ai im anoli tuk oke; okla achi tok.

23. Yohmi ma i howvt aboha pit apitta na maya tok. Atuk o ont onna ma, Pita yvt wakaya cha awant ia ma, itibapishi vhleha kanohmi kv Chappa ya asht apihvt ilhkoli tok.

24. Atuk osh yvmmak atuk a onna ma, Seselia ya okla ont chukowa tok; yohmi ma Kanilis vt i kanomi vhleha, micha i kana fehna aiena ka hoyot itahobit tahli cha, asht pit hoyo tok.

25. Atuk osh Pita yvt ant chukowa ma, Kanilis vt ont afama cha, iyi ituma ya hlipiyvt ai okpvchi tok.

26. Yohmi kia Pita yvt, Hikiá, vno ak kia hatak sia akinli hoke, ahanchi cha halvilit tanichi tok.

27. Michá im anumponlit pit chukowa mvt, itahoba tuk vt laua hosh ai asha na pisa tok.

28. Yohmi mvt Chu hatak okvt okla inla takla aya hok-má, keyukmvt ont ibafohka hokmá nana ka kaniohmit im ai tihpiesa keyu ka hvsh ithaiyavshke; yohmi kia vno yokvto hatak nana kia ik vhpeso, micha okpulo a la he keyu ho, Chihowa yvt vm abahanchi tuk oke.

29. Yvmohmi hatuk o, sa hoyo makinli ho nana ak acho hosh, avt hvchim vla li hoke. Yohmi hosh hvchi ponaklo ishke, nanta katiohmi ho is sa hoyo tuk oh cho? im achi tok.

30. Mihma Kanilis vt, Nitak ushta kash o nahullochit an-

ta li, hvshi kanvlli himak foka tok. Yohmi hosh hvshi kanvlli isht vlpisa ont isht chakkali ho, vm aboha anukaka ya vba pit ai anumpuli li tuk; yohmi ma hatak vt nafohka shohmalali fohka kut sa tikba ya hikia tuk.

31. Mihmt, Kanilis, vba pit ish anumpuli ka haklo, micha nan ish hopehinla chatuk a Chihowa yvt ithaiyana hoke.

32. Yohmi hoka Saimon, Pita hohehifo ka pit hoyot Chappa ya pit ish tihlelashke; yvmmak okvt okhota lapali ka Saimon wak hakshup hummvchi in chuka yo anta hoke; yvmmak osh vlakmt ant chim anumpula hi oke; achi tok.

33. Yohmi hatuk o ashalika pit chi hoyo li kvno; atuk o ish la kut ish vlpesa hoke, yvmohmi ma Chihowa yvt nana chim apesa tuk a, mominchit e hakla chi mak osh momvt himak a yakohmit Chihowa itikba ya e chiya hoke; achi tok.

34. Mihma Pita yvt itakha ya wakvmmi mvt Chihowa yvt hatak a kanimanchi keyu ka, ai ghlit akostininchi lishke—

35. Amba oklushi moyuma ka kvna hosh yvma i nukshoyupa cha, ai vlpiesa ka yvmohmi hokvt, im a holitopa chatuk oke.

36. Chihowa yvt Israel ushi vhleha ya anumpa auct ema na Chisvs Klaist pulla ho nuktanla hi a, isht ai im anuhumpa tok a, yvmmak osh moma in Chitokaka yoke.

37. Baptismo yo Chan vt isht anumpuli ha yak o, anumpa yvmmt Kalili ai ishtia tuk osh, Chutia yakni a mominchit ai anumvt hlopulli tok;

38. Kanihmit Chihowa yvt, Chisvs Nasalet ai vta ya Shilombish Holitopa, micha nan isht im ai ghlika aiena ka isht ahvmvchi tok; Chihowa yvt awant aya hatuk o, yvmmak ashot nan achukma ka isht ahanta, micha nan isht-ahullo okpulo isht ilbvsha vhleha ya mominchit hlakofichit nohwa tok, hvsh ithaiyanvshke.

39. Micha yvmvt Chu okla i yakni, micha Cheluselem aiena ka nana ho a kanimihinchit tukma, moyuma atokowa anoli pia mak oke; yvmmak o okla iti a takalichit vbi tok.

40. Yvmmak ash nitak ont atuchina ma, Chihowa yvt taniichi cha, achukmalit haiakvchi tok.

41. Yohmi kia okla moma kak a tok keyu, amba nana

atokowa anoli vheleha, Chihowa yvt tikbanli atokohonli tok, illi tuk vt falamvt tani ha ya, nan itibai impvt, ishkot maya tok, pishno ak a tok oke.

42. Mihma okla ha il im anumpula he, micha okchaya vheleha, mikmvt illi puta aiena nan im apesa ya he, Chihowa yvt atokoli ka ilap ak atuk a, atokowa il anohonla he, pim apesa tok oke.

43. Yvmmak o hopaii moma kvt, yvmma hohchifo pulla hatuk mak o, kuna ho kia i yimmi hokvt ai ashvchika puta kvt isht a kashofa ahayucha hi a, atokolit okla anohonli tok; achi tok.

44. Pita yvt anumpa ileppa anumpohonli kvt moma ho, anumpa haklo yash Shilombish Holitopa yvt mominchit onetuyula tok.

45. Yohmi ma hakshup tvptua na yimmi vheleha Pita ya apihvt vla tuk vt, okla nan ik ithano vheleha ak kia Shilombish holhpila kvt o fohopa hatuk o,

46. Anumpa ilaiyuka okla anumpulit Chihowa ahnihinchi ka, okla haklo hatuk osh momvt nukhlakancha tok; Mihma Pita yvt afalaminchit,

47. Shilombish Holitopa yvt anukfoka tuk vheleha pishno akinli chohmi; yakohmi kvt ik baptismo ka chi ka, hatak nanta hosh oka ya im ataklvmma hinla cho? achi tok.

48. Yohmi mvt Chitokaka isht a hochifot okla baptisma chi, i miha tok; yohmi na awant anta na nitak kanohma chi ka okla im ahni tok oke.

CHAPTA XI.

Pita yvt oklushi nan ik ithano vbanumpa ont isht im anumpuli tuk o, nanumachi, 1. 19 vbanumpa yvt tmaha kanohmi ka ai anumpa.

1. YUMOHMI ma vbanumpeshi vheleha micha itibapi-shi vheleha aiena Chutia maya tuk vt okla nan ik ithano vheleha hak kia Chihowa im anumpa ha ishi tuk a, okla haklo tok.

2. Yvmohmi tuk o, Pita yvt Cheluselem a vla ma, hakshup tupa vhleha yatak vt i chapvt anumpulit,

3. Chishno vt hatak hakshup tupa keyu vhleha ya ont ish iba chukowa cha, ish ibai impa tuk oke; ahanchi tok.

4. Yohmi ma Pita yvt ai ishtia vmmona ka silhhit im anolit,

5. Chappa tmaha ha vba pit anumpuli hosh ahanta li tuk osh, sa holhpokuna chohmit na pisa li ka, nan ai vhpitta yvt mihinti kv nan tohbi chito yo chiyuhmi hosh vhlishta ka ishi ho vba ya ai aka mihinti tok, mihmvt vno ash fehna vm vla tok.

6. Yvmmak ash sa nishkin a isht atokoli li mvt, nana vm anukfihinla tok, mihmvt nan-vlh-poba iyushta puta yakni pakna aialsha, micha na-poa nukshopa, mikmvt nan aka balvli puta, micha vba hushi aiena ka pihisa li tok oke.

7. Mihma anumpa hvt, Pita yvt wakaya cha, vbit vpa, vm ahanchi na, haklo li tok.

8. Yohmi kia vno ashot, Yohma he keyushke, Chitokaka ma! nitak nan ash nana kv ai vhpesa keyu, micha okpulo aiena kv satakha ya fohka tok keyu chatuk oke; achi li tok.

9. Yohmi kia atukla ma anumpa hvt vba auet si afalaminchit, Nana ho Chihowa yvt kashofi tuk a, yvmma ai vhpesa keyu, chik aho kashke; achi tok.

10. Ilvpa yakohmi kv hituchina ya tok; yohmi ma moma falaminchit vba isht maya tok.

11. Yvmohmi ma, mih makinli ho hatak tuchina Seselia auet ai an tihleli tuk a, chuka ai vta li tuk ash, ai vla tok.

12. Yvmohmi ma Shilombish vt, nana kia isht anukwaya iksho hosh awant ia la he, a miha tok; yohmi ma il iiba-pishi hannali ilvppvt si apelv itvnova ho, hatak ash in chuka ont e chukowa tok.

13. Yohmi ma yvmmak ash ot kaniohmit enchil vt ilapim aboha anuka ya hikia na pisa ho, Hatak a Chappa ya pit tihlelit Saimon, Pita hohchifo ka pit ish hoyashke.

14. Yvmmak osh anumpa, chishno, micha chin chuka

achwa moma aienvt isht hvchi okchaya hi a, chim anola hi oke, im achi tuk a, pim anoli tuk oke.

15. Yumohmi ma anumpulit ishtia li makinli ho, Shilombish Holitopa yvt okla ha onvtuyula kv, vmmona ka hvvishno a pi onvtula chash chiyuhmi tok.

16. Yohmi ma Chitokaka yvt, Chan okvto oka yo ishit baptismochi mvhlishke; amba hvchishno yokvto Shilombish Holitopa yo ishit hvchi baptisma hi yoke; achi tok a, im anumpa ha ithaiyana li kvno.

17. Yumohmi ka Chihowa yvt, Chitokaka Chisvs Klaist i yimmi vhleha ha hvv ima tok, ai itilau na holhpila ka ihima tuk a, vno ak osh nanta sia hatuk osh Chihowa ya ataklvmmi la hinla cho? im achi tok.

18. Na yakohmi ka okla haiyaklo mvt lumvt chieya cha, Chihowa ya aiokpahanchi mvt, Yohmikma Chihowa yvt okla nan ik ithano vhleha ak kia isht okchaya ile kostininchii ya ihima tumvshke; ahanchi tok oke.

19. Yumohmi ma na palvmmi kv Istefin a isht atoba ma, okla ita fimimpa tuk vt itenowvt aya kv Finisi, micha Saipilvs, mikmvt Antiak a pit vhlchit inla ka yano keyu, amba Chu vhleha ak bano ho anumpa ha okla isht im anumpohonli tok.

20. Micha kanimi kv Saipilvs hatak, micha Sailini hatak aiena hatuk osh Antiak a ai vla mvt, yvmmak ash ot Klik okla ha im anumpulit Chitokaka Chisvs a isht anumpohonli tok.

21. Yohmi ma Chitokaka ibbak vt awant anta tok, holhti-na laua hosh yimmi cha filemvt Chitokaka ya im ona tok.

22. Yumohmi ma na yakomi kv annovt, iksa Cheluselem ashwa tok haksobish a ont chukowa tok; mihma Banabas a yvmvvt ia kv Antiak a ona chi ho okla pit chvffichi tok.

23. Yvmmak ash osh vla cha, Chihowa im isht il aiyukpa ka pihisa mvt na yukpa tok; micha chvkvsh mvt kvlo hosh Chitokaka ya isht asitia chi ka, mominchit atonohonchi tok.

24. Yvmmak okvt hatak achukma hosh, Shilombish Ho-

litopa, micha ayimmika aiena kv̄t anukfoyuka fehna hatuk oka; yohmi ma okla hv̄t law̄vt Chitokaka yā iba kaha tok.

25. Yohmi ma Banabas vt Sal ā hoyā chī hosh, Tasvs ā ia tok.

26. Atuk osh yvmmak ash ahayuchi mvt, ilauelit Antiak ā isht vla tok. Mihma yakohmi tok, afv̄m̄mi achv̄fa v̄lh-piesa ka v̄banumpuli iksa yā ibai itahobvt okla law̄a ka nan im abahanchi tok. Mihma nan ithv̄na v̄hleha hv̄t v̄mmona ka Antiak ak o, Klaist okla a hohchifo tok.

27. Yvmohmi ma nitak ilv̄ppa foka ma, hopaii v̄hleha Cheluselem minti kv̄t, Antiak ā ai vla tok.

28. Micha yvmmak ash ot achv̄fet Akabvs hohchifo hosh hikia cha, hohchv̄fo chinto kv̄t yakni mominchit a hlopulla chī ka, Shilombish pulla isht ai anohonli tok. Yvmv̄t Kilatvs Sesa yvt ahanta nitak ak o ont ai āhli tok.

29. Yohmi ma nan ithv̄na v̄hleha yvt nana kv̄t kaniohmit im āsha tukmvt ik kaniohmi kia, itibapishi v̄hleha Chutia maya ka isht apelv̄chi yā pit i pila chī kv̄t, hatak moma tok.

30. Yvmmak ash okla yohmi mv̄hli cha Banabas, micha Sal ita tuklo kak o ibbak fohkit, hatak tikba v̄hleha yā pit pila tok oke.

CHAPTA XII.

Helot vt v̄banumpuli v̄hleha h̄a issikkopali.

1. YOHMI ma nitak yv̄mma foka ma, Helot m̄iko yvt v̄banumpuli iksa yatuk ā kaniohmi h̄o, ilbushala chī kv̄t ibbak ā o weli tok.

2. Micha Chemis, Chan itibapishi h̄a bv̄shpo falaia h̄o isht v̄bi tok.

3. Micha yohmi ka Chu okla hv̄t im achukma h̄o, pisa hatuk osh achakalanchi mvt, Pita yā aieninchit isha chin tok; mihma pska ik shatv̄mmo v̄pa nitak a tok.

4. Atuk osh yvmmak ash hoklit ishi mvt, aboha kv̄llo pit fohki cha, v̄banv̄blit ont-ia issa h̄a ȳo okla h̄a isht ī kohcha

chi mak o, ahni hosh, tvshka chipota ushta bat aya ushta ho apesvcha chi ka, im issa tok.

5. Yohmi hatuk o Pita yashot aboha kullo ya foka tok; yohmi kia vbanumpuli iksa yvt yvmma isht Chihowa pit im asilhha kvv, ik yokopo ki tok.

6. Atuk o Helot vt isht kohcha he tuk a, yvmma ninak fenak akinli ka, Pita yvt tvli itatakvi tuklo hosh isht talai-yakchi ho, tvshka chipota tuklo itin takla yo a nusi tok; yohmi ma apesvchi vt okhissa itikba ya hielit aboha kullo ya apesahanchi tok.

7. Yvmohmi kash o Chitokaka im enchil vt im vla na tohwikeli kvv aboha kullo anukaka ya tomme tok: mihma yvmmak ash osh Pita ya naksi a isso cha, tanichi mvt, Tushput tani; achi tok; yohmi ma in tvli itatakvi yvt ibbak a a mokohli tok.

8. Mihma enchil ash ot, Il ai vskofachi cha, chi shulush a holó, im achi ma, yvmihchi tok, mihma, Chim anchi a anchi cha, is siakaiyashke, im achi tok.

9. Mihma kohcha mvt iakaya tok; yohmi kvv enchil vt nana a yvmihchi ka ai ahli mak atuk a, ik akostinincho ki tok. Amba nana mak o pisa ho im ahoba tok.

10. Ai atoni vmmona, micha atukla aiena ka ant itiachi mvt, vmaha pila ia tvli holihta okissa ya itvlachi ma, ilap akinlit in tiwa tok; mihma pit kohcha cha, hina achvfa ho fokvt ayvt okla tuk o, enchil ash ot ashalika i filvmmi tok.

11. Yohmi ma Pita yvt falamvt kostieni mvt, Chitokaka yvt im enchil a auet chevffichi cha vno a Helot ibbak, micha Chu okla nana ahni tuk puta ka, a sa hlakofichi tuk a, himak a ai ahli mak o ithaiyana lishke; achi tok.

12. Micha nan im anukfihlinla mvt Chan, Mak hohchifo ishki, Meli in chuka ya, yvmma laua hosh itahobvt vba pit anumpuli hosh maya na, vla tok.

13. Micha Pita yvt apishia okhissa ya ant sukoha ma, ohoyo himita Loti hohchifo hosh ont haponaklo tok.

14. Micha Pita im anumpa ho pit ithana mvt, na yukpa kvv apishia ya okhissa ya ik tiwo hosh, amba malelit ant chukowa mvt, Pita yvt apishia itikba ant a hikia ka, anoli tok.

15. Mihma, Ik chi hopoyuksoshke, im achi tok. Yohmi kia i shahlichit, yohmi tuk ash pulla ho mihiha tok; yohmi ma, Im enchil oka, okla achi tok.

16. Yohmi kia Pita ash ot sukoha kvv imoma tok; yohmi ma okla tiwi cha, pisa mvt nukhlakancha tok.

17. Yohmi ma nukchintot maya chi ka, ibbak pit i fahvmmi mvt, kaniohmit Chitokaka yvt ilap a aboha kvvlo isht a kohchi tuk a, im anoli tok; mihmvt, Na yakohmi ka Chemis, micha il itibapishi vhleha aiena ka ivt oh im anoli, achi tok; mihmvt kohevvt ivt inla ho ona tok.

18. Atuk o onnvt taha makinli ho, tvshka chipota vhleha ash ot Pita yvt nanta mak o a katiohmi tuk, ahnit nukhlakancha kvv chohmi tok keyu.

19. Yvmohmi tuk o Helot vt yvmmak ash hoyo tuk osh ik peso mvt, apesvchi vhleha yash achukmalit im asilhvchi mvt, yvmmak ash o vba chi ka, apesa tok. Mihmvt Chutia ya vttvt ivt Seselia ona cha, yvmmak o anta tok.

20. Mihmvt Helot vt Taia, micha Saitvn aiena ai asha ka isht ik i yukpo fehna tok; yohmi kia miko im vba potvhpv apesvchi Blastvs a itj kana okla ikbi tok, micha ilap i yakni ya miko i yakni yak osh ai apelvchi atuk aiena hatuk oka, im anukfla mvt ai achvfa hosh im ai vla cha, nanaiya ka ai ahni tok.

21. Yvmohmi ma ai vlvhpa tuk nitak o, Helot vt miko i na fohka ishit shemvt taiyahli cha, im aiasha holitopa paknaka ya binili cha, anumpa isht hikvt im anumpohonli tok.

22. Mihma okla hash ot tahpvt, Ilvppvt Chihowa yak o im anumpa, hatak im anumpa yo keyushke; ahanchi tok.

23. Mihma isht aholitopaka ya Chihowa yak o pit ik im isso hatuk o, mih makinli ho Chihowa im enchil vt isso tok, mihma shushi yosh ai ahampa na fiopissa tok.

24. Amba Chihowa im anumpa hvto achakvt isht i shahlit ia tok.

25. Yohmi ma Banabas micha Sal ita tuklo kvv nan isht ahashvvt atahli mvt Chan, Mak hohchifo ka ilauint Cheluselem a ashvvt falamvt ia tok oke.

CHAPTA XIII.

Pal, Banabas ita tuklo kvt oklushi nan ik ithano, ya im ia. 42 Oklushi nan ik ithano vhleha yvt vbanumpa yimmi.

1. YOHMI ma iksa Antiak ahashwa ka kaniohmi kvt hopaii, micha nan im abvchi vhleha, Banabas, micha Simion osh Naika hohchifo, anonti Lusivs, Sailini vtta, micha Manevn, Helot na pehliche ya iba hofanti tok, micha Sal chohmi kvt maya tok.

2. Okla Chitokaka pit aiokpvchit nahullochit maya ma, Banabas, micha Sal ita tuklo ka, a toksvli im ai atokoli li tuk isht ashwa chi ka, hvs svm atokolashke, Shilombish Holitopa yvt achi tok.

3. Mihma okla nahullochit vba pit anumpuli cha, ibbak a isht umbiteprt taiyahli mvt, okla pit tihleli tok.

4. Yohmi ma Shilombish Holitopa yak osh pit tihleli hoka, ivt Silushi a itonachi tok osh, yvmma ashvvt peni vltot ivt Saipilvs a itonachi tok.

5. Micha Salemvvs a ont ashwa mvt, Chu okla i sinakak puta Chihowa im anumpa isht ai anumpohonli tok. Mihma Chan a il ai apelahanchi akinli tok.

6. Micha tashaiyi ya a hlopullit Pefvs a itonachi mvt, hatak isht ahullo achvfa hopaii ilahobi, Chu hatak Bachisvs hohchifo ho, pisa tok.

7. Yvmmak okvt nahullo miko hatak nan ithana, Sachis Paulvs a awant anta tuk o, yvmmak ash ot Banabas, micha Sal aiena ka hoyo mvt, Chihowa im anumpa ha haklo bvnna tok.

8. Yohmi kia Ilimvs hatak isht ahullo ash ot, hohchifo hvt toshowakmvt yvmmak oka nahullo miko a na yimmika ai i filvmmichi bvnna kvt yvmmak ash im ataklvmmi tok.

9. Mihma Sal mvt, Pal hohchifo akinli hosh, Shilombish Holitopa yvt anukfohkvtkvnia hosh, yvmmak ash atokolit pisa tok.

10. Mihma, Na haksichi, micha nan ik ai vhpeso aiena banot isht alotowa, nan isht ahullo okpulo ushi, ahopoyuksa

oklgha in tenvp ma! Chitokaka i hina ai ahli puta okpuni kv, ish issa he keyu cho?

11. Mikma, yakeh! himak a Chitokaka ibbak vt chi onvtula hoka, chi lvpakmvt hvshi a chik peso hq achiba chi hoke; achi tok. Mihma chekosi makinli hq tohbi, micha okhlilika aienvt onvtula tok. Mihma kvna kia ibbak a halvli cha isht aya chi ka, hoyot fullokahanchi tok.

12. Mihma nahullo miko vt Chitokaka im anumpa ha anukhlakancha cha, nana kv yvmohmi na pisa mvt yimmi tok.

13. Mihma Pal vt itvpeha yash aienvt Pefvs a a hotofi cha, okla mintit Pafilia yakni Pvki a ai vla tok. Mihma Chan vt i flvmmi Cheluselem a falamvt ona tok.

14. Amba Pvki a asht kochevt okla ia mvt, Pisitia yakni Antiak a ai vla cha, nitak hullo a sinakak a ont chukovvt chieya tok.

15. Mihma nan vlvpisa, micha hopaii i holisso puta aiena kash, itim anumpulit atahli ma, sinakak apchichi vhleha yvt, Hatak, il itibapishi vhleha ma! okla isht im anumpa he anumpa hv hvchim ashakmvt hvsh anumpulashke; achit auct im anoli tok.

16. Mihma Pal vt hikia cha ibbak a pit isht im alvmmi, Israel okla, micha Chihowa ya i nukshohumpa vhleha hvchia ma! hvsh haponaklashke.

17. Okla ilvppa Israel vhleha in Chihowa yvt pin tikba vhleha ya atokoli mvt, hatak nowvt aya chiyuhmi hosh Echip a okla ahashwa ma, yvmvt holitobli tuk osh, ilap ibbak kvlo pulla kv yvmmak ash isht akohonchi tok.

18. Mich a fvmmi pokoli ushta foka yakni haiaka okla nana a kaniohmi ka, ant ik yohmi, im ahni tok.

19. Mich a Kenan yakni a oklushi untuklot ai imaiyachi mvt, i yakni atuk a, na shueli hq, isht ai i hopela tok.

20. Mich a yohmi ha ya nan apesa vhleha im a hiohli-foka hq, Samuel hopaii vt vta tok.

21. Atuk o i himmakma, miko okla asilhha tok. Mihma Chihowa yvt Sis ushi, Sal, hatak Benchamin isht atiaka ya, i hilechi na afvmmi pokoli ushta tok.

22. Atuk osh yummak ash ai ishi mvt, Lewi ak osh i mi-ko ya chi ho okla ha i hilechi tok; yummak o pit atokolit, ilap vt, Lewi Chesse ushi, vno sa chykrsh fehna iukaiya hatak, micha vno nan ai ahni li ya mominchit ai ahlichia chi mak o ahayuchi lishke; achi tok oke.
23. Hatak ilvppa isht ai unchululi yo Chihowa yvt ilap miha tok pulla hosh, okchalinechi Chisvs a Isael okla ha i hilechi tok.
24. Yummvt ik lo kisha ho, Chan vt vmmona ka Isael okla moyuma ka ile kostininchit baptismo ya isht im anum-pohonli tok.
25. Micha Chan vt anumpulit ahanta mvt, Kvta hak o sia hvchim ahoba cho? Vno vto mih mak o sia keyu hoke. Amba siakaiyvt minti kak o, yvmma iyi i shulush a vno vt i hotofi la he si ahoba keyu hoke; achi tok.
26. Hatak itibapishi li vhleha ma! Eblaham isht atiaka ushi, micha kvna hosh hvchi takla ashwa kvv Chihowa ya i nukshohumpakma, hvchishno ak o, ai okchaya isht anumpa ilvppvt hvchim aya hoke.
27. Cheluselem ai asha, micha i hochitoka aiena kvv, yvmma, micha hopaii vhleha im anumpa nitak hullo moma ka itim anumpuli chatuk aiena ka ik ithano hatuk osh, na palvmmi ka onochit yvmmak atuk a, ai-ahlichia tok oka.
28. Micha kaniohmi ho yvmmak okvt isht ai illa he vlv-pesa kvno, im ai akostininechi keyu ho kakosh, illa he a ahnit, Pailvt a okla im asilhha tok.
29. Micha yvmma isht a holihiso tok a mominchit ai ahlichit okla tahli mvt, iti ash ai ishit akvchi cha ahollopi ang-kaka ya bohyuli tok.
30. Yohmi kia illi tuk a Chihowa yvt tanichi tok.
31. Yohmi ma Kalili ya asht apehvt mintit Cheluselem a ai vla tuk vt yvmma okla pisa na nitak kanohmi tok; mih mak osh yvmma atokowvt okla ha im anoli yoke.
32. Yohmi hosh anumpa achukma pin tikba vhleha ima tok a isht e hvchim anumpulishke.
33. Im vlla vhleha hvpia hak o, Chihowa yvt yvmmak ash isht pim ai ahlichia hosh Chisvs a falamichit tanichi

tok. Yohmi kv̄t ataloa ont atukla ka, Sv̄so chia l̄oke, himak nitak a chikbi lishke, achit aholisso akinli hoke.

34. Micha yvm̄vt illi tok a falaminchit tanichi ka himakma falam̄vt ahollopi a chukowa he keyu hatuk o yak ahanchi tok, Lewi i nan isht il aiyukpa ahli ka chima la hi oke.

35. Yvmohmi hatuk o anonti, Chi Holitopa ka ant nan toshbi ka ik pisá, ish im ahna he keyu hoke, inla ma ai ahanchi hoke.

36. Lewi ak okv̄to Chihowa nan ahni pulla ho, im okla ha nan isht im ahantv̄t in taiyaha m̄vt, illi cha in tikba v̄hleha ha ha ibafohkv̄t itoyulv̄t nan toshbi ma piesa tok oka.

37. Amba Chihowa yv̄t falaminchit tanichi tok, yvm̄vto nan toshbi nana kia ik peso ki tok.

38. Yvmohmi ka hatak il itibapishi v̄hleha ma! hatak ilv̄ppa pulla hatuk mak o, nan ai ashv̄chika puta isht ka shofa yv̄t ishit hv̄chim anum̄pa hoka hv̄sh ithaiyanashke.

39. Micha Moses i nan v̄lhpisa ak okm̄vno ymma kani-ohmit isht hv̄sh ai i hlakofa he keyu ke tuk kia, na yimmi vt mom̄vt ymma pulla kano okluha isht ai i hlakofi hoke.

40. Yvmohmi hoka ahah! hv̄sh ai ahnashke; yvm̄mak keyukma hopaii v̄hleha i holisso ha isht ai anum̄vt,

41. Na shitilema v̄hleha hv̄chia hv̄t ho pesa cha, okokko! ahnit, ik hv̄chi nukhlakanchá; hv̄chi nitak a nan isht v̄tta ya isht ahanta li ka, k̄vna kia ik hv̄chim anoli mak o, kani-ohmit nan isht v̄tta ymma a hv̄chi ymma he keyu, achi kv̄t hv̄chi onv̄tula hinla hoke; achi tok.

42. Mihma Chu okla hv̄t sinakak a a kohcha wiha ma, okla nan ik ithano v̄hleha yv̄t anum̄pa yakohmi kash ot nitak bullo atuklakma isht im anum̄pa hinla kv̄t asilhha tok.

43. Yvmohmi tuk o itv̄naha yash ot tisheli ma, Chu okla laua, micha himona v̄banumpuli toba v̄hleha aiena kv̄t Pal micha Banabas ita tuklo ka ap̄chv̄t aya tok. Mihma yvm̄mak ash ot im anumpulit, Chihowa im ai isht il ayukpa pulla ho ai itv̄nowa chi ka atohnohonechi tok.

44. Atuk o atukla nitak hullo ya tumaha chito achv̄fa

kvt moma hosit Chihowa im anumpa hakla chi kvt itvnaha tok.

45. Yohmi kia Chu okla hvto okla laua ya pisa mvt, nukhobelvt alota mvt, Pal vt nana anumpuli ka ik ahobalot na mihachit itachowvt maya tok.

46. Yohmi ma Pal, micha Banabas ita tuklo kash ot nukwaya iksho kvt isht i shahlit ia mvt, Chihowa im anumpa hvv tikba hvchishno ak o a hvchim anumpa he mvto ai vlvh-piesa tuk okvno; yohmi kia, yummak ash naksi ka pit hvsh bohli cha, okchayvt bilia he o ik chi ahobo kvt isht hvsh il anukfihinli hoka, okla nan ik ithano yak o pit il i filemvshke.

47. Yakohmi ho Chitokaka yvt pim apihisa mvt, Okla nan ik ithano vhleha ya ish in tohwikela chi, yakni ont vhlifullota kvt isht ai okchaya he mak, chi hilechi lishke; ahanchi tuk oke, achi tok.

48. Mihma okla nan ik ithano vhleha yvt ilvppa haklo mvt, okla na yukvvt Chitokaka im anumpa ha aiokpahanchi tok. Mihma okchayvt bilia he isht im vlvh-pisa tok vto mo-pit yimmi tok.

49. Yohmi na Chitokaka im anumpa hvv annovt yakni yvmma mominchit a hlopulli tok.

50. Yohmi ma Chu okla hvv, vbanumpuli ohoyo holitompa vhleha, micha hatak holitompa tmaha asha tuk aiena ka atohnohonchi cha, Pal, micha Banabas ita tuklo ka isht ai ilvshaka ya ilhkolichi tok; micha i yakni a kohchit kanom pit tihleli tok.

51. Yohmi kia iyi hituk chubbi asha tuk a on tahtuli cha, mintit Aikonium a itvlachi tok.

52. Mihma nan ithvna vhleha yvt na yukpa, micha Shilombish Holitopa aiena ka isht anukfohka tok.

Pal, micha Banabas ita tuklo kvt i palvmmi, l. 8 Pal vt Listi a hatak imomokpulo a hlakofichi na, nan-ishtahullo vhleha hatuk o, okla

hvt ahobvchi, 1. 19 Pal vt tvi isht boa, 21 Temaha ilaiyuka hlo pullit aya mvt, falamvt Antiak a itvlachi.

1. **MIHMA** Aikonivm a yokohmi tok; Chu okla i sina-kak o ita tuklot ont chukowa cha, kaniohmit anumpohonli ma, Chu okla, micha Klik okla ai itvpeha kvv laua hosh yimmi tok.

2. Amba Chu nan ik yimmo vhleha hvto okla nan ik ithano a atohnochit, im anukfila ha itibapishi vhleha hash isht i nukkilichi tok.

3. Yvmohmi hatuk o nukwayiksho kit Chitokaka ya isht anumpulit, yvmmak ash ahashwa na hopaki ma, yvmmak ash ot nan isht ahoba, micha na fehna puta aiena kvv yvmma ibbak a isht ai yohma hi a ahni cha, im anumpa hanta ya isht ai ahlichich tok.

4. Yohmi kia tmaha okla chinto kash ot ita kashapa tok; mihma kashapa kvto Chu okla hak o pit halanli ma, anonti kashapvt vbanumpa isht vta vhleha yak a tok.

5. Atuk osh okla nan ik ithano vhleha, micha Chu okla ha pit aiena kvv i pehlichich ka ai itvpehvt, yvmmak ash ilbvshachit, tvi isht bola chi kvv im anukfilvt maya ma,

6. Akostininchit okla mvt, tihlavt Laikeonia yakni a tmaha Listi, micha Tabi ita tuklo, micha yakni auct folumpa ka ona tok.

7. Micha yvmmak o vbanumpa isht ai anumpulit okla tok.

8. Mihma Listi a hatak achvfa kvv ishki ikfoka anyka yakinli ho ai imomokpulo tok osh, iyi vt ik kvvlo hosh, nitak nana nowa tok keyu vt binili tok.

9. Yvmmak ash ot Pal vt anumpuli ka haklo tok; mihma yvmmak ash ot atokowvt pihisa cha, hlakofa he vt yimmi ka akostininichi mvt,

10. Chitoli hosh anumpulit, Wakayvt chiyi a apissvt isht ish hikiashke; achi tok. Mihma yvmmak ashot mvlit, micha nowa aiena tok.

11. Mihma okla hash ot, Pal vt nana yvmihinechi na pisa mvt, Laikeonia anumpa ho okla anumpulit chitoli hosh, Chi-

tokaka vheha yvt hatak o chiyuhmit aka mintit ayvt hv
im vlvshke; ahanchi tok.

12. Micha Banabas a Chupita hochifo mvt, Pal ak okvt
anumpuli chito atuk o, Makulvs hochifo tok.

13. Mihma in tmaha itikba hikia Chupita ya na holi-
tomp isht im vta yvt, wak nakni chohmi, micha sita bita
puta aiena ka isht holihta okhisa ya vla kvt, okla ai itvpehvt
vbit isht aiokpvcha he ahni tok.

14. Mihma vbanumpeshi vheha Banabas, micha Pal ita
tuklo kvt haklo mvt, im ilefokha ya ita hlilvfit, okla mvt pit
tihlaiyvt okla ha iba chukowa cha, tahpvlvt,

15. Hatak puta ma! na katihmi ho hvchi yakohmi cho?
Pishno ak kia hatak hvchishno chohmi pia hoke, mih hosh
nan ik ahobo yakohmi ka ai i filvmmmit, Chihowa okchaya,
vba shutik, micha yakni, micha okhvta, micha nana puta,
yvmma ai ahashwa ka aiena ikbi tok a, hvsh im ona he mak
e, e hvchim anumpohonli hoke.

16. Yvmmak okvt nitak tikba ma, oklushi moma ka ilap
o inli nana a kaniohmi a ant ik ai itanowa, ahni tok.

17. Yohmi kia ilap fehna isht ai atokowvt anoli a ik
takohlieho hosh ahanta tok keyu; yohmi kvt nana ka
achukmali hosh umba vba minti, micha na waya achukma
nitak aiena ka auet hv ihima cha, pi chukvsh a ilhpak,
micha na yukpa aiena ka, isht alotohonli hoke; ahanchi
tok.

18. Micha ilvppa ahaya pulla hosh na kvni okla ha yo-
kobli na, yvmma okla nan ik im abo ki tok.

19. Yvmohmi ma Chu hatak kanomona Antiak, micha
Aikonium aiena mintit vla cha, okla ha ant atohnochit, Pal
a tvi isht bolit, illi ho im ahoba cha hvllat tmaha ha isht
kohchi tok.

20. Yohmi tuk kia, nan ithvna vheha yvt afolublit hinli
ma, tani cha, tmaha ha ant chukowa tok. Atuk osh nitak
ont atukla ma, Banabas awant Tabi a ia tok.

21. Atuk osh tmaha yvmma vba isht im anumpulit, micha
lava ho nan im avvchi mvt, falamvt anonti Listi, micha
Aikonium, micha Antiak aiena kash itvlachit,

22. Nan ithvna vhleha im anukfila hlampkochi, micha ayimmi ket achunancha chi ho atohnochi mvt, na palvmmi laua ka il a hlopulli pulla hosh Chihowa apiehlichika ya e chukowa hi oke; achi tok.

23. Micha vbanumpuli iksa moma pehlichy aiyuka atokolit hiohlechi cha, nahullochit vba pit anumpulit issa mvt, Chitokaka yvmmak o okla anukcheto tuk ash pit im issa tok.

24. Micha Pisitia hlopulli mvt, Pafilia itelachi tok.

25. Micha anumpa hash Peki a isht ai anumpuli cha, Atelia itonachi tok.

26. Atuk osh yvmmak o peni ai vltot Antiak yvmmak o toksvla chi ka Chihowa im aholitopaka hi o, pit im issa tok ash ai ahlichy tuk vt itonachi tok.

27. Micha itelachi cha iksa ya itahobi cha, Chihowa yvt isht kaniohmihinechi tuk moma, micha okla nan ik ithano vhleha ya ayimmika okhissa ya ik tiwi tuk aiena ka, im anohonlit okla tok.

28. Micha yvmmak o nan ikhva vhleha ya awant ahashwa na hopaki tok oke.

CHAPTA XV.

Hakshup tupa isht ai itachowa, 1. 6 Vbanumpeshi vhleha hvt isht itim anumpulit maya. 22 Ai apissalechit im anukfila ha tok.

1. MIHMA hatak kaniohmi Chutia mintit ai vla tuk vt, itibapishi vhleha ha nan im abvchit, Moses i nan vlpisa ak o chohmit hakshup hvchi tapa keyukmvt, hvchi okchaya he keyushke; achi tok.

2. Yohmi na Pal, micha Banabas ita tuklo ket yvmmak ash itachowvt itim inla fehna ma, Pal, micha Banabas anonti inlaka kaniohmi aiena ket anumpa itachowa tok, ilvppak atuk vt vbanumpeshi vhleha, micha asononchika vhleha aiena ka Cheluselem a im ona chi ka, okla apesa tok.

3. Mihma iksa vhleha yvt pit apelvvt aya na kohchvt ilh-koli mvt, okla nan ik ithano vbanumpuli toba tuk a anohon-

lit, Finisi, micha Samelia aiena ka hlopulli tok; micha itibapishi vhleha ya mominchit yukupali chinto tok.

4. Atuk osh Cheluselem ash itonachi ma, iksa vhleha, micha vbanumpeshi vhleha, micha asononchika vhleha aiena kvt aiokpanchi tok. Mihma Chihowa yvt ilapo a nana isht a kaniminchi tuk a mominchit anoli tok.

5. Yohmi kia Falisi iksa kaniohmi na yimmi atuk vt wakaya cha, Hakshup a in tvpli cha, Moses i nan vhpisa ha holitobla he aiena ka im apesa he vhpiesvshke; ahanchi tok.

6. Yvmohmi ma vbanumpeshi vhleha, micha assononchika vhleha aiena kvt anumpa ilvppa anukfillit pisa chi kvt itvnaha tok.

7. Atuk osh itachowa chuma naha ma, Pita yvt wakaya mvt, Hatak itibapishi li vhleha ma! nitak hopaki kash Chihowa yvt hvpin takla ma auet ai atokoli ka, yvmmtv stvth ak o okla nan ik ithano vhleha yvt vba isht anumpa anumpa ka a haiyaklo cha, yimma hi a tok a, hvsh ithaiyanvshke.

8. Micha Chihowa yvmmak osh chukvsh puta ka ithaiyana kvt, aiokpanchi hosh Shilombish. Holitopa ihima kvt hv-pishno yo chash itilauechi hoke.

9. Micha hv-pishno a yvmma a pit im invchi keyu, yimmi hatuk o chukvsh a i kashohufi hoke.

10. Yvmohmi ka nanta katihmi ho Chihowa hvchik anukeheto hosh, nan itvna vhleha ikonla ya ikonla abana yvmma pin tikba vhleha, micha hv-pishno aiena kvt e lauwi cha, e shala he keyu ka, yvmma hvsh onochi cho?

11. Yohmi kia Chitokaka Chisvs Klaist achukma pulla hatuk mak o, pi okchaya kvt yvmmak inli il itilaua he aiah-nit pi yimmishke; achi tok.

12. Yohmi ma okla laua yvt lumvt chieyvt, Banabas, micha Pal ita tuklo Chihowa yvt ilapo a, na feha, micha nan isht ahoba puta aiena kaniohmi ho okla nan ik ithano vhleha itin takla ya, isht a yvmihinchi tuk a anoli ka haklo tok.

13. Okla hvvt lumvt chieya ha yano, Chemis vt achakalinihi mvt, Hatak itibapishi li vhleha ma! hvv sa haponak-lashke.

14. Chihowa yvt vmmona ka oklusbi nan ik ithano a kan-
iohmit aiokpanchit okla ilap isht hoehchifa chi ka akohchit
ishi tuk a, Simion vt anohonli tok.

15. Micha hopaii vhleha im anumpa hvt ilvppak o ai
achvfvshke.

16. Yakohmi ha ma falama lish, Lewi in chuka kinafa
tuk a falaminchit ikbi la hi oke; micha okpulo tuk a fala-
minchit ikbit hilechi la hi oke.

17. Yvmmvt hatak a kashampa, micha okla nan ik ithano
vhleha moma sa hoehchifo ha isht a hoehchifo tuk puta kv,
Chitokaka ya okla hohoya chi ka, yvmak osh na yakohmi
moma ka yvmihchi mak osh Chitokaka yvt achishke; achi
holisso tok a.

18. Vmmona pillvt isht auehinchi ka Chihowa yvt ilap
nana a kaniohmi puta ka mominchit ithaiyana chatuk.

19. Yvmohmi hoka okla nan ik ithano atuk filemtv Chi-
howa ya im onvt maya ka, kil anumpulicho ka he ak o, vno
vt aiahni lishke.

20. Amba na holba toba puta isht ai okpulo, micha oho-
yo himita itin lumaka, mikmtv nana kv nuksitvt illi puta,
micha issish aiena ka ik ahalaio ka chi kak o pit iloh i holis-
sochashke.

21. Nitak hopaki isht auehinchi ka, Moses i holisso ha
tvmaha moma, kva hosh isht ai anumpohonlikma, nitak
hullo moma, sinakak a ai itim anumpohonli chatuk oka;
ahanchi tok.

22. Mihma vbanumpeshi vhleha, micha asononchika vhle-
ha, iksa vhleha moma ai itvpeha kv ilap ai itvpeha akinli,
hatak ai vltoka ho Pal, micha Banabas ita tuklo ka ai itv-
pelinchit Antiak a pit tihlela he, vhpesa ahni tok Chutvs
osh Basabas hoehchifo, micha Sailvs itatuklo itibapishi vhle-
ha ya moma i shashonli kak a tok.

23. Micha holissochit ibbak fohki kv yakohmichi tok.
Vbanumpeshi vhleha, micha asononchi ka, micha itibapishi
vhleha aiena kv, itibapishi vhleha okla nan ik ithano a tok
Antiak, Silia, micha Selisia puta aiasa ka pit aiokpvchishke.

24. Yvmohmi kv hatak kaniohmi ilvppa isht ia tuk osh,

anumpa isht huchi ataklvmmit huchi shilombish okpanit, Huchi hakshup vt tupa cha, nan vllhpisa ya hvsh holitoblashke, ahanchi tuk a e haiyaklo tok; yvmmak oka il atoh-no tuk keyu hoke.

25, 26. Chukvsh vt achvfa chohmit itvnavrt e chieya mvt, hatak vltoka hvpin Chitokaka Chisvs Klaist hohchifo pulla ka ilap im ilhfopak a a kaiyanchi chohmi hatak o, pi holitopa Banabas, micha Pal ita tuklo ka ai itvpehvchit pit a huchin tihlela he a, vllhpesa il aiahni tuk.

27. Yvmohmi hatuk osh Chutvs, micha Sailvs aiena ka pit e huchin tihleli hoka, mihi yosh yvmmak ash fehna ka itih ho isht huchim anohonla hi oke.

28. Yvmohmi ka Shilombish Holitopa, micha pishno il aiena kvt nana kvt weki kvt ai vllhpesa ilvppa chohmi ka, ai i shahli ho e huchi onoicha he keyu kak o vllhpiesa il aiahni tuk oke.

29. Yohmi kvt nipi na holba toba pit im issa tuk, micha issish, mikmvt nana kvt nuksitv illi tuk puta, micha ohoyo himita itin lumaka aiena kak o, hvchik ahalaio kashke. Yvm-mak o hvchik il ahalaiacho hokmvtv hvsh vllhpiesa hi oke. Huchi achukmakashke; achi tok.

30. Yohmi na okla pit tihleli ma, Antiak a ai vla tok; micha okla laua ya itahobit tahli mvt, holisso hash ima tok.

31. Mihma yvmmak ash okla itim anumpuli mvt, nan im annoa kvt okla na yukpa tok.

32. Mihma Chutvs, micha Sailvs ita tuklo kvt, ilap mvt hopaii akinli hatuk okvt, itibapishi vhleha ha anumpa laua ka isht atohnohonchi cha kvllochi tok.

33. Atuk osh yvmmak osh ahashwa na ahchieba ma, itibapishi vhleha yvt aiokpanchi cha vbanumpeshi vhleha ha pit in tihleli tok.

34. Yohmi kia Sailvs vto yvmmak inli ahanta kak osh im vllhpiesa tok.

35. Pal ak kia, micha Banabas aiena kvt Antiak a, inla laua ho ai itvpehvt mayvt Chitokaka im anumpa ha im abahanchi, micha isht im anumpohonli aiena tok oke.

36. Yvmmak atuk a nitak ont isht kaniohmi ma, Pal vt

Banabas ash, Anonti ivt tumaha moma Chitokaka im anum-pa il ai anumponhli tuk vt, il itibapishi vhleha ha i nowvt ayvt kaniohmi hosh ai ashakma e pisashke; im achi tok.

37. Mihma Banabas vt Chan osh Mak hohchifo ka ilau-ehit ayalhi a ahni tok.

38. Yohmi kia Pafilia ai i filvmmi cha iba takla nan isht pttvt ik ayo ke tuk ash, ilauelet aya ik vhpeso, Pal vt ahni tok.

39. Mihma itachowa kvv kullo fehna hatuk osh, iti filvmit okla tok. Yohmi ma Banabas vt Mak a ilauele cha peni fokhvt Saipilvs a ona tok.

40. Mihma Pal vt Sailvs a hoyo cha itibapishi vhleha yvt Chihowa im aholitopa he mak o, pit im issa ma, ia tok.

41. Mihmvt yvmmak ashot iksa vhleha ya hlampkochit isht ayvt, Silia, micha Silisia aiena ka hlopulli tok oke.

CHAPTA XVI.

Pal vt Timohli a hakshup tvpli, 1. 14 Litie vt vbanumpuli toba.
24 Aboha kullo apestchi vt vbanumpuli toba.

1. YUMOHMI mvt Tabi, micha Listi aiena ka vla tok. Mihma yvmma nan ithvna achvfa Timohlivs hohchifo hosh anta tok; Chu ohoyo na yimmi o ushi; amba iki okvto Klik hatak a tok.

2. Yvmmak oka itibapishi vhleha Listi, micha Aikonivm aiena aiasha kvv ahnichi tok.

3. Yvmmak osh takla aya hi a, Pal vt aiahni tok; micha ishi cha hakshup tvpli tok, yakni koyofa yvmma aiasha kvto Chu vhleha hatuk o, micha iki okvto Klik hatak a momvt ithana hatok oka.

4. Micha temaha puta a hlopullit aya mvt, nan vhpisa vbanumpeshi vhleha, micha hatak asononchi aiena Cheluselem aiasha kvv apesa tuk a, holitobla chi ka ihmvt okla tok.

5. Yvmohmi ho iksa puta kvv yimmi kvv kvllet hiohli ma, holhtina mvt laua kvv nitak atukma, i shahlit ia tok.

6. Yvmohmi ma Fichia, micha Kaleshi yakni aiena a hlo-

pullit okla, micha Asia a anumpa ha isht ai anumponla he keyu, Shilombish Holitopa yvt i miha tuk o,

7. Mishi a itvlachi mvt, Bihlinia chukowa bvna tuk kia, Shilombish vt vlpesa, ik im ahno tok.

8. Yohmi ma Mishi a ant itiachi mvt, Tloas a itvlachi tok.

9. Mihma ninak o, Pal a nan isht ahoba yvt ant i haiaka tok. Masetonia hatak osh hikia cha, im asilhvchit, Masetonia ak o vla cha ant pi apelá, ahanchi tok.

10. Mihma ymmak oka vbanumpa ont isht il im anum-pula he mako, Chitokaka yvt auet pi hoyo tok pulla ka, pim anukfihlna mvt, nan isht ahoba ka pisa tuk a, in chekosi ma, Masetonia ya ia pi bvna tok.

11. Yohmi cha Tloas a il a hotoffi mvt, auet apissalint mintit Samoleshi e la tuk osh, nitak atukla ka Niapolis a e la.

12. Micha ymma ashwtv il ia mvt, Filippi, ymmak okvt tmaha chito kv Masetonia yakni koyofa ymma moma i shahli, okla wiha a binili a e la tok. Micha tmaha ymma il ashwa na nitak kanohmi tok.

13. Micha nitak hullo ma tmaha kohevvt ivt okhina la-pali ka, ymmak o vba pit ai anumpuli chatuk a, ont e chieya mvt, ohoyo hv itahohumba ma il im anumpuli tok.

14. Mihma Chihowa aiokpanchi ohoyo achvfa Litie hoh-chifo, na humma lusbi kanchi, Hlaiatalla tmaha vta yvt pi haklo tok; mihi yo chukvsh o Chitokaka yvt tiwi na Pal vt nana isht ai anumpohonli ka anukfohka tok.

15. Micha ilap vt in chuka chvfa aienvt baptismo mvt, asilhvchit, Vno vt Chitokaka ya pit im ai ahli li ka hvchim ahobakmvt, an chuka ya ont hvsh chukowa cha hvsh ash-washke; ahanchi mvt, pi atushpalechi tok.

16. Yakohmi tok, vba pit ai anumpuli ia hosh il aya ma, ohoyo himita achvfa kv isht ahullo shilombish anukfoka hosh pi afama tok; ymmak okvt nan anoli ilahobit vltoba chinto i shahli vhleha isht im ahayuchi a tok.

17. Ymmak ashot Pal, micha pishno aiena ka piakai-yvt aya mvt tahpvlvt, Hatak yakohmi kv Moma i Shahli Chihowa yako, in tvshka vhleha yosh ai okchaya hina hvpin abahanchi hoke; ahanchi tok.

18. Mihmet illeppa yakohomi na nitak kanohmi tok. Yohmi kia Pal vt ik im vhpeso hatuk osh filema mvt, shilombish ash, Chisvs Klaist hohchifo pulla ho, chishno vt yemma ish akohcha chi ka, chi miha lishke; im achi tok. Mihma yummak ashot mih makinli ho kohcha tok.

19. Yemohmi ma i shahli vhleha yvt nan isht ai ahayunchi ashot kenia na pisa mvt, Pal, micha Sails ita tuklo ka hokli cha, hellat ishtivt nan vpa a kanchi a isht chukowvt, hatak pehlich i vhleha ya isht im ona tok.

20. Mich a ishtivt tvshka chipota i miko vhleha ya isht im ona cha, Hatak ilvppvt Chu okak osh hvpin tvnaha ha atak-laiyvmmi fenvshke.

21. Mich a Lom okla pia hvt, nan vhpisa yemma il aiokpuchi cha, e holitobla he pim ai vhpesa keyu ka pim abahanchishke; ahanchi tok.

22. Yohmi ma okla laua yashot im a snali himona achvfa wakaya tok; mihma tvshka chipota i miko vhleha yashot im ilefokha ya okla i shueli mvt bola chi ka, okla apesa tok.

23. Mihma fema lava ho okla onochi mvt, aboha kullo apesvchi a achukmalit apesahancha chi ka im apesvt tahli cha, aboha kullo pit apitta tok.

24. Yummak ashot nana kvv yakohmit im vhpibisa mvt, aboha kullo anukaka pilla pit apitta cha, iti iyi isht akullo isht a kullochi tok.

25. Yemohmi tuk o ninak iklvna ma, Pal, micha Sails ita tuklo kashot vba pit anumpulit, Chihowa pit aiokpuchit in talohwa tok; mihma aboha kullo vhpinta tuk vt haiyaklo tok.

26. Mihma yakosi fena makinli ho, yakni winakvchi chinto na, aboha kullo nutaka intola yvt ilhkoli tok: mihma ashailika okhissa yvt momvt tiwa ma, momvt im isht talakchi yvt i mokohli tok.

27. Mihma aboha kullo apesvchi yvt nusi tuk vt okcha cha, aboha kullo okhissa puta kvv tiwa ho pisa mvt, aboha kullo vltto a tihlaiyvt tamoa tuk a, im ahoba mvt i bushpo falaia ya hellat shufi kvv ile ba chin tok.

28. Yohmi kia Pal vt chitolit pit tahpvlvt, Momvt illeppa e maya hoka, nana kia chik ile kanihecho kashke; ahanchi tok.

29. Mihma pva ha pit hoyo cha, mvlet pit chukowvt wunihinchí hosh vla mvt, Pal, micha Sailvs ita tuklo itikba ya ant hlipia tok.

30. Micha pehlichit kohcha mvt, Hatak hvchia ma! sai okchaya chí kvto nanta kó katiohmi la chí cho? achi tok.

31. Yohmi ma, Chitokaka Chisvs Klaist ak o ish i yim-mashke, mikmak osh chishno, micha chin chuka achvfa aienvt chí okchaya hi oke; achit okla tok.

32. Micha Chitokaka im anumpa ha ilap, micha in chuka anuka ya maya tuk ash a mominchit isht im anumpuli tok.

33. Mihma ninak hvshi kanvli isht vhpisa mih makinli ho ishi cha, a fuma tuk a achifa tok; mihma ashalika ilap vt in chuka chvfa momvt baptismo tok.

34. Micha pehlichit im aboha ya ishit chukowa mvt, ilh-pak a itikba in talohli mvt, in chuka chvfa ya a moyumvt Chihowa ya yimmit na yukpa tok.

35. Yvmohmi tuk o onvt taha ma, tvshka chipota i miko vhleha yvt anumpeshi a pit tihleli mvt, Hatak yvmmt ant ik itiachi, ahanchi tok.

36. Atuk o aboha kullo apesvchi yvt Pal a anumpa ilvpa im anolit, Tvshka chipota i miko vhleha yvt ant ik ayá, auct hvchim aiahni tuk oke; yvmohmi hoka himak ano koh-chvt ivt, na yukvt hvsh ayashke, achi tok.

37. Yohmi kia Pal vt, Anumpa vhpisa yosh pi onvtula keyu ka, Lom hatak pia ho kak o haiakvchi hosh pi fahami cha, aboha kullo ya pit pi apitta tuk; yohmi kash ot anonti peh luma hosh pi kohchi hoh cho? Yohma he keyu pul-hvshke. Amba ilapo inlit ai vla cha, isht pi kohchashke; im ahanchi tok.

38. Atuk o anumpeshi ash ot anumpa ilvpa tvshka chipota i miko vhleha yash ont im anoli tok. Mihma yvmmt Lom hatak atuk o okla haklo mvt, nukshopa tok.

39. Mihmvt ai vla cha ant im asilhhvt, isht kohchi mvt, tumaha ha a kohchvt okla hinla ka, im ahni tok.

40. Mihma aboha kullo a a kohchvt ia mvt, Litie in chuka ont chukowvt okla tok; micha itibapishi vhleha ya pisa cha hopohlvt tahli mvt, kohchvt itiachi tok oke.

CHAPTA XVII.

Pal vt Hlessalonika ya vba isht ai anumpuli, 1. 10 Pal vt Belia ako ai anumpuli. 15 Pal vt Ahlens a ai anumpuli.

1. YUMOHMI kashot Amfipolis, Apollonia aiena ka hlopullit okla mvt, Hlessalonika yvmmak o Chu okla i sina-kak vt hikia ho itvlachi tok.

2. Mihma Pal vt yvmmak o a yohmi atuk okvt ont iba chukowa cha, nitak hullo nitak tuchina ka Holisso Holitopa ya ai isht okla ha im anumpohonli tok.

3. Klaist vt issikkopa he, micha illi tuk osh falamvt tana hi vt ai vlpiesa tok, isht i fahpullit im abvchit, yvmohmi ka Chisvs ilvppa vno vt isht hvchim anumpohonli li kak osh, yvmvt Klaist mak oke; achi tok.

4. Mihma kanimi kvv yimmi mvt Pal, Sailvs ita tuklo kash iba kaha tok. Mihma Klik hatak vbanumpuli laua fehna, micha ohoyo holitompa aiena kvv kanomosi tok keshke.

5. Yohmi kia Chu okla nan ik yimmo hokvto anukhobela mvt, hatak haksi nan isht vta ik im iksho kaniohmi ho pehliehit itvnali cha, tmaha okla ha mominchit nukhlakashlit, Chesvn in chuka ya o yihlepa tok; micha pehliehit kohchvt okla isht im vla chj hosh yvmmak ash hoyo tok.

6. Atuk osh yvmmak ash okla ik ahayicho mvt, Chesvn micha itibapishi vhleha kaniohmi ka-aieninchit, hvllat tmaha aephlichi vhleha ya isht im ona cha, tahpvlvt, Yakohmi kvv yakni a shot flimmi tuk vt ilvppak kia ai vlvshke.

7. Mihiyo Chesvn vt pehliehit ishi tuk; micha yakohmi kvv momvt Sesa i nan-vlhpesa ai ahalaia keyu ho, okla yvmohmit, miko inla Chisvs vt asha hoke, ahanchishke, achi tok.

8. Mihmvt okla puta, micha tmaha aephlichi vhleha aiena kvv na yakomi ka haklo ma, nukhlakashli tok.

9. Mihmvt Chesvn, micha inla aiena anumpa nana ho im ai ishi kvv im vlvhesa mvt, asht ik itvnowa, okla im ahni tok.

10. Mihma itibapishi vheha yvt ashalika ninak o Pal, Sailvs itatuklo kash Belia pit tihleli tok; yvmmak ash ito-nachi mvt, Chu okla i sinakak o ont abeha tok.

11. Yakohmi kvto hochukma kvv Hlessalonika maya ka i shahli tok, im anukfila mominchit isht aiokpanchit anumpa ha ishi hatuk osh, micha yvmmt yohmi ho mvhli ho chish-ba, nitak moma Holisso Holitopa ya a hohoyo tok.

12. Yvmohmi hatuk osh okla yvmmt laua hosh yimmi tok; mihma Klik ohoyo holitopa vheha, micha hatak aiena mvt kanomosi tok keyushke.

13. Yohmi kia Chu okla Hlessalonika asha kvv, Pal vt Chihowa im anumpa ha Belia ya isht ai anumpohonli ka pit akostinichi mvt, yvmmak ash kia okla ai vla cha, okla ha ant okpvi tok.

14. Mihma ashalika itibapishi vheha ash osh Pal a ok-hvta ak o ia chohma chi ho, pit chvffichi tok. Amba Sailvs, micha Timohlivs itatuklo kvto yvmmak inli ho ashwa moma tok.

15. Mihma Pal ilauct isht okla aya tuk vt Ahlens a isht ona tok; micha Sailvs, Timohlivs itatuklo kvv tushpa fehnvt im itonancha chi ka, pit i miha, anumpa ishi mvt, okla ilh-koli tok.

16. Yohmi ma Pal vt yvma pit hoyo hosh Ahlens a anta takla cha, vmaha hvv na holba toba banot isht alotowa na, pihisa mvt im anukfila hvv ik vhpeso ki tok.

17. Yvmohmi hatuk osh Chu okla, micha vbanumpa ahni vheha aiena ka, sinakak micha kvna ho nana ai itatoba ai itafama hokvt nitak moma ai im anumpohonli beka tok.

18. Mihma hatak nan-imponna Epikulvs iksa, micha Is-toik okla aiena kaniohmi kvv, yvma okla itim anumpuli tok. Mihma kanimi kvv, Anumpuli shahli ilvppvt nanta ko acha hinla? achi ma; kanimi kvv, Chisvs, micha falamvt tani aiena isht im anumpuli hatuk o, Yakni kanima nan isht ahullo ho isht anumpuli ha chinishke; achi tok.

19. Micha okla ilauct ishtvt, Mas nvni a isht ona mvt, ilvppvt anumpa himona nana ho isht ish ai anumpuli hatukma, il itvna hinla cho?

20. Chishno yokvt nan inla nana mak o pi haksobish a ant ish foyuki hoka. Yohmi hoka ilvppvt kaniohmi hatuk okma il akostinincha hinlvshke; ahanchi tok.

21. Ahlens okla moma, micha yakni inla hatak puta ymma aiasha aiena kv, nan inla yo keyu, amba na himona fehna anoli, keyukmt haklo hokma, nana hosh aiasha bilia hatok oka.

22. Yvmohmi ma Pal vt Mas nvni iklvna ya hikia cha, Ahlens okla hvchia ma! nana a kaniohmi puta ka na holba toba ya hvsh aiokpanchi fehna ho, hvchim akostininchi lishke.

23. Ant ia li kv hvchi na holba toba puta ka pihisa li mvt, vba tula ya, Kvna ik ithano Chihowa mak o, achi, ilvppak osh isht ai o holisso ka pisa li hokvno. Yohmi hoka hvsh ithana keyu hosh, pit hvsh aiokpahanchi chatuk, mihmak o, vno vt hvchim anohonli lishke.

24. Chikowa yakni, micha nana moma ymma anyaka aiasha aiena ka ikbi tok; ymmak okvt vba shutik, micha yakni aiena ka in Chitokaka yokvt tempel puta ibbak a isht toba ya, ai ahanta keyu.

25. Micha nana hosh ik im iksho hatuk o, hatak ibbak vt im isht anta chatuk keyu; ymmak osh moma ka okchaya, micha im ilhfiopak, micha nana moma aiena ka ihima hatuk oka.

26. Micha issish achvfa ho, hatak oklushi moma yakni paknaka a mominchit aiasha hi a ikbi tok; mihmvt nitak kaniohmi vlpisa ho, micha kanima yo aiasha he puta ka, apesa tok.

27. Yvmmvt Chitokaka ya hoyo chi hatok; ymmak okvto eho moma ka hvpi mishemanchi keyu nana kia, yohma he yobakmt, pasholit hoyo fehna cha, ymmak oka ahayucha hinla hoke.

28. Hvpushno vt ymmak o iloh ai okchaya, micha ilhkolit, iloh aiasha hoka. Hvchim ataloa ikbi kaniohmi kv, Hvpushno ak kia ymma ushi hvpia hoka, ahanchi akinli tok oka.

29. Yohmi ka Chihowa ya ushi vhleha pia hokvt, Chihov

wa imma ya tvi holisso lakna okmá, keyukmvt, tvi hvta, keyukmvt tvi, hatak nan isht vta imponna nana anukfilli hosh, na holba ikbi ya chohmi hoka, hvvim ahoba he tuk keyu hoke.

30. Nan ik ithaiyano nitak yvmmak foka hokvno, Chihoa yvt tohmsonli hosh pihisa tok kia; amba himak okvno hatak okluha kanima moyuma ahanta kvv ile kostininha he ak o, im apihisvshke.

31. Hatak a ilapo inlit atokoli tok, yvmmak o yakni a ai ahli banot nan isht im apesa he vt nitak a apesa tok okvt; illi tuk a tanichi hosh moma ka im ai ahlichí tok; ahanchi tok.

32. Illi falamvt tana he puta okla haklo mvt, kanimi kvv isht yopula tok; mihma kanimi kvv, Anonti himmakma ilappa e chim a hakla hi oke; achi tok.

33. Yakohmi ho Pal vt okla iklvnnaka ya, akohcha tok.

34. Yohmi kia hatak kaniohmi kvto yimmi cha, yvmmak ash ibakaha tok. Yvmma iba takla kvv Taionishvs, Mas mvihi nan ai apesa, micha ohoyo Tamelis hohchifo hosh, anonti inla ai itvpeha tok oke.

CHAPTA XVIII.

Pal vt Kolinhla, a ibbak isht a toksvli, micha vba isht ai anumpuli aiena, 1. 9 Holhpokuna hosh isht ai i yiminta.

1. NANA kvv a yakohmi ha ya, Pal vt Ahlens a akohchvt ia mvt, Kolinhla a vla tkv.

2. Michá Chu hatak achvfa Akuila hohchifo, Pantvs ai vta tok vt, tekchi Plisilla ita tuklo kvv, Kilativs vt Chu vheha yvt momvt Lom a akocha wiha chi ka, apesa hatuk o, Itili ya ashvvt itvlachi tuk a cheki hosh ashwa na, pisa mvt yvmmak o im ona tok.

3. Michá ilap vt a toksvli itim ai achvfa hatuk okvt, takla ahantvt toksvli tok; yvmmak okvt isht vltipo ikbi im vltayak vheha ha tok okvt.

4. Mihmvt sinakak a nitak hullo moma ai anumpulit, Chu vheha, micha Klik okla aiena ka nukfokichi tok.

5. Atuk o Sailvs, micha Timohlivs ita tuklot Masetonia ashvvt itvlachi ma, Pal vt chukesh vt a yimihinta mvt, Chisvs ak osh Klaist pulla mak atuk a, Chu okla ha im abahanchi fehna tok.

6. Mihma okla i sanalit ik ahobalot anumpuli ma, ilap im ilefohka ya wilohli mvt, Hvch issish vt hvchi noshkobo akinli ho onutulashke, vno vto sa kashofvshke. Himmak pilla ano okla nan ik ithano vhleha ak o im aya la chi hoke; im achi tok.

7. Micha yvmmak ash akohevvt ia mvt, hatak achvfa Chvstvs hohevifo, Chihowa aiokpahanchi in chuka ont chukowa tok. Yemma in chuka yvt sinakak o bilikasi ho, talaia hatok.

8. Mihma Kispvs sinakak ap ehlichika yvt in chukachvfa moma ai itvpehvt, Chitokaka ya i yimmi tok. Mihma Kolinhla okla hv haklo mvt, laua hosh yimmi cha baptismo tok.

9. Mihma Chitokaka yvt ninak o, Pal vt holhpokuma chohmi ka im anumpulit, Chi nukshopa na, amba anumpuli, micha lumvt chik asho kashke:

10. Uno vt chi awant aya li hoka; hatak nana hosh chi onvtulvt chi hotopala he keyu hoke, tmaha ilvppa okla laurt vm ai ashwa hoka; im achi tok.

11. Mihma Chihowa im anumpa ha ai im abvchit ahanta na afvmmi achvfa cha hvshi hannalit aiena tok.

12. Atuk o Kalio vt Akaia i nahullo mikot ahanta ma, Chu okla hv im anukfila ai achvfa chohmit, Pal a o kinaftv ishit nana ai apesa ya isht ona mvt,

13. Nan-vlhpisa ya ai ahalaia keyu ka, Chihowa ya aiokpvcha chi ka, hatak ilvppvt okla ha atohnohonchishke, achanchi tok.

14. Mihma Pal vt ilap itih ha wakvmma chi foka ma, Kalio vt, Chu okla hash nana kv ik vlhpeso, keyukmvt, okpulo fehna nana hatuk okmvno, vno vt hvchim aiokpanchi la hi a, ai vlhpisa he tuk oke, Chu okla hvchia ma!

15. Amba anumpa, micha hohevifo puta, mikmvt hvchi nan-vlhpisa imma aiena isht anumpa hatukmvno, hvchishno

akinli hosh yummvno isht hvsh ashashke. Uno yokvto nana ymma chohmi hokvno, non apesvt ahanta la he ke-yushke, im achi tok.

16. Mihmvt nana ai vlpisa asha tuk a kvnom pit tihleli tok.

17. Mihma Klik vhleha hvv momvt sinakak apchlich Soshlenes a, okla hoklit ishi cha, nana ai vlpisa itikba ya a boli tok. Mihma Kalio vt ymma puta ka nan isht ik ahno tok.

18. Yakohmi ha ya, Pal vt ahanta na nitak kanohmi tok; atuk osh itibapishi vhleha ya aiokpvchit tahli mvt, Plisilla, micha Akuila aiena ka ai itapihvt peni fohkvvt ayvt Silia ya ia tok; anumpa ha il onochi tok okvt, Kenklea pashi ai vmo tok.

19. Micha Efesvs a vla mvt, ymmak o ant ashachi cha; amba ilapo vto vba isht ai anumpa chuka ont chukowa cha, Chu vhleha ya im anumpohonli tok.

20. Mihma takla anta na hopaka hinla ka, okla ahni ma, ilap ak osh ik haklo tok.

21. Micha okla ha aiokpvchi mvt, Ik kaniohmi kia, impa holitopa mihinti ilvppa Cheluselem ak o ai isht anta la chi hoke. Yohmi kia Chihowa ak osh ik yohmi ahni hokma, falamvt chim aya la he akinli hoke; ahanchi tok. Mihmvt peni fohkvvt Efesvs vttvt ia tok.

22. Atuk osh Sesalia ya ont atayali cha, pit oiyvt iksa vhleha ha ont aiokpvchit tahli mvt, Antiak a ia tok.

23. Mihmvt ymma ont anta naha cha ia mvt, Kaleshi, micha Fichia yakni aiena ka, nan ithva vhleha moma hlampkochit abaiyvt ayvt hlopulli tok.

24. Mihma Chu achvfa Apollos hoehifo, Aleksantia ai vta tok, hatak anumpuli imponna, micha Holisso Holitopa ya imponna fehna yosh Efesvs a vla tok.

25. Hatak ilvppvt Chihowa i hina yvt im vlvvchi ya tok; micha chukvsh vt ai yimihinta hatuk osh, Chan i baptismo ak illa ho ithana hosh, achunanchit Chitokaka immi ya isht anumpuli, micha im avvchi aiena tok.

26. Micha nukwaya kvv iksho hosh, sinakak a ai anum-

pulit ishtia tok. Yvmmak ash o Akuila, micha Plisilla ita tuklo kv̄t haklo mvt, yvmmak ash pit hoyot ishi cha, Chihowa i hina ya achukmalit i shablichit im anohonlit okla tok.

27. Micha Akaia ya ia ka bnna ma, nan ithvna vhleha yvt okla aiokpahancha ch̄i ka, pit atohnochit, itibapishi vhleha yvt holissochi tuk o; yvmmak ashot vla mvt, i nukhaklo na yimmi tuk vhleha ya apelahanchi fehna tok.

28. Yvmmak okvt, Chisvs ak osh Klaist mak a tok a okla itin takla Holisso Holitopa ya ai isht im abahanchit Chu okla ha anukfohki fehna tok oke.

CHAPTA XIX.

Pal vt ibbak isht umbitepaka Shilombish Holitopa yvt anukfoboka tok. 17 Vbanumpa yimmi kv̄t laua.

1. ATUK o, yakohmi tok, Apollos vt Kolinhla a anta moma ma, Pal vt ibetv̄p pilla ka a hlopulli mvt, Efesus a vla tok; micha nan ithvna kaniohmi ka ant pisa mvt,

2. Hvchi yimmi tok takla kv̄to, Shilombish Holitopa ya hvsh eshi tok oh cho? im achi tok. Mihma Shilombish Holitopa yvt asha hokmá, nana kak kia, e haklo chatuk keyu hoke; okla im achi tok.

3. Mihma, Yohmi kv̄to, nanta ko ai isht hvchi baptismo hatok o? im achi tok. Mihma, Chan i baptismo ak a tok; okla achi tok.

4. Mihma, Chan vto ile kostininchit baptismo yo isht baptismochi ho mvhli cha, ilap iakayvt mihinti, Klaist Chisvs mak o yimma hi a, okla ha im ahanchi tok; Pal vt achi tok.

5. Mihma ilvppa okla haklo mvt, Chitokaka Chisvs hohchifo ha isht okla baptismo tok.

6. Mihma Pal vt ibbak a okla hash, isht umbitepa ma, Shilombish Holitopa yvt ant onvtoyula tok. Mihma anumpa ilaiyuka okla anumpuli mvt, vbanumpa aiena isht anum-puli tok.

7. Micha hatak vt moma kv̄t auah̄tuklo foka hatok.
8. Micha sinakak ont chukow̄vt, nukwaya iksho hosh, Chihowa ap̄ehlichika imma ya isht anumpulit, anukfohki-chit ahanta na hv̄shi tuchina tok.
9. Yohmi kia kaniohmi hokvto ch̄ukvsh kv̄llo taha cha, ik yimmo mv̄t, hina yvm̄mak ash na mihachit okla laua itikba ya ai anumpohonli ma, yvm̄mak ashot ai i filv̄m̄mi cha, nan ith̄na v̄hleha hash a filamolechit eshi cha, Tailanvs osh na-
na ai ikhv̄na i hikia h̄o, nitak moma ai anumpohonli tok.
10. Ilv̄ppa yakohmi kv̄t imoma na afv̄m̄mi tuklo tok; yohmi hatuk o, Chu, micha Klik okla aiena Asia ai asha tuk vt mom̄vt Chitokaka Chisvs im anumpa h̄a haklo tok.
11. Mihma Chihowa yvt nana kv̄t isht ahullo fehna kani-
ohmi ka, Pal ibbak a isht a yvm̄ihinechi tok.
12. Yvm̄ohmi hatuk o, nantapv̄ski puta, keyukmv̄t, tikba takohlich̄i kia, yvm̄ma haknip a ai isht abeka puta ka isht im oh̄na; yohmi ma nan ililli puta kv̄t ai i filamoli, micha shilombish okpulo aiena kash ot akohoncha beka tok.
13. Yvm̄ohmi ma Chu kaniohmi nan isht-ahullo okpulo kohchi ilahobit itanowa yvt, shilombish okpulo anukfoka v̄hleha h̄a, Chitokaka Chisvs hohchifo h̄a isht ai o hohchifo-
chit pisv̄t, Chisvs, Pal vt yvm̄ma isht ai anumpohonli ka pulla h̄o, anumpa kv̄llo ai isht e chi onohonchishke; ahant-
chi tok.
14. Yohmi ma Chu hatak Sifa hohchifo, na holitompa isht asha pehlich̄i o ushi untuklo hosh yvm̄ma yohmi tok.
15. Mihma shilombish okpulo ash ot falamin̄chi mv̄t, Chisvs a ithana li, mikmv̄t Pal ano ithana li; amba hv̄chishno ak osh kv̄ta hv̄chia h̄o? achi tok.
16. Mihma shilombish okpulo yvt a foka hatak ash ot yvm̄mak ash o mv̄let, onvtulvt isht i shahlich̄it imaiyachi tok; yvm̄ohmi na na fohka iksho micha ai okpulo kv̄t taha aiena hosh, chuka yvm̄mak ash akohchvt yihlepa tok.
17. Yohmi ma Chu okla hv̄t moma, micha Klik puta aie-
na Efesus asha tuk vt, ilv̄ppa okla akostinin̄chi tok; mihma na nukshopa hv̄t mominechit onvtoyula ma, Chitokaka Chisvs hohchifo hv̄t holitopa tok.

18. Mihma na yimmi tuk vt laua hosh ai vlet ant il anolit, nana akaniohmi chatuk puta kvt anohonli tok.

19. Micha isht ahullo imponna vhleha hatuk aiena kakia, laua hosh i holisso puta ka isht itahobi cha, hatak mo- ma itikba ya a hukmi tok. Micha ai vltoba ya okla h- tihna mvt, tvli hvta boshulli tahlepa sipokni pokofi tahlapi tuk o, akostininchitok.

20. Chihowa im anumpa hvt kvlo kvt i shahlit ia fehna, yakohmi hosh imaiyachi tok.

21. Nana kvt a yakohmit ont ai issvchi ma, Pal vt Masetonia, micha Akaia aiena ka hlopullikmvt, Cheluselem a ia hi vt chukvsh a isht ai ahni mvt, Yemma ont anta li tuk- mvt, anonti Lom ma pisa li pulla akinlashke; ahanchi tok.

22. Mihmvt im ai itapela tuklo Timohliis, micha Elastus aiena ka Masetonia pit tihleli cha, amba ilapa vto Asia ya anta na ahchiba tok.

23. Mihma nitak yemma fehna ma, hina yemma okla hut nanumachi fehna tok.

24. Hatak achvfa Temetivs hohchifo, tvli hvta ikbi, ymmak osh Taiena ya tvli hvta itombushi puta im ikbi yosh isht vltoba mvt chvbihasi keyu ho, hatak nan ikbi imponna vhleha ya isht im vla cha;

25. Ymmak ash, micha nan isht vtta ai itim achvfa vhleha aiena ka hoyot itahobi mvt, Hatak puta ma! nan isht ai vtta ilvppa pulla ho, nan isht il ahayuchi ka hvsh ithaiyanvshke.

26. Ymmohmi ka Efesvs ak o bano keyu, amba Asia a a mominchi chiyuhmit Pal ilvppvt, ibbak isht toba yokoto chitokaka vhleha nana ho keyu hoke, ahanchi cha, okla lana ka anukfokichit filamolihinchit ka hvsh pisa, micha hvsh haklo aienvshke.

27. Ymmohmi ka hvpishno nan isht iloh ai vtta ilvppak bano ho, ik ahobalo ka he fehna keyu; amba nan isht ahullo ohooyo chito Taiena in tempel ak kka aienvt kalakshikma, anonti ymmak o Asia moyuma, micha yakni puta kvt aiok- pahanchi yash isht aholitopa yvt ont ai okpulot kvnia hinla fehna hoke; achi tok.

28. Mihma okla haklo mvt, anukhobelvt alota mvt, tahpult, Efesvs okla in Taiena vt chinto hoke: ahanchi tok.

29. Mihma tmaha ha yahapa kvt alotvt kenia tok. Michas Masetonia hatak, Pal apehvt nowvt aya Kais, micha Alistaks ita tuklo ka hoklit okla ishi mvt, im anukfila ai achva chiyuhmit yihleptv, okla ai itahoba chatuk a pit abeha tok.

30. Mihma Pal vt okla ha pit iba chukowa bnna tuk ak o nan ithvna vhleha yvt vhpesa, okla ik im ahno ki tok.

31. Mihma Asia hatak pehlich vhleha kaniohmi, ymma i kana yatuk vt, okla ai itahoba ya pit chukowa bnntv ik peso ka hi a, ahnt pit im anoli tok.

32. Ymohmi ma kanimi kvt nana ho mihakma, anonti inla mvt inla ho miha tok; itvnaha hak osh ai vhpesa keyu hatuk o, micha moma chohmi kvt nana kaniohmi ho itvnaha hatuk vt ik ahostinincho ki tok.

33. Mihma Aleksanta ya okla laua akochi ma, Chu okla hvt tikba pit hilechi tok; mihma Aleksanta yvt ibbak pit fahvmmi mvt, okla ha im isht il anumpuli bnna tok.

34. Yohmi kia ymmak okvt Chu atuk o, okla akostininchi mvt, momvt anumpa achva, Efesvs okla in Taiena yvt chinto hoke, tahpult ahanchi na hvshi kanvili tuklo foka tok.

35. Mihma tmaha i holissochi yokvt okla ha yokopli mvt, Efesvs hatak hvchia ma! Efesvs tmaha hvt nan isht ahullo ohoyo chito Taiena, micha na holba toba Chupita a mintit akatula tok aiena ka aiokpvchi a, hatak nanta hosh ik akostinincho kvt ahanta cho?

36. Yohmi ka ilvppa nana ho isht ai acha hi o keyu hoka, hvchishno yvt nukchintot hvsh maya cha, tushpvt nana hvchik kaniohmo ka he tuk oke.

37. Hatak yakohmi kvt tempel puta wehpuli keyu mvt, anonti hvchi nanisht ahullo ohoyo ma ik ahobalot na miha-chi o keyu hokak o, ilvppa isht hvsh la tuk oka.

38. Ymohmi hoka Temetivs vt, micha hatak nan ikbi vhleha ymma apeha kvt, hatak nana kia nana im a kanioh-

mi tuk in takanli hokma, nan vllhpisa nitak vt asha, micha nan apesa vhleha mvt mayvshke; nan vllhpisa iti onochit ik ashá.

39. Amba nana inla imma yo hvsh ai asilhvchi hokma, yvmmak okvto itvnaha ai ghli ho ai vllhpisa hi oke.

40. Itvnaha ilvppak atuk a nana ho isht il ai anola he mvt iksho; yohmi hokvt himak nitak nana ai vllhpiesa mvt iksho ka, nan vllhpisa yvt hvpi onvtula he fehna hoka; achi tok.

41. Micha yakmichit anumpulit issa mvt, itvnaha yash tishelichi tok oke.

CHAPTA XX.

Pal vt Masetonia ona, 1. 7 Pal vt Chitokaka im opiaka impa holi-toblit antvt, vba isht anumpuli. 28 Pal vt iksa in tikba vhleha ha atohnochi.

1. **ATUK** o yahapa kash ot issa ma, Pal vt nan ithvna vhleha ya hoyo cha ai okpvchi mvt, Masetonia a ona chi hosh ia tok.

2. Atuk osh yakni puta yvmmak ash a hlopullit, im anumpohonli fehntv aya tuk osh Klis a vla tok.

3. Micha yvmmak o ahanta na hvshi tuchina tok. Mih-mvt peni fohkvvt Silia ia chi foka ma, Chu vhleha hvt im aie chi ma, falamvt Masetonia pit hlopulli ka ahni tok.

4. Mihma apehvt Asia ona kv Sopeta, Belia hatak, micha Hlessalonika okla Alistakvs, micha Sikvntvs, micha Tvbi hatak Kaivs, mikmvt Timohliivs aiena kak, a tok; mikma Asia hatak vt Tikikvs, mikmvt Tafimvs aiena kak a tok.

5. Yakohmi kv tikba ilhkoli tuk osh Tloas ak o ont ash-vvt pi hoyo tok.

6. Mihma pvska ik shatvmmo vpa nitak vt ai issachi ha yo, peni vlbihvt, Filippi asht e minti kv, nitak tahlapi ho Tloas a il im ai vla cha, yvmmak o il asha na nitak untuklo tok.

7. Mihma nitak hullo achvfa nitak ahpi ho, nan ithvna

vhleha hvt pvska kobahlichia chi hosh itahoba ma, Pal vt onnakma kanima ia chi hatuk osh, im anumpuli mvt; anum-pa hash isht mahaya na, ninak iklvnna ona tok.

8. Mihma aboha vba potvlhpo ai itahobvt maya ka, pvla hvt lawa tok,

9. Mihma hatak himita achvfa Yutikvs hohchifo hosh okisushi ya asha tuk osh nusit kvnia tok; anonti Pal mvt anumpa ha falaiachi aiena hatuk o, nusit kvnia kvv akia cha, vba potvlhpo ont atuchina ho vttvt aka ont ittula cha, illi yo okla sholit wakeli tok.

10. Mihma Pal vt pit akowa cha, ont onvtuyulvt ishi mvt, Im ilhfiopak vt a foka moma hoka, ik hvchi nukhlakancho kashke, achi tok.

11. Yvmohmi hatuk osh falamvt oiya mvt, pvska ya kobahlichit impa cha, anumpohonli hopaki, polaka onnvt taha ho, kohchvt ia tok.

12. Mihma hatak himita yashot okchaya ho, okla isht vla mvt, na yukpa kvv chohmi tok keyu.

13. Mihma tikba ivt peni ya il ona cha, ilap vt aka ayvt ia kak o ahni cha, yvmmak o miha tuk oka, yvmma Pal ont ai isht e fohka chi, pim ahoba hosh peni fohkvv ivt Asvs a il ona tok.

14. Atuk osh yvmmvv Asvs a a pi afama ma, ishit auct e fohki cha, mintit Mitilini ya e la tok,

15. Micha yvmma asht peni fohkvv, e minti tuk vt nitak atukla ma, Kaios, i chapaka e la tuk osh, anonti onna ma, Samvs e la cha, Tochilm a ant il ashwa tok; atuk osh onna ma mintit Mailitvs a e la tok.

16. Pal vt Asia a antvt nitak i kvnia ik bvnno hatuk osh, yohma hinla yobakmvt, Pentekost nitak a Cheluselem a, ont anta chi hatuk osh, tushpvt aya hokvt Efesvs a peni fokvt ont ia he ak o, ahni tok.

17. Micha Mailitvs ak o vttvt, ikxa i pehlichia vhleha ha Efesvs a pit hoyo tok.

18. Atuk o okla im ai vla ma, Asia ya vla li nitak vmona tok ai itin taiyakla kvv, nitak moyuma ka kaniohmi hosh hvchi awant ahanta li chatuk,

19. Chukvsh akanlosi bieka, micha nishkin okchi mihinti fehna hosh, Chu vhleha hv t aiechit maya na, na palvmmi puta sai onvtulvt, Chitokaka ya im antihiya li tok.

20. Micha hvchishno nan isht hvchim ai vhpesa puta ka hvchim a luhmi li tok keyu; amba hvchim anolit ai itvnaha, micha chuka puta, a hvchim abahanchi li tok.

21. Chu okla, micha Klik vhleha aiena ka, Chihowa ile kostininchit i falama cha, hvpin Chitokaka Chisvs Klaist a i yimmi aiena ka, im abahanchi li fehna chatuk a, hvsh ithaiyanvshke.

22. Yvmohmi hosh himak a sa chukvsh vt pit a yiminta fehna hosh, yvmma nana a si akaniohma hi a pit ithana iksho hosh, Cheluselem a ia lishke.

23. Amba Shilombish Holitopa ak osh tvmaha moma ka ai anolit, talakchi, micha na palvmmi puta kv t an takalishke; ahanchi kak illvshke.

24. Yohmi kia nan ilvppa puta kv t achvfona kia ik sa folulechoshke, micha na yukpa hosh a nitak ma, micha nan isht vtta Chihowa achukma ka anoli, vbanump pa im avvchi la he, Chitokaka Chisvs a ai im ishi li tuk vt atahli la chi kv t, vm ilhfiopak a a holitopa ak ai ahnoshke.

25. Yvmohmi hosh himak a, Chihowa apchlichika ya isht hvchim anumpulit hvch itin takla ma aya li chatuk a, hvsh moyuma kv t himmakma sa nashuka ya hvsh pisa chi keyu ka, ithaiyana lishke.

26. Yvmohmi hoka hatak okluyha im issish a, vno yvt nan isht ai ahalaia li keyu kv t, ai ahli mak osh himak nitak a hvchishno a hvchim anohonli lishke.

27. Uno vt Chihowa im anukfila puyuta ka hvchim anoli ka, sa nukwaya iksho chatuk okvt.

28. Yvmohmi hoka hvchishno akinli, micha nan iakaya vhleha moma, Shilombish Holitopa yvt mihi yo apesvchi puta hvch ikbi tok a, ahah! ahnit Chihowa im iksa puta ilap im issish akinli ho isht chumpa tok a, mominchit hvsh pehlichashke.

29. Uno vt kanima atia li ha ma, nashoba okpulo nan

iakaiya vhleha hash, i nukhaklo iksho mak osh, ant hvch iba chukowa he; ilvppa vno vt ithaiyana li hoka,

30. Micha hvchishno hvsh ai itapeha yash inli hatak ak kia nan ikhva vhleha ya filvmmichit il iakaiyvcha chi kv, nan isht okpvi ya anumpulit bihla hi oke.

31. Yvmohmi hoka, hvsh ile nuktahla chiké; micha afvmmi tuchina ka nishkin okchi mihinti hosh, nitak micha ninak puyuta ma, moma nan im anolit ahanta li kv, ak isso kv-mohmi chatuk a hvsh ithaiyanvshke.

32. Inta! il itibapishi vhleha ma! Chihowa, micha ilap o achukma isht anumpa aiena, yvmmak osh ai ghlichit hvchi bihlichia hinla, mikmvv hochukma toba tok vhleha moyuma ka ai itin takla ya, ai vtvvt hvch ima he vhpiesa mak o, yvmma ibbak a pit hvchi fohki lishke.

33. Hatak nana kia in tvli hvta kia, mikmvv in tvli holisso lakna yokmá, keyukmvv ilefohka yokmá nana kia im anush-kunna li chatuk keyushke.

34. Ahli, ibbak ilvppak osh vno, micha si apehvt aya puta na pi bvna ka, nan isht ahanta chatuk a, hvchishno ak kia hvsh ithaiyanvshke.

35. Yakohmit toksahanli hosh ilbvsha puta ka hvsh apehcha he tuk, micha Chitokaka Chisvs im anumpa puta, yvm-mak okvt, Ima kak osh na yukpa kv habena ka, i shahli hoke, achi tok a hvsh ithaiyana chi ka mominchit hvchim anohonli li chatuk oke; im ahanchi tok.

36. Micha yakohmichit anumpulit taiyahli mvv, hvchuk-bihlepvv hikia cha, moma ka pehlichit vba pit anumpuli tok.

37. Mihma momv nishkin okchi minti fehna mvv, Pal ikonla ya okla onvtuyula cha i suksowa tok;

38. Himmakma i nashuka ya okla pisa he keyu, miha tok; anumpa yvmmak o isht nukhaklo im atampa ha tok. Mihmvv apihvt peni ya okla ona tok oke.

CHAPTA XXI.

Pal vt Cheluselem a ia, 1. 17 Pal vt Cheluselem a ont anta ma, iti hokli. 31 Kvptvni chito vt Pal hlakofichi.

1. MIHMA yakohmi tok, yvmmak ash pit il oka topili cha, i mokofvt auct apissanlit mihintit, Kous a e la tuk osh, nitak atukla ma Lotis a e la; atuk osh ymma ashwt Patela ya e la tok.

2. Micha peni vt Finishi ya ia hosh aya ka e pisa mvt, ont e chukowa cha, e maya tok.

3. Atuk osh Saipiles vt auct pi haiaka mvt, yvmmak ash pim vlfvbeke imma yo talaia na, ont il ia mvt, Silia ya il ona cha, Taia yak o ont il ataya tok; peni na shali ka ymmak o ont akochcha wiha chi hatuk o.

4. Micha ymma nan ithvna vhleha ya ont il ai ahayuchi mvt, il ashwa na nitak untuklo tok; yvmmak osh Pal a Cheluselem ik aiyo ka hi a, Shilombish pulla hatuk mak o, im achi tok.

5. Nitak yvmmak ash ot ont pin taiyaha mvt, pishno ash ot kochevt pi hina fohkvt il ia ma, momvt tekchi vhleha, micha im vlla puta aienvt pi apehvt pisht aya na, tmaha ha ant e kohcha tok; mihma oka takhvka ya hvchukbihlept e hielil cha, vba pit il anumpuli tok.

6. Atuk osh okla it aiokpvchit pin taiyaha ma, peni pit il vlhto ma, yvmmak ash ot falamvt, in chuka ilhkoli tok.

7. Atuk o peni fohkvt, Taia asht e minti tuk vt ont pim ai vhlil mvt, Talimeis a e la cha, il itibapishi vhleha ya ant il aiokpachi cha, nitak achvfa ho takla il ashwa tok.

8. Atuk osh ont onna ma, Pal a apeha pia hatuk vto kohchvt ivt, Sesalia ya e la tok; micha Filip vbanumpa isht vtta, yvmmak osh untuklo kash aiena hatuk ash, in chuka ont e chukowa cha apehvt e maya tok.

9. Mihma hatak yvmmt ushetik ohoyo himita ushta hosh im ashwa tuk osh, vbanumpa isht anumpuli tok.

10. Micha ymma il asha na nitak kanohmi ma, hopaii achvfa Akebus hohchifo hosh Chutia mintit vla tok.

11. Micha yvmmak ashot ayvt pim vla mvt, Pal im vskofvchi yash ishi cha, ilap ibbak micha iyi aiena ka isht takchi mvt, Hatak vskofvchi ilvppvt immi yatukma, Chu vhleha Cheluselem aiasha kvv yakohmichit takchi cha, ishit okla

nan ik ithano ibbak a a fohka hi oke; Shilombish Holitopa yvt achishke; ahanchi tok.

12. Mihma ilvppa okla e haklo mvt, pishno ash ot yvm-mak inli asha yatuk pit il aienvt, Cheluselem a ik aiyō ka hi a, okla il im ahni tok.

13. Mihma Pal vt afalaminchi mvt, Katiohmi hō hvsh ahni hosh yayvt sa chukvsh a hvsh kobvfi cho? Sa talak-cha he ak o illa keyu; amba Cheluselem a Chitokaka Chisvs hohchifo pulla ka, isht a si ai illa chj aiena kvt vm vltaha hoke, achi tok.

14. Micha hakla he keyu ma, Chitokaka nan ahni yak osh ik yvmohmi, il ahni mvt, okla il issa tok.

15. Mihmvt nitak yakohmi kvt ont taha ma, il il apoyua cha, Cheluselem a pit il ilhkoli tok.

16. Mihma nan ithvna vhleha kaniohmi kvt Sesalia ya asht pi apehvt ia akinli tok; micha Nesvn Saipilus vta nan ithvna sipokni ka yō, yvmmak o il ibai asha chj ka, okla pisht ona tok.

17. Atuk o Cheluselem ash il ai ona ma, il itibapishi vhleha yvt na yukpa hosh pi aiokpvchi tok.

18. Atuk o onna ma, Pal vt pi awant Chemis a im ona; mihma hatak tikba vhleha yvt momvt chieya tok.

19. Mihma yvmmak ash aiokpvchit tahli mvt, ilap vt na-na isht ahanta hō, Chihowa yvt okla nan ik ithano vhleha itin takla ya, nana ai atahanli tuk puta kash o atokowa feh-na kak o anohonli tok.

20. Mihma okla haklo mvt, Chitokaka ya okla aiokpa-hanchi mvt; yvmmak ash o, Chu vhleha na yimmi kvt tah-lepa sipokni kaniohmi hosh ai asha kvt, yvmmak okvt mo-yumvt nan-vlhpisa holiobli fehna ka, ish pihisvshke, il iti-bapishi ma!

21. Micha chishno vt Chu vhleha hosh oklushi nan ik ithano takla asha ka, mominchit Moses a okla issa chj ka, im avchit im vlla puta ka hakshup tupla he tuk keyu, mikmvt ilap nana a kaniohmi vlhpisa puta aiena ka, okla iakaiya he tuk keyu ka, ish i mihja hō, okla im annoa tok.

22. Yohmi ka nanta mak oh cho? Ish la tuk a, okla hakla chi hokvt, okla laua yvt itvnaha pulla chi hoke.

23. Yvmohmi hoka pishno yvt nana e chi miha, ilvppak o ik chi yvmohmi; hatak anumpa holitopa ile onochi tuk ushta hosh pim ashwvshke.

24. Yvmmak o pehliechi cha, takla nan iba hullochit, mi-cha chishno ak osh vltoba hvt ibafokvt chi kunia pulla na, okla noshkobo shafashke; mina momvt chishno a nana a chi haiyaklo tuk vt peh pilla hatuk; amba chishno ak kia ai vlpiesvt ish aya cha, nan vlpisa ya ish holitobli ka ithai-yanashke.

25. Amba okla nan ik ithano na yimmi vhleha imma ka-mo, nana yemma chohmi ka ik holitoblo ka chi, amba nana ka na holba toba pit im issa tuk puta, micha issish mikmvt nana kvv nuksitvt illi puta, micha ohoyo himita itin lumaka aiena kak o, okla ik ahalaio ka he yak o, okla pim anukilvt pit il i holissochi tok; im achi tok.

26. Mihma Pal vt hatak ash pehliechi cha, onna ma, nan iba hullochit mvt, vba nan isht pit aiokpvchi ya achvfa ai-yuka pit im isht aiokpachi ha ya chi ho, nahullochi nitak vt ont taha ka, anola chi hosh tempel a chukowa tok.

27. Atuk o nitak untuklo kash ot ont taha ahosi ma, Chu vhleha Asia minti tuk vt, yvmvt tempel anukaka ya asha na, okla pisa mvt, okla mominchit atushpulihinchit yvmmak ash ibbak isht ishi mvt;

28. Israel hatak puta ma! pi apelá; hatak ilvppak osh yakni ilvppa, okla, micha nan-vlpisa aiena ka i snalit, hatak moyuma ka kanima mominchit ai imabvchi mak oke; micha achakalechi mvt, Klik vhleha ma pehlichit tempel a ant isht chukowa cha, aholitopaka ilvppak ash aiokpvnishke; achit tahpahanla ha tok.

29. Tikba ka Tafimvs, Efesvs hatak vt ymma awant tv-maha anta ho, okla pisa tuk osh, ymma Pal vt ilauint tempel a chukowa tuk a, okla im ahoba tok.

30. Mihma tmaha hash ot momvt wakaya ma, oklat yi-hleptv itahoba tok; micha Pal ash okla ishit tempel a a koh-chi ma; chekosi makinli ho okhissa puta kash ot vlvkva tok.

31. Micha okla vbi bvna hosh maya ma, tvshka chipota aya-chefa i kvpitni chito ya, Cheluselem vt momvt nan ik ai vhpeso bano ka annoa kvv ayvt im vla cha;

32. Yvmmak ash ot ashalika tvshka chipota vhleha, mi-cha kvpitni puta ka pehlichi cha, chvftv ivt im ona tok; mihma kvpitni chito, misha tvshka chipota vhleha aiena ka okla pisa mvt, Pal a boli mvt issa tok.

33. Mihma kvpitni chito ash ot ivt ituma ona cha, yvmmak ash ishi mvt, tvli itatakvi tuklo hosh ishit talakcha chi ka miha tok; mihmvt, yvmmvt kva hatuk, misha nana hv kanihmi aiena tuk a, asilhvchi tok.

34. Mihma okla laua asha tuk vt tahpvt, kanimi kvv kanimihchit miha ma, anonti kanimi kvv invchi tok; mihma yvmmak ashot yahapa hatuk o, ai atokowa ma ik ai akostinicho mvt, yvmmak ash isht holihta kullo ont fohka chi ka, miha tok.

35. Atuk o yakohmi tok, okla hak osh okpulo ka fehna o, yvmmak ashot pit atuyvt ia ya ona ma, tvshka chipota vhleha yosh sholit ishtia tok.

36. Okla laua yak osh, Yvmma kanima isht oh ia cha, ahayvt iakaiya hatuk o,

37. Atuk o Pal ash o holihta kullo ya, ont isht chukowa chi foka ma, yvmmak ash ot kvpitni chito yash, Chim anum-puli la hinla cho? im achi ma, yvmmak ash ot, Klik anumpa ya ish anumpula hinla ho?

38. Chishno ak osh Echip hatak chia hosh, nitak tikba kash nan isht ish ataklayama cha, hatak bika vbi ya tahlepa sipokni ushtat pehlichit yakni haiaka ya, pit isht ish chukowa tok keyu? achi tok.

39. Mihma Pal vt, Vno vt Chu hatak Tasvs, Silisia yakni tmaha ai vtta, tmaha ik ahobo nana hv ai vtta sia keyu hoke: mi hosh okla hv im anumpuli la hi a vm ahnikbano, chim ahni lishke; achi tok.

40. Mihma yvmmak ash ot vhpesa im ahni ma, Pal ash-ot pit atuyvt ia ya o hikia cha, okla hv ibbak a pit i fahvm-mi tok; misha luma biekvt okla aiasha ma, Heblu anumpa hv im anumpulit yak ahanchi mvt,

CHAPTA XXII.

Pal vt kaniohmit vbanumpa nukfoka tok vt anoli, 1. 25 Pal vt fema
he tuk kia, Lom hatak atuk osh hlakofi.

1. **HATAK** il itibapishi vhleha, micha an tikba puta
ma! himak a isht hvchim il anumpohonli li ka, hvsh hai-
yaklashke.

2. Yvmvt Heblu anumpa ho isht im anumpuli na, okla
haklo mvt, isht i shahlit lumvt aiasha tok. Mihma yvm-
mak ashot,

3. Uno vt Chu hatak fehna sia, Tasts, Silisia yakni in
tvmaha ak o ai vta li tok nana kia, tvmaha ilvppa Kamiliel
iyi itvmaka yo ahantvt sa hofanti; micha hatak tikba vhleha
i nan vlpisa ai apissali mvt, vm vlbahanchi tok; mihmvt
Chihowa ya pit achunanchi kvt himak a nitak hvsh moma
kv, hvchi yvmohmi kak inli chiyuhmi li tok.

4. Mihma ilvppa yakohmi ka nakni, micha ohoyo aiena ka,
illa he mak o, takchit aboha kello pit apittvt ilbvshachi li
tok.

5. Yohmi ka na holitompa isht asha pehlich, micha ha-
tak tikba vhleha hak kia momvt vm ithaiyana hoke; micha
yvmmak o il itibapishi vhleha pit i holisso ka, im ai ishi li
hosh, yvmma asha tuk vt talakchi ya Cheluselem a isht vla
likma, na palvmmi pisa chi ho, Tamaskvs a ia li tok.

6. Atuk o yakohmi tok; nowvt aya li mvt, hvshi vt tv-
bokoli foka ho, Tamaskvs a ona la hosi ma, ashalika nan
tohwikeli chito vba minti kv ant tommit si afolupli tok.

7. Mihma aka ont sa tula cha, anumpa hv, Sal, Sal,
nanta katiohmi ho, is sa palvmmichi cho? vm ahanchi na,
haiyaklo li tok.

8. Mihmvt afalaminchit, Kvta chia hoh cho, Chitokaka
ma? achi li ma, Uno ak osh Chisvs Nasalit ai etta mihi yo
ish i palvmmichi ka sia mak oke; vm ahanchi tok.

9. Mihma si apehvt aya tuk vt tohwikeli hokvno okla
pisa mvhli cha, nukshopa tok; yohmi kia anumpa auct vm
anumpuli hokvno okla ik haklo li tok.

10. Mihma, Chitokaka ma! nanta ko katiohmi la chi ho? achi li tok. Mihma Chitokaka yash ot, Wakaya cha, Tamaskvs a ish onashke; mikma nana ish a katiohmi he a chim vhpisa tuk vt moyuma, yvmmak o a chim annoa hi oke; vm achi tok.

11. Mihma tohwikeli yvmma shohpakali tuk a ak hopanayo hatuk o, si apehvt aya tuk ibbak ak osh sa halvli ho, ayvt Tamaskvs a ona li tok.

12. Mihma hatak achva vbanumpuli nan vhpisa ya isht ai ahli, Ananaivs osh, Chu vhleha yvmma ai asha ka moma ai im annoa achukma chatuk osh,

13. Ayvt vm vla cha hikia mvt, Itibapishi li Sal ma! ish hoponayashke, vm achi tok; mihma hvshi kanvli makinli ho, vba chakalit ilap a pisa li tok.

14. Mihma, Hvpin tikba vhleha in Chihowa yvt, chishno vt ilap o nan ahni ka ish ithaiyana he, mikmvt Ahli yvmma ish pisa cha, yvmma itakha ai anumpa ma ish hakla hi a chi atokoli tuk oke.

15. Chishno vt nana ho ish pisa tuk, micha ish haklo tuk aiena kv, hatak moyuma ka im anoli chia ha chi mak oka.

16. Yohmi kv nanta katiohmi ho himak a ish achiabali cho? wakaya cha, baptismot, Chitokaka ya pit hochihifot, nan chim ai ashvehika puta kv kashofvt chi kvniashke; achi tok.

17. Atuk o yakohmi tok, falamvt Cheluselem ash vla lish, tempel anukaka ya vba pit ai anumpohonli li mvt, sa holhpokuna chohmi tok.

18. Mihma yvmmak ash ot vno ya, Nana isht is si ai anoli ka, okla chim aiokpahancha he keyu hoka, tushpa, micha Cheluselem a chekosi ish akochashke; vm ahanchi na pisa li tok.

19. Micha vno ash ot, Chitokaka ma! chishno chi yimmi vhleha hatuk a aboha kvllo pit apittvt, sinakak puta ka, a fahmi li tuk a, okla ithaiyanvshke.

20. Micha Istefin atokowa chi anolit im issish hlatapa ka, vno ak kia itomasi ya hikia li tuk osh, yvmmtv illa chi ka, vhpesa ahni li mvt, yvmma vbit maya ka, im ilefohka ya ishi li tok oke; achi li tok.

21. Mihma, Hopaki pilla, okla nan ik ithano vhleha aia-sha kak o pit chi chuffichi la chi hoka, ish ayashke; vm achi hokvno; achi tok.

22. Mihma anumpa ilvppa vhli kano okla i haponaklo tok; atuk osh chitolit, Hatak yvmma chohmi ka, yakni a ai isht ho kanchi, yvmmak okvt okchayvt anta he vlpesa keyu hoka, okla achi tok.

23. Micha okla tahpevt i na fohka puta kash shoelit kampilt, lukfi pushi aiena ka pehlit vba pilt maya ma,

24. Kvpitvni chito yvt yvmmak ash o holihta kvillo ya isht ona chi ka, apesa mvt, anonti yvmmak ash fvmmi hosh, nan i ponaklo na, kaniohmi ho okla hvt isht anumpuli kv yohmi fehna hatukma, ilap vt akostinincha chi kv, miha tok.

25. Mihma wak hakshup aseta chuhla ka, okla ishit tak-chi ma, Pal ash osh kvpitvni hvt bilikasi hikia tuk o, Lom hatak, micha nan vlpisa yosh ai atokowa keyu ka, ish fvm-ma he chim ai vlpesa ho? im achi tok.

26. Kvpitvni vt ilvppa haklo mvt ivt, kvpitvni chito ya ont im anolit, Nana ish kaniohmi kv, ahah! ish ahnashke, ilvppvt Lom hatak oka; ahanchi tok.

27. Mihma Kvpitvni chito ash ot vla mvt, Chishno vt Lom hatak chia ho? vm anoli, im achi ma, yvmmak ash ot, Yau, achi tok.

28. Mihma kvpitvni chito yash ot afalaminchi mvt, ilap inli nan ahni hosh aya ilvppa, vltoba chinto ho isht ishi li tok, achi tok; mihma Pal ash ot, Amba vno vto si ai imoma yosh vta li tok oke, achi tok.

29. Yohmi ma yvmma nan i ponakla he tuk ash ot mih makinli ho, ai i filamoli tok; mihma kvpitvni chito ash kia, yvmmak okvt Lom hatak atuk a akostininchi, micha takchi tuk aiena hatuk osh nukshopa tok.

30. Ont onna ma, kaniohmi ho Chu vhleha yvt anumpa ha onochi hatukma atokowa ka akostininchi bvna hatuk osh, isht talakechi ya i hotuffi mvt, na holitumpa isht asha pehlichi vhleha, micha i nan apesa vhleha moyuma kv itv-naha chi ka, apesa tok. Micha Pal ash isht ona cha itikba ya ont hilechi tok oke.

CHAPTA XXIII.

Pal vt isht il anumpuli, 1. 10 Pal vt atukla aboha kvlllo foka tok.
23 Pal vt nahullo miko Filiks a im ia.

1. MIHMA Pal vt hochitoka vhleha ya ai okchifelit pi-hisa mvt, Hatak il itibapishi vhleha ma! im anukfila ai achukma biektv Chihowa itikba ma ai ahanta li himak nitak fenvshke; achi tok.

2. Mihma na holitompa isht asha pehlichi Ananaivs ash ot, yvmma bilika hiohmaya tuk vt itih ha lvsalicha chi ka, miha tok.

3. Mihma Pal ash ot, Chihowa yvt chishno ak o chissa chi hoka, holihta kvlllo tohbi chia ka; nan vlpisa yo nan isht vm ai apesa chi hosh ish asha mvt, anonti nan vlpesa ya ai vlpesa keyu ka, sussa hi a ish miha cho? im achi tok.

4. Mihma a bilika hiohmaya tuk vt, Chihowa i na holitompa isht asha pehlichi a chik ahobalo ho? achi tok.

5. Mihma Pal ashot, Iloh itibapishi ma! yvmmak okvt na holitompa isht asha pehlichi ya, ak akostinincho ke tuk oke. Chim okla talaia pehlichi ya ik ahobalot ish anumpuli na, achi hosh holihiso hoka, achi tok.

6. Yohmi kia kashapa kvt Satusi okla yokma, anonti kashapa kvt Falisi yo akastininchi mvt, itvnaha itin takla ya tahpulvt, Hatak il itibapishi vhleha ma! vno vt Falisi sia, Falisi o ushi sia hoke; illi falamvt tana he isht a sai yimmi hatuk mak o, nan vm ai asilhvchi hoke; achi tok.

7. Yvmihehit anumpuli ma, itachowa anumpa kvt Falisi vhleha, micha Satusi vhleha aiena itin takla ya takakanli tok; mihma okla laua yvt ita kashapa tok.

8. Satusi iksa yokvt falamvt tana hi vt takanli keyu, mik-mvt enchil, micha shilombish aiena kvt iksho, achi hoka; amba Falisi yokvtu tuklonchit yimmit anoli hoke.

9. Mihma yahapa chinto kvt takali tok; mihma holisso-chi vhleha, Falisi apehanchi kvt wakaya cha, anumpa ha isht ai isso fehnvt, Nan ik vlpeso nana kia hatak ilvppa kil

ai akostininchoshke; amba shilombish okmá, keyukmvt en-chil okmá nana hosh im anumpuli tok okma, Chihowa ya kiloh itibo kashke; ahanchi tok.

10. Mihma okla itachowa chinto kv̄t takali ma, kv̄pitni chito ash ot, Pal a okla it̄i hvlat nipli na ahni kv̄t, komunta mvt, ont afov̄t mokofit im ishit, holihta kullo ya ant foka chi ho, tvshka chipota v̄hleha ya i miha tok.

11. Mihma yvmmak atuk ninak a, Chitokaka yvt ant a hikīvt, Pal ma! na chi yukpashke, Cheluselem a is si ai anohonli hatuk okvt, chiyuhmit Lom ma atokowvt ish ai anohonla chī pulla akinli hoke; achi tok.

12. Atuk o onnvt taha ma, Chu v̄hleha kaniohmi kv̄t iti-bai achv̄vt anumpa kullo ile onochit, Pal a okla vbi ho keyukmvt ik impo, micha nana kia ik ishko ka chi kv̄t, mihija tok.

13. Mihmvt pokoli ushta ka atampa hosh anumpa yakoh-mi ka ikbi tok.

14. Mihmvt na holitompa isht asha pehlich̄i, micha aso-nonchika puta aiena ka im ai v̄la mvt, Anumpa kullo fehna ka il il onochi kv̄t, Pal a ke bokmvt nana kia ke po ka chi hoke.

15. Yvmohmi hoka, himik a hvchishno, micha hochitoka v̄hleha hvsh ai itapeha kv̄t, yvmmak atuk ak o anonti achuk-malit i shahlichit im ai asilh̄vcha chi ho chohmit, kv̄pitni chito ya hvsh im anoli na, onna ha ma ymma isht hvchim ayashke, yohmikma yvmvt ilv̄ppa itomasi a ik lo ho e ba chi kv̄t pim v̄ltaha yoke; achi tok.

16. Mihma Pal in tek ushi yvt, ymma im aiechit maȳa ka haklo mvt, ivt holihta kullo a ont chukowa cha, Pal a im anoli tok.

17. Mihma Pal vt kv̄pitni v̄hleha ya achv̄vt pit hoyo cha, Hatak himita ilv̄ppa ilauct kv̄pitni chito ya isht im ona, yvmmak oka nanasi kia im anola chi kv̄t in takanli ho-ka; achi tok.

18. Mihma yvmmak ash ilauei cha, kv̄pitni chito ya isht im ona mvt, Pal aboha kullo fohka yak osh pit sa hoyo na v̄la li ho, hatak himita ilv̄ppvt nanasi kia chim anola hi vt

im asha hatuk o, ilauei chim vla la hinla ka, vm ahni tuk oke; achi tok.

19. Mihma kvpitvni chito yvt yvmmak ash ibbak a halvelli cha, naksika alumaka isht im ona mvt i ponaklot, Yvm-mak osh nanta mak o is svm anola chi kvv chin takanli hatuk o? achi tok.

20. Mihma, Yvmmak oka achukmalit i shahlichit im asilhhvcha chi ho chohmit, onnaha ma, Pal a ilauei ai itv-naha ya isht ish ona chi ka, chim asilhha chi kvv, Chu vhle-ha yvt itib ai achvfa tuk oke;

21. Yohmi kia chishno vto vlpesa, chik im ahno kashke; yvmmak okvt hatak pokoli ushta ka atampa hosh, yvmma im aiechi kvv ai asha hosh, yvmmvv anumpa kullo ya isht il onochit, yvmma okla ik bokmvt nana kia vpvv, ishkot ik mayo ka chi, isht il apesa tuk oke; yohmi hatuk osh himak a im vltahvt, anumpa falama ka auet chim a hoyot maya hoke; achi tok.

22. Mihma kvpitvni chito yvt hatak himita yash ant ik ia, im ahni mvt, nana ilvppa puta is svm anoli tuk vt hatak nana kia, chik im anolo kashke; im achi tok.

23. Mihmvv yvmmak ash ot kvpitvni tuklot hoyo mvt, Ninak hvshi kanvlli isht vlpisa ont atuchinakma, Sesalia ilh-kola chi ka, tvshka chipota tahlepa tuklo, micha issuba o binili tvshka pokoli untuklo, mikma na halupa ishi mvt tahlepa tuklo ho hvsh atahlashke.

24. Micha Pal a, okla o binilichit achukmalit isht ayvt, nahullo miko Filiks a isht im ona chi ka, nan vlvpoa ma, hvsh atahlashke, ahanchi tok,

25. Mihmvv ilvppak o yakohmichit holissochi tok.

26. Kilativs Lisivs vt nahullo miko holitompa fena Filiks a pit aiokpvchishke.

27. Hatak ilvppa Chu vhleha yvt ishi tuk; micha okla vba he tuk o; ilvppvt Lom hatak atuk o haklo li mvt, tvsh-ka chipota pehlinchit vla lish, okchalinechi li hokvno.

28. Micha kaniohmi ho okla anumpa onochi tuk okma, akostininechi ka sa bvna mvt ilaueit ilap itvnavvt maya ka iba chukowa li tuk.

29. Mihmvt yummak okvt ilap i nan-vlhpisa yak o anum-pa hvt isht im atoba hatuk o, akostininchi li tuk; yohmi kia isht ai illikmá, keyukmvt talachikmá nana he imma hokvto ik onvtulo ke tuk oke.

30. Micha Chu vhleha yvt hatak ash im aiechi hosh mgya ka vm annoa mvt, ashalika pit chin chvffichi lishke, mi-cha anumpa onochi vhleha mvt, yumma nana ho isht a miha hi vt im asha tuk vt, chishno chi tikba yak o a miha chi ma, aieninchit im apesa li tuk oke. Chi achukmakashke; achi tok.

31. Mihma tvshka chipota vhleha yvt, yummak osh im vlhpisa tuk okvt, Pal a ilauelit ninak o isht ayvt Antipetis a isht vla tok.

32. Ont onna ma yumma apihvt ia chi ka, issuba o binili tvshka ya ashachi cha, falamvt holihta kullo ya okla ona tok.

33. Yummak ashot Sesalia ya ai vla cha, holisso hash nahullo miko ya ant ima mvt, Pal ma aieninchit ibbak fobhi tok.

34. Mihma nahullo miko vt holisso hash pisvt issa mvt, ulhti nana ho vttvt aya hatuk a i ponaklo tok; Silisia ak atuk o akostininchi mvt,

35. Anumpa chi onochi vhleha ak kia ai vla hok mak o, chi haklo lashke; achi mvt Helot i nan ai vlhpisa chuka yak o, yummvt a foka chi ka, apesa tok oke.

CHAPTA XXIV.

Tatvlvs vt Pal a anumpa onochi, 1. 10 Pal vt isht il anum-puli
24 Pal vt nahullo miko tekchi ita tuklo ka Klaist isht im anum-puli.

1. YUMMAK atuk a nitak tahlapit taha ma, na holi-tompa isht asha pehlichí Ananaivs vt asononchika vhleha, micha hatak anumponli achvfa Tatvlvs hohchifo ho itapehvt vla na, yummak osh Pal a nahullo miko a nan isht im anoli tok.

2. Yummak ash pit hoyo na vla ma, Tatvls vt anumpa onochit ishtivt, Filiks holtompa fehna ma! chishno ak atuk mak o nukchinto fehnt il ahashwa chatuk, micha chishno vt nan chimponna pulla ho, nan isht im ai ahli achukma fehna kvv okla ilvppa ai i yvmohmi chatuk oke.
3. Nitak moma, micha kanima a mominchit yukpa fehna hosh, il aiokpanchi chatok oke.
4. Himmakma achakalechit ak chin takobecho ka chi na-na kia, nuktanla chia hvt, anumpa tilofasi ish pi haiyaklok-bano, chim ai ahni lishke.
5. Hatak ilvppvt, Chu vhleha yakni paknaka aiasha ka mominchit ai itin takla ma, nan isht ataklaiyamvt nan itachowa ma atohnochit aya mvt, Nasalin iksa ya in tikba hika yo e pisa hatuk oka.
6. Tempel ma aieninchit yvmvvt ik akobalo bvna ho, ilvppa il ishi kvv pishno pi nan vllhpisa yo, nan isht il im apesa chin tok.
7. Yohmi tuk kia kvpitvni chito Lisivs vt ayvt ant pi kohcha cha, kullo fehnt yummak ash pibbak a kohchit eshi cha,
8. Yumma anvmpa ai ikbichi vhleha yvt ayvt chishno a chim vla chi ka avehisa tuk; yummak oka chishno inlit im ai asilhhvchi hosh, anumpa isht il ai ikbichi hatuk puta ilvppa ish akostinincha chi hatuk oke, ahanchi tok.
9. Mihma Chu vhleha hak kia pit ataklammvt nana kash yvmvvt yohmi tok oka, ahanchi tok.
10. Mihma anumpula chi ka, nahullo miko vt pit im abvchi ma, Pal ash ot, Okla ilvppa nan im apesvt ish ahanta afvmmi kanohmi ka, chim akostininchi li hatuk osh, na yukpa fehna hosh isht ile anumpohonli lishke.
11. Vba pit aiokpvchi la chi hosh, Cheluselem ia li chash, nitak auah tuklo ka atampa keyu ka, ish ithaiyana hinla kama.
12. Yohmi ka tempel anukaka ya hatak nana kia ai itachowvt ahanta li, micha sinakak puta, micha tvmaha aiena ka okla ha ai ilhkolichit ahanta li, okla sa pisa tuk keyu.

13. Mikmt nana ka anumpa ma himonasi a okla isht a sai onochi tuk vt atokola he keyu hoke.

14. Amba ilvppak o chim il anohonli li, vno nana puyuta nan vlpisa holisso, micha hopaii vhleha i holisso aiena, a holihiso tok moma ka, yimmit ikxa inla yo okla achi hatuk oka, an tikba vhleha in Chihowa ya yakohmit aiokpahanchi li mvhlishe.

15. Micha, ahli mikmt ik ai ahlo, moma illi yvt tana hi a, yemma ilap ak kia yohmi, okla ahni akinli hoka, vno vt Chihowa ya pit anukchieto lishke.

16. Yohmi hatuk o Chihowa, mikmt hatak puta aiena itikba ya chukvsh mvt yoshoba iiksho bilia hosh ahanta la chi kvv achunanchi li chatuk oke.

17. Yvmmak a tok a afvmmi kanohmit taha ma, na hol-pila vm okla ha isht im aya li mvt, vba pit isht aiokpuchi puta aiena ka isht vla li tok.

18. Mih ho yvmmak o Chu kaniohmi Asia minti kvv okla laua yokma, keyukmt a yahapa itin takla yokma nana keyu, tempel anukaka yo, nahullochit vm vltahvt anta li ka, sa pisa tok.

19. Yvmmak osh chi tikba ma, ant maya tuk osh nana kia isht sa mihacha hi vt im asha tukmt acha he tuk.

20. Yvmmak keyukmt ilvppa maya kak inli kia vno vt nan ai apesa itikba hikia li ka, nan ik vlpeso nana kia vm ai akostininchi tukmt, ik mihá.

21. Amba yvma itin takla hikia li mvt, illi tani yak o isht tahpahanli li tuk, anumpa achvfa ilvppa illa tok o, himak nitak a hvchishno vt hvs svm asilhvchishke; achi tok.

22. Mihma Filiks vt ilvppa puta haklot, na yakohmi puta kash achukma fena ai akostininchi mvt, Kvpitni chito Lisivs ak osh vla hokmak o nana hvchim a kaniohmi ya okluha hvchim akostininchi lashke; achi mvt, im achakalechi tok.

23. Micha kvpitni hvv Pal a apesvcha chi, yohmi kia fohacha he, mikmt it ithvna ka vhleha yvt, nana ant isht im

vtta, keyukmvt im ai itanowvt maya ka, ik im olabo ka hi a, im apesa tok.

24. Yummak atuk a i himak nitak kanohmi ho, Filiks vt tekchi Chu ohoyo Tusila ya ilaueletit vla mvt, Pal a pit hoyo cha, Klaist a i yimmi imma ka im a haponaklot chieya tok.

25. Yohmi na yummak ash ot, ai ahli, mikmvt ile nukta-lanli, micha nan-vlhpisa hi vt mihinti aiena ka isht anumpo-honli ma, Filiks vt wvnihinchi mvt, Himak okvno ish iashke, nitak vt vm vlhpiesa hok mak osh pit chi hoyo la hi oke; achi tok.

26. Micha Pal vt tvi holisso kia ima na, i hotofa hinla ka im ahoba tok; yohmi hatuk osh chekosikma pit hoyo cha, itim anumpohonli beka tok.

27. Yohmi tuk kia yummak atuk a, afvmmi tuklo taha ma, Pashis Festvs vt Filiks vlhtobvt hikia tok; mihma Filiks vt Chu vhleha ya yukpali bvna kv, Pal vt talakehi na, issvt ia tok.

CHAPTA XXV.

Chu okla hvv Festvs itikba hielit, Pal a anumpa onochi.

1. YOHMI tuk o Festvs vt ulhti ha vla tuk a, nitak tuchina ont ia ma, Sesalia ya vttvt ivt Cheluselem a ona tok.

2. Mihma na holitempa isht asha pehlich, micha Chu vhleha i hochitoka aiena kv, yvmma Pal a ai isht im anoli cha, nan im asilhha tok.

3. Micha im aikpanchi cha, yummak ash Cheluselem a vla chi ka, pit hoyo na, takla im aiechit vba chi kv, im asilhha tok.

4. Yohmi kia Pal vt Sesalia yak inli ho anta pulla he, micha ilapo akinli mvt chekosikma, yvmma ia chi kv, Festvs vt miha tok.

5. Yohmi hoka hatak vlhpisa hvchi takla maya kv si apihvt ik ia cha, nan ik achukmo kv a takanli hatukma hatak ilvpa ont ik atokoli; achi tok.

6. Micha yummak ash takla ahanta na, nitak pokoli ka ont atampa ma, iyt Sesalia ya ona tok. Atuk osh ont onna ma, nan apesa aiasha ya om binili mvt, Pal a isht vla hi a miha tok.

7. Atuk o yummak ash ot vla ma, Chu vhleha Cheluselem mintit vla tuk vt, afoluplit hiohmgvyt anumpa lana, micha okpulo fehna ho, ai ikbichit Pal a onochi mvt, yummak ash ai atokolit ahlicha he keyu ki tok.

8. Mihma ilapo inlit isht il anumpulit ahanta mvt, Chu okla i nan vllhpisa, micha tempel, mikmvt Sesa yak okma nana kia, nana ka isht ai i yoshoba li iksho kvmohmishke, achi tok.

9. Yohmi kia Festvs vt Chu vhleha ya yukpali bvna kvt, Pal a afalaminchi mvt, Cheluselem a ish ona cha, sa tikba hikiyt ilvppak atuk puta kvt nan isht chim vllhpisa hinla cho? achi tok.

10. Mihma Pal ash ot, Nana vm ai vllhpisa he ai vllhpisa mak o, Sesa vt ai asht nan apesa yo hikia lishke; Chu okla hoka nana ik achukmo nana kia, ai i yvmohmi li iksho ka, chishno vt ish ithaiyana fehnvshke.

11. Uno vt anumpa kobeffi sia hokma, keyukmvt isht ai illa he vllhpisa kaniohmi ho a si yvmohmi tuk okmvt, ik svllo ka hi a ak ahnoshke, Amba ilvppa puta kvt takali ho anumpa ma yakohmi kvt a sai onochi keyu hokmvno, hatak nana kia sash ibbak ma ik fohko kashke, Sesa ya achakvllit pit im anoli li mak oke, achi tok.

12. Mihma Festvs vt nan itibai apesa vhleha ya itim anumpulit issa mvt, afalaminchit, Sesa yak o ish im anoli mak o? Sesa yak o ish im iashke, achi tok.

13. Atuk o nitak kanohmit taha ma, miko Ekilipa, micha Banisi ita tuklo kvt, Festvs a aiokpvchit aya hosh Sesalia ya itvlachi tok.

14. Micha yummak ash ant ashwa na nitak kanohmi ma, Festvs vt Pal nana im a kaniohmi ya, miko im anolit, Hatak achvfa kvt talakchi na, Filiks vt issvt ia tok a ashvshke.

15. Mihi yo Cheluselem ont anta li ma, na holtompa

isht asha pehlichy vhleha, micha Chu in tikba vhleha aiena kv̄t nan im apesakbano, ahnit v̄m anoli tok.

16. Mihma afalaminchit, Anumpa onvtula tuk vt anumpa onochi ya nashuka bika ita sanali keyu, micha nana isht a kaniohmi nan ash onvtula tuk vt, mihma isht il anumpula he mvt, ik im v̄lhpeso kisha ka Lom okla hv̄t hatak nana kia illi issa, im ai v̄lhpesa chatuk keyu hoke; im achi li tuk.

17. Yohmi hatuk o ilv̄ppa okla ai v̄la ma, ahchiba iksho ont onna ma, nan apesa ai o binili ya o binili lish hatak ash isht kohchvt v̄la ch̄i ka, apesa li tok.

18. Mihma anumpa onochi vhleha yvt wakayvt hielī mvt, yakohma ch̄i ka ahni li tuk amo, achv̄fali kia isht ik onocho ki tok.

19. Amba ilapo v̄ba pit anumpuli isht a tobvt maya, mik-mvt Chisvs illi tok, yvm̄mak o Pal ak osh yvm̄mvt okchaya kak pulla, miha kak o; yvm̄mak o anumpa isht onochi tok.

20. Mihma anumpa ymma chohmi ka, nan ai anukfilli ak ithano hatuk osh, Cheluselem ak o ona cha, yvm̄mak o ilv̄ppa puta kash ot nan isht im ai v̄lh̄pisa hinlakma, nana ka i ponaklo li kv̄no.

21. Yohmi kia Pal vt anumpa h̄a Akv̄stvs vt atoshowa ka, hakla he pulla h̄o ahni ma, apesanchi tuk o Sesa ya pit in chv̄ffichi la he vt miha li tuk oke; ahanchi tok.

22. Mihma Ekilipa ash ot Festvs a, Uno ak kia hatak yvm̄ma i haponaklo la hinla, im achi ma; Onna ha mak o, ish i haponaklashke; achi tok.

23. Atuk o ont onna ma, Ekilipa, micha Banisi aiena kv̄t shema chinto fehna hosh itvlachi cha, kv̄pitv̄ni hochitoka vhleha, micha hatak holiṭompa vhleha v̄maha asha tuk a, ai itapeha cha ai asht na haklo ya pit abeha ma, Festvs im anumpa h̄o Pal a isht kohchit v̄la tok.

24. Mihma Festvs ash ot, Ekilipa m̄iko, micha hatak pi apchvt ilv̄ppa hv̄sh maya kv̄t momvt hatak ilv̄ppa, Chu okla laua yvt moyumvt, yvm̄mak okvt himmakma okchayvt ahanta na ahchiba he v̄lhpesa keyushke, ahanchit Cheluselem, mi-cha ilv̄ppak inli aiena ka, ai v̄m v̄la beka tuk mak o, hv̄sh p̄ih̄jvs̄shke.

25. Yohmi kia nana hō isht ai illa he vhpesa ka yumoh-mi tuk keyu; micha ilapo akinli mvt anumpa ha achakalin-chit Akstvs a im anoli mak atuk o, akostininihi li mvt, pit chvffichi ka vm-anukfihinla tuk okano.

26. Mih hosh nana hō yumma ai isht, a shahli ha pit i holissochi li fehna hi vt ik svm iksho: yohmi hatuk osh nana im asilhvchi yak osh asht issa ha yokmvo, nanasi ka holissochi la he vt vm asha hinla kak osh kohchit hvchi tikba, micha chishno ak o fehna kak o chi tikbi ya ant hilechi lishke, miko Ekilipa ma!

27. Anumpa mvt isht ai onvtula ka atokowa ma anoli ka aieninchi hō keyu kv, aboha kvlo foka ya pit chvfficha he vhpisa keyu ka, vm ahoba hokvt; ahanchi tok oke.

CHAPTA XXVI.

Pal vt Ekilipa a itikba hiki vt kaniohmit aya chatuk puta kv anoli, 1.
12 Pal vt vbanumpuli toba tok vt anoli.

1. MIHMA Ekilipa ashot, Chishno isht ish il anumpula chi kv, chim vhpesvshke, Pal a im achi tok. Mihma Pal ash ot ibbak a pit fahvmmi mvt, isht il anumpohonli tok.

2. Chu vhleha yvt anumpa isht a sai onochi tok imma puta ka mominchit himak nitak a, chi tikba hiki vt isht il anumpohonli la chi kv, na yukvt vm anukfihinlvshke, miko Ekilipa ma!

3. Chu okla i nan vhpisa puta, micha anumpa ai isht itachowa puta aiena ka, chishno vt chimponna pulla hatuk mak o; yohmi hoka achukmalit a haponaklobkano, chim ai ahnilishke.

4. Ulla sa tomba tok takla, yummvt vmmona ka vno vm okla talaia ai itin takla Cheluselem ak a tok oka, nana a kaniohmit mihinti li puta ka, Chu vhleha yvt momvt itahnvshke.

5. Ummona kash inli hō, svthanvt isht auehinchit tok, yummak osh vbanumpa isht pim iksa apissali kv moma i shahli, Falisi yosh ahanta li tok a, anola hinla chishke.

6. Micha Chihowa yvt hvpin tikba vhleha ya anumpa ima tok a, a yimmi hatuk pulla hosh himonasi a hikiyt nan vm vhlpisa mak oke.

7. Anumpa tok ymmak o pisa ka, aiahni hosh pim okla auah tuklo kvv nitak, ninak puyuta ka Chihowa ya pit aiokpahanchi na bilia hoke. Na pit ai ahni ymmak pulla ho, Chu vhleha yvt anumpa isht a sai onochi hoke, Ekilipa miko ma!

8. Chihowa yvt illi puta ka tanicha hi a, katiohmi ho ayimma he keyu nana ho hvchim ahoba cho?

9. Uno vt Chisvs Nasalet vta hohchifo ha i sanalit nana ka lauachit a si yvmohma he tuk oka, ahnit il anukfilli li mvhli tok.

10. Mihmvt na ymmak ash Cheluselem a ai yvmihinchili i akinli tok; micha na holitompa isht asha pehlichichhleha yvt vm apesa hatuk o, vbanumpuli lauachit aboha kullo pit apihinta li tok; micha okla vba chi ka vno vt vhlpesa, ahanchi li tok.

11. Micha sinakak puta ka ai ilbvshahanchi li mvt, Chihowa pit ik ahobalot anumpula hi a, atvshpalihinchili li tok; micha yohmi ka i nukkilli li fehna hatuk osh issikkopali kvv, yakni inla vmaha puta kak kia isht aya li tok.

12. Ymmak o na holitompa isht asha pehlichichhleha yvt atokowa, anumpa kullo ai ahli achukma ka vma na, ieshi hosh Tamaskvs a ia hosh aya li tuk o,

13. Ont tvbokolik fehna, hina takla ya, tohwikeli vba minti kvv shohmalali kvv hvshi a imaiya hosh, tommit vno, micha si apehvt powvt aya tuk aiena kash a folupli na, pihsa li tok oke, miko ma!

14. Mihma momvt aka ont pi kaha ma, anumpa hvv vm anumpuli kvv, Heblu anumpa yo Sal, Sal ma! nanta katiohmi ho is sulbvshali cho? Na halupa puta ho pit ish hvhli kvv chi palvmmi hoke; ahanchi na haiyaklo li tok.

15. Micha, Kva chia hoh cho. Chitokaka ma! achi li tok. Mihma, Uno akosh Chisvs ish issikkopali a sia hoke.

16. Yohmi kia chishno a vbanumpa isht vta, mikmvt nana ish pisa tuk ilvppa, micha nana chim ottvvinchi likma,

yvmma puta ka ish anohonla he aiena ka, chikbi la chi, apisali ilvppa pulla hosh chi haiaka li hatuk oka; wakyut chiyi a isht ish hikiashke.

17. Okla ha, micha oklushi nan ik ithano vhleha aiena ka akohchit chi hlakofichi li hatuk okvt.

18. Yvmmak oka i holhponayo ha fatummi, anonti ai okhlilika ya a filvmmichit tohwikelika ya isht onvt, micha Seton apchichi a akohchit Chihowa ya isht ish im ohona na, nan ai ashvchika puta isht a akashofa ka, micha vno a yim-mika pulla hosh isht kashofa tok puta ka, iba takla ai ahanta aiena ma, ahayucha chi mako himak a pit chi chvffihinchi lishke; achi tok.

19. Yohmi ma vba mintit haiaka kash ik im antiot ahanta li tok keyushke, miko Ekilipa ma!

20. Amba ile kostininchii cha filemvt, Chihowa ya okla im ona cha, ile kostininchii yvt a yohmi ai vllpiesa ho yvmohmit aiasha li a, vmmona ka, Tamaskvs, mikmvt Cheluselem, micha Chutia yakni afulloa moma aiasha ka mominchit im anoli li mvt, anonti oklushi nan ik ithano vhleha ma im anohonli li tok oke.

21. Yakohmi puta pulla hatuk mak o, tempel anyakaka ya anta li ho, Chu vhleha yvt sashi cha, svbi bvnvt maya tok.

22, 23. Chihowa yvt si apelahanchi hatuk mak o, hopaii vhleha, micha Moses aiena kvv nan a kaniohma he, Klaist vt illvsha he, micha yvmmak osh illi tani ka tikba he, micha okla hash, mikmvt okla nan ik ithano vhleha aiena ka tohwekeli ka i haiakvcha he a, ahanchi tok a, yvmma nan isht inla yo miha keyu hosh avno, micha chipunta aiena ka im anohonli kvv, himak nitak a sa moma hoke, ahanchi tok.

24. Yakohmihchit isht il anumpohonli ma, Festvs vt chitolit anumpulit, Pal, chi tasimboshke; holisso chimponna fehna kak osh isht chi tasimbo hoke; achi tok.

25. Mihma, Sa tasimbo ho keyushke; amba anumpa aghi, anumpa kostini yo anumpohonli li hoke, Festvs holi-tompa fehna ma!

26. Miko vt ilvppa puta ka ithaiyana ho, itikba ma hikivt

nukwaya ikshot anumpuli li akinlishke. Nana ilvppak okvt chukbika yo a ymohmi tok keyu hoka. A yakohmi puta kvt achefona kia in luma keyu ka, vno vt akostininechi li hoka.

27. Miko Ekilipa ma! hopaii vhleha im anumpa ha chi yimmi cho? Chi yimmi ka ithana lishke, achi tok.

28. Mihma Ekilipa ash ot Pal a, Ubanumpuli toba la hi a is si anukfokichi naha fehnvshke; im achi tok.

29. Mihma Pal vt, Chishno ak o bano keyu, amba himak nitak a sa haklo kvt moyumvt naha fehna cha, anonti fehna, vno ak o chiyuhmi hosh, amba talakchi yakohmi kano keyu hosh, hvsh aiasha hi a, Chihowa ya pit im asilhha li hoke; achi tok.

30. Yakmihchit anumpulit issa ma, miko vt, nahullo miko, micha Banisi, mikmvt apehvt chieya tuk aiena kvt wakaya tok.

31. Micha naksika onvt taha mvt, Hatak ilvppvt isht ai illa he, micha isht a talakcha he ai vlhpesa nana ka, nana ho a kaniohmi kvt ikshoshke; achit itim anumpuli tok.

32. Mihma Ekilipa vt, Hatak ilvppvt i holhtufa hinla tuk, Sesa ako achakalit im anola chintuk keyu hatukmvt; Fes-tus a im achi tok oke.

CHAPTA XXVII.

Pal vt peni fohkvt Lom pila ia hosh aya, 1. 14 Mahli kvllo vt peni a onvtula. 39 Yakni a ont ahayuchi cha okla hlakofi.

1. MICHA peni fohkvt Itili ya il ona hi a ai vlhpisvt taha ma, Pal, micha aboha kvllo fohka inla kaniohmi aiena ka, tvshka chipota Akvstvs ai itapeha i kvpitvni, Chulivs hohchifo ho ibbak fohki tok.

2. Mihma Hlessalonika tmaha Masetonia hatak, Alistavkvt vt piba foka hatuk o, Asia ya pit lapalika okla e maya chi mak osh pim anukfila hosh Atlemitivm peni yo pit il vlbeha mvt il ilhkoli tok.

3. Atuk osh ont onna ma, Saitvn a ont il ataya tok; mih-

ma Chulivs vt Pal a i kana fehnvt isht aya mvt, i kanomi vhleha aiasha ka ona cha, impa hinla chohmi ka, im apesa tok.

4. Atuk o ymma asht il ilhkoli mvt, mahli hak osh ai isso hatuk o Saipilvs a nutaka il aya tok.

5. Micha Silisia, mikmvt Pafilia aiena okhvta ha pit il a hlopulli mvt, Lishi yakni, Maila tmaha ha e la tok.

6. Mih ho ymmak o Aleksantia peni yvt Itili ya ia hosh aya na, kvpitni hvt pisa cha, ymmak o pishno ash pit pi apitta tok.

7. Mihma svlahvt il itrnova na nitak kanohmi hosh, Naitvs a ont kil i chapo kisha chiyuhmi ho, mahli hak osh pi a sanali hatuk o Salmoni i chapa ka Klit ak o nunta asht il aya tok.

8. Micha ymmak ash ont kil aiyo chohmi hosh, peni ai ataya achukma hohchifo ho e la tok; ymmak o bilika yo Lesi tmaha hvt talaja ha tok.

9. Atuk o ahchiebvt taha, micha nahullochi hvt ai issa-chi ha ya tuk o, himak okak heno peni isht aya ka ai achukma he keyu hatuk o, Pal ash ot nan i miha tok.

10. Mihmvt, Hatak puta ma! himak okhvta aya ka nana kvrt ai okpulo kvrt knihia fehna chishke, vhpoyak, micha peni aiena kak bano keyu; amba hvpim ilhfopak vt aiena chi ka akostinichi lishke; im ahanchi tok.

11. Yohmi kia kvpitni hash ot, peni vt immi hatuk, mi-cha isht aya pehlichia aiena kak o i yimmi kvrt, Pal vt nana anumpuli tuk a, im i shahli tok.

12. Micha peni ai ataya yokvt hvstula ya aiasha achukma keyu hatuk o, ymma asht achakvlit ivt kaniohmi kia yohma hinlakmvt, Finisi ymmak okvt Klit peni im ai ataya yosh falvmmi im okvtula imma pit bachayakmvt, anonti oka mahli im okvtula imma ma pit hikia ho, ona cha hvstula ya ymmak o okla asha hi a, miha kak osh laua kvrt i shahli tok.

13. Atuk o oka mahli hvt lomvt mahli ma, okla nan ahni tuk vt im vhpesa, im ahoba mvt, hotofi cha, Klit pit a bilikasit peni isht aya tok.

14. Yohmi tuk kia yummak atuk a hopaki keyu ho, mahli kullo fehna tobt, Yulaklitn hohchifo hosh ai isso tok.

15. Mihma peni vt atapvchit kenia cha, mahli ha a sanalit ia he keyu ma, ant shalit isht ik aya, il ahni tok.

16. Mihma shalit ishtia ma, yakni tashaiyi achufa Kilati hohchifo ho nutaka ona ma, penushi yak osh palvmmi ho isht e mihinti tok.

17. Yummak ash o okla hulat ishi mvt, apelvchi kv peni chito ash afohlit takchi mvt; anonti ik yohmokma, okhvna ont ai issa hinla ka, nukshopa kv na hvta ha ai akvchi na shalit isht aya tok.

18. Atuk o mahli kullo ka e takakanlit aya fehna hatuk o, ont onna ma, peni a okla shohhvlachi tok.

19. Atuk osh nitak ont atuchina ma, pishno pibbak akinli ho peni isht talakchi ya ishit kocha pit e kampila tok.

20. Micha nitak kanohmi ka, hvshi, mikmvt fochik nana kia ik haiako ma, anonti mahli kullo mvt atampa fehna hosh pi onvtuyula ma, pi okchaya he pit ahomba kash ot, momvt pi kvnia tok oke.

21. Yohmi kia okla ik impo ho hopakit taha ma, Pal vt wakayvt itin takla hikia cha, Holitopa vhleha ma! vno ak o hvs sa haponaklo tukmvt, Kilati a hvchik a hotofo ke tuk osh, nan okpulo, micha nan kvnia aiena ilvppa hvchik peso ka he tuk oke.

22. Yohmi kia hatak hvsh achvfona kia im ilhfopak vt a kvnia chi keyu, amba peni ak illa chi hoka, hvchi yukpa hi a hvchi miha lishke.

23. Himak ninak a Chihowa yummak o immi sia hosh, mihi yo im atihya li yatuk mak o, im enchil vt sa tuma ya hikvt,

24. Pal vt ik chi nukshopo kashke. Sesa itikba ya ish ona chi pulla hoke; mikmvt Chihowa yvt ai itapehvt peni isht hvsh aya ka, yumma mominchit chima hoke; ahanchi tuk oka.

25. Yumohmi hoka holitopa vhleha yvt na hvchi yuk-

pashke; nana vm annoa tuk fena kvt ont vhpiesa chi ka, Chihowa i sai yimmi hoka.

26. Yohmi kia yakni tashaiyi kaniohmi ho, ont iloh o hlatapa chi hoke; achi tok.

27. Yvmohmi tuk o ninak vt ont isht auah ushta mak o Atelia okhuta ha e fullokahanchi na, ninvk iklvna foka ma, peni isht aya vhleha hash ot yakni nana mak o pit bilika ona ho, im ahoba tok.

28. Micha oka ya apesa mvt, ashatvpa pokoli tuklo ho akostininchi tok; atuk osh achakvilit ivt mishema ona mvt, anonti apesa ma, ashatvpa auah tahlapi na pisa tok.

29. Mihmvt tvi hochito ka ont ai issa hinla kvt, okla nukshopa kvt, yakni yichifi ya ushtat peni hasimbish a pit ai okvchi mvt, onnakbano ahnit aiasha tok.

30. Mihma peni chito isht aya vhleha yash ot peni chito ya a kochea wihvt yihlepa chin cha, penushi yash okhuta ha pit oka talali mvt, yakni isht yichifi ya peni chito itikba ya pit ai oka kapulla hi a ahoba ma,

31. Pal vt, kupitni, micha tvshka chipota vhleha aiena kash, Yakohmi kak osh peni chito anukaka ya maya ho keyukma, hvchi okchaya he keyushke; im achi tok.

32. Mihma tvshka chipota vhleha yvt peni ushi isht-talakehi ya chanlit hokofi na akia tok.

33. Atuk o onnvt mihinti ma, Pal ash ot, momvt impa hinla ka, im ahni mvt, Nahullochit hvsh ahashwa cha, nana kia hvchik impo mak o himak vt nitak ont isht auah-ushtvshke.

34. Yohmi hoka nanasi hvsh impa hinla ka hvchim ahni lishke. Ivppak o hvsh ai okchaya chi mak okvt; hvsh achvfona kia chi noshkobo ha pashi vt ai akia chi keyu mak oke; achi tok.

35. Yakohmihchit anumpulit tahli mvt, pvska ya eshi cha, moma itikba ya Chihowa pit ai aokpachi tok; micha tushtuli mvt, impvt ishtia tok.

36. Yohmi ma momvt yukpa chukma mvt, yvmmak ash kia okla impa tok.

37. Micha peni il alhto kv̄t e moma kv̄t hatak tablepa tuklo cha pokoli untuklo akucha hannali il aiena tok.

38. Micha impa kv̄t okla ont im v̄lhpesa mvt, onush a okla okhvta pit oka hlahlit peni a shohhalali tok.

39. Atuk o onv̄t taha ma, yakni ya okla ik ithano ki tok; yohmi kia okhvta filvmm̄nchi yv̄t v̄hli hvt auet asha h̄o, okla pit pisa mvt, yohma hinla yobakma, yv̄mma peni ya ont fohka ch̄i kv̄t okla im anukfila tok.

40. Micha isht yichifi ya okla kohchit aiowa mvt, okhvta h̄a okla im ile kaiyanchit peni isht afana isht talakchi a hotofi cha, nan tohbi shv̄pha wishakchi fehna takali ya mahli h̄a pit a asanalichit v̄ba takalichi mvt, oka v̄hli pillaka, okla ia tok.

41. Micha okhvta tuklo ai itafama ya pit v̄lhto cha, peni ash yakni ont on talali tok; mihma ibbish imma kv̄to a kv̄lloṭ kv̄nia cha ilhkola he keyu hosh talaya ma, amba hasimbish pila hamo oka banv̄tha kv̄llo fena kv̄t okp̄v̄nit kanchi tok.

42. Mihma tv̄shka chipota v̄hleha hash ot aboha kv̄llo v̄lh̄pita yatuk a v̄ba hinla, yv̄mmak keyukma, kanima mvt okshonullit kohcha cha, hlakofa hinla ka, anumpulit maya tok.

43. Yohmi kia kv̄pitv̄ni hvt Pal a okchal̄nchi b̄v̄nna hatuk osh, okla nan ahni tuk a im olv̄bbi tok; mihmvt kanima hosh okyohla hinla kak osh tikba okhvta h̄a pit oka kahvt kocha ona ch̄i ka,

44. Mikma inla kanimi kv̄t iti b̄v̄sha ȳo o binohli ma, kanimi mvt peni pahlahli yak o o binohla ch̄i h̄o, miha tok. Mih hosh yakohmi tok; momvt nana kaniohmi iksho hosh yakni ya, okla onv̄t hlakofi tok oke.

CHAPTA XXVIII.

Pal, micha apehvt aya tuk aiena kash okla nan ik ithano v̄hleha hvt i kana fehna, 1. 8 Pal vt yakni tashaiyi abeka aiasha tuk a laua h̄o hlakofichi. 16 Pal vt Lom a v̄la mvt, Chu okla h̄a v̄bi isht im anumpuli.

1. **MICHA** okla hlakofi mvto yakni tashaiyi vt Milita hohchifo hatuk o akostinichi tok.

2. Mihma okla nan ik ithano vhleha yvt pi kana kvf pel chohmi tok keyu; mihma uhumba hatuk, micha kapressa aiena hatuk oka, okla luak oti cha, mominchit pehllichit pishi tok.

3. Mihma Pal vt iti chipunta laua itahobit, sholit luak a ant itoyashachi ma, sinti okpulo fena yvt luak lvshpa ka vttvt kohchvt, ibbak a apakfoa tok.

4. Mihma sinti okpulo fehna yvt ibbak a a takanli na, oklushi nan ik ithano vhleha yash ot pisa mvt, Ik kaniohmi kia hatak ilvppvt hatak bika vbi pulla tuk osh, okhvt hokvno i hlakofi tuk nana kia, na palvmmi ak okvto okchgyvt ik anta, ahni keyu hoke; ilap bika itim achit maya tok.

5. Mihma sinti yash fahlit luak pit itvchi mvt, nan ik kanihmo ki tok.

6. Yohmi kia shatalikma, keyukmvt ashalika illit aka itulakma nana chi kak o, im ahobvt maya tok; yohmi tuk kia okla pisa na hopaki ho, nan ik i kanihmo ho pisa mvt, inlvchit im anukila mvt, yvmmak ash nan isht-ahullo hoka, achi tok.

7. Yakni yvmmak oka yakni tashaiyi ya apelhichi Publiivs hohchifo ho, im osapa yosh talohmaya tok. Atuk osh yvmmt pi kana achukmvt pehllichit pishi na, nitak tuchina il ashwa tok.

8. Atuk o yakohmi tok, Publiivs iki vt yvha, micha isshikfia aiena ho isht abeka hosh ittoyula tok; atuk o Pal vt yvmmak ash ont iba chukowa cha, vba pit anumpulit ibbak a isht umbitepa mvt, hlakofichi tok.

9. Ilvppvt a yakohmi ma inlaka ak kia, yakni tashaiyi yvma abeka maya tuk vt ai vltv hlakehoi tok.

10. Michu yvmmak okvt nan isht a holitopa laua ka isht pi holitobli tok; micha kocha il ilhkoli ma, nana kia isht aya he vlvhesa puta ka okla pi shalichi tok.

11. Mihma hvshi tuchina kvf taha ma, Aleksantia peni yosh yvmmt yakni tashaiyi yak o hvstula ya takanli tok; micha hohchifo mvt Kasta, mikmvt Palvks aiena hosh lapali ho, pit vltot il ilhkoli tok.

12. Micha Sailekus a ont il ataya cha, yemma il ashwa na nitak tuchina tok.
13. Yemma asht e minti mvt apakfompvt mihintit Lichi-vm a e la tok; atuk o ont onna ma, oka mahlit mahli ma, mintit nitak ont atukla ma, Putioli, ya e la tok.
14. Yummak o il itibapishi vhleha ya ant il ahayuchi ma, takla e maya na nitak untukla chi ka pim ahni tok; yohmi ma Lom pila imma pit il ilhkoli tok.
15. Mihma yemma asht il ilhkoli ka, il itibapishi vhleha yvt pi haklo mvt, Api Folvm, mikmvt Ai-impa chuka tuchina heli ka ai vhlil kak o, ant a pi afamvt itvnowa tok, Pal vt yemma pisa mvt, Chihowa ya, yakoke, pit im ahni mvt, ayiminta tok.
16. Atuk o Lom a okla il ai vla ma, kvpitvni hvt aboha kvlo vhpita yatuk a nan apesvchi i kvpitvni ha ont ibbak fohki tok; amba Pal ano ik yohmi im ahni na, ilap bano hosh isht aya tuk tvshka chipota ya awant anta tok.
17. Atuk o yakohmi tok, nitak tuchina ont taba ma, Pal vt Chu hochitoka vhleha ha hoyot itahobi tok; micha itahoba ma, Hatak il itibapishi vhleha ma! vno vt okla hoka, micha pin tikba nana a kaniohmi a puta kia nana im ai isht a kaniohmi li kvv iksho nana kia, Cheluselem a vttvt talakchi yosh Lom okla ha ibbak fohka li hokvno.
18. Atuk o yummak ashot okla achukmalit vm asilhhv-chit taiyahli mvt, isht ai illa he vhpesa mvt, si a takali keyu hatuk oka okla a hotofa he tuk.
19. Yohmi kia Chu vhleha yvt yemma a sanalit anumpuli ma, vno vt ik kaniohmi kia, Sesa ya im anoli la hi vt, vm anukfila ha tok; vm okla talaia ka nana ho isht ai atokoli la hi vt vm asha ha tok o keyushke.
20. Yvmohmi hatuk osh ileppa a yakohmi pulla kak o hvchi pivt isht hvchitim anumpuli la chi hosh hvchi hoyo li tuk oke; Israel nan pit ai ahni a tok pulla mak o, tvli itakoli ileppvt isht sa talaiyakchi hokvt; im ahanchi tok.
21. Mihma, Chishno a chi nanumachi holisso kvv Chutia ya minti kvv ik pim vlo; yohmikma il itibapishi vhleha ak kia ai vla kvv kanima mvt, nana ik achukmo nana kia chi anolit anumpuli chatuk keyushke.

22. Yohmi kia chishno nana isht chim anukfila kano haklo ka il ahnishke; amba iksa ilvppak okvno na mihachi kvt kanima mominchi hoka, il ikhaiyanvshke; okla im achi tok.

23. Micha nitak okla pit im apesa tuk o, laua kvt ai vta ya okla ant iba chukowa tok; mihma ymmak osh Chihowa apelihika ya atokolit im anolit, Moses i nan-vlhpisa, mi-cha hopaii vheha i holisso puta ka akohchit, Chisvs a isht ai anukfokichit ahanta na onnabinli tuk vt opia tok oke.

24. Yohmi ma nana kvt anumpa tuk puta ka kanimi kvto yimmi ma, anonti kanimi mvt ik yimmo ki tok.

25. Micha okla ik ai it achvfo mvt, Pal vt anumpa achvfa anumpulit, Shilombish Holitopa yvt hopaii Esaiaa a, ahli hosh ai isht anumpulit hvpin tikba vheha ya,

26. Oh ia cha, okla ilvppa haklo hokvno hvsh haklo kia hvchik akostinincho ka hi oke; mikmvt pisa hokvno hvsh pisa kia, yakohmi hvchik ai ahno ka hi oke; hvsh in ahanchashke.

27. Ymmak keyukmvt nishkin a ishit pisa cha, anonti haksobish ma, ishit haklokmvt, anonti chukvsh a akostininchi cha inlv im anukfila na, hlakofichi la hinla ka, okla ilvppa chukvsh vt nusilhha fehnvt taha ma, anonti haksobish mvt haponaklo kvt in takobi ma, anonti nishkin a okla okhishita hoka; im ahanchi tok.

28. Yvmohmi hoka, Chihowa yvt isht ai okchalinchia ya okla inla puta kak o ima ka, ymmak kvto haponakla chi hoke, hvsh ithaiyanashke; achi ma, tisheli tok.

29. Yvmvt anumpa ilvppa ahanchit ont issa ma, Chu vheha yvt tisheli cha, ilapo bika yak o itim anumpuli fehna hosh maya tok.

30. Yvmohmi ma Pal vt, ilap chuka puta tuk vt ahanta na, afvmmi tuklo vlhpiesa hlopulli tok; yohmi mvt kva hosh i nowvt ayvt vla ka aiokpahanchi banot,

31. Chihowa apelihika ya isht anumpulit, hatak nana hosh im avmmi iksho ho, nana kvt Chitokaka Chisvs Klaist a pit ai ahalaia putakma nukwaya iksho hosh im abahanchi beka tok oke.

HOLISSO PAL VT CHVCH LOM

A HIKIA HO I HOLISSOCHI TOK.

CHAPTA I.

Vbanumpa yimmi Lom aiasha ka Pal vt pit aiokpvchi, 1; 16 Vbanumpa hvt nana, micha nan vhlpiesa nana ho isht otaiyani; 18 nashvchi moma ka Chihowa yvt i nukkilli; 21 nan ik ithano okla nan im ai ashvchika yvt nana hatuk okma anoli.

1. PAL, Chisvs Klaist in tishu, apostel toba kv, Chihowa im vbanumpa isht vtta hi osh vltoka tok vt,

2. Ymma tikba pilla kash o Chihowa hvt Holisso Holitopa yak o i hopaii vhleha ha isht ai anohonli kv,

3. Ilap Ushi Chisvs Klaist hvpin Chitokaka, ymmvt haknip imma hokvno Lewi isht atiaka yo isht atoba kak atok;

4. Micha shilombish holitopa hokvno illi tuk osh falamvt tani kak osh Chihowa Ushi nan im ai ahli fehna kv isht otaiyani ai okluha tok:

5. Ymmak atuk pulla mak o isht ai i kana, micha vbanumpa isht-ai vtta vltoka aiena ka il ai eshi ka, oklushi moyuma kv vbanumpa ha im antia na ilap hohehifo hvt isht a holitopa hi atok:

6. Ymmak o ibai achvvt Chisvs Klaist a im a hvchi vltohoka tok:

7. Lom aiasha moyuma Chihowa i holitopa, vbanumpuli tohomba tok moyuma ka Piki Chihowa, micha Chitokaka Chisvs Klaist ita tuklo nan isht i kana, micha nan isht it i nanaiya ita tuklo kv hvchi anukfoyukashke.

8. Ummona ka Chisvs Klaist ak atuk mak o hvsh moyuma ka hvch ithaiyanvt, na hvchi yimmi hoka annohovvt

yakni moyuma ka a hlopulli kak o, an Chihowa ya yak oke, pit im ai ahni li hoke.

9. Yohmi ka yummak oka ilap Ushi im vbanumpa hak o ai isht sa shilombish oka isht in toksahanli li kv, anumpa ilbvsha anumpuli li puta kv pit hvch ithaiyana bieka hosh, isht hvchi anumpohonli li kv ak isso kamohmi hoka, Chihowa yak osh nan atokowa si anoli yoke.

10. Himak a yohma he yoba tuk o nitak vt ik hopako kia achukma biekv ayvt, Chihowa yak osh ai ahni pulla na hvchim ona la he ak osh asihhla lishke.

11. Yohmi ka hvchi pisa sa benna fehna kv, shilombish isht im achukma he yak o hvchi hopela li, nana ka isht hvchi hlampka hi atok.

12. Ilppvt nana ka hvch ibai yukpa li hokbano, na yimmi bika pia hatuk oka, achi li hoke.

13. Yohmi ka itibapishi li vhleha ma! hvch im ona la hi okvt himonna vm anukfihinla kv, nan-vni kaniohmi ka hvch itintakla ya ai ishi li kv, Chentail inla vhleha ha ai ihishi li tok a chiyuhmi ak inlikbano ahni li tuk kia, si ataklama na himak a hvch ik ithano ka he ai ahni li keyu hoke.

14. Klik, micha Bvlbaha vhleha, nan ithana, nan ik ithano aiena ka vbanumpa ha isht im anumpohonli la he vm vlpisa hoke.

15. Yohmi hoka, vno yokvto Lom hvsh ai asha kak kia, vbanumpa isht hvchim anumpohonli la chi kv vm vltaha hoke.

16. Yohmi ka Klaist im vbanumpa ha i sa hofahya he keyu hoke: yohmi ka yummak okvt Chihowa nan im ai ahli pulla hatuk ak o kvna hosh yimmi puta hokvto isht ai okchaya hoke; vmmona ka Chu hak osh ai yvmohmi ho, anonti Klik vt ai yvmohmi ak inlishke.

17. Yohmi ka yummak o na yimmi ak atuk pulla kak o Chihowa i nan isht okchalinchy vt na yimmi vhleha ha im otaiyani hoke; holihiso kv, Ai-vlhpiesa yokvto na yimmi pulla kak osh isht okchaya hi oke, achi hoka.

18. Yohmi ka Chihowa vba yakni binili nan isht i nukilli vt hatak vt Chihowa ik holitoblo, micha nan ai vlhpiesa

keyu yvmohmi puta kvt anumpa ai ahli ka ataklvmmi kak o onutuyula hosh otaiyani hoka.

19. Yohmi ka Chihowa imma ka isht ithvna hinla ka ilap inli kvt isht otaiyani hoka, Chihowa yak osh i haiakvchi hatuk oka.

20. Yohmi ka yakni, micha nan okluha vba ai asha kvt toba tok takla ka nana nishkin isht pisa he keyu Chihowa immi puta ka akostininchi fehna kvt nan okluha tohomba tok a Chihowa nan okluha im ai ahli, micha okchayvt bilia yoka isht akostininchi hatuk osh nan isht a miha hi vt ik im ikshoshke.

21. Yohmi ka Chihowa yoka ithana ha yokvt, Chihowa chohmichit ik holitoblo kish, yak oke ik im ai ahno, amba im anukfila kvt nan isht ik ahobo tobtv, chukvsh anukfila iksho yvt okhlilit knia tok.

22. Yvmmtv hopoyuksa ilahobi hosh ik hopoyukso toba tok.

23. Micha Chihowa illa he keyu isht a holitopa ya kan-chit na holbtv toba hatak illa he, micha hushi, micha nam-poa iyi ushta, micha nana balali puta aiena ka holbtv toba ho holitobli tok.

24. Yvmohmi hatuk ak o Chihowa hokvt ilap inli chukvsh okpulo nan ai ahni puta kak atuk mak o na liteha ya a yvmohmit, ilap haknip puta kash inli isht ik iti hofahyali, im ai ahni tok ak inlishke:

25. Yohmi ka yvmmtv Chihowa i nan ai ahli yoka holabi yo isht ai ikbi cha, natoba yak o aiokpvchit, in toksahanli kvt Nan ikbi ya i shahlichit tok: yvmmak okvto holitopvt bilia yoke. Amen.

26. Ilvppak atuk pulla kak o Chihowa hvt ant ik yvmohmi ai ahni ho, havi isht ile hofahyali ilaiyuka ka ai yvmohmi tok. Yohmi kvt ohoyo hak kia nana ka ai yvmohma he atuk ash o ai inlvchit, ohoyo hvt ai yvmohma he atuk keyu ka yvmohmi tok.

27. Mihma nakni yak kia ohoyo hak o ai yvmohma he atuk vt issa cha, it i havi anukfilli kvt luhuwa fehna mvt, nakni vt nakni bika ka isht a hofahya yak o it i yvmihinchit

hosh, ilap nan ai ashvchika isht vltoba ai vlhpiesa mak o ilap ash inli hosh ihishi tok.

28. Micha Chihowa hoka ithaiyana ka ik bunno hatuk oka, Chihowa hvt ant ik yvmohmi ai ahni ho, im anukfila okpulo yoka nan isht ai ahni hosh, nan isht a hofahya he puta ka yvmihinchik tok.

29. Yohmi hosh nan ai vlhpiesa keyu, itin lumaka, nan okpulo anukfilli, nan anushkunna, inla chukvsh hotopali bunna, nan it i potunno, hatak bika vbi, itachowa, it i haksichi, nar isht i nukkilli, inla lumvt na mihachi aiena ka isht ai alotowvt knia hatuk osh,

30. Inla ya ashakachit na mihachi puta, Chihowa i nukkilli vhleha, na hofahyalit isht anumpuli, ilefehnvchi, ilauata, nan isht ik achukmo puta ihikbi, iki, ishki ita tuklo ik im antio,

31. Nan im anukfila iksho, nan it im vlhpisa kobvffit shahli, im vlla i hullo ik im iksho, it i hopohla himma keyu, it i nukhaglo ik im iksho:

32. Yvmmak okvt Chihowa i nan vlhpisa yvt, kna hosh nana ymma chiyuhmi ka yvmihinchik hokvt isht ai illa he vlhpiesa achi ka ithana kia; ymma yvmihinchik kak bano keyu, amba kna hosh yvmihinchik mak o isht im ai achukma hoke.

CHAPTA II.

Kvna hosh nanashvchi hokvto nana ho isht apehpocha hi vt ik im iksho, 1: 6 mikmvt Chu yokma, keyukmvt Chentail okma, nana hatuk oh kia Chihowa i nan vlhpisa ha im a hlakofa he keyu.

1. YVMOHMI ka kna chia hoh kia inla anumpa ish onochikmvt, nan isht ile mihacha hi vt ik chim ikshoshke, hatak chia ma! kna chia hosh inla anumpa ish onochi hokmvt, nana yvmmak ash inli ho ish ai yvmohmi chatuk okvt; nana ho inla ya ish onochi kv, chishno yash inli hosh anumpa ish il onochi hoke.

2. Yohmi kia ilvppa chiyuhmi yvmihchi puta hokvno

Chihowa yokvt ai ahli mak o nan vlpisa ya onochi hoka il ithaiynvshke.

3. Yohmi ka hatak chia ma! nana yvmma yvmihinchī puta ka anumpa ish onochi mvt, yvmmak ash inli hō ish yvmihinchī kvt, Chihowa i nan vlpisa ya ish ai i hlakofa hinla, chim ahoba cho?

4. Micha Chihowa isht chī kana ya isht ish ile kostinīncha he atuk vt chik ithaiyano hosh, isht chī kana fehnvt, chim ile salalit, na palvmmi chi onocha hi osh ile halanli aiena ka ish shitelama cho?

5. Amba chi chukvsh kvlo nan ai ashvchika isht nukhaklo keyu yak o ish iakaiya hosh, Chihowa yokvt nan ai vlpiesa apesa ka otaiyana he, micha ai ilbvsha nitak vt otaiyanikma, a chilbvsha hi vt ish il im itvnahanlishke.

6. Yvmmak okvto hatak puta kvt ilap nana kaniohmi tok ak o isht ai im atobba hi oke.

7. Yohmi kvt kvna hosh nuktaiyalvt achunanchit nan achukma yvmohmi kvt, isht a holitopa, micha isht annoa achukma, micha isht ai illa he keyu hohoyo hokvno isht ai okchaya bilia he im apesa hi oke.

8. Amba kvna hosh Chihowa ya i sanali, micha anumpa ai ahli ik holitoblo hosh, amba nan ai vlpiesa keyu a yvmohmi yokvno, isht i nukkilli chinto kvt onvtuyula hi oke,

9. Micha hatak nan ik achukmo yvmihchi puta hokvno isht ai ilbvsha, micha isht anukhvmmi aiena hosh onvtuyula kvt; Chu ak o tikba onvtuyula cha, Chentail ak kia onvtuyula hi oke:

10. Amba isht a holitopa, micha isht annoa achukma, micha isht it i nanaiya aiena hosh hatak nana achukma yvmihinchī puta hokvno onvtuyula he; yohmi kvt Chu ak o tikba onvtuyula cha, Chentail ak kia onvtuyula hi oke;

11. Yohmi ka Chihowa hokvto hatak puta ka it i shahshohlichī kvt ik im iksho hoke.

12. Yohmi ka laua kaniohmi hosh vba nan vlpisa yvt ik im iksho hosh nan ashahanchi hokvto, vba nan vlpisa iksho hō ai okpulo kvt kvnia mak inla he; mikma laua kaniohmi hosh vba nan vlpisa yvt in tonla hosh nan ashahan-

chi hatuk mvt, vba nan vllhpisa yak o nan isht ai im vllhpisa hi oke:

13. Yohmi ka vba nan vllhpisa ya haklo vllheha hak osh Chihowa itikba ya isht ai vllhpisa ho keyu, amba vba nan vllhpisa ya yvmihinchí vllheha hak osh ai vllhpisa hoke.

14. Yohmi ka Chentail vba nan vllhpisa ik im iksho vllheha hvt ilap nan anukfilli hosh nana a kaniohma he vba nan vllhpisa ya foka tuk a yvmihchi hokmvt, yvmmvt vba nan vllhpisa yvt ik im iksho ak inli kia, ilap ash inli hosh isht im il i nan vllhpisa yoke.

15. Yvmmak osh vba nan vllhpisa yvt nan i miha ka otv-ninchí kvv i chukvsh oka ai o holihiso ho, ilap nan isht il akostininchí yak kia nan atokowa ka ibai anohonli, mikma im anukfila puta kvv i himmak ano ilap ash inli hosh anumpa isht il onochi, isht il achukmali, kanimampo ka it im anohonli hoke.

16. Yohmi kvv Chihowa hokvt vm vbanumpa ak atuk pulla kak o Chisvs Klaist oka ishit hatak im anukfila luma puta tuk a nan im apesa he nitak yvmmak fehna ka yvmohma hi oke.

17. Yakeh! Chu chi hohehifo kvv, vba nan vllhpisa ya ish anukchieto hosh Chihowa ya isht ish ilauata;

18. Micha vba nan vllhpisa ya isht a chim vlvchi hatuk osh, nan ai ahni ka ish ithana, micha nan achukma i shahli ka ish holitobli hoke;

19. Micha nishkin tamoa ya in tikba hika, ai okhlilika anukaka aiasha ka im pula sia hoke, ai ahnit ish ile yimmi hokvt;

20. Micha im anukfila iksho kostininchí, vlla chipinta nan im abvchi, nan ithana, micha nan ai ahli vba nan vllhpisa foka ka ai isht ithvna ish ishi hoke.

21. Yvmohmi ka chishno yvt inla nan ithvnanchi chia hokvt, chishno inli kvno chik il ithvnanchi cho? Hatak vt hukopa he keyu ho otvninchit ish anumpohonli hokak osh, chishno yvt ish hukopa cho?

22. Hatak vt itin lumaka he keyu, ish ahaya hokak osh, ish itin lumaka cho? Na holvvt toba ya i yuwalvt ish shi-

tilema hokak osh, Chihowa ya nana ish ima hi atuk vt ish ishi cho?

23. Uba nan vlhpisa isht ish ilauata ho kak osh, vba nan vlhpisa yash kobvfit Chihowa ya isht chik holitoblo cho?

24. Yohmi ka, Yohma hi o holihiso hatok oka, Chihowa hohchifo hvt Chentail vhleha ha ai i kvllakshi kvv hvchishno yak atuk pulla kak oke.

25. Yohmi ka vba nan vlhpisa yak o ish holitoblik mvno, hakshup tupa yvt isht ai achukma ai ahli; amba vba nan vlhpisa ya, ish kobvfi yokmvno chi hakshup tupa yvt hakshup ik tapo hoke.

26. Yvmohmi ka hakshup ik tapo yvt vba nan vlhpisa yvt isht ai vlhpiesa kak o holitobli hokmvt, hakshup ik tapo yash ot hakshup tupa yo chohma hinla keyu?

27. Micha hakshup ik in tapo yoh mak osh vba nan vlhpisa ya holitobli hokmvt, chishno yokvt holisso hvt chin tonla, micha chi hakshup tupa kia vba nan vlhpisa ya ish kobahafi ka, nan chim apesa hinla keyu?

28. Yohmi ka paknali yokvto Chu keyu, micha nipi ai otvni kvto hakshup tupa keyu hoke.

29. Amba im anukfila anukaka yokvto Chu oke; mikma hakshup tupa yvto chukvsh anukaka yak oke; yvmmak oka hatak okvt ahninchu keyu, amba Chihowa yak oke.

CHAPTA III.

Chu okla nan isht im achukma kvv i shabli, 1. 9 Uba nan vlhpisa yvt nanashvchi Chu a isht im atokowa; 20 hatak nana hosh vba nan vlhpisa ya isht ai vlhpiesa he keyu: moma kvv na yimmi ho isht ai vlhpiesa; yohmi kia vba nan vlhpisa yvt akshot kvnia keyu.

1. YOHMI ka Chu hvt nanta isht i shabli ho ishi ho? micha hakshup tupa ya nanta hak o isht im ai achukma ho?

2. Ai okluha biega; vmmona ka Chihowa im anumpa hvt ibbak a foyuka hatok oka.

3. Yohmi ka kaniohmi kvv ik yimmo hatuk okma, nanta

katiohmi cho? yummvt ik yimmo kak osh Chihowa yvt nan isht ai ahli yoka ik ai ahlecho hō?

4. Ik yumohmo pullashke; ahli, Chihowa hokvto ai ahlikma, amba hatak moma keto holabi ashke; yohma hi o holihiso hatok oka, Ish ai anumpohonli puta kvt ish ai ahla hi atok, micha nana chim vllhpisakmvt, ish imaiyacha hi atok.

5. Yohmi ka nan ai vllhpiesa keyu e yumohmi kak osh Chihowa hvt nan ai vllhpiesa yumohmi ka otvninchi hokmvno, nanta hak o il acha hinla hō? Chihowa hvt na palvmmi ka onochi kvt ik ai vllhpieso hō? Hatak vt anumpuli chatuk mak o anumpuli lishke.

6. Ik yumohmo pullashke; yohmi hokmvno, Chihowa hvt okla moyuma ka katiohmit nan im apesa hinla hō?

7. Yohmi ka Chihowa nan isht ai ahli yokvt vno ak osh holabi li kak o isht i shahlit otvni na ilap vt isht a holitopa hokak o, nanta katiohmi hō nan ashvchi yo chiyuhmit nan vm vllhpisa hinla ak inli hō?

8. Amba nan ik ahlo isht a pi annohowa kvt, nan ik achukmo kak o e yumohmi na nana kvt isht ai achukmashke, il achi hō katiohmi hokak heto kvlllochit anohonli hatuk a, nanta katiohmi hō ke yumohmo cho? yummak ash nan vllhpisa hvt onvtuyula he vt ai vllhpiesa hoke.

9. Yakohmi ka katiohmi hō? isht a pim achukma kvt yumma il i shahli hō? Keyu kamohmi hoke; yohmi ka Chu, micha Chentail vhleha moyuma hokvt ai ashvchika nanta ai asha ka tikba kash il otvninchi tuk oke:

10. Yohma hi o holihiso hatok oka, ai vllhpiesa yvt iksho, achvfa kia iksho hoke:

11. Achvфона kia nana ka akostininchi kvt iksho; achvfa kia Chihowa ya hohoyo kvt iksho hoke.

12. Moyuma kvt naksika yo itvnohowa, moyuma kvt itapihvt isht ai achukma hi vt iksho; achvfa kia nana achukma yvmihchi kvt iksho; achvfa kia iksho hoke.

13. Ishit nvlli yvt hatak a hollopi tiwa yoke; isunlvsh a isht haksihinchi; asps nan isht vbi yvt itivlbi anukaka ya foka hoke:

14. Inla ya nan okpulo im ai ahnit anumpuli, micha anumpa na hotopali aiena kvt itih ha alotowa hoke.
15. Iyi yvt issish a hlatahempla chi kvt pulhki hoke.
16. Isht ai okpulo, micha isht ai ilbusha aiena kvt i hina ya foyuka hoke:
17. Isht it i nanaiya hina ya ik ithano chatuk oke.
18. Chihowa isht i nukshopa yvt nishkin itikba ya ik im iksho hoke.
19. Yohmi ka nana ho vba nan vlhpisa yvt achi kvt, kuna hosh vba nan vlhpisa i nuta ai asha kak o im achi ka il ithana; yohmi na itih puta kvt vlhkuma hi atok; micha okla moyuma kvt Chihowa itikba ya nan vlhpisa yvt ai onvtula hi atok.
20. Yvmohmi hoka nan isht ai vta vba nan vlhpisa yvt ai ahni kak o hatak nana kia itikba ya ai vlhpiesa he keyu hoke; yohmi ka vba nan vlhpisa yak o ai ashvehika ya isht ithva yoka.
21. Amba himonasi kano nan ai vlhpiesa kvt vba nan vlhpisa holitobli kak o keyu, Chihowa hvt atahli tok a otaiyani kvt, vba nan vlhpisa, micha hopaii vhleha hvt nan atokowa anohonli tok ak atok:
22. Yvmmvt Chihowa i nan ai vlhpiesa Chisvs Klaist i yimmi kak o a minti mak osh moyuma ka im annohwa, micha yimmi moyuma, kvt anukfoyuka; it im inla kvt iksho hoka:
23. Yohmi ka moyuma kvt nan ashvehi hatuk, micha Chihowa hvt ai ahninha hi a ik ono hatuk oka:
24. Chisvs Klaist vt isht vltoba ya atobbi tok pulla mak o, Chihowa isht i kana ya pilla isht ai im vlhpiesa hatuk oke:
25. Yvmmak oka im issish a anukchieto hokmak o, Chihowa hvt haiakvehi tok; yohmi hosh Chihowa hvt na palummi onocha hi osh ile halanlit, tikba nan ai ashahanchi tok a i kashofi kvt, nan isht ai vlhpiesa otvninha hi osh yvmohmi tok:
26. Yohmi hosh himonasi ya nan isht ai vlhpiesa ya otvninha chi hosh yvmohmi kvt, Chisvs ak o i yimmi hokvno

nan ai ashvchika ya ai vllhpiesachi kv, ilap vt ai vllhpiesa hi atok.

27. Yohmi ka nan isht ilauata yvt katimak o? Iksho ka-mohmishke. Nan vllhpisa nanta hak o isht ai akshu ho? nan isht vta nan vllhpisa hak o? Keyu, amba na yimmi nan vllhpisa kak oke.

28. Yvmohmi hoka hatak vt vba nan vllhpisa ya holitobi tok ak o keyu, amba na yimmi pulla kak osh isht ai vllhpiesa il ai ahnishke.

29. Chihowa hvt Chu ak illa in Chihowa ho? yvmmt Chentail ak kia in Chihowa ak inli keyu ho? Ahli, Chentail ak kia in Chihowa hoke;

30. Yohmi ka hakshup tupa yvt i yimmi hatuk pulla mak o, micha hakshup ik tapo yvt yimmi hatuk pulla mak o ai vllhpiesacha hi vt Chihowa achvfa illa hoka.

31. Yohmi ka na yimmi yatuk pulla kak o vba nan vllhpisa ya il akshochi ho? Ik yvmohmo pullashke: amba vba nan vllhpisa yak o il ai ahlichich hoke.

CHAPTER IV

Eblaham vt na yimmi hosh ai vllhpiesa isht hohchifo, 1: 18 na yimmi moma hokvno Eblaham vt iki; 26 na hvpm a yimmi ka yak kia ai vllhpiesa isht pi hohchifa chi.

1. YOHMI ka piki Eblaham vt haknip imma hokvno nanta hak o ahayuchi tok o, il acha hinla ho?

2. Yohmi ka Eblaham vt vba nan vllhpisa ya isht ahanta kak osh isht ai vllhpiesa hokmvt, nan isht ilauata ishi; yohmi kia Chihowa itikba hokvno yvmohmi keyu ki tok.

3. Yohmi ka Holisso Holitopa yvt nanta hak o achi ho? Eblaham vt Chihowa ya i yimmi kak osh nan isht ai vllhpiesa yvt immi toba tok.

4. Yohmi ka na toksahanli ka isht im vllhtoba kv isht i kana yo keyu, amba aheka yoke.

5. Amba toksahanli yak keyu, amba nan ashvchi ya ai

vlhpiesachi yak o i yimmi hokvto, ilap na yimmi ak osh nan isht ai vlhpiesa yvt immi toba hoke.

6. Yumma chiyuhmi ka hatak vt toksahanli keyu kia, nan isht ai vlhpiesa ya Chihowa hvt ima na nan isht ilai-yukpa ka Lewi ak kia isht anumpuli kv, t,

7. Kuna hosh nan ik ai vlhpieso yvt i kashofa, micha ai ashvchika yvt im ompoholmo hokvto, na yukpvshke.

8. Chitokaka yvt ai ashvchika ik im iksho yo chohmichi hokvno hatak yummvt na yukpvshke, achi tok.

9. Yohmi ka nan isht ilaiyukpa ilvppvt hakshup tupa ak illa ho immi ho? keyukmvt hakshup ik tapo yak kia aiena ho? Yohmi ka na yimmi yak osh Eblaham a nan isht ai vlhpiesa immi toba tok, il achi hoke.

10. Yohmi ka katiohmit immi toba tok o? hakshup tupa hayak atok o? keyukmvt hakshup ik tapo kisha kak atok o? Hakshup tupa hayak atok keyu, amba hakshup ik tapo kisha kak atok.

11. Yohmi ka hakshup tupa yak osh nan isht atokowa, micha nan isht ai vlhpiesa isht ai ahli mak o hakshup ik tapo kash inli hosh ishi tok; yohmi kv hakshup ik tapo kia, yimmi hokvno moyuma ka iki ya hi atok; yohmi ho yummak kia nan isht ai vlhpiesa yvt immi ak inla hi atok:

12. Yohmi kv hakshup tupa iki, micha hakshup tupa kak illa keyu, amba piki Eblaham vt hakshup ik tapo kisha ak inli kash osh yimmi a nohowa tok ak o iakaiya yummak okvno iki ya hi atok.

13. Yohmi ka Eblaham, micha isht atiaka yvt yakni moyuma kv immi ha hi o im issa kv, vba nan vlhpisa ya holitobli tok ak atok keyu, amba na yimmi nan isht ai vlhpiesa kak atok.

14. Yohmi ka vba nan vlhpisa yumma anukchieto yak osh immi ha he yokma, na yimmi vt akshu toba, micha nan im issa tok a ai ahla he keyu hoke.

15. Yohmi ka vba nan vlhpisa yvto nan isht a palvmmi yoka; yohmi ka nan vlhpisa iksho hokvno, nan vlhpisa kobvffi iksho hoka.

16. Yvmohmi hoka isht i kana yak a hi atuk pulla kak o, na yimmi isht ai vlpiesa kak oke: yohmi ho yvmmak ash isht atiaka moyuma ka nan im issa tok ash im ai ahla hi-atok: isht atiaka vba nan vlpisa in tonla kash illa keyu, amba isht atiaka Eblaham e moyuma ka piki vt yimmi tok ak o chiyuhmi aiena kak o im ai ahla hi atok.

17. Yohmi ka, Oklushi lawa ka iki yo chikbi li tok; achi kv̄t holihiso hatok ak o yohmi hoke; Chihowa i yimmi tok yvmmak osh illi ya tanihinechi, micha nana kv̄t ik yvmohmo kisha kia, yohmi tuk ash inli ho chohmichit isht anumpo-honli yvmmak o itikba ai yvmohmi hoke.

18. Yvmv̄t yohma he ik ahobo fehna kia, yohmi pulla chi ahnit, oklushi lawa ka iki toba hi atuk vt yimmi tok; yohma hi o anuhumpa hatuk oka, Isht chi ai unchululi kv̄t yvmohma hi oke.

19. Yohmi kv̄t yimmi kv̄t ik kv̄llo keyu hokvt, sipokni kv̄t afv̄m̄mi tahlepa achv̄fa foka kia, ilap haknip vt himo-nasi kv̄no illi, micha Sela im oshv̄to yvt illi, ai ahni tok keyu.

20. Chihowa kv̄t nan im issa tok ash ik yimmot anuk-tuklo keyu; amba yimmi kv̄t kv̄llo hatuk osh Chihowa ha holitohombli tok:

21. Michā nan im ihisa hatuk vt ai ahliche he bano aiena ka nukfoyuka fehna tok.

22. Michā yvmohmi kak o nan isht ai vlpiesa yvt immi toba tok.

23. Yohmi ka yvmv̄t immi toba tok a, holihiso kak osh ilap ak atuk illa hak atok keyu:

24. Amba pishno ak kia pi holihiso ak inli tok; pin Chitokaka Chisvs okvt illi tuk a falaminchit tanichi tok a il i yimmi hokmv̄t, pishno ak kia pimmi toba hi atok oka,

25. Yvmmak ash ot pim ai ashv̄chika yak atuk pulla mak o illa chi hosh im vlpisa tuk osh, isht pi ai vlpiesa he mak o anonti falamv̄t tani tok.

CHAPTA V.

Na yimmi ho isht a pi vhlpiesa hokmak osh nan isht i kana Chihowa il ibai ishi, 1; 8 in twnp pia hatuk kia Chisvs im issish pulla ho il itin nanaiya tok; 10 il itin nanaiya hokvt hvpi okchaya chi pulla; 12 nanashvchi, micha nan illi itatuklo kvt Alvm ak o minti tok; yohmi hoka nan ai vhlpiesa micha nan okchaya itatuklo kvt Chisvs Klaist ako a minti hoke.

1. YUMOHMI ka na yimmi pulla yak o isht a pi ai vhlpiesa hatuk osh, pin Chitokaka Chisvs Klaist ak atuk pulla mak o Chihowa ya il it i nanaiya hoke.

2. Yummak atuk pulla mak o isht i kana il a hieli ilvppa na yimmi pulla kak osh e chukowa cha, Chihowa isht a holitopa ya il isha he ahnit, pi yuhukpvshke.

3. Micha yummak illa keyu, amba na palvmmi puta ak atuk mak o pi yuhukpa ak inlishke; na palvmmi yak osh nuktaiyalvt achunanchi ikbi hoka, il ithana hoke:

4. Mikmvt nuktaiyalvt achunanchi yak osh Chihowa immi ai a atokowa isht ai il ithana ikbi hoke; micha Chihowa immi ai atokowa isht ai il ithana yak osh ai okchaya pisa he ahni ikbi hoke:

5. Micha ai okchaya pisa he ahni yvt hofahyali keyu; Shilombish Holitopa yvt pi anukfoka hatuk osh Chihowa isht i hullo ya lauachit pi chukvsh anukaka ya pit fohobli hoka.

6. Yohmi ka hlampko ik pim iksho moma kak o ont ai vhlpiesa ma, Chisvs vt Chihowa ik holitoblo ya vltobvt illi tok.

7. Yohmi ka hatak vhlpesa yak ok mak o kanima kvv vltobvt illa he keyu chiyuhmi; amba hatak achukma yokvno kaniohmi kvv vltobvt illi kvv ik nukwiyo ka hinla chishke.

8. Amba Chihowa hokvto isht pi hullo otvninchi kvv, nan ashvchi pia moma kash o, Chisvs Klaist vt pi vltobvt illi kak a tok.

9. Yohmi ka himonasi hokvno im issish ak o isht a pi

vlhpiesa hokvt, yvmmak atuk pulla kak o isht i shahli fehnvt na palvmmi mihinti ka il i hlakofa hinla hoke.

10. Yohmi ka in tenvp pia moma kash ot, Ushi yvt illi tok pulla kak o Chihowa ya isht a il it i nanaiya hatuk okmvt, il it i nanaiya ha yokvt, ilap okchaya pulla kak o isht i shahli fehnvt isht a pi okchaya hinla hoke.

11. Micha yvmmak illa keyu, amba pin Chitokaka Chisvs Klaist ak atuk pulla kak o Chihowa ya isht a pi yuhukpa fehna cha, yvmmak atuk pulla kak o himonasi kvno isht il it i kana hoke.

12. Yvmohmi ka hatak achvfa nan ashvchi achvfa pulla ho ai ashvchika yokvt yakni paknaka yoka chukowa tok; micha ai ashvchika yak atuk pulla mak o nan illi yvt yakni paknaka yoka onvtuyula tok; yohmi hatuk o nan illi yvt hatak moyuma ka onvtuyula tok, moyuma kv ashahanchi hatuk oka.

13. Yohmi ka vba nan vlhpisa yvt ik holisso kisha ho ai ashvchika yvt yakni paknaka ya a takali tok: amba nan vlhpisa yvt iksho hokvno ai ashvchika yvt onvtuyula ho keyu hoke.

14. Yohmi kia Alvm ai ahantvt Moses ai ahanta ant ai vhli Alvm nan ashahanchi tok a chohmi keyu moyuma kak kia nan illi yokvt i shaiyahli tok; yvmmak ash ot via hi atok yvma isht vlhpisa hoke.

15. Amba nan ai ashvchika yash o na hvlbina yvto ik chiyuhmo hoke. Yohmi ka achvfa hosh nan ashvchi kak o moyuma kv illi hokma, Chihowa hv isht i kana, micha isht i kana yak o isht a hvlbina yvt isht i shahli fehnvt, Chisvs Klaist, hatak achvfa, yvmmak atuk pulla kak o moyuma ka in laua hoke.

16. Micha achvfa nan ai ashvchi tok ash o na hvlbina yokvto chiyuhmi keyu hoke: yohmi ka ai ashvchika achvfa nan im vlhpisa kv isht ai i palvmmi yatok, amba pilla na hvlbina yak okvto ai ashvchika lava isht a kashofvt isht ai vlhpiesa yoke.

17. Hatak achvfa kash im ai ashvchika yak o nan illi yvt hatak achvfa kash pulla kak o isht i shaiyahli hatok okma;

isht i kana lawa, micha nan isht ai vhlpiesa hvlbina lawa ka ihishi hokak heto isht i shahli fehnvt, hatak achvfa, Chisvs Klaist ak atuk pulla mak o ai okchaya ya a mikot aiasha hi oke.

18. Yvmohmi ka achvfa nan ashvchi kash pulla kak o isht ai i palvmmi yvt hatak moma kvt isht im vhlpisa tok ash inli chiyuhmit, achvfa i nan isht ai vhlpiesa yak pulla kak o pilla na hvlbina ai ashvchika i kashofvt isht ai vhlpiesvt okchaya hi vt hatak moyuma ka im aya hatok.

19. Hatak achvfa kash osh ik im antio pulla kak o moma kvt nan ai ashvchi vhleha toba tok ash inli chiyuhmit, achvfa kash osh im antia pulla kak o lawa kvt ai vhlpiesa toba hi oke.

20. Anonti ai ashvchika yvt lawa chi mak o, vba nan vhlpisa yvt aya tok: yohmi kia ai ashvchika yvt lawa ma, isht i kana yvt isht i shahli fehnvt lawa tok.

21. Yohmi ka ai ashvchika yvt imaiyvt illihinchi tok ash inli chiyuhmit, isht i kana isht ai vhlpiesa pulla kak osh isht i shahlit pin Chitokaka Chisvs Klaist atuk pulla mak o, isht okchalinchii bilia hi atok.

CHAPTA VI.

Nanashvchi il ai ahanta he keyu, 1; 3 na baptismo pulla hosh yvmak ash il im illi hatuk okvt: 12 nan ahopoyuksa a yvmohma he osh pishno ak inli il im issa hatuk oka; himaka pilla ma nanashvchi yvt ik hvp i shahlo kashke: 22 nanashvchi atoksali isht im vltoba kvt nan illi.

1. YOHMI ka nanta hak o il acha hinla ho? Isht i kana yvt laua chi mak o, isht ai ashvchika ya e mahaya hinla ho?

2. Ik yvmohmo pullashke. Ai ashvchika ya il im illi ha yvt, katiohmi kak osh yvmmak ash inli ho il ai ahanta moma hinla ho?

3. Yohmi ka Chisvs Klaist ak o im a baptismo kvt, illi tok a isht a pi baptismo ak inli hatuk a, hvch ik ithano ho?

4. Yvmohmi ka pi baptismo pulla kak osh illit il iba hol-

lopi hoke: yohmit Klaist illi tok vt Chihowa isht a holi-topa yak pulla kak o falamvt isht a tani tok ash inli chiyuhmit, pishno yak kia himonvt toba yosh il itunowa hi atok.

5. Yohmi ka ilap illi tok ak o isht a hoyulba hosh il iba hollokchi hatokmvt, illi tuk vt falamvt tani tok ak kia isht il a hoyulba ak inla hi atok.

6. Yohmi ka ai ashvchika haknip vt okpulo kvenia na himak a pilla hokvno ai ashvchika yvno il i yuka he keyu mak o, pim anukfila tikba yvt ititaiyukhvna yak o yvma ibai illi hatok, ilvppa il ithana hoka.

7. Yohmi ka kven hosh ibai illi hokvto, ai ashvchika ya ai i mokofa hoke.

8. Anonti Klaist a il ibai illi hatok mvt, il ibai okchaya ak inla hi okvt, pi yimmishke.

9. Yohmi ka Klaist vt illi tuk vt, falamvt tani hatok okvt, himmakma illa he keyu: nan illi yvt himmakma imaiyacha he keyu ka il ithaiyavshke.

10. Yohmi ka illi hokvto, himonna illa ho ai ashvchika pulla kak o illi hatok: amba okchaya hokvto, Chihowa hak o im ahantvshke.

11. Yvmmak inli ho chiyuhmit hvchishno yak kia ai ashvchika ya il im illi ho mvhli, hvsh il ahni, amba pin Chitokaka Chisvs Klaist ak atok pulla mak o okchayvt Chihowa ya il im ahanta, hvsh il ahni ak inlashke.

12. Ai ashvchika yvt hvchi haknip illa hi a ik imaiyacho ki, im anukfila okpulo yvma hvch ik im antio kashke.

13. Hvchi haknip moyuma ka vlpesa ahnit, nan ik ai vlpieso isht a yvmohmi yo chiyuhmit isht hvsh ashvchi na; amba illi tok osh falamvt okchaya ho chiyuhmit, Chihowa ya hvsh il im issashke; micha hvchi haknip moyuma kv Chihowa yak o nan isht ai vlpiesa isht i yvmohmi mak o hvsh chiyumashke,

14. Yohmi ka ai ashvchika yvt hvch i shahla he keyu; yohmi ka nan vlpisa yak o nutaka hvsh anta keyu, amba isht i kana yak oke.

15. Yohmi ka katiohmi cho? nan vlpisa ya nutaka il

anta keyu; amba isht i kana nutaka yo il anta kak osh il ashvcha chi ho? ik ymohmo pullashke.

16. Yohmi ka kuna ho in tishu tobt hvsh im antia hokmvt, kuna ho hvsh im antia kv, in tishu hvchia hokvt hvch ik ithano ho? Ai ashvchika isht ai illi, keyukmvt im antivt isht ai vlhpiesa yak okmá, kanimampo yoke.

17. Amba ai ashvchika ya i yuka hvchia hatok ak inli kia, nan isht vlhvchi kaniohmi ho hvchim vlhvchi hatok vt hvchi chukesh ak o isht hvsh holitobli hatuk ak o, Chihowa ya yak oke, pit im ai ahni lishke.

18. Ymohmi ka ai ashvchika ya hvsh ai i mokofa mak osh, nan isht ai vlhpiesa ya in tishu hvsh toba hatok.

19. Hvchim anukfila hvt ik hlampko pulla kak o, hatak anumpuli chatuk mak o chiyuhmit anumpuli lishke; yohmi kv hvchi haknip moyuma ka vlhpesa ahnit, nan ik vlhpeso ya hvsh ymohma chi kak osh, na liteha, micha nan ik vlhpeso aiena ka i yuka hvsh toba tok ash inli chiyuhmit, himonasi hokvno hvchi haknip moyuma ka vlhpesa ahnit, ai ashvchika yvt ik hvchim iksho ka chi kak osh nan isht ai vlhpiesa ya in tishu hvsh tobashke.

20. Yohmi kv ai ashvchika ya i yuka hosh hvsh ai asha mvt, nan isht ai vlhpiesa yvt ik hvchim iksho ki tok;

21. Yohmi ka nana yakohmi puta kvno nan isht il ai yukpa nanta ho hvsh ai ishi tok okak osh himonasi hokvno yvmmak a tok a hvsh i hofahya ho? yohmi ka nana yakohmi puta ka ont im ai isht aiyopi hokvto nan illi hak oke.

22. Amba himonasi hokvno ai ashvchika ya ai i mokofa hatuk osh, Chihowa yak o in tishu hvsh toba hosh, ai ashvchika i kashofvt isht il ai yukpa hvsh ishi hoke: yvmmt ont im ai ishtaiyopi kv ai okchayvt bilia yak oke.

23. Yohmi ka ai ashvchika ya isht vltoba hokvto nan illi hak oke; amba pin Chitokaka Chisvs Klaist ak atok pulla mak o Chihowa i na hulbina hokvto ai okchayvt bilia yak oke.

CHAPTA VII.

Okchayvt anta kak illa hq vba nan vlpisa yvt onvtuyula, 1, 4 yohmi ka vba nan vlpisa ya il im illi tok; 7 yohmi kia vba nan vlpisa yvt nanashvchi keyu; 12 amba holitopa vlpiesa, micha achukma; nan vlpisa ya holitobli kvk ik onancho kak osh Pal vt nukhaklo tok.

1. ITIBAPISHI li vhleha ma! nan vlpisa ya ithana vhleha hak o im anumpuli lishke; yohmi ka hatak vt okchaya takla ka nan vlpisa yvt i shaiyahli hoka hvch ik ithano cho?

2. Yohmi ka ohoyo hvk i hatak ashakmvt, nan vlpisa ya nutaka ahanta hatuk osh, i hatak vt okchaya takla ka i filvmma he keyu; amba i hatak ak osh illi hok mvno, i hatak a i filvmma he keyu nan vlpisa yash o ai i mokofa hoke.

3. Yvmohmi hatuk o i hatak vt okchaya takla hq, hatak inla auwaya hokmvt, havi hohchifa hi oke; amba i hatak vt illi hokmvno, nan vlpisa yvmmak ash ai i mokofa hoke; yohmi hokvt hatak inla yo ik auwaya mak osh havi toba he keyu hoke.

4. Yvmohmi hoka itibapishi li vhleha ma! hvchishno yak kia Chisvs Klaist haknip atuk pulla mak o nan vlpisa ya hvsh im illi hoke: yohmi kvk inla yo hvsh auwaya kvk, illi tok vt falamvt tani tok yvmmak a hi atuk: yohmi hosh Chihowa yoka nan vnit hvsh i waya hi atok.

5. Yohmi ka haknip ak o i nutaka hosh il ai asha mvno, ai ashvchika anukfila puta kvk nan vlpisa atuk pulla mak o yvmohmit, haknip moyuma ka a toksahanli hosh isht illi ya vnit wahaya tok.

6. Amba himonasi kvno nan vlpisa ya il ai i mokofa kvk, i nutakvt il ai asha hatok vt il im illi hatuk okvt; Chihowa ya holisso tikba ya tok ak o isht il a holitobla he atuk keyu, amba shilombish himona yo isht e holitobla he atuk oke,

7. Yakohmi hoka nanta hak o il acha hinla hq? vba nan

vlhpisa yak osh ai ashvchika yō? ik yvmohmo pullashke. Keyu, ai ashvchika ya ak ithano ke tuk osh, amba vba nan vlhpisa ak atuk pulla mak o ithana li tok; yohmi kvt nan vlhpisa yak osh, Chik anushkunno kashke, achi hatuk keyukma, nan anushkunna yō ithana la hi atuk keyu hoke.

8. Amba ai ashvchika yvt vba nan vlhpisa atuk pulla mak o nan-anushkunna ilaiyuka puta ka isht si anukfokihinchitok; vba nan vlhpisa yvt iksho hokvno ai ashvchika yvt illi yatok oka.

9. Yohmi ka vba nan vlhpisa ya ak ithano hokvto, himonna ka sai okchaya tok; amba vba nan vlhpisa nan ai ahni kvt vla mvno, ai ashvchika yvt okcha tok: mihma svlli tok.

10. Micha vba nan vlhpisa yvmmvt isht ai okchaya yosh vlhpilisa tok ash osh, isht illi yō ahayuchi li tok.

11. Yohmi ka ai ashvchika yvt vba nan vlhpisa yak o isht okcha cha, sa haksichi tok; micha yvmmak o isht svbi tok.

12. Yvmohmi hatuk o vba nan vlhpisa yvt holitopa, mikma nan vlhpisa nan ai ahni kvt holitopa, ai vlhpiesa, micha achukma hoke.

13. Yvmohmi ka nana achukma yvmmak okak osh isht a svlla he an toba tok o? ik yvmohmo pullashke. Amba ai ashvchika yak atok yohmi hō ai ashvchika yvt otvna chī kak osh, nana achukma ka isht a svlla he vm ikbi tok; yohmi hō ai ashvchika yvt ik achukmo atampa fehna kvt nan vlhpisa nan ai ahni kak o isht ai otvna hi atok.

14. Yohmi ka vba nan vlhpisa yvto shilombish imma hoka il ithanvshke; amba vno yokvto haknip nan ai ahni i nuta sia, ai ashvchika ya i yuka sia hoke.

15. Yohmi kvt nana hō yohmi li kvt, vlhpesa ak ahno; yohmi kvt nana hō ai ahni li hokvto, yvmmvno ak yvmihcho; amba nana hō ak ahninchokmvt, yvmmak o yvmihchilishke.

16. Yvmohmi kvt nana ka ak yvmihcho hokbano ai ahni lik mak osh yvmihchi li hokmvt, vba nan vlhpisa yvt achukmshke, vno yvt ai ahni lishke.

17. Yakohmi hoka vno ak osh himmakma yvmmia yvmi-

hinchí li kak keyu, amba ai ashvchika si anukfoyuka kak oke.

18. Yohmi ka vno ya sa foyuka, yvmmt sa haknip any-kaka ya nana achukma kv̄t iiksho ka ithaiyana lishke: yohmi kv̄t nana achukma ai ahni hokvto si anukfoyuka; yohmi kia nana achukma ymma yvmihinchí la he ak osh ak aha-yuchoshke.

19. Yohmi kv̄t nana achukma kvno yvmihinchí la he ai ahni li kv̄t, ak yvmihchoshke; amba nana ik achukma kvno yvmihinchí la he ak ai ahno kia, yvmvno yvmihinchí lishke.

20. Anonti nana ka ak yvmihcho hok bano ai ahni lik mak osh yvmihinchí li hokmv̄t, vno ak osh himmakma ymma yvmihinchí li kak keyu; amba ai ashvchika si anukfoyuka kak oke.

21. Yakohmi hoka nana achukma ka yvmihinchí la he ai ahni likma, nana ik achukmo hokv̄t si anukfoyuka a bilia kv̄t, il akostininchí lishke.

22. Yvmohmi hoka Chihowa i nan v̄lhpisa ya vm anukfila himona yak okvno isht i hullo lishke.

23. Yohmi kia sa haknip nan ai ahni hokv̄t inla hatuk osh, vm a nukfila nana ai ahni ka in tanahampi, micha ai ashvchika nan ai ahni sa haknip foyuka kak o i yuka sahakbi ho, pisa lishke.

24. V̄no hatak ilbvsha fehna sia hoka, kv̄ta hak osh isht ai illi haknip ilvppa a sa hlakoficha chí cho?

25. Pin Chitokaka Chisvs Klaist atuk pulla kak o Chihowa ya yak oke pit im ai ahni lishke. Yakohmi hoka vm anukfila hokvno Chihowa i nan v̄lhpisa yoka isht holitobli i; amba sa haknip okvno ai ashvchika nan ai ahni kak o isht i yuka sia hoke.

CHAPTA VIII.

Klaist a kvna hosh īb ai achv̄fa cha, Shilombish nan ahni ho ahanta hokvto isht ai ilbvsha he nan v̄lhpisa ya im ai i hlakofi, 1; 5-18 nan isht ahotopa he nana hosh haknip a atoba: 6-14 nan achukma nana hosh Shilombish a a minti, 17 mikma Chihowa im v̄lla toba

ka nana achukma nana hosh otvni; 29 nan isht ai okchaya hi vt Chihowa pulla hq tikba ma im vlpisa tok; 38 nan isht i hullo ya nanta hosh isht a pit i filamincha hinda ho?

1. YUMOHI hoka Klaist Chisvs ibai achvfa, haknip nan ai ahni kak o yvmohmi keyu, amba Shilombish nan ai ahni kak o iakaiya vhleha hokvno himonasi ka isht ai i palvmma he anumpa hvv im vlpisa keyu hoke.

2. Yvmohmi ka isht ai okchaya Shilombish nan ai ahni Klaist Chisvs a minti kak osh ai ashvchika nan ai ahni isht ai illi yo a sa hlakofichi hatok oke.

3. Yohmi ka vba nan vlpisa yvt nana ka ik atablo kvv, haknip ak atuk pulla kak o ik ai ghlo hatuk o, Chihowa hvv ilap Ushi ak inli hq ai ashvchika isht vltoba mak o hatak nan ashvchi haknip a hobachit auct kanchi hosh, haknip ak o ai ashvchika ya ai i palvmminechi tok:

4. Yohmi hq pishno yokvno haknip nan ai ahni ka e yvmohmi keyu, amba Shilombish nan ai ahni kak o il iakaiya kak osh, vba nan vlpisa isht ai vlpiesa kvv pim ai aha he atok oke.

5. Yohmi ka haknip nan ai ahni kak o iakaiya hokvto, nana puta haknip immi hak o i hullot anukfihinli chatuk: amba Shilombish nan ai ahni kak o iakaiya hokvto, nana puta Shilombish immi hak o i hullot anukfihinli chatuk oke.

6. Yohmi ka haknip nan ai ahni kak o isht ahanta hokvto isht ai illi yoke; amba Shilombish nan ai ahni kak o isht ahanta hokvto isht ai okchaya, micha isht it i nanaiya yoke:

7. Haknip nan ai ahni kak o isht ahanta hokvto Chihowa i nukkilli yoka; yohmi kvv Chihowa i nan vlpisa ya im antia keyu, micha yohma hi o keyu kamohmi mvhlshke.

8. Yakohmi hoka haknip nan ai ahni kak o i nutakvt ahanta hokvto Chihowa ya yukupala himma keyushke.

9. Amba haknip nan ai ahni kak o i nutakvt hvsh ahanta keyu, amba Shilombish nan ai ahni kak o i nutakvt hvsh ahanta hoke; Chihowa imi Shilombish ak osh hvchi anukfoyuka ho mvhli hokmvt. Yohmi ka hatak nana hosh Klaist imi Shilombish a ishi keyu hohmvt, immi hq keyu hoke.

10. Micha Klaist ak osh hvchi foyuka hokma, hvchi hak-

nip okvto ai ashvchika yak atuk pulla kak o illi hoke : amba hvchi shilombish okvto nan isht ai vlpiesa pulla kak o okchaya hoke.

11. Amba Chisvs vt illi tuk a falaminchit tanichi tok imi Shilombish ak osh hvchi anukfoyuka hokmvt, Klaist vt illi tuk a falaminchit tanichi hatok ak osh hvchi haknip illi im vltayak ilap imi Shilombish hvchi anukfoyuka kak o isht okchalinchit ak inla hi oke.

12. Yvmohmi ka itibapishi li vhleha ma! nan aheka vlehaha pia kvf haknip nan ai ahni kak o il im aheka yosh haknip nan ai ahni kak o il iakaiya hi o keyu hoke.

13. Yohmi ka haknip nan ai ahni kak o hvsh iakaiya hokmvt, hvch illa hi oke ; amba Shilombish ak atuk pulla kak o haknip nan a kaniohmi puta ka hvsh illihinchit hokmvt, hvchi okchaya hi oke.

14. Yohmi ka laua kaniohmi ho Chihowa imi Shilombish ak osh anukfokhit isht aya hokvno, Chihowa ak o ushi vlehaha hoke.

15. Yohmi ka anonti isht a hvchi nukshopa chi hosh yuka im anukfila ho hvsh ishi hatok keyu ; amba vlla im anukfila ho hvsh ishi hatok ak o, pishno vt Abba, Piki, il achishke.

16. Shilombish Holitopa ak inli hosh pimi shilombish a nan isht atokowa it ibai anohonli kvf, Chihowa im vlla vlehaha pia ka anolishke,

17. Micha im vlla pia hokmvt, isha he ai vlpiesa pia : micha Chihowa yak o im ai isha he vlpiesa pia, micha Klaist ak o it ibai isha he ai vlpiesa pia hoke : yohmi ka il ibai ilbvsha ho mvhli hok mak osh il iba holitopa hi atok.

18. Yohmi ka yakni paknaka ilvppa nan isht ai ilbvsha puta hokvto nan isht a holitopa pim otaiyana hi a pit it vlpisa hi a ik ono, ai ahni lishke,

19. Nana toba tok puta hokvto Chihowa ushi vlehaha hvch isht otaiyana hi ak o pit hohoyo fehna hosh ai asha hoke.

20. Nana toba tok puta hokvto vlpesa ik ahno kia, isht ai illa hi vt im vlpisa tok : yohmi kia isht ai illa he im apesa kvf, isht a hlakofa he ahna hi a nukfokit yvmihchi tok.

21. Yohmi hoka nana toba tok ash puta kvt isht ai illa he i yuka hatuk vt ai i hlakofi cha, Chihowa im vlla vhleha hvt yuka keyut isht a holitopa yvt immi ak inla hi oke.

22. Yohmi ka nana toba tok puta moyuma kvt it ibai hihivt, it ibai ilbahasha na himak a hoka, il ithaiyanvshke.

23. Micha yvmmak illa hō keyu, amba pishno ak kia Shilombish isht ai vni waya vmmona ka il ishi kvt, pishno ak kia e hihia kvt vlla ai ahli e toba he, yvmmtv pi haknvp isht a hlakofi yak o e hohoyo hoke,

24. Yohmi ka nana kvt pim vltaha tok vt il isha he il ahi kak osh isht ai okchayvt il ahanta hoke: amba nana ka il ishi hokvto, himmak o il isha he il ahna he keyu hoka: yohmi ka katohmit hatak vt nana ka ishi kvt himmak o ishi la hi oka, ahi hō?

25. Amba nana ka e pisa keyu hosh il isha chi, il ai ahi hok mak osh nuktaiyaltv achunanchit e hohoyo hoke.

26. Yvmmak i chiyuhmit Shilombish ak kia ik a pi hlampko puta ka pi apelahanchi fehna hoke: nana ka il asilbha he tuk ai vlhpiesa kvt pishno ak inli kvt il ithana keyu hoka; amba Shilombish ash inli hosh isht a hihia isht anumpa he keyu puta kak o pi anukfokihinchi hoke.

27. Yohmi kia chukvsh puta silhhit akostinichi yak okvto Shilombish vt nana hō pi anukfokihinchi ka ithana hoke: Chihowa nan ai ahi kak o Shilombish ash ot vbanumpuli ahli puta ka nana ka anukfokihinchi hokvt.

28. Yohmi ka nan okluha hokvt Chihowa i hullo vhleha, ilap nan ai ahi tok pulla mak o vlhtohoka tok vhleha hokvto, isht im ai achukma he mak o it ibai toksahanli ka il ithaiyanvshke.

29. Yvmohmi ka tikbanli ithaiyana tok okvto ilap Ushi yak o hoyulba he mak o tikbanli atokohonli mak inli tok; yohmi hō yvmmak ash ot itibapishi laua ka tikba vttahpi ha hi atok.

30. Anonti tikbanli atokohonli hatok okvto hoyo mak inli tok: mihmtv hoyo hatuk okvto ai vlhpiesvchi mak inli tok:

mihmut ai vhpiesvchi hatuk okvto ilap isht aholitopa yo ib ai isha he im ai ahni tok.

31. Yakohmi kvno nana ilvppa puta imma hokvno nanta hak o il acha hinla ho? Chihowa hak osh pi kana hokma, kvta hosh pi sanala hinla ho?

32. Ilap Ushi fehna ka ik ilatombo hosh, amba pishno moyuma hak atok pulla mak o pim issa tok vt, katiohmi ho yvmma pima hatuk vt nan okluha ka anonti pilla pima ak inla he keyu ho?

33. Kvta hak osh Chihowa im vlitoka vhleha ha isht ai i palvmmi anumpa kia onocha hinla ho? Chihowa ak osh i kashofi hoke.

34. Kvta hosh nan vhpisa onocha hinla ho? Klaist ak osh illi hatok; ahli, yvmma i shahli, yvmmak osh falamut tani hatok osh Chihowa ibbak isht impak imma yo binilit, yvmmak osh isht pi anumpohonli hoke.

35. Kvta hak osh Klaist vt pi hullo ka pi filvmmicha hinla ho? Isht ai ilvsha, isht a palvmmi, hatak bika yvt pi hotopali, isht a hohchrfo, haknip bicka, isht ai illa he, keyukmut bvshpo falaia yak a hinla ho?

36. Yohma hi o holihiso hatok oka, Chishno yak atuk pulla mak o nitak moma ka pihimbi na shohombishke, chukfi vhpoba vba chi kak o e chiyuhmi hoke.

37. Yvmmak illa keyu, nan okluha ilvppa puta ka ilap pi hullo tuk pulla kak o im aiyachi yak kia il i shahli hoke.

38. Yohmi ka isht illa he, isht okchaya he, enchil vhleha, enchil vhleha i shahli, miko puta, himonasi nana ai asha puta, himak a pilla ai asha he puta;

39. Isht a holitopa fehna, ilbvsha fehna, keyukmut nana toba tok nana kia, pin Chitokaka Chisvs Klaist ak atuk pulla mak o, Chihowa il i hullo ka, pi filvmmicha himma keyu ka, sai yimmishke.

CHAPTA IX.

Pal vt Chu i nukhaklo, l. 7 Eblaham isht ai unchululi moma kvt nan ai yukpa isha hi vlla keyu: 18 Kvna ho ahni hok mak osh

Chihowa yvt i nukhaklo; 28 Chentail vt yimma he; mikma nan ik yimmo kak osh Chu yvto ik holitopo ka he a tuk tikba anoa.

1. KLAIST ak o nan ai ahli ka isht ai anumpuli li kv̄t holabi li keyu, Shilombish Holitopa ak osh anukfokihinchi ho, isht akostininchi li yak kia nan atokowa ka anohonli ak inlishke.

2. Yohmi kv̄t sa chukvsh anukaka ya isht a nukhaklo bilia, micha isht a weki chinto kv̄t a foyuka kak osh miha lishke.

3. Yohmi ka itibapishi li v̄hleha, vm okla achvfa yak atuk pulla mak o Klaist a i filvmm̄t sa kv̄nia hi a, ahni la hinla hokbano.

4. Yvmmak osh Israel isht atiaka v̄hleha hoke: yvmmak o ushi isht a toba, micha Chihowa yvt holitopa fehnvt im otaiyani, micha nan it im v̄lhpisa puta, micha v̄ba nan v̄lh-pisa in tonla, micha Chihowa isht aiokp̄vchi, micha ai okchag-yvt bilia puta im issa tok aiena kv̄t immi hoke:

5. Mihm̄t iki v̄hleha tikba chash ot immi, micha yvmmak o Klaist vt hatak hakn̄p imma hokvno a minti tok osh, moma i shaiyahlit Chihowa holitopvt bilivshke. Amen.

6. Chihowa im anumpa hokvt aka itulvt kv̄nia tok o chiyuhmi keyu hoke. Yohmi ka Israel v̄hleha hak osh moyumvt Israel okla keyu hoke.

7. Michā Eblaham isht atiaka v̄hleha hokak osh moyumvt im v̄lla v̄hleha keyu ak inli: amba Aisaak ak o isht chi ai unchululi hoehifa hi oke.

8. Yohmi kv̄t hakn̄p imma im v̄lla v̄hleha hokvto, Chihowa im v̄lla v̄hleha keyu hoke: amba im issa tok v̄lla v̄hleha hak osh isht ai unchululi mak osh toba h̄o mak a chi hoke.

9. Yohmi ka nan im issa tok isht anumpa hv̄t ilvppak oke, V̄lhpisa tok nitak ont ai v̄lhpiesakma v̄la la hi oke, mikma Sela yvt ushi im vtta hi oke.

10. Michā yvmmak illa keyu; amba Lebeka yak kia achvfa piki Aisaak ak o isht ai i chakali hatuk o;

11. Yohmi ka v̄lla yokvt ik ashwo kisha hokvt, nana

achukma, nana ik achukmo nana kia ik yvmihcho kisha ak inli kia, nana ho yvmihchi tok ak o keyu, amba ilap ak osh hoyo hatuk o vlhtoka kv̄t Chihowa nana ai ahni tok vt ai ahla chi kak o;

12. Yvmmak ash o, Akni ak osh nakfish a i nutaka hi oke, im achi tok.

13. Holihiso kv̄t, Chekob ano i hullo li tok: amba Esau yokvno ak i hullo ki tok, ahanchi hatok oka.

14. Yakohmi ka nanta hak o il acha hinla ho? Chihowa hv̄t nana yvmihinchi kv̄t ik ai vlhpeso ho? ik yvmohmo pullashke.

15. Yohmi ka, Kvna ho i nukhaklo la he ahni likmvt, i nukhaklo la hi oke; micha kvna ho i kana la he ahni likmvt, i kana la hi oke, Moses a im achi tok.

16. Yakohmi hoka yvmmak ash o, ilap nan aiahni hokmá, mvlihinli kak okmá, nana kak osh ishi ho keyu; amba Chihowa yak osh i nukhaklo kak o yvmohmi hoke.

17. Yohmi ka, Chishno yak o nan isht vm ai ahli yoka ai otvminchi la he, micha sa hohchifo hokvt yakni moma ka hlopullit ai annohowa he, ilvppak fehna kak atuk mak o ik ahantá chim ai ahni li tok, Feleo ya Holisso Holitopa yvt im achishke.

18. Yvmohmi hoka kvna ho i nukhakla he ahnikmvt, i nukhaklo hoke: micha kvna ho kvlocha he ahnikmvt, kvlochi hoke.

19. Yakohmi ka chishno yokvt, Nanta katiohmi ho ik ahnincho imoma ho? Kva hak osh ilap nan ai ahni ka i sanali hatuk o? is svm acha chi hoke.

20. Yohmi ak inli kia, amba hatak chia ma! kvta chia hokak osh Chihowa ya i sanalit ish anumpuli cho? Nana toba tok vt ikbi tok ash o, Nanta katihmi ho yakohmichit chishno yvt is sakbi tok o? im acha hinla ho?

21. Lufampo ikbi yvt lukfi ya kanimihcha hi vt im ai vlhpiesa keyu ho? lukfi yvmvsvska miash inli ka achvfa kvto isht a holitopa, mikma achvfa kvto isht a kvllakshi ampo yo ikbi chatuk keyu ho?

22. Yohmi ka Chihowa hut ilap isht i nukkilli, micha ilap

nan isht ai ahli ya otvnincha he ai ahni kak osh, isht i nukkilli onutuyula he nan ai vlhto okpulot knia he im vltaiyaha puta ka ilbrshala hi vt i svlaha fehna hatuk mvt :

23, 24. Micha ilap isht a holitopa lawa fehna ka i nukhaklo onutuyula he nan ai vlhto puta, yummvt isht a holitopa pisa hi o tikbanli im ataiyahli hatok vt, pishno yak fehna ka pi hohoyo hatok ; Chu okla hak bano keyu, amba Chentail okla hak kia ai isht otvnincha he ai ahni hatok okma, nanta katihmi cho ?

25. Hosea yak o isht ai anumpohonli mvt, vm okla vhleha hatok keyu ka vm okla vhleha hochifa la he : micha a holitopa tok keyu kvt, a holitopa hi oke, ahanchi ak inli hatok oka.

26. Yohmi ka, Um okla hvchia keyu ai im ahanchi tok ash inli, yummak o Chihowa okchaya im vlla vhleha a hohchihifa he mak oke.

27. Esaias ak kia, Israel imma ka chitolit isht anumpohonli mvt, Israel im vlla vhleha holhtina kvt okhvta on talaka shinuk ai asha kak o chiyuhmi ak inli kia, kashapa hosh okchaya he mak oke.

28. Yohmi kvt ilap im anumpa ha ai ahlichia chi kvt ai vlhpiesa hosh tushpa fehnt yvmihcha hi oke : yohmi hosh Chitokaka yvt yakni paknaka ya a yvmohma he vlhpisa tok anumpa ha ai ahlichia he mak oka.

29. Mikma Esaias vt tikba kash, Sabaolh in Chitokaka yak osh kashapa ka pim ashahanchi hatok keyukma, Sotom atok ash inli ho e chiyuhmi, micha Komolah yak o chiyuhmit e toba hi atok oke, ahanchi tok.

30. Yakohmi ka nanta hak o il acha hinla ho ? Chentail okla hvt nan isht ai vlhpiesa yak o achunanchit hohoyo hatuk keyu kvt, isht ai vlhpiesa na yimmi yak o ai isht ai vlhpiesa yak fehna ka ihishi hatok oke.

31. Amba Israel okla hokvto nan vlhpisa isht ai vlhpiesa ya achunanchit hohoyo kvt, nan vlhpisa isht ai vlhpiesa ya ik ai ono hatok oke.

32. Yohmi ka katihmi hatok o ? isht ai vlhpiesa yash o isht ai yimmi kak o keyu, amba nan vlhpisa yak o a mihinta

hi ash o in chiyuhmit hohoyo hatok okvt. Isht ai ibetvbli tvli ymma isht ibetvbli hatuk okvt.

33. Holihiso kvt, Yakeh! isht ai ibetvbli, micha isht ai itula tvli yo Saion anukaka ya bohli lishke: yohmi ka kuma hosh i yimmikmvt, hofahya he keyu mak oke, ahanchi tok oke.

CHAPTA X.

Vba nan vlpisa, micha na yimmi yo isht ai vlpiesa kvt itim inla ka anoli, 5, 11 Chu yokma, Chentail okma nana hohkia, na yimmi kvt momvt hofahya he keyu, 18 Chentail vt vbanumpa ha holitoblit yimma he.

1. ITIBAPISHI li vhleha ma! sa chukvsh nan aiahni, micha Israel oka anumpa ilbvsha Chihowa ha isht im anumpohonli li kvt, okla okchaya he ak o ai ahni lishke.

2. Yohmi ka Chihowa ya ai yiminta fehna kia, ai ahli ithana keyu ka atokowa im ithaiyana lishke.

3. Yohmi kvt Chihowa hvv nan isht ai vlpiesa ya ataiyahli tok a ithana keyu hatuk osh, ilap inli i nan isht ai vlpiesa yo ai ahlichu bunna kvt, Chihowa hvv nan isht ai vlpiesa ataiyahli hatok okvto ik im antio hatuk oke.

4. Yohmi ka na yimmi puta hokvto isht ai vlpiesa he mak o, Klaist ak osh vba nan vlpisa nan ai ahni ka ai ahlichu yoke.

5. Yohmi ka Moses okvt vba nan vlpisa isht ai vlpiesa ka isht anumpuli mvt, Hatak vt ymma puta ka yumilinhik mvt, isht ai okchaya hi oke, achi tok oke.

6. Amba na yimmi isht ai vlpiesa hokvto yakohmichit anumpulishke: Chi chukvsh oka isht anumpulit, Kvt hak osh vba yakni yoka ont chukowa hi o? achi kvt, Klaist o ont ilauehit aka isht vla chi ho? achi ka, chik acho kashke.

7. Keyukmvt, Kvt hak osh ahofobi fehna ka ont chukowa hi o? achi kvt, Klaist a falaminchit tanichi cha, isht vla chi ho? achi ka, chik acho kashke.

8. Amba yummak ash ot nantuk achi? Anumpa hokvt chi bilikasi, chitakha anukaka yak fehna, micha chi chukvsh

anukaka foka hoke; achi kv̄t isht ai yimmi anumpa isht il anumpuli kak oke.

9. Chishno yokvt chitih fehna ka Chitokaka Chisvs oka isht otv̄ninchit ish anumpuli, micha illi tuk a falaminchit Chihowa hak osh taniehi tok a chi chukvsh oka isht chi yimmi hokmvt, chi okchaya hi oke, yvmmvt achi hoke.

10. Yohmi ka hatak vt chukvsh ak o isht ai yimmi kak osh isht ai v̄lhpiesa hoke; micha itih hak o Klaist a isht otv̄ninchit anumpohonli kak osh isht ai okchaya hoke.

11. Yomohmi ka Holisso Holitopa yvt, Kv̄na fehna hoh kia i yimmikmvt, hofahya he keyu mak oke, ahanchishke.

12. Yohmi ka Chu, micha Klik ita tuklo ka nana kv̄t ai it im inla keyu hoke: yohmi ka Chitokaka moyuma i shaiyahli miash inli hosh ilapa i pahaya moyuma ka i nukhaklo kv̄t a chinto fehna hoke.

13. Yohmi ka kv̄na hoh kia Chitokaka hohchifo ha i pahayakmvt, okchaya hi oke.

14. Yohmi ka katiohmit yv̄mma i yimmi hatuk keyu kv̄t i pahaya hinla ho? micha katiohmit yv̄mma haklo hatuk keyu kv̄t i yimma hinla ho? micha katiohmit vbanumpa isht anumpuli yvt iksho ka, hakla hinla ho?

15. Micha v̄lhtoka keyu kv̄t katiohmit vbanumpa ha isht anumpula hinla ho? holihiso kv̄t, Isht it i nanaiyvchi vbanumpa isht anumpohonli, micha na hochukma isht anohowa isht ai yukpa puta isht aya ka iyi yvt yakeh! aiokli fehnvshke, ahanchishke.

16. Yohmi kia moyumvt vbanumpa ha im antia hatuk keyu. Yohmi ka Esaias vt, Chitokaka ma! kv̄ta hak osh pim anumpa ha yimmi hatuk o? achishke.

17. Yakohmi hoka haklo kak osh isht a yimmi hoke: Chihowa im anumpa hv̄t isht anuhumpa pulla kak o a haklo hoke.

18. Yohmi kia haklo tuk keyu ho? Ih! ai ahli fehna; yakni moyuma ka itih ola kv̄t im ohona tok; micha anumpa puyuta kv̄t yakni hatak ai ahanta moyuma ka im ohona tok oke, vno vto achi lishke.

19. Amba Islael vt ithana hatuk keyu ho? vno vto achi

lishke. Ummona ka Moses vt okla hō keyu kia isht a chi nukhtahlachi la hi oke, micha oklushi ik hopoyukso yō isht a chi nokowvchi la hi oke, achishke.

20. Anonti Esaias vt nukwaya iksho hosh, Sa hohoyo hatok keyu kv̄t si ahayuchi tok; si a ponahaklo hatok keyu ka im otaiyani li hatok, achishke.

21. Amba v̄m antia he keyu, micha a sanalit anumpuli okla hoka sabbak a pit i wiyeli li shohombishke, Israel okvno im ahanchishke.

CHAPTA XI.

Chihowa hvt Chu moma kak o kanchi hatok keyu, 1; 7 kanimi kv̄to chukvsh kv̄llochi kia, kanimi kv̄to okchaya he v̄lhtoka tok: 16 v̄banumpa anukfohka hi yokvno im ahna he v̄lhpesa; 26 Chihowa yak osh ahnit imissa tuk atok oka, 33 Chihowa nan im anukfila yokvno kv̄na hosh hoyo kv̄t im ithvna he keyu.

1. YAKOHMI ka Chihowa hvt im okla fehna ka kanchit taiyahli hatok o? Ik yvmohmo pullashke; yohmi ka v̄no yak kia Israelait Eblaham isht atiaka Benchamin iksa sia hoke, achi lishke.

2. Chihowa hvt im okla fehna tikbanli ithaiyana tok okvto kanchit taiyahli hatok keyu hoke. Holisso Holitopa yvt Elias ai isht anumpohonli ka chik ithano cho? Israel oka anumpa onochit Chihowa ya isht anumpohonli kv̄t,

3. Chitokaka ma! chi hopaii v̄hleha ha ahambi tok, chim alta puta ka iba kullit akahanchi tok; yohmi ka v̄no ak ba-no hosh ahanta li ma, v̄m ilhfiohpak a tvbli bahanvshke, ahanchishke.

4. Yohmi kia Chihowa hvt afalaminehit nanta hak o im achi hō? Hatak tahlepa sipokni untuklo hokvto Baal hol-bvt toba ya ik i hvchukbihlepo atuk okvno v̄no v̄mni yō ilatohomba li tuk oke, achishke.

5. Yvmak ash inli chiyuhmit himonasi ak kia isht i kanvt isht ai v̄lhtoka tok vt kaniohmi kv̄t ai asha ak inli hoke.

6. Yohmi ka isht i kana yak okma, toksahanli tuk pulla yak o ai yvmohmi keyu hoke; yakohmi hokma isht i kana

yvt isht i kana keyu yoke. Amba toksahanli tuk pulla yak o ai yvmohmi hokma, isht i kana yak o ai yvmohmi keyu hoke: yakohmi hokma toksahanli yvt toksahanli keyu hoke.

7. Yakohmi ka katiohmi ho? Israel okvt nana hohoyo kvt ishi hatok keyu hoke: amba vltoka yak osh ishi hatok; mihma kashapa hokvto im anukfila hv kullot kvnia tok oke;

8. Yohmi ka holihiso kvt, Chihowa hokvt im anukfila nosilhvvt kvnia, nishkin nan isht pisa he keyu, micha hak-sobish nan isht hakla he keyu puta aiena ho ihima hatok; ahanchi hatok ash o ihima na himak a nitak a ai vlvshke.

9. Mihma Lewi vt achi kvt, Ai impa yvt isht ai ibetvbla he, micha isht ai itula he, micha isht ai okpula he, micha isht ai im vltoba he aiena isht ai in tobashke.

10. Michi nishkin vt im okhlili cha, isht ik peso hosh hlipkvchit maya na biliashke, achishke.

11. Yakohmi hoka ibetvbli hatuk ak osh isht ai itulvt kvnia ho? Ik yvmohmo pullashke: amba isht ai itula hatuk pulla kak o isht ai okchaya yvt Chentail a im vla ho isht a nuktahlahancha chi hatok oke, achishke.

12. Yohmi ka yvmvvt isht ai itulvt kvnia kak o yakni moyuma kvt isht ai yukpa laua kvt im vla hokma, micha isht ik a lauwt taiyaha kak o Chentail vhleha ha isht ai yukpa lava kvt im vla hokma; isht ai alotowa hokak heno isht i shahli fehna hi o keyu?

13. Yohmi ka Chentail hvchia ha hvch im anumpohonli il kvt, Chentail im apostel sia hatuk okvt, nan isht ai vtta li ya holiobli lishke.

14. Yohmi hosh kaniohmit isht a nuktahlachit sa haknpi ai achvfa kash kanimi kvno okchalinchi la hinla hokmvt,

15. Yohmi ka yvmma kaiyanchi kak o yakni moyuma kvt isht ai it i nanaiya hokma, yvmmak ash i kanvt falaminchit ishi hokak heno nanta ha hi o? amba illi tuk vt falamvt isht ai okchaya kak a hi o?

16. Yohmi ka vnit waya vmmona kvt holiropa hokma, a moyuma kvt holiropa ak inli hoke: micha hakshish vt holiropa hokma, naksish puta kak kia yohmi ak inli hoke.

17. Mihma naksish kaniohmi kvto atvptovt kvnia hokma,

alif haiaka ai offo chia hash osh ish ibafohka hatuk; micha yvmmak ash ibafoka hosh alif okchi, micha hakshish aiena ka ish ibai ishi hatuk okmvt;

18. Naksish puta ka ik ahobalot chik im ilauato kashke; amba ish ilauata hok mak osh chishno yak osh hakshish ish il ai ishi keyu, amba hakshish ak osh chishi hoke.

19. Yvmohmi ka, Naksish kaniohmi kv kobahlit kvnihiya kv, vno yak osh iba fohka la he yak o yohmi hatok, ish acha chi hoke.

20. Ahli; ik yimmo kak osh kobahlit kvnihiya hatok; amba chishno vto na yimmi kak osh isht ish a hikia hoke. Chik ilefhnacho kashke, amba ish il akanlosechashke:

21. Yohmi ka Chihowa hvt naksish fehna yash kanchi nukwiya tok keyu hokmvt, chishno yak kia chi kancha he yoba ka, ahah! ish ahnashke.

22. Yvmohmi ka Chihowa hvt isht i kana, micha isht palvminchi ya ho pesa: aka itula tok ash isht palvminchi; amba chishno yokvno isht chi kana, ilap isht i kana yash o ish a mahaya hokmvt; yvmmak keyu hokmvt chishno yak kia chayvt chi tupa he ak inli hoke.

23. Yvmmak ash kia ik yimmo kak o keyu hokmvt, iba fohoka he; Chihowa hak osh yvmmak ash falaminchit iba fohoka hi vt im ai ahli hoka.

24. Yohmi ka chishno yvt alif haiaka ai offo yo a tupa hosh alif achukma yash, ai yvmohmi chatuk keyu kia, ish ibafohka hatok okma; naksish fehna yatok ilvppak beto isht i shahli fehnvt ilap immi yatuk ash inli ka ibafohka hinla keyu ho?

25. Yohmi ka itibapishi li vheha ma! Israel a kashapa hokvt im anukfila hvt kahanlo na Chentail vheha isht ai alotowa yvt vla he yak atok, anumpa ai ahli ik otano chatuk ilvppa hvch ik ithaiyano hosh, hvchishno ash inli hosh ile yimmit hvsh ai asha hi a ak hvchim ai ahnoshke.

26. Yakohmikmvt Israel vheha hvt moyumvt okchapa hi oke; holihiso kv, Nahlakofichi yvt Saion ak o a minti kohcha hosh ai ashvchika ya Chekob a ai isht i kahancha hi oke, achi hatok oka.

27. Micha ai ashvchika yash ai isht i kanchi likmvt, ilvp-pak o nan it im apesa la he tok mak oke.
28. Ubanumpa hash imma hokvno, hvchishno yak atuk pulla kak o yvmmak ash ot tvnvp vhleha hoke; amba vltoka yash imma hokvno iki vhleha yash ak atuk pulla kak o i holitopa vhleha hoke.
29. Yohmi ka Chihowa hvt na habenahanchi, micha atokohonli aiena kvv inlvchit im anukfila he keyu hoke.
30. Yohmi ka hvchishno yokvto tikba pilla kash Chihowa ya hvsh i yimmi hatok keyu; yohmi kia yvmmak ash ot isht ik a yimmo pulla kak o isht i nukhaklo yash hvsh ishi hatok ash o;
31. Chiyuhmit ilvppak ash ot himonasi ka ik yimmo ak inli hatok kia, isht hvsh i nukhaklo yak atuk pulla kak o. ilvppak ash kia isht i nukhaklo ya ishi mak inla hi atok.
32. Yohmi ka Chihowa hvt yvmmak ash moyuma kvv ik yimmo ka he im ai ahni hosh moyuma ka i nukhakla he ak atok.
33. Yakeh! Chihowa hvt hopoyuksa fehna, micha nan ithana aiena kvv ataha hi vt ik im iiksho; nana apihisa ka akostininchit nana a kaniohmi puta ka silhhit ahayucha he keyu hoke.
34. Yohmi ka kvta hak osh Chitokaka im anukfila ha ithaiyana tok o? keyukmvt kvta hak osh nan i miha yatok o?
35. Keyukmvt kvta hak osh tikba ima hatok osh, anonti falamvt im vltoba hi atok o?
36. Yohmi ka nan okluha kvv yvmmak o a mihinti, micha yvmmak o isht a toba, micha yvmmak o immi mak osh tohomba tok; isht a holitopa yvt yvmmak o immit peh bilishke. Amen.

CHAPTA XII.

Chihowa ahninchit e yukpa la chi ka Chihowa nan isht i nukhaklo yash pi nukfokihinja hi a tuk, 1; 3 ilifehmvchit pishno ak inli ka isht ik pim anukfilo kashke; 6 amba kanima yo il a hikia na nana

ka yvmohma he vlhpesa kv̄t a pi onutuyulak ma, mihi yō e yvmohmashke; 9 it̄i hullo, mīcha nana ka il a yvmihcha he vlhpesa inla aiena ka pim apesa; 19 afalvminchit nana ka ik vlhpesalo ka hi okvno pim ahni keyu hoke.

1. YVMOHMI ka itibapishi li v̄leha ma! Chihowa hv̄t isht ī nukhaklo puta hak atuk pulla mak o hv̄chi haknip puta hokvno v̄ba isht aiokpv̄chi okchaya, holitopa, Chihowa yvt aiokpancha he vlhpesa hō, yv̄mma isht hv̄sh ai ahanwa he vlhpiesa hokvt, hv̄sh im issa he, hv̄chim ai ahni lishke.

2. Micha yakni ilvppak inli ka hv̄ch ik hoyulbo kashke; amba hv̄chim anukfila hv̄t himonvt toba pulla hatuk mak osh inl̄et hv̄sh tobashke; yohmi hosh nan achukma, nan ai vlhpiesa, nan ai ahli Chihowa nan ai ahni ka hv̄sh akostininchashke.

3. Yohmi ka isht ī kana ya v̄ma hatuk pulla mak o, hatak hv̄ch ibaf̄ga puta ka ilap ash inli kv̄t isht il anukfilla he ai vlhpiesa ka isht ī shahlichit isht ik anukfilla kashke, im achi lishke: amba il oktamblit Chihowa hv̄t hatak hikia ai yuka ka isht ai yimmi kaniohmi hō ima hatok ash o, hatak hikia ai yuka kv̄t isht il anukfillashke.

4. Yohmi ka pi haknip vt achv̄fa kia, pit ai achv̄fa hv̄t laua, mīcha pit ai achv̄fa ilvpp̄vt moyuma kv̄t nan isht ai vtta yvt miash inli keyu kash o:

5. E chiyuhmi hosh e laua kia, Klaist il ibai achv̄fa kv̄to haknip achv̄fa pia, mīcha achv̄fa ai yuka kv̄t pit il it ibai achv̄fa hoke.

6. Yvmohmi ka isht ī kana yvt kaniohmi hō il ishi hatok ak osh na hv̄lbina puta kv̄t ilai yuka hō il ieshi hokvt, Shilombish anukfoykvt anumpuli isht ai vtta yō e habena hatuk okmvt, isht ai yimmi yak o ai itilavi hō yv̄mmak o isht il ahantashke.

7. Mikmvt hv̄ch nan isht im vtta isht ai vtta ya e habena hatok mvt, yv̄mmak o isht il ahantashke; mīcha nan ithv̄nanchi yokmvt, yv̄mmak o isht ahantashke.

8. Micha v̄banumpa isht atohnochi yokmvt, yv̄mmak o isht ahantashke: na hopela yokmvt, im anukfila apissali hosh yvmihchashke: pehlichī yokmvt, ai ahli achukmashke:

i nukhaklot nan isht im vta yokmvt, aiokpanchi hosh yv-mihchashke.

9. Isht i hullo yvt isht il ahobi iiksho hashke. Nan ik achukmo ka ish i nukkillashke; nan achukma hoka ish asi-tiashke.

10. Itibapishi chiyuhmit it i kana fehnvt hvsh it i hulahske; hvsh iti holitobli kvv hvsh it im i shahlashke.

11. Nan isht vta kvv intakobi keyu; chukvsh isht ai yiminta fehnvt, Chitokaka yak o in toksvli hosh isht hvsh ahantashke.

12. Ai okchayvt bilia pisa la he ai ahnit, hvchi yuhupashke: na palvmmi hvsh pihisa kvv hvchi nuktaiyalashke: achunanchi hosh anumpa ilbvsha hvsh anumpohonlashke.

13. Ubanumpuli a bvna ka hvsh i hopehinlashke: hatak ik ithano ya hvsh i kana fehnashke.

14. Hvch ilbvshali ka isht im ai achukma he ai ahnit isht hvsh anumpohonlashke; isht ai okpula hi a hvch ik ai ahno hosh, isht ai achukma he ak o ai ahnit isht hvsh anum-pohonlashke.

15. Nan isht ilaiyukpa ka hvsh ibai yukpashke; micha nukhaklokma, hvsh iba nukhaklashke.

16. Hvchim anukfila hvv ai achvfv hvsh it im anukfil-lashke. Isht a holitopa puta ka hvch ik hohoyo kashke: amba hatak ilbvsha yak o hvsh il itilauechashke. Hvchish-no inli hvch ik ile yimmo kashke.

17. Hatak vt nan ik achukmo hvchi yvmihchi ka nan ik achukmo yo hvch ik i falamincho kashke. Hatak moyuma itikba ya nana achukma puta ka hvsh yvmihchashke.

18. Yohma he yobakma, hvsh a yvmohma he ai vlpiesa kvv, hatak moyuma ka hvsh it i nanaiya hosh hvsh ahan-tashke.

19. A holitopa ma! hvch ik il ai okho kashke, amba ai vlpiesa isht im atobbi yak o hvsh il im issashke; holihiso kvv, Ai vlpiesa isht atobba hi okvv vmmi hatuk osh, afala-minchit atobbi la hi oke, Chitokaka yvt achi hatok oka.

20. Yvmohmi ka chin tvnvp vt hohchvfo hokma, ish ipe-tashke; itukshila hokma, nan ishko ish ipetashke; ilvppak

o ish yvmihchi hokmak osh luak tobaksi yo noshkobo ha ish o fohobla hi oke.

21. Nan ik achukmo i nutvt chik il ai okho kashke; amba nan achukma kak o nan ik achukmo ka isht ish imaiya-chashke.

CHAPTA XIII.

Nan apesa ya im antia, mikmtv nana ka il i yvmohma he vlhpesa kvv inla mvt asha ka isht anumpuli, 1, 8 vba nan vlhpisa yvt ahla hi a holitobli, 11 atampli fehmtv impa, nan ishkot haksi aiena kvv ai okhlili ka yo yvmohmi hatuk osh kanima yo vbanumpa hvv atoh-wikeli hokvno ai otaiyana he keyu.

1. SHILOMBISH puta kvv nan vlhtoka i shahli vhleha ha im antiashke. Nan vlhtoka inla kvv iksho: amba Chihowa ak osh ai ahni kak bano hoka; nan vlhtoka puyuta ka Chihowa hak osh vlhtoka he ai ahni hoke.

2. Yvmohmi hoka kvna fehna hoh kia nan vlhtoka yoka i sanali hokvt, Chihowa hvv nan apesa tok a i sanali hoke: mikmtv i sanali vhleha hokvto ilap inli isht ai ilbusha yosh im vlhpisvt isha hi oke.

3. Nan vlhtoka vhleha hoka nan toksvli achukma yak osh ai i nukshopa yo keyu hoke: amba nan ik achukmo toksvli yak oke. Yakohmi ka nan vlhtoka yoka chishno yvt i nukshopa la he, chik ai ahno cho? Nan achukma kak o ish yvmohmashke; mikmvto yvmmak ash o ish im a holitopa hi oke.

4. Nan isht chim achukma chi mak o yvmmtv Chihowa nan isht im vta hatuk oka. Yohmi kia nan ik achukmo kak o ish yvmihchi hokmvv, chi nukshopashke: yohmi ka yvmmtv bvshpo falaia ya peh pilla ieshi ho keyu; amba yvmmtv Chihowa nan isht im vta yosh nana ka ai ghlichit nan ik achukmo yvmihchi ya isht ai i palvmmi ka onohonchi mak oke.

5. Yvmohmi hoka isht ai i palvmma he ak bano kak o keyu, amba isht il akostininchi yak atuk pulla aiena kak o ish im antia pullashke.

6. Yohmi ka ilvppak atuk pulla kak o noshkobo chumpa ya ish atobbi makinlashke: yvmmt Chihowa nan isht im vta vhleha hatuk osh nana ilvppak fehna ka isht ahantvt bilia hoke.

7. Yvmohmi ka moma kvv ilap ai isha he ai vlhpiesa ka ish imashke: noshkobo chumpa ya kvna hosh isha he ai vlhpiesa kak o ish imashke: vlhpoyak isht ai vltoba kashampa kvnia he tuk a kvna hosh isha he ai vlhpiesa kak o ish imashke: kvna ho i nukshopa he, ai vlhpiesa kak o ish i nukshopashke: kvna ho holitoba he ai vlhpiesa kak o ish holitoblashke.

8. Hatak nana kia ahaka yvt ik chin takanlo kashke: amba hvsh it i hulla he vto hvsh it in takanlashke; yohmi ka kvna hosh inla ya i hullo hokvto vba nan vlhpisa ya ai ahlich hoke.

9. Yohmi ka, Chik it in lumako kashke, Chik bo kashke, Chik hukopo kashke, Chik aholvbecho kashke, Chik anushkunno kashke; micha nan vlhpisa inla kvv takanli hokmvt, anumpa kanomosi, Chin chuka panta hatak a ish i hullo kvv, chishno ish il i hullo kak i chiyuhmashke, achi ilvppak o foka hoke.

10. It i hullo yvt nan ik achukmo in chuka panta hatak a ik i yvmihcho yoke: yvmohmi hoka it i hullo yak osh vba nan vlhpisa ya ai ahlich mak oke.

11. Micha ilvppak o hvsh yvmohmashke; mikmvt himonasi ka nusi tuk vt pi okcha he hvshi kanvlli hvv ont ai vlhpiesa ka il ithaiyanashke; himonasi kvno isht ai pi okchaya yokvt pi bilika kvv pi yimmi hatok ano i shahli hoka.

12. Ninak vt ant ia hosi ma, nitak vt vla hosishke: yvmohmi hoka okhlili isht a toksvli puta ka e kaiyan-chashke: micha nan tohwikeli isht il atukkochi yak o e foyukashke.

13. Nitak itvnova yak o chiyuhmit ai vlhpiesa hosh il itvnovashke: haksi, micha tasimbot tasali keyu, itiba nusit isht a havi keyu, itachowa, micha it i potvnnot hvch ik it i nukkillo kashke.

14. Amba Chitokaka Chisvs Klaist ak o hvsh foyukash-

ke; micha haknip nan ai ahni okpulo puta ka im ai ahlichia
chi kvt haknip a nana hvch ik atahlo kashke.

CHAPTA XIV.

Nana kvt ilim itim inla mak osh il iti shetilima he tok keyu, 1; 13
amba nana ka ahah! il oh ahni na, nana ka il itim inla hoh kia, inla
maya kvt isht ik pim ai ibetvblo kashka; 15 nana kvt yohmi ka
na laua ho isht mihvt Pal vt otvninchi hoke.

1. NA yimmi kvt ik ono ka hvsh i kana banashke;
micha im anukfila anuktuklo atuk a nana isht chik im apeso
kashke.

2. Yohmi ka achvfa hokvto nan okluha ka vpa hi atuk vt
yimmishke; inla hokvto na yimmi kvt ik ono mvt, na waya
yak o vpvshke.

3. Yohmi ka vpa hokvt ik po hoka ik kanimancho kash-
ke; micha ik po hokvt vpa hoka nan ik im apeso kashke;
Chihowa ak osh i kana hatuk oka.

4. Kva chia hokak osh hatak inla in tishu ha nan ish im
apesa hoh cho? ilap i shahli ak illa ho isht im a hikia he,
keyukmvt isht ai im itula hi oke. Ahli, ai ahlit hikia hi
oke, Chihowa hak osh ai ahlichit hilecha hinla hoka.

5. Hatak achvfa hokvto nitak achvfa kvt inla ka i shahli,
ai ahnishke; inla hokvto nitak moma kvt itilau, ai ahnishke.
Hatak puyuta kvt ilap im anukfila fehna ka ai ahlit anukfo-
yukashke.

6. Kva hosh nitak a holitoblikmvt, Chitokaka yak o i
holitobli hoke: mikma kva hosh nitak a ik i holitobli hok-
mvt, Chitokaka yak o ik i holitobli hoke. Kva hosh vpa-
mvt, Chitokaka yak o im vpa hoke; Chitokaka yak o isht
aiokpvchi ya ima hokvt: mikma kva hosh ik pokmvt,
Chitokaka yak o ik im vpo hoke: yohmi kia isht aiokpvchi
ya Chihowa yak o ima hoke.

7. E kanima kvt pishno inli il im anta keyu hoke: micha
hatak nana kia ilap inli il im illi keyu hoke.

8. Pi okchayvt il ahanta kvt, Chitokaka yak o il im ahanta
hoke; micha pilli hokmvt, Chitokaka yak o il im illi hoke;

yvmohmi hoka pi okchaya, pilli, kanimampo hoh kia Chitokaka yak o immi pia hoke.

9. Yohmi ka Klaist okvt illi tuk vt falamvt okchaya kvt, illi, micha okchaya it aieninchit in Chitokaka toba chi ilvpak fehna hatok oka.

10. Yohmi kia nanta katiahmi ho chitibapishi ha nan ish im apesa cho? micha nanta katiahmi ho ish itibapishi ha ish kanimanchi cho? e moyuma kvt Klaist nan apesvt ai o binili ka itikba ya e hiohla hi oka.

11. Yohmi ka holihiso kvt, Sai okchaya hoka iyikalaha puta kvt a hvchukbihlapa hi oke; mikma isunlvsh puta kvt Chihowa ha aiokpahancha hi oke, Chitokakayvtachi hoke, achi hatuk oka.

12. Yakohmi hoka e moyuma kvt Chihowa hoka il im il anohonla hi oke.

13. Yvmohmi hoka himak a pilla kvno nan it im apesvt kil abanto kashke; amba hatak nana kia isht ai ibetvbla he, keyukmvt isht ai itula he nana kia itibapishi i hina ya ik bohlo ka he ilvpak o hvsh im anukfillashke.

14. Yohmi ka nana kvt ilap ak inli kvt ik kashofu kvt iksho ka, Chisvs Klaist ak atuk mak o isht a sa nukfoyukvt, ithaiyana lishke: amba kvna hosh nana kvt ik kashofu ai ahni hokvno, yvmvno nana kvt ik i kashofu hoke.

15. Ish itibapishi hvv nana ish pa ka isht ik im vlvpieso hokma, himak a i hullot ish nohwa keyushke. Yvmmak ash Klaist vt vlvtovt illi hatok oka, chim ilvpak a isht chik okpano kashke.

16. Yvmohmi hoka nana achukma isht ish ilaiyukpa kvt ik ai vlvpesot isht ik anumpo kashke.

17. Yohmi ka Chihowa apelihchika yokvt nan impa, nan ishko kak o keyu hoke; amba nan isht ai vlvpiesa, micha isht it i nanaiya, micha Shilombish Holitopa ai isht ilaiyukpa yak oke.

18. Yohmi ka kvna hosh nana ilvpak fehna ka Klaist a isht im antia hokvno Chihowa yvt ahninchu, mikmvt hatak puta kvt vlvpesa ai ahni hoke.

19. Yvmohmi hoka nana kvt isht ai it i kana puta, micha

nana ka isht it i hlampkohoncha he aiena kak o e yvmohg-mashke.

20. Yohmi ka nan vpa ak atuk mak o Chihowa hvt nana toksahanli tuk ash isht chik okpano kashke. Nan okluha kvk kashofa mvhli hoke: yohmi kia hatak nana hosh inla isht ai ibetvbli hq impa hokvto, isht ik im achukmo hoke.

21. Nipi vpa, oka paki ishko, keyukmvt nana kia ish itibapishi hvt isht ai itulvt isht ai ibetvblit isht ik a hlampko ka chi hq, ai yvmohmi kvk ik achukmo hoke.

22. Nana kash chi yimmi cho? Chihowa itikba yak o chishno illa hosh ish a yvmohmashke. Kvna hosh ilap vt nana hq vhpiesa ahnit, ilap ash inli anumpa isht ik il onocho hokvt, na yukpa hoke.

23. Yohmi ka kvna hosh anuktuklo hoh kia vpa hokmvt, anumpa onvtula hoke: nana hoh kia yimmi keyu hosh yvmihchi hokvto ai ashvchi yoka.

CHAPTA XV.

Hlampko kvk, ik hlampko ya nan ib ai isha he, 1; 2 pishno inli kil ile yukpalo, 3 Klaist vt yohmi tok keyu, 7 amba e moma ka Klaist vt pi kanvt nan pim anukfilli tok a cholmit it i kanvt ili tiholito-blichia he: 30 Pal vt Loman vbanumpuli vhlaha hvt vba isht anumpula he im a sililha.

1. YAKOHMI hoka pi hlampko hokvto ik hlampko hokvno nan il ib ai isha he atuk; micha pishno inli il ile yukpala hi atuk keyu hoke.

2. E moyuma kvk ilap in chuka panta hatak vt vbanumpa ha isht a hlampkot im achukma chi ka e yukpalashke.

3. Yohmi ka Klaist ak kia ile yukpali tok keyu hoka; amba holihiso kvk, Isht a hofahyali puta kvk chi onvtula hatuk vt sai onvtula hatuk oke, achi hatok oka.

4. Yohmi ka nana fehna hoh kia tikba pilla kash holihiso kvk nana isht a pim vlvcha he mak o holihiso hatok oka; yohmi kvk Holisso Holitopa ak o nana ka isht a nuktaiyalt achunanchit ai okchayvt bilia ya il isha he, il ai ahna hi atok oke.

5. Yohmi ka Chihowa hak osh hvchi atohnohonchit isht anuktaiyalvt achunanchi ya hvch ima na nana hvsh it im anukfilli kv̄t ai achv̄vt Klaist Chisvs ak atok ak o hvsh chiyumashke.

6. Yohmi hosh hvchim anukfila hv̄t ai achv̄vt, itih achv̄fa hosh Chihowa, pin Chitokaka Chisvs Klaist İki yak fehna ka hvsh holitobla hi atuk oke.

7. Ymohmi hoka Chihowa hv̄t isht aholitopa ch̄i kak o Klaist ak kia p̄i kana hatok ash o, chiyuhmit hvsh it i kanashke.

8. Yohmi ka Chihowa isht ai ahli yak atuk pulla kak o Chisvs Klaist okvt hakshup t̄vpa yak o nan isht im vtta toba kv̄t, İki v̄hleha h̄a nan im ih̄isa tok puta ka ai ahlich̄a ch̄i kak atok oke, achi lishke.

9. Micha yohmi h̄o Chentail v̄hleha hv̄t ilap isht i nukhaklo tok ak o Chihowa ya holitobla hi atok oke; holih̄iso kv̄t, İl̄vppak atuk mak o Chentail v̄hleha h̄a ibai achv̄vt ch̄i aiokpahanchi la he; micha ch̄i hohchifo h̄a isht taloh̄owa la hi oke, achi hatok oka.

10. Micha anonti Chentail hv̄chia hv̄t v̄m okla v̄hleha h̄a hvsh ibai okpahanchashke, Chitokaka yvt achishke.

11. Micha anonti, Chentail moyuma kv̄t Chitokaka ya hvsh aiokpahanchashke: micha okla moyuma kv̄t hvsh aiokpahanchashke, achishke.

12. Micha anonti Chesse ak o isht atiaka yosh ahanta he, micha yvm̄mak fehna hosh Chentail okla h̄a i shahlit m̄ikot wakaya hi oke: yvm̄mak o Chentail okla hv̄t anukchieta hi oke, Esaias vt achishke.

13. Yohmi ka ai okchayvt bilia ya pisa he ai ahni ya in Chihowa yak osh isht ai yimmit ai isht it i nanaiya, micha ai isht il̄ aiyukpa moyuma ka hv̄chi al̄otoli h̄o Shilombish Holitopa nan isht ai ahli yak atuk pulla mak o ai okchayvt bilia hvsh isha hi okvt, ai ahli feh̄nvt hv̄chi anukfoykashke.

14. Micha itibapishi li hv̄chia hv̄t nana achukma bieka hosh hv̄chi anukfoykvt, nan ithana isht a hv̄chi al̄otowa hatuk osh, nana ka hvsh it i miha he bieka ak inli ka, v̄no ak inli kv̄t hv̄chi yimmi li ak inlishke.

15. Yohmi ak inli kia itibapishi li vheleha ma! Chihowa ak osh isht i kana ya vma hatuk oka, ik sa nukwayo kv isht i shahli hosh isht hvsh ithana chi kak o, nana a kaniohmi ka hvchi holissohonych lishke;

16. Yohmi hosh Chisvs Klaist nan isht im vta yosh, Chihowa im vbanumpa hq Chentail okla hak o isht im ahanta la chi hatok; yohmi hq Chentail vt Shilombish Holitopa yak o isht a kashofa hatuk o vba isht aiokpvchi ka ahninchahi atok oke.

17. Yvmohmi hoka nan oklyuha, Chihowa hv isht pit ahalaya ka Chisvs Klaist ak atuk pulla mak o, nana ka isht ilauata la hi vt ieszhi lishke.

18. Chihowa imi Shilombish nan isht ai ahli yak atuk pulla mak o nan isht nukhlakancha, micha nan isht atokowa yo nana ka isht ai yvmohmit anumpohonli li hq, Chentail okvt im antia chi ka, Klaist vt isht a si atokseli hatuk keyu hokvno nana ai yvmohmi tuk ash achvfa kia isht anumpuli la he keyu hoke.

19. Yvmohmi hosh Chelusalem, micha isht ai apakfoupt Ililikvm a ont ai vhi itintakla ya Klaist im vbanumpa ya ai ahli fehnvt isht ai anumpohonli li hatuk oke.

20. Ahli, yakohmi hosh intolahpi hatak inla immi pak naka yo ai ikbi li yoba na, ai ahni li kak osh kanima yo Klaist vt isht ik ai anumpo hokvno vbanumpa ya isht ai anumpohonli sa bvna fehna chatuk oke.

21. Yohmi kia holihiso kv, yvmak o isht im anumpo hatok keyu kia, okla pisa hi oke; micha okla yvmvt haki hatok keyu kia, akostinicha hi oke, achi hatok oka.

22. Yohmi ka ilvppak atuk pulla kak o hvchim ona la hi atok vt, isht a si atakvma fehna ak inli hatuk oke.

23. Yohmi kia himonasi hokvno ilvppa ai anumpuli la hi okvt ik sum iksho hatuk osh; micha hvchim ona sa bvna fehna tok a himak a afvmmi hv lau fehna hatuk osh;

24. Kanima kash inli hq nowvt ayvt Ispani yoka chukowa likmvt, hvchim ona la hi oke: yohmi kv nowvt aya h hokvt, ont hvchi pisa la he ai ahni li: micha hvchi pist

kaniohmit vm vhlpiesa ha yokmyno, nowvt aya li kash achakalit pit hvs sa pila he chishke, ai ahni lishke.

25. Yohmi kia himonasi hokyno vbanumpuli vhleha hak o i hopela la chi hosh Chelusalem ak o ia la chishke.

26. Yohmi ka Masetonia, micha Akaia okla aiena kvit im vhlpiesa hosh vbanumpuli ilbvsha Chelusalem ai asha ka nan isht apelvchi kaniohmi ka i bohonli tuk oke.

27. Im vhlpiesa ai ahli fehna hosh yvmihchi tuk: yohmi hatuk o im aheka vhleha hokvt. Yohmi ka Chentail okla hvt nana Shilombish immi puta ka ibai ihishi toba hatuk mvt, anonti nana haknip immi puta ka ymma isht apelvcha hi okvt im ai vhlpiesa ak inlishke.

28. Yvmohmi hoka ilvppa isht vttvt vm vltaha, micha nan isht apelvchi ilvppak ash o im ai ahlich i li ha yok mak osh, hvchin tmaha ha hlopullit Ispani yoka ont chukowa la hi oke.

29. Mich a hvchim ona likmvt, Klaist im vbanumpa ai isht ilaiyukpa ai ahli fehna laua ka isht hvchim ona la hi okvt, ithaiyana lishke.

30. Yohmi ka itibapishi li vhleha ma! Chitokaka Chisvs Klaist ak atuk puyula, micha Shilombish ak atuk mak o isht iti hullo yvt hvchi anukfoyuka hokvt, svbai yichina fehna hosh anumpa ilbvsha Chihowa ya im anumpohonli kvit, isht hvs si anumpohonlashke.

31. Yohmi ho ik yimmo vhleha Chutia ai asha ka ai i hlakofi lashke: micha Chelusalem a nan i hopela la chi ishi li kash vbanumpuli vhleha hash ot aiokpahanchashke.

32. Yohmi ho Chihowa nan ai ahni pulla ho nan isht ilaiyukpa ya ieshit hvch im ona li hosh, nana ka hvch ibai yuhukpa li hokbano.

33. Yohmi ka nan isht it i nanaiya in Chihowa yak osh hvsh moyuma ka hvch iba foyukashke, Amen.

okla im ahna chi ka im anoli; 21 atuk osh nana ka yakimihchit na pit i mihlvt tahli mvt, ishtaiyopichi kv Chihowa ya aiokpachanchi.

1. **KLENKLEA** chvch hikia ka nan isht im vta, pin tek, Febi ya hvsh aiokpancha he pit hvchim ai ahni lishke:

2. Yohmi hosh Chitokaka yak o ai achvfa hoka vbanumpuli ai ymohmi yak o chiyuhmit hvsh aiokpvchashke: mi-cha nana hoh kia isht apelvcha hi a bnna hokma, hvsh apelashke: yohmi ka ymmvt laua ka apelahanchi chatuk; micha vno ak kia aieninchit si apelahanchi chatuk oke.

3. Klaist Chisvs a ibai achvft svb a toksahanli Akuila, micha Plissilla ita tuklo ka hvsh aiokpvchashke.

4. Yvmmak okvt vm ilhfiopak ak atuk pulla kak o ilap ikunla fehna ka aka ya bohonli tok: yvmmak oka vno ak illa keyu, amba Chentail iksa hiohli puyuta aiena kv yak oke, im ai ahnishke.

5. Yvmmak ash chiyuhmit ymma in chuka vbanumpuli iksa maya ka hvsh aiokpvchashke. Epenetvs a holitopa fehna, ymmvt Klaist i yimmi kv Akaia ya ai ymohmit nan vni vmmona hatok a hvsh aiokpvchashke.

6. Meli ya hvsh aiokpvchashke; yvmmak okvt pin tok sahanli fehna hatok oke.

7. A kanomi, micha svbai yuka Antonikes, micha Chumia itatuklo, yvmmak okvt vbanumpeshi vhleha ha i holitopa yoka hvsh aiokpvchashke; yvmmak okvt sa tikba Klaist ai ibai achvfa hatok mak oke.

8. Amplias Chitokaka ya ai achvfa a holitopa ya hvsh aiokpvchashke.

9. Ulbani Klaist ai achvft piba toksahanli, Stakvs a holitopa aiena ka hvsh aiokpvchashke.

10. Apelles, Klaist vt ahninch i ya hvsh aiokpvchashke. Alistobulus in chuka chvfa ai achvfa ka hvsh ai okpvchashke.

11. A kanomi Helotion a hvsh aiokpvchashke. Nasissvs in chuka chvfa Chitokaka ai achvfa ka hvsh aiokpvchashke.

12. Tlaifina, micha Tlaifosa itatuklo, Chitokaka in toksahanli ya hvsh aiokpvchashke. Pasis holitopa, ymmvt

Chitokaka ya in toksahanli fehna chatuk a, hvsh aiokpvchashke,

13. Lufvs Chitokaka im vltoka, micha ishki, micha yvm-mvt vshki ya hvsh aiokpvchashke.

14. Asinklits, Flekon, Hemas, Patlobvs, Hemes, micha il itibapishi vhleha hvt ymma apehvt maya aiena ka hvsh aiokpvchashke.

15. Filolokvs, micha Chulia, Nelevs, micha in tek, micha Olimpaz, micha vbanumpuli ymma apehvt maya aiena ka hvsh aiokpvchashke.

16. It i suksowa holitopa yo isht hvsh it aiokpvchashke. Klaist in chvch vhleha hokvt hvchi aiokpvchishke.

17. Yohmi ka itibapishi li vhleha ma! nan vlvchi hvsh ithvna kash i sanalit isht it i filummichi; micha isht ibetv-blich aiena ihikbi hokvno, yakohmi hvsh ahni pulla cha, hvch ik ahalaio kashke.

18. Yohmi ka ilvppa chiyuhmi puta hokvto Chitokaka Chisvs Klaist ak o in toksvli keyu hoke, amba ilap ikfoka yak inli hoke: mikmvt anumpa achukma puta, micha isht ahninchii anumpa puta aiena kak o nuktvhltv ahah! ik ahno chukvsh puta ka isht haksichi hoke.

19. Yohmi ka isht hvsh im antia yokvt hatak moyuma ka im anohowa hoke: yvmohmi hoka hvchishno yak atuk pulla kak o sai yukpvshke: yohmi ak inli kia nana achukma kak o hvch imponna cha, nan ik achukmo hokvno ik hvch imponno hok bano hvchim ai ahni lishke.

20. Mikma nan isht it i nanaiya in Chihowa yak osh Setan oka chekosikma chiyi nuta ya a litola chi hoke. Pin Chitokaka Chisvs Klaist isht i kana yvt hvchi anuk foyu kashke. Amen.

21. Timohlivs svba toksvli, micha Lusivs, micha Chason, micha Sosipata a kanomi aiena kv pit hvchi aiokpvchishke.

22. Tetivs sia holisso ilvppa holissohonchi kash ot Chitokaka ibai achvfa hvchia ha pit hvchi aiokpvchi lishke.

23. Vno, micha chvch moma aiena ka nan im atahli Kaivs ash ot pit hvchi aiokpvchishke. Elastvs, tmaha in

tvli holisso sholi, micha il itibishi Katvs aiena kv̄t pit
hvchi aiokp̄chishke.

24. Pin Chitokaka Chisvs Klaist isht i kana yvt hvsh
moyuma ka hvchi anukfoyukashke. Amen.

25. Yohmi cha Chisvs Klaist vt nan abahanchi tok um
vbanumpa ak atuk na luma ituyula chatuk yakni toba tok
itin takla ka isht ik anumpo chatuk osh isht anuhumpa ak
atuk puyula mak o isht a hvchim ai ghlichha he im ai vhp̄pies
hatuk,

26. Micha Chihowa okchayvt bilia yvt nan apihisa hatuk
mak o hopaii vhleha hv̄t holissohonchi tok o, oklushi moyu-
ma kv̄t na yimmit isht im antia ch̄i mak o, im otaiyani hatok:

27. Chihowa hopoyuksa achvfa bano kash ot Chisvs
Klaist ak atuk pulla kak o isht a holitopa yvt immit bilias-
ke. Amen.

HOLISSO VMMONA PAL VT

KOLINHILA CHUCH

A HIKIA HO I HOLISSOCHI TOK.

CHAPTA I.

Vbanumpuli Kolinhla asha tuk a Pal vt pit ai okpvchi, mihmvt Chihowa ya aiokpvchi, 1; 10 itibachvft maya he i miha; 12 itaka-shapvt maya tuk a nan i miha. 18 Aka a nahopoyuksa yvt nan isht a hopoyuksa ka; 21 nan ik ahobo vbanumpa isht anumpuli kak o Chihowa yvt isht okpaninchi: 26 na hopoyuksa, micha nan i shahli aiena kak osh vltoka keyu, amba ik hopoyukso, ik hlampko, aiena kak osh vltoka.

1. PAL, Chihowa nan ai ahni atuk pulla mak o Chisvs Klaist im apostel vltoka tok, micha il itibapishi Soshlenes ita tuklo kv,

2. Chihowa in chvch Kolinhla a hikia, Chisvs Klaist ak atuk pulla kak o isht a kashovt, vbanumpuli vltoka tok, micha pin Chitokaka Chisvs Klaist vt ymma, micha pishno il ita tuklo ka pimmi hatuk o hohchifo ha anukchietot hoyot kanima moma ai asha aiena ka pit i holissohonchishke.

3. Isht i kana, micha isht it i nanaiya aiena Piki Chihowa, micha Chitokaka Chisvs Klaist ita tuklo ka a mihinti kv hvchi anukfoykashke.

4. Yohmi ka Chisvs Klaist ak atuk pulla kak o Chihowa hv ilap isht i kana ya hvch ima hatuk oka, an Chihowa ya hvchishno yak atuk pulla mak o yak oke im ai ahni li bilvshke.

5. Yohmi ho nan okluha kv yvmak o isht a hvchin

laua hosh isht anumpuli puta, micha nan ithana puta kvt isht a hvchim aienvshke.

6. Yakohmi hosh Chisvs Klaist nan isht atokowa yash osh hvchishno a isht ai ahli hatuk oke.

7. Yohmi hosh na hvlbina nana kia ik ai ono ho hvsh ishi tuk keyu hatuk osh; pin Chitokaka Chisvs Klaist vt otaiyana hi a hvsh hohoyo hoke.

8. Yvmmak ash inli hosh hvchi ai ahlihinchit ont ai vhi ka isht hvch ona hi oke: yohmi ho pin Chitokaka Chisvs Klaist i nitak fehna ka anumpa isht a hvchi onvtula hi vt iksho ka hi oke.

9. Chihowa hvv ai ahli yoke, yvmmak o ilap Ushi pin Chitokaka Chisvs Klaist a ai ib ai eshi isht a hvchi vltoka hatuk oke.

10. Yohmi ka itibapishi li vhleha ma! nana a miha hvcha ho isht hvsh anumpula he, mikmvt ai it i filvmmi puta kvt ik hvchim iksko ka he; amba nana hosh ai ahni kvt hvchim anukfila hvv ai ahli fehvvt hvsh it ibafoyuka he mak o pin Chitokaka Chisvs Klaist isht a hochihifo hosh hvchim ai ahni lishke.

11. Itibapishi li vhleha ma! nan itachowa yvt hvchin tak la a takali ka, Kloe in chuka hvcha yosh vm anoli hatuk oke.

12. Yohmi ka hvsh moma kvt, Vno ak osh Pal ai achvfa sia; anonti, Vno mvt Apollos ai achvfa sia; mikma, Vno vto Sefas ai achvfa sia; yohmik ma, Vno vto Klaist ai achvfa sia; hvsh achi ilvppak o achi lishke.

13. Klaist vt ita kvshkoa ho? hvchishno atuk mak o Pal ak osh ititaiyukhvna ai illi tok o? keyukmvt Pal i hohchifo ho isht hvchi baptismo tok o?

14. Hvsh kanima kia ak hvchi baptismochi hosh Klv pvs, micha Kaivs ita tuklo bano tok a yak oke, Chihowa hv im ai ahni lishke.

15. Yohmi hatuk o vno ak inli a hohchifo ho isht baptis mochi li tok a, hvsh kanima kia hvsh acha he keyushke.

16. Mikmvt Stefanvs in chuka hvcha ak kia baptismochi li tok; inla yano baptismochi likma, nana tuk vt ak itah noshke.

17. Baptismochi la li o, Klaist vt si atokoli tok keyu hoka, amba vbanumpa isht anumpuli la he ak atok: anumpa hopoyuksa ya he atuk keyu, yohmi hokma Klaist im ititaiyukhvna yvt nan ai ahla he keyu hoke.

18. Ititaiyukhvna isht anumpuli yokvt kvna hosh ilbvshvt illa chi yvmmak o ik im ahobo yoke: amba okchaya chi pishno ak okvno Chihowa nan isht im ai ahli yoke.

19. Nan imponna isht a hopoyuksa yokvno okpvti la chi, mikmt nan ithana nan isht akostinichi yano akshochi la chi, achi hosh holihiso hatok oke.

20. Katima yak o na-hopoyuksa yvt anta ho? katima yak o na-holissochi yvt anta ho? yakni ilvppa nan isht ai it i ponaklo yvto katima yak o maya ho? yakni ilvppa isht a hopoyuksa ya Chihowa hvto ik ahobalecho hatuk keyu?

21. Nan isht a hopoyuksa hosh Chihowa hvnt nan atahli tok kia, yakni vt ilap hopoyuksa kak osh Chihowa ya isht ik ithano ma, vbanumpa isht anumpuli ik ahobo kia, kvna hosh yimmi hokvno mihi yo Chihowa hvnt vhpesa, ahnit isht okchalinihi yoke.

22. Chu okla hvnt nan isht atokowa asihihla, mikma na hopoyuksa yo Klik vto hohgyoshke:

23. Yohmi kia pishno vto Klaist ititaiyukhvna ai illi tok a isht il anumpohonli ka, Chu okla hokvno isht ai im ibetv-bli yokmt, anonti Klik okvno nan ik im ahobo yoke;

24. Yohmi kia Chu okla, mikmt Klik okla ita tuklo ka kanima hosh vltoka hokvno mihi yo Chihowa nan isht im ai ahli, micha Chihowa nan isht im ahopoyuksa Klaist a isht il im anumpohonlishke.

25. Chihowa nan isht ik im ahobo yvt hatak okvno hopoyuksa kvnt i shahli hoka; micha Chihowa yvt isht ik a hlampko ahoba kia hatak okvno hlampko kvnt i shahli hoke.

26. Itibapishi li vhleha ma! hvchishno vto hvchi vltoka hokvto yakni pakna a hopoyuksa yvt ik lauwo, nan isht ai ahli ishi kvnt ik lauwo, hatak holitompa aiena kvnt ik lauwo hosh vltoka ka hvsh pisvshke:

27. Yohmi kvnt ilap hopoyuksa ya hofahyala chi kvnt

Chihowa hvt yakni iluppa nana ik ahobo puta ka atokoli hatuk; micha nana hlampko yvma hofahyala chi kvt yakni iluppa ik a hlampko yo Chihowa hvt atokoli hatuk:

28. Mikmt nana kvt yakni iluppa ik a holitopo, micha nana kvt yvma ik ai ahobo aiena ka, Chihowa hvt atokoli hatuk; ahli, yohmi kvt nana asha tuk a akshocha chi kvt nana kvt iksho ke tuk a atokoli hatuk:

29. Yohmi ho hatak nana kia Chihowa itikba ya ai ilauata he atuk keyu hoke.

30. Yohmi kia hvchishno vto yvmak atuk mak o Klaist Chisvs a hvsh ibai achvfa ka yvmak o Chihowa pulla kak o isht pi a hopoyuksa, micha isht pi ai vlpiesa, micha isht pi a kashofa, micha isht pi ai vlbi yoke:

31. Yohmi ka holisso hatuk oka, Kvna kia ilauata hokmvt, Chitokaka yak o isht ik ilauata.

CHAPTA II.

Vbanumpa isht anumpohonli ka Chihowa nan isht im ai ahli yosh ai ibafoyuka tuk a, Pal vt achi, 1. 14 Im anukfila himona hatak keyu hokvto vbanumpa ha ik akostinincho.

1. YOHMI ka itibapishi li vhleha ma! kaniohmi kash hvchim ona li kvt, Chihowa isht atokowa yo hvchim anohonli la chi kvt, isht ahnicha he anumpa hokma, keyukmvt isht ahnicha he hopoyuksa hokma, nana ho isht hvchim aya li hatok keyu hoke.

2. Nana ka a hvchim ai ithva la he ahni li hatok keyu, amba Chisvs Klaist, micha yvmak osh ititaiyukhva ai illi tok ak bano hatok ak oka.

3. Yohmi mvt isht a hlampko iksho, mihmvt komunta, micha wvnihinchi fehna hosh hvchin takla ya ahanta li tok.

4. Mihmvt anumpuli li, micha vbanumpa isht anumpuli li aiena kvt, hatak hopoyuksa nan isht yukpali anumpa hatok keyu, amba Shilombish, micha nan ahli yo otnvinchit isht anohonli li tok:

5. Yohmi ka na hvchi yimmi kvt hatak nan isht im a

hopoyuksa yo a minta chi hatok keyu, amba Chihowa nan isht ai ahli yak a he atok.

6. Yohmi kia vbanumpa ithana ahli yokvno na hopoyuksa yo isht il im anumpulishke: yohmi kia yakni ilvppa isht a hopoyuksa yak keyu; mikmvt yakni ilvppa i miko vhleha isht a hopoyuksa, yvmmak okvt ont ik ai iksho ka he ak atuk keyushke.

7. Yohmi kia Chihowa isht im a hopoyuksa yvmmtv luma hatok a yvmma isht pi a holitopa hi o, yakni vt ik tobo kisha ma, Chihowa hvv apesa tok ak o isht il anumponlishke.

8. Yakni ilvppa i miko vhleha achvfa kia ilvppak ash ik ithano ki tok: okla ithana hatuk okmvt, a holitopa in Chitokaka ya ititaiyukhvna ai vba he atok keyu hoke.

9. Yohmi kia kva hosh yvmma i hullo hokvno mihi yo Chihowa hvv nana ka im ataiyahli tok a, yvmmak oka hatak nishkin vt ik pesokma, anonti haksobish vt ik haklokma, hatak chukvsh ak kia ik anukfohko hoke, achi hosh holihiso hatuk oka.

10. Yohmi tok o Chihowa hvv ilap imi Shilombish pulla ho yvmmak ash isht a pim otvninchi hatuk: Shilombish ak osh nana puta ka silhhit ithana hokvt, ahli, Chihowa nana im a kaniohmi a hofobi kak kia ai yvmohmi yoke.

11. Kvta hosh hatak nana im a kaniohmi puta ka ithana cho? hatak shilombish yvmmtv ilapa anukfoyuka ak illa keyu? yvmmak i chohmi ho Chihowa nana im a kaniohmi puta ka hatak nana hosh ithana keyu ho, amba Chihowa imi Shilombish ak illa hoke.

12. Yohmi ka yakni nana isht ai im anukfila yo il ishi hatuk keyu, amba Chihowa hatuk mak o nana puta ka il ishi hatuk vt il ithana chi pulla hosh Shilombish Chihowa a minti ho il ishi hatuk oke.

13. Nana puta yvmma isht il anumponli kvv yvmma hatak nan isht im a hopoyuksa yosh avvchi anumpa keyu, amba yvmmak oka Shilombish Holitopa yosh avvchi anum-pa ho Shilombish nana im a kaniohmi ya Shilombish anukfoyuka vhleha ho il ithv nahanchishke.

14. Hatak chukvsh ik kashofo hokvto Chihowa imi Shilombish nana im a kaniohmi puta ka ik ithano yoke; yummak okvt ilap a nana ik ahobo hokvt: mikmvt ithana be keyu, yummak ash o Shilombish osh avvchi hoka.

15. Yohmi ka kvna hosh Shilombish anukfoyuka hokvto nana puta ka anukfillit akostininchí, yohmi kia ilap okvno hatak nana hosh im akostininchí keyushke.

16. Kvta hosh Chitokaka im anukfila hq ithaiyana cha, mihi yosh nan im avvcha hinla cho? Yohmi kia pishno yokvto Klaist im anukfila yq il ieszvshke.

CHAPTER III.

Pishukchi vt vlla chipunta yak o immi, 1: 3 kaniohmi hq itakvsh koa hatuk a haknip imma im anukfila hatuk vt otvni. 7 Kena hosh hokchi, mikma kvna hosh oka o foechi itatuklo kv nana keyu: 14 Chihowa ak osh wayachi. 16 Vbanumpuli yvt Chihowa in tempel; 19 yakni nan isht ahopoyuksa yokvto Chihowa i nahopoyuksa keyu.

1. YOHMI ka itibapishi li vhleha ma! Shilombish anukfoyuka hq chohmichit hvchim anumpohonli la he keyu, amba haknip nan ai ahnit Klaist ibai achvfa vlloši yq hvchi chohmichi lishke.

2. Pishukehi yq isht hvch ipeta li tok, ilhpak kvlo atok keyu; tikba kamo isht a hvchim vlhpesa tok keyu kv bi monasi ak kia, isht a hvchim vlhpesa keyu momvshke.

3. Haknip nan ai ahni hvchia moma hoka iti potvmo, micha itachowa anonti iti filamohli aiena kv hvch itin takla aiasha hoka, haknip nan ai ahni mak o hvchia moma, micha hatak im anukfila yq chohmit hvsh itvnohova keyu?

4. Hvsh kanima kv, Uno vto Pal ai achvfa sia; anontinla mvt, Uno vto Apollos ai achvfa sia, hvsh achi hokvt haknip nan ai ahni hvchia mak o keyu?

5. Yohmi ka kvta hosh Pal okmá, anonti kvta hosh Apollos o? amba vbanumpa isht vta yummak atuk mak o hvsh moma ka Chitokaka yvt hvchi anukfohki tuk mak o, hvchi vimmi tuk oke.

6. Hatak moma kvt yohma he mak o Chitokaka yvt a-pe-sa tok o, Uno ak osh na-hokchi li tok, Apollos vto oka on hlali tok; amba Chihowa yokvto offochi hatuk oke.

7. Yohmi ka kvna hosh hokchi, mikma kvna hosh oka isht on hlali hokvto na kanihma he keyu, amba Chihowa yvmmak osh offochi yoke.

8. Yohmi ka kvna hosh na hokchi, anonti kvna hosh oka isht on hlali ita tuklo kvt itibai achvfa yoke: yohmi ka moma kvt ilap na toksvli isht ai vhpiesvt vltoba ak illa ho isha hi oke.

9. Chihowa immi hosh itiba toksvli vhleha pia hoke. Chihowa nan im ahollokchi hvchia, micha aboha Chihowa hvv atahli tuk mak o hvchia hoke.

10. Chihowa hvv ilap nan isht i kana yvmma vma tuk mak o aboha ikbi imponna hopoyuksa yo chohmit in tolaphi ya bohli li hatuk, mihma inla yosh yvmmak ash o ai itvbni hoke. Yvmohmi hoka hatak moma kvt kanimihchit yvm-mak ash o ai itvbni kvt ahah! ahnashke.

11. Intolaphi yvmmvt Chisvs Klaist, yvmmak osh itola ha ya, hatak nana hosh inla ya bohla he keyu hoka.

12. Yohmi ka hatak kvna kia intohlapi ilvppa pakna ya tvli holisso lakna yokmá, tvli hvta yokmá, tvli ai vli chito yokmá, iti yokmá, hvshuk okmá, onush vpi yokmá, nana ho isht itvbni tuk okmá;

13. Nana vltaha tuk aiyuka kvt otaiyana hi oke: nitak yvmmak osh otvnincha he, luak o isht otaiyana hi oka; yvmohmi ka hatak a im a toksvli aiyuka kvt kaniohmi hatuk oh kia, luak osh imomaka pisa hi oke.

14. Yvmmak ash pakna ai itvbni tuk a hatak nana hosh atoksvli tuk ak o ik okpulokma, mihi yosh nan vltoba ya isha hi oke.

15. Kvna hosh atahli tuk a lua hokma, yvmmak osh i kv-nivt ilvwsa hi oke: yohmi kia ilap okvto okchaya he, yohmi kia luak o a hlopulli kak inli ho chohma hi oke.

16. Chihowa in tempel hvchia, yohmi hatuk o Chihowa imi Shilombish vt hvchia ehukv anta ka hvch ik ithano cho?

17. Kva kia Chihowa in tempel a litehlikma, mihi yo Chihowa hvt ishit kancha he; Chihowa in tempel vt holito-pa yoka, tempel yvmmak o hvchia hoke.

18. Kva kia ik ile haksecho kia. Hvchi kanima hosh yakni ilvppa hopoyuksa ho ilahobikmvt, yvmmtv hopoyuksa chi kvt yakni ilvppa ik ahobo yo ik tobá,

19. Yakni ilvppa isht im a hopoyuksa yokvto Chihowa ya isht ik im ahobo yoka. Yvmmak okvt hopoyuksa ya ilap nan isht imponna ak inli ho isht ishi yoke, achi hosh holisso tok oka.

20. Mihmvt anonti atuklanchi mvt, Chitokaka yvt hopoyuksa im anukfila puta, yvmmtv ai ahli ik ono ka ithaiyana hoke, achi tok.

21. Yvmohmi hoka kva kia hatak puta ho isht ik ilavato kia, nana moma kvt hvchimmi hoka;

22. Pal ak okmá, keyukmvt Apollos, keyukmvt Sefas, keyukmvt yakni ilvppa, keyukmvt ilhfopak okchaya, keyukmvt nan illi, keyukmvt nana kvt himonasi asha, keyukmvt nana kvt asha he moma kvt hvchimmi yoke.

23. Mikma hvchishno vto Klaist immi hvchia; mikma Klaist vt Chihowa immi hoke.

CHAPTA IV.

Kaniohmit Klaist im vbanumpa isht vta ya il ahnicha he tuk 1; v nana ka e habena tuk keyu kvt il i shi keyu. 9 Apostel vhlehtv yakni pakna ik ahobo yo isht vlpisa, 16 yvmmak o il im antia he tuk.

1. KLAIST in tishu vhleha, micha, nan ahli Chihowa hvt otvínchi tok puta nan im apesvchi vhleha mak o, chiyuhmichit hatak puta kvt isht pi anukfillashke.

2. Anonti nan apesvchi vhleha nan isht im vlpisa kvt hatak yvmmtv ai ahla hi ak oh chatuk oke.

3. Yohmi kia hvchishno, keyukmvt hatak inla nana kia nana ho isht hvs svm anukfillit hvsh apesa kia, vno yokvto

yvmmt vm iskitinosi fehna hoke; ahli vno ak inli kvv isht il anukfillit nan apesa li keyu hoke.

4. Vno ak inli kvv nana hq isht il akostininchli li keyu kvv; yohmi kak osh ilvppak q isht si ai vhpiesa hi q keyu; amba kvna hosh nan isht si anukfillit apesa hokvto Chitokaka yak oke.

5. Yvmohmi hoka Chitokaka yvt ik lo kisha ka tikbalinchit nan isht anukfillit hvch ik apeso kashke, yvmmak osh ai okhlilika ya nana kvv a luma puta tuk a otvvinchikmvt, anonti chukvsh im anukfila puta hatuk ma haiakahancha hi oke; yvmohmi ha ya hatak moma kvv nana ai isha he vlvhesa tuk vt Chihowa ya im ai isha hi oke.

6. Yohmi ka itibapishi li vvhleha ma! yvmma puta kash hvchishno pulla hatuk mak q, vno, mikmvt Apollos, ita tuklo li kak q isht il onochi li: yohmi ka nana kvv holisso tok a i shahlichit hatak q isht ik hvchim anukfilo hosh pishno ak q hvsh pim ai ithvnashke; yohmi hosh hvsh achvfona kia achvfa ka ish ile fehnvchit, anonti achvfa ka hvch ik i sanalo kashke.

7. Kvta hosh hvch iti shashohlichit hvchim apesa tok q? Nanta hq ish ishi hosh yvmma chik habeno tok q? yohmi ka ish habena hatuk mvt, nanta katiohmi hq chik habeno ke tuk ak inli hq chohmit isht ish ilauata cho?

8. Himak ano na hvchi fihopa, himak ano na hvchin laua, ik piksho hq mikot hvsh mayvshke; yohmi ka hvsh miko hatuk o mvhli hokbano ahni li, yvmmak atuk mvno pishno ak kia e hvch iba mika he atuk.

9. Illa he isht im vhpisa kak q chohmit vbanumpeshi ishtaiyopi pishno a Chihowa hvv pi atokoli tuk a vm ahoba hoka; yakni moma, mikmvt enchil vvhleha, mikmvt hatak puta itikba a yopissa e toba tok oka.

10. Klaist atuk mak q ik pi ahobo ma, amba hvchishno vto Klaist a isht hvchi a hopoyuksa hoke: ik pi hlampko ma, amba hvchishno vto hvchi hlampkoshke: hvchi holitopma ma, amba pishno vto ik pi holitoposhke.

11. Pi hohchahafot, pi tukshihinla, micha haknip bieka, mihma pi pvsahaha; yohmi hq ai vta ahli yvt ik pim iksho na ant himakvshke.

12. Mihmtv pishno pibbak ak inli hō isht toksahanli hosh ont pi a hoyublishke. Isht pi atukhlakahafa kia, i kanv il anumpohonlishke: pi palvmihinchia, vhpiesa il ahnishke.

13. Ik ahobalot na pi achi kia, i kana hosh il im anum-pohonlishke; yakni pakna im a liteha ak inli hō a pi chiyuh-mi, mikma nana moma isht liteha chukvhpvsh ak o e chiyuhmi na ant himakvshke.

14. Hvchi hofahyali la he osh ilvppa puta ka holissochi li keyu, amba v̄m v̄lla a holitopa hvsh chiyuhmi kv̄t ahah! hvsh ahana chī kak o hvchi miha lishke.

15. Klaist nan isht ithvnanchi tahlepa sipokni pokoli hosh hvchim ai asha hoh kia, hvch iki vt ik lauwohke; Klaist Chisvs osh nan apelvchi hō vbanumpa pulla hō isht hvchi tobachi li tuk oke.

16. Yvmohmi hokvt hvs siakaiya hi a hvchi miha lishke.

17. Ilvppa yakohmi kak o Timohlivs, svso a holitopa, Chitokaka im ai ahlit achukma ya pit hvchi kanchi li ka, mihi yosr kanima moma iksa a hiohli puta ka Klaist isht abvchit, nana a kaniohmi li puta ka anolit hvchi anukfohki-cha hi oke.

18. Yohmi ka ak hvchim ono ka he im ahobvt, hvsh kan-imi kv̄t isht hvsh ilefehvchishke.

19. Yohmi kia Chitokaka yvt vhpesa ahnikma, chekosi hvchim ona la chī hoke: yohmi kv̄t ilefehvchi v̄hleha ha-tuk yvmmak ash im anumpa hak a chī keyu, amba nan ai ahli yak o ithana la chī hoke.

20. Chihowa im apehllichika yokvt anumpa hō keyu, amba nan isht ai ahli yak oke.

21. Nanta hō hvsh ahni? fuli yokmá, keyukmtv i hullo, micha chukvsh im anukfila yohbi hokmá, nanta hō ieshi hosh hvchim ona la chī cho?

CHAPTA V.

Havi mvt Kolinhla hvch a ibvllkahvt maya kak osh hofahyalichi, 1; 10 nan ibetvblichi okpulo yokvno hofahyalit kano pit kancha he vhpesa.

1. ITIN lumaka yvt hvch itin takla ya asha kv̄t anohō-wa fehna hoke; yohmi ka kv̄na kia iki tekchi atuk a itauwaya, nan itin lumaka chohmi kv̄t Chentail okla ak kia ai yvmohmi fehna chatuk keyu hoke.

2. Yohmi ka kv̄na hosh na yakohmi ka yvmihchi tuk vt hvch itin takla ya a filvmma chī ka, ik hvchi nukhaklo kish, isht hvsh ile fehnvchishke.

3. Sa haknip okvno isht a hvchi filvmmi li mvhli; yohmi kia sa shilombish okvno isht hvch ibafokvt hvch itin takla ahanta li ka chohmit, kv̄na hosh na yakohmi ka yvmohmi tuk mihi yō nana im apesa li mashkoshke.

4, 5. Kaniohmi hō pin Chitokaka Chisvs Klaist i hohechifo hō isht itvnavt hvsh chiyakma, sa shilombish vt a hvch iba foyuka na pin Chitokaka Chisvs Klaist nan isht im ai ahli pulla hatuk mak o, kv̄na hatuk ash haknip isht ai im ilvsha tok osh Chitokaka Chisvs Klaist i nitak vla hokvno imi Shilombish okvto okchaya chī ka, Setan ak o hvsh im issashke.

6. Nan isht hvsh ilauata ka ik achukmoshke. Nan isht shatvmmi iskv̄tinosi kia na yvmvmska moma ka yvmmichi ka hvch ik ithano cho?

7. Yvmohmi ka ik yvmmo hvchia hokvt, na yvmvmska himona mak o hvchia ha chī kv̄t, nan isht shatvmmi tikba yash isht ile filvmmichit hvsh kanchashke. Klaist vt na pim vbanvblit ont ia yvt vlhtobvt illi tok oka.

8. Yomohmi hoka impa holitopa isht kiloh ai ashá; yohmi kv̄t nan isht shatvmmi tikba yash o keyu, mikmvt isht itī nukkilli, micha nan ik ai vlhpeso aiena ka isht shatvmmi yak o keyu, amba nan ilahobi keyu hosh ai ahli i pvska ik shatvmmo yak ashke.

9. Itin lumaka vhleha hā hvch ik itiba chvfo ka chī hō, holisso hā hvchi holissochi li tuk oke.

10. Yohmi kak osh yakni ilvppa ai itin lumaka vhleha, mikmvt nan anushkunna atampa vhleha, micha na wehpuli vhleha, mikmvt na holvbt toba aiokpvchi vhleha aiena ka hvch ik itvpeho kv̄mohma he ak atok keyu; yohmi hokmvt yakni ya hvsh a koheha he ak osh hvchim vlhpesa hoka.

11. Yohmi tok kia kva hosh itibapishi hohehifo hatuk vt itin lumaka, keyukmvt nan anushkunna atampa, keyukmvt na holvut toba aiokpvchi, keyukmvt inla isht itukhlakafa, keyukmvt oka homi ishko, keyukmvt na wehpuli okmá, nana hokvno hvch ik itibai achvfokmvt, yvmma chohmi kash impa kia hvch ik itibai impo ka hi o himak a hvchi holissochi lishke.

12. Kva hosh ikxa ibafohka yatuk keyu yvmmak kia nanta ho isht im apesa la he vhpesa ho? ikxa ibafohka yvmmak atuk okvno hvsh im apesa keyu ho?

13. Amba kva hosh ikxa ibafohka keyu hokvno Chihowa yosh nan im apesa yoke. Yvmohmi hoka hatak nan ashvchi yvmmak ash ai il i filvmmichit hvsh kanchashke.

CHAPTA VI.

Vbanumpuli vt nan vlpisa isht it onocha he keyu, 1; 9 nan ik vhpeso vto vba apelhichi ka ai ahanta he keyu. 15 Hvpi haknip vt Klaist a ibachvfa, 19 mikmvt Shilombish Holitopa in tempel oke.

1. **HUSH** kanimi kvv inla ya nana hvsh iti kaniohmikmvt, nan ik vhpeso itikba yo ont nana hvchim vlpisa hi osh hvsh ahni cha, amba na yimmi vhleha itikba yokvno keyu ka hinla hatuk o?

2. Na yimmi vhleha hvv yakni moma nan im apesa hi a hvch ik ithano cho? yohmi ka yakni a nan hvsh im apesa hi okmvt, nana kvv iskvtnosi hokvno hvsh apesa he hvchi vhpesa keyu ho?

3. Enchil vhleha ha nan iloh im apesa hi a hvchik ithano cho? yohmi hokvt okchaya ilvppa nana im a kaniohmi yokak heno il i shaiyahlichich feha hinla keyu ho?

4. Yohmi ka okchaya ilvppa nana im a kaniohmi yo nan isht hvchim vlpisa chi hokmvt, kva hosh ikxa im a holitopa keyu mihi yosh na hvchim apesa chi ka, hvsh atokoli chatuk oh cho?

5. Hvchi hofahya chi ho hvchim anumpuli lishke. Hatak hopoyuksa kvv hvch itin takla ya iksho ho? achvfa kia

itibapishi vhleha nan iti kaniohmi ka im apesa he keyu kvt iksho ho? yohmi ho mvhli ho?

6. Yohmi kia itibapishi achvfa kvt itibapishi atuk a anum-pa oñochi cha, nan ik yimmo vhleha itikba yo nana im vlpisa chi kvt ohonvshke.

7. Yomohmi hoka himonasi kia anumpa itonochit nan im vlpisvt hvsh maya hokvt, nana hvsh ashvchi fehnvshke. Nanta katiohmi ho nan ik vlpeso ka hvchi onocha he hvch ik im ahno hosh? nanta katiohmi ho nana ka ik vlpesachot hvchim isha hi a vlpesa hvchik im ahno hosh?

8. Yohmi keyu, amba hvch itibapishi ak kia ai vlpiesa keyu ho na hvsh im ishi kvt, nan hvsh ashvchi hoke.

9. Ik vlpeso vhleha hokvt Chihowa im apelihchika yvt ai immi ha he vlpesa keyu ka hvch ik ithano cho? hvch ik ile haksecho kashke; itin lumaka vhleha, naholbvt toba aiokpvchi vhleha, micha havi vhleha, micha nakni havi vhleha, micha nakni bika iti hauichi vhleha,

10. Micha hukopa vhleha, micha nan anushkunna atampa vhleha, micha oka homi ishko vhleha, micha inla isht ituk-hakafa vhleha, micha na wehpuli vhleha, aiena hokvno Chihowa im apelihchika yvt ai immi toba he vlpesa keyu hoke.

11. Yohmi ka hvsh kanimi kvt yvmma chohmi hvchia hatuk oke. Yohmi tuk kia hvchi ahchifa hatuk, mihmvt hvchi kashofa hatuk, yohmi kvt Chihowa imi Shilombish pulla ho Chitokaka Chisvs i hohchifo ho isht a hvchi vlpiesa hoke.

12. Nana puta kvt isht vm ai vlpesa, yohmi kia nana puta kvt isht vm ai achukma keyu; nana puta kvt isht vm ai vlpesa, yohmi kia yvmma kanima kak oh kia i yuka la he keyu hoke.

13. Il impa hvt takoba yak o immi hoh chatuk oke, mikma takoba yato ilimpa hak o ai immi hoh chatuk oke: yohmi kia yvmmak ash o it aieninchit Chihowa hvt ikshokecha chi hoke. Yohmi ka haknip okvt havi yak o ai im vlpisa keyu, amba Chitokaka yak oke: yohmikma Chitokaka yvt haknip a nan im atahli yoke.

14. Yohmi kvt Chihowa hvt Chitokaka ya tanichi hatuk

okvt anonti pishno a ilap nan isht im ai ahli yo isht pi tani-
cha he ak inli hoke.

15. Yohmi ka hvchi haknip vt Klaist a ai it immi ha hvch
ik ithano cho? yohmi hatuk a Klaist a ai it immi hash ishi
lish, anonti haui yo ai it immichi la chi cho? ik yvmohmo
pullashke.

16. Yakeh! kvna hoh kia haui yo ibafohka kvt, yvmmvt
haknip achvfa ka hvch ik ithano cho? tuklo tuk kia haknip
achvfa toba hi oke, achi hoka.

17. Amba kvna hosh Chitokaka ak o ibafokkakmvt, shi-
lombish achvfa hoke.

18. Haui ya ili filvmmichit hvsh m lelashke. Kvna kia
nan ai ashvchika moma ka yvmihchi hokvto, haknip okvno
nana kanihchi keyu hoke: amba kvna hosh itin lumaka ho-
kvto, ilap haknip ak inli ho okpanit nan ashvchi hoke.

19. Yakeh! hvchi haknip vt Shilombish Holitopa mihi
yosh hvchi afoka, yvmmak osh Chihowa a minti ho hvsh
ieshi, yvmmak o in tempel hvchia hosh, hvchishno ak inli
kvno keyu kvt hvch ik ithano cho?

20. Nan ai vlli ho isht hvsh ai vlhtoba hatok: yvmohmi ho-
kvt hvchi haknip, micha hvch imi shilombish, yvmmak okvt
Chihowa immi hoka, Chihowa ya isht hvsh holitoblashke.

CHAPTA VII.

Nan itauwaya imma ka miha, 1; 4 mikmvt ik iti lumako ka hi a itau-
waya hi a miha: 10 nan itauwaya kvt pilla ik ahobot iti mokofa
he keyu: 18 moma kvt ilap nan im vlhpisa kvt vlhpesa ahnit ahi
kia he; 25 ohoyo himithoa itauwaya ka nan isht anumpuli.

1. YVMOHMI ka nana ka hvs sa holissochi tok imma
kak oke. Hatak vt ohoyo ha ik potolo kak osh im achukma
hoke.

2. Yvmohmi kia itin lumaka iksho ka chi kak o, hatak
moma kvt ilap tekchi ak inli ho ieshikma, anonti ohoyo mo-
ma kvt i hatak ak inli ho ieshashke.

3. I hatak vt ohoyo ha isht ai im vlhpesa ka imashke:
mikma tekchi atuk ak kia i hatak a mihinlohimchashke.

4. Tekchi vt ilap haknip ak o immi ho keyu, amba i hatak ak oke; mikma i hatak ak kia mihi yo chohmit ilap haknip a immi keyu, amba tekchi ak oke.

5. Isht im ai vlpiesa hatuk ash hvch ik it im esho kashke, amba anumpa ilvusha hvsh anumpuli fehna chi hosh chekosi itin takla yo hvsh it im ahni hok mak ashke; atuk osh nan isht il ai oktambli ik hvchim iksho ki Setan vt imomaka hvchi pisa hinla ka, atuklant hvsh it im onashke.

6. Yohmi kia vno nana vm anukfila hosh ilvppa isht hvchim anumpuli lishke, yohmi kvv nana isht vm vlpiesa tuk keyu hoke.

7. Hatak puta kvv vno ak inli chiyuhma he ak o ahni lishke. Yohmi kia hatak moma kvv Chihowa i nan hvlbina ya isht im vlpiesa cha, achefa kvv ilvppak o isht ai im vlpiesakma, anonti inla yvt yvmmak o isht im vlpiesa yoke.

8. Yvmohmi ka nan ik itauwayo kisha, micha i hatak illi vhleha aiena kvv, Uno ak inli chohmit maya hinla hokmvto, im achukmvshke, achi lishke.

9. Yohmi kia okla il oktampila he keyu mvto, okla itauwayashke: itauwaya kak osh lua hi a im i shahli hoke.

10. Anonti itauwaya vhleha hokvno im apesa lishke; yohmi kia vno ak keyu, amba Chitokaka yak oke; Tekchi atuk vt i hatak atuk a ik i filvmmo kashke.

11. Yohmi kia anonti tekchi atuk vt filvmmi hokmvto, inla ik auwayo hosh antashke: keyukmvv i hatak atuk ash o i kanvt i falamashke; mikma i hatak vt tekchi a ik kancho kashke.

12. Yohmi ka inlaka yano vno ak osh anumpuli li, Chitokaka yak keyu; iloh itibapishi kvna kia tekchi ik yimmo, yohmi kia yvmmak ash o awant anta kvv im achukmakma, yvmma ik kancho kashke.

13. Anonti ohoyo hvv i hatak osh ik yimmo, yohmi kia yvmmak ash awant anta kvv im achukmakma, yvmma ik kancho kashke.

14. I hatak vt ik yimmo yvt tekchi atuk pulla mak o isht im a kashofa yoke; mikma tekchi nan ik yimmo yvt i hatak atuk mak o isht im a kashofa yoke; yvmmak keyukma hv-

chim vlla yvt ik kashofa ka he tuk; amba himak ano holi-topa hoke.

15. Yohmi kia ik yimmo yvt filvmmi hokmvt, filvmmi ayashke. Yvmma chohmi hokvno il itibapishi yokmá, pin tek okmá, nana hash osh i yuka he keyushke; yohmi ka Chihowa hvto ití nanaiya he ak o pi atokli tuk oke.

16. Tekchi chia ma! chí hatak a ish okchalinchikmá nana chí kvt nanta ish ithana cho? mikma hatak chia ma! chí tekchi a ish okchalinchikmá, nana chí kvt katiohmit ish ithana cho?

17. Yohmi kia Chihowa hv kaniohmichit hatak moma ka i hopehinla hatuk, Chihowa yvt moma achvfalechit atokoli tok; yohmi hoka yvmmak o ik ai itvnowá. Yohmi ka chveh hiohli moma ai yvmohma chí mak o apihisa lishke.

18. Kvna kia hakshup tpa yvt vbanumpa nukfohka ho? Yohmi hokmvt hakshup ik tapo yo ik tobo kashke. Kvna kia hakshup ik tapo yosh vbanumpa nukfohka ho? yohmi hokmvt hakshup tpa keyu kashke.

19. Hakshup tpa yokvto nana keyu, mikma hakshup ik tapo yokvt nana keyu, amba Chihowa i nan vhpisa holito-hombli kak oke.

20. Hatak moma kv kaniohmit antvt vbanumpa anukfohka tuk vt, yvmmak inli ho anukfoyukvt isht ahantashke.

21. Yuka chia hosh vbanumpa chí nukfohka ho? yohmi hokmvt na yohmi chik ahno kashke; yohmi kia yuka keyu ish toba hinla hokmvto, yvmmak o ish yvmihchashke.

22. Kvna hoh kia yuka hosh Chitokaka isht anukfoyukakma, mihi yosh Chitokaka immi yuka keyu hoke; yvmmak ash inli ho chohmit kvna hosh yuka keyu yosh vbanumpa anukfohkakmvt, mihi yosh Klaist in tishu yokvt.

23. Nan ai vlli yo hvsh ai vlbi hatuk; hatak i yuka ho hvchia keyu kashke.

24. Itibapishi li vhleha ma! hatak moma kv kaniya yo hikvt anukfohka tuk mvt, Chihowa im antihiyvt yvmmak inli ho antashke.

25. Yvmohmi ka ohoyo himithoa hatak haleli keyu vhleha imma kak a he tuk okvno Chitokaka i nan vhpisa yvt ik

sva ikshoshke: yohmi kia ai ghla chi hosh Chitokaka nan isht i nukhaklo ahayuchi tuk mak o, chohmit vno vm anuk-fila ha ima lishke.

26. Yohmi kia himonasi yokvno nan isht palvmmi ak atuk mak o ilvppak okvt achukma, ahni li; na yakohmi ka hatak vt yohmi kak o achukma, achi lishke.

27. Tekchi a ish a talaiyakchi ho? i holhtoyufa he, chik ahno kashke. Chi tekchi a ish i holhtoyufa ho? tekchi a chik hoyo kashke.

28. Yohmi kia anonti ish itauwaya hokmvt nana ish ashv-chi tuk keyu hoke: mikma ohoyo himita hatak haleli keyu yosh hatak auwaya hokmvt, nan ashvchi tuk keyu hoke. Yvmohmi ak inli kia yvmma chohmi kv haknlp nan isht ik im vhpieso ka he; yohmi kia hvchi kanvt nana kaniohma hi okvno ak hvchim anoloshke.

29. Yohmi ka itibapishi li vhleha ma! ilvppak o achi lishke: nitak vt ik falaio yosh takanli hoke; tekchi im asha vhleha yatuk vt, ik im iksho chiyuhmashke.

30. Mikma kvna hosh yaiya kia, yaiya tuk keyu chiyuh-mashke; mikma kvna hosh yukpa kia, yukpa tuk keyu chi-yuhmashke; mikma kvna hosh chumpa kia, ik esho ke tuk chiyumashke.

31. Mikma kvna hosh yakni ilvppa nan isht ai ahanta kia, ik vhpesachot ahanta ik chiyuhmo kashke. Yakni ilvppa nana a kaniohmi yokvto ont ikshot ihiya hoka.

32. Yohmi hoka nan isht im anukfilvt ik hvchi komunto ka he ak o hvchim ai ahni lishke. Kvna hosh itauwaya keyu hokvto, kaniohmit Chitokaka ya yukpala chi kv, nana kv Chitokaka ai immi hak o anukfihinli hoke.

33. Amba kvna hosh itauwaya yokvto, kaniohmit tekchi a yukpala chi kv, nana kv yakni ai immi hak o anukfihinli hoke.

34. Hatak im asha, mikmvt ohoyo himita hatak haleli keyu hokvto, it im inla hoke: ohoyo hatak auwaya keyu hokvto ilap haknlp, micha im anukfila ita tuklo ka isht ik ashvcho ka chi kv, nana kv Chitokaka ai immi hak o anuk-fihinli hoke: amba hatak im asha yokvto, kaniohmit i hatak yukpala chi kv, nana kv yakni ai immi hak o anukfihinli hoke.

35. Yohmi ka hvchishno isht ai hvchim vlpesa hi 9 ilppa anumpuli lishke : yohmi kv̄t nan isht ataklv̄ma yō isht hvchi onochi la chī hatuk keyu ; amba nana kv̄t ai vlpiesa kak atuk ; yohmi ka nan isht fitekv̄chi ik im ikshot, Chito-kaka yā im antihyv̄t nan isht hvsh im ahantashke.

36. Yohmi ka hatak kv̄na hosh ilap ushetik hatak haleli keyu hatuk a ilap inli hosh ik vlpesalo kv̄t anukfillikmv̄t, yvm̄mak ash osh hofantit taha ha ya tuk okma, anonti yvmohma he vlpesa hoka, nana hō iki ash osh ahnikmv̄t nanashv̄chi keyu hokv̄t, yvm̄ihchashke : yohmi hō hatak auwayashke.

37. Yvmohmi kia yvmohma he vlpesa keyu hokmv̄no, iki ash osh ilap chukv̄sh isht ile kullochit ilap nan ahni hosh ahlich̄a hinla hosh, anonti yakohmashke, ahnit ilap chukv̄sh a anukfoyuki hokmv̄t, ushetik hatak haleli keyu kash ot imoma hosh im anta he ahnikmv̄t, vlpesa hō yvm̄ihchi hoke.

38. Yvmohmi hoka kv̄na hosh ushetik hatak haleli keyu hā hatak auwayv̄chi kv̄t vlpesa hō yvm̄ihchi hoke ; yohmi kia kv̄na hosh ushetik hatak haleli keyu yā hatak auwaya-chi keyu kak osh, vlpesa kv̄t i shahli hō yvm̄ihchi hoke.

39. I hatak vt okchaya moyuma ka tekchi vt nan vlpisa pulla hō isht a talaiyakchi hoke ; yohmi tuk kia i hatak ash osh illi hokmv̄no, Chitokaka immi kv̄na hoh kia ahnikmv̄t, auwaya hi vt i holhtofa hoke.

40. Yohmi ka Chihowa imi Shilombish vt a si anukfoyuka ak inli ka v̄m ahoba hoka, v̄no v̄m anukfila hā yvm̄mak ash osh iakaiyv̄t peh anta hokmv̄t, yvm̄mv̄t yukpa kv̄t i shahli hoke.

CHAPTER VIII.

Naholbv̄t toba puta ka nan isht aiokpv̄chi ka isht anumpuli, 1 ; 9 kv̄na kia na kil ibetv̄blich̄o kashke.

1. YOHMI ka na holbv̄t toba isht aiokpv̄chit nana ka im issa tok imma hokv̄no, nana ka iloh ithaiyana kv̄t il

ithanvshke. Nan ithana yvt ile chahvchi, amba nan i hullo yokto nan achukmali yoke.

2. Yohmi ka kva kia nana ka ithana im ahoba hokmvt, nana ka kanihmit ithana he tuk ash osh ik ithano kisha hoke.

3. Amba kva hosh Chihowa ya i hullokma, mihi yosh yvima im a holitopa hoke.

4. Na holvt toba puta isht aiokpvchit nana ka im issa tok yvmak o vpa hatuk imma tok okvo, na holvt toba yvt yakni pakna ya nana ho keyu; micha Chihowa inla yvt iksho, amba achva kak illa ka iloh ithanvshke.

5. I shahli hohchifo kv ai asha kv vba shutik ak okma, keyukmvt yakni pakna yak okma, nana ho ai asha kv, i shahli hv lau cha, anonti chitokaka mvt lau hoke.

6. Amba pishno yokvo Chihowa achva, Iki, yvmak osh nan ai ahni pulla ho nana moma kv toba hoke; mikma pishno vt yvmak o immi pia hi osh il in toba hoke; mikma Chitokaka Chivs Klaist achva yvmak atuk mak o nana moma kv ai asha, mikma pishno mvt yvmak atuk mak o il ai ashvshke.

7. Yohmi kia nan isht ithaiyana yash hatak moyuma ka anukfoyuka keyushke: kanimi kv na holvt toba ya nana ho chohmichit isht ai i yimmi cha, na holvt toba yash nana ho im issa tuk ash o yvmak o ai vvt maya na ant himavshke: yohmi mvt nan isht il ai akostininchi yvt ik ono hatuk osh ai okpuloka hoke.

8. Yohmi ka i impa hatuk mak o Chihowa hv pi ahninch ho keyu: il impa hoh kia, kanihmit il i shahli keyu hoka; mikmvt kil impo kia kil a lauwo keyu hoke.

9. Yohmi kia ahah! hvsh ahni na na hvsh a kanihoma he vhpasa ilvppak ash ot kva hosh ik hlampko, yvmak ash o ibetvblich yo ik kanihmi kia ik tobo kashke.

10. Kva chia hosh nana hash isht ithaiyana kia, na holvt toba in tempel anukaka ya ish ai impa na kva hosh chi piesakmvt, yvmvt nan isht il akostininchi hv ik hlampko hatuk okmvt, na holvt toba nana ho im issa tok yvmak ash o vpa hi vt i shahlit anukfohka keyu ka hinla ho?

11. Yohmi ka nana ish ithana pulla tuk ash o chitbapishi ik hlampko yummak o Klaist vlhtobvt illi tok a ai okpuloka chi cho?

12. Yohmi ka hvsh itibapishi vhleha ha yakohmiechit hvsh im ashvchi cha, nan isht il akostininchi ik hlampko yash hvsh hotopali kv, Klaist ak o hvsh im ashvchi hoke.

13. Yvmohmi ka ilhpak vt itibapishi li ha ibetvblecho hokma, itibapishi li hash ak ibetvblecho ka chi kv, yakni vt talaia moma ka nipi nana kia vpa la he keyu hoke.

CHAPTA IX.

Vbanumpa isht vta yvt nan isht il apelacha hi okvno im atahla he otvnninchi, 1: 18 yohmi kia ilap vt kvna kia nana ka iwekechi tok keyu. 21 Okchayvt il anta ilvppvt nan iti timiya polkhi he chohmi.

1. APOSTEL sia keyu ho? yuka keyu sia keyu ho? pin Chitokaka Chisvs Klaist a pisa li tuk keyu ho? Chitokaka hvsh ibai achvfa ka yvmmt na hvchi atahli li tuk mak keyu?

2. Inla yokvno im apostel sia keyu hok mak heto, hvchishno yokvno hvchim vbanumpeshi sia mvhlishke: Chitokaka hvsh ibai achvfa kak osh vbanumpeshi si vlhtoka hatuk a isht ahlichu hvchia hoke.

3. Kvna hosh ik yimmot si a ponaklo tuk ymma im afalaminchi li ka ilvppak oke;

4. Impa, micha nan ishko ita tuklo kv isht a pim vlpiesa keyu ho?

5. Ohoyo pin tek a ilaelit aya kv, apostel inla vhleha, mikmvt Chitokaka itibapishi vhleha, micha Sefas aiena ka chohmit pim ohoyo, pin tek a ilaelit il aya hi vt pim vlpiesa keyu ho?

6. Yohmikmvt Banabas ita tuklo li kak bano hosh ka toksvlo ka hi vt pim vlpiesa keyu ho?

7. Kvta hosh kanihmi hoh kia itotinowa kv ilap inli hosh nan i kvnia ho? kvta hosh pakvpi a hollokechi ya ikbi tuk vt, ymma nan ai vni ka ai vpa keyu ho? keyukma

kvta hosh nan vlpoba apistikeli kv anonti nan vlpoba ya
i pishukchi ya ik ishko ka hinla?

8. Hatak o chohmit ilvppa puta ka achi li ho? vba nan
vlhpisa yak kia yvmmak inli ho achi ak inli keyu ho?

9. Wak toksuli yvmmt na nihechi ka, Itakha ya chik
takeho kashke, achi hosh Moses i nan vlhpisa ya holisso
hoke. Chitokaka yvt wak toksuli ya nan im atahli ho?

10. Yohmi ka pishno ak illa puyulla hatuk mak o achi
tok o? pishno puyulla mvhli hatuk mak o ilvppvt holisso
hatuk: yohmi ka kvna hosh yakni patvffi kv, nawaya pisa
he ahni hosh yakni patvffashke; mikma nan isht ilai yukpa
pisa he ahni hosh kvna kia nanihechi kv, na pisa he ahni
tuk ak o ibai isha hi oke.

11. Nana kv shilombish imma ko e hvchim a hokchi
hatuk okma, nana kv haknip ahalaia imma e hvchim ai
vma chi ka, nana kv a fehna ho?

12. Inla yvt ilvppa hvch ibai isha hi vt vlhpesa hokma,
pishno yokak heto isht a pim vlhpiesa keyu ho? yohmi kia
nana vlhpesa ahnit ilvppak ash o isht kil il apelacho hatuk:
amba Klaist im vbanumpa ha kil ataklammo ka chi kv,
nana moma ka ik yvmohmi il ahni hoke.

13. Kvna kia nana kv holitopa imma kak o isht vta kv,
yvmmt nana kv tempel a ai immi hak o ai vpa; mikma
kvna hosh alta ya nan isht ai vta kv, yvmmt alta ya nan
ai ibai ishi ka hvch ik ithano cho?

14. Yvmmak inli ho chohmit kvna hosh vbanumpa isht
anumpuli kv, yvmmt vbanumpa ha ai isht il apelacha hi
o, Chitokaka yvt apesa tok.

15. Yohmi kia ilvppa puta kash achvfona kia isht il
apelachi li tuk keyu: yohmi mvt nana kv vm ai yvmohma
chi kv ilvppa puta kash holissohonchi li tuk keyu: kvna
kia nan isht il a holitopa li ya ik ahobalecho ka he atuk a,
illi kak osh achukma kv yvma vm i shahliskke.

16. Vbanumpa isht anumpohonli li hoh kia, nan isht il
aholitopa la hi vt ik svm iksho kamohmishke: nana kv ai
vlhpiesa mak osh si onvtuyula hoka; ahli, vbanumpa ha
isht anumpohonli li keyukmt, nan vm a palvmmi hoke.

17. Ahni li hok mak osh ilvppa yvmohmi li hokmvt, nan vltoba kia ieshi li hoke; amba ak ahno hok mak osh ilvppa yvmihchi li hoh kia, vbanumpa isht ai etta hi okvto si vltokowa hatuk oke.

18. Yohmi ka nanta hosh nan isht vm vltoba yo? ahli, vbanumpa ho isht anumpohonli li kv, Klaist im vbanumpa hash nan ak ai illecho ka chi hatuk; yokmi hokvt vbanumpa isht vm ai vlpiesa hatuk a ak vlpesacho ka hi o keyushke.

19. Achrfona kia i yuka sia keyu, yohmi kia i shahlichit asitvbi la chi kv, vno ak inli hosh moma ka il im i yuka-hanchi li hoke.

20. Yohmi hokvt Chu okla ha asitvbi la chi kv, Chu okla hokvno Chu ak inli ho toba li hatuk; mihmvt kuna hosh nan vlpisa ya ai i nutaka atuk a asitvbi la chi kv, nan vlpisa ai i nutaka hokvno nan vlpisa ai i nutaka ak inli ho toba li hatuk;

21. Kuna hosh nan vlpisa a keyu ka asitvbi la chi kv, nan vlpisa a keyu hokvno nan vlpisa a keyu ak inli ho toba li hatuk; yohmi kia nan vlpisa ik im ikshot Chihowa ik im antio ka hi o keyu, Klaist i nan vlpisa yosh onvtu-yula hoka.

22. Ik hlampko ya asitvbi la chi kv, ik hlampko hokvno ik hlampko ak inli ho toba li hatuk; yohmi kv ik kanihmi kia kanimi ka okchalanchi la chi kv, hatak moma ka nana moma ka in toba li hoke.

23. Yohmi kv vbanumpa ha hvch ibai ishi la chi kv, vbanumpa pulla kak o ilvppa yakohmi li hoke.

24. Kuna hosh ai itin timiya ai yihlepa chi hatuk okvt, moma kak osh yihlepa kia, nan isht a holitopa bi okvno achvfa bano hosh ishi chatuk a hvch ik ithano cho? Nan isht a holitopa hi ya hvsh isha chi kv, yvmmak inli ho chohmit hvsh malelashke.

25. Yohmi ka hatak moma kv i shahlichia he ahnit ile lushummi hokvto, yvmvvt nana moma ka il ai oktampli hoke. Yohmi kv iachuka okpula hi o isha chi kv, okla ileppak o yakohmi hoke: pishno yokvto nan okpula he keyu kak oke.

26. Yvmohmi hoka ik im ai ono keyut, yakohmit malihinli lishke: kuna hosh mahli hō ihisso hō chohmi keyut, itihimbi lishke.

27. Yohmi kvt sa haknip imaiyachi li, yohmi mvt yukananchi lishke: yvmak keyukmvt ik kaniohmi kia inla ya vbanumpa isht im anumpohonli li haya tuk vt, vno ak inli kak osh ak ai ahlo ka hinla hoke.

CHAPTA X.

Chu okla nan isht im vlpisa holitopa, 1. 7 Chu okla nan isht im apalvni tok a nan isht il ithana he tuk. 21 Chitokaka im ai impa ya Setan o im ai impa kiloh ikbo kashke. 24 Il itibapishi im anukfala ha il itim ahnicha he tok.

1. YAKOHMI ka itibapishi li vhleha ma! pin tikba vhleha hvt kaniohmit moma kvt hoshonti ha ai i nutakvt avvt, anonti momvt okhvta hō a hlopulli tok a hvch ik ithano ka hi a, hvchim ai ahni li keyushke.

2. Yohmi ka Moses a im antia chi kvt hoshonti, micha okhvta ita tuklo kash o isht a baptismo tok.

3. Mihma il impa shilombish imma a miha chvfa hō momvt vpa tok.

4. Mihmvt nan ishko shilombish imma a miha chvfa hō momvt ishko tok. Tvli chito shilombish imma yvmak ash okla ai ishko tok a yvmak ash ot iakaiya tok oka; yohmi ma Tvli chito yvmvt Klaist mak atok oke.

5. Yohmi kia yvmma kashampa laua ka Chihowa yvt isht ik i ahno fehna tok; illit yakni haiaka ya okla a fimim-pa tok oka.

6. Yohmi ka nana yakohmi kvt nan isht a pim vlvcha hi atuk; yvmohmi hokvt okla nan anushkunna tok ak inli hō chokmit nan ik vlpeso puta ka kil anushkunno ka he atuk oke.

7. Okla hvt binohmayvt impvt, nan ishkot wakaya cha, a hihlvchi tok, achi kvt holisso hoka; kanima kvt yohmi hatok a chohmit nan holvvt toba aiokpvchi hvchia keyu kashke.

8. Mihmvt kanimi kv̄t itinlumaka tuk osh, nitak achvfa ka tablepa sipokni pokoli tuklo akocha tuchinv̄t ak-akoha tok vhleha h̄a chohmit kil itinlumako kashke.

9. Mihmvt kanimi kv̄t Klaist imomaka pisa tuk osh, sinti ȳ isht ai illi tok vhleha h̄a chohmit Klaist a imomaka ke peso kashke.

10. Mihmvt kanimi kv̄t ik im vlvhesot na mihachi tuk osh, nan okpvni ȳ isht ai okpuloka tok vhleha h̄a chohmit, na hvch ik mihacho kaskke.

11. Yohmi ka isht a pim vlvcha hi a ilvppa puyuta kv̄t yvmmak ash ȳ ai i yvmohmi tok: yohmi tuk osh yvmmak atok vt isht a pim achukma ch̄i mak ȳ holisso ma, yakni ont ai vhl̄i hv̄t pishno ak ȳ pim vlvshke.

12. Yvmohmi hoka kv̄na hosh, Hikia li, ahni kv̄t, mihi yosh ik itulo ka ch̄i kv̄t ahah! ahnashke.

13. Nana imomaka pisa nana hosh hvchi onvtula he keyu; amba hatak moma ka ai onvtuyula chatuk chohmi kv̄t yvm-mak oke; yohmi kia Chihowa yvt ai ahli, yvmmt nan hvsh a lauecha he ont ia hokvno imomaka hvchi pisa hi a ahna he keyu hoke; amba yvmmak ash hvsh a lauecha ch̄i ka nana imomaka pisa yvt hvchi ontuyulakma, a hlakofa he ataya ya hvchim ikba he ak inli hoke.

14. Yvmohmi hoka a kana a holitopa vhleha ma! na holbvt toba ai okpvchi hvsh i filvmmashke.

15. Hatak hopoyuksa ȳ hvchi chohmichit anumpuli lishke; nana h̄o achi li ka anukfillit hvsh akostininchashke.

16. Isht ishko holitopa mihi ȳ Chihowa isht il aiokpvchi kv̄t, yvmmt Klaist im issish a isht itibai ishi keyu h̄o? Pvska e boshullich̄i ka, yvmmt Klaist haknip a isht itibai ishi keyu h̄o?

17. Pishno vt pi laua kia, pvska achvfa, anonti haknip achvfa pia hoke; pvska achvfa yvma momvt iloh itibai ishi hokvt.

18. Israel okla haknip imma hokvno ho pesá; kv̄na hosh vba nan isht aiokpvchi nipi ȳ ai vpa kv̄t, yvmmt alta ya itibai ishi keyu h̄o?

19. Yohmi ka nanta h̄o achi li h̄o? na holbvt toba

yummvt nana hoke; mikmvt na holbvt toba nana hō isht aiokpvcha chī hō imma ka yummvt nana hoke, achi-li hō? keyú.

20. Amba nana hō Chentail okla hvt vba isht aiokpvchi kv̄t, nan isht a hullo okpulo yak o isht aiokpvchi kv̄t, Chihowa yak okvno keyu, achi li hoke: yohmi hokvt nan isht a hullo okpulo ya hvsh ibai isha hi o, hvchim ahni li keyushke.

21. Chitokaka im isht ishko, mikmvt nan isht ahullo okpulo im isht ishko it aieninchit hvsh ai ishka he keyushke: mikmvt Chitokaka im ai-impā, mikmvt nan-isht ahullo okpulo v̄hleha im ai-impā it aieninchit hvsh ibai achvfa he keyushke.

22. Chitokaka ya il anukhobelvchi na pī nukt̄v̄hla hinla hō? yumma hlampko kv̄t il ī shahli hō?

23. Nana moma kv̄t isht v̄m ai v̄lhpiesa, yohmi kia nana moma kak osh isht achukma he keyu; nan moma kv̄t isht v̄m ai v̄lhpiesa, yohmi kia nana moma kak osh achukmalechi keyu hoke.

24. Hatak kv̄na kia ilap nan isht im ai v̄lhpiesa he ak bano hō ik hoyo kashke; amba hatak moma kv̄t inla nan isht im ai v̄lhpiesa he yak ashke.

25. Nipi a chumpa ya nana hosh a kv̄nia tuk ā, yumma nan isht il akostininchi pulla kak o nana ik a ponaklot, hvsh pashke.

26. Yakni moma, micha awaya moma kv̄t Chitokaka immi hoke.

27. Kanimi kv̄t na yimmi keyu hosh ont hvsh ibai impa he hvchim ahni hokma, ia hi ā hvsh ahni hokmvt; nana hosh hvchin tikba ya talaiakma nan isht il akostininchi pulla kak o nana ik a ponaklot, hvsh pashke.

28. Yohmi kia kv̄na hosh, Na holbvt toba isht aiokpvcha hi o ilv̄ppa im issa tok ā hvchim achikma, na hvchim anoli tuk yummak pulla, mikmvt nan isht il akostininchi aiena pulla kak o hvshpa ná; yakni micha ai immi moma aiena kv̄t Chitokaka immi hoke.

29. Nan isht il akostininchi achi li ka, chimmi ak o keyu,

amba yvmmak ash oke; nan isht vm ai vlhpisa hosh yvm-
ihchi li ka, nanta katiohmi ho inla nan isht il akostininchi
hosh si onochi ho?

30. Chihowa nan isht i kana pulla ho ibai ishi li hokmvt,
yvmmak oka yak oke isht ahni li ka, nanta katiohmi ho nan
ik vlhpeso yo isht a si anumpa cho?

31. Yvmohmi hoka hvsh impa, keyukmvt na hvsh ishko,
keyukmvt nana ho hvsh yvmihchi hokmvt, Chihowa isht a
holitopa chi ho, mominchit hvsh yvmohmashke.

32. Achvfona kia Chu ak okmá, keyukmvt Chentail ak
okmá, keyukmvt Chihowa in chvch ak okmá, nana kia hvch
ik ibetvblichio kashke.

33. Hatak moma ka nana moma ka yukpali kv, vno nan
isht vm ai vlhpiesa hi o hoyo li keyu; amba lawa yvmvmt
okchaya chi ka, isht im ai vlhpiesa hi o hoyo li ka hvsh chi-
yuhmashke.

CHAPTA XI.

Chihowa aiokpahanchi a nana kvv ik vlhpeso, micha Chitokaka im
opiaka impa ma ik ahobalo aiena ka im alvmmi, 1. 23 Chitokaka
im opiaka impa vlhpisa vmonvvt isht a minti tok a im anoli; mil-
mvt kaniohmit okla holitobla hi tok a im otvninchi.

1. **U**NO vt Klaist a iakaiya sia akinli ho chohmit, siakai-
ya hvchia hashke.

2. Yvmohmi ka itibapishi li vhleha ma! nana moma isht
hvs suthaiyana, mikmvt nan vlhpisa holitopa moyuma ka
hvch ichima li tuk a hvsh holitobli hoka, hvchi abninchi
lishke.

3. Yohmi ka hatak moma i noshkoboka yvt Klaist ak ok-
ma; anonti ohoyo ha i noshkoboka yvt hatak ak oke; mik-
ma Klaist i noshkoboka yvt Chihowa yak oka, hvsh ithana
he ak o, hvchim ahni lishke.

4. Hatak moma kvv anumpa ilbvsha anumpuli, keyukmvt
Shilombish o anukfoyukvt anumpuli kvv, noshkobo hvv im
o hlipia hokmvt, ilap noshkobo ha hofahyali hoke.

5. Amba ohoyo moma kvv noshkobo o hlipia keyu hosh,

anumpa ilbvsha anumpuli, keyukmvt Shilombish o anukfo-yukvt anumpuli hokmvt, noshkobo yash o hofahyali hoke ; yvmmak okvt noshkobo i shafa yak inli ho chiyuhmi hoka.

6. Ohoyo hvt noshkobo ompoholmo keyukmvt, pashi ak kia vlmashke ; yohmi kia pashi vlmo, keyukmvt shafa kak okma, nana ka ohoyo hvt isht a hofahya hinla hokma, noshkobo hvt ompoholmashke.

7. Chihowa ya a hoyulba na isht a holitopa hoka, hatak vt noshkobo ha nan o hlipela he vlhpesa keyu mvhlshke : amba hatak a isht im a holitopa yokvto ohoyo ak oke.

8. Hatak vt ohoyo ak o a toba tok keyu, amba ohoyo ak osh hatak ak atok oka.

9. Mikmvt hatak vt ohoyo ak atuk pulla mak o toba tok keyu, amba ohoyo ak osh hatak ak atok oke.

10. Yvmohmi kak o ohoyo hvt enchil vhleha ak pulla kak oka, noshkobo hvt ompoholma he vlhpesa hoke.

11. Yohmi kia ohoyo hvt iksho ka hatak vt anta he keyu, mikma hatak vt anta he keyu, mikma hatak vt iksho ka ohoyo hvt anta he keyu, Chitokaka yvt im ahni hoke.

12. Ohoyo hvt hatak ak o a toba yatuk o, yvmmak inli ho chohmit hatak vt ohoyo pulla kak o atoba hoke ; yohmi ka nana puta kvv Chihowa ak o atoba hoke.

13. Hvchishno ak inli hosh anukfillit ho pesa ; ohoyo hvt noshkobo ompoholmo keyu hosh Chihowa im ilbvshvt anumpuli yvmvt vlhpesa ho ?

14. Hatak vt pashi vt falaia hokmvt, ishit hofahya ka nan isht anukfilli kak oh kia nan hvchi ithvnanehi keyu ho ?

15. Amba ohoyo hvt pashi vt i falaia hokmvt, isht im a holitopa hoke ; ilap pashi vt noshkobo isht ompoholma hi o ishi tok oka.

16. Yohmi kia kvna hosh a sanali kak o bvna ahoba kia, pishno ykvto yvma chohmi kvv ik pim iksho chatuk ; mikmvt Chihowa in chvch a hiohli kvv yvma chohmi kvv ik im iksho chatuk oke.

17. Yohmi ka achukma i shahli kak o keyu, amba okpulo i shahla chi hosh mintit hvsh itvnaha kak o, ak hvchim ahnincho ilvppak osh hvchim anoli lishke.

18. Vbanumpuli iksa yosh ant hvsh ai itvnaha kv̄t, nana vmonna ka ita kvshkv̄t hvsh maya ka haklo lishke: yohmi kv̄t sai yimmi chohmishke.

19. Yohmi ka hvch ik itibachvfo kak o pulla chj, yohmik mak o kvna hosh ai ahli hok mak osh hvch itin takla ya otaiyana hi oke.

20. Yohmi ka a miha chvfa hō ant hvsh ai itvnaha, ilvppak osh Chitokaka im opiaka impa ya vpa hō keyu hoke.

21. Hvsh impakmvt, hvsh moma kv̄t hvchim opiaka impa yatuk kak illa hō tjkba hvsh ishishke: yohmi hatuk o achvfa kv̄t hohchvfohma, anonti inla yato nan ishkv̄t haksishke.

22. Yakeh! ai impa he, mikmvt ai ishka he aiena chuka yvt ik hvchim iksho hō? keyukmvt Chihowa in chvch hvsh shitlema cha, anonti kvna hosh nana kv̄t ik im iksho ke tuk yvmmak ash kia hvsh hofahyala chj hosh hvsh yohmi hō? Nanta hō hvchim achi la chj hō? ilvppak ash o isht hvchi ahninchī la chj hō? isht hvchi ahninchī li keyushke.

23. Chitokaka ya im ishi li tuk mihi yō hvch ihima li; yohmi ka Chitokaka Chisvs vt tēvvp ibbak fohka chj nink yvmmak inli mvt pv̄ska ya ishi tok.

24. Mihmvt yvmmak ash ot vba pit isht aiokpv̄chi cha, pv̄ska yash boshullichī mvt, Ieshi cha, ho vpa; ilvppvt sa haknīp osh hvchī boshulli hoke: hvs sv̄thana chj kv̄t ilvppak o hvsh yvmihchashe, achi tok.

25. Yvmmak ash inli hō chohmichit opiaka impa ishi hāyosh, isht ishko ash kia yvmmak ash ot ishi mvt, ilvppvt nan v̄lhpisa himona v̄m issish o isht ai ahli toba hoke; ilvppak o hvsh yvmihchi cha, yvmmak ash hvsh ishko aiyukakmvt, hvs sv̄thahanashke.

26. Pv̄ska ilvppa hvsh pa aiyuka, mikmvt isht ishko ilvppa hvsh ai ishko aiyuka aiena kv̄t, Chitokaka illi tok a hvsh otv̄nihinchī na yvmmak atuk vt v̄la hayashke.

27. Yvmohmi ka kvna hosh yohma he ai v̄lhpiesa keyu hosh, pv̄ska ilvppak ash vpa chj, mikmvt Chitokaka im isht ishko ilvppak ash ai ishka chj aiena hokmvt, mihi yosh Chitokaka haknīp, micha im issish ita tuklo ka ik holitoblot nan isht i palv̄mmi mak a hi oke.

28. Yohmi ka hatak okvt anukfillit ik ile pisá: yvmohmi cha mihi yosh pvska yash ik pá, mikmvt isht ishko yash ik ai ishkó.

29. Kvna hosh ai vlhpiesa keyut yvmmak ash vpa, micha ishko aiena kvv Chitokaka haknip ash ik akostinincho hokvt, mihi yosh ilap nan isht im vlhpisa hi o yvmmak ash vpa, micha ishko aiena hoke.

30. Ilvppa yakohmi kak o ik sitopo, micha abeka aiena kvv laua hosh hvchim ai asha; mihma laua kvv nusi hoke.

31. Pishno ak inli kvv il il akostininchi hatuk okmvt, nan isht pim vlhpisa hi atuk keyu.

32. Yohmi ka nan isht pim vlhpisa kvv, yakni ya ai itvpehvt ik pi palvmmo ka chi kvv, isht pi achukma chi hosh Chitokaka ya il im afvma hoke.

33. Yomohmi hoka itibapishi li vhleha ma! hvsh impa chi hosh hvsh itvnahakmvt, it i hullot hvsh iti hoyashke.

34. Yvmohmi ka itvnahvt nan isht hvchim vlhpisa chi kvv, kvna hosh hohchvfo hokvto, mihi yosh in chuka yak o ik ai impá. Nana inla ka yatuk okvno ona lik mak osh, apoksiachi la hi oke.

CHAPTA XII.

Shilombish na holhpela hokvto il ai yuka, 1; 7 yohmi kia moma kvv nan isht ai yukpa he vlhpesa bano. 12 Haknip a ai ibachvfa yvt ai it im il aiyuka bano, yohmi kia ilap bika it im vlhpesak mvt, haknip ma im ai vlhpiesa chatuk; 29 yohmi hoka na pi hvlibena kvv il aiyuka kia, isht il itapela he tok.

1. YVMOHMI ka itibapishi li vhleha ma! Shilombish imma ka hvch ik akostinincho ka hi a ak hvchim ahnoshke.

2. Chentail hvchia hvv na hvsh anukfoyuka hosh na holvvt toba ik anumpulo puta ilvppa hvsh im ohona kvv hvsh ithaiyanvshke.

3. Yvmohmi ka hatak nana kia Chihowa imi Shilombish anukfoyuka hosh anumpuli kvv, Chisvs a na kallakshi yo hochifa he keyu hoke: yohmikma hatak kvna kia Chisvs vt Chitokaka yoke, acha he keyu, amba Shilombish Holitopa yak osh anukfoyuka hok mak ahinla ka hvch ithvnanchi lishke.

4. Yohmi ka na hvlbina ilaiyuka kv̄t ai asha; yohmi kia Shilombish mihi ash inli hoke.

5. Mikma nan isht vtta mvt im ilaiyuka; yohmi kia Chitokaka yokvto mihi ash inli hoke.

6. Mikma na toksvli mvt im ilaiyuka hoke; yohmi kia Chihowa mihi ash inli hosh ilvppa moma ka hatak moma ka anukfohkichi hoke.

7. Yohmi ka Shilombish nan isht otvni hō hatak moma kv̄t isht ai vlpiesa hi osh habena hoke.

8. Shilombish pulla hō na hopoyuksa anumpa hā achvfa kv̄t anukfoyuka hoke; inla yato Shilombish yvmmak inli hō nan ithana anumpa hā anufoyuka hoke.

9. Inla mvt Shilombish mihi ash inli pulla hō na yimmi hā ishi: mikma inla mvt Shilombish mihi ash inli pulla hō na hlakofichi hvlbina ka ishi hoke.

10. Inla yvt na fehna puta yvmihcha hi vt ishi; inla mvt Shilombish anukfoyukv̄t nan ithenancha hi vt ishi; inla mvt chukvsh im anukfila puta akostininchi yō ishi; inla mvt anumpa ilaiyuka anumpula he vt ishi; inla mvt anumpa ilaiyuka toshola hi vt ishi ka Shilombish pulla kak oke.

11. Shilombish achvfa mihi ash inli kak osh hatak moma ka kanimi hō im ai ahni ai yuka hosh na yakohmi puta kash im it a kv̄shkolit anukfohkichi hoke.

12. Haknip okvto achvfa, yohmi kia yvmma ai immi hokvto in laua; mikma haknip achvfa yvmma ai immi mo-
ma kv̄t lai yawa kia, haknip achvfa hoke; yohmi ka Klait ak kia ilvppak inli hō chohmi hoke.

13. Shilombish achvfa pulla hō momvt isht il a baptis-
mot haknip achvfa e toba; Chu, keyukmvt Chentail pia hokmá, yuka, keyukmvt yuka keyu yō pia hokmá, nana tuk kia momvt Shilombish achvfa il ibai ishi yō e toba hatuk.

14. Haknip vt ai immi im achvfa keyu, amba laua hoka.

15. Iyi yvt, Uno vto ibbak sia keyu hokvt, haknip ai im-
mi sia keyu; achi hokmvt, yohmi kia yvmmtv haknip a ai
immi keyu hō?

16. Mikma haksobish vt, Uno vto nishkin sia keyu hokvt,

haknip ai immi sia keyu hoke; achi hokmvtō, yohmi kia ymmvt haknip a ai immi keyu hō?

17. Yohmikma haknip moma kv̄t nishkin okma, katima yak osh na haklo ya hinla hō? moma kak osh na haklo yokma, katima yak osh na huwa ya hinla hō?

18. Yohmi ka himonasi yokvno Chitokaka yvt yakohma hinla, ahni mak osh, ai immi hash achvfa ai yukali momin-chit haknip ash ai iba fohkichishke.

19. Yohmi ka moma kak osh ai immi achvfa hokmvtō, katima yak osh haknip a hinla hō?

20. Yohmi ka himonasi yokvno ai immi yvt laua: yohmi kia haknip okvto achvfa hoke.

21. Yohmi ka nishkin vt ibbak a, Nana ka ak ch̄i svbvn-noshke, im acha he keyu: keyukmvt anonti iyi yash o, Nana ka ak ch̄i svbvn-noshke, noshkobo hvt im acha he keyu hoke.

22. Keyú, ymma i shahli, haknip ai immi ilvppak ash osh ik hlampko fehna ahoba kia ai v̄hpiesa hoke.

23. Yohmi ka haknip ai immi ilvppak ash kanima ka holitopa ik lauwo pim ahoba kia, ilvppak ash o holitopa i shahli fehna il ima hoke: mikmvt a pim alumaka imma hokvno i shahlichit e shemvchi hoke.

24. Isht a pi aiokli imma hokvno shema yvt isht im ai v̄hpiesa keyu hoke: yohmi ka Chihowa hvt haknip a iti fohkit apoksiachi mvt, kanimi kv̄t ik alauwo ke tuk ash holi-tobli kv̄t i shahlichit fehna hoke.

25. Yohmi na haknip ash ita kvshkoa iksho ka hi atok; amba ai it immi hash osh ahah! it im ahna he ak atok oke.

26. Yohmi ka haknip ai immi achvfa hatuk vt ilbvsha hokma, haknip ai immi moma kak osh ibai ilbvsha hoke: mihma ai immi achvfa kv̄t holitopa hokma, moma kv̄t ibai yukpa hoke.

27. Yohmi ka Klaist haknip o hvchia, micha ymmiak ash o ai immi ka a kashampa ai yuka hvchia hoke.

28. Yohmi ka Chihowa hvt kanimi ka atokolit chvch a hiohlich; vmona ka apostel, atukla ka Shilombish anuk-foyukvt anumpuli; atuchina ka vbanumpa isht ithvnanehi;

mikmvt na fehna puta yvmihchi, mikmvt na hlakofichi holhpela, nan apelvchi, chvch pehlich, anumpa ilaiyuka anumpuli puta kak oke.

29. Moma kak osh apostel o? keyukmvt moma kak osh Shilombish anukfoyukt anumpuli yo? keyukmvt moma kak osh vbanumpa isht ithvnanchi yo? keyukmvt moma kak osh na fehna puta yvmihchi yo?

30. Moma kak osh na hlakofichi holhpela ha ishi ho? keyukmvt moma kak osh anumpa il ai yuka anumpuli ho? keyukmvt moma kak osh anumpa ilaiyuka tosholi yo?

31. Yohmi ka na holhpela puta achukma i shahli kak o ishi ka hvsh ahni fehnashke. Yohmi kia na fehna kv i shahli ho hvchim anoli lishke.

CHAPTA XIII.

Shilombish holhpela moma kv nan i hullo kv aiena keyu hokvto nan ik ahoba, 1; 4 nan i hullo im anukfila nan a kaniohmi.

1. HATAK im anumpa ilaiyuka puta, mikmvt enchil puta im anumpa ho isht anumpuli li hoh kia, nan i hullo yvt ik svm ikshokmvt, tvi lakna ohonla, keyukmvt tvi kesa kvsahanchi ak inli ho holba li hoke.

2. Yohmi ka Shilombish anukfoyukt anumpuli na holhpela ka ieshi li, micha nan ik otano ki tok moma ka akosti-ninchi li, micha nan ithana moma ka ieshi li, yohmi cha na yimmi moma ma ieshi li, yohmi hokvt nvni h hochito puta ka kanvllich la hinla kia, nan i hullo yvt ik svm iksho hokmvt, nana ho sia keyu hoke.

3. Yohmikmvt nana vm asha moma kash ilbvsha ya im iti yopelachi li, micha sa haknip mvt lua chi ho im issa li; yohmi kia nan i hullo yvt ik svm iksho hokmvt, nana ho isht vm ai achukma keyu hoke.

4. Nan i hullo yvt na hotopali ya i svlaha, micha nan i kana yoke; nan i hullo yvt nana potvnot i nukkilli keyu; nan i hullo yvt ilap inli ka isht ilauata keyu, ile chahvchi keyu.

5. Ilefehnuchi hosh inla ya hofahyali keyu, ilap immi yo hoyo keyu, nan ik kanihmo ka nokowa keyu; nan ik vlhpeso anukfilli keyu.

6. Nan ik vlhpeso isht ai yukpa keyu, amba nan ahli yo isht ai yukpa yoke.

7. Nana moma ka ompohomo, nana moma ka yimmi, nana moma kvt vlhpesa chi, ahani a yimmi, nana moma kvt ant ik svm ai yohmi, ahani.

8. Nan i hullo yokvto nitak nana ont ai iksho ka he keyu: amba Shilombish anukfoyukvt anumpuli yokma, nana hatuk kia yvmmak okvto ont ai iksho ka hi oke; anumpa ilaiyuka ithaiyana yokma, nana tuk kia yvmmak okvto ont issa hi oke; nan ithana yokma, nana hatuk vt ont akshot kvnia hi oke.

9. Ik onancho hosh il ithaiyana hosh, anonti ik onancho hosh Shilombish anukfoyukvt il anumpuli hoke.

10. Yohmi kia nana ont ai ahli yvmmt vla chi, yohmi hokmvno nana ik ono yvmmak atuk vt ont ai ikshot kvnia hi oke.

11. Vlla sa tomba mvt, vlla yo chohmit anumpuli li tok; vlla yo chohmit nana akostinichi li tok; vlla yo chohmit nana anukfilli li tok; yohmi tok kia hatak ont toba li mvt, vlla nana im akaniohmi yash kanchi li tok.

12. Himonasi yokvno ik onanchot a pisa yo hlopullechit e pisa: yohmi kia yvmmak fokak mak o nashuka bika il iti pihisa hi oke: himonasi yokvno ak onancho hosh ithana li; yohmi kia himmak o himonasi ya svthaiyana kak inli ho chohmit ithaiyana la hi oke.

13. Yohmi ka himonasi yokvno na yimmi, ai okchayvt bilia pisa he ahni, nan i hullo, tuchina ilvppak ash osh takali hoke: yohmi kia ilvppak ash moma i shahli hokvto nan i hullo yak oke.

Shilombish anukfoyukvt anumpuli ha ahnichi; 4 yvmmak osh anumpa inla ithanvt anumpuli ka i shahli; 12 isht a hlampko

achukmvt i shaht ia chi ka ita tuklo ka a yvmihcha hinla ;
 34 chvch itvnahvt maya ka ohoyo hvv anumpula he keyu im
 vlvhpsa.

1. NAN i hullo ya achunanchit iakaiyvt, ishi ka hvchi
 bvnashke : mikmvt Shilombish imma ka anukfoyuka chi ka
 hvchi bvnashke : yohmi kia Shilombish anukfoyukt hvsh
 anumpula he ak osh ahni kvv hvsh i shahlichashke.

2. Kvna hosh anumpa inla yo anumpuli hokvto, hatak o
 im anumpuli keyu, amba Chihowa yak oke : kvna hosh im
 akostinichi keyu hoka ; yohmi kia Shilombish anukfoyuka
 hosh yvmmak ash ot nana luma hatok puta ka anumpuli hoke.

3. Amba Shilombish anukfoyukt anumpuli hokvto,
 hlampkohonchi, mikmvt ai okchaya he ahna chi ka i mihha,
 mikmvt hopohlahanli, aiena hosh hatak puta im anumpuli
 hoke.

4. Kvna hosh anumpa inla yo anumpuli hokvto, ilap illa
 isht achukmali hoke ; amba kvna hosh Shilombish anukfoy-
 ukt anumpuli hokvto, chvch a hlampkohonchi hoke.

5. Hvsh moma kvv anumpa ilaiyuka hvsh anumpula he
 ak o hvchim ahni li ; yohmi kia Shilombish anukfoyukt
 hvsh anumpula he ak o hvchim ahni li kvv i shahlich i :
 kvna hosh anumpa ilaiyuka anumpuli ka, chvch vt achuk-
 mvt i shahlit hlampka chi ka, yvmmvv tosholi keyukma, kv-
 na hosh Shilombish anukfoyukt anumpuli kak osh hohitopa
 kvv i shahli hoke.

6. Yohmi ka itibapishi li vhleha ma ! nana otvninchi, ke-
 yukmvt nana itvnanchi, keyukmvt Shilombish anukfoyukt
 anumpuli, keyukmvt nana avvchi nana hosh anumpa ilaiyu-
 ka anumpuli la chi hosh hvchim ona li hokmvt, nanta ho
 isht hvchi yukpali la hinla ho ?

7. Yohmi ka nana kvv fiopa iksho hosh ohonla kvv, oskula
 hokma, keyukmvt hap okma, nana ka ai ola kak osh it im
 ilaiyuka keyukmvt, katiohmi kak osh oskula yokma, keyuk-
 mvt hap okma, nana ho ai ola kvv otaiyana hinla ho ?

8. Isht pufa yvt ola kvv ik haiako hokma, kvta hosh itiba
 chi kvv il atahla hinla cho ?

9. Yvmmak inli ho hvsh chiyuhmi kvv anumpa akostinin-

cha he kvlo keyu hō hvsh anumpuli keyukma, katiohmi kak osh nana hosh anumpa tuk vt otvna chī hō? mahli ak o hvsh ai anumpuli ha chī hoka.

10. Anumpa ola ilaiyuka laua kvv yakni pakna ai asha, yvmohmi chatuk; yohmi kia achvfa kvv nana hō miha keyu kvv kt ksho hoke.

11. Yvmohmi ka anumpa ola ka yvmmak o miha ka ak akostininchokma, kvna hosh anumpuli yvmmak ash o im bulbaha sia mak a hi oke; mikma kvna hosh anumpuli yvmmak ash ot am bulbaha mak a hi oke.

12. Yvmmak inli hō chohmit Shilombish imma ka ahnit hvsh achilita hokvt, chvch a hvsh hlampkohoncha he yak osh hvsh anukfillashke.

13. Yvmohmi hoka anumpa inla yō kvna hosh isht anumpuli hokmvt, yvmmak ash toshola chī kvv vba ik asilhhā.

14. Anumpa inla yō vba isht anumpuli li hokma, sa chvkvsh ak osh vba asilhha hoke: yohmi kia vm anukfila hokvto inla ya nan im vni keyu hoke.

15. Yohmi ka katiohmi kak a chī hō? chvkvsh o vba isht anumpuli la he, micha vm anukfila hō vba isht anumpuli la he: mikmvt chvkvsh o isht taloa la he, micha vm anukfila hō isht taloa la hi oke.

16. Yvmmak keyukma, Chihowa isht ish aiokpvchi kia, kvna kia nan ik ithano im ai o binili binili hatuk vt, nana hō ish achi ka akostinichi keyu kvv, katiohmi kak osh yvmmak ash osh yak oke ahnit, vba pit ish aiokpvchi ka, Amen acha hinla hō?

17. Ahli hosh yak oke vba pit ish aiokpvchi ho mvhli; yohmi kia inla yokvno hlampkohonchi keyu hoke.

18. Anumpa inla anumpuli li kvv, hvsh moma ka hvch i shallichī li kvv, an Chihowa ya yak oke im ahni lishke.

19. Yohmi kia chvch itvnaha ka inla maya ka vm anum-pa ola ka nana isht im avvchi la chī kvv, vm anukfila anum-pa akostinichi tahlapi anumpuli li kak osh, anumpa inla tahlapa sipokni pokoli anumpuli ka vm i shallishke.

20. Itibapishi li vhleha ma! nana akostinichi kvv vlla chipunta yō hvch ik tobo kashke: yohmi kia nana ik ai vlh-

peso hokvno vllösi yo hvsh tobashke; yohmi kia nana akostinichi hokvno hatak o hvsh tobashke.

21. Anumpa im inla, mikmvt itivbi inla hatuk o okla ilvppa isht anumpohonli la chi: ilvppa moma yvmohmi hoh kia okla ik sa haponaklo ka chi, Chitokaka yvt achi hoke, achi kvv nan vlvhisa ya a holisso hoke.

22. Yohmi hoka anumpa inla anumpuli yvt na yimmi vhleha ha isht im atokowa keyu, amba kvna hosh yimmi keyu kak oke; yohmi hoka Shilombish anukfoyuka kvv anumpuli kak o kvna hosh yimmi keyu yvmmak o achukmali keyu, amba kvna hosh yimmi kak oke.

23. Yvmohmi hoka chvch moma kvv miha chvfa ho ant ai itvnaha cha, momvt anumpa inla anumpuli aiyuka hokma, anonti nan ik ithano, mikmvt nan ik yimmo aiena kak kia ai vlvkmvt, tasimbo yo hvchim acha hinla keyu?

24. Amba moma kak osh Shilombish anukfoyukvt anumpuli hokma, anonti na yimmi keyu, keyukmvt nan ik ithano yosh vla hoh kia yimmit, momvt anumpuli ka ahli ahnit anukfohka, yvmmak ash ot moma kak o nan isht ai im vlvhisa hoke.

25. Yohmi ka yakohmi hosh chukvsh isht im anukfila anykaka yvt otaiyani yoke: yakohmi hok mak osh hlipia cha, yvmmak ash ot Chihowa ya aiokpvchishke, mikmvt Chihowa hvv hvch iba takla ho mvhli hatuk a anola hi oke.

26. Yohmi ka itibapishi vhleha ma! nanta katiohmi ho? ant hvsh itvnahakmvt, hvsh moma kvv ataloa yokma, anumpa tosholi ak okma, nana ho hvsh ishi aiyuka hosh ant hvsh itvnahvshke. Isht achukma hi o nana moma kvv yvmohmashke.

27. Hatak kvna hosh anumpa inla yo anumpuli hokma, tuklo, keyukmvt tuchina kvno ont ik aiyo, yohmik mak o it iakaiyashke; mikma achvfa kak osh tosholi ashke.

28. Amba tosholi iksho hokmvno, ai itvnaha ya lumvt binilashke: yohmi cha Chihowa, ilapo ak inli ita tuklonehit im anumpulashke.

29. Shilombish anukfoyukvt anumpuli vhleha hvv tuklo,

tuchinakma, nana kv̄t anuṣṣapulikma, inla yokvto ḡhli hō? ahnit anukfillit pisashke.

30. I bilikasi binili yvmmak ash o nana kv̄t im otvni hokma, vmmōna kash ot nuktanlv̄t binilashke.

31. Momvt ithana cha, anonti moma kv̄t isht im ai achukmvt isht i shahla ch̄i ka, Shilombish anukfoykvt hv̄sh moma kv̄t it iakaiya hosh hv̄sh anumpula hinla hoke.

32. Shilombish anukfoykvt anumpuli v̄hleha im anuk-fila puyuta kv̄t Shilombish anukfoykvt anumpuli v̄hleha hash o i nutaka yoke.

33. Shakapvt nan iti ataklv̄ma he Chihowa hv̄t ahni keyu, amba vbanumpa anukfohka ḡhli im ai itvnaha moma kak o chohmit iti nanaiya yak oke.

34. Ik̄sa itvnahvt maya ka hv̄chim ohoyo hv̄t lumvt binohmayashke; yvmmak okvt anumpula he im v̄lhpesa keyu hoka; amba im antia he ak osh im v̄lhpesa hoka, nan v̄lhpisa yvt yvmmak o achi ak inli hoke.

35. Yohmi ka nana hō ithvna bvnna hokmvt, chuka ak inli kak o i hatak a ai im aponaklashke: ik̄sa itvnahvt maya ka ohoyo hosh anumpuli hokvto nan isht im a hofahya hoka.

36. Yakeh! Chihowa im anumpa hv̄t hv̄chishno ak o a kohev̄t minti hatok o? keyukmvt hv̄chishno ak bano hō hv̄chim ona hatuk o?

37. Hatak kv̄na hosh ilap inli kv̄t Shilombish anukfoyukv̄t anumpuli yokma, keyukmvt Shilombish holhpela ka isht anukfoyuka hō mihi yosh im ahobakmvt, pit hv̄chi holisso-chi li tuk yvmmv̄t Chitokaka i nan v̄lhpisa mak atuk a akostininchit, ḡhli ahnashke.

38. Amba kv̄na hosh ik̄ akostinincho hokvto mihi yosh nan ik̄ akostinincho kv̄t imomashke.

39. Yvmohmi ka itibapishi li v̄hleha ma! Shilombish anukfoykvt anumpula he ishi ka bvnv̄t hv̄sh achilitashke; mikmvt anumpa inla anumpuli ka hv̄ch ik̄ im alammo kashke.

40. Nana moma kv̄t ai v̄lhpiesa, micha ai itiakaiyvt anuktana mak o yvmohmashke.

CHAPTER XV.

Illit falamvt e tani pulla hi a, Klaist vt illit falamvt tani tok ak o isht anoli, 1: 21 Klaist vt illit falamvt tani tok a nana kvt isht a yv-mohmi: 36 falamvt e tana he nana akaniohmi: 51 Klaist vt elak ma, okchayvt anta tuk vt inlvt toba he.

1. YUMOHMI ka itibapishi vhleha ma! vbanumpa yvmmak o hvchim anumpohonli li yvmma hvsh ishi tuk osh, anonti mihi yo anukfoyukvt hvsh mahaya ka, yvmmak inli ho hvch im anohonli lishke:

2. Yvmmak o hvchi ai okchaya, nana ka isht hvchim anumpuli li tuk a ithaiyanvt hvsh ieszhi hokmvt, nana ka ik onancho keyut hvchi yimmi hatuk okmvt.

3, 4. Holisso Holitopa nana achi tok mak o nana pim ai ashvchika puta kak o Klaist vt kaniohmit isht ai illi; yohmi cha yvmmak ash ot hollopi tuk osh, anonti nitak ont atachina ma Holisso Holitopa nana achi tok mak o yvmmak ash ot anonti tani tok, yvmmak o vno ak kia si anukfoyuka hatuk osh, mihi yo tikbanli hvchim anohonli li tuk oke.

5. Mihma yvmmak ash ot Sefas a i haiaka, yohmi mvt auah tuklo kash i haiaka tok.

6. Yohmi ha ya tuk osh himona achvfa yvmmak ash osh itibapishi tahlepa tahlapi ont ia ka i haiaka tok: yvmmak atok a akashampa laua kvt okchaya na ant himakushke, yohmi kia kanimi kvt nusit akakoha tok.

7. Yohmi ha yo yvmmak ash ot Chemis a i haiaka tok; yohmi mvt apostel vhleha hash mominchit i haiaka tok.

8. Yohmi mvt moma ont ishtaiyopi ka ai vhlpiesa keyu ho chohmi, vno ak kia yvmmak ash ot a haiaka tok.

9. Apostel vhleha moma ik alauwo sia, yohmi kvt apostel hohchifa he si vhlpesa keyu, Chihowa in chvch a ilbushali li tok okvt.

10. Yohmi kia Chihowa nan isht i kana pulla ho kanima a hikia li kvt yvmmak o hikia sia mak oke; mikmvt yvmma nan isht i kana yvmmvt si anukfoyuka kvt ik ai ono ke tuk keyu hoke: yohmi hokvt toksvli hoyubli kvt yvmmak ash

moma ka i shahlich i li: yohmi kia vno ak keyu, amba Chihowa nan isht i kana mihi yosh a svbai achvfa kak atuk oke.

11. Yvmohmi hoka vno yak okmá, keyukmvt yvmmak okmá, e nana hosh yumihehit il anumpohonli ma, yvmohmit hvchi yimmi hatuk oke.

12. Yohmi ka Klaist yvmmtv illit falamvt tani tuk vt isht anumpa hokma, katiohmi hq hvsh kanimi kvv illit falamvt tana hi vt iksho, hvsh achi cho?

13. Yohmi ka illit falamvt tana hi vt iksho hatuk; yohmi hokma Klaist vt ik tano ki tok oke.

14. Yohmi ka Klaist vt ik tano ki tok; yohmi hokma vbanumpa isht il anumpuli ka isht ai achukma he keyu, mikma nan isht hvchi ai yimmi ka yvt isht ai achukma he keyu ak inli hoke.

15. Ahli, yohmi ka Chihowa isht atokowa ik ahlo il otvni hoke: Chihowa yvt Klaist a tanichi tok a isht il atokoli tok okvt: yvmmak ash ik tanicho ke tok, illi yvt falamvt tana he keyukma.

16. Illi yvt tana he keyu, yohmi hokma Klaist vt ik tano ki tok oke.

17. Yohmi ka Klaist vt ik tano kitok okma, na hvchim ai yimmi ka yvt ik ai ahlo; na hvchim ai ashvchi ka hvsh a hikia momvshke.

18. Yohmikma kvna hosh akakohvt Klaist a iba nusi tuk vhleha yvmmtv aiokpuloka mak oke.

19. Okchaya ilvppak bano kak osh Klaist a il ai okchaya chi il anukchieto hatuk okmvt, pilbvsha kvv hatak moma ka i i shahlishke.

20. Yohmi ka himak vno Klaist vt illit falamvt tani tok, micha kvna hosh nusi tuk vhleha yvmmak ash nan vni vmmoma mak o toba hoke.

21. Hatak puyulla hatuk mak o nan illi hvv aya tok, hatak pulla kak o illit falamvt tani vt a minti tok.

22. Alvm atok puyulla mak o momvt illi ka, yvmmak inli hq chohmit Klaist pulla atuk mak o momvt falamvt okchaya yo toba hi oke.

23. Yohmi kia hatak moma kv̄t ilap nan isht im ai v̄h-
piesa kak a hi oke: Klaist ak osh nan vni v̄mmona hoke: i
himmak o Klaist immi hatuk vt, yv̄mmvt mintikma, tana hi
oke.

24. Mikma apēhlichika, nan v̄lhtoka, micha nan im ai ahi
aiena ka ai akshochi ha yosh apēhlichika ya yv̄mmak ash ot
iki Chihowa mak o ibbak fohka hi oke; yohmik mak o ai
v̄hli h̄vt v̄la hi oke.

25. Yv̄mmak okv̄t mikot ahanta pullv̄t, in t̄v̄nv̄p v̄hleha
moma ka ilap iyi nuta ashachi ha ya hi oke.

26. T̄v̄nv̄p ishtaiyopi mak osh yv̄mmvt ont ik ai iksho ka
ch̄i kv̄t nan illi ak oke.

27. Nana moma ka yv̄mmak ash ot iyi nuta ya ashachi
tok oke. Yohmi ka nana puta kv̄t yv̄mmak ash ai i nuta-
kv̄shke, yv̄mmvt achi kia, nana moma ka yv̄mmak ash ai i
nutakv̄chi tok ilap ak bano hosh keyu kv̄t otaiyanishke.

28. Yohmi ka nana moma kv̄t yv̄mmak ash o ai i nutakv̄t
taha, yohmik mak o Ushi ilap ak kia nana moma ka ai i
nutakv̄chi tok yv̄mmak ash o ai i nutaka he; yohmi h̄o
Chihowa ya moyuma kv̄t nana moma ka isht ai okpahanchit
isht im antia hi oke.

29. Yv̄mmak a he keyukma; illi tuk ak o v̄lhtoba hosh
baptismo tuk, yv̄mmv̄to nanta h̄o katiohma hi o? illi yv̄t
tana he keyu kv̄mohmi hokma; nanta katiohma h̄o illi atuk
pulla ka isht a baptismo hatuk o?

30. Mikma nanta katiohma h̄o hv̄shi kanv̄lli moma ka isht
a pi palv̄m̄mi ya il a hikia cho?

31. Nan isht ilaiyukpa yv̄mma hv̄chishno pulla hatuk
mak o pin Chitokaka Klaist Chisvs isht im ai eshi li kak
osh ai ahlichit anohonli li mvt, nitak moma ka sahanlishke.

32. Hatak o chohmit nampoā nukshopa puta ka Efesus
ak o ai itihimbi li tuk vt, illi yv̄t tani keyukma, nanta hosh
isht v̄m ai achukma hinla h̄o? onnaha ya h̄vp illa ch̄i hokv̄t,
impvt, nan ishkot keho mayā.

33. Hv̄ch ik ile haksecho kashke: nan ik v̄lhpeso a chu-
kulbi yokv̄to im anukfila achukma puta tuk a im okpmi
yoke.

34. Yohma he ai vhpiesa hoka oh okcha, micha na hvch ik ashvcho kashke; kanimi kv̄t Chihowa nan isht im ithai- yana ik im iksho hoka. Hvchi hofahya ch̄i hō ilvppa hvchim anumpuli lishke.

35. Yohmi ka katiohmi hosh illi yvt tani hō? mikmvt haknip vt katiohmi hō yvmmak ash ot isht koeha hō? hatak kanimi kv̄t acha hi oka.

36. Im anukfilla iksho chia ma! nana ka ish hokchi tuk a illi yō keyukmvt, yvmmak ash ot okchaya yō keyu hoke.

37. Mikma nana ish hokchi kv̄t nan vpi yvmmak a hi o ish hokchi keyu, amba onush okmá, keyukmvt nihi inla yok- má, nana kia nihi ak bano hoke:

38. Yohmi ka Chihowa yvt yohmi ai ahni mak osh, nan vpi ya ch̄i ka ima hoke; mikmvt nihi moma kv̄to ilap im vpi ya ch̄i ka ima hoke.

39. Nipi moma kv̄t nipi mihi achvfa keyu hoke; yohmi ka hatak nipi vt inlak ma, inla mvt nampo nipi, inla mvt nvi nipi, inla mvt hushi nipi yak oke.

40. Vba imma na haknip ilaiyuka, aka imma na haknip ilaiyuka aiena kv̄t ai asha hoke: yohmi kia vba imma isht im a holitopa yokvto achvfa, mikma inla mvt aka imma nan isht im a holitopa yak oka.

41. Hvshi yvt nan isht im a holitopa yvt achvfa, inla mvt hvshi ninak aya nan isht im a holitopa, anonti inla mvt fochik puta isht im a holitopa yvt asha hoke; isht a ho- litopa hokvno fochik achvfa kv̄t fochik inla ya it im inla hoke.

42. Illit salamvt tani kv̄t yvmmak inli hō chiyuhma hi oke. Toshba hi osh hollohokchi tuk vt, ik toshbo ka hi osh taiyani hoke.

43. Ik holitopot hollohokchi tuk vt, holitopa hi osh tai- yani hoke: ik hlampkot hollohokchi tuk vt, nan ai ghla- he mak osh taiyani hoke.

44. Ilhfiopak haknip hollohokchi tuk vt, shilombish imma haknip osh taiyani hoke. Ilhfiopak haknip, mikmvt shilom- bish imma haknip ita tuklo kv̄t ashvshke.

45. Yvmohmi kak o hatak vmmona Alvm vt shilombish

okchaya yosh toba tok; Alvm ishtaiyopi kvto Shilombish okchalinch i y_o toba tok, achi hosh holihiso hoke.

46. Yohmi kia shilombish imma kak osh vmmona tuk keyu, amba haknip imma kak atok oke: atuk o i himmak o shilombish imma kak atok oke.

47. Hatak vmmona kv_t yakni y_o a toba hatuk osh, yakni imma kak oke. Hatak atukla kvto vba minti Chitokaka ak oke.

48. Yakni ai immi atuk ash o, chohmit kvna hosh yakni ai immi hokvto yvmmak inli h_o chohmi hoke: mikma vba ai immi hokvto, yvmmak ash inli h_o chohmi hoke.

49. Yohmi ka yakni ai immi kash o holba ka iloh ieshi hatuk a, chohmit vba ai immi kash o holba ka iloh iesha he ak inli hoke.

50. Yohmi ka itibapishi li vhleha ma! nipi, micha issish ita tuklo kvto Chihowa im apehlichika yvt ai immi ha he vhpesa keyu; mikma nan toshba hi okvto nan ik toshbo ya ai immi ha he vhpesa aiena keyu hoke.

51, 52. Yakeb! nana a luma hatuk a hvch im anoli lishke; moma kak osh hvpi nusa ch_i keyu, amba ai ishtaiyopi isht pufa yvt nana olakma, yakosi itin takla, nishkin mochukli ai itin takla h_o, moma kv_t inlv_t e toba hi oke: nana ola hv_t ohonla he, mikmak o illi atuk vt ik toshbo ka hi osh tana he, mikma inlv_t e toba hi oke.

53, 54. Na toshba he ilvppak ash osh nan toshba he keyu h_o isht a foyuka pulla he, mikma nan illa he ilvppak ash osh nan illa he keyu h_o isht a foyuka he: yvmohmi ha yok mak o, nan illi hash o ont imaiyachi na ik ai iksho ka hi oke; ahanchi hosh holisso tok vt yvmmak ash ot ont ai ghla hi oke.

55. Nan illi ma! katima yak o nan isht ish nvhli y_o? ahollopi ma! katima yak o nan isht ish imaiyachi h_o?

56. Nan illi i nan isht nvhli vt nana ashvchi ak oke; mikma nan ashvchi isht imi hlampko yvt nan vhpisa yak oke.

57. Yohmi kia hvpin Chitokaka Chisvs Kleast pulla hatuk mak o nan isht imaiyachi ya Chihowa yvt hv_p ima hoka, Chihowa ya yak oke; im ai ahni lishke.

58. Yvmohmi hoka itibapishi li a holitopa vhleha ma!

hush kvllo cha ik hvchi fitekaeho kish, vltoba iksho ka hi osh Chitokaka hvsh in toksvli keyu kvv hvsh ithaiyana hokvt, Chitokaka im atoksvli ya lauachit hvsh toksahanlashke.

CHAPTA XVI.

Nan ik im iksho a kanihmit apelacha he, mikmvt vbanumpa hvv i shaht holitopvt mahaya chi ka, nanasi isht apelacha he im anoli; 13 i kanvt nan i mihvt tahli mvt, isht aiyopichi kvv vbanumpa ha yakeke ahani tok.

1. YOHMI ka na yimmi ahli nan im itahobi imma hokvno, hvch Kaleshi a hiohli kak o nana im apesa li tok a, chohmit hvsh yvmihchi ak inlashke.

2. Ona li ha yo nan itahobi kvv ik ai iksho ka chi ka, wek nitak vmonakma achvfa hvsh aiyuka kvv, Chihowa hvv nan im ilayak a ataiyahli ka, it ilauechit ishit hvsh il im bohonlashke.

3. Atuk o ona likma, kvna ho vlvpesa hvsh ahni hokma, mihli yosh nana hvsh habenvchi tuk ash Chelusalem isht ona chi ka, holisso ha im atahli lish, pit yuhli lashke.

4. Yohmi kia ia li kak o vlvpesa hinla hokma, yvmak ash ot si apihvt ia chi hoke.

5. Yohmi ka Masetonia yakni ya a hlopulli li ha yosh, hvchim ona la chi hoke, Masetonia yakni ya a hlopulli limak okvt.

6. Yohmikmvt hvch ibai anta la chi, ahli, hvstula yak kia hvch ibai anta la chi chishke; yohmi ho anowa hopaki kanima yo ia la chi ka hvv si apelvcha hi oke.

7. Himonasi ya nowvt aya li hokvto, hvchi pisa la he keyu; amba Chitokaka yvt ik yohmi ahni hokma, ont hvch ibai anta li hopaka he keyu, ahni li hoke.

8. Yohmi kvv Efesus ak o anta li Pentekost ai onak mak a chi hoke.

9. Okhissa yvt chito, mikmvt vm ai ghla hi vt an tiwa, mikma a sanali vt laua hoke.

10. Yohmi ka Timohliis vt ona hokmvt, nukshopa ikshot hvch iba takla anta chi ka hvsh pisashke: vno vt yvmak inli chohmit, yvmvvt Chitokaka im atoksvli li ya toksahanli hoke.

11. Yvmohmi ka kuna kia ik shitelemo kashke: amba yvmvt ayvt vm vla chi ka, i kanvt hvsh apelvchashke: itibapishi li vhleha takla vla hi a hoyo li hoka.

12. Il itibapishi Apollos okvno iloh itibapishi vhleha ba ai itvpihvt hvchim ona he ak o ahni li fehna tuk; yohmi kia himonasi yokvno ona hi vt ik ahno kvmohmi tuk; yohmi kia ona he im ai vhpiesa onakma, ona chi hoke.

13. Okhvvt oh il apistikeli, ai yimmika ya kvllot ieshi hvsh hikiashke, hatak ghli il otvvinchit, hvsh hlampkashke.

14. Nana hvsh a kaniohmi puta kvv nan it i hullo mak o ik ai yvmohmi.

15, 16. Stefanas in chuka chvfa, yvmmak osh Akaia ya nan ai vni vmmona yosh, na yimmi ghli vhleha ba apelvcha chi kvv okla il im issa tok; yohmi ka itibapishi li vhleha ma! yvmma chohmi, micha na piba toksuli, micha toksuli hoyubli ayuka ka hvsh im antia chi ka, hvch it i kanvt hvchi atohno lishke.

17. Stefanas, micha Fatunats, mikmvt Akaikvs aiena kvv ai vla ka sai yukpvshke; nana ka hvch ik onancho ke tuk a okla onanchit atahli hoka;

18. Sa chukvsh, micha hvchishno aiena chukvsh a okla yukpali hatuk: yvmohmi hoka yvmma chohmi vhleha ba i kanvt hvsh ithaiyanashke.

19. Asia yakni chvch maya kvv pit hvchi aiokpvchishke. Akuila micha Plissilla ita tuklo kvv, ilap in chvch maya ka aiena kvv, Chitokaka ibai achvfa hvchia hoka pit hvchi aiokpvchi fehnvshke.

20. Itibapishi moma, kvv pit hvchi aiokpvchishke. Suk-sowa holiopa yo hvsh it aiokpvchashke.

21. Vno Pal nan isht aiokpvchi ka vno svbbak isht holis-sononchi lishke.

22. Kuna hoh kia Chitokaka Chisvs Klaist a holiobli keyukmvt, mihi yosh Anahlema, Malanahla mak ashke.

23. Hvpin Chitokaka Chisvs Klaist nan isht i kana yosh hvchi anukfoyukashke.

24. Klaist Chisvs ibai achvfa hvchia ka nan isht i hullo li yvt mominchit hvchi anukfoyukashke. Amen.

HOLISSO ATUKLA PAL VT

CHUCH KOLINHILA

A HIKIA HO I HOLISSOCHI TOK.

CHAPTA I.

Pal vt ilap nan isht im apalvni ka isht hopohohla ket achi; mihmvt vbanumpuli Kolinhlai ai asha ka nan isht hopohla tok ash inli ho isht hopohlahan li ket Chihowa ya yak oke im ai ahni, 1; 15 nana hosh kanihni ho ik im vlo ki tok vt anoli; 23 i kana kak a tok.

1. CHIHOWA nan ai ahni atuk pulla mak o Chisvs Klaist im apostel Pal, micha il itibapishi Timohli ita tuklo ket Chihowa in chuch, yummvt Kolinhlai a hikia, mikmvt na yimmi ahli moma yummvt Akaia moma ka ai asha ka aie-ninchit pit aiokpuchi ket,

2. Piki Chihowa, micha Chisvs Klaist ita tuklo nan isht i kana, micha isht it i nanaiya ita tuklo ket hvchi anukfoyuk-ashke, hvchim ahnishke.

3. Pin Chitokaka Chisvs Klaist Iki, Chihowa, nan i nuk-haklo fehna Iki, micha nan isht anuktanla moma in Chihowa yvt holitopashke.

4. Yummak osh nan isht il ai ilbvsha moma ka pi nukta-lahanli; yohmi ho pishno vt Chihowa hak o nan isht im anuktaiyala ya isht a pi nuktaiyala cha, kana hoh kia ilbai-yasha hokma, e nuktalahanla hinlvshke.

5. Klaist pulla hatuk mak o nan isht ilbvsha yvt pim a laua; yohmi hokvt Klaist pulla hatuk mak o nan isht a pi nuktaiyala yak kia lauvshke.

6. Yohmi ka nan isht a pilbaiyasha hoh kia, hvchishno

ano nan isht hvechim ahopohla, micha nan isht hvechim ai okchaya chi kvt, nan ilbvsha yvmmak o pishno vt isht a pilbvsha tuk ak inli chohmi ka isht a hvech ilbvsha hokmak osh nan isht hvechim ai ahli hoke; anonti pishno vt isht a pi nuktaiyala hok mak heno, yvmmt nan isht a hvechim a hopohla, micha hvechim ai okchaya mak oke.

7. Yohmi ka nan ilbvsha puta ka hvsh ibai ishi, yohmi hatuk okvt na hopohla ma hvsh ibai isha chi ka il ithaiyana kak osh nan isht e hvechim anukfilli kvt kullo fehnvshke.

8. Iloh itibapishi vheha ma! nan isht a pilbvsha yvmmt Asia yakni ya a pi onvtula; yohmi mvt pim isht hlampko hash imaiyachi na na pi weki fehna mvt; okchaya he yak kia kil ahno ke tuk a, hvech ik akostinincho ka hi a e hvechim ahni keyu hoka:

9. Yohmi ka illa he anumpa il il ai eshi, yohmi kvt pishno ak inli ka il anukchieta he keyu; amba illi taniichi Chihowa yak a hetuk oke.

10. Yvmmak osh nan illi chinto fehna kash a pi hlakofichi tuk osh, a pi hlakofichi moma: yohmi kvt yvmmak ash osh pi a hlakofihinja chi ka yvmmak o il anukchieta hoke.

11. Hatak laua pulla kak o nan isht i kana pi onvtuyula tuk a, hvchishno ak kia itapelvt anumpa ilbvsha isht hvsh pi anumpohonli; yohmi ho pishno pulla kak o yak oke Chihowa ya im ahni kvt laua hi oke.

12. Isht il il akostininchi isht im ai atokowa kvt haknip imma isht hopoyuksa keyu, amba Chihowa nan isht i kana pulla hatuk mak o nan anukfila apissali achvfa, micha Chihowa anukfoyuka ai ahli hosh yakni paknaka il ai abanta hatuk: yohmi hokvt hvchishno yak heno i shahlichit il a hvchi yvmohmi, ilvppak osh nan isht il il aiyukpa hoke.

13. Nana ka hvsh it im anumpuli; micha ahli hvsh akostininchi fehna tuk yvmmak keyukma nana inla yo e hvchi holissochi keyu hoke; yohmi hoka ahli ahnit, akostininchit mahayvt ont ai vhi ka hvsh ona hi a hvechim ai ahni lishke:

14. Chitokaka Chisvs i nitak vt vlakma, nan isht pim ilaiyukpa hvchia ha chi kvt, yvmmak inli ho chohmit nan isht

hvehim ilaiyukpa pia ha chi ka, hvsh kanimi kv̄t ahli hvsh
pi akostinichi ak inli tuk oke.

15, 16. Yohmi ka yakohmi tok ak o na yimmi hosh
atukla ma nan isht ilaiyukpa ka hvsh isha hi a tikba hvehim
ona la he ahnit, anonti ont ivt, Masetonia yakni ona li tuk
mvt, anonti Masetonia yakni yash o akohchvt atuklant hv-
chim aya li hok mak osh, Chutia imma aya la chikma, hv
si apelvcha hi a vm anukfila tuk oke.

17. Yvmohmi kv̄t yakohmit vm anukfila mvt, vm anukfila
hvt fitekvchi hosh yvmihchi li tuk o? yvmmak keyukmvt
vno vto yau, yau, mikmvt keyu, keyu, achi la hi osh nana
ka ahni li kv̄t, haknip nan ai ahni ho isht anukfilli li tuk o?

18. Yohmi ka Chihowa hvt ai ahli yatuk o, pim anumpa
nan isht e hvehim achi tuk a yau yatuk osh anonti keyu, ya-
tuk keyushke.

19. Uno, mikmvt Silfanvs, micha Timohlivs aiena pulla
kak o, Chihowa Ushi Chisvs Klaist, yvmmv̄t hvehim au-
humpa kv̄t, yau yatuk osh, anonti keyu yatuk keyushke, amba
yvmmak okvt yau yatuk oke.

20. Yvmmak atuk pulla mak o Chihowa hvt nana im
ihisa tuk moma kv̄t yau okma, anonti yvmmak atuk mak o
Amen oke, yohmi kak o pishno ma Chihowa nan isht im a
holitopa yoke.

21. Yvmohmi ka Klaist a iloh ibai achvfa chi ka, hvpi
hlampkohonchi cha, na pi a hvmmi kv̄t, yvmmv̄t Chihowa
ak oke.

22. Mihmvt ilap immi pia ha chi ka, yvmmak ash osh pi
ai ahlichi mvt, ai okchayvt bilia e pisa he pim ai ahlichi kv̄t,
Shilombish a pi anukfohkechi tuk oke.

23. Yvmohmi hoka hvchi kanvt na hvehim anukfilli la
chi kak osh, Kolinhla ya ak ono kisha hatuk a Chihowa hvt
vni shilombish a atokowvt vm ithana ya chi ka hohoyo
lishke.

24. Na hvchi yimmi ka il i shabli hatuk keyu hoka, am-
ba na hvehim ai yukpa apelvchi pia hoke; na yimmi pulla
hatuk mak osh hlampkot hvsh hikia hoke.

CHAPTER II.

Nana hosh kaniohmi kak o ik im ono ki tuk vt anoli, 1; 6 Chvch a a kohcha tok a i nukhanklot i kvshofa hi a im ahni; 10 ilap ak kia i kvshofi tuk a chohmachi: 15 kanima yo vbanumpa isht anump pohonli ka Chihowa yvt im ai okpanchi.

1. YOHMI ka vm anukfila kvv na nukhaklo hosh, atukla ma ak hvchim ono ka chi, ilvppak o vno ak inli kvv vm anukfila hatuk oke.

2. Hvchi nukhaklochi li, yohmi hokma kvta hosh na sai yukpala hinla ho? amba vno yak atuk mak o kvna hosh nukhaklo tuk yvmak inli kak a hinla keyu?

3. Yohmi ka ona likmt, kvna ho ibai yukpa la hetuk, yvmak ash ot nana a kaniohmi ka isht a nukhaklo la hinla kak osh, ilvppv mihi ash inli ka isht hvchi holissochi li hatuk oke: hvsh moma nan isht hvchim ai-yukpa yvt vno a nan isht vm il ai-yukpa ak inli hoke, ai ahnit hvsh moma ka hvchi yimmi lishke.

4. Na nukhaklo fehna, chukvsh ilbaiyvshv nishkin okchi mvt laua aiena hosh isht hvchi holissochi li hatuk; hvchi nukhakla he yak atuk keyu, amba nan isht i hullo yvma isht hvchi hoyullo li fehna. hatuk a hvsh ithaiyana chi kak atuk oke.

5. Yohmi kia kvna hosh na nukhaklochi tuk okmt, vno ak illa ho si anukhaklochi tuk keyu: hvsh moma ka ak hvchi kullo ka chi kak osh ilvppa hvchim achi lishke.

6. Hatak yvma chohmi kvno nan vlvvisa ilvppak o laua kvv im apesa tuk a, im ai vlvpiesa hoke.

7. Yohmi tuk a yvma chohmi kash i kashofit hopohvli kak o hvsh ahna he tuk oke; yvmak keyukma yvma chohmi kash ot na nukhaklot isht ai i palvmmi kvna hinla hoke.

8. Yvmohmi hoka nan isht hvsh i hullo kvv yvmak ash o hvsh im otvvincha chi kak o hvchim ai ahni lishke.

9. Ilvppak a he mak o holissochi li akinli hatuk; nana

moma ka ai im antia hvchia hokmá, nana ka hvch imoma ka ithvna la chí hatuk oke.

10. Kvna hō nana ka hvsh i kashofi hokma, vno ak kia i kashofi li hoke; nana hatuk o i kashofi likmvt, hvchishno pulla kak o Klaist vltoba hosh yvmihchi li hoke.

11. Yvmmak keyukma Setan vt pi haksicha hinla, yvm-ma nan ahni ik vhpeso ya kil ithano keyu hoka.

12. Yohmi ka Klaist im vbanumpa isht anumpohonli la chí hosh, Tloas a ona li ma, Chitokaka yvt nan ai ahni hō, okhissa yvt an tiwa tok.

13. Itibapishi li Titus a ak ahayucho hokvt, vm anukfila nukvla ik svm iksho ki tok: yohmi ka okla yvmmak ash aiokpuchit issa li mvt, yvmma a kohchvt Masetonia yakni ya ia li tok.

14. Yohmi hoka, yak oke ahnit, Chihowa hā kiloh aiokpuchi; yvmmak osh Klaist pulla hatuk mak o il imaiyacha chí ka pi apelahanchi; mikmvt kanima moma ka pishno pulla atuk mak o ilap a nan isht im ithvna i na balama otvniinchishke.

15. Pishno vto Klaist ibai achvfa pia hosh kvna hosh okchaya chí, micha illa chí aiena kak o Chihowa i nan isht balama champuli pia hoke.

16. Achvfa kano, illi bitema nan isht ai illa he i pia hoke, mikmvt inla yano okchaya na balama nan isht ai okchaya pia hoke. Yohmi ka kvta hosh ilvppa puyuta ka isht im ai vhpiesa cho?

17. Laua hvv Chihowa im anumpa ik ai ahlecho ya e chohmi keyu; amba chukvsh ai ahli, yohmi kvv Chihowa im vltoka kvv, Chihowa itikba yo Klaist i hohchifo isht il anumpohonli hoke.

CHAPTA III.

Pal vt vbanumpa isht anumpohonli hō Kolinhlia vt vbanumpa anuk-fohka kak o yvmmak ash Chihowa hvv pit pila hatuk a otvniinchitok, 1, 6 vbanumpa anumpula chí ka Chihowa yak osh ataiyahli tok a tuk, 12 vbanumpa hak osh holtopa kvv Moses nan apesa tok a i shahli.

1. PISHNO ak inli kv̄t atuklan̄chit il il ahninchit isht il ia hō? keyukm̄vt inla maya ka chohmit, isht hvsh pi kana he holisso puta ka il isha he pim v̄lhpesa hō? yvm̄mak keyukm̄vt holisso isht ai i kana ya e hvchim ai isha bi vt v̄lhpesa hō?

2. Hvchishno ak osh pi holisso hvchia hosh pi chukvsh a a holih̄iso tuk osh, hatak moma ka im otaiyanit im ai it anuhumpa hoke:

3. Pishno yatuk mak o hvchishno vt Klaist i holisso toba tuk otaiyanit hvsh anoh̄owa kv̄t, isht holissochi oka yo isht holih̄iso tok keyu, amba Chihowa okchaya imi Shilombish ak atuk; tvli patvssa yo a holih̄iso tok keyu, amba chukvsh nipi ak atuk oke.

4. Yohmi hatuk o Klaist pulla hatuk mak o Chihowa yak osh yvm̄ihchi tuk a pi yimmishke.

5. Pishno ak inli nana ka ai isht anukfillit isht im ai ahla he il ahni kak osh pishno ak inli kv̄t il ona ch̄i keyu hoke: amba Chihowa ak atuk mak o nana ka pim ai ahlit il ona ch̄i hoke.

6. Nan it im v̄lhpisa himona nan isht im vtta ai ahla he mak o yvm̄mak osh pi atokoli ak inli tok: holisso tikba yak o nan isht im vtta hō keyu, amba Shilombish ak oke; holisso tikba yash okvto vbi yoka, amba Shilombish okvto okchal̄inchi yoke.

7. Yohmi ka tvli yo ai in ch̄uwa holisso isht ai illa he isht ai vtta yvt h̄olitopa; yohmi hō Moses yvma nashuka yvt shohpalali hoka, Israel ushi v̄hleha hv̄t nashuka yash o atokowt pisa he keyu ki tok; yvm̄mak ash ot ont ai iksho ka hi atok oke;

8. Katiohmi hosh Shilombish nan isht ai vtta yokak h̄eto h̄olitopa kv̄t i shahla hetuk keyu hō?

9. Isht a palvma he nan v̄lhpisa isht ai vtta yvt h̄olitopa hokma, nan isht ai v̄lhpiesa isht ai vtta yokak h̄eto h̄olitopa kv̄t i shahli fehna he tuk keyu hō?

10. Nana kv̄t yakohmit h̄olitopa tok ilvppak ash ot na h̄olitopa yvm̄vt i shahli pulla kak o h̄olitopa kv̄t ik alauwo ki tok.

11. Nana kv̄t ont ai iksho kak osh holitopa tok okma, nana kv̄t takali kv̄t holitopa i shahli fehna hinla hoke.

12. Yvmohmi hoka yvmohma ch̄i ahnit na pi yimmi hosh anumpa otaiyani fehna h̄o isht il anumpuli hoke.

13. Yvmohmi kv̄t Moses atok ano chohmi keyu, yvmak okvto Isael ushi v̄hleha hv̄t nan v̄lhpisa yvmmak ash ot kv̄nia kia, a hlopullichit ai v̄hli pit atokowvt pisa keyu kak o, isht ompoholmo ȳo ilap nashuka yash isht ompohomo tok.

14. Yohmi kia yvma im anukfila hash ot l̄vpa yatok; himak nitak ak kia Testament sipokni im ai itim anumpuli hokvno nan ompoholmo mihi ash inli kv̄t ik i kv̄nio kisha hosh takali hoke; yohmi kia yvmmak ash ot Klaist ak o ont isht ai akshot kv̄nia hoke.

15. Yohmi ka himak ak kia Moses a ai itim anumpuli ka, nan ompoholmo yashot i chukvsh a on hlipia hoke.

16. Yvmohmi tuk o Chitokaka ȳa pit ai i filemvt im onakma, nan ompoholmo yash o isht i kancha hi oke;

17. Yohmi ka Chitokaka yvt, Shilombish yvmmak ash oke: yohmi ka kanima ȳo Chitokaka imi Shilombish vt ai otaiyanikma, mihi ȳo ai yuka keyu mak oke.

18. Yohmi ka nashuka ompoholmo keyut a pisa ȳo il a pihisa chohmit Chitokaka im aholitopa ȳa e pihisvt, yvmak ash inli h̄o hoyulba ch̄i hosh momvt inlv̄t e toba kv̄t, Chitokaka imi Shilombish vt a pi yvmihchi kak o, holitopa kv̄t i shahlit il a mahaya hoke.

CHAPTA IV.

Ai ahli, achilita hosh v̄banumpa h̄a isht anumpohonli tuk vt otv̄nin-chi, i; 7 mikmvt nan im apalv̄mi puta tuk vt Chihowa yosh isht aholitopa he, 12 chvch nan isht im a chukma he; 16 mikmvt ilap nan isht il ai yukpvt im a bilia hi a tuk a, achi.

1. YAKOHMA ch̄i mak o, nan isht i nukhaklo il ishi hatuk mak osh, nan isht ai vtta ilvppak ash o isht il ahanta kv̄t, pin takobi keyushke.

2. Isht a hofahya he nan isht im aluma puta ka e kanchi

mut; i kostinit nan isht akanomi ya il ai itnowa keyu, Chihowa im anumpa ha ik ahlechot il inlvchi keyu; amba Chihowa itikba ya nan ai ahli ya il otvninchi ka, hatak mo-ma nan isht il akostinichi yvt ahli, pim ahni hoke.

3. Yohmi kia pim vbanumpa hvt luma hokmut, okpula he vhleha hak o in luma hoke.

4. Klaist, yvmmt Chihowa Hoyulba ka, im vbanumpa holitopa in tohwikeli hvt on tomma chi keyu ka, na yimmi keyu yvmmak ash o im anukfila puta ka yakni ilvppa i shahli yosh lvblich hatuk oke.

5. Ubanumpa isht il anumpuli kv, pishno ak inli ho isht il anumpuli keyu, amba Klaist Chisvs Chitokaka yak atuk: yohmi hokvt pishno yokvto Chisvs pulla hatuk mak o huchin tishu pia hvt il otvninchishke.

6. Tohwikeli hvt ai okhlilika ya a kochevt tomma chi ka, Chihowa yvmmak osh im apesa tok okvt, Chihowa im aholitopa nan isht ithaiyana im a tohwikeli hvt Chisvs Klaist i nashuka a minti mak o pima chi hosh pi chukvsh a a tommi hatuk oka.

7. Yohmi kia nan isht ai ahli chinto fehna kv pishno ak o keyu, amba Chihowa ak o immi ha chi ka, nan ilayak holitopa ilvppak ash o nan ai vlvto okfulush toba ho isht il ieshi hoke.

8. A palvmmi bano hosh pia folubli kia, atukonofut pi komunta keyu kisha; atia he pim okvpa, yohmi kia isht apelvchi yvt ik pim iksho ka chi kil ahno hoke.

9. Inla yvt pi palvmmichi, yohmi kia Chihowa hvt ik pisso; aka il itula; yohmi kia ik pi okpulo hoke.

10. Chitokaka Chisvs vt isht illi mak o pi haknip a isht ieshit il aya bilia; yohmi na Chisvs okchaya yosh pi haknip a ai otvna chi hatuk oke.

11. Chisvs vt okchaya kv illa he pi haknip a isht ai otvna hana chi ka, Chisvs pulla hatuk mak o okchayvt il anta kv, illa he pim vlvpihisa na bilia hoka.

12. Yohmi hoka nan illi yosh pi a toksahanli, yohmi kia nan okchaya yosh hvchi a toksahanli hoke.

13. Na yimmi im anukfila, Na sai yimmi yvmohmi hosh

anumpuli li hoke; achit holisso tok a yummak inli ho il ieshi hosh na pi yimmi ak inli, yumohmi hokvt il anumpuli hoke.

14. Chitokaka Chisvs a tanichi tok yummak osh Chisvs pulla hatuk mak o pi tanicha he ak inli, mikmvt hvchishno a a pit aieninchit pi hiohliche hi a il ithaiyana hoke.

15. Nana puta kvt hvchishno pulla hatuk mak o ai yakohmi ka, laua kvt yak oke ahnit, aiokpvchi pulla ho nan isht i kana laua kvt Chihowa yvt isht a holitopa chi hoke.

16. Yakohmi hoka pin takobi keyu hoke; yohmi kia hatak pi pakna yokvto tikambit mahaya kia, hatak anukaka yokvto nitak osk nitak ma himonvt tohomvshke.

17. Yakosi itintakla ho na pim a palvmmi shohvla kia, na holitopa weki bilia nan imaiya fehna ka pim atahli hoke:

18. Nana puyuta yummvt otaiyani yak o e pihisa keyu, amba nana kvt otaiyani yak keyu; nana puta yummvt otaiyani yokvto a bilia keyu; amba nana puta yummvt otaiyani keyu kak osh a bilia yoke.

CHAPTA V.

Aiokchaya bilia pisa he anukfoyuka ahli, 1; 9 mihmvt Klaist im ai asha holitopa nan apesa itikba hikia chi kvt ithaiana, yohmi mvt im a holitopa he ahnit toksahanli; mihmvt ib ai achvvt nohowa, micha inla mvt okchaya chi ka anukfokihinchi.

1. ULHTIPO yakni pakna a pim aboha ilvppak okvt ont a yuhla kia, ibbak isht atoba tok keyu, vba a holitopa ya a bilia chuka, Chihowa hvt ikbi tok a, pin talaia kvt il ithaiyana hoka.

2. Ilvppak ash o il a foyuka kak osh ilbvshvt e hihija kvt, pim aboha, yummvt vba a minti mak o, isht e fohka he ahni fehnt, e hohoyo hoke:

3. Yakohmit e foyuka mvhli hokmvt, hahnip biekvt il otaiyana chi keyu.

4. Ulhtipo ilvppa il ai ahanta hokvto, nan i weki tikabit ilbvshvt e hihija; yohmi kia ik fohko ka hi ak o il ahni keyu, amba isht il a foyuka he ak oke; yohmi ho nana kvt

illa he imma hatuk okvto nan okchaya kak o ont ai iksho kak a chi hatok a il ahni hoke.

5. Yohmi ka nana kvv ilvppak a chi ka a pi atahli tuk vt Chihowa ak oke; yvmmak osh ai okchayvt bilia yvt pim ai ahla chi ka, Shilombish a pihima ak inli hoke.

6. Yvmohmi hoka yvmohmi pulla chi ai ahni fehna kvv, haknip o il ai anta takla hokvto, Chihowa ya i filvmmi hosh il anta kvv il ithaiyana hoke.

7. Na yimmi pulla kak osh il itvnohova, pisa kak o keyu hoka.

8. Yvmohmi pulla chi il ahni fehna, yohmi hokvt haknip a ai i filvmmi cha, Chitokaka yak o il ibai achvfa hi ak osh pim i shaiyahli hoke.

9. Yvmohmi hokvt ibai achvfa kak okmá, keyukmvt i filvmmi kak okmá, nana kia yvmmak ash e yukupala chi kvv e toksahanli hoke.

10. Ilap haknip aiyuka nana kvv ai yvmohmi tuk a nana achukma hokmá, keyukmvt okpulo hokmá, nana hoh kia, ymma yvmihchi tuk isht vltoba mak o moyuma kvv il isha chi kvv, Klaist im o binili nan ai apesa itikba ya e moma kvv ont il ai otaiyana chi pulla hoka.

11. Yvmohmi hoka Chitokaka isht im anukshopa hi a ithaiyana hosh, hatak puta kvv hlakofa he ahnit il in tohgo; yvmohmi hokvt Chihowa ho il im otaiyani pulla; yohmi hokvt nan isht hvsh il akostinichi ma e hvchim otaiyani ak inli, ahni li hoke.

12. Isht hvsh pi ahnicha hi a pishno ak inli kvv atukla ma isht e hvchim atahli keyu; amba chukvsh ak o keyu; ilap nashuka yo isht il aiyukvvt ilauata vhleha ymma hvchishno vt i nan hvsh ok acha hi vt hvchi anukfoka chi kak osh, pishno ak o nan isht hvsh il aiyukpa kvv hvsh il anata chi kak o, e hvchim ahani hoke.

13. Pishno ak inli kak osh il il atampli fehna hokmá, na hoh kia, Chihowa nan isht im a holitopa chi kak oke; keyukmvt pim anukfila nuktaiyala hokmá, nana kia hvchishno nan isht hvchim achukma chi kak oke.

14. Klaist nan isht pi hullo yak osh a pi anukfoyukvt pi

ai yimilichinchi hatuk oka; yohmi ka achvfa kvf moma ka im illi hatok, yohmi hokma, moma kak osh illi yoke, ahnit yakohmichit isht pim anukfila hoka.

15. Yohmi ka moma kak o im illi hatuk oka, kvna hosh himmak ma okchayvt ahanta kvf, ilap nan ahni banot ahanta he keyu, amba vltoba hosh illi tuk osh, anonti falamvt tani tok yvmmak o holitoblichy hosh ahanta he vhpesa hoke.

16. Yohmi ka himak a pilla ka haknip imma hatak nana kia il ithaiyana chy keyu: ahli, yohmi kia haknip imma Klaist okvno il ithaiyana tok: yohmi tok kia himak a pilla kvno yvmmak ash il ithaiyana chy keyu mak oke.

17. Yvmohmi ka hatak nana hosh Klaist a ibai achvfa hokmvt, mihi yosh nana toba himona yoke: na sipokni atuk vt ont ai ikshot kvnia na, yakeh! nana puta kvf himonvt toba hoke.

18. Yohmi ka Chihowa yvmmak osh Chisvs Klaist pulla hatuk mak o ilap a isht a pit i nanaiyvchi tok; mihmvt nan isht it i nanaiyvchi isht ai vta yo pi atokoli tuk mak osh, nana yakohmi puta ka yvmihchi yoke.

19. Yohmi kvf Klaist pulla ho Chihowa hvf yakni a ilap a isht il i nanaiyvchi kvf, yvmmak ash nan im ai ashvchi puta kash o isht in takalihinchi keyu; yohmi mvt nan isht it i nanaiya im anumpa ha pi anukfoyuki hatok.

20. Yvmohmi hoka Klaist vltobvt im anumpa isht aya pia hoke; yohmi ka pishno pulla hatuk mak o Chihowa hvf i kanvt hvchim anumpohonli chiyuhmi ma; pishno mvt Klaist vltoba hosh e hvchim asilhha ka Chihowa ya hvsh i nanaiyashke.

21. Yvmmak atuk mak o Chihowa nan isht im ai vhpiesa e toba chy ka, yvmvt nan ashvchi ithaiyana tok keyu ka, yvmmak ash o Chihowa yvt nan ashvchi yo pim ikbi tok.

micha toksahanli aiena kv̄t anoli; 14 Chihowa okchaya yō in tem-
pel a tuk okvt, na holbvt toba puta nan akaniohmi ik v̄lhpeso puta
ka ai i filv̄mma chi ka i miha.

1. YUMOHMI hoka pishno vt nan itiba toksvli pia
hosh, Chihowa nan isht i kana hv̄sh habena kv̄t, pilla hv̄sh
habena ch̄i keyu hō i kanvt hv̄chin tohōno li hoke.

2. Ai okpancha he nitak vt takali ma chi hahaklo li tok;
anonti isht ai okchaya nitak vt takali ma chi on chv̄vt chi
apelahanchi li tok, yv̄mmvt achi hoka: yohmi hoka yakeh!
himonasi ya aiokpahancha he nitak vt takali hoke; yakeh!
himonasi yak osh isht ai okchaya he nitak vt takali hoke.

3. Ubanumpa isht ai v̄tta yvt ik hofahyo ka chi ka, nana
kia isht ai ibetv̄bli ya kil i bohonlo hosh;

4. Nuktaiyav̄t achunanchi fehna, nan apav̄mma puta ka
isht ai atukonv̄vt a hlakofa he keyu;

5. Fahama, aboha kv̄llo ma fohoka, nukkillit yahapa
puta, toksahanlit hoyubli, nusi mv̄t ik im iksho, hohchahalo,

6. Chv̄kv̄sh kashofa, nan ithaiyana, i kanvt nuktaiyala,
sv̄lahvt nokowa, Shilombish Holitopa, ilahobi keyu hosh
nan it i hullo,

7. Nan ahli isht anumpa, Chihowa nan isht im ai ahli,
isht impakimma, mikmv̄t isht afv̄bekimma ita tuklo kv̄t nan
isht ai v̄lhpiesa i nan isht tanampi isht ai im v̄lhtaiyaha;

8. Nan isht holitopa, anonti nan isht ik holitopo, nan ik
achukmo isht annoa, anonti nan achukma isht annoa; na
haksichi yō chiyuhmi, yohmi kia ai ahli biekā;

9. Ik ithano yō chiyuhmi, yohmi kia otaiyani achukma;
illa he im ai v̄lhp̄ih̄sa, yohmi kia yakeh! pi okchaya moma;
kostina hi osh nan i pav̄mma, yohmi kia illi keyu;

10. Na nukhaklo yō chiyuhmi, yohmi kia na yukpa
bieka; ilv̄sha yō chiyuhmi, yohmi kia lava ka nan in
lauahanchi; nan ik im iksho kamohmi hō chiyuhmi, yohmi
kia nana moma kv̄t ai immi; nana kv̄t a pi yakohmi hokvt,
Chihowa nan isht im v̄tta vt kaniohma hetuk a chohmit
nana moma ka isht il ai otv̄nihinchi hoke.

11. Kolinhlilian hv̄chia ma! pitakha yvt hv̄chi wakama, pi
chv̄kv̄sh mv̄t hv̄chim a chinto fehna hoke.

12. Pi chukvsh a ai iskitinosi hō hvsh pim a foyuka keyu, yohmi kia hvechi chukvsh okvno iskitinesi hō hvsh a pi foyuki hoke.

13. Yohmi ka mihi ash inli chohmi hō hvsh pi falaminchi cha, hvechi chukvsh a hvsh pin chitolashke; vñ vlla chipunta chohmi hō im anumpvli li hoke.

14. Na yimmi keyu vñleha hokvno it ibai achvvt ikunla abana isht ik hvech abanaivo kashke: nanta hō nan vñpesa kvñ nan ik vñpeso ya it ibai ieshi hō? nanta hō tohwikeli hvñ okhlili hā isht ai it ibai achvfa hō?

15. Yohmikma Klaist vt Belial a nanta hō isht ai itiba ola achukma hō? mikma na yimmi yvt nan ik yimmo ya nanta hō isht ai it ibai achvfa hō?

16. Yohmikma Chihowa in tempel vt na holbvt toba puta ka nanta hō isht ai it ibai achvfa hō? Chihowa okchaya in tempel hvechia hoka; yohmi ka Chihowa hvñ, Yvmmak oka ai ahanta la chi, mikmvt a nohova la chi: yohmi cha in Chihowa sia hokma, anonti ilap vt vñ okla ha chi hoke, achi tok oka.

17. Yvmohmi hoka yvmma a kohchvt hvsh mintashke; yohmi cha oh i filvmmi, mikmvt nana kvñ ik kashovo ka hvsh potoli ná; yohmik mak o hvech i kanvt hvechi ieshi la chi hoke, Chitokaka yvt achishke.

18. Yohmikmvt hvech Iki toba likma, anonti hvechishno vt svso vñleha, svso tek vñleha hvsh toba hi oke, Chihowa nana moma i shahli hvñ achishke.

CHAPTA VII.

Nan ashvchi ik im iksho ka he i miha, 1; 2 Klaist im vñanumpa ishi ai ahli yatuk ilap a okla aiokpancha chi ka i miha; Ilap nan im ai ashvchika isht ilekostinicha hi a i holisso vñmonna kvñ nukfo-kielichi tok o, Titvs vt ant im anoli ileppak o nana kvñ i palvmi ak inli kia isht hophohla tok vt pit im anoli.

1. YVMOHMI ka a kana holitopa vñleha ma! nana hash yakohmiechit pimihisa ka, haknip, mieha hvvim anakula nan isht ai liteha puyuta ka isht kiloh il a kashofi,

Chihowa ha holitohombli pulla hosh ont ai ahlit nan ai ashvchi ka ik pim iksho kashke.

2. Pi kanvt hvsh il anukfoyakashke; hatak nana kia kil vlpesalo hatuk keyu; hatak nana kia il ai okpvnichi hatuk keyu; hatak nana kia haksichi hosh nan il im ishi hatuk keyu.

3. Anumpa hvchi onochi la hi osh ilvppa anumpuli li keyu; hvch ibai illi hokmá, okchayvt hvsh ibai ahanta hokmá, nana hi vt pi chukvsh a hvsh pim a foyuka hoke, tikba kash achi li tuk oka.

4. Yohma chi ahnit, na yimmi chintot hvchim anumpuli li hokvt otvninchi li fehnvshke; nan isht hvchi ilauahanta li chinto hoke; na hopohla ma isht vm alotowa kv, na pim apalvmmi a moma ka isht a sai yukpa vm atampa fehna hoke.

5. Masetonia yakni ya ant e chukowa ha yatuk a pi bak-nip vt ik foho kvmohmi; yohmi hoka a pi afolubli moma ka nan isht a pi palvmmi; kocha ya ai itihimbi ma, pi anukaka ma, pi nukshohumpvshke.

6. Yvmohmi kia Chihowa hvv kvna hosh im anukfila akanlosi puta hokvno nukthalali, yvmmak osh Tites vt ayvt vla pulla ho pi nukthalali tuk.

7. Yohmi kvv yvmmvv ayvt vla kak bano keyu, amba na nukthanla mihi yo yvmmak ash ot isht hvchi anukthanla pulla tuk osh, nan isht hvv sa hullo kello, mihmvv na hvchi nukhaklo, hvchim anukfila ha kellochit isht hvv si atakali aiena ka yvmmak ash ot ant pim anoli hoka: yohmi hoka nan isht sai yukpa vm i shabli fehna tuk oke.

8. Yohmi kvv hvchi holissochit isht hvchi nukhaklochi li tuk vt sa nukhaklo tuk kia, himak ano sa nukhaklo keyushke; holisso yvmmak ash ot na hvchi nukhaklochi kia, hvshi kanvlli achvfa ho chohmi tok a akostininchi li hoke.

9. Himonasi ya sai yukpvshke, na hvchi nukhaklo kak keyu, amba na hvchi nukhaklot hvsh ile kostininchi kak atuk oke: pishno ak atuk mak o nana kia isht hvchi ai okpulo ka chi kv, Chihowa nan ai ahni ho na hvchi nukhaklo tuk oke.

10. Chihowa nan ai ahni hō na nukhaklo yokvto anukfohka cha, okchaya chī hosh ile kostinichi kv̄t nukhakla himma keyu hoke: amba yakni yō nan isht ā nukhaklo yokvto illa hi osh anukfohka hoke.

11. Chihowa nan ai ahni hō na hv̄chi nukhaklo tuk vt ilvppak fehna ka ho pesá; tushpvt anukfohkvt nana isht hv̄sh ahanta tuk, ahli, na hv̄chi onvtula tuk ash hv̄sh il im i kanellichī tuk, ahli, ile shitilemvt nan ai ashv̄chi hv̄sh i nukkilli tuk, ahli, na hv̄chi nukshopa tuk, ahli, yvmohmi pullakbano ahni fehmv̄t hv̄chi anukfoyuka tuk, ahli, nan a mosholit hv̄sh ahanta tuk, ahli, ik v̄lhpeso mak o i sanalit hv̄sh i nukkilli tuk, yohmi hokvt nan ilvppak ash hv̄sh ai itī kashofa kv̄t nana ilvppa puta kak o isht hv̄sh il otv̄ninchishke.

12. Yvmohmi ka hv̄chī holissochi li tuk vt kv̄na hosh nan ik v̄lhpeso ka yvmihchī tuk, mihmv̄t kv̄na hosh ik v̄lhpesot nan i palvmmi tuk pulla kak o yvmihchī li tuk keyu; amba Chihowa itikba yō tushpvt anukfohkvt isht e hv̄chim ahanta ka hv̄chim otaiyana chī kak atuk oke.

13. Yvmohmi hoka nan isht hv̄chi nuktanla ka isht a pi nuktaiyala hoke; ahli, yohmi hokvt Titvs yvmmv̄t im anukfila hv̄t hv̄sh moyuma kak o nan isht a nuktanla tuk okvt, na yukpa kak o pishno vt na pi yukpa pim atampa tuk oke.

14. Hv̄chishno pulla hatuk mak o isht im ilauata li tuk oh kia, sa hofahya keyu; yohmi ka ai ahli hō nana moma isht e hv̄chim anumpuli kv̄t, Titvs itikba yō na yukpvt il ilauata ha tuk a, yvmmak ash ot ai ahli bieka hoke.

15. Yohmi ka nukshohumpa, micha wv̄nihinchi aiena hosh yvmmak ash hv̄sh aiokpv̄chi cha, nana ka mominchit hv̄sh im antia tuk a ithaiyana momvt, yvmmak ash ot im anukfila isht hv̄chī kana kv̄t in laiyawa atampa hoke.

16. Yvmohma hoka nana moma ka hv̄sh ai ahli ka hv̄chi yimmi li kak osh na sai yukpa hoke.

mi ka hobacha he. 8 Chihowa nan isht i kana anukfoyuka pulla hosh; 14 Klaist a iakaia pulla hosh yvmihcha he; mikmvt nana ka yvkmichi kvt ilap shilombish nan im achukmali pulla ka, achi.

1. YVMOHMI ka itibapishi li vheha ma! Masetonia yakni chveh a hiohli ka Chihowa hvt ilap nan isht i kana yo ihima ma,

2. Nan imomaka pisa chinto a palvmami kak o nan isht im il aiyukpa kvt lawa, yohmi mvt ilbvsha fehna yatuk vt ilap nan ahnit nan itahobi kvt, lauachi fehna tuk a isht e hvchim anolishke.

3. Nan isht il ilauechi, ahli, nan isht il ilauecha hi e im atampa ak inli kia, yvmihcha he ahnit, ilap inli nana im anukfila hatuk o atokowa anoli li hoke;

4. Nan isht i kana yash il ishi cha, na yimmi ahli vheha isht im ia ka ibachvvt il apelvcha hi a, okla ai ahni fehvt pim asilhha tuk oke.

5. Yohmi kvt ilvppak o okla yvmihchi tuk, yohma he ahnit pim anukfila tuk keyu; yohmi kia na tikba Chitokaka yoka okla il im issa cha, anonti Chihowa nan ai ahni pulla ho pishno ma pim il issa tuk oke.

6. Yohmi hatuk o nana ka isht wakaya hatuk okvt, Titos ak osh nan isht i kana hvsh bohla he yvmmak ash kia hvchi ai itahobit tahla hi a, il im ahni tuk oke.

7. Yvmohmi hoka na yimmi, micha anumpuli imponna, micha nan ithana, micha tushpvt anukfohkvt nana ka isht ahanta, mikmvt hvsh pi hullo aiena, nana moma ma isht a hvchim vltaiyaha laua ka, chohmit nan isht i kana ilvppak kia hvchin lauashke.

8. Nan vlpisa yo isht anumpuli li keyu, amba inla tushpvt anukfohkvt nan achunanchi yak oke; yohmi kvt na hvshi hullo ai ahli kak o otvninchi la he ak atuk oke.

9. Hvpin Chitokaka Chisvs Klaist, yvmmak okvt nan in laua yatuk kia, hvchishno pulla kak o ilbvsha yo toba tok; yvmmt nan ilbvsha pulla hatuk mak o na hvchin laua chi hatok vt hvsh ithana hoke.

10. Yohmi ka tikba kash isht hvsh wakaya kvt, nana ka hvsh yvmihcha he ak illa keyu, amba afvmmi achvfa foka

kash yohmikbano ahnit, hvchi anukfoyuka ak inli tok, ilvp-
pvt nan isht hvchim vlhpesa hoka, vno nana anukfilli li kv
anoli lishke.

11. Yohmi hoka himonasi ya nana kv ai yvmohma he
yatuk ash hvsh yumihehashke: yohmik bano ahnit hvchim
vlhtaiyaha hatuk okvno na hvchim asha ka isht hvsh ai ahli-
chi kv, hvchim vlhtaiyaha ak inlashke.

12. Im anukfila ak osh nan tikba yohmikbano ahni ha
yatuk okvno, hatak yvmvt nana ho ishi tuk ash isht vlhpisa
ho ima kv isht ai vlhpesa hoke, amba yvmmak ash ot nana
hash ik isho ke tuk ak osh isht ik im ai vlhpiso chatuk keyu.

13. Hvchishno ak osh na hvchi weki, nan inla yvto nan
ik ahalaio ka hi o miha li keyu.

14. Amba ai itilauashke, yohmi hoka himonasi ano na
hvchin laua yak osh ilbvshvt na bvna yak o apelvcha chi;
yohmi tukma ilap nan in laua yak kia ilbvshvt na hvchi bv-
nakma hvchi apelvcha chi; yohmikma nana kv ai itilau kv;
15. Kvna hosh nana ka lauachit itahobi hatuk kia, atampa
kv ik im iksho hoke; mihma kvna hosh ik lauachot itahobi
hatuk kia, ak im ono keyu, achi hosh holisso ka chohmi
hoke.

16. Yohmi ka achilitvt nana yvmmak ash isht hvchim
vta chi ka, Titvs im anukfila ha Chihowa hv anukfohki-
chechi tuk a yak oke, im ahni lishke.

17. Yvmmak ash osh nan in tohono li ka aiokpanchi
fehna mvhli hatuk; yohmi kv ilap inli nan im anukfila kv
achilitvt, ila tushpa fehvt hvchi maya hatuk oke.

18. Yohmi ma vbanumpa pulla hatuk mak o chveh hi-
ohli moma ka im a holitopa il itibapishi ha, tuklonchit pit e
pila hatuk.

19. Yohmi kv yvmmak bano hatuk keyu, amba Chito-
haka yvmmak ash inli kv isht a holitopa chi, mikmv nana
kv yohmikbano ahnit hvchim vlhtaiyaha tuk vt otaiyana
chi ka, nan isht i kana ilvppak okvt pishno pulla hatuk mak
o ai yvmohmi tuk a yvmmak ash ieshit pi takla nowvt aya
chi kv, chveh vheha ho yvmmak ash ot ai im vlhtokowa
ak inli tuk oke.

20. Nan isht i kana laua ilvppak ash yakohmichit isht il ahanta na kvna kia nan isht ik pi mihacho ka chi ka, ilvppa ahah! il ahani tuk oke.

21. Chitokaka itikba ak illa keyu, amba hatak puta itikba yak kia, nana kvv vllhpiesa ho isht iloh il otvnincha he-tuk oke.

22. Yohmi kvv himonna imomaka e pihisa na nana laua ka achunanchi yatuk il itibapishi, mihmak o ibafokit pit e pila tuk; yohmi ka hvchi yimmi chinto kvv nana ka achunanchi i shahli fehna chi pulla hoke.

23. Hvchishno yatuk mak o kvnia kia Titus a a ponakla he yoba ka, yvmmak okvt vm itapela, micha na svba toksvli yoke; yvmmak keyukmvt hvv itibapishi vhleha hash a ponakla he yoba ka; yvmmak okvt Klaist nan isht a holitopa chi ka, hvch hiohli puta ho ai im vltoka vhleha hoke.

24. Yvmohmi hoka nan isht hvsh i hullo, mikmvt hvchishno a nan e hvchi yimmit isht il ilauata hatuk ash atokolit ghlichi kvv, hvch hiohli puta, mikmvt ilvppak ash aiena ka hvsh im otvninchashke.

CHAPTA IX.

Achakaljnchi mvt peh pilla nan ima he ako anukfokichi, 1; 6 na hloki mihi yo isht ita pesa hosh na hokchi tok aiuk ali kak ash vma he, achi; 7 aiokpanchit nan ima kak o Chihowa yvt holitoblich; 10 pilla nan isht i kana lauachi ya Chihowa hvv ilap nan isht i kana ya lauachit ima.

1. UBANUMPULI ghli vhleha nan isht im ahanta he imma yvmmak ash okvno, nan isht mihvt hvchi holisso chi la he vm vllhpesa keyu.

2. Yohmik bano ahni kvv hvchim vltaiyaha hatuk, mihma Akaia ai asha kak kia afvmmi achvfa foka kash nana kvv im vltaiyaha hatuk, mihi yash o Masetonia ai asha ka isht im ilauata li hatuk; yohmi hatuk o na hvsh a mosholi kello kvv laua fehna ka yimitvchit anukfokiechi ka ithaiyana lishke.

3. Yohmi ka ilvppak ash o hvchim vltaha chi ka, achi

tuk mak osh il itibapishi vhleha ha pit tihleli li tuk oke; yohmi ka nan isht e hvch ilauwaiyata tuk ash o ont ik ai ahlo keyu ka chi kak atuk.

4. Masetonia hatak ash ot si apihvt ona yoba cha, nana kv̄t ik hvchim vlhtaho ke tuk o ont ahayuchi na, na yimmit isht ilauwaiyata tuk mihi yo ai isht a pi hofahya hinla kv̄t, hvchishno ak a he okvno il achi keyu.

5. Yohmi ka il itibapishi vhleha hash ot tikba hvchim aya cha, nan isht hvsh i kana he vt isht anuhumpa tuk ash, tikbanli atahla he vlhpesa ahnit, i miha li tuk; yohmi ka pilla nan isht i kana yvmmak a he ash ot vlhtaiyaha kv̄t, nan il ahayuchi bv̄nna yo ik chohmo kashke.

6. Yohmi ka kv̄na hosh ik lauacho hosh hokchi hokvto, mihi yosh ik lauacho hosh vma chi ak inli hoke; mikma kv̄na hosh lauachi hosh hokchi hokvto, mihi yosh lauachi hosh vma chi ak inli, ilvppa achi lishke.

7. Kv̄na kia ilap im anukfila hak o na tikba nan isht ik ahni ha yosh hatak moma kv̄t nan ik imá; isht nukhaklo keyu, mikmv̄t yohma hi atuk ahni kak o keyu; aiokpanchit nan ima yak o Chihowa yvto i hullo hoke.

8. Yohmi ka Chihowa hv̄t nan isht i kana moma ka isht hvchim a lauacha hinla kv̄t im vlhpiesa hoke; yohmikma nana moma ka isht hvch im vlhtaiyaha biekv̄t, na toksvli achukma moma mv̄t isht a hvchin laua hi oke.

9. Yvmmv̄t na fimmi hatuk; micha yvmmv̄t ilbv̄sha yo nan ima hatuk aiena kv̄t, nan ai vlhpiesa ho yvmihchi tuk a takali na bilia hi hoke.

10. Yohmi ka kv̄na hosh na hokchi a na nihi im atahli yak osh hvchim ilimpa chi pska ma ik atahanli, micha hvchi na nihi hollokchi tuk ash ik ibakahanli, mikmv̄t na hvsh a kaniohmi ai vlhpesa im vni ya i shahlichit ik ibafoh-
oki; achi hosh holisso hoke.

11. Nana ka lauachit hvsh ima chi kv̄t, nana moma isht a hvchin laiyauwa ka yvmmak osh pishno pulla hatuk mak o, lava kv̄t Chihowa ha yak oke im ai ahna chi ka, nukfohkih-
inchishke.

12. Nan isht apehlvchi ilvppak oka isht ahanta kv̄t vba-

numpuli ahli vhleha nan ik im iksho kash o nan im atahli illa keyu, amba Chihowa ha lauachit yak oke im ai ahni vhleha ha isht a laiawa ak inlishke.

13. Klaist im vbanumpa ha im antia hvsh il anohonli; yohmi mvt ilap, micha hatak moma ka nan isht hvsh apelvchi na nan isht apelvchi ilvppak ash o imomaka pihisa pulla hosh Chihowa ya okla holtoblichishke.

14. Yohmi mvt vba isht hvchi anumpohonli pulla hosh Chihowa nan isht i kana fehna kvv hvchi anukfoyuka chi ka, ai ahni isht hvchi hullo hoke.

15. Chihowa nan isht i kana yvt anumpa ho isht amoa he keyu hoka yak oke im ai ahni lishke.

CHAPTA X.

Klaist im apostel atuk osh nana kvv vltoka, mikmvt shilombish imma isht im ai ahli kvv anumpuli.

1. YUMOHMI kvv Klaist chukvsh yohbi, micha chukvsh nukhobela iksho pulla ho, vno Pal sia hvv hvchi kanvt hvchi tohono lishke; hvchi takla antakmvt, im anukfila akanlosi, amba hvchi filvmmikmvt, hvchi nukwaya iksho sia mak oke.

2. Yohmi kvv haknip imma nan ahni ho nana ka e yvnihechi tuk a kanimi kvv pi ahobachi, yvmmak okvno nukwaya ikshot i kello li kvv hvchi takla ont anta li hokmvt, nukwayvt ak hvchi kullo ka he ak osh hvchim asilhha lishke.

3. Yohmi kvv haknip o il ai ahanta kia, haknip imma nan ahni yo ai isht e tanahampi keyu.

4. Nan isht e tanampi yokvto hatak osh nan isht tanampi yo chohmi keyu, amba Chihowa pulla hatuk mak o kello ai ahli hosh nan a holihta kullo puta hatuk a yuhlichy yoka.

5. Nan anukfilli ik vlhpeso puta, mikmvt nan anukfilli chaha, yvmmak okvt Chihowa nan ithana ya i sanalit ilap inli ile chahvchi moma ka ishit e kanchi, mikmvt Klaist a im antia chi ka, nan isht pim anukfila moma ka e yukahanchi yoke.

6. Yohmi ka na hvsh im antia he tuk vt ont a hvchim ai

ahlikma, nan ik im antio moma keno nana kv̄t isht ai im v̄lhpisa mak o isht il i yvmihcha he vt pim v̄lhtaha hoke.

7. Nashuka yō chohmichit nana ka hvsh pihisa hō? Kv̄na kia Klaist immi sia, ahnit ilap inli il anukhieto hokmvt, atuklant ilap ak inli hosh ilvppak ash ik anukfilli, yvmmak ash ot immi sia, ahni ka, yvmmak inli hō chohmit pishno kia Klaist immi pia, il ahni hoke.

8. Yohmi kv̄t nana a pi v̄lhtoka tuk pulla hō nana ka i shahlichit isht ilauwaiyata li ka isht ik hvchi okpulo hosh, achukma i shahlit hvsh mahaya hi o, yvmmak ash Chihowa yvt pima hatuk oka, sa hofahya he keyu hoke.

9. Yohmi kv̄t holisso hō isht a hvchi nukshopli la he, ahni li tuk a ik si ahobo ka chī kv̄t, ilvppak o yvmihchi li hoke.

10. I holisso hokvto weki, micha kv̄llo, yohmi kia ilap haknip fehna otaiyani hokmvt to ik kv̄llo, micha im anumpa mvt ik ahobo hoka, yvmmak ash ot achi.

11. Yvma chohmi tuk ak osh ilvppa ik anukfilli, yohmi ka il i filvmmik mak osh holisso pulla hō anumpa yakohmi ka e yvmihchi kv̄t, pishno fehna il otaiyani hokmak heto, nan isht il anta kv̄t, yvmmak ash atuk ak inli hō e chohma hi oke.

12. Kanima kv̄t ilap inli il ahninchī v̄hleha, yvma pishno vt isht il iba hotehnachit, isht il it apesa keyu; yohmi ka ilap inli ahninchit nan isht il apesa v̄hleha, micha ilap inli ka isht il it apihisa v̄hleha aiena hokvto hopoyuksa keyu hoke.

13. Yohmi ka nan isht a pim v̄lhpisa ya ont atampa hokvno nan isht il ilauwaiyata he keyu; amba nan isht v̄lhpisa pulla yvmv̄t hvchishno ak kia hvchim ona he, nan v̄lhpisa yō Chihowa yvt pim apesa tok ak oke.

14. Ik hvchim ono ke tuk ak inli hō chohmit nan isht a pim v̄lhpisa ya pit il atamplit il ile mahampli keyu; Klaist im v̄banumpa isht anumpohonli ak inli hosh hvchishno a e hvchim ona hatok:

15. Nan a pim v̄lhpisa, yash pit atamplit hatak inla im a p̄lesa yokvno nana ka isht il ilauwaiyata he keyu; amba na hvchi yimmi hatuk vt i shahlit hlampko na nan isht a pim

vlhpisa hash o, hvchishno pulla ho isht a pi chito fehna he ak o il ahni.

16. Yohmikumno hvsh ai asha ka misha vbanumpa isht il anumpohonli kv, hatak inla nan isht im ai vlhpisa ai vll-taiyaha ho isht kil ilauwaiyato ka chi hatuk.

17. Yohmi ka kvna hosh ilauwaiyata hokvto, mihi yosh Chitokaka yo isht ik ilauwaiyatá.

18. Kvna hoh kia ilap inli il ahninchí kak osh mihi yosh holitopa keyu, amba kvna ho Chitokaka ak osh ahninchik mak oh chatuk oke.

CHAPTA XI.

Kolinhlia ya i hullo pulla hosh ilap inli il ahnichit vbanumpeshi mo-ma i shahli ka ili tilauechit anohonli: 9 vbanumpa ha pilla isht im anumpohonli hatuk, vba nan vlhpisa imma nan achi ka ai itilani.

1. NAN isht ilauwaiyata li kanomosi ka ant ik yohmi, hvs svm ai ahnikbano hvchim ahni li; yohmi ka ant ik yoh-mi, hvs svm ahna chi pulla hoke.

2. Chihowa anukfoyukt nan isht i hullo mak o isht hv-chi huhulo li hokvt: ohoyo himita hopoyuksa ahli hatak haleli keyu chohmi mak o, hvch ishit Chisvs a im otvnnichi la hi mak osh, i hatak achvfa chi ka hvch it im apobvchi li hatuk.

3. Yohmi tuk kia sinti okvt ilap kostini pulla kak osh If a haksichi tok a, chohmit na hvchim anukfila hash ot sha-naia na nan anukfilli apissali achvfa, yummvt Klaist ak o ai achvfa yash o hvsh i filvma hinla ka, sa nukshohumpa hoke.

4. Kvna hoh kia Chisvs inla yvma isht il anumpuli tuk ash keyu ho isht anumpulit aya, micha Shilombish inla yv-ma hvchi anukfoyuka tuk ash keyu ho hvchi anukfoyuka, yummak keyukmt vbanumpa inla yvma hvsh aiokpvchi tuk ash keyu ho hvsh aiokpvchi hokmt, ant ik yohmi, hvsh im ahni vlhpesa hoke.

5. Apostel moma i shahli fehna kak kia ik alauecho sia keyu, vm aboha hoka.

6. Yohmi ka anumpuli hokvt ik imponno sia, yohmi kia nan ithana kak o keyu; yohmi kvv hvch itin takla ya nana moma ka achukmalit isht e hvchim otaiyani hatuk oke.

7. Nan isht hvchi holidopa chi ka il akanlosechi lish, Chihova im vbanumpa ha pilla isht hvchim anumpohonli li kak osh nan ashvchi li hatuk o?

8. Hvchi apelvchit nan isht hvchim ahanta la chi kvv, chvch hiohli inla yo nan im ihishi li kvv, ilap ak osh nan atobbi ho ishishi li hatuk.

9. Yohmi kvv hvch iba takla ahantvt na sa baiyvna kia kvna hosh na hvchi kvnia tuk keyu; nana kvv ik sum ono ke tuk okvno itibapishi li vhleha Masetonia minti hosh vm atahli tok; yohmi hoka nana moma ka isht ak hvchim ile wekecho ke tuk; yohmi hokvt yvmmak o a si yvmohma chi mak oke.

10. Klaist nan isht im ai ahli yvt a sa nukfoyuka hosh, nan isht ilauwaiyata li ilappa kvna hosh Akaia afullota anta kvv, svssacha he keyu hoke.

11. Nanta katiohmi ho? hvchi hullo li keyu kak o? Chihova hvv ithaiyanvshke.

12. Amba anumpa si onochi bvna kia, anumpa isht si onocha hi vt ik im iksho ka he; micha nana ka isht ai ilauata hatuk vt pishno ak inli ho chohmit otaiyana chi kak o, a kaniohmit ahanta li hatuk vt, yvmmak o ai yvmohmit ahanta la chi hoke.

13. Yvma chohmi kvv vbanumpeshi ahli keyu hoke; na haksichi yosh Klaist nan isht im vta ilahobi hoke.

14. Ilvppv a yakohmi ka anukhlakancha he vlvpesa keyu; Setan ak fehna ak kia inlvv tobtv a tohwikeli ka im enchil ilahobi chatuk oka.

15. Yvmohmi hoka yvmmak ash in tishu vhleha ak kia inlvv tobtv, nan isht ai vlvpiesa in tishu vhleha ha holba hokvt na fehna keyushke; yvma im ishtaiyopi yvt ilap vt nana a kaniohmi chatuk ak inli ho chiyuhma hi oke.

16. Hatak nana kia im anukfila iksho ik si ahno kashke; yvmmak keyukmvt im anukfila iksho si ahni hoh kia, vlv-

pesa vm ahní; vno ak inli kv̄t iskv̄tinosi ka isht ilauata lashke, anonti achi lishke.

17. Ilvppa puta anumpuli li kv̄t Chitokaka ak o iakaiya hosh anumpuli li keyushke; amba im anukfila iksbo vo chohmit nukwaya iksbo hosh isht ilauata ilvppa anumpuli lishke.

18. Lawa kv̄t haknip imma ka isht ilauata kak o, vno ak kia isht ilauata li ak inla chí chishke.

19. Hvchishno vto hvchi hopoyuksa kak osh, im anukfila iksbo a yukpa hosh ant ik yohmí, hvsh im ahni hoka.

20. Hatak okvt yuka hō hvch ikbi hokmá, keyukmvt vpt hvchi tahli hokmá, keyukmvt nana hvchim ai ishi hokmá, keyukmvt ile chahvchi hokmá, keyukmvt hvchi nashuka ya isso hokmá, nana kia ant ik yohmí, hvsh im ahni hoke.

21. Ik ahobo hatuk osh isht a hofahya hi o chohmichit anumpuli lishke. Yohmi ak inli hoh kia kanima kv̄t nana ka isht ik nukwayo kv̄t asha hokma, nan im anukfila iksbo chohmit anumpuli hosh, vno ak kia isht ik sa nukwiyo ak inlishke.

22. Heblu okla hō? vno ak kia yvmmak o sia hoke. Israel okla hō? vno ak kia yvmmak o sia hoke. Eblaham ak o isht atia hō? vno ak kia yvmmak o sia hoke.

23. Klaist in tishu hō? im anukfila iksbo chohmit anumpuli li kv̄t, yvmmak oka i shahli li hoke; yvmma i shahlichit toksvli li hoke, atampa hō sa fahama hoke, aboha kv̄llo fohoka li chatuk, a svlli naha kv̄t laua chatuk oke.

24. Chu okla ha pokoli ushta chí ma achvfa hosh iksbo hō tahlapi ha im a sa fahama tok.

25. Hituchina ha fuli isht sa fahama tok, himonna ka teli isht sa boa tok, hituchina ha, peni fohkv̄t aya li tok a okpulo tok, ninak achvfa nitak achvfa aiena ka okhvta pakna takakanli li tok.

26. Anowa hopaki kia himonna a nohova li, oka kia isht vm a palvmmi, na wehli kia isht vm a palvmmi, a yakni achvfa okla hak kia isht vm a palvmmi, vbanumpa ik ithano ma isht vm a palvmmi, vmaha anukaka kia isht vm a pa-

lvmmi, yakni haiaka kia isht vm a palvmmi, micha itibapishi li ilahobi vhleha kia isht vm a palvmmi;

27. Hoyohambli, na hotohompa, himonna nusi vm okponlo fehna, himmona hohchvot, ituk shihinla, micha kapussa ka, haknip bieka aiena hosh isht vm a palvmmi hatuk.

28. Nana ilvppa moyuma kvv kochanli a mintit a si onvtohonla ma, nitak moma ka chvch hiohli puyuta nana isht anukfilli mvt a si onvtohonla hoke.

29. Kvta hak osh ik hlampko na vno ak osh sa hlampko hq? kvta hak osh ibetvbli na vno ak osh ik sa nuklibisho hq?

30. Nana ka isht ilauata la he vhpesa hokmvt, nana kvv isht a ik sa hlampko imma kak o isht ilauata la chi hoke.

31. Chihowa pin Chitokaka Chisvs Klaist Iki, holitopa bilia yak osh, holabi li keyu ka ithaiyana hoke.

32. Hatak pehlichu miko Aletas nutaka ahanta tuk vt Tamaskvs a si ai yukachi bvna kvv, Tamaseses tumaha ha twshka chipota atonichi tok.

33. Yohmi na kishi hq fohkvv tvli holihta okhissushi a hlopullit aka ona hosh yvma ibbak a i hlakofi li tok.

CHAPTA XII.

Isht il anumpohonli mvt vba atuchina ka nana kvv auct im atokovt im otrni tok vt anoli, 1, 9 yohmi kia nan isht ik hlampko ak o isht aholitopa hi vt ahni, iki pan i kana mak o chohmit im aya chi kvv im anoli.

1. NANA ka isht ilauata la he okvto vm vhpesa keyu ak inli chishke. Nana ka Chitokaka yvt sa pisachit vm otrminchi tok ak o isht anumpuli li la chi hoke.

2. Avvmmi auah ushta atampa kash hatak Klaist ibai achvfa ka ithanali tok; yvmmvt haknip o a fohka hokma nana tok chishba, ak ithanoshke; keyukmvt haknip a ai i filvmmi hokma nana tok chishba, ak ithanoshke; Chihowa ak osh ithana; yvmmak atuk ash o hoklit vba ont atuchina ka isht ona tok.

3. Hatak ymma chohmi ka ithana li tok, haknip o a fohka hokmá, haknip a ai i filvmmi hokmá nana tok chishba, ak ithanoshke; Chihowa ak osh ithana hoke.

4. Yvmmak ash o hoklit Palatais a isht ona na, anumpa he keyu puta hatak okvt anumpula he vhpiesa keyu ho haklo tok.

5. Ymma chohmi kak o isht ilauata la chi hoke: yohmi kia vno ak inli hokvno isht ilauata la he keyu, amba nan isht ik sa hlampko puta kak a hi oke.

6. Isht ilauata ik sa bvnna hoh kia, vm anukfila hokvto iksho ka he keyu hoka; ghli ho miha la hi okvt; yohmi kia ilolambi lishke; keyukma hatak kvna kia sa kaniohmi ho sa pisa, micha a sa haklo kv, isht i shahlichit isht si anukfilla hinla hoke.

7. Michi nana vm otvni apakna pulla ho isht chahvt ak atapo ka chi kak o, kvti haknip shamvlli, Setan in tishu mak o ahama kv, isht chahvt ak atapo ka chi kak o, isht sabaso ya chi hatok.

8. Ilvppa pulla kak o Chitokaka ya hituchina ha im asilhha li kv, ilvppak ash osh vm a filvmma chi kak atuk oke.

9. Mihma, Nan isht vm i kana yvt isht chim vhpesa hoke; nan vm isht hlampko yvt ik hlampko yak o isht im ai vltaha yoka, vm achi tok. Yvmohmi hoka Klaist isht i hlampko yvt si onvtuyula chi ka, nan isht ik sa hlampko isht ilauata li kak osh vm vhpesa chi hoke.

10. Yvmohmi hoka Klaist pulla kak o nan isht ik sa hlampko puta, nan isht sa hofahyali puta, nan isht hotopa puta, na palvmmi atukonofa a hlakofa he keyu puta kak o, isht il ai yukpa li hoke, ik sa hlampko hok mak osh, sa hlampko hokvt.

11. Isht ilauahanta li kak osh ik hopoyukso yo toba lishke; hvs si atoblichit tuk oka; ahninchit isht hvs si anumpula he vhpesa tok oka: nana ho si ahomba keyu kia, apostel vhleha i shahli fehna kak kia asha ka hikia li keyu hoka.

12. Apostel isht atokowa yvt hvch itin takla ya ai

yvmohmi kv̄t, nan nuktaiyal̄vt achunanchi, nan isht atokowa puta, nan isht nukhlakvshli puta, na fehna yvmihchi puta aiena moma ka, isht ai yvmohmi mvhli tok.

13. Nanta hak o chvch inla puta ka isht hvch ik a lauwo tuk oh cho? nana ka ak hvchī kv̄llo ilvppak atuk ak o? vno fehna kv̄t hvchim ashvchi li tok ilvppak atuk ash hvs sa kashofashke.

14. Yakeh! ont isht atuchina mak o hvch im ona la chi kv̄t v̄m v̄lhtahvshke: yohmi kv̄t hvchī kv̄llo la chī keyu; na hvchimmi hak o keyu, amba hvchishno yak o hoyo li hokvt. V̄lla yak osh īki micha ishki ita tuklo ka nana im ahayucha he v̄lhpesa keyu, amba īki micha ishki ita tuklo kak a hetuk oke.

15. Michā hvchishno pulla kak o a lushumichit ik si ataba kia sai yukpa fehna hi oke: hvchī hullo li kv̄t isht ī shahlichī li fehna kia, ik lauwo hvchim a holitopa li hoke.

16. Yohmi kia ant ik yohmī, hvchī kv̄llo li tok keyu: yvmohmi kia ī kostini li hatuk osh, a haksichit hvchim ishi li tuk o, achi hoke.

17. Hvchī pila li tuk yvmmak ash o kanimi ka nan isht hvch im ai ishit il ahayuchi li tuk o?

18. Titvs v̄t hvchim ona he, ahni lish, itibapishi ma aieninchit pila li tok. Titvs v̄t na hvchim ai ishit il ahayuchi tuk o? anukfila achv̄vt il itvnova tuk keyu? ataya achv̄fa h̄o il ai itvnova tuk keyu?

19. Anonti nana isht hvchim il il a miha, hvchim ahoba cho? Klaist a iba foyuka hosh Chihowa itikba ya il anum-pulishke, yohma kv̄t nana moma e yvmihchi kv̄t, pī holitopa fehna v̄hleha ma! isht hvsh a hlampka he ak oke.

20. Yvmmak keyukma ona likmvt, itachowa, it ī potvno, it ī nokowa, it ī nukhobela, ashaka nana a mihachi, itī shuk-shovt na mihachi, ilefehnvchi, itakvshkoa, hvsh aiena cha v̄lhpesv̄t hvsh maya na, hvchi ahayuchi la hetuk ash osh keyu h̄o hvchi ahayuchi li, yohmikmvt a kanihmi li hvs sa pisa hetuk ash o keyu hosh, hvchim otaiyani la he ká, ahnit sa nukshohumpa:

21. Yohmi ka anontī ona likma, an Chihowa yvt a hvchim

itin takla a si akanlosechi na nan ai ashvchi mashko tuk vt na liteha, micha na haui, micha chukvsh nan isht haui aiena ka yvmohmi tuk vt, i filvmmmit ik ile kostinincho kisha tuk o isht yahaya li yoba ná.

CHAPTA XIII.

Nan ibetvblichí vñleha hv̄t ile kostininchi keyu ka nana im apesa hi vt miha, 1; 5 nana ka a yimmi hatuk vt il imoma ka pisvt ik ono kisha h̄o h̄o nana a kaniohmi atuk vt falamvt il a chukmala hi a achi.

1. ILUPPUT isht atuchina mak o hv̄chim aya lishke: Nan atokoli tuklo, tuchina itih h̄o anumpa moma kv̄t isht ai ahlashke.

2. Tikba hoka hv̄chim anoli li tok osh, anonti atukla mak o hv̄chi takla anta li ehohmit tikbanli hv̄chim ano li lishke; yohmi kv̄t himak a ik saksho hatuk osh tikba ka yoshuba tok ash, micha inla moma aiena ka pit i holissochi li, yohmi kv̄t anonti ona likmvt, apoanchi la he keyu hoke.

3. Klaist vt isht si a hv̄chim anumpohonli tuk a atokowa hv̄sh hoyo hoka, yvmmvt hv̄chishno yokvno ik hv̄chi hlampko keyu, amba hv̄chi ai a hlampko hoke.

4. Ik hlampko hosh ititaiyukhvna a takalit illi tok kia, Chihowa imi hlampko pulla h̄o okchaya hoka, pishno ak kia yvmma iba chafvt ik pi hlampko; yohmi kia Chihowa imi hlampko yvt hv̄chi onvtula chi pulla ka, yvmmak ash iba chafvt pi okchaya chi hoke.

5. Ai yimmi ka yoka hv̄sh ibai achvfakma, nana kv̄t hv̄chishno inli hv̄sh ile pisashke; hv̄chishno inli imomaka hv̄sh pisashke. Hv̄chishno inli hv̄ch ik ithano cho? Chisvs Klaist vt hv̄ch iba foyvka ka, ik ai ahlo hv̄chia keyukmvt.

6. Yohmi ka pishno yvt ik ai ahlo pia keyu ka, hv̄sh ithana chi ka sa yimmishke.

7. Michi Chihowa ya pit im asilhha li kv̄t, nan ik vñpeso ka ik hv̄chi yvmohmo ka he ak oke: il ai ahli kv̄t isht il otvna he ak keyu, amba ik ai ahlo yv pia e chiyuhmi kia, hv̄chishno yokvto nana achukma kak o hv̄sh yvmohma he ak oke.

8. Anumpa ahli il i sanali kv̄t nana e kanihma he keyu, amba anumpa ahli ya il apelvchi yak oka.

9. Ik pi hlampkokmvt, hv̄chi hlampko kak o, pi yukpa hokvt: anonti ai ahlit hv̄chim vltaha he ilvppak kia e hv̄chim ai ahi hoke.

10. Yvmohmi ka ik saksho hosh ilvppa puta ka hv̄chi holissochi lishke, ilvppak atuk keyukmvt ont hv̄ch iba takla anta likmvt, Chitokaka isht im ai ahli isht hlampkochi la he, micha isht okpvi la he ak keyu hō vma tok ak o anumpa ishit halupvchi la hetuk yoba ká.

11. Ishtaiyopi ka itibapishi li vhleha ma! na hv̄chi yukpashke. Ai ahlit hv̄chim vltahashke, ahopohla achukmvt hv̄chim anukfila achvvt, it i nanaiyvt hv̄sh ai ashashke; mikma Chihowa holitoblit nan isht it i nanaiyvchi yosh hv̄chi anukfoyuka chi hoke.

12. Suksova holitopa yo isht hv̄sh it aiokpvchashke.

13. Vbanumpi yimmi ahli puta kv̄t pit hv̄chi aiokpvchishke.

14. Chitokaka Chisvs Klaist nan isht i kana, micha Chihowa isht i hullo micha Shilombish Holitopa ai itibai achvfa aiena kv̄t hv̄sh moyuma ka hv̄chi anukfoyukashke. Amen.

HOLISSO PAL VT

CHVCH KALESHAN

YAKNI A HIOHLI HQ I HOLISSOCHI TOK.

CHAPTA I.

Hatak keyu, amba Chihowa pulla hosh vbanumpa isht anumpula chi ka atokoli tok a Pal vt achi, 1: 6 Kaleshan vbanumpuli vt chekosi vbanumpa ha i filami kak o okokko! ahnit miha; 11 hatak o keyu, amba Chihowa yo vbanumpa ha im ai ithvna; 14 nana ka ik vltoko kisha kvv hatak kaniohmi hatuk vt anoli, 17 yvm-mak atuk vt ont i himmak o im anukfila kaniohmi kvv anoli.

1. PAL apostel sia kvv hatak kaniohmi ho nan a si vltoka tok keyu, mikmvv hatak nan ahni hatok keyu, Chisvs Klaist, micha Iki Chihowa, yvmmvv illi tok a falaminchit tanichi tok ita tuklo kak atok:

2. Yohmi ka itibapishi li vhleha si apehvt maya kvv, movmvv chvch Kaleshan yakni biohli ka pit hvchi aiokpvchi lishke.

3. Iki Chihowa, micha hvpin Chitokaka Chisvs Klaist ita tuklo nan isht i kana, micha isht it i nanaiya ita tuklo kvv hvchi anukfoyukashke.

4. Yvmmak okvt Piki Chihowa nan ahni tok mak o yakni ik achukmo ilvppa a pi a hlakoficha chi hosh, nan il aishvchi pulla kak o yvmmak okvt il im issa tok.

5. Chihowa Piki yvmmak osh holiopvt bilia cha biliashke. Amen.

6. Chekosi fehna ho Klaist isht i kana isht hvchi hohoyo

tok a i filvmmmit, vbanumpa inla yo hvsh eshi ka, okokko!
ahni lishke.

7. Yvmmvt vbanumpa keyu; amba kanimi kvv hvchi
anuktuklochi cha, Klaist im vbanumpa ha shanaiyvchi bvna
kvv ashvshke.

8. Yohmi kia pishno, keyukmvt vba yakni enchil ak ok-
ma nana hosh vbanumpa inla isht e hvchim anumpohonli
tuk a keyu ho isht anumpulikmvt, okpulot taha he ik im
vlhpisa.

9. Tikba ka e hvchim achi tok a, anonti himak a mih mak
inli ho hvchim achi lishke; Hatak nana kia vbanumpa hvsh
eshi tok a inla yo isht anumpulikmvt, okpulot taha he ik im
vlhpisa.

10. Himak a hatak ak osh, keyukmvt Chihowa ak osh a
kana he ahni li cho? hatak o yukpali sa bvna ho? hatak
ak o yukpali li momakmvt, Klaist in tishu sia ha he keyu
hokvt.

11. Amba itibapishi li vhleha ma! hatak nan ahni keyu
ho vbanumpa isht anumpohonli li tuk vt hvch ithvnanchi
lishke.

12. Hatak o im ai ishi li tuk keyu, micha im ai ithva li
tuk keyu hokvt; amba Chisvs Klaist ak osh vm otvninchi
hatak.

13. Nitak chashpo ma kaniohmit Chu okla im vbanumpa
anukfoykvt avvt, atablichit Chihowa in chvch a ilbvshalit,
chukilissvchi li;

14. Yohmi kvv Chu im vbanumpa ithva li kvv, vm okla
achva ai itilavi li lava ka i shaiyahlit, an tikba vhleha im
anumpa vlhpisa ik holisso atok a amosholi li fehvvt im antia
li tok a, hvsh haklo tuk oka.

15. Yohmi tok kia Chihowa yvmmak osh hvshki im
oshvto ya ai ishit sa kohchi cha, isht i kana isht sa hoyo tok,

16. Yohmi kvv vlhpesa ahni cha, Ushi ya si ai otvninchi
kvv, vbanumpa ik ithano vhleha ha vbanumpa isht im anum-
pohonli la chi ak atok; yohmi mak inli ho hatak nana kia it
im anumpuli li tok keyu.

17. Mihmvt Cheluselem a ivt apostel vhleha sa tikba tok

a ont pisa li tok keyu; amba Alabia yak o ona li tok osh, anonti falamvt Tamaskvs a ona li tok.

18. Atuk osh afvmmi tuchina ma Pita ya pist ia hosh Cheluselem a ona li tok; mihmvt ibai anta li nitak auah tahlapi tok.

19. Yohmi kia apostel vhleha inla yano ak peso, Chemis Chitokaka itibapishi ak illa tok.

20. Chihowa itikba yo hikiyt nana puta hvch i holissochi li kv, holabi li keyu ka ho pesá.

21. I himmak o Silia, micha Silisia foka ka ona li tok.

22. Micha Chutia hvch puta Klaist ibafoyuka yvt sa na-shuka ya ik peso kisha tuk atok.

23. Amba chashpo ka pilvshali tok yvmmak ash ot himak ano ai yimmi ka tikba ka okpni tok vt isht anumpo-honli ka haklo kak illa tok.

24. Micha vno ak atuk mak o Chihowa ya holiobli tok.

CHAPTA II.

Atukla ma Cheluselem a ia tok, nana kv yvmma akaniohmi tok a anoli, 1: 11 Antiak a anta mvt, nana ka a yohma he vhpesa keyu kv Peta yvt yohmi na Pal vt im alvmmi, mihmvt na yimmi kak keyu hokma, kvna hosh nan vhpiesa he keyu ka im anoli.

1. YOHMI tok a i himmak afvmmi auah ushta ma anonti vno, Banabas ita, tuklot Titvs a ilaunlit Cheluselem a il ia tok.

2. Yohmi ka Chihowa yak osh vm otvniuchi na ona lish, vbanumpa Chentail vhleha ha isht im anumpohonli li tuk vt isht im anumpuli li tok; yohmi kia vbanumpa tosholit aya li tuk a peh pilla ná, anonti himmakma vbanumpa tosholit aya li kia peh pilla ná, ahni li hatuk osh luma hosh hatak annoa achukma kak o im anumpuli li tok.

3. Yohmi ka Titvs vt si awant aya tuk vt, Klik atuk o, hakshuk tupa he i mihija kia, ik yvmohmo ki tok.

4. Yohmi ka yvmvt itibapishi ik ahlo takla iba chukowa kv, Klaist Chisvs puyulla ho a yuka keyut il ahashwa ka pim

akostinincha *chî* hosh lumvt piba chukowa tok; yohmi kv̄t falaminchit pi yukacha *chî* hatok; yohmi tuk kia ik yohmo ki tok oke.

5. Vbanumpa ahli yvt hv̄chin tonla *chî* kak *o*, yvmmak ash *o* hv̄shi kanvlli achvfa kia *i* nutakvt il a kanvlli tok keyu.

6. Amba, kv̄na hosh holitempa v̄hleha ahoba kv̄t, nana h̄o kaniohmi yoh kia, yvmmak okvto nan isht v̄m a kaniohmi keyu; Chihowa yvt hatak a nashûka yak *o* pisa keyu; holitempa ahoba yvmmak ash *o* it im anumpuli li tok a nana isht abafohki tok keyu.

7. Amba hakshup ik tapo vbanumpa in tosholi la hi vt si v̄lhtoka ma, hakshup t̄upa vbanumpa in toshola hi vt Pita ak osh v̄lhtoka tok a pisa mvt;

8. Pita ya hakshup t̄upa vbanumpa in toshola he atokoli tok mak osh vbanumpa isht ai ah̄lichî tok, anonti mih mak inli hosh vbanumpa Chentail a in tosholi li ka isht ai ah̄lichî tok oka.

9. Yohmi ka Chemis, Sefas, micha Chan aiena kv̄t pehlichika ȳo ahoba hatuk osh isht *i* kana v̄ma tok a pisa mvt, v̄no, micha Banabas, il ita tuklo kv̄t il iba holhtina *chî* kak *o*, ibbak isht impakimma ya pima tok; yohmikma vbanumpa ik ithano yak *o* im anumpulit il iakma, ilap vt hakshup t̄upa vbanumpa in toshola *chî* hatok.

10. Iibvsha ma il ithana he pim ahni tok; yvmmak okvno v̄no ak kia aiokpanchit achunanchi li tok.

11. Yvmohmi tok kia Pita yvt Antiak a ant anta ma, atokovt im asanali li tok, nan ik v̄lhpeso yohmi tok ak oka.

12. Chemis vt tohno tok a ik lo k̄isha kano, Pita yvt Chentail a ibai impa tok; yohmi tok kia ai v̄la ma, hakshup t̄upa ya *i* nukshopa hatuk osh, kohchvt il a filv̄m̄mi tok.

13. Mihma Chu inla ak kia nan il ahobi tok; yohmi kak *o* Banabas ak kia nan il ahobi ka iba taklv̄t yvmohmi tok.

14. Yohmi kia yohmit vbanumpa ieshit ai v̄lhpiesvt itv̄noh̄owa keyu h̄o pisa li mvt, momvt haklo h̄o, Pita ya, Chishn̄o vt Chu chia hoh kia, Chentail nana a kaniohmi ka ish yvmohmi cha, Chu nana a kaniohmi ka chik yvmohmo

ho kak osh, nanta katiolmi ho Chentail vt Chu choomit ahanta he ish im ahni cho? im achi li tok.

15. Pishno vt Chu yosh il vta tok, yohmi kvv Chentail nan ashvchi pia keyu,

16. Hatak vt vba nan vlhpisa iakaiya kak osh isht ai vlhpiesa keyu, amba Chisvs Klaist i yimmi hok mak osh isht ai vlhpiesa ka ithaiyana hosh, vba nan vlhpisa yak o keyu, amba Klaist i yimmi mak o isht a pi vlhpiesa chi kvv, Chisvs Klaist il i yimmi tok; vba nan vlhpisa iakaiya hokvno hatak nana hosh isht ai vlhpiesa he keyu hoka.

17. Yohmi ka Klaist ak o isht ai vlhpiesa pi bvna hokvto, pishno vt nana ashvchi pia moma hatuk vt otaiyani; yohmi ka Klaist vt nan ai ashvchi in tishu ho? ik yemohmo pullashke.

18. Nana ka okpvi li tukvt anonti ikbi likvvt, nan vlhpisa kobvffi toba li hoke.

19. Vba nan vlhpisa pulla ho vba nan vlhpisa ya im illi li kvv, Chihowa yak o ai okchaya la he atok.

20. Klaist a ititaiyukhvna iba takalit svlli hoke: yohmi kia si okchaya hoke; yohmi kvv vno ak o keyu, amba Klaist ak osh okchayvt sa foyuka hoke; himak a okchayvt haknip a halaia li moma hokvto, Chihowa Ushi, yvmvvt a hullot si vltobvt illi tok a i yimmi li hosh si okchaya hoke.

21. Chihowa nan isht i kana ya akshuchi li keyu; nan isht ai vlhpiesa hvv vba nan vlhpisa yak o isht atoba, yvm-mak okvno Klaist vt pilla illi tok.

CHAPTA IIL

Vbanumpa ha i filvmmi ka nan i miha; 6 kvna hosh yimmi hokvto nan ai vlhpiesa; 9 mikvvt Eblaham a ibaiyukpa; 10 na laua ho isht miha hosh ilvppa anoli.

1. IM anukfila iksho Kalesan okla ma! hvchi nishkin a pisa yo Chisvs Klaist vt ititaiyukhvna atakalit illi tuk vt hvchi tikba ya ai anohowa tok a, kvta mak osh hvchi yoshubli na vbanumpa ahli ya hvsh im antia he keyu cho?

2. Ilvppak illa hō hvchi ai ithvna sa bunnvshke; vba nan vlpisa ya hvsh iakaiya kak osh Shilombish Holitopa ya hvsh ieshi tok oh cho? akchu? haklot hvchi yimmi kak atuk o?

3. Hvchim anukfila iksho fehna kvv hvsh yvmohmi cho? Shilombish o anukfoyukvt isht hvsh ia kash ot, himak ano haknip o isht a hvchi vltaha cho?

4. Nan laua hō isht hvchi ilbaiyasha ka peh pilla ha tok o? peh pilla keyu hatok pulla hoke.

5. Yvmohmi ka Shilombish a hvch ima cha, hvch itin takla ya na fehna puta ka ai yvmihchi kvv, vba nan vlpisa ya hvsh im antia tok ak o? akchu? vbanumpa haklot a hvchi yimmi kak atuk o?

6. Yvmmak inli hō chiyuhmit Eblaham vt Chihowa ya i yimmi tok: mihmvt nan isht ai yimmi kvv ai vlpiesa im vlpisa tok.

7. Yvmohmi ka hvsh ithaiyanashke, yimmi puyuta yvmak okvto Eblaham im vlla vhleha yoke.

8. Mihma Holisso Holitopa yvt Chihowa yvt vbanumpa ik ithano ya na yimmi pulla kak o isht ai vlpiesacha hi a tikbanli pisa kak osh, Eblaham a vbanumpa ha isht im anum-pulit, Chishno ak o okla moma kvv na yukpa hi oke, achi tok.

9. Yvmohmi hoka kvna hosh yimmi yokvto, mihi yosh na yimmi Eblaham a iba taklvv na yukpa hoke.

10. Vba nan vlpisa anukchieto aiyuka hokvto, na hotopa anumpa hvv onvtonla bieka hoka: holisso kvv, Kvna kia vba nan vlpisa holisso atakali puta ka achunanchit ik im antio aiyuka hokvno, na hotopa anumpa hvv onvtuyula hoke achi hoka,

11. Amba hatak kvna kia Chihowa ai itikba yokvno vba nan vlpisa ya isht ai vlpiesa he keyu kvv otvnishke; Hatak vlpesa yokvto yimmi pulla kak osh isht ai okchaya hi oka.

12. Yohmi ka vba nan vlpisa yvt ai yimmi ka yokvno ahalaia keyu, amba, Hatak vt yvma yvmihchi hokvto, yvmak o isht ai okchaya hi oke.

13. Klaist vt pi vltobvt na hotopa onvtula toba cha, vba

nan vllhpisa isht a hotopa ya a chumpvt pi falaminchi tok; holisso kv̄t, Kv̄na kia iti a atakalikmvt, na hotopa anumpa hosh onvtula hoke, achi hoke.

14. Yvmohmi h̄o Chisvs Klaist pulla hatuk mak o Eblaham nan isht aiyukpa yvt Chentail a onvtula ch̄i hatok; yvmohmi h̄o pi yimmi pulla kak osh, Shilombish pim issa tok a il isha ch̄i hatok.

15. Itibapishi li v̄hleha ma! hatak nana a kaniohmi ȳo anumpuli lishke: peh hatak nana it im vllhpisa yoh kia kulochi hama, hatak kv̄na hosh akshochi, micha ibafohka he keyu.

16. Yohmi ka Eblaham, micha im isht atiaka yak o nan im ihisa tok; Laua nana h̄o ahobvchit isht atiaka v̄hleha, achi keyu; amba achvfa chohmichit, Chim isht atiaka yak o, achi yvmv̄t Klaist ak oke.

17. Yohmi ka ilvppak o achi lishke, Nan itim vllhpisa Klaist isht anumpa ymma Chihowa yvt kullochi ha ya, avmmi tahlepa ushta pokoli tuchina ha ȳo vba nan vllhpisa toba tok vt akshocha he keyu, yohmi kv̄t nan im issa tok a ik ai ahlecho ka he atok keyu.

18. V̄ba nan vllhpisa im antia pulla kak o nana ai isha he vllhpesa kv̄t ai yvmohmi hokma, nan im issa yak keyu hoka; yohmi kia Chihowa yvt nan im issa tuk osh Eblaham a ima tok.

19. Yohmi ka vba nan vllhpisa yvt nanta h̄o kati ohmichi hatok oh cho? Nan vllhpisa kobvfi pulla kak o vllhpisa tok o, isht atiaka ymma nana im ihisa tok vt v̄lak mak a he vllhpisa tok; yohmi ka enchil v̄hleha hosh iti takla hiki vt tosholi ya i nutaka hosh nan vllhpisa ya anolit haiakvchi tok.

20. Yohmi ka ititakla hiki vt tosholi vt achvfa h̄o ititakla hiki vt tosholi chatuk keyu, amba Chihowa yvt achvfa hoke.

21. Yohmi kv̄no nan vllhpisa yvt Chihowa nan isht im issa tok a i sanali cho? ik yvmohmo pullashke; nan vllhpisa ima tok intonla kv̄t okchalinea hinla hokma, nan vllhpisa pulla kak o isht ai vllhpisa hi atok o mv̄lishke.

22. Holisso Holitopa yvt moma ka nan ai ashvchi i nutakvchit ompohomo hoke; yohmi h̄o Chisvs Klaist i yimmi

pulla hō nan ai yukpa im issa tok a kvna hosh i yimmikmvt isha hi atok.

23. Yohmi kia ai yimmi ka yvt ik lo kisha ma, vba nan vlpisa ya il i nutakvt il ai ashvt, ai yimmi ka yvt himmak o haiaka he yak o il anukchieta hi a pi atoblichi tok.

24. Yvmohmi ka vba nan vlpisa yvt pi kostininchī yosh Klaist a pisht im ona na, na yimmi pulla hosh isht ai vlpiesa hi atok.

25. Yohmi tok kia ai yimmi ka yvt ai vla ha yokvno, kostininchī ya il i nuktaka keyu hoke.

26. Klaist Chisvs a i yimmi pulla hosh hvsh moma kvv Chihowa im vlla hvchia hokvt.

27. Klaist a ishit hohchifot hvchi baptismo tok aiyuka hokvto, Klaist a isht hvsh foyuka hoke.

28. Chu okmá, Klik okmá, nana kvv iksho; yuka yokmá, yuka keyu yokmá, nana kvv iksho; nakni okmá, ohoyo hokmá nana kvv iksho, amba hvsh moyuma kvv achvftv Klaist Chisvs a hvsh ibafoyuka hoke.

29. Yohmi kvv Klaist a immi hvchia hokmvt, Eblaham isht atiaka hvchia, micha nan im issa tok a ai isha he vlpesa hvchia hoke.

CHAPTA IV.

Nan vlpisa i yuka pia hatuk a Klaist akosh na pi hlakofichi; mikmvt Chihowa ushi vhleha pikbi, 1; 6 yvmma i chukvsh okvno Chihowa yvt ilap ushi imi shilombish o auct nukfokihinchī. 22 Akah micha Sela itatuklo kvv nan isht vllpisa.

1. ANONTI ibai isha he vlpesa kvv, vlla moma hokvto, nana moma kvv immi hoh kia, yuka ha nan isht inla keyu hoke, achi lishke.

2. Amba kostininchī, micha apesvchi ya i nuta kvv ahanta na, iki vt im apesa tok nitak a ona chatuk oke.

3. Yvmmak inli hō chiyuhmit, pishno ak kia vlla pia momo mvt, yakni nan ai ithvna ai ishtia vmmona ya i nutakvt yukvt il ashwa tok.

4. Yohmi tok kia nitak ont vlpesa kvv vla ma, Chihowa

yvt Ushi vt pila na, nan vlpisa i nutaka toba hosh ohoyo ho a toba tok.

5. Uba nan vlpisa i nutakvt asha tuk a falaminchit pi chumpa na, Chihowa ushi vhleha e toba chi hatok.

6. Yohmi tok a ushi vhleha hvchia hoka, Chihowa yvt Ushi imi Shilombish a hvchi chukvsh a anukfohki na Abba Iki achit tahpahanla hoke.

7. Yvmohmi hoka himak a pilla ka yuka chia keyu, amba ushi mak o chia hoke; yohmi kvv ushi chia hokmvt, Klaist pulla hatuk mak o Chihowa immi ha ai isha he vlv-piesa chia hoke.

8. Yohmi kia tikba ma Chihowa hvch ik ithano mvt, chihowa nana keyu ka hvsh i yuka tok.

9. Yohmi tok kia, himak a Chihowa ya hvsh ithana ha ya, yvmmak keyukmvt, Chihowa yak osh hvch ithana ha ya, ka-tiohmi ho anonti nan ai ithana ai ishtia vmmuna isht hlamp-ka he keyu, micha isht ai yukpa he keyu ka falamvt i nutakvt yuka hvchi bvna cho?

10. Nitak il aiyuka, micha hvshi talali, micha afvmmi vlv-pisa aiena ka hvsh holitoblishke.

11. Peh pilla ho hvchin toksvlit isht a svlvvsha tuk yo-ba ka ahnit, ahah! hvchim ahni lishke.

12. Itibapishi li vhleha ma! hvchishno ak inli chohmi li hokvt, vno ak o hvsh chohma chi ka hvchim asilhha lishke; nan ik vlvpeso hvs sa yvmihchi tok keyu kvvmohmi hoke.

13. Vmmona hoka haknip ik hlampkot hoyubli hosh ka-niohmit vbanumpa ha hvchin tosholi li tok a, hvsh itha-nvshke.

14. Micha imomaka pisa li yvt sa haknip a afoyuka ka ik shitlemot hvch ik sa kancho ki tok; amba Chihowa im en-chil chohmichit, Klaist Chisvs mak o, chohmichit hvs sashi tok.

15. Yokmi kvno nan isht aiyukpa ya isht hvsh anumpuli tok mvto? hvsh yvmihcha hinla nana hokmvt, hvchi nish-kin a hvsh kohchi cha, hvs svma hinla tok a, atokowa hv-chim anoli lishke.

16. Yvmohmi ka ahli ho hvchim anoli li kak osh hvchin tvnvp o toba li cho?

17. Hvchi hullo fehna ahoba kia vlhpesa keyu hoke; ahli, hvchi atakvma he ahni na hvch ik sa hullo hosh, ilap ak o hvsh i hulla chi kak atok oke.

18. Yohmi kia nana achukma hokvno i hullo fehnvt bilia kak o vlhpesa hoke; micha hvchi takla anta li kak bano keyu.

19. Vm vlla chipunta vhleha ma! ohoyo vlla esha chi nukhvmi ka a hvchim a chohmi li tuk atok o Klaist vt a hvchi atobak mak a chi hoke.

20. Himak a hvchi takla anta lish, vm anumpa ha inlanchi la he sa bvnrvshke; a hvchi anukfilli la he ak ithanoshke.

21. Vba nan vlhpisa ya i nutaka hvchi bvnna kvv, vba nan vlhpisa ya hvchik haklo ho? oh vm anoli

22. Holisso kvv, Eblaham vt ushi in tuklo tok; achvfa kvv ohoyo yuka yak o ushi yokma, achvfa kvto ohoyo yuka keyu yak o atok, achi hoka.

23. Yohmi ka ohoyo yuka ushi yvt haknip nana a kani-ohmi chatuk a chiyuhmi tok; amba ohoyo yuka keyu ushi vto im issa tok ak atok.

24. Yvmmvt nan isht vlhpisa yoke: ilvppvt nan it im vlhpisa tuklo yoka; achvfa kvv nvni chaha Sainai a tobtv yuka ikbichi, yvmmvt Akah yak oke.

25. Akah ilvppvt nvni chaha Sainai yosh Alabia yak o hikia hosh, Chelusalem vt himak a talaia ka isht vlhpisa hosh, im vlla puta ka il ai eshit yuka hoke.

26. Amba Chelusalem vba yokvto yuka keyu hosh, e moma ka hvv ishki yoke.

27. Holisso kvv, Vlla ik chim iksho, vlla ish eshi chatuk keyu ma! chi yukpashke; vlla esha chi chi nukhvmi chatuk keyu ma! chitolit ish tahpahanlashke; ohoyo vltakla ya tuk kia vlla in laua kvv hatak im asha tuk kak kia, i shahli hokvt, achi hoka.

28. Yohmi ka itibapishi li vhleha ma! pishno vt Aisaak atok a, chohmit nan im issa tok ak o im vlla pia hoke.

29. Yohmi ka nitak yvmma haknip o kani-ohmi chatuk a chohmit ai vta yvt Shilombish ai vta ya ilbvshali tok a, chohmit himak ak kia yvmohmi hoke.

30. Yvmohmi ka Holisso Holitopa yvt nan tuk achi ho?
Ohoyo yuka, micha ushi ita tuklo ka kohchit ish kanchash-
ke: ohoyo yuka ushi vt ohoyo yuka keyu ushi ya nana ibai
isha he vlpesa keyu hoka.

31. Yvmohmi hoka itibapishi li vhleha ma! ohoyo yuka
im vlla pia keyu, amba ohoyo yuka keyu ak oke.

CHAPTA V.

Klaist pulla hatuk mak o yuka keyu toba tok vt yvmmak fehna ho
ai itanohgwa chi ka i miha, 1; 3 Chu okla nan im vlpisa yokno
ik im antio ka chi, amba nan i hullo pullvt itanohgwa he; 19 hak-
nip imma atoksvli kvv kaniohmi ka anoli; 22 mihmvt shilombish
imma nan vni ka anoli.

1. YVMOHMI hoka a yuka keyu ho Klaist vt pisht ona
tuk a kvllot hvsh hielashke, micha anonti yuka ikunla im
abana ilvppa isht hvch ik il onochi kashke.

2. Yakeh! Pal sia hosh hakshup hvchi tupa hokma,
Klaist vt nan isht hvchim ai achukma he keyu ka hvchim
achi lishke.

3. Anonti hatak moma kvv hakshup tupa yvmmak okoto,
nan vlpisa moma ka yvmihcha he aheka in takanli ka atok-
olit im anoli lishke.

4. Kvna hvchia hosh nan vlpisa yak o isht hvchi ai vli-
piesa hokma, Klaist vt nana isht hvchim ai achukma keyu;
isht i kana ya i filummit hvchi tula hoke.

5. Yohmi ka Shilombish pulla hatuk mak o na yimmi
hosh isht ai vlpiesa hi a il esha he ahnit, e hohoyoshke.

6. Chisvs Klaist imma hokvno hakshup tupa yokma,
hakshup ik tapo yokma, nana hoh kia nana a kanihma he
keyu hoke; amba ai yimmi ka i hullo isht atoba yak oke.

7. Vlpesa hosh hvsh maleli tuk; anumpa ahli ya hvch
ik im antio ka chi ka, kvta hosh hvchi ataklvmmi tuk o?

8. Hvchi anukfohki na vlpesa hvsh ahni ilvppvt hvchi
hoyo tok ak o a minti keyu hoke.

9. Isht shatvmmichi iskvtnosi kia yvmmvska ya momin-
chit shatvmmichi chatuk oke.

10. Chitokaka pulla kak o hvchi yimmi li kv, nana inla hvch im anukfila he keyu ak oke; amba kvna hatuk oh kia mihi yosh hvchi anuktuklochikmvt, nan vlpisa yvt onvtula hi oke.

11. Yohmi ka itibapishi li vhleha ma! vno yvt hakshup tpa ya isht anumpuli li moma hokak osh, nanta katiohmi ho nan ilbvsha yvt si onvtula moma cho? yvmmak okma ititaiyukhvna isht ai ibetvbli vt yokopa hoke.

12. Hvchi anuktoklochi vhleha hatuk vt chvch a a tvtvt kvniakbano ahni lishke.

13. Itibapishi li vhleha ma! a yuka keyu yo hvch isht ona tuk oke; a yuka keyu yvto haknip yukpali keyu, amba it i hullot it apelahanchi yak oke.

14. Anumpa achvfa ho vba nan vlpisa a moma kv isht ai ahli hoka; yvmvvt ilvppak oke, Chin chuka panta hatak a ish i hullo kv chishno ak inli ho chim itilauashke.

15. Amba iti koblit, vpt hvsh ititahli hokmvt, iti okpvnt hvch ik iti tahlo ka chi kv, ahah! hvsh ahnashke.

16. Yohmi ka Shilombish iba foyukvt hvsh ayashke; yohmi hokmvto, haknip nan ahni okpulo ya hvch ik ai ahlecho ka chi hoke.

17. Haknip nan ahni kv Shilombish a im i sanalikma, Shilombish nan ahni kv haknip a im i sanali hoke; micha ilvppvt it im inla hoke: yvmohmi ho nana yvmihcha he hvsh ahni kia hvsh yvmihcha he keyu hoke.

18. Amba Shilombish ak osh hvch isht aya hokma, nan vlpisa ya hvsh i nutaka keyu hoke.

19. Yvmohmi ka haknip atoksvli otvni yvmvvt ilvppak oke: Haui toba, itin lumaka, na liteha, haui anukfili,

20. Na holba aiokpvchi, ikhish isht yushpakama, iti mukkilli, itachowa, iti shahshohlechi, anukhobela, iti yichi-na, ita kvshkovt nan vlpisa i sanali, vbanumpuli iksa iti filamohli,

21. It i potvno, hatak bika vbi, okishko shahli, okishkot tussahvt aya, micha yvmima chohmi puta ka tikba ma hvchim anoli li ak inli tok kia, himak a atuklant hvchim

anoli li ka, ilvppa yvmihchi puta kv̄t Chihowa im apehli-
chika yō isha he v̄hpesa keyu hoke.

22. Amba Shilombish o isht ai vni hokvto, I hullo, na-
yukpa, it i nanaiya, nuktaiyalvt nokowa s̄laha, anukf̄ila
yohbi, nana achukma yvmohmi, na yimmi,

23. Il aiokha bv̄nna keyu, ahah! ahnit il oktampli;
yvmma chohmi ka onvtonla kv̄t nan v̄hpisa yvt ik-
shoshke.

24. Yohmi ka kv̄na hosh Klaist a immi hokvto haknip,
micha haknip nan isht i hullo, micha nan ai ahni okpulo
yā haknip ash aieninchit ititaiyukhvna a takalichit illich̄i
hoke.

25. Shilombish ak o il ai okchaya hokmvt, Shilombish a
iba foyukvt il iba nohōwa mak inlashke.

26. Nana ik ahobo a holitopa yā ahnit it i nokowvchit, it
i potv̄mnot kiloh ai asho kashke.

CHAPTA VI.

Kv̄na hosh nana kv̄t ik im v̄hpeso ka i kanvt nan im anukf̄ila he,
micha nan i weki ka ib ai isha he i miha, 1; 6 v̄banumpa isht
anumpuli yoka nana ka isht im v̄ttvt apelacha he i miha: nan v̄h-
pisa chinto nitak yvmmak okv̄no momvt nan im v̄hpisa hi a anoli.

1. ITIBAPISHI li v̄hleha ma! hatak kv̄na kia nan ai
ashv̄chi ka iba chukowa hokma, Shilombish anukfoyuka
hv̄chia hv̄t, chukv̄sh isht i nukhaklot yvmma chohmi kash
falaminchit hv̄sh hilechashke; hv̄chishno kia nan ai ashv̄chi
hv̄chi ai itula hinla kv̄t, hv̄sh il anukf̄ihinlashke.

2. Nana isht a hv̄ch̄i weki puyuta ka hv̄sh it̄i shaiya-
lashke; yohmi hosh Klaist i nan v̄hpisa yā hv̄sh ai ahli-
chashke.

3. Hatak vt nana keyu kia, na sa fehna ahni hokmvt,
ilap inli hosh ile haksichi hoke.

4. Amba hatak puyuta kv̄t ilap nan isht ai v̄tta yak o
yakohmi ahnit, pisashke; yvmohmi hosh inla yō ai yukpa
keyut, ilap ak inli tuk ak osh nan isht il ai yubukpa ch̄i
hoke.

5. Hatak puyuta kvt ilap i shahpo illa h_o shaiyala he oka.

6. K_vna hosh vbanumpa h_a isht im vlv_vchi hokmvt, nan im abvchi yvmmak ash nana hochukma puta ka it ibai eshashke.

7. Hvchik ile haksecho kashke; Chihowa hvt isht ik si yopulá, ahni keyu hoke; hatak vt nana h_o hokechi tuk mvt, yvmmak o vma hi oke.

8. K_vna hosh haknip ak o i hokechi hatuk okvto, haknip ak o isht okpula hi o vma hi oke; amba k_vna hosh Shilombish ak o i hokechi hatuk okvto, Shilombish ak o ai okchaya billa yo vma hi oke.

9. Yohmi kvt nana achukma isht il ahanta kvt ik pin takobo kashke; pi tikambi keyu hokmvt, nitak ont ai vlv-piesakma, il ai vma hi okvt.

10. Yohmi hoka hatak moma ka nana il im ai achukma la hi vt pin takalikmvt, e yvmihchikmvt, na yimmi in chuka chvfa vhleha yokak heno i shahlichit il i yvmih-chashke.

11. Holisso chito kvt, kaniohmi h_o vno svbbak ak inli h_o pit isht hvchi holissochi li tuk a hopesá.

12. Haknip ak o isht otvni achukma he ahni aiyukali hokvto, hakshup t_vpa he ak o hvchim ahnishke; yvmmak keyukmvt Klaist ititaiyukhvna ai illi pulla hatuk mak o na palvmmi pisa hinla kak illa kak osh yvmohmi hoke.

13. Yohmi ka hakshup t_vpa vhleha ilap inli kak kia vba nan vlvpisa ya holitobli keyu: yohmi kia hvchi hakshup t_vpa he hvchim ahni kvt, hvchi haknip ak o isht ilauata he ahni hoke.

14. Amba vno yokvto isht ak ilauato pulla he, pin Chitokaka Chisvs Klaist ititaiyukhvna atakalit illi tok ak banashke: yvmmak atuk pulla mak o yakni vt ititaiyukhvna vm ai illi, mikmvt vno yvt yakni a im ai illi li hoke.

15. Klaist Chisvs imma hokvno hakshup t_vpa, micha hakshup t_vpa keyu aiena kvt nana keyu, amba himonvt toba ak illa hoke.

16. Laua kv̄t kaniohmi hosh anumpa v̄lhpisa ilvppak ash im antiṽt aya, micha Chihowa im Islael aiena hokmo isht ī nanaiya, micha isht ī nukhāklo ita tuklo kv̄t onwtuyu-lashke.

17. Chitokaka Chisvs pulla hatuk mak o sa haknip a na m̄isa laua ka isht shaiyali li hoka; himak a pilla mvno hatak nana kia ik si ataklammo kashke.

18. Itibapishi li v̄hleha ma! pin Chitokaka Chisvs Klaist isht ī kana yvt hv̄chimi shilombish a anukfoyukashke. Amen.

HOLISSO PAL VT

CHVCH EFESVS

A HIKIA HO I HOLISSOCHI TOK.

CHAPTA I.

Pal vt Efeshan okla pit ai okpvchi, 1; 4 vbanumpuli vhleha hvt yakni vtik tobo kisha mak o vltahvt Chihowa im vlla vhleha toba tok, 11 Klaist pulla hq nan ai yukpa ai immi ha he im vlpisa 13 Shilombish Holitopa yo isht ai ahlit kullo; 17 mihmvt Chitokaka Chisvs Klaist im a holitopa vba ya pisa hi mak o vba anumpo-honli.

1. PAL, Chihowa nan ai ahni ha tuk pulla mak o Chisvs Klaist im apostel vt vbanumpuli ahli Efesvs ai asha, micha Klaist Chisvs i yimmi aiena ka pit aiokpvchishke.

2. Piki Chihowa, micha Chitokaka Chisvs Klaist ita tuklo nan isht i kana, micha isht it i nanaiya ita tuklo kvv hvchi anukfoyukashke.

3. Chihowa pin Chitokaka Chisvs Klaist Iki, yvmmak osh Chisvs ak atuk mak o vba nana ishit pi yukpahanli yvt holitopashke:

4. Yohmi hosh yakni in tolahpi vt iksho pilla ma, Klaist a a pi atokoli kvv, i hullot nan ai ashvchi iksho, micha liteha iksho hosh yvma itikba il aya he ak atok oke.

5. Ycmohmi kak osh vlpesa ahni pulla tuk mak osh, Chisvs Klaist atuk mak o ilap im vlla e toba he ak o, tik-banli pi atokoli tok,

6. Yohmi kvv isht i kana chinto yvt isht annghowa he,

yvmmak pulla hō Holitopa achufa yvmma a pi ahninchī tok.

7. Yvmmak ash pulla im issish o isht a pi vltoba mvt, isht i kana yvt chinto pulla hatuk mak o nan pim ai ashvchi yvt pi kashofa hoke :

8. Yohmi kv̄t hopoyuksa biekvt im anukfila chinto hosh, isht i kana yvmma chitolechit pihjma tok oke ;

9. Yvmihcha he il ai ahni tok vt vlpiesa ahni pulla hosh, im anukfila luma hatok a pim otvninchī kv̄t ;

10. Yvmmvt nitak vt ont ai vlpiesakma, nana puta vba ai asha, micha yakni pakna ai asha aiena ka itahobit achufalechit, Klaist yvmma fehna ka i nutakacha he ak atok :

11. Yvmmak inli pulla hō il ai isha he vlpesa e toba hi osh, ilap nan ahni bieka hosh nana moma ka yvmihchi chatuk im anufila hō, tikbanli pi vltoka tok :

12. Yohmi kv̄t na tjkba Klaist a il anukchieto tuk pishno ak o im a holitopa yvt a pi annohwa chī hatok.

13. Hvchishno ak kia anumpa ahli vbanumpa isht hvsh ai okchaya hvsh haklo hayvt, yvmmak ash hvsh anukchieto tuk ak inli ; hvchi yimmi ha yosh, yvmmak ash nana im ihjsa tok Shilombish Holitopa yvmma isht hvchim ai ahli tok,

14. Yvmmak okvt nana il ai isha he vlpesa ka il isha he atokowa isht vlpisa hosh mahaya tuk o falaminchit chum-pvt a pim atabli tok a il ishi na, yvmma im a holitopa yvt isht annohwak mak a he oke.

15. Yvmohmi ka vno yak kia Chitokaka Chisvs a hvsh i yimmi, micha vbanumpa yimmi ahli moma ka hvsh i hullo ka, haklo li hayvt,

16. Yak oke ishit hvchi ahni li kv̄t, issa li keyu mvt, micha anumpa ilbvsha anumpuli likmvt, isht hvchi anohoni li hoke ;

17. Yohmi ka pin Chitokaka Chisvs Klaist in Chihowa, na holitopa puta lki vt Shilombish isht a hopoyuksa, micha isht otvninchī hvch ima na yvmma ithaiyanvt hvsh mahaya he ;

18. Nan isht hvsh anukfilli i holhponayo yvt in tohwikeli

na, ai okchaya hvsh pihisa hi o hvchi atokoli kv̄t kaniohmi, micha vbanumpa yimmi ahli ya isht a holitopa chinto il ai isha hi vt kaniohmi,

19. Michā ilap nan isht im ai ahli chinto a yvmihchi kv̄t, na yimmi v̄hleha pia hā ilap nan isht im ai ahli chinto fehra ka isht pī yvmihichi kv̄t kaniohmi aiena ka, hvsh a kostinincha he ak atuk oke.

20. Yvmmak ash o yvmihchi hosh, Klaist illi tuk a fala-minchit tanichit, vba a holitopa ilap ak inli ibbak isht impakimma yō binilichit,

21. Hochitoka puta, nan v̄lhtoka puta, nan im ai ahli, nan i shahli puta, micha na hohchifo moma yvm̄vt yakni ilvppa a hohchihifo kak bano keyu, amba yakni yvm̄vt v̄la chi aiena ka i shaiyahli yak oke:

22. Yohmi kv̄t nana moma ka yvma iyi nutakvchi, mih̄mv̄t chvch im ai achukma chi ka nana moma i noshkoba ha chi ka atokoli tok,

23. Yvmmak ashot ilap haknip oke, ilvppak osh kanima moma alotoli a isht alota mak oke.

CHAPTA II.

Im anukfila kaniohmi yosh il v̄tta tok, 1; 3 Chihowa nan isht i kana pulla hō kaniohmit pim anukfila ka anoli; 10 nan achukma ka e yvmihcha he e toba tok; 13 Klaist il im antia hokmv̄t, vba imma nan im v̄lhtaha hash il ahanta cha, Chihowa im okla achv̄fa mak o pia ha hi a tok.

1. YOHMI kv̄t na yoshuba, micha nan ai ashvchi isht hvchi illi yatuk a, hvchi okchalinechi tok oke.

2. Ilvppa chiyuhmi ka chashpo ma hvsh ai itvnowa kv̄t, yakni ilvppa ai yvmohmi cha tuk a yvmohmit shutik takla i miko, shilombish vbanumpa ik im antio puta anukfoyukv̄t isht aya kak o, iakaiya hosh hvsh itvnowa tok oke:

3. Yohmi kak o pishno ak kia chashpo ma iba takla pi haknip im anukfila ik achukmo iakaiyvt, haknip nan ai ahni, micha chukvsh nan ai ahni aiena hō e yvmohmi tuk oke;

yohmi kv̄t chukvsh okpulo v̄mmona il ishi tok moma kv̄t im ai anukilli pi onvtonla kv̄t, inla yak inli chohmi hoke.

4. Yohmi tok kia Chihowa nan i nukhaklo chinto im ai v̄lhtayak pulla hosh, nan isht i hullo chito h̄o isht pi hullo hatuk osh,

5. Nan ai ashvchi isht pilli moma kia, Klaist iba taklan-chit hvpi okchalanchi tok oke; isht i kana pulla h̄o hvchi okchaya hoke;

6. Micha Chisvs Klaist ibafohkit wakayvchit, v̄ba a holi-topa puta pi binilichi tok oke;

7. Yohmi hosh himak a pilla ma Klaist Chisvs pulla h̄o pi nukhaklo tuk vt, isht i kana chinto fehna ka isht otr-nincha chi hatok.

8. Na yimmi kak osh isht i kana pulla h̄o hvchi okchaya hoke; yohmi kv̄t ilv̄pvt hvchishno na hvsh ahni kak keyu, Chihowa na hvch ima kak oke.

9. Nan toksvli kak keyu, yummak keyukma kv̄na kia isht ilauata yoba n̄a.

10. Yv̄mma im a toba hv̄pia kv̄t, nan toksvli achukma isht il ahanta hi osh Klaist Chisvs ak o il a toba tok; yv̄mma il ai itv̄nowa hi o Chihowa hv̄t tikbanli apesa tok.

11. Yvmohmi ka nitak chashpo ma haknip i nuta yosh Chentail hv̄chia ma, nipi hakshup t̄pa ibbak isht toba hoh-chifo yummak okv̄t hakshup ik tapo hv̄chi hochifo hoke.

12. Yohmi kv̄t yv̄mma foka mv̄no Klaist ibafoyuka keyut, Israēl okla ai achv̄fa hv̄sh ahalaia keyu, micha nan im issa tok isht it im v̄lhpisa hv̄ch ik ahalaio, aiokchaya pisa he ahni ik im iksho, Chihowa ik ithano yosh yakn̄i a hv̄sh ai asha tok.

13. Yohmi tok kia himak ano Chisvs Klaist pulla hafuk mak o hv̄chishno vt tikba mv̄no hv̄sh mishemanchi tuk vt, Chisvs im issish o isht hv̄sh a bilika kv̄t hv̄sh ithaiyanashke.

14. Yummak osh pit i nanaiyvchi yosh, e tuklo ka achv̄fa pikbi cha, holihta nan isht pit i filv̄mmichi yatuk a ishit kanchi tok oke;

15. Yohmi kv̄t nan isht it i nukilli nan isht v̄lhpisa yv̄t im v̄lhpisa tok, haknip isht ilbv̄sha cha, ishit kanchi tok;

yohmi hosh tuklo ka hatak himona achvfa il ai ikbi cha, it i nanaiyvcha chi hatok :

16. Yohmi kv̄t ititaiyukhvna pulla hō tuklo ka haknip achvfa isht ikbit, yvmmak o it i nukkilli tuk a ai illichī cha, Chihowa yā it i kanvcha chi hatok :

17. Atuk osh mishemanchit hvsh ai asha, micha bilika ai asha aiena tuk a, anumpa isht it i nanaiyvchi isht anumpulit hvchim aya tok oke.

18. Yvmmak atuk pulla hō Shilombish achvfa hosh pi anukfokkichi hō, il ita tuklo kv̄t Ūba Iki il im ohōna hokvt.

19. Yakeh ! yohmi ka himak a pilla ma ik ahalaio okla inla yō hvchia keyu, amba vbanumpuli ibai okla, micha Chihowa in chuka chvfa hvchia hoke.

20. Yohmi cha apostel, micha hopaii puta kv̄t in tolahpi yokma, Chisvs Klaist ak inli hosh noshkoboka chukbika tli yō, onvtula hosh hvsh it abana hoke.

21. Yvmmak o ai it abana iti fohka achukma kv̄t, Chitokaka ibafoyukvt tempel holitopa tobtv isht mahaya hoke.

22. Yvmmak o hvchishno ak kia hvsh ai it abana cha, Chihowa im aboha imi Shilombish a foyuka hvsh toba hoke.

CHAPTA III.

Chentail vt vbanumpa habena he atok, 1 ; 9 Pal vt im anumpohonla he vt vltoka ; 14 mihmvt Chihowa nan i hullo tok a okla akostinicha chi ka vba asihila ; 20 mihmvt nan isht aiokchaya chinto vt yakohmi ha tuk o Chihowa ya yakoke im ai ahni.

1. ILUPPA pulla kak o Pal sia hv̄t Chentail hvchia hatuk mak o Chisvs Klaist i yuka sia hoke.

2. Chihowa nan isht i kana vlpisa ishit hvchim anumpuli la chi hō vma tok a, hvsh haklo mvhli tok a ;

3. Yvmvt Chihowa im anukfila luma hatok a kaniohmichit vm otvninchi tok a, anumpa ik lauwo ka tikba ka hvchi holissochi li tok oke.

4. Yvmmak o hvsh itim anumpulimvt, Klaist im anukfila luma hatok a ithana li ka, hvsh akostinicha hinla hoke ;

5. Yvmvt nitak tikba ma hatak ushi vhleha hā im an-

noa tok a ohmi keyu ho; himak ano Shilombish vt apostel holitopa vhleha, micha hopaii puta aiena ka im otvinnichi hoke;

6. Yvmohmi na Chentail vt vbanumpa pulla ho iba tak-lvt nan ai isha he vhpesa toba, micha haknip ai achvfa toba cha, Klaist pulla ho nan im ihisa tok a ibai isha he atok:

7. Chihowa yvt ilap nan isht im ai ahli vm ai yvmihinch pulla hosh, ilap nan isht i kana vma pulla ho, vbanumpa isht vta toba li tok oke.

8. Uno vt vbanumpa yimmi moma ik lauwo ka ik a lauwo sia hoh kia, isht i kana ilvppa vma na Klaist nan isht yukupali kena hosh ithvvt hlopullicha he keyu a, Chentail a isht im anumpuli la hi atok.

9. Micha im anukfila luma hatok a itibai achvfa kvk niohmi ka hatak moma ka pisachi la hi atok; yemma yakni tobahpi a minti ka Chihowa hvk Chisvs Klaist nana moma ka isht ikbi tok vt, luhmit ieshi tok;

10. Yvmohma hi o himak ano hochitoka ilaiyuka, nan vltoka ilaiyuka, vba a holitopa ai asha kvk, chvch pulla atuk mak o Chihowa a hopoyuksa chinto kvk im otaiyana hi atok.

11. Yohmi kvk Chisvs Klaist pin Chitokaka isht yvmihcha he im anukfila bilia tok mak osh yvmihchishke.

12. Mihi yo i yimmi kak osh pi nukwaya keyut, pi hakla chj ahnit, pi anukfoyukvt il im ohona hoke.

13. Yohmi ka hvchishno ak atuk mak o nan isht svlbusha ka, yvmvvt nan isht a hvchi holitopa hokvt hvchi chukvsh isht ik hvchim ello kashke.

14, 15. Ilvppa pulla kak o pin Chitokaka Chisvs Klaist, yvmmak o chuka chvfa vba yakni a ai asha, micha yakni ai asha a moyuma kvk ai a hohchifo Iki a i hvchukbehlipa li kvk,

16. Isht im a holitopa chinto fehna ka hvch ima na, imi Shilombish vt chukvsh isht hlampko isht hvchi hlampko-honchi;

17. Micha na hvchi yimmi ho Klaist vt hvchi chukvsh a

anukfoyuka he yohmi lishke; yohmi hō nan isht i hullo a akshish a tobt a hvchi kvllo hosh,

18. Ubanumpuli ahli puta iba taklvt a pvtha, micha afa-laia ka, micha hofobi, micha chaha aiena ka hvsh akostinin-cha hinla hoke.

19. Michā Klaist vt nan isht pi hullo ka ai ithvna he atampa ka hvsh ithvna hosh, Chihowa isht alotowa moma kv̄t isht hvchi alotowa he ak atok.

20. Yvmmak osh ilap im isht hlampko isht pi hlampko-honchi kv̄t, nana hō il asilhha, keyukmvt nan il anukfilli moma atampa fehna ka pim atahla hinla,

21. Mihi yosh Klaist atuk pulla mak o chvch isht a holi-topa na nitak ataha iksho, yakni ataha iksko kashke. Amen.

CHAPTA IV.

Itib achvfa he i miha, 1; 7 Chihowa hv̄t 11 in chvch vt nan isht hlampkot i shaht mahaya chi ka im okla ha shilombish holhpela il aiyuka ihima ka anoli; 17 nan a kaniohmi tikba yatuk a naksi ka bohli; 28 nana a kaniohma he v̄lhpesa ka yvmihchi, micha nan ik v̄lhpeso moma ka mokofa chi ka i miha.

1. YUMOHMI ka Chitokaka atuk mak o yuka sia hv̄t hvsh a yvmohma he hvchi v̄lhtoka tuk vt, ai v̄lhpiesvt hvsh ayvt,

2. Chukvsh akanlosi, micha chukvsh yohbi, micha anuk-hobela svlahvt, iti hullot, it im i nuktaiyalvt;

3. Shilombish ai isht itibai achvfut nan isht it i nanaiya isht iti talakchi kak o hvsh ai ahna he, hvchim asilhha lishke.

4. Yohmi ka haknip achvfa, micha Shilombish achvfa hosh aiasha, yvmmak inli hō chohmit hvsh a yvmohma he hvchi v̄lhtoka tok vt, ai okchaya pisa he hvsh ai ahni kv̄t achvfa hoke.

5. Chitokaka yvt achvfa, na yimmi mvt achvfa, baptismo mvt achvfa,

6. Moma Iki achvfa, yvmmvt nana moma i shahli; nana moma a hlopulli, hvsh moyuma ka hvchi foyuka hoke.

7. Yohmi ak inli kia e moma ka nan isht i kana pima kvt, Klaist i na hvlbina kaniohmi ho pi anukfohki kak oke.

8. Yvmohmi kak o vba ia mvt, yuka lawa yukachit isht ayvt, na hvlbina puta ka hatak puta ka ima tok, achishke.

9. Yohmi ka vba ia tok, achi kvt nanta hoh cho? amba yvmmt tikba ma vba mintit aka yakni vla tok ak inli keyu?

10. Vba minti tok mihi yo ak inli hosh vba shutik pakna-ka pilla ona kvt, nana moma alotowa chi kak atok.

11. Micha kanimi kvt apostel; micha kanimi kvt hopai; micha kanimi kvt vbanumpa tosholi; micha kanimi kvt iksa apesvchi; micha kanimi kvt nan ithvnanchi aiena ya chi ima tok:

12. Yohmi kvt vbanumpa yimmi vhleha ha ai ahlich he, vbanumpa isht vta he, Klaist haknip ithvnanchit hlampko-honcha hi ak atok oke.

13. Yvmohmi na e moma kvt mahayvt nan ai yimmi ka, micha Chihowa Ushi ai ithva aiena ka ont il ai achvft, hatak im ahli e tobt, Klaist vt a kaniohmit ai alotowa feh-na ka e chiyuhma hi oke:

14. Yvmohmi hosh himak a pilla ma vlla pia keyu hosh, oka piakvchi ka chohmit, anumpa il aiyukali mahli chohmi hatak vt nan isht i kostini o isht haksicha chi kvt, isht im aibinchi ka ibafokvt ke fullokancho kashke.

15. Amba i hullo hosh anumpa ahli anumpulit, nan ok-luha ka isht im a hofantit mahayvt, Klaist yvmmt noshko-boka ya e chiyuhmashke.

16. Yvmmak o haknip moma kvt ai itifohka achukma, micha hakshish puta isht iti talakchi hosh moma kvt nana a kaniohma he vhpisa kvt, ahlit yohmit it apelachi hosh haknip isht a chitot isht it i hullot mahaya hoke.

17. Yohmi ka ilvppa achi li mvt, anonti himak a pilla ma Chentail inla im anukfila ik ahobo,

18. Im anukfila okhlili, micha chukvsh vt okpulo fehna hatuk osh, nana ik ithano anukfoka kak osh, Chihowa im ai okchaya i filvmit yoshvvt aya;

19. Chukvsh svlahbot atupa, na havi atampa, na liteha puta asitvt isht ahanta ka hvch ik ai itvnowo ka he

mak o, Chitokaka pulla hatuk mak o atokolit hvchim anoli lishke.

20. Amba hvchishno vt yvmohma hi osh Klaist a hvsh ithvna tuk keyu hoke:

21. Yohmi ka hvsh i haponaklo cha, Chisvs im anumpa ahli yo isht hvchim vlvchi tuk okmvt;

22. Tikba ma nana hvsh a kaniohmi tok vt hatak sipokni, yvmmt na haksichi chukvsh okpulo isht yoshuba aiena kvno, naksika hvsh bohlashke:

23. Micha chukvsh isht hvsh anukfilli vt himonvt tobashke:

24. Micha hatak himona, yvmmt Chihowa holba tobvt nan ai vlpiesa, micha nan ai ashvchi ik im iksho ahli mak o isht hvsh foyukashke.

25. Yohmi hokvt na holabi puta naksika bohlit anumpa ahli in chuka panta hatak a hatak moma kv im anumpulashke; hknip il itib achvfa hokvt:

26. Hvchi nokowa kia, ik hvchi yoshubo kashke; hvsh nokowa moma na hvshi vt ik okvtulo kashke.

27. Micha nan isht a hullo okpulo ya hvchik i kanvillo kashke.

28. Kvna kia hukopa tuk vt, himmak ma ik hukopo kashke; amba ik plesa cha nana achukma kak o ibbak isht tok-sahanli hosh, kvna kia ilbvshakma ima hi vt nan ahayuchashke.

29. Anumpa liteha yvt chitih ha ik kohchot, amba nana kv achukma isht hlampka he, micha haklo puta kv isht im achukma he ak ashke.

30. Micha Chihowa imi Shilombish Holitopa, yvmmak o hvsh ai okchaya he nitak pit isht hvchim vlpisa kv, hvchik nukhaklocho kashke.

31. Chukvsh homi, micha it i nokowa, micha nukhobela, micha itachowa, micha anumpa ik achukmo nanumachi, micha nan ik achukmo puta aiena kv naksika itonlashke.

32. Micha it i kanvt, chukvsh na hih isht iti ahnit, Chihowa hv Klaist ak atuk mak o hvchi kashofi tuk a chohmit, hvsh it i kashohofashke.

CHAPTER V.

Chihowa ya im antiwt nan ai i hullo yo ai itanohowa he, 1; 3 im anumpa liteha hosh itanowa beka tuk vt naksika bohla he; 18 nan ishkot hakshe he imma ka ik ahalaio ka he, amba shilombish holitopa yo isht anukfoyukvt im vltaha he nan i miha; 22 Ohoyo hvt ka niohmit ahanta he, ilap i hatak a im antia he; 25 Klaist vt chvch a i hullo ka chohmit hatak vt im ohoyo ha i hulla he nan isht miha.

1. YUMOHMI hoka vlla holitopa yo chiyuhmit Chihowa ya hvsh iakaiyashke.

2. Micha Klaist vt pi hullo cha, pishno ak atuk mak o nan ashvchi isht vltoba, Chihowa nan i balama, isht il im issa tok a chiyuhmit, ai it i hullot hvsh ai itnowashke.

3. Amba haui toba, micha nana liteha puta, nan anushkunna atampa vbanumpa yimmi vt yohma he vhpesa keyuka, himonna kia yohmi tok achit ik hvchi annowo kashke.

4. Micha anumpa isht a hofahya, anumpa makali anum-puli, na yopula, a ymohma he ai vhpiesa keyu ka hvch ik anumpulo hosh, amba Chihowa ya yak oke im ai ahni kak osh hvchim i shahlashke.

5. Hatak haui nana kia, hatak ik kashofo, hatak nan anushkunna atampa, ymmvt na holvt toba aiokpuchi, ilvptvt Klaist, micha Chihowa im apchlichika nan ai isha he vhpiesa keyu ka hvsh ithana hoke.

6. Hatak nana kia anumpa ik achukmo isht ik hvchi haksecho kashke: ilvppa puyuta pulla kak o Chihowa nan isht i nukkilli yvt vbanumpa ik im antio hatak puta ka onvtuyula hoke.

7. Ymohmi hoka ymmak okvno hvchishno vt na hvch ik iba taklo yashke.

8. Tikba ma hvchi okhlili tok kia, himak ano Chitokaka hvsh a tohwikeli hokvt, tohwikeli vlla yo chohmit hvsh itnowashke.

9. Shilombish isht ai vni hokvto nana achukma bieka, micha nan aivhpiesa ymohmi, micha anumpa ahli yak oke.

10. Yohmi cha nana ho Chitokaka yvt aiokpanchikma, hvsh akostinincha hi oke.
11. Micha okhlili ka a toksvli nan ik vno hvch ik iba taklo hosh, amba ik im ahninchot hvsh im alvmmashke.
12. Alumaka ho nana kvv ai yvmohmi tuk a isht anum-puli illa kak kia, isht hofaya he vhpesa hoke.
13. Yohmi ka atokowa otvni kvv nan tohwikeli ak o isht otvni hoke : nana hosh nana ka otvvinchikmvv, yvmmak osh tohwikeli hoke.
14. Yvmohmi kak o, Nusi tuk chia kvv, chi okchashke, micha illi tuk chia kvv falamvv ish tanashke, mikma Klaist vt tohwikeli chima chi hoke, achi hoke.
15. Yohmi ka im anukfila iksho chohmi keyvt, amba hopoyksa chohmit ahah ! ahnit hvsh itvnowashke.
16. Nitak vt ik hvchi kvnio hosh nan isht hvsh il im ahantashke ; nitak hvsh ai ahanta kvv ik achukmo hoka.
17. Yvmohmi hoka ik hopoyukso yo hvchia keyu hosh, amba Ckitokaka im anukfila hvv kaniohmi ka hvsh akostin-inchashke.
18. Micha oka homi isht ik hvchi hakso, yvmmvv im ilayak isht yopomo yoke ; amba Shilombish ak o isht hvchi alotowashke.
19. Vba isht taloa, micha Shilombish imma isht taloa aiena ka isht il ai anumpohonlit, chukvv isht in champulit Chitokaka ya hvsh in talohowashke.
20. Nana puta ka pin Chitokaka Chisvs Klaist isht hochihifot Chihowa, yvmmvv Iki mak oka, yak oke ai ahnit, il aiokpahanchashke.
21. Chihowa i nukshohompa hosh hvsh it im antiashke.
22. Tekchi vhleha ma ! Chitokaka chohmichit hvchi hatak a hvsh im antiashke.
23. Klaist vt chvch a i noshkobo ya yvmmak inli ho chohmit hatak vt ilap tekchi a i noshkoboka yoka : micha yvmmvv haknvp ai okchaya mak oke.
24. Yvmohmi ka chvch vt Klaist a im antia ka yvmmak inli ho chohmit, tekchi vhleha hvv nana puta ka ilap i hatak a isht im antiashke.

25. I hatak vñleha ma! hvchi tekchi a hvsh i hullo kv, Klaist vt chvch a i hullo hosh, il im issa tok ak inli ka, hvsh chiyuhmichashke:

26. Yvmohmi kv oka isht achifv vbanumpa isht kashofv na hullochi cha,

27. Chvch holitopa, na liteha lapali iksho, shinowa, yvma chohmi nana kia iksho hō ilap itikba hilecha chi hatok; ahli a holitopa, imomokpulo keyu hō ilap itikba hilech, chi hatok.

28. Yvmmak inli hō chiyuhmit, hatak puta kv ilap haknip chiyuhmichit, tekchi vñleha hā i hulla he vñpesa hoke. Kvna hosh tekchi a i huhullo kv, ilap a i hullo hoke.

29. Kvna kia ilap haknip a i nukkilli chatuk keyu hoka; amba Chitokaka yv chvch a i yvmihchi ak inli hō chohmit, apovchit hiahnit ilauei hoke.

30. Pishno vt yvmma haknip, nipi micha foni aiena ka ai achvfa pia hoka.

31. Ilvppa pulla kak o hatak vt iki, micha ishki ita tuklo ka issa cha, tekchi ak o asitia he, mikmv tuklo ilvppvt nipi achvfa hi oke.

32. Ilvppvt na fehna chinto hoke: yohmi kia Klaist, micha chvch ita tuklo yvmmak o isht miha lishke.

33. Yohmi ak inli kia hvchishno hvsh puta aiyukali kv ilap inli chiyuhmit hvchi tekchi a hvsh i hullashke; mikma tekchi vt yohmi ahnit, i hatak a holitoblashke.

CHAPTA VI.

Vlla yv ishki, micha iki ita tuklo ka im antia he vt vñpesa, 1, 6 yuka hv i shahli hā im antia he vt vñpesa: 9 mikma i shahli hv ai vñpiesa mak o i yuka hā i yvmohma he vñpesa; 10 na pi ok chaya ilvppvt il itihimbi; 13 vbanumpuli vt nan isht ile atukkochi, 18 yohmi ka kanimihchit ilvppak ash isht āya he ānoli.

1. VLLA vñleha ma! Chitokaka ak o hvch iki, micha hvch ishki ita tuklo hvsh im antiashke; ilvppak osh vñpesa hoka.

2. Chiki, micha chishki ita tuklo ka ish holitoblashke, ilupvt anumpa vhpisa nan im issa ya apatoa vmmona.

3. Yohmi hosh chim achukmvt hopaki ho yakni paknaka ish ai ahantashke.

4. Mikma iki hvchia hvt hvchim vlla ya hvch ik nokowv-cho kashke: amba Chitokaka yak o anukfohki, micha nan ai ahni yak o a fohkit hvsh hofantihinchashke.

5. Yuka vhleha ma! yakni iluppak inli haknip isht hvchi nahullo ya i nukwiyvt wvnilinchit, chukvsh apissali kv, Klaist ak inli ho chohmichit hvsh im antiashke.

6. Yohmi kv hatak yukpali yo chohmit, nishkin pisa bano toksvli keyu; amba Klaist in tishu ho chohmit hvchi chukvsh fehna Chihowa nan ai ahni ya hvsh yvmihinchashke:

7. Yohmi kv aiokpanchit yuka a toksvli toksvli, Chitokaka yak o i yvmihchi, hatak ak o keyu;

8. Nana achukma nana ho hatak kvna kia yuka hokma, yuka keyu hokma, nana hoh kia yvmihchikma, yvmak atuk mak inli ho Chitokaka ya im a habena hi a hvsh ithaiyanashke.

9. Mikma i nahullo hvchia hvt i nokowvt anumpuli iksho hosh, yvmak inli ho hvsh i yvmihinchashke: hatak iti shahshohlechit anukfilli keyu hosh, vba yakni hvchim i Shahli yvt binili ka hvsh ithaiyanashke.

10. Ishtaiyopi ka itibapishi li vhleha ma! Chitokaka a hlampkot im a hlampko chinto yo hvsh a hlampkashke.

11. Nan isht ahullo okpulo isht a yoshubli a im i sanalit hvsh hikia hinla kv, nan isht il atukkochi Chihowa yvt atahli tok a a moyuma ka hvsh foyukashke.

12. Nipi, micha issish o im i sanalit il itibi keyu, amba miko vhleha, nan vhltoke, hochitoka, yakni ai okhlili ka ilvpa pehlichi vhleha, shilombish okpulo vba itvnowa puta aiena kak oke.

13. Yvmohmi ka nitak ik achukmo ka im ai i sanalit hikia, micha hvsh atahli hayvt, hvsh hikia hinla kv, nan isht il atukkochi Chihowa yvt atahli tok a moyuma ka hvsh il ai eshashke.

14. Yvmohmi ka anumpa ai ahli isht vskofaiyachit nana isht ai vlpiesa ikkishi alata ho foyukvt,

15. Micha vbanumpa it i nanaiyvchi nan isht im vltai-yaha ma hvch iyi isht hoyulo hosh hvsh hikiashke.

16. Nan okpulo yvmma im iti naki ishit hulghushmi puta ka isht hvsh mosholicha hinla kv, moma pahnaka ya telihpa na yimmi ka mak o hvsh il ai eshashke.

17. Noshkobo isht ompoholmo ai okchaya, micha Shilombish i bvshpo falaia, yvmmvt Chihowa im anumpa mak oka hvsh ieshashke.

18. Shilombish anukfoyuka hosh anumpa ilbvsha puta im anumpohonlit, asihihla hosh achunanchit ahah! ahani, micha vbanumpa yimmi puta ka isht hvsh asihihlashke:

19. Micha vno ma isht hvv si anumpohonlashke: yohmi na itih kohchit anumpuli la hi a vma na vbanumpa luma ya tok a anohonli la chi kv, nukwaya ikshot svthi ha wakvmmi lashke.

20. Yvmma pulla ho Vba Miko im anumpeshi talakehi sia hoke: si yvmohmi kia nukwaya ikshot anumpuli la he vlpesa hokvt, anumpuli la hi a vba isht hvv si anumpohonlashke.

21. Amba nana vm a kaniohmi, micha nana isht anta li aiena ka hvsh akostinincha chi ak inli kvno, Tikikv itibapishi a holitopa, micha Chitokaka nan im isht vta ai ahli ak osh nana moma ka hvchim anola chi hoke.

22. Yvmohma chi kak o yvmma hvchi pila li tuk oke; yohmi na nana pim a kaniohmi ka hvsh ithana chi hatuk; mikma hvchi chukvsh a hopohlva chi hoke.

23. Iki Chihowa, micha Chitokaka Chisvs Klaist a minti na yimmi ka isht ai it i hullo, micha it i nanaiya aiena kv itibapishi vhleha ha hvchi anukfokashke.

24. Chitokaka Chisvs Klaist i hullo ai ahli moyuma ka nan isht i kana yvt anukfokashke. Amen.

HOLISSO PAL VT

CHVCH FILIPPI

A HIKIA HO I HOLISSOCHI TOK.

CHAPTA I.

Filippi chvch hikia ka pit aiokpvchi, 1. 6 Na toksvli achukma isht wakaya tok vt Chihowa hvt isht ai ghlichit im atahla chi ka yimmi. 12 Lom aboha kvllo afoyuka ka nan isht im anukfila he nana hosh akaniohmi tuk a anoli. 22 Klaist pulla kak o okchaya kak okma, keyuknvt illi kak okma nana hi vt im vhltaiahvt anta tok vt anoli.

1. PAL, micha Timohlivs, ita tuklo Chisvs Klaist in tishu hvt vbanumpa yimmi ahli vhleha Chisvs Klaist ibafoyuka Filippi ai asha, bishop puta, micha chvch nan isht im vta puta aiena ka pit aiokpvchi kv,

2. Piki Chihowa, micha Chitokaka Chisvs Klaist ita tuklo nan isht i kana, micha isht it i nanaiya aiena kv hvechi anukfoyukashke, hvechim ahnishke.

3. Hvechi anukfilli li aiyuka kv an Chihowa ya yak oke im aiahnit,

4, 5. Nitak na hvechi yimmi tok vhlit mintit ant himak ak o hvechim ilayak iti hopinhinlv, vbanumpa isht hvsh apelvchi kak o, anumpa ilvsha isht hvechi anumpuli li puta kv chukvsh yukpv isht hvechi asihihla li bilivshke.

6. Ilvppa fehna ka sai yimmi hatuk osh, Nan toksvli achukma isht a hvechi wakaya kv, ai ghlichit Chisvs Klaist i nitak a hvech isht ona he, ilvppa fehna ka sai yimmi hatuk oke.

7. Yumohmit hvsh moma ka ilvppa hvchi anukfilli la he vlhpesa, sa chukvsh isht hvch ithaiyana li hokvt; vbanumpa isht anumpuli li, micha ai ghliehi li hosh sa talakchi aiena ka nan isht i kana hvs svb ai ishi hoka.

8. Chisvs Klaist hiahnit isht i hullo chohmit hvchi sa palata fehna ka, Chihowa yvt atokolit si anoli yoka.

9. Micha ilvppa asihihla lishke; yvmmtv Chihowa im anumpa ithanvt, hvsh akostininch i puta kak osh hvsh it i hullo kv, chitot isht i shahlit hvsh mahayashke.

10. Yumohmi hosh nana kv it im inla ka imoma ka pistv, achukmaka vlhpesa ahnit, ai ghli, isht im ai ibetvbla he iksho hosh Klaist i nitak a hvsh onashke.

11. Yumohmit Chisvs Klaist ak atuk mak o nan ai vlhpiesa isht ai vni isht a hvchi alotowa na, Chihowa yvt isht a holitoptv isht anumpa he yak oke.

12. Yohmi ka itibapishi li vhleha ma! nana vm a kaniohmi tuk a vbanumpa hvt isht i shahlit isht atoba tuk a hvsh ithana he, hvchim ai ahni lishke.

13. Yumohmi ka Klaist pulla ho sai yuka kv miko atoni tvshka chipota i holihta, micha kanima moma ka ai otvnishke.

14. Mihma itibapishi li vhleha laua kv sai yuka kak o Chitokaka anukehieto kv, isht i shahlit nukwaya keyu fehntv, nukshopa mvt iksho hosh vbanumpa ha isht anumpohonlishke.

15. Kanimi kv isht a potvno, micha nan isht an chowa aiena ka bvna hosh Klaist a isht anumpulikma; anonti kanimi kvto a kana he ahni hosh yohmi hoke.

16. Achvfa kv nan isht an chowa kak o ahni hosh Klaist a isht anumpulit, chukvsh ghli keyu hosh, sai yuka ka ai vbechit svlvshali bvna hosh:

17. Amba achvfa kvto holitobli hosh, vbanumpa afortv isht anumpuli la he si vlhtoka tuk a ithana hatuk osh, yohmi hoke.

18. Yohmi kvno ik kaniohmi hoh kia peh ilahobi hokma ghli hokma, nana kia Klaist vt isht anumpa hoke; yohmi na yvma a sai yukpa ghli hosh, a sai yuhukpa chi hoke.

19. Anumpa ilbvsha isht hvs si anumpohonli; micha Chisvs Klaist imi Shilombish vt si apelahanchi aiena, ilvpak osh isht si okchaya hi a ithana li hokvt,

20. Yvmmak a he ahni li fehna kv, nana kia isht sa hofahya he keyu, amba nukwaya iksho kvmohmit ai yvmohmi chatuk vt, a moyuma chi ho si okchaya hokmá, svlli hokmá, nana kia Klaist vt sa haknip a isht a holitopa hi a ahni li hoke.

21. Uno yak okvto si okchaya kv Klaist ak okmvt, anonti svlli hoh kia nan isht vm ai achukma hoke.

22. Yohmi kia haknip ak o ai anta li hokmvto, a toksvli li nan ai vni kv ilvppak oke; yohmi kia kanimampo ahni la hinla kv ak ithanoshke.

23. Yakni issvt ia lish, Klaist a ont ai ibachvfa li, yvmmak ok mak o i shahli fehna hoka sa bvna hatuk osh, nan a mia tuklo isht a svb bikeli hoka:

24. Yohmi kia haknip ai anta li kak o achukma kv isht hvchim i shahli hoke.

25. Micha ilvppa sai yimmi ahli hatuk osh, nana a hvchi yimmi kv i shahli a hvchi yukpa kv isht i shahla hi ak o hvsh moyuma ka hvchi takla ahanta la chi kv, ithana lishke.

26. Yohmi ka vno pulla, micha hvchim ona li kak o Chisvs Klaist a isht hvsh il ai yukpa kv i shahla he ak oke.

27. Nana hvsh a kanihmi kv Klaist im anumpa ak o isht ai vhpesa kak banashke: yohmi na pvt hvchi pesa li hokmá, keyukmvt kanima aya li ik saksho hokmá nana kia na hvchim a kanihmi puta yvmvt shilombish achvfa, im anukfala achvfa hosh vbanumpa ai yimmi ka hvsh it iba fohvt kvllot hvsh hiel ho hahaklo lashke.

28. Micha nana hoh kia hvchim i sanali puta ka ik hvchi nukhlakancho kashke: yohmikumvno yvmmak okvto ai okpuloka hi yosh isht ai im atokowa, amba hvchishno ano isht ai okchaya he Chihowa a minti mak osh isht hvchim atokowa hoke.

29. Hvchishno vto Klaist pulla kak o yvma hvsh i

yimmi kak bano keyu, amba yvmma pulla kak o nan isht hvsh im ilbvsha he hvchim vlvpisa hoka :

30. Yohmi kv anumpulit iti kahanlot isht svlvsha yvma hvs sa pisa tok, anonti himak a si onvtuyula ka hvs sa hahaklo ka yvmmak inli hosh hvchi onvtuyula hoke.

CHAPTA II.

Klaist a iakavt im anukfila iti bai achvvt il akanlosichi banot aish hi a i miha, 1 ; 12 ilap nan isht aiokchaya a toksahanlit pula ho chohmit yakni a im a tohwikela hi a im achi.

1. YOHMI ka Klaist atuk pulla mak o ahopohla yvt asha hokma, i hullo kv a nuktanla yvt asha hokma, Shilombish ai itiba chvfa yvt asha hokma, chukvsh isht i nukhaklot hi ahni yvt asha hokma,

2. Hvchim anukfila hv itilaut nana a miha chvfa holitoblit, chukvsh achvfa cha, hvchim anukfila ai achvfa hosh nan a sai yukpa ya isht hvs svv alotolashke.

3. Anumpa isht itachowa shahli, keyukmvt ilefehnechi nanasi kv ik vltaho kashke ; amba chukvsh akanlosi hosh moyuma kv inla yvt achukma kv ilap a i shahli ho anukfillashke.

4. Hatak moma kv ilap inmi kak o bano keyu, amba hatak moma kv inla inmi ak kia anukfillashke.

5. Klaist Chisvs anukfoyuka tok akinli nan anukfila ilvp pvt hvchi anukfoyukashke.

6. Yvmmvt Chihowa hoyulba yatuk osh, Chihowa ya ile itilauechi kv na wehpuli ya he ahni tok keyu.

7. Yohmi kv il a kohechichit yuka ohmi ho il aieshit hatak chohmi hosh toba tok oke.

8. Micha hatak ohmi hosh haiaka mvt, il akanlosechit im antia kv, ititaiyukhva a takalit illi yoh kia isht illi kak atok.

9. Yvmohmi hatuk o Chihowa hv holitoblich fehma mvt, hochifo kv na hochifo inla moma ka i shahli ho ima tok oke :

10. Yvmohmi ka Chisvs hochifo ha vba yakni aiasha,

micha yakni paknaka aiasha, micha yakni nutaka aiasha
puta kvt i hvchukbihlepa he;

11. Micha hatak isunlvsh puta kvt Iki Chihowa yvt isht
a holitopa he mak o, Chisvs Klaist vt Chitokaka ya he, achit
anohonlashke.

12. Yvmohmi ka a holitopa vhleha ma! hvs svm antia
chatuk vt hvchi takla anta li kak bano keyu, amba himo-
nasi yokak heno ik saksho ka i shahlichit hvs svm antia kvt,
nukshumpvt wvnihinchi hosh hvchishno inli aiokchaya ya
hvsh atahlashke.

13. Chihowa ak osh ilap nan isht im vlhpesa hosh ai
ahni kak o ahnit, hvsh yvmihcha chi ka hvchi a toksahanli
hoke.

14. Nana moma ka ik ahninchot na miha keyu, micha
anumpa ita chowa mvt iksho ho hvsh yvmihchashke.

15. Anumpa nana kia hvchi onvtonla keyu, nan okpvi
keyu, na liteha lapanli keyu hosh okla shanaiaowa, micha
nan ai ashvchi ai ititakla yo yvmma i pula tohwikeli choh-
mit yakni paknaka ya hvsh ai ashvshke.

16. Micha anumpa okchaya ya hvsh otvniuchi na Klaist
i nitak a pilla ho chahafa li tok keyu, micha pilla ho toksv-
li li keyu kvt sai yukpashke.

17. Ahli, na hvchi yimmit vba isht hvsh il ai okpvchi,
micha nan isht hvsh ai ahanta aiena ont aiahla chi kak o,
il imi kanchi li hokmvt, sai yukpvt hvsh moma ka hvch iba
yukpa li hoke.

18. Yvmmak inli kak o yukpvt hvs svbai yukpa mak in-
lishke.

19. Yohmi kia chekikma Timohlivs a hvchi pila la chi,
yvmohmi hosh hvchi a kaniohmi ka akostinichi lish, sai
yukpa chi kvt, ahnit Chitokaka Chisvs a anukchieto lishke.

20. Nana a hvchi a kaniohmi ka anukfihinli fehna kvt
hatak inla im anukfila yvmmak inli ohmi ho ik svm iksho
hokvt.

21. Moma kvt ilap immi ak o hoyo mvt, nana kvt Chisvs
Klaist immi hokvno ik hoyo hokvt.

22. Amba yvmma imomaka pisa tuk a hvsh ithana;

yvmmak okvt ushi yosh iki iba toksvli chohmit vbanumpa isht svb a toksahanli tuk oke.

23. Yvmohmi ka yvmmak o chekosikma sa kanihoma chi ka pisa likmvt, pila la chi ahni lishke.

24. Yohmi kvt vno yak kia chekosikma ona la chi, ahni Chitokaka ya anukhieto lishke.

25. Yohmi ak inli kia Epafloitivs, itibapishi li, itiba toksvli li, micha tvshka chipota sv bika, micha hvchim anumpa shahli, micha nana a sa bvnna tuk a isht vm anta chatuk, yvmmak o hvchi pila la he vhpesa ahni li tuk oke.

26. Hvchi palata fehnvt, ilap vt abeka tuk a hvsh haklo tuk ak o nan a nukhaklo kvt chukvsh a alota fehna tok.

27. Abeka ho mvhli illi naha fehna tuk, yohmi kia Chihowa hvst i nukhaklo tuk: yohmi kvt yvmmak bano keyu, amba vno ma a nukhaklo tuk: yvmmak keyukma sulbvsha kvt it vbehkvcha he atuk oke.

28. Yvmohmi kak o ahni fehnvt hvchi pila li tuk oke; yohmi na anonti hvchi pisa likmvt, hvchi yukpakma, vno vt a nukhaklo kvt ik lauwo ka he ak atuk oke.

29. Yvmohmi hoka Chitokaka ibafoyuka ka chohmichit chukvsh yukpa biekt hvsh aiokpvchashke; mikmvt yvma chohmi kash hvsh holitohomblashke:

30. Klaist ak o in toksvli pulla kak osh ilap im ilhfiopk a na fehna ik ahno hosh, illi naha fehna kvt, isht hvst si ape-lacha he tuk ik ono ka vm atahla chi kak atuk oke.

CHAPTA III.

Nan i hullo cha, nan avchi ik ahlo yokvno ahah! im ahna hi a i mi-ha, 1; 8 Klaist pulla ha tuk mak o nan oklyha ka ik ahobo ahna he: 18 hknip imma nan ahni ho iakaiya yokvno i filvma he nan i miha.

1. ISHTAIYOPI ka itibapishi li vhleha ma! Chitokaka ya hvsh ai yukpashke. Nana kvt mihi yo ash inli ho hvchi holissochi li kvt, vm ahchiba keyu mvhli, amba hvchishno yak osh isht hvchi a hlampka chi kak oke.

2. Ofi ya ahah! hvsh im ahnashke, nan ik vhpeso yv-

mohmi ya ahah! hvsh im ahnashke, tvblit kanchi ya ahah!
hvsh im ahnashke.

3. Pishno ak okvto hakshup tupa shilombish anukfoyu-
kvt Chihowa holitoblich, micha Chisvs Klaist ai yukpa pia,
yohmi kvt haknip a ai anukchieto keyu pia hoke.

4. Uno ak kia haknip a ai anukchieto la hinla tuk ak inli
hoke. Kvna kia haknip a ai anukchieta hinla kvt ishi ka
ahnikma, vno vt i shahli li hoke.

5. Nitak ont isht untuchina ma hakshup sa tupa tok, Is-
lael isht ai unchululi, Benchamin apelhichi, Heblu ai ahli sia
hoke: vba nan vlpisa yak okmvno Falisi yo sia hoke.

6. Amosholi hosh chvch a i palvmichit, vba nan vlpisa
isht ai vlpiesa yvmmak okmvno anumpa nana kia si onv-
tula he keyu ki tok.

7. Yohmi tok kia nana isht ahayuchi li yatuk vt, yvmmt
Klaist pulla kak o a kvnia, ahni li tuk oke.

8. Ahli mvhlishke, yohmi kvt Klaist Chisvs an Chitokaka
ithana achukma fehna kak o nana puta kvt peh ik ahobo
ahni lishke; yvmma pulla kak o nana puta kvt isht a kvnia,
mikmt yvmmak ash o chopilhkvsh a chohmichi li, yvmoh-
mit Klaist a asitvbi li,

9. Mikmt yvmma ibafoyuka la he, micha vno ak inli kvt
vba nan vlpisa yvmmak o isht ai vlpiesvt il ai eshi li keyu,
amba yvmmt Klaist a i yimmi kvt nan ai vlpiesa na yim-
mi pulla kak o Chihowa a minti yak oke:

10. Yvmohmi ka Klaist, micha yvmmt illit tani tok nan
isht im ai ahli, micha yvmmt ai ilbvsha tok a iba takla kvt
kaniohmi aiena ka ithana lish, yvmmt illi tok a hoyulba la
chi kak a hetuk oke.

11. Ik kaniohmi kia illit tani ka ona li yoba ná, ahni li
hatuk osh.

12. Himak okvno ona li mashko ahni li keyu, micha hi-
mak ak kia ai ahlit sa taha ahni li keyu; amba achunanchit
iakaiya li, yvmohmi hosh yvmmak a he ak o Klaist Chisvs
vt si atokoli tok yvmmak ash ieshi la he ak atuk oke.

13. Itibapishi li vhleha ma! ont ishi li tuk il ahni li ke-
yu hoke; yohmi kia nana achvfa ilvppak o yohmi li, nana

puta olbul ai asha ka vmi haksi cha, nan tikba asha kak o subbak a pit wielit,

14. Achunanchit ai vbi ya mahaya li, nan vbi yummvt Klaist Chisvs pulla kak o Chihowa yvt vba et a hohoyo kak oke.

15. Yohmi ka ai ahli aiyyuka pia hokvto, yakohmit pim anukfilashke; yohmi ka nana ka kanihmit hvchim anukfila kvv inla tuk okma, Chihowa yvt ilvppak oh kia hvchim otv-nincha chi koke.

16. Yohmi kia iloh ai ona mashko hatuk okvto, yummak ash inli ho kiloh ai itvnowa cha, nana yummak ash inli ho iloh anukfihinlashke.

17. Itibapishi li vbleha ma! it apehvt na sa hobachi hvsh tobashke, micha pishno a hobachi hvsh ahni kvv yakohmit aya vbleha ha hvsh holitoblashke.

18. Lauvt aya kvv ymma himonna hvchim anohonli li chatuk osh, anonti himak a nishkin okchi mihinti hosh, yummvt Klaist im ititayukhvna in tenvv vbleha hoka, hvchim anoli lishke.

19. Ymma ont im ishtayopi kvv aiokpuloka he, ymma i shahli yvt ilap takoba ak inli, micha nan isht hofahya isht ile holitobli, yummvt yakni paknaka nana a halaia kak o asitia yoke.

20. Vba yakni okla ai achvfa pia hoka; yummak o a mintu hi o pi Okchalinechi Chitokaka Chisvs Klaist a e hohoyo hoke.

21. Yummvt imi hlampko ho isht yvmihchit nana puta ka imaiyachit il aiesha hinla hokvt, ilap haknip holitopa ya hoyulba chi ka yummak ash ot pi haknip akanlosi ya inlvcha hi oke.

CHAPTER IV.

Chitokaka ya a kullo fehnvt itanowa he i miha, 1; 4 vbanumpuli ahli mak osh aiasa he im apesa; 10 ilap a i kana tuk a na yukvvt yak oke pit im ai ahni fehna.

1. YUMOHMI ka itibapishi li a holitopa, micha i palata li, isht sai yukpa, micha isht sa holitopa hvchia ma! kvllov

hikiŭt Chitokaka ya hŭsh ibai achŭfashke, holitopa fehna vŭleha ma!

2. Yuotias a ilbŭshŭt im asilhha li, micha Sintichi ma ilbŭshŭt im asilhha li ka, yŭmmŭt im anukfila it ibai achŭfa hosh Chitokaka ya ibafoyukashke.

3. Mikmŭt chishno itiba toksŭli li ahli ak kia chim asilhha lishke, ohoyo yŭmmŭt vbanumpa ha isht sŭba toksŭli tuk, micha Klement, micha sŭba toksŭli vŭleha inla aiena, yŭmma hohchifo hŭt holisso okchaya a takali ka, ish apelahanchashke.

4. Chitokaka ya hŭsh ai yukpa na biliashke; micha anonti, Na hŭchi yukpashke, achi lishke.

5. Nana ka isht hŭsh il oktampŭli yŭt hatak moma ka im otaiyanashke. Chitokaka yŭt vŭa hosi hoke.

6. Nana kia isht ik hŭchi ataklaiyamo kashke; amba nana puta ka anumpa ilbŭsha anumpulit asihŭhlŭt aiokpahanchi hosh nana a hŭchi bŭnna kŭt Chihowa ya im annohŭwashke.

7. Micha Chihowa im isht it i nanaiya, yŭmmŭt im anukfila moma i shahli yŭt hŭchi chŭkvsh, micha hŭchim anukfila aiena ka Klaist Chisŭs pulla hatuk mak o atohŭna chŭ hoke.

8. Ishtaiyopi ka itibapishi li vŭleha ma! nana hosh ahlikma, nana hosh holitopakma, nana hosh ai vlhpiesakma, nana hosh kashofakma, nana hosh aioklikma, nana hosh annoa achukmakma, nan ai vlhpesa inla yŭt ashakma, anonti aiokpancha he vlhpesa kŭt ashakma, ilŭppa puta kash hŭsh anukfihinlashke.

9. Nana puta yŭmma hŭs sŭm ai ithŭna, micha hŭsh ishi, micha hŭsh haklo, micha hŭs si a pisa aiena tuk vt hŭsh yŭmohmashke; yohmikma Chihowa im isht it i nanaiya yŭt hŭch ibafoyuka chŭ hoke.

10. Yohmi kia himak ano polaka hŭs si anukfilli tuk vt anonti okcha i shahli ka Chitokaka ya isht a sai yukpa fehnŭshke; yŭmmak a hi o isht hŭs si anukfilli tuk kia, hŭsh ai yŭmihcha hinla kak osh ik hŭchim iksho ki tok oke.

11. Nana kŭt ik sŭm ono kak osh ilŭppa achi li hŭ keyu: kaniohmi hŭ a hikia li hoh kia, yŭmmak oka si a nuktaiyala he vt ithŭnŭt tahli li tuk okŭt.

12. Kaniohmit nana ka ik sum iksho hosh aya li kvt ithana li, micha kaniohmit nana an laua hosh aya li kvt ithana li hoke; kanima moma, micha nana puta ka sa kaiya, micha sa hohchvfo, micha nan an laua, micha nana ik sum ono aiena hosh aya li kvt ithana li hoke.

13. Klaist pulla hosh sa hlampkohonchi kak o, nana mo-ma ka yvmihchi la hinla hoke.

14. Yohmi ak inli kia ai vllhpiesa ho yvmohmit nana vm a palvmmi ka hvs svb anukhaklot hvs si apela tok oke.

15. Yvmohmi ka Filippian vhleha hvchia ma! vbanumpa hvt anumpa vmmona ka Masetonia ya akohchvt ia li ma, chvch nana kia nana isht apela he vma na ishi la hetuk ash imma ka yvmohmi keyu ma, amba hvchishno ak illa tuk vt hvsh ithaiyanashke.

16. Hlessalonika ya anta li ma, himonna ka pit hvs sa pila tuk osh, anonti nana ka a sa bvna tuk a pit hvs sa pila tuk oke.

17. Na helbina sa bvna kak o keyu; amba nana achuk-ma hvsh yvmohmi tuk isht ai vni kvt hvchin laua he kak o ahni lishke.

18. Yohmi kia nana moma ka jshi lish, nan an laua hoke; si alotowa hoke, Epaflotitvs ibbak fohkit nana balama vba nan isht aiokpvchi Chihowa hvt vllhpesa ahni ya et hvs sa pila tuk a, vm vla tuk oke.

19. Yohmi ka an Chihowa holitopa fehna kvt Chisvs Klaist pulla kak o nana a hvchi bvna moma ka hvchim atahla hi oke.

20. Yohmi ka Chihowa, micha Piki yak osh holitopa na bilitv biliashke. Amen.

21. Vbanumpa yimmi Klaist Chisvs ibai achvfa vhleha ha hvsh aiokpvchashke. Itibapishi li vhleha hvt si apihvt maya kvt hvchi aiokpvchishke.

22. Vbanumpa yimmi moma kvt pit hvchi aiokpvchi; mihma Sesa in chuka chvfa yokak heto pit hvchi aiokpvchi fehnvshke.

23. Pin Chitokaka Chisvs Klaist isht i kana yvt hvsh moyuma ka hvchi anukfoyukashke. Amen.

HOLISSO PAL VT

CHUCH KOLOSSI

A HIKIA HO I HOLISSOCHI TOK.

CHAPTA I.

Na yimmi ahlit maya pulla kak o Chihowa ya ai okpahanchi, 1: 9 nan isht i kana anukfohkv^t i shahlit mahaya he isht anumpohonli; 14 Klaist holi^topa he isht anumpuli; 21 mihmvt nana ka Klaist vt im ataiyahli tok a im anoli.

1. PAL, Chihowa nan ai ahni hatuk pulla mak o Chisvs Klaist im apostel sia, micha Timohli^vs pitibapishi ita tuklo kv^t,

2. Ubanumpa yimmi ahli vhleha, il itibapishi ahli Klaist a ibafoyuka Kolossi ai asha ka pit aiokpvchi kv^t, Piki Chihowa, micha Chitokaka Chisvs Klaist ita tuklo nan isht i kana, micha nan isht it i nanaiya ita tuklo mak osh hvchi anukfoyukashke, hvchim ahnishke.

3. Chihowa, micha pin Chitokaka Chisvs Klaist Iki ya yak oke, im ahnit, vba isht e hvchi anumpohonli na bilia hoke;

4. Yohmi kv^t Klaist Chisvs a hvsh i yimmi, micha vbanumpa yimmi vhleha ha hvsh i hullo ka e haklo ha yokvt,

5. Ai okchaya bilia hvsh isha he vba hvch in tuyula pulla kak o e yohmishke; yummak oka vbanumpa ahli isht ai anumpa ho tikba kash hvsh haiyaklo tuk vt;

6. Mihi yosh hvchim vla tuk ak inli chohmit, yakni mona ka im aya cha, nan vnit waya kv^t, nana ka hvsh haiya-

klot, Chihowa nan isht i kana ahli hvsh ithaiyana nitak atuk taiyakla kv̄t, nan vnit hvsh waya kak inli h̄o chohmi hoke.

7. Yvmmak ash inli h̄o Epaflas, tishu pi bika pi holitopa ya hvsh im ai ithvna tuk; yvmmak okvt Klaist im vbanumpa isht v̄tta hvchim ahli mak oke:

8. Yvmmak inli kak osh Shilombish a ibai achv̄vt hvsh it i hullo ka pim anoli tok.

9. Yakohmi kak o nitak yvmma fehna ka e haiyaklo tuk taiyakla kv̄t, anumpa ilbvsha isht e hvchi anumpohonli kv̄t il issa keyu, mihmv̄t hvchi hopoyuksa bicka, micha shilombish im ahalaia ka ithv̄vt, Chihowa nan ai ahni ka hvsh ithana ka isht hvchi alotowa he ak o, il ai ahni hoke:

10. Michā nan toksvli achukma puta ka isht ai vni, micha Chihowa nan isht im ithana ya isht i shahlit isht ia hosh, Chitokaka ya ai im v̄lhpiesv̄t nana moma ka isht yukpali cha;

11. Chihowa imi hlampko holitopa isht hlampko fehna hosh, nukchintot achunanchit, nan ilbvsha yv̄t on̄tuyula kia nuk̄taiyav̄t v̄lhpesa ahnit yukpa banot;

12. Vbanumpa yimmi yv̄t v̄ba atohwikeli ai isha he v̄lhpesa hosh ai asha ka ai il iba takla hi a pi ai atahli tok, Piki yvmma yak oke hvsh im ai ahna he ak o, il ai ahni hoke;

13. Yvmmak okvt aiokhlili ka isht im ai ahli ya a pi a hlakofichi mv̄t, anonti kanv̄lichit ilap Ushi holitopa im ap̄hlichika ya pisht ona tuk oke;

14. Yvmmak o im issish isht v̄lbi ai okchaya, nan ai ashv̄chi isht kashofa mak o il eshi hoke:

15. Yvmmv̄t Chihowa ya pisa he keyu ka hoyulba kv̄t, nana toba tok puta ka Uttahpi yoke.

16. Yvmmak atuk mak o nana moma toba kv̄t nana v̄ba aiasha, micha yakni paknaka ai asha, nana ka pisa he, micha nana ka ik peso ka he, miko yohmá, nan i shahli yokmá, hochitoka yokmá, nan v̄lhtoka yokmá, aiena mikmv̄t nana moma kv̄t yvmmak atuk mak o toba kv̄t, yvmmak ash o in toba tok.

17. Yohmi ka yvmmak ash osh nana moma ka in tikba yoke, mihma yvmmak o nana moma kv̄t a takala he atok v̄t ont ai yv̄mohmit isht ai it im v̄lhpesa hoke.

18. Yohmi ka yvmmak osh chvch haknip a i noshkobo yoke: yvmmt nana moma ka ai in tikbvt holitopa cha, ai isht ia vmmona illi tuk osh falamvt tani vhleha ha im Ut-tahpi yoke.

19. Iki vt vhpesa ahni kvt, yvmmak ash o nan isht ai vltaha yvt afoyuka he, ahni tok:

20. Yohmi kvt ititaiyukhvna issish a hlatapa tok pulla ho it i nanaiyvichi ikbi cha, yvmmak pulla ho nana moma ka isht il ai i kanvcha hi vt ahni tok; yvmmak pulla ho nana yakni ai asha yokma, nana vba yakni aiasha yokma, nana kvt yvmohmi hoke.

21. Yohmi ka hvchishno vt tikba kamo ik ahalaio yosh nana ashvchi toksvlt hvchim anukfila isht in tanampi atuk kia, himak ano hvch il i kanvchi tuk oke,

22. Ilap haknip nipi illi kak o himak ano hvch il i kanvchi tuk; yvmohmi hosh nan ai ashvchi iksho, micha liteha a lapali iksho, micha anumpa nana kia hvchi onvtula he keyu ho ilap a itikba ya hvchi hilecha hi atok:

23. Nan ai yimmika ya a kvllot nan anukfilli fitikvchi iksho, micha nana ka yohma he ahni, vbanumpa a takali yvma hvsh haiyaklo ma, yvmmak ash ot okla moma shutik nuta aiasha ka im anuhumpa tuk a hvch ik i filvmmo ka chi mak o, Pal sia hvv vbanumpa isht vtta toba li tuk osh;

24. Himak a hvchishno pulla kak o, nan isht a palvmmi puta kvt sai yukpa hoke; micha Klaist ai ilbvsha tok a sa haknip isht svlvsha kvt ik ono kisha ka, haknip yvmmt chvch pulla kak oka, isht alotolit isht mahaya li hoke.

25. Hvchishno pulla ho Chihowa hvv nana ai ahnit vm apesa kvt, Chihowa im anumpa mominchit isht anumpuli la he ak o vbanumpa isht vtta si atokli tok.

26. Anumpa yvmmt nitak bilia kash, micha hatak chash-po asha ka in luma hatok kia, himak ano vbanumpa yimmi puta ka im otvni yak oke.

27. Yvmmak ash o Chihowa hvv anumpa luma hatok ilvppak ash isht a holitopa chinto kvt Chentail ai itintakla otvni kvt kaniohmi ka im otvnincha he ai ahni tok; yvmmt Klaist hvchi anukfoyuka a holitopa isha he isht ai ahni yoke.

28. Yvmma isht il anumpohonlit e hopoyuksa biëkt, hatak moma kv̄t ahah! ahna hi a il im ahanchi mv̄t, hatak moma ka il im abahanchi hoke; yvmohmi hosh Chisvs Klaist pulla hatuk mak o hatak moma ka ai ahlichit e hilecha chi hatuk.

29. Yvmmak a chi mak osh vno ak kia imi hlampko isht sa hlampkohonchi fehna kak o amosholit toksahanli li hoke.

CHAPTER II.

Ai v̄lhpiesa banot chvch a ai asha he i miha, 1: 8 hatak nan im anuk-fila, micha nana kv̄t Klaist a isht a hvch a filvmmicha hi okvno hvsh i filvmma he anoli.

1. HUCHISHNO, micha Laotisea ai asha, micha laua kv̄t kaniohmi hosh sa nashuka ya ik peso kisha puta ka anukfihinlit, isht sv̄lvusha fehna ka hvsh ithaiyana hi a hvchim ahni lishke:

2. Yvmohmi ho chvkvsh vt it i hullot itreshekonompa hosh chvkvsh vt hopohghlashke: yvmohmi hosh ai yimmi ahli isht ai yukpa chinto ka ai ahli ithana he, yohmi hosh Chihowa yvmmv̄t Iki, micha Klaist isht anumpa luma hatok ma otv̄nihincha he ak atok;

3. Klaist ak o na hopoyuksa, micha nan ithana ita tuklo im isht ilaiyukpa moma kv̄t a luma hoke.

4. Michā hatak nana kia anumpa isht yimmichi isht hvchi haksicha hinla kak o ilvppa achi lishke.

5. Haknip okvno isht ik saksho kia, shilombish okvno isht hvch ibafoyukv̄t ai v̄lhpiesa hvsh yvmohmi, micha Klaist a i yimmi ka a kv̄llot hvsh hiel ka hvchi p̄hisa li kv̄t sai yukpa hoke.

6. Yvmohmi ka Klaist Chisvs Chitokaka ya hvsh i yimmi hatuk okv̄t, yvmohmit hvsh iba nohowashke:

7. Michā hakshish atobv̄t kv̄llot ontalaivt a hvchim ai v̄lvchi tok mak o, ai yimmika a kv̄llot im ai v̄lhtaha fehnav̄t, yak oke hvsh ai ahnashke.

8. Ahah! hvsh ahnashke, keyukma hatak nana kia hatak

im anumpa chashpo isht auehinchi iakaiya, micha yakni nan ai ithuna isht ia vmmona iakaiya cha, Klaist a ik iakaiyo yvt anumpa inla, micha anumpa isht haksichi aiena ka isht hvchi okpunichi ná.

9. Klaist ak osh Chihowa yvt akaniohmi ka isht alotowa kv:

10. Hochitoka, micha nan vlhtoka puta i noshkoboka ymmak o isht hvchim ai vlhtaha hoke:

11. Ymmak pulla ho hvchishno ak kia ibbak o hakshup isht tpa keyu ho hakshup isht hvchin tpa tok: yvmohmi hosh Klaist hakshup tpa pulla ho haknip nan isht ashvchi yash naksika hvsh bohli tuk oke:

12. Na baptismo ho hvsh iba hollopi tuk, Chihowa yvt tokselit ymmvt illi tuk a falaminchit tanichi tok ak o, hvchi yimmi hosh ymmak ash awant hvsh tani hoke.

13. Yohmi kv hvchishno vt nana hvsh ai ashvchi isht illi, micha hvchi haknip hakshup ik tapo atuk a nana hvsh ai ashvchi puta ka hvchi kashofi cha, ymmak ash iba taklvchit hvchi okchalinechi tuk oke:

14. Nan isht vlhpisa ibbak isht holisso a kashofi tok, yvmvt pi sanali, micha pim ai vlhpiesa keyu hosh pi ai ititakla hikia tok a ishit kanchit, im ititaiyukhvna ya ahonvhlichei tok oke:

15. Ymma pulla ho hochitoka, micha isht im ai ghli puta aiena ka wehpulit, haiakvchit pisachit isht ai yukpa tok.

16. Yvmohmi hoka hatak nana kia impa ak ok má, nan ishko ak okmá, impa holitopa nitak ak okmá, hvshi talali ak okmá, nitak hvlo puta ak okmá, nana kia nan isht apesvt ik hvchi onochi kashke.

17. Ymmvt nana kv vla he isht vlhpisa yoke: amba haknip okto Klaist ak oke.

18. Hatak nana kia ilap ahnit il akanlosechit, enchil vhlcha ha aiokpvchit nana pisa chatuk keyu kv, afvnalit haknip im anukfila isht ilefehnvchi, yvmohmit noshkoboka ya hahlli keyu kv, na hvsh asitvba he tuk a, ik hvchim esho kashke.

19. Ymmak o haknip moma itachakli, micha hakshish

aiena kvt isht ai iti talakehit isht hlampkot, Chihowa hv
ahni hq tobtv ia hoke.

20. Yohmi ka yakni ai ithvna isht ia vmmoma ai i filvmit, Klaist a hvsh ibai illi tok okmvt, nanta katihmi hq yakni hvsh ibafoyuka chohmit, nan isht vlhpisa hatak vt apesvt ithvnanchi ka hvsh i nutaka chq?

21, 22. Ilvppa chohmi ka, Ish potoli ná; vpvv ish pisa ná; ish pvshohli ná, moma kvt ieshi kvt okpula he bieka hoka.

23. Nana yvmma puta hokvt hopoyuksa ahoba ho mvhli, ilap ahnit vba aiokpvchit il akanlosechit hahnip a ilbvshali; yohmi kia holitoblichy keyu, peh hahnip ak o im achukmali hoke.

CHAPTA III.

Pim anukfila nan isht hih il ahni a kanima yo il a bohla hi a pim anoli, 1; 5 na liteha isht im anukfila puta ka illichy he vlhpesa ka i miha; 9 nan ahli anumpuli; 12 i kanvt nan iti nanaiyachi; 14 vba isht talohvvt isht i shahlit hvsh iti hlampkochashke; 18 hatak im ohoyo; 10 hatak ohoyo im asha; 20 vlla, 21 iki 22, yuka aiena kvt nan a kaniohma hi vlhpesa ka isht anumpuli.

1. YOHMI ka Klaist a hvsh iba tani tuk okmvt, Klaist vt a binili vba Chihowa ibbak isht impakimma nana ai asha kak o hvsh hohoyashke.

2. Hvchim anukfila hq nana kvt vba ai asha kak o hvsh onochi cha, nana kvt yakni paknaka ai asha kak o keyu kashke,

3. Hvch illi; yohmi hosh hvchi okchaya yvt Klaist a iba lumvt Chihowa ya ibafoyuka hoke.

4. Klaist yvmmvt il ai okchaya yosh haiaka, yohmikma hvchishno ak kia a holitopa hosh yvmmak ash awant hvsh haiaka hi oke.

5. Yvmohmi ka hvchim i nana kvt yakni ai asha ka hvsh illihinchy; haui toba, chukvsh liteha, anushkunna atampa, hahnip nan ahni okpulo, nana ahayuchi bvna atampa, yvmvt na holvvt toba aiokpuchi yoke.

6. Na yakohmi pulla kak o Chihowa nan isht i nukkilli vt nan ik im antio hatak puta ka onvtuyula hoke:
7. Ymma chohmi ka hvchishno ak kia chashpo ma hvsh ibafoyuka kv hvsh ai itvnowa tok.
8. Yohmi tuk kia himak okvno hvchishno vt nokowa, nukhobela, i nukkilli, ik ahobalot anumpuli, anumpa isht hofahya, hvch itih ha akocha ilvppa moma kak kia hvsh kanchashke.
9. Hvsh it i holabi ná, hatak sipokni ya shufit nana a kaniohmi chatuk puta ka hvsh kanchi cha;
10. Hatak himona yo isht hvsh foyuka tuk okvt, ymmak okvt nan ithana ka isht a himonvt, Ikbi tok a hoyulba hosh himonvt toba tok:
11. Ymmak oka Klik, micha Chu yo keyu, hakshup tupa, micha hakshup ik tapo yo keyu, Bulbaha, micha okla nukshopa yo keyu, yuka, micha ik yuko yo keyu, amba Klaist vto nana moma ka im i shahli, micha moma ka ibafoyuka hoke.
12. Yvmohmi hoka Chihowa im vlhtoka nan ashvchi iksho, holitopa hvchia hokvt hiahni, i kana, anukfila akanlosi, chukvsh yohbi, anukhobela svlahvt nuktaiyala aiena kak o hvsh foyukashke.
13. Hatak kva kia isht itachowa im ashakmvt, itin lumvt hvsh it i kashofashke; Klaist vt hvchi kashofi tok oka, ymmak inli ho chohmit hvsh yvmohmashke.
14. Michi ilvppa moma paknakachi kv nan isht i hullo, ymmak osh ai vlhtaha ai ahli ka isht iti talakchi yoka, isht hvsh foyukashke.
15. Michi it i nanaiyvchi Chihowa a minti vt hvchi chukvsh a foyukvt nana hvchim apesashke, ymmak a he ak o haknip achvfa hvsh toba chi hosh hvchi vlhtoka tok oke: micha yak oke, hvsh ahnashke.
16. Klaist im anumpa hvt a chitot hvchi foyuka na isht a hvchi hopoyuksashke; vba isht taloa, micha shilombish imma isht taloa aiena ka isht it im avchit, isht it i nukfokit, nana aiokpahancha he hvchi chukvsh a foyukvt Chitokaka ya hvsh in talohqashke.

17. Micha anumpa hokmá, na kanióhmi hokmá, nana hoh
kia hvsh yvmohmikmvt, Chitokaka Chisvs hochihífoť yvm-
mak atuk mak o Iki Chihowa ya yak oke im ai ahnit,
mominchit hvsh yvmihinchashke.

18. Tekchi vhleha ma! Chitokaka im ai vllhpiesa mak o
hvchi hatak a hvsh im ile nutakvchashke.

19. I hatak vhleha ma! hvchi tekchi a hvsh i hullashke;
yohmi kvť chukvsh homit hvch ik i kvľlo kashke.

20. Vľla vhleha ma! nana moma ka hvch iki, micha hvch
ishki ita tukľo ka, hvsh im antiashke; ilvppak osh Chitokaka
ya im ai achukma ahli yoka.

21. Iki vhleha ma! hvchim vľla vhleha ha hvsh nokowvchi
ná; yohmikma im ai ahli la he keyu ahnit, chukvsh iella
hinla yoba ká.

22. Yuka vhleha ma! hvchi haknip i nahullo vhleha ha
nana puta ka hvsh im antiashke; nishkin pisa toksvľi hatak
ak o yukpali chohmi keyu, chukvsh achvfa ai apissali hosh
Chihowa ya hvsh i nukshoyupashke.

23. Yohmi kvť nan toksvľi nana ho hvsh yvmihchikmvt,
chukvsh ai ahľit Chitokaka pulla, micha hatak keyu ho
hvsh i yvmihchashke.

24. Chitokaka yak o ai isha he ai vllhpesa isht hvchim
vľhtoba he vt hvsh ithaiyanashke: Chitokaka Klaist ak o
hvsh in toksahanľi hokvť.

25. Amba kvna hosh nan ik vllhpesa yohmikmvt, nan ik
vllhpesa yohmi tuk ak osh isht im vllhpisa hi oke: iti shah-
sholichit kvna kia im anukfili kvť iksho hoka.

CHAPTER IV.

Nan i shahľi vt nana a kanióhma he vllhpesa ka achi, 1. 2 Vľba a
sihľhla bilia he im achi; 5 chvch ik ibafoko itanowa ka nan vllhpesa
biekvť im itvnohwa he; 10 nana ka i shahľit mahaya he ahnit im
achi.

1. I NAHULLO vhleha ma! hvchi yuka vhleha nan
isht im vllhpesa, micha nan isht im itilaui aiena ka hvsh

imashke; micha hvehishno ak kia hvehī shahli hvt vba yakni binili ka hvsh ithaiyanashke.

2. Anumpa ilbvsha anumpohonlit, yvmmak ash o ai okchvt yak oke hvsh ahgnashke.

3. Yohmi mak inlit Klaist im anumpa luma yatok, micha ymma pulla kak o sa talakchi ak inli tuk vt isht anumpuli la he, okhissa ya Chihowa yvt pin tiwa hi a, isht hvsh anumpohonli mak inlashke.

4. Yvmohmi ho anumpuli la he vlpesa hatuk vt, ottninchi lashke.

5. Kocha ai asha ka i hopoyuksvt itvnowvt, nitak ik hvchi knio hosh nan isht hvsh il im ahantashke.

6. Hvehim anumpa puta kvt Chihowa nan isht i kana ai ibafoyuka biekvt hvpi ho isht yvmashke; yohmi hosh kaniohmit hatak puta anumpa falama ka hvsh ima he vlpesa kvt hvsh ithaiyana hoke.

7. Nana vma kaniohmi ka Tikikvs, ilvppvt itibapishili holitopa, micha vbanumpa isht vta ai ahlit, micha tishu sa bika Chitokaka ibafoyuka yak osh hvehim anola chi hoke.

8. Yvmvvt yvmohma chi kak o hvehī pila li tuk: yohmi ka nana hvehim a kaniohmi ka akostininchi cha, hvchi chukvsh a hopohlva chi kak atuk;

9. Micha Onesimvs itibapishi li ai ahli holitopa, yvmvvt hvehishno ak inli ka aieninchit hvchi pila li hatuk. Yvmmak osh nana moma ilvppa a kaniohmi ka hvehim anola chi hoke.

10. Alistakvs, svbai yuka yvt pit hvchi aiokpvchishke: micha Makvs, Banabas in tek ushi mvt pit hvchi aiokpvchishke; yvmmak oka isht anumpa vlpisa ha hvsh ishi tuk vt hvehim onakma, hvsh aiokpvchashke.

11. Micha Chisvs, yvmvvt Chvstvs hohchifo hvt pit hvchi aiokpvchishke; yakohmi kvt hakshup tupa yoke. Ilvppak illa hosh Chihowa im apchlichika a svba toksahanli yosh nan isht sa hopohghla yatuk oke.

12. Epafas, yvmvvt hvehishno mak inli, Klaist in tishu hosh pit hvchi aiokpvchishke, micha Chihowa nan ai ahni moma ka a kvllot ai ahlit hvsh hikia hi a anumpa ilbvsha achunanchit isht hvchi anumpohonli bilia yoke.

13. Hvchishno, micha Laotisea ai asha, micha Hielapolis ai asha aiena ka hvchi anukfihinli fehna ka im atokowa anoli sia hoke.

14. Luk, alikchi holitopa, micha Temas, ita tuklo kv pit hvchi aiokpvchishke.

15. Itibapishi vheha hv Laotisea aiasha, micha Nifas, micha in chuka hvfa hvch ai asha aiena ka pit hvsh aiokpvchashke.

16. Micha holisso ilvppa hvsh it im anumpulikmvt, anonti Laotisea hvch ak kia ai it anumpa hi a hvsh apesashke: mikmvt holisso Laotisea a minti ak kia hvsh it im anumpulashke.

17. Micha Achippvs a Chitokaka yak o vbanumpa isht ai vta ish im ai eshi tuk vt ahah! ahnit ish ai ahlichashke, hvsh im achashke.

18. Uno svbbak ak inli ho Pal sia hv pit isht hvchi aiokpvchi lishke. Sa talakchi ka hvsh ithaiyanashke. Isht i kana yvt hvch anukfoyukashke. Amen.

HOLISSO VMMONA PAL VT
CHUCH HLESSALONIKA

A HIKIA HO I HOLISSOCHI TOK.

CHAPTA I.

Chrch Hlessalonika a hikia ka ithanvt vba isht anumpohonlit yak oke im ai ahni, 1; 5 mihmvt Chihowa anukfoyuka ahli ahnit i yimmi kvt isht anumpuli.

1. PAL, micha Silfanvs, micha Timohlivs aiena kvt Hlessalonian chrch Iki Chihowa, micha Chitokaka Chisvs Klaist ibafoyuka ya pit hvchi aiokpuchi kvt, Piki Chihowa micha Chitokaka Chisvs Klaist ita tuklo nan isht i kana, micha nan isht it i nanaiya ita tuklo kvt hvchi anukfuyukashke hvchim ahnishke.

2. Anumpa ilbvsha il anumpulikmvt, e hvchi anohonlit, Chihowa ya yak oke hvsh moma ka isht e hvchim ahani hoke;

3. Pin Chitokaka Chisvs Klaist ibafoyukvt na hvchi yimmi kvt na hvsh yvmihchi, micha na hvsh i hullo aiena kvt na hvsh toksahanli, micha ai okchaya pisa he ahnit nuktaiyavt hvsh achunanchi aiena ka Chihowa Piki itikba ya ithaiyanvt e bilia hoke:

4. Micha itibapishi li vhleha ma! Chihowa i holitopvt im ai vltoka hvchia ka il ithaiyana kak oke.

5. Pim vbanumpa hvt anumpa illa hosh hvchim aya tok keyu, amba nan isht ai ahli, micha Shilombish Holitopa ai

itibafoyuka aiena na na hvchi yimmi fehna tok; yvmohmit hvchishno ak atuk mak o kaniohmit hvchi takla il aya tok a hvsh ithaiyana ak inli hoka.

6. Yvmohmi cha nan isht ai ilbvsha lawa kia, Shilombish Holitopa ai yukpvt vbanumpa ha hvsh aiokpvchi cha, pishno, micha Chitokaka ya im antia hvsh toba tuk oke:

7. Yvmohmi hokvt na yimmi moma Masetonia, micha Akaia aiena ai asha kvv im ai ithvvt iakiya hi o hvchia hoke.

8. Hvchishno ak o mvhli ho Chitokaka im anumpa anoa kvv Masetonia, micha Akaia ak bano keyu, amba kani-ma moma kak kia, Chihowa hvsh i yimmi kvv annovshke; yohmi ka pishno vt nana il acha he vlvpesa keyu hoke.

9. Micha yvmma chohmi puta kak osh pi anoli kvv, kaniohmit e hvch iba chukowa tok; micha kaniohmit Chihowa ahli okchaya ya hvsh im antia chi hosh, na holba ya i filvmmitt Chihowa hvsh im ona tuk a anoli hoke.

10. Yohmi cha Ushi Chisvs vt illi tuk a falaminchit tanchi tok a, mihi yosh vba yakni minta chi ka hvsh hoboyo ka, yvmak osh nan isht i nukkilli minti ka pi ahlakofichi tok mak oke.

CHAPTA II.

Vbanumpa hvv kaniohmit Hlessalonika ya ai anuhumpa ma, kaniohmit okla aiokpvchi tok a anoli, 1; 18 pisa ka bvnna fehna, yohmi kia nana hosh kaniohmi kak o ik im ono kvv anoli.

1. ITIBAPISHI li vchleha ma! hvchishno ak kia kaniohmit e hvch iba chukowa ma, yvmmvt pilla tok keyu ka, hvsh ithaiyana hoka:

2. Yohmi ka tikba ka pilbvsha, micha Filippi okla hvv pi hofahyali aiena tok a hvsh ithaiyanvshke; yohmi ha ya pin Chihowa pulla ho a nukwaya keyut, achunanchit a luvshumit vbanumpa ha isht e hvchim anumpohonli tok.

3. Vbanumpa isht e hvchim anumpohonli kvv, anumpa yoshubli, micha chukvsh litchli, micha i kostinit haksichi atok keyu hoka;

4. Amba Chihowa ak osh vhpesa ahnit vbanumpa ha pibbak fohki tok oka, yvmohmit il anumpuli hoke: hatak ak o e yukpali keyu, amba Chihowa pi chukvsh a pisa yak oke.
5. Micha nitak nan ash o na fehnvchit il anumpuli tuk keyu, nan isht ahayuehi bunna hosh, nan il ilahobi ha tuk keyu ka hvsh ithana hoke: Chihowa mvt pisa yoke.
6. Micha hatak ak o a holitopa e hoyo tuk keyu, hvchishno, micha inla yak oh kia tok keyu, Klaist im apostel pia hv hvchi wekit na hvch im a hoyocha he vhpesa kia, e yvmohmi tuk keyu.
7. Amba hvchi takla il ashwa mvt, ik kvllot, vlla ilauei vt ipetvt hofantichi chatuk a e chohmi tuk oke:
8. Yvmohmi hosh hiahnit e hvchi palata fehna hokvt, vhpesa ahnit Chihowa im anumpa ak bano keyu, amba pimi shilombish ak kia aieninchit e hvch ima hinla tuk, hvsh pi holitopa fehna hoka.
9. Itibapishi li vhleha ma! toksahanlit hoyvblit pilbvsha tok a hvsh ithana hoke; achvfona kia e hvchi weka chi keyu kv, ninak, micha nitak, aiena ka toksahanlit Chihowa im anumpa ha isht e hvchim anumpohonli tok.
10. Hvchishno, micha Chihowa ak kia kaniohmit chukvsh kashofvt ai vhpiesa, micha anumpa onvtula he iksho ho na yimmi vhleha hvchia ha hvchi takla il ashwa tok a atokolit pi anoli hvchia hoke.
11. Atohnochit, micha hopohlvtit iki yosh im vlla im anumpuli ak inli ho e chohmi tuk a hvsh ithaiyana,
12. Yohmi hokvt vba apelihika holitopa ya hvsh esha chi ka, Chihowa, yvmmak osh hvchi hoyo tuk a, hvsh im ai ahla he ak atuk.
13. Chihowa im anumpa ha hvsh pi haponaklo mvt, im anumpa nana ho chohmichit hvsh ishi keyu kv, amba ai ahli hoka, Chihowa im anumpa hoke, yvmmt na yimmi hvchia puta ka ai ahli hvchi atahli tuk ilvppa pulla aiena kak o Chihowa ya yak oke il im ahni kv, il issa keyu hoke.
14. Itibapishi li vhleha ma! hvchishno vt Chihowa in chvch puta Klaist ibafoyuka hosh Chutea aiasha ka, iakai-

ya hvsh toba tuk oke; hvchishno ak kia Chu okla hv
yvmihchi tok a, hvchim okla hv chohmichit hvch ilbvshali
tok oka:

15. Yvmmvt Chitokaka, micha ilap i hopaii puta atuk ak
kia vbi tok osh, pishno ma pilbvshali tuk oke: mihmvt
Chihowa y_o yukpali keyu mvt, hatak moma ka im inla
hoke:

16. Il im anumpuli na Chentail vt okchaya chi ka pim
alvmmi hoke; ilap nan ashvchi alotola chi kak osh yvmoh-
mi bilia chatuk okvt, nan isht i nukkilli vt onvtula kv_t ont
im ai okluha hoke.

17. Yohmi ka itibapishi li vhleha ma! nitak ik hopako
ka nashuka yokvno hvchi filvmmichit pi ai ishi tuk, chukvsh
ak okvno keyu, yvmohmi h_o isht i shahli fehvt hvchi na-
shuka ya pisa pi bvna fehna tuk oke.

18. Yvmohmi kak osh himonna, micha a tukla foka ka e
hvchim ona he, Pal fehna sia hv_t vm anukfila tuk; yohmi
tuk kia Setan vt pi ataklvmmi tok.

19. Yohmi ka nanta hak o il isha he il ahni h_o? nanta
hak o isht pi ai yukpa y_o? nanta kak osh pim iachuka isht
pi ai yukpa y_o? Pin Chitokaka Chisvs Klaist vt vlakma
itikba ya hvchishno yak a he keyu?

20. Hvchishno ak o isht pi a holitopa, micha isht pi ai-
yukpa yoka.

CHAPTA III.

Timohli a pit i pila kv_t Tlessalonian a i hullo; micha nan ai vhlpiasa
h_o okla yvmohmi ka isht yukpa kv_t, otv_ninchi batok, 1; 10 vha
isht anumpohonli, micha im ona hi a ahni fehna aiena.

1. YVMOHMI hoka pi nuktaiyala he keyu kit tala
mvt, Ahlens a pishno bano hosh il ashwa he vhlpesa il
ahni tok.

2. Micha Timohlivs, pitibapishi, Chihowa nan isht im
vtta, Klaist im vbanumpa a piba toksuli, vt hvchi ai yimmi
ka ya a hvchi hlampkohonchit hvchi hopohlva chi h_o, e
pila tuk oke:

3. Yohmi na hatak kuna kia nan ai ilbvsha yakohmi ka isht ik a shanaowo kashke; hvchishno ak kia yakohma hi vt isht pim vlpisa tok a hvsh ithanvshke.
4. Hvchi takla il ashwa mvhli mvt, nan isht ilbvsha ya e pisa hi vt tikbanli hvchim anoli tok fehna kvf ant ai yvmohmi tuk a, hvsh ithaiyanvshke.
5. Yakohmi kak o sa nuktaiyala he keyu kit taha mvt, na nukpvlichi vt kaniohmit haksichi tuk yoba ka, yohmi na e toksvli tuk vt peh pilla na, ahni li hosh, hvchi ai yimmi ka akostininihi la chi hosh pila li tuk oke.
6. Yvmohmi tuk kia himak vno Timohlivs vt hvchi a kohchvt pim vla cha, a hvchi ai yimmi, micha hvsh iti hullo annoa achukma ka isht pim vla, mihma hvsh pithaiyana a bilia, hvchi pisa pi bnna ka, hvchishno mvt pi pisa hvchi bnna fehna ak inli tuk a, e haklo tuk oke.
7. Yvmohmi kvf itibapishi li vhleha ma! a pilbvsha putvt nana kvf pim atukonofa kia a hvchi yimmi ka pulla kak o isht pi a hopohla tuk oke.
8. Chitokaka ya ibafoyuka kvllot hvsh hielikma, himak a pi okchaya mak okvt.
9. Hvchishno pulla kak o pin Chihowa itikba ya na yukpa puta isht pi aiyukpa kvf, yak oke ahni katiohmi ho hvchishno pulla kak o anonti Chihowa ya il ima hinla?
10. Ninak, micha nitak moma anumpa ilbvsha achunan-chit il asihihla kvf, yvmvmt hvchi nashuka ya e pisa cha, na hvchi yimmika yvt nan ik ai ono ketuk a il ai ahlicha he ak oke.
11. Yohmi ka Chihowa ilap vt Piki, micha pin Chitokaka Chisvs Klaist vt il atia chi ka apissvlichit pisht hvchim onashke.
12. Micha Chitokaka yvt hvsh it i hullo ka i shahlit isht ia, micha hatak moma hvsh i hullo ka i shahlit isht ia, a chinto ka hvchim ahnashke; pishno e hvchi hullo ka hvsh chohmashke:
13. Yvmohmi ho pin Chitokaka Chisvs Klaist vt vbanumpa yimmi puta pehliehit vlakma, nan ashvchi ikshot,

anumpa hvechi onvtula keyut, Chihowa, Piki mak o itikba ya hvsh hiela hi o, mihi yosh hvechi chukvsh a hlampkohon-chashke.

CHAPTER IV.

Chihowa anukfoyuka kv̄t i shahlit mahaya hi a atohnohonchi, 1; 9 it̄ hullo, 11 nuktanlv̄t ilap nan isht ai v̄tta he tok akbano ho ahni; 14 illit falamvt tani, mikmvt anonti Klaist vt minta hi a isht anumpuli.

1. YUMOHMI ka anonti itibapishi li v̄hleha ma! Chitokaka Chisvs puyulla ho isht e hvechim anumpohonli kv̄t, yvm̄vt kaniohmit ayv̄t Chihowa ya hvsh yukpala hi osh hvsh pi a haponaklo tok vt, yvmohmit chitot isht i shahli feh̄vt hvsh mahaya he ak o e hvechim asilhvshke.

2. Chitokaka Chisvs pulla ho anumpa v̄lhpisa nana ho e hvch ima tok a hvsh ithaiyana hokvt.

3. Nan ashvchi ik hvechim iksho ilvppak osh Chihowa im anukfila hoka, yvm̄vt na haui hvchik ahalaio ka he;

4. Micha hvsh moyuma kv̄t nan ashvchi iksho, micha holiobli hosh, kaniohmit im ai v̄lhto ya iesha he vt ithana hi ak ok̄e.

5. Haknip nan ai ahni isht haui toba keyu hosh, Chentail vt Chihowa ik ithano ka ik chohmo kashke:

6. Hatak nana kia atablit itibapishi h̄g nana hoh kia ik haksecho kashke; Chitokaka yvt yvm̄ma chohmi ka im apesvt na hotopa onocha he oka, yvm̄ma chashpo ma ahah! hvsh im ahna he, atokolit e hvechim anoli tok.

7. Chihowa yvt a liteha ȳo a pi atokoli tok keyu, amba nan il ai ashvchi iksho ka hi ak atuk oke.

8. Yvmohmi ka kena kia shitilemakmvt, hatak o shitilema keyu, amba Chihowa yvm̄vt ilap Shilombish Holitopa ya pima tok ak oke.

9. Amba itibapishi it i hulla he imma hokvno isht hvchi holissochi la hi a hvsh ahna he keyu: hvchishno ak inli hosh it i hulla hi okvto Chihowa yak o hvsh im ai ithna tuk oka.

10. Yohmi kv̄t il itibapishi moma Masetonia moma ai asha ka hvsh i yvmohmi mv̄hli hoke: yohmi kia il itibapishi v̄hle-

há ma! isht i shahlit hvsh mahaya hi ak o e hvchim asilh-hushke.

11. Micha na fehna ahnit nuktaiyalvt, nana ilap isht ai vta he bieka ho yvmihchi, micha ilap ibbak ak inli ho isht toksahanla hi ilvppak o e hvchim apesa tok ak oke:

12. Yvmohmi hosh kocha asha ka ai vhpiesa ho hvsh i yvmohmi cha, nana kia ik hvch im ono kvv iksho kashke.

13. Yohmi kia itibapishi li vhleha ma! nusi vhleha ak okvno hvch ik im ithano ka he ahni li keyu, inla yvt nana ai okchaya pisa he ik ahno yo, chohmit ik hvchi nukhaklo ka he ak oke.

14. Chisvs vt illi tuk osh falamvt tani tok a pi yimmi hokma, yvmmak inli ho chohmit kvna hosh Chisvs a ibafoyukvt nusi tok okvno Chihowa hvv iba tanicha hi oka.

15. Chihowa im anumpa pulla ho ilvppa e hvchim achi hoka, yvmvt Chisvs vt vlakma, pishno vt pi okchayvt il asha tuk vt, nusi tok a il in tikba he keyu hoke.

16. Chitokaka yvt ilap ak inli hosh na shakapa, enchil i miko im anumpa ola, micha Chihowa im isht pufa chinto ohonla ho a pehliehit vba mintit vla hi oka; mikma Klaist a ibafoyukvt illi tuk vt tikba tana hi oke.

17. Yohmi mak inli ho pi okchayvt il asha kvv, hoshonti ataya shutik takla Chitokaka ya il ai afama chi ka, yvmmak ash aieninchit pisht ia hi oke: yvmohmi ho Chitokaka takla ya il asha na bilia hi oke.

18. Yvmohmi hoka, anumpa ilvppa puta kak o isht hvsh it i hopohlahanlashke.

CHAPTER V.

Nan vhlpisa chinto nitak a kaniohmit Klaist vt vla he anoli, 1; 12 nan im avvchi, micha nana ka achukma he bano ho ahnit, apesahanchi puta ka holitobla he i miha; mihmvt nan inla isht ai im anukfila he vhlpesa ka aieninchit achi.

1. YOHMI kia itibapishi li vhleha ma! himak a pilla nitak nan a kaniohma he puta imma hokvno isht hvchi holisochi la hi a hvsh ahna he keyushke.

2. Chitokaka i nitak vt hukopa yosh ninak o aya ho chohmit vla hi okvno, hvchishno ak inli kvv hvsh ithana fehna hoka.

3. Achukma bieka, tenvp vt iksho, okla ahanchikma, yohmikmak o yohma chi ik ahno takla ho na palvmmi kvv onutula kvv, ohoyo vlla esha chi kvv nukhvmi ka chiyuhma hi oka; mikma hlakofa he keyu hoke.

4. Yohmi kia itibapishi li vhleha ma! hukopa yo chohmit nitak yvmmvt hvchi sakka chi ka, ai okhlilika yo hvsh aya keyushke.

5. Hvsh moma kvv atohwikeli ka im vlla hvchia, micha nitak im vlla hvchia hoke; ninak, micha ai okhlileka yo pia keyu hoke.

6. Yvmohmi ka inla yo chohmit ik hvpi nuso kashke; amba okchvt ahah! il ahnashke.

7. Kvna hosh nusi hokvto ninak ak o nusi; mikma nan ishkot haksi hokvto ninak ak o haksi hoka.

8. Amba nitak o pia hokvto ahah! ahnit, na yimmi ikkishi alata, micha nan i hullo ma isht hvsh foyuka, micha noshkobo isht ompoholmo ai okchaya pisa he ahni ya il ieshashke.

9. Chihowa yvt ai i nukkilli yo a pim apesa tok keyu, amba pin Chitokaka Chisvs Klaist pulla ho ai okchaya il isha chi hatok oka.

10. Yvmmvt pi vltobvt illi tok, yohmi ka pi okcha hokma, pi nusi hokma, nana kia iba takla il ahanta hi atok.

11. Yvmohmi hoka hvsh yvmohmi ak inli hatok vt, it im anumpulit iti hopohlahanlit, hvsh iti hlampkohonchashke.

12. Micha itibapishi li vhleha ma! hvchin toksahanlit, Chitokaka pulla ho hvchi pehliechit, ahah! hvsh ahna he hvchi anukfohki ya, hvsh ithaiyana he;

13. Micha toksahanli pulla kak o holitoblit hvsh im anukfilli fehna hi a e hvchim asilhvshke. Micha hvchishno bika hvsh it i kanashke.

14. Yohmi ka itibapishi li vhleha ma! ilapunla yvt isht im ahleka hinla ka hvsh im anoli, chukvsh ielli ma hvsh hopohlahanlit, chukvsh ik hlampko hvsh hlampkohonchit,

hatak puta ka chukvsh isht hvsh i nuktaiyala he ak o e hvchi nukfohkishke.

15. Yohmi ka hvsh ahni na kvna kia nana ik achukmo ka nana ik achukmo mak inli ho hatak nana kia ik i yvmihcho kashke; amba hvchishno ak inli, micha hatak puta ka isht im achukma kak o hvsh iakaiya na biliashke.

16. Hvchi yukpa na biliashke.

17. Anumpa ilvrsha hvsh anumpuli kvv hvch ik isso kashke.

18. Nana puta ka yak oke, hvsh ai ahnashke; Klaist Chisvs pulla kak o Chihowa hvv ilvrpa hvchim ai ahni hoka.

19. Shilombish a hvsh mosholichi na.

20. Shilombish anukfoyukvt anumpuli ka hvsh shitilema na.

21. Nana moma ka imomaka hvsh pisashke; nana kvv achukma ka kvvlochit hvsh ieshashke.

22. Nana ik achukmo ahomba moma ka ik hvchi ahalaio kashke.

23. Mikma it i nanaiya yvt a mihinti Chihowa ak inli hosh ai oklvhvchit hvchi kashofashke; micha Chihowa ya im asihhla li kvv, hvchi shilombish, micha hvchim anukfila, micha hvchi haknip aiena kvv anumpa onvtula ikshochit hvchi ieshit, pin Chitokaka Chisvs Klaist vt ai vla hi a hvch isht onakbano ai ahni lishke.

24. Nana miha kvv ai ahlichy yosh hvchi hoyo kvv, yvm-mv yvmihcha chi ak inli hoke.

25. Itibapishi li vhleha ma! anumpa ilvrsha isht hvsh pi anumpohonlashke.

26. Hvsh itibapishi puta ka suksowa holitopa yo isht hvsh ai okprchashke.

27. Chitokaka pulla ho holisso ilvrpa il itibapishi holi-topa vhleha ha hvsh im it anumpohonla he ak o hvchi miha lishke.

28. Pin Chitokaka Chisvs Klaist nan isht i kana yvt hvchi anukfoyukashke. Amen.

HOLISSO ATUKLA PAL VT

CHVCH HLESSALONIKA

A HIKIA HQ I HOLISSOCHI TOK.

CHAPTA I.

Hlessalonian okla hvt vbanumpa anukfohka ai ahli ahnit, yimmit miha, 1; 7 nan i pvlammit maya ka vba afoha he isht hopohla-hanli; mihmvt nana kvt isht ai vhlpiesa ho nan vhlpisa pvlammi kvt i nukkilli vhleha ha onvtuyula he isht miha.

1. PAL, micha Silfanvs, micha Timohlivs pia hvt Chvch Hlessalonika a hikia Piki Chihowa, micha Chitokaka Chisvs Klaist ibafoyuka ka pit il aiokpvchi kvt,

2. Piki Chihowa, micha Chitokaka Chisvs Klaist ita tuklo nan isht i kana, micha isht it i nanaiya ita tuklo kvt hvchi anukfoyukashke, e hvch im ahnishke.

3. Hvchi ai yimmi ka yvt chitot isht i shahli fehna, micha hvsh moma kvt hvsh it i hullo kvt laua fehna hoka, itiba-pishi li vhleha ma! isht ai vhlpiesa ho hvchishno pulla kak o Chihowa ya yak oke il im ai ahni na bilia hi atuk oke:

4. Yvmohmi kvt pishno vt ai ilbvsha, micha na pvlmimi puta aiena kvt hvchi onvtuyula kvt, hvchi nuktaiyalt, na hvchi yimmi kak o, Chihowa in chvch puta ka a hvchi anolit isht e hvch ilauata hoke.

5. Yvmmak okvt Chihowa hvt ai vhlpiesa apesvt onochi ka isht otvni, yohmi ho Chihowa im ap ehlich ka ya hvsh isha he vhlpiesa ka hvchi ahna hi atok, yvmmak a he mak o hvch ilbaiyvsha hoka.

6. Chihowa hvt hvch ilbvshali ya i falaminchit na palvmmi ho onocha hi vt vlpesa;

7. Micha hvchishno vt hvch ilbvsha kv, hvsh pibafoha hi a hvchim ahna hi vt vlpesa hoka, nitak ymma fehna Chitokaka Chisvs vt enchil hlampko puta ka il ai eshit,

8. Uba mintit luak libbi biekvt haiakvt, Chihowa ik ithano, micha Chitokaka Chisvs Klaist im vbanumpa ik im antio aiena ka isha he vlpesa mak o im apesvt onochikma;

9. Ymmak okvt Chitokaka, micha nan isht im ai ahli holitopa itikba ai i filvmmi na palvmmi a bilia isht im vltobvt ilbvsha he;

10. Ymmak okvt vla cha, vbanumpa yimmi puta ka isht a holitopa he, mikma i yimmi puta kv okokko! ahnit aiokpahancha he nitak ymmak ok mak o yakohma he, atokolit il anoli tok a hvchi yimmi tok oka.

11. Yvmohmi hoka anumpa ilbvsha isht e hvchim anumpononli na bilia kv, pin Chihowa yvt nan isht ilaiyukpa ilvppak ash hvsh isha hi a vlpesa hvchi ahni cha, ilap nan isht i kana aiokpancha he achukma moma, micha ai yimmi a toksvli nan isht im ai ahli aiena ka isht hvchim atahli hokbano il ai ahni hoke.

12. Yvmohmi ka pin Chitokaka Chisvs Klaist hohchifo hvt, hvchi a holitopakma, pin Chihowa, micha Chitokaka Chisvs Klaist nan isht i kana pulla ho ymmak ash hvchi a holitopashke.

CHAPTA II.

Nan ai ahli ya a kvllot iesha hi a i miha; nan ai ahli laua kv ai i filvmma he, mikma Klaist i sanali vt Chitokaka yvt ik lo kisha ka, otaiyana hi a anoli; 15 vba isht anumpononli.

1. YOHMI ka itibapishi li vhleha ma! pin Chitokaka Chisvs Klaist vt vla he, micha il im itvnaha he ak o isht e hvchim asilhvshke.

2. Yohmi ka chekosi, shilombish tikbanli anoli yokma, vbanumpa tosholi yokma, pi holisso hak okma, nana hoh

kia Klaist i nitak vt auet olanlosi hvchi chohmit, hvchim anukfila hvk ik shanaïowot ik hvchi komunto kashke.

3. Hatak nana kia kaniohmit ik hvchi haksecho kashke: vbanumpa h_a i filvmmmit ik ash_o kisha, micha nan okpuni ushi, hatak nan ashvchi yvmmvt ik haiako kisha ka, nitak yvmmvt vla he keyu.

4. Yvmmak okvt Chihowa hohchifo, micha i shahli ikbit aiokpvchi puta ka i sanalit ile chahvchit, il i shahliche yoke: yohmi hosh yvmmvt Chihowa chohmit, Chihowa in tempel a binilit, Chihowa ile mihvt ile haiakvchi hoke.

5. Hvchi takla anta li moma mvt, ilvppa puta ka hvchim anoli li tok a hvch ik ithaiyano h_o?

6. Yohmi ka himak ano nitak vt im vlhpiesakmvt obana hi a, nana hosh halvli ka, hvsh ithaiyanvshke.

7. Na luma chito ik vlhpeso yvt tovt isht ia mashko hoke: himak a halvli kv halahanla chi; atuk o yvmmak ash o ishit i kanvlichik mak a hi oke.

8. Mikma yohmikmak o nan ashvchi yvmmak ash ot ovna hi oke; yvmmak oka Chitokaka yvt itih ilhfiopak isht illiche he, micha sholpakali hosh ant haiakakmvt, yvmmak ash o akshocha hi oke.

9, 10. Yvmmak okvt Setan nan akaniohmi yo iakaiya kv, nan isht im ai ahli, nan isht atokowa puta, micha na holabi isht nukhlakancha, mikmvt nan ik vlhpeso isht yoshubli aie-na h_o il ai ishit illi na bilia he puta ai itin takla ya avt otaiyani yvmmak a he oke; okchaya hi atuk kia vbanumpa ahlika ya holitoblit ik yimmo tok okvt.

11. Mikma yakohmi kak o Chihowa yvt nan isht a yosh-uba kvlo kv ik onvtula im ahni na na-holabi kia i yimma he:

12. Yvmohmi pulla hosh anumpa ahli ik yimmo hosh, amba nan ik vlhpeso aiokpanchi tuk vt momvt nan im vlpisvt na hotopa hi atok.

13. Yohmi kia itibapishi li Chitokaka i holitopa hvchia ma! hvchishno pulla kak o Chihowa ya yak oke il im aiah-nit bilia he vlhpesa hoke. Shilombish isht a kashofa, mi-cha anumpa ahli yimmi pulla hosh hvchi okchaya he ai vmona ka hvchi atokoli tok oke:

14. Yvmmak a hi o pin Chitokaka Chisvs Klaist isht a holitopa ya hvsh isha hi a, yvmmak ash ot pim vbanumpa isht hvchi hohoyo tok oke.

15. Yvmohmi hoka itibapishi li vhleha ma! kullot hvsh hielashke, micha anumpa vhpisa puta vbanumpa toshowa hokma, keyukmt pi holisso hokma, nana ho hvsh ai ithvna tuk vt hvsh ieshashke.

16. Mikma pin Chitokaka Chisvs Klaist ilap inli, micha Piki Chihowa, yvmmt pi hullo, micha nan isht i kana pulla hosh chukvsh isht a nuktaiyala bilia, micha nana isha he ahni achukma ya pihima tok vt,

17. Hvchi chukvsh a hopohlvi cha, anonti anumpa achukma puta, micha nan toksvi achukma aiena ka isht a hvchi hlampkohonchashke.

CHAPTA III.

Vba isht anumpohonla hi a im a sihlha, 1; 6 nan ai vhpiesa ik shana-iowo ka he i miha; nan in takobi, micha nan ik vhpeso aiena ka ik ai itapeho ka he, 16 isht aiyopichi kvv vba asihlha.

1. ISHTAIYOPI ka itibapishi li vhleha ma! anumpa ilbvsha isht hvsh pi anumpohonli na Chitokaka im anumpa yvt melihinlit ayvt, holitopa kvv, hvchim ai yvmohmi kak inli ho chohmashke:

2. Yohmi ho hatak ik vhpeso, micha hatak nan ashvchi atampa aiena ka il i hlakofa he ak o, hatak moma kvv ai yimmi ka ishi keyu hoka.

3. Yohmi kia Chitokaka yvt na mihvt ai ghlich, yvmmak osh hvchi hlampkochi cha, nan okpulo ya hvchi a filvmmichit hvch iesha hi oke.

4. Micha hvchishno pulla hokvno Chitokaka ya isht il anukhieto kvv, nana e hvchim apesa tok a hvsh yvmihchi kvv, anonti hvsh yvmihinch ch mak oke.

5. Mikma Chitokaka yvt hvchi chukvsh a apissvlechi na Chihowa ya hvsh i hullo, Klaist atok a chiyuhmit nuktaiyalt hvsh achunanchashke.

6. Yohmi ka itibapishi li vhleha ma! pin Chitokaka Chisus Klaist a hochihifot isht e hvchim apesa kvt, itibapishi kvna hosh ai vlpesa keyu ho aya, micha anumpa vlpesa pim ai ishi tok ak keyu hokvno, hvsh i filvmmashke.

7. Hvchishno ak inli kia kanihmit hvsh pi ahobacha he vlpesa kvt hvsh ithanvshke: hvchi takla il ashwa mvt, ai vlpesa keyu ka a pi yvmohmi tok keyu:

8. Micha pilla hatak inla i pvska e pa tok keyu, amba nak, micha nitak moma ka toksvilit, hoyublit pi palvmmi tok, yvmvmt hvsh kania kia nana kvt ik hvchi kvnio ka chi kak atok.

9. Yohmi kvt e yvmohma he vlpesa keyu nana tok keyu: amba hvsh piakaiya hi o e hvchim ile haiakvchi hatuk oke.

10. Hvchi takla il ashwa mvt kvna kia toksvla he keyukmvt impa he vlpesa keyu, ilvppak oka e hvchim apesa tok.

11. Kanimi kvt hvchi takla ai vlpesa keyut aya mvt, toksvla he keyu kvmmohmit, nan isht ahalaia keyu kia isht vttvt fullokahanchi ka e haklo hoka.

12. Yvmma chohmi puta kvt nuktanlv ahanlv, toksvilit, ilap i pvska vpa he ak o im apesvt, pin Chitokaka Chisus Klaist puyulla mak o il in tonohonchishke.

13. Yohmi kia itibapishi li vhleha ma! nana achukma ka hvsh yvmohmi kvt ik hvch in takobokashke.

14. Micha hatak nana hosh pim anumpa holisso ilvppa ik im antiokma, yohmi hvsh ahni cha, takla hvch ik ayo ki hafyashke.

15. Yohmi kia hvchin tenvp o ahnit hvchik anukfillo hosh, amba itibapishi ha chohmichit nana hvsh i mihashke.

16. Chitokaka it i nanaiyvchi ilap ak osh ik kanihmi kia isht it i nanaiya ya hvch ima na biliashke. Chitokaka yvt hvsh moma ka hvch ibafoyukashke.

17. Pal sia hvttv subbak fehna ho isht hvchi aikpvchi li ka, yvmvmt a holisso puta ka isht ithvna mak oke: yakohmi ho holissochi lishke.

18. Chitokaka Chisus Klaist nan isht i kana yvt hvsh moyuma ka hvchi anukfoyukashke. Amen.

HOLISSO VMMONA PAL VT

TIMOH LI YA

I HOLISSOCHI TOK.

CHAPTA I.

Timohli a pit aiokpuchi, mihmvt nana ka isht atokoli tok vt isht i mihiha, 1; 5 nana ho isht ai vllhpiesa hosh nan vllhpisa yatuk a anoli; 11 ilap vbanumpa nukfoka tok vt anoli.

1. PI Okchalinci Chihowa, micha ai okchaya bilia e pihisa he ahnit il anukchieto, Chitokaka Chisvs Klaist ita tuklo ka im anumpa pulla ho, Chisvs Klaist im apostel Pal vt;

2. Nan ai yimmi pulla ho svso fehna Timohli ya pit aiokpuchi hoke; Isht i kana, isht i nukhaklo, micha isht it i nanaiya aiena kvv Piki Chihowa, micha pin Chitokaka Chisvs Klaist ita tuklo ka a mihinti kvv chi anukfoyukashke.

3. Masetonia ya ia li mvt, Efesvs a ish anta cha, kvna kia nana inla isht ik abacho ka chi ka,

4. Mikmvt anumpa ik ahobo, micha in tikba ai unchululit isht auehinechi isht annoa ataha iksho, yvmmak okvt Chihowa holitobli nan isht ai yimmi i shalichit nukfohkicha he keyu hosh, iti posilhhvchit ai asha hi a anukfohkichi yvmmak oka isht ik ahanto ka chi ka, ish im apihisa he chim ai ahni li tok a, ish yvmihchashke.

5. Vba nan vllhpisa yokvto chukvsh kashofa, micha im anukfila achukma, micha na-yimmi ai ahli aiena hosh it i bulla he ak o, hoyo hoke:

6. Kanimi kv̄t ilvppa puta kak o i filvmm̄it, naksika ia cha, anumpa nan ik ahobo anumpuli hoh mak osh ;

7. Ilap okv̄t nana h̄o okla miha, micha nana h̄o kv̄llochit miha aiena kv̄t akostininchi keyu kia, vba nan v̄lhpisa ithv-nanchi o toba bv̄nna chatuk oke.

8. Yohmi ka hatak okv̄t ai v̄lhpiesv̄chi hosh isht vtta hok-ma, vba nan v̄lhpisa yv̄t achukma hoka il ithanv̄shke.

9. Vba nan v̄lhpisa yv̄t hatak v̄lhpesa yak o in toba tok keyu, amba vba nan v̄lhpisa ik ahninchot ik im antio, Chihowa ik holitoblo, nan ashv̄chi, Chihowa ik im antio, vbanumpa ik ahobalo, iki puta vbi v̄hleha, ishki puta vbi v̄hleha, hatak bika vbi v̄hleha.

10, 11. Haui puta, kv̄na hosh ilap inli kv̄t nakni bika isht ile litehli v̄hleha, hatak bika hukopa v̄hleha, holabi v̄hleha, anumpa kv̄llo il onochit ik ahlo v̄hleha, mikmv̄t ilap inli isht ilaiyukpa Chihowa im anumpa holitopa, isht v̄m atokowa tok, nan ai ahli yv̄mma i sanali kia yv̄mohmi v̄hleha aiena kak atok, ilvppa il ithaiyanv̄shke.

12, 13. Yohmi ka tikba ma vbanumpa ik ahobalo, micha na yimmi v̄hleha i palvmmihinch̄i, micha chukv̄sh hotopahanli sia yatuk kia, ai ahli la he v̄m ahnit, pin Chitokaka Chisvs Klaist mihi yosh sa hlampkohonchi cha, vbanumpa isht im vtta ȳo sa hilechi tok ; yohmi ka nan ik yimmot nan ak ithano hatuk osh, nana ka yv̄mihchi li tuk osh nan isht i nukhaklo a ahayuchi li tuk vt, yak oke im ahni lishke.

14. Yohmi ka pin Chitokaka nan isht i kana yv̄t lava fehna hatuk o, Klaist Chisvs ai ibafoyuka hosh na sai yimmi cha, nan isht i hullo li tok oke.

15. Nan ashv̄chi v̄hleha yv̄mma v̄no ak osh moma i shahli li yatuk a, okchalinya ch̄i hosh Klaist Chisvs vt yakni pak-na vla tok, anumpa ilvppv̄t ai ahli fehna ka v̄lhpesa ahnit, aiokpancha he v̄lhpiesa hoke.

16. Yohmi ka nan ashv̄chi moma i shahli v̄no yak atuk osh nan isht i nukhaklo ya ahayuchi li tok, ilvppak o himak a pillā ai asha kv̄t yv̄mma i yimmi cha, ai okchayv̄t bilia isha ch̄i ka, Chisvs Klaist vt v̄no ak o nan isht ahobv̄cha he ak osh ilap nan isht i slahv̄t i nukhaklo ya otv̄nihincha ch̄i ha tok.

17. Yohmi ka Miko okchayvt a bilia, illa he keyu, na holhponayo hvt pisa he keyu, Chihowa hopoyuksa yak bano kak o ahninchit holitohombli na bilia hosh ik biliá. Amen.

18. Tikba nan atokowa isht a chi anoli kvt, tikbalichit isht chi otvnihinchi yummak atuk pulla mak o, tvshka ahli achukma hosh ish tanahampa chi ka, svso Timohli ya nan isht ish ahanta he ilvppa chi atokoli lishke:

19. Ilvppak ash im ai ahli achukma kvt isht il akostininchi achukma ka ish ieshashke: yakohmit isht il ithaiyana he tuk ash osh kanimi kvt kanchi kvto, nan ai yimmi ka yash o it a yuhli yoke.

20. Yohmi ka kanimi kvt Himenevs, micha Aleksanta ita tuklo kak atuk; yummvt vbanumpa ik ahobalot nan ik mihacho ka chi ka yummak o ithvna chi ka, Setan a im issa li tok oke.

CHAPTA II.

Hatak moma ka vba isht anumpohonla he, mihmvt nana kvt kaniohmi kak o yakohma hi a anoli, 1; 9 kaniohmit ohoyo hvt shema he: 12 ohoyo hvt vba anumpa isht anumpula he keyu, yohmi kia na yimmi ahli hokmvt, okchaya he.

1, 2. YOHMI hoka nana ish a yumohma he vmmona kvt, Chihowa hvt hatak puta ka i nukhaklo ka yak oke pit im ai ahnit, anumpa ilbvsha ish anumpuli kvt, Chihowa hvt hatak puta i kanvt, miko vhleha, micha nan vltoka vhleha aiena ka hopoyuksiacha he ak o ish im asihihla he chi atohno lishke; yohmi kvt Chihowa ya e holitobli, micha hatak nana il ai it i kaniohmi puta kvt ahli achukma hosh il ahanta hok mak osh pi okchaya takla kvt, it i hullot it i kanvt il ahashwa hinla hoke.

3. Ilvppak okvt achukma hoke; yohmi ka pi Okchalinchit Chihowa hvt pisa kvt ahninchit hoke:

4. Yummak okvt hatak puta kvt vbanumpa ahli yoka nukfoyuka cha, okchaya he ak o im aiahni hoke:

5. Yohmi ka Chihowa hvt achvfa, micha hatak, Chihowa ita tuklo it i nanaiyvchi yvt achvfa, hatak Klaist Chisvs ak oke.

6. Yummak okvt moma ka vltoba mak osh ilap inlit il

im issa kv̄t, anumpa ahli ilvpput ont ai vlhpiesakma anohova hi a tok oke.

7. Yvmmak atuk mak o apostel, micha vbanumpa isht vtta ita tuklo ka si vlhtoka tok oke; yohmi kv̄t anumpa ahli, micha na yimmi imma aiena ka Chentail okla im abvchi sia hosh, holabi keyu hosh Klaist isht anumpa ahli mak o anum-puli lishke.

8. Yohmi ka anuktuklo, micha anukhobela aiena iksho hosh, ibbak mvt kashofa achukma bieka hosh vba pit welit, kanima moma ka hatak puta kv̄t anumpa ilbvsha ai anum-pohonla hi a im ai ahni lishke.

9. Anonti yvmmak ash inli ho chiyuhmit, ohoyo puta kv̄t ilefoka ai vlli chito, pvl, tvi holisso lakna aiena ka isht ik shemo ka he, micha pashi aiena ka yikyuachit ik shemacho ka he; amba im anukfila puta kv̄t ile oktamplit, hatak ma ik ai okchifelo hosh nuktanlv̄t, ilap isht a shema he ai vlhpiesa ka isht shema he im ai ahni lishke.

10. Amba ohoyo puta kv̄t Chihowa holitobli kv̄t, si anuk-foyuka ahnit il anoli kv̄t, ai yvmohma he vlhpesa, nan isht vtta achukma kak o yvmohmashke.

11. Ohoyo hv̄t ai ahlit im antīv̄t, lumv̄t maya hosh nana ka ithvnashke.

12. Yohmi ka hatak a ohoyo hv̄t i shahlit, nana ka im abvchit ahanta he ak im ahnoshke; amba lumv̄t ai asha he im ai ahni lishke.

13. Yohmi ka Alvm ak osh If a tikba toba hatok oka.

14. Mihma Setan vt Alvm a haksichi tok keyu, amba ohoyo hak o haksichi na ai ashvchika ya yvmohmi tok.

15. Yohmi kia vlla ishi kv̄t okchaya he, yohmi kv̄t na yimmi kv̄t ik isso hosh, i hullo, micha chukvsh kashofa ho isht holitoblit, ile oktampli hok mak osh okchaya hi oke.

CHAPTA III.

Bishop, micha iksa nan isht im vtta, micha im ohoyo aiena kv̄t nana hosh im vltaiyaha he, 1; 15 Chihowa in chvch, micha nan ai ahli vt ai vlbvchi ka isht im anum-puli.

1. ANUMPA ilvppvt ai ahlishe, yohmi kv̄t hatak kv̄na hosh bishop nan ai isht vtta ishi bunnakmvt, nan ai isht vtta achukma hō ishi bvnna hoke.

2. Yohmi ka bishop vt anum̄pa ik achukmo nana kia onvtula he keyu, tekchi achvfa ī hatak, nana ka ahah ! ahni, ile oktampli, nana a kaniohmi mvt achukma, hatak ik ithano moma ka ī kana, nana im abvchi kv̄t imponna,

3. Ōka homi ishko shahli keyu, na fahama keyu, ai v̄lh-piesa keyu isht a hofahya he nan isht ahayuchi bvnna keyu; amba nuktanlv̄t, ik itachowo, tv̄li holisso ī hullo keyu;

4. Yohmi kv̄t ilap in chuka chvfa ya pehlichī kv̄t imponna, im v̄lla v̄hleha hv̄t im antia achukma chī ka yopunla keyu hosh im anukfila nuktanla achukma hosh nana im api-hisashke :

5. Yohmi ka hatak in chuka chvfa pehlichī ik ithano kv̄t, katiohmit Chihowa in chvch a apesvchi imponna hinla hō ?

6. Himona vbanumpuli toba keyu hashke ; yohmi hatuk mvt ilefehnvchi isht a wakayvt hikia hokmvt, nan isht ahullo okpulo nan isht ilbusba im v̄lhpisa tok a chiyuhmit im v̄lhpisa hinla hoke.

7. Anonti vbanumpuli keyu aiasha im annoa achukma kv̄t ieshashke ; keyukmvt isht a hofahya, micha nan isht ahullo okpulo nan isht haksichi aiena ka pit itula hinla hoke.

8. Anonti chvch nan isht im vtta yvt yopunla iksho hosh im anukfila nuktanla achukmashke, im anum̄pa tuklo keyu, ōka homi ishko shahli keyu, ai v̄lhpiesa keyu isht a hofahya he nan isht ahayuchi bvnna kv̄yu ;

9. Nan ai yimma hi vt vbanumpa a luma hatok a im anukfila kashofa achukma hosh isht ieshashke.

10. Yvm̄mak ash ō t̄ikba imomaka pisashke ; yohmi kv̄t anum̄pa ik achukmo onvtuyula iksho hok mak osh, chvch nan isht im ai vtta ya isht vttashke.

11. Tekchi ak kia yopunla keyu hosh im anukfila nuktanla, hotopali bvn̄vt na-mihachi keyu, nana ka ahah ! ahni, nana moma ka ai ahlī banashke.

12. Chvch nan isht im vtta yvt tekchi achvfa ī hatak osh,

im vlla vhleha, micha ilap in chuka chvfa ya ai vllhpiesa hosh pehlichashke.

13. Yohmi ka chveh nan isht im vtta nan-ai isht-vtta isht vtta ai ahli yvmmak osh ilap isht hohchifo achukma ka ishi hoke; yohmi cha Klaist Chisus isht ai yimmi kvv nukwaya iksho hosh anukforyukvt ahantvshke.

14, 15. Chekosikma chim ona la chi, ahni li; yohmi kia anta li hopaki hokma, Chihowa im aboha anukaka, yvmmt Chihowa okchaya in chveh okvt, vbanumpa ahli ka in tonik, micha in tolaphi yoka, ish a kaniohma he puta kvv ish ithai-yana he mak o, ilvppa puta ka pit chi holissochi lishke.

16. Mikma moyuma kvv ilvppa ai ahli ai ahnishke; vbanumpa nan otvninchi kvv na chinto fehna; yohmi kvv Chihowa hvv haknipp o isht otvrit, Shilombish Holitopa ka isht ai ahli, enchil vhleha ha im a haiakvt, Chentail vhleha ha isht im anuhumpa tok, mihma yakni paknaka ya ai i yihimmi tok o, vba a holitopa ka ik chukowá im ai ahni na pit chukowa tok.

CHAPTA IV.

Nan ai yimmika ya i filvmmitt akakoha hi a tikbanli anoli, 1; 6 na ka a yvmohma he vllhpiesa ka mominchit yvmihcha hi a anumpa vllhpisa il aiyukali isht i miha.

1. **SHILOMBISH** Holitopa yvt otvninchi fehna hosh anoli kvv, himak a pilla ka kaniohmi kvv vbanumpa yimmi tuk vt issa cha, shilombish na yoshubli im antiivt, nan isht ahullo okpulo vhleha imma isht vlvvchi ka yimmit,

2. Nan ilahobi holabi hosh anumpohonli kvv, isht il akostininchi mvt tvli lvshpa isht luvv yikotvt kvnia hatuk osh;

3. Nan-itaumwaya im olvichi, micha ilhpak kaniohmi ka ik po ka he aiena ka im apihisa he; ilhpak yvmmak oka anumpa ahli ithana, micha i yimmi aiena hokvto yak oke ai ahnit, habena he mak o, Chihowa hvv ikbi tok oke.

4. Yohmi ka Chihowa hvv nana moma ikbi tok a achuk-

ma bano, yak oke ai ahnit habena hokvto, ik ahnincho ka li a nana kv̄t ikshoshke.

5. Yohmi ka Chihowa im anumpa, micha anumpa ilbvsha ita tuklo atuk mak o yvmmak ash ot isht a pim vlvpiesa hoke.

6. Ilvppak o itibapishi vhleha hv̄t ithaiyana he mak o ish nukfoyuki hok mvt, Chisvs Klaist im anumpa isht v̄tta achukma chia mak a he, na yimmi, micha nan vlvvchi achukma ita tuklo isht anumpa ka isht chim vlvvchit a chi anukfoyuka hoke.

7. Anumpa kv̄llakshi shukanumpa, ohoyo sipokni nan anoli chohmi ka chik ahnincho hosh, amba Chihowa holitoblit isht ahantashke.

8. Haknip nan isht v̄tta isht ai achukma hokvto mishema he keyu hoke : amba Chihowa holitobli nana moma ka isht im ai achukma kv̄t, yakni paknaka nan ai isht ai yukpa, micha yakni inla v̄la he mihinti ita tuklo ka isht ai yukpa he im issa hoke.

9. Anumpa ilvppvt ai ahli fehna ka, vlvpesa ahnit, ai okpancha he vlvpiesa hoke.

10. Yohmi ka ilvppak osh yohma chi h̄o, e toksvlit pi hoyvblit, isht a hofahya anumpa aiena kv̄t pi onvtohonla kv̄t, Chihowa okchaya ak o il anukchieto ka ; yvmmak osh hatak moma okchalinchī, yv̄mma i yimmi hok mak heno ahli fehna hosh okchalinchī yoke.

11. Ilvppa puta ka im apesvt ish im abahanchashke.

12. Chi himita kak o isht ik chi yukpo kv̄t kv̄na kia ik anto kashke ; amba nan ish a kaniohmi, ish anumpuli moma, ish i hullo, chukvsh nan isht ish ai ahni, na chi yimmi, havi imma anukfila iksho, ilvppa puta ka ish yvmohmi pulla na na-yimmi vhleha hv̄t chim ai ithv̄vt chiakaiyashke.

13. Holisso it im anumpulit nan atohnochit, vbanumpa im avvchit isht ish ahanta na ona lashke.

14. Na hulbina chimmi ha he nitak hopaki pilla kash anohowa tok o, vbanumpa isht v̄tta vhleha hv̄t ibbak chi onochi na chim ai ahli tok vt, chi anukfoyuka kv̄t isht chik ahanto ki ná.

15. Illeppa ish anukfihinli cha, chim anukfila ha a minchit isht ish ahantvt, nana ka i shahlit ish mahaya ka nana moma ka ai otvnashke.

16. Ahah! ish il ahnashke, micha nana ish abahanchi kvv ahah! ish ahnashke: yohmi kvv yvmma achunanchit isht ish mahayashke: ilvppak o ish yvmohmi hokmak osh, ish ile okchalinchikmvt, anonti inlvt chi haklo aiena ka ish okchalinea hinla hoke.

CHAPTA V.

Hatak ilaiyuka ka kanimihchit nan i miha he anoli, 1: 5 ohoyo i hatak illi ya nan isht i miha: 17 iksa nan isht im vtta, 23 Timohli abekoma chohmi aiena ka nan isht miha, 24 kanimi ka nan im ashvchika yvt tikba ivt nan vlpisa ka ona, mikma kanimi nan im ashvchika yvt himmak o iakaivt nan vlpisa ka ona.

1. HATAK asvnochi ka anumpa kvvlo isht chik im alvmicho hosh, amba iki chohmichit i kanvt nana ish i mihashke; micha hatak himita vhleha hokvno itibapishi chohmichit i kanvt nana ish i mihakmvt,

2. Ohoyo sipokni vhleha hokvno ishki chohmichit i kanvt nana ish i mihakmvt, anonti ohoyo himita vhleha hokvno havi imma anukfilli iksho hosh, in tek chohmichit i kanvt nana ish i mihashke.

3. Ohoyo i hatak illi vhleha hvv i hatak illi ahli pulla ka ish holitoblashke.

4. Amba ohoyo i hatak illi kaniohmi kvv im vlla, keyukmvt ipok vhleha hvv ashakmvt, vmmona nan ithvna kvv, in chuka mayvt nana achukma ka yvmohmashke; micha ipokni, ishki chohmi ka falaminchit im atobbashke: ilvppet achukmvshke, yohmi kvv Chihowa itikba ya ai vlpiesa hoke.

5. Yohmi ka ohoyo i hatak illi ahli pulla, micha vltakla hokvto, Chihowa ak o anukchieto kvv, nitak, ninak ita tuklo ka anumpa ilbusha anumpohonlit a bilia hoke.

6. Amba ohoyo i hatak illi yvt haknip nan isht ai yukpa isht ai yukvt ahanta hokvto, okchaya takla kvv illi yoke.

7. Yohmi ka ilvppa puta ka ish im apihisa na anumpa ik achukmo kv̄t ik onvtulo kashke.

8. Amba kanimi kv̄t ilap immi, micha ilap in chuka chvfa a fehna aiena ka ik im atahlo hokmvt, vbanumpa h̄a ik holitoblo kv̄t, nan ik yimmo ak kia ik achukmo kv̄t i shahli hoke.

9. Ohoyo i hatak illi yvt afvmmi pokoli hannali ka ik ono hokvto, ik iba holisso kashke,

10. Yvmmvt hatak achvfa tekchi atok, nan isht vtta achukma ka isht annoa achukma, vlla achukmalit hofanti-hinchi, hatak ik ithano nowvt aya ka nan im atahanli, vbanumpuli holitopa iyi kia im achihiha, ilbvsha ya apela-hanchi, nan isht vtta achukma puta ka achunanchi biekvt isht ahanta cha tuk mak osh iba holissashke.

11. Amba ohoyo i hatak illi himita vhleha hokvno ish im olvbichashke; yvmmak okvto Klaist im antia ik bennot, yakni paknaka nan isht ai yukpa ahnit isht iakmvt, hatak auwaya bv̄nna hinla hoke:

12. Yvmmak okv̄t na yimmi vmmona tuk vt issa hokvt, isht ilbvsha anumpa hv̄t onvtuyula hoke.

13. Mikmvt anonti nan isht vtta intakobi kv̄t, chuka abaiyvchi banot itvnohova; micha nan isht vtta intakobi kak bano keyu, amba anumpa chukushpali aiena, micha inla nana im a kaniohmi kak bika isht ahantvt, nana isht anumpula he vlv̄pesa keyu kia isht anumpuli hoke.

14. Yohmi hoka ohoyo i hatak illi himita vhleha hv̄t hatak auwayakmvt, vlla ishki tobtv, chuka apesvchit anta kv̄t, nana ik achukmo nana kia yvmohmi na vbanumpa i sanali vhleha hv̄t hofahyalit isht ik anumpulo ka he, im ai ahni lishke.

15. Himak a kaniohmi hokvto naksika filvmm̄it Setan a iakaiyvt ia mashko hoke.

16. Yohmi ka hatak, keyukmvt ohoyo na yimmi kani-mampo kv̄t ohoyo i hatak illi yvt i kanomi hv̄t asha hokmvt, yvma apelahanchi na chvch ak okvto nan isht ik i kv̄nio kashke; amba ohoyo i hatak illi ahli pulla hokvno apelvchashke.

17. Iksa pehlichi vheha hvt achukmalit iksa pehlichi kak osh holitopa kv̄t i shahlikma, anonti vbanumpa ithv-nanchit isht anumpuli hokak heto i shahli fehnvt holito-pashke.

18. Yohmi ka Holisso Holitopa yvt achi kv̄t, Wak tok-svli vt onush nihechi ka itih h̄a chik takcho kashke: micha, Na toksvli vt im vltoba he ak osh ai vlpiesa hoke, achishke.

19. Vbanumpa isht vta yvt nan ik achukmo kia yvmoh-mi tok annoa ka ik chi yimmo kashke; amba nan atokowa anoli tuklo, tuchina kanima hosh anoli hok mak ashke.

20. Amba ashvchi hatuk o mvhli hokmno, momvt pisa h̄o, ish im alvmnichashke, yohmi na inla āsha kv̄t nukshopa mak inlashke.

21. Nana chim apih̄sa li kv̄t, Chihowa, micha Chitokaka Chisvs Klaist, micha enchil vltoka vheha aiena ka itikba hikia li hosh, ilv̄ppa ish holitobli kv̄t it i shahsholechit, ha-tak achefona h̄o i kana i shahlichit nana isht chik im ahanto ka he ahni lishke.

22. Hatak kv̄na kia himak fokalechit ibbak onochit, inla nan ai ashvchi ka chik iba taklo kashke: yvmohmi kv̄t a kashofa hosh ish ahantashke.

23. Himmakma oka kapvssa chik ishko hosh, amba chik-foka ak atuk pulla mak o, micha chi abeka shahli aiena hokvt oka-paki kanomosi ka ish ishkashke.

24. Hatak kaniohmi nan ai ashvchi yvt tikbanli otv̄nit, nan ai vlpisa itikba ya oh̄na hoke; mikma hatak kanioh-mi hokvno iakaiya hoke.

25. Anonti hatak kaniohmi nana achukma a yvmohmi kv̄t tikbanli otv̄ni akinlishke; mikma ik yohmo ke tuk vt luma he keyu hoke.

CHAPTA VI.

Yuka hvt nana ka isht abanta he vlpesa ka anoli, 1: 3 ilap vt nan isht ithvnachi tuk a keyu h̄o kv̄na hosh isht ithvnachi hokvno i silv̄mma he. 6 Chihowa anukfoyuka hokvto nan il ahayuchi,

10 teli holisso i hullo kv̄t nan ik v̄hpeso ȳo hakshish; 11 nana ho Timobli vt i filvmmi cha, anonti nana ho im antia he: 17 nan in-lava ya nana ho im acha hi a im achi.

1. YUKA puta ikunla abana nuta ahanta kv̄t, ilap i na hullo isht a holitopa he v̄hpiesa ka isht holitobli na Chihowa hohechifo, micha im vbanumpa aiena kv̄t isht ik kv̄llak-sho kashke.

2. Mikma i na hullo vbanumpuli yosh asha hokvt itiba-pishi hokvt, isht ik i ahno ka he v̄hpesa keyushke; amba i na-hullo yvt na-yimmi, micha Chihowa i holitopa, micha nana isht ai yukpa vba minti ka it ibai ishi yoka, aiokpan-chit nana ka isht im ahantashke. Ilvppa puta kak o im abvchit ish atonohonchashke.

3. Yohmi ka hatak kanima hosh nana inla ho abvchi, micha isht ai achukma anumpa Chitokaka Chisvs Klaist im anumpa, micha Chihowa holitobli nan isht v̄lbahanchi aiena ka v̄hpesa ik ahnot,

4. Ilfehnvchi isht alotvt, nan ithana keyu, amba tasimbot nan isht a ponaklo ak bano isht anumpohonli, micha anumpa isht itachowa aiena yvmmak o a minti hosh nan it i potvno, it i nukowa anumpa, kanimanchit isht anumpuli, anukfila okpulo,

5. Michā hatak im anukfila ik achukmo, micha vbanum-pa ahli kv̄t ik im iksho cha, nana ahayuchi kak osh Chihowa holitobli im ahoba hosh, it i kv̄llot anumpuli aiena hoke; yvmma chohmi ka ish il i filvmmichashke.

6. A nuktanla hosh Chihowa holitobli kv̄t nana a fehna ahayuchi hoke.

7. Yohmi ka yakni ilvppa nana il ishi hosh e la tok keyu; yohmi kv̄t nana ishit il ia he keyu kv̄t ai ahlshke.

8. Yohmi kv̄t nan ilhpak, micha ilefoka aiena il ishi kv̄t, yvmmak oka isht pim ai v̄hpiesashke.

9. Amba nan in lava he ak bano bv̄nna fehna hokvto, nan isht hokli, nan isht anukpvli, micha anukfila ik hopo-yukso, micha anukfila okpulo isht ile okpvni aiena ka chu-kowa, yvmmak ash ai okpuloka chinto ka hatak a okai ahambi hoke.

10. Yohmi ka tvli holisso i hullo kak osh nan ik achukmo móma ka hakshish isht a toba hoke; yvmmak o kaniohmi kvt anuksitvt hohoyo kak osh, vbanumpa ha i filvmmi cha, nan isht a nukhaklo laua ka isht ile nvhlit ile hlopulli-hinchi tok oke.

11. Amba chishno Chihowa immi chia ma! ilvppa puta kano ish i filvmmashke: micha ai vllhpiesa yvmohmi, Chihowa holitobli, na yimmi, i hullo, nuktanlvit achunanchi, anukfila yohbi aiena hak o ish hohoyashke.

12. Na-yimmi isht itibi achukma yvmmak o isht itihimbashke; ai-okchayvt bilia ak o kvillo hosh ish ieshashke, yvmmak o chishno ak kia isht chi vlltoka tok, micha nan atokowa anoli lawa ka itikba yo vbanumpa yimmi isht anoli achukma ka ish il apesa tuk mak oke.

13. Chihowa yvmmak osh nana moma ka ik okchaya, im ahni na okchaya, micha Chisvs Klaist, yvmmak okvt Pontivs Pailat itikba hikia mvt, ai atokowa ahli achukma ka il anoli tok ita tuklo itikba ya hikia li hosh nana chím apihisa li kvt;

14. Chishno yvt na-liteha iksho, anumpa ik achukmo chi onvtula he kia iiksho hosh, nan vllhpisa ilvppa holitoblit ish ahanta na pin Chitokaka Chisvs Klaist okvt haiakashke:

15. Ai yvmohma he apesa tok nitak yvmma ilap ak bano hosh ithana hosh yvmmak oka haiakvcha he; yohmi kvt ilap ak osh nayukpa Miko ak bano, miko moma ka i Miko, micha chitokaka moma ka in Chitokaka yoke.

16. Yvmmak okvt ai illa hi vt ik im iiksho, micha tohvi keli yvmmak oka hatak nana hosh ai ona he keyu ho angkaka ai ahanta hoke; yohmi ka yvmmak oka hatak nana hosh pisa chatuk keyu, micha pisa hi o keyu; yvmmak okvt isht a holitopa, micha nana moma isht imaiya bilia ita tuklo kvt immi hashke. Amen.

17. Himonasi im ilayak laua aiasha ka nana ish im apihisa kvt, im anukfila chavvt ik ai asho ka he, micha im ilayak ai ahli keyu ka ik anukchieto hosh, amba Chihowa okchaya, yvmmak osh nana isht pim ai achukma he moma ka laua, chit pihima kak ashke:

18. Yohmi kvt nana achukmuli kvt nan isht vtta achukma ka isht ahanta fehna kvt, hopela hi vt im vlhtaha, habevcha he vt ahni kvt;

19. Nitak himak a pilla mihinta he ak pulla tuk mak o im ilayak achukma ilap immi mak osh intolahpi bohonli na ai okchayvt bilia ya isha he mak o, ish i mihhashke.

20. Timohli ma! nana chim vlhpihisa tok vt ish holitobli kvt, vbanumpa isht ik ahalaio isht anumpa, isht ik ahobo anumpa, micha nan ithana ahli keyu it i chilitvt isht it im anumpuli aiena ka chik ahalaio kashke.

21. Yohmi ka kaniohmi kvt yvmmak o iakaiya miha hosh, vbanumpa ha i shanaiyvt ashvchi tok oke. Isht i kana yvt chi anukfoyukashke. Amen.

HOLISSO ATUKLA PAL VT

TIMOHLI YA

I HOLISSOCHI TOK.

CAPTA I.

Timohli i hullo kv̄t Pal vt isht anumpuli, 1; 6 Chihowa nan isht i ka-
na anukfoyuka tok vt i shahlichit isht im anukfihinla hi na im achi.

1. CHIHOWA nana ai ahni h̄o Chisvs Klaist im apos-
tel Pal vt ai okehaya Chisvs Klaist vt ataiyahli tok a ano-
honla chi hosh iso i holitopa fehna Timohli ya aiokp̄vchishke;

2. Nan isht i kana, isht i nukhaklo, micha isht it i na-
naiya aiena kv̄t Iki Chihowa, micha pin Chitokaka Chisvs
Klaist ita tuklo ka a mihinti kv̄t chi anukfoyukashke.

3. Chihowa ya yak oke im ai ahni li kv̄t, an tikba v̄hleba
hvt kaniohmit aiokpahanchi beka tok a chiyuhmit anukf̄ila
kashofa h̄o isht aiokpahanchi li kv̄t, ak isso hosh nitak, ninak
moyuma ka anumpa ilb̄sha anumpohonli likmvt, chithaiya-
na lishke:

4. Yohmi kv̄t chi nishkin okchi mihinti tok a ithaiyana li
mvt, chi pisa sa bunna fehna, yvmohmit sai yukpa ai ahli
fehna hokbano ai ahni lishke;

5. Yohmi kv̄t na yimmi ai ahli kv̄t chi anukfoyuka ka
ithaiyana li mvt, chipokni Lois ak o v̄mmona ka yvm̄m̄t
anukfoyuka tok osh, anonti chishki Yunis a anukfoyuka tok
osh, chishno ak kia chi anukfoyuka ka sai yimmi akinlishke.

6. Yvmohmi hoka svbbak chi onochi li tok ak o nana

Chihowa ish i habena tok vt chi anukfoyuka, ymma achuk-malit ish okchvla chi mak o chim anohonli lishke.

7. Yvmohmi ka anukfila isht nukshopa keyu, amba isht hlampko, mikmtv isht i hullo, mikmtv isht a hopoyuksa aiena anukfila ho Chihowa hvt pima tok oka.

8. Yohmi ka pin Chitokaka im anumpa atokowa, mikmtv ymma atuk pulla mak o yuka sia aiena ka chik i hofahyo hosh; amba vbanumpa ak atuk pulla mak o nan isht palvmmi puta ka Chihowa hvt chi hlampkohonchi mak o isht ish ibai ilbvshashke;

9. Yvmmak osh pi okchalanchi cha, vba nan isht ilaiyukpa holitopa ho il iesha he mak o pi atokoli kv, pishno nan il ai isha he ai vhpiesa kak o yohmi keyu, amba ilap nan isht im anukfilhinla hosh, yakni ik tobo pilla kash inli ho ilap isht i kana ya Chisvs Klaist ak atuk pulla mak o pihima kak a tok oke:

10. Amba pi Okchalanchi Chisvs Klaist vt vla kak osh himonasi keno isht i kana ya otvninchi kv, nan-illi ho imai-yachit kanchi cha, ai okchaya micha ai illa he keyu aiena ka vbanumpa ak pulla kak o isht otvninchishke:

11. Yvmmak atuk pulla mak o vbanumpa isht vtta, micha apostel, micha Chentail vhleha nan im avvchi aiena si vltoka tok oke.

12. Yvmmak atuk pulla mak o na-palvmmi puta ilvppa aiena ka pihisa li; yohmi ak inli kia sa hofahya he keyu; kvna ho i yimmi li hatuk vt ithana li hokvt; mikma nana ka isha chi ho ibbak fohki li tok a ishi na nitak ymma ona he bano ka i sai yimmishke.

13. Anumpa ai ahli achukma is si a haklo tok vt, Chisvs Klaist isht i yimmi, micha isht i hullo aiena ka kvllot ish ieshashke.

14. Shilombish Holitopa pi anukfoka kak osh chi apihinla na nana achukma ish iesha chi ho chima tok a ish ieshashke.

15. Chishno yokvt ilvppa ish ithana; yohmi kv Asia ai asha tuk vt moyumvt a filvmmiit kvnia tok: ymma iba foka kv Fichellvs, micha Hemochenes ita tuklo kak oke.

16. Onesifolvs in chuka chvfa yoka Chitokaka yvt i nuk-

haklok bano, yummak okvt sai yukpahanli beka tok oka, mi-
cha yukvt sa talaiyakchi ka ik sa hofahyo ki tok.

17. Amba Lom a ont anta mvt, achunanchi fehna hosh
sa hohoyo cha, si ahayuchi tok.

18. Chitokaka yokvt vlhpesa im ai ahni na nitak yummak
oka Chitokaka yvt i nukhaklo ka ahayuchi hok bano; micha
Efesvs a ont anta li ma, nana lawa kaniohmi ka isht si ape-
lahanchi tok a, chishno yokvt ish ithana fehnvshke.

CHAPTA II.

Timohli vt achunanchit Chitokaka in tishu ai ghla chi ka Pal vt i mi-
ha, 1; 16 nana ho ahah! ahna he; 24 mikmvt Chitokaka in tishu
hvt kaniohmit ai vlhpiesvt im anukfila he im anoli.

1. YOHMI ka svso chia hvt Chisvs Klaist nan isht i ka-
na yoka isht ish hlampkashke.

2. Nan-atokowa anoli lawa itikba yo chishno yokvt nana
ka is si a haiyaklo tok vt, yummak oka hatak ai ahli achuk-
ma inla ai asha ka nan im abvcha he ai vlhpiesa ak inli kak
o ish imashke.

3. Yohmi ka Chisvs Klaist in tvshka achukma chia hokvt
na palvmmi ish pihisa kv, vlhpesa ish ai ahnashke.

4. Hatak kena kia tvshka toba hokvto, yakni ilvppa nana
a kaniohmi ka isht ataklema keyu hoke: tvshka atokoli tok
ak o yukpala chi hosh yvmohmi hoke.

5. Mikma it i shahlich i a bvna hosh hatak vt achunanchi
ak inli mak osh, nan vlhpisa yak o holitoblit achunanchi ke-
yu hokvto, iachukola he keyu hoke.

6. Yakni okchali yvt vmmona ka toksvli ha yak osh na-
waya yoka ai vpashke.

7. Nana chim ahanchi li ka ish anukfihinlashke; mikmvt
nana moma ka ish ithaiyana chi ka Chitokaka yvt chi anuk-
fohki hokbano.

8. Um vbanumpa hak atuk mak o Lewi isht ai unehululi
Chisvs Klaist vt illi tuk vt, falamvt tani tok a ish ithaiya-
nvshke:

9. Yvmmak atuk pulla mak o nan-ishtakanomi yo chihuhmit na-palvmmi ka pihisa li hosh, polaka sa talaiyakchi tuk oke: yohmi kia Chihowa im anumpa hokvto talakehi keyu hoke.

10. Yohmi ka ai-okchaya pisa he vltoka tok vhleha atuk pulla kak o na-palvmmi puta pihisa li kv, yvmmak kia Chisvs Klaist vt ai-okchaya ataiyahli tok a, micha nan isht a holitopa aiena ka isha chi ka si yvmohmi hoke.

11. Ilvppvvt anumpa ai ahli yoke: il ibai illi hokmvt, il ibai okchaya chi ak inli hoke.

12. Nuktanlvvt il achunanchi hokmvt, il iba mika he ak inli hoke: Klaist a ak ithanoshke, il achikma, ilap ak kia ik pithano ak inla hi oke:

13. Kil i yimmo kia, ilap okvto ai ahlit ahanta: yohmi kv ik ile holitoblo ka he keyu hoke.

14. Ilvppa puta ka ithana chi mak o ish ithvnanchashke: yohmi kv anumpa illa nan isht achukma he keyu, amba haklot maya kv isht ai okpula hi okvno isht itachovvt ik ai asho ka hi o, Chitokaka itikba ya anumpa ai ahli ka isht ish im apihisashke.

15. Ulhpiesa chi ahni ho Chihowa itikba ya ish hikia chi kv ish achunanchashke; yohmi kv ish a toksvli tuk vt isht chi hofahya he keyu hosh anumpa ai ahli yoka, moyumvt ai isha he ai vlpiesa ka, ish ita kvshkolashke.

16. Yohmikmvt vbanumpa isht ik ahalaio isht anumpa, isht ik ahobo anumpa puta kvno ish apakfopashke; yvmmak okvt Chihowa ik holitoblo i shahli ka ikba hinla hoke.

17. Mikmvt im anumpa hv kanka yo chiyuhmit okpahana hi oke: yvmmak oka iba fok kv Himenevs, micha Filetvs ita tuklo kak oke.

18. Yvmmak okvt nan ai ahli ka i filvmmi kv, illi falamvt tani yvt ant ia tok ahanchi kak atok; mihmvt na yimmi kaniohmi ka okpvni hoke.

19. Yohmi kia Chihowa im intolahpi yvt kvllo ai ahli hoke: anumpa ilvppak osh ai o holisso kak o, ilap immi ka Chitokaka yvto ithana hoke. Mikmvt Klaist hohchifo hohchifo kv moyumvt nan ai vlpesa keyu ka i filvmashke.

20. Yohmi kia chuka chinto anukaka ya nan ai vlhto teli holisso lakna, micha teli hvta isht a toba aiena kak bano hosh foka chatuk keyu, amba iti, micha lukfi isht a toba kak kia aiena ak inli chatuk; yohmikma kaniohmi kvto isht a fehnakma, kaniohmi kvto isht a kullakshi chatuk oke.

21. Yohmi ka ilvppak ash krna hosh ai i filvmmi hok mvto, nan ai vlhto holitopa hosh kashofvt, i shahli ha isht im ahanta chi kvv im vlhtaha hosh, nan toksvli achukma puta ka isht ahanta chi kvv im vlhtaha hoke.

22. Haui anukfila himita immi ha tushpvt ish i filvmmi mak inlashke; amba nan ai vlhpiesa, nan ai ahli, it i hullo, micha it i nanaiya aiena ish yvmohmi kvv, chukvsh kashofa Chitokaka isht a hochihifo kak o ish ibai achvfashke.

23. Amba isht a hopoyuksa he keyu anumpa tasimbo yokrno chik ahalaio kashke; mikmvv yvmmak okvv itachowa ikbi yoka ish ithanashke.

24. Mikmvv Chitokaka in tishu hokvv itachowa he vlhpesa keyu, amba hatak moma i kana, nan im avvchi kvv imponna, nan im okpulot isht ilbvsha kia, nuktanla aiena vlhpesa:

25. Im anukfila yohbi hosh vbanumpa i sanali vhleha yoka nan im avvchi vlhpesa; yohmik mak o Chihowa hvv nukfohki na ile kostininchit, vbanumpa ai ahli ka achukmalit ithana yoba na:

26. Yohmikmvv nan isht a hullo okpulo i nan isht hokli ya ai i hlakofa hinla; yvmmak osh ilap ai ahni hosh yvmak ash o yukahanchi hatuk oke.

CHAPTER III.

Nan ik vlhpeso nitak vt vla hi a tikbanli anoli, 1; 6 vbanumpa in tvvp vhleha ha otvvinchi; 10 Timohli vt ilap ak o nan im ai ithvntv iakaiya he isht miha; 16 mihmvv Holisso Holitopa ya ahnichit isht anumpuli.

1. ILUPPA ish ithana mak inlashke: yohmi kvv nitak ishtaiyopit mahayakma, nitak yvmmv nan isht a palvmmi alotowa hi oke.

2. Yohmi ka hatak vt ilapunla he, tvli holisso i hullo, nan isht ilauata, ilefehvtchi, vbanumpa ik ahobalo, iki, ishki ita tuklo ik im antio, Chihowa ya yak oke ik im ai ahno, Chihowa ya ik holitoblo,
3. Im vlla i hullo ik im iksho, nan it im vlpisa kobvfi, inla aholvbechi, ile oktampli ik ithano, anukfila yohbi iksho, hatak hochukma moyuma ka ik i hullo,
4. Ilap i yimmi tuk kia haksichi, ahah! ik ahno, anukfila chaha, haknip nan isht ai yukpa yak bano ho i hullo kvv Chihowa ya im i shahli;
5. Chihowa ya holitobli ilahobi kia, ai ahli ka ona hosh yohmi keyu ka he: yvmma chiyuhmi hokvno ish i filvmmashke.
6. Yohmi ka ilvppa chiyuhmi kak osh chuka ya chukovvt, ohoyo im anukfila iksho, ai ashvchika isht ompoholmot kvnia, anukfila ik achukmo ilaiyuka ka im antivt ahantvt;
7. Nana ka ithahanvt bilia kia, anumpa ai ahli kvno achukmalit ithvna he keyu puta ka yukahanchi hoke.
8. Yohmi ka Channes, micha Chambles ita tuklo kvv Moses a i sanali tok oka, ilvppak ash kia hatak im anukfila okpulot kvnia, na yimmi kvv ai vlpesa keyu hosh anumpa ai ahli ya i sanali mak inlishke.
9. Yohmi kia himak a pilla ma achakalit ia he keyu; yohmi kvv Channes micha Chambles ita tuklo atok a chiyuhmit, yvmmvt nana a kaniohmi kvv ai vlpiesa keyu kvv hatak puta ka im otvna chi mak inlishke.
10. Amba nana abahanchi li, kaniohmit ahanta li, nan isht vm anukfihinla, nan isht ai ahanta la he tuk vt ai ahli li, nan ilbvsha pihisa li kvv sa nuktaiyala, nan i hullo li, muktanlvv achunanchi li,
11. Antiak, Ikonivm, Lista aiena ka ahanta li ma, kani-mihelit a sa hotopahanli na svlbahasha, nan isht ilbvsha kaniohmi ho pihisa li tok a chishno yokvt ish ithana feh-nvshke: yohmi kia Chitokaka yokvt yvmma moyuma ka a sa hlakofihinchu tok oke.
12. Ahli mvhli, Chisvs Klaist ibai achvfa hosh Chihowa

im ai ahli bvna moyuma kv̄t nan isht a hotopa he pihisa pulla hi oke.

13. Amba hatak ik v̄lhpeso, micha na yoshubli aiena kv̄to nan ai v̄lhpesa keyu yohmi kv̄t i shahlit mahaya hi oke: yohmi kv̄t ilap vt yoshuhumba hatuk osh inla ya yoshuhumbla hi oke.

14. Amba nana ka chishno yvt ish ai ithvna tuk vt, ai ahlit chi yimmi hatuk okvt ish mahayashke: yohmi kv̄t kvna h̄o ish im ai ithvna tuk vt ish ithaiyanvshke.

15. Mikv̄t ymma ish ithana kv̄t vlla chi tomba kash inli hosh Holisso Holitopa ak o ish ai ithvna tok; yvmmak okvt chi hopoyuksacha hinla h̄o Chisus Klaist a i yimmit isht chi okchaya hi oke.

16. Holisso Holitopa moma ka Chihowa hv̄t nukfohkichi h̄o holissohonchi tok oka; nan isht v̄lv̄chi, nan isht ai atokowa, nan isht kostinichi, nan ai v̄lhpiesa aiena isht pithvnanchi achukma hoke.

17. Yohmi hatuk o hatak Chihowa immi hv̄t ai ahli hosh, nan toksv̄li achukma puta ka isht ahanta chi kv̄t im v̄ltaha achukma hinla hoke.

CHAPTA IV.

Ai ahlit nan a kaniōhma he v̄lhpesa kv̄t yvmihcha chi ka i miha, 1; 6 ai illa he nitak vt im atikeli, mihmv̄t v̄ba achukma ka pisa chi im ai ahli kv̄t im anoli; 9 chekosi im v̄la chi ka i miha; 16 nan i palvmmi v̄mmona ka nana kv̄t kaniohmit onotuyula tok a anoli.

1. CHIHOWA, micha Chisus Klaist yvmmak osh ilap apelhchika isht haiakakmv̄t, okchaya, micha illi tok aiena ka nan im apihisa he itikba ya hikia hosh na chi miha lishke.

2. Yohmi kv̄t vbanumpa h̄a isht ish anumpohonlashke, yohmi kv̄t nitak ai yvmohma he ai v̄lhpiesa, ai v̄lhpiesa keyu aiena ka ish achunanchashke; ai atokolit im anumpohonlit, im alvmminchit nuktaiyala hosh nana ka ish im abahanchit ish atohnohonchashke.

3. Yohmi ka vbanumpa ai ahli ka haklo ik bunno ka hi a

nitak vt vla hi oke: haksobish yauohliche ishi cha, ilap im anukfila okpulo ilaiyuka im antia kak osh nan-abvchi lawa ka il im itvnanhanla hi oke:

4. Mikmvt vbanumpa ai ahli ka haksobish a isht i filvmitkonvia cha, anumpa ik ahobo yak o haklo bvnnatoba hi oke.

5. Amba chishno yokvto nan okluha ka ahah! ahnit, nan ilbvsha chi onvtuyula kia chi nuktanlv, vbanumpa isht anumpuli yvt nan isht ai vtta he tuk a isht ahantvt, vbanumpa isht ish ahanta hi atuk vt ish ai ahliche fehnashke.

6. Yohmi ka svlla chi kvv anumpa hvv si onvtula ho, a svlla chi kvv atukonofvshke.

7. Itibi achukma ka itihimbit atahli lishke, nan isht ai ahanta la hi atuk vt atahli lishke, vbanumpa sai yimmi kvv ai ahli hosh achunanchi lishke:

8. Yohmi hoka himak a pilla ma nan isht ai vlhpiesa ia-chukoli la he vmmittuyula, yvmma nan ai ahli apesa, Chitokaka yvt nitak yvmmak fehna ka vma hi oke: yohmi kvv vno ak bano ho vma he keyu, amba ilap vt vla ka i hullo moyuma aiena ka ima hi oke.

9. Chekosi chim vltaha pulla cha, ai ahanta li ka ish lashke.

10. Yohmi ka Temas vto himonasi yakni ilvppak inli kak o i hullo hatuk osh, svsvv ia tok: yohmi tuk osh Hlessalonika ya ia tok: Klesens vto Kaleshi yak o ia ma, Titvs vto Talmasia yak o ia tok.

11. Luk ak bano hosh si awant anta hoke; Mak ano ilavlit ish lashke; yvmmak okvt vbanumpa isht ai vtta ya a si apela hinla hoka.

12. Yohmi ma Tikikvs ano Efesvs a ia chi ho tohno li tok.

13. Nowvt aya anchi chito ya Kapvs Tloas anta ka ibbak fohki li tok a ish mintikmvt, isht is svv vlashke; yohmikmvt holisso moma, micha tvlhko holisso yokak heno isht ish la pullashke.

14. Aleksanta tvli lakna nan isht ai ikbi yvt nan ik achukmo ilaiyuka si onohonchi tok: ilap nana a kaniohmi tok ak o Chitokaka yokvt isht im atobbashke.

15. Yvmmak oka ahah ! ish im ahni mak inlashke ; yvm-mak okvt pim anumpa moyuma ka i sanali fehna hatuk oka.

16. Ummona isht il anumpuli li kvno hatak achvfa kia si awant hikia tok keyu ; amba hatak moma kvv svsvt ia tok ; yvmma yvmohmi tok vt isht ik onvtuyulo hok bano ai ahni, Chihowa ya im ilbvsha lishke.

17. Yohmi kia Chitokaka yvt si awant hikia tok ; micha sa hlampkohonchi na vbanumpa isht anumpohonli li chatuk vt ai ahli fehvt vno ak o isht ai otvni ho, Chentail moyu-ma kvv haiyaklo tok : yohmi ma koi chito itakha ya sa koh-chi tok.

18. Yohmi ka Chitokaka yvt nana a kaniohmi ik achuk-mo moyuma ka a sa hlakfihinchi cha, sai okchalinchit ilap vba apchlichika ya isht sai ona hi oke : yvmma isht a holito-pa yokvt immit biliashke. Amen.

19. Pliska, micha Akuila, micha Onesifolvs in chuka chv-fa aiokpvchi.

20. Elastvs vto Kolinhlā yak o anta tok ; amba Tlofmvs vto abeka hosh Miletvm ak o itonla ho issvt minti li tok.

21. Chim vltaha pulla cha, ik hvstulo kisha ho ish lashke. Eubulvs vt pit chi aiokpvchishke, micha Putens, Linvs, Klautia, micha itibapishi moyuma kvv pit chi aiokpv-chi mak inlishke.

22. Chitokaka Chisvs Klaist vt chimi shilombish a iba-foykashke. Isht i kana yvt chi anukfoykashke. Amen.

HOLISSO PAL VT

TITVS A

I HOLISSOCHI TOK.

CHAPTA I.

Titvs a pit aiokpvchi, mihmvt nana kaniohmi hō Kleti a anta he im ahni tuk vt anoli, 1; 6 vbanumpa isht vtta yvt kaniohmit nan im ai vhltaiyaha he; 11 nan ik vlpeso anumpulit nan ithvnanchi itak-ha yvt issa he isht anumpuli.

1. PAL, Chihowa in tishu, micha Chisvs Klaist im, apos-tel okvt, vbanumpa ha anohonli na okchayvt bilia he Chi-howa hvt im ahni tok vhleha hvt yimmi cha, anumpa ai ahli ka achukmali fehnvt ithvnvt, Chihowa ha isht a holito-bla hi atok;

2. Yohmi cha ai okchayvt bilia pisa he ai ahna hi atok, yvmmak oka Chihowa holaba he keyu yvt, nana puta kvt ik tobo pilla kash inli hō, im ihisa tok;

3. Yohmi tok osh ont ai vlpiesa ma nan im ihisa tok vt vbanumpa isht anumpohonli hō isht otvnihinchi; yvma vno ak osh isht anumpohonli la he vm vlpisa kvt, Chihowa pi Okchalinechi nan apihisa tok mak o yvmohmishke.

4. Yohmi kvt nan isht a pi yimmi pulla kak o svso, Titvs a, pit chi aiokpvchi lishke: Nan isht i kana, i nukhaklo, micha isht it i nanaiya aiena kvt Piki Chihowa, micha pi Okchalinechi Chitokaka Chisvs Klaist ita tuklo ka a mihinti kvt chi anukfoyukashke.

5. Kleti a ish anta he chim ai ahni li kv̄t ilvppak atok; nana kv̄t ik vlhtaho puta tuk a achukmalit isht ish ahanta kv̄t, chim apesa li hatuk oka, vbanumpa isht vtta ya tvmaha puta ka ish ai atokohonlashke.

6. Kanima ka anumpa ik achukmo kv̄t onvtonla he keyu, ohoyo achvfa i hatak, im vlla mvt vbanumpa yimmi nan isht yopomo anumpa kia onvtonla he keyu, micha ilapunla keyu hok mak o ish atokolashke.

7. Yohmi ka bishop vt Chihowa nan im apesvchi yatuk osh, anumpa ik achukmo kia onvtula he keyu ho pullashke: ilap ai ahni keyu, nokowa shahli keyu, oka homi ishko shahli keyu, na-fahama keyu, ai vlhpiesa keyu isht a hofahya he nan isht ahayuchi bvna keyu;

8. Amba hatak ik ithano i hullo, hatak achukma puta ka i hullo, kostini, ai vlhpiesa, Chihowa holitobli, ile oktampli;

9. Mikmvt anumpa ai ahli im vlbahanchi kash o kv̄lot halvlli hosh, nan isht vlvvchi ai ahli ka isht im abahanchit, vbanumpa i sanali vhleha ha nan i mihvt im alvmmminchi mak inlashke.

10. Yohmi ka ilapunla, nan ik ahobo isht anumpuli, micha na haksichi yvt laua fehna hosh ai asha hoka, mikmvt hakshup tupa vhleha hokak heto laua hoke:

11. Yvmma itih hvt vlhkuma pullashke, yvmmak osh chuka chvfa moma ka ai ahli ka i filvmmihinechi kv̄t, ai vlhpesa keyu isht a hofahya he nan isht ahayuchi bvna kak osh, yohma hi atuk keyu kia nana ka abahanchishke.

12. Ilap ai achvfa, ilap i hopaii atuk ak inli hosh na miha kv̄t, Kletian vhleha hvt holabi kak bano chatuk, nampoa okpulo, intakobi, isikopa aiena hoke, achi tok.

13. Anumpa atokowa ilvppvt ai ahli hoke; yohmi hoka vbanumpa yimmi kv̄t ai ahla chi mak o, hotopalit ish im alvmmminchashke:

14. Yohmikmvt Chu im anumpa ik ahobo, micha anumpa ai ahli ka i filvmmi hatak nan apihisa aiena ka chik im antio kashke.

15. Yohmi ka kashofa hokvno nan oklyha kv̄t i kashofa hoke; amba ik kashofa, na yimma he keyu hokvno nana kia

ik i kashofo hoke; amba nan ahni, micha isht il akostinichi aiena kvt litehvt knia hoke.

16. Yohmi kvt Chihowa ha ithana, miha kvt il otvninchi ak inli kia, nana a kaniohmi puta kvt isht ik holitoblo, na yimma he keyu, mikmvt nan toksvli achukma puta ka ik ai ahlo hoka i yuwala he vhpesa hoke.

CHAPTA II.

Nana ho isht anumpulit abahancha hi a, mikmvt kaniohmit ai vhpievst aya hi a Titvs a im apesa, 1; 9 yuka, micha hatak moma kvt nan akaniohma he vhpesa ka anoli.

1. **AMBA** chishno yokvto nan okluha kvt nan isht vlvchi achukma ka isht ai ahli kak o isht ish anumpohonlashke;

2. Yohmi kvt hatak asvnochi puta kvt ahah! ahni, yopunla iksho hosh im anukfila weki achukma, kostini, vbanumpa yimmi, it i hullo, nuktanlvt achunanchi aiena kvt ai ahlashke;

3. Mikma ohoyo asvnochi puta kvt vbanumpuli yokvt ai yvmohmi vhpiesa kak o yvmohmi mak inlashke; inla aholubechi keyu, oka homi yoka i yuhuka keyu, nana hochukma ka abahanchashke;

4. Yohmi kvt Chihowa im anumpa hvt ik kvllaksho ka chi ka, ohoyo himita puta kvt ile oktampli, i hatak i hullo, im vlla ya i hullo aiena;

5. Mikmvt kostini, havi anukfila iksho, ilap in chuka antvt, nan isht ahanta, hochukma, ilap i hatak im antia achukma aiena chi ka im abahanchashke.

6. Hatak himita puta mvt ile oktampla chi ka nan ish i mihia mak inlashke.

7. Nan okluha ish a kaniohmi kvt nan toksvli achukma puta isht ai ithva yo ish il otvniinchashke: nan ish abahanchi kvt ai ahli kak bano, yopunla keyu hosh anukfila weki achukma hosh ish im abahanchashke;

8. Yohmi kvt anumpa achukma isht ai i sanala he iksho

h_o ish abahanchashke; yohmi na kvna hosh ch_i sanali hatuk mvt, nan ik achukmo nana kia isht chi anumpula he iksho kvt hofahyashke.

9. Yuka puta kvt ilap i na-hullo yoka im antia, micha nan okluha ka isht ai yukpali, a sanalit ik anumpulo ka he;

10. Micha ik hukopo, amba nan okluha ka ai ahli achukma he; yvmohmi cha Chihowa pi Okchalinch_i im anumpa h_a nan okluha ka isht a holitobla ch_i ka ish i mih_ihashke.

11. Yohmi ka Chihowa isht i kana yak osh ai okchaya ishi kvt hatak puta ka im otvni tok oka,

12. Yvmmak osh pim abahanchi kvt, Chihowa isht ik holitoblo puta, yakni ilvppak inli anukfila okpulo ilaiyuka ka isht kil ahanto ka he, amba ile oktamp_i, hatak bika it im ai ahli achukma, micha Chihowa ya holitobli hosh himonasi yakni ilvppa il ahanta he;

13. Mikmvt ai okchayvt isht il ai yukpa bilia, micha Chihowa Chitokaka, pi okchalinch_i Chisvs Klaist vt isht a holitopa ieshi hosh haiaka hi a pit hohoyot il ahanta he;

14. Yohmi kvt yvmmak ash osh ai ashvchika puta ka a pi hlakofihinch_i cha, pi kashofi na ilap immi okla holitopa fehna e toba cha, nan toksvli achukma puta ka a yiminta hosh isht il ahanta he mak o, pi vlhtoba hosh illi tok.

15. Ilvppa puta kak o ish anumpulashke, yohmi kvt Klaist im anumpa ai ahli ka nan isht a mihvt ish im olahambashke. Yohmi na hatak nana kia ik ch_i shitilemo kashke.

CHAPTA III.

Nana h_o ithvnancha he, mikmvt nana h_o ik ithvnancho ka he aiena ka Titvs a im avvchi, 1; 12 im vla hi a pit i miha.

1. MIKO, nan apesa, nan vlhtoka vhleha moyuma ka im antia achukma, nan toksvli achukma puta ka isht ahanta ch_i kvt im vlhtaha he,

2. Hatak nana kia kvllakshichit isht ik anumpulo, it i nokowvt ik itachowo, amba anukfila yohbi, hatak moma ka i kana aiena he mak o, ithana ch_i ka ish im anohonlashke.

3. Yohmi ka pishno ak kia tikba hokvno nana kil ithano, Chihowa kil im antio, pi yoshubvt, anukfila okpulo ilaiyuka, micha haknip isht ai yukpa aiena ka i yuhukvt, hotopali benna, it i potvno aiena isht il ahanta kv, nan isht ik pi ahobo fehna hosh it i nukkillit il ahanta tok.

4. Yohmi tok kia Chihowa pi okchalnchi yvt hatak isht i kana, micha isht i nukhaklo aiena kv otaiyani ha yano,

5. Nan ai vlhpiesa isht ahantvt il atahli tok ak o keyu, amba pi nukhaklo kak osh himona toba isht vlchihifa kv, Shilombish Holitopa yak o himona isht a toba ho isht a pi okchalnchi tok oke;

6. Yohmi kv yvmmak ash o Chisvs Klaist pi okchalnchi yvt nan atahli tok ak pulla kak o, lauachi fehna hosh pi o fohobli tok:

7. Yohmi na isht i kana yo isht a pi vlhpiesa hosh, ai okchayvt bilia il isha he pim ai vlhpiesa hosh e toba hinla hoke.

8. Anumpa ilvppvt ai ahli yoke, yohmi kv nana yvmmak ash puta ka kellocchi fehna hosh isht ish anumpohonla he chim ai ahni li; yohmi na Chihowa i yimmi tok vhleha kv ahah! ahnit, nan toksvli achukma puta ka achunanchit isht ahantashke. Nana ilvppa puta kv achukma, micha hatak a isht im achukma hoke.

9. Nan isht a ponaklo isht ik ahobo, in tikba ai unchululit isht auehinchi isht annoa, nan isht itachowa, micha Chu i nan vlhpisa isht itachowa aiena ka chik ahalaio kashke; yvmvt nan isht ik ahobo, micha nan isht ai achukma hi vt iksho hoka.

10. Hatak kvna hosh vbanumpuli ikxa i sanalit it a kvshkoli benna hokma, vmmona, micha atuklant ish im olabi ha yoka ymihchi kv imoma hokma, chik aiokpancho kashke.

11. Yvma chiyuhmi hokvto ai ahli ka i filvmmmit kvnia hosh, nan ashahanchi kv, ilap inli kv ik ai ahlo kv otvnnichi hoka ish ithaiyanashke.

12. Tikikvs, Atemas, kanimampo ka pit chim pila li hokma, Nikopolis ak o anta li hoka ik kaniohmi kia ish la pulashke: hvstula ya yvmmak o anta la chi hoke.

13. Nan vllpisa imponna Senas, micha Apollos ita tuklo kvt im vlhtaha achukma cha, nana a bvna kvt ik im iksho ka chi ka ish im atahli cha, auet ish pilashke.

14. Mikma pimmi yokvt nan isht ai vni ik im iksho hosh ik anto ka chi kvt, nana ka ai yvmohma he ai vllpiesa nan toksuli achukma puta ka achunanchit isht ahanta chi kvt, moyumvt ithvna mak inlashke,

15. Si apiha kvt moyumvt pit chi aiokpvchishke. Na yimmi pia ha pi hullo ka moyuma ish aiokpvchashke. Isht i kana yvt hvsh moyuma ka hvchi anukfoyukashke. Amen.

HOLISSO PAL VT

FILEMON A

I HOLISSOCHI TOK.

Filemon a pit aiokpuchi, mihmvt na yimmi, micha nan isht i hullo aiena kvt anukfoyuka ka haklo mvt, na yukpa; yohmi hosh in tishu Onesimvs a nana ka i kashofi cha, atuklanchit i hullot aiokpucha chi ka ahni fehmvt miha.

1. PAL, Chisvs Klaist ak atuk pulla mak o yuka, micha il itibapishi Timohli yvt pi holitopa, il itiba toksvli Filemon,
2. Mikmvt pi holitopa Affia, micha tvshka il itilau i Achip-
pvs, micha chvch chin chuka asha aiena ka pit hvchi aiok-
puchishke:
3. Nan isht i kana, micha isht it i nanaiya ita tuklo Piki
Chihowa, micha Chitokaka Chisvs Klaist aiena ka a mihinti
kvt hvchi anukfoyukashke.
4. Anumpa ilbvsha anumpohonli likmvt, chithaiyana li
kvt,
5. Chitokaka Chisvs Klaist oka ish i yimmi, micha vba-
numpuli vhleha ha ish i hullo aiena ka hahaklo li kak osh,
Chihowa ya yak oke im ai ahni lishke.
6. Na yimmi chi anukfoyuka kvt ai ahli fehmvt otahani
na Chisvs Klaist isht a holitopa he mak o, nana achukma
puta kvt chi anukfoyuka ka ai ithaiyana hokbano, ai ahnit
asilhha lishke.
7. Yohmi ka chishno ak atuk pulla mak o vbanumpuli
vhleha chukvsh vt yuhukpa hoka, isht ish i hullo ka isht a
pi nuktva, micha isht a pi yukpa chintoshke, itibapishili ma!

8. Yohmi ka Klaist immi sia hokvt nana ka nukwaya iksho kamohmi hosh a chim ai vhlpiesa ka chim apesa la he vhlpiesa kia,

9. Pal sipokni, micha Chisvs Klaist ak atuk pulla mak o yuka ma aiena mih sia hash osh, isht i hullo li pulla atuk mak osh chim asilhha li kak osh vm i shahlishke.

- 10. Yuka hosh anta li mvt, tobachi li tok svso, Onesimvs ak atuk pulla mak o chim asilhha lishke.

11. Yvmmak okvt tikba hokvno nan isht chim ai achukma iksho ki tok kia, himonasi kvno chishno, micha vno il ita tuklo ka isht pim ai achukma fehnvshke.

12. Yvmmak oka falaminchit pila lishke; sa chukvsh chiyuhmi hoka i kanvt ish ishashke.

13. Yvmmak okvt si awant antvt, vbanumpa ak atuk pulla mak o yuka hosh anta li ka, chishno ak a he tuk mak o chi vltoba hosh nana kia isht vm ahanta he im ai ahni la he vhlpesa kia;

14. Yohmi kia chishno chim anukfila keyu ka, nana kia yvmohmi la he ak ai ahno: yohmi na nana achukma ish yvmohmi kv ik kaniohmi kia ish yvmohma hi atuk o keyu, amba chishno inli chim anukfila kak ashke.

15. Yohmi ka yvmmak okvt hvshi kanvlli achvfa chohmi itin takla ho chi filvmmi na yvmmak ash ish ishi na bilia hi atuk yoba ka;

16. Yohmi ka yuka keyu, yuka kano i shahli, vno yvt itibapishi li a holitopa ho fehna, amba chishno yokak heno a chimmi, micha Chitokaka ibai achvfa hokvt chi holitopa kv i shahli fehna hinla keyu?

17. Yohmi ka chibai achvfa li ka is si ahni hokmvt, vno ak a he tuk ma chiyuhmichit i kanvt ish ishashke.

18. Nana kia chim okpvi tok, micha aheka kia chin takanli hokma, vno ak o aheka is svm ikbashke.

19. Pal sia hv vno svbbak ak inli ho isht holissochi li kv, atobbi la he mak oke; yohmi kia is svm aheka kv chishno yak fehna kak kia is san takanli ak inli ak chim achoshke.

20. Ahlishke, itibapishi li ma! Chitokaka ish ibai achvfa

hoka nana isht chi a sai yukpashke; Chitokaka ish ibai achvfa hokvt is sa nuktalalashke.

21. Is sum antia hinla ka chi yimmi li, micha nana achi li ka i shahli ak inli ish yumihecha chi ka ithana li aiena hatuk osh, chi holissochi li tuk oke.

22. Yohmi kia ai-vtta la chikma, aieninchit is sum atah-lashke: yohmi kv anumpa ilbvsha ish anumpohonli hatuk mak o chim ona la he ai ahni lishke.

23. Chisvs Klaist ak atuk mak o yuka sa bika Epafias vt pit chi aiokpvchishke.

24. Makvs, Alistachvs, Temas, Lukas it ibai toksvli li vhleha aiena kv pit chi aiokpvchishke.

25. Pin Chitokaka Chisvs Klaist isht i kana yvt chi Shilombish a ibafoyukashke. Amen.

HOLISSO PAL VT

HEBLU OKLA HA

I HOLISSOCHI TOK.

CHAPTA I.

Klaist vt Iki Chihowa ya itilau kvt annoa, 1: 4 enchil puta i shahli fehna; 14 enchil vhleha hvt nan isht ai vtta ka anoli.

1. CHIHOWA hvt nitak chashpo ilaiyuka, micha a kaniohmi mvt ilaiyuka hosh pin tikba vhleha hopaii vhleha ak o isht ai im anumpohonli kvt,

2. Polaka ilvppvt ai ishtaiyopi mak o ilap Ushi yo isht a pim anumpohonli kvt, yummak osh nana moma ka iesha he im ai vlhpiesa mak o atokoli tok; micha vba yakni, micha yakni ilvppa a moyuma ka yummak ash o isht ai ikbi ak inli tok:

3. Yummak ash osh Chihowa isht a holitopa shohmalali, micha Chihowa mih fehna yatuk, micha nan okluha ka im anumpa kullo ai ahli kak o isht ieshi hosh ai ashvchika isht a pi kashofa hi a ataiyahli tok osh, Nan okluha imaiya vba chaha moma i shahli ka a binili im isht impak imma ak o binili tok.

4. Nan iesha he im ai vlhpiesa hatuk vt ieshi hatuk osh, ilap hohchifo isht a holitopa kak osh enchil vhleha ha i shahli fehna hatuk osh kaniohmit holitopa kvt yumma i shahli fehna hoke.

5. Nitak nanta kash o enchil vhleha ha achvona kia, Chishno yvt svso chia mak o himak nitak a chi tobachi

lishke; micha anonti ilap vt, Uno yak o Suso hachi, mik-mvt, vno yvt Iki sia hachi hoke, im achi tok o?

6. Michā anonti, Tobahpi yash o yakni paknaka ya isht vla mvt, Chihowa im enchil vhleha hvt moyumvt aiokpa-hanchashke, ahanchishke.

7. Mikmvt enchil vhleha hano isht anumpuli kvt ilvppak o achishke, Yummvt im echil vhleha hokvno mahli chiyuh-michit, mikmvt in tishu hano luak libbi chiyumichi hoke.

8. Amba Ushi yokvno ilvppak o im achishke, Chihowa ma! ish ai o binili holitompa kvt hikia bilivt peh bilivshke: nan ai vlpiesa tvbi yak osh ish apelihchika yoka in tvbi yoke:

9. Chishno yokvt nan ai vlpiesa kak o ish i hullo cha, nan ik vlpeso yokvno ish i nukkillishke; yohmi ka Chihowa, chin Chihowa yak osh nan isht ai yukpa bilia ya laua i shahli ho isht chi ahummi kvt, ish ai itilau tuk a i shahli chikbi tok.

10. Michā Chitokaka chishno yak osh vmmona kash inli ho yakni ilvppa intolahpi ka ish boyuhli tok; mihmvt nana moma vba shutik ai asha ka, chibbak ak osh ihikbi tok.

11. Yummak okvto ont ai okpulo kvt taha kia, Chishno yokvto ish ahanta he; mikma yummak okvto moyumvt sipokni kvt na fohka yo chiyuhma hi oke:

12. Mikma anchi yak inli ho chohmichit ish pohla he; mikma yummak ash ot inlv toba he: yohmi kia Chishno yokvto mih yash inli chia, micha chim afummi hokvt ont ataha he iiksho hoke.

13. Yohmi kia nitak nanta kash o enchil vhleha achvfona kia, Subbak isht impak-imma ak o ish a binili na chin tvnvp vhleha hoka chiya ai o hikia yo ikbi li hayashke, im achi tok o?

14. Yummak ash ot moyuma kvt nan isht ahanta shi-lombish osh ai okchaya pisa he im ai vlpiesa vhleha yummak o nan isht im ahanta chi vlhtoka yo keyu?

CHAPTA II.

Klaist a il im antia he tuk, i; 9 pi okchalíncha chi kvt hatak o toba tok oka; 14 yohmi kvt nana kvt a yakohma he vhpesa tok mak osh hatak o toba tok.

1. YOHMI hoka nana e haiyaklo tuk puta kvt ahah! ahni fehna hosh il anukfihinla hetuk, e yvmohmi keyukmvt, nitak kanima ka pi knia hinla hoke.

2. Yohmi ka enchil.vhleha hvt anumpa anumpohonli tok a ai ghliit kullo hatok okma, micha kna hosh anumpa yvmak ash o kobahafi, micha ik im antio puta ka isht vltoba kvt isht ai vltoba he vhpiesa ho ihishi tok okma:

3. Ai-okchaya chinto yakohmi ka kil anukfihinlokmt, katiohmit pi hlokafa hinla cho? yvmma vmmona ka Chitokaka yak osh isht anumpohonli tok o, anonti yvmma i haponaklo tok puta kvt ai ghliche mak osh pim anohonli tok:

4. Chihowa hak kia atokowa ibai anohonli kvt, nan isht atokowa, nan isht anukhlakvshli, micha nan isht ai ghli ilaiyuka, micha Shilombish Holitopa na hopela aiena ka ilap im anukfihinla hosh isht ai ghliche tok:

5. Yohmi ka yakni talaia he isht il anumpuli ka, enchil vhleha hokvno i nutaka apihisa tok keyu hoke.

6. Amba achvfa kvt kanima ka atokoli hosh ai anumpuli kvt, Hatak vt nanta ho yvmmak oka chishno yokvt isht chim anukfihinla ho? micha hatak ushi yoka, chishno yokvt ish i nohowa ho? ahanchi tok.

7. Yvmmak oka enchil vhleha hokvno lumvt ik lauwo ho ish ikbi tok osh, isht a holitopa chinto ka isht ish iachukolechi, micha nan okluha chibbak vt ihikbi tok a i shahli ho ish ikbi tok:

8. Chishno yokvt nan okluha kvt iyi nuta aiasha cha, im antia hi a ish apesa tok. Yakohmichit moyuma ka im i nutakvchi ha yokvt, nana kia ik im i nutakacho ka achvfa kia iksho ki tok. Yohmi kia nan okluha kvt ik im i nutakokisha ho himonasi ka e pihivshke:

9. Yohmi kia Chisus, yummak okvt enchil vhleha hā lumvt ik lauwo hosh toba tok kia, nan-illi isht ilbusha ka pihisa kak osh isht a holitopa chinto ka isht iachuka ka e pihisvshke; yohmi na Chihowa isht i kana pulla hatuk mak o yummak ash ot hatak moyuma ka vltoba hosh illa hi atok.

10. Yummak pulla hosh nan okluha ka ihikbi tok, mih fehna kash inli atuk pulla mak o nan okluha kv̄t toba tok, yummvt yvmihcha he im ai vlpiesa hosh ushi vhleha laua ka isht a holitopa ka pehlchit isht ohona kv̄t, yummak ash isht ai okchaya i kv̄pitvni hv̄t nan isht ilbusha puta ka pihisa hosh isht ai ahla hi a im apihisa tok oka.

11. Yohmi ka na-kashofi, micha nan ai ashvehika i kashofa aiena kv̄t it ibai achvfa hoke; yakohmi hoka ik hofahyo hosh itibapishi vhleha hochihifo kv̄t,

12. Itibapishi li vhleha hā chi hochchifo hā otv̄ninchit im anohonli la chi; itibapishi li vhleha hā ai iklv̄na hikiv̄t talahov̄vt chi aiokpahanchi la chi hoke, ahanchishke.

13. Mikmvt anonti, Yummak o anukchieto la chi hoke, achishke. Anonti, Uno, micha vlla vhleha hā Chihowa hv̄t ahama tok oka pisá, achishke.

14. Yohmi hoka vlla vhleha hash osh hakn̄p, issish aiena ka ibai ishi hatuk o, ilap ak kia anonti yummak ash ibai ishi tok ak inli hoke: yohmi na vltobvt illi pulla hosh nan-illi ishi, yummvt nan isht ahullo okpulo ak atuk a imaiyachi cha;

15. Yummvt nan-illi i nukshopa kak osh, okchaya takla kv̄t yuka tobtv̄t kv̄nia chatuk a mominchit hlakoficha hi atok.

16. Yohmi ka ahlishke, yummvt enchil vhleha hā halanli tok keyu; amba Eblaham isht ai unchululi hak o halanli tok.

17. Yumohmi ka nan okluha ka ai yvmohma he ai vlpiesa hosh itibapishi vhleha ak inli hō chiyuhmit toba hi atok; yvmohmi hosh i kana fehvt na-holitompa isht v̄tta chinto ai ahli fehna hosh Chihowa nan isht im ahanta kv̄t, okla puta nan ai ashabanchi tok isht vltohomba he ikbi mak osh isht ahanta hi atok.

18. Yohmi ka ilap ak kia imomaka pisa kvt, na-palvmmi pihisa hatuk okvt, kvna hosh imomaka pisa hokvno apelvcha hi vt ithana hoke.

CHAPTA III.

Klaist vt holitopa kvt Moses a i shahli, 1: 7 yohmi hoka kil i yim-mokmvt, Isael chukvsh kvlo vt na palvmmi isht onvtula he im vtlpisa tok a i shahlit pi onvtula he bano hoke.

1. YUMOHMI hoka itibapishi holitopa vhleha vba nan isht ilaiyukpa et annohgwa ka ibai ishi hvchia ma! Apostel, micha Na-holitompa isht vta chinto, Chisvs Klaist a il ithai-yana, il il apihisa tok a hvsh anukfihinlashke.

2. Moses vt ilap in chuka ai achvfa moyuma ka im ai ahli bano tok a, chiyuhmit yvmmak ash osh ilap a atokoli tok a im ai ahli bano tok.

3. Yohmi ka hatak ilvppvvt isht a holitopa i shahli ho isht a holitopa kvt Moses a i shahli kvt, chuka yoka kvna hosh ikbi tok ak osh holitopa kvt, chuka yash i shahli chatuk a chiyuhmi hoke.

4. Yohmi ka chuka toba moyuma ka ikbi vt asha bano chatuk; amba nana moma ihikbi tok vt Chihowa ak oke.

5. Yohmi ka tishu ho chiyuhmit Moses vt ilap in chuka ai achvfa moyuma ka im ai ahli bano kvt, nana isht anu-humpa he mak o atokolit anohonli tok:

6. Amba Klaist vto Ushi yosh in chuka achvfa pehliechi ho chiyuhmit ai ahli tok; yohmi ka ai okchaya ya na-yuk-pvt e hohoyo hosh Chisvs Klaist il anukchieto kvt, achu-nanchi ai ahli hosh ai vli ka il ona hokmvt, yvmmak ash in chuka pia hoke.

7. Yvmohmi hoka Shilombish Holitopa yvt ahanchi kvt, Himak nitak oka im anumpa hoka hvsh haiyaklo hokmvt,

8. Hvchi chukvsh oka hvch ik kvlocho kashke: yohmi kvt isht a nokovvchi, yvmohmit nana ka imomaka pisachi hosh yakni haiaka itvnova tok a hvch ik chiyuhmicho kashke.

9. Nitak yvmmak ash hvch iki vt ik sai yimmo kvt imo-

maka sa pisvchi tok; micha nana a kaniohmi li puta ka pihisa na afvmmi pokoli ushta tok.

10. Yvmohmi hoka okla yvmmak ash isht vm ahchibvt kvnia tok: mihmvt, Yvmmtv chukvsh anukaka ya isht ashvchi bilia, micha vm anumpa vhpisa puta ka ik ithanoshke, achi li tok.

11. Yohmi kvv sa nukhobela hosh anumpa kvllo il onochit anumpohonli li hoka, Vm afoha yoka chukowa himma keyu mak oke.

12. Itibapishi li vhleha hvv ahah! hvsh ai ahnashke, chukvsh okpulo, nan ik yimmo Chihowa okchaya ya isht hvsh ai i filvmma hinla kvv, hvsh kania ka ik hvchi anukfoyuko kashke.

13. Amba himak nitak achi itin takla kak o nitak puta ka nan it i mihvt hvsh iti hlampkohonchi pulla ho, hvsh kania kia nan ai ashvchi isht a haksit ik hvchi kvllo kashke.

14. Yohmi ka na pi yimmi vmmona tok vt ai ahli biekvt nahayvt ont ai vchi ka il ona hokmvt, Chisvs oka ibai achvfa vchleha e toba hoke.

15. Himak nitak achi itin takla kak o, Himak nitak oka im anumpa hoka hvsh haiyaklo hokmvt, isht a nokovvchi yvmohmi tok a, chiyuhmit hvchi chukvsh oka hvch ik kvvlocho kashke.

16. Yohmi ka kaniohmi kvv haklo hayvt nokovvchi tok: yohmi kia Moses vt pehlichit Echiv a kohechi tok a moma hosh yohmi tok keyu hoke.

17. Amba afvmmi pokoli ushta ka kvta hak o isht im ahchibvt kvnia tok o? nan ashvchi tuk osh haknip illi vt yakni haiaka ya ai itohonla ak atok keyu cho?

18. Yohmi ka kvta hak osh im afoha yoka chukowa himma keyu ho anumpa kvllo il onochit anumpohonli tok o? amba ik i yimmo ke tuk vhleha ak atok keyu cho?

19. Yohmi ka ik i yimmo pulla kak osh chukowa he keyu ki tok a eho pisvshke.

CHAPTA IV.

Ubanumpuli a-foha he vltaha tok a na yimmi pulla hokmak osh isha he, 1: 12 Chihowa im anumpa hvt aighli fehna; 14 Na hilitompa chinto isht pim vtta yvt Klaist Chisvs Chihowa Ushi, 16 nan isht ai i kana ai o binili hilitompa nukwaya keyu hosh il ohonashke.

1. YUMOHMI hoka im afoha e chukowa he pim issa tok a takali moma hoka, hvsh kanima kvt hvch ik ono ahoba hinla ka, ahah! il ai ahnashke.

2. Isht ai yukpa anumpa yash ot pishno ak kia pim anohowa kvt, yummvt im annohowa tok ash o chiyuhmi tok: yohmi kia anumpa im annohowa kvt nan isht im achukma tok keyu kvt, anumpa hahaklo yummak okvt na yimmi ya ibafoki keyu ak atok.

3. Yohmi ka, Si anukhobela hosh anumpa kullo il onochit anumpohonli li hoka, yummak okvt vm afoha yoka chukowa he keyu, ilap vt achi tok: yohmi ak inli kia pishno il i yimmi hatuk okto yakni toba vmmona pilla kash nan toksvli puta kash ot ont vltaiyaha tok im afoha yoka e chukowa hoke.

4. Ilap vt yakohmichit nitak isht untuklo ka ai atokowa kanima ka isht anumpuli tok: yohmi kvt Chihowa hokvt ilap a toksvli puta hoka ataiyahli kak osh nitak isht untuklo hokvno foha tok.

5. Mihmvt ilvppak o, Um afoha yoka chukowa he keyu, anonti achi tok.

6. Yakohmi hoka afoha yoka kaniohmi kvt chukowa chi pulla ka takanli moma hoka, yohmi ka isht ai yukpa anumpa im annohowa vmmona tok vtleha hokvto afoha yoka ik chukowo kvt na-yimma he keyu kak atok.

7. Anonti Lewi ak o isht ai anumpulit nitak kaniohmi ho atokolit, Himak nitak a ahanchi, nitak yummak atok a hopakit taiyaha, achi hoka, Himak nitak a vm anumpa hvsh haiyaklo hokmvt, hvchi chukvsh oka hvch ik kellocho kashke.

8. Yohmi ka Choshua vt yummak ash afoha ya ima ha-

tok okma, i himmak okvno nitak inla ho isht anumpula hi
atok keyu hoke.

9. Yvmohmi hoka Chihowa im okla vhleha hokvto afoha
yvt in takanli hoke.

10. Yohmi ka kvna hosh Chihowa im afoha yoka ont
chukowa hokvto, ilap inli toksvli kash issa kvv, Chihowa hvv
ilap toksvli tuk vt issa ak inli tok ash inli ho chiyuhmi hoke.

11. Yohmi hoka afoha yvmma e chukowa chi kvv il achu-
nanchi fehnashke; ik yimmo hosh itohonla tok ash o chi-
yubmit hatak kvna kia ik itulo kashke.

12. Yohmi ka Chihowa im anumpa hvv okchaya, micha
isht ai ahli fehna, micha halupa kvv bvshpo falaia itahlakla
halupa yak kia i shahli hosh hlopullichit bvshli kvv, ilhfiopak,
micha shilombish ita tuklo ka it i filvmmichi, anonti itachakli,
micha lupi ita tuklo ka it i filvmmichi, micha chukvsh anu-
kaka nan isht ahni, micha nan isht anukfilli puta ka akosti-
ninchit nan im apesa yoke.

13. Nana toba moma kvv achvfa kia itikba ya ik im ai
otano kvv iiksho; amba nana ka il it i kaniohma chi yvmma
i holhponayo hokvno nan okluha kvv ik ompoholmo i bieka
hoke.

14. Na-holitompa isht vtta chinto pim anta, Chihowa
Ushi, Chisvs okvt vba yakni oka ona tok oka, nana ka il il
apihisa tok vt il ai ahlashke.

15. Yohmi ka na holitompa isht vtta chinto nan isht a
pilbvsha ka ik piba nukhaklo ka hi osh pim anta keyu; am-
ba nana a kaniohmi puta ka imomaka pisa kvv, pishno ak
inli ho chiyuhmi kia ai ashvchi yak osh ik im iksho ki tok.

16. Nan isht i nukhaklo il ishi cha, ont ai vllhpiesa pi
apela chi ka isht i kana il ahayucha chi kvv, isht ai i kana
ai o binili holitompa nukwaya keyu hosh il onashke.

CHAPTA V.

Chihowa yvt Klaist a holitobli; mikmvv na holitompa isht vtta i
shahli yo atokoli, 1; 14 Heblu okla hvv nan ai ahli ilvppa ithvna
he tuk vt a haksichi ka Pal vt nan i miha.

1. YOHMI ka na holitompa isht vtta chinto puta hatak a kohchit ihishi ka, hatak ak atuk pulla mak o nana Chihowa immi ha isht ahanta chi kvt, vlhtoka tuk osh nan ai ashvchi isht vlhtoba he puta, micha na hvlbina aiena ka isht im ona hi atok:

2. Ilap ak kia nan isht ai ibetvbla hi vt isht apakfoyupa ak inli hokvt, nan ik ithano, micha yoshuba vhlcha aiena ka yvmmvt i nukhakla he bano hoke.

3. Mikvt nana kvt ai yakohmi hokvt, ilap nan ai ashvchi isht vlhtoba he yak kia, aieninchit okla nan ai ashvchi isht vlhtoba hi a isht im ona hi atok oke.

4. Hatak nana kia ilap ak inli kvt nan isht a holitopa ilappa isha he keyu, amba Alon atok a chohmichit Chihowa ak osh atokoli hok mak oke:

5. Yohmi ka Klaist ak kia ilap ak inli hosh na holitompa isht vtta chinto toba chi kvt isht ile holitoblichit tok keyu: amba, Chishno vt Ssso chia ho himak nitak oka chi tobachi lishke; im achi kak atok oke.

6. Anonti, Chishno yokvt Melkisetek atok a chiyuhmit na holitompa isht vtta hosh ish ahanta na bilia hi oke, inla ka-nima ka ai achi ak inli tok.

7. Yvmmak ash ot hatak haknip ieshit yakni paknaka ilappa ahanta mvt, nishkin okchi mihintit, chitoli fehna hosh pahayvt, nan-illi im a hlakoficha hinla ka im ilbvsha fehmt anumpohonli tok: yohmi ka Chihowa ha holitobli hatuk mak o, Chihowa hvt i haponaklo tok:

8. Yvmmak ash ot Ushi atuk ak inli kia, na palvmmi pi-hisa kak osh im antia kia isht ithvna tok:

9. Mihmt nana kvt ai ahlit im vlhtaiyaha kak osh, im antia puta hokvno ai okchayvt bilia ya im atahli yoke:

10. Yohmi kvt Melkisetek atok a chiyuhmit na holitompa isht vtta chinto hosh Chihowa hak o im ai vlhtoka tok.

11. Melkisetek ash isht il anumpula chi kvt pin laua: yohmi kia nana ka akostininchi hvchi svlaha hoka, tosholi ka kullo hoke.

12. Yohmi ka yvmmak atok a hopakit taiyaha hoka nan im avvchi yosh hvsh ahanta he vlhpiesa kia, kanima kvt

Chihowa im anumpa ai isht ia vmmona ka anonti hvchim abvecha hi a vlhpesa pulla hoke: yohmi kv̄t ilhpak kv̄llo vpa chatuk okvno hvch ik chohmo, amba pishukchi ishko chatuk ak o chiyuhmi ho hvsh tobvshke.

13. Yohmi ka pishukchi ishko puta hokvto nan isht ai vlhpiesa anumpa hoka akostinincha hi a ik ona, vl̄osi yokvt.

14. Amba ilhpak kv̄llo vt asvnochi vhleha hak o im ai vlhpiesa hoke; yvmmak ash ot nana ka ai yvmohomi kak osh im anukfila isht toksahanli hosh nan achukma, ik achukmo ita tuklo ka isht akostininchi hoke.

CHAPTA VI.

Nan ai yimmika ya ai i filvmm̄it aka ik kaho ka chi, 1: 11 amba kv̄llōt hiea chi: 12 nana ka achunanchit nuk̄taiyalvt Chihowa ya avok̄p̄vcha chi ka i miha: 13 Chihowa im anumpa hv̄t ahli hoka.

1. YUMOHMI hoka Klaist ai isht vlv̄vchi vmmona hokvno e boyuhli cha, ai ahli fehv̄vt itikba il ia hosh nan toksv̄li isht ai illi ai i filvmm̄it ile kostininchi, micha Chihowa isht i yimmi;

2. Baptismo nan isht vlv̄vchi, micha ibbak onohonchi, micha illi tok vt falamvt tani, micha hatak puta nan im vlhpisvt bilia he aiena ka intolahpi ka atuklanchit keho bohlo kashke.

3. Micha Chihowa ak osh vlhpesa ahni hokma, ilvppa e yvmohma he mak oke.

4. Yohmi ka kv̄na hosh himonna ha im vlv̄vchit, na-hvlbina vba yakni minti ka akostininchi, micha Shilombish Holitopa ya ibai ishi tok okvto,

5. Mikmvt Chihowa im anumpa achukma, micha vbanumpa nitak nan isht ai ahla he aiena ka anukfoyuka ha yak okvto,

6. Yvmmak ash osh vbanumpa ha i filvmm̄i hokvt kaniohmit atuklant himonvt toba cha, ai isht ile kostinincha hinla kv̄t iksho kamohmi hoke; yohmi kv̄t ilap ash inli hosh Chihowa Ushi ya himonvchit ititaiyukhvna ya ai vbi kv̄t, otr̄ninchit hofahli hokvt.

7. Yohmi ka yakni ak osh uhumba aiyuka ka ai ihishko

hosh yakni a toksvli yvmmak atuk vt ai isha he vllhpiesa hq offohonchi cha, nan isht ai yukpa Chihowa a mihinti ka ishi hoke :

8. Amba bafvlli halupa ilaiyuka offohonchi hokeno nan ik ahobo hatuk q, isht ai okpuloka he anumpa hvt onvtuyula hosi; yvmmtv ont im ishtaiyopi hokvto lua he mak oke.

9. Yakohmichit il anumpuli hoh kia, amba holitopa vhleha ma! hvchishno yokvno nana achukma i shahli, micha ai okchaya nana kvv ai ahalaia kak q a hvchi yvmoh-mi ka, pi yimmishke.

10. Yohmi ka Chihowa hvt ik ai vllhpeso hokma, nanta tuk osh nan toksvlit holitoblit ilap hohchifo imma ka nan isht hvsh im ahanta tuk q imi haksa he keyu, vbanumpuli vhleha ha nan isht hvsh im ahanta tuk osh, isht hvsh ahanta kvv imoma hoka.

11. Mikmtv ai okchaya ishi la he ai ahnit, ai ahlit hvchi yimmi hosh ont ai vlli ka hvsh ona chi kvv, nana hvsh a kaniohmi kash ot moyuma kvv hvsh achunancha he e hvchim ai ahnishke.

12. Yohmi hosh ik hvch intakobo kashke; amba kaniohmi kvv na yimmi kak osh nana ka nuktaiyaltv hohoyo hosh, nana im ihisa tok ash ont ieshi vllhpesa tok ak q hvsh hoba-chashke.

13. Yohmi ka Chihowa hvt Eblaham q nana ka im ihisa hokvt ilap inli hq ai isht anumpa kvvilo il onochi kvv, i shahli kanima ai isht anumpa kvvilo il onocha he keyu kak atok,

14. Ahlishke yukpahanlit chi yukpali la he, mikmtv laua-hanchit chi lauachi la hi oke, ahanchi tok.

15. Yakohmit nana ka nuktaiyaltv hohoyo hatuk osh, nana ka im ihisa tok ash ishi tok.

16. Yohmi ka hatak okvto i shahli hq ai isht anumpa kvvilo il onohonchi chatuk vt ai ahli; micha nan isht ai ahli-chi anumpa kvvilo il onochi kak osh itachowa puta hokvno ont im ai vlliechi chatuk bano hoke.

17. Yvmohmi ka Chihowa hokvt nana ka im ihisa tok q ont isha he im ai vllhpiesa vhleha hoka ilap nana im anukti-hinla tok vt kaniohmit ai inla himma keyu ka, achukmalit i

shahlichit im otvninchi bvna hosh, anumpa kvlo yō il ono-
chit isht ai ahlichit tok:

18. Yohmi ka nana kaniohmit ai inli himma keyu tuklo
yvmmak oka Chihowa hokvt isht a holaba himma keyu
hoka, vba isht il aiyukpa pim ihisa tok ash il isha chi hosh
a hlakofi yō il o chahafa kv, nan isht a nuktaiyala chinto il
iesha he ak atok.

19. Nana pim ihisa tok ash il isha he il ai ahni kak osh,
isht a kvlo ai ahli kanvlla he keyu yō shilombish vt im iti-
lavi, micha yvmmak osh, aholitopa fehna isht ompoholmo
anukaka yoka chukowa mak oke.

20. Yvmmak oka pin tikba-heka, Chisvs vt chukowvt,
Melkisetek atok a chiyuhmit na holitempa isht vta chinto
bilu toba tok oke.

CHAPTA VII.

Melkisetek atok a chohmit Klaist Chisvs vt nan isht vta holitempa, 1,
11 Alon na holitempa isht vta yatok a i shahli fehna.

1. YOHMI ka Melkisetek ilvppvt Salem i miko, Chi-
howa holitopa fehna i na holitempa isht vta yosh, Eblaham
vt miko vhleha ont vbit falamvt aya ma yvmmak ash ot ont
afama mvt, yukpali tok.

2. Yvmmak ash o Eblaham vt moyuma ka a kashapa ont
isht pokoli ka ima mak inli tok: vmmona hoka toshowak-
mvt, Nan ai vhpiesa i miko, mikmvt anonti yvma acha-
kaya kv Salem i miko, yvmmvn nanaiya i miko achi hoke,

3. Iki iksho, ishki iksho, isht ai unchululi iksho, nitak ai
isht ia vmmona tok vt iksho, micha im ilhfiopak vt ont ai
vhi tok vt iksho, amba Chihowa Ushi yak o chiyuhmi hosh
na holitempa isht vta yosh ahantvt bilu hoke.

4. Yohmi ka hatak ilvppvt a chinto kaniohmi ho, iki
chinto Eblaham ash ot nana ka in tvnvp a im ai ishi tok ash
achukma i shahli kak o a kashapa ont isht pokoli ka ima
tok a, hvsh anukfillashke.

5. Yohmi ka Lefai ushi vhleha atuk vt na-holitempa isht

vtta vlhtoka kv̄t, okla yvmm̄vt itibapishi; micha Eblaham ak o isht atiaka yak inli kia, v̄ba nan-vlhpisa in tonla hatuk osh, a kashapa ont isht pokoli ka im ai ishi beka mvhlishe:

6. Amba yvmmak ash o ilap okvto ai isht unchululi ho keyu kia, a kashapa ont isht pokoli ka Eblaham a im ai ishi mvt, nana im ihisa tok ash o yukpali tok.

7. Mikmvt i shahli hak osh ik lauwo ka yukpali hoka ik ai ahlo, acha hi yvt ikshoshke.

8. Mikmvt ilvppak okvno hatak vt illa he kia a kashapa ont isht pokoli ka ishi; amba yvmmak okvno yvmmvt ishi kv̄t okchayvt ahanta ka, nana kv̄t isht ai atokowa hoke.

9. Yohmi ka Lefai yokv̄t a kashapa ont isht pokoli ka ihishi kia, Eblaham ak o isht ai unchululi hokv̄t, a kashapa ont isht pokoli ka Eblaham a ibai atobbi ak inli tok, yvmma chiyuhmi achi la hinla ak inli hoke.

10. Yohmi ka Melkisetek vt yvmmak ash o afama ma, yvmmvt iki ikfeka anukaka yak o fok̄a moma hatok.

11. Yohmi ka Lefai na-holitompa isht ai vtta yokv̄t ai ghli bieka hatok okma, yvmmak o okla hv̄t i nuta ai asha hosh v̄ba nan vlhpisa puta ka ihishi hatok oka, Melkisetek atok a chiyuhmit na holitompa isht vtta inla hokv̄t na katihmi ho vlhtoka he vlhpesa moma ho? micha Alon na holitompa isht ai vtta yatok a chiyuhma he keyu ho?

12. Yohmi ka na holitompa isht ai vtta inla hosh vlhtoka hatuk o, anonti nan vlhpisa yash ot inlv̄t toba he vlhpiesa hoke.

13. Yohmi ka yvmma nana puta ilvppvt isht anuhumpa hokvto, oklushi inla ho ibai achv̄fa hatok; yvmmak okvto hatak achv̄fa kia alta ya nan isht ai vtta beka tok keyu hoke.

14. Yohmi ka Chuta yak o pin Chitokaka yvt a tobtv̄t kohcha tok vt ai atokowa; oklushi yvmmak oka na holitompa isht ai vtta imma nana kia Moses vt isht anumpuli tok keyu hoke.

15. Mikmvt nana ai atokowa hokv̄t i shaiyahli fehna imoma ka, Melkisetek atok a hoyulba hosh na holitompa isht vtta inla kv̄t hikia hoke,

16. Yvmmak okvto hakn̄ip nan im vlhpisa imma ho isht

vlhtoka tok keyu, amba okchayvt bilia im ai vlhpiesa hatuk osh vlhtoka tok oke.

17. Yohmi ka yummvt atokolit anoli hosh, Chishno yokvt na-holitompa isht vtta Melkisetek atok a chiyuhmit bilia chia hoke, ahanchi tok.

18. Yohmi ka nan vlhpisa yummak ash osh nana ka isht ai achukma, ai ahli ka ik ono hatuk osh akshu tok vt ai ahlishke.

19. Nan-vlhpisa yummak ash okvto nana kia ai ahlich i tok keyu hoke: yummak atuk mak o nana achukma i shahli ho pim ataiyahli hosh vla hatok pulla kak o, Chihowa i bilikasi ka il ona hoke.

20. Mihma yummak ash ot anumpa kvlo il onoyuchi keyu iksho ho yummak ash ot na holitompa isht vtta toba tok oka:

21. Yohmi ka anumpa kvlo il onochi kia iksho ho yummvt na holitompa isht vtta vhleha tohomba tok oka: amba ilvppak okvno anumpa kvlo il onochi hosh nana im ahanchi kv, Chitokaka yak osh anumpa kvlo il onochi kv, inlv im anukfila he keyu mak osh, Chishno yokvt na holitompa isht vtta Melkisetek atok a chiyuhmit bilia chia hoke, ahanchi tok:

22. Yakohmi hosh Chisvs okvt nan it im vlhpisa achukma i shahli yoka ai ahlich i toba tok oke.

23. Yohmi ka yummak ash okvto na holitompa isht vtta yvt lawa mvhli tok: yohmi kv yummak okvto nan illi ak atuk pulla mak o ahantvt bilia beka tok keyu hoke.

24. Amba hatak ilvppak okvto okchayvt bilia hatuk osh na holitompa isht ai vtta inla himma keyu ho ieshi hoke.

25. Yumohmi hokvt anonti ilap ak o anukchieto hosh Chihowa hoka im ohona hokvno mominchit okchalinya he bano hosh, yummak oka apelvchit isht anumpohonli hosh ahantvt bilia hoka.

26. Yohmi ka na holitompa isht vtta chinto, yummak okvt ai ashvchika ik im iksho, nan ik okpano, na liteha iksho, nan ashvchi vhleha ha ai i filvmmi, micha chaha kv vba yakni yak kia i shahli, yummak chiyuhmi hosh pim ahanta he ai vlhpiesa hatok:

27. Yohmi ka na holitompa isht vtta pehlich chinto vhle-
ha hokvto nitak moma ka ilap nan ai ashvchi isht vltoba
ka tikba pit im issa ha yosh, okla nan ai ashvchi isht vltoba
ka pit im issa beka tok o, yvmmak okvto chiyuhma he im
vlhpesa keyu, nan ai ashvchi isht vltoba il im issa mak osh
ilvppak oka himonna ma yvmohmi tok okvt.

28. Yohmi ka nan vlhpisa yvmmak ash ot hatak ibetvbla
he im vlhtayak kia na holitompa isht vtta chinto atokohonli;
amba anumpa kullo isht ai ahli tok ash ot vba nan vlhpisa
yvmmak ash ot toba ha yak o, Ushi ya atokoli ho, yvmmut
na holitompa isht vtta ai ahlit bilia he mak oke.

CHAPTA VIII.

Klaist ak osh na holitompa isht vtta i shahli bilia, yohmi ka Klaist vt
vla ha yokvno Alon isht ai umchululi kvv na holitompa isht vtta
vltoka he keyu mak oke, 1: 7 yvmmak inli ehohmit Chihowa yvt
nan vlhpisa himona ikbi ha yokvno Israel vt Echip a kohchvt minti
ma, nan vlhpisa toba tok vt kashovvt taha hoke.

1. NANA isht il anumpohonli kash puta ka ilvppak osh
moma i shahlshke: Na holitompa isht vtta chinto yakohmi
hosh vba yakni Chihowa Chitokaka yvt a binili kak o isht
impak imma yo pi binili hosh;

2. Uba aholitopa, micha vlhtipo ai ahli fehna ka hatak ak
atok keyu, amba Chitokaka yak osh ikbi tok, yvmmak o nan
isht ai ahanta hoke.

3. Yohmi ka na holitompa isht vtta chinto puta kvv na
hvlbina, micha nan ai ashvchi isht vltoba puta aiena pit im
issa chi hosh vltoka chatuk oka; hatak ilvppak kia anonti
nana im ai asha tuk osh pit im issa he im vlhpisa hoke.

4. Yohmi kvv yakni ilvppak o ahanta hokmvt, na holi-
tompa isht vtta ya hi o keyu, vba nan vlhpisa yak atuk
pulla mak o na hvlbina pit im issa hosh na holitompa isht
vtta vhleha hvv ai asha hoka:

5. Yvmmak okvt nan isht ahanta kvv vba yakni nana ai
asha kak o isht vlhpisa, micha isht a hoyulba mak o isht ai
yvmihchi hoke: yohmi ka Moses vt vlhtipo ya ikba chikma,

Chihowa hvt nan i miha kv̄t, Ahah! ahnit nan isht a holba
v̄n̄n̄h paknaka chim ai otvni tok ak o chiyuhmi hō nan ok-
l̄ha ka ish ikbashke, achi tok oka.

6. Yohmi tok kia himonasi hokvno yvmmak okvt nan it
im v̄lhpisa achukma i shahli, nana achukma i shahli anno-
hōwa puta isht ai ghli tok a, it i nanaiyvchi yosh nan isht
ai v̄tta holitopa i shahli fehna hō ieshi mak inlishke.

7. Yohmi ka nan it im v̄lhpisa v̄mmona yvm̄vt nan isht
ik ōno iksho hatok okma, anonti atukla kv̄t ai yvmohma hi
ya hoyā hi atok keyu hoke.

8. Yohmi ka yvm̄vt nan isht ik ōno ka pisa kak osh
Chitokaka yvt achi kv̄t, Yakeh! Islael in chukachvfa, mi-
cha Chuta in chukachvfa aiena ka nan it im v̄lhpisa himona
im apihisa la he nitak vt v̄la hi oke,

9. Iki v̄hleha hoka ibbak halv̄lit pehliechit, nitak kanioh-
mi kash Echip yakni yoka a kohchi li mvt, nan it im v̄lhpisa
im apihisa li tok okvno chiyuhma he keyu; yvmmak okvt
nan it im v̄lhpisa im apihisa li tok ash foyukvt mahaya keyu
hatuk o, ak ahn̄incho ki tok, Chitokaka yvt achishke, im
ahanchi tok.

10. Yohmi ka nan it im v̄lhpisa ilvppak o nitak himak a
pilla mak o Chuta in chukachvfa yoka im apihisa la hi oke;
yohmikmvt a nan v̄lhpisa puta yoka anukfokih̄inchi likmvt,
chukvsh oka ai o holissohonchi la hi oke; mikmvt in Chi-
hōwa sia hahe, mikma v̄m okla hahi oke. Chitokaka yvt
ahanchishke.

11. Yvmohmikma hatak puta kv̄t in chuka panta, micha
hatak puta kv̄t itibapishi aiena ka nan im av̄v̄chit, Chihowa
hoka ish ithaiyanashke, im ahancha he keyu; moma ik lau-
wo, micha moma i shahli aiena kv̄t sv̄thana hi oka.

12. Yohmi ka ik v̄lhpeso ai yvmohmi puta ka i nukhaklo
la he, mikmvt nan ai ashv̄chi, micha v̄ba nan v̄lhpisa koba-
h̄aŋi puta ka himak a pilla ak ithaiyano ka he mak oke.

13. Nan it im v̄lhpisa himona yvmmak achi kak osh, v̄m-
mona tok vt sipokni yō chohmichi hoke. Yohmi ka nana
kv̄t okp̄lot sipoknit isht ai aiena hokvto, ont ik ai iksho
kamohma chi kv̄t v̄lhtaiyaha hoke.

CHAPTA IX.

Vba nan-vlhpisa yokvto issish a hlatahempla hi a im apesa 1; 11
 amba Klaist vt ilap issish, micha ilap fehna isht a hlakofa hi o ile
 kanchi tok vt mihi yosh holitopa fehna: 15 nan vlhpisa himona
 ai ghlichi hosh Klaist vt illa he vlhpiesa hatok.

1. YOHMI ka nan it im vlhpisa vmmona yvmmak ash
 ot Chihowa aiokpvchi nan isht vlhpisa puta, micha aholito-
 pa yakni ilvppa ahalaiya aiena ka ishi tok vt ai ghlishke.

2. Yohmi ka vlhtipo yokvt toba tok: vmmona yvmma
 anykaka yak o pula ai o hikia, micha ai impa, micha pvska
 otvni aiena kvv asha beka tok, yvmmak osh aholitopa hoh-
 chifo hoke.

3. Mihma nan-tunna isht ompoholmo vba takali atukla
 mish asha ka, vlhtipo yokvto aholitopa moma i shahli hoh-
 chifo hoke:

4. Yvmmak oka anykaka ya na balama aluachi tvli ho-
 lisso lakna isht toba, micha nan it im vlhpisa yash im itombi
 yokvt tvli holisso lakna yosh isht ompoholmot apakfoypa,
 yvmmak o tvli holisso lakna nan ai vlhto manna yosh vlhto,
 micha Alon in tvbi yvt bikobli tok, micha tvli patvssa tuklo
 nan it im vlhpisa yvt ai o holihiso tok aiena kvv foyuka hosh
 taloha tok:

5. Mihma paknaka ya Chelubim holitopa vhleha kvv isht
 ai i kana ai o binili ya o hoshontikahanchi tok, yvmmak oka
 himonasi ka achefa ayukvt isht il anumpula he keyushke.

6. Yohmi ka nana puta kvv yakohmit vlhtaiyaba ha yak
 o, na holitopa isht vttta yak osh vlhtipo vmmona anykaka
 yak o chukovvt, Chihowa aiokpvchit a hlopulli beka tok:

7. Amba atukla hokvno na holitopa isht vttta chinto kak
 osh ilap bano hosh afvmmikma himonna ho chukova kvv,
 issish ik esho keyu hosh yvmmak o ilap nan ai ashvchi, mi-
 cha okla nan ai ashvchi aiena ka isht vlhtoba mak o pit im
 issa beka tok:

8. Shilombish Holitopa yak osh vlhtipo vmmona yash

ot hikia imoma hokvno, aholitopa moma i shahli anukaka a chukowa yokut ik otano kisha ho ilvppak o otvvinchi tok:

9. Yvmmak osh nitak yvmmak fehna ka nan isht vlhpisa hatok; yvmmak ash o na hvlbina, micha nan ai ashvchi isht vlhtoba ita tuklo ka im ihisa tok: yohmi ka yvmma isht ahanta hokvno yvmmak okvt nan isht il akostininchi imma hokvno nuktvla ai ahli yo im ikba he keyu hatok.

10. Yvmmak okvt nan ilhpak, micha nan ishko puta, micha il achifa ilaiyuka, micha haknip imma nan isht vlhpisa puta aiena kak illa hosh im vlhpihisa na nan ai vlhpesa nitak vt vla hi atok.

11. Amba Klaist vt vla hokvt vlhtipo chito, micha vlhtaha achukma kvt i shahli, ibbak isht a toba keyu, yvmma achi kvt nan toba ilvppak o chohmi keyu, na holitompa isht vta chinto hosh nana achukma vla chi puta ka isht ahanta kvt;

12. Issi kosoma, micha wak ushi issish o keyu, amba ilap im issish ak inli ho isht a pi vlhtombvt bilia ya isht a pim ataiyahli ha yosh, aholitopa yoka himonna achufa chukowa tok.

13. Yohmi ka wak nakni, micha issi kosoma issish, micha wak tek himita hullushmi hituk chubbi ya ik kashofa ka ai o fimimpa kak osh kanimihchit haknip a kashofi hatok okma;

14. Shilombish okchayvt bilia anukfoka pulla hatuk osh isht ik ai ono kia iksho hosh Klaist vt Chihowa yoka pit il im issa tok; yvmma im issish okak heto i shahlichich fehna hosh nan a kaniohmit isht ai illi ya a hvchi filvmmichit, isht hvsh il akostininchi yoka hvchi kashofichi na Chihowa okchaya yoka hvsh holitobla hinla hoke.

15. Yohmi ka yvmmak okvt nan it im vlhpisa vmmona nuta ai ashvt nan ai ashahanchi tok vt isht vlhtoba chi mak o, illi pulla hatuk mak osh nan it im vlhpisa himona yoka ai ahlichich toba ho, im annohowa tok puta hokvt ai okchayvt bilia isha he im ai vlhpisa im ihisa tok a isha hi atok.

16. Nan it im vlhpisa yvt tobakma, nan it im vlhpisa isht ai ahli kvt illi kak o pulla chatuk mak inlishke.

17. Yohmi ka nan it im vlhpisa isht ai ahli yash osh okchaya imoma hokvno isht ik ai ahlo kamohmi, amba illi ha yak o isht ai ahli chatuk oke.

18. Yvmohmi hoka nan it im vlhpisa vmmona hokvt issish iksho ho isht ai ahli tok keyu hoke.

19. Yohmi ka Moses okvt vba nan vlhpisa yvt nana api-hisa ka mominchit okla puta ka isht im anumpohonlit taiyahli mvt, wak ushi, micha issi kosoma ushi issish ita tuklo, oka kapvssa, micha chukfi hishi humma, micha hissop aiena ho ieshi cha, holisso, micha okla moma aieninchit isht o fimmi mvt,

20. Ilvppak osh nan it im vlhpisa issish mak o Chihowa yokvt hvehim apihisa tuk oke, achi tok.

21. Anonti yvmmak ash ot vlhtipo, micha Chihowa isht aiokpvchi ai-vlhto aiena ka issish isht o fimmi mak inli tok.

22. Yohmi ka vba nan vlhpisa yak atuk pulla mak o nan okluha kvv moma chohmit issish isht a kashofa hoke; micha issish hlatahampa keyu hokvno nan ai ashvchika isht a kashofa iksho hoke.

23. Yohmi hoka nana vba ai asha puta ka isht vlhpisa puta kvv ilvppak ash o isht a kashofa hi atuk; amba nana vba ai asha yvmmak oka nan ai ashvchika isht vlhtoba achukma kvv ilvppak ash o i shahli ho isht a kashofa hi atuk oke.

24. Yohmi ka Chisvs vt aholitopa puta ibbak isht a toba, yvmmak o ai ahli fehna ka isht vlhpisa hatok ak o chukowa tok keyu; amba pishno ak atuk pulla mak o Chihowa itikba ya himonasi kuno ai otaiyana chi kak osh vba yakni fehna ka chukowa tok:

25. Na holitopa isht vtta chinto yokvt aholitopa yoka afvmmikma in issish o isht chukowa beka tok, chiyuhmit himonna ilap ash il im issa hi atok keyu hoke:

26. Yohmi tok okma, yakni intolahpi toba vmmona tok takla ka himonna ihinla hi atok pulla; amba himonasi kuno himonna achvfa ho yakni ont ishtaiyopi yak o ant ai otaiyani kvv, nan ai ashvchi isht kanchi mak osh ilap il im issa hosh illi tok.

27. Yohmi ka hatak puta kv̄t himonna h̄o illa hi vt̄ im v̄lhp̄hisa tok; amba misha pilla hokvno nan im v̄lhp̄isa nitak osh v̄la hi oke:

28. Yv̄mma chiyuhmit Klaist ak kia lawa nan im ai ashvchi isht kancha ch̄i mak osh himonna ma il im issa tok: yohmi kv̄t yv̄mma hoh̄oyo v̄hleha hokvno nan ai ashvchi ik im iksho hosh atukla okchalinea ch̄i hosh otaiyana hi oke.

CHAPTA X.

V̄ba nan-v̄lhp̄isa h̄o na nipi v̄ba isht aiokpv̄chi hokvno nan ashvchi isht kancha he keyu, 1: 10 amba Klaist haknip osh himonna ha nan v̄lhtoba hosh illi ha yokvto nan ashvchi ya isht kanchi; 19 achunanchit nan ai yimmika ya kv̄llot ieshit Chihowa ya aiokpalancha he i miha.

1. YOHMI ka v̄ba nan v̄lhp̄isa yokv̄t nana achukma puta v̄la he ak o isht v̄lhp̄isa hatok; yohmi kv̄t nana yv̄mmak o isht a holba ai āhli keyu hokv̄t, nan ai ashvchi isht v̄lhtoba puta yv̄mma afv̄mmi aiyuka ka pit im ih̄isa na bilia mak o isht ahanta v̄hleha hoka nuk̄talalit ai āhlich̄a himma keyu hoke.

2. Yohmi tok okma, ilv̄ppak oka pit im issa kv̄t issa hi atok keyu? yohmi ka aiokpv̄chi yakohmi v̄hleha hokv̄t himonna kashofa ha yokv̄t, nan ai ashvchi puta isht il akostin̄inchi yv̄t ik̄ im iksho ka hi atok oka,

3. Amba nan ai ashvchi isht v̄lhtoba yv̄mmak ash o afv̄mmikma anonti nan ai ashvchi isht ai otaiyani beka tok.

4. Yohmi ka wak-nakni, micha issi kosomushi issish aiena kv̄t nan ai ashvchi puta ka isht kancha he keyu kamohmi hoka.

5. Yvmohmi hoka yakni ilv̄ppa v̄la mvt, Nan ai ashvchi isht v̄lhtoba, micha v̄ba isht aiokpv̄chi aiena hokvno chik āhno tok; amba haknip o is sv̄m ikbi tok, achi tok:

6. Nan ai ashvchi isht v̄lhtoba lua yokvno isht a chi yukpa tok keyu hoke.

7. Yohmi hatuk oka, yakeh! nan isht si annoh̄owa ho-

lisso a foyuka hoka nan ish ai ahni tok a ataiyahli la chi hosh vla li hoke, Chihowa ma! achi li tok.

8. Tikba kash nan ai ashvchi isht vlhtoba, micha vba isht aiokpvchi, micha nan ai ashvchi isht vlhtoba lua aiena ilvppa vba nan vlhpisa yak atuk pulla kak o isht ahanta hoka, chik ahno mvt, anonti yumma isht a chi yukpa keyu ki tok, achi tok.

9. Yohmi mvt, Yakeh! nan ish ai ahni tok a ataiyahli la chi hosh vla li hoke, Chihowa ma! achi kv, nana vmona kash o isht kanchi hosh nan atukla kash o ai ahlichia chi hatok.

10. Nan ai ahni tok yummak atuk pulla kak o Chisus Klaist vt himonna achufa ma, haknip a im issa tok ak o isht a pi kashofa hoke.

11. Yohmi ka na holitompa isht vta puta kv nitak mona ka hiki vt nan isht ahanta kv, nan ai ashvchi isht vlhtoba mih ash inli, yummvt nan ai ashvchi isht kancha himma keyu ka, himonna pit im ihisa chatuk:

12. Amba hatak ilvppvt o nan ai ashvchi isht vlhtoba achufa ka, im issa ha ya tok vt, Chihowa ibbak isht impak imma ak o binilit bilia hoke:

13. Himak a pilla mahaya hokvno in tenvp vhleha hokvt ilap iyi ai o hikia yo toba he, ai ahnit ahanta hoke.

14. Yohmi ka nan ai ashvchi isht vlhtoba achufa ho kashofa vhleha yummak okvno isht nuktalalit ai ahlichit bilia hatok.

15. Yummak oka anonti Shilombish Holitopa yak kia nan atokowa pim anoli hoke; yohmi kv anonti tikba ka achi ha yak osh,

16. Nan it im vlhpisa ilvppak o nitak yumma i himmak okvno it im apihisa likmvt, chykesh fehna ka a nan vlhpisa yoka nukfohkihinch i la he, micha im anukfila fehna ka ai o holissobonchi la he;

17. Mikmvt nan im ai ashvchi, micha vba nan vlhpisa kobahafi tok puta ka himak a pilla ma ak ithaiyano ka hi oke, Chitokaka yvt achishke, achi tok.

18. Yohmi ka ilvppa isht a kashofa kv asha hokvno,

anonti nan ai ashvchi isht vltoba himmakma im issa he iksho hoke.

19. Yvmohmi hoka itibapishi li vhleha ma! Chisus im issish ak atuk pulla kak o nukwaya iksho hosh aholitopa fehna ka e chukowa hoke:

20. Yohmi kv̄t aholitopa isht ompoholmo takali ymma achi kv̄t haknip ak oke, yvmmak atuk pulla kak o hina himona, micha okchaya holitoblichit pim apesa tok o e chukowa hoke.

21. Yohmikmvt na holitompa isht vtta chinto Chihowa im aboha i shahli hosh pim ahanta hokvt;

22. Chukvsh ai ahli, micha i yimmi ai ahli fehna, pi chukvsh mvt issish o fimmvt, isht il il-akostininchi ik achukmo ka ai i filvmm̄t, pi haknip okvt oka kashofa achukma isht vl̄chifa tuk aiena ho isht i bilikasi il onashke.

23. Nana pim ihisa tok vt ai ahli yoka, nana pi yimmi il i apihisa tok vt shanaia iksho hosh il ai ahlashke:

24. Michā nana ka isht it anukfilli hosh iloh it i hullot, micha nan isht vtta achukma puta ka e yvmohma chi kv̄t, il itaiyimitachashke:

25. Kaniohmi kv̄t ai yvmohmi chatuk a chiyuhmit il itv-naha he tuk vt kil isso kashke: amba nana ka it i mihvt, nitak yvm̄mvt vl̄a hosi ka hvsh pisa kak osh, i shahlich̄i feh-nvt hvsh yvmohmashke.

26. Yohmi ka nan ai ahli ka il ithaiyana ha yokvt, pishno inli pim anukfila hosh il ashvchi hokmvno, nan ai ashvchi isht vltoba yvt himmakma takanli keyu hoke;

27. Amba isht a nukshobla he na palvmmi vl̄hpisa, micha isht i nukkilli luak aiena ka hohoyot ahanta he; yvm̄mvt vbanumpa ai ahli i sanali vhleha hoka okpvnit tumola he ak osh takanli hoke.

28. Moses i nan vl̄hpisa yoka ik holitoblo hatuk vt nan atokowa anoli tuklo, tuchina, kanima kv̄t pisa ho isht i nukhaklo kia iksho ho, illi hatok oke.

29. Yohmi ka kv̄na hosh Chihowa Ushi yoka iyi nuta bohlit a hvhlih̄inchi, micha nan it im vl̄hpisa issish yvmmak o isht a kashofa tok ash osh nana ik holitopo isht ahobvchi,

micha nan isht i kana Shilombish Holitopa ya nan isht ik ahobalo hatuk okvto, nan isht ilbvsha yvt i shahli katiohmi ho isht ilbvsha he, hvchim ahoba ho?

30. Yohmi ka, Ai vlpiesa isht atobba hi okvt vmmi hoke, ilvppak ash achi tok yvmmak okvno il ithana; falaminchit atobbi la he, Chitokaka yvt achishke. Mikma anonti, Chitokaka yvt im okla vhleha hoka nan im apesa hi oke, achi kvt takanlishke.

31. Chihowa okchaya yoka nan im vlpisa chi hosh ibbak a foyuka kvt nana ka isht a nvkshopa he vlpesa hoke.

32. Yohmi kia nitak tok ash o hvsh ithaiyanashke, yvmmak amo nana ka hvsh ithaiyana ha yokvto, na palvmmi chinto puta ka it i kahanlot isht hvch ilbahasha tok:

33. Yohmi kvt isht a hofahya, micha na palvmmi puta hvchi onvtuyula hosh okla a yopissa mak o hvsh tohomba kvt hvchi yvmohmi; micha kanimikma yvmma yvmohmi puta kash o ibai achvfa hvsh tohomba kvt chiyuhmi mak inli tok oke.

34. Yohmi ka yuka talakehi yosh ahanta li ma, hvsvba nukhaklo tok; micha hvchim ilayak puta ka hvchi wehpohonli kia, vlpesa ahnit hvchi yukpa kvt nana okpula he keyu, micha achukma i shahli hosh vba aholitopa yoka hvchin tuyula kvt, hvsh il ithana hatuk okvt.

35. Yvmohmi hoka na yimmi hvchi anukfoyuka kash osh hvch ik kanchi kashke: yvmmak osh nan isht vltoba nan isht il aiyukpa chinto ho ieshi hoke.

36. Yohmi ka nuktaiyavt achunancha he hvchim vlpiesa; yohmi hosh Chihowa nan ai ahni tok a hvsh ataiyahli ha yosh, nana auct hvchim ihisa tok ash hvsh iesha hi atok.

37. Himak a pilla chekosi fehnakma vla hi atok vt, vla chi kvt svlaha hosh vla chi keyu hoke.

38. Yohmi ka ai vlpiesa yokvto na yimmi pulla kak osh okchaya chi; amba hatak nana hosh falama hok mvno, sa shilombish vt isht im ai yukpa hi vt iksho hoke.

39. Amba pishno vto falama cha, nan isht ai ilbvsha bilia pihisa he vhleha yvmmak okvno il ibai achvfa keyu, amba na yimmi cha, shilombish okvt okchayvt bilia yvmmak o il ibai achvfa hoke.

CHAPTA XI.

Na yimmika yvt nana hatuk a anoli, 1; 7 nayimmi isht ai vni kvt vbanumpuli tikba ash ot nan im anukfila na otvni tok a anoli.

1. NA yimmi kak osh nana il isha he ai ahnit e hohoyo ka nan isht pim ai ahli yoke; micha nana ke peso ka nan isht ai atokowa yoke.

2. Yummak atuk pulla kak o hatak tikba vhleha hokvt nan annoa achukma ka isht ai atokowa tok oka.

3. Na pi yimma pulla kak osh yakni puta kvt Chihowa im anumpa hak o isht a toba tok a isht il akostininchi hoke; yohmi hatuk o nana puta e pihisa kvt nana puta otaiyani kak o isht atoba tok keyu.

4. Na yimmi pulla kak osh Ebel okvt vba isht aiokpvchi achukma kvt Ken immi ya i shahli fehna ho Chihowa hoka ont im issa tok; yummak ash o nana ka ai vllhpiesa kvt isht atokowa kvt, i na hulbina puta ka Chihowa hokvt atokolit im aiokpanchi tok; micha yummak atuk pulla kak o illi tok kia anumpuli kvt imomvshke.

5. Na yimmi pulla kak osh Enok vt toshowa kvt nan-illi ik peso ka chi kak atok; micha Chihowa ak osh tosholi hatuk oka, iksho ki tok: ik toshowo kisha kvt Chihowa yoka yukpali tok, nan isht atokowa ilvppak o ishi hatok okvt.

6. Amba na yimmi iksho hokvno kaniohmit yukpala himma keyu hoke; yohmi hoka kvna hosh Chihowa im onakmvt, yummak osh ahanta, micha yummak okvt ilap o achunanchit hohoyo puta hokvno nan im atobbi aiena ka yimmi pullashke.

7. Noah yoka Chihowa hvt nana im anohonli ma, nana ka ik peso kisha ak inli kia, nvkshopvt holitobli hokvt, i yimmi pulla hosh in chuka-chvfa yvt isht ai okchaya hi a peni chito ya ikbi tok; micha yumma yvmohmi kak osh okla puta ai asha tok ash na palvmmi vllhpisa hvt onvtula he vllhpesa ka isht otvninchi tok; micha na yimmi isht ai vllhpiesa iesha hi vllhpesa hosh toba tok.

8. Eblaham okvt yakni inla yemma i himmak o immi tobtv isha hi o, ivt ona chi ho i howa ma, yimmi pulla kak osh im antia tok; micha yvmmak o ia li, ahni keyu kia, kohchvt ia tok.

9. Na yimma pulla kak osh yakni im issa tok ash ont ahanta kvv, yakni vt immi keyu ho chiyuhmi hosh Aisaak, micha Chekob ita tuklo, yvmmtv nan im issa tok mihi ash iesha he im ai vhpesa ak inli ka ai itapehvt vltipo anukaka yo ahashwa tok:

10. Tvmaha chito intolahpi yvt kello achukma yvmmak oka Chihowa hak osh apesvt bohli, micha ikbi yak o hohoyo hatok okvt.

11. Na yimmi pulla kak osh anonti Sela ilap inlit isht hlampko ishi hosh chakali cha, vlla sholi tok, ai yvmohmi chatuk a ont ivt kvnia kia, yvmmak ash ot nan im issa tok a ai ahli yoke ahnit i yimmi hatok okvt.

12. Yvmohmi hoka achvfa, yvmmtv illi ak o chiyuhmi kia, laua kvv fochik vba shutik ai asha ka itilavi, micha shinuk a holhtina iksho okhvt a ontalaka ai asha kak o chiyuhmi hosh a toba tok.

13. Ilvppvt momvt yimmi imoma hosh illi tok; nan im ihisa tok a ishi tok keyu; amba yvmmtv hopaki fehna moma ho pihisa kvv, ymma yimmi ai ahli fehvt anukfoyuka hosh, yakni paknaka ai asha kvv, peh ngwvt aya, ai anta na hopaka he ik im iksho yosh il anohonli tok.

14. Kvna hosh ymma chohmi ka achi hokvto, ai ahanta he yakni yo hoyo kvv otvvinchi fehna hoka.

15. Yohmi ka yakni ymma a kohchvt minti tok vt anukfihinli hatok okmvt, a falama hi vt takanli akinli tok mvhlishke.

16. Amba himonasi kvno yakni achukma i shahli, yvmmtv vba yakni yak o bvna hoke: yvmohmi hoka in Chihowa isht a hohchihifo kvv, Chihowa hvv hofahya keyu, yvmmak oka tvmaha chito yo im ataiyahli hatok okvt.

17. Na yimmi pulla kak osh Eblaham okvt nana ka imomaka pisa ho, Aisaak a im issa tok; micha nana im

ihisa puta kash ishi hatuk okvt ushi yvmmak i bieka tuk vt im issa tok.

18. Yvmmak o isht anumpa hosh Aisaak ak o chi unchululi kvt isht a toba hi oke, achi tok.

19. Chihowa yokvt, illi tuk kia, falaminchit tanicha he bano hoka, ai ahni pulla hatuk mak osh yvmmtv illi tuk a chiyuhmichit falaminchit ishi tok.

20. Na yimmi pulla kak osh Aisaak okvt Chekob, Esau ita tuklo kvt i himmak nana im akaniohma hi oka im anolit yukpali tok.

21. Na yimmi pulla kak osh Chekob okvt illit isht mahaya mvt, Chosef ushi a ita tuklont yukpali tok; mihmvt in tvbi wishakchi ak o on hlipia hosh Chihowa ha aiokpuchi tok.

22. Na yimmi pulla kak osh Chosef okvt illi mvt, Israel im vlla vhleha hokvt wihvt itvnova hi oka isht anumpuli tok; micha ilap foni yoka kanimihcha hi oka im apesa tok.

23. Na yimmi pulla kak osh Moses okvt vtahpi mvt, vlla aiokli fehna ho iki, ishki ita tuklo kvt pisa hatuk osh, luhumi na hvshi tuchina ona tok; micha miko i nan vlhipisa ya i nukshopa tok keyu.

24. Na yimmi pulla kak osh Moses okvt asvnot taiyaha mvt, Feleo ushetik ushi isht a hohchifa he ik ai ahno kvt;

25. Chihowa im okla vhleha hak o na palvmmi isht ibai ilbvsha kak osh nitak kanomosi takla, nan ai ashvchika ai isht ilaiyukprt ahanta hi atuk vt im i shahli tok:

26. Yohmi kvt Klaist a i yimmit isht a hofahya yak osh nan isht ilaiyukpa chinto kvt Echip anukaka nan im ilayak puta ai asha ka im i shahli tok; nan isht vlhtoba nan isht ilaiyukpa yak o hohoyo tok okvt.

27. Na yimmi pulla kak osh yvmmak ash ot Echip a issa kvt, miko yokvt isht i nukkilli ya i nukshopa tok keyu; yohmi kvt nishkin vt pisa he keyu yvmmak okvno pisa kash chiyuhmit nuktaiyalvt achunanchit ahanta tok.

28. Na yimmi pulla kak osh yvmmak ash ot vbanvblit ont ai, micha issish isht o fimmi aiena ka holitobli na, vttahpi ahambi yvmmtv ik halelo ka chi hatok.

29. Na yimmi pulla kak osh okla hvt okhvt a humma yvt yakni shila chiyuhmi hq a hlopulli tok; yvma Echip okla hokvt hobachi hosh okai illit taiyaha tok.

30. Na yimmi pulla kak o Cheliko tvli isht a holihta yokvt okla apakfohempa na nitak untuklo ma aka itula tok.

31. Na yimmi pulla kak osh Lehab ohoyo havi yatuk vt, yimma he keyu vhleha hoka ibafokvt illi tok keyu, na tikba pisa vhleha hoka i kanvt ilap in chuka yoka ik chukowá, im ahni hatok okvt.

32. Micha himmakma nanta hak o achi la chi? Yohmi kvt Keteon, Balak, Samson, Chefhli, Lewi aiena, micha Samuel, micha hopaii vhleha aiena ka isht anolit ont taiyahli la he keyu hoke:

33. Yvmmak okvto na yimmi pulla kak osh apelihchika puta imaiyachi, nan ai vlpiesa ka yvmihinchí, nana im ihisa tok a ihishi, koi hochito itakha ya akvmmi aiena tok;

34. Luak libbi isht lua mosholihinchí, bvshpo falaia halupa ai i hlakohofi, tikambi tuk vi hlampko, itibi kvt kvllot isht i shahlit mahaya, oklushi inla in tvshka chipota ya falaminchit tihlihinli aiena tok.

35. Ohoyo vhleha ha im illi tuk vt anonti falamvt okchaya na ihishi tok; mihma inla yvt a hlakofa he im issa kia, vlpesa ik ahno hosh nan isht a hotopa; issikkopa pihisa, yohmi kvt falamvt tani achukma i shahli hq isha he ak atok:

36. Mihma inla yvt isht ik ahobalo anumpa okpulo fehna, micha fuma isht a hotopa fehna puta, mihmvt anonti talakehit aboha kullo fohoka aiena ka isht ai imomaka pihisa tok:

37. Okla tvli isht bohova, bvshvt ita hokohofa, isht ai imomaka pihisa, bvshpo falaia isht ai ihinli: chukfi vlpoba hakshup, micha issi kosoma hakshup aiena hq foyukvt yakni haiaka ai itvnowa, nana ik im iksho kamohmi hosh, nan ilbvshvt issikkopa aiena tok;

38. Yvmmak oka yakni yvt immi ha he ik ono hatok;

yakni haiaka nvnih anuka, micha twi chiluk, micha yakni chiluk anuka aiena ka okla ashvt itvnova tok.

39. Mihmvt ilvppvt moyumvt na yimmi pulla kak osh nana annoa achukma ka isht ai atokowa kia, nana im ihisa tok a ik isho ki tok.

40. Chihowa hak osh nana inla achukma ho pim atai-yahli ka, okla pibai achafa keyu kvt ai ahlit im vltaha hi atok keyu hoke.

CHAPTA XII.

Chihowa anukfoyukvt achunanchit nayimmi ka il ai itvnova he achi, 1; 22 kva hosh nan vlpisa himona aiokpvchi kvt isht ai yukpa ahalaia he vlpesa ka anoli.

1. YUMOHMI ka nan atokowa anoli puta kvt hoshonti chinto ka chiyuhmit yakohmi hosh isht a pi apakfoyupa ak inli hokvt, na weki puta, micha nan ai ashvchi yvt nan isht ahomba iksho isht a pi apakfoyupa a moma ka naksika e boyuhli cha, a mvlela he pit tikba ituyula ka nuktaiyalt achunanchit e mvllihinlashke,

2. Chisvs nan isht a pi yimmi ka pi nukfohkichi, micha atahli, yvmmak osh nan isht ilaiyukpa yvt itikba auet takali kak osh vlpesa ahnit, ititaiyukhvua ya takalit, nan isht a hofahya nan isht ik im ahobo tok osh, Chihowa ai o binili holitompa isht impakimma yak o binili ka hvsh pihisashke.

3. Yohmi ka hvchim anukfila hvt tikambit vm ai ghla he keyu, ahnit taha yoba hinla kvt, nan ashvchi vhleha hvt ilap a i sanahanli kia yvmmak oka vlpesa ai ahni tok a hvsh anukfihinlashke.

4. Hvchishno yokvto nan ai ashvchika ya i sanali kvilo fehvt hvsh lafoa na issish isht ik hlatapo kishvshke.

5. Mich a isht a nukvula he anumpa hvt hvchim anum-puli kvt vlla yo chohmichit, Svs ma! Chitokaka i nan isht kostininchi ya chik ahobalo ki na; micha yvmvt chi kostinichikma, vm ai ghla he keyu, chik ai ahno kashke, achi ka chimi haksi tok o?

6. Yohmi ka Chitokaka yvt kva ho i hullo hokvto kostininchí hoke; micha ushi puta ka ahninchí hokvto fummi hoke.

7. Hvchi kostininchí ka nuktaiyavt vhpesa hvsh ahni hokma, Chihowa hak osh ushi yo chohmichit hvchi ymih-chí hoke; ushi nanta ho iki vt kostininchí keyu ka anta hatuk o?

8. Amba nan isht kostininchí yvmmak oka moyuma kvv ibai ishi chatuk bano, yvmvvt ik hvchim iksho hokvto, ushi hvleha hvchia keyu, amba iki iksho hvchia hoke.

9. Mihmvt anonti píki vt haknip asha pishno chohmi hosh pi kostininchí chatuk; mihma yvma e holitobli tuk vt shilombish puta Iki yokak heno i nutakvt il ai asha cha, pi okchaya he ak osh pim i shahla hinla keyu ho?

10. Yohmi ka yvmmak okvto nitak kanomosi takla ho ilap ai ahni hosh pi kostininchí chatuk mvhlshke: amba yvmvvtto nan isht pim ai achukvvt, ilap nan ai vhpiesa kak o il ibai isha he ak atok oke.

11. Yohmi ka himonasi ka isht a kostininchí hokvno isht ai yukpa he ik ahobo, amba nukhaklochi; yohmi ak inli kia yvma isht ai yvmohmi hvleha hokvno i himmak o nan isht ai vhpiesa nan vni achukma ka i wayvchi hoke.

12. Yohmi hoka hvch ibbak vt aka pit takali ka ho wakeli, micha hvch iyikalaha ik hlampko ka apissvlechlí ho hilechlí;

13. Michá hvch iyi ya hina apissa ho hvsh im ikbashke, keyukma hanali okpulo yvto tahlofa hinla hoke; amba yvmvvtto ik yohmo hosh hlakofi kak o ahni fehna hetuk oke.

14. Achunanchit hatak puta ka it i nanaiyvt, nan ai ashvchi iksho ya hvsh ieshashke, yvmvvt iksho ka hatak nana kia Chitokaka ya pisa he keyu hoke.

15. Nana ka ahah! hvsh ai ahnashke, keyukma hatak kanima kvv Chihowa yvt isht i kana ya i hlakofi yoba ná; mikmvt na homi okpulo hakshish kia ofot kohcha cha, hvchi ataklvmmi na lava kvv isht ai okpula hinla hoke.

16. Anonti hatak havi, micha vbanumpa ik ahobalo ka-

nima kv̄t, Esau yokv̄t ilhpak himonna v̄pa yokak o v̄ttahpi nana kv̄t ilap ai immi hatuk v̄t kanchi tok a, chohma hinla kv̄t anta yoba ká.

17. Yohmi ka kaniohmit i himmak okvno nana isht ai yukpa he anumpa tok a isha he ai ahni kia, v̄lhpesa ik im ahno tok a hvsh ithana; yohmi ka im anukfila h̄a inlvcha he yvmmak o achunanchit nishkin okchi mihinti hosh asih̄la ak inli kia, ik ahayucho ki tok.

18. Yohmi ka nv̄nih yv̄mma potola hinla, micha luak isht luh̄wa, hoshonti lusa, micha okhlilika, micha apeli chinto aiena h̄o hvsh ona keyu,

19. Yohmi kv̄t isht-pufa yv̄t ohonla, micha anumpa v̄lhpisa puta isht anumpohonli ma, yv̄mma okla hv̄t haiyak-lo mv̄t, anumpa yv̄mmv̄t himmakma ilap a isht ik im anumpo ka chi ka asilh̄a tok:

20. Yohmi kv̄t nana im anuhumpa kv̄t kaniohmit v̄lhpesa ahnit okla haponakla he keyu hatok; yohmi ka nan v̄lhpoba yak oh kia nv̄nih h̄a haleli hokmv̄t, yv̄mmv̄t tv̄li isht hv̄t illa hi atok, keyukmv̄t iti falaia tv̄li halupa achaka yo isht bahv̄t hlopulla hi atok:

21. Michā na pisa yv̄mmv̄t isht a nukshopa fehna he v̄lhpiesa hatuk o, Moses v̄t, Sa nukshopa fehna hosh sa v̄v̄nihinchishke, achi tok:

22. Amba hv̄chishno yv̄to nv̄nih Saion, micha Chihowa okchaya in tv̄maha chinto, Chelusalem v̄ba talaia, micha enechil v̄hleha, a holhtina iksho kamohmi, itahoba chinto ai asha,

23. Michā v̄ttahpi im iksa hohchifo hv̄t v̄ba a holitopa yak o a holih̄iso, micha Chihowa moyuma ka nan im apesa, micha hatak v̄lhpiesa puta imi shilombish v̄t ai ahl̄i toba tok,

24. Michā Chis̄vs nan it im v̄lhpisa himona ya ai-ahlich̄i, micha issish nan isht o fimmi, yv̄mmak osh Ebel v̄t a yvmohmi tok a nana achukma i shahli h̄o isht anumpuli aiena h̄o hvsh ona hoke.

25. Ahah! ahnit yv̄mmv̄t anumpuli ka hv̄ch ik i hapo-naklo ki ná. Yohmi ka yakni paknaka ai anumpuli ka ik i

haponaklo mvt hlakofi tok keyu ka, yvmmvt vba a holitopa yak o auet anumpohonli ho il i filvmmi hokak heto, pi hlakofa he keyu fehna hoke :

26. Yvmmak o im anumpa hosh nitak yvmmak ash yak-ni ya winalihinchí tok ; amba himonasi keno yvmmvt nana anoli kvť, Anonti himonna ha yo yakni ak bano keyu, amba vba yakni yak kia winalihinchí li mak inli, achishke.

27. Mikma, Anonti himonna ha yo achi, anumpa ilvppvt nana puta kvť winakahancha hinla kvto, toba hatuk osh, ont akshot taha chí ho isht otvni na nana puta kvť winakahancha he keyu kak osh gsha moma chí hatok.

28. Yvmohmi ka apehlichika yvmmvt aksha he keyu mak o il ishi hokvt, Chihowa yvt isht i kana yoka il ieshi pulla hosh, holitoblit i nukshopa ai ahli ai vlpiesa hosh Chihowa yoka nan isht il im ahantashke.

29. Pin Chihowa yokvt luak nan okpvnit kahanchi yoka.

CHAPTA XIII.

Nana ka a yvmihcha he vlpisa kaniohmi ka anoli, 1 : 7 im vbanumpa isht anumpuli vhleha ha holitobla he i miha : 9 nan ithenanchi inla hokvno ik i haponaklo he, 16 vbanumpa hvť holitopa, hi ahnit nan isht apelvchi : 17 nan vlpisa ya im antia he aiena ka i miha : mihmvt isht aiyopichi kvť vba isht anumpuli.

1. ITIBAPISHI it i hullo kvť mahaya pullashke.

2. Hatak ik ithano ya i kanvt apelvcha he tuk vt ik hvchimi hakso kashke ; yvmma ai yvmohmi kak osh kani-ohmi kvť ik ithano kia, enchil a aboha ya ik chukowá im ahni cha apelvchi tok oka.

3. Talakehi puta ka ibai achvfa ho chiyuhmit, micha na palvmmi isht ilbvsha yvmma puta ka hvsh ithaiyanashke ; hvchishno yak kia hvchi haknip vt hvchi shilombish ai itifo-ka moma hokvt.

4. Nan itauwaya yokvt hatak moma ka isht im ai vlpiesa, micha topa yvt okpulo keyu kvť isht a holitopa hoke ; amba itauwaya yvt ik it im ai ahlo puta, micha havi puta aiena keno Chihowa hvť nan im apesa hi oke.

5. Nana hvsh it i kakioghi kvv nana it im anushkunna kvv ik hvchim iksho kashke; micha nana kanioghi hosh hvchim asha hokmvt isht hvchim vhpiesashke; yummvt, Chissvt ia la himma keyu, micha hvchi kanchi la himma keyu, ahanchi tok oka.

6. Yvmoghi hoka Chitokaka yak osh na si apela yoke, micha hatak vt nana ho sa kanimihcha hinla hokvno i sa nvkshopa he keyu, pi nukwaya iksho hosh il acha he bano hoke.

7. Hvchi pehliehi yvmmak oka hvsh itaiyanashke; yvmmak osh Chihowa im anumpa hoka isht hvchim anumpohonli tok; yummvt na yimmi tok ak o hvsh hobachi cha, nana a kanioghi tuk ash ai vlli ka hvsh anukfihinlashke.

8. Chissv Klaist okvt pilashash kanioghi tuk vt, himak nitak a mih ash inli, micha peh bilia yoke.

9. Nan isht vlvchi ilapissa, micha ilaiyuka ka isht hvchi filemoa ná; Chihowa hvv isht i kana hak o chukvsh vt isht ai ahli ka nana achukma hoke: nan ilhpak ak keyu, yvmmak okvto ymma isht ai ahanta kia nana im achukmali tok keyu hoke.

10. Pishno vto alta yvt pi hikia; yvmoghi ka vlvtipo chash o nan isht ai ahanta yvmmak okvto ai impa im ai vlvpesa keyu hoke,

11. Yvmoghi ka anonti nan vlvpoba yvmmak o issish o isht nan ai ashvchika ak pulla kak o na holitempa isht vta chinto yvt a holitopa ya ishit chukowa ho, nipi ash ot abinanchi ka misha yo a hulukmi beka tok.

12. Yvmoghi ka Chissv ak kia ilap im issish ak o okla isht kashofa chi kak osh, holihta isht vlvkvma misha yo ai ilbvshvt illi tok.

13. Yoghi hoka ilap vt nan isht hofahya tok chiyuhmi ho ieshi hosh, abinanchi yak o kiloh ia cha kiloh im oná.

14. Ilvppak okvno tmaha chito talaia bilia hi vt ik pim iksho, amba himmak vla he achvfa kak o e hoyo hokvt.

15. Yoghi ka yvmmak atuk pulla kak o Chihowa isht a holitopa he pitivli isht a waya ka yvmmak o pit il im ihivvt bilia cha, ilap hohchifo ha yak oke ai ahnit, il aiokpachashke.

16. Micha nana achukma isht ahanta cha, vbanumpa nan isht apelvcha he aiena tuk vt hvchimi haksi ná: nana isht it i hullo ymma chohmi kak o Chihowa yokvt isht im vlpesa fehna hoke.

17. Hvchi pehliechi ka holitoblit hvsh im antia pullashke; hvchimi shilombish isht im anukfihinla kv, nana il anohonli pulla chi ho chiyuhmit, na yukpa hosh yvmohmi hokbano, nan isht a nukhaklo keyu, yvmmak okma nan isht a hvchi yukpa he keyu hoka.

18. Anumpa ilbvsha isht hvsh pi anumponlashke; yohmi kv nan okluha ka ai isht il akostininchi achukma ho il ieshit ai vlpiesa kak bano hosh il ahanta he il ai ahnishke.

19. Yohmi kia ilvppak o yohmik bano hvchim ahni li i shahli hokvto, chekosi a holhtofa cha, falamvt hvchim ona li hok bano, ai ahni lishke.

20. Yohmi na nan it i nanaiyvechi Chihowa yvmmak osh nan it im vlpisa bilia issish ak atuk pulla kak o Chukfulhpoba apesvchi chinto, pin Chitokaka Chisvs okvt illi tuk a falaminchit tanichi tok okvt,

21. Ilap nan ai ahni ka hvsh yvmihcha chi ka nan toksuli achukma puta ka hvchi anukfohkihinchit isht hvchim ai ahlich ho, ilap nan isht im vlpiesa fehna ka Chisvs Klaist ak atuk pulla kak o hvsh yvmihinchashke; yvmmak pulla kak o isht a holitopa yokvt immi bilivt peh biliashke. Amen.

22. Mikvt itibapishi li vhleha ha nan isht atohnochi anumpa achukma ka vlpesa ahnit hvsh aiokpvchi hokbano hvchim ai ahni lishke: anumpa kanomosi hvchi holissochi li tuk okvt.

23. Yohmi ka il itibapishi Timohli vt ik ia im ahni na ia tuk oka hvsh ithanashke; yvmvt chekosikma vla hokma, avant ont hvchi pisa la chi oke.

24. Hvchi pehliechi puta, micha vbanumpuli moyuma ka hvsh aiokpvchashke. Itali okla hv hvchi aiokpvchishke.

25. Isht i kana yokvt hvsh moyuma ka hvchi anukfoyukashke. Amen.

CHEMIS

I HOLISSO HOKE.

CHAPTA I.

Na pi palvmmi kvt nan isht il aiyukpa he tuk, 1; 3 mikmvt nan isht il ahopoyuksa Chihowa ya il im asilhha he tuk; 13 nan isht a pi palvmmi kvt na pim ashvchika yvt Chihowa yak o a mintishke, il acha he keyu; 22 vbanumpa ha im antia yo hvpia hashke. 27 vbanumpa nukfohka ahli kvt nana ha tuk a anoli.

1. CHEMIS, Chihowa, micha Chitokaka Chisvs Klaist in tishu hvv Islael isht atiaka akvshkoa auah tuklo kvt ita fimimpvt kanima moma maya puta ka, pit aiokpvchi hoke.

2. Itibapishi li vhleha ma! nan isht imomaka pisa ilaiyu-ka puta ka hvsh pihisakmvt, na yukpali i shahli nana kak o hvchim itilauashke:

3. Na hvchi yimmi nan isht imomaka pisa yak osh nuktanlv achunanchi ya anukfokichi hoka hvsh ithaiyanashke.

4. Yohmi kia hvchishno vt hvchi aighlit hvchi vltaha ka nan isht ik ai ono kvt ik hvchim iksho ka hi a, nuktanlv achunanchi yak osh a kaniohmi he tuk vt ont aighli pulashke.

5. Hvsh kanimi kvt isht a hopoyuksa hi vt ik hvchim iksho hokmvt, Chihowa hak o, yvmmak osh hatak moma ka ai okpanchit ima, micha nan isht ik mihacho chatuk ak o, im asilhashke. Yohmikma yvmmak oka ima he bano hoke.

6. Yohmi kia na yimmi hosh nan isht anuktuklo nana kia ikshot asilhashke; kvna hosh anuktuklo hokvto, okhvta oka

banvtha hō mahli hvt shalit isht ia na poakahanchi kak o,
chiyuhmi hoka.

7. Yohmi hokvt hatak yvmak okvt Chitokaka ya nanasi
kia im a habena hi a ik im ahobo kashke.

8. Hatak im anukfila tuklo yvt nana a kaniohmi puta kv
fitikahanchi hoke.

9. Il itibapishi hvt ilbusha yatuk osh holitopa kv na
yukpashke.

10. Yohmikma nan in laua yatuk osh akanlosit toba kv
na yukpashke: yohmi kv yvmak okvt ont iksho kv hai-
yukpulo pakanli ak o chiyuhma chi hokvt.

11. Hvshi vt na hushma he lvshpa ka il ai ishit kohcha
mak inli hosh haiyukpulo puta ka bvshechikma, pakanli asha
tuk vt chilofa na pisa aiokli tuk vt okpulo chatuk; yohmi
ka hatak nan in laua ahanta kak kia yvmak inli hō chiyuh-
mit nana a kaniohmi yatuk vt ont ai iksho ka hi oke.

12. Hatak nana hosh nan isht imomaka pisa ya pisa cha,
ai ahli hlopulli hokvto na yukpushke; yvmak okvto ai
ahlit hlopulli ha yokvto, ai okchaya iachuka holitompa
Chitokaka yvt, kvna hosh ilap a holitoblikma, ima hi vt mi-
ha tok mak o isha hi okvt.

13. Hatak nana kia nan isht anukpuli pisa hokvt, Chiho-
wa hak osh sa nukpvlechi hō, ik acho kashke; Chihowa hut
nan ik vlpeso ya ishit nukpula he keyu, mikmvt ilap vt
hatak nana kia isht nukpvlecha hi o keyu hoka.

14. Amba ilap chukvsh nan ahni yak osh halvllit ishit
mahayvt yukachi hok mak o, hatak moma kv nukpuli
hoke.

15. Yohmi tuk mak o chukvsh nan ahni ash osh chakali
mvt, nan ai ashvchika yō cheli hoke; atukma nan ai ashvchi-
ka ash osh ont ai vltaha hokvto, nan illi hō ikbi hoke.

16. Itibapishi li a holitopa vhleha ma! hvch ik yoshubo
kashke.

17. Na hvlbina achukma, micha na hvlbina ai ahli puta
hokvto vba ak o a minti; yohmi kv yvmak okvt inlv ta-
kohli, micha ilaiyuka kia ik im iksho, nan tohwikeli puta Ili
ak o a minti hosh aka vla hoke.

18. Immi ha hi osh ikbi tok puta nan i wayahpi e chiyuma hi o, ilap ahni hosh anumpa ai ahli yo ishit tobahan-chi tok.

19. Yohmi hoka itibapishi li a holitopa vhleha ma! hatak moyuma kvt tushpa hosh haponaklokmvt, svlaha hosh anumpuli cha, nukhobela mvt svlashashke:

20. Hatak nukhobela im anukfila hvt Chihowa holitobla hi a nukfohkichi chatuk keyu hoke.

21. Yohmi hoka na liteha okpulo puta, micha nan ik ai vhpeso ilaiyuka puta ma mominchit naksika hvsh bohli cha, anukfila yohbi hosh anumpa hollokchi, yvmmak osh hvchim i shilombish puta okchalinya hi vt im vhpiesa ka hvsh ihishashke.

22. Yohmi kvt anumpa ha haklo illvt hvchishno inli isht hvchik ile yoshublo kish, amba holitoblit im antia yo hvchia hashke.

23. Kvna hosh anumpa ha haponaklo kia, holitoblit im antia keyu hokmvt, yvmmt hatak osh a pisa ya ilap nashuka ak inli ka ai il a pisa ka chohmi hoka.

24. Yvmmak ash ot ilap inli ka ile pisa cha, kanima iakmvt, mih mak inli ho hatak kaniohmi atuk ash osh imi haksi chatuk oka.

25. Amba kvna hosh a yuka keyu nan vhpisa ahli ka pihsvt achunanchi hokvto, yvmmt anumpa ha peh haklot imi haksi keyu hatuk osh, amba holitoblit na toksvli isht ahanta hokvto, hatak mihi yosh yakohmit ahanta kvt nan isht ilai yukpa hi oke.

26. Hatak nana hosh hvchi takla anta kvt vbanumpuli yo ahoba kia, ilap isunlush a ik apesacho hosh, amba ilap chukush ash inli ka haksichit ahanta hokvto, hatak ilvppvvt vbanumpa yimmi kvt im ahli keyu hoke.

27. Na yimmi ahli, liteha ikshot, Iki Chihowa itikba takali kvt, vlla vltakla vhleha, micha ohoyo i hatak illi puta aiena ka nana kvt im a palvmmmit aiasa ka, i nowvt aya, mikmvt yakni a isht ik ile litehacho aiena ilvppak oke.

CHAPTER II.

Ubanempuli vt nan in laua ya holitobli cha, anonti itibapishi ilbusha ya kanimanchi ka vlpesa keyu, 1; 13 amba i hullot it i nukhakla he tuk; 17 na yimmi kvt isht ai vni kvt ik im iksho hokvto illi yoke; 21 Eblaham na yimmi kvt ymma chohmi tok keyu.

1. ITIBAPISHI li vhleha ma! pin Chitokaka Chisus Klaist Chitokaka holitopa ya hvsh i yimmi kvt, hatak oka iti shahsholechit isht holitoblit hvch ik ahanto kashke.

2. Hatak vt na fohka hochukma ho fohka cha, tvi holisso lakna ibbak ushi abeha abehkvechi hosh, hvchim ai itvnaha ya vla ma; anonti hatak ilbusha mvt nafohka hlipa ya fohka hosh vla;

3. Yohmi hokma nafohka hochukma ho fohka kak ash o hvsh holitobli cha, ymmak ash o, Aiasha achukma ilvppak o binili, hvsh im achi: mikmvt ilbusha ash o, Ymmak o ish hikiashke; keyukmvt ai asha li nutaka ilvppak o ant ish ashashke, hvsh im achi;

4. Yohmi kvt ymmvt hvchishno inli hvsh il iti shahsholechi, micha anukfila ai vlpesa keyu nan isht im anukfilli yo hvsh toba ho keyu?

5. Itibapishi li a holitopa vhleha ma! hvsh haponaklashke; yakni pakna ilvppa ilbvshet aiasha kvt ai yimmi ka yo nan isht ai in laua chi, micha kvna hosh ilap a holitobli tuk ma, vba avehlichika yo ima hi vt miha tok mak o immi ha chi ka, Chihowa hv atokolichi tok keyu?

6. Amba hvchishno yokvto ilbusha ya hvsh kanimanchishke. Hatak nan in laua vhleha hv hvchishno a hvch ilbvshachit, nan ai apesa kia hallvlt hvch isht ohona chatuk keyu?

7. Na hohchifo holitopa ymmak o isht a hvchi hohchifo hatuk ash ik ahobalot okla nanumahanchi keyu?

8. Uba nan vlpisa i noshkoboka, Holisso Holitopa vt, Chin chuka panta hatak a ish i hullo kvt chishno inli kak o ish itilauechashke, achi kak o, hvsh ai ahlichu hokmvt, vlpesa ho hvchi yvmohmi hoke:

9. Amba hatak puta ka iti shahsholechi hosh hvsh ah-ninchi hok mvto, hvsh ashvchi; yohmikmvto nan vlpisa kobvffi mak o nan vlpisa yash ot isht a hvchi atokowa hoke.

10. Kvna hosh nan vlpisa ya mominchit ai ahlich hosh, anonti achvfona ka kobvffi hokvt, mominchit kobvffi mak oke.

11. Hvsh iti lumaka ná, achi mvt, anonti kvna kia ish bi ná, achi ak inli tok oka. Yohmi ka hvch ik iti lumako hoh kia, hatak a ish bi hokmvto, nan vlpisa kobvffi o ish toba hoke.

12. Hvsh anumpuli, micha nana hvsh a kaniohmi puta kvto, a yuka keyu nan vlpisa ho kvna hosh nan isht im vlpisa hi vt kaniohma he vlpiesa ka, hvsh chiyuhmashke.

13. Kvna hosh inla ya ik i nukhaklo ke tuk okvto, ilap mvt i nukhaklo iksho ho nan im vlpisvt na palvmmi pisa he; mikma nan i nukhaklo yokvto nan im vlpisvt im a palvmmi a ik i nukshopo hoke.

14. Itibapishi li vhleha ma! hatak vt ai yimmika yvt anukfoka miha kia, na toksvli kvto ik im iksho hokvto, yvm-mvt nanta ho isht im ai achukma hinla ho? Ai yimmika illa kvto yvma okchalinya hinla ho?

15. Iksa ibafohka itibapishi, in tek kanima hosh nipi bano cha, nitak yvma nana vpa he kia ik im iksho;

16. Yohmikma hvsh achvfona kvto yvmmak ash o haknip a nan isht apelvcha he ai vlpesa ka hvsh ima keyu nana kia, Hvchi libishvt, hvchi kaiya hosh na yukvto hvsh itvno-washke, hvsh im achi ka, nanta ho isht ai achukma hinla cho?

17. Yohmi ka ai yimmika yak kia yvmmak inli ho choh-mit, na toksvli hvto ik im iksho ho, yvmmak illa hokmvto, illi hoke.

18. Ahli, kvna kia, Chishno vto ai yimmika yosh chi nukfoka ma, anonti vno vto na toksvli ak o isht ahanta lish-ke; nana ka isht ish ahanta keyu hosh nan isht a chi yim-mi ha is svm otvnochikma, anonti vno vto nana ka isht ahanta li hosh nan isht a sai yimmi kvto chim otvnochilashke.

19. Chihowa hvt achvfa ka hvchi yimmi kv̄t, v̄lhpiesa h̄g hvchi yvmohmishke: nan isht ahullo okpulo v̄hleha ak kia yimmi cha, wv̄nihinchi hoke.

20. Yohmi kia ai yimmika yokvt, na toksvli hvt ik im iksho yokvto, illi mak atuk a, hatak ik hopoyukso chia hvt akostininchi ka ish ahni cho?

21. Pin tikba Eblaham vt ilap ushi Aisaak a alta pakna vba isht ai okpv̄chit isht ahanta kak osh isht ai v̄lhpiesa tok keyu?

22. Yvmmak okvt nan ishi ahanta ka ai yimmika yokvt ka-
niohmit ibai isht ahanta tok, micha nan isht ahanta pulla h̄g ai yimmika yvt isht ai ahlit kv̄nia tok a ish akostininchi cho?

23. Micha Eblaham vt Chihowa h̄g i yimmi tok; mih-
mvt yvm̄mvt nan ai v̄lhpiesa h̄g isht im v̄lhpisa tok, achi Holisso Holitopa vt ont ai ahlit tok; mihma yvmmak ash osh Chihowa i kana isht hohchifo tok.

24. Yohmi hoka na yimmi illa kak keyu, amba nana ka isht ahanta kak o pulla hosh hatak vt kanihmit isht ai v̄lhpiesa ka hvsh akostininchishke.

25. Yohmi ka yvmmak inli chohmi hosh ohoyo havi Le-
hab vt nan isht ahanta ilv̄ppa pulla hosh okla yakni pisvt aya tuk a p̄hlichit ishi tuk osh, hina inla h̄g pit tihleli hosh isht ai v̄lhpiesa tok keyu?

26. Hatak haknip vt, shilombish vt iksho hokvno, illi ȳo chatuk a, na yimmi hak kia nan isht ahanta kv̄t ik im iksho hokvto, illi ak inli hoke.

CHAPTA III.

Ai o walamp̄li hosh inla ya na kil i miho ka he tok, 1; 5 p̄is̄n̄k̄v̄sh a il im alv̄mmashke, haknip a ai achvfa kitinosi kia, nan achukma hokm̄a, ik v̄lhpeso chinto hokm̄a, nana, ka yvm̄ihcha he bano; 13 na hopoyuksa, ahlit hokvto im anukfila yoh̄bit nanaiya, nukhobela kv̄t ik im iksho chatuk.

1. ITIBAPISHI li v̄hleha ma! nan isht v̄lhpisa chinto i shahli mak osh pi onvtula hinla ka hvsh ithana kv̄t, nan ithananchi a lauv̄t hvch ik tobo kashke.

2. E moma kv̄t nana ka il ai ibetv̄bli kv̄t laua hoke. Hatak nana hosh anumpa h̄a isht ik ibetv̄blo hokm̄vt, mihi yosh hatak ai gh̄li, micha haknip a mominchit apesahancha hinla hoke.

3. Yakeh! pim antia ch̄i ka issuba itih h̄a kapali a e fohki chatuk; micha haknip a mominchit e fullolichi hoke.

4. Yakeh! anonti peni hochito, yumm̄vt na hochito fehna h̄o mahli kullo hosh shalit isht ihiya kia, apesv̄chi mak osh kanima h̄o ia hi a ahnikma, isht afana yv̄t iskv̄tinosi kia fullolichi chatuk oke.

5. Yummak inli h̄o chohmit isunlv̄sh vt nana iskv̄tinosi ak inli kia, nan aiaka mak o ai isht il atambli chatuk: mikma yakeh! lvak vt iskv̄tinosi kia iti laua chinto luachi chatuk.

6. Yohmi ka isunlv̄sh vt luak, micha ai ashv̄chi yakni mak oke: yohmi hosh isunlv̄sh vt pi haknip a ibai achv̄fa hatuk osh haknip a mominchit okpahani; micha yumm̄vt ai okpuloka luak mak o isht libbi hatuk osh, hatak isht ai unchululi puta ka libbichi chatuk oke.

7. Nampoa ilaiyuka, micha hushi, micha nana hosh aka a ita balv̄li, mikm̄vt okhv̄ta anȳka ai asha puta kv̄to kostini chatuk: hatak isht ai unchululi puta kv̄t yummak okv̄no kostininch̄i chatuk oke:

8. Amba isunlv̄sh ak okv̄no hatak naha hosh kostininch̄a hi o keyu; yummak okv̄t nan ik v̄lhpeso, kostina hi o keyu, hatak isht illi banot alotowa hoke.

9. Yummak o Iki Chihowa h̄a isht il ai okpahanchikm̄vt; anonti yumm̄vt Chihowa h̄a holba hosh toba tok hatak puta kash yummak ash inli h̄o anumpa okpv̄lo isht e mihachishke.

10. Itakha mih achv̄fa holitoblit isht ai okp̄v̄chi, mikm̄vt anumpa okpulo isht mihachi aiena hosh akohonchv̄shke. Itibapishi li v̄hleha ma! ilv̄ppa puta kv̄t yakohma he tuk o keyushke.

11. Kuli hv̄t akocha achv̄fa ka oka champuli, takba aiena h̄o akohonchi chatuk o?

12. Itibapishi li v̄hleha ma! fik v̄pi vt alif v̄ni ȳo v̄na hinla h̄o? keyukm̄vt pak-v̄pi vt fik o v̄na hinla cho? yvm̄-

mak inli chiyuhmit kvli nanta hak osh hvpi oka, micha oka kashaha aiena ka kohonchi chatuk keyushke.

13. Kvta hak osh hatak hopoyuksa, micha nan ithana anukfohka achvkma kvv hvchi takla ahanta cho? mih mak osh hopoyuksa chukvsh yohbi hosh nana kvv ai vhlpiesa hv yvmohmi kvv na toksvli hv isht otvnihinhashke.

14. Amba it i potvnno homi, micha itachowa aiena hosh hvchi chukvsh a foka hokmvno, isht hvch ik ilauato, mik-mvt nan ahli ka hvch ik a holabo kashke.

15. Na hopoyuksa ilvppak okvto vba ak o a minti keyu, amba yakni, hatak, micha nan isht ahullo okpulo aiena kak o immi hoke.

16. Kanima yo it i potvnno, micha itachowa aiena kvv ashakma, ai itasheha, mikmvt nana a kaniohmi ik vhlpeso moma aiena kvv yvmmak oka a takali hoke.

17. Amba na hopoyuksa vba ak o a minti hatuk osh vmona ka hanta achvkma tuk mvt, anonti it i nanaiyachi, yohbi, ilap nan ahni ak bano keyu, nan i nukhaklo, micha nan ai vhlpiesa yohma he aiena kvv alotowa, iti shahsholechi iksho, micha peh il ahobi vt ik im iiksho chatuk oke.

18. Mikma nan ai vhlpiesa vni a nanaiyachi vhleha yvm-mak osh im anukfila nuktaiyala hosh hohokchi hoke.

CHAPTA IV.

Nan ashvchi il-aiyuka ka ahah! im ahna he i miha, 1; 13 mihmvt nan okchaya ilvppvt ont ataha kia kil ithano, yohmi hokvt pishno, micha nana hv il, ieshi moma kvv Chihowa hosh nan ai ahni kak a chi ka il im asil'hhashke.

1. IT in tanampi, micha itibi puta kvv hvchi takla ya takali kvv, katima ko a toba cho? hvchishno hvchi haknvp isht ai yukpa he ahni kvv hvchi haknvp a a tanahampi kak o a toba ilvppak o keyu?

2. Nana ka hvchi bvna fehna ho kak osh hvch ik esho; hvsh bi mvt, ishi ka hvchi bvna kia, hvsh isha hi o keyushke; itibit it in tanampi aienvt hvsh aiasha kia, hvch ik asilho kak okvt, hvch ik eshoshke.

3. Hvsh asilhha kia, hvch ik esho; yvmmak oka hvchishno hvchi haknip isht ai yukpa he ahni pulla kak o isht yopomot hvsh tahla chi kv, ai vllhpiesa keyu ho hvsh asilhha hokvt.

4. Hatak havi, ohoyo havi vhleha hvchia hvt yakni anushkunna hokvto, Chihowa ha in tanampi chatuk a, hvch ik ithano cho? Yohmi hoka kvna hoh kia yakni a it i kanvt ahanta chi mak okmvt, Chihowa ha in tvnvp oke.

5. Chukvsh pi anukfoka kak osh il it i potvna hi a ahni ka. Holisso Holitopa vt achi ka, ik ahlo ho hvchim ahobo cho?

6. Yohmi kia yvmmak okvto i shahlichit isht i kana ya ima hoke; yohmi hatuk osh Chihowa hvt ilefehuvchi puta ka i sanalikmvt, amba chukvsh akanlosi yokvno i kanvt apelahanchi, achi hoke.

7. Yohmi hoka Chihowa ak o hvsh il im issa cha, hvsh im antiashke. Nan isht a hullo okpulo a hvsh i sanalashke, yohmikma yvmmak okvt hvch i kanulla hinla hoke.

8. Chihowa ai i bilika pit hvsh kanvllashke, yohmikma ilap mvt hvchi bilincha chi hoke. Nan ashvchi vhleha hvchia hvt hvch ibbak a hvsh kashofikma, anonti im anukfilamia tuklo hvchia mvt hvchi chukvsh a hvsh kostininchashke.

9. Il ilbvshachit nukhaklot yayvt hvsh ai ashashke; yukvt hvsh ai asha tuk a na yaya tobakma, na hvchi yukpa yatak vt chukush isht nukhaklo yo tobashke.

10. Chitokaka itikba ya a hvsh il akanlosechashke; yohmikma yvmmak okvt halvllit hvchi wakela chi hoke.

11. Itibapishi li vhleha ma! hvchishno hvchi bika ya nan it i mihachit hvch ik anumpulo kashke. Kvna hosh itibapishi ha na mihachit anumpuli kv itibapishi hash o anumpa onochi hokvt, nan vllhpisa ak o nanumachi, micha nan vllhpisa hash o kanimanchi mak oke; amba nan vllhpisa ya ish kanimanchi hokmvt, nan vllhpisa ya holitobli mak o chia keyu, amba nan vllhpisa kanimanchi mak o chia hoke.

12. Nan vllhpisa ikbi vt yvmmak okvto okchalinchi, micha vbi aiena kv im ai vllhpisa he bano mak osh achufa kv

ashvshke; chishno ak osh kvta chia hatuk osh inla ya anumpa ish onochi cho?

13. Inta! himak nitak, onna ha kanima ka temaha yvm-mak o il ona cha, afvmmi achvfa ka yvmmak o ashvvt, nan ita tobtv nan isht ahayuchit il abashwashke, achi hvchia ma!

14. Onna ha nana a kanihoma hi a hvsh ithana keyu kv. Hvchim ilhfiopak vt nanta ho? oka shobulli yvmmak okvt chekosi takla hokvno otvni tuk osh kvnia chatuk a, yvm-mak o itilau hoke.

15. Yohmi hoka Chitokaka ak osh yvmma ahni hokma, pi okchaya cha ilvppa, keyukmvt yvmma kanima ka pi yv-mohma chi chishke, hvsh acha he tuk oke.

16. Amba himak okvno hvchishno hvsh il atambli kak osh isht hvchi yukpvshke; nan isht ai yukpa yvmma choh-mi puta kv vlpesa keyu bano hoke.

17. Yohmi hatuk o kvna hosh nana ai vlpesa ka yohma hi vt ithana hosh, yvmmak ash ik yohmo hokvto, mihi yosh ashvchi mak oke.

CHAPTER V.

Chihowa yvt na palemme isht im atobbi yoka, hatak nan in laua nan ashvchi vt i nukshohompashke, 1, 7 Chob atok a nan im ai itvntt nana kv ik palemme kia nuktaiyala he tuk; 13 nana kvt palem-mi ka anumpa ilvsha yo anumpohonlikmvt, anonti nana kv isht im achukmakmvt vba taloa isht talohowashke; 16 pishno na kil aighlo nukhaklot il itim anohonla he tuk, micha vba isht it anumpo-honla he tuk, 19 itibapishi nan ashvchi tuk a falmvminchit nan ai ahli ka a hilechi aina hi a isht anumpuli.

1. INTA! hatak nan in laua hvchia ma! na palemme hvch on itula chi kv, nishkin okchi mintit chitoli hosh hvsh yahayashke.

2. Nana laua hvchim ai asha tuk vt toshbit taha ma, hv-chi na fohka puta ka shushi ai vpa bano hoke.

3. Hvchin tvli holisso lakna, micha hvchin tvli holisso hvta aiena kv lakmvt taha: yohmi kv lakna yvmmak atuk vt nan isht hvchi atokola he; mikmvt luak o chiyuhmit

huchi nipi a ahampa chi hoke. Nitak huchim ishtaiyopik mak a hi a huchim ilayak a hvsh itahobi tuk oke.

4. Yakeh! toksvli vhleha huchim osapa puta nana ai vmo tuk isht vlhtoba he tuk, yummak oka hvchishno ak osh nana ik vhpesalot falaminchit hvsh ishi tuk a, pahayvshke: yohmikma nan vmo tuk vhleha paya kvv Sabaoth Chitokaka haksobish a ont chukowa hoke.

5. Nan isht aiyukpa il impa in lauvt, haui toba hosh yakni pakna ya hvsh maya tuk: vhpoba illa chi hokvt ilhpihinta chatuk mak o, itilaeuchit huchi chukvsh a hosh ipihinta tuk oke.

6. Hatak ai vhpiesa yatuk a anumpa onochit hvsh bi tok; yohmi kia yummak okvt ik huchi sanalo kisha hoke.

7. Yohmi hoka itibapishi li vhleha ma! nukchintot hvsh hoyo na Chitokaka yvt vlashke. Yakeh! hatak osapa toksvli vt nan vni hochukma yakni a waya ka anukfillit hohoyo; yohmi kvv yumma ahni kvv nukchintot falaiachi hosh, vmona micha ont ishtaiyopi aiena ka im on umba chatuk oke.

8. Yohmi ka hvchishno ak kia nukchintot huchi chukvsh a ai ahlichit hvsh hlampkochashke: Chitokaka vt ai vla he tuk vt atukonofvt taha hoke.

9. Nanasi kia isht hvch ik it i potvno kashke, itibapishi li vhleha ma! yummak keyukmvt nana isht huchim vhpisa hinla hoke. Yakeh! nan apesa yvt okhissa itikba ya hikia hoke.

10. Itibapishi li vhleha ma! hopai Chitokaka i hohchifo pulla hatuk mak o anumpohonli tok vhleha hvv na palvmmi pisa, micha nukchinto tok puta mak o nan isht ithavt hvsh hobacha chi kvv hvsh anukfillashke.

11. Yakeh! kona hosh nuktanltv achunanchi mak o yummak okvt na yukpa, il ahni chatuk. Chob vt nuktanltv achunanchi tok okvno hvsh haklo chatuk: yohmi cha Chitokaka nana ai ahni tok ash hvsh akostinichi: yohmi kvv Chitokaka yvt nan i nukhaklo fehna, micha i kana fehna hoka hvsh akostinichiske:

12. Yohmi kia itibapishi li vhleha ma! ik kapihmi nana kia vba shutik, keyukmvt yakni, keyukmvt anumpa kvvlo

isht ai vlhpisa inla nana kia anumpa kullo ai isht hvch ik il onochi kashke: amba yau, hvsh achikma, ik ai ahli; mikmt keyu, hvsh achikma, keyu mak ashke: yummak keyukma nan isht hvchim vlhpisa hv hvchi on itula hi oke.

13. Kvna kia na palvmmi pisa kv hvchi takla ahanta cho? yohmikmt vba pit anumpohonlashke; kvna kia na yukpa kvt asha? yohmi hokmt vba isht taloa mak o isht taloashke.

14. Kvna kia abeka kv hvchi takla ahanta cho? yohmi hokmt ilap ak osh iksa pehlchi vhleha ha hoyashke: yohmikma yummak ash osh vba isht anumpulit, Chitokaka i hohchifo ho nan ahama ya okla ahvmmichashke.

15. Yohmi hokma na yimmi hosh vba isht anumpuli pulla kak osh abeka ya hlakoficha he; mikma Chitokaka yvt yummak ash tanicha hi oke: mikma nana ho ai ashvchi tuk ok mak heno i kashofa he mak oke.

16. Nan hvsh ai ashvchi pvta ka hvchishno bika yvt hvsh it im anohonlashke; mikmt hvchi hlakofa chi kv, vba isht hvsh it im anumpuli pullashke. Hatak ai vlhpiesa hosh na yimmi hosh vba pit anumpohonli kv nana ka ai ahlichy fehna chatuk oke.

17. Elias vt hatak im anukfila im a kaniohma he vt hvphishno ak inli chohmi tok; yohmi hatuk osh ik umbo ka hi a ai ahli fehmt vba pit anumpohonli tok; yohmi ma yakni yvma ik ai umbo ho afvmmi tuchina cha hvshi hannali aiena tok.

18. Yohmi ma anonti yummak ash inli hosh vba pit anumpohonli ma, Chitokaka yvt umbachi na yakni a nana kv a wahaya tok.

19. Itibapishi li vhleha ma! hvsh kanima hosh vbanumpa ha i filvmmi hvsh ya na anonti achvvt nukfokkichit falaminchi hokma,

20. Kvna hosh hatak nan ashvchi vt yoshubvt ataya tuk a nukfokkichit falaminchi hokvt, yvmmvt hatak shilombish a ai illi ya a hlakoficha he; mikmt nan ai ashvchika laua ho ompohoma he aiena hoka ithaiyanashke.

P I T A

I H O L I S S O U M M O N A H O K E .

CHAPTA I.

Shilombish nan isht i kana lau pulla kak o Chihowa ya aiokpa-hanchi, 1; 10 Hopaii vheha pulla ho Klaist isht im ai okchaya yvt tikbanli anohwa tok a anoli; 13 Chihowa im anumpa ho isht ai vta hatuk okvt, nan ashvchi ikshot maya chi ka i miha.

1. PITA, Chisvs Klaist im apostel okvt i yakni keyu ai it a fimimpt Pontvs, Kaleshi Kappatosia, Asia, micha Bihlinia aiena ai asha ka pit ai okpvchi kv,

2. Iki Chihowa hak osh tikbanli ithaiyanvt, okchaya he atokoli tok yvmmak oka Shilombish Holitopa yak osh kashohofi na, nana ka im antia ho Chisvs Klaist im issish isht o fima tok hvchia hoka; Nan isht i kana yvt hvchi anukfo-yuka, micha nan isht it i nanaiya yvt hvchin lauashke.

3. Pin Chitokaka Chisvs Klaist Iki, micha in Chihowa hokvt holitopashke, yvmmak osh pi nukhaklo chinto hatuk osh, Chisvs Klaist vt illi tuk kia, falaminchit tanichi kak osh anonti himonvchit pikbi tok o, na yukpa fehna hosh,

4. Ai ahanta okpula himma keyu, micha liteha he keyu, micha aksha he keyu ho e hohoyo ka, hvchimmi hosh vba yakni ya ai vlhtaiyaha hoke;

5. Yvmmak oka na yimmi pulla kak o Chihowa imi hlampko kv i shi na ai okchaya nitak ishtaiyopi otaiyana chi ka ona hoke.

6. Yvmmak oka nan isht a hvchi yukpa fehna; yohmi kia yakosi itintakla ka ai yvmohma he vhpesa ho isht

imomaka pisa ilaiyuka hvsh pihisa kak osh isht a hvchi nukhaklo hoke:

7. Yohmi kia na hvchi yimmi ka isht imomaka pihisa kak osh holitopa kv, tvli holisso lakna okpulo chatuk, yummak oka luak isht imomaka pisa chatuk ak kia i shahli fehna hokvt, Chisvs Klaist vt haiakakma, isht a holitopa, micha annoa chinto aiena kv isht a hvchi otaiyani hokbano;

8. Yummak oka hvch ik peso kia, hvsh i hullo; yummak ash himonasi ka hvsh pisa keyu ak inli kia, hvch i yimmi hosh, nan isht ilaiyukpa annoa he keyu, micha isht a holitopa alotowa aiena ka isht a hvchi yukpa:

9. Na hvchi yimmi isht vltoba ka hvsh ihishi kv, hvchi shilombish isht ai okchaya yak fehna hoke.

10. Ai okchaya yummak o hopai vhleha hv a ponahaklo, micha achunanchit hohoyo tok, isht i kana yosh hvchim vla hi oka yummvt tikbanli anohonli kv;

11. Nitak katiohmi, micha nitak nanta, Chisvs imi Shilombish vt yummak ash anukfoyuka hatuk vt Chisvs vt isht ai ilbvsha he puta, micha yvmohmi hosh isht a holitopa he aiena ka tikbanli atokolit anoli tok a, ai ahnit hohoyo tok.

12. Yummak ash o im otaiyani kv, ilap ak atuk ak o yohmi keyu; amba pishno ak atuk mak o nana ka otvnhinchi tok yummak ash himonasi ka vbanumpa ha Shilombish Holitopa vba yakni mihinti hosh awant aya ho, isht hvchim anumpohonli kash osh hvchim anohonli tok; nana ymma puta kash enchil vhleha hokvt akostininchih bahana fehna hoke.

13. Yvmohmi hoka hvchi chukvsh a okchvlt aiksiachi cha, ahah! ahnit, Chisvs Klaist vt ant haiakakma, isht i kana yosh hvchim vla hi okvt ai ahli bano hosh hvsh hohoyashke.

14. Yohmi kv vlla nan im antia yo hvsh chiyuhmit, tikba hokvno nana hvch ik ithano hosh chukvsh nan ahni kak o hvsh yvmohmi beka tok vt, hvch ik ile hobachokashke:

15. Amba hvsh im antia chi hvchi hōwa tok, yummvt nan ai ashvchika ik im iksho hoka, nan ai ashvchika ik hvch im iksho ak inlashke:

16. Uno vt nan ai ashvchika ik svm iksho hoka, nan ai ashvchika ik hvch im iksho kashke; achi hosh holihiso hoka;

17. Yohmi ka Iki ak o hvsh im asithha hokmvt, yvm-mak okvt hatak it i shahshohlechi iksho hosh hatak puta kvt ilap a kaniohmi tuk ak o isht im apesa yoka, ilvppa hvsh ai ahanta takla kvt hvsh holitoblashke:

18. Yohmi kvt hvch iki vhleha hak o hvsh im ai ithvna tok nana hvsh a kaniohmi ik achukmo yoka a hvchi filvm-michi kvt nana okpula he tvli hvta, micha tvli holisso lakna chiyuhmi hō isht hvchi vltoba tok keyu kvt hvsh ithanushke;

19. Amba Klaist im issish holitopa Chukfvlhpobushi ai okpuloka iksho, micha liteha iksho yak a tok;

20. Yvmmak osh yakni intolahpi vt ik tobo pilla kash o tikbanli vltoka tok osh, hvchishno yak atuk pulla kak o himak ont ishtaiyopi ilvppa otaiyani tok oke;

21. Hvchishno yvt yvmmak atuk pulla kak o Chihowa ha hvch i yimmi pulla kvt, yvmmak osh illi tuk a falamin-chit tanichi cha, isht a holitopa ka ima tok oka; ai okchaya ya Chihowa yak o im ai ishi la he ai ahnit, hvch i yim-mashke.

22. Yvmohmi ka Shilombish ak osh hvchi anukfoyuka hō vbanumpa ai ahli ka hvsh im antia hosh, hvchi shilom-bish a hvsh kashofi hatuk osh, itibapishi vhleha hoka ilahobi keyu hosh isht i shahlichu fehna hosh hvsh it i hullashke;

23. Chihowa im anumpa, yummvt mahayvt bilia yak atuk pulla kak o na nihi okpula he keyu yō atuklant isht hvsh a toba hoke.

24. Yohmi ka haknip puta kvt haiyukpulo yak o chiyuh-mi, micha hatak isht a holitopa moma kvt haiyukpulo pakanli yak o chiyuhmi hoke. Haiyukpulo yash ot bvshik-ma, pakanli yash ot liwelit taha hoke.

25. Amba Chihowa im anumpa hokvto mahayvt bilia hoke. Yohmi ka anumpa ilvppak o vbanumpa hvt isht a hvchim anuhumpa hatuk oke.

CHAPTA II.

Nan ik vhlpeso isht im anukfila puta ka naksika bohla chi ka i miha, 1; 5 Klaist akosh tikba intola yq okla ai itabana hatuk a anoli; 11 haknip imma nan isht im anukfila yokeno kano pit kancha chi ka achi; 13 yakni pakna nan apesa maya ka im antia he; 18 yuka hvt kaniohmit i nahollo ya im antia hi a ithvnachi.

1. YUMOHMI hoka isht i nukkilli, na haksichi, nan ilahobi, na potvno, anumpa chukushpuli puta a moyuma ka mokofit naksika hvsh boyuhli cha;

2. Ullosi himona vta chiyuhmit, yvmmak o isht a hvchi hofahantit ai okchaya ya hvsh ona chi mak osh, vbanumpa pishukehi ai ahli kak o bunna fehnvt hvsh hohoyashke.

3. Chitokaka yvt hvchi kana achukma fehna ho hvsh akostininchii ai ahli hatuk okmvt;

4. Yvmmak okvt tvi okchaya chiyuhmi ho hvsh im ohona ka, hatak okvto ik ahnincho fehna tok kia, Chihowa hokvto holitobli fehnvt atokoli tok;

5. Hvchishno ak kia tvi okchaya chiyuhmit, shilombish chuka hvsh toba hosh, na holitempa isht vlla holitopa yosh Chisvs Klaist ak atuk pulla kak o, Chihowa hokvt im vhlpiesa ho, chukvsh isht aiokpvchi puta ka pit hvsh im ihisa hi a tok.

6. Yvmohmi hoka anonti Holisso Holitopa ya a foyuka kvv, Yakeh! chukbi in tola tvi vhtoka, holitopa fehna ho Saion a a bohli lishke: yohmi ka kvna hosh yvmmak oka i yimmi hokvt hofahya he keyu hoke, achi tok.

7. Yohmi hoka yvma i yimmi hvchia hokvno hvchi holitopa fehna; amba ik im antio yokeno, chuka ikbi vhleha yash ot tvi ya ik ahnincho ki tok, yvmmak ash inli hosh chukbi in tola noshkoboka yq toba hoke.

8. Micha ik im antio yq vbanumpa isht ai ibetvbi yvm-mak fehna kak osh isht ai ibetvbla he tvi, micha isht ai

okpula he tvli chito aiena ho, yvmmak o ai yvmohma he im vlpipijisa tok.

9. Amba isht atiaka vlhtoka, miko i na holitompa isht vttā; oklushi holitopa, Chihowa immi ai ahli fehna hvchia hoke: yohmi ka yvmmak osh hvchi hōwt ai okhlilika ya a kohchit im atohwikeli chinto ka hvchi foyuki tuk o, ilap isht aiokpahancha he a puta ka otvninchit hvsh anohonla he a tok:

10. Yohmi kv̄t nitak tikba hokvno Chihowa im okla hvchia ha tok keyu kia, himak ano Chihowa im okla hvchia hoke; isht i kana ya hvch ik esho ki tok kia, himak ano isht i nukhaklo ka hvsh ishi tuk oke.

11. A holitopa vhleha ma! nana hvchim ai ahni li kv̄t hatak ik ithano, micha ilap i yakni keyu ai itvnova chiyuhmit, haknip imma nan ahni, yvmmtv̄t shilombish in tanampi yoka hvsh i filahamashke:

12. Nana hvsh a kaniohmi kv̄t achukma hosh vbanumpa ik ithano okla ha iba takla hvsh ahantashke: yohmi na nana ik achukmo yvmihchi chohmichit hvchi sanalit anum-pohonli kia, nana achukma puta hvsh yimihinchī ka pihī-sakmtv̄t, Chihowa yvt i nowvt aya nitak oka ymma okla holitoblashke.

13. Chitokaka yak atuk pulla mak o hatak i nan vlpisa puta ka hvsh im antiashke: miko yok má moma i shahli yo chohmichit hvsh holitoblashke.

14. Micha nan vlhtoka vhleha nana ik achukmo yvmohmi puta hokvno nan vlpisa onochikmtv̄t, nana achukma yvmohmi yak okvno aiokpv̄cha chi ho, miko yvt atokohonli tok a hvsh holitoblashke.

15. Yohmi ka nana kv̄t ai vlpiesa ho hvsh yvmohmi hosh hatak im anukfila iksho nan ik ithano itih puta ka hvsh i kamala he yak o, Chihowa hokvt ai ahni hoke:

16. Yuka keyu hvchia kia, hvsh yvmohmi kak osh nan ik vlpeso ya isht hvsh ompohomo ná: amba Chihowa in tishu vhleha mak o hvsh chiyuhmashke.

17. Hatak puta ka hvsh holitoblashke. Hvsh itibapishi

vhleha ha hvsh i hullashke. Chihowa ya i nukshopvt hvsh holitoblashke. Miko yoka hvsh holitoblashke.

18. Yuka hvchia hvst isht a holitopa he vlpesa ho hvchi nahullo yoka isht hvsh im antia kv achukma, micha im anukfila yohbi aiena kak bano keyu, amba hvch i kvlo aiena ka hvsh im antia ak inlashke.

19. Yohmi ka hatak vt chukvsh ak osh Chihowa ya isht im vlpiesa kak osh isht a nukhaklo ya vlpiesa ahnit, ai vlpiesa keyu ho isht ilbahasha hokma, ilvppv isht i kana hoke.

20. Yohmi ka nana ai vlpiesa keyu ho hvsh yvmohmi tuk osh vlpiesa ahnit, isht hvchi bohwa hokmv, yvmvt nan isht annoa achukma nanta ho? amba nana ai vlpiesa ho hvsh yvmohmi tuk kia, vlpiesa ahnit isht hvch ilbahasha hokvno, ilvpvak o Chihowa hokvto isht im vlpiesa hoke.

21. Yohmi ka ilvpvak o hvsh yvmohma he osh hvchi vltoka tok; pishno ak atuk pulla mak o Klaist ak kia ilbahasha kv, ilap a nohwa tok a il iakaiya he mak o pim abahanchi hatok oka:

22. Yvmvt nan ashvchi tok keyu, haksichi kia itih ha foyuka tok keyu:

23. Yvmvt ilap a isht ik ahobalot anumpuli mak o, afalaminchit isht ik ahobalot anumpuli keyu; na palvmmi onochi ma, na palvmmi onocha hé kia miha tok keyu; amba ai vlpiesa apibisa yak o il im issa tok:

24. Yvmak osh nan il ai ashvchika ya ilap haknip fehna ak o ilap inlit il onochi hosh iti ya takali tok: yohmi ho nan ai ashvchika puta il im ihinli hosh, nan ai vlpiesa ya il im okehaya chi ha tok: yvmvt fahama tok ak o isht hvchi hlakofi hoke.

25. Yohmi ka chukvlpoba tamoa chiyuhmit hvsh itvno-wa tok kia, himonasi kano chukvlpoba Apesvchi micha hvchimi shilombish ma Nan im atahli yoka falamvt hvsh im ona hoke.

CHAPTA III.

Hatak vt im ohoyo itatuklo kv̄t nan v̄lhpiesa h̄o itim anukfilvt ita-
pela he im av̄chi, 1; 8 it ī hullot it ibai achv̄fa he; 14 na palvm-
mi ka isht it ibai il bv̄sha he; 19 Oka falama yvt ik ayo k̄isha ma
okchayvt aiasha tuk ā Klaist vt nan i kanimihchi tok ā anoli.

1. ANONTI tekchi hv̄chia hvt hv̄chi hatak oka hv̄sh im
antiashe; yohmi na kanima kv̄t vbanumpa h̄a ik ahnincho
hokmvt, vbanumpa hash ik haklo kia, tekchi ak osh nana a
kaniohmi kak o, yvm̄mvt v̄lhpesa ahnit isht anukfohka ak
inli yoba na;

2. Yohmi kv̄t havi imma ai yvmohmi ik hv̄chim iksho,
micha hv̄sh holitobli aiena ka pih̄isa kak osh yvmohma hinla
hoke.

3. Ymma isht shema yvt pashi tanv̄ffo, micha tv̄li ho-
lisso lakna isht shema, micha na fohka fohka aiena paknali
isht shema yvm̄mak okv̄no keyu:

4. Amba chukv̄sh anukaka a toba hatak luma okpula
himma keyu, anukfila yohbi, micha nuktanla isht shema yo
fehna yvm̄mak ashke; ilvppak osh nan ai v̄lli chinto fehna
Chihowa hvt ai ahni hoke.

5. Nitak tikba ma ilvppak o yakohmit ohoyo hochukma
Chihowa ī yimmi ak inli hosh, isht ile shemahanchi kv̄t, ilap
ī hatak ā im antia ya tok.

6. Sela ak oh kia Eblaham ā ī shahli hochihifot im antia
tok: yvm̄mak o ushetik hv̄chia hoke, nana ai v̄lhpiesa ka
hv̄sh yvmohmi takla, micha isht a nukshopa he kia hv̄ch ik
ī nukshopo hokmvt.

7. Anonti ī hatak hv̄chia hvt nana ka ithaiyana hosh ibai
ahantvt, hlampko ik hv̄chi lauwo mak o chiyuhmichit, isht ī
kana ai okchaya bilia hv̄sh it ibai isha he mak okvt, hv̄chi
tekchi ā hv̄sh holitoblashke; yohmi h̄o anumpa ilbv̄sha
hv̄sh anumpohonli kv̄t ik ai ataklamo kashke.

8. Ai ishtaiyopi ka moyumvt hv̄chim anukfila hvt ai
achv̄fa cha, it ī nukhaklot, itibapishi vt ī hullo chiyuhmit,
inla ī kanvt chukv̄sh akanlosi mvt aienashke.

9. Micha nana ik achukmo hvchi yvmihchukma, nana ik achukmo yo hvch ik falamincho kashke: micha isht ik hvchi ahobalokma, isht ik ahobalo yo hvch ik falamincho kashke; amba ilvppa ik holbo i kanvt hvsh im anumpulashke; ilvppak o hvsh yvmohma hi osh hvchi vltoka tok vt hvsh ithana hokvt, yohmi hosh nan isht ai yukpa ya hvsh pisa he vlpesa yatok.

10. Yohmi ka kvna hosh, Si okchaya cha, nitak hochukma ho pihisa li hokbano ai ahnikmvt, isunlvsh oka nana ik achukmo ka i filvminchi cha, itivlbi yoka na haksichi ya isht ik anumpulo kashke.

11. Nan ik achukmo kvno i filvmmi cha, nana achukma kak o yvmihinchashke; it i nanaiya yak o hohoyot, achunanchit iakaiyashke.

12. Yohmi ka Chitokaka nishkin okvt ai vlpiesa yokvno o wakaya, micha haksobish okvt im anumpa ilbvsha puta ka in tiwa hoka; amba nana ik achukmo yvmihchi puta hokvno Chitokaka nashuka yvt i sanali hoke.

13. Micha nana achukma yvmihchi yak o iakaiya vhleha hvchia hokma, kvta hak osh hvchi hotopala hinla ho?

14. Amba nan ai vlpiesa yak atuk pulla mak o isht hvsh ilbahasha hokmvt, hvchi yukpa hoke; micha nan isht nukshobli yoka i nukshopvt isht hvch ik komunto kashke;

15. Amba Chitokaka Chihowa yak o i nukshopvt hvchi chukvsh isht hvsh holitoblashke; micha ai okchaya pisa la he ai ahnit hvchi anukfoyuka a kaniohmi ka hvchi ponohaklo puta ka anukfila akanlosit, holitoblit anumpa falama ka hvsh ima chi kvv hvch im vltaha kak banashke.

16. Isht il akostininchi achukma ho hvsh ieshashke: yvmohmi ho nana ik achukmo yvmihchi chohmichit nana ik achukmo isht hvchi anumpohonli kvv, Klaist a anukfokvtvnochi tuk vhleha hvv isht a hofahyashke.

17. Yohmi ka Chihowa hak osh ik yohmi ai ahni hokma, nana achukma ho yvmohmi cha, isht ilbvsha kak osh achukma kvv, nana ik achukmo ho yvmohmit isht ilbvsha ka, i shahli hoke.

18. Yohmi ka Klaist ak kia himonna ma nan ai ashvchika pulla kak o ai vlhpesa yvt ik ai vlhpeso yak o vlhtobvt isht ilbvsha tok; yohmi hosh pi pehliechit Chihowa ya isht pim ona chi ha tok: haknip okvto illi ha tok kia, amba shilombish okvto okchaya tok:

19. Yvmmak ash o shilombish yuka vhleha ai asha ka ivt ont isht im anumpohonli ak inli tok:

20. Yvmmak okvt nitak tikba ma peni yokvt toba itin takla Noah okvt ahanta nitak yvmmak ash fehna kvno, Chihowa hvt i nukhaklot isht i nukkilli onochi svlaha hosh ahanta ma, im antia he keyu ki tok; peni yvmmak ash o kanimosi yvmmvt shilombish untuchina hosh oka ya isht a hlakofi tok.

21. Yvmmak ash o chiyuhmi hosh himonasi ak kia baptismo yvt, yvmmak osh haknip liteha yoka isht kanchi keyu, amba Chihowa itikba isht il akostininechi achukma ai yvmo-hma he il apihisvt, Chisvs Klaist illi tok kia falamvt tani tok pulla kak o yvmohmi kak osh pi okchalinechi ak inli hoke.

22. Yvmmak okvt vba yakni yoka ona tuk osh, Chihowa im isht im pakimma yak o binili hoke; yvmmak oka enehil, micha miko, micha nan vlhtoka puta kvv i nutvt im antia he ya tok.

CHAPTA IV.

Nana moma kvv ont ai vha chi kvv olanlosi vla hoka, Klaist iakiai pulvt nanashvchi issvt ai i filvmmi itanowa he i miha, 1; 12 nan i palvmmi puta ka hopohlvi.

1. YVMOHMI ka Klaist vt hvchishno yak atuk pulla kak o haknip a isht ilbahasha tok a, chiyuhmit hvchishno yak kia im anukfila hatok chiyuhmi ka hvsh il ataiyahli mak inlashke: yohmi ka haknip a isht ilbahasha tok vt nan ai ashvchi ya issvt ai i filvmmi ha tok oke:

2. Yohmi kvv yvmmvt haknip vt okchaya ai itin takla kvv hatak haknip imma nan ahni isht ahanta he a tok keyu, amba Chihowa nan ai ahni kak a hi a tok.

3. Yohmi ka pi okchayvt il ahanta tok ash ai vhlit itin takla kak kia, havi imma anukfilli, chukvsh nan ahni, oka homi ishkot hoita, isht a haksichit tasimbot atampa, micha na holba nan isht ik ahobo puta ka isht il ahanta kvv, vbanumpa ik ithano vhleha nan ai ahni hokvno il a yvmihcha hi ya ona tok oke.

4. Yvmmak oka isht ahanta hosh ilap vt nan ik achukmo puta ka isht afekommit a tasimbo atampa ka hvch ik ibafohko kak o okokko! ahnit, isht im anukfila hosh nan ik achukmo kia isht hvchi anumpohonli hoke.

5. Yvmmak okvt illi, okchaya aiena ka nan im apesa he im vltaiyaha yak o ilap nana a kaniohmi tuk vt il im ai anola hi oke.

6. Yohmi ka ilvppak a he mak o illi tok vhleha yvmmak kia vbanumpa hvv isht im anuhumpa ak inli tok; yohmi ma hatak haknip imma nan ahni yokvt nana ka im apihisa kia, Shilombish Holitopa yak osh apelahanchi ho Chihowa ya holitobla hi a tok.

7. Amba nan okluha kvv ont ai vhlit chi kvv atukonofvshke; yvmohmi hoka nana ka hvsh ile oktambli cha, ahah! ahnit, anumpa ilbvsha hvsh anumpohonlashke.

8. Mikmvt hvchishno inli hvsh iti hullo ai ahli fehna hosh nan okluha ka hvchim i shahli hosh hvsh ieshashke: yohmi ka it i hullo yak osh nan ai ashvchika lava kia ompohoma hi oke.

9. Ik im vlvpesot anumpuli iksho hosh it i kanvt hvsh it apelvchashke.

10. Hatak puta kvv isht i kana hvlbina ishi ha tok mvt, yvmmak ash inli ho isht iti apibinla kvv, Chihowa isht i kana ilaiyuka nan im apesvchi achukma yak o chiyuhmashke.

11. Hatak kanima hosh anumpuli hokmvt, Chihowa im anumpa hvv avvchi kak o anumpulashke; hatak kanima hosh vbanumpuli ilbvsha ya nan isht im ahanta hokmvt, Chihowa hvv kanimihchit hlampkochi kak o isht ahantashke: yohmi na Chihowa hvv Chisvs Klaist ak atuk pulla kak o nan okluha ka isht a holitopashke, yvmmak o isht a holitopa, mikot ahantvt bilia yvt immit biliashke. Amen.

12. A holitopa vñleha ma! isht hvchi imomaka pisa chi luak nan isht imomaka pisa imma hokvno, okokko! ai ahnit, nana ilapissa fehna kaniohmi hosh a hvchi yomohmi ka ik hvchim ahobo kashke.

13. Amba Klaist vt ilbvsha puta tok a chiyuhmit hvsh ibai ilbvsha ak inli hokvt, hvchi yukpashke: yohmi kvv ilap isht a holitopa hokvt otaiyanikma, hvchishno yak kia nan isht il ai yukpa chinto ho isht a hvchi yukpa mak a hinla hoke.

14. Klaist hohchifo ak atuk pulla kak o isht ik hvchi ahobalo hokma, hvchi yukpa hoke; yohmi kvv isht a holitopa Shilombish, micha Chihowa imi Shilombish vt hvchi onvtuyula hoke; yummvto Klaist a isht ik ahobalot isht anumpohonlikma, amba hvchishno yokvto hvsh holitobli hoke.

15. Yohmi kia hvsh kanimi kvv hatak bika vbi, na hukopa, nan ik achukmo yvmihchi, micha hatak inla nan im a kaniohmi ka ataklvmmi aiena hokvno chiyuhmit ik hvch ilbvsho kashke.

16. Amba hatak kanima kvv vbanumpuli yo chiyuhmit ilbahasha hokmvt, ik hofahyo kashke: amba ilvppa yakohmi hokvt Chihowa yak o holitoblashke.

17. Yohmi ka Chihowa im aboha yak o nan vñhpisa yvt ai onvtulvt isht ia chi pulla ka nitak vt vla hoka; yohmi ka pishno ak o tikba ai isht ia hokma, Chihowa im vbanumpa ik im antio vñleha ont im ai vñli kvv katiahma hi o?

18. Mich a vñhpiesa yokvt palvmmi ho okchaya hokma, Chihowa ik holitoblo, micha nan ashvchi aiena kvto katima ko ai otaiyana hi oh cho?

19. Yvmohmi hoka Chihowa nana ai ahni ho im antia kvv ilbahasha vñleha hokvto, nana achukma ho ai yvmohmit nana ihikbi ai ahli yoka ai ahnit, ilap shilombish a iesha chi ho, im ihisashke.

1. **ŪBANUMPULI** iksa apesvchi vhleha hvch itin takla aiasha ka nana atohnochi li kvt, vno ak kia vbanumpuli iksa ibai apesvchi, micha Klaist vt ilbahasha tok puta atokowa anoli, micha na holitopa kvt otaiyana hi oka ibai isha he ak inli sia hoke.

2. Chihowa in chukfvlhpoba hvch itin takla ai asha ka hvsh ipihinta kvt, yohmi la he atuk okvt ik kaniohmi kia ahni keyu, amba yohmi likbano ahnit, ai vlhpiesa keyu isht a hofahya he nan isht ahayuchi bnna keyu, amba hvchim anukfila hvt vltaha achukma hosh apesvchit hvsh pehl-chashke.

3. Yohmi kvt Chihowa immi hoka i shahli chiyuhmit ahanta he keyu, amba chukfvlhpoba ya nan isht im vlvuchi ya he tuk.

4. Yohmi ka chukfvlhpoba apesvchi Miko yvt ant il otv-ninchikma, isht a holitopa iachuka okpula himma keyu mak o hvsh isha hi oke.

5. Yvmmak i chiyuhmit himita hvchia hvt asvnonchi ya hvsh im antiashke; ahli, moyuma kvt hvsh it im antia cha, im anukfila akanlosi ho isht hvsh shemashke: yohmi ka Chihowa hokvt ilapunla yano i sanali cha, im anukfila akanlosi yokvno isht i kana ya ima chatuk oka.

6. Yvmohmi hoka Chihowa ibbak hlampko nuta ya hvsh im il akanlosechashke; yohmi na ont ai yvmohma he ai vlv-piesak ma vba hvchi wakeli mak inlashke:

7. Anukfila isht a hvchi komunta puta ka yummak o hvsh onochashke: yohmi ka yvmvvt hvchi anukfihinli hoka.

8. Ahah! ahnit, hvchi okchashke, hvchi sanali nan isht ahullo okpulo yvt kvna kia isht nanvli bnna kvt, hohoyot, koi chito wohoha chiyuhmi hosh nohowa hoka.

9. Yvmmak oka na yimma kello ai ahli hosh hvsh i sanalashke: hvsh itibapishi vhleha yakni iluppa ai asha hokvt, na palvmmi yvmmak o chiyuhmi puta ka pihisa ha tok oka, hvsh ithaiyanashke.

10. Amba Chihowa isht i kana chinto yvmmak osh Chisvs Klaist ha tok pulla mak o ilap isht aholitopa bilia yoka il esha he mak o pi atokoli tok vt, yakosi itin takla hvsh

ilbahasha ha yak o, ai ahlichit kvloochit hilechit, hlampko-
honychit, chukvsh fitikvchi iksho ho hvchi anukfokihin-
chashke.

11. Yvmmak o isht a holitopvt, mikot bilia yvt immit
biliashke. Amen.

12. Silfanvs hvsh itibapishi ai ahli ahni li ha tuk osh,
anumpa kanomosi ka holissochit ima li ho, isht hvchim ia
tok; yohmi kvv nana hvchi miha li kvv, hvsh a hikia yvm-
mak osh Chihowa hvv isht i kana ai ahli mak o, atokolit hv-
chim anoli lishke.

13. Ubanumpuli ikxa Babulon hikia kvv, hvch ibai vltoka
ha tok vt hvchi aiokpvchishke; mikma svso Makvs vt yoh-
mi ak inli.

14. It i hullo it i suksowa isht hvsh it aiokpvchashke.
Klaist ibai achvfa hvsh moyuma ka isht it i nanaiya kvv
hvchi anukfoyukashke. Amen.

II. P I T A

I HOLISSO ATUKLA HOKE.

CHAPTA I.

Nan isht il aiyukpa chinto nan hq vbanumpuli vt isha chi hosh vltoka ka anoli, 1; 5 nan ai vllhpiesa a yvmihcha he moma ka yv-mihchi, yohmi pulla hosh ai okchaya pisa chi kvt ai ghlichia chi i miha: 14 ilap vt illa chi nitak vt ai vlg hosi ka anoli; mihmvt Klaist i yimmit akvllot hieia hi a i miha.

1. SAIMON Pita, Chisvs Klaist im apostel, micha in tishu hokvt pin Chihowa, micha pi Okchalinch, Chisvs Klaist vt nan aivllhpiesa yvmohmi tok pulla mak o, na yimmi pi holitopa itilau ka ahayuchi tok vhleha yvmmak o pit aiokpuchi kvt,

2. Chihowa, micha Chisvs pin Chitokaka hvsh ithaiyana kak osh nan isht i kana, micha isht it i nanaiya aiena kvt hvchin lauashke;

3. Yohmi kvt ilap ai ahli kak osh nan okluha isht ai okchaya, micha Chihowa isht holitobli imma aiena ka pihima kvt, ilap ithvna kak osh nan ashvchi ik pim iksho hosh isht a holitopa ya e pihisa he mak o, pi atokoli tok:

4. Yvmmak o nana holitopa, micha achukma chinto puta ka isht a pihima; yohmi kvt ilvppak atuk pulla kak o nan okpulo chukvsh nan ai ahni yatuk pulla kak o yakni ilvppa ai asha ka hvsh i filvmmi hosh, Chihowa im anukfila ha hvsh ibai isha chi ha tok.

5. Mich a ilvppa atuk pulla kak o achunanchi fehna hosh na hvchi yimmi ya nan vllhpesali ya isht hvsh otvnin-

chashke: micha nan vlpesali ya nan ithana ya isht hvsh otvninchashke.

6. Micha nan ithana ya ile oktamply ya isht hvsh otvninchashke: micha ile oktamply ya nuktaiyalvt achunanchi ya isht hvsh otvninchashke; micha nuktaiyalvt achunanchi ya Chihowa isht holitobli ya isht hvsh otvninchashke.

7. Micha Chihowa isht holitobli ya itibapishi vbanumpuli it i hullo ya isht hvsh otvninchashke; micha itibapishi vbanumpuli it i hullo ya hatak moma i kana ya aieninchit isht hvsh otvninchashke.

8. Yohmi ka nana ilvppa puta kvv hvchi anukfoyuka kvv isht i shahlit laurt ia hokmvt, pin Chitokaka Chisvs Klaist hvsh ithaiyana kvv, in takobit hvch ik vno ka hi o hvch ikbi keyu hoke.

9. Amba nana ilvppa puta ka ik im iiksho hokmvt, nishkin tamoa hosh mishema pit pisa he keyu, micha tikba ilap nan ai ashvchika yvt i kashofa ha tok vt imi haksi hoke.

10. Yvmohmi hoka na hvchi vltoka, micha na hvchim annoa aiena kvv hvchim ai ahla chi kvv ai yiminta hosh hvsh achunanchashke: yohmi ka nana ilvppak o hvsh yimihechi hokmvt, chi tula himma keyu hoke:

11. Hvsh yakohmi hok mak o pin Chitokaka, micha pi Okchalinchi Chisvs Klaist apehliechi ka bilia ya im vltaha achukma hosh ik chvkowá, hvchim ai ahni fehna hi oke.

12. Yvmohmi hoka nana ilvppa puta ka hvsh ithaiyana, micha vbanumpa hvchi yimmi kvv kvllot hvsh a hikia ak inli kia, hvsh ithaiyana chi ka himonna hvchi anukfokihinchit li kvv an takoba he keyu hoke.

13. Ahli, vltipo ilvppa anukaka ahanta li takla kvv, hvsh ithaiyana chi kak o hvchi anukfokihinchit hvchi okcheli li kvv ilvppvt ai vlpiesa, ahni lishke.

14. Chekosikma vm vltipo ilvppa mokofit boyuhli la chi pulla ithaiyana li kvv, pin Chitokaka Chisvs Klaist ak kia vm otvninchi akinli ha tok ak oke.

15. Yvmohmi hoka a sulli ha kia, nana ilvppa puta ka hvsh ithaiyana bieka hi ak o hvchim ai ahni li kvv achunanchi la hi oke.

16. Pin Chitokaka Chisvs Klaist vt vla tok, micha nan im ai ahli tok aiena ka e hvchim anohonli mvt, anumpa nan isht ik ahobo nan isht haksicha he nana ho il ikaiya ha tok keyu, amba ilap isht a chinto ka nishkin isht ai atokoli pia ha tok.

17. Yohmi ka, Ilvppak osh Svso a holitopa yoke, yvm-mak o nan isht vm vhlpiesa hoke, ahanchi anumpa yosh Holitopa chinto ka a minti hosh im vla kak osh isht a holitopa, micha isht annoa achukma ka Iki Chihowa yak o im ai eshi tok.

18. Mihma itvpehvt nvni paknaka holitopa yak o e hiel ho, anumpa ilvppvt vba yak o minti hosh vla ho e haiyaklo tok.

19. Hopaii im anumpa hak osh isht ai atokowa i shahli hvt pin tonla ak inlishke: yvmmak oka pula hosh ai okhlili-ka yo hikia chiyuhmi ho hvsh anukfihinli na onnvt taha, micha onnabinli fochik vt hvchi chukvsh a a kocheha hi okvt hvchim vhlpiesa hoke.

20. Hopaii im anumpa hvt ilap im anukfila ha tok keyu ka tikba ilvppa hvsh ithanashke.

21. Yohmi ka hatak nana ai ahni ho nitak tikba kash hopaii im anumpa hvt vla tok keyu, amba hatak holitopa yosh Chihowa nana ai ahni pulla ho Shilombish Holitopa yak osh nukfokihinch ho anumpohonli tok.

CHAPTA II.

Vbanumpa ithvnachi ik ai ahlo vt wakaya he, atuk kia yvmmak ashot im antia pit a moma ka Chihowa yvt okpvnit tahl he; amba hopoyuksa vhleha hokvno okchalinya he tikbanli anoli, 1; 10 nan ithvnanchi ik vhlpeso ilvppak ash achukmvt anoli.

1. YOHMI kia hopaii ai ahli keyu vhleha hvt okla ai itin takla ya ai asha ak inli beka tok a, anonti nan ithvnanchi ai ahli keyu kv hvch itin takla ai asha he ak inli; yvmmak okvt isht okpula he ai ahli-isht anumpa keyu puta ka lumvt isht hvch iba chukowa mvt, ilap a chumpa tok, Chitokaka

kanchi hosh isht ai okpulo ya tushpa fehnvt isht il onocha hi oke.

2. Mikma lawa kv̄t yummvt nan isht ai okpuloka he ai yvmohmi puta ka hobacha he; yummvt yvmohmi kak o hina ai ahli yvt nan isht ik ahobot isht anumpa hi oke.

3. Micha yummvt nan ahayuchi bunna kak osh isht haksichi anumpa ho nan isht itatoba yo isht hveh ikba hi oke; ymma nan isht im vlhpisa tok a hopaki kia svlaha he keyu, micha ymma isht ilbvsha hi vt nosilhha keyu hoke.

4. Yohmi ka Chihowa yvt enchil vhleha hv̄t nan ashvchi ma ik il atombo hosh, amba ai okhlilika tvli itatakvi isht takchi cha, ai okpuloka ya pit ashachi kv̄t ymma ai asha na nan vlhpisa hi vt ai ona hi a tokma;

5. Micha yakni vmmona ka ila tomba tok keyu, Chihowa holitobla he keyu vhleha yakni paknaka ai asha tuk ash oka falama yo isht onochi tok: yohmi kia Noah hatak isht untuchina nan ai vlhpiesa isht anumpohonli yano okchalinchī tok.

6. Chihowa ik holitoblo himak a pilla ai asha he ak osh isht im vlvrcha hi o ihikbi hosh, vmaha hochito Sotom micha Komola ita tuklo ka hushmit hituk. chubbi banochi kv̄t, okpulo ai ahli mak o im apihisa tok.

7. Mihmvt hatak achukma Lot okvt, hatak haksi nan a kaniohmi liteha ya isht nukhaklot ik im achukmot ahanta tuk a, a hlakofichi tok.

8. Yohmi ka hatak ai vlhpiesa yummvt ymma ai itintakla ahantvt, nana ka pihisa, micha hahaklot, nan ai vlhpiesa keyu ai yvmohmi kak o onna hosh onnakma chukvsh vt isht a hotoyupa tok:

9. Chitokaka yokvt Chihowa i hullo yokvno isht imomaka pisa ya kanimihchit akohchi kv̄t ithana; micha ai vlhpiesa ka yvmihinja he keyu yokvno kanimihchit ishi na nan im vlhpisvt isht ilbvsha chi nitak vt ai ona hi oka ithana hoke:

10. Micha haknip isht ai yukpa anuksitia hosh chukvsh nan ai ahni kak bano iakaiya, micha nan vlhpisa yo ik holitoblo aiena kak fehna ho kak heno i yvmihcha hi oke.

Ilapunla, ilap nan ai ahni kak bano, nan vlhtoka puta ka nan isht ik ahobalot anumpuli kvt ik nukshoposhke.

11. Yohmi kia enchil vheha hokvto isht ai ahli, micha isht hlampko aiena kvt yvmma i shahli fehna kia, Chitokaka itikba ya isht ik ahobalo anumpa kia yvmma ai onochi keyu hoke.

12. Amba ilvppvto nampo a nan ithana keyu ilap nan ahni bano hosh itvnowa ka, ishit okpvna hi o toba tok chiyuhmit nana ka akostininechi keyu kvt, isht ik ahobalot anumpulishke; yohmi kvt ilap im anukfila okpulo nan isht ai yvmohmi kak osh isht ai okpulot kvnia chi hoke:

13. Micha yvmmvto nitak kia nan impvt, nan ishkot. isht a havi kvt nan isht ilaiyukpa yo im ahobvt ai asha kia, nan ai vlhpiesa keyu ai yvmohmi isht vlhtoba ka isha chi hoke: yvmmvt na liteha okpulo, na hofahyali yosh yvmmvt hvch ibai impa itin takla kvt na haksichi kak osh nan isht ilaiyukpa hoke:

14. Yohmi kvt nishkin mvt isht a havi yak osh alotowa, micha nan ashvchi kvt issa keyu hosh, hatak im anukfila fitikechi ya haksihinch i hoke; micha nan ahayuchi bvma atampa isht ai yvmohmi puta ka chukvsh isht a toksahanli hosh, isht ai ilbvshvt onvtula he vlhpiesa vlla vheha hoke.

15. Yvmmak okvt hina ai vlhpiesa issa cha, yoshubvt kvnia hosh Boso ushi, Belam, yvmmvt nan ai vlhpiesa keyu isht vlhtoba yak o anuksitia hosh nan a kaniohmi tok ak o iakaiya hoke:

16. Yohmi kia Belam ash ot nan ai vlhpiesa keyu yvmohmi kvt ik vlhpieso ka im otvujnichi kvt, issuba haksobish falaia anumpula he keyu kia, hatak im anumpa ho anumpuli hosh, hopaii im anukfila tasimbo yash im olvbi tok.

17. Ilvppvt kvli oka iksho puta, micha hoshonti ha apeli vt isht aya mak oke: yvmmak okvno okhlili chinto yak osh immit bilia hi osh takali hoke.

18. Yohmi ka yvmmak okvt nan isht ik ahobo isht anumpa ilauatvt anumpohonlikmvt, haknip imma nan ahni, micha havi anukfilli isht alotowa kak osh nan ashvchi aiasha

yumma yakosi itin takla ho ai i filvmmi tok ash yummak o haksihinchí hoke.

19. Ilap ai ahni hosh nana ka yvmmt yvmohma he im ihisa ak inli kia, ilap ak okvto nan ai ashvchi yak o chukvsh okpulo ai yvmohmi yak o i yuka vhleha hoke: yohmi ka kvna hosh hatak a imaiyachi hokma, yvmmak ash inli ho i yuka toba chatuk oka.

20. Yohmi ka pin Chitokaka, micha pi Okchalinchi Chisvs Klaist oka ithaiyana kak osh yakni ilvppak inli isht a liteha puta ka ai i filvmmi ha ya tuk osh, anonti yummak ash inli ho isht ai apakfort isht ai imaiya hokmvt, yvmmt ont im ai ishtaiyopi kvt ik achukmo kvt im ai ishtia vmmona tuk ash i shahli hoke.

21. Yohmi ka yummak okvt nan ai vlhpiesa hina ya ik ithano hatuk mak osh im achukma kvt yumma ithana cha, anumpa vlhpisa holitopa yvt im anohowa ha ya tuk osh i filvmmi kvt, im i shahla he atuk oka.

22. Yohmi kia yummak okvt nan isht vlhpisa ai ahli ho ai yvmohmishke; yohmi ka, Ofi yvt hoita kash osh falaminchit vpvshke; mikma, Shukha tek vt vlhchifa kash osh, falamvt lukchuk a oka tonolishke, achishke.

CHAPTA III.

Nan vlhpisa chinta he nitak a Klaist vt vla pulla hi a ahlichit im anoli 1, 10 kaniohmit yakni, micha vba pit a moyuma kvt ont ai okpulo ka he anoli; 14 nan ai okpula hi pit anukfoyukvt anumpuli mvt nan ashvchi ikshot holitopvt itanowa chi ka i miha.

1. A HOLITOPA vhleha ma! ilvppvt holisso atukla mak o himonasi ka pit hvchi holissohunchi li kvv, ita tuklo ka nana ka isht hvsh ithaiyana chi ho hvchim anukfila toh-wikeli tok a isht okchvli lishke.

2. Yohmi na hopaii vhleha hokvt tikba kash anumpa puta isht anumpohonli tok; micha Chitokaka, micha Okchalinchi im anumpeshi pia hvv nana e hvchim apihisa tok aiena ka isht hvsh ithaiyana chi hatuk;

3. Ilvppa tikba hvsh ithana, yohmi ka ishit yopula anum-

puli, micha chukvsh nan ahni iakaiya puta kvt ont ai ishtai-yopi nitak puta ka vla hi oke;

4. Mikmvt, Yvmmvv vla he anumpohonli tok mvto kati-mak o? hatak tikba vhleha hvv nusi tok takla ha ya, nan okluha hokvto tikba vmmona tok ash osh imomvt mahaya hoka, ahancha hi oke.

5. Yohmi ka ilvppa ithvna ik bunno hokvt, hopaki pilla kash vba yakni okvt Chihowa im anumpa hak o isht atoba tok, mihma yakni ilvppvvt oka akohcha cha, itin takla talaia tok:

6. Yvmmak o yakni yvmmak atuk vt oka yosh isht om-poholmot kvnia ho, isht ai okpulot kvnia tok.

7. Amba vba shutik, micha yakni ilvppa ita tuklo hokvno Chihowa im anumpa yvmmak ash inli hosh Chihowa ik holitoblo hatuk puta kvt ai okpulot kvnia chi nan vlvhisa nitak mak o lua he ai ahni hosh achukmalit ieshi hoke.

8. Amba a holitopa vhleha ma! nana achvfa ilvppa hvch ik ithano ki na, yohmi kvt nitak achvfa kvt Chitokaka yokvno afvmmi tahlepa sipokni achvfa ka im itilau; micha afvmmi tahlepa sipokni kvt nitak achvfa ka im itilau hoke.

9. Chitokaka yokvt nana ka im ihisa tok vt, a vvlaha hatak kaniohmi kvt ahni kia, vvlaha keyu hoke; amba pi nukhaklo hosh pi vvlaha kvt, achvfona kia okpunlot ik kvnio hosh, amba moyuma kvt ile kostininha he, im ai ahni hoke.

10. Yohmi kia Chitokaka i nitak okvt, ninak anykaka yo na hukopa yvt aya chatuk mak o, chiyuhmit vla hi oke; yvmohmikma shutik moma kvt nan ola chinto ho isht ai okpulot ont ai iksho ka he, mikma fochik moma kvt luak lvshpa fehna ho isht a luvv bihinlakma, yakni, micha nan okluha ai vlvhtaiyaha puta tuk vt luvv taiyaha hi oke.

11. Yvmohmi ka nan okluha ilvppvvt ont ai vhlit kvnia chi hoka, hatak kaniohmi hosh nana a kaniohmi puta ka nan ai ashvchi iksho hosh Chihowa holitoblit hvsh ai asha hi atuk o?

12. Micha Chihowa i nitak vt vlvakma, vba shutik moma kvt lua hatuk osh ont ai vhlit kvniakma, fochik moyuma kvt

luak lvshpa fehna hō isht a luvt bihinla he, yvmmak o ho-
hoyot tushpvt hvsh mahaya hokvt.

13. Yohmi kia pishno yokvto nana ka pim ihisa tok pulla
kak o, vba shutik himona, micha yakni himona ita tuklo nan
ai vlpiesa ai ahanta yvmmak o e hohoyo hoke.

14. Yvmohmi ka a holitopa vhleha ma! nana ilvppa chi-
yuhmi puta hō hvsh hohoyo hokvt, anumpa isht ai onvtula
he, micha na liteha aiena ik hvchim iksho hosh hvsh i na-
naiya hō, hvsh im otaiyana hi vt hvsh achunanchashke.

15. Mikmvt pin Chitokaka yvt ilbvshala chi kvt svlaha
kvt isht pi ai okchaya he atuk, il ai ahnashke; ilvppa chi-
yuhmi il itibapishi Pal ak kia isht a hopoyuksa ya anukfoki-
hinehi hō hvchi holissohonchi tok:

16. Yohmi kvt holisso ihikbi puta kvt nana ilvppa moma
ka isht anumpohonli ak inli hatok okvt; yvmmak oka nana
kaniohmi kvt akostininchi kello kvt ai asha, yvmmak oka nan
ik ithano, micha anukfila apissali iksho aiena hokvto ilap isht
ai okpula chi kvt anumpa holitopa inla ka yvmihinehi hatuk
ash osh, chohmichit shanaiyvchi hoke.

17. Yvmohmi ka a holitopa hvchia ma! tikba nana ilvppa
puta ka hvsh ithana hatuk okvt ahah! hvchik ai ahnokmvt,
hatak nan vlpiesa ik holitoblo isht ai yoshuba ya isht ai
yoshubvt isht a hvchi yimmi kello kash i flvmmmit chi
tula ná.

18. Amba isht i kana hvchi anukfokvt hvsh yvmohmi kvt
i shahlichit mahayvt, pin Chitokaka pi Okchalinehi Chisvs
Klaist a hvsh ithaiyana kvt i shahlichit hvsh mahayashke.
Yvmmak oka isht a holitopa yokvt, himonasi, micha himak
a pilla ka immit biliashke. Amen.

C H A N

I HOLISSO VMMONA HOKE.

CHAPTA I.

Klaist a isht anumpuli, mihmvt yvmma anonti Iki itatuklo ka ibachv-
fvt nan im anukfila he miha, 1; 5 nan ib achvfa ilvppa yakohmi
kvt nan isht il aiyukpa hokmvt, atohwekinli ka il ai itanowa he;
9 mikmvt na pim ai ashvchika puta ka il il anohonlikma, pi ka-
shofa hinla.

1. AI okchaya anumpa yvmmak osh vmmona ka ahanta
tok mak o e hahaklot, pi nishkin a isht e pihisvt, il o hopo-
kohoyo tok, micha pibbak vt pvshohonli tok mih mak oke.

2. Ai okchaya yvmmvt haiaka na e pihisa tuk osh atoko-
wa anolit, Ai okchaya bilia yvmmvt Iki a takla ahanta cha-
tuk mak osh, ant pi haiaka tok a e hvchim anoli hoke.

3. Hvchishno mvt hvsh pibai achvfa he mak o, nana ka
e pihisa tuk, micha e hahaklo tuk aiena kvt e hvchim anoli
hoke: yohmi kvt pishno vt Iki, micha Ushi Chisus Klaist
aiena kak o il ibai achvfa mvhli hoke.

4. Mikmvt nana a hvchi yukpvt alotowa he mak o, ya-
kohmi ka pit e hvchi holissochishke.

5. Yohmi ka Chihowa yvt tohwikelika, micha yvmma
okhlilika yvt atakali iksho kmohmi aiena ilvppak o anumpa
yvmma il ai i haponaklo tuk mak osh e hvchim anolishke.

6. Yvmmak oka pit il ibai achvfa, il achi hosh, anonti ai
okhlilika yo il itvnowa hokmvt, e holabi; micha nan ai ahli-
ka mvno a pi yvmohmi keyu hoke.

7. Amba yvmmak okvt atohwikelika yo anta hoka, pish-
no vt atohwikelika yo il itvnowa hokmvt, iloh it ibai achvfa.

Yohmikma Ushi Chisvs Klaist im issish vt nan ai ashvehika ya mominchit a hvpi kashofi hoke.

8. Nan ai ashvehika yvt ik pim iksho, il achi hokmvt, peh il ile haksichi: micha nan ai ahlika yvt pi anukfoyuka keyu mak oke.

9. Na pim ai ashvehika ya il il im anohonli hokma, yvm-mak okvt ai ahli achukmvt, ai vlpiesa hatuk osh na pim ai ashvehika ya pi kanvllichi; micha nan ik ai vlpeso ka mominchit pi kashofa hinla hoke.

10. Nana il ai ashvehika chatuk keyu, il achi hokmvt, yvmmak oka holabi il ikbi; mikma im anumpa hvv pi anuk-foyuka keyu mak oke.

CHAPTA II.

Klaist vt pi a pelvt isht pi anumpuli, 1; 3 ai ahlit Chihowa ya ithana hokvto im anumpa vlpisa ya holitobli hoke. 9 Pitibapishi ha il oh i hullashke; 15 yohmikmvt yakni imma hokvno keyu kashke; 18 na yoshubli a ahah! il im ahnashke.

1. UM vlla chipunta vhleha ma! hvch ik ashvecho ka chi mak o, ilvppa puta ka pit hvchi holissochi lishke. Micha hatak nana hosh ashvechi hokma, isht anumpuli vt Chisvs Klaist achukma yvt Iki a itikba pim anta hoke.

2. Yvmmak osh na pim ai ashvehika ya, vltoba kvv pish-no pimmi hak bano keyu, amba yakni moma nan ashvechi aiena ka okluha vltoba mak oke.

3. Micha im anumpa vlpisa yak o e holitobli hok mak osh, yvma il ithaiyana ho mvhli kvv isht il akostininchii hoke.

4. Kvna hosh yvma ithana li, achi hosh, anonti im anumpa vlpisa ya holitobli keyu hokvto, holabi; micha nan ai ahlika yvt anukfoyuka keyu mak oke.

5. Amba kvna hosh yvma im anumpa ha holitobli hokvto, mihi yosh Chihowa ya i hullo ai ahli fehna hoke. Ilvppak o yvma il ibai achvfa kvv isht il akostininchii hoke.

6. Kvna hosh yvmmak oka ai iba foyuka, miha hokvto, ilap mak kia, yvmvvt kaniohmit aya tok mak o, a chohmit aya he tuk oke.

7. Itibapishi li vhleha ma! anumpa vhlpisa himona nana ho pit hvchi holissochi li keyu; amba anumpa vhlpisa sipokni vmmona kash inli ho hvchin tonlt isht auehinchi tok ash oke. Anumpa vhlpisa sipokni vt anumpa vmmona kash inli ho haklot isht hvsh auehinchi tok ak oke.

8. Ai okhlilika yvto ant ia ma, himak okvno tohwikeli ahli mak osh tommi hoka, anonti anumpa vhlpisa himona, yvmmak okvt ilapo, micha hvchishno aiena hokvno ahli mak o pit hvchi holissochi lishke.

9. Kvna hosh atohwikelika yo anta li, achi cha, itibapishi ha i nukkilli kv, himonasi ak kia ai okhlilika yo aya moma hoke.

10. Kvna hosh itibapishi ha i hullo hokvto, mihi yosh atohwikelika yo ahanta; yohmi cha kaniohmit ai ibetvbla hi vt ik im iksho mak oke.

11. Amba kvna hosh itibapishi ha i nukkilli hokvto, ai okhlilika yo ahanta cha, ai okhlilika yo nohowa; yohmi ma okhlilika kv nishkin a vmmoli hatuk o, kanima yo ia kv ithana keyu hoke.

12. Ulla chipunta hvchia ma! yvmma hohchifo pulla ho na hvchim ai ashvchika yvt isht a hvchi kashofa hatuk oka, pit hvchi holissochi lishke.

13. Iki hvchia ma! vmmona makinli ho ahanta tok yvm-mak ash hvsh ithaiyana hatuk oka, pit hvchi holissochi lishke. Hatak himita hvchia ma! nan okpulo atukma hvsh imaiyachi hatuk oka, pit hvchi holissochi lishke. Ulla chipunta hvchia ma! Iki a hvsh ithaiyana hatuk oka, pit hvchi holissochi lishke.

14. Iki hvchia ma! vmmona makinli ho ahanta tok yvm-mak ash hvsh ithaiyana hatuk oka, pit hvchi holissochi li tuk oke. Hatak himita hvchia ma! hvsh hlampko, yohmi ma Chihowa, im anumpa hv a hvchi anukfoyuka, micha nan okpulo atukma hvsh imaiyachi aiena hatuk oka, pit hvchi holissochi li tuk oke.

15. Yakni a, micha nana kv yakni paknaka asha ka hvch ik i hullo kashke. Hatak nana hosh yakni a i hullo hokma, Iki i hullo kv yvmma anukfoyuka keyu hoke.

16. Yakni asha kvto moma, haknip nan isht anushkunna, micha nishkin nan isht anushkunna, mikmvt yakni pakna nan ai isht ilefehuvchi aiena kv Iki ak o a minti ho keyu; amba yakni ak o a minti hoke.

17. Micha yakni vt, mikmvt nan ai isht anushkunna aiena hokvto, ant ayvt kvnihiya hoke; amba Chihowa nan aiahni yak o a yvmohmi hosh ahanta hokvto, antvt bilia hoke.

18. Ulla chipunta ma! ai ishtaiyopi mak oke: yohmi ka Klaist im asanali vt aya hi oka, hvsh haklo tok mak o, himonasi ak kia Klaist im asanali vt lauvt aiasha; yohmi ho ont ai ishtaiyopi ka isht il akostininchishke.

19. Yvmmak ash ot a pi filvmmmit kocha wiha tok; yohmi kia yvmmtv a hvpi bai achvfa tok o keyu hoke; yvmmtv pishno ak o a hvpi bai achvfa tok okmvt, a hvpi bai afoka na bilia he tuk pulla chishke: amba yvmmtv moma kak osh a hvpi bai achvfa ho keyu hatuk vt otvna chi kak osh a hvpi filvmmmit kocha wiha tok oke.

20. Amba hvchishno yokvto Shilombish Holitopa ak o hvsh im ai ahama tuk osh nan okluha ka hvsh ithanvshke.

21. Nan ai ahlika ya hvch ik ithano hatuk o, pit hvchi holissochi li ho keyu, amba yvmma micha holabi hv achv fona kia nan ai ahlika ya ahalaia keyu aiena ka hvsh ithana kak atuk oke.

22. Kvta hosh holabi yo? amba Chisvs ak osh Klaist mak atuk a keyu achi kak oke. Iki micha Ushi aiena ka i yimmi keyukmvt, yvmmak osh Klaist im asanali mak oke.

23. Kvna hosh Ushi a i yimmi keyukmvt, yvmmak osh Iki a pit ahalaia keyu mak oke; amba Ushi a i yimmi hokvto Iki a ib ahalaia ak inli hoke.

24. Yohmi hoka nana ka hvsh haklo vmmona tok yvmmtv a hvchi anukfoyukashke. Nana ka hvsh haklo vmmona tok yvmmtv a hvchi anukfoyuka hokma, hvchishno mvt Ushi, mikmvt Iki aiena ka hvsh ai ibafoyuka hi oke.

25. Micha nana miha kv ai okchaya bilia ilvppak o pim issa tok oke.

26. Na hvchi yoshubli vhleha ha ai immvchi kv yakohmi kak o pit hvchi holissochi li tuk oke.

27. Amba ymma nana hvsh ai im ahama tuk amo a hvchi anukfoyuka; yohmi ka hatak osh nana hvchim abvcha he hvsh ahni ka keyu; amba nan ahama ymmak ash inli kak osh nana moma ka a hvchim abvchi kv̄t ai ahli, holabi keyu; yohmi ka na hvchim abvchi tuk ash fehna ka ymma hvsh ai ibafoyuka hi oke.

28. Yohmi ka inta! vlla chipunta ma! ymmak o hvsh ai iba foyukashke; yohmi tuk o ymmak ash ot ant haiakakma, il anukcheto cha, mihintikma itikba ma a ik pi hafaho kashke.

29. Ymmak okv̄t ai vlpiesa yo hvsh akostininchi hokmvt, ai vlpiesa ho a ymohmi hokvto, momvt ymmak o isht a toba yo hvsh akostininchishke.

CHAPTA III.

Chihowa yvt ilap ushi yo pihikbi kv̄t pi hullo fehna, 1; 3 ymohmi hoka i nan vlpisa ya e holitobla he tuk; 11 il iti hulla he tuk.

1. CHIHOWA ushi vhleha hvpi hohchifa hi a Piki vt nan i hullo kv̄t a kaniohmit hv̄p i hullo tok a ho pesa: yohmi hatuk o yakni vt pishno a ik hv̄p ithano; ymma ik ithano tok okv̄t.

2. Holitopa vhleha ma! himak okv̄no Chihowa ushi hv̄pia, yohmi kia e kaniohma hi a himonasi kano ik otano kishvshke; amba ymmak osh ant haiakakma, pishno vt ymmak o e holba hi vt il ithana, ymmvt kaniohmi hatuk ma e pisa hi okv̄t.

3. Ymma anukchieto hosh si yakohma he ahnit, ymmak ash ot kashofa achukma yatuk a chiyuhmit momvt ile kashofi hoke.

4. Kena hosh nana ashvchi kv̄t anumpa vlpisa ma kobvfi hoke: nan ai ashvchika yak osh anumpa vlpisa ya kobvfi hoka.

5. Yohmi ka ymmak okv̄t pim ai ashvchika ya isht hv̄pi kancha chi mak osh ant haiaka tok a hvsh ithana; micha ymma ai ashvchika nana hosh atakali keyushke.

6. Kuna hosh ymma ai iba foyuka hokvto ashahanchi chatuk keyu; kuna hosh ashahanchikmvt, ymma pisa tuk keyukmvt, anonti ithana tuk keyu aiena mak oke.

7. Ulla chipunta ma! hatak nana kia ik hvchi yoshublo kashke: kuna hosh nan ai vlhpiesa ya a yvmohmi hosh ahantakmvt, ai vlhpiesa kv, ymmvt ai vlhpiesa yatuk a, chohmi mak oke.

8. Kuna hosh ashahanchi kv Setan ak o ibai achvfa mak oke: Setan ak okvt vmmona mak inli ho ashvchit isht auehinchit tok oka. Setan vt nan ai isht vtta tok puta ka okpna chi pulla kak osh Chihowa Ushi vt ant haiaka tok.

9. Kuna hosh Chihowa ak o isht a toba hokvto ashahanchi chatuk keyu: ymma i na nihi vt anukfoyuka hatuk o; micha ymmak okvt Chihowa ak o isht a toba hatuk okvt, ashahancha he keyu hoke.

10. Ilvppak o Chihowa im vlla vhleha, mikmvt Setan im vlla vhleha aiena kv isht ai otrni hoke: kuna hosh nan ai vlhpiesa ya a yvmohmi keyu, mikmvt itibapishi ha ik i hullo aiena kv, Chihowa ak o ai ibai achvfa ho keyu hoke.

11. Iloh it i hulla he anumpa ilvppak o vmmona mak inli ho hvsh hahaklo tok.

12. Nan okpulo a ai ibai achvfa cha, itibapishi ha vbi tok Ken ak okvno ke chohmo kashke. Micha nanta katiohmi ho ymma vbi tok o? Ilapo nana a kaniohmi kvto ai vlhpiesa keyu ma, itibapishi hvto ai vlhpiesa kak a tok oke.

13. Itibapishi li vhleha ma! yakni vt hvchi nukkilli hokma, ik hvchi nukhlakancho kashke.

14. Il itibapishi vhleha ha il i hullo hatuk osh, ai illika ya a kohchvt ai okchaya ya il ona kv il ithanvshke. Kuna hosh itibapishi ha i hullo keyu hokvto, ai illika yo anta hoke.

15. Kuna hosh itibapishi ha i nukkilli kv, hatak vbi yoke: yohmi ka hatak vbi nana hak osh okchayvt bilia yvt anukfoyuka keyu ka hvsh ithanvshke.

16. Pishno pulla hatuk mak o ilap im ilhfiopak a isht pi atobbi tok a ilvppa fehna ak o Chihowa vt pi hullo ka, isht

il akostininchishke: yohmi ka pishno vt il itibapishi vhleha ha pim ilhfiopak a isht il atobba he vlpesa hoke.

17. Amba kuna hosh yakni ilvppa nana isht il ai ykpa vt im asha; yohmi hosh itibapishi hv ilvsha ho pisa kv, yvmak ash i nukhaklo iksho; yohmikma Chihowa i hullo kvto katiohmit ymma anukfoyuka hinla cho?

18. Um vlla chipunta ma! anumpa, micha isunlvsh aiena kak bano ho ishit kiloh it i hullo kashke; amba nan isht ahanta, micha ai ahli mak ashke.

19. Micha ilvppak o nan ai ahli ka ya il ibai achvfa kv isht il akostinichi; mikmvt pi chukvsh a nuktalanlit itikba ya il asha hi oke.

20. Pi chukvsh vt isht pi atokoli hokma, Chihowa ho kak heto pi chukvsh a i shahli, micha nana moma ka ithana hoke.

21. Holitopa vhleha ma! pi chukvsh vt isht pi atokoli keyu hokmno, Chihowa ya il ai nanaiya mak oke.

22. Micha im anumpa vlpisa ya e holitobli, mikmvt nana ka ilapvt ai ahnichi ak o a pi yvmohmi aiena hatuk osh, nana ho il asilhha kv, ymma il ai i habena chatuk oke.

23. Yohmi kv yvmak a hi o, anumpa vlpisa ha pima tok oka, Ushi Chisvs Klaist hohchifo ha pi yimmi cha, it i hulla he aiena ilvppak osh im anumpa vlpisa mak oke.

24. Micha kuna hosh im anumpa vlpisa ya holitobli kv, yvmak o ai ib achvfakma, ilap mvt ymma ai ibai achvfa hoke: micha yvmvt a pi nukfoyuka kv, yvmvt Shilombish pima tok ilvppak o isht il akostinichi hoke.

CHAPTA IV.

Nan ithvnanchi moma kak o i yimma he keyu amba Chihowa im anumpa ho isht imomaka pisa hi a i miha, 1; 7 nana hosh kaniohmi kak o il it i hulla hi a lauachit nan isht miha.

1. HOLITOPA vhleha ma! hopai ilahobi lauvt yakni a atipa hatuk oka, shilombish a uhvlinchit hvchi yimmi

ná; amba Chihowa yak o a minti hokma, nana tukmá, shilombish puta kash imomakachit hvsh pisashke.

2. Ilvppak o Chihowa im Shilombish a isht hvsh akostininchishke; shilombish vt, Chisvs Klaist vt haknip asha hosh vla tok a atokoli hokvto, Chihowa ak o a minti bano hoke.

3. Mikma shilombish vt, Chisvs Klaist vt haknip asha hosh vla tok a atokoli keyu hokvto, Chihowa ak o a minti keyu bano hoke; micha ilvppak osh shilombish Klaist i sanali, yummvt aya hi a hvsh haklo tok a, anonti himonasi kak kia yakni paknaka ya aiasha ka mak oke.

4. Ulla chipunta ma! Chihowa ak o immi hvchia; yohmi hosh yummak ash hvsh imaiyachi tok; hvchishno a a hvchi anukfoyuka kak osh yakni paknaka ya anta kvno i shahli hatuk okvt.

5. Yummak ash ot yakni ak o ai ibai achvfa; yohmi hatuk osh yakni ak o isht anumpuli ma, yakni vt i haponakloshke.

6. Pishno vt Chihowa ak o immi hvpia hoke; kvna hosh Chihowa ya ithana hokmvto, hvpi haponaklo: kvna hosh Chihowa ya immi keyu hokvto, ik hvpi haponakloshke. Ilvppak o shilombish ai ahli, mikmv shilombish na yoshubli aiena ka isht il akostininchishke.

7. Holitopa vhleha ma! nan i hullo vt Chihowa ak o a minti hoka, iloh it i hullashke: micha kvna hosh i hullo hokvt moyumvt Chihowa ak o isht a toba; micha Chihowa ya ithana mak oka.

8. Kvna hosh nan ik i hullokmvt, Chihowa ya ik ithano mak oke. Chihowa ak okvto nan i hullo mak oka.

9. Yummak atuk mak o pishno vt isht pi okchaya hi a Chihowa yvt Ushi achvfa illa yatuk a yakni a auet kanchi tok oka, ilvppak o Chihowa yvt auet hvpi hullo ka isht ai otvni tok oke.

10. Pishno ak osh Chihowa ya il i hullo tok o keyu, amba ilap ak osh pishno a pi hullo cha, na pim ai ashvchika yvt isht vltoba hi a, Ushi a auet kanchi tok ilvppak osh nan i hullo mak oke.

11. Holitopa vñleha ma! Chihowa yvt pi hullo kv̄t yak-ohmi tok okma, pishno ak kia iloh it i hulla he vñhpesa hoke.

12. Hatak achvfa kia nitak nan ash Chihowa ya pisa tok keyushke. Pishno vt iloh it i hullo hokma, Chihowa yvt hvpi anukfoyuka; yohmikma yvma il i hullo kv̄t ai ahli mak oke.

13. Yvmmak okvt imi Shilombish a ai isht pima tok oka, pishno vt yvma il ibai achvfakma, anonti ilap mvt pibai achvfa ka ilvppak o isht il ai akostininchi hoke.

14. Micha pishno vt e pihisa mak osh yakni a okchalinchi a he Iki vt Ushi a auet kanchi tok a atokowa il anohonlishke.

15. Kv̄na hosh Chisvs vt Chihowa ya Ushi yoke, achi hoka, Chihowa ak osh yvma anukfoyuka ma, anonti ilap mvt Chihowa ya anukfoyuka hoke.

16. Mikmvt pishno a Chihowa vt pi hullo ka il akostininchi, micha pi yimmi aiena tok. Chihowa vt nan i hullo hoke: yohmi ka kv̄na hosh nan i hullot ahanta hokvt, Chihowa ak o ai ib anukfuyakma, anonti Chihowa mvt ilap a ai ib anukfoyuka hoke.

17. Nan vñhpisa nitak fehnakma pi nukwaya iksho ka he vt ilvppak o nan il i hullo kv̄t isht ai ahli hoke: ilap vt kaniohmi ka, pishno mvt yvmmak inli ho chohmi hosh yakni ilvpa il asha hokvt.

18. Nan i hullo ka nukshopa hv̄t iksho hoke; amba nan i hullo ahlika yvt nukshopa ha kohchit kanchi yoke; na nukshopa hv̄t issikkopali yoka. Kv̄na hosh nukshompa hokvto nan i hullo kv̄t ai ahli ho keyu mak oke.

19. Ilap ak osh tikba pi hullo tok oka, pishno vt yvma il i hulloshke.

20. Hatak vt Chihowa ya i hullo li, achi hosh anonti itibapishi ha i nukkilli hokmvt, yvmmvt holabi yoke. Itibapishi ha pisa kv̄t ik i hullo kv̄to, anonti katiohmi hosh Chihowa pisa chatuk keyu kv̄t yvma i hulla hinla cho?

21. Kv̄na hosh Chihowa ya i hullo hokvto, itibapishi ma i hullo ak inla he anumpa vñhpisa ilvpa yvmmak osh pima tok oke.

CHAPTA V.

Kvna hosh Chihowa ya i hullo kv̄t i nan v̄lhpisa ma holitobli cha, yv̄mma im v̄lla puta ka i hullo hoke, 1; 7 nan atokowa yv̄t tuchina hosh v̄ba ya aiasha; 8 mikma tuchina makinli hosh aka ya āsha; 9 Chihowa ushi Chis̄vs vt pi okchalinch̄a hinla kv̄t im v̄lhpiesa.

1. KUNA hosh Chis̄vs vt Klaist mak atuk a yimmi hokv̄to, Chihowa ak o isht a toba mak oke; micha na toba-chi tok ash i hullo hokv̄to, moma kv̄t yv̄mma isht a toba tok puta ma i hullo ak inli hoke.

2. Chihowa ya il i hullo, micha im anumpa v̄lhpisa aiena ka e holitobli hokm̄vt, ilv̄ppak o Chihowa im v̄lla v̄hleha h̄a i i hullo kv̄t isht il akostininch̄i hoke.

3. Im anumpa v̄lhpisa ya e holitobli ilv̄ppak osh Chihowa i hullo mak oke; micha im anumpa v̄lhpisa yv̄t a palv̄mmi ka keyu hoke.

4. Kvna hosh Chihowa yak o isht a toba tuk okv̄to, yakni a imaiyachi hoke; micha yakni a nan isht imaiyachi kv̄t nana pi yimmi ka ilv̄ppak oke.

5. Kv̄ta hosh yakni a imaiyach̄i cho? amba Chis̄vs vt Chihowa ya Ushi a yimmi kak o banoshke.

6. Oka, micha issish aiena kak o isht otv̄nit aya tok vt Chis̄vs Klaist ilv̄ppak oke: oka yak o illa keyu; amba oka, micha issish aiena tok. Mikma Shilombish ak osh ai āhli ka mak okv̄t, Shilombish ak osh atokowa ka anoli hoke.

7. Tuchina hosh nan atokoli kv̄to v̄ba ya āsha, Iki, micha Anumpa, mikm̄vt Shilombish Holitopa aiena kak oke; mikm̄vt tuchina ilv̄ppvt achv̄fa hoke.

8. Yohmikma tuchina hosh nan atokoli kv̄t yakni a āsha, Shilombish, micha oka, mikm̄vt issish aienv̄shke; mikm̄vt tuchina ilv̄ppvt ai it im achv̄fa hoke.

9. Hatak osh nana atokoli ka pi yimmi chatuk ma, Chihowa hosh nana atokoli ho kak heto ai i shahli fehna hoke. Chihowa yv̄t nana ai atokoli Ushi ya isht ai anohonli tok ilv̄ppak oke.

10. Kvna hosh Chihowa Ushi ya i yimmi hokvto, nan isht atokowa kvt ilapo inlit anukfoyuka hoke: kvna hosh Chihowa ya ik i yimmo hokvto, Chihowa yvt Ushi a nan isht ai atokowa ka anoli tok a, ik yimmo hokvt, yvmma holabi hoke.

11. Yohmi ka Chihowa yvt ai okchayvt bilia ya pim issa tok ilvppak osh nan atokowa annoa mak oke; mikma ai okchaya ilvppvt Ushi yak o ai in takali hoke.

12. Kvna hosh Ushi vt anukfoyuka hokvto, ai okchaya ya ishi hoke; mikma kvna hosh Chihowa Ushi yvt ik anukfoyuko hokvto, aiokchaya yvt ik im ikshoshke.

13. Chihowa Ushi hohchifo ha yimmi vhleha hvchia hvv ai okchaya bilia yvt hvchin takanli kvv hvsh ithaiyana chi, mikmvv Chihowa Ushi hohchifo ha hvchi yimma chi aiena kak o na yakohmi ka pit hvchi holissochi li hatuk oke.

14. Nana ka ilap nan ai almi ka ya pit ai vlhpesa ho isht ai il im asilhhvchi hokma, pi haponaklo pulla ka ilvppa pi yimmi hoke.

15. Micha nana ho il im asilhha ka, pi haponaklo ka il akostininchi hokmvv, anonti nana ho il im asilhha tuk vt, il eshi kvv il akostininchi mak inlishke.

16. Hatak nana hosh itibapishi hvv nan ashvchi kvv isht ai illa he keyu ho isht ai ashvchika pisa hokmvv, yvmmak ash ot asilhha na isht ai illa he keyu yo isht ai ashvchi tuk vhleha hash yvmmvv ai okchaya ya ima hi oke. Isht ai illa he ai ashvchika yvt takanlishke; yohmi hokvno vba pit isht anumpula hi a ak mihoshke.

17. Nana ai vlhpesa keyu vt aiashvchika yo banoshke; yohmi ka isht ai illa he keyu nan ai ashvchika yvt takanlishke.

18. Kvna hosh Chihowa yak o isht a toba tuk okvto, asbahanchi keyu chatuk a il ithanvshke: amba Chihowa ak o isht a toba tuk okvto achukmalit il apesahanchi chatuk; yohmikma nan okpulo yvmmak ash ot ik halelo chatuk oke.

19. Micha pishno vto Chihowa yak o immi pia; mikma yakni moma kvto ik ai vlhpesa banot talaia ka iloh ithanvshke.

20. Micha Chihowa Ushi vt ula cha, yummak osh nan ai ahli ka mak atuk ash il akostininha chi ka, nan isht akostinichi a pi anukfoki tuk a iloh ithanvshke; yohmi ho pishno vt yummak osh nan ai ahli ka mak atuk Ushi Chisvs Klaist a il ai ibai achvfa hoke. Ilvppak osh Chihowa ai ahli, micha ai okchayvt bilia mak oke.

21. Ulla chipunta ma! na holbvt toba ya hvch ik ai ahalaio kashke. Amen.

CHAN

I HOLISSO A TUKLO HOKE.

Nan isht ai i hullo a kvllot achunancha chi ka ohoyo holitopa, im vlla aiena ka i miha, 1; 10 Klaist im vbanumpa ha isht aya keyu yvt na yoshublichy yoka yvmma hvchik abalaio kashke.

1. **UBANUMPESHI** sipokni yokvt ohoyo vltoka, micha im vlla vhleha aiena ka pit ai okpvchishke, yvmmak ash o vno vt ai ahli hosh i hullo li chatuk; mikmt vno ak bano chatuk keyu; amba nan ai ahli ka akostininchi tuk okvto i hullo ak inli chatuk;

2. Nan ai ahli ka yvt a pi nukfoyuka kvta pi nukfokvtv bilia chi pulla ho yvmohmi hoke.

3. Hvch i hullo li ai ahli mak osh Iki Chihowa, mikmt Iki a Ushi, Chitokaka Chisvs Klaist ita tuklo a mihinti nan isht i kana, mikmt ai i nukhakloka, micha nan isht it i nanaiya aiena kvta hvchi anukfoyuka hi a ahni lishke.

4. Anumpa vlpisa Piki vt pima tok mak o, chim vlla vhleha hvta nan ai ahli ka mak o ai itvnova na pisa li kvta, sa yukpa fehna tuk oke.

5. Yvmohmi ka ohoyo ma! anumpa vlpisa himona nana ho pit chi holissochi li ho keyu: amba vmmona mak inli ho hvpin tonla tok ash iloh it i hulla he yak o chim ai ahni lishke.

6. Micha im anumpa vlpisa yak o ai iakaiyvt il itvnova ilvppak osh nan i hullo mak oke. Ilvppak osh anumpa vlpisa mak oke; vmmona mak inli ho hvsh hahaklo tok vt, yvmmak o hvsh ai itvnova he tuk oke.

7. Na yoshubli laua kvta yakni a atiapa cha, Chisvs Klaist

vt haknip a^{sha} hosh v^{la} tok a atokowa anoli keyushke. Ilvppak osh na yoshubli, micha Klaist i sanali aiena mak oke.

8. Hvsh il apesahanchi pulla na nana ka iloh atahli tuk vt ik hv^p i knio hosh, amba ai vltoba vlpiesa ka iloh ishashke.

9. Kvna hosh ashahanchi cha, Klaist im anumpa anukfoyukvt aya keyu hokvto, Chihowa ya pit ai ibai achvfa ho keyu hoke. Kvna hosh Klaist im anumpa ha afoyukvt aya hokvto, mihi yosh Iki, micha Ushi aiena ka pit ai ibai achvfa hoke.

10. Kanima kv^t ayvt hvchim v^{la} kv^t, anumpa ilvppak o isht aya keyukma, hoyot hvchim aboha ya hvch ik chukowachokmvt, hvch ik ai okpacho kashke.

11. Kvna hosh ymma ai okpvchi hokvto, nan ik vlpeso a yohmi ya pit ahalaia mak oke.

12. Nana ka pit chi holissochi la hi vt laurt a^{sha}; yohmi kv^t holisso tohbi, micha isht holissochi okchi aiena ho isht a pit holissochi la he keyushke; amba nashuka bika it atokowvt anumpulit a pi yukpa fehna chi ka, vno vt ayvt chim ona la chi, vm ahoba hoke.

13. Chitibapishi ohoyo vltoka ya im vlla vhleha hv^t pit chi ai okpvchishke. Amen.

C H A N

I HOLISSO ATUCHINA HOKE.

Kaivs vbanumpa anukfoyuka ka im ahninchit miha, 1; 5 i kanvt hiahni ka im aiokpanchi; 9 Tiotifvs nan akaniohmi kvno vllpesa ik im abno; 12 Temetivs vno ahninchit isht anumpuli.

1. ŪBANUMPESHI sipokni yokvt Kaivs holitopa fehna yvmma ai ahli hosh i hullo li chatuk mak o pit ai okpv-chishke.

2. Holitopa ma! chi haknip vt achukmaka cha, i shahlit ia kvv, chi shilombish vt isht i shahlit ia kak inli ho chohma hi a ahni li kak osh nana moma ka vm i shahlishke.

3. Il itibapishi vhleha hvv ai vla mvt, nan ai ahli ka yvt a chi anukfoyuka cha, nan ai ahli ka ai ish ataya ka atokowa anohonli ka a sa yukpa fehna tok.

4. Na sa yukpa kvv, vm vlla vhleha hvv nan ai ahli ka ya ai itvnowa na haklo li ka vm i shahli kvv iksho.

5. Holitopa ma! il itibapishi vhleha, micha hatak itvnowvt aya aiena ka nana ho ish ai i kaniohmi kvv, ish ai ahli achukma bieka hoke.

6. Yvmmak ash ot, i hullot ish apelahanchi ka, chvch a im a chi atokowvshke; yvmmak oka nowvt aya ka Chihowa aiahni vllpiesa ho pit ai ish apelahanchi hokmvt ish ai vllpiesa he mak oke:

7. Yvmmak okvt yvmma hohchifo pulla hatuk mak o Chentail a nanasi kia ik im ai esho hosh itvnowvt aya hatuk oka.

8. Yohmi hoka pishno vt nan ai ahlika ya pit ai im

apelvchi pia ha *chi* kv̄t, yv̄mma chohmi ka ai okpv̄chit nana il im atahanla he v̄lhpiesa hoke.

9. Chv̄ch *a* pit *i* holissochi li tok; yohmi kia yv̄mma ai *i* shahli b̄v̄nna hosh Tiotlefes yv̄mmak okv̄t ik pim ai okpacho tok oke.

10. Yohmi hoka v̄la li hokm̄v̄t, yv̄mm̄v̄t nana a kaniohmi tuk, anumpa okpulo ka isht a pi achukushpv̄li tuk: mikm̄v̄t yv̄mma illa hokv̄to ik im ono m̄v̄t, anonti il itibapishi v̄hleha *h̄a* ai okpv̄chit nan ik im atahlo m̄v̄t, anonti kanima kv̄to yohma he tuk *a* im alv̄mmit, yv̄mmak ash chv̄ch *a* akocha weli tuk *a* ithaiyana la he mak oke.

11. Holitopa ma! nana kv̄t achukma keyu hokv̄no chik iakaiyo hosh, amba achukma kak ashke. Kv̄na hosh achukma *h̄o* a yohmi hokv̄to, Chihowa yv̄t anukfoyuka hoke, amba kv̄na hosh nan ik achukmo *ȳa* yohmi kv̄to, Chihowa *ȳa* pisa tok keyu mak oke.

12. Hatak moma, micha nana ai *ah̄li* ka fehna aiena kash kia Temetivs *a* annoa achukma ka anolishke; *ah̄li*, micha pishno ak kia yv̄mma ai atokoli kv̄t il anoli ak inlishke; yohmi kv̄t pishno nan il atokoli ka ai *ah̄li* ka hv̄sh ithaiyanv̄shke.

13. Nana ka holissochi la he vt lauv̄t *a*sha hatuk: yohmi kia isht holissochi okchi, micha isht holissochi aiena ak okv̄no isht pit ak *chi* holissocho ka ch̄ishke:

14. Yohmi kia chekosikma chi pisv̄t, nashuka ai it atokov̄v̄t isht chim anumpuli la *chi* ka v̄m ahoba hoke, Nan isht il ai yukpa yv̄t chi anukfoyukashke. Pi kana v̄hleha hv̄t pit chi ai okpv̄chishke. Il it̄i kana v̄hleha *h̄a* hochifo cha, pit ish ai okpv̄chashke. Amen.

CHUTE

I HOLISSO HOKE.

Nan ai yimmika ya a kvllot achunanchit hiela he im abni, 1; 4 nan ithvnanchi ik ai ahlo puta kv̄t ib a chukowa he, yahmi kia yvm̄vt ai ilbusha hi okv̄to im vhl̄taha; 20 Chihowa anukfoyuka yokv̄to shilombish holitopa apelachi pulla, mikm̄vt vbanumpohonli aiena pulla hosh ilap a okchalinchi cha, anonti inla na yoshubli isht a yoshuba tuk̄ puta ma hlakoficha hi oke.

1. CHUTE, Chisvs Klaist in tishu, micha Chemis itibapishi hokvt, Iki Chihowa ya, i holitopa vhleha, micha okchaya he vltoka tok; micha Chisvs Klaist ak atuk pulla kak o ai ahli i yimmit mahaya yvm̄mak o pit i holissochi kv̄t,

2. Isht i nukhaklo yvt hvchimmi hashke, micha isht it̄i nanaiya, micha nan i hullo aiena kv̄t hvchin lauashke.

3. A holitopa vhleha ma! nana ka achunanchi fehna hosh moma isht ai okchaya yak o pit hvchi holissochi la chikm̄vt, hvchi holissochi li kv̄t nana ka hvchi atohnochi la he vm vlpiesa he tuk: yohmi kv̄t vbanumpa ai ahli yvt himonna ma vbanumpuli vhleha hoka im anohowa tok ak o i yimmi aiahli hush mahaya chi kv̄t yichina fehna hosh hvsh hohoyashke.

4. Yohmi ka hatak kaniohmi hokvt ik i nuktahlo fehna ho iba chukowa, yvm̄mak okvt nitak pilla kash o nan ik achukmo ilvppa ai yvmohma he vt im vlpihisa tok: yvm̄vt Chihowa holitobli keyu hokvt, pin Chihowa isht i kana ya havi imma isht ai ihikbi, micha yvm̄mak illa hosh Chito-

kaka Chihowa, micha pi Okchalinchí Chisvs Klaist ash o ik holitoblo hoke.

5. Yvmohmi ka Chitokaka yokvt kanimihchit Echip yak-ni a a kohchit okla ha hlakofichi ha yvt na yimma he keyu vhleha hokeno vbit taiyahli tok; ilvppa himonna ma hvsh ithana hatuk ak inli kia, hvsh ithaiyana he mak o hvchim ai ahni lishke.

6. Micha enchil vhleha hokvt a toba vmmona tok ash inli ai ahanta keyu hosh, amba ilap ai ahanta kash issa tok puta hokeno, ai okhlilika chinto tvli itatakvi isht talakchit bilia hosh nitak chinto nan ai vlhpisa ka ona he im ai ahni hoke.

7. Yohmi ka Sotom, Komolah, micha tvmaha hochito auet i bilika aiena kash osh yvmmak ash o chiyuhmit, hau ai yvmohmi fehna, micha haknip inla ho asitia aiena tok vt nana ka isht ilbvsha he otaiyani mak osh isht i nukkilli luak bilia yo isht ilbvsha hoke.

8. Yvmmak o chiyuhmi hosh holhpokunna liteha vhleha ilvppak kia haknip a litehli, nan i shahli ya kvllakshichi, micha hatak nan vlhtoka holitopa he vlhpiesa kia nan isht ik ahobalot anumpuli hoke.

9. Yohmi ka Mikael, enchil miko yvt nan isht ahullo okpulo ya it im anumpuli kv, Moses, haknip imma yo isht it im anumpunli kia, isht a hofahya he anumpa hoka mihachi kv nukshopa mvt, amba Chitokaka yak osh chim olvbashke, achi tok.

10. Amba ilvppvto nana yakohmi puta ka akostininchi keyu kv, nan isht ik ahobalot isht anumpulishke; yohmi kv nampo a im anukfila iksho yak i chiyuhmit, haknip nan isht ai anushkunna ithana yvmmak puta ho isht il ai okpvnit tahlishe.

11. Yvmvvt i palvmmi mak oke; Ken nana a kaniohmi tok ak o chiyuhmit itvnova hokvt, micha nan isht vlhtoba yak o bvna hosh Belam vt nan ashahanchi tok ak o chiyuhmit, ai yimitvt kvnivt yihlihimpa hatuk osh Koli vt i sanalit anumpohonlit isht illi ha tok a chiyuhmit isht ai okpulo tok.

12. Ilvppak okvt iti hullo impa hvch ibai impakmvt, na

liteha vhleha yosh nukshopa kia ik im iksho hosh il impa-hanchi kv̄t; hoshonti oka iksho yō mahli puta kv̄t kanima isht aya; iti vni bv̄shit, vni iksho puta, hitukla illi, akshish momvt lobahli mak oke:

13. Okhv̄ta chito oka piakv̄chit it ai ih̄ssot, ilap isht aho-fahya yā pokpokit kohonchi; fochik yoshuba puta hoka ai okhlilika chinto yak osh yvm̄mak okv̄no immit bilia he im v̄lh̄pisa hoke.

14. Mihma Enok, Alvm̄ isht ai unchululi ont isht untuklo kak kia, anumpa ilv̄ppa tikbanli anohonli kv̄t, Yakeh! Chitokaka yokv̄t i holitopa vhleha tahlepa sipokni pokoli ka ai itv̄pehvt v̄la kv̄t.

15. Moyuma ka nan im apesvt, Chihowa im antia he keyu yvt Chihowa ik holitoblo hosh nan ai v̄lh̄pesa keyu puta yvm̄ohmit ai asha chatuk, micha nan ashv̄chi Chihowa ik im antio vhleha hv̄t ilap i sanalit anumpa kello anumpohonli chatuk aiena moyuma ka na palv̄mmi ka onocha hi oke.

16. Ilv̄ppak okv̄t ik ahninchot lumasit isht anumpuli vhleha hosh ilap ch̄vk̄sh okpulo nan ahni kak o iakaiya yoke; micha isht ilauata fehna anumpa puta ka itih ha isht anumpohonli kv̄t, ilap nan isht im achukma he, ahni kak osh, hatak nashuka puta ka ahninch̄i yoke.

17. Amba a holitopa vhleha ma! hv̄chishno yv̄to pin Chitokaka Chisvs̄ Klaist im anumpeshi vhleha hv̄t tikba kash anumpa isht hv̄chim anumpohonli tok puta kak o hv̄sh ithaiyanashke:

18. Yohmi kv̄t ont ai ishtaiyopit mahayakma, nan isht ik ahobalo vhleha hv̄t Chihowa ik holitoblo hosh ilap ch̄vk̄sh okpulo nan ahni kak o iakaiya hosh ai asha hi oka, hv̄chim anohonli tok a hv̄sh ithaiyanashke.

19. Ilv̄ppak osh v̄banumpuli iksa ai ah̄li ka il ai i fl̄v̄mmi-chi kv̄t, hakn̄ip nan ahni yō iakaiya hosh, Shilombish Holitopa yvt ik im iksho hoke.

20. Amba a holitopa hv̄chishno yv̄to, Shilombish Holitopa yvt hv̄chi anukfoyuka hosh anumpa ilbv̄sha anumpohonlit, na hv̄chi yimmi holitopa fehna kv̄t hv̄sh il ai ah̄li-chashke;

21. Chihowa ya hvsh i hullo kvv hvsh il achunanchi hosh, Chitokaka Chisvs Klaist okvt hvchi nukhaklo na aiokchayvt bilia ya hvsh ona chi kvv hvsh hohoyashke.

22. Mikmvt yakohmi hoka im ahnit, kaniohmi kvno hvshi nukhaklashke.

23. Micha inla kvno nukshoblit halvllit, luak a a kohchit hvsh hlakofichi kvv, na fohka haknip isht aliteha yak heno hvsh i yuwalashke.

24. Yohmi ka yvmmak osh hvchi halanli ho ik hvch ibetvblo ka he, micha ilap ai o binili holitopa itikba ya anumpa ik achukmo hvchi onvtonla iksho nan isht il aiyukpa chinto ho isht hvchi ona hinla,

25. Pi Okchalinchi Chihowa hopoyuksa kak bieka yvmmak o isht a holitopa, isht a chinto, micha isht a miko, micha nan isht ai ahli aiena kvv himonasi, micha himak a pilla ka immit biliashke. Amen.

UBANUMPESHI CHAN A

NANA KUT IM OTUNI TOK.

CHAPTA I.

Uba nan im otaiyani tok vt teli holisso lakna pula ai o hikia untuklo nan isht vlpisa ho Chan vt chvch untuklo Asia a hiohmaya ka pit i holisso chi tok, 1; 7 Klaist vt minta chi; 14 nan isht im ai ahli holitopa chinto aiena ka anoli.

1. CHISVS Klaist nan isht otvnnichi yvmmak oka Chihowa hvt ima na in chekosikma nana a kaniohmi pulla chi ka, in tishu vhleha ha im otvnnicha hi a tok; atuk o yvmmak ash osh im enchil ak o pit chvffichi hosh in tishu Chan a nan it apesa hosh im anoli tok.

2. Mihi yosh Chihowa im anumpa, mikmvt Chisvs Klaist nan isht im atokowa, micha nana ho pisa tok aiena kvv atokowa anoli tok mak oke.

3. Kvna hosh ilvppa it im anumpohonli, mikma kvna hosh na tikbanli annoa anumpa ilvppa haklo cha, nana hosh a holihiso tuk a holitobli hokvto momvt na yukpvshke; yakohma chi ka ai ona hosi hoka.

4. Chan vt Asia yakni chvch a hiohli untuklo ka pit aiokpvchi; yvmmvv okchayvt ahanta kvv, yvmmak osh okchayvt ahanta tok osh, anonti himak a pilla ka okchayvt ahanta he mak o nan isht i kana, isht it i nanaiya aiena kvv a minti, yvmma im ai o binili holitompa itikba ya a hiel Na shilombish untuklo aiena ka a minti;

5. Micha Nan atokowa anoli ai ahli, mikmvt illi tuk osh

falamvt tani kv̄t illi v̄hleha hak ̄ Uttahpi hosh holitopa i shahli; micha m̄iko yakni pakna ai asha puta i shahli Chisvs Klaist mak ̄ a minti hosh hv̄chi anukfoyakashke. Hvp i hullo cha, na hv̄pim ai ashv̄chika puta hatuk ma ilap im issish ak inli h̄o isht achifvt hv̄p i kashofi cha,

6. Iki Chihowa na holitomp̄a isht im vtta, micha m̄iko ȳo ohminchi hosh pi atokoli tuk mak osh mihi ȳo isht a holitopa, micha nana moma isht imaiya ita tuklo kv̄t immi hosh bilivt biliashke. Amen.

7. Yakeh! hoshonti h̄o il ai eshi hosh minti mak oke; yohmi ka hatak nishkin puta, mikma kv̄na hosh yv̄mma tv̄li halupa isht bahli tok v̄hleha ash kia moyumvt pisa he; yohmikma oklushi puta yakni pakna ai asha tuk vt moyumvt yv̄mmak atuk pulla kak ̄ komuntvt yahaya hi oke; yakohmi mak inlashke. Amen.

8. Chitokaka nan okluha imaiya yvt himak a okchayvt ahanta kv̄t, yv̄mmak osh okchayvt ahanta tok osh, himak a pilla ka okchayvt ahanta he mak osh, Ūno ak osh Alfa, Omeka, ai isht ia v̄mmona, micha ont ai v̄hli aiena sia mak oke, achishke.

9. Chan sia hv̄ch itibapishi, mikmvt na palv̄mmi ka hv̄ch iba pih̄sa sia, micha Chisvs Klaist ap̄ehlichika ibafohka, micha Chisvs vt nuktanlv̄t achunanchi tok a ohmit isht a hv̄ch iba achv̄fa sia hatuk vt, Chihowa im anumpa, micha Chisvs Klaist nan isht im atokowa pulla hatuk mak ̄ yakni tashaiyi Patmos hohchifo h̄o ont anta li tok.

10. Atuk osh Chitokaka i nitak ̄ Shilombish Holitopa yvt si anukfoyuka fehv̄t ahanta li h̄o, v̄m asha ka imma ya nan ola chinto isht p̄ufa ola h̄o chohmi kv̄t,

11. Ūno ak osh Alfa, mikmvt Omeka, v̄mmona, mikmvt ont ishtaiyopi aiena sia mak oke; yohmi hoka nana h̄o ish pih̄sa kv̄t holisso h̄a ish a holissochi cha, Asia yakni chv̄ch a hiohli untuklo Efesvs, micha Smvna, mikmvt Pvkamos, micha Hlaiatila, mikmvt Satis, micha Filatelfia, mikmvt Laotisea aiena ka pit ish pilashke, ahanchi h̄o haklo li tok.

12. Yohmi ma auet v̄m anumpohonli yv̄mmak ash ̄ pisa

la chi hosh pit filema li tok. Yohmi kv̄t pit filema li m̄vt, tv̄li holisso lakna p̄vla ai o hikia untuklo ka pisa li tok:

13. Yohmi ma p̄vla ai o hikia untuklo ymmak ash ik-lv̄ma ya Hatak Ushi ak o holba hosh, anchi vt̄ iyi pilla ona h̄o ai anchi hosh, tv̄li holisso lakna isht vskofv̄chi o chinuko foka ak o isht takchi hosh hikia tok.

14. Mihma noshkobo, micha pashi aiena kv̄t tohbi kv̄t chukfi hishi, micha okti pushi aiena kak o chiyuhmi ma, nishkin vt̄ luak libbi hak o chiyuhmi tok:

15. Yohmi m̄vt iyi yvt malanta kv̄t tv̄li lakna yosh tv̄li abila yo fohkv̄t hullokm̄i tuk mak o chiyuhmi ma, itih ola kv̄t oka chinto fopa h̄o chiyuhmi tok.

16. Mihm̄vt ibbak isht impak imma ya fochik untuklo h̄o isht ieshi tok; mihma itih h̄a bv̄shpo falaia itahlakla halupa yosh a kohcha ma, nashuka yvt shohpakali kv̄t, hv̄shi tom-mi ai ahli tom̄mi chatuk mak o chiyuhmi tok.

17. Yohmi ma ymmak ash o pisa li m̄vt, illi yo choh-mit iyi ituma ya ont sa tula tok. Yohmi ma ibbak isht impak imma ya ishit si umbitepa m̄vt, Ūno ak osh vm̄mona, micha ont ishtaiyopi aiena sia mak oke, ik chi nukshopo kashke.

18. Ūno ak osh okchayvt ahanta sia mak osh, sv̄lli tok nana kia, anonti yakeh! okchayvt sa bilia hoke, Amen: yohmi hosh isht ai illa he, micha shilombish aiasha aiena isht-tiwa ya ieshi li hoke.

19. Nana ish pisa tuk, micha nana kv̄t a kaniohmi, mik-m̄vt himak a pilla h̄o nana kv̄t a kaniohma he puta ka ish holissochashke.

20. Fochik untuklo sv̄bbak isht impak imma alhto h̄o ish pisa kash, micha tv̄li holisso lakna p̄vla ai o hikia puta aiena kash ot nan isht v̄lhpisa kv̄t ilv̄ppak oke. Fochik untuklo kv̄t chv̄ch a hiohli untuklo ka nan isht im v̄tta v̄hleha untuklo kak oke; yohmikma p̄vla ai o hikia untuklo ish pisa kash ot chv̄ch a hiohli untuklo kak oke, vm̄ achi tok.

CHAPTA II.

Efesvs, 1, 8 Smrna, 12 Prkamos, 18 Hlaiafila aiena chvch a hiohli ka vbanumpa isht im vtta puta nana hō pit i holissocha chi ka Chan a im apesa kv̄t, nana kv̄t ai v̄lhpiesa, anonti nana ka ik ai onot aiasha kak a tok.

1. CHUCH Efesvs a hikia nan isht im vtta ya pit ish i holissochashke: Ibbak isht impak imma ya fochik untuklo ka isht ieshi cha, tvli holisso lakna p̄vla ai o hikia untuklo hō iklv̄nna a nohōwa yak osh ilv̄ppa puta ka achishke.

2. Nana ish a kaniohmi puta, nan isht ahantv̄t a chi hoyv-bli, nuktanlv̄t ish achunanchi, mikmv̄t ai v̄lhpiesa keyu v̄hle-ha hā kaniohmit ish im ahninchī keyu, yohmikmv̄t kv̄na kia ilap ak osh vbanumpeshi mak o ile miha hatuk kia, keyu hatuk puta ka imomaka pisv̄t holabi atuk o ish akostininchi:

3. Micha nana kv̄t p̄alv̄mmi ka ish p̄ihisa kia, nuktanlv̄t ish achunanchi, mikmv̄t v̄no sa hohchifo pulla hatuk mak o ish toksahanli mv̄t, ik chi hoyvblo a puta hatuk a chim ithaiyana lishke.

4. Yohmi nana kia v̄mmona ka nan i hullo chi anukfoyu-ka tuk vt chik a lauecho hatuk o, nana ka isht ak chim ahnincho kv̄t v̄m ashv̄shke.

5. Yohmi hoka kanima yō a hikīv̄t ik a lauwot ish ia tuk vt pit anukfihinlit, ish ile kostininchi cha, nan isht ish ai vtta v̄mmona tok ak o ish yvmihchashke: yvmmak keyukma chekosi chim aya likmv̄t, ish ile kostininchi hō keyukma, chi p̄vla ai o hikia ya ishit, a hikia tuk a kanv̄llichī la hi oke.

6. Amba chishno yokv̄to ilv̄ppak o a chi yakohmi hatuk osh, Nikolaitan okla nana a kaniohmi puta ka chik ahnincho ka, yv̄mma v̄no ak kia ak ahninchoshke.

7. Kv̄na hosh haksobish vt i hinli hokv̄to, Shilombish Holitopa yv̄t chvch v̄hleha hā nan im ok ahanchi puta ka haklashke. Kv̄na hosh nana ka imaiyachit a hlopulli hokv̄to, mihi yosh ai-okchaya iti Chihowa i Palatais iklv̄nna hi-kia hatuk ma ai v̄pa hi a ima la hi oke.

8. Mikmv̄t chvch Smrna a hikia nan isht im vtta ya pit

ish i holissochashke. Ummona, micha ont ishtaiyopi aiena, yvmmak osh illi tok vt, okchayvt ahanta mak osh, ilvppa puta ka achishke.

9. Nana ish a kaniohmi puta, mikmvt na palvmmi ish a pihisa puta, micha ilbvsha chim aiena, (yohmi kia nana kvt chin laua ka ithana li,) mikmvt kanima kvt nana ka ik ahobalot anumpulit mihi yo keyu kvt, amba Setan i sinakak mak okak osh, Chu mak o ile mihvt aiasha ka, ithana li hoke.

10. Nana kvt isht chi ai ilbvsha he puta asha ka chik i komunto kashke. Yakeh! hvsh kanima ka hvch imomaka pisa chi ka, Setan vt aboha kvlllo a hvchi apitta he; yohmikma nitak pokoli ho na palvmmi hvsh pisa chi hoke: ai ahlit mahayvt ont chillashke; yohmikma iachuka okchaya yo chima la he mak oke.

11. Kvna hosh haksobish vt i hinli hokvto, Shilombish Holitopa yvt chvch vhleha ha nan im ok ahanchi puta ka haklashke. Kvna hosh nana ka imaiyachit a hlopulli hokvto, ai illi atukla ka ik im a palvmmo ka he mak oke.

12. Mikmvt chvch Pvkamos a hikia nan isht im vtta ya pit ish i holissochashke: Bvshpo falaia itahlakla halupa ishi mak osh ilvppa puta ka achishke.

13. Nana ish a kaniohmi puta, mikmvt kanima yo Setan vt apchlichy yvmmak kia ish ai vtta ka ithana lishke; yohmi kvt sa hohchifo hatuk ma kvlochoit ish ieshi mvt, anonti Antipas yvmmak okvt vm antia ai ahlit atokowa otvninchi yosh hvchi takla ahanta tok a Setan ai vtta yak o ai vbi tok nitak foka kak kia, vno a is sai yimmi tuk vt chik kancho tok a ithana lishke.

14. Yohmi kia na holbvt toba puta isht, aiokpvchi tuk puta ka vpa chi, mikmvt itin lumaka ma yvmohma chi ka, Islrael okla itikba ya isht ai ibetvbi i bohla chi ka Belam vt Balak a im avvchi tok nan vlvchi ilvppa holitobli vhleha yvmmak o ish il a pehlichy hoka, nana ka isht ak chim ahnincho ka achafoa kvt vm ashvshke.

15. Yohmi mvt anonti Nikolaitan okla nana isht ithvnan-

chi yummak oka ak ahnincho chatuk mak o, mihi yo holi-
tobli vhleha yummakma ish il apelihi ak inlishke.

16. Ile kostinichi; yummak keyukma chekosi fehna
chim aya lish, okla yummak oka bushpo falaia svth a
kohcha hatuk ma ont isht itibi la he mak oke.

17. Kuna hosh haksobish vt i hinli hokvto, Shilombish
Holitopa yvt chvch vhleha ha nan ok im ahanchi puta ka
haklashke. Kuna hosh nana ka imaiyachit a hlopulli ho-
kvto, mihi yosh manna lumpoa vpa chi ka ima likmt,
anonti teli tohbi yo ymma hohchifo himona yosh a ho-
lisso, yohmi ka ymma hatak nana hosh ithana he keyu,
amba ishi tuk ak illa hosh akostinichi mak o ima la hi
oke.

18. Anonti chvch Hlaiatila a hikia nan isht im vta ya
pit ish i holissochashke: Chihowa Ushi yummvt nishkin vt
luak libbi ho chiyuhmi ma, iyi mvt teli lakna malanta
achukma ho chiyuhmi mak osh ilvppa puta ka achishke.

19. Nana ish a kaniohmi puta, micha ish i hullo, nan
isht ish ahanta, na chi yimmi, nuktanvt ish achunanchi,
mikmt nana ish a kaniohmi puta, yohmi kvnt ont ishtaiyopi
kak osh tikba ya tok a imaiyachi ka chim ithaiyana lishke.

20. Yohmi nana kia ohoyo Chesebel, yummak okvt ohoyo
hopaii mak o ile miha hosh, yummvt an tishu vhleha ha
nan im avchit, yoshubli na itin lumaka yvmohma he, mik-
mt nana ka na holvt toba yo isht aiokpuchi tuk puta kia
vput ai asha hi a, vhpesa ish im ai ahni hatuk oka, nana ka
isht ak chim ahnincho ka achafoa kvnt vm ashvshke.

21. Yohmi mvt itin lumakvt ahanta chatuk vto ai ile
kostinicha chi ka nitak a ima li tok, nana kia ile kostini-
cha he keyu ki tok.

22. Yohmi hoka yakeh! ymma atuk ma topa pakna yo
pit ai om bohli likmt, ymma itin lumaka yatuk ma na
palvmmi chirio ka onochi la chi hoke; nana a kaniohmi
yatuk puta kvnt ai ile kostinichi ho keyukma.

23. Mikmt ohoyo ymma im vlla vhleha hatuk ma illi
mak o isht ahambi la chi hoke; yohmikma vno ak osh
hatak chukvsh nana ai ahni puta ka afvnalechit ithana sia

hatuk a chvch vhleha puta kvt ithaiyana he mak oke: yohmikma hvchishno hvsh a kaniohmi puta kak o isht ai vlpesa ai yukali mak o hvch ima la hi oke.

24. Yohmi kia hvchishno, micha inla Hlaiatila maya aiena, laua kvt kaniohmi hosh nan vlvchi ilvppak ash ik ahnincho, micha Setan vt im anukfila ont ai vhli mak o, okla miha ka, ik ithano hvchia hokvno na weki inla nana ho hvchi onochi la chi ho keyu, hvchim achi lishke.

25. Amba nana ka hvsh ieshi mashko hatuk okvto, kvllotchit hvsh ishi na vla li hayashke.

26. Yohmikma kvna hosh nana ka imaiyachit, nana kvt yakohma he ahni li ka holioblit im anti vt a hlopulli hokvto, mihi yosh oklushi puta hatuk ma i shahla he mak o, vno a Aki vt vm apesa tok a, chohmichit im apesa la he mak oke:

27. Yohmikma yvmmak ash ot tvli fuli toba ho ieshi hosh yvmma nan im apihisa he; mikma yvmmak atuk mvt shuti tva yosh na tva tuk o bushullit tmoa chatuk a chiyuhma hi oke.

28. Yohmikma yvmmak amo onnahinli fochik a ima la he mak oke.

29. Kvna hosh haksobish vt i hinli hokvto, Shilombish Holitopa yvt chvch vhleha ha nan im ok ahanchi puta ka haklashke.

CHAPTER III.

Satis chvch hikia vbanumpa isht im vta ya nan i miha, 1: 3 ile nukhaglonchit ilekostinicha chi ka i miha: Filatelfia chvch hikia ka nan isht im vta yvto nana ka ahlit achunanchit ahanta ka im ahninch; 15 Laotisea chvch nan isht im vta ya tuk vt libisha keyu, mikmvt kapvsa keyu aiena ha tuk o im alvmmi; 20 Klaist vt okhissa ya hikivt sokoha.

1. MIKMOV chvch-Satis a hikia nan isht im vta ya pit ish i holissochashke. Chihowa imi shilombish untuklo, miha fochik untuklo aiena il ai eshi mak osh ilvppa puta ka achishke: Nana ish a kaniohmi puta, okchaya mak o chi hohchifo ak inli kia, illi yo chia hoka chim ithaiyana lishke.

2. Nana kv̄t ai v̄lhpiesa ahli h̄o Chihowa itikba yā ish a yvmohmi na pisa li keyu hoka, ahah! ish il ai ahni cha, nana kv̄t illi mak o mahaya kia asha moma hatuk okvno ish hlampkohonchashke.

3. Yohmi kv̄t nana ka ish ishi, micha ish haklo aiena tuk vt, ithaiyanvt kv̄llochit ish ieshi cha, ish ile kostininchashke. Amba ahah! chik il ai ahno hok mvno, hukopa nowvt aya h̄o chohmi hosh ant ch̄i kohcha la ch̄i; yohmi ka hv̄shi kannelli nana h̄o ant ch̄i kohcha la ch̄i ka ish ithana hi o keyu hoke.

4. Satis ak okvno holhtina kanomosi kv̄t, yvmmak okvto im ilefoka yā ik litehlo kv̄t, chim ashvshke; yohmi hatuk osh yvmmak okvto yvmmak a he im ai v̄lhpesa hokvt, na fohka tohbi foyuka cha sv̄b ai itvnova he mak oke.

5. Kv̄na hosh nana ka imaiyachit a hlopulli hokvto, mihi yosh nafohka tohbi a fohka he; yohmikma yvmma hohchifo hv̄t ai okchaya holisso a takali tuk a kashofi la he keyu, amba hohchifo h̄a Aki, micha im enchil v̄hleha aiena itikba yā ai anohonli la he mak oke.

6. Kv̄na hosh haksobish i hinli hokvto, Shilombish Holitopa yvt chv̄ch v̄hleha h̄a nan im ok ahanchi puta ka hakhashke.

7. Mikmv̄t chv̄ch Filatelfia a hikia nan isht im vtta yā pit ish i holissochashke: Holitopa, ai ahli mak osh, Lewi im isht tiwa yā ieshi hosh, yvmmv̄t okhishta haya, hatak nana hosh wakvmma he keyu; anonti tiwa haya, hatak nana hosh okhishta he keyu chatuk mak o ilvppa puta ka achishke.

8. Nana ish a kaniohmi puta ka ithana lishke: yakeh! isht hlampko iskv̄tinosi kv̄t chin takanli cha, vm anumpa h̄a ish holitobli mv̄t, sa hohchifo h̄a chik kancho hatuk oka, okhissa yā tiwit chi tikba yā hilechi li: yohmi ka hatak nana hosh yvmmak oka okhishta hi o keyu hoke.

9. Kanima kv̄t mih mak o keyu kv̄t, Chu mak o ile mihvt holabi v̄hleha hv̄t Setan i sinakak atuk a atokolit anoli la ch̄i hoke: yakeh! yvmma puta kash ot chiyi ituma yā ai v̄lv̄t ant aiokpuchi hosh, vno vt ch̄i hullo li hatuk a akostininha hi a im anukfilli la ch̄i hoke.

10. Chishno vt nuktanlv̄t ish achunancha hi chim apesa li tok v̄m anumpa h̄a ish holitobli tuk oka, v̄no ak kia na palv̄m̄mi yv̄mm̄vt yakni pakna asha puta ka imomaka pisa ch̄i mak osh yakni pakna onvtuyula hi oka, hv̄shi kanv̄lli yv̄mma fehna ka chi hlakofibh̄inchi la he oke.

11. Yakeh! chekosi v̄la la ch̄i mak oke: nana ish ish̄i yv̄mm̄ak atuk vt kv̄llochit ish ieshi pulla na iachuka h̄a hatak nana kia ik chim esho kashke.

12. Kv̄na hosh nana ka im̄aiyachit a h̄lopulli hokv̄no mihi ȳo an Chihowa in tempel in ton̄ik o ikbi la he: yohmikma yv̄mm̄ak atuk m̄vt nitak nana ik kohcho ka he mak oke: yohmikma an Chihowa hohchifo, mikm̄vt an Chihowa in tv̄maha chito hohchifo, yv̄mm̄vt Chelusalem himona, an Chihowa ak o minti hosh v̄ba yakni a a kohchvt v̄la hatuk a yv̄mma isht a holissochi la he, mikm̄vt, sa hohchifo himona ma yv̄mm̄ak ash isht a holissochi la hi oke.

13. Kv̄na hosh haksobish vt i hinli hokv̄to, Shilombish Holitopa yvt chv̄ch v̄hleha h̄a nan im ok ahanchi puta ka haklashke.

14. Mikm̄vt chv̄ch Laotisea a hikia nan isht im vtta ȳa pit ish i holissochashke: Amen, Nan atokowa anoli āhli, Chihowa nana ikbi tok a moma in Tikba mak osh ilv̄ppa puta ka achishke.

15. Nana ish a kaniohmi puta ma ithana li ka, chi kapv̄ssa, keyukm̄vt, anonti ik chi lv̄shposhke; yohmi ka chi kapv̄ssa hokm̄a, chi lv̄shpa hokm̄a, nana tuk okbano, ahni lishke.

16. Yohmi kv̄t chi kapv̄ssa keyukm̄vt, anonti ik chi lv̄shpo hosh peh chi libisha v̄mmona hatuk oka, hoitvt sa takha a kohchit chi kanchi la hi oke.

17. Nana kv̄t an laua kv̄t, i shahlit isht ia hatuk osh nana kia sa bv̄nna keyu, ish achi; yohmi cha na palv̄m̄mi p̄h̄isvt chilv̄sha, mieha nana ik chim iksho, chik hoponayo, nipi bano aiena ho kak osh chik ithano hokvt.

18. Nan chin laua ch̄i kv̄t, tv̄li holisso lakna luak isht imomaka p̄isvt v̄lhtaha ȳo v̄no ak o is san chumpa ch̄i, mikm̄vt na fohka ish fohka cha, nipi banot hofahya kv̄t ik chim

iksho ka *chī* kv̄t, vno ak *o* na fohka tohbi *yō* is san chumpa *chī*, micha nishkin ahama ma an chumpv̄t, *chī* nishkin *a* ish ahama cha, ish hoponaya *chī* ka, *chī* miha lishke.

19. Kv̄na hō vno vt *i* hullo li hokv̄to, nana ka im olvbb̄it kostin̄inchi li chatuk: yohmi hoka nana ka amosholi hosh ish ile kostin̄inchashke.

20. Yakeh! okhissa *yā* hikīvt sukoh̄oha lishke: Kv̄na hosh v̄m anumpa hā haklo cha, okhissa *yā* tiwi hokma, iba chukowa lish, ibai impa likma, anonti ilap mvt sv̄bai impa *chī* mak oke.

21. Kv̄na hosh nana ka imaiyachit a hlopulli hokv̄to, mihi yosh, vno vt imaiyachit a hlopulli lish, *Ā*ki *a* awant im ai *o* binili holitompa *yā* a binili li kv̄t, yv̄mmak inli hō chohmit v̄m ai *o* binili holitompa *yā* a binila *chī* ka, im apesa la he mak oke.

22. Kv̄na hosh haksobish vt *i* hinli hokv̄to, Shilombish Holitopa yv̄t chv̄ch v̄hleha hā nan im ok ahanchi puta ka haktashke.

CHAPTĀ IV.

Chihowa im aiasha holitopa vba *yā* Chan vt pisa, 1; 4 hatak tikba pokoli tuklo akucha ushta; 6 nan okchaya kv̄t itikba, olv̄l aiena ka nishkin vt alatowa; 10 aiasha holitopa *o* binili kash *o* hatak tikba v̄hleha hash ot iachuka holitopa *yā* aka bohli cha, aiokpahanchi.

1. NANA kv̄t a yakohmi haya, anonti pit hopokoyo li ma, yakeh! vba shutik *a* okhissa yv̄t tiwa tuk atok: yohmi ma auct sv̄t im anumpuli anumpa v̄mmona haklo li ka, isht pufa *yō* chiyuhmi hosh, Ilv̄ppak *o* oiyā, mikma himak a pilla nana a kaniohma he puta ka chim otv̄n̄inchi lashke, achi tok.

2. Yohmi ma mih-mak inli hō Shilombish Holitopa isht a sa nukfoyuka ma, ai *o* binili holitompa kv̄t vba shutik *a* ai *o* hikia ma, ai *o* binili holitompa yv̄mmak ash achv̄fa kv̄t *o* binili tok.

3. Yohmi ka ai *o* binili holitompa *o* binili yv̄mmak okvt pisa ka tv̄li holitopa chaspa, micha satin aiena kak *o* holba

tok: mihma pisa ka emelal ak o holba hosh hinak bitepuli hvt ai o binili holitompa yash apakfoyupa tok.

4. Yohmi ma ai o binili holitompa yash ai o binili pokoli tuklo akucha ushta hosh hiohliit folubli tok: yohmi ma hatak tikba pokoli tuklo akucha ushta kv̄t na fohka tohbi abehkv̄chi hosh t̄li holisso lakna iachuka h̄o iachukoli hosh ai o binili yash o binohmaya tok.

5. Yohmi ma ai o binili holitompa yash malvtha, hioha ola aiena hosh a kohioncha tok. Mihma ai o binili holitompa yash itikba ya pula luak untuklo, yvm̄vt Chihowa imi Shilombish untuklo mak'oshi h̄eli tok.

6. Yohmi ma ai o binili holitompa itikba ya okh̄vta shohkoali hosh klistal ak o chiyuhmi hosh talaia tok; yohmi ma ai o binili holitompa ai ik̄lv̄na, mik̄mv̄t auet a bilika fullota aiena ka nan okchaya ushta kv̄t itikba, micha im ashaka aiena ka nishkin biek̄v̄t alotowa hosh aiasha tok.

7. Yohmi ka nan okchaya v̄mmona kash ot koi chito yo holba ma, nan okchaya ont atukla kash ot wakushi yo holba ma, nan okchaya ont atuchina kash ot nashuka asha kv̄t hatak nashuka yo holba ma, anonti nan okchaya ont aiusha kash ot ossi h̄ika h̄o holba tok.

8. Mih̄mv̄t nan okchaya ushta hash ot sanah̄chi v̄t i han̄nali aiyuka ma, nishkin biek̄v̄t isht̄ alotowa tok: mih̄mv̄t yvm̄mak ash ot, Holitopa, holitopa, holitopa, Chihowa Chitokaka nana moma imaiya, yvm̄mak osh okchaȳvt ahanta tok osh himak a okchaȳvt ahanta kv̄t, himak a pilla ka okchaȳvt ahanta hi oke, ahanchi kv̄t nitak, ninak aiena ka ik ai yokoposhke.

9. Nan okchaya v̄hleha yvm̄mak ash ot okchaȳvt ahant̄vt biliv̄t bilia yv̄t ai o binili holitompa o binili kash, yak oke im ai ah̄nit, holitoblit, aiokpahanchi ma,

10. Hatak tikba pokoli tuklo akucha ushta kash osh okchaȳvt ahant̄vt biliv̄t bilia yv̄t ai o binili holitompa o binili kash itikba ya ant h̄lipkv̄chit, aiokpahanchi mv̄t, im iachuka hash shoelit ai o binili holitopa itikba ya pit asha-chi mv̄t,

11. Chishno ak osh nan okluha ka ish ikbi tok: micha

chishno nana ish ai ahni ho nana ai asha kv̄t toba tok oka, Chihowa ma! nan isht a holitopa, micha isht ahninch̄i, mikmvt isht chim ai ahli puta kv̄t a chimmi ha he vt chim v̄lhpesa hoke.

CHAPTA V.

Holisso hv̄t nan isht ashana untuklo ho isht ashana ho Chan vt pisa, 1; 9 yv̄mma chukfvlhpoba ushi yv̄mmvt illi tok ak bano hosh wakama hi vt im v̄lhpesa, yohmi hoka hatak tikba v̄hleha hashot yv̄mmak ash o aiokpahanchi; 9 ilap im issish o isht okchalinchi tuk a okla anohonli.

1. YUMOHMI ma a holisso yv̄t anyakaka, mikmvt pakna aiena ka holisso hosh, isht ashana untuklo ho isht ashana hosh ai o binili holitopa o binili ibbak isht impak imma ya foyuka na pisa li tok.

2. Mihma enchil hlampko fehna kv̄t chitolit anumpohonli mvt, Kv̄ta hak osh isht ashana puta hatuk a mokohlich̄i cha, holisso hash tiwa hi vt im v̄lhpiesa cho? achi ho pisa li tok.

3. Yohmi ma v̄ba shutik, micha yakni, mikmvt yakni nutaka aiena ai ahanta kv̄t kv̄na kia holisso yv̄mma tiwa he, mikmvt pisa he ai im v̄lhpiesa aiena kv̄t iksho ki tok.

4. Yohmi ma kv̄na kia holisso hatuk a tiwi cha, it im anumpula he, micha yv̄mma pisa he ai im v̄lhpiesa kv̄t iksho hatuk o, sa nishkin okchi vt mihinti fehna tok.

5. Mihma hatak tikba v̄hleha hash osh achv̄vt, Chi nishkin okchi vt minti ná; yakeh! Koi chito Chuta okla a minti, yv̄mmvt Lewi a minti hakshish filaminchi yak osh isht ashana untuklo kash mokohlich̄i cha, holisso hash tiwa chi kv̄t ont im ai ahli hatuk oke, vm achi tok.

6. Yohmi ma yakeh! ai o binili holitopa, micha nan okchaya ushta, mikmvt hatak tikba v̄hleha aiena ka ai itin takla ya Chukfvlhpobushi vt hikia kv̄t illi tuk a ahoba hosh, lapish vt untuklo cha, nishkin mvt untuklo, yv̄mmvt Chihowa imi shilombish untuklo yakni moyuma ai im aya mak o pisa li tok.

7. Mihmvt yvmmak ash ot minti mvt, ai o binili holi-tompa o binili im ibbak isht impak imma holisso hvt foka tuk ash ant kohchit ishi tok.

8. Mihma yvmmvt holisso ha ant ishi ma, nan okchaya ushta, micha hatak tikba pokoli tuklo akucha ushta kash ot, hap, micha tvli holisso lakna nan ai vlhto yosh na balama alotowa, yvmmvt vbanumpuli puta im anumpa ilbvsha mak osh yohmi ho ishi banot, Chukfvlhpobushi itikba ya okla ont hlipkvchi tok.

9, 10. Micha taloa himona ka okla talohowa kvv, Chishno ak osh chilli hosh oklushi ilaiyuka, im anumpa ilaiyuka puyuta, hatak okla moma a kohchi hosh Chihowa immi e toba chi ka, chishno chim issish ak o isht ish pi chumpa hatuk; yohmi hosh Chihowa ha na holitompa isht imvttta, micha miko vhleha aiena ka ish pikbi tok: atuk o yakni pakna ka a mikot il ai asha chi hoka, Chishno ak osh holisso hash ish ishi cha, isht ashana yash ish tiwa he vt a chim vlpiesa hoke, ahanchi tok.

11. Yohmi ma pit pisa li ma, ai o binili holitompa bilika fullota ka, enchil vhleha laua, mikmvt nan okchaya, micha hatak tikba vhleha aiena ka itih ola bieka ho haklo li tok; yohmi kvv yvmmvt holhtena kvv tahlepa sipokni pokoli banot ia kvv tahlepa sipokni pokoli cha, anonti tahlepa sipokni bano hosh tahlepa sipokni achvfa hosh,

12. Chitolit miha hosh, Chukfvlhpobushi illi tok vt nan isht im ai ahla he, micha nan vha in laua, mikmvt isht a hopoyuksa, micha isht hlampko, mikmvt isht ahninch, micha isht aholitopa, mikmvt isht aiokpanchi aiena ka a chimmi ha he vt chim vlpiesa hoke, ahanchi ho haklo li tok.

13. Yohmi ma vba, micha yakni pakna, mikmvt yakni nutaka, mikmvt okhvta anykaka, nan okchaya aiasha tuk, mikmvt yvmma puta aiasha tuk vt momvt, Ai o binili holi-tompa o binili, micha Chukfvlhpobushi ita tuklo kvv isht ai okpanchi, micha isht ahninch, mikmvt isht a holitopa, mikmvt isht im ai ahli aiena kvv ai immi kvv bilivt biliashke, ahanchi ho haklo li tok.

14. Yohmi ma nan okchaya ushta kash ot Amen, achi tok: mihma hatak tikba pokoli tuklo akucha ushta kash ot aka hlipkvchi cha, okchayvt ahantvt bilivt bilia yash o aiokpahanchi tok.

CHAPTA VI.

Nan ashana kash it iakaiyachit wakamohli; tiwakma nana hosh kaniohmi; nana kv̄t ont ai v̄lhikma kaniohma he anoli.

1. YOHMI ma pisa li h̄o, Chukv̄lh̄pobushi vt holisso isht ashana achvfa kash tiwi tok: mihma hiloha wimimpa h̄o chiyuhmi hosh nan okchaya ushta kash ot achv̄vt, Minti cha, ant pisá, achi h̄o haklo li tok.

2. Mihma yakeh! issuba tohbi ȳo pisa li tok: mihma iti tanampo ish̄i hosh yvmmak ash o o binili; yohmi ma yvmak ash o iachuka ima ma, yvmmak ash ot imaiyachit hlopulla ch̄i kv̄t imaiyahanchit ishit mahaya tok.

3. Atuk o anonti holisso isht ashana atukla kash tiwi ma, nan okchaya atukla kash osh, Minti cha, ant pisá, achi h̄o haklo li tok.

4. Atuk o issuba inla yvmmvt humma yosh kohev̄t ia tok: yohmi ma yvmma o binili kv̄t nanaiya hatuk a yakni pakna ya a mokofit isha ch̄i kv̄t im v̄lhpisa na okla hv̄t ilap b̄ika ya itilicha he mak atok; yohmi ma yvmmak ash o bvshpo falaia chinto h̄o ima tok.

5. Mihma anonti holisso isht ashana ont atuchina kash tiwi ma, nan okchaya atuchina kash osh, Minti cha, ant pisá, achi na haklo li tok; mihma yakeh! issuba lusa ȳo pisa li tok; mihma yvmma o binili kv̄t nan-isht-weki ibbak isht ishi tok.

6. Yohmi ma nan okchaya ushta ai itintakla ya ai anum-pa ola kv̄t, Iskvli achv̄fakma onush isht v̄lhpisa achvfa, mikma iskvli achvfa ka bale vt isht v̄lhpisa tuchinashke; yohmi kia ahah! ish ai ahni cha, alif v̄ni, mikmv̄t oka paki aiena hokvno chik okpano kashke, achi h̄o haklo li tok.

7. Atuk o anonti holisso isht ashana ont ai ushta kash

tiwi ma, nan okchaya ont ai ushta kash osh miha mvt, Minti cha, ant pisá, achi na haklo li tok.

8. Yohmi ma yakeh! issuba hato-lakna yo pisa li tok: mihma Isht-ai-illi hohchifo hosh yvmmak ash o o binili ma, ai okpulo ka ai asha tuk vt pit iakaiya tok. Mihma yvmmak ash ot yakni itakashkoa ont isht ai ushta ka bvshpo falaia, micha na hohchvfo, mikmvt nan-illi, micha nampoa nukshopa puta yakni pakna ai asha aiena kak o isht illicha chi kvt im vlpisa tok.

9. Atuk o holisso isht ashana ont isht tahlapi kash tiwi ma, Chihowa im anumpa pulla, micha nana atokowa anolit ieshi pullvt isht illi tok vhleha shilombish vt alta nutaka ya ai asha na pisa li tok.

10. Mihma yvmmak ash ot, chitolit anumpulit miha mvt, Chitokaka ai ahli holitopa chia hvt pim issish a tok a atobvchi kvt yakni pakna ai asha ka chik im apeso ho, hopaki kvt katiohmi foka chi cho? ahanchi tok.

11. Yohmi ma yvmmak ash o ilefoka tohbi falaia holi-tompa ai yuka ho ima tok: mihma chekosi takla hokvno nukchintot fohvt maya na itibapishi vhleha tishu ilap ai itilauvi puta kak kia, ilap ak atok ak inli ho chohmit illa hi atuk vt, ont ai ahla hi a i miha tok.

12. Mihma holisso isht ashana ont isht hannali kash tiwi ma, yakeh! yakni winakvchi chinto ho pisa li tok: mihma hvshi vt lusa kvt na pashi tvnna yo chiyuhmi ma, hvshininak-aya yvt issish ak o chiyuhmi tok.

13. Yohmi ma vba fochik puta kvt chilofvt akakoha kvt, fik vpi yvt mahli kvlllo fehna ho faiokahanchi na ik ai ono ho vni vt chilofa chatuk ak o chiyuhmi tok.

14. Mihma vba shutik vt ita pahlatvt, a holisso yosh bonuntvt ont taiyahvt kvnia ho chohmit pit kvnia tok: mihma nvnih chaha, micha tashaiyi puta kvt a taloha tuk a a kanvllit taha tok.

15. Mihma miko vhleha yakni pakna ai asha tuk, micha hatak hochitokaka vhleha, mikma hatak nan in laua vhleha, kvpitvni hochito, hatak holi-tompa vhleha, mikmvt hatak yuka, micha hatak yuka keyu puyuta kvt nvnih chaha

puta tvli hochito aiena ka chiluk ai asha tuk a a lumpoa tok.

16. Mihmvt nvnih chaha puta, micha tvli hochito aiena kash o, Auet hvsh pi o kinahli cha, ai o binili holitempa o binili ka i nashuka, micha Chukfvlhpobushi nan isht i nuk-killi aiena hatuk ma pisht hvsh i luhmashke.

17. Himak a nan isht i nukkilli nitak chinto kvv vlvshke; yohmi ka kvta hak osh hikia hinla cho? achi tok.

CHAPTA VII.

Chihowa in tishu vhleha ibitakla ya enchil osh in chunli, 1; 4 Israel isht ai unchululi laua kaniohmi hosh yakohmit nan isht ai in chuwa, 9. Oklushi inla mvt aholhtina iksho hosh in chuwa, ilvppak ashot na tohbi holitopa falaia isht fohkvv aiasha holitopa itikba ya hiohmaya; 14 im anchi vt chukfvlhpobushi im issish o isht ahchifa ha tok.

1. ATUK o ai yvmohmi ha ya, enchil ushta kvv, mahli hvv yakni, micha okhvta, mikmvt iti aiena ka ik o mahlo ka ch i ka, yakni auet a mahli ushta hatuk ma ieshi hosh, yakni achukbeli ushta ka hieli ho pisa li tok.

2. Mihma anonti enchil inla hosh Chihowa okchaya im isht in chuwa ishi hosh hvshi akochaka imma yo vttvt oiyvt minti ho pisa li tok; mihma yvmmak ash osh enchil ushta yakni, micha okhvta aiena okpvna ch i im vlvpisa tuk ash o chitoli hosh pit in tahpvlvt,

3. Yakni, mikmvt okhvta, micha iti puta aiena ka hvch ik okpano ho, hvpin Chihowa in tishu vhleha ibitakla ya iloh in chonli hayashke, ahanchi tok.

4. Atuk o in chuwa tok vhleha holhtina ka haklo li tok: yohmi ma Israel okla isht ai unchululi vhleha moma kvv tahlepa sipokni banot tahlepa achvfa cha, tahlepa sipokni pokoli ushta akucha ushta hosh in chuwa tok.

5. Chuta isht ai unchululi hvv tahlepa sipokni auah tuklo hosh in chuwa tok. Luben isht ai unchululi hvv tahlepa sipokni auah tuklo hosh in chuwa tok: Kat isht ai unchu-
luli hvv tahlepa sipokni auah tuklo hosh in chuwa tok.

6. Ase isht ai unchululi hvt tahlepa sipokni auah tuklo hosh in chuwa tok. Neftalim isht ai unchululi hvt tahlepa sipokni auah tuklo hosh in chuwa tok. Manasses isht ai unchululi hvt tahlepa sipokni auah tuklo hosh in chuwa tok.

7. Simeon isht ai unchululi hvt tahlepa sipokni auah tuklo hosh in chuwa tok. Lefai isht ai unchululi hvt tahlepa sipokni auah tuklo hosh in chuwa tok. Issaka isht ai unchululi hvt tahlepa sipokni auah tuklo hosh in chuwa tok.

8. Sabulon isht ai unchululi hvt tahlepa sipokni auah tuklo hosh in chuwa tok. Chosef isht ai unchululi hvt tahlepa sipokni auah tuklo hosh in chuwa tok. Benchamin isht ai unchululi hvt tahlepa sipokni auah tuklo hosh in chuwa tok.

9. Ilvppvt ai yakohmi haya, anonti yakeh! okla chinto fehna, hatak nana hosh hotehna kvt tahla he keyu mak o, oklushi ilaiyuka, im anumpa ilaiyuka puta yakni pakna ai asha moma ka a minti hosh, ilefoka tohbi falaia holitompa abehkvechi hosh, pam vt ibbak a foyuka ho ai o binili holitompa, micha Chukfvlhpobushi ita tuklo itikba ya hielu ho pisa li tok.

10. Mihma chitolit miha hosh, Hvpin Chihowa ai o binili holitompa o binili kak osh, micha Chukfvlhpobushi ita tuklo kak osh pi okchalunchi tuk mak oke.

11. Mihma enchil vhleha ai o binili holitompa, micha hatak tikba vhleha, mikmvt nan okchaya ushta aiena kash a foluplit hielu tuk vt ai o binili holitompa itikba ya okla oka hlipkvechit Chihowa ha aiokpahanchi mvt,

12. Amen, hvpin Chihowa yvt hopoyuksa, hlampko, micha nan okluha imaiya aiena hoka, yak oke im ai ahnit ahninchit, holitoblichit, il aiokpahanchi na bilivt biliashke, Amen, ahanchi tok.

13. Yohmi ma hatak tikba vhleha hash ot achvvt auet anumpuli mvt, Ilefoka tohbi falaia abehkvechi yakohmi kvt kva ho? micha katima yo okla minti tok oh cho? vm achi tok.

14. Mihma, A shahli ma! yvmak okvno ish ithanvshke, im achi li tok. Mihma, Ilvppa yakohmi kak osh na palvm-

mi chinto h_o asht kohchvt aya hosh, im ilefoka yash Chuk-fvlhpobushi issish o isht achifvt tohbichi tok mak oke.

15. Yohmi hatuk osh Chihowa im ai o binili holitompa itikba ya nitak, micha ninak moyuma ka yvmma in tempel anukaka ya aiokpahanchi hoke: yohmi ka ai o binili holitompa o binili kvv yvmma ai itin takla ya ahanta hi oke.

16. Yohmikma himak a pilla ma ik hohchafo ka he, mikmvt ik itukshilo ka he, mikmvt hvshi vt ik onvtulo ka he, mikmvt kocha lvshpa mvt ik towulhkocho ka hi oke.

17. Chukfvlhpobushi ai o binili holitompa iklvna binili yvmmak osh impvchit, pehlichit oka kvli okchaya hiohli puta ka isht ohona he: yohmikma Chihowa ak osh nishkin okchi puta ma mominchit i kasholichit tahla he mak oke, vm achi tok.

CHAPTA VIII.

Nan ashana ont isht untuklo kash o wakami, 1; 2 isht pufa untuklo h_o enchil untuklo ka ima, 6 ushta kvv olachi ma na palvmmi chinto kvv otvni; 3 enchil achvfa kvv vbanumpuli vhleha vba pit anumpohonli taklak ma tvli holisso lakna alta toba ka na balama pit o bohli.

1. **ATUK** o holisso isht ashana ont isht untuklo kash ti-vi ma, hvshi kvntlli isht vlvpisa iklvna itintakla ka vba aholitopa yvt chullusvt talaia tok.

2. Mihma enchil untuklo Chihowa itikba hielu tuk a pisa li tok: yohmi ma yvmmak ash o isht pufa untuklo h_o ima tok.

3. Mihma enchil inla hosh tvli holisso lakna na-balama ai-vlhto yo sholi kvv, mintit alta ya ant a hikia tok: yohmi kvv vbanumpuli vhleha moyuma kvv vba pit anumpohonlikma ai atakla ma tvli holisso lakna alta toba yvt ai o binili holitompa itikba hikia tuk a ai o huhukma chi ka, na balama laua h_o ima tok.

4. Atuk o na balama ya a shobulli kvv, vbanumpuli vhleha vba pit anumpohonli ka ai itiba fokvt enchil ibbak a kohchvt ia hosh, Chihowa itikba ohona tok.

5. Atuk o enchil ash ot na balama ai vlhto yash ishi cha, alta yak o luak a ai ishit alotuli mvt, aka pit fohobli tok; yohmi ma nan ola, micha hiloha, malvtha, mikmvt yakni winakvchi aiena tok.

6. Mihma enchil untuklo kash ot isht pufa untuklo ka ishi tuk ash, olacha chi kvt il ai atahli tok.

7. Mihma enchil vmmona kash ot olachi ma, hatafo, mikmvt luak, issish it ib vlhto aiena ho yakni a o kanchi tok: mihma iti okchaki moma ka a kashapa ont isht a tuchina kvt luvt taha ma, hvshuk okchaki mvt momvt luvt taha tok.

8. Mihma anonti enchil ont atukla kash ot olachi ma, nv-nih chito yosh luak o isht luhva chiyuhmi hosh okhvta ha pit okatula tok: mihma okhvta a kashapa ont isht atuchina kvt issish o toba tok.

9. Yohmi ma okhvta anukaka nana toba tok puta im ilh-fiopak asha tuk vt, kashapa ont isht atuchina kvt illi tok; mihma peni hochito yatuk vt kashapa ont isht atuchina kvt okpulot taha tok.

10. Mihma anonti enchil ont atuchina kash ot olachi ma, fochik chito yosh pva ho chiyuhmit luhva hosh, vba shutik a a mintit aka ant itola cha, okhina puta kashapa ont isht atuchina, mihmvt kvli a hiohli kashapa ont isht atuchina aiena ka onvtula tok.

11. Yohmi kvt fochik ymma hochifo kvt wumwut achi hatok; yohmi hatuk o oka moyuma ka kashapa ont isht atuchina kvt wumwut o toba tok: mihma oka ak osh takbvt kvnia hatuk oka, hatak vt oka yash o isht illi kvt laua tok.

12. Mihma anonti enchil ont ai ushta kash ot olachi ma, hvshi, hvshi ninak aya, fochik puta aiena kvt koyufa ont isht atuchina hosh ai okpuloka tok; yohmi hatuk osh koyufa ont isht atuchina kvt im okhlili na nitak koyufa ont isht atuchina kvt ik tommo ma, anonti ninak vt mihinli tok.

13. Mihma anonti pit hopokoyo li mvt, enchil achvfa kvt ossi hika ho chiyuhmit vba shutik iklvna ya hlopullit aya mvt, chitolit tahpvlvt, enchil tuchina kash ot himak pilla isht pufa ola inla ka olacha chi kvt asha ka, ymmak osh

ohonla hokvno, hatak yakni pakna asha hatuk vt i Palvmmi, palvmmi, palvmmi chinta chi mak oke, ahanchi ho haklo li tok.

CHAPTA IX.

Enchil ont isht tahlapi kash ot olachi ma, fochik vt aka auet itula ma, yvmmak asho chittuk hofobi ont ataha he iksho isht tiwa ya ima, 1: 2 chiluk ash o tiwi ma hawa puta halambia ho choh mi hosh auet kocha wiha tok; 13 isht pufa isht hannali kash ot ola; 15 mihma enchil ushta talakchi atuk vt i holhtofa.

1. YUMOHMI ma enchil ont isht tahlapi kash ot olachi ma, fochik vt vba shutik ak o a mintit yakni a ant onvtula ho pisa li tok; mihma yvmmak ash o chiluk hofobi ont ai vhl i iksho isht tiwa ya ima tok.

2. Mihma yvmmak ash ot chiluk hofobi ont ai vhl i iksho yash tiwi ma, tvi a bileli chito yo shobullit a kohcha ka, chiyuhmit chiluk hofobi a a shobullit kohoncha tok; mihma chiluk hofobi a a shobullit kohoncha kak o hvshi, micha shutik takla aiena kv isht okhlilit kvnia tok.

3. Yohmi ma hawa puta mvt shobohli ka asht kohchvt, yakni a ai itvnova tok; yohmi ka yvmmak atuk mvt nan okpvna he im vlpisa kv, halambia yakni pakna ai asha kv nan okpvna he im vlpisa tok ak inli ho chiyuhmi tok.

4. Yohmi mvt yakni pakna hvshuk ai asha ka, micha nan okchaki puyuta, mikmvt iti aiena hokvno ik okpano ka chi, amba hatak kaniohmi hosh Chihowa im isht in chuwa yvt in lapanli keyu hatuk ak illa chi ho im vlpisa tok.

5. Yohmi kia yvmmak oka ik illichu ka chi, amba ilvpak ash ot nan i palvmmi kv hvshi tahlapi ka ona chi ho im vlpisa tok; yohmikma hawa vt yvmmak ash o i palvmmichi kv halambia hosh hatak a nvhlikmvt i palvmmichi chatuk a chiyuhmi tok.

6. Mikmvt nitak ymma foyuka hokvno hatak vt illa hi a hohoyo kia, ik ahayucho ka he; micha illi ka ik bvna kia, nan illichu vt i kvnihiya hi oke.

7. Yohmi ma hawa yash osh issuba hosh tvnvp ia chi hosh im vltahvt kvnia chatuk a chiyuhmi tok: mihmvt tvi

holisso lakna holba hō iachuka iachukoli ma, nashuka yvt hatak nashuka yō chiyuhmi tok.

8. Mihmvt pashi vt ohoyo pashi ak o chiyuhmi ma, noti vt koi chito noti yō chiyuhmi tok.

9. Yohmi mvt ikkishi alata puta kvt tvli ikkishi alata holba hō okla ishi tok: mihmvt i sanahechi fopa kvt itichanvli issuba laua shali hō tvnvp itibit ia hosh yihlepvt aya na winihvchi hō chiyuhmi tok.

10. Mihmvt hasimbish vt halambia hasimbish o holba hosh asha hō, nan isht nvhli mvt asha tok; yohmi hosh nan im vllhpisa kvt hvshi tahlapi hō hatak a ilbvshala chi hatok.

11. Mihmvt i miko vt binili tok: yummvt chiluk hofobi ont ai vlli iksho a im enchil mak a tok: yummvt Hebhu anumpa hokma Abatton hohchifo ma, amba Klik anumpa hokvno hohchifo kvt Apolygon oke.

12. Nana palvmmi achvfa kash ot ant ivt kvnia ma, anonti na palvmmi tuklo hosh himmakma mihinta chi oke.

13. Atuk o enchil ont isht hannali kash ot olachi ma, tvli holisso lakna alta Chihowa itikba hikia tuk lapish ushta ka, anumpa ola hvt a kohcha mvt, enchil ont isht hannali kash ot isht pufa ishi hosh hikia kash o,

14. Enchil ushta talakchi yosh okhina chito Euflates a oka asha ka ont ish i hotofashke, im achi hō haklo li tok.

15. Mihma enchil ushta kash ot i holhtofa mvt, hatak puta kashapa ont isht atuchina ka vba chi kvt, hvshi kanvlli achvfa, nitak achvfa, hvshi achvfa, afvmmi achvfa aiena ka im vlltaha tok.

16. Mihma issuba o binilit tvnvp aya holhtina kvt tahlepa sipokni tahlepa tuklo bat tahlepa sipokni achvfa tok: mihma holhtina ka haklo li tok.

17. Mihma nan isht atokowa kvt yakohmi hō pisa li tok; issuba o binili vhleha ilvppak ash ot ikkishi alata yummvt humma, micha okchamali, micha lakna ai itaiyoma aiena hō ieshi tok; mihma issuba noshkobo hvt koi chito noshkobo hō chiyuhmi ma, itakha ya luak shobohli, mikmvt hituk lakna aiena hosh a kohoncha tok.

18. Luak shobohli, mikmvt hituk lakna aiena kvt itakha

ya a kohoncha tuchina ilvppa pulla kak o, hatak moma ka kashapa ont isht atuchina kv̄t isht illi tok.

19. Itakha, mikmvt hasimbish aiena ka nan isht i palvm-micha hi vt im vlhpisa hoke; mihmvt i hasimbish vt nosh-kobo asha kv̄t sinti chilita yo holba hatuk o, ilvppak o nana ka isht okpani yoke.

20. Yohmi kia nan isht ahullo okpulo puta, micha tvli holisso lakna, tvli hvta, mikmvt tvli lakna, tvli, iti aiena naholbvt toba puta, yummvt pisa keyu, micha haklo kia haklo keyu, mikmvt nowa kia nowa keyu aiena ilap ibbak vt ikbi tuk okvno ik aiokpacho ka chi kv̄t, hatak kanimi na palvmmi ilvppa isht ik illo ke tuk okvto yumma i filvmmi ik ile kostinincho kish;

21. Hatak vbi, il isht ahullochi, nan itm lumaka, micha na hukopa aiena ka i filvmmi ik ile kostinincho ki tok oke.

CHAPTA X.

Enchil hlampko kv̄t holisso tiwa yvt ibbak a foyuka ho haiaka, 1; 6 okchaya bilia yummak atuk mak o himak ma nitak vt atakala chi keyu, achi tok; 9 holisso hosh ishi cha vpa chi kv̄t, Chan vt im vlhpisa.

1. YOHMI ma enchil chinto inla yosh hoshonti ho iba-foyuka hosh vba shutik a mintit aka vla na pisa li tok; mihma hinak-bitepuli hosh noshkobo ha apakfoyupa ma, nashuka yvt hvshi yo chiyuhmi ma, anonti iyi yvt luak tonik o chiyuhmi tok.

2. Mihmvt holisso iskv̄tinosi kv̄t wakama yo ibbak a isht ieshi tok; mihmvt iyi isht impak imma ya okhvta ha o hilechi mvt, anonti iyi isht im afv̄bekimma yano yakni ya o hilechi cha,

3. Koi chito woha chatuk a chohmit chitolit tahpvlvt miha tok; atukmvt yummak ash ot tahpula ma, hiloha untuklo kv̄t hilohoha tok.

4. Atuk o hiloha untuklo kash ot hilohoha haya, holissochi la chi hatok; atuk ak o vba aholitopa ya auet anumpa na, Nana yakohmi ka hiloha untuklo kash ot anumpuli tuk

a chik holissocho hosh ish ashanichashke, vm achi na haklo li tok.

5. Yohmi ma enchil yummvt okhvta, micha yakni ita tuklo ka o hikia na pisa li kash, yummak ash ot ibbak a vba shutik pit weli tok.

6. Mihmvt okchayvt ahantvt biliwt bilia, yummak osh vba, micha yumma nana kvv aiasha puta, mikmvt yakni, micha yumma nana kvv aiasha puta, mikmvt okhvta, micha yumma nana kvv aiasha puta aiena ka ikbi tok mih mak o isht a mihvt anumpa kvvlo isht il onochi kvv, nana kvv a yohma he tuk ont ia he keyu ka hi atok;

7. Amba enchil ont isht untuklo im anumpa chi nitak okvno yummak ash ot olachit isht iakma, Chihowa nana ai ahni tuk vt in tishu hopaii vhleha nan im otvninechi tok mak osh ont vltaha chi mak oke.

8. Yohmi ma anumpa yumma vba aholitopa pit a haklo li tok ash ot anonti auct vm anumpuli tok: mihmvt, ia cha, holisso iskvtnosi yummvt tiwa yash enchil, yummvt okhvta, micha yakni ita tuklo ka o hikia ka ibbak foka ka ont ishi, vm achi tok.

9. Mihma enchil ash im ona lish, Holisso iskvtnosi yash et vma, im achi li tok: mihma, Ishi cha, vpvv tahl; yohmikma chikfoka ya takbacha chi hoke, amba chitakha anukaka yano champuli kvv foi bila yo chohma chi hoke, vm achi tok.

10. Yohmi ma enchil ibbak a a kohchit holisso iskvtnosi yash ishi lish, vpvv tahl li tok; mihma satakha anukaka yokvno champuli kvv foi bila yo chohmi tok: yohmi kia isht nanvbi li mak inli ho, sakfoka yash ot takvvt kvnia tok.

11. Mihma yummak ash ot, Hatak oklushi, mikmvt im anumpa ilaiyuka, miko vhleha puta lava ka itikba ya nana ka tikbanli ish ai otvnihincha chi pulla hoke, vm achi tok.

CHAPTER XI.

Vltokowa anoli tuklo hosh nan anohonli, 1; 5 ik umbo ka chi ka vba shutik akamala hi vt im vlpisa; 7 nampoa nukshopa yvt i sanalit

itihibit yvmmak ash vbi; 8 ik hollopo hosh kaha na, 4 nitak ont atuchina cha iklmvt aiena ma tanit okla; 15 isht pufa isht untuklo kashot oia.

1. YUMOHMI ma kushak osh fuli yo holba ho vma tok; mihmvt, Wakaya cha, Chihowa in tempel, micha alta, mikmvt kuna hosh yvmma ai ashvt aiokpahanchi vhleha aiena ma ish apesashke.

2. Yohmi kia apishia, yvmvt tempel a ai ibachufa keyu hoka, yvmmak okvno Chentail okla ho immi hoka, chik ape-so kashke; yohmi ka hvshi pokoli ushta cha tuklot aiena ka tmaha chito holitopa ya iyi pvtha okla isht a hvhlihinch chi hoke.

3. Mikma nan isht ai ahli ka nana vm atokowa ishi tuklo ka ima la chi; mikma mihi yosh pashi tvma na fohka yo foyuka hosh nitak tahlepa sipokni achufa cha, tahlepa tuklo pokoli hannali aiena ka nana ka tikbanli otvnihincha chi hoke.

4. Ilvppak osh Alif iti tuklo, mikmvt pva ai o hikia tuklo aiena kvv yakni pakna in Chihowa itikba hieli mak oke.

5. Yohmi ka hatak nana hosh ilvppa ilbvshali hokma, ilvppak ash itakha ya luak osh a kohcha hosh in tvvp puta hatuk ma isht vpa hoke; yohmi ka hatak nana hosh yvmma ilbvshali hokmvt, nana ai yakohmi mak o illashke.

6. Ilvppak ash osh nan ai atokowa anohonli kvv isht ahanta takla nitak a ik umbo ka chi ka, vba shutik a okshita hi vt ilvppak osh ai im vlvpesa mak oke; mikmvt oka puta ma imaiyvt yvmmak ash o issish o ikba hi vt ai im vlvpesa; mikmvt yvmvt nana ka ik yohmi ahni hokmvt, na palvmi puta ma yakni ya isht ihissa hinla hoke.

7. Yohmi tok kia ilvppak ash ot nana atokowa ishi kash ot ont taiyahli tuk mak o, nampoia nukshopa chiluk hofobi ont ai vhli iksho a kohcha mak osh in tanampit, yvmmak ash imaiyachit vba hi oke.

8. Mihma tmaha chito yvmmak o hvpin Chitokaka yak kia ititaiyukhvna a honahla tok, nan isht it apesa kvv Sotom, micha Echip achi ka hina yvmma illi haknip vt a kaha chi hoke.

9. Mikma okla ilaiyuka im anumpa ilaiyuka, oklushi puta mvt nitak tuchina cha iklnna aiena ka, illi haknip ash pihisa kia, ahollopi ya ik a hollopi, okla ik ai ahno ka hi oke.

10. Yvmohmikma yakni paknaka ai asha tok puta ka hopaii tuklo ilvppak ash osh i palvmmihinchu tuk oka, yakni paknaka ai asha ak inli kv nan isht il im ai yukvvt, na yukpa ikbit mayakmvt, ilap bika nana iti habenvchit ai asha hi oke.

11. Yohmi na nitak tuchina cha iklnna aienakma shilombish okchaya Chihowa ak o a minti hosh yvmmak ash chukowa ma, yvmmak ash ot ilap iyi yosh isht o hinli tok: mihma ilvppa pisa puta tok okvno na nukshopa chinto kv onvtuyula tok.

12. Yohmi ma vba aholitopa a minti anumpa chito ka haklot okla ma, Oiyvt ho minti, auet im ahaya tok. Mihma vba aholitopa ya ia kv hoshonti anukaka mahaya ma, in tvnvp puta tuk vt pihisa tok.

13. Mihma hvshi kanvlli yvmmak inli ho yakni vt winakvchi chito tok; mihma tmaha chito kashapa ont isht pokoli kv kinafa tok; yohmi ma hatak tahlepa sipokni untuklo hosh yakni winakvchi ka ai illi tok; mihma hlakofi tok okvto nukhlakancha mvt, vba aholitopa in Chihowa ya holi-toblichu tok, achi tok.

14. Na palvmmi atukla kash ot ant a yohmi ka, anonti yakeh! na palvmmi atuchina kash ot chekosikma minta chi hoke.

15. Atuk o enchil isht untuklo kash ot olachi tok: mihma anumpa ola chinto kv vba aholitopa ya auet takali kv, Yakni ilvppa apchlichika puta kv hvpin Chitokaka, mikmvt Ushi Klaist ita tuklo im apchlichika yo tobvshke; yohmi hatuk o mihi yosh mikot ahanta na bilivt bilia hi oke.

16. Yohmi ma hatak tikba pokoli tuklo akucha ushta, yvmvvt Chihowa itikba ya ilap im ai o binili o binohlit maya kash osh aka hlipkvchi cha, Chihowa ha aiokpahan-chi mvt,

17. Chitokaka Chihowa nana moma imaiya ma! okchayvt ahanta tok osh, okchayvt ahanta, anonti himak a pilli

ma okchayvt ahanta he chia, yohmi kvt chishno nan isht chim ai ahli chinto ma il ai ishit, mikot ish ahanta hoka, yak oke e chim ai ahnishke, ahanchi tok.

18. Yohmi ka oklushi puta chukesh vt nukhobela tok: mikma nan isht ish i nukkilli yvt vlvshke: mikma illi puta kvt nan im ai vlvpisa chi, mikmvt chin tishu hopaii vlvleha, mikmvt vbanumpuli ahli puta, mikmvt kvna hosh chi hoh-chifo ha i nukshohompa aiena hokvno nan isht vltoba ma ish ai ima chi, mikmvt kvna hosh yakni ya okpvni hokma, yvmma ish ai okpvna chi nitak vt vlvshke.

19. Yohmi ma Chihowa in tempel vt vba aholitopa ya a tiwa tok; mihma in tempel anukaka ya nan it im vlvpisa itombi holitopa kvt otvni tok; mihma malvha, anumpa ola, hiloha, micha yakni winakvchi, mihmvt hatafo chito aiena kvt a takali tok.

CHAPTA XII.

Ohoyo hvt hvshi yo isht foyukvt vlla isha chi nan i palvmmi, 1; 4 sinti chilita humma yosh yvmmak ash itikba hikia kvt im vlla ya isht vpa chi kvt im vlvtaiyaha; 6 vlla yvt in tola mvt, ohoyo hash ot yakni haiaka yo pit maleli; 7 Mikael, micha im enchil aiena kvt nan okpulo sinti chilita yash itihit imaiyachi; 13 sinti chilita yash ot vba mintit aka itola cha, ohoyo hash i tnavhampi tok.

1. YOHMI ma na fehna chinto kvt vba shutik a ai otaiyani kvt, ohoyo hosh hvshi yo foyuka ma, hvshi-ninak-aya yvt iyi nuta yo takali tok, yohmi ma fochik auah tuklo iachuka toba ho iachukoli tok.

2. Mihmvt yvmmak ash ot chakali hatuk osh, vlla itola he nan isht i palvmmi na hotopa tuk vt itola hokbano ahnit, tahpahanla tok.

3. Mihma na fehna inla kvt vba shutik a ai otvni kvt, yakeh! sinti chilita humma chinto hosh, noshkobo hvt im untuklo mvt, anonti in lapish vt pokoli ma, iachuka untuklo kvt noshkobo ha afoyua tok.

4. Mihma i hasimbish vt vba fochik a kashapa ont isht atuchina ka halanlit aka auet fohopli tok; yohmi ma vlla yvt

in tola he ai ona hatuk o, vlla yvt itola mak inli hō isht im vpa chī kv̄t, ohoyo hash itikba sinti chilita yash ot hikia tok.

5. Atuk o yvmmak osh tv̄li fuli yō ieshi hosh okla moma ka imaiyachit nan im apesa chī mak o, ohoyo hash ot vlla nakni yō sholi tok; atuk o im vlla yash o Chihowa, mikmvt im ai o binili holitompa pilla a maya tok.

6. Yohmi ma yakni haiaka kanima yō ai vtta hi o Chihowa yvt ai im atahli tok mak o, ohoyo hash ot pit maleli tok: yvmmak o nitak tahlepa sipokni achv̄fa tahlepa tuklo cha pokoli hannalit aiena ka yvmmak oka okla nan ai im atahanla chī hatok.

7. Mihma vba ya ai it in tanampit ai asha tok: Mikael vt im enchil v̄hleha aiena kv̄t sinti chilita yash itihimbi ma, anonti sinti chilita yash ot yvmmak ash, mikmvt im enchil aiena ka itihimbi kia,

8. Imaiyaichi keyu ki tok; mihmvt ai vtta he nana kia vba ya iksho ki tok.

9. Mihma sinti chilita chinto, sinti sipokni, nan isht ahullo okpulo, micha Setan achi chatuk, yvmmak osh yakni moma ka yoshubli chatuk mak o yvma a kohchi tok, atuk o aka pilla hō yvmmak ash ot pit itola tok; mihma im enchil v̄hleha hash ot apēhvt pit kaha tok.

10. Mihma vba aholitopa ya anumpa ola chinto ka pit a haklo li ma, Himak ano isht ai okchaya, isht hlampko, mikmvt hv̄pin Chihowa im apēhlichika, micha Ushi Klaist nan isht im ai aghi aiena hash ot vlvshke; hv̄p itibapishi v̄hleha i nukkillit na-mihachi yvmmak osh nitak, ninak aiena ka hv̄pin Chihowa itikba ya ai i nukkillit na-mihachi yatuk ash osh aka pit itolvshke, ahanchi tok.

11. Mihmvt Chukfvlhpobushi im issish, mikmvt ilap im anumpa isht atokowa puta hō yvmmak ash okla isht imaiyachi tok; yohmi kia isht ai illa he kia, ilap im ilhfopak a i hullo tok keyu.

12. Yvmohmi hoka vba aholitopa puta, micha yvma ai asha puta hv̄chia ma! ho yukpá, nan isht ahullo okpulo, yvmvt chekosi itintakla hō anta chī kv̄t ithana hosh, nan isht i nukkilli chinto ka il ai eshit hv̄chim v̄la hoka, yakni

pakna, micha okhvta aiena ka ai asha tuk vt nana i palvmmi mak oke.

13. Yohmi ma sinti chilita yash ot aka ya pit itola kv̄t il ithana mvt, ohoyo yvmmak osh vlla nakni ishi kash, ilbv-shahli tok.

14. Mikma ilap ai v̄tta yakni haiaka hikv̄t ia ch̄i ka, ohoyo hash ossi chito sanahchi tuklo h̄o ima tok; yohmi ma yvmmak o afvmmi tuchina iklvnmvt aiena ka sinti chilita yash o itikba ai i filvmm̄it ai ilhpihintashke.

15. Mihma sinti chilita yash ot oka falama ohmi kv̄t oka yo ohoyo hash iakaiyachit ilap itakha a kohchi kv̄t, yvmmvt oka chito yosh yvmmak ash shalit kanima isht ia hi a ahni hatok.

16. Yohmi tok kia yakni vt ohoyo hash apela tok; mih-mvt yakni ash ot ilap itakha ya wakvmmi cha, oka chito yvmma sinti chilita yv̄t ilap itakha ya a kohchi kash isht nanvpli tok.

17. Yohmi ma sinti chilita yash ot ohoyo hash i nukkilli fehna mvt, ivt ohoyo hash isht ai unchululi kaniohmi maya, yvmmvt Chihowa im anumpa v̄lhpisa puta ka holitobli, mik-mvt Chisvs Klaist nan isht im atokowa aiena ka ieshi v̄hleha hash o in tanampi tok.

CHAPTA XIII.

Nampoa nukshopa yvt noshkobo hv̄t untuklo, lapish mvt pokoli hosh okhvta h̄a akohcha tok; mihma yvmmak o sinti chilita yash ot nan ai ahli ima tok, 1; 11 nampoa nukshopa inla yosh yakni a akohcha; 14 nampoa nukshopa tikba ya tuk toba ch̄i ka na holbv̄t toba ya im ahni; 15 yohmi na yvmmak ash o hatak puta kv̄t aiok pahancha ch̄i; 16 mikmvt isht ai in chuwa ch̄i ha tok.

1. YUMOHMI ma okhvta shinuk pakna ya ai o hikia li mvt, nampoa nukshopa achvfa kv̄t okhvta h̄a a koyucha h̄o pisa li ma, noshkobo hv̄t untuklo mvt, lapish vt pokoli, mihma in lapish pakna ya iachuka pokoli ma, anonti Chihowa isht ik ahobalo hohchifo hosh noshkobo h̄a ai o holisso tok.

2. Mihma nampoa nukshopa yemma pisa li kash o koi chikchiki ho holba ma, iyi yvt nita iyi yo chiyuhmi ma, anonti itakha mvt koi chito itakha yo chohmi tok: mihma sinti chilita yash ot nan isht hlampko, micha miko ai o binili, mikmvt nan isht im ai ahli aiena ka yvmmak ash o ima tok.

3. Yohmi ma yemma noshkobo achufa kamo nvhlvt isht illa hi o chiyuhmi tok; atuk ak osh nvhlvt isht illa he kash ot hlakofi tok; mihma nampoa nukshopa hash o yakni moma kv, okokko! ai ahnit iakaiya tok.

4. Yvmohmi mvt sinti chilita yvmmak osh nampoa nukshopa ya nan isht ai ahli ima hatok oka, okla aiokpahanchi mvt; anonti nampoa nukshopa hash o okla aiokpahanchit, Kvt hosh nampoa nukshopa holba cho? kvta hosh yemma in tanampit ahanta hinla cho?

5. Yohmi ma na chinto fehna, micha nana ka ik ahobalo puta isht anumpula chi ka yvmmak ash o itakha ima tok; yohmi ka hvshi pokoli ushta akucha tuklo ka a moyumvt isht ahanta chi mak osh im vlpisa tok.

6. Yohmi ma yvmmak ash ot itakha ya wakvmmnit, Chihowa ya ik ahobalot isht anumpulit, i hohehifo, micha im vllhtipo, mikmvt vba aholitopa aiasha puta ma ik ahobalot na mihachi tok.

7. Yohmi kv vbanumpuli ahli vhleha in tanampit yvmmak ash o imaiyacha chi kv nan im vlpisa tok; micha hatak oklushi ilaiyuka, mikmvt im anumpa ilaiyuka puta ka imaiyacha chi ka yvmmak ash o nan isht im ai ahli ima tok.

8. Mikma kvna hosh hohehifo hv yakni tobtv a minti tok ai vhli ka vllhtobtv illi tok Chukvllhpobushi i holisso ai-okchaya a holisso tok keyu kv, yakni pakna ai asha moma kv yvmmak ash o aiokpahancha chi hoke.

9. Hatak nana hoh kia haksobish vt i hikiakmvt, ik haklo.

10. Kvna hoh kia inla ya yuka ikbit isht aya hokvto, ilap mvt yuka tobtv aya hi oke; kvna hoh kia inla ya bvshpo falaia yo isht vbi hokvto, ilap mvt bvshpo falaia yo isht

illa hi oke. Ilvppak o vbanumpuli vhleha hvt nuktanlv
achunanchit na yimmi ka isht otaiyani hoke.

11. Yakohmi ma nampoa nukshopa inla kv yakni a auet
a kohcha na pisa li tok; yohmi ka yvmmak ash ot in lapish
vt asha kv Chukvlpobushi ak o holba mvt, anonti sinti
chilita yak o chiyuhmit anumpuli tok.

12. Mikmvt yvmmak ash ot nampoa nukshopa vmmona
isht im ai ahli ash yvma itikba yo isht ahanta hoke; mik-
mvt yakni, micha yvma ai asha pit aiena kv nampoa
vmmona, yvmvt bahvt illit hlakofi tok ash aiokpahancha
chi ka im ahni hoke.

13. Mikmvt yvmmak ash ot na fehna chinto ka yvmihchi;
yohmi hatuk osh yvmmak ash ot luak vt vba mintit hatak
puta itikba yakni a ant onvtuyula chi ka ahni hoke.

14. Yohmi hatuk osh yvmmak ash ot nan im ai ahlit
nampoa nukshopa itikba ya na fehna puta ka a yvmihchi
kak osh yakni pakna ai asha puta ka yoshublihinchit mvt;
bvshpo falaia isht baha tok kia, anonti okchaya tok nampoa
nukshopa yvma na-holbachit okla im ikba chi ka, yakni.
pakna ai asha vhleha ha im ahanchi hoke.

15. Mihmvt nampoa nukshopa holba yash ot anumpuli,
mikmvt laua kv kanihmi hosh nampoa nukshopa holba
yash aiokpvcha hi o keyukmvt, illa hi a aiena ka im ahna hi
oka nampoa nukshopa holba yash ilhfiopak ima hi vt im
vlhpisa hoke.

16. Yohmi kv hochitoka, mikmvt ik a lauwo, nan in
laua, mikmvt ilbvsha, yuka keyu, mikmvt yuka a moyuma
kv ibbak isht impak imma, keyukmvt ibitakla ya in chuwa
hi a yvmmak ash ot im apesa yoke.

17. Yohmikma hatak nana kia nanasi kia chumpa, keyuk-
mvt kancha he keyu mak a tok: amba kvna hosh nampoa
nukshopa isht in chuwa, yvmmak keyukmvt i hohchifo, yv-
mak keyukmvt i hohchifo ha isht a holhtina kv isht ai in
chuwa ak a hi oke.

18. Ilvppak o nan isht ithana yoke. Kvna kia im anuk-
fila isht akostininchit im ashakmvt, nampoa nukshopa isht
im a holhtina ka ik hotehna, yvma hatak vt a hotehna

yoka: yohmi ka yvmma isht im a holhtena kv̄t tahlepa hannali cha pokoli hannali akucha hannali hoke.

CHAPTA XIV.

Chukfvlhpobushi vt ilap ai itapeha itapehvt Saion nv̄nih a hiohmaya,

1. 6 Enchil osh vbanumpa isht anumpuli; 8 Babulon vt akama; 15 yakni pakna nawaya hoiyo; 20 Chihowa nan isht ī nukkilli oka paki toba ya itahobi.

1. YAKOHMI ma hopokoyo li ma, anonti yakeh! Chukfvlhpobushi ash osh Saion nv̄nih ha o hikia ma, tahlepa sipokni bat tahlepa achvfa cha pokoli ushta akucha ushta kv̄t, yvmma Iki ī hohchifo hv̄t ibitakla ai o holisso hosh yvmmak ash o apeha tok.

2. Yohmi ma vba aholitopa ya auet anumpuli ka oka laua fopa, mikmvt hioha chinto ola chiyuhmi ho haklo li tok: mikma hap olachi vhleha hv̄t ilap ī hap ai olahanchi na ola ka haklo li tok.

3. Yohmi ma ai o binili holitompa itikba, mikmvt nan okchaya ushta, micha hatak tikba vhleha aiena itikba taloa himona yo okla a talohwa tok; yohmi ka taloa yvmma hatak nana hosh ithvna he keyu ma, amba tahlepa sipokni bat tahlepa achvfa cha pokoli ushta akucha ushta yvmmak o yakni a a kohchit chumpa ak illa tok.

4. Ilvppak ash osh ohoyo nana kia isht a liteha tok keyu vhleha hoke; ohoyo himithoa hatak haleli keyu ho chiyuhmi vhleha hoke. Ilvppak ash osh Chukfvlhpobushi, yvmmvt kanima yo ia hoh kia, iakaiya vhleha mak oke. Ilvppak o hatak puta ai itintakla a kohchit chumpa tok o, Chihowa, micha Chukfvlhpobushi ita tuklo ka immi nawaya vmmona vhleha hoke.

5. Yohmi ka yvmma itakha ya na holabi kia ai otvni chatuk o keyu; Chihowa ai o binili holitompa itikba ya na liteha nana kia ik im iksho vhleha hoka.

6. Yakohmi ma anonti okla, oklushi ilaiyuka, mikmvt hatak im anumpa ilaiyuka moma yakni pakna ai asha tok a

im anumpula *chi* hosh, enchil inla yvt vbanumpa ai ahlit bilia il ai eshi hosh vba shutik iklenna ya hikvt aya mvt,

7. Chitoli hosh mihvt, Chihowa hvt nan ai apesa *chi* hvshi kanvlli vt vla hoka; yvmmak *o* i nukshumpvt ho holitobli; micha yvmmak osh vba shutik, yakni, okhvta, mikmvt kvli hiohli puta aiena ka ikbi tok oka, oh aiokpa-hanchi, ahanchi na pisa li tok.

8. Yohmi ma anonti enchil inla kvt iakaiya mvt, Ilap nan itin lumaka nan isht haksichi oka paki chiyuhmi ho okla moma ka ishkochi tok okvt, Babulon tmaha chito yvmmak ash ot aiokpulokvshke, aiokpuloka mak oke, ahanchi tok.

9. Anonti enchil ont isht atuchina kvv yvmmak ash *o* pit iakaiya mvt, chitoli hosh mihvt, Hatak nana kia nampo a nukshopa, micha yvmma holvvt toba yash aiokpvchi cha, anonti isht in chuwa ma ibitakla, keyukmvt ibbak isht impak imma okma, nana ka isht ai in chuwa hok mak osh,

10. Mihi yosh Chihowa nan isht i nukkilli oka paki yvm-mvt nan itaiyoma keyu hosh, yvmmvvt nan isht i nukhobela isht ishko ya a toshowa mak *o* ai ishka *chi* hoke; yohmik-mvt yvmmak ash ot enchil holitopa vhleha itikba, mikmvt Chukfelpobushi itikba aiena ka luak, micha hituk lakna aiena ho isht ai ilbvsha hi oke, ahanchi tok.

11. Atuk *o* yvmma isht ai ilbvsha shobohli hvt vba ai ihiya kvv bilivt bilia hoke; yohmi ka kvna hosh nampo a nukshopa, micha yvmma holvvt toba yash aiokpahanchi, mikma kvna hosh yvmma i hohchifo isht in chuwa ya isht ai in chuwa hokvto nitak, nirak aiena ka a foha he ik im iksho vhleha hoke.

12. Ilvppak *o* vbanumpuli vhleha hvt nuktanlvvt achu-nanchi ka isht otaiyani hoke; ilvppak *o* Chihowa im anumpa vlvpisa puta holitobli, micha Chisvs i yimmi aiena ka isht otaiyani hoke.

13. Yakohmi ma vba aholitopa ya auct anumpa na haklo li ma, Ish holissochashke, Kvna hoh kia himak a pilla ka Chitokaka ya ibai achvvt illi hokvto na yukpa hoke; ahli yvmmak okvt nana ka isht ahantvt isht boyvbi tok puta ka a mokovvt a foha *chi* hatok, Shilombish Holitopa yvt

achishke; mikma nan-toksvli puta kash ot ilap a iakaiya hoke, vm achi tok.

14. Atuk o anonti yakeh! hoshonti tohbi ka pisa li ma, hoshonti pakna ya hatak Ushi ak o holba hosh o binili cha, tvli holisso lakna iachuka iachukoli mvt, anonti nan isht vlmo halupa fehna ka ibbak isht ieshi tok.

15. Mihma enchil inla yvt tempel a a kohchvt minti mvt, hoshonti o binili yvmmak ash chitolit in tahpvlvt, Nan isht chim vlmo ya fahvmmi na-waya ya vmó; nan ish ma he vvhpesa ka ai ona hoka; micha yakni pakna nan a waya kvv a laknvt tahvshke, im achi tok.

16. Mihma hoshonti o binili yvmmak ash ot nan isht im vlmo ya ishit yakni pakna moma o fahvmmi tok: mihma yakni vt vlmot taha tok.

17. Anonti enchil inla yosh yvmmak kia nan isht vlmo halupa ka ishi hosh, tempel vba aholitopa talaia ka auet a kohchvt minti tok.

18. Mihma enchil inla yvmvvt luak o imaiya hosh alta ya ai vttvt kohchvt minti tok: mihmvt nan isht vlmo halupa ishi yvmmak ash o chitoli hosh in tahpvlvt, Nan isht chim vlmo halupa yash ishi cha, yakni pakna pkvpi ai vnit pokospoa ka tvptulit itahobi; paki vt nuna fehnvt taha hoka, im achi tok.

19. Mihma enchil ash ot nan isht im vlmo yash yakni pit o fahvmmi mvt, yakni pakna pkvpi a ai vmot itahobi cha, Chihowa nan isht i nukkilli ya oka paki atoba chito ya pit fohopli tok.

20. Yohmi ma tmaha chito kochanli ak o oka paki atoba yash o a hvhlichu tok: mihma issish osh oka paki atoba yash a kohoncha kvv, kowi tahlepa tuklo a taiyakla ka cha-ha kvv issuba tvli kapali itih ha kapanli ona hosh talaia tok.

CHAPTA XV.

Enchil untuklo kvv na palvmmi untuklo ishtaiyopi ka, il ai ishi, 1; 3 nampo a nukshopa yash im aiyachi tok vvhleha in tala; 7 koto-bushi untuklo kvv Chihowa nan isht i nukkilli alota.

1. **MIHMA** nan isht atokowa inla yvt isht anukhlakancha he a chinto hq vba aholitopa yq a pisa li ma, enchil untuklo kvv na-palvmmi untuklo ishtaiyopi yvmmak q Chihowa nan isht i nukkilli yvt isht ai ahli mak q ieshi tok.

2. Yohmi ma okhvta shohkoali hosh luak it ieshit talaia chiyuhmi na pisa li tok; mihma nampo a nukshopa, micha yemma holbvt toba, mikmvt isht in chuwa, yvmohmikmvt yemma hohchifo isht aholhtina aiena ka imaiyachi tok vhleha a moyuma hokvto Chihowa i hap ieshi hosh, okhvta shohkoali yash q hiohli tok.

3. Mihmvt Chihowa in tishu Moses im vlhtaloak, micha Chukfulhpobushi im vlhtaloak aiena ka okla talohowa kvv, Chitokaka Chihowa nana moma imaiya, vbanumpuli vhleha i Miko chia ma! nana ish a toksahanli puta ka isht a nukhlakancha he a chinto hoke: yohmi kvv ai vlhpiesa ai ahli yak osh a chim anukfila yoke.

4. Chitokaka ma! Chishno ak bano hosh chi holitopa hoka, kvvta hosh ik chi nukshohompot, chi hohchifo ha ik holitoblecho ka chi cho? ai vlhpiesa na palvmmi ish onochi hatuk a otvni hoka, oklushi moma kvv chi tikba ya ai vltv chi aiokpahancha hi oke, ahanchi tok.

5. Yakohmi ha ya anonti hopokoyo li tok; mihma yakeh! nan isht atokowa vlhtipo in tempel vt vba aholitopa ya a tiwa tok.

6. Yohmi ma enchil untuklo kvv na palvmmi untuklo kash ieshi hosh, linen kashofa tohbi yq foyuka mvt, anonti tvli holisso lakna isht vskofvchi toba hq chunuko ya isht vskofaiyachi hosh, tempel ash auet a kohcha tok.

7. Yohmi ma nan okchaya ushta kash ot achvvt Chihowa, yvmmvt okchayvt anta kvv bilivt bilia nan isht i nukkilli ya tvli holisso lakna kotobushi untuklo alotowa hq enchil untuklo kash ima tok.

8. Yohmi ma Chihowa nan isht im aholitopa, mikmvt nan isht im ai ahli a minti shobohli hq tempel ash osh isht alotowa tok; yohmi ka enchil untuklo nan isht im a palvmmi untuklo kash ot ont ik ai ahlo kisha hokvno hatak nana kia tempel ash a chukowa he keyu hatok.

CHAPTA XVI.

Nan isht i nukkilli kotabushi alota kash o enchil vt fohopli, 1; 6 mihma na palvmmi hosh aya; 15 hukopa yo chohmit Klaist vt vla chi; mikma kvna hosh okchvt hohoyo tuk okvto na yukpa he.

1. YUMOHMI ma anumpa ola chinto kvtempel a auet a kohcha kvtempel, Oh ia cha, Chihowa nan isht i nukkilli kotobushi ai vlhto kash yakni pakna oh ai o fohopli, enchil untuklo kash im ahanchi na haklo li tok.

2. Mihma vmmona kash ot ia mvt, ilap i kotobushi vlhto kash yakni ont o fohopli tok; mihma kvna hosh nampoanukshopa isht in chuwa ya isht ai in chuwa tok, mikmvt kvna hosh yvmma holbvt toba ya aiokpahanchi tok hatak puta kash o hichi okchushba nan okpunlo kvtempuyula tok.

3. Anonti enchil atukla kash ot ilap i kotobushi vlhto kash okhvta ont o fohopli tok; mihma hatak illi im issish o chohmit toba na nan okchaya okhvta ai asha tuk vt moyumvt illit taha tok.

4. Anonti enchil atuchina kash ot ilap i kotobushi vlhto kash okhina, mikmvt kvli puta ka o fohopli tok; mihma yvmmak ash ot issish o toba tok.

5. Yohmi ma oka puta ka im enchil osh okchayvt ish ahanta kvtempel, okchayvt ish ahanta tok osh, anonti okchayvt ish ahanta hi osh nana ka yakohmichit ish apesa hoka, Chitokaka ma! nan ai vlhpiesa chia hoke.

6. Yvmmak okvt vbanumpuli vhleha, mikmvt hopaii vhleha aiena im issish a hlatahambli tok okvt, ilap mvt, ai i yvmohma he vlhpesa mak o, ishka chi ka issish o ish ihimvshke, achi ho haklo li tok.

7. Anonti inla kvtempel alta ya auet a kohcha kvtempel, Ik yvmohmi mvhli, Chitokaka Chihowa nana moma imaiya ma! nan ai ahli ai vlhpesa kak o ish apesa yoke, achi ho haklo li tok.

8. Anonti enchil ont ai ushta kash ot ilap i kotobushi vlhto kash hvshi yo o fohopli tok: mihma hatak puta ka

luak o isht towulhkocha chi ka yummak ash o nan isht ai ahli yosh im vlhpisa tok.

9. Atuk o hatak puta kash ot na lvshpa chinto ka isht towulhko mvt, Chihowa, yummak osh na palvmmi ilvppa puta ka i shahli yatuk a i hohchifo ha ik ahobalot na miha-chi tok; mihmvt yummak ash o holitoblichia hi atok vt okla ik ile kostinincho ki tok.

10. Yohmi ma enchil ont isht tahlapi kash ot ilap i kotobushi vlhto kash nampo a nukshopa yash im ai o binili o fohopli tok; mihma yvmma im apchlichika ya ai okhlili kv kunia ma, nan anukhahvmi hokvt, isunlvsh atuk a okla ahampa tok.

11. Mihmvt hichi okchushbvt hotohompa hokvt, ilap nana a kanihmi tok puta ka okla ai ile kostininchi keyu mvt, vba aholitopa in Chihowa yak o ik ahobalot na miha-hanchi tok.

12. Anonti enchil ont isht hannali kash ot ilap i kotobushi vlhto kash okhina chito Eufates a o fohopli tok; mihma hvshi a kochaka miko vhleha im ataya yvt vlhtaha chi mak o, oka yvmma foyuka tuk vt shilvt taha tok.

13. Yvmohmi ma shilombish ik kashofo tuchina kv hatonlvbi ho holba hosh sinti chilita itakha, mikmvt nampo a nukshopa itakha, micha hopai ilahobi itakha aiena kash akohcha na pisa li tok.

14. Yummak okvt nan isht ahullo okpulo imi shilombish vhleha hatuk osh, nafehna puta ka yvmihinchi mvt, Chihowa nana moma imaiya i nitak a chintokma ai itiba chi mak o itvnala chi hosh, miko vhleha yakni moma ai asha ka ivt im ohonvshke.

15. Yakeh! hukopa yo chiyuhmit vla lishke; isht a hofahya ka okla pisa hinla ka, nipi banot ik ayo ka chi kv, kvna hosh okchvt ahah! ahnt ilap imi nafohka puta ka ilatomba hokvto nayukpvshke.

16. Yohmi ma Heblu anumpa hv Amaketton achi yvmak o ai itahobit tahli tok.

17. Yvmohmi ma enchil ont isht untuklo kash ot ilap i kotobushi vlhto kash vba shutik takla yak o a fohopli tok;

mihma anumpa ola chinto kv̄t ai ǝ binili holitomp̄a yak ǝ a minti hosh v̄ba aholitopa in tempel ǝ auet a kohcha mvt, Ulhtaiyahvshke, achi tok.

18. Yohmi ma nan ola, hiloha, mikmvt malvtha puta aiena kv̄t yvmmak ash ǝ a takali tok: yohmi ma yakni winnakv̄chi chinto atampa, yvmma chohmi kv̄t hatak vt yakni pakna ai v̄tta tok taiyakla ka iksho chatuk vt, yakni winnakv̄chi chinto kv̄t ituyula tok.

19. Yohmi ma tmaha chito yash ot itakv̄shkovt kashapa tuchina ma, anonti oklushi in tmaha puta hatuk vt aiokpuloka tok; yohmi ma Chihowa hv̄t ilap nan isht ī nukkilli kello chinto oka p̄aki isht ishko v̄lhto ka ima ch̄i kv̄t Babulon chito ash ithah̄ana tok.

20. Mihma tishaiyi yvt momvt atoshowa tok osh iksho ma, anonti nv̄nih hochito puta hatuk mvt ik otaiyano ki tok.

21. Yvmohmi ma hatafo chinto kv̄t v̄ba shutik a minti hosh, weki kv̄t talent achv̄fa foka aiyuka hosh hatak puta ka onvtuyula tok; yohmi ma hatafo nan isht palvmmi pulla hatuk mak ǝ, hatak puta, kv̄t Chihowa h̄a ik ahobalot namihahanchi tok, yvmma nan isht palvmmi kv̄t chinto hoka.

CHAPTA XVII.

Ohoyo hv̄t natishipa humma lapushki yǝ foyuka mvt, tv̄li hv̄ta lakna isht ishko toba h̄o ieshi hosh nampo a nukshopa yash pakna, yvm mvt Babulon mak ǝ ǝ binili, 1; 5 noshkobo untuklo kv̄t nana ka anoli; 12 mikmvt lapish pokoli kv̄t nana hatuk aiena kv̄t annoa, ohoyo havi yashot nan ī palvmmi; 14 chukv̄lhpobushi vt nan im aiyachi.

1. YVMOHMI ma enchil untuklo, yvmmvt kotobushi untuklo ieshi tok v̄hleha hash achv̄vt ant vm anumpuli mvt, olehma minti; havi chinto yvmmvt oka l̄awa pakna ǝ binili;

2. Yvmmak ǝ miko puta yakni pakna ai asha kv̄t isht itin lumaka tok; yohmi ma ilap nan itin lumaka oka p̄aki ǝ yakni pakna ai asha v̄hleha hv̄t ishkot ik haks̄i im ahni tok,

yummvt nan isht i palvmmi im vllhpisa ka chim otvnnichi la chi hoke, vm achi tok.

3. Yohmi ma shilombish si anukfoka ho yvmmak ash ot ishit yakni haiaka vsht ona tok: mihma nampoa nukshopa humma hosh nana ka ik ahobalot miha hohchifo ho isht alotowa mvt, noshkobo untuklo cha, anonti lapish mvt pokoli ho ohoyo hosh o binili ho pisa li tok.

4. Yvmohmi ma ohoyo hash ot na hummakbi mikmvt na tishepa na fohka hosh tvli holisso lakna, tvli holitopa puta, mikmvt pvl aiena ka isht a shema ho foyuka mvt, ilap itip lumaka isht a liteha na yuwalvchi puta kvv tvli holisso lakna isht ishko yo alotowa hosh ibbak a foyuka tok.

5. Yvmohmi ma, NAN IK OTANO, NA CHINTO BABULON, HAVI PUTA, MIKMVT YAKNI PAKNA A YUWALVCHI PUTA ISHKL, hohchifo hosh yvmma ibitakla ya a holisso hatok.

6. Yohmi ma ohoyo hash ot vbanumpuli vhleha im issish, mikmvt Chisus isht im atokowa kak o isht illi tok vhleha im issish aiena ka ishkot haksi na pisa li tok; mikmvt pisa li mvt, sa nukhlakancha mvt, okokko! ai ahni li fehna tok.

7. Atuk o enchil ash ot, Nanta katiohmi ho chi nukhlakancha tuk oh cho? ohoyo hash, micha nampoa nukshopa yash ot, yummvt ohoyo ha isht aya kvv, noshkobo hvv untuklo mvt, anonti lapish mvt pokoli ka nan isht ik im otano ka chim anoli lashke.

8. Nampoa nukshopa yash, yvmma ish pisa tuk a anta tuk osh, anonti ikshoshke; yohmi kia yummvt chiluk hofobi ai vlli iksho a auct a kohcha chi hoke; mikmvt aiokpuloka ont chukowa chi hoke: mikma yakni pakna ai asha puta kvv, kva hosh i hohchifo hvv yakni toba tok taiyakla ka holisso ai okchaya ya a holisso tok keyukmvt, nampoa nukshopa, yummvt anta tok osh, anonti iksho kia, anonti anta ak inli ka okla pisakmvt, nukhlakancha chi hoke.

9. Yohmi ka ilvppak o nan ithana anukfoka kak osh akostininchishke. Noshkobo untuklo kvv nvni hohchito untuklo mak o yvmma pakna ya ohoyo hash ot o binili hoke.

10. Mikma miko untuklo kvv ai asha ka, tahlapi hosh ik-

sho ma, achvfa kvto anta, mikma achvfa kvto ik lo kisha hoke; mikmvt kaniohmi hō yvmmvt vla hokmvt, chekosi ai itin takla hō anta chī hoke.

11. Anonti nampoa nukshopa yash ot, yvmmvt anta tok osh, anonti iksho kv, yvmmak ash kia isht untuchina kv, isht untuklo kak o ibai achvfa hosh aiokpuloka ya pit a chukowa mak oke.

12. Mihma lapish pokoli hō ish pisa tuk ash miko pokoli hoke; yvmmvt apehlichika ik im iksho kisha hoke; yohmi kia miko vhleha chohmit hvshi kanvlli achvfa ka nampoa nukshopa yash ibai achvft nan isht ai ahli yvt im vlpisa hoke.

13. Ilvppak ash ot, im anukfila hvt achvfa cha, anonti ilap nan isht im ai ahli, mikmvt im ile hlampko ita tuklo ka nampoa nukshopa yash ima chī mak oke.

14. Mikmvt ilvppak ash ot Chukvlpobushi ya itinta-nampa chī, mikma yvmmak okvt chitokaka vhleha in Chitokaka, micha miko vhleha i Miko yokvt Chukvlpobushi yash ot yvmmak ash o imaiyacha chī hoke; yohmi ka kvna hosh yvmma ai ibachvfa hokvto vltoka, mikmvt ai ahli, micha holitopa mak oke, vm achi tok.

15. Mihmvt oka puta yvmma ish pisa tuk a, haui yash osh yvmma o binili ka, hatak okla chinto, oklushi puta im anumpa ilaiyuka mak oke.

16. Mikmvt lapish pokoli, yvmmvt nampoa nukshopa on talohmaya na ish pisa tuk, ilvppak okvto na haui yash i nukkillit, a chukillissvchit nipi banochi cha, nipi a vpa cha, anonti luak a isht hukma hi oke.

17. Chihowa yvt yvmmak ash chukvsh anukfohki na ilap nan ai ahni hō ai ahlichika chī ka im anukfila achvfa hosh ilap im apehlichika yatuk ma nampoa nukshopa yash ihima na Chihowa im anumpa puta kv ont ai ahlik mak a hi oke.

18. Yohmi ka ohoyo yvmma ish pisa tuk vt tmaha chito mak oke, yvmmak osh miko vhleha yakni pakna ai asha ka ai i shahli mak oke, vm achi tok.

CHAPTA XVIII.

Babulon vt akama 1; 4 Chihowa im okla hvt yvmma akocha chi kvt im vllhpisa; 11 yakni pakna a miko vllheha, mikmvt na chumpa, okhvta aya vllheha aiena kvt isht yahaya; 20 Chihowa nan im vllhpisa na palvmmi kvt onvtula hoka, vbanumpuli puta kvt na yukpa.

1. AIYAKOHMI ha ya, anonti enchil inla yvt nan isht ai ahli chinto ieshi hosh, vba a mintit aka vla na pisa li tok: mihma yvmma i shohpakali yo yakni vt isht a tohwikeli tok.

2. Mihma yvmmak ash ot anumpa ola chinto ka isht chitoli fehnvt tahpula mvt, Babulon na-chinto yash ot aiokpulokvshke, aiokpuloka mak oke: yohmi mvt nan isht ahullo okpulo puta im aboha kvlllo, micha shilombish ik kashofo, mikmvt hushi okpulo ik kashofo moma ka in chuka yo toba mak oke.

3. Yvmmvt nan itin lumaka nan isht haksichi oka paki yo okla momvt ishko tok, mihma miko vllheha yakni pakna ai asha kvt yvmma ai itinlumaka tok; mihma na chumpa vllheha yakni pakna ai asha kvt, nan ilimpa hochukma in laua kak o nan in laua toba tok oka, ahanchi tok.

4. Anonti anumpa ola inla yvt vba aholitopa ya a minti mvt, Vm okla hvchia mvt, yvmma nan im ai ashvchi puta ka, mikmvt na-palvmmi im vllhpisa puta ka hvch ik ibai esho ka chi kvt, yvmma a kohchvt ho minti.

5. Yvmma nan im ai ashvchika puta kvt vba shutik a ont a bikeli hatuk o, Chihowa hvt, yvmmvt nan ik ai vllhpeso puta ka ithaiyana tok oke.

6. Nana ka hvchi yvmihchi tok mak o chohmichit oh i yvmihchi; mikmvt nana ka a yvmihchi tok a vlbta ho apesvt oh im vlbitelichi; isht ishko yvmma alotoli ka, ilap ma vlbitelit oh im alotoli.

7. Ilap inli ile holitoblichi kvt, mihma nan ilimpa cham-puli isht il ai atahlit, impvt anta kvt kaniohmi hatuk okma, yvmma chohmichit na palvmmi, na-nukhaklo aiena ka oh

imá; I hatak illi sia keyu, yohmi kv̄t na-nukh̄aklo pisa la ch̄i keyu, ohoyo m̄iko sia hosh binili li, ilap ch̄ukvsh an̄-kaka achi hoka.

8. Yohmi hoka na palv̄m̄mi puta, nan illi, yaiya, mik̄m̄vt hohchefo aiena kv̄t nitak ach̄efa ka im aya ch̄i; mik̄m̄vt yvm̄mak ash ot luak o isht hullukmit taiyaha ch̄i hoke; Chitokaka Chihowa hv̄t hlampko hokv̄t, yvm̄mak ash nan im apesv̄t i palv̄mmichishke.

9. Yohmikma m̄iko v̄hleha yakni pakna ai asha kv̄t yvm̄ma ai itin lum̄akv̄t, nan ilimpa champuli ai it atahlit imp̄vt ai asha tuk vt, yvm̄m̄vt luh̄ȳv̄vt shobulli ka okla pisa cha isht yahayv̄t, nishkin okchi mihinti m̄vt,

10. Yvm̄m̄vt nan isht i palv̄m̄mi ka nukshopa hatuk osh, auet i mishema h̄o hiohm̄ayv̄t Ikikkeh! ikikkeh! t̄maha chito, Babulon t̄maha chinto kv̄llo atampa, yvm̄m̄vt hv̄shi kanv̄lli ach̄efa mak inli h̄o nan isht palv̄m̄mi chim v̄lhpisa kv̄t chim ayv̄shke.

11. Nan itatoba yakni paknaka ai asha kv̄t yvm̄mak ash o nan isht nukh̄aklot nishkin okchi mihinti tok; ilap im v̄lh-poyak a himak a pilla ma kv̄na kia ik in chumpo hoka;

12. Tv̄li holisso lakna, micha tv̄li hv̄ta, micha tv̄li holitopa, pvl, linen lapushki, nahummakbi, silk, na-tishepa, mik̄m̄vt iti sitlon moma, mik̄m̄vt aifoli, nan ai v̄lhto ilaiyuka moma, mik̄m̄vt iti holitopa fehna nan ai v̄lhto ilaiyuka moma, micha tv̄li lakna, tv̄li, mav̄l aiena nan ai v̄lhto ilaiyuka moma atoba;

13. Mik̄m̄vt sinnamon, na balama, nan ahama, micha filakinsen, oka paki, na bila, bota tohbi achukma, onush, mik̄m̄vt nampoa puta chukfv̄lhpoba, issuba, micha itichanv̄li, yuka, hatak shilombish puta aiena kash o kv̄na kia ik in chumposhke.

14. Nan vn̄it waya puta yvm̄mak o chi ch̄ukvsh vt anushkunna tuk ash a chim afilev̄m̄mi; mihma nana moma na champonli, micha na shohwalv̄shli aiena tuk ash ot a chim okpulo; yohmi kv̄t himak a pilla ma yvm̄mak ash ish ahayucha ch̄i keyu kamohmi hoke.

15. Nana ilv̄ppa puta kash nan itatoba, yvm̄mak okv̄t

yummak o nan isht ai in laua tok vt, yummvt i palvmmi ka nukshopa hatuk osh, auet i mishemanchit hiohmayat isht nukhaklot nishkin okchi mihintit,

16. Ikikkeh! ikikkeh! tmaha chito yummak amo! yummak okvt linen lapushki, micha na-hummakbi, micha na ti-shepa aiena ka isht ai im ai vlhtaha, yohmi kvv tvli holisso lakna, micha tvli holitopa puta pvl aiena ho isht a shema tok amo!

17. Nan laua chinto yakohmi kash ot hvshi kanvlli achvfa ho ont aiokpulokvt kvnia hoka, ahanchi tok. Yohmi ma peni chito isht aya apesvchi aiyyuka, micha peni chito ai asha yatuk moma, micha a toksvli aiena, mikmvv okhvta nan ai itatoba yatuk vt momvt auet i mishemanchit hiohmayvt,

18. Yummvt luhuvvt shobulli ka okla pisa mvt, tahpvt, Nanta hosh tmaha chito ilvppa chiyuhmi cho? ahanchi tok.

19. Mihmvv hituk chubbi okla ishit noshkobo il o fohopli mvt, tahpvt, nishkin okchi mihintit yahaya hosh Ikikkeh! ikikkeh! tmaha chito yummak amo! yummvt nan isht il ahayuchit, nan isht shema ai vlli hochito puta ka chumpa hatuk mak o, okhvta pakna peni im a takohli maya moma kvv nan in laua yo toba kvmo! hvshi kanvlli achvfa ma yummak ash ot a chukillissvt kvvishke, ahanchi tok.

20. Uba a holitopa chia ma! vbanumpeshi holitopa, micha hopaii holitopa hvchia ma! Chihowa yvt yummak ash nan im apesvt i palvminchi hokvt hvchi atobvchi hoka, nan isht il oh aiyyupá.

21. Yohmi ma enchil chinto yvt tvli na-botoli tvli chito yo chohmi ka ishit, okhvta pit pila ma, yvmma chiyuhmi hosh tmaha chito Babulon vt ai oklvht kinahla chi hoke; mikmvv himak a pilla ma otaiyana he keyu kamohmi hoke.

22. Yvmohmikma hap olachi, micha nan taloa, micha oskula olachi, micha isht pufa olachi aiena nan im ola ka himak a pilla ma a chi a haiyakla he keyu kamohmi; mikma hatak nan imponna nana ho isht ai imponna yatuk kia himak a pilla ma a chi otaiyana he keyu; mikma tvli na botoli kia himak a pilla ma a chi a haiyakla he keyu kamohmi hoke.

23. Mikma pula tohwikeli mvt himak a pilla ma a chi on

tohwikela he keyu ; mikma hatak himona nan itauwaya, mi-
cha ohoyo nan auwaya im anumpa ola himak a pilla ka a
chi a haiyakla he keyu kamohmi hoke : na chin chumpa
vhleha hvt yakni paknaka a hochito kvt maya tok oka ; ik-
hish isht yushpakvmmi isht ish ahanta hatuk mak o, oklushi
moma kvt isht yushpakama hatok, ahanchi tok.

24. Yohmi ma hopaii vhleha, micha vbanumpuli ahli
vhleha, mikmvt yakni paknaka ya ai vbi tok moma im issish
vt yvmma ai otaiyani tok.

CHAPTA XIX.

Ilap im antia puta im issish hlatahampli tuk isht vltoba mak o havi
chinto yash na palvmmi ka im apesa hoka, vba a holitopa ai asha
yvt Chihowa ya aiokpahanchi, 1 ; 7 Chukfvlhpobushi nan im itau-
waya ; 16 ilap okvno aiokpvcha hi a enchil vt ik im ahno ; 17 nan
illi lawa ai asha ka ai vla chi kvt hushi puta kvt im annoa.

1. NANA ilvppvvt ai yakohmi ha ya, hatak laua im anum-
pa ola chinto ka vba aholitopa pit a haklo li ma, Alleluia,
isht ai okchaya, isht a holitopa, isht ahninch, nan isht ai
ahli aiena kvt Chitokaka hvpin Chihowa ya ai immi hoke.

2. Nan apesa kvt ai ahli, micha ai vhlpiesa hoke ; yohmi
kvt havi chinto yash, yvmmvt itin lumaka kak o yakni ya
isht okpaiyani hatuk a, yvmmak ash ot nan im apesvt i pa-
lvmmichi tuk : mihmvt in tishu vhleha im issish yvmma ib-
bak vt hlatahampli tok a ai isht im atobbi tok, ahanchi tok.

3. Atuk o anonti, Alleluia okla achi tok. Mihma yvmma
i shobohli hvt vba ya ihiya na bilivt bilia hoke.

4. Mihma hatak tikba pokoli tuklo akucha ushta, micha
nan okchaya ushta aiena kash ot aka hlipkvchi mvt, Chih-
owa, yvmmvt ai o binili holitopa o binili tuk ash aiokpvchit,
Amen ; Alleluia, ahanchi tok.

5. Mihma anumpa ola hvt ai o binili holitopa ya auet
a kochevt takali kvt, Pin Chihowa ya in tishu vhleha hvchia,
micha kva hosh yvmma i nukshohompa aiena kvt ik alau-
wo, i shahli, a moyuma kvt oh aiokpahanchi, ahanchi tok.

6. Yohmi ma okla chinto im anumpa ola ho chiyuhmi,

mihmvt oka lawa fopa hō chiyuhmi, mihmvt hилоhа chinto ola hō chiyuhmi hō hāiyaklo li ma, Alleluia; Chitokaka Chihowa nana moma imaiya hvt miko yoka.

7. Chukfvlhpobushi vt itauwaya chī nitak vt vla, yohmi ma tekchi ya chī mvt, il ai atahli tuk oka, nan ik hvpi yukpa cha, keho tullī, ahanchi tok.

8. Yohmi ma linen lapushki vt vbanumpuli ahli isht im ai vlhpiesa mak o, linen lapushki kashofa tohbi ka isht il ashemvcha chī kvт, tekchi vt im vlhpisa tok.

9. Yohmi ma, Holissochī, Chukfvlhpobushi im ai itauwaya opiaka impa aya chī kvт kvna hosh im annoa tuk mvt, mihi yosh na yukpa hoke, vm achishke. Mikmvt ilvppak osh Chihowa im anumpa ahli mak oke, vm achishke.

10. Mihma aiokpvchi la chī hosh iyi ya a hlipia li tok. Atuk ak o yvmmak ash ot, Ahah! ahnit chik yohmo kashke; tishu chitilau, chitibapishi, Chisvs nan isht im atokowa ieshi vhleha ibai achvfa sia hoke; Chihowa hak o aiokpvchi; Shilombish Holitopa yvt hopaii anukfoyukvt Chisvs nan isht atokowa ka anumpohonli yoke, vm achi tok.

11. Yohmi ma vba aholitopa yvt tiwa ma, yakeh! issuba tohbi hō pisa li tok; mihma yvmma o binili kvт, Ai ahli, mi-cha Na miha tuk vt ai ahlichī mak o hohchifo hosh, yvmmt nan ai vlhpiesa bano hō nan apesvt, tenvp ikbi yoke.

12. Nishkin vt luak libbi hō chiyuhmi ma, anonti iachuka lawa kvт noshkobo hā afoyua hatok; mihma i hohchifo hoh- lisso kvт lapali kia, kvna kia ik ithano hō, ilap ak bano tok.

13. Yohmi mvt issish isht humma anchi o ai anchi tok; mihmvt i hohchifo kvт, Chihowa im Anumpa, achi tok.

14. Yohmi ma vba aholitopa ai asha tuk vt issuba tohbi o binili hosh yvmmak ash okla iakaiya kvт, linen lapushki tohbi kashofa hō ai anchi tok.

15. Yohmi ma im itakha ya bvshpo falaia halupa hosh a kohcha na yvmmak o oklushi puta ka isht ahamba hi yatok; yohmi kvт tvli fuli yo yvmmak ash nan isht im apihisa hi oke; yohmi kvт oka paki atoba yo chohmit Chihowa Chitokaka nan okluha imaiya nan isht i nukkilli chinto ka isht a hvhlihinechi hoke.

16. Yohmi kut miko puta i Miko, mikmut chitokaka puta in chitokaka hohchifo hosh ymma im anchi, mikmut iyubi ita tuklo ka ai o holisso hoke.

17. Yvmohmi ma enchil vt hvshi a ai o hikia na pisa li tok: mihma ymmak ash ot chitolit tahpva mut, hushi puyuta; ymmut vba a helit itvnova moma kut, Hvchishno inli hosh mintit Chihowa chinto im opiaka ai impa oh ai itvnahá.

18. Yohmi kut miko vhleha nipi, micha kvpitni vhleha nipi, hatak ishtokaka nipi, issuba puyuta, mikmut kvna hosh ymma o binili tuk puyuta nipi, hatak moyuma, yuka keyu, micha yuka, yohmikmut ik alauwo, i shahli aiena ka nipi ya hvsh pa chi hoke, im ahanchi tok.

19. Anonti nampo a nukshopa yash ot, mikmut yakni paknaka a miko vhleha, mikmut in tvshka chipota vhleha aiena kut itahobvt taiyaha cha, issuba o binili, micha in tvshka chipota aiena ymmak ash in tanahampi na pisa li tok.

20. Yohmi ma nampo a nukshopa yash ot yuka tok; mihma hopai ilahobi yash ymmut na fehna puta ka ymma itikba ai yvmihinechi kut, ymmak o yvmihchi kak osh nampo a nukshopa isht in chuwa iesa tuk vhleha, mikmut ymma holbvt toba ya kvna hosh aiokpvchi yatuk puta ka yoshuhumbli tok. Ilvppak ash ot ita tuklot okchaya na okhvta hituk lakna isht ita luhvwa ka pit a kanchi tok.

21. Yohmi ma inlaka yatuk vto issuba o binili ymma i bvshpo falaia, ymmak osh im itakha ya a kohcha tuk mak o isht ihinli tok; mihma hushi puyuta kash ot ymma nipi yo isht a kaiya tok oke.

CHAPTER XX.

Setan vt talakchi na afvmmi tahlepa sipokni achvfa chi, 1; 6 illi yvt tani vmmona ymma ai ib abalaia hokvto na yukpa he; 7 chekosi takla ka Setan ashot i holhtofa he. 8 Kok micha Makok imma ho isht anumpuli. 10 Okhvta hituk lakna isht aluhvwa ho Setan amo pit itakanchi; 12 nan vlvpisa chinto isht aiyopi.

1. YOHMI ma enchil vt chiluk hofobi ont ai vñli iksho ash isht tiwa ieshi mvt, tñli itatakñli chito yosh ibbak a foyuka hosh vba ya a minti hō pisa li tok.

2. Mihma yvmmak ash ot sinti chilita chito yash, sinti sipokni, yvmmt nan isht ahullo, micha Setan mak o afvmmi tahlepa sipokni achvfa ka ona chī hō ishit yukachi tok.

3. Mihmt yvmmt himmakma oklushi puta ik yoshublo hō afvmmi tahlepa sipokni achvfa he tuk vt ont ai ahli ha yō, misha pilla hō chekosi itintakla ka i hlitofa hi o, yvmmak ash chiluk hofobi ont ai vñli iksho ash pit pilvt im okshita mvt, isht in chuwa on lapalichi tok.

4. Mihma ai o binili holitompa puta ka pisa li tok, mihma yvmma o binohmaya kv̄t nan ai apih̄sa he im vñhpisa tok: yohmi ma nampo a nukshopa, mikmvt i holv̄t toba aiena ka ik aiokpacho, mikmvt isht in chuwa yvt ilap ibitakla, ibbak aiena ka ik a lapalo hosh; Chisvs nan isht im atokowa, micha Chihowa im anumpa pulla hō noshobo hv̄t tahampa tok vñleha imi shilombish a pisa li ma, yvmmak ash ot okchaya cha afvmmi tahlepa sipokni achvfa ka, miko yō chohmit Klaist a ibai ahanta tok.

5. Amba illi inla maya tok okv̄to ik okchayo hō afvmmi tahlepa sipokni achvfa kv̄t tahak mak a hi atok. Ilvppak osh illit falamvt tani vmmona mak oke.

6. Illit falamvt tani vmmona ka kv̄na hosh ibahalaia hokv̄to, mihi yosh na yukv̄t holitopa: yohmi hokv̄no atukla illi vt nan isht i shahla he ik im iksho hoke; Chihowa, micha Klaist na holitompa isht im v̄tta vñleha ha chī, mikmvt miko yō chohmit ibai ahanta na afvmmi tahlepa sipokni achvfa chī hoke.

7. Yvmohmi tuk ma afvmmi tahlepa sipokni achvfa kash ot ont ataiyahakma, Setan ash ot aboha kv̄llo a ik akohchá, im ai ahna hi oke.

8. Yohmikmak o oklushi puta, yvmmak okv̄t yakni pakna akv̄shkova ushta ka ai asha Kok, micha Makok okla yvmmt holhtina kv̄t okhv̄ta alaka shinuk ai asha kak o chiyuhmi hō yoshubliñchit itahobi cha, tanahampa chī hosh akohcha hi oke.

9. Mihmvt yummak ash ot, yakni pakna a mominchit ilhkoli mvt, yummvt vbanumpuli ahli vheha i bina, mikmvt tmaha chito holitopa aiena ka okla ai apakfokahanchi; mihma luak osh Chihowa a mintit vba akohchvt vltv, yummak ash ishit vpa tok.

10. Yohmikma yumma yoshublichu tuk nan isht ahullo yvt okhvta hituk lakna isht ita luhvwa, yumma nampoa nukshopa, micha hopaii ilahobi aiena kash ot pit itvtula tok: yohmi kvt nitak, ninak aiena ka ai ilbahasha na bilia hosh bilia hi oke.

11. Yohmi ma ai o binili holitopa tohbi chinto, micha yumma o binili ita tuklo ka pisa li ma; yumma nashuka ya i filvmmitt yakni, mikmvt vba shutik ita tuklo kvt tamoa kvt, kanima yo a taloha he kia ik im iksho ki tok.

12. Yohmi ma illi, ik alauwo, micha i shahli pit aiena kvt ai o binili holitopa itikba hiohmaya ka pisa li tok; yohmi ma holisso puta kvt wakama tok; anonti holisso inla, yummak osh holisso ai okchaya mak osh wakama tok: mihma illi yash ot ilap nana a kaniohmi tuk puta, yummvt holisso ha a holihiso tok ilvppa puta ho isht ai im vlhpihisa tok.

13. Yohmi ma okhvta hvt illi puta, yummvt im aiasha tuk vt il ai a kocha welikma, anonti nan-illichu, micha illi ai asha mvt illi puta, yummvt im ai asha tuk vt il ai a kohcha weli na yummak ash ot ilap nana a kaniohmi puyulla tuk mak o hatak moma kash ot nan isht im vlhpihisa tok.

14. Mihma nan-illichu, micha illi ai asha yamo okhvta luak o pit itokaha tok. Ilvppak osh atukla illi mak oke.

15. Yohmi ka holisso ai okchaya ya a holisso tuk osh otvni keyu hokvto okhvta luak mak o pit a kvnia tok.

CHAPTA XXI.

Vba vmmona micha yakni vmmona ita tuklo ka Chan vt pisa, 1; 10 Chelusalem vba isht annoa ahli moma; 23 yummak oka hvshi vt a tomma he ahna he keyu, Chihowa im atohwikeli yak osh a tommi; 24 yakni pakna ai i miko puta kvt yummak o im aholitopa ya isht im ohvna.

1. **ŪBA** v̄mmonā, micha yakni v̄mmona ita tuklo kash ot ont ik ai iksho ma, anonti himak a pilla ma okhvta mvt ikshō ka chī hō vba himona, micha yakni himona ita tuklo hō pisa li tok.

2. Mihma Chan sia hvt tmaha chito holitopa Chelusa-lem himona Chihowa yā a mintit vba yā auet a kohcha kv̄t, ohoyo himita hatak auwaya chī hosh isht il a shema chatuk ak o chiyuhmi tok.

3. Yohmi ma anumpa ola chinto kv̄t vba aholitopa yā a kohcha na haklo li ma, yakeh! Chihowa hvt im v̄lhtipo yvt hatak puta ka ibafoyuka hatuk o, yvmmak o ibai ahanta chī, mikma im okla tobakma, anonti Chihowa ilap mvt yvmma in Chihowa hosh ibafoyukvt ahanta chī hoke.

4. Mikmvt Chihowa yvt yvmma i nishkin okchi puyuta ma im a kasholichit kaiyancha chī; mikma nana tikba tuk vt ont taiyaha hoka, himak a pilla ma isht ai illi, micha nanukhaklo, micha yahaya aiena kv̄t ik ai iksho ka he, mikmvt na-hotopa mvt ik ai iksho ka hi oke, ahanchi tok.

5. Yohmi ma ai o binili holitompa o binili yvmmak ash ot, Yakeh! nana moma kv̄t himona hō ikbi lishke, achi mvt, yvmmak ash ot, Anumpa ilvppvt aiahli, micha na miha ka ont ai ahla chī hoka holissochī, v̄m achi tok.

6. Atuk osh yvmmak ash ot, Ūlhtaiyahvshke; Alfa, micha Omeka, ai isht ia v̄mmona, micha ont ai v̄hli sia hosh, kv̄na hosh itukshila hokma, oka ai okchaya kv̄li hak o pilla ai ima la chī mak oke.

7. Kv̄na hosh nana ka imaiyachi tuk mak osh nana moma ka ai immi ha chī im ai v̄lhpiesa; mikma in Chihowa sia hokma, anonti ilap vt sv̄so ha chī hoke.

8. Amba na nukshopa, micha nan ik yimmo, i yuwala he v̄lhpesa kia yvmihchi, mikmvt hatak bika v̄bi v̄hleha, havi v̄hleha, mikmvt ikhish isht yushpakv̄mmi v̄hleha, na holbvt toba aiokpv̄chi v̄hleha, holabi puta a moyuma hokvto atukla illi mak osh okhvta yvmmak okvt hituk lakna isht ita luhvwa hō isht ai i palv̄mma chī hosh im v̄lhpisa he mak oke, v̄m achi tok.

9. Yvmohmi ma enchil untuklo kash ai ibai achvfa, yvm-

mak okvt kotobushi untuklo nan isht palvmmi ishtaiyopi untuklo kash isht alotowa hō ieshi hosh, vltv svt im anumpuli mvt, Mintí, himona nan auwaya Chukfvlhpobushi tekchi chí haiakvchi la chí hoke, achi tok.

10. Mihma shilombish o si anukfoyuka hō svst ia ma, nvni chinto chaha yō svst ona cha, tmaha chito, Chelusalem holitopa yvt Chihowa isht im aholitopa ai ishit Chihowa a mintit, vba aholitopa auet a kohcha mak o a haia-kvchi tok :

11. Mihma in tohwikeli hvv tvli holitopa fehna, tvli chaspa chohmi kak o hoyulba hosh, bvlancha kvv klistal o chiyuhmi tok ;

12. Mihmvt tvli yosh isht a holihta kvv chito, micha chaha ma, anonti okhissa yvt im auah tuklo ma, enchil mvt okhissa ya vlvpsvt auah tuklo kvv a hielí tok ; mihma yvma ai o holisso hohchifo kvv Israel okla it a kvshkova auah tuklo i hohchifo hatok.

13. I hvshi akochak-imma ya okhissa tuchina ma, i falvmmi imma ya okhissa tuchina ma, im oka-mahli imma ya okhissa tuchina ma, anonti i hvshi ai okvtulik-imma ya okhissa tuchina tok.

14. Yohmi ma tmaha chito a holihta ka in tolahpi auah tuklo tok ; mihma Chukfvlhpobushi im anumpeshi auah tuklo hohchifo hosh a lapanli tok.

15. Yohmi ma svt im anumpuli tuk yvmmak ash ot tmaha chito, micha okhissa, mikmvt a holihta aiena ka isht apesa chí kvv tvli holisso lakna nan isht vlvpisa yō ieshi tok.

16. Yohmi ma tmaha chito yvt a itilauia bat fullotvt bolukta ma, afalaiaka yvt chito kvv okhowataka ya itilauí tok ; mihma tmaha chito yash yvmmak ash ot nan isht vlvpisa yash isht apesa ma, kovi tahlepa auah tahlapi tok. Afalaiaka pilla, micha okhowataka pilla, mikmvt chaha aiena kvv ai itilauí bano tok.

17. Mihmvt aholihta kash o hatak i nan isht vlvpisa yō yvma enchil ash ot isht apesa ma, kubit tahlepa achvfa pokoli ushta akucha ushta tok.

18. Yohmi ma a holihta kvv chaspa tvli yosh toba hatok ;

yohmi hoka tumaha chito yvt tveli holisso lakna bieka ho
chohmi kvt apisa kashofa achukma ka chohmi tok.

19. Yohmi ka tumaha chito aholihtaka in tolahpi vt tveli
holitopa ilaiyuka puta ho isht a shema hatok; in tolahpi
vmmona kvt chaspa yatok; atukla kvt saffaia yatok; atu-
china kvt kalsetoni yatok; ai ushta kvt emelal atok;

20. Isht tahlapi kvt salonik atok; isht hannali kvt sativs
atok; isht untuklo kvt klisolait atok; isht untuchina kvt
belil atok; isht chakkali kvt topas atok; isht pokoli kvt
klisofasvs atok; isht auah achufa kvt chasinlh atok; isht
auah tuklo kvt amehlist atok.

21. Yohmi ma okhissa isht vllhkuma auah tuklo kvt pul
auah tuklo tok; okhissa isht vllhkuma achvfakma, pul achv-
fet ia tok; yohmi ma tumaha chito anukaka ya ai itynowa
yvt tveli holisso lakna bieka ho chohmit apisa shohkoali kak
o chiyuhmi tok.

22. Yohmi ma yumma anukaka ya tempel a ak peso ki
tok: Chitokaka Chihowa nana moma imaiya, micha Chuk-
fvlhpobushi ita tuklo hosh in tempel oka.

23. Mihma Chihowa im aholitopaka yosh a tohwikeli ma,
anonti yumma ai i pula hvt Chukfvlhpobushi yak atuk o,
hvshi, mikmvt hvshi-ninak-aya kia im a tomma hi a tumaha
chito yash ot ik bunno ki tok.

24. Yohmi ka oklushi puta yummak okvt okchaya mak
osh a tohwikeli ka ya ai itynohowa he; mikma yakni pakna
a miko vhleha atukmvt ilap im aholitopaka isht aiokpvehi
hosh ai vlvshke.

25. Yummak oka ninak vt iksho ka chi hoka, nitak moma
ka okhissa puta mvt ik okshilito kamohma hi oke.

26. Yohmikma oklushi puta im aholitopa, nan isht il ah-
ninchi aiena ma yumma anukaka ya isht ai vlvv chukowa hi
oke.

27. Mikma yummak oka nana kvt liteha, micha ai yuwala
he kia ai yohmi, micha na holabichi a moyuma hokvto ka-
niohmi kia a chukowa himma keyu hoke; amba Chukfvlh-
pobushi i holisso ai okchaya kvna hosh a holisso tok ak ba-
na hi oke.

CHAPTER XXII.

Oka ai okchaya okhina, 1; 2 ai okchaya iti. 5 Tvmaha chito i pula hvst Chihowa ilap fehna kak inli: 9 ilap a aiokpvcha hi a enchil vt ik imahno. 14 Tvmaha chito ash anykaka ai anta hokvto holitopa, amba kocha yo asha tuk okvto nan i palvmmmit vltakshi: 16 anumpa ai okchaya ya nana ho isht achakvla he keyu, mikmvt kamimihchit ai ishit anumpa ha ishit kancha he keyu.

1. ANONTI ai okchaya okhina kashofa achukma, shohkoali klistal ak o chiyuhmi hosh Chihowa, micha Chukfvlhpobushi ita tuklo im ai o binili holitomp a ak o akohoncha mak o, yvmmak ash ot a haiakvchi tok.

2. Okhina itahlakla ai itvnowa, okhina ititakla, iti ai okchaya yvt a hiohli kvst, auah tuklo ha nan-vnit waya beka kvst, hvshi achvfa aiyyukakma vnit wahaya hoke; yohmi ka iti yvmma hishi puta hokvto oklushi moma isht a hlakofi mak oke.

3. Yohmi ka yvmmak oka himak a pilla ma na palvmmi kvst ik ai iksho ka he; amba Chihowa, micha Chukfvlhpobushi ita tuklo im ai o binili holitomp a yosh a hikia na yvmma in tishu vhleha hosh aiokpahancha hi oke.

4. Yvmohmikmvt yvmma nashuka ya okla pihisa he; mikma yvmma i hohchifo hosh ibitakla puta ma a lapanla hi oke.

5. Mikma ninak vt yvmmak oka iksho ka he; Chitokaka Chihowa yosh in tohwikeli hoka, pula, mikmvt hvshi tommi aiena ka okla ik bvno hosh, miko yo chohmit okla ahanta na bilivt bilia hi oke.

6. Yohmi ka anumpa puta ilvppvt ai ahli, micha nana miha ka ont ai ahla hi oke; yohmi hoka hopaii holitopa vhleha in Chihowa Chitokaka yvt, nana kvst chekosi ont ai yvmohma chi yvmma in tishu vhleha im otvnihincha chi ka im enchil a auct chvffichi tok.

7. Yakeh! chekosikma vla lishke; holisso ilvppa tikbanli nan ai anohowa anumpa puta tuk a kvna hosh holitobli kak osh na yukpvshke, yvmmak ash ot vm achi tok.

8. Yohmi ma Chan sia mak osh nana ilvppa puta ka pisvt haiyaklo li tok: yohmi mvt pisvt haiyaklo li mvt, nana ilvppa puta ka vm otvninchi tuk, enchil a aiokpvchi la chi hosh iyi itikba ya hlipia li tok.

9. Yohmi ma, Ahah! ahnit chik yohmo kashke; tishu chitilau, micha chitibapishi hopaii vhleha, micha holisso ilvppa ai anuhumpa tuk a holitobli vhleha ai ibachvfa sia hoke; Chihowa ak o ish aiokpvchashke, yvmmak ash ot vm achi tok.

20. Mihmvt nitak vt ai ona hosi hoka, holisso ilvppa tikbanli ai anohowa tuk anumpa puta ka chik ashvnicho kashke.

11. Kva hosh nan ik ai vlpieso hokvto, mihi yosh ik ai vlpieso kv ik imoyumá; mikma kva hosh liteha hokvto, mihi yosh liteha kv ik imoyumá; mikma kva hosh ai vlpiesa hokvto, mihi yosh ai vlpiesa kv ik imoyumá; mikma kva hosh nan ai ashvchika ik im iksho hokvto, mihi yosh nan ai ashvchika ik im iksho kv ik imoyumá, vm achi tok.

12. Atuk osh yakeh! chekosikma vla lishke: yohmi kv hatak moma kv ilap nana a kaniohmi yvt kaniohmi aiyukali ho nana ka isht im atobbi la chi kv il ai ishi lishke.

13. Alfa, Omeka, ai isht ia vmmona, ont ai vli, vmmona, ont ishtaiyopi sia mak oke.

14. Kva hosh im anumpa vlpisa puta ka holitobli hokvto na yukpvshke: yohmi hok mak osh iti ai okchaya isht im ai vlpiesa hosh okhissa ont a hlopullit tumaba chito yash chukowa chi hoke.

15. Akochanli yak okvno off, ikhish isht yushpakvmmi, hau, hatak bika vbi, na holvvt toba aiokpvchi; mikmvt kva kia il imi holabichi kv isht im achukma a moyuma kak osh ai asha yoke.

16. Ilvppa puyuta ka atokolit chvch a hiohli puta ka a hvchim anohonla chi hoka, Chisvs sia mak osh vm enchil a chevffichi li tuk oke. Vno ak osh Lewi a minti hakshish filaminchi yosh anonti unchululi, mikmvt shohpakali onnabinli fochik sia mak oke, ahanchi tok.

17. Yohmi ma Shilombish Holitopa, micha Klaist himona

nan im auwaya ita tuklo kash ot, Mintí, achishke. Yohmi ka kva hosh haiyaklokmvt, mihi yosh, Mintí, ik achí. Mikma kena hosh itukshila hokmvt, mihi yosh ik mintí. Yohmi ka kva hoh kia bunnakmvt, mihi yosh pilla oka ai okchaya ya ik eshí.


18. Holisso ilvppak oka tikbanli nan ai anohowa tuk anumpa puta ka hatak vt haiyaklo tuk moma im atokowa lishke: nana yakohmi tuk a hatak vt nana kia ibafohkit achakalikma, na palvmmi yummvt holisso ilvppa a holihiso tuk a yummak ash o Chihowa hvt isht im achakala hi oke.


19. Mikma hatak nana hosh tikbanli nan ai anohowa tuk holisso ilvppa anumpa puta hatuk a kaniohmichit isht a kanchi hokma, ilap vt holisso ai okchaya, micha tvmaha chito holitopa yash, mikmvt nana kvv holisso ilvppa yumma isht a holisso tuk puyuta ka ahalaia hatuk a yummak ash Chihowa hvt isht kancha hi oke.


20. Ilvppa puyuta ka atokowvt otvninechi mak osh, Chikosikma vla lishke, achishke. Amen. Chitokaka Chisvs ma! ik yvmohmí, ish lashke.

21. Pin Chitokaka Chisvs Klaist nan isht i kana yvt hvsh moyuma ka hvchi anukfoykashke. Amen.


THE END.








7/26
26
345
1601
1854







AYER

Choctaw

10 -

